

R



Phys. m.

3072

Ex donat. Molliana.



R

Ex libris J. B. Tatio—



# HISTOIRES.

DISPVTES ET DIS-  
COVRS, DES ILLVSIONS ET IMPO-  
stures des diables, des magiciens infa-  
mes, forcieres & empoisonneurs : Des  
enforcelez & demoniaques, & de la gue-  
rison d'iceux : Item de la punition que  
meritent les magiciens, les empoison-  
neurs, & les forcieres.

*Le tout compris en SIX LIVRES (augmen-  
tez de moitié en ceste derniere edition) par  
JEAN WIER medecin du Duc de Cleues.*

DEVX DIALOGVES DE THO-  
MAS ERASTVS Professeur en medecine à  
Heidelberg, touchant le pouuoir des forcieres:  
& de la punition qu'elles meritent.

*Avec deux indices : l'un des chapitres des six livres  
de Jean Wier : l'autre des matieres notables conte-  
nues en tout ce volume.*

POVR IAQVES CHOVET.

M. D. LXXIX.

*J. V. Milla*



<36611229210013

<36611229210013

Bayer. Staatsbibliothek

Bayerische  
Staatsbibliothek  
München



P R E F A C E D E I E A N

*Wier au lecteur, touchant l'argu-  
ment de ses liures.*

**I**E confesse, certainement, que i'ay  
entrepris vne chose mal-aisée &  
difficile, laquelle surmonte mes  
forces, en ce qu'estant sorti en pu-  
blic, i'ose bien cōbatre les esprits trompeurs,  
les Luttons, & les princes de ce monde: veu  
qu'ils ont des moyens infinis pour tromper,  
tant de destours & tant de cachettes reculees  
pour eschaper, pouuans en tant de façons  
tromper nostre lourdisse à raison de la subti-  
lité de leur essence, la vistesse de leur mouue-  
ment, l'usage de leur vie treslongue & la mau-  
uaistié de leur volonté: tellement que lon se  
void manifestemēt trompé & deceu, nonob-  
stant tous les moyens par lesquels on les pen-  
se assaillir. Or encor<sup>e</sup> que ie sache bien ces  
choses estre vraies, toutesfois ayāt esté nour-  
ry en vne autre escole & endoctriné par au-  
tres precepteurs & enseigneurs que ne fut pas  
Platon, chez ces superstitieux Egyptiens &  
prognostiqueurs Memphitiques: ou biē Pro-  
cle aupres de Marc, esclaue du diable: i'ay  
apprehendé la doctrine du Createur du ciel  
de la terre, & de toutes les choses qui sont en  
icelles, par le conseil de S. Paul, vaisseau d'ele-  
ction & guerrier inuincible es choses celestes  
contre les finesses spirituelles: & ce par les  
mains asseurees de la ferme foy. Et par mes-  
me moyen aussi i'ay empoigné la parole de



# P R E F A C E

Iésus Christ, ( au nom duquel les genoux de ces esprits sont fleschis, & au commandemēt duquel ils sont chassez plus soudain ) laquelle parole est le glaive de l'esprit trenchant des deux costez, pour essayer ce que ie pourray faire en la clarté, m'aidant du rayon de la diuine lumiere & de la force de raison cōtre les Princes & gouuerneurs des tenebres de ce monde, principalement en ceste espece de tromperie, par laquelle iusques à maintenant ils ont obscurci les yeux des hommes avec des espais ses nuées : tellemēt que plusieurs ont ignoré, comme marchās à tastons au milieu de ces tenebres, de quel costé ils se doyuent retirer pour estre à seurté.

*Qui a es-  
meu l'au-  
teur d'es-  
crire ces 6.  
liures.*

CES tenebres ont esté le labyrinthe des enchantemens, à cause duquel i'ay entrepris cest œuure, afin qu'ayant trouué quelque fil, ie peusse monstrier vne toute autre voye pour s'en retirer, que celle que i'ay veu estre suyvie iusques à maintenant. Et afin que la suite du langage n'engendrast quelque obscurité, ie l'ay diuisé en six liures, tellement toutesfois que son ordre s'accorderoit commodement à chacune de ses parties, tout ainsi qu'il se fait en l'œconomie & distribution d'vne chose bien entreprise.

*Le premier  
liure trai-  
te de l'im-  
posture &  
tromperie  
des diables*

Or pour autant que tout cest afaire est entrelassé de l'imposture & trōperie des diables: afin de preparer le lecteur à l'intelligence des choses qui seront traittees es liures suyans, i'ay descrit au premier liure que c'est que le diable, quelle est son origine & cōmēcement, quelles



# P R E F A C E

quelles ont esté les premieres fallacieuses entreprises, quels ont esté les pernicioeux progrès & auancemens depuis Eue, & depuis le commencement des choses iusques à ce temps. Item quel est son pouuoir, quelle son impuissance, & quelles sont les limites que Dieu luy a ordonnees, outre lesquelles il ne luy est permis de passer.

D E là voulât monstrier les choses qu'il fait par le moyen de ses esclaués, ie passe aux magiciens infames, lesquels à l'aide des diables mettent diuersemēt au deuant de nos yeux, & ce de leur propre malice, toutes impostures, & par diuers masques de leurs deuinations trompent les autres, & souillent vilainement par leurs impostures sataniques les diuins enseignemens de la medecine.

I E separe au troisieme liure les magiciens d'auec les sorcieres, lesquelles estans (à cause de leur sexe) inconstantes, douteuses en la foy, non assez rassisées de leur esprit à raison de leur aage, sont beaucoup plus suiettes aux tromperies du diable, lequel s'insinuant & meslant en leur imagination, soit en veillant, ou soit en dormant, leur phantastique toutes formes & aparitions, esmouuant les humeurs & les esprits vitaux pour acomplir ses finesces, d'une telle dexterité & adresse, qu'elles ne sauēt autre chose confesser, sinon qu'elles ont fait les choses, executees toutesfois par le diable, suyuant la permission & volonté de Dieu: & que elles sont cause des calamitez auenues aux hommes, ou aux bestes, ou des meschancetez



## P R E F A C E

pourpensees, ou des maux suruenus selon l'ordre de nature, tout ainsi que nous voyons auenir que l'esprit est blessé, troublé & rempli de diuerses phantasies & apparitions en ceux qui ont le cerueau brouillé par la melancholie, ou par les vapeurs d'icelle. Elles n'ont aucuns liures, nuls exorcismes, caracteres, ou semblables môstres, cōme ont les magiciē infames: & n'ont nuls autres precepteurs ou enseigneurs que leur propre esprit gasté par le diable, ou leur imagination corrompue. Pour ces causes chacun pourra voir aisēmēt qu'elles sont beaucoup differētes d'avec les magiciens infames: car les magiciens sont ordinairement gens doctes & auisez, mais curieux, lesquels souuentefois font de longs voyages pour apprendre l'art magique, à celle fin qu'à tout le moins ils se vantēt de quelques impostures & trōperies es choses qui sont par dessus l'ordre de nature. Et celles ci sont femmes ordinairement, vieilles radotees, & retirees en leurs maisons, dedans la fantaisie desquelles, comme estant toute endormie & conuenable organe ou siege acōmodé à ses œuures, le diable, qui est esprit, se coule facilement: & principalement si elles sont malades de melancholie, ou bien si elles sont attristees & en vn desespoir extreme. Il ne les trōpe pas tant par ses impostures, cōme il leur imprime en la fantaisie qu'elles sont cause de toutes les infortunes des hōmes, des calamitez & des morts ce qu'il fait par telle vehemence, qu'elles ont opiniō comme i'ay dit, d'auoir commis toutes



# P R E F A C E

tes ces meschâcetez, tant grâdes elles soyent, desquelles toutesfois elles ont esté fort eslongnees, & en sôt du tout intoulpables. Je les ay aussi distinguees & separees d'avec les empoisonneurs q̄ les Grecs nômēt *Pharmakeues*, les <sup>Les empoisonneurs.</sup> quels blessent les hōmes, ou le bestail par des venins baillez par la bouche, ou apliquez sur le corps, ou cachez en quelques endroits, si biē qu'ils puissēt blesser par leur vapeur & fumee. Ainsi conoistra-on qu'il y a grande difference entre les magiciēs infames, les forcieres & les empoisonneurs, desquels toutesfois iusques à maintenant, on a parlé, disputé, & iugé comme si c'eussent esté mesmes personnes.

A fin aussi que lon entēdist ces choses plus aisément, ie parle au quatriesme liure de ceux <sup>Le quatriesme liure traite des enforcelees & demoniaques.</sup> lesquels on pense estre trauaillez par les sortcelleries des forcieres : monstrant qu'ils sont tourmētez par les diables ou possédez d'iceux suiuant l'occulte permission de Dieu, & sans aucune cooperation des forcieres, ou d'autres hommes.

De là suyuant l'ordre conuenable ; i'escri <sup>Le cinquieme liure traite de la guerison des enforcelees & demoniaques.</sup> au cinquiesme liure de la guerison de ceux que lon pense estre enforcelees & demoniaques : ceste guerison toutesfois est autre en tout & par tout, que celle qui a esté pratquee iusques à maintenant. Je refute les erreurs par autorité de la saincte Escriture, & par viues raisons : puis ie chasse hors toutes guerisons illicites controuuees par le diable, pour l'establissemēt de son regne, lesquelles se font par coniurations defendues, caracteres,



## P R E F A C E

liaisons, colliers, ou billets pendus au col, par anneaux, signets, images, & par telles & semblables furies infernales. Ce que ie fay, afin que les esprits des hommes repurgez de ces ordures, ayent doreſenauant recours en toutes leurs afflictions aux moyens ordinaires que Dieu a eſtablis, leuans les mains pures vers le ciel: & auſſi que les ſacrez remedes de la medecine ſoyent appliquez en ceſt aſaire ſans corruption, & avec vne conſcience plus pure. Qui a eſté le principal but de toute la peine que i'ay entrepriſe en ceſt œuvre.

Dauantage eſtant quelque temps arreſté & occupé, plus que lon ne ſauroit eſtimer, d'un penſement profond, & grieuement tourmenté de ce que ie voyois ces pources vieilles radottes, trompees par le diable, n'ayans commis aucun forfait particulier (ie ne parle point de celles qui empoisonnent) eſtre toutesſois en pluſieurs lieux ſi cruellemēt & incōſiderēmēt precipitees & iettees ſans aucune pitié dedans des cachots obscurs & vilains, qui ſont comme les retraites des esprits horribles & la demeure des diables: & de là eſtre tirees pour eſtre menees aux tortures, & en fin iettees dedans les flammes deuorantes: voyant auſſi que lon s'arreſtoit à la propre confeſſion de ces pources vieilles inſenſées: que lon ne mettoit pas aſſez grande difference entre les ſorcieres & les empoisonneresses: que les magiciens & ſacrileges, qui eſtoient grieuemēt punis ſous la loy de Moyſe, conuerſoyent auioird'huy impunément, voire avec louange, entre pluſieurs



## P R E F A C E

seurs : ie n'ay peu pour toutes ces raisons tât à cause de l'œuure entrepris, qu'estant poullé par l'instinct de ma conscience, ie n'aye aiousté mon opinion avec ces cinq liures, & declaré au sixieme, qui est comme vn accessoire aux precedens ce que ie pense, & sur quelques raisons apuyé, ie donne auis touchant la punition des magiciëns infames, lesquels avec Simon & Elymas diuertissent les hommes de la verité de Iesus Christ, & troublent l'estat public lors qu'il est en paix. I'y ay adiousté aussi ce qu'il me sembloit que lon deuoit observer en la punition des forcieres seduities par le diable, comme estans tourmentees de melancholie, & non heretiques. Car l'esprit des heretiques doit estre apellé plustost opiniastre que troublé. En fin i'ay adiousté la punitiõ des empoisonneurs, en laquelle on donne lieu à la loy de Moyse, publié selon la volonté de Dieu, lequel a esté traduit en Grec par les septante anciens, & comme expliqué en la diuerse significatiõ des mots Hebrieux: Vous n'endurerez point viure les empoisonneurs, ou comme les Hebrieux disent, les empoisonneresses.

*Le sixiesme liure  
traite de  
la punitiõ  
des magi-  
ciens, em-  
poisonneurs  
& forcie-  
res.*

*Edict de  
Moyse con-  
tre les em-  
poisonne-  
resses.*

QVE les magistrats & Iuriscounultes ne pensent que ie leur vueille imposer loy en ceci: car ie proteste deuât Dieu que ce n'a point esté mon intention. Mais au contraire ie m'offre & prie que ceste mienne entreprise soit seulement espluchee & considerée d'un œil pur & ouuert de l'esprit, par les plus prudents & gens de bien, plustost que par ceux



## P R E F A C E

qui auront conclu de defendre, par affection & sans aucune consideration, vne opinion en racinee des long temps. Ceux qui reconoistront que i'auray fait vne chose vtile & profitable, prendront en bonne part ceste mienne franche liberte: & ceux qui penseront le contraire, pardonneront à celuy qui a voulu bien faire. Cependant ie desire que sans aucun preiugé, lon face conference des arguments, dont ie m'ayde en tout cest œuvre; lors qu'on voudra lire le *Speculateur* & *Iean And.* au tiltre des *Sorcieres*, ou les *Summistes Hostiens.* *Godfrid.* *Reiner* au somm. des *sortcelleries*: *Canon* in c. 1. & 2. vbi *Alb.* post *Ioh. And.* de *fortil.* in *antiq.* *Alb.* conf. 55. 1. vol. incip. *Casus talis.* *Oldrad.* conf. illo. 210. incip. *Regularis*: ou bien les modernes post *gl.* in c. *accusatus.* §. de *hæretic. initiis*: *Alber.* de *Rosatis* en son dictionnaire sur le mot *sortilegium* Ou *Boniface* de *Vitalin.* in tit. de *sortilegiis* in *tractatu criminalium.* ou *Matth.* de *Afflict.* in *constitution.* *Neapolit.* des mauuais & domageables *medicamēs*, partie troisieme. Item son auditeur *Grilland*: ou bien le 2. liure de *Syluestre Prierats* de *Strigomagis*: ou *Bonauent.* super 3. senten. Le lecteur equitable & non affectonné conoistra manifestement par la conference de ces liures, sur quels fondemens les autres ont apuyé leurs escrits.

Au reste, il n'est point besoin que ie parle dauantage de la matiere traitee en ces liures; dautant qu'elle concerne la doctrine de verité, le repos de l'Eglise de Christ, & l'utilité du pro-



## P R E F A C E

prochain. Elle est aussi telle, qu'encores qu'elle aye rencontré en moy vn rude ouurier, si est-ce qu'elle ne laissera pas pour cela de se faire soy mesme conoistre & se pouuoir rendre recommandable à chacun: principalemēt à raison de plusieurs choses descouuertes en lumiere, lesquelles iusques à maintenant ont esté inconnues, ou bien cachees par obscurité. Je say bien toutesfois que lon auoit acoustumé anciennement entre les Grecs, de dire (par maniere de prouerbe) aux hommes, qui s'estoyent mal aquitez en vne chose grande & excellente de soy mesme: La matiere, disoit-on est fort bonne, si elle eust rencontré vn bon ouurier: mais de ma part ie laisse en la liberte de chacun de iuger selon que bon luy semblera, de l'œuvre de l'artizan. Car quant à moy, tout ainsi comme ie ne crain la censure de ceux qui veulēt tout reprendre, ni quelque subtil Aristarque ou seuerer Caton, si ie la merite: aussi ne suis-ie pas grand recercheur du bruit commun & faueur populaire, ou d'autre telle louange, estant apuyé sur ma bonne conscience, par laquelle i'ay entrepris la perfection de ce mien ouurage. Le iour viendra au quel le Seigneur donnera la louange deuë à celuy qui l'a merité: & de ma part i'auray attein le comble de mes desirs, si ie voy que la gloire du Seigneur accroisse, & que la tyrannie de Satan diminue.



IN IOANNEM WIERVM

ILLVSTRISS. CLIVORVM DVCIS

Archiatrum.

E. CAROLI VTHENOVII F.

Allusionum Lib. I.

EPIGRAMMA.

*Ille VIA totatotoque ERRARE videtur*

*ERRO vagus caelo, docte WIERE mihi,*

*Qui Paracelsista latians sub nomine secta,*

*Nomen ab ERRANDO credidit esse tibi.*

*Ni quod ABERRANTES recto de tramite, rectam*

*(Ceu Paracelsistas) cogis inire viam.*

*Nam neque cognomen tibi DEVIVS indidit ERROR*

*Quem neque transversum DEVIVS ERROR agit.*

*Non VIA Tartarei que fert Acherontis ad undas*

*Latior: angustum dat tibi nomen ITER.*

*Fit VIA VI que nos supera ad conuexa polorum*

*Ducit, & acclini surgit in astra VIA.*

*Tu modo qua ducit VITAE VIA, perge, beata,*

*VI que tibi caelo sterne WIERE VIAM.*

*Sis fueris Latia VITAE que VIAE que CYPIDO,*

*Argolicaque BIOY voce WIERVS ΕΡΩ Σ.*



# LE TRANSLATEVR AVX

Leçteurs, Salut.

**L** y a neuf ans passez que cinq liures de l'imposture des diables prins du latin de Iean Wier, & traduits en François par Iagues Greuin, furent imprimiez à Paris. Depuis est auenu que l'auteur a tellement reueu son œuvre, qu'il l'a augmenté de la moitié, & disposé toutes choses par le meillour ordre qu'il a iugé conuenable pour l'intelligence de la matiere qu'il traite. Or voyant plusieurs histories, disputes & discours en iceluy qui meritoient de sortir en lumiere, j'ay estimé faire plaisir à nos François de leur presenter en leur langue, ce que Greuin auoit premierement traduit, vn peu adouci & ragencé, puis le reste qui estoit en Latin meslé ça & là par les cinq liures, auxquels y en a vn sixieme aionsté. Enquoy ie me suis porté le moins ineptement qu'il m'a esté possible. Reste de dire qui m'a esmeu de mettre la main à tel ouurage. Car aucuns estiment qu'il ne faut aucunemēt disputer des matieres ici contenues, veu que ce sont choses dont la resolution est assez scabreuse: & que souuentes fois tel y pense voir bien clair, & en veut discourir, qui se rend ridicule. Les autres au contraire en font la conclusion, mais ils sont de deux sortes directement repugnantes: car les vns estiment que les sorcieres ne doyuent pas estre traitees si rudement: les autres maintiennent qu'elles meritent le supplice de mort, alleguans l'autorité des loix Diuines & humaines. De ce differēt les quatriesmes inferent qu'il en faut laisser la decision



## EPISTRE.

*aux magistrats, qui selon leur prudēce administrēt iustice pour le repos public. Cela fait qu'on dispute diuersement du fait des sortieres, & se treuue peu d'hommes, qui ayent quelque iugement, qui ne fassent des discours à part sur ceste matiere.*

*O R selon l'auis des premiers, i'auray mal fait de presenter vne dispute des choses qui valent (à leur auis) mieux teuës que dites. Il leur faut donc satisfaire en vn mot auant que passer outre. Ce qu'ils alleguent que ceste dispute est scabreuse, est receuable, non pas en tout & par tout: car encores que les impostures & illusions de l'ennemy de nostre salut soyent enuelopees, si est-ce que ceux que Dieu veut esclairer peuuent voir à trauers & les descouurir aux autres. Vray est que tous Chrestiens n'ont pas vne esgale mesure des dons de Dieu, & l'esprit de discretion est donné en plus grande abondance à quelques vns. Mais quand il auient que quelqu'un descouure quelques stratagemes de Satan, dissipe ses tenebres, & discourt sur des matieres qui donnent occasion aux personnes de reconoistre leur foiblesse pour recourir à Dieu, & s'appuyer en sa misericorde: i'estime que cela est receuable. Les vns combattent, l'atheisme, l'epicurisme, l'impieté: les autres font la guerre à l'idolatrie, superstition, & à diuerses profanations du Nom de Dieu: les autres taschent de couper les testes du monstre de vices, & chacun d'eux tend en cest endroit à destruire les œuvres du diable, & merite louange, pour un si saint trauail. Si quelques autres monstrent les efforts de Satan qui veut aneantir la gloire de Dieu en ce fait des sortieres, pourquoy condamnera-on telle*



*telle entreprinse? l'accorde que la matiere n'est pas seulement scabreuſe, mais difficile & fort enuoloppee: item que pluſieurs voulans en decider ont fait autant que ſ'ils n'euffent dit mot, & enſt mieux valu qu'ils ſe fuſſent reſoſez, Mais ie deſire qu'on liſe auant que iuger. Car ſi quelques vns ont diſcours mal à propos ſur ce ſuiet, il ne ſ'enſuit pas qu'on doye reietter les autres qui en voudrôt dire leur auis puis apres: car il auient ſouuent qu'un homme de peu d'autorité pourra bien & doctement reſouldre vne difficulté, laquelle aura tourmenté pluſieurs beaucoup plus habiles que luy au demeurant. Quand on aura leu ceſt œuvre qui eſt préſenté, qu'on iuge lors d'ice-luy avec modeſtie & raiſon. Au reſte, ſ'il fut iamais temps de veiller & ſe donner garde des embuſches du Prince de ce mando: ſi iamais les gens de bien ont deu ſe ſouuenir qu'il ne demande qu'à ſeduire & denorer: c'eſt maintenant.*

*M A I S* dira que lequ'un, à qui pourra on adiouſter foy en ceſte queſtion, veu que les auis de ceux qui en diſputent ſont directement contraires? Quant à moy tant ſ'en faut que i'en aye voulu dire ce qui m'en ſemble, que pour ne preiudicier aux parties qui en debatent, j'ay conioint les raiſons de l'une & de l'autre, Et combien que Iean Wier qui maintient que celles qu'on appelle communément ſorcieres, doyuent eſtre traitées moins rudement, ait eſcrit fort au long ſur tout ce qui depend de ceſte queſtion: au contraire Eraſtus propoſe ſuccinctement un auis contraire: pour la longueur de l'un ie n'ay voulu faire preiudice à la briue-  
ré de l'autre, laiſſant au lecteur le iugement ſur



## EPISTRE.

ces deux plaidoyez, desquels ie pense qu'il sera aisé de tirer une bonne resolution, quand d'un esprit rassis on examinera & confrontera les argumens & raisons des deux contendans. Quant à Wier sa preface mōstre de quelle affection il a esté mené, & ce qu'il declare sur la fin, où il permet au lecteur d'asseoir iugement sur ces liures, le fait connoistre assez, sans qu'un autre responde pour luy. Erastus aussi en sa preface sur le deuxieme dialogue descouure suffisammēt de quel esprit il est guidé en debatant ceste question. Je serois temeraire d'en vouloir prononcer la sentence, veu que ie ne ferois pas seul accepté arbitre, & la briefueté de cest aduertissement ne respondroit pas aux argumens de celuy que ie condamnerois. Qu'un chascun en iuge, selon que Dieu luy donnera à connoistre la verité, en regardant au but, qui est de se destourner de Satan pour adherer à Iesus Christ.

VRAY est que la conoissance & decisiō de tels faits appartient proprement aux Magistrats: ausquels aussi la lecture de ce volume apportera contentement comme i'espere. Mais comme les particuliers s'esioiussent d'entendre que les iugemens donnez contre les brigands & autres tels malfauteurs sont fondez sur les loix diuines & humaines & ne mesprisent pas les discours qui leur en peuuent estre presentez: aussi cuide-ie que ces liures ne nuiront à personne. Il semble routesfois que beaucoup de choses curieuses, ou trop gayer, ou peu honnestes, & partant indignes d'estre presentees aux Chrestiens, y soyent contenues: Item que quelques particuliers y sont trop vaine-  
ment taxez. La dispute sur ce point requiert ne-  
cessaire-



## EPISTRE.

ceffairement qu'on touche à quelques questions qui de prime face semblent curieuses voirrement: mais tout considéré on verra aisément que la curiosité (si aucune y en a) est adoucie par aduertissemens salutaires.

QUANT à quelques discours vn peu gais ou peu honnestes, ie m'asseure auoir tenu telle mesure en la version françoise, que ce qui à l'auanture estoit dit plus librement en Latin, a esté tellement agencé, que nul, (s'il n'est du tout retrigue & par trop chaouilleux) n'aura occasion de s'offenser. Il a esté impossible de descouurir les impostures de Satan & de ses instrumens que quelques traits ou gaillards ou piquans ne soyent eschapez: mais cela ne se rencontre pas souuent. Et quant aux particuliers, vray est que quelques Empyriques, Triacleurs, Exorcistes, Iuges inconsideres, y sont touchez en quelques endroits, mais les gens de bien ne s'offenseront aucunement de cela. Il a esté tousiours permis de condamner les fautes des particuliers, pourueu que les legitimes vocations soyent reconues de Dieu.

Au demeurant, ce qui m'a esmeu en ce temps de mettre ces histoires, disputes & discours en lumiere, a esté le desir de proufiter au public, en presentant à ceux qui desirent entendre par où il faut entrer & sortir quand telles questions se debarent, quelque moyen pour se resoudre. Car on a acoustumé d'en discourir assez promptement, & tombe on souuent esfois au dâger taxé par le cōmun proverbe, qui dit, que de fol inge procede brieue sentence. Afin dōc que, cōme aussi il le merite, ce qui se peut conoistre de ces matieres fust bien espluché, ne



sachant hōme qui en eust escrit si expressément & plus amplement que Wier, i'ay commencé par luy, prenāt sa derniere edition Latine imprimee depuis quinze mois en ça, augmētée de moitié, & reueuë soigneusement, à laquelle i'ay adiousté deux dialogues d'Erastus, qui luy respond par expres touchant le pouuoir & la punition des sorcieres. Ce sont les deux points dot ils ont diferent ensemble. I'ay pensé que cela suffiroit pour le present, tant pource que ce volume est de iuste grosseur, que pour ce que Wier & Erastus ont compris tout ce que plusieurs autres de nostre temps ont escrit pour & contre les sorcieres, Sachez aussi (Lecteurs) que ie n'ay pas voulu vous donner du passetemps par la consideration des histoires admirables & prodigieuses mises en auant, ni par quelques contes fabuleux meslez à la trauersé: ains en vous proposant Wier qui descouure les fallaces de l'ennemi de nostre salut, ie vous prie que vous y apreniez, par la consideration de ses ruses & efforts, à vous aprocher de Dieu par vraye foy & repentance, à fin que cest esprit immonde & furieux s'enfuye de vous: & qu'aussi vous puissiez paracheuer vostre course en repos de conscience, prians pour ceux qui sont es liens du malin, à ce qu'ils en soyent despestrez, pour seruir d'un mesme acord à nostre pere celeste, en la vocation à laquelle nous sommes appelez, iusques à ce qu'il nous ait retirez hors des tempestes de ce monde en la vie eternelle & bienheureuse. Ainsi soit-il.



# INDICE DES CHAPI-

TRES CONTENVS ES SIX

liures de l'imposture des  
diables,&c.

*Le premier nombre signifie le chapitre, le second  
monstre la page.*

## LIVRE I.

- I De l'origine du diable, du temps de sa creation, de son essence,& de sa cheute 1
- II Quels Theologiens ont escrit de la cheute des diables, de la cause d'icelle, de leur nature,& en quels endroits de leurs liures cela se trouue 4
- III Pourquoi, & en quelle maniere le diable trompa Eue,& corrompit premierement le monde 7
- IIII Ce que le diable a machiné au commencement du second monde en ceux de la race de Noe, & en quel temps la magie infame commença 10
- V Comment les diables ont voulu estre estimez dieux & presider sur les pays: & du denombrement de leurs noms, selon leur charge. 11
- VI Des dieux de chascque province: de l'idolatrie des Grecs: de l'institutiō des dieux des Romains: du nombre des sacrifices. Item cōment l'idolatrie est entree parmi le peuple de Dieu 14
- VII Des sacrifices du sang humain inuentez par le diable: celebrez entre le peuple de Dieu, entre les Grecs, entre les Romains, & ailleurs. Itē des prognostications prinſes des entrailles des hommes sacrifiez 19
- VIII Des faux prophetes du diable, des Enthusiastes, des femmes pythiennes, & de plusieurs Sybilles 23
- IX De la mesme & pareille adoration du diable en diuerſes regiōs fort esloignees les vnes des autres: & en combien de sortes il se iouē en la Chrestientē 25
- X Doũ vient que les diables peuent faire des choses si esmerueillables, & principalemēt d'oū vient qu'ils peuent predire les choses à venir 30
- XI Les diables ont conu Iesus Christ deuant les Apostres, & la cause pour laquelle il estoit enuoyē. Item pour quelle raison il fut tentē du diable. 34



# INDICE

- xii. Plusieurs pratiques du diable & quelques vnes  
de ses œuures briefuement descrites 37
- xiii. Il est monstre par le formulaire dont les pre-  
stres se seruēt pour interroguer les esprits malins, a-  
uec quelles impostures le diable se mocque des pre-  
stres en faisant acroire qu'il est l'ame d'un trespasse 45
- xiiii. La maniere & la corpulence par laquelle le  
diable machine commodément des choses estran-  
ges & esmerueillables. Item, l'histoire d'une petite  
beste, laquelle sortit de la bouche d'un gédarme qui  
dormoit: puis y rentra 49
- xv. Exemples memorables de diuers fantosmes &  
œuures des diables 52
- xvi. Autres illusions des diables 61
- xvii. Histoire de deux apparitions de diables en  
forme de moines descrite par George Sabin. Deux  
autres histoires de mesmes apparitions publiees par  
Philippe Melancthon 65
- xviii. On estime quelquefois que les choses natu-  
relles & artificielles soyent œuures des diables 70
- xix. Il y a quelques choses artificielles és animaux,  
lesquelles semblēt quelquesfois estre diaboliques 75
- xx. Quelques sentēces & auis des peres touchant les  
machinations des diables, & de la fin à laquelle ils  
tendent. Item pour quelle raison Dieu les a faits ad-  
uersaires des hommes 77
- xxi. Les noms du diable lesquels descouurent son  
occupation, & par lesquels aussi il est nommé és sain-  
ctes lettres 83
- xxii. Les noms des diables selon la diuersité de leurs  
actions entre les Ethniques, & par leur office selō les  
Latins. Le denombrement des diables poetiques, les  
Ternistrateurs, les Gobelins, les Nains terrestres &  
montagniers. Les esprits familiers, & les Fees ou Sy-  
billes blanches. Item, les noms de quelques dieux  
des Payens 90
- xxiii. Les distinctions des diables selon les Theo-  
logiens & Philosophes. Item, la difference des bons  
& des mauuais esprits 99
- xxiiii. Que le diable ne peut pas toutes choses &  
ne peut rien sans la permissiō de Dieu: & pour quelle



## DES CHAPITRES.

raison Dieu luy permet plusieurs choses sous certaines bornes & limites	103
xxv. Les choses impossibles au diable: ensemble plusieurs maléfices qui iusques à present luy ont esté attribuez	109
xxvi. Il est montré par tēsmoignages des docteurs anciens que le diable ne conoist point les pensées des hommes	111

## LIVRE II.

CHAP. I. Les noms des magiciens infames & des empoisonneurs au vieil Testament	113
II. Que c'est que magicien infame. Item, de la Gœtie & Theourgie	120
III. L'origine de la Magie: qui ont esté les premiers Magiciens. Item, les liures de Magie faussement attribuez aux Peres anciens	123
IIII. Qui ont esté ceux qui depuis ce premier temps ont exercé la magie infame: & la malheureuse mort de plusieurs	128
v. De quelques liures de magie	134
vi. De Iean Tritheme: & de son liure intitulé Steganographie	139
vii. Plusieurs manieres d'enchantemens	142
viii. Que les œuures faites par les magiciens de Pharaon n'estoyent autres choses qu'impostures	150
ix. La femme Pythienne en Endor ne tira pas Samuel hors du tombeau, mais seulement vn fantosme diabolique sous la figure de Samuel	150
x. Les opinions de S. Augustin, sur ce que le vray Samuel fut ressuscité par la deuineresse	162
xi. De la Necromance, que c'est, & qui sont ceux qui en ont vsé	166
xii. Des deuinations magiques	168
xiii. Des sorceries	171
xiiii. De la Gastrimance & des Pythoniques	174
xv. De la Geomance, des Charlatans ou Triacleurs, & des images appellees Theraphim	178
xvi. Qu'il ne faut point croire aux prognostications des deuineurs magiciens: & qu'il ne se faut point a-	



# I N D I C E

dresser à eux	181
xvii. Du deuinement magique & fausse medecine de quelques prestres & moines	186
xviii. Les indoctes medecins & chirurgiens cou- urent leur bestise & erreur par les sorcelleries & par la vertu des saints	189
xix. Les medecins ignares renuoyent la guerison de la morsure du chien enragé, & celle du haut mal, à l'aide des saints	195
xx. Neron trouua que les arts magiques estoyent vai- nes, & Moyse les condāna, avec ceux qui en font pro- fession, & qui y adioustent foy	198

## L I V R E    I I I.

CHAP. I. De la Sorciere, & que c'est	201
ii. Les ceremonies que font les sorcieres, pour estre au rang des autres, sont ineptes, & ne s'accordent au- cunement	207
iii. La profession des sorcieres est descouuerte & re- futee: & est monstré que leur paction & accord n'est qu'une imposture & folie, à quoy lon ne doit s'ar- rester	209
iiii. Le reste des preuues par lesquelles il est mon- stré que la paction des sorcieres est vne chose friuole	212
v. Quelles gens sont plus suiets aux illusions & im- postures des diables	218
vi. De la facile croyance & fragilité du sexe feminin	220
vii. De la deprauee imagination des melancholi- ques	222
viii. De la fantasie, & cōment elle est interessee	226
ix. Sentences & passages de S. Augustin, par lesquels il apert comment le diable corrompt la fantasie des hommes, & cōme il semble qu'il prognostique	230
x. De la fantastique transformation des hommes en bestes	234
xi. Comment, & pourquoy les sorcieres sont telle- ment mises hors de leurs sens par le diable, qu'elles croyent & confessent auoir fait les choses que iamais elles	



## DES CHAPITRES.

- elles n'ont peu faire 236
- xii. A sauoir si le diable peut porter les corps en l'air,  
& quand, & par quel moyen il le fait 240
- xiii. Les corps ne peuuent estre portez, sinon par iu-  
stes espaces : & en vn mesme temps ils ne peuuent e-  
stre en diuers lieux 246
- xiiii. Que les sorcieres n'enuoyent point les mala-  
dies dont elles se confessent estre cause. Item, il est  
prouué par exéples que tout ce que lon en raconte ne  
merité d'estre mis & aprouué pour histoires, mais seu-  
lement pour fables 248
- xv. Preuues touchant la folle fantaisie des sorcieres:  
la fausseté des histoires de mesme argument, prise de  
l'histoire de Dannemarc escrite par Saxon le gram-  
mairien. Item vn fort bel exemple d'vne femme  
fantastique 256
- xvi. Que l'air ne peut estre aucunement troublé par  
les sorcieres: & comment le diable les induit à la fauf-  
se persuasion qu'elles ont de le pouuoir faire. Item  
que les bledz ne sont point enchantez 261
- xvii. De quelques medicamens naturels qui endor-  
ment, & par le moyen desquels les sorcieres sont quel-  
quesfois trompees: Item de leurs onguens & de quel-  
ques plantes endormantes, qui troublent merueilleu-  
sement l'esprit 276
- xviii. De l'Opiô, Heiran-luc, Gelotophylide, Morel-  
le furieuse, Theangelide, & du bruuage lequel fit de-  
uenir fol vn frere lay à Berne 281
- xix. De l'illusion de l'incube, suscouché ou Cauche-  
mare démoniaque, & de l'Incube ou Cauchemare  
naturelle 284
- xx. Que la faye nommée par les anciens Hymen se  
peut prouuer par raisons estre en toutes filles: Que  
l'embrassemēt des femmes, est du tout faux, & pure-  
ment imaginaire 288
- xxi. Histoire memorable de la perpetuelle virginité  
de la vierge Marie 292
- xxii. De quelques autres choses appartenantes au pro-  
pos precedent, & dignes d'estre notees par les mede-  
cins 295
- xxiii. Explication du passage de Moyse, où il est es-  
c.



# I N D I C E

- crit que les fils de Dieu eurent affaire avec les filles des hommes: par lequel la fausseté de l'embrasement diabolique est manifestee. 297
- xxiij. Que les demidieux ont pris naissance comme les autres mortels: & qu'il est impossible qu'un homme, ou autre animant parfait, puisse estre engendré & naistre sans embrasement charnel, & sans la semence du mâle & de la femelle. 302
- xxv. Discours fabuleux touchant la naissance de Martin Luther, que aucuns ont maintenu auoir esté engendré par un diable. 306
- xxvi. La raison pour laquelle on a controuué qu'il y auoit des hommes engendrez par les dieux & pucelles: il est aussi monstre par quelques histoires en quelle maniere les esprits & les faux dieux ont affaire aux femmes. 308
- xxvii. De la vilaine copulation des Sorcieres. 313
- xxviii. Que ce que lon pense de la semence iettée par les Cauchemars, succube ou incube, est vne chose vaine. 314
- xxix. Des Syluains, Faunes & Satyres, 316
- xxx. Il auient quelquesfois que mesmes les preudes femmes sont trompees par l'illusion des Cauchemars ou incubes, ensemble un ridicule exemple de l'adultere d'un diable. 319
- xxxi. Que toutes les histoires, par lesquelles on pense prouuer la copulation charnelle des diables, sont fausses. 320
- xxxii. De Merlin, du cygne qui tiroit vne petite nauire avec vne chaine d'argent: de la tour du cygne de Cleues: de l'espouse fantastique, & autres exéples de l'embrasement Satanique. 323
- xxxiii. Histoire des illusions diaboliques touchant l'acte venerien fait par le diable: & la raison pour laquelle ceste matiere est traitée plus au long. 326
- xxxiiii. Histoire admirable de l'enfantement d'une femme demoniaque, lequel fut imputé à vne sorciere. 329
- xxxv. Que les sorcieres ont seulement leur fantasie pour docteur & enseigneur: que les choses par lesquelles on pense qu'elles nuisent sont friuoles. 331
- Ce que



## DES CHAPITRES.

- xxxvi. Ce que les hommes ont naturellement ne doit estre estimé dependre de la puissance des sorcieres. 334
- xxxvii. Qui sont ceux que lon doit proprement appeler empoisonneurs ensemble plusieurs exêples memorables de diuers empoisonnemens 337
- xxxviii. Histoire memorable d'un vallet de bourreau qui empoisonna son maistre : & de la femme de ce maistre, laquelle s'ingera de vouloir decapiter trois malfaiçteurs 343
- xxxix. Des Philtres, de l'Hippomanes, & autres drogues amatoires 345
- xl. Que les boissons amoureuses, l'Hippomanes, & toutes telles choses rendent plustost les personnes furieuses qu'amoureuses 348
- xli. Les moyens par lesquels les sorcieres nuisent au bestail 354

## LIVRE IIII.

- i. Qui sont ceux que lon dit estre empoisonnez, & de quels enforcellez il est parlé en la Bible : Item que tous ceux que lon pense estre tourmentez par les charmes des sorcieres sont poursuyuis ou possédez du diable 356
- ii. Des choses monstrueuses reiettees par la bouche, lesquelles, comme il est monstré par plusieurs arguments, n'ont point esté dedans le corps 360
- iii. Histoire memorable d'une fille demoniaque, laquelle on disoit estre tourmentee par les sorcieres: ensemble quelques discours du signe de la croix 367
- iiii. La guerison qui s'est ensuyvie tant de ceste fille que de quelques autres, par le moyen d'une certaine maniere de benission, recitees par des femmes prisonnières & soupçonnees de ce mesfait 370
- v. L'opinion de Paul Grilland touchant la diuerse & rude matiere qui sort du corps des enforcellez 373
- vi. Histoires de quelques demoniaques, qu'on pensoit estre tourmentez par les sorcieres 375
- vii. Autres histoires de pareil argument 379
- viii. Histoires de quelques ieunes enfans demonia-



# I N D I C E

- ques 381
- ix. D'un quidam, auquel encores vliant on tira vn clou, & dedans le corps duquel, après qu'il fut mort, on trouua des coulceaux, du bois & des ferremens. 382
- x. Des religieuses de Vvertet, lesquelles estoient demoniaques, & qu'on pensoit estre enforcélées 385
- xi. Les tourmens diaboliques auenus au monastere de Kentorp, & imputez aux forcieres 389
- xii. Histoires des religieuses du couent de Nazareth à Cologne, lesquelles furent afligees par le diable 394
- xiii. Histoire admirable d'une ieune fille, du coste de laquelle on tira vn cousteau 396
- xiiii. Explication de ce spectacle esmerueillable 399
- xv. Moyen ridicule de fourrer des choses dures dedans le corps humain. 405
- xvi. Que les medecins plus doctes sont souuēt trompez par les demoniaques 406
- xvii. Comme souuentefois il y a des choses naturelles qui s'engendrent dedans le corps, lesquelles toutesfois on pense estre auenues par sorceries 410
- xviii. Confutation de ce que le diable disoit auoir esté enuoyé dedans le corps où il estoit par le commandement de quelqu'un. Et que personne ne le peut faire. Que les maudissions & imprecations malignes n'ont aucune efficace, & de l'imprecation des peres & meres 419
- xix. Exemples des imprecations faites au nom du diable, reprimees par le iugement de Dieu 421
- xx. Que les parties honteuses ne peuuent estre arrachées par charmes. Item, que le diable peut par moyens naturels empescher l'execution venerienne 423
- xxi. De diuerses liaisons 426
- xxii. Que les hommes ne peuuent estre, par quelque moyen que ce soit, transformez en bestes. L'explication de la fable des compagnons d'Ulysse & de Diomedé. Item, des Arcades transformez 429
- xxiii. De la maladie nommée Lycanthropie, par laquelle les homes pensent estre transformez en loups, que nous nomons vulgairement Loups-garoux 435
- xxiiii. De



## DES CHAPITRES.

- xxiiii. De la naturelle transmutation du sexe hu-  
main 438
- xxv. Que lon pense plusieurs estre demoniaques, les  
quels toutesfois sont seulement tourmentez par la  
melancholie & au contraire 441
- xxvi. Deux histoires memorables touchant deux  
hommes qui seignoyent estre demoniaques: & le se-  
cond se disoit estre enforcelé & enchanté 442
- xxvii. Histoires de pareil argument que les prece-  
dentes, lesquelles ont esté conduites par des prestres  
446
- xxviii. Histoire plaisante de mesme argument 448
- xxix. De ceux qui ont esté empoisonnez 452
- xxx. Que quelquefois le bestail meurt de poison,  
mais le plus souuent de pelte 454

## LIVRE V.

- i. Du preseruatif contre la sorcellerie & assaut du  
diable 458
- ii. La maniere par laquelle le peuple est quelques-  
fois seduit par les pasteurs des Eglises en la guerison  
de la sorcellerie 467
- iii. Par quels moyens les magiciens Ecclesiastiques  
ont acoustumé de seduire en la guerison des demo-  
niaques 471
- iiii. De l'execrable abus de la sainte Escriture, &  
des noms de Dieu, en la magique guerison des ma-  
lades, & en autres actes 475
- v. Moyens magiques par lesquels on trouue les lar-  
rons, on blesse la forcierre: avec vn abus blasphematoi-  
re, tant du nō de Dieu que de la sainte Escriture. 481
- vi. Sorcellerie magique pour recouurer les choses  
desrobées 485
- vii. Du meschant & bon vsage de la parole de Dieu:  
& du moyen illicite de guerir les sorcelleries 488
- viii. Magiques & superstitieuses guerisons des ma-  
ladies faites par charmes & paroles inconues: & que  
la vertu des paroles ne s'accorde avec l'harmonie du  
ciel 491
- ix. De la guerison magique faite par liaisons, colliers,



# I N D I C E

- caracteres,efigies,anneaux & signets 496
- x. Inuention magique pour guerir & oster toute sorcellerie 500
- xi. Des caracteres,images,exorcismes,& autres choses illicites, par lesquelles on cherche les thresors, on ouure les portes fermees, & pend on les sorcieres par les cheueux, & autres tromperies diaboliques 502
- xii. Des choses par lesquelles on pense que ceux à qui on baille la question ne sentent aucun mal, & ne peuuent dire mot 505
- xiii. Qu'en la chose figuree des Caracteres il n'y a aucune vertu à raison de la figure 509
- xiiii. Vne façon superstitieuse pour guerir la sorcellerie. Item vne autre folle maniere de chasser le diable 516
- xv. Impostures infames & detestables d'un certain chirurgien qui s'entremet de guerir vn malade, & ce qui en auint 518
- xvi. Que les diables ne guerissent point les maladies en autre maniere sinon en cessant de mal faire, & de mouuoir les maux dont ils estoient cause. 523
- xvii. Que la guerison des diables est vne chose feinte,& que quelquesfois elle est permise de Dieu, à raison de l'incredulité des malauisez, voire que le plus souuent elle est de grande efficace 527
- xviii. Quelques histoires plaisantes, par lesquelles est monstré, combien peut la temeraire croyance es guerisons magiques 529
- xix. Que plusieurs grands medecins se sont aidez de liaisons, caracteres & charmes: Item de la guerison Homerique,& du miracle de Vespasian 533
- xx. Des liaisons, colliers, & fermaillets naturels. Item que les diables ne peuuent estre atirez ni chassez par aucunes plantes ou matieres terrestres 536
- xxi. Par quelles matieres les anciens & ceux de l'Eglise Romaine pensoient que les diables & sorcelleries fussent chassées 539
- xxii. Que le diable ne peut estre tiré par aucune herbe, comme Iosephe le maintient. Item de la racine nommee Baaras 549
- xxiii. Le grief & abominable abus des prestres exorcistes



exorcistes	553
xxiiii. Histoires memorables de quelques exorcistes	558
xxv. De l'exorcisme & de la messe qui condamne & enuoye en enfer	561
xxvi. Histoire memorable de l'esprit d'Orleans	563
xxvii. Histoires semblables à la precedente, auenues en Suisse, en Italie, en Escosse, & en Flandres. Item que le diable est exorciste.	567
xxviii. Certain moyen pour guerir la sorcellerie	573
xxix. Les moyens par lesquels les demoniaques & enforcelez doyuent estre instruits de l'imposture & impuissance des diables	577
xxx. Comment il faut inciter les demoniaques à patience invincible	579
xxxi. L'efficace des prieres communes en la guerison de la sorcellerie	583
xxxii. L'efficace du iusne à chasser les œuvres du diable	586
xxxiii. La vertu des aumosnes.	588
xxxiiii. Comment il se faut diuersement comporter enuers ceux qui sont affligez en diuerses sortes. Item plusieurs exemples de diuerse guerison, dignes d'estre imitez	589
xxxv. Remedes certains & esprouuez pour guerir ceux qui contre font les demoniaques	594
xxxvi. Ce qu'il faut faire en la sorcellerie par laquelle la compagnie charnelle des mariez est empeschee	596
xxxvii. En quel temps, en quelle maniere, & par quelles gens les exorcismes doyuent estre pratiquez	598
xxxviii. Maniere de chasser les diables pratiquee en l'Eglise ancienne	602
xxxix. Auis de Philippe Melancthon, touchant les demoniaques, recueilli des epistres d'icelui	604
xl. La folle & inepte recepte de laquelle on vse coutumierement pour guerir le bestail enforcelé. Item le moyen plain d'impieté, par lequel on pense appaiser la tempeste	606
xli. Ce qu'il faut faire contre les venins & recon-	



# INDICE

tre les maux que le bestail semblera endurer super-  
naturellement 610

## LIVRE VI,

- I. Que selon la diuersité des magiciens infames on  
doit imposer diuers supplices 613
- II. Quels chastimés meritent les deuins, & ceux qui  
portent les diables enfermez en vn anneau, ou en du  
voirre. Item que tous les liures de magie doyuent estre  
bruslez 617
- III. Ce que les loix & les decretz ont arresté tou-  
chant les magiciens, deuins, & ceux qui vont au  
conseil par deuers eux 621
- IIII. Edits des Empereurs, touchant la punition des  
deuins & magiciens infames 627
- V. L'histoire du Pape Syluestre, deuxieme du nom,  
est ici proposee aux magiciens qui se repentiront 630
- VI. Histoire admirable d'une sorciere Espagnole  
nommee Magdelaine de la croix, laquelle se repêtit  
de ses fautes & obtint grace 632
- VII. Recit de la malheureuse fin d'une sorciere 636
- VIII. Qu'il ne faut point mettre les sorcieres au rang  
des heretiques. Item de leur garde & prison 638
- IX. Les fausies & trompeuses experiences pour co-  
noistre les sorcieres 640
- X. Que c'est qu'il faut faire en l'inquisition d'une sor-  
cellerie commise: & qu'il ne se faut arrester à la seule  
confession 642
- XI. Les confessions de trois femmes bruslees pour  
soupon de forcecellerie ici proposees & expliquees  
645
- XII. Explication d'une autre confession. Item que  
personne ne peut estre blessé par maudissions, & que  
les sorcieres ont perdu leur esprit & entendemēt 651
- XIII. La confession de ceux qui ont pensé estre trans-  
formez en loups 654
- XIIII. La confession susdictée expliquée de point en  
point, & refutée 658
- XV. Exemples de plusieurs femmes innocentes que  
l'on a fait mourir pour estre soupçonnees de forcele-  
rie




rie	665
xvi. La ſinguliere prudence de laquelle ont vſé quelques Princes en l'accuſation de ſorcellerie	669
xvii. L'auis des peres anciens, par lequel il appert qu'il ne faut faire mourir ceux qui ſont ſeducits par erreur ni les heretiques.	673
xviii. Avis d'Eraſme, comment il faut traiter les heretiques	678
xix. Avis de quelques inſignes Iuriſconſultes touchant les ſorcieres, lesquelles eurent les peines corporelles pourueu qu'elles ſe repentent. Item, es cauſes criminelles il ne ſe faut du tout arreſter à la confeſſion	686
xx. L'auis d'Alciat excellent iuriſconſulte, touchant l'innocence des ſorcieres. Item vne hiſtoire recueillie des eſcrits de Grilland, touchant l'innocence de celles qu'on eſtime ſorcieres	688
xxi. La punition de laquelle les Boulognois ont accouſtumé de punir les ſorcieres	690
xxii. Que les femmes doyuent eſtre moins punies que les hommes	691
xxiii. Comment les ſorcieres ayans l'eſprit trouble d'erreur par le diable, & ne faiſans aucun mal à autrui doyuent eſtre reduites, & quel chaſtiment elles meritent. Item, que toute volonteé ne doit eſtre punie, enſemble l'explication de la loy de Moyſe, & briefue reſponce à quelques obiections	693
xxiiii. Refutation de quelques obiections miſes en auant contre le chapitre precedent	695
xxv. Refutation de l'auis de George Pictorius, par lequel il maintient que les ſorcieres doyuent eſtre punies de cruelle mort	712
xxvi. La punition des empoisonneurs & empoisonneresſes	714
xxvii. Recapitulation touchant les ſorcieres	717
xxviii. Determination faite à Paris par la faculté de Theologie, l'an mil trois cens nonante huit, touchant certaines ſuperſtitious ſuruenues de nouveau	740.
Concluſion de tout l'œuure.	745









# LE PREMIER

LIVRE, TRAITANT

DV DIABLE, DE SON O-

RIGINE, DE SON EFFORT

ET POVVOIR.

\*\*\*

*De l'origine du diable, du temp<sup>s</sup> de sa creation, de son  
essence, & de sa chute.*

## CHAPITRE PREMIER.

**P**UISQUE i'ay entrepris d'expliquer les impostures & enchantemens des malins esprits, ie commenceray à parler du diable leur premier auteur, ensemble de ses fines- ses, efforts & pouuoir: à celle fin que par la conoissance de sa nature & de son autorité, chascun voye aisément ses actions par le luyfant œil de son entendement, & qu'il soit aisé par ce moyen d'en iuger plus exactement & avec moins de difficulté. Or tout ainsi que par la sacrée doctrine de la religion chrestienne, & par la confession de la foy indoutable, ie reiette en tout & par tout les opinions d'Aristote, & des Peripateticiciens, lesquels soustiennent qu'il n'y a point d'esprits en la nature: aussi ne puis- ie du tout approuver la distinction cō- trouuée qu'en fait Platon, ni les opinions de Porphyre, Psel- le, Procle, Plotin & Iamblique, lesquels ont assez abondamment parlé des esprits, toutesfois ils en ont escrit plusieurs choses, comme histoires aduenues, lesquelles ils n'ont ni veuës ni conuës.

*Aristote n'a point  
pensé qu'il  
y eust d'es-  
prits.  
Les Plato-  
niciens ont  
controuuë  
plusieurs  
choses tou-*

IL nous faut donques croire par l'histoire sainte de Moysè ( ambassadeur de la diuine Maïesté & fidele se-



cretaire, avec lequel DIEU a parlé, comme face à face, *Genes. 1.* ainsi que nous trouuôs par la verité des saintes lettres) *Exod. 33.* que DIEU tout-puissant, architecte de l'vniuers, a basti *En quel* vn mode incorporel, embelli d'ordres admirables d'e-  
*temps les* sprits pour son seruice, auant que de parfaire l'ordre de  
*Anges* celuy que nous voyons à l'œil. Tous ces esprits estoient  
*ont esté* bons, ainsi que toutes choses creées par le souuerain  
*creex* bien: c'estoyent natures remplies d'intelligence: ils  
*Heb. 1.* n'auoyent point de corps, & estoit leur essence aucu-  
*Quels sont* nement conforme à celle de la diuine nature, toutes-  
*les Anges* fois finie. DIEU estoit conu & adoré d'iceux en la ma-  
 niere que bon luy sembloit, & qu'il auoit ordonné, &  
 leur communiquoit reciproquement sa bonté en toute  
 eternité. Parquoy il leur bailla vne excellente intelli-  
 gence, vn subtil entendement & vne claire conoissan-  
 ce de son eternelle & immuable iustice, ainsi que rayôs  
 allumez de la lumiere de son eternelle sagesse. Nazian-  
 zene ancien docteur de l'Eglise a escrit entre autres, de  
 la nature des Anges, au discours du saint baptisme, &  
 en d'autres traitez. Mais lors que quelques vns d'entre  
 eux se glorifierent, s'esleuerent de leur propre mouue-  
 ment, à raison des graces desquelles ils estoient douez,  
*I'origine* & s'estimerent semblables à DIEU ne se maintenans  
*des diables*  
*2. Pier. 2.* en leur origine, delaisans leur lieu & pechans: DIEU  
*Ind. epist.* courroucé les effaça du nombre de ses ministres, les  
*Iob 4.* chassa, les precipita, & les reserua en perpetuels liens  
*Luc. 11.* d'obscurité, pour le iour de son grand iugement.  
*Isaye. 14.* PLUSIEURS appliquent à cela (mais vn peu trop  
 allegoriquement) la prophetie que fait Isaye de l'or-  
 gueil & de la profonde cheute du Roy de Babylone,  
*Apoc. 12.* que le Prophete nomme Lucifer. Cestuy-ci est le grâd  
*Isaye. 27.* dragon qui fut precipité en terre avec ses anges, c'est le  
 vieil serpent qui se nomme Diable & Satan, comme  
 dit saint Iean, c'est le serpent tortu d'Isaye. Or non seu-  
 lement nos Theologiens & ceux des Hebreux nous  
 monstrent ceste cheute, mais les Assyriens, Arabes, E-  
 gyptiens, & Grecs la conserment par leurs escrits. Ho-  
 mere semble en auoir obscurément exprimé quelque  
 chose sous le nom de la deesse Até, & en la description  
 de la guerre des Geans qui assaillirent les dieux, & amô-  
 celerent vne montagne sur l'autre, sous lesquelles ils  
 furent



furent accablez par la foudre de Iupiter. Pherecides décrit la cheute des esprits, & dit qu'Ophis, c'est à dire le serpent demoniaque, a esté le chef & portenseigne du camp rebelle & desobeissant aux decrets de la diuine intelligence. Trismegiste décrit ceste mesme ruine en son Pimandre, & Plutarque au traité de l'vsure nous monstre comme l'ancien Empedocle a conu la cheute des esprits, lesquels il nomme Ouranopetes, c'est à dire, tombez du ciel. Sainct Augustin escrit fort elegamment à ce propos : Demandes tu d'où vient le diable?

*au 42. traité  
sur saint  
Iean.*

Il vient du mesme lieu, d'où quel tous les autres Anges. Mais les autres Anges sont demeurez en leur obeissance : & cestuy-ci est tombé par desobeissance en s'enorgueillissant, tellement qu'il a esté fait Diable. Il dit encore au liure de la vraye religiō, chapitre 13. Le Diable n'est point mauuais, entant qu'il est ange, mais il l'est entant qu'il est peruers à son escient. Car s'aimant dauantage que Dieu, il ne luy a voulu estre suiet : ains s'est enflé d'orgueil & s'est reuolté de la premiere essence. Item au 8. liure de la Cité de Dieu, chapitre 22. Il faut croire que les diables sōt esprits fort desireux de nuire, estoignez de iustice, enflés d'orgueil, noircis & passés d'enuie, subtils pour deceuoir. Ils habitent en cest air ci : pource ayans esté precipitez du plus haut ciel, c'est à bon droit qu'ils sont detenus pour condamnez à demeurer cōme prisonniers en l'air, pour chastimēt de leur trāsgression irremissible. Ce n'est pas à dire, encor que l'air soit par dessus la terre & les eaux, qu'ils soyent plus excellés que les hōmes, lesquels les surmontēt, nō pas en l'escgard du corps terrien, ains par vne bonne & saincte pensee, ayans choisi le vray Dieu pour refuge. Mais ces malins esprits dominant sur plusieurs du tout indignes d'auoir part à la vraye Religion, comme estās prisonniers & esclaués d'iceux, qui leur ont persuadé par signes admirables & illusoires de faits ou de choses predites, qu'ils sont dieux. On peut voir ce que le mesme docteur en escrit au 6. li. contre Iulian, chap. 9.

*Heb. 1.*

au traité de la nature du bien contre les Manicheens, Pseam. 103

chap. 33. & au 1. liure des hypognoſtiques contre Pelagius. Ces esprits donc qui parauant estoient diuins, ce-

*104.*

*Eph. 2. 6.*

lestes, purs, pleins de lumiere, exempts de toute malice,



*Luc.* 8. 9. obseruans la volonté d'un seul DIEU, & lesquels deuoient seruir de ministres à ceux qui estoient futurs

*Act.* 29. heritiers de salut, n'ont en tout & par tout perdu l'essen

*Judic.* 9. ce Angelique, ains ont malheureusement & meschamment failli, estans priuez de la lumiere de grace, & ont tellement preuariqué, que maintenant ils sont nômmez & estimez aériens, mondains, obscurs, tenebreux : & brief ils sont impurs & mauuais. Et encores qu'ils retiennent quelque chose de la lumiere de l'intelligence naturelle, toutes fois ils soustiennent la peine de leur faute, infiniment plus rigoureuse que celle que le genre humain attend de sa transgression, ce qui aduient à cause de la lumiere de la diuine sagesse, laquelle ils ont obscurcie. Aussi est il vray que si l'homme eust retenu les rayons de la supreme sagesse lesquels Dieu auoit allumez de son eternelle lumiere en l'esprit de nos premiers pere & mere : certainement il verroit plus clairement, & discerneroit asseurément, par le subtil discours de son entendement, plusieurs choses, lesquelles il voit maintenant par l'œil obscurci de sa pensée, tout ainsi que s'il regardoit la face du soleil au trauers d'un nuage espais, ou au trauers des noires nues, lors qu'elles sont esparfées dedans l'air.

*Quels Theologiens ont escrit de la cheute des diables, de la cause d'icelle, de leur nature. & en quel endroit de leurs liures cela se trouue.*

## CHAP. II.

*Au 1. li-  
ure à Mo-  
nimus.*

**E**VLGENCE, ancien docteur de l'Eglise parlât de la cheute des Anges, dit ces mots : l'orgueil a prins commencement lors que l'Ange s'esleuant contre Dieu, & renuersé par ceit orgueil, est descheu & s'est renolté de Dieu, en voulant vsurper ce qui ne luy appartenoit, par vne meschante concupiscence, racine de tous maux. S'il fust de meuré ferme en Dieu il ne fust point tombé. Mais la mauuaise concupiscence, qui luy a fait desirer ce qu'il n'auoit pas, luy a osté ce qu'il auoit. Or combien qu'il n'ait peu rassasier ceste concupiscence, il en a tousiours retenu depuis la volôté. Par ainsi luy-mesme est son



son bourreau & son supplice, ayant continuellement vne meschaute volonte qui le tourmente, comme vn aueugle est affligé de son aueuglement.

ALCIVS poete Chrestien, au discours qu'il a fait du peché originel, parlant du diable, dit

*Long temps auparauant il estoit vn bon Ange,  
Mais s'estant eschaufe d'un pensement estrange,  
D'orgueil il s'embrasa, estimant s'estre fait,  
Et n'auoir Createur que soy-mesme par fait.  
La rage & la fureur couuant en sa pensée,  
Son Prince veniant d'une voix insensée,  
Je seray Dieu: dit-il, & par dessus les cieux  
Ferme ie planteray mon throne glorieux,  
Egal au souverain en grandeur & puissance.  
Mais comme il se haussoit d'une telle arrogance,  
Le treshaut l'arrestant du ciel le dechassa,  
Et de ses beaux estats à l'instant le cassa.  
Si que ce malheureux, qui en lumiere pure,  
Precedoit autrefois toute autre creature,  
Est le premier puni de la puissante main  
De celui qui viendra iuger le genre humain.*

Or d'autant que les anciens Theologiens ont escrit si amplement & doctement de la cheute des diables, de la cause d'icelle & de leur nature, que ce seroit faire ce qui est fait si ie ramassoye dans ce chapitre ce qu'ils en ont dit: ce me sera assez de marquer les noms des auteurs & les passages de leurs liures, où le lecteur pourra aisément recourir. Je suis contraint faire cela, & le fay aussi d'autant plus volontiers que mon intention est d'insérer en tout mon discours les allegations des auteurs que ie mets en auant, selon leurs propres termes, sans y rien mesler du mien. Car en ce faisant i'estime n'auoir osté la louange à personne, ni falsifié le dire d'aucun: ains auoir maintenu la verité & pourueu à mon honneur. Ainsi donc les auteurs qui s'ensuyuent ont escrit amplement des points sus mentionnez.

EPIPHANIVS au 2. liure, tome premier, heresie *Les do-*  
64. Athanase au liure de la virginité: & es questions de *leurs*  
l'Escripture sainte. question 6. Gregoire Nazianzene *Gras.*  
en la premiere declaration touchant la reconciliation  
des moines, & au traicté de la Theologie. Gregoire



Nyssene au liure de la vie de Moyse. Basile, surnommé le grand, au sermon, Que Dieu n'est point auteur de maux. Chrysostome en la quinzieme homelie sur le premier chapitre de l'Evangile selon saint Jean: & en l'homelie de Adam & Eve. Cyrille au dialogue de l'adoration en esprit. Theodoret es questions 19. & 24. sur le liure de Genese. Damascene au premier liure, chapitre dixhuitieme.

*Les Do-  
cteurs La-  
tins.*

S. AMBROISE au 10. liure de ses epistres, epistre 84. Eusebe au troisieme liure de la demonstration Evangelique, chapitre 5. Lactance au second liure de ses institutions, chapitre neuvieme. Isychius au quatrieme liure sur le treizieme chapitre du Leuitique. S. Ierome en l'epistre à Antoine, & contre les erreurs de Jean Euesque de Ierusalé. Antoine en sa 2. epistre. Le poete Prudentius en son Hamartigenie. S. Gregoire au second liure de ses morales, chap. 9. & 19. Item au 92. chap. du 9. liure sur Iob: & au 2. chap. du 2. liure sur le premier des Rois: & au septieme chapitre du 3. liure sur le mesme. Plus au 4. liure des Morales, & au 13. chap. sur Iob. Leon à Turbius Euesque d'Asture, & au 4. sermon de la collation des aumosnes. Prosper au troisieme liure de la vie contemplative, chapitre 2. 3. Primausus sur le premier chapitre de l'Epistre aux Romains. Cassian en la 8. coll. chapitre 10. Paulin en l'epistre 4. Sedulius sur le premier chapitre de l'epistre aux Romains. Eucherius au premier liure sur les histoires des Rois. S. Bernard au 5. sermon des paroles d'Isay: item au 17. & au 27. sermon sur le Cantique des Cantiques.

RABANVS au 4. liure de la proprieté de la parole, chap. 10. au liure de penitence, chap. 18. au troisieme liure sur l'Ecclesiastique, chap. 3. & en l'epistre de Rabanus & des moines de Fulden à l'Archeuesque Otgarus. Haymo sur les Pseaumes 18. 81. 143. Au premier liure sur l'Apocalypse, chap. 2. aux sermons sur l'Evangile, & sur le troisieme chapitre d'Osee. Hincmarus au chap. 44. du liure escrit à l'Euesque de Laon nommé Hincmar. L'auteur incertain, qui s'est surnommé Idiot, au 2. ch. de la vraye repentance. Gisbert au liure des disputes, chap. 3. Radulphe sur le Leuitique, liure 8. chapitre 1. Anselme, au liure pourquoy Dieu s'est fait homme, chap.



chap. 7. sur le 12. chapitre de S. Mathieu. sur le 10. de la 1. epistre aux Corinthiens. sur le premier chapitre de l'epistre aux Ephesiens. au 3. & 6. chapitre de la premiere epistre à Timothee: & au 3. chapitre du dialogue traitant de la cheute des Diables. Pierre Damian, en l'epistre qui se commence Prodigium. Rupert au 7. & 8. liure de ses commentaires sur l'Euangile selon S. Iean. au 7. & 8. liure sur l'Apocalypse, chap. 13, 18. & au 10. liure chap. 17. item en l'onzieme & au douzieme, chap. 21. plus au cinquieme liure sur S. Mathieu, chap. 5. & au 13. chap. 26. item au 3. liure sur Exode, chapitre 10. au premier liure de la victoire de la parole de Dieu, chap. 8. 21. au 3. liure de la glorification du fils, chap. 8. Pierre Alfonse au titre 10. Honorius sur le 18. pseaume. Hugues de S. Victor en la louange de l'espouse.

Pierre Lombard surnommé le maistre des sentences, au second liure, distinction 6. Pierre de Blois en la 34. epistre. Pierre le chantre au 13. chapitre, de l'enue, & au 15. de l'humilité. Hildebert en l'epistre 31. Hildegard au 1. liure, vision 2. Hugues Eterian au traité du retour des ames, chapitre neuvieme. Barthelemi l'Anglois au second liure de la propriété des choses, chapitre dixneuvieme.

*Pourquoy. & en quelle maniere le Diable trompa  
Eue, & corrompit premierement le monde.*

### CHAP. III.

**D**A V A N T A G E, les malins esprits La hayne ont conceu vne si grande & irreconciliable haine encontre Dieu à cause de leur liable du bannissement, dechassement & ignominie diable ennemie precipitation de leur domicile naturel, que uers Dieu, deslors ils essayèrent de chercher soigneusement tous les moyens par lesquels ils le pourroyent offencer, diminuer sa gloire, ou corrompre, effacer, ou endommager l'œuvre du monde, construit par son esmerueillable prouidence. Ainsi doncques, de despit qu'ils eurent d'estre decheus d'un si excellent estat, & aussi pour l'enue qu'ils portoyent à la felicité de l'homme, ils s'adresserent à Eue nostre premiere mere, noble entre les

a. liii.



*Genese 3*

*La transgression  
d'Eue.*

*L'homme  
fait enne-  
mi de  
Dieu par  
desobeissan-  
ce.*

*En quel*

*temps*

*quels ont*

*esté creés*

creatures, illuminee du clair rayon de la sagesse celeste & coniointe à DIEU par vne alliance sans macule: laquelle ils essayèrent retirer de DIEU, & faire compagne de leur damnation: ils la deceurent par belle tromperie, & par les choses esquelles il sembloit n'y auoir aucune finesse, reiectans biē loin l'opinion de la menace de mort, & disans: vous ne mourrez point: puis reiectāt & abusant frauduleusement des loix que DIEU luy auoit imposē, ils enorgueillirent Eue, & l'attirerent par leurs fausses promesses, en vne esperance de beaucoup plus grands biens, & pouuoir plus excellent, asçauoir: DIEU conoit bien qu'au mesme iour que vous mangerez du fruit de cest arbre, vos yeux seront ouuers, & serez comme dieux, sachans le bien & le mal. Et ainsi firent-ils tant qu'à la parfin elle enfraignit le commandement, & ensuyuit les conseils establis & ordonnez cōtre DIEU, au dam & malheur d'icelle. Car Satan desia mauuais, ayant appris tout mal par sa transgression, & se sentant coupable de sa faute: asçauoir qu'il auoit pensē d'outrepasser par arrogāce les bornes de la charge qui luy estoit donnee, essaya d'attirer Eue à mesme volonte par les appais & allechemens d'une legere persuasion, donnant à entendre à Eue & Adam qu'ayans les yeux ouuerts & ne gardans la deffense qui leur auoit esté faite de ne manger du fruit, ils sçauroyent non seulement le bien desia conu, mais aussi le mal inconnu. Aufsi ne fut-il trompē, preuoyant bien la calamité qui deuoit suyure vne telle desobeissance, encores qu'elle cōfessast & reconust trop tard qu'elle auoit esté trompee par le serpent: car l'homme ayant violē l'obeissance qu'il deuoit, deuint ennemi de DIEU, & fut assuietti aux peines imposees aux transgresseurs: asçauoir à la condamnation, à la tyrannie du diable, & à la mort eternelle: il fut aussi despouillē des honneurs de la dignité & puissance de laquelle DIEU l'auoit ennobli avec grande autorité. Pour ceste cause Tatian Assyrien dit, escriuant contre les Grecs: Le Verbe (qui est le Fils de DIEU) crea les Anges deuant les homes: & l'une & l'autre creature fut laissée en liberté de son arbitre: &c. & vn peu apres, Mais incontinent que les hommes eurent suyui le plus cauteleux, qui auoit esté creē



créé deuant eux, & l'eurent pris pour leur D I E V, encores qu'il s'opposast à la diuine Loy, alors la puissance du Verbe priua de sa compagnie & l'auteur de ceste folie, & les hommes qui luy auoyent obey : & l'homme, qui auoit esté fait à l'image de D I E V, fut fait mortel, estant despouillé d'un esprit plus puissant : & l'Ange qui auoit esté le premier créé, fut mué en Diable, & les autres qui auoyent suyui ses impostures, furent estimez du camp des Diables, & furent abandonnez à leur fureur, à raison de la liberté de leur arbitre. Sainct Augustin aussi escrit fort bien sur ceci au Comte Iulian. Le Diable est vn Ange séparé de Dieu par son orgueil: lequel ne s'est arresté en la verité, c'est le docteur de mensonge: car par luy premierement le mensonge fut inuenté, Il adioust en vn autre endroit : s'estant deceu soy-mesme il a desiré tromper autrui : c'est luy qui est fait aduersaire de nostre genre humain, il est l'inventeur de mort, le maistre d'orgueil, la racine de malice, le chef de meschanceté, le prince de tout vice, & le persuaiseur des vilaines voluptez. Luy donc voyant Adam nostre pere auoir esté fait de D I E V, & considerant l'homme estre composé du limon de la terre à l'image de D I E V, orné de pudicité, composé d'attrempanche, enuironné de charité, & vestu d'immortalité: il fut enuieux de ce que l'homme auoit receu la beatitude, laquelle il confessoit auoir perdue lors qu'il estoit Ange, par le moyen de son orgueil: & lors cest insatiable homicide en eut mal au cœur, & despouilla premierement nostre premier pere de tant & tant de biens, & par ce moyen nous mit à mort.

*Que c'est  
que le Dia-  
ble.*

*Estat de  
l'homme a-  
uant le pe-  
ché.*

Ces esprits malins se glorifiâs outre mesure en l'heureux succes de leur premiere entreprise, commencerent de forcener dauantage, d'espier furieusement tous les moyens, & de machiner par toutes subtilitez les choses qui pourroyent depraue & abolir ceste promesse, qui seroyent contumelieuses contre D I E V, & pernicieuses aux hommes: ce qu'ils firent dauantage, & avec plus grand soin, d'autant que l'homme estoit de nouveau r'entré en grace avec D I E V, par la peine qui luy estoit imposée, & par la promesse qui luy estoit faite de C H R I S T, semence de la femme, qui deuoit briser la



reste du serpēt, estre le prix de la redemption des captifs, & mediateur pour le genre humain entre DIEU & les hommes, contre la violence des diables. Ainsi ces meschans homicides enflammerent incontinent par les brandons d'enuie, Cain troisieme, pour cōmettre le meurtre cruel d'Abel le iuste, quatrieme viuant au monde: & ainsi depuis ils deprauerent peu à peu les successeurs de Cain, & tout le genre humain, par l'abondāce & enormité de ceste malice, si biē que DIEU se repentit d'auoir fait l'homme, & noya tous les viuās par le desbord des eaux, excepté les huit qui furent conseruez en l'arche.

Cain tue  
son frere.  
Gen. 4.  
Ican. 8.  
Gen. 6.  
Gen. 7.

*Ce que le Diable a machiné au commencement du second monde en ceux de la race de Noé: & en quel temps la Magie infame commença.*

## CHAP. IIII.

Le premier  
monde destruis  
par  
le deluge  
l'execra-  
tion de  
Cham.  
Gen. 4.  
Le commen-  
cement de  
la magie  
infame.  
Clem. liu.  
4. des re-  
cog.

**L**ES esprits malins esperoyent triompher, quād ils eurent presque ruiné les hommes par leurs machinations. Parquoy incontinent que le deluge des eaux fut seiché, eſtāt le monde renaissant comme en son enfance, ils pousserent Chā le plus ieune des fils de Noé, à se moquer de son pere enyuré, en luy descourant les parties honteuses, si bien que depuis il en entēdit l'execration de son pere. Nous monstrerons cy apres comment son fils Misraim, endoctriné par ces esprits, fut le premier qui trouua l'impieté pleine de blasphemés de la magie infame, & comment de là les Egyptiens, Babiloniens & Perses ont pris leur origine. On rapporte aussi en quel que endroit l'oracle de Iupiter Hammon, à la lignee de Noé, comme venu de Cham, qui est vn mot que les Hebrieux prononcent avec vne aspiration assez dure: on rapporte aussi celuy de Dodone à Dodanim petit fils, ou neuen de Noé, lequel occupa, cultiua, & donna son nom à Epire nommée Dodone: tellement qu'il est vray semblable qu'il diffama le saint siege de l'Eglise des Peres, & en fit vn execrable bourdeau des esprits. La sacree histoire nous tesmoigne que les abominables



bles idolatries se fourrerent en l'Eglise de DIEU par la continuelle poursuite des malins esprits, Noé estât encore viuant: lesquels il falut que ce pauvre vieillard vist & endurast en ceux de sa posterite, non sans vne grande douleur d'esprit, d'autât qu'il ne les pouuoit empescher. Depuis ce temps ceste armee de malins esprits brouilla tellement les citez de Sodome & Gomorrhe *Gen. 19.* par les horribles fureurs d'une vilenie infame, qu'à *Isaie. 13.* grand peine en peut-on trouuer en tout ce grand nom *2. pierre 2.* bre dix qui fussent iustes: & DIEU ayant enuoyé le soulfhre, & le feu du ciel, ces citez furent abyfinees & reduites en cendres, avec toute la plaine, & tous les habitans des villes, & les biens de la terre. Loth estant sorti de là fut par eux griefuement blessé d'yurognerie, & du malheureux inceste qu'il commit avec ses filles. Le malin esprit ne sollicita-il pas importunément Esau de tuer son frere l'innocent Iacob? Il incita par-apres par *Gen. 27.* enuie, les freres encontre Ioseph le iuste, tellement *37-39.* que peu s'en salut, qu'ils ne fussent meurtriers de leur *2. Rois 24* frere. Luy mesme le voulut perdre par la trompeuse occasion d'adultere. Satan n'incita-il pas aussi Dauid à nombrer le peuple d'Israel, tellement que depuis *1. Chr. 22.* tante mil hommes moururent de peste?

*Comment les Diables ont voulu estre estimez Dieux,  
& presider sur les pays: & du denombrement  
de leurs noms selon leur charge.*

## CHAP. V.

**A**INSI derechef ces malins esprits estans deuenus plus audacieux par leurs heureux succes, commencerét à brigander plus arrogammét la principauté de ce monde, & controuuerent plusieurs seruiCES & diuers oracles contraires aux diuins, ausquels ils attirerent, & amorserent les ames inconstantes, tellement que petit à petit ils gagnerent, comme par embusche, tout le monde, lequel ils rendirent rebelle à la loy de DIEU, & le remplirent d'idolatrie, de mespris de ceux ausquels il deuoit obeir, brieF de tout vice. En fin leur insolence & leur artifice paruint à telle audace & haultaineté effrontee,



qu'ils voulurent estre estimez dieux, tant par les sçauās que par les ignorās, presider sur les pays, peuples & isles montagnes, fontaines, lieux, villes, villages, & familles, comme dieux propres & particuliers gardiens: les nōs desquels ont esté nombrez en partie par la saincte histoire, en partie par Origene, Tertulian, Apulee, Diodore Sicilien, & en partie par plusieurs autres historio-graphes & escriuains assez renommez. Et n'y a point de doute, que par leurs noms, leur estude & occupation ne soit souuent descouuerte.

*Tertull. en  
l'apol. con-  
tre les Gē-  
tils, chap.  
23.*

*L. lius Cy-  
raldus en  
son comme-  
ntaire des  
dieux des  
Gentils.*

*Beelzebub  
Lactance  
liure 2. ch.  
15. de l'ori-  
gine d'er-  
reur.*

A I N S I Bel, vaut autant à dire, que vieil, rien, & cō-  
fus: il estoit estimé le Dieu des Babyloniens, au 46. ch.  
d'Isaie, & au 4. de Dan. Beelzebub, maistre de la mou-  
che, lequel tendant les rets à vn chacun, prend à tout le  
moins la mouche, c'est à dire le moins rusé. C'estoit la  
treffale Idole des Accaronites mespriseurs de D I E U:  
encore qu'ils habitassent au pays de Iudee. Voyez le 1.  
chap. du 2. liu. des Rois. De cestuy-ci les Hebreux ont  
nōmé le prince des diables Beelzebub, en S. Mat. 12. en  
S. Luc 11. Les Grecs ont nommé Pluton Archidiabla &  
Monarque des diables. Les Gentils le nomment Pri-  
apus. Porphire l'appelle Serape, & Proserpine, principaux  
des malins esprits. Baal, vaut autāt à dire cōme idole ou  
dominateur, ou assuiettisseur, ou possesseur. Ce nom d'i-  
dole est venu des Sidoniés aux Iuifs, & estoit le Dieu  
des Samaritains & Moabites. Les Grecs pensent que ce  
soit Mars. Nomb. 22. Rom. 11. Gedeon le destruisit, Ju-  
ges 6. Beelphegor est le maistre qui baaille, qui ouure,  
qui est nud, ou bien le Seigneur d'ouuerture, ou de de-  
scouuerture. C'estoit le Dieu des Moabites. Osee 9.  
Nomb. 25. Deut. 4. Ainsi estoit Phegor, Nomb. 25. Deut.  
3. 4. Josué 22. Adramelech, signifie la robe du Roy, la  
grandeur ou puissance du Roy, ou du conseil. C'estoit  
l'idole de Sepharuaim. 2. des Rois. 17. Anamelech si-  
gnifie l'affliction, ou la responce du Roy, le Dieu de Se-  
pharuaim. Succot Benoth signifie les tabernacles des fil-  
les, c'estoit le Dieu des Babyloniens. 2. des Rois 13. Ner-  
gal signifie l'espieur, ou la lāterne du tombeau. C'estoit  
l'idole des Cutheens peuples de Perse & venus de Me-  
de. Iosephe liure 11. chap. 2. Asima signifie le delict, &  
c'estoit l'idole de ceux d'Emath. Nibbas, signifie le  
prophe-



prophetisant, ou plustost celuy qui parle les visions, ou les profits des visions, c'estoit le Dieu des Heueens. Tarta, 2. signifie enchesné, c'estoit le Dieu des Heueens. 2. des Roys, 17. Nisroch, signifie la delicate tentation: ceste idole estoit adoree de Sennacherib. 2. des Roys. 19. Chamos, signifie quasi comme flatteur, ou bien reculant, ou ostant, c'estoit le Dieu des Moabites Nomb. 21. 3. des Roys. 11. 2. des Roys. 23. Jeremie 48. Melchom le Roy, ou l'appointeur d'iceux: c'estoit l'idole que les Ammonites adoroyent. 2. des Roys 23. 1. Chron. 20. Ier. 49. Dagon, froment, ou la douleur, ou le poisson d'iceux: c'estoit l'idole des Philistins. Iuges 16. 1. Machab. 10. Astarté seble estre vn mot tiré de la bergerie, ou du troupeau, c'estoit le nom de la deesse des Sidoniens laquelle fut adoree par Salomon. 1. des Roys. 11. Aucuns estiment que c'estoit Venus.

*Lin. 9. ch.  
14. des an  
tiq. Ind.*

NOUS trouuons es lettres saintes que les esprits malins ont quelquesfois pris les noms des hommes tresmeschans, & de la demeure d'iceux: comme Astaroth fut le Dieu des Palestins, selon Iosephe: lequel fut abatu par les Iuifs, & par le commandement de Salomon 1. des Roys, 7. Il fut aussi adoré de Salomon, & encore qu'il signifie troupeau, ou faisant les richesses, ou faisant l'espreuue, ou le ver de la loy, si est ce que ce fut iadis le nom d'une cité d'Og Roy de Basan, en laquelle les Geans habiterent. Ce fut aussi le nom d'une ville des Amorrhéens. On lit encôres autres denombrements de noms es Bibles, comme Baalim au pluriel nombre. 1. des Roys. 7. 2. Chron. 28. Iere. 2. Baalberith, maistre de l'aliance. Iuges. 9. Remphaim. Act. 7. Remmon, c'est à dire altesse. 2. des Roys. 5. Adonis, ou Thamuz, en langue Hebraïque, c'est à dire consumé, ou bruslemét. Ce mot est Syrien. Ezech. 8.

PHILO raconte que les Amorrhéens auoyent sept statues d'or, qu'ils nommoient saintes Nymphes, & lesquelles estant inuoquées môstrerét aux Amorrhéens d'heure en heure leurs œuures, & leurs noms: les noms des femmes qui furét femmes des sept homes de peché, lesquels les consacrerent apres le deluge, asç. uoir Canaân, Phur. Selath, Nembroth, Abiriô, Elath, & Desuat.

LE Dieu Vualdath est nommé par Abdias Euesque



de Babylone au huiſtieme liure de l'histoire Apoſtolique.

L'on adoroit auſſi des veaux d'or. 1. des Rois. 12. La gendarmerie du ciel, 2. Rois. 17. La Royne du ciel, Jerem. 44. Anciennement, ſelon ce qu'on en trouue par eſcrit es Chroniques de Saxe en la vie d'Otton, liu. 2. chap. 21. 22. & au 3. liure chap. 21. les Pomeraniens adoroient vne groſſe noix : & ceux de Stetin conoiſſoyent par certains ſignes que leur faiſoit vn beau cheual noir entretenu à ceſte fin, s'ils ſeroient heureux ou malheureux en guerre.

*Des dieux de chaſque province: de l'idolatrie des Grecs: de l'inſtitution des dieux des Romains: du nombre des ſacrifices. Item comment l'idolatrie eſt entree entre le peuple de Dieu.*

## CHAP. VI.

*Les dieux  
des provin  
ces.*



ES autres provinces ont auſſi adoré leurs dieux. Les Egypt. ont adoré Osiris & Isis: & pource que leur fils Anubis prenoit plaisir aux chiens, les Egyptiens l'ont auſſi adoré ſous la figure d'un chien, comme dit le poete Virgile. Il y a quelques animaux (ce dit Strabon au 16. & 17. liu. de ſa Geographie) que tous les Egyptiens adorent: aſcavoir trois terreſtres, le beuf, le chien, le chat: des volatiles l'eſpreuier & l'ibis: des aquatics, le poiſſon nommé lepidote & l'oxirinche. Puis apres il y a d'autres animaux adorez par chaſque province & peuple particulierement comme les Saites & Thebains adorent la brebis, les Latopolitains vn poiſſon du Nil nommé latus, ceux de Lycopoli vn loup, les Hermopolitains vn chien qui a vne teſte d'homme, les Babylonniens pres de Memphis vn oignon, ceux de Thebes vn aigle, ceux de Leontopoli vn lion, les Mendefiens vne chevre & vn bouc, les Athribites la muzareigne, les Perſes adorent le feu qu'ils nomment Orimaſda, les Ethiopiens habitans de Meroé, Iupiter, & Bacchus: les Arabes, Venus, & Diaſare avec Bacchus: les Boëtiens, Amphiarce: les Africains Mopſus: les Scythes, Minerue: les Naucrartites Serapis: les Sy-



les Syriens, Astarté: les Noriciens, Tibilane: les Maures Iuba: les Macedoniens Gabire: les Carthaginiés, Vrane: les Samiens, Iunon: ceux de Paphos, Venus: ceux de Lénos, Vulcain. ceux de Naxos, Bacchus: ceux de l'isle Diomedienne, Diomede, au temple duquel les oyseaux par grâde obeissance apportent l'eau en leur bec, pour suyuent & chassent avec grande hayne les estrangers, & ceux qui viennent de dehors, & non seulement ils endurent les Grecs, mais aussi les flattent: ce qui se fait par le ministère des diables, auxquels il touche de pres de persuader que Diomede a esté fait DIEU: ainsi ceux de Delphe adorét Apollon, & comme dit Ouide en ses Faltes

*S. Augu-  
stin. 18.  
de La cité  
de Dieu,  
chap. 18*

*Palas est adoree en Athenes. & Crete,*

*Où Minos commanda, à Diane est faite.*

*Aux champs Hyppilyens Vulcain est redouté:*

*On reçoit de Iunon la haute deité*

*En Sparte & en Mycene & en Menale encore*

*Amilieu des grands pins les Faunes on adore.*

Les Perses auoyent vne autre idole nommee Mithra, qui auoit la figure d'un lion, avec vn chapeau royal sur la teste, & tenoit entre ses pattes vn beuf par les cornes. Elle estoit dans vn carreau ou s'assembloyent ses preseres, comme iadis au trou de saint Patrice en Hibernie, & appeloient à haute voix ceste idole Apollon, puis tiroient par les cornes le bœuf hors du caueau & le sacrifioient à l'idole. Pour chasser les mousches, les Cireniers sacrifioient à vne idole nommee Achor: comme aussi les Canopiens à Hercules afin de n'estre molestez des puces. De mesme on reclamation Apollon Parnopeen à ce que les souris ne mangeassent le fromage & autres choses: car en la langue des Bzoriens Parnopion signifie vne souris.

Les Grecs qui ont esté les plus superstitieux apres les Egyptiens, ont fait Iupiter maistre du ciel, Neptune des eaux, & Pluton des plus profondes cauernes de la terre: & à chacun d'eux ils ont donné pour adioints vne infinité d'autres dieux. A Iupiter Saturne, Cibelle, Mercure, Apollon, Mars, Iunon, Minerue, Venus & Diane l'Ephesienne, dôt il est parlé aux actes des Apostres, 19. Ils ont adioint à Neptune, Neree, lequel ils nomment Garde-ports: ils luy ont aussi adioint les troupes des

*L'idola-  
trie des  
Grecs.*



Nymphes. Dauantage le Diable a persuadé qu'il y auoit en chacun corps qui est en nature, vne particuliere deité, & a augmenté & confirmé ceste opinion, en se monstrant sous les especes de ces deitez.

*Les dieux  
des Ro-  
mains.*

*Les dieux  
des grands  
peuples.*

*Les dieux  
generaux.*

*L'Ange  
bon &  
mauuais.  
Les Larres*

*Les Presti-  
tes.*

Les Romains n'ont pas eu moins de dieux, entre lesquels les anciens ont nombrez ceux-ci pour attirer les foudres, les Stateurs, les Tonans, les Feretriens, Iupiter Elicien: puis les dieux des grands peuples, Iunon, Vesta deesse des Troyens, que le fugitif Aenee transporta en Italie: Item Minerue, Ceres, Diane, Venus, Iupiter, Mars, Mercure, Neptune, Vulcain, & Apolon, lesquels sont nombrez par Ennius, & sont nommez Consentes, lesquels consultent de toutes choses avec Iupiter: avec lesquels on mettoit comme adioints & coadiuteurs, les huit dieux esleus qui suyuent, ascauoir Ianus, Saturne, Genius, Plutus, Bacchus, le Soleil, la Lune, & la Terre. Les dieux particuliers Iunon & Minerue: les dieux communs Mars, reueré par les Latins, pour autant qu'il preside aux armes: Item Bellone, & Victoire: les dieux geniaux, ou de volupté, la Terre, l'Air, l'Eau, le Feu, le Soleil, la Lune, ausquels chacun sacrifioit le iour de sa natiuité, pour autant que lon pensoit qu'ils eussent la force d'engêdrer & produire les choses. De cœ anges l'un bon & l'autre mauuais. Les Larres que lon disoit auoir la charge, & le soin des affaires priuees, des carrefours, des chemins, & de la ville: on les appeloit aussi les petis dieux, & dieux des moindres nations. Item les Prestites ou preuoyans, nommez par Ouide au cinquieme des Fastes:

*Pourtant que tout est seur au deuant de leurs yeux.*

C'EST à dire pour autant qu'ils conseruent & defendent toutes choses en la maison: car on pensoit que ils possedassent la maison, apres que la deité estoit apaisée, ils controuuerét aussi des dieux indigetes, qui estoient hommes mis au nombre des dieux à cause de leur vaillance & prudence en guerre & en paix, & à cause aussi de leurs biens faicts. Ils y adiousterent aussi des dieux patriaux & tutelaires: & le reste de la famille des Faunes des Syluains, des Satyres, & Gobellins. Vn Iuif nommé Rabi Abraham escriuant sur le passage du second chapitre de Genese où il est dit que DIEU se reposa au



posa au septieme iour de toute œuure qu'il auoit faire, dit que par ces mots sont entendus les Faunes, Satyres, Incubes, Gobelins, & autres telles choses qui sont creatures imparfaites: pour ce que Dieu eüst preuenu de la nuit precedente le Sabbat, ne leur donna leur perfection. Qu'à cause de cela ils fuyent la sainteté du iour du Sabbat, cerchans les montagnes & caueaux tenebreux, où ils demeurent cachez tant que le Sabbat soit passé, puis ils reuiennent, pour tourmenter & endommager les hommes. Mais ce Rabin ne fait que resuer & badiner. Les Gots nommoient leur plus grand Dieu du nom de Thor, le second Odhen, & le troisieme Friga. Varron qui a recherché avec grande diligence les dieux des Payens, escrit qu'il a trouué plus de trente mille faux dieux. De là s'est augmenté le nombre des seruites & sacrifices, dont les Egyptiens en ont eu en vsage six cens soixante especes. Les Grecs & les Romains n'en ont eu gueres moins, & encores que lon pense qu'ils ayent esté iadis surpassez par les Egyptiens en nombre de dieux, & de sacrifices: si est-ce que ie crain bien que le changement des choses n'ait esté tel avec le temps, que les Romains ayent gagné la victoire en matiere de superstition.

*Idole  
grand, sup.  
3. chap. 3.  
de l'hist.  
siptem.*

CE ne seroit jamais fait à qui voudroit faire vn roole des faux dieux des peuples Barbares, comme les Rugiens ont eu Vite, Rugieuithe, Poreuirthe, Porenuce, & Stanitie, desquels parlent amplement Saxon le Grammarien au 14. liure de son histoire de Dannemarch, & Albert Crantz, es 12. & 13. chap. de l'histoire des Vandales. Les mesmes peuples adoroyent vn autre faux dieu nommé Zuantheith, selon que le recite Helmolde au second liure de l'histoire des Sclauons, chapitre 12. & 53. Item es chapitres 70. & 84. il fait mention d'vne autre idole nommee Proue, qui estoit adored dans les bois. Les Polabes auoyent vne idole nommee Sumar: les Obotrites, Rodigall, Podaga, Siuua, comme il appert par les Chroniques de Saxe. Vne idole nommee Flins estoit adored par les Vandales demeurans en Lusatie: Triglas idole à trois testes par ceux de Stetin: & comme on lit en la vie de l'Empereur Otton, liure 2. chap. 11. 22. & au 3. liu. chap. 5. ceux de Vuolgall adoroyent vne

*idoles de  
diuers pen  
ples.*



certaine idole nommee Herotin, qu'aucuns estiment estre le Dieu Mars des anciens Payens. Or le DIEU tout-puissant vueille enseuelir de plus en plus la memoire de ces diables. Iean Cuspinian, au liure de la religion des Turcs, fait mention des saincts que les Turcs inuoquent en mesme sorte que sont auourd'huy ceux de l'Eglise Romaine. Ils en ont vn surnommé Hattscipettesch, c'est à dire se courant les pelerins, desquels il est le patron. Ascikpassa estimé patron d'amour, est inuoqué es nopces afin qu'on obtiene lignee, ou quand les femmes sont en travail d'enfant, ou quand le mari & la femme ne sont pas de bon accord ensemble. Vairpassa est le patron & apointeur de ceux qui plaident, & se monstre par fois en figure de vieillard, par fois en figure de ieune homme. Schleychpassa console ceux qui sont troublez & affligez. Chiridelles acoustumé d'assister aux voyageurs & passans qui sont en danger, & disent qu'il aparoist à cheval à ceux qui l'inuoquent. Ils adorent aussi d'autres idoles qui sont les patrons du bestail & des autres animaux, qui sont venir la pluye, & qui rameinent le beau temps, dont l'un est appelé Gouielmirschin, l'autre Baescumbassa. pour ofrande ils leur portent du beurre & du pain chaud qu'ils appellent Passama.

I'AY esté vn peu long sur ce catalogue des dieux des Gentils, à celle fin que ceux qui pour le iourd'huy s'en aidét encores, se puissent souuenir que les diables se cachent souuentefois en leurs barboteries & exor-

*Pseu. 95. Les dieux des Gentils sont diables.* cismes, sous le manteau des paroles barbares & inconnues. Le royal prophete Dauid tesmoigne que les dieux des Gentils sont diables, lesquels sont nommez es saintes lettres les dieux des Gentils, des terres, & dieux des peuples de la terre, 2. Chron. 33. Les dieux des peuples. 1. Chroniq. 16. Les dieux de la terre, Iuges. 3. Les idoles des nations, Sapience. 16. Les dieux des montagnes, 1. des Rois, 20. Les dieux des fils de Seir. 2. Chron. 25. Les dieux de Damas, 2. Chron. 28. Ils sont nommez souuentefois les dieux estranges, tel que Manassés chassa de la maison de DIEU, 2. Chron. 33. Item Iosias, 2. des Rois, 23.

Et non seulement ces monstres d'idolatrie ont eu les ma-



credit entre les Gentils: mais aussi sont paruenus par les machinatiōs du diable, iusques au peuple de Dieu, où ils ont espandu leur poison. Car Rachel s'enfuyant desroba les dieux de Laban son pere, & beau-pere de Iacob. Mais Iacob dit en sa maison à tous ceux qui estoient avec luy, Iettez les dieux estranges, qui sont avec vous, lauez vous & chāgez vos vestemes. Adōc ils luy baillerēt les dieux estranges qui estoient en leurs mains, & les oreillettes, & les cacha sous vn chesne au pres de Sichem. Le peuple d'Israel aussi estāt au desert adore la semblāce d'un veau, & luy sacrifie, disant, Ceux ci sont tes dieux, ô Israel, lesquels t'ont faict mōter du pays d'Egypte: & pour ceste impietē les Leuites firent mourir en vn iour trois mil hommes du peuple. Au liure des Iuges, chapitre 10. les enfans d'Israel firent derechef mal en la presēce du Seigneur, & seruirent à Baalim & Astaroth, aux dieux de Syrie, aux dieux de Sidon, aux dieux de Moab, aux dieux des enfans d'Ammon, & aux dieux des Philistins. Ils abandonnerent le Seigneur, & ne luy seruirent point. Item Ephraim est participant des idoles, en Osée 8. & Ezechiel 8. 18. & en plusieurs autres endroits.

*Des sacrifices du sang humain inuentez par le diable: cre-  
lebrez entre le peuple de Dieu, entre les Grecs,  
entre les Romains & ailleurs. Item  
des prognostications prises des  
entrailles des hommes  
sacrifiez.*

## CHAP. VII.

**M**ESME (ce qui est plus à deplorer) cest ōi-  
urier cauteleux forgea en la saincte compa-  
gnie des Israelites de trescruelles meschān-  
cetez, & horribles assassināts, sous le trom-  
peur pretexte de blasphemēs, sacrifices, & prognostica-  
tions: tellement qu'abandonnant, & reiettant opinia-  
strement les loix & oracles celestes, ils sacrifierent le  
sang humain. Il fit passer les fils & les filles par le feu  
par vne cruauté plus que bestiale en l'honneur, & pour  
le seruice de Moloch, idole des Ammonites en la vallee  
des fils d'Hennon, cōme il en est parlé au 2. des Chron  
b. ii.



chap. 33. Ierem. 32. Pseu. 106.

Le Diable auoit reduit les Grecs & les Romains iusques à ce point de folie & d'inhumanité, que selon son commandemēt ils sacrifierent le sang humain. Car & les Grecs & les Romains auoyent plusieurs choses communes en leur meschâceté & diuerse idolatrie: & entre plusieurs autres, les Romains mesme auoyent pris des Grecs quelques certaines ceremonies de leurs seruices. Par ce mesme auteur les prediçons de Tiresias, & de Calchas, commandoyent de sacrifier des viâtes humaines, & establissoyent vne idolatrie toute manifeste, avec la detestable opiniõ de plusieurs dieux. Tiresias promet la victoire aux Thebains, mais à telle condition que le fils de Creon fust escorche, & sacrifié pour le païs. Calchas predit la ruyne de Troye, & promet bonne issue, mais incontinent il commande d'immoler Iphigenie fille d'Agamēnon. Lors que les Ioniens demandoient à l'oracle Delphique remede contre la peste, laquelle ruinoit leur pays, il leur respondit que la peste ne cesseroit point que premieremēt lon n'eust offert à Diane Triclarie, Menalippe avec Comethone, laquelle il auoit rauie au temple de Diane: & si d'an en an on ne sacrifioit en mesme temps deuant l'autel de Diane vn beau ieune garçon pour Menalippe, & vne belle ieune pucelle pour Comethone. Il en fit autant aux Messeniens du temps de ceste longue guerre qu'ils eurent avec les Lacedemoniens: car lors qu'ils luy demanderent l'issue de la guerre, il leur predit la victoire: mais à telle condition qu'ils sacrifieroyēt à Dieu vne pucelle de la famille des Aepitides. La Aristodeme l'vn des principaux de ceste race pour gratifier à sa patrie, voua vne sienne fille au sacrifice: mais vn quidam espris de son amour seignit pour sauuer la pauvrette, qu'elle estoit grosse de son faict, & que pour ceste cause elle ne pouuoit estre sacrifiée à Dieu. Ce que le pere ayant entendu entra en vne si ardēte colere qu'il tua & mit sa fille en pieces sur l'heure. Et peu apres luy-mesme veincu de grande douleur, pour auoir en dormant veu l'horrible representation de sa fille blessée & despecée, laquelle Satan luy auoit mise deuant les yeux, il se coupa la gorge pres son tombeau.



*Aulin. 6  
de la guer  
re Gaulois  
se.*

CESAR écrit que la nation Gauloise est merueilleusement superstitieuse, & que pour ceste cause ceux qui estoient affligez de griesues maladies, & qui estoient en perils es guerres, auoyent acoustume d'immoler des hommes, ou bien de se vouer eux mesmes à estre sacrifiez. Que pour ce faire ils auoyent les Druydes pour Sacrificateurs: pour autant qu'ils pensoient que pour racheter la vie d'un homme, on ne pouuoit appaiser la diuinité des Dieux immortels, sinon par la vie d'un homme: & à ceste cause, dit-il, ils auoyent institué des sacrifices publics. Les autres auoyent des images d'une esmerueillable grandeur, qui auoyent les membres tissus d'ozier: lesquels ils remplissoient d'hommes viuans, & puis y mettoient le feu, tellement que les pauures hommes environnez de la flamme redoyét incontinét l'ame. Ils pensoient que les supplices de ceux qui estoient conueincus de larcin, ou de quelque autre forfait estoyent plus agreables aux dieux immortels: & lors qu'ils n'auoyét des malfaitteurs, ils prenoient mesme les innocens. Ce n'est donc pas sans cause que le poete Lucain appelle fols & estourdis ces sacrificateurs & faux prophetes que Cesar nomme Druydes. Tertulian raconte en son Apologetique, qu'en Afrique on auoit acoustumé d'offrir à Saturne, les enfans iusques au temps de Tibere, lequel fit pendre les prestres de ceste fausse religion. Certainement cela estoit fort agreable à celuy qui des le commencement a esté homicide, & par l'autorité duquel les Gaulois auoyent acoustumé d'offrir les vieillards à Mercure, qui estoit vn ieu fort agreable aux Tauriciens. Vn certain Iupiter estoit mouillé du sang humain en la cité des Enchadares. Ils pactionnoient avec Bellone deesse de la guerre, par le moyé du sang tiré de leurs reins. Les enfans de noble race estoient souëttez en l'office diuin, en la presence de leurs parens, lesquels les exhortoyent d'endurer iusqu'à la mort. Fernand Cortez écrit que les idoles de Temixtitā en l'Amerique estoient arrousees du sang humain.

LES Gots auoyent tousiours acoustumé d'apaiser par vn tresrueil & funebre seruice, le plus grand Dieu Odhen, c'est à dire le plus fort qui preside aux armes,



asçauoir par la mort des captifs, estimās qu'il estoit conuenable d'apaiser par sang humain le Dieu de la guerre, duquel ils auoyent si bien appris l'art militaire, qu'auyans veincu les puissants Empires d'Europe, & d'Asie, ils auoyent raporté le surnom de tresforts. Item Froé d'Vpsale, Satrape des idoles, & depuis estimé le dieu de sang, sacrifioit les corps humains.

LES anciens Gaulois adoroyēt deux idoles, Teutates & Hesus, & ne leur offroyent autre chose que sang humain, comme le Poete Lucain tesmoigne. Entre les diuerses idoles des Sclauons, comme Helmold leur historien le recite au chapitre 53. le principal estoit Snuātenith, dieu des Rugiens, pource qu'il auoit plus d'efficace en les responses: & quand ils auoyent veu ceste idole la, ils ne tenoyent pas grand conte des autres. Et pourtant aussi tous les ans, pour vn honneur special, ils luy sacrifioyent le premier Chrestien qu'ils pouuoýēt attraper.

TELLES choses certainemēt ne procedoyent point de ceste eternelle sagesse, iuste, chatte, misericordieuse & qui cōserue les choses ainsi qu'elle les a creées: mais sans doute elles venoyent des diables, lesquels dès le cōmencemēt de toutes choses, en haine du vray DIEU, ont cruellement tourmenté par tous moyens les consciences, & les corps des hommes, & ont prins singulier plaisir à esprendre le sang: & mesmes quelquesfois durant ces horribles sacrifices ils ont monstre par certaines risées le contentement qu'ils auoyent de seduire ainsi les hommes. Car qui pourroit auoir esté auteur du ris manifeste, que les historiens disent estre sorti du gosier d'vne ieune fille que Mithridates sacrifia aux furies par le commandement des deuins, si ce n'est le diable? Cela auint pendant le consular de Sylla & de Pompee, comme le recite Iules Obsequens. A cause de ce les Philosophes escriuēt que les malins esprits s'esmeuuent par le flair des sacrifices, & president aux enchantemēs, lesquels se font souuētesfois par effusion de sang, avec le mellinge de parfums. O l'erreur & miserable tromperie, de seruir à vne deité, laquelle cōme Cassiodore escrit en ses epistres, s'appaise par la mort des hommes, non par pieté & amitié! Or nous lisons que ce vilain & malheur



malheureux monstre Heliogabale Empereur de Rome, vſa premierement, & ſeulement par l'inſtinct du diable, de l'anthropomance, c'eſt à dire de la prognostication faite ſur les entrailles des hōmes: toſt apres il porta la peine de telle cruauté pluſque beſtiale, car il fut cruellemēt meurtri, puis ietté dans les priuez où il pourrit parmi les ordures.

*Des faux prophetes du diable, des Enthusiastes, des femmes Pythiennes, & de pluſieurs Sybilles.*

## CHAP. VIII.



R afin que le diable embellist de dignes personnages la tragedie qu'il iouoit en ce Theatre du monde, & qu'il la rendist par-  
faicte en toutes ses parties: il mit en auant des Enthusiastes & prediseurs, à l'enuy du vray DIEV, lequel par ses prophetes a parlé avec les Peres: & fit cela, afin que lon ne pensast qu'il vou-  
lust ceder en aucune chose aux faiçts de DIEV, & aussi pour pousser les hommes en plus grande ruine. *Enthusia-  
stes.*

Il s'aida en outre de femmes de mesme mellier, prognostiqueuses Pythiennes, lesquelles ont presques esté deuineres-  
parmi toutes nations, tellement que mesmes elles ont ses.  
viléné le peuple de DIEV, si bien que Moÿse a tref-  
expressément defendu par la Loy, que lon ne prist con-  
ſeil d'elles, & a commandé qu'elles fussent lapidees. *Femmes  
Leuit. 19.  
20.*

Le Roy Saul fut griesuement puni pour s'estre adressé à l'une d'elles. Nous pouuons ici rapporter pluſieurs Sy-  
billes renommées, lesquelles ont esté poussées du dia-  
ble, pour la conseruatiō & approbation du regne qu'il  
establissoit sur le gère humain: & par les liures desquel-  
les les Romains ont esté induits à faire pluſieurs folies  
comme nous pouuons lire en diuers auteurs, & princi-  
palemēt en Zozime, qui recite pluſieurs de leurs vers  
remplis de superstitions des Gentils. encores que l'œu-  
re de la Sybille Erythree, ou Cumane, escrit en vers  
heroïques, ait déclaré les louanges prophetiques de  
CHRIST. car il a esté aisé au diable, de les extraire des  
reuelations des Prophetes, & principalement de celles  
d'Isaïe & de Dauid. Toutesſois la principale autorité &  
b. iiii.



reuerêce de ces prognostiqueurs demeura iusques à la venue de CHRIST, Fils de DIEU eternal, apres la naissance duquel, & lors qu'il apparut, à celle fin que selon la volonté de son Pere celeste, il mist à execution sa charge, les oracles cessèrent par tout le monde, & toutes sortes de diuinations cōtraires à la parole de DIEU: comme tesmoignent Athanase, Augustin, Eusebe, Lactâce, Plutarque, & Pline. Les malins esprits aussi se teurent & deuiendrent muets, comme les grenouilles de l'Isle de Seriphe, & delaisant toutes les tenebreuses cauernes de leur enorme malice, ils quitterent la place, non pas de leur bon gré, mais contraints en partie par l'horrible crainte de la toute puïssance de CHRIST, venu pour vëger les siens de l'imposture de ces môstres: & en partie à cause de leur condamnation, laquelle ils touchoyent du doigt: car ils conoïssoyent bien que IESVS CHRIST estoit enuoyé pour abolir les œuures de Satan, pour restabliir en son entier le genre humain, & pour le racheter des cautelles & de la rage du diable: & ce, par les propheties de Zacharie, long temps deuât reuelees par la voix de DIEU en ceste maniere. En ce iour là, dit le Seigneur des armées, j'extermineray les nōs des idoles hors de la terre, & n'en fera-on plus memoire. j'osteray les faux prophetes, & l'esprit immonde hors de la terre. Que si quelcun allegue que depuis lon a encores ouy des oracles, nous luy respōdrons, cōme la verité est, qu'ils ont esté si rares, foibles, defectueux, & inutiles, qu'ō ne les doit mettre en ligne de cōte. Athanase dōc dit fort bien, Les diables anciennement enue loyent les hommes par vne fausse semblance, & par trōperies, occupans en vn lieu les fontaines, & ailleurs les fleuues, les pierres, & les bois: & ainsi par leurs illusions ils mettoyent en fureur les pauures sots: mais maintenant que le verbe de Dieu est apparu, ces apparitions & tromperies imaginaires se sont esuanouyes.

*De la mesme & p reille adoration du diable en diuerses regions fort eiongnees les vnes des autres: & en combien de sortes il se ioue en la Chrestienté.*





N fin, & non sans grande astuce, le diable a machiné (encor que ie sache bien que plusieurs ont eu diuerses ceremonies) que non seulement vne mesme façon de luy seruir fust obseruee es parties de tout le monde, les plus esloignees les vnes des autres, comme iadis, les Druides es Gaules, & les lointains Gymnosophistes es Indes: mais aussi (ce qui est plus esmerueillable, & plus à douloir) que l'honneur luy fust rendu par vne mesme ceremonie en nostre Chrestienne Europe, sous des idoles de diuerse matiere, & de diuers noms. Il a augmenté cest auuglement par les organes commodés à ses tromperies, par la voix, par le chant, par les monu-  
més de la teste, tâtost en auât, tantost en arriere, tâtost à costé, par les passe-passes des doigts, & autres telles boufoneries. Et ainsi il a môstré par les statues, les marques de sa volôté, ou propice ou contraire: & a prophané les lieux qui estoient le domicile, & le siege de la doctrine celeste, de la tressaincte escole des peres, & les temples  
saincts, & habitations de DIEV: dedans lesquels (côme s'ils estoient conuertis en tanneries pour y exercer son impieté & superstition) il a essayé de vomir & desgorger ses blasphemés contumelieux contre DIEV, & apportés la mort au genre humain. Mesme en ceste vieillisse du monde, lors que ses tromperies manifestes de-  
voient cesser, il s'est parqué au vray temple de DIEV, & estant transformé en ange de lumiere, il commande aux esprits des hommes. Voila comme il se vange avec plus enorme mespris de la diuine maiesté, & avec plus grande ruyne de l'homme.

*Sapient. 14  
15.*

*1. Cor. 3. 6.  
2. Cor. 11.*

ON peut icy rapporter la moquerie, dont il a befflé la plupart des hommes, qui pensent, & se sont sottemēt persuadez, que le diable doit faire tomber du haut des clochers les cloches, qui n'ont point d'aines & sont mortes, si par auât elles ne sont purgees par le sacré baptesme, qui est le lauement de regeneration, appartenāt seulement aux membres de CHRIST, & si elles ne sont exorcisees: qui sont moyens desquels doyuent seulement vser ceux qui ont puissance & don particulier de chas-

*Du Baptesme & exorcisme des cloches.*



ser les diables hors de leur siege: & si elles ne sont encores sanctifiees apres y auoir conuie des comperes, & temoins de toutes parts, pour augmenter le pillage & sacrilege qu'ils font de l'or & argët qu'ils y amassent. Mesme on monstre des fosses, & des estangs que i'ay veus (si lon m'en veut croire) là où ils tiennët pour certain que les cloches non baptizees & consacrees ont esté iettees du haut en bas des clochers, & cassees. Ils disent dauantage qu'on les entéd sonner tous les ans, sur les dix heures de nuict es iours de Noel, & es iours qu'ils nommët les quatre temps, & que quiconque les oit, doit mourir en bres. ainsi les fols se gardent d'entendre le son, & ne se rencontre personne qui die les auoir entendues: & encore qu'il se trouuast quelqu'un qui die les entédre: si est-ce, qu'il ne faut point douter que le diable ne le trompe à raison de son impieté: ce temps pendant ils sont entretenus en ces mocqueries de nostre religion: & n'y a pas long temps que i'ay esté mené pres l'Abaye de Knechtelstein où i'ay entendu que lon adiousté encore foy à ce sacrilege, mesmes on y monstre encore la fosse & le cloché.

*Auis de l'Empereur Maximilian touchant le baptême des cloches* Pour ceste cause, & avec bonne raison, l'Empereur Maximilian fit mettre dans les griefs, que les Alemans proposoyent contre le siege Romain, la consecration des cloches, es termes latins traduits comme s'ensuit. Les Suffragans ont donné ordre de faire que nul prestre, fors eux, baptisast ces cloches. Puis les simples gens croyent, comme les suffragans afferment, que telles cloches baptisees chassent les diables & les tempestes de l'air. Au moyen dequoy, l'ordinaire est de semondre force comperes à ces baptêmes, specialement ceux qui sont riches. Pendant qu'on baptise la cloche ils touchent la corde à quoy elle est attachee, & respondent tous d'une voix au suffragant qui parle le premier, comme au baptême des petits enfans: puis apres auoir imposé nom à la cloche, & iceluy repeté par plusieurs fois, ils la couurent d'un nouveau vellement. Cela fait tous ensemble vont faire bonne chere, & fait-on asseoir ces comperes les premiers, afin qu'ils facent de plus riches presens: les suffragans, leurs chapelains, & autres prestres en grand nombre y sont aussi traitez & seruis magnifiquement.



gnifiquement. Encor n'est-ce pas tout: car il faut payer monsieur le suffragant, & ce qu'on leur baille ils l'appellent petit present. Ainsi il auient quelques fois qu'en quelque petit village on despendra cent florins en tels baptêmes. Cela n'est pas seulement superstitieux, ains aussi contraire à la religion chrestienne: c'est vne tromperie des simples gens & vne pure exaction. Qui pis est les Euesques soutrent que ces suffragans commettent telles fautes & autres plus estranges, moyennant qu'ils ayent tant soit peu part au butin. Vne chose si meschante & illicite merite d'estre abolie.

LACTANCE donc escrit fort à propos en ceste maniere. Ainsi les diables trompent la croyance des hommes, par vne fausse diuinité: car aussi ne leur est-il expediet de descouurir la verité. Ce sont eux qui ont enseigné de faire des images & des statues: & qui pour deslourner les esprits des hommes du vray seruice de DIEU, ont fait establir & consacrer les feintes semblances des Rois trespassés, & leurs ornemens embellis à l'auantage: & se sont encore attribuez leurs noms, se cachant sous iceux, comme sous des masques. Mais les Magiciens, & ceux que vulgairement & à bon droit lon nomme sorciers, les prouoquent par leurs propres nés à sçauoir par les celestes, que nous lisons es lettres saintes, alors qu'ils exercent leurs ars execrables. Or ces esprits pollus & vagabonds, pour mieux troubler tout & enraciner leurs erreurs es cœurs des hommes, ont accoustumé d'entrelasser & mesler les choses vrayes avec les fausses: car ils ont cōtrouué qu'il y en auoit plusieurs celestes: mais ils ont retiré la verité de deuant les yeux cachee sous des noms faussement controuuez. Vn peu apres il dit: & ceux qui se sont retirez du ministère de Dieu, pour autant qu'ils sont ennemis de Dieu, & preuaricateurs, ils taschèt de s'attribuer le nom de Dieu, & le seruice d'iceluy, non qu'ils desirerent auoir aucun honneur (car quel hōneur auoyēt ils perdu?) ne qu'ils pensent nuire à Dieu, auquel on ne peut nuire: mais seulement aux hommes, lesquels ils taschent de retirer du seruice & vraye conoissance de sa souveraine maiesté, à cel le fin qu'ils n'acquierent l'immortalité, laquelle par leur malice eux ont perdue. Ils les embrouillent donc

*Au 2. li.  
chap. 17.*



en tenebres, & cachent la verité sous les tenebreuses obscuritez, à celle fin qu'ils ne reconoissent leur Seigneur, & leur Pere: & pour plus facilement les y attirer, ils se cachent es temples, & sont prests & appareillez à tous sacrifices. Ils font quelquesfois des signes monstrueux, à celle fin que les hommes estonnez par ce moyen estimét dieux, & attribuét vne puissance diuine à leurs images. Il dit encores vn peu apres. Parquoy ils s'acquierent vne autorité, & se font craindre par les hommes, qui ne les conoissét, & par ceste finesse & pratique ils ont affoibli & comme enuieilli par tous les peuples, la conoissance d'un vray & seul DIEU: car estans perdus par leurs vices, ils exercerent leurs cruautéz & brigadages pour perdre les autres. Pour ceste cause aussi ils ont inuenté les victimes humaines, eux qui sont ennemis du gère humain, afin qu'ils peussent deuorer plusieurs ames. Lactance en escrit encores dauantage en ce mesme endroit.

*Vilaine  
& deshon  
nesté risée  
du diable.*

Mais il ne se faut point esbahir (côme dit Saxon le Grammarien, escriuant des Rugiens au 14. liure de l'histoire de Dannemarek) si les Rugiens craignoyent la puissance de ceux, par lesquels ils se resouuenoyét leurs paillardises auoir esté souuentesfois punies. Car en la ville de Karenti, les hommes ayans appelé les femmes à coucher avec eux, auoyent acoustumé de s'attacher avec elles en la maniere des chiens, & nos'en pouuoyent desfaire. Quelquesfois l'un & l'autre pendus à vne perche, & attachez par ce lien extraordinaire, seruoient au peuple d'un spectacle ridicule. Le seruice de leurs images parauant delaissees, & presque inconues, fut augmenté par le moyen de ce vilain miracle, estimans que cela fust fait par la puissance des images, encores que ce fust sous la couuerture des tromperies des diables: lesquels laisserent les temples & les villes des Rugiens, incontinent que les images furent demolies.

*En l'Apo  
logétique  
contre les  
Gentils,  
chap. 17.*

Voicy comme Tertulian depeint le diable & ses pratiques. Nous sauons dont telles choses procedent, qui est cause de tout cecy: nous sauons comme maintenant par astuce de persuasion, & maintenant par leurs cruautéz ils essayent de renuerfer nostre constâce. C'est l'esprit participât de la nature demoniaque & Angelique,



que, lequel nous portant enuie à cause de son divorce, & nous voulât mal à cause de la grace de DIEU, cōbat contre nous, à cause de nos âmes lesquelles il auoit enchanterees & subornees en toute peruersité de iugemēt, & iniquitez de tourmens, ausquels auons esté nez dès le commencement. Car encores que toute la puissance des malins esprits, voire ces esprits mesmes nous soyent assuiectis : toutesfois comme meschans seruiteurs ils messent la rebellion avec la crainte, & taschent de blesser ceux, lesquels autrement ils craignent : d'autant que la crainte est suyure de hayne : & dauantage leur cōdition desesperee, à raison de leur damnation, estime que ce luy est autant de soulagement, tandis que par le retardement de la peine elle iouist de toute malice : & toutesfois estās apprehendez ils sont surmontez, & succombēt à leur condition, & reuerent de pres ceux, lesquels ils combattent de loïn. Or sur tous ils en veulent à ceux qu'ils conoissent auoir promesse de la felicité qu'eux ont perdue. Mais escoutez S. Augustin descriuant fort propremēt en ses sermons les diuers efforts de ce malin esprit. Qu'est ce que lon sauroit trouuer de *Sermon. 4* plus depraué, plus malin & plus meschant que nostre ennemi ? qui a mis la guerre au ciel, la fraude en paradis, la hayne entre les premiers freres, & qui a semé la zizanie entre toutes nos œuures : car il a mis au boire & *On lit le* au manger la gourmandise, la luxure en la procreatiō : *semblable* la paresse en l'exercice : l'ennuie en la conuersation des *en S. Gre-* hommes : l'auarice aux gouuernemens : la cholere & l'igoire, *liu.* re en la correction : l'orgueil en la preface & au com- *29. de ses* mandement : il a posé les mauuaises pensées dans le *Morales,* cœur, les faulces paroles en la bouche, les mauuaises *sur Iob.* œuures en les membres, lequel il excite & pousse en veil *Aussi en* lant : & en dormant, il meut les songes deshonestes, il *Leon Pa-* incite les ioyeux à dissolution, les tristes à desespoir : *pe, serm. 8* brief tous les maux du monde ont esté commis par sa *de la nati-* meschanceté. *uité.*

*D'oū vient que les diables peuent faire des choses si esmerueillables, & principalement d'oū vient qu'ils peuent predire les choses à venir.*





**L** ne se faut esmerveiller, si les esprits entreprennent ces choses, & vne infinité d'autres pareilles. Car estans subtils en leur substance, ils peuuent & entendent plusieurs choses, en partie par la permission de DIEU, & en partie fallacieusement au moyen de leur tenacité, subtilité, vistesse incroyable, vigueur de sens, & de la lumiere naturelle, beaucoup plus claire & excellente en eux, qu'en tous autres corps terrestres & tardifs en leurs sens. Ils ont avec toutes ces choses, comme escrit saint Augustin, la longueur du temps, pendant lequel ils ont vescu dès le commencement, avec vne remarquable experience, laquelle ils ont acquise des choses grandes, & qui ne peut estre es hommes, à raison de la briefueté de leur vie. Et pour ces raisons ils font des choses esmerueillables, & predisent l'auenir, principalemēt à raison de la conoissance qu'ils ont des propheties de la sainte escriture, ou bien ils les entendent à cause d'une probable cōiecture qu'ils ont. Quelquesfois aussi ils predisent les choses qu'ils doyuent faire, & ainsi ils attirent les hommes, ils les amorcent, ils les seduisent & trompent. Pour ceste cause Platon en son Epinomide leur attribue vne esmerueillable prudence, vn esprit aigu, & vne memoire solide & asseutee. Parquoy Clement escrit qu'estans esprits demoniaques ils comprennent beaucoup plus tost & plus parfaictement: car ils ne sont point empeschés par pesanteur de corps: & puis il adioust, Ils conoissent sans difficulté, & entendent soudainement les choses que les medecins apprennent avec vn long tēps, & avec grande peine: car ils sont esprits. Il ne se faut dōc esmerveiller s'ils sauent dauantage que les hommes: mais il faut craindre qu'ils n'accommodent les choses qu'ils sauent, non pour nostre proufit & salut, mais pour deceuoir les ames, & introduire par ce moyen vne faulx religion.

*De l'esprit  
et de l'ame  
chap. 28.*

*Liure. 4.  
des recog.*

*En l'Apo  
logetique  
contre les  
Gentils,  
chap. 22.*

TERTVLIAN dispute en ceste maniere sur ceste question. Tout esprit est leger, tels sont les Anges, & les diables: parquoy en vn moment ils sont par tout. Tout  
le monde



le monde ne leur est qu'une place: ils sçauent aussi aisément les choses qui se font par tout, cômte aisément ils les racontent: leur vîsîesse est estimée diuinité, car leur substance est inconue. Et ainsi quelques fois ils veulent estre estimez auteurs des choses lesquelles ils annocêt, & quelques fois ils sont vrayemêt auteurs des mauuaises, & iamais des bônes. Ils sont extraict mainîenât des conseils de DIEV es sermons des Prophetes, & mainîenant en leurs leçons: ainsi retirans de ces choses quelques dispositions des temps, ils veulent contrefaire DIEV en luy desrobant la predictiô des choses à venir.

Cræsus, Pyrrhus & leurs semblables sçauent bien avec quelle malice les diables attremboyêt l'ambiguité des choses auenir. Ainsi le diable conut bien par les propheties d'Isaye & de Daniel (lesquels remarquent expressément le ieune Alexandre) que le mesme Alexandre deuoit iouir de toute l'Asie, apres auoir veincu Darius, & que l'Empire des Babyloniens seroit transporté aux Grecs. Parquoy Alexandre s'enquestant de la deuineresse de Delphes, & maugré elle tirant responce, à la parfin elle dit, Alexandre tu seras inuincible. Puis apres ainsi qu'il menoit son armee en Perse, le diable mit en auant plusieurs choses monstrueuses. L'image d'Orphee sua ainsi qu'Alexandre entroit en Asie. De là ainsi qu'il combattoit contre Darius, on vid vn aigle laquelle fondât du haut de l'air, se balança sur sa teite, puis passa au camp des ennemis.

*Daniel. 8.*

CERTAINEMENT c'estoyent des tromperies du diable, expressément inventées & appareillees pour cõfermer l'observation des signes monstrueux, & des deuinations, ausquelles on adioustoit foy de ce temps. Il esleua Darius au contraire en vne fausse opinion de victoire, par des songes ambigus. il preuit par les propheties d'Isaye que Tyr deuoit estre destruite par les Macedoniens: car il dit ainsi, Vrlez vous nauires de la mer, car la maison dont elles auoyêt acoustumé de venir est gallee. Cela leur a esté reuelé de la terre de Cethim. Or par la terre de Cethim plusieurs ont entêdu les Macedoniens, & mesmes Homere a nômé les Macedoniens Cithiês: toutes fois quelques vns entêdent par la terre de Cethim les Cypriots. Apres dõc que Darius fut mis en

*Isaye 23.*

*Joseph*

*des anti-*

*quitex des*

*Iuifs li. 1.*

*chap. 6.*



route, & qu'Alexandre eust amené son armée à Tyr : le diable admonnesta quelqu'un de prédire aux citoyens qu'Apollon délaisseroit la ville, à celle fin que la chose aduenant ainsi il confermast la bonne opinion qu'ils auoyent des idoles. Il preuid aussi par les propheties d'Isaye & de Daniel, que la Monarchie des Assyriens seroit ruinée, & ce par Cyrus, duquel nommément Isaye a es-  
*Isaie* 44. crit. De la il coniectura aussi que Crœsus seroit en danger de perdre son royaume de Lydie, parquoy vn peu deuant il prognostiqua, estant enquis en l'oracle Delphique, que le petit fils de Gyges (lequel il voyoit venir au temps de Cyrus) deuoit perdre le royaume de Lydie. & vn peu apres lors que Crœsus eut le gouuernement du royaume, afin de le renuerse, lors qu'il s'enorgueillissoit par la confiance qu'il auoit en ses richesses, & qu'il affectoit le royaume des Perses : il l'attira à faire guerre à Cyrus, luy promettant en peinture la victoire par vne prognostication incertaine : & par ce moyen Crœsus fut vaincu, pris & despoillé de son royaume, & mourut en Perse.

Le but auquel tend le diable par ses prognostications appert assez au fait de l'Empereur Valent, lequel, comme disent les historiens, estant transporté de certaine fureur qui le surprint, s'équit du diable quel successeur il auroit en l'Empire. Le diable respond ambiguement & monstre quelques lettres grecques qui conuiennent avec les cinq suyantes THEOD. voulant dire que ce seroit le commencement du nom de ce successeur. Au moyen dequoy Valent fit tuer tous ceux qui auoyent ces lettres au commencement de leurs noms, asauoir les Theodores, Theodotes, Theodoses parens de celuy qui fut Empereur puis apres, Theodules, & entre autres vn Seigneur d'Espagne nommé Theodosule. Les autres redoutans ceste nouuelle sorte de rage changerēt leurs noms. Nous auons pour tesmoins de cela Socrates au 4. liure de son histoire ecclesiastique. chap. 19. Sozomene au 6. liure, chap. 35. Paul Diacre au liu. 12. Zonare au 3. Tome.

ON lit es histoires vne infinité de tels exemples : mais venons à ce qui est auenu de nostre temps, & que chascun fait. Toutesfois i'adiousteray premierement  
 vne



vn exemple singulier & tout nouveau de l'imposture de Satan. escrit par nostre maître le docteur Iean Henri Colen de Belleduc, à nostre maître Augustin Huneus docteur de Louvain, le 3. iour de Mars 1574.

*Histoire  
d'un ieune  
enfant de-  
moniaque.*

Vn ieune enfant de nostre ville predict, ce dit on, par l'inspiration du S. Esprit, que le meschant & tyrannique complot des Gueux du pays bass'en va prendre fin. Nous craignons toutesfois que ce ne soit vne fourbe du malin esprit: combien que personne d'entre les hommes doctes qui sont par deça n'en ait peu encores descouurir. Cest enfant crie & demande qu'on prie **DIEU** continuellement & de bon cœur: luy mesmes trois heures du iour prie à bras estendus. Il a predict merueilles de nostre temps, & tout ce qu'il a predict est auenu, sans qu'il se soit abusé en aucune circonstance. Il dit aussi que l'Ange Gabriel luy a réuelé que toutes ces tragedies de Flandres prendront fin auant que la moitié de l'asté prochain soit expiré: que le Roy d'Espagne viendra es pays bas, & appaisera tout par tres-heureux moyens. Il a predict aussi le moment de temps de la prinse de Middelbourg, & infinies autres choses auenues selon ses predictions. Moy indigne ay esté aussi appelle pour examiner ce ieune enfant, & ay esté tout estonné & rai de voir vn si simple enfant, qui ne sait lire ni escrire, respondre si promptement à toutes demandes, & soudre les plus grandes difficultez qu'on luy eust sceu proposer. Et pource que Satan se transfigure en ange de lumiere, ie luy ay fait plusieurs & diuerses questions: mais tant s'en faut que ce soit vn Ange qui ait horreur de la croix du Seigneur, ou du nom de Iesus: qu'aucontraire il a aprins vne priere à cest enfant, contenant en substâce ces mots: O Iesus de Nazareth qui as esté crucifié pour nous, aye pitié de nous: subuiens aux pources pecheurs, afin que nous retournions à la foy. Voila le contenu de la lettre de ce docteur.

Mais l'euuenement contraire a monstré que cest enfant estoit possédé du diable qui parloit & prognostiquoit par la bouche d'iceluy. Car les troubles de Flandres n'ont pas prins fin l'este suyuant, ni trois ans apres, & n'estoit nouuelle aussi que le Roy d'Espagne vint es pays bas. Or l'Esprit de **DIEU** ne peut errer ni faillir.



*Ces troubles durent encor en la presente année 1578. & le Roy n'a bougé d'Espagne.*

lir au moindre point du mode. Par ainsi lon peut voir qui est ce Gabriel qui a peu annoncer le moment du temps de la redition de Middelbourg en Zelande: a sçavoir que c'est le diable qui pour estre esprit se transporte d'un lieu en autre en un instant, à cause de sa vîstesse incomprehensible. Le mesme a incité ce ieune enfant aux prieres sus mentionnees afin de donner couleur à ses impostures & faussetez. C'est ainsi qu'il est coustumier de mesler tousiours la verité avec le mensonge.

*Les diables ont conu Iesus Christ devant les Apostres, & la cause pour laquelle il estoit enuoyé. Item pour quelle raison il fut tenté du diable.*

## CHAP. XI.



ES saintes escritures nous tesmoignent que le diable a plustost conu IESVS CHRIST que n'ont pas fait les Apostres, avec lesquels il parloit, & demouroit familièrement: tellement qu'avant la mort & resurrection de IESVS CHRIST, Satan reconut, & declara, outre son gré, pour quelle raison CHRIST estoit venu, à sçavoir pour faire conoistre Satan, & ses tromperies: pour renverser ses pratiques, & abolir son royaume. Parquoy tremblant de la crainte qu'il avoit du iugement de DIEU, & des peines eternelles, & quasi comme perdant toutes forces, il cria à haute voix devant IESVS CHRIST: Ah, qu'as tu affaire avec nous IESVS Nazarien? estu venu pour nous destruire? Je sçay que tu es le saint de DIEU: & IESVS le reprit disant, tais-toy, & sors hors de cest homme, & l'esprit immonde le derompant, & s'escriant, s'en sortit, & depuis ne luy fit aucune nuissance. Il est aiousté puis apres que les diables sortoyent des corps de plusieurs, crians & disans: Tu es le CHRIST Fils de DIEU: & IESVS les tenant ne leur permettoit de dire, qu'ils seussent que il estoit le CHRIST. Sur ce Athanase dit, IESVS CHRIST empeschoit la parole du diable, de peur que avec la verité, il ne diuulguaist sa meschancete, & pour nous acoustumer aussi de ne nous soucier d'eux, enco-

res

*Marc. I.  
Luc. 4.*



res qu'ils disent la verité. Il nous est aussi enseigné par le tesmoignage des saintes lettres que ceste chose n'estoit conue aux fideles, tellement que quelques vns pensoient qu'il fust Helie, les autres Iean Baptiste, les autres Ieremie, & les autres l'un des prophetes, & lors que S. Pierre luy dit, Tu es le CHRIST Fils de DIEU *Matth. 16* viuant, il luy respondit: Tu es bien-heureux Simon fils *Marc. 8.* de Iona, car la chair & le sang ne t'a point reuelé cela, *Luc. 9.* mais mon Pere qui est es cieux. Satan auoit conu & testifié publicquemēt, encor qu'il n'en fust requis, ce que *Iean. 6.* IESVS CHRIST dit ici auoir esté reuelé à S. Pierre par le Pere celeste. Par cela donc nous pouuons conoistre la subtilité de son esprit, au moyē duquel il peut conoistre les choses les plus cachees & esloignees de nos ses.

NOUS pouuons rapporter à ce mesme point le tesmoignage de la seruante qui auoit l'esprit Pythonique *Act. 16* laquelle crioit de Paul & de Barnabas, Ces hommes sont les seruiteurs du DIEU Tres-haut, lesquels vous enseignēt la voye de salut. Nous lisons aussi que pareils tesmoignages furent portez: par les idoles Altaroth & Berith, & par ceux qui auoyent le diable es corps touchāt saint Barthelemy, saint Thomas, & quelques autres Apostres. Ce qu'ils faisoient, non pas pour confesser la verité, non pour esmouuoir le peuple à entendre & embrasser leur doctrine: mais pour autant qu'ils auoyent en horreur, & craignoient la vertu du ministère Euangelique, ensemble leur condamnation & bannissement des corps, lesquels ils occupoyent, & dedans lesquels s'ils eussent demeuré plus long temps, ils eussent peu troubler le ministère des Apostres, par seditions, ou bien faire la guerre à ce qui eust esté desia commencé: & ce en semant des nouueaux bruits par le moyen de la prognostiqueuse Pythienne, par les demoniaques, & par les idoles: toutes lesquelles choses ont fort grande autorité enuers le peuple. Adiouſtons encores la responce du malin esprit, Je conoi IESVS, Je ſçay qui est Paul, mais vous qui estes vous? Qu'auons-nous afaire avec toy IESVS Fils du DIEU treshaut? Tu es venu pour nous tourmenter deuant le temps: Je te prie ne nous tourmente point. Le diable sauoit bien que CHRIST, semence de la femme, deuoit briser la



*Genese.* 3. telle du serpent : il sçauoit les propheties des *Pro-*  
*phetes* 5. phetes, par lesquelles il estoit dit, que **CHRIST** deuoit  
*Mat.* 1.2. naistre en Bethleem de Iudee: il sauoit le temps prefix,  
*Luc.* 1.2. auquel **IESVS** deuoit estre cõceu au ventre de la Vier-  
*Isaie.* 10. ge, & enombré par la vertu du Tref-haut, selon le  
 message de l'Ange Gabriel: il sçauoit sa natiuité admi-  
 rable, & le long chemin qu'auoyent fait les sages, de-  
 puis Orient, pour le venir adorer. Parquoy il alluma  
 de cruelles flammes en l'esprit d'Herodes, qui estoit  
 entré en esperance & crainte, afin de se bander contre  
**IESVS CHRIST**: tellemēt qu'il pēsoit aneātir **IESVS**  
**CHRIST** avec les petits enfans de Bethleem, de deux  
 ans & au dessous. Mais le diable experimente par effect  
 que ses entreprises s'aneantissent, & s'en vont à perdi-  
 tion par le salutaire conseil de **DIEU**.

Or afin que rien ne defaillist à l'incroyable audace  
 & incomparable orgueil du diable, & afin qu'il fust ho-  
 noré de l'adoration qui appartient seulement à **DIEU**:  
 ou bien, afin que plus certainement il conust **IESVS**  
**CHRIST**, il le tenta au desert: & l'ayant porté au plus  
 haut d'une montagne, il luy monstra tous les royaumes  
 & toute la gloire du monde, les luy promettant d'une  
 audace plus que sacrilege, si se prosternant il le vouloit  
 adorer: encores que lon sçache bien que la maiesté  
 Diuine est celle qui commande seule aux royaumes &  
 empires des hommes, & les donne à qui bon luy sem-  
 ble. Dauātage apres que **IESVS CHRIST** fut conu, en-  
 cores le vouloit-il confondre. Parquoy il mit au cœur  
 de Iudas Iscariot fils de Simon, le desir de trahison, &  
 entra en son corps apres que **IESVS CHRIST** luy eut  
 baillé le morceau trempé. Car telle & si grande est la  
 haine de ce subtil ouurier contre **DIEU** & le genre  
 humain, que tout ce qu'il machine est au detrimēt &  
 perte des hommes, encores qu'il soit couuert sous fi-  
 nesse & tromperie.

*Plusieurs pratiques du diable, & quelques vnes de ses amours  
 briueuement descrites.*





**A**ussi reste, à fin que mon intention soit plus tost conue, ie ramasseray comme en vn petit faisseau quelques actions & puissances du diable. Or dautant que son essence angelique n'est perie, mais est seulement corrompue par les effects de sa propre volonté: & pour autant aussi que par si long laps de temps, il a acquis vne grande conoissance & vn usage merueilleux des choses: Il n'y a doute qu'il ne soit armé de grande puissance, qu'il n'ait vne finesse incroyable, vne science plus qu'humaine, vn entendement fort aigu, vn grand soin & vigilance, vn incôparable artifice de baïtir ses tromperies, qu'il enrichit d'vn sard magnifique: vne malice infinie, vne haine immortelle & irreconciliable enuers le genre humain: aussi ne faut-il point douter, que par la permission, ou pour le moins par la patience de DIEU, il ne face des choses admirables, & qu'il ne se fourre dedâs les bestes, dâs les statues, dâs les cauernes, dans les cachettes, dâs les chesnes de Dodone *Strabon au* en Epire: il ne faut point douter qu'il ne prognostique *16. liu. de* en Egypte par Hercule, Apollô, Minerue, Diane, Mars, *sa Geogra* Jupiter: par le bœuf Apis, par Latone en la ville de Bu- *phia.* ze: par les prestres furieux d'Apollon en Colophon: par Trophone à Thebes en Bœotie, & en Lœbadie: par vne vache à Méphis: par le bœuf Mnée en Heliopolis: par les Crocodiles en Arsinoé: par le prognostiqueur Amphiraus en Attique: & ce, ou par la voix humaine, par abaïssement de teste, ou autre geste: quelques fois par les gestes des furieux, & des yurongnes, quelques fois des tréblans & badinans, quelques fois par songes, quelques fois par paroles à deux ententes, & souuentefois par enigmes: car le diable ne sçait pas iusques à quand il plaira à DIEU d'endurer & permettre ce qu'il fait.

Au reste, Valerius Maximus, au huitieme chapitre du premier liure des faits & dits memorables par luy. recueillis, monstre assez qu'ancienement Dieu a fait conoistre à quelques gés de bon esprit, entre les payés mesmes, ces impostures & illusions du diable: car il dit ces mots, Le say que ce sont choses fort incertaines que



les bruits que lon fait courir que les dieux se sont remuez & ont parlé, & que des personnes les ont veus & ouys : comme quand Iuno vint à Rome. Car apres que Furius Camillus eust prins la ville de Veies, vn des soudarts demanda (ce dit le conte) à l'image de Iuno, surnommee Moneta, si elle vouloit venir à Rome. La deesse respondit qu'elle en estoit contente. Il n'y eut qu'un qui ouit ceste voix, neantmoins tous se persuadoient de l'auoir entendue. Aucuns disent que l'image fit signe de la teste seulement: les autres tiennent que ce soudart fit courir ce bruit au camp & dedans Rome. Quoy qu'il en soit, il auint que ces gens se firent acroire qu'ils ne portoyent pas vne image, mais la deesse Iuno mesme tombee du ciel, & avec grand feste la porterent en ce quartier du mont Auentin, & la mirent au lieu où nous voyons auourd'huy son temple. Nous voyons en ces paroles de Valere, avec quels artifices & pour quelle raison ce singe de Dieu trompe ainsi le monde par le moyen des images.

*Plaisant  
conte de  
deux cruce  
fix qui se  
recommen  
doient l'un  
à l'autre.*

MAIS à ce propos d'opinion de religion, on lit vn autre conte en la vie de la Comtesse Ermengarde, qui fut canonisee apres sa mort. Icelle estant allee pour la troisieme fois en pelerinage à Rome, & entree au temple de S. Paul, y trouua vn crucefix du tout semblable à celui que lon void à Cologne au grand temple de S. Pierre, deuant le grand autel. S'estant agenouillee, comme elle estoit en grande contemplation elle ouit vne voix sortant de la bouche de ce crucefix, & luy disant ces mots, Ermengarde fille esluë & bien ainee, ie te prie si tost que tu seras à Cologne, que tu ailles saluer de ma part vn crucefix, qui me ressemble, & qui est au temple de saint Pierre deuant le grand autel. Ayant mis bas son chapeau de pelerine, & remercié le crucefix de l'honneur qu'il luy faisoit, promit de s'acquiter de ceste charge, puis qu'il luy plaisoit s'en fier en elle: & par mesme moyen elle vid le crucefix arrachant le bras droit cloué au bois, duquel il benit Ermengarde son espouse esluë. Derechef apres auoir rendu graces à Dieu pour vn si long voyage qu'elle n'auoit fait en vain ni à la volée, elle reuint à Cologne, & s'estât agenouillee deuant le crucefix au temple sus mentionne luy dit,

Il y



Il y a vn crucefix qui vous ressemble fort en l'Eglise de saint Paul à Rome, lequel m'a chargé bien expressement de vous saluer bien affectueusement de sa part. Incontinent le crucefix de Cologne baissant la teste, dit, Ma fille bien-aimée, ie te remercie. A l'occasion de ce bruit l'Euesque de Cologne aporta en grand' solennité le S. sacrement, qu'ils appellent, & l'enferma dans la teste de ce crucefix, lequel en vn instant s'ouurit & ferma si proprement que lon eust dit qu'il n'auoit iamais esté entamé. On conte là dessus que ce crucefix a fait depuis tout plein de miracles, & qu'il ya vne lampe ardante continuellement deuant luy, sans que lon y mette rien pour l'entretenir. Ceste mesme Comtesse donna par testament à l'Eglise de saint Pantaleon à Cologne vn beau village nommé Suchtelen en la duché de Iuilliers: & dressa-on à ce saint vne chapelle dans vn bois, ou tous les ans le mardi d'apres Pasques on void courir par deuotion vn grand nombre de malades de corps & d'esprit. Or d'autant que de nostre temps on ne void plus de tels miracles, & qu'il n'est pas permis aux Medecins de iuger de tels mysteres, aux Theologiens en soit le debat, & d'autres choses semblables fort deuotieusement remarquées es chroniques des moines du mont Cassin, liure 4. chap. 68. Item au 4. liu. ou aage de Schedel. au 26. liure de Vincent de Beauuais, chap. 12. au 27. chap. 23. 81. 98. 99. 100. 101. au 29. chap. 6. 7. 8. 9. 10. & en plusieurs autres endroits. Semblablement en celuy qui a continué l'histoire de Sigebert, & en Helmodus en la Chronique des Sclauons, chap. 8. 43. 70. en la Chronique de Saxe: au premier liure de la vie de S. Bernard, chap. 10. au 7. liu. d'Otto de Frisingen, chap. 32. en la description d'Austriche de Iean Cuspinian.

Le diable aussi a eu pouuoir d'inciter Cambyses fils de Cyrus, & Alexandre, à cercher l'oracle de Iupiter Hâmon, iusques au plus profond de Lybie, entre les Garamantes, par dela Cyrene, dedans les grands deserts bruslez & steriles: il a eu aussi pouuoir de rendre plus renômé que tous les autres Apollô Pythié en Delphe, en diuers seruices en religiô, en renômée, en richesses, & en presens. Il a bié sçeu prognostiquer par certains indices & cōiectures, ou par l'obseruatiô de choses faites



auparavant: tellement qu'on pense qu'il ait preueu les pensées & conceptions de l'esprit: encore que quelquefois il trompe, & se trompe soy-mesme, qu'il brouille tout, qu'il obscurcisse la verité, & qu'il mente. Car par le tesmoignage mesme de Porphire, il acertene persueramment les choses qu'il ne conoist point, & parmi vne verité qu'il dit de choses lesquelles il conoit, il mesle dix menteries.

*Clemen.* Il peut aussi exercer ses tromperies par les Images  
*liu. 4. des* en plusieurs lieux, à celle fin que les maladuisez y acou  
*reconni.* rent des lointaines regions, pour les honorer & adorer, pour requerir leur aide en leurs affaires, en leurs maladies, & en toutes autres afflictions: ce qu'il fait pour les destourner du vray seruice de DIEU, & inuocation de son saint Nom, & pour les attirer à croire ses impo-

*Liure I. en* stures, & les faire perir eternellement. Et ainsi Seuer  
*la vie de* Sulpice escrit, que les païsans Gaulois auoyent acou  
*saint* stumé, par vne miserable folie, de porter par les châps  
*Martin.* leurs images diaboliques, couuertes de beaux couure-chefs blancs. Aussi ne luy est-il pas difficile de représenter faussement les figures des ames qui sont hors des corps, de se pourmener à l'entour des tōbeaux par les cœmitieres, d'espouuanter par aparitions les heritiers des defuncts, ou autres, à celle fin de cōtraindre les simples, & ceux qui se fiēt moins en Dieu, à faire des seruices illicites & des voyages defedus, sous ombre de religion des payemens dānables pour les conuois, obseques & obits, selō la forme qu'il en baille. Vne fois aparut vn esprit qui demandoit absolution à vn prestre, pource qu'il estoit mort sans confession, ce dit Erasme, au 22. liu. de ses epistres, en la penultieme. Il tasche aussi de cōfondre ceux qui ne sont fermes en la foy: de guerroyer par tout moyē ceux qui y sōt assurez pour eslayer de les esbranler en quelque maniere que ce soit: d'enrichir par promesses & par gloire les desesperez, les credules, & les fols: de perdre ceux qu'il alleche, par l'esperance des riches successions, & de les tourmenter par la crainte des mauuaises aduentures.

Il fait encore dauantage monstrier des diuerses figures, & gōner artificiellement des idoles inutiles, troubler la vue, esblouir les yeux, bailler les choses fausses pour



pour les vrayes, & empescher par vne singuliere dextérité, que lon ne s'en aperçoyue : cacher celles qui sont vrayes, à celle fin qu'elles n'aparoissent, mettre en auant les choses qui veritablement ne sont point, & toutes fois les faire paroistre : se transformer en mille façons comme vn Prothee, & comme dit le Poete Virgile au 4.liure de ses Georgiques,

*Alors on est trompé par estranges figures,  
Et par les animaux de diuerse nature:  
Car il se fait tantost vn sanglier sourcilieux,  
Or' vne orde Tigresse, ou dragon escailleux:  
Or' comme vne Lyonne à l'encoleure rousse:  
Tantost on oï vn bruit qui hors d'un seu se pousse,  
Tantost il se transforme en monstres les plus grands,  
En feu, en beste horrible, & en fleuves coulants.*

IL a acoustumé aussi de gaster la phantasie des hommes, par les mocqueries de plusieurs phantosmes : de troubler ceux qui veillent, d'estonner par songes ceux qui dorment, d'esgarer du droit chemin ceux qui voyagent, se moquer de ceux qui faillent, & des autres aussi: de les espouuanter, de brouiller & mesler plusieurs choses par les inexplicables Labyrinthes d'opinions, semer le plus souuent de grands maux sous couleur de bien, & par la confession de verité attirer & enfermer en snasse, & tromper beaucoup plus lourdement. Aussi a il acoustumé de retenir le lait des vaches, & d'empescher qu'il ne s'amasse en beurre, d'apporter du vin d'ailleurs, d'ouurir les portes & serrures, de fourrer vilement au plus profond du gosier des personnes viuant mille choses estranges, comme des roigneures de drap, des os, des ferremens, des cloux, des esguilles, des espingles, des plotôs de fil, des cheveux entortillez, des morceaux de bois, & vn tas de telles choses monstrueuses, lesquelles il ne fourre plus auât, afin qu'elles sortôt par la bouche. Item d'amasser cauteleusement, & ietter des morceaux de bois, des couteaux, & autres telles matieres lors que lon ouure l'estomach des morts, ou les autres parties, qui sont propres à telles trôperies estans ouuertes après la mort. Et non seulement il fait cela, mais aussi il ôste de deuant les yeux de ceux qui voyêt



faire telles anatomies, les parties vitales avant que lon s'en puisse appercevoir. Ce n'a pas esté autre que luy, qui autresfois a fait de tels tours en la meschante superstition que les anciens Payens auoyent de considerer les entrailles des bestes par eux sacrifiees: comme en vne hostie de Cæsar dictateur lon trouua qu'il n'y auoit point de cœur: en ceux du consul Posthumius, de Catô, des dix gouuerneurs, de Herennius, de Lucilius Lupus defailloit le foye, & quelquesfois la teste ou le gros bout d'iceluy.

SEMBLABLEMENT ce malin esprit sçait faire sortir cauteleusement par le conduit de derriere, & par le col de la matrice, des cheueux entrelassez, vne quantité de sable, des clous de fer, des morceaux de bois, du verre cassé, des estoupes, des pierres, des os, & des choses semblables: ce qu'il fait apres auoit esbloui la veüe: mesme il met en cachettes des vers & insectes dedans les oreilles, lesquels aparoiissent, ou bien s'enuolent. Je les ay veu sortir hors des oreilles d'une ieune fille nommee Henriette, laquelle estoit miserablement tourmentee des esprits. Ce diable est merueilleusement enclin à gaster le corps par vlceres, & principalement les parties honteuses avec des apostumes miellieres, ou des vlceres boueux: à persuader que lon est chastré & esminé à maistriser tout le corps, & le renuerfer sus dessous, tant & si long temps que DIEU le permet. J'ay empesché quelquesfois avec grâde asseurance & résistan ce les violens souleuemens de la ieune fille que j'ay dite, ce que ie fis, par la grace de DIEU, au chasteau de Caldembroc en Gueldre: il me falloit toutesfois tenir sus mes gardes, à ce qu'elle ne me mordist en ce renuersement horrible qu'elle enduroit, pendant lequel elle taschoit à me prendre les mains. Car pourquoy DIEU ne m'auroit il autât fait de graces pour subuenir à telles afflictions comme il a permis au diable de poursuivre ses pratiques en mal faisant?

Ce malin esprit a dauantage acoustumé de transporter les corps diuersement, & en diuers lieux, & d'esmouuoir les humeurs d'iceux, de troubler la source des nerfs, qui est au cerueau: à celle fin de pousser les hommes, & les attirer en admiration, à des fiance, à mau  
uaises



uaises opinions des autres, à menteries, aux remedes defendus, & aux meurtres, par des cruelles & inacoustumees especes de retiremens de nerfs, par vn incroyable debatement, & par vn bruit craquetant qui se fait dedans les assemblages des ioinctures. Il peut par ce moyen retirer cruellement, & contre tout ordre de nature, les nerfs, & les muscles, & souuêtes fois esmouuoir vne telle passion au corps qu'il demeure tellemēt droit & piqué, que le col, & le reste du corps est immobile, & ne se peut flechir ni deçà ni delà, mais est esgalemēt tendu de tous costez. Il les fait encores quelquesfois tellement retirer en deuant, que la teste, le col, & le reste du corps se racourcit, cependant que les veines gosselieres, qui sont entour du col, demeurent tendues à merueilles: & quelquesfois il les renuerse si estrange-ment en derriere, que la teste est cruellement retiree presque du tout sur les espaules, & le dos, & les cuisses encores retirees en haut. Il fait aussi paroistre es membres du corps diuersement & inegalement des especes & estranges sortes de conuulsions, & horribles retiremens de nerfs: il debilité à quelques vns tout le corps, tellement qu'ils ressemblent aux iointures rompues, & mises hors du lieu par la gehenne, ou autres tourmens: il fait paroistre les muscles tremblans, & tressaillans: il rend la bouche & les yeux des autres tous haues & renuersez: & estraint si fort l'entredeux trauersant des hommes, qu'à peine peuuent-ils retirer leur vent: & cependant il n'empesche pas beaucoup le poux des arteres: toutesfois il renuerse l'estomach de plusieurs hoquets. Il auient aussi quelquesfois qu'il trompe les plus excellens Medecins, lesquels voyans les miserables accidens de ces maladies, ains plustost de ces espouuentails, essayent en vain y remedier par medicamens & rapportent le tout aux causes naturelles.

Le diable aussi fait semblant par mines & par la voix qu'il rend dedans le corps où il est entré, de craindre beaucoup l'eau beniste, dediee aux coniuurations, cōme aussi il fait semblant d'estre tiré par les narines, par la vertu de la racine enfermee dedans vn aneau, & selon la doctrine de Salomon (ce dit Iosephe) apliquee aux narines. Il a dauantage acoustumé d'observer plusieurs

*Le diable  
fait sem-  
blant de  
craindre*

*L'eau ben-  
iste des pre-  
stres.*

*An 8. li.  
des aniq.  
Iudaiques  
chap. 2.*



choses, & de les imiter artificiellement, bien qu'elles soyent fausses, ou bien qu'elles soyent vrayes: de discourir & recueillir, par vne astuce incroyable, plusieurs choses qui sont faites ou mises en auânt: de subtilemēt tirer à son proufit & totalement descouurir plusieurs choses à son auantage, & ce par les causes naturelles: d'entreprendre beaucoup en l'estat des Empires, & des personnes priuees: d'ourdir par grande astuce & finesse les lōgs & diuers filez, lesquels nous ne pouuons delasser, & par lesquels sans y penser, & contre toute opinion & attente, plusieurs se sentent pris & empestrez. Brief, il peut brouiller les hōmes, les bestes, & l'air, feindre des prodiges en l'air, semblables aux choses qui naturellement s'y engendrent: y représenter les figures de deux cāps bataillans, faire entendre les sons des trompettes, le cliquetis des armes, le bruit des combatans qui tōbent à force de coups: il peut imiter les cris des blessez, & de ceux qui s'e siouissēt: il peut meschāmēt abuser de la nature des choses, pour le detrimēt du genre humain: former cauteleusemēt des malheureuses trōperies, par les effets naturels: cōfondre plusieurs choses qui agissent selonc leur nature & auācemēt en l'ordre des causes: il peut attirer & haster les maux par la plus grande finesse dōt il s'aduise: il peut exclure & chasser au loin le bien: quelquesfois aussi persuader le bien, mais à mauuaise intention: persuader aussi les maux, sous aparence du bien: dissuader le mal pour conduire à vne chose pire, & en la parfin mesler & brouiller le ciel avec la terre.

*Contre les  
Gentils  
chap. 22.*

Pour ces causes Tertulian à merueilleusemēt bien dit en son Apologetique, que l'ouurage des diables est le renuersement des hommes, ainsi la malice spirituelle a commencé dès les premiers ans, à la perdition de l'homme. Parquoy ils enuoyent des maladies, & des mauuais accidēs aux corps, mais à l'ame des excès violens, subits, & extraordinaires. Ce qui les rend plus dispos à faire mal à l'vne & l'autre substāce de l'homme, & leur subtilité & tenvreté meslee à leurs forces spirituelles, encores qu'ils aparoissent inuisibles, & nō touchables plustost en effects qu'en actiō: comme lors que ie ne scay quel vice caché fait tomber les fleurs des pōmiers, ou des bleds, ou bien qu'il fait mourir leur germe &c



me, & qu'il les blesse quād ils sont pres de meurir: & lors aussi que l'air pestilentieux a vne cause caehee & espād ses mauuaises fumees. Par vne telle contagion d'obscurité, le vent des diables & mauuais anges tourmente & tempeste la corruption de l'esprit par fureurs & folies, par ordes & furieuses voluptez ioinctes auecques diuers erreurs: le principal desquels est qu'ayans pris & enuironné les esprits & pensees des hommes il les mange eux-mesmes, afin de se faire vne particuliere viande de sang & d'odeurs presentez aux images, laquelle luy est d'autāt plus exquise, que par ses folles impostures, il destourne l'homme du pensemēt de la vraye diuinité. Le reste des paroles de Tertulian est contenu ci dessus au neuueme chapitre.

*Il est monstré par le formulaire dont les prestres se seruent pour interroguer les esprits malins, avec quelles impostures le diable se moque des prestres en faisant acroire qu'il est l'ame d'un trespasé.*

## CHAP. XIII.



**FIN** que chascun puisse voir plus clairement que le diable se iouē quelquesfois des prestres, & fait semblant d'estre l'ame de tel ou tel trespasé, i'adiousteray ici de mot à mot ce qu'en dit vn Chartreux, nommé Iacques de Chuse, docteur en Theologie, au traité qu'il a fait des apparitions de quelques esprits, & comment on les doit sonder & conoistre si ce sont vrayes ou fausses apparitions. Je say cela, d'autant que ie say que les enseignemens de ce docteur sont estimez comme quelque grand mystere entre les prestres & entre ceux qui s'aident de tels moyens.

*Plaisant discours des exorcismes & conuinc-tions.*

**PREMIEREMENT**, il semble expedient, dit-il, de iusner trois iours, faire chanter quelques messes, & dire certaines deuotes oraisons plusieurs fois, asauoir, les sept Pseaumes penitentialux. Cela fait, il faut appeler quatre ou cinq prestres bien deuots. Je pense que cela se feroit plus proprement par des moines bien mortifiez, deschargez de tous empeschemens du monde, & ayans la pensēe du tout à Dieu, afin de repousser plus



aïssément l'horreur & la frayeur. Que ces prestres ou moines aprochent en humilité de cœur, avec vne droite intention, du lieu ou l'esprit a acoustumé de se monstrier, & qu'ils s'abstiennent de toute superstitieuse inquisition: non pas qu'il ne faille vser de certaines ceremonies, veu que l'Eglise en vse en la distribution des Sacrements & es messes. Ainsi donc, que lon prene vne chandelle benite le iour de la Chandeuse, qu'on l'allume, & qu'on aporte la croix & l'eau benite, & l'encensoir garni d'encens si lon veut. En aprochant qu'ils recitent en forme de priere les sept Pseaumes & l'Euangile de saint Iean. Quand ils seront entrez, qu'ils arrousent la place d'eau benite & la parfument d'encens. Je ne di pas qu'il soit necessaire de faire toutes ces choses, ni qu'elles soyent requises, mais i'estime qu'il est expedient de le pratiquer ainsi: car ie n'ay point de fondement en l'Escripture sainte pour prouuer que cela doye estre ainsi fait: mais i'ay leu quelques exemples des Saints touchant ces choses. Doncques, quand ils serot entrez qu'ils s'agenouillēt, & semble que par la bouche de l'un d'eux ils doyuent dire humblement l'oraison qui s'ensuit. Seigneur Iesus Christ qui conois tous secrets, qui as tousiours acoustumé de reueler à tes fideles & petis les choses vtils & salutaires, & qui as permis qu'un esprit aparust en ce lieu ci: nous supplions humblement ta benigne misericorde, pour l'amour de ta passion & de ton precieux sang, que tu as espendu pour nos pechez, qu'il te plaise commander à cest esprit, que sans effrayer ni blester nous ou autres, il se declare, & face entendre à tes seruiteurs, soit à nous pecheurs, ou à autres, qui il est, pourquoy il est venu, ce qu'il demande, afin que tu en puisses estre honoré puis apres, que luy aussi en puisse estre consolé, s'il est possible, & tes fideles maintenant soulagez, au nom du Pere, & du Fils, & du S. Esprit, Amen.

APRES cela, il faut venir aux interogats, selonc mō auis, & dire ainsi, Esprit, nous te prions au nom de Iesus Christ, que tu dies qui tu es: & s'il y a quelcun entre nous à qui tu vueilles respondre, que tu le nommes, ou que tu le monstres par signes. Est-ce vn tel ou vn tel, & ainsi faut nommer les vns apres les autres tous ceux qui



qui sont presens : car lon a experimenté, que l'esprit ne respond pas à chascun. Or s'il respond ou fait bruit en nommant l'un de la compagnie, on dōne charge à cestuy-là de faire les autres demandes : aſauoir, l'ame de qui il est, pourquoy elle est reuenue, ce qu'elle demande? Si elle veut qu'on luy face quelques seruices, si c'est en messes, ou en aumosnes : combien elle veut de messes, trois, six, dix, vingt, trente, &c. par quels prestres ou moines elles se dirōt? Si elle veut qu'on iusne, combien de iours, en quelle sorte, & qui deura iusner? Si elle veut des aumosnes, quelles, combien, & à quelles personnes? ou aux hospitaux, ou aux maladeries, ou aux mendians & pauures? & quel sera le signe de sa parfaite deliurance, & pour quelles causes elle est tourmentee en Purgatoire? car S. Gregoire met plusieurs exemples en ses dialogues, esquels les ames des trespassez ont déclaré de viue voix les causes de leur purgation & deliurance. Toutesfois il ne les faut interroguer de choses superflues, curieuses, inutiles ou superstitieuses, sinon que ces esprits les voulussent reueler de leur propre mouuement. Au demeurant, ie pense qu'il est plus conuenable de faire cest examen les iours de feste, à ieun, comme deuant disner, ou bien de nuit, ce qui est plus agreable à Dieu, & selon aussi qu'on a acoustumé de faire. Mais si alors aucun signe n'aparoissoit, il faut diferer iusques en autre temps, que l'esprit aparoisse derechef, & laisser au lieu la croix & l'eau beniste: car, par vn secret iugement de Dieu, ces esprits ne se descourent qu'à certaines personnes, non pas à toutes, & à certaines heures seulement. Il ne faut pas craindre aussi que cest esprit (si c'est vn bon esprit) blesse vne telle personne en son corps. On n'a iamais veu cela, ce croy-ie : car lors cest esprit est sur le point de meriter ou demeriter, & ne peut plus pecher, ains est en vn estat entre les bons & mauuais, asseuré de sa predestinatiō: vray est qu'il est en cor en estat de satisfactiō, c'est aſauoir en peine pour vn temps, &c. Si vn tel esprit ofensoit le corps de quelcun lors on pourroit soupçonner que ce seroit vn esprit malin, sauf toutesfois le iugement de Dieu.

Il faut noter dauantage, selon l'auis de ce docteur, Qu'il n'est pas expedient à toutes personnes indifere-



ment d'assister à telles revelations & aparitions, ains faut que ce soyent gens de forte complexiõ, qui ne s'esfarouchent pas aisement: car ie pense (dit-il) sauoir par experience, que quelques vns apres auoir veu ces esprits ou les lieux de leur tourment, sont tombez en des maladies incurables: Il faut donc que ceux qui veulent interroguer ces esprits soyent en bõne & forte dispositiõ de corps & d'ame. Car comme il n'y a point de conuenance entre l'ame viuante dãs le corps, & celle qui en est despouillee: cela fait que les esprits effrayent tousiours les hommes viuans, à qui ils aparoißent: dont il ne se faut pas esbahir, car les saincts Anges ne sont iamais apparus aux saincts personages, qu'ils ne les ayent fort effrayez, comme il apert en plusieurs endroits des saintes escritures.

*Les illusions  
sont lors  
beaucoup  
plus gran-  
des à cau-  
se des tene-  
bres de la  
nuict.*

EN second lieu faut noter touchât le temps de l'aparition des esprits, que cela depẽd de la volonte de Dieu, combien que nous lifõs, dit-il, que telles apparitions se sont faites souuentefois de nuict, à cause que les sens extérieurs sont à requoy, & que lon est deschargé du soin des affaires mondaines: alors vne personne est capable & mieux disposee à entendre ces esprits. Vray est qu'on lit que des esprits sont aparus, & se sont monstrez de iour. Quant à eux, ils seroyent tousiours preits de se monstrez, pour estre tant plustost deliurez.

POVR le troisieme point, conuient noter aussi que ces esprits aparoißent en diuerses façons: car ils ne se monstrent pas tousiours en corps, ni en forme corporelle, comme hirēt les diables, ainsi qu'il est escrit en la vie de saint Martin: mais ils aparoißent inuisiblement, tellement que les viuans entendent seulement le son, la voix ou le bruit, comme vn frapement sur quelque chose, vn sifflement ou esternnement, des plaintes ou gemissemens, vn batement de mains, pour inciter les personnes à interroguer & respõdre. Au moyen de quoy lon estime qu'ils ne se monstrent pas en lieux separez des compagnies, sur tout quand ils desirent d'estre deliurez: mais la deliurance auenue ils disparoißent, car l'effect cesse avec la cause: combien qu'ils puissent estre panis en des lieux escartez.



La maniere & la corpulence, sous laquelle le diable machine commodement des choses estranges & esmerueillables, extrait de P. felle. Item l'histoire d'une petite beste laquelle sortit de la bouche d'un gendarme qui dormoit, puis y rentra.

## CHAP. XIII.



N homme nommé Marc, affectionné seruiteur du diable, lequel viuoit solitairement en la Chersonese voisine de Grece, expliqua au long à Michel P. felle la maniere & raison par laquelle & pourquoy les diables faisoient les choses que nous auons dites, & plusieurs autres encores. Combié, dit-il, que les diables n'ayent aucun sexe, ni langue propre, toutesfois ils changent, agrandissent, ou appetissent (comme bon leur semble) le corps qui leur a esté donné de nature aëree, tout ainsi que nous voyons auenir aux nues quand le vent les souffle, ou bien aux vers à raison de leur corpulence beaucoup plus aisée & maniable. Or non seulement ils se diuersifient en grandeur, mais aussi ils se changent en plusieurs figures, & couleurs dissemblables. Car le corps d'un malin esprit, est naturellement disposé à l'un & à l'autre: & entant qu'il a le corps fait d'une nature, laquelle facilement obeit, il se transforme en diuerses especes & figures, & entant qu'il est de nature aëree, il reçoit facilement, ainsi que fait l'air, plusieurs & diuerses couleurs. Toutesfois l'air est coulouré en son dehors: mais le corps des diables change les especes de couleurs selon les affectiions de son esprit, comme aussi fait celui de l'homme: mais beaucoup mieux, d'autant qu'il obeit plus promptement à l'esprit. Toutesfois le tout s'esuanouit facilement à cause de la facilité de son mouuement & à cause aussi de la ténacité. Ainsi aparoit-il maintenant comme un homme, & maintenant comme une femme: il fremit comme un lion: il saute comme un panthere, il abaye comme un chien, & quelquesfois il se transforme en une vessie, ou en un vaisseau.

Je raconteray en cest endroit une histoire assez gentille. Le Moyne Helinand escrit auoir quelquesfois entendu de son oncle Ebaude valet de chambre de Hen-

*Au 13. li.  
de ses Chroniques;*



ry Archeuesque de Reims, frere de Loys Roy de France, qu'il auint cōme l'Archeuesque alloit par pays en tēps d'esté, & cōme il se reposoit apres dīner, qu'un soudart se mit à dormir avecques les autres, & ainsi qu'il dormoit à bouche ouuerte, ceux qui estoient à l'entour, virent sortir de sa bouche vne beste blanche, semblable à vne bellette, laquelle s'en alla droit à vn petit ruisseau qui passoit assez pres du lieu, là oū ayant monté & descendu le long du ruisselet, & ne trouuant aucun passage pour passer de l'autre part, il y eust vn des regardās lequel tira son espee, & la mit par dessus le ruisseau en maniere d'un petit pont. La petite beste passa incontinent par dessus, & s'en courut plus loin, ou elle se retira pour quelque temps, sans estre veüe. Incontinent apres on la vid reuenir: & comme derechef elle cherchoit le pont, & ne pouuoit passer à raison que lon l'auoit osté, celuy mesme qui parauant luy auoit donné passage, remit son espee par dessus le ruisseau, puis se retira à costé. Alors la beste passa, & s'en retourna à la bouche ouuerte de celuy qui dormoit, ou elle entra, & incontīnēt il se resueilla. Estant interrogué s'il n'auoit point enduré en dormant, il respondit qu'il se sentoit fort lassé & pesant, autant que s'il eust fait vn long voyage, la ou il auoit passé par deux fois sur vn pont de fer. De là ses cōpagnons se douterent qu'il auoit songé veritablement, ce qu'ils auoyent veu.

QUANT à moy, il me semble que c'estoit vne imposture du diable, lequel pour trōper ceux qui veilloient ou pour leur faire croire que l'ame estoit corporelle, & que pour ceste cause elle mouroit avec le corps, leur mit au deuant ceste similitude de beste entrant & sortant du corps de celuy qui dormoit. Nous auōs trouué dit Plīne, entre les exemples d'Hermodimus Clazomenien, que son ame laissant le corps, auoit acoustumé de aller ça & là, & rapporter de bien loin les choses, lesquelles ne se peuuent sçauoir que par celuy qui est present: cependant elle delaissoit le corps my-mort, tellement que ses ennemis, qui se nomment les Cantarides, ayās bruslé le corps, osterent comme la gaine à l'ame qui retournoit. On a veu aussi l'ame d'Aristee, sortant de sa bouche en forme de corbeau, & volant vers le Proconsese.

*Liure 7.  
chap. 52.*



neſe. Nous liſons preſque vne pareille choſe du Roy Gontran, & cela n'eſt pas nouveau : car comme dit le meſme Marc, au lieu que j'ay deſſus allegué: Les demôs aprochent fort de noſtre eſprit phantaſtique, attendu que meſmes ils ſont eſprits: ils nous donnent à entendre des paroles de perturbation, & de voluptez, ne mettrâs hors toutesſois aucune voix par frapement ou par ſon, mais ſeulement faiſans entendre leurs voix ſans aucun bruit. Mais cōment eſt-il poſſible, reſpond Pſelle, qu'ils nous puiſſent dōner à entendre leurs paroles ſans voix? quelle merueille y trouuez-vous, dit Marc, ſi vous prenez garde comment celuy qui parle de loïn a beſōin de plus haute voix pour eſtre entendu, & que lors qu'il eſt aproché de plus pres il parle en murmurant ſeulement en l'oreille de celuy qui l'eſcoute? ſi bien que ſ'il luy eſtoit poſſible de ſe ioindre avec l'eſprit & l'ame, certainemēt il n'auroit aſaire d'aucun bruit, car ſa parole, conceuē en la volonté, entreroit ſans aucun ſon en l'entendement de celuy qui eſcoute. Il dit encores vn peu apres: Tout ainſi comme l'air en la preſence de la lumiere, apres auoir pris les couleurs, & les formes, les communique aux choſes, leſquelles naturellement les peuuent prendre, comme nous voyons es mirouers, & es choſes ſemblables aux miroirs: ainſi les corps des demons receuans les figures, les couleurs, & toutes telles formes que bon leur ſemble, de ceſte eſſence phantaſtique qui eſt au dedans ils les transportent en noſtre eſprit animal, & nous donnent beaucoup d'affaires, nous ſubminiſtrans des volontez & conſeils, nous oppoſans des formes, nous rememorans les voluptez, & renouvelans en nous ſouuentesſois ( ſoit que nous veillions, ſoit que nous dormions ) les idees & les images de nos paſſions. Quelquesſois auſſi ils nous chatouillent les cuiſſes, & les aines, & nous incitent par ce moyen aux iniques, & folles amours, & principalement ſ'ils rencontrent les humeurs chaudes & humides, conuenables à ceſt eſſet. Mais il trouble les ames par vn certain art & fraude ſophiſtique, voyant chacun, & n'eſtât veu de perſōne. Voila ce que racōte ce Marc, qu'Irenee appelle Magicien: & Epiphanius dit qu'il eſtoit treſexpert en l'art magique, & parlant de certaine ſorcelerie dont



vloit ce magicien en s'employant à donner du plaisir à quelques vns, dit qu'il estoit coustumier à charmer les yeux des regardans & escoutans, avec vn verre plein de vin, qu'il faisoit paroistre incontinent de couleur de sang, afin que lon estimast que ce fut quelque grand miracle. Irenée fait mention de plusieurs autres illusions de ce Marc, en son premier liure contre les heresies, chapit. 9. & c. Tritheme monstre que les diables ne prennent volontiers autre figure que celle de l'homme. Mais lors que la matiere de l'air ne leur semble assez conuenable, ils prennent vne figure aparente selon que l'humeur, ou la vapeur contraire la represente: ainsi les void-on souuentefois en forme de loup, de pourceau, d'asne, d'Hippocentaure, d'homme cornu avec des pieds de chevre, tels qu'ils aparoiissent en plusieurs endroits. Nous prouuerons cela es chapitres suyans, par exemples anciens & modernes.

*Exemples memorables de diuerses sortes de fantosmes, & œuvres des diables.*

## CHAP. XV.

Liure 8.  
des epistres  
a Sura.



Line le ieune décrit plusieurs exemples memorables des diuerses sortes de fantosmes & œuvres diaboliques, comme s'ensuit. Premieremēt de Curtius Rufus, gouuerneur d'Afrique, auquel il tenoit compagnie estant encores ieune & sans charge. Il se promenoit sur le soir en vne galerie, quand il aperceut la figure d'une femme plus grāde & plus belle que le naturel, laquelle luy dit (voyant qu'il s'estonnoit) qu'elle estoit Afrique, prognostiqueuse des choses auenir: qu'il iroit à Rome, qu'il seroit esleué aux hōneurs, & reuiendrait avec toute charge & pouuoir en ceste mesme prouince, & que là il demeureroit. Toutes ces choses auindrent ainsi. Au surplus comme il aprochoit de Carthage, & sortoit de la nauire, on dit que la mesme figure luy vint au deuant sur le bord de la mer: mais luy abatu de maladie, preuoyant les choses futures, par la consideration des passées, & les mauuaises auétures par les bōnes, perdit



dit toute esperāce de guerison, encores que nul des siés n'en desesperast. Mais ce qui s'ensuit est-il beaucoup plus terrible, & non moins esmerueillable, que ie vous raconteray, comme ie l'ay entendu. Il y auoit en Athenes vne grande maison, mais fort descreee & dangereuse. lors qu'il estoit nuit on y entendoit vn bruit comme de plusieurs fers, lequel commençoit premierement de loin, puis estant aproché plus pres, il sembloit que ce fust le bruit de quelques manotes, ou des fers que l'on met aux pieds des prisonniers: incontinent aparoissoit la semblance d'un vieil homme tout maigre, crasseux, portant vne longue barbe, & les cheueux herissez: il auoit les fers aux pieds, & des manotes aux mains, qu'il faisoit cliqueter. & aussi ceux qui habitoyent la dedans passoyent les nuits en grand peine sans dormir, estans remplis de peur, & d'horreur: dont ils tomboyent en maladies, & en la fin par augmentatiō de peur, ils mouroyent. Car le long du iour, encore que l'image fust absente, si est ce que la memoire leur en demeuroit en l'entendement, si bien que la premiere crainte estoit cause d'une plus longue. Ainsi la maison descreee demeura deserte, & du tout abandonnee à ce fantasme: toutesfois on y auoit mis vn escreteau pour la vendre ou louer à quelqu'un qui parauanture ne seroit aduertid du fait. Or sur ces entrefaites le philosophe Athenodore vint en Athenes, il leut l'escreteau, il sceut le pris, & soupçonnant ie ne sçay quoy, par le bon marché que on luy faisoit, & s'en estant enquis, on luy en dit la verité: ce nonobstant il la lona de plus grande affection. Le soir aprochant, il commanda que l'on fist son lit sur le deuant de la maison: il demanda ses tablettes à escrire, sa touche, sa lumiere, & laissa tous ses domestiques au dedans & afin que son esprit oisif ne luy phantastiquast les espouuantails & les craintes dont on luy auoit parlé, il se mit atentiuement à escrire, & y employa non seulement les yeux, mais aussi l'esprit & la main. La nuit venue, il entendit le fer qui cliquetoit, toutesfois il ne leua point l'œil, & ne laissa point d'escrire, mais il s'assura d'auantage, & presta l'oreille. Alors le bruit augmenta, redoubla, & aprocha tellement qu'il l'entendoit desia cōme à l'entree, puis au dedans. Il regarde, & void

*Sabellie li.  
10. des exē  
ples, cha. 3*

*Atheno-  
dore philo-  
sophe.*



& reconoit la semblance, de laquelle on luy auoit parlé, elle estoit debout, & luy faisoit signe du doigt, cōme si elle l'eust appelé : & luy au contraire luy faisoit signe de la main qu'elle atendist vn petit. Derechef il se mit a escrire : mais elle vint sonner ses chesnes à l'entour de la teste de l'escriuain, lequel la regarda comme au parauant, & voyant qu'elle luy faisoit signe, tout soudainement il prit la lumiere & la suyuit. Elle alloit lentement, comme si elle eust eu peine à marcher à cause de ses fers, & incontinent qu'elle fut au milieu de la maison elle disparut, & laissa le philosophe tout seul, lequel prit quelques herbes & fueilles pour marquer le lieu auquel elle l'auoit laissé. Le iour suyuant il s'en alla vers le magistrat, & l'exhorte de faire fouiller au lieu marqué. On trouua des os entrelassez de chesnes, que le corps pourri par la terre, & par la longueur du temps auoit quicté aux fers, lesquels estans rassemblez furent enterrez publiquement, & n'y eut onques depuis esprit qui aparust en la maison.

*Valere le grand, liu. 1. chap. 54*  
**CASSIVS** de Parme se sauua en Athenes, apres que le camp de Marc Antoine eut esté desfaict, lequel il auoit suyui. Là comme il estoit en son liēt, au plus coy de la nuit, ayant enseueli les fascheries avec le dormir, il luy sembla qu'il voyoit venir à soy vn grand homme noir, ayant la barbe mal pignee, & les cheueux fort longs, lequel il interroqua qui il estoit, & il luy respondit, qu'il estoit vn diable. Estant doncques estonné d'une si estrange vision, & d'un nom si horrible, il appela les seruiteurs, & leur demanda s'ils auoyent veu entrer ou sortir vn homme ainsi habillé, lesquels l'assurerent que personne n'estoit aproché de sa chambre. Il se remit à dormir, & la mesme figure luy vint au deuant: parquoy se refueillant il commanda qu'on luy apportast de la lumiere, & defendit que ses seruiteurs ne s'en allassent de la chambre. Il y eut bien peu de temps entre ceste nuit là, & le iour qu'Auguste luy fit couper la teste: & ainsi le diable auoit bien peu preuoir sa mort par les paroles de l'Empereur, & par l'apareil qu'il en faisoit. Valere décrit aussi l'image de Iules Cesar, telle qu'elle aparut à Caius Cassius qui l'auoit tué.

**DION** de Syracuse abatu de pensées & de fascheries

se re-



se retira en sa maison vn peu auant que d'estre tué: li où luy aparut ceste laide image habillée de l'habit de Satan, laquelle nettoyoit la maison avec vn ballay, dont il fut tellement espouuanté, que iamais il n'osa la nuit se tenir seul en la maison, & pria quelques siens amis de la passer avec luy.

AINSI que Marcus Brutus faisoit en Asie vne grã-<sup>Troye</sup> de entreprise contre Octauian Antoine, il auint qu'e-<sup>Plutarque</sup> stant pres de la chandelle, songeant à choses de grande <sup>en la vie</sup> importance, il aperceut quelqu'vn entrer dedans la <sup>de Brutus.</sup> chambre, & venir vers luy. Il regarde ouurant les yeux si aucun de ses familiers ou seruiteurs luy vouloit quel que chose, & sans y penser, il void vne representation espouuantable, laquelle auoit vn port farouche cōme d'vn brigand ou sauuage. Alors Brutus beaucoup plus hardi & magnanime que Diō, luy demāda s'il estoit vn esprit ou quelcun des dieux, & ce qu'il vouloit. L'esprit luy respōdit assez bas & cōme murmurant, Le suis vn diable, & malin esprit: tu me verras derechef aux champs Philippiens. Brutus luy respondit hardiment comme vn gentilhomme Romain, & de grand cœur: Ouy da ie te verray derechef, & sans crainte. Mais alors qu'il se fut enquis de ses seruiteurs s'ils auoyent point veu sortir ou entrer quelcun, & qu'ils luy eussent respondū que non, il s'estonna & soupçonna des l'heure mauuaise issue de la guerre entreprise, ainsi comme il auint.

Saxons le grāmarien escrit, que les Saxons armez <sup>Liure 4.</sup> furent desconfits par les Sclauons, lesquels virent au <sup>de son li-</sup> haut d'vne montagne vn esprit, comme si c'eust este <sup>stoire.</sup> vn bon signe & augure desiré: car estans fortifiez par ceste aparition cōme si c'eust este vn Capitaine enuoyé <sup>Ange Po</sup> du ciel, ils se promirent la victoire, & à l'heure mesme <sup>litian en</sup> ils tuerent à l'improuiste tous les Saxons. Ainsi que les <sup>ses meslan</sup> Romains & les Albanois se faisoient la guerre, & que <sup>ges. cha. 58</sup> desjà les deux parties estoient prestes de combattre: il aparut incontinent vne certaine personne en forme monstrueuse, couuerte d'vne peau noire, laquelle crioit que le pere Dis, & la deesse Proserpine cōmandoyent qu'on leur fist sacrifice, auant que commencer la bataille. Dōr les Romains espouuantez basturent soudainement vn autel sous terre, lequel ils couurirent d'vn rempart de d. iiii.



vingt pieds apres qu'ils eurent acheué leur sacrifice , à celle fin que nuls autres que les Romains n'en eussent connoissance.

*Julius Obsequens au liure des prodiges.*

DURANT le Consulat de M. Claudius Marcellus, & Lucius Valerius Flaccus, on vid en plusieurs lieux à Rome des aparences de robes : mais quand on aprochoit pour les regarder de pres ce n'estoit rien. Les deuins sur ce enquis respondoyent que la ruïne des magistrats & des prestres aprochoit. En l'annee que Caius Lælius & Lucius Domitius estoient consuls, on vid en la ville de Fesules vne grâde multitude se pourmenât en troupe en vestemens de dueil, en plain iour, à teste baissée, parmi les sepulchres: & toutesfois ce n'estoyêt que sâtoïmes. Pendant le consulat de Caius Pansa, & de Hircius, lors que Cæsar sacrifioit, on trouua doubles entrailles au ventre d'une beste. Ciceron en ses liures de diuination, parlant selon ce qu'il en auoit recueilli de la doctrine des Hetrusques, d'un certain Tages premier inuenteur de la deuinatiõ qui se fait par les entrailles des bestes, & par le vol & gazouillis des oiseaux, ainsi qu'un payſan labouroit la terre, ayant fait vn seillon plus profond que de coustume, soudainement sortit ce Tages en forme d'enfant, mais discourant en sage vieillard, & apres auoir deuise avec ce laboureur, iceluy tout effrayé commença à s'escrier, tellement que tous ceux de Hetrumie y acoururent, & entendirêt de cest enfant plusieurs choses: mais il ne tenoit propos que de magie detestable. Neantmoins le peuple print cela en bõne part, & fit coucher par escrit les discours de ce Tages. Si cela est vray, qui dontera que ce n'ait eist le diable faisant ses harangues sous la figure de cest enfant?

SYMMACHVS & son gendre Boëtius, senateurs de Rome, estoient en grand credit de leur temps. Theodoric Roy des Gots les fit venir à Paue, ou il les detint longuement prisonniers, pource qu'ils s'estoyent opposez à quelques siens edits, & (peut-estre) empesché qu'on ne baillast des temples aux Arrians. En fin il les fit tuer tous deux & confisqua leurs biens. Vne tant iniuste cruauté fut punie de Dieu comme s'ensuit. Peu de temps apres leur mort, comme Theodoric soupait, on mit sur table vne grosse teste de poisson: lors tout soudain il pé-

sa voir



sa voir la teste de Symmachus grinçante les dents, estincellâtes des yeux, & le menaçant. Ce qui l'effroya de telle sorte que tout tremblant il se fit coucher, & ayant appelé son medecin Elpidius, luy conta & à ses familiers qu'il auoit veu ceste terrible image de Symmachus puis en deplorant son forfait, il mourut tolt apres.

LES historiens racontent qu'en ceste grande bataille donnée entre les Atheniens & les Perles, auant que les armées s'entrechoquassent, lon ouyt de terribles bruits, & vid on des fantosmes, que les Atheniens dirent auoir esté le dieu Pan, lequel effroya tellement les Perses, qu'ils tournerent le dos. A cause de cela, depuis on a appelé Paniques effrois les frayeurs soudaines.

ALEXANDRE d'Alexandrie escrit qu'un sien familier, homme digne de foy, auoit fait faire les funérailles de son amy, & comme il retournoit à Rome, s'estant retiré en vne hostellerie assez pres du chemin, pour passer la nuit & se reposer du long travail, il se coucha. Mais comme il estoit seul, & n'auoit encore fermé l'œil, il vit en vn instant la representation de son amy n'aguères trespasé, laquelle luy aparut toute palie, maigre, & de mesme forme qu'il estoit lors qu'il gisoit au lit malade. L'ayant donc regardé, tout estonné & esmeu de crainte & frayeur, il luy demanda qui il estoit, l'autre sans respondre osta, comme il luy sembloit, ses vestemens, & se coucha à costé de luy, dedans le mesme liét, & s'aprocha aussi pres de luy que s'il l'eust voulu embrasser. Alors presque mi-mort de crainte, il se retira sur le bord du liét, & chassa l'autre qui se vouloit approcher: lequel se voyant ainsi repoussé, commença à se regarder d'un œil farouche, reprit ses vestemens & se leua du liét, puis estant chaussé & vestu ils'en alla, & oncques depuis n'aparut. L'autre pauvre homme eust tellement peur qu'il tomba en vne grosse maladie, dôt il pensa mourir. Il disoit encores dauantage, que pendant que son compagnon se debatoit avec luy dedas le liét, il auoit touché son pied nud, lequel il auoit trouué si froid, que la glace ne scauroit estre plus froide. Le mesme Alexandre escrit encor sur ce propos, Gordian l'un de mes plus grans amis & homme digne de foy m'a raporté, que lors qu'il cheminoit avec Aretie son fa-

*Liure 2.  
des iours  
generaux.*



milier, & que (comme souuentefois il auient) ils se fussent esgarez dedans des mauuais chemins, ou ils ne voyoyent rien de cultiué, mais seulement des forests, & bosçages inaccessibles, & la terre deserte, & que là ils se fussent reposez. ainsi que desia le Soleil estoit pres de se coucher, il leur fut auis qu'ils entendirent de loin la voix d'un homme, laquelle ils pensoyent suyure, lors qu'ils aperceurent au sommet de la prochaine montagne les aparitions de trois hommes, plus grands & espouuentables que les naturels, lesquels auoyent des vestemens noirs, & pendans comme des robes de dueil, la barbe & les cheueux aualez, & la face horrible, lesquels les appeloient par paroles, & par signes, tellement qu'ils les eussent attirez plus pres s'ils ne leur fussent apparus tousiours plus grands que les autres hommes, & s'ils n'en eussent encores veu vn autre, de mesme semblance, lequel estoit nud, & qui faisoit vne infinité de faults esmerueillables, & des gestes deshonnestes. Estâs donc estonnez d'un tel spectacle, ils se mirent en fuite au long d'un grand & dangereux chemin, tellement qu'à peine peurent-ils iamais trouuer vne pauvre maison de pailan pour retraite.

*Aux  
iours ge-  
neraux, li-  
ure 4.*

Le mesme Alexandre escrit vne histoire de pareil argument, au quatrieme liure en ces mots. N'agueres vn mien ami, homme de grand esprit, & digne de foy, me raconta vne chose esmerueillable, laquelle il disoit luy estre auenue, & qu'il prouuoit par le tesmoignage de plusieurs: asçauoir qu'estant vne fois à Naples chez vn sien parent & familier, il entendit de nuict la voix d'un homme qui estoit en la rue, lequel crioit à l'aide: ce qui fut cause qu'il alluma la chandelle, & y courut pour sauoir que c'estoit. Là estant arriué il vid vn diable & cruel fantosme, qui auoit vn port espouuentable & horrible, lequel vouloit à toute force prendre & arrester vn ieune homme: le pauvre mieferable crioit & se defendoit, mais incontinent qu'il le vit aprocher il luy vint au deuant, luy prit la main & la robe le plus estroitement qu'il peut, & s'estant long temps defendu en vain, en la parfin apres auoir beaucoup enduré, il inuoca le nom & l'aide de DIEU, & ainsi se sauua du diable. Ainsi donc apres auoir mené le ieune homme

chez



chez luy, à celle fin que l'ayant asseuré il s'en desfit, iamaïs il ne peut: car il estoit tellement estonné & plein de frayeur, que du tout il estoit sorti hors de soy mesme & pensoit tousiours voir deuant ses yeux ceste image espouuentable. En fin le pauvre homme ayant repris ses forces & ses esprits, luy raconta comme le tout alloit. Il auoit iusques lors mené vne fort meschante vie, esté contempteur de DIEU, rebelle à pere & à mere, ausquels il auoit dit & fait tant d'iniures, & outrages insupportables, qu'ils l'auoyent maudit, & sur ce il s'estoit departi de leur maison.

Et afin que lon ne pense que ces choses soyent controuuees comme folies, le moyne Thomas homme de bien & duquel i'ay expérimenté la bonté, & la fidelité en plusieurs choses, m'a raconté pour verité, que luy estant au Monastere situé aux montagnes de Luques, auint vn iour qu'il eut grosse querelle avec quelques vns, & qu'apres plusieurs iniures ayant l'esprit tout troublé, il s'en alla seul par les bois, là où vn homme luy apparut, lequel auoit la face horrible, la veue fort vilaine & cruelle, la barbe noire, & le vestement fort long: auquel il demanda pourquoy il alloit seul par les lieux de stournez. Luy respôdit, qu'il auoit perdu le cheual que ordinairement il cheuauchoit, & pensoit qu'il se fust esgaré par les champs circonuoisins. En fin comme ils alloient ensemble chercher ce cheual esgaré, ils arriuerent sur vn petit ruisseau, où il y auoit des abysses fort dangereux & espouuentables. L'autre pressa fort le moyne, qui desia se deschauffoit pour passer, de monter sur ses espaules, disant qu'il luy estoit plus aisé à luy qui estoit plus grand de le passer outre: lors il s'y acorda, & le prit au col: mais comme ils cerchoyent le passage il vid ses pieds, lesquels luy paroissoyent autres que ceux d'vn homme, ascauoir diformes & espouuentables. Ce qu'ayant aperceu, fort estonné il se recommanda à DIEU: lors le diable oyât ceste sainte inuocation, cōmença à murmurer, comme se complaignant, & s'en alla avec vn tel tourbillon, qu'il en froissa vn grand chesne, rompit les branches, & l'arracha hors de terre. Quant au moyne il demeura estendu de son long contre terre vne assez longue espace. Sans cela le diable



l'eust precipité & acrauanté dedàs les goufres & creux abysses du torrent.

M A I S entre toutes les choses dont i'aye iamais entendu parler, ou que i'aye veu, ceste ci est digne de merueille, laquelle est auenue depuis peu de temps à Rome. Vn ieune homme natif de Gabie, & de parens fort pauvres, estant furieux, de mauuaises conditions, & de meschante conuersation de vie, iniuria son pere, & luy fit plusieurs outrages: puis agité de rage, il inuoca le diable, auquel il s'estoit voué, & incontinent se partit pour aller à Rome, afin d'entreprendre quelque plus grande meschâceté contre son pere. Il rencontra le diable sur le chemin, lequel auoit la face d'un hōme cruel, la barbe & les cheueux mal pignez, la robe vsee & orde, lequel luy demanda en l'acōpagnant, la cause de sa fâcherie & tristesse. Luy respōdit qu'il auoit eu quelques paroles avec son pere, & auoit deliberé de luy faire vn mauuais tour: alors le diable luy fit response, que tel inconuenient luy estoit auenu, & ainsi le pria-il de le prendre pour compagnon, à celle fin qu'ensemble ils se yégeassent des torts qu'on leur auoit faits. La nuict doncques estant venue ils se retirerent en vne hostellerie, & se coucherent ensemble. Mais le malheureux compagnon prit à la gorge le pauvre ieune homme, qui desia dormoit profondement, & l'eust estranglé n'eust esté qu'en se resueillant il pria D I E U. Dont il auint que ce cruel & furieux se disparut, & en sortant estoit d'un tel bruit & impetuosité toute la chambre, que les soliveaux, le toict, & les tuilles en furent toutes brisees. Le ieune hōme espouuâté du spectacle, & presque demi mort, se repêtit de sa meschante vie, & estant assisté d'un meilleur esprit, deuint ennemi des vices, passa sa vie loin des bruits du peuple, & seruit de bon exemple. Voila les discours d'Alexandre d'Alexādie.

M E R C U R E abbé d'Alexandrie, estant surprins de la nuit, comme il alloit par les champs, entra dans le tombeau d'un Payen, apres en auoir leué la tombe, afin de dormir leans. Or il luy fut auis que des os sur lesquels il estoit couché sortoit vne voix disant, Je viendrois s'il m'estoit possible: mais ie suis pressé de ce qui repose sur moy. Alors Mercure dit, Sors & t'en va si tu peux: de ma part ie coucheray ici maugré toy.



*Autres illusions des diables.*

## CHAP. XVI.



N conte qu'une fois en presence de l'Empereur Maximilian, ayeul de Charles le quint, fut faite metiô d'Achilles & de Hector: & surce qu'un des Conseillers discouroit sur les louanges d'iceux, comme ayans esté les plus courageux & vaillans de leur temps, l'Empereur dit qu'il vouldroit bien voir leur semblance & hauteur. Daunture estoit lors en cour vn certain magicien qui se vantoit de pouuoir satisfaire au desir de l'Empereur. Ce qu'estât raporté, on l'appela, & luy fut commandé de faire preuue de sa subsistance: c'est qu'il promit executer sans endommager personne, moyennant que lon ne sonnast mot, tandis que ces personages apparoistroient, ce qui luy fut promis avec bonne recompense de ses peines. Lors il fit vn grand cerne, & enferma dedans l'Empereur assis en sa chaire: puis commença à lire tout bas quelques paroles dedans vn petit liure. Tout soudain Hector heurte si rudement à la porte que tout le palais trembla. La porte estant ouuerte il entra armé à la mode de son temps, ayant en main vne hache fort luyfante, terrible de face & les yeux enflammez. En grandeur de corps il surpassoit tous les plus hauts hommes qui ayent esté de nostre temps. Puis apres vint Achilles avec vne mesme grauité, qui cōmença à regarder Hector de trauers, faisant bransler souuēt sa hache, comme pour la darder contre iceluy. Apres auoir fait quelques pourmenades, & salué l'Empereur par trois fois en passant par deuant luy, ils s'esuanouirēt incontinent. Apres eux arriua vn fantosme du prophete David, vestu royaleme[n]t & portant vne couronne sur la teste, & sa harpe en main: au reste il auoit le regard plus paisible que les deux precedens. Il passa aussi par trois fois deuant l'Empereur assis en sa chaire, sans luy faire aucun honneur, puis s'esuanouit. L'Empereur demanda au magicien pourquoy David ne l'auoit salué? il respōdit que le royaume de David auoit surpassé l'excellence de tous les autres, & que Christ Fils de Dieu

*Hector,  
Achilles,  
& David  
representez à l'Em  
pereur Ma  
ximilian.*



eternel estoit issu de la race de David.

*Le diable  
en forme  
de mene-  
strier*

Vn certain menestrier loué par ceux de Hammelle au pays de Brunswic pour chasser les Loirs, n'ayant esté assez bien payé, se vengea cruellemét comme s'ensuit. Car l'an mil deux cens huitante quatre, le vingtsixiesme iour de Iuin, ce menestrier, nommé Tout-couleur, à cause qu'il portoit vne robbe de plusieurs couleurs, fut suyui de six vingts & dix enfans par vne place qui en a prins depuis son nō, hors de la ville en vn lieu où lon amassoit les ossemens des morts, nommé Sous Koppen, sur le chemin vers le Septentrion: où ils perirent tous, & fut impossible d'en trouuer vn seul. Ces choses escri- tes es annales sont soigneusement gardees parmi les ti- tres & papiers de la ville de Hammelle, & sont escri- tes es liures dont lon se sert es temples, & representees es verrieres, ce que ie puis asseurer, l'ayant veu & leu. Pour confirmation de ceste histoire, le Magistrat a acoustumé de datter ses lettres & actes publiques, de deux dattes, a sçavoir, de l'an de Christ, & de l'an de la sortie des enfans. Et pour memoire perpetuelle d'vn si estrange accident, lon remarque encor aujour- dhuy qu'en la place par ou passerent & sortirent les en- fans, on n'oseroit sonner du tabourin lors mesme que quelque espousee est conduite par là, iusques à tant que elle en soit hors, & n'y danse-on nullement. La place est appelee *Burgelosestrass*. Cela auint (ce dit-on) sur

*Place con-  
sumant les  
bourgeois.*

les sept heures du matin, & au nombre de ces enfans estoit la fille du Consul de Hammelle, preste à marier, la quelle perit avec les autres. Vn ieune enfāt qui suyuoit les autres, n'estāt pas vestu, reuint en la maison pour em- porter ses habillemēs: mais ce pendāt tous les autres se perdirēt dans vne petite fosse sur le costau, laquelle m'a esté monstree. Voila le diable menestrier sanguinaire.

*Platine en  
la vie des  
Papes.*

*Benoist 8.  
Pape, por-  
té sur vn  
cheual noir*

QUELQUES vns aussi racontent qu'un Euesque vid le Pape Benoist huitieme en vn desert, lequel apres sa mort estoit monté sur vn cheual noir, & auquel il demā- da pour quelle raison il estoit apres sa mort ainsi porté? Benoist le pria de donner l'argent aux pauvres, lequel il auoit cache, & luy mōstra le lieu, disant que ce qu'au parauant il auoit donné en aumosnes ne proufītoit de rien, pour autant qu'il estoit acquesté par rapines. L'E- uesque



vesque executé ce dont il estoit prié, & soudain se desfit de son Euesché pour se rendre moyne.

Nous lisons aussi que le Pape Benoit neuvieme fut esgorgé en vne forest par vn diable, l'an 1056. & que peu apres il fut veu par vn hermite, sous vne figure horrible & herissée cōme vn ours, ayāt vne teste d'asne, & estant interrogué de la cause de telle transformation, il respōdit qu'il aparoiſſoit tel qu'il auoit vescu. L'adiouſteray vn cōte plaisāt de l'aparitiō des ames. Vn certain Curé enuiron le iour de la preparation, sema par le cōmitiere des escreuilles viues, & leur atacha sur l'escaille des chandelettes ardentes. Ce spectacle esfroya beau coup de bonnes gens qui voyoyent marcher de nuict ces ardans, & personne n'en osoit aprocher: tellement que le bruit en fut fort grand. Tout le monde estant efroyé, le Curé monte en chaire & dit que ce sont les ames des trespassez qui demandoient d'estre deliurees du feu de purgatoire par messes & aumosnes. Mais sa mine fut incontinent esuentee, car on trouua vne où deux de ces ames parmi des pierres avec leur chandelle esteinte encor attachee: à quoy le curé n'auoit pas soigneusement pourueu. Erasme recite ce conte plaisant au 22. liure de ses epistres, en la penultieme. Je pourrois raconter plusieurs semblables tesmoignages tant anciens que modernes de tels espouuentails & trōperies des diables: mais il me semble que ce seroit chose superflue de m'amuser plus long temps à choses qui sont assez communes à chacun, & principalement attendu qu'aux liures suyans il y aura plusieurs histoires de pareil argumēt, lesquels y viēdrōt plus à propos.

Nous en trouuerons aussi plusieurs exemples en la vie des peres, comme en celle de saint Martin, saint Antoine, saint Euloge, & plusieurs autres. Entre lesquelles on lit qu'un hermite auoit son pere demeurant assez pres de son hermitage, lequel voulant aller voir sō fils prit vne coignee, à celle fin qu'au retour il peust couper du bois pour raporter en sa maison. Ce pendant le diable aparut au moyne en figure d'Ange, & luy dit, que le diable venoit à luy sous la figure de son pere, lequel portoit vne coignee pour le tuer: & quant à luy il estoit venu pour l'en auertir, à celle fin qu'il al-

*Nauder.*

*2. generat.*

*chap. 35.*

*Seuere Sul*

*pice en la*

*vie de S.*

*Martin, li.*

*1. aussi en*

*la vie de*

*Clement.*



laist au deuant de l'entreprise du diable, & que plustost il le tuaist, que d'endurer d'estre tué. Parquoy l'hermite pensant que son pere, qui venoit, & qui desia le saluoit, fust le diable, le tua, & quand & quand le diable l'estra-gla. Il semble bien que ce soit vne fable: toutesfois si c'est vne hystoire, le moyne fit vne grande faute, ignorant que le diable qui est esprit, ne peut estre vaincu d'autres glaiues que de ceux qui sont spirituels.

AUTANT en faut-il croire de ce qui est escrit touchant S. Bernard, auquel se presenta vn diable qui se vantoit de sauoir sept versets es Pseumes de Dauid, & que qui les diroit tous les iours, ne pourroit faillir d'aller en paradis. S. Bernard le pressoit de les luy declarer. Ce que le diable ayant refusé, tu ne gagnes rien, dit S. Bernard, car ie liray tous les iours le psautier, dans lequel sont enclos les sept versets que tu dis. Le diable craignant d'auoir donné entree à vn tel bien, aimamieux monstrier ces siens versets. Ainsi plusieurs attribuent au diable vn si grand bien, dont on ne trouue mention d'vn semblable en l'Euangile.

ON pourroit ici rapporter vne charretee de telles aparitions & tromperies; controuuees au liure des Conformitez, à cause de la conformité de la vie de S. François avec celle de nostre Seigneur IESVS CHRIST; ainsi intitulé par frere Barthelemi de Pise; & aprouué par frere Henry General de l'ordre des freres Mineurs; l'an mil trois cens huitate neuf, le second iour d'Aoust, & imprimé à Milan pres le temple de S. Satyr, l'an 1510: acheué d'imprimer le 10. d'Auril. Ce liure est en quelques endroits appelé l'Alcoran des Cordeliers. On lit dedans que quelquesfois le diable estant desguisé en vne femme de Rauenné, nommee Zantese, confessa à vn certain messire Iaques prestre de Bologne, que S. François occupoit en paradis la chaire de Lucifer, qu'il estoit le Port'enseigne de IESVS CHRIST, que pour ceste cause il estoit le plus prochain du Roy, qu'il n'y auoit aucun ordre ecclesiastique qui fut plus prochain de CHRIST que le conuent des Cordeliers, que saint François fermoit glorieusement le costé du Roy des Rois, & qu'il estoit assis par dessus tous les saints du Ciel, excepté la vierge Marie, & saint Iean Baptiste, saint



sainct Iean l'Euangeliste, & les Apostres. C'est vne chose esmerueillable que Satan ait conu que saint François a succédé en son lieu, & que lon garde tel ordre au ciel, veu que depuis sa cheute iamais il n'y a peu rentrer. Il est aussi raconté en vn autre endroit de ce beau liure de verité, que Rodolphe Euesque d'Erfort auoit obserué le mesme par visions, & que pour ceste cause il s'estoit fait moyne du troupeau des Cordeliers. Ité que deux citoyens de Venise l'auoyent veu, comme aussi frere Pacifique auoit esté rauy au ciel en extase. La vieille Legende tesmoigne encores qu'un moyne auoit chassé vn diable, lequel interrogué de la sainteté de saint François, auoit respondu qu'à sa naissance tout le college des diables auoit esté tellement estonné, & qu'il y auoit eu tant de troubles, & si dangereux, qu'ils craignoient que la fin du monde n'arriuaist: mais voyãs que ils estoient trompez, ils disoyent que certainement il y auoit vn enfant né, lequel troubleroit les enfers & leur feroit vne grande playe. Parquoy il disoit, que le prince Beelzebub enuoya incontinent ses espions par tout le monde, pour chercher en quel lieu l'enfant estoit apparu, & que à la parfin ils entendirent assurément que saint François estoit celuy qui deuoit mettre Enfer en grand'peine. Pour ceste cause ils espioient de faire mourir l'enfant: mais que c'auoit esté en vain: car l'Ange du Seigneur estoit venu habillé en pelerin, à la mere de François, & à la chambriere de la maison, les admonester qu'ils prissent garde aux embusches que le diable faisoit à l'enfant. Et que pour ceste raison les diables indignez auoyent dit: Or bien donc, si François ne peut estre tué, pour le moins poursuurons-nous son ordre, nous le tourmenterons & affligerons. Il est encores escrit en vn autre endroit du mesme liure, que Satan confessa par vne femme, dans laquelle il estoit entré, que quand I E S V S C H R I S T vid que son Pere se hastoit pour les pechez du peuple, à faire la derniere fin, & punition du monde, il le pria de luy bailler S. François pour coadiuteur, à celle fin qu'il luy aidast à porter sa croix. Ité que les stigmates des cinq playes aparurēt en S. François, lesquels I E S V S C H R I S T luy auoit imprimees, comme à son coadiuteur & à celuy qui luy estoit sembla-



blé en tout & par tout. Mais ie mettray fin à ces histoires, à celle fin que ie ne passe les limites, lesquelles ie me suis propoices.

*Histoire de deux aparitions de diables en forme de moynes, deservite en vers latin par George Sabin. Deux autres histoires de mesmes aparitions publiees par Philippe Mel. néthou.*

## CHAP. XVII.

**G**EORGE Sabin, Aleman, docte poete de nostre temps, a laisse entre ses poemes latins vne elegie de six vingts vers, contenant le recit de deux aparitions de diables en forme de moines. Ceste elegie a esté traduite en vers françois comme s'ensuit.

*Au long du Rhin s. meux sont les murs anciens,  
D'une cité voisine aux champs Vormaciens.*

*Certain peuples, nommez Nemetes, l'habiterent.*

*Quatre de leurs Ducs morts les Francoys y porterent.*

*Les cohortes de Rome y eurent leur logis:*

*Et pour cela le nom de Spire luy fut mis.*

*Autrefois demouroit au clos de ceste ville,*

*Vn pauvre barquerot, qui d. dresse gentile*

*Souloit en ses filez & rusez hameçons,*

*Quand Phebus se cachoit, atraper les poissons.*

*Vn iour, comme assez pres de ton plaisant riuage,*

*O Rhin r. ste-coulant, il tient son equipage*

*De nasses & filez ainsi que l'aïl du iour*

*Es bras de l'Océan courroit s. ire sejour,*

*Et la brunette nuit se hastoit de descendre:*

*Vn passant inconnu deuant luy se vint rendre,*

*R. nestu d'un frac noir, ux moines ressemblant,*

*T. este rase con me eux, lequel d'un beau semblant*

*S'approche: le barquier d'une parole humaine*

*Le salue, & s'enquiert qui sur la nuict le meine?*

*Messager sus (dit-il) enuoyé de fort loin,*

*De me passer bien tost vuïlles prendre le soin.*

*I a la nuict noire estoit au milieu de sa course,*

*Et penchoit assez bas le chariot de l'Ourse:*

*Quand le barquier pensant de smarer son bastau,*



Apersoit apricher du riuage de l'eau  
 Cinq autres enfroquez, qu'il salue, & demande  
 Ou veut aller si tard la monachale bande.  
 L'un d'eux respond soudain, à cause des dangers,  
 Contraints sommes marcher de nuict comme estrangers.  
 Tous nous sont ennemis la populace infame  
 Sans pitié veut chasser de nostre corps nostre ame.  
 Mais si dedans ton tant loge quelque pitié:  
 Si aux religieux tu portes amitié:  
 Resoy nous en ta barque, & d'une main soigneuse  
 De ce fleuve puissant tranche l'onde escumeuse.  
 Afin que ne soyons sur la rive arrestez.  
 Ainsi force poissons demeurent enrethex  
 En tes engins divers ainsi ton industrie  
 Bien heure ta maison & soulage ta vie.  
 Le Barquier se prepare & les fait tous entrer,  
 Demande qui payera? Ta n'en fust content,  
 Respond l'un: tu fais bien quelle est nostre indigence:  
 Le peuple diuise à nous donner ne pense.  
 Toutefois tu seras tresbien recompense,  
 Si tost qu'à l'autre bord tu nous auras passe.  
 Et quand nous iourons de fortune meilleure,  
 Plus grand loyer auras du travail de ceste heure.  
 Il lache le baston, qui les vagues fendant  
 Vers le milieu du Rhin alloit desia pendant.  
 Lors du ciel les flambeaux couverts de gros nuage  
 Se desfroient des yeux, du vent le rude orage  
 A la poupe donnant fait voler le baston.  
 A l'instant de flots noirs se va remuer l'eau:  
 La pluie à grand rondon, une fiere tempeste  
 S'eleue, & coup sur coup gronde, tonne, tempeste.  
 Le Nocher, blanc de peur ne sait d'où vient ce mal  
 Ni l'estrange accident de ce dur fortunat.  
 Il n'ay marque (dit-il) signe de pluie proche,  
 Alors que le Soleil a remené son coche  
 Et ses ardents cheuaux es ondes de la mer.  
 Je n'ay veu sur les eaux l'harondelle ramer.  
 Nul heron ne n'ay hui descouvert de la veue:  
 La lune en se leuant passe n'a esté veue.  
 Et le Roy des flambeaux estoit clair se couchant.  
 Comme il alloit ainsi les causes recherchant



De l'accident soudain, la siflante tempeste.  
 Porte au vent sa parole, & luy trouble la teste.  
 Les flots impetueux l'empeschent de parler:  
 Et la barque tourne estant presté d'aller  
 Sous la vague impiteuse, à cause de la rage  
 Du puissant tourbillon pere de cest orage.

Le Nocher esleuant aux estoilles ses mains,  
 Implore le secours du Prince des humains.  
 Quoy? meschant: dit alors vn de la troupe rase  
 N'importune point Dieu qui du monde te rase.  
 Ce disant il empoigne vne perche au lourd poids  
 Dont le pauvre Barquier se seruoit autresfois,  
 Et de cruelle force, à tour de bras, de charge  
 Sur les reins du pauvre vne si rude charge,  
 Qu'il le couche tout plat pres les portes de mort.  
 Alors du faux Satan se descouure l'effort  
 Couuert de trahison: car ces moines santosmes  
 S'enuolent en l'air, perdans figure d'hommes.  
 Vne puante odeur en la barque resta,  
 Le nuage s'enfuit, & le vent s'arresta,  
 Le ciel comme deuant print sa face seraine,  
 Et des Zephires doux on ressentit l'halaine.  
 Le bastelier battu, d'un tel monstre esfoyé,  
 Gaigne le premier bord, & du coup tout broyé,  
 Dessus l'herbe estendu gist tant que la barriere  
 Fust ouuerte au soleil pour prendre sa carriere.  
 Lors vn garson passant le meine en son logis,  
 Ou demi-mort il conte à ses plus chers amis  
 Son piteux accident: ce iour la blesme parque  
 L'empoigne & le conduit de Charon en la barque.

\* \* \* \* \*

V N E autrefois auint presque semblable cas.  
 Mais si tragique fin le regardant n'eut pas.  
 Desja la blanche aurore aux deux ioues de roses  
 Avec son char doré du ciel anoit deslofes  
 Les portes au soleil, qui ses traits eslançoit  
 Sur la pointe des mons que son œil aperçoit:  
 Vn passant cheminant, sans personne compagne,  
 Du sinage de Spire en la proche campagne,  
 Vn chariot couuert de noir void approcher  
 De moines tout chargé, ayans pour leur cocher

V n certain



*Vn certain dont le nez & la terrible face  
 Monstroyent qu'il auoit plus qu'humaine l'audace.  
 Brief il falloit trembler à le voir seulement.  
 Sept cheuaux attelés tiroient vistemment,  
 Quoy que l'un des aisseuls du venerable coche  
 Eust faict d'une rouë: à l'heure qu'il s'ap proche  
 Les yeux de ce passant estonnez regardans  
 Au lieu des moines voyent des fantosmes dedans.  
 Soudain le chariot s'enuole en la nuee,  
 Suyui de feux ardens & d'espaisse fumee:  
 Et d'un triste presage en l'air on entendir  
 D'une guerre funeste & des armes le bruit.  
 A Spire le passant retourne & fait entendre  
 Ce qu'en ces vers m'a misé a tasché de comprendre.*

*S'il falloit exposer que presagent ces traits  
 De l'homicide esprit, ie diroy que la paix  
 Estant volée au ciel, la discorde cruelle  
 Les plus grands de la terre agite & enforcelle,  
 Afin de maintenir par martiale horreur,  
 Des moines enfroquez l'ambitieuse erreur,  
 Que la foudre, le feu, la roue desfaillante  
 Et la grise fumee amplement represente.  
 Mais Dieu les siensorra, pour en temps & saison,  
 Parfaire les desirs de leur humble oraison:  
 Si vers luy sans cesser ils enuoyent sans faincte  
 Sur l'aile de leurs cœurs vne ardente complainte:  
 Desirans que sa main, qui sur terre a pouuoir,  
 La iustice & la paix leur face apercevoir.*

Le docte Melāthion contoit aussi autresfois qu'il auoit vne tête, laquelle apres le decez de son mary estât assise toute triste aupres du feu, voicy entrer deux personnages en la maison, dont l'un ressembloit au mari, & se disoit estre le mari trespaslé: l'autre de plus grāde stature, estoit vestu d'un habit de cordelier. Ce mari aprouchāt du feu, salue la femme, la prie de n'auoir peur, & dit estre venu vers elle pour l'aduertir de quelques choses: puis commande au grād cordelier d'entrer dedans le poisse. Lors il entre en deuils, & la prie instamment qu'elle fournisse argent à des prestres pour chanter plusieurs messes: la supplie & adiure de ne l'oublier.



Et comme il vouloit partir, la prie de luy toucher la main, promettant de ne luy faire aucun mal: car elle estoit esroyee & n'osoit aprocher. En fin elle luy tend la main, laquelle ne fut pas blessée, mais tousiours depuis elle demeura noire, tellement qu'elle sembloit auoir esté fort bruslée. Cela fait, il appelle le cordelier, & estans sortis ensemble ils disparurent tout à l'instant.

Le mesme Melanctho racôtoit qu'un iour un certain moine vint heurter rudement à la porte du legis de Luther: auquel le seruiteur ayant fait ouuerture, & demandé qu'il vouloit, respond qu'il vouloit parler à Luther s'il estoit en la maison. Luther entendant cela commanda de qu'on le face entrer, ioint qu'il y auoit fort long tēps qu'il n'auoit veu aucun moine. Cestuy ci estant venu au poisle, dit qu'il estoit en doute de quelques erreurs papistiques desquels il desiroit conferer avec Luther: & surce proposa quelques argumens, ausquels Luther respondit sur le champ. Il en mit en auant d'autres plus difficiles: ce qui esmut Luther iusques à dire, Tu me donnes bien de la peine: car j'auois autre chose à faire, disant cela, il se leue & monstre au moine l'exposition du passage dont ils estoient en dispute: & comme ils conferoyent, Luther aperceut que le moine auoit les mains comme griffes d'oiseaux: alors il luy dit, est-ce toy donc? escoute, voici la sentence prononcee contre toy, luy monstrant quant & quand l'arrest escrit au troisieme chapitre de Genese, la semence de la femme brisera la teste du serpent: puis il adiousta, Tu ne nous englutiras pas tous. Le diable confus, tout despitē en murmurant à part soy deslogea avec grand bruit, & laissa dans le poisle vne odeur puante par l'espace de quelques iours.

*On estime quelquefois que les choses naturelles & artificielles  
soient œuures des diables*

### CHAP. XVIII.

**PLVSIEURS** choses se presentent par fois à nos yeux lesquelles, pour sēbler estre plus que naturelles sont estimees illusions & ouurages diaboliques: cōbien que pour certaines causes & raisons assez euidētes, nature

*Choses naturelles au  
grand moine*





ture, mere de toutes choses, les ait produites. De ce nombre est le feu folet, qu'on appelle vn ardent, qui est vne exhalaison esleuee de terre iusques à la plus basse région de l'air, ou elle s'allume par antiperistase. car en montant elle est repoussée par le froid qui est en la moyenne region, & lors elle aparoit comme sautelante & cherche les lieux qui sont en pente: tellement que de nuit il semble qu'elle meine aux riuieres celui qui la suit: mesme par fois on diroit qu'elle marche deuant ou derriere ceux qui voyagent à pied ou à cheual, ou qui sont sur la mer, pource qu'elle dure assez long temps en l'air. Pline appelle ce meteore Castor & Pollux.

De telle sorte est le feu qui leche le crin & le poil des bestes, & les habillemens des personnes: car il est fait d'une exhalaison esparse en l'air, laquelle, venant à rencôtrer & choquer sa semblable qui la suit, s'allume. Tels feux bruslans sans rien endommager sont aperçeus le plus souuent es lieux humides, visqueux, pourris, marécageux & fumeux, comme à l'entour des cuisines, es vallées, es cœmitieres, sous les gibets, & ou on a laissé pourrir plusieurs corps morts: car ces lieux exhalent des fumees grasses, espesses & glueuses, mais non assez chaudes pour monter iusques en la plus haute region de l'air: mais en montant ainsi continuellement elles s'allument en s'entreheurtât comme le feu sort de deux cailloux qu'on frappe l'un contre l'autre.

L'HERBE communement nommée Lunaire, que aucuns appellent l'estoile de terre, qui porte la semence en vne petite graine røde, s'ouure de nuit: & reçoit tellement les rayons de la lune qu'il semble que ce soit vne estoile luisante. Les habitans des lieux ou telle herbe se trouue, voyans ceste clarté la fuyent, estimans que ce soit vn fantosme dangereux. Aucuns s'en seruent pour en preparer de la poison, les autres pour esnouoir les malins esprits, les Chymiques rendent leur Mercure fixe par le moyen d'icelle. Le docte Gesner l'appelle Lunaire grecque.

SOSIGENE precepteur d'Alexandre, a tasché de rendre quelque raison en son troisieme liure de la veue, pourquoy quelques choses semblét luire de nuit. Ces



choses flamboyantes, dit-il, participent en quelque sorte de la nature ætheree & du cinquieme element. Que ceste conuenance fait qu'elles illuminent l'air ou tout autre corps transparent qui aproche d'elles. Et quant à ce qu'elles ont telle propriété, principalement de nuict, est d'autant que le plus grand luminaire (à sauoir le soleil) est absent. De iour leur clarté qui est petite n'aparoist, estant offusquee par l'autre qui est sans comparaison plus grande. Ainsi donc en luisant de nuict elles esclairent legerement l'air prochain & espars à l'entour: non pas de telle sorte que par leur clarté lon puisse voir autres choses, mais seulement elles se font voir parmi les tenebres de la nuict. Ce qui auient de la petitesse de la chose dont procede ceste clarté. Le feu mesmes combien qu'il espanse sa lueur plus au lōg & au large, tellement que mesmes il fait conoistre les choses prochaines de luy: toutesfois s'il est vn peu esloigné, les yeux ne voyēt que le feu, qui a peine suffit pour se monstrer soy mesme.

*On void  
cela es-  
pans vers  
lui  
sans de  
nuict.*

*Choses na-  
turelles au  
petit mode*

Ainsi souuentefois on void auenir aux hommes plusieurs cas que lon estime miraculeux & contre nature, qui toutesfois sont naturels & auient souuent: cōme durant le consulat de Seruius Flaccus & de Q. Calphurnius, nasquit à Rome vn enfant qui n'auoit point de trou au fondemēt, & vn autre à Nursie sous le consulat de Sergius Galba & de M. Scaurus, lequel cria, puis mourut soudainement: & vn autre à Fesules, lors que Caius & Marcus Perpenna estoient consuls. Nous auōs monstré en nos obseruations de medecine, que ce n'est point chose nouuelle qu'un enfant naisse sans pertuis de nature pour vuyder les excremens, l'vrine & autre chose: & qu'il y a raisō naturelle & remede à cela: cōme aussi ce n'est chose contre nature qu'une femelle deuiē ne masse, ce que j'expliqueray plus amplement ci apres au 24. chapitre du 4. liure: combien que plusieurs estiment que ce soyent choses diaboliques. A cela apartiēt aussi le 6. chapitre du 4. liure.

*Basteleurs  
& ioueurs  
de passe-*

Les simples gens estiment miracle, ce qui est merueilleux voirement en quelque sorte, mais que nous voyons tous les iours estre fait par l'adresse & souplesse des mains des basteleurs & ioueurs de passe-passe.

Pompo-



Pomponatius, au liure des enchantemés, dit auoir veu à Mantouë & à Padouë vn maistre de ce mestier, nommé Reatio, lequel faisoit merueilles, & croyoit on qu'il auoit acointance avec les malins esprits: à raison dequoy il fut empoigné par l'inquisition & mis à la torture: mais il descourrit aux Inquisiteurs le secret du mestier, leur faisant voir que c'estoyent pures impostures & agilité de mains, & qu'il iouoit ces ieux à l'aide de quelques vns qui entendoient la fourbe. Pourtant il fut relasché & tué depuis par vn quidam qu'il auoit affronté.

On a veu vn Ture allât ça & là par les villes d'Italie, lequel entre autres choses estranges qu'il faisoit voir aux assistans par la souplesse de ses doigts, sembloit briser d'un coup de poing, & quelquesfois tordre & rompre avec les mains, vn gros & grand pilon de fer.

Vn autre maistre ioueur de passe-passe m'a autrefois confessé, qu'en faisant tels miracles, les maistres du mestier pour n'estre descouverts, auant qu'entrer en besongne font prouision d'instrumens propres à leur dessein, lesquels ils changent & rechangent par habileté de mains, tandis qu'ils amusent les assistans qui les regardent & les paissent de paroles. Iules Scaliger & Mathiole racontét vne notable imposture de ces ioueurs de passe-passe. Ils meslent dedans du vin la poudre d'une certaine racine, ce bruuage pique le palais: lors ils commandent à celuy, duquel ils se seruent pour dōner passetemps aux autres, de mouiller le doigt en ce vin, puis le succer, afin de dire quel goust il a. Si tost qu'il l'a trempé & mis en sa bouche, il est contraint de le presser & mordre avec douleur & grand cri. D'autre costé le bastteur faisant semblant de le consoler, luy frotte les tempes & le poignet de quelque autre medicament: puis tirent vne piece d'argent qu'ils laissent choir express, & l'exhorte de la recueillir. S'estant baissé il ne se peut releuer, & par la vertu de l'onguent deuient cōme insensé & tōbe tout plat: puis en mesme sorte qu'un qui craindroit se noyer en l'eau, il nage & crie que les flots de l'eau l'emportent. Le bastteur le redresse en pieds, alors il commence à le regarder de trauers & luy reprocher ces outrages, puis il semble courir sus au bastteur



& le pourfuyure : ce qu'il continue iusqu'à tât que l'on-  
guent soit osté, & lors il reuiet à soy. Soudain, côme vn  
qui seroit eschapé d'un naufrage, il tord & espraint ses  
cheueux, sa barbe, ses habillemens comme on seroit  
les voiles d'un nauiue, torche ses bras & se mouche fort.  
Ce ne sont point fables, ains y a plusieurs tesmoins qui  
l'ont veu, qui estimans qu'il y eust de l'imposture, le fi-  
rent esprouuer en la ville de Prage tant à leurs laquais  
qu'aux laquais de leurs amis.

*Les vol-  
leurs sur  
corde.*

DAVANTAGE, on met au nombre des miracles de  
nature le vol & balancement de ceux qui volent & se  
guident sur la corde. Ces années passées, il y en auoit  
vn assez conu par toute l'Italie, nôme le petit Venitien,  
tant pource qu'il estoit natif de Venise, qu'à cause de sa  
petite stature : au reste si adroit & agile à courir sur la  
corde sans peine aucune, que par fois il se cousoit dans  
vn sac, n'ayant que les mains libres pour manier son cô-  
trepoids, d'autresfois il mettoit sous chacun de ses  
pieds vn bassin tout rond, ou des boules à ses talons,  
& ainsi équipé montoit & couroit d'une hardiesse &  
vitesse incroyable sur vne longue corde atachee au fai-  
ste d'une maison, depuis la tour du palais de Boulogne  
iusques à la place du marché. Dauantage il estoit si fort &  
robuste qu'il pouuoit rôpre au genouil les os de la cuisse  
d'un bœuf tant gros fussent-ils. Avec ses mains enue-  
lopees d'un mouchoir il tordeoit ensemble trois gros  
clous de fer de la grosseur du petit doigt, comme s'ils  
eussent esté mols & ployables. Il chargeoit sur ses espaules  
vn soliveau de plus de vingts pieds de lōueur, & d'un  
pied d'espaisseur, & le soustenoit longuement dessus,  
sans qu'il touchast terre, ne qu'il s'aidast de ses mains,  
puis le faisoit passer d'une espaule sur l'autre. Mon fils  
Theodore, docteur en loix, qui a veu ces choses, avec  
plusieurs autres tesmoins, m'en a fait le recit.

*Il y a quelques choses artificielles et animales, lesquelles sem-  
blent quelques fois estre diaboliques.*





MAIS qu'est-il besoin de parler des hommes, veu mesmes que les bestes brutes font des choses merueilleusement estranges, y estans duites & façonnees par les hommes qui les maistrisent. En vn des faubourgs du

*La dince  
& passe-  
temps de  
l'asne.*

Caire en Egypte, nommé Bebelloch, se retirent plusieurs basteleurs qui donnent plusieurs passe-temps, spécialement celuy de l'asne: pource qu'apres l'auoir fait quelque peu dancier, son maistre commence à luy dire à haute voix que le Souldan est sur le point de faire vn grand bastiment: au moyen dequoy il a besoin de tous les asnes du Caire, pour porter la chaux, les pierres & autres telles matieres. Lors tout en vn instant l'asne se laisse tóber en terre estendu de son long les pieds contremont, s'enfle le ventre, & cligne les yeux comme s'il estoit prest à mourir. Cependant le basteleur se plaint de l'accident de son asne, priant instamment la compagnie de luy donner moyen d'en acheter vn autre. Ayant acheuë sa queste: n'estimez pas (dit-il) que mon asne soit mort, car le gourmant conoissant bien la pauureté de son maistre contrefait ainsi le mort, afin qu'on luy donne quelque chose pour acheter de l'auoine. Puis se tournant vers l'asne, l'admoneste de se leuer en pieds: ce que l'asne ne voulant faire recoit force bastonnades. Pour cela il ne bouge: au moyen dequoy le basteleur recommence sa farce, & dit aux assistans, Seigneurs, sachez que le Souldan a fait publier à son de trompe que tout le peuple du Caire ait à sortir demain pour l'acompaner en son triomphe, & que toutes les damoiselles & belles dames de la ville soyent montees sur les plus beaux aînes, ausquels elles donneront pour recompense vne bonne repeuë d'auoine & de l'eau du Nil. A peine a-il acheuë ces paroles, que l'asne commence à se leuer, ruer des pieds, braire & sauter d'aïse. Mais le basteleur pour suyuant sa farce, liouste, le Capitaine de nostre quartier m'a prié de luy prester ce mien bel asne pour porter sa femme qui est laide & fort vieille. A ce propos l'asne, comme tout fasché, baisse les oreilles, & clochant d'vn des pieds fait le boiteux: dont le maistre

*Iean Leon  
au 8. liure  
de la de-  
scription  
d'Afrique.*



se prend à luy dire, Les ieunes femmes te plaisent donc? L'asne baïsse la teste, & semble vouloir dire qu'ouy. Sus donc, dit-il, en voici plusieurs, choisi celle qui t'agree le plus. L'asne se tournant de part & d'autre, s'adresse à la plus notable & la touche de sa teste. Lors chacun se prend à rire & crier, ho ho, voici la fauorite de l'asne.

*Jean Leö,  
au 9. liure  
de la mes-  
me histoire*

*La dāce du  
Chameau.*

Il y a d'autres basteleurs qui enseignent aux chameaux à danser par certaine mesure. Ils prenēt vn ieune chameau, & par l'espace d'vne demie heure l'enferment dans vn poisse commode, dont le pauē soit bien chaud: hors duquel y a vn certain tabourineur qui sonne de son tabourin. Le chameau sentant le feu aspre, commence à cause de cela (non pas pour le plaisir du tabourin) à leuer tantost vn pied, tantost l'autre, comme s'il vouloit danser. Ayant esté exercé à cela enuiron dix mois ou vn an, si on le meine en public, incontinent qu'on sonne du tabourin, se souuenant de la chaleur qu'il a enduree sous les pieds, soudain il danse, & cuidāt estre sur vn mesme plancher il hausse les pieds l'vn apres l'autre comme vn danseur: & prenant vn naturel par long vsage il le garde tousiours apres.

*Le pigeon  
de Mahu-  
met.*

MAHUMET, suyuant l'instruction du moine Sergius son precepteur, auoit apriuoisé vn pigeon, tellement qu'il venoit becqueter la viande dans l'oreille de ce faux Prophete, qui faisoit à croire que c'estoit le S. Esprit qui luy annonçoit les conseils secrets de Dieu, toutes les fois qu'il venoit becqueter en son oreille. Le peuple idolatre n'aperceuoit point ceste fourbe, estant enforcélé du diable qui taschoit soigneusement de bastir sur tels fondemens la malheureuse secte des Arabes & Turcs. Quant au pigeon qui voltigeoit au long des oreilles de S. Athanase, lors qu'il marchoit par la ville, les heretiques & schismatiques Arrians prenoyent cela comme si ce saint personnage eust esté magicien: poussez à ceste calomnie par le diable, afin de rendre sa doctrine suspecte. Au reste, afin que cest imposteur Mahumet abusast encor dauantage ce peuple gourmād & stupide, il nourrit & apriuoisa tellement vn taureau qui ne prenoit à māger qu'es mains de Mahumet. Il lia entre les cornes de ce taureau vn liure tresexécrable, par luy escrit, intitulé Alcoran, & en la presence de la sorte

populace



populace à haute voix il appela son taureau caché en quelque lieu secret. Et apres auoir fait vne longue harangue touchant ses loix, le taureau sortit à l'impourueu, renuersant ceux qu'il rencontroit, & trauerçant la foule du peuple, se deschargea entre les mains de Mahumet de ce liure, comme d'une chose enuoyee du ciel. Ce garnement l'empoigne en grande reuerence, & fit lecture de quelques chapitres d'iceluy au peuple. Par telle inuention il se fit declarer Roy, & son moine Prophete: car le pigeon auoit apporté autour de son col vn billet contenât ces mots escripts en lettres d'or, quiconque imposera le ioug à vn taureau soit Roy. Le moine apporta le ioug, sous lequel Mahumet rengea aisément le taureau qu'il auoit apriuoisé. Ainsi il fut salué par tout le peuple, comme Roy à eux donné du ciel. Et voila d'où l'Alcoran est deuenu si authentique, tant on estimoit saintes toutes ces belles inuentions.

*Quelques sentences & avis des peres touchant les machinations des diables, & de la fin à laquelle ils tendent. Item pour quelle raison Dieu les a faitz aduersaires des hommes.*

## CHAP. XX.



R afin que l'intention des malins esprits paroisse dauantage, & que l'acheue plustoit, il m'a semblé bon d'adiouster encores en passât quelques opiniôs des peres, lesquelles se peuuent rapporter en cest endroit, & conuiennent assez à nostre discours. Saint Clement monstre que les malins esprits aimēt merueilleusement *Liure 2.* à entrer dedans les corps des hommes, à celle fin que *des recog.* par leur ministere ils puissent mettre en executiō leur cupidité, les contraindre d'obeir à leurs apetits desordonnez, & rendre les mouuemens de leurs esprits plus *Pourquoy les diables* enclins, & à celle fin aussi qu'ils soyent faitz en tout & *aiment à* par tout vaisseaux des diables. Et au quatrieme liure, il *entrer de-* dōne la raison de ce que les diables ont enuie d'entrer *dans les* es corps des hommes: Ils sont, dit-il, esprits enclins à *corps des* malice: ils incitent doncques les hommes par le boire *hommes.* & le māger immoderé à faire peché: ie di ceux qui ont



propofé de pecher, leſquels ayans enuie d'accomplir les neceſſitez de nature, & en ce faiſant, ne tenans aucune mediocrite, font place au diable pour entrer en leur corps, iuſques à ce que la mediocrite de nature, & le legitime moyen ſoit garde: & lors D I E V par ſa clemence ne permet pas qu'ils entrent dās les hommes. Mais ſ'il auient que la phantaſie des hommes ſ'encline à impieté, & que le corps vſe immoderement des viandes, alors comme eſtans ſemonds par la volonté, & par le propos delibere de ceux qui tiennent ſi peu de conte d'eux, ils prenent quaſi puiſſance ſur ceux qui ont enfreint la loy que D I E V a baillee. Il dit encoire apres, Les diables ſuyent les hommes d'autant qu'ils les voyent croiſtre en foy: toutesfois ſ'ils ſ'arreſtent en quelque partie d'inſidelité, alors qu'ils en trouuent les occaſions, ils ſubminiſtrent des penſees aux cœurs des hommes, leſquels ne conoiſſant dont cela vient, croient aux perſuaſions des diables, comme aux ſens de leur ame. Ils perſuadēt donc à quelques vns, par l'ocaſion de leur neceſſité corporelle, de ſuyurē les delices. ils excuſent la cholere des autres, par l'abondance de leur fiel. ils coulourent & excuſent la manie des autres, par la vehemence del humeur melancolique. auſſi rendent-ils moindre la folie des autres par l'abondāce du phlegme. Leſquelles choſes (encores qu'elles fuſſent ainſi) ne peuuent moleſter le corps, ſinon par la trop grande abondance du boire & du manger, lequel eſtant pris outre meſure, il auient que les ſuperfluitez des choſes que nature ne peut cuire, ſe conuertiffent en vn venin, lequel apres entrāt dedans les entrailles, & dans les veines, & la regorgeant comme dedans vne ſentine, il rend les actions du corps folles & deshonneſtes.

SAINCT Cyprian eſcrit au ſecond ſermon du zele & de l'enuie: le diable nous circuit, & nous tente, cōme vn ennemi qui eſpie vne ville fermee, à celle fin qu'il puiſſe conoiſtre ſ'il y a point quelque partie de nos mēbres afoiblie & moins ferme, par laquelle il puiſſe entrer dedans. Il nous met au deuant des yeux des representations attrayātes, & des voluptez aiſees à executer, à celle fin de deſtruire noſtre chaſteté: il eſprouue nos oreilles par la douce muſique, à celle fin que le ſon ren  
de la



de la vigueur du Chrestien plus foible & effeminee, par vne ouye plus douce & atrayante : il incite la langue à mal parler : il pousse les mains par iniures piquantes à commettre homicide : pour faire vn trompeur il propose vn iniuste gain : pour prendre l'ame avec de l'argent, il luy propose des espargues pernicieuses. il promet des honneurs terriens pour oster les celestes : il monstre les choses fausses pour oster les vrayes : & lors qu'il ne peut tromper en cachette, il menace ouuertement. il propose la crainte du trouble & persecution pour veindre les seruiteurs de D I E U : iamais il ne se repose, il est tousiours ennemi : il est trompeur : cauteleux en paix, & violent en persecution. Il dit encores en la huitieme epistre du premier liure : Euitez la langue venimeuse du diable, lequel estant trompeur, & meneur dès le commencement du monde, dit menterie pour tromper, flatte pour nuire, promet du bien pour donner du mal, & promet la vie afin de l'oster. Ses paroles sont conues, & ses venins sont manifestes. Il promet la paix, à celle fin que lon ne paruienne point à la paix : il promet salut, à celle fin que celuy auquel il le promet, ne puisse paruenir à salut. Il promet l'Eglise, encores que tout ce que il fait, ne soit à autre fin, sinon que celuy qui croit perisse hors de l'Eglise.

Nous lisons ce qui s'ensuit au traité de la vanité des idoles, où il est parle des dieux des Romains, & de l'esprit familier de Socrates. Les malins esprits vagabonds ne cessent point estans perdus de perdre, & estans deprauez, de persuader l'erreur de la deprauation : pour autât qu'ils sont enseuelis dedans les vices terrestres, & se sont absentez de la force & vigueur du ciel, par la contagion terrestre. Sainct Augustin monstre que ces esprits enclins à deceuoir procurent à vn chacun les choses, auxquelles ils les voyent enuelopez, par soupçons & consentemens. Parquoy Lactance escrit fort bien : Le diable, dit-il, nous enuoye des desirs illicites, à celle fin que ceux la souillent les choses qui ne leur apartiennent, lesquels toutesfois en peuuent licitement auoir de propres. Car il propose aux yeux des representations lesquelles irritent : il donne des rechaufemens, & administre nourriture aux vices : puis il trouble & esmeut

*Liure 2. de  
la doctri-  
ne Chrest.  
chap. 24.*



*Lin. 6. du  
viay serui  
ce, chap. 4.*

au dedans des entrailles les esguillonemens: il incite & enflamme la naturelle chaleur, iusqu'à ce qu'il degoïue le pauvre homme pris & empestre. Athenagore philosophe Chrestien l'a ainsi pensé & escrit. Si quelquefois le diable apreste des maux à quelqu'un, il luy corrompt premierement l'esprit. Tatian a laissé par escrit en l'Apologetique aux Gentils, que les diables tombent en plusieurs meschancetez, deçoyuent les ames de ceux qui se sont rangez avecques nous, par ignorance & aparence. Pour ceste cause DIEU, comme dit Lactance, qui a formé l'homme à telle guerre, a voulu qu'il fust tousiours prest à combattre: & qu'il veillast attentiuemēt pour descouurir les embusches, ou les as-fauts manifestes d'un ennemi inuisible, lequel ainsi que ont acoustumé de faire les capitaines bien experimenter, nous fait la guerre par plusieurs entreprises, & exerce sa cruauté selon la nature & les mœurs d'un chacun, car aux vns il enuoye vne insatiable cupidité, à celle fin que par leurs œuvres estās empestrez comme par un cep, ils se destournent de la voye de verité: il enflamme les autres par les estincelles d'ire, à celle fin qu'estās plus attentifs à nuire, ils se destournent de la contemplation de DIEU. Il plonge les autres en des apetits & voluptez desordonnees, à celle fin que seruans à leurs voluptez, & à leurs corps, ils ne puissent prendre garde à la vertu. Il emplit les autres d'enuie, à celle fin qu'estās ocupez à leurs tourmens, ils ne pensent à autre chose qu'à la prosperité de ceux qu'ils haïssent. Il enflamme les autres d'ambition: ce sont ceux qui ont mis toute leur estude à auoir des estats en la republique, à marquer les feltes, & imposer le nō aux annees. La cupidité de quelques vns, ted beaucoup plus haut, nō pour gouverner les prouinces par un glaïue temporel, mais pour estre nōmez maistres & seigneurs de tout le genre humain, par vne infinie & perpetuelle puisſāce. Ceux que le diable void estre religieux, il les embrouille en vaines religions, à celle fin de les faire tomber en impiété. il iette la philosophie contre les yeux de ceux qui cherchēt la sagesse, à celle fin qu'il les aueugle par vne semblance de lumiere, & que personne ne comprenne ou sache la verité. Ainsi il estoupe toutes voyes aux hommes,



mes, & enuironne tous les chemins agrandis par les erreurs publiques: mais DIEU nous a armez & illuminez de la vraye & celeste vertu pour abatre, & veincre ce mal-heureux auteur de mal. Il dit aussi en la preface du liure, où il traite de l'ouurage de DIEU: Scauez-vous combien ce lucteur & aduersaire est cauteleux, & souuentefois violent? Il a toutes choses qui peuuent attirer en ses rets, lesquelles sont si subtiles, que les yeux de l'esprit ne les peuuent descouurir: ce qu'il a fait, de peur que l'homme en les preuo, ant n'eust moyen de les euitier. Sa viande, dit saint Ierosme en l'epistre à Damase, est yurognerie, luxure, fornication, & tous vices. Ces choses sont douces, & lasciuës, lesquelles, par le moyen de la volupté, amignardent les sentimens, si bien qu'incontinent qu'elles aparoissent, elles inuitent à en prendre l'vsufruit. Synesius, au premier liure de la prouidence, dit que les calamitez des hommes seruent de viandes delicates aux diables.

DERECHER Lactance escrit fort elegamment au 15. chap. du second liure de ses diuines institutions, ce qui s'ensuit. Ces esprits souillees & perdus rodent par tout le monde, & prennent plaisir à attirer les hommes à leur perdition. Voila pourquoy ils remplissent le monde d'embusches, d'illusions & de frayeurs. Car ils acostent les personnes en particulier, & se fourrent en chasque maison, s'apelans esprits familiers, & c'est ainsi que les latins expriment le mot de *Demons*. Les hommes les reçoient fort deuotement chez eux, les honorent comme dieux terrestres, & comme chasseurs de maux qu'ils font & aportent. Pource que ce sont esprits prompts, legers & incomprehensibles aux sens, ils se glissent dās les corps humains, & s'estans couuertement cachez es entrailles blessent la santé, attirent les maladies, esfroyēt les cerueaux par songes terribles, font tomber les personnes en des resueries estranges, afin que par tels maux ils contraignent les hommes d'auoir recours à eux. Voyez ce que dit le mesme docteur au 17. chapitre de ce second liure, & au 29. du 3. Alcimus ancien docteur & poete Chrestien faisant mention des œuvres du diable, les deschiffre en peu de mots au liure intitule du peché originel, comme s'ensuit.



*Ce que l'esprit malin penetre viuement  
 Dans ce que ne pouuons conoistre nullement,  
 Qu'il conoist l'auenir & le caché desceure,  
 Du reste de l'estat excellent fait la preuue  
 Auquel il estoit prompt & d'ardant zele espris  
 A seruir au grand Dieu, comme les saints esprits.  
 Mais quand ore il apprend tout le mal & l'ordure  
 Dont ce monde est souillé par mainte creature,  
 C'est vn cas treshorrible & du tout monstrueux:  
 Qu'il soit ainsi tant fort & tant industrieux  
 De guider les conseils, les efforts & l'audace  
 De tant de reprouuez, tousiours, en toute place.*

MAIS afin de ne desgouter le lecteur delicat si ie touchoye ici tout du long les tesmoignages des docteurs de l'Eglise qui descouurent les estranges & monstrueux artifices des diables: & que ie contente aussi en quelque sorte ceux qui desirent sauoir ces diuers tesmoignages: ie marqueray seulement les principaux endroits es liures des anciens docteurs, ou sont descrites & descouuertes, l'essence, les affections, la puissance, la malice, les finesse & fureurs inexplicables de ces malins esprits, afin que ceux qui en voudront sauoir dauantage que ce qui a esté déclaré ci dessus, puissent contenter leur apetit. Ces tesmoignages sont autres que ceux qui ont esté cotez au second chapitre de ce premier liure.

EPIPHANIVS au second liure, tome 2. & au 3. liure tome 1. *Faustin* au 1. liure de la foy contre les Arriens. *Denis* au discours des noms diuins, chap. 4. *Athanase* au traité de la beatitude du fils de l'homme. s. *Ambroise* au dixieme liure de ses epistres, epistre 80. & 84. s. *Augustin* au 5. liure de la cité de Dieu, chap. 9. au 8. chap. 22. au 9. chap. 18. 201. au 10. chap. 21. es questions du vieil & nouveau testament, question 11. 27. 98. au 49 traité sur S. Iean. en la 10. homilie sur l'Apocalipse. Item en l'onzieme liure sur Genese, chap. 16. au 3. liure de l'accord des Euangelistes, chapit. 3. au traité de l'esprit & de l'ame, chap. 17. 26. 28. au 2. liure du Symbole aux catechumenes, chap. 1. *Chromatius* sur le 5. chap. de l'Euangile selon S. Mathieu. *Theophylacte* sur le 12. chap. du mesme Euangile. sur le 1. chap. de S. Marc. sur le 10. de S. Iean. sur les



sur les 10. 13. 14. de S. Luc. sur le 2. chap. de l'epistre saint Paul aux Colossiens. sur le 2. de l'epist. aux Philipiens. sur le 3. de la 1. aux Theſſaloniens. sur les 1. & 2. du Prophete Abacuc. & sur le 2. de Nahum. *Baſile* en la 141. epistre. & es sermons sur certains passages de l'Eſcriture. & au sermon de l'exhortation au Baptisme. *Gregoire Nyſſene* en la ſeconde harangue de l'amitié qu'il faut porter aux pauvres. *Leon* au ſixieme sermon de la natiuite du Seigneur. *Theodore* au troisieme dialogue intitulé l'Impaſſible. & sur l'onzieme chapitre de la ſeconde epistre aux Corinthiens. *Euchere* eueſque de Lyon au quatrieme liure sur l'histoire des Rois. *Iſychius* au 5. liure sur les 16. & 18. chapitre du Leuitique. *Chryſoſtome* en la 53. homilie sur le 28. chapitre de Genese. en l'homilie de Lazare. & sur le ſecond chapitre de l'epistre aux Ephesiens. *Cyrille* sur le Leuitique. liure 3. & au 4. liure contre Iulian l'apostat. *Olympiodore* sur l'Eccleſiaſte. chapitre 4. 7. 9. *Casiodore* sur le troisieme chapitre du Cantique des Cantiques. *Philastrius* au catalogue des heretiques. *Maximus* en l'homilie d'huyet. *Marc l'hermite* en ſes ſentences. *Salonius* sur l'Eccleſiaſte. *Syneſius* au liure de la prouidence.

**GREGOIRE** ſurnommé le grand en ſes commentaires sur Iob. sur le premier chapitre. liure 2. chapitre 4. sur le 5. chap. liure 6. chap. 16. sur le 10. chap. liure 9. chap. 19. sur le 19. chap. liure 14. chap. 18. sur le 30. chap. liure 29. chap. 22. sur le 37. chap. liure 27. chap. 17. sur le 39. chap. liure 30. chap. 73. item au 31. liure chap. 13. & sur le 40. chap. liure 42. chap. 21. & au 33. liure. chap. 8. Le meſme au 2. liure sur le 3. chapitre du 1. liure des rois. & au 4. liure sur le 10. chap. du meſme liure des rois. Item sur le Cantique des Cantiques. Sur Ezechiel. liure 1. homilie 2. 3. 12. sur les Euangiles. homilie 11. 14. 23. 27. 39. sur les Pſeumes penitentioux. au 2. liure. indiſt. 10. epist. 21. au 4. liure. indiſt. 13. epist. 38. & au 2. liure des Morales sur Iob. chap. 26. 41. 41. *Rabanus* en la remonſtrance au peuple. enuoyee à Rheginar. au 3. liure sur l'Eccleſiaſtique. chap. 1. au 5. liure. chap. 1. au 6. liu. chap. 3. 9. au 8. liure. chap. 7. & au 9. liure. chap. 1. item au 4. liure de la proprieté de la parole. chap. 10. *Haymo* sur le 7. chapitre d'Oſee. sur le 3. du Cantique des Cantiques.



& sur le 17. Pseaume. Vn docteur ancien, qui s'est sur-  
nommé Idiot au 2. chap. de ses contemplations de la  
mort. *Angelomus* sur le 4. chap. du 1. liure des Rois. *S. Re-  
mi* au 30. Pseaume, ou il traite des deux pieges que le  
diable tend aux fideles, asauoir terreur & erreur: & sur  
le Pseaume 71. *Smiragdis* sur le 8. chap. de l'Euangile de  
S. Luc. sur le 14. de S. Ieã. sur le 4. de l'epistre aux Ephe-  
siens. *Radulphe* au 6. liu. sur le Leuitique: ite au 20. chap.  
2. *Berno* au traité Qu'il faut mespriser les predictiõs des  
diabes. *Anselme* en l'exposition des Euangiles, & sur  
l'vnzieme chap. de la 2. aux Corinthiens. *Rupert* au 1.  
liure sur l'Euangile de S. Iean, chap. 1. au 6. liure, chap. 6.  
au 9. & 11. liure, chap. 14. & au 12. liure, chap. 16. Item au  
2. liure sur S. Mathieu, chap. 2. au liu. 7. chap. 8. au liu. 13.  
chap. 26. Au 5. liure sur l'Apocalypse, chap. 9. au 7. liure  
chap. 12. au liure 11. chap. 2. Item au 2. liure sur Zacha-  
rie, chap. 5. & au 1. liure sur Abacuc, chap. 1. *Hildegard* au  
second liure, vision 1. 6. *S. Bernard* au sermon 17. & 32. sur  
le Cantique des Cantiques, & au sermon des diuerses  
affectiõs de l'ame. *Pierre de Blois* en l'epistre 49. *Pierre  
Lombard* au 2. liure des sentences, distinct. 3. 8. *Pierre de  
Clugny* au liure des miracles, chap. 14. 17. & au 3. liure, e-  
piistre 24. *Barthelemi l'Anglois* au 2. liuer de la propriete  
des choses, chap. 20.

*Au liure  
de l'ou-  
urage de  
Dieu, cha.  
19. 20.*

EN somme, il faut dire que le diable n'a tendu à au-  
tre fin par tous ses miracles, artifices & aparitions, sinon  
à confermer, ou commander, ou presenter & faire re-  
cevoir quelque erreur & blasphemie directement con-  
tre Dieu. Et, comme dit Lactance, Dieu a baillé cest  
esprit meschant & cauteleux pour aduersaire à l'hom-  
me, avec lequel il luy conuient batailler sans aucune  
assurance de repos, tandis qu'il sera en ce monde. Car  
comme lon ne peut obtenir victoire sans combat, aussi  
la vertu ne peut estre sans ennemi. Et pource que Dieu  
a donné la vertu à l'homme, aussi luy a-il mis en teste  
vn aduersaire, de peur que par nonchalance la vertu ne  
s'aneantist. Car il n'a point voulu que l'homme par-  
uint par vn chemin aisé à la felicité eternelle. De mes-  
me Theophylacte en l'exposition sur S. Marc au 5. cha-  
pitre, Pource que vostre vie est vne guerre continuelle,  
Dieu n'a pas voulu que les diables fussent hors de ceste  
vie,



vie, afin qu'en combatant contre nous ils nous fissent paroître plus aprouuez. Et, comme il le dit sur le 8. chapitre de S. Luc, S'il n'y auoit point d'aduersaires il n'y auroit point de couronnes. Semblablement Berno au traité, Qu'il faut mespriser les predicions des diables, dit, Que Dieu n'a point chassé le diable hors de la principauté de ce monde, pource que ses machinatiōs sont necessaires pour les combats & victoires des bienheureux. Car si les diables n'auoyent ceste liberté, nul n'assaudroit les champions de Iesus Christ. Et si nul ne prenoit les armes & couroit sus, il n'y auroit point de combat, lequel cessant il n'y auroit victoire ni loyer.

*Les noms du diable, lesquels descouurent son occupation & par lesquels aussi il est nommé es sainctes lettres.*

## CHAP. XXI.



Le diable a ses noms en plusieurs endroits, & principalement en la sainte Escriture, par lesquels son estude & intention est descouuerte. Aussi ie les veux ici inserer, afin qu'outre l'ample denombrement que i'en ay fait ci dessus parlant de Satan qui contrefaisoit le Dieu, & s'attribuoit son honneur, on conoisse plus aisemēt quel il est par ses effets: car la diuersité des noms monstre la diuersité des vices de celuy auquel mille noms ont donné mille moyens de nuire, afin qu'on ne pense que sans ocaſion i'escruiere derechef le catalogue des noms des diables

En l'endroit, auquel l'Elephant est escrit en Iob, il est nommé *Behemoth*, c'est à dire bestes brutes, comme aussi les Grecs le nomment souuentefois *Thira*, demonstrans sa grande destruction par le nombre pluriel: & par l'allegorie de l'Elephant, le pouuoir de Satan. Voici maintenant *Behemoth* (dit le Seigneur à Iob) que i'ay fait avec toy, il m'age l'herbage cōme le bœuf, voici maintenant sa force est en ses reins, & sa vertu est au nombril de son ventre. Car par les alechemens de paillardise, qui chatouille principalement les reins & le nombril, le diable assaut souuentefois les personnes.



Il fait feste de sa queue, laquelle est comme vn cedre, & les nerfs de ses genitoires sont entrelasiez : ses os sont forts comme arain, & ses cartilages sont comme lames de fer. Toutes ces choses sont rapportees à la force du diable, pour autant qu'il n'a peu estre dissuadé de la malice, laquelle il a vne fois embrassée, & est plus dur que l'arain & le fer. Il est caché sous les fueilles des arbrisseaux. C'est ce dont il est escrit du meschant au P'seume : Il est assis en embuches à couuert, afin de tuer le pauvre alors qu'il l'atire à soy.

*Psal. 9.*

*Leuiathā* C'est qui est escrit de *Behemoth*, est aussi escrit en autres paroles de *Leuiathan* : & aussi est monstree la force des diables, laquelle est puissante & cauteleuse outre mesure, & renuerferoit toutes choses humaines, si elle n'estoit retenue par les resnes de la volonté de Dieu. Voyez le 40. & 41. chap. de Iob. Le mot de *Leuiathan* signifie autant que abandonné à soy-mesme, ou à ditiō : car il aiouste à la parole de Dieu & à toutes choses. *Isaye*, 27. Iob. 3. *Asmodeus*, c'est à dire, l'esprit, ou le Dieu d'aveuglement, destruisieur, dissipateur, abondance de forfaits, abondāt en peché, ou mesurant le feu. *Tobie* 3.

*Asmodeus.*

*Māmōna.* *Mammona*, signifie en langue Syriaque, auidité d'argent ou de richesse, en saint Mathieu au sixieme chapitre. Il empestre les esprits des mal-aduisez, tellement qu'ils ne peuuent seruir à Dieu, depuis qu'il a commencé à seruir à *Mammona*. Diable signifie calomniateur, *Math.* 4. *Iean* 8. *Apocalyp.* 12. & en autres endroits souuentefois. *Demon*, & *Demonium*, signifient sçauant, cauteleux, & entendant plusieurs choses : *Math.* 8. *Iaques* 2. il vient du mot Grec qui signifie sauoir. Et *Platon* escrit au dialogue intitulé *Cratylus* que selon l'opiniō d'*Hesiod*, *Demon* venoit du mot qui signifie autant que prudent & sauant. *Eusebe* dit qu'ils sont ainsi nommez à raison de la frayeur. *Philo* au liure du monde dit que *Moyse* appelle anges ceux que les Grecs nomment He-

*Demon*

*Cacodemō*

roës & *Dæmons*. *Cacodemon* vaut autant à dire comme sachant en meschanceté. *Porphire* escrit que tous ceux que les anciens ont adoré comme dieux estoient *Cacodæmons*. Il est aussi nommé malin *Dæmon*, & *Dæmon* fort nuisible, au banquet des sept sages. *Satan* mot hebrieu vaut autant à dire comme aduersaire, qui s'op-

*Satan.*

pose



pose & qui trouble, Iob 1. 2. Zachar. 3. Item Satanas, Matth. 12. Marc 1. Apocalypse 12. Basile au sermon, Que Dieu n'est point auteur de maux. Moysé fils de Cepha, Syrien au liure qu'il a escrit de paradis, partie 1. cha. 28. dit que Satan viét de Sat qui signifie en langage Siriaque & Chaldaïque se reculer & destourner. *Abaddon*, mot Hebrien, vaut autant que celuy qui fait perdre, ou perdant. les Grecs le nomment destructeur. Apocal. 9. Il est aussi appelé Dieu de ce siecle, aueuglât les enfans de ce monde, 2. Corinth. 4. Et es Pseumes il est dit que les dieux des Gentils sont diables. Au 6. chap. de l'epistre aux Ephesiens S. Paul appelle ces meschans esprits *Princes du monde*. Ils sont aussi nommez en ce mesme chapitre *principautez, puissances, gouverneurs des tenebres de ce monde, & malices spirituelles es choses celestes*. Ils sont nommez *Legion*, pour autant qu'ils sont plusieurs, Marc 5. & Luc 8. Le prince qui a puissance en l'air, qui besongne es enfans rebelles. Ephes. 2. Le *Prince du monde*, Iean 8. 12. 14. 16. Ayant l'empire de mort, Hebr. 2. *Seigneur du monde*, Apoc. 12. Roy sur tous les fils d'orgueil, Iob 41. Nostre aduersaire le diable lequel court cōme vn Lion rugissant, cherchant qui il pourra deuorer; 1. Pierre, 5. Celuy qui a esté homicide dès le commencement, qui n'est point demeuré en la verité, menteur & pere de mensonge: Iean. 8. *Auteur de peché*, 1. Iean 3. *Esprit*, Act. 16. Esprit de Dieu, à cause qu'il sert de bourreau à Dieu, & lors il est appelé mauvais esprit, 1. Samuel 16. Act. 19. Iuges. 6. *L'Esprit du monde*, 1. Cor. 2. Les esprits creez pour la vengeance, lesquels ont consermé en fureur leurs tourmens: & au temps de la consommation espandront leur force, & seront executeurs de la fureur de celuy qui les a faits. Ecclesiastic. 39. *L'Esprit de l'Antechrist*, Iean 4. *L'Esprit d'Egypte*, & d'estourdissement, qui a fait errer Egypte en toute son œuvre, tout ainsi comme celuy qui est yvre, & qui vomit: Isaye 19. L'esprit Pythien, ou de diuination. Leu. 20, menteur, 1. des Rois 22. immonde, Zachar. 13. Matth. 10. 12. Marc. 3. 9. Luc. 6. 9. 11. Act. 5. Apocal. 16. imposteur, 1. Timoth. 4. L'Esprit d'ire: Iob. 4. & Psal. 17. d'endormissement, Isaye. 29. de crainte: Timoth. 1. L'*Ange*. ou le messager de Satan: 2. Corint. 12. L'*Ange* cruel, Prouerbe 17. L'*Ange* de l'af. iiii.



byſme, Apoc. 2. ayant fort grande ire. Apoc. 12. *L'acuseur* des ſaincts freres, Apoc. 12. *Le ſemeur d'yuroye* Mathieu 13. Marc. 4. Luc. 8. *Tentateur*, Mathieu 4. 13. 25. Luc 4. 8. Iean. 6. 8. 13. 1. Theſſal. 3. *V'engeur & ennemi*, Pſeume 8. *Fort armé*. Math. 12. Marc. 3. Luc. 11. *Mauuais*, Ephes. 6. 1. Iean. 2. *Malitieux*, Math. 12. Il eſt nommé malitieux, & meſchant, pour autant qu'il eſt prince & inuenteur de toutes meſchancetez. *Ennemi*: Luc. 10. *Enuieux*, Sapience. 2. *Le veneur*, la fineſſe d'iceluy, le cordeau, la crainte de nuit, & la fleche volante de iour, la peſte qui gaigne de nuit, la maladie ſoudaine qui degalte à midi. Pſe. 91. *Les oiſeaux du ciel*: Mathieu 13. ils ſont ainſi nommez, pour autant qu'ils rauiffent incontinent la ſemence de la parole de Dieu qui eſt tombee en vne terre dure & non labouree par le ſoc de repentance. Le diable eſt nommé *Aspic & Baſilic*, pour ceux qu'il a veincus de premiere arriuee: car l'Aspic fait mourir par ſa morſure, & le Baſilic par ſon regard. Il eſt nommé *Lion*, lors qu'il aſſaut ouuertement: *Dragon*, lors qu'il nous eſpie couuertement par ſon vent venimeux, Iſaie 13. 14. Pſal. 91. Apocalypſe 16. 20. mais il eſt promis à l'homme iuſte qu'il marchera ſur le Baſilic, & qu'il foulera le Lion & le Dragon.

LE grand *Dragon*, Apocalypſe. 12. *Serpent*, *Scorpion*, Genefe. 3. Luc. 10. car tout ce que le diable perſuade eſt vn venin, duquel toutesfois le Sauueur nous preſerue, diſant, Voici ie vous ay donné puissance de marcher ſur les ſerpens & ſcorpions. *V'ieil ſerpent*, Apocalyp. 12. *Serpent tortu*. Iſaie, 27. Il eſt auſſi nommé *Oblim*, *Onocrotale*, *Heriſſon*, *Ihis*, *Corbeau*, *Onocentaure*, *Satyro*, *Fee*, *Milan*, *Cheueche*: Ziim en Hebrieu, Iſaie. 13. & 14. *Perdrix*, *Maillet*, *Thaninim*. Voyez ſaint Ieroſime en l'epiſt. à Damafe. Les diables ſont auſſi nômez *Sautevelles* ſemblables aux cheuaux preparez pour combattre, pour autant qu'ils ſont furieux: ils ont ſur leur teſte comme des couronnes ſemblables à l'or, pour autant qu'ils ſont orgueilleux: leurs faces ſont ſemblables à celle de l'homme, & leurs cheueux aux cheueux d'vne femme, pour autant qu'ils eſpient & l'homme & la femme: ils ont des dents comme celles d'vn Lion, pour autant qu'ils tuent ceux qu'ils ont veincus: ils ont vn ha-

lecret



lecret, comme vn halecret de fer, pour autant qu'ils sont endurcis en malice: ils bruissent les aïsses, ils portent des queue's de scorpions, lesquelles ont des aiguillons, car leur dernier but est de nuire à l'homme: ils ont par dessus eux vn Roy, l'Ange de l'abissine, lequel se nomme en Hebrieu, Abaddon: Apocalypse. 9.

De mesme les anciens docteurs de l'Eglise ont imposé diuers noms au diable. Iſychius l'appelle *Beste intelligible*, laquelle surprend les hommes qui ne prennent garde à ses ruses: ce qu'il prouue par le tesmoignage de S. Pierre au 5. chap. de sa 1. epistre. & au 7. liure sur le 26. du Leuitiq. il dit que les diables sont bestes malicieuses, qui se glissent couuertement, puis font sentir le venin mortel qu'elles portent. *Beste de la terre*, Gregoire liu. 6. chap. 6. sur le 5. chap. de Iob. *Dragon & Serpent assyrien* qui a assuietti à soy l'humaine liberté. André l'erossolimit. *Leopard*. Rabanus au 6. liure sur l'ecclesiastic, ch. 9. *Ours*, à cause de sa cruauté. Gisbert au liure des debats chap. 19. *Loup ennemi spirituel*. Theophil. sur le 10. chap. de S. Iean. *Serpent venimeux*, beste cruelle, lion uiuant de chair humaine, & Basilic. Ensebe au 3. liure de la demonstration Euangelique, chap. 5. *Corbeau*. Beda liu. 3. chap. 8. *Ange apostat*. Rabanus au 1. liure de la propriété des paroles, chap. 5. & au 6. liure sur l'Ecclésiastique, chap. 3. *Larron adulateur*. Beda au 2. liure sur Iob, chap. 7. *Pierre d'obscurité*. Le mesme au 2. liure, chap. 1. *Hypocrite & desguisé*. Le mesme au 3. liure, chap. 3. *L'ombre de mort*. le mesme au 1. liure, ch. 12. *La mort*. au Concile de Toléde, can. 11. *Puissances reuoltées*. Greg. Nazianzene. *Sophiste malfacteur*. luy mesme en la 1. oraison de la reconciliation des moines. *Veillard, fol roy*. Salonius sur l'Ecclésiaste. *Peché*. Theodoret sur le 7. des Romains. *l'umier* de ceux qui sont enflammez en luxure: & *L'oyseau* de ceux qui sont portez par orgueil. Gregoire au 3. liu. des morales,

Les membres de Satan sont quelquesfois nommez de ces noms par plusieurs, comme au 6. chap. de saint Iean, Iudas est nommé diable par Iesus Christ. Pharaon, Antiochus, Roy de Babylone, Assur, & tous les meschans sont la figure & l'image du diable.



Les noms des diables selon la diuersité de leurs actions entre les Ethniques, & par leur office selon les Latins. Le denombrement des diables Poëtiques les Ternistrateurs, les Gobelins, les nains terrestres & montagniers. Les esprits familiers, & les Fees ou Sybilles blanches. Item les noms de quelques dieux des Payens.

## CHAP. XXII.

**L**ES Ethniques ont, outre les noms susdits, changé les noms du diable, selon la diuersité de son action: cōme ils ont nommé *Empuse* celuy lequel aparoissoit aux malheureux, par le commandement de Hecate, vers midi, sous diuerses especes & figures, lors que lon faisoit des obseques aux dieux infernaux. L'interprete d'Aristophane l'explique ainsi & est ainsi nommé, pour autant, comme dit Eustace, interprete d'Homere, qu'il marche d'un seul pied: ou bien comme di sent les autres, pour autant qu'il a l'un des pieds fait d'airain. Ces especes d'espouventails sont quelquesfois nommez par les Grecs Hecateens, à cause qu'ils sont enuoyez par Hecaté.

Hecaté.

Deicele.

Kobales

ILs nomment aussi *Deicele*, celuy, lequel, par representation, ou imitation, espouuante. Il y auoit encor des daemons Dionysiens, rudes & cruels. Ce sont ceux que ils nomment *Kobales*, c'est à dire qui mordent en riant & trompent. Celuy dont on auoit opinion qu'il troubloit, & rompoit les choses salutaires, qui apportoit les calamitez & incommoditez, ou bien qui haïtoit, & faisoit tomber sur la teste de quelcun, celles qui seulemēt estoient en chemin: qui excitoit tout à meschanceté, qui pouffoit les hommes en danger de leurs vies, & les precipitoit en un malheur extreme: celuy là, di-ie, estoit nommé par les anciens, pernitieux, impur, sanguinaire, & maistre des execrations. Ils nommoient ceux qui incitoient à ennuy, & degast, assesseurs ou cōseillers. Eusebe a noté que la vertu diabolique pareille à celle qui estoit en Simō le magicien, estoit nommée

Paredres Paredre.

LES Latins ont distingué les diables selon leurs offices: comme ceux que lon pensoit presider à l'administration



stration des regions, dont nous auons parlé, lesquels estoient nommez *Penates*: ceux qui commandoyent doucement en la maison estoient nommez *Lares*, & lors qu'ils espouuantoyent, & gastoyent quelque chose en la maison, on les nommoit *Larues*: ceux qui auoyent la charge d'un chacun des hommes, estoient nommez *mauuais Anges*, les autres estoient nommez *Manes*, que les Grecs nommoient *Heroes*. Menandre dit qu'ils se faisoient & faisoient mal à ceux qu'ils rencontroyent: les vieux Latins auoyent acoustumé de les nommer *Lemunes*: les Italiens les nomment *Follets*, & *empedusés*. Les demons controuuez & poetiques sont escrits par Platon au *Timee*: par Ciceron au liure de l'uniuers, comme *Matute*, l'*Ocean*, *Galacie*, *Phorcis*, *Saturne*, *Opis*, *Iupiter*, & *Iunon*, Les diables *Ternistrateurs*, estoient ceux, lesquels on nommoit ainsi, à cause que par trois moyens & chemins, ils cerchoient la damnation des ames, auaioir par paroles, par pensees & par œuvre.

CEUX que les Alemans nomment *Nains terrestres*, & les François *Gobelins* & *Luitons*, sont du reng des *Lares* & *Larues*: toutes fois ils n'aparoissent plus comme ils faisoient, depuis seulement que lon a descouuert les manifestes impostures des diables. ils s'ont distinguez en deux sortes. Les vns sont doux & plaisans, & sont à bon droit nommez *Esprits familiers*: ce sont ceux lesquels se tienent principalement dans les maisons au plus coy de la nuit & sont la besongne des seruiteurs, lesquels on entend monter & descendre les degrez, ouuir les portes, faire le feu, tirer de l'eau, aprestier à manger, & faire toutes choses necessaires à vne maison: encores qu'ils ne fassent rien. On en entend quelques vns d'entr'eux, lesquels quelquesfois sont long temps auparauant les choses, que peu apres nous voyons estre faites, ce qu'ils font par la preuoyance qu'ils ont des choses futures, au moyen de quelques signes ocultes, tellement qu'ils auertissent qu'en brief les marchans doyuent venir pour emporter la marchandise qui est en vente: ce que autresfois j'ay obserué estant fort ieune avec mes freres Arnaud & Mathias en la maison de Theodore & Agnes mon pere, & mere (desquels Dieu se souuiendra par sa misericorde au iour de la resurrection des iustes) ce



qui n'estoit sans nous esroyer grandement, car lors que il y auoit beaucoup de houbelon au grenier, & que les marchans estoient en chemin pour venir l'acheter, nous entendions toute la nuit les Gobelins le ietter par sâchees du long des degrez, en la mesme maniere que le iour sayuant en monstroït la verité. On prenoit tousiours ce presage en bonne part. Car quand les marchâs auisent à leurs trafiques, & qu'ils ont quelque voyage à faire pour leur train de marchandise, ils ont acoustumé d'en deuïser quelque temps deuant, & dire qu'ils vont en voyage pour ceste cause. Ce que le diable ayant entendu, monstre beaucoup au parauant ses tromperies à ceux, vers lesquels les marchans s'acheminent: car la distance des lieux luy en donne tout loisir: & ainsi il semble que le diable preuoye & prognostique les choses, lesquelles sont desia commencees.

La seconde espece de dæmons est de ceux qui sont mauvais, lesquels par quelque maniere que ce soit troublent & estonnent les familles. George Agricola, homme tresdocte, & diligent recercheur des choses metaliques, dit que ces diables sont mis au reng des substances souterrestres (comme aussi quelques Theologiens l'ont escrit) qu'ils habitent dedans quelques mines, qu'ils sont horribles & espouuantables à voir, & ennemis mortels de ceux qui tirent les metaux. Tel estoit ce diable d'Anneberge, qui fit mourir douze ouuriers en la carrière nommee Couronne de roses, laquelle pour ceste cause fut delaissee, encore qu'elle fust fort abondante en argent: ce qu'il faisoit seulement en soufflant, lors qu'il hennissoit: car on le voyoit en forme d'un cheual, ayant le col fort long & les yeux cruels. Tel fut aussi ce diable de Sneberg vestu d'un capuchon noir, lequel enleua de terre un des manœuvres de la mine Georgienne, & le porta tout au plus haut du creux de la carrière, iadis abondante en argent, non toutesfois sans luy auoir moulu le corps. Un Iuif fut contraint en Turquie par un diable minier (lequel aparoissoit souuentefois aux hommes en forme de chevre portât des cornes d'or) de laisser une fort riche & proufitable mine. Aussi Pselle dit qu'entre les six especes de dæmons, celuy est le plus meschant, lequel a pour sa couuerture,



vne matiere plus espaisse. Quelques philosophes nomment les demons, & ceux qui leur ressemblent, *Bruses* & sans raison. Les autres comme les Grecs aussi, nomment les plus doux, *Cobules*, pour autant qu'ils sont imitateurs des homes, car ils rient comme estans ioyeux, & semble qu'ils facent beaucoup de besongne, encore qu'ils ne facent rien. Les autres les nommēt *Nains montagniers*, pour signifier leur figure, en laquelle le plus souvent ils aparoissent comme petits nains, de la hauteur de trois palmes, vieux, & vestus comme ceux qui besongnent aux mines, a sauoir d'un vieil robon, & d'un tablier de cuir, qui leur pend au foy du corps. Ceux-cy n'ont point acoustume de faire mal aux ouuriers, mais seulement ils tracassent dans les puy, & dedans les petites carrieres, & encor qu'ils ne facent rien, si est ce que il semble qu'ils s'exercēt en toutes facons, comme s'ils fouyffoyēt, maintenant dedans les mines, & maintenāt s'ils mettoyent dedans des vaisseaux ce qu'ils auroyēt fouy, ou cōme s'ils manioyent les ciuieres & autres outils. Et encore qu'ils iettēt quelquefois du grauer aux manoeures, si est-ce qu'ils ne les blessēt point: & ne fōt point de mal sinon qu'ils soyent premieremēt agassez & irritez par iniures. Parquoy ils ne sont pas beaucoup dissemblables aux dæmons, tant à ceux qui aparoissent peu souvent aux homes, & qui tous les iours font vne partie de la besongne de la maison, & seruent de valets d'etables: & lesquels pour la cause qu'ils executent doucement ce qu'ils font pour l'amour de nous, & semblent estre amis du genre humain, ont esté nommez par les Alemans, *Gutels*: comme à ceux aussi que lon nomme *Trulles*, lesquels desguisez en homes & femmes, seruent de valets & chambrieres en plusieurs pays, principalement en Suione, ainsi comme on dit. Or ces dæmons montagniers trauaillent principalement es cauernes, desquelles on tire les metaux, ou bien dans lesquelles on a esperance d'en tirer, tellement que les ouuriers ne laissent point pour tout cela d'en trauailler, ains prenans bon signe de là, ils se mettent à la besongne d'une plus grande alegresse en trauaillant micux, & les desirent fort.

L'ABBE Tritheme fait mention d'un certain diable



familier qui conuersoit fort priuément entre les gens au diocèse de Hildesheim, spécialement en la maison de l'Euesque, en la cuisine duquel il seruoit. Je reciteray ses propres mots, laissant à la discretion du lecteur d'en croire ce qu'il luy plaira. De nostre tēps vn esprit malin aparut à plusieurs par longue espace de temps, en habit de paisan, au diocèse de Hildesheim: & pour ce qu'il portoit vn bonnet, les villageois l'appeloient cōmunement *Hedeckin*, c'est à dire porté-bonnet. C'est esprit qui se nommoit *Hu'gin*, & prenoit singulier plaisir de hanter les gens, faisant merueilles, parlant, interrogant, respondant familièrement à chascun, aparoisant par fois en forme inuisible, par fois parlant sans se faire voir. Il ne faisoit mal à personne si on ne l'agaçoit: mais si quelqu'un luy faisoit outrage il s'en souuenoit bien & rendoit la pareille. Burcard Comte de Lucque ayant esté tué par Herman Comte de Vuisenbourg, ceste Comté de Vuisembourg sembloit estre exposée en proye: au moyen dequoy cest esprit vint trouuer Bernard Euesque de Hildesheim, & le resueillant luy dit, Sus debout teste chauue, dresse vne armée, car tu conquieras aisément la Côté de Vuisembourg, abandonnée & laissée en proye à cause d'un meurtre. L'Euesque se leuant, apres auoir auerti ses gens de guerre enuahit & posseda ceste Comté, laquelle il ioignit pour tousiours à l'Euesché de Hildesheim, du consentement de l'Empereur. Le mesme esprit souloit auertir souuent cest Euesque de plusieurs dangers, encor qu'on ne l'en requist point. Il se monstroient maintesfois parmi la maison de l'Euesque, seruant assez promptement les cuisiniers, avec lesquels il deuisoit presque ordinairement en la cuisine. Par acoustumance il deuint si familier que personne ne le craignoit: tellement qu'un iour auint qu'un des valets de cuisine commença à le brocarder & outrager, iettant contre luy toutes les ordures qu'il pouuoit trouuer en la cuisine. L'esprit pria par plusieurs fois le maistré cuisinier de reprimer ce valet, autrement il s'en vengeroit: mais pour toute response le cuisinier luy dit, Tu es vn esprit & tu crains vn valet. A quoy le diable repliqua, Puis que tu ne le veux pas chastier quand ie t'en prie, auant qu'il soit long temps tu verras combien



combien ie le crain. Cela dit , il s'en alla tout despiré. Toft apres, comme vn iour sur le soir ce valet las du travail dormoit tout seul en la cuisine, ce diable vint, l'estrangla, le despeça & ietta les piécés en vne grãde marmite laquelle il mit pres du feu. Le maistre cuisinier ayant descouuert ceste tragedie commença à maudire l'esprit, lequel plus irrité que deuât le lendemain print des vilains crapaux, & espraignit leur sang & leur venin sur le rosti qu'on deuoit seruir sur la table de l'Euefque & deses courtisans: à cause dequoy le cuisinier l'ayant outragé derechef, il le ietta du haut du pont dans les fosses du chasteau. Puis il faisoit la rôde toute nuict sur les murailles de la ville & du chasteau, & contraingnit toutes les gardes de faire le guet. Tricheme fait vn autre conte de ce diable, comme s'ensuit. Vn homme du pays allant sur le point de faire quelque lointain voyage, & estant en peine de sa femme qui n'estoit gueres chaste, dit comme en seiouant à cest Hutgin, Hau bon compagnon, ie te recommande ma femme iusqu'à mon retour, auise de la bien garder. La femme en l'absence de son mari, se voulut incontinent acointer d'un adultere, & taschoit d'en attirer plusieurs les vns apres les autres: mais cest esprit se mettoit inuisiblement entre-deux, iettant du liét en bas les paillards, de telle sorte que pas vn d'eux ne peut iamais auoir la compagnie de ceste femme, laquelle toutes les nuicts & presques à toutes les heures de l'absence de son mari, introduisoit en sa maison nouueaux paillards: mais si tost qu'ils s'auanceoyent pour la toucher, l'esprit les iettoit au loin contre terre. Finalement le mari revint, & comme il estoit encor assez loin de sa maison, son commis le vint recueillir ioyeusement & luy dit, Je suis tresioyeux de ton retour, afin d'estre deliuré de ceste fascheuse commission que tu m'auois baillée. Sur ce le mari demanda, qui es tu donc? Je suis, dit-il, Hutgin, auquel tu baillasta femme en garde il y-a tel temps. Je te l'ay bié gardée, mais avec toutes les peines du monde: tellement qu'elle n'a commis aucun adultere. Mais ie te prie que desormais tu ne m'en laisses plus la charge: car i'aime-rois mieux garder tous les pourceaux de Saxe que ceste tiène femme qui a essayé tout ce dont elle s'est peu



auiser pour me tromper & faire folie de son corps. Cest esprit fit vne infinité de tels autres tours qui seroyent trop longs à escrire, & quand ils le seroyent peu de gens y adiousteroyét foy. On conte de luy que par le moyen d'un aneau fait de fueilles de laurier avec quelques ceremonies, il rendit grand clerc en peu de temps vn poire haire de prestre qui auoit esté cité au Senne à cause de son ignorance. Finalement l'Euesque susnommé nommé Bernard contraignit par censures ecclesiastiques ce malin esprit à sortir du pays.

Il y a encore des esprits familiers, lesquels sont semblant d'obeir aux hommes. On dit que Socrates estoit conseillé d'un pareil esprit, lequel Apulee a nommé Dieu: dont il a fait vn traité que chascun peut voir, & le 26. & le 27. sermon de Maximus Tyrius philosophe Platonique. Socrates toutesfois en receut tel proufit, qu'en la fin sans estre aidé de son dieu, il fut contraint de mettre fin à sa vie par poison, ne plus ne moins que Quintus Sertorius, lequel encore qu'il eust pour conseiller (ainsi qu'il se vançoit) vne biche de Diane, si ne laissa-il pas de mourir alors qu'il fut (sans estre admonesté par sa deesse) meurtri par ses domestiques. On dit aussi que Numa Roy des Romains adoroit la Nymphe Aegeric, & qu'il se conseilloit à elle.

SIMON Samariten se vançoit qu'il auoit par grands enchantemens attiré à soy l'ame d'un ieune enfant vierge, lequel auoit esté tué, & que de ceste ame il estoit assisté, par le moyen de laquelle aussi tout ce qu'il commandoit estoit fait.

SIGEBERT & Vincent escriuent que du temps de Benoit III. Pape de Rome, il y eut vn diable qui s'estoit caché sous la chasuble d'un prestre, auquel il estoit familier, & qu'ainsi qu'il iettoit l'eau beniste, il l'accusoit d'auoir la nuict precedente couché avec la fille d'un procureur.

IL faut aussi mettre en ce catalogue les démons, lesquels estans familiers à quelques hommes monstrent en plain iour ou autrement, le signe de leur prochaine mort: ce qu'ils font ou par quelque gemissement, ou par quelque bruit & heurtement, en clouant la biere pour le conuoy du corps qui doit mourir, ou bien en mon-



strant le poille funebre en plain iour d'un conuoy inconu, auquel toutes fois on doit apres assister.

Il y auoit encore des impostures du diable il n'y a pas long temps : asauoir vn peu deuant que la doctrine de l'Euangile fust reconue & repurgee des tenebres de superstition, lesquelles aparoiſſoient en plusieurs lieux de l'Alemaigne, & estoient tellement familiares, que *Les dices* lon ne faisoit autres contes que des dances publiques *des Fees.* des Fees faites ça & là. Les Alemans les nommoient femmes blanches, & Sybiles blanches, en leur vulgaire. Ceste espece de fantosmes estoit merueilleusement contraire aux acouchees, & aux petits enfans en maillot. Et encore que iadis ces Fees fussent ordinaires, lors que lon croit par trop aux impostures des diables, & que trop paresseusement les esprits estoient adonnez à suyure Iesus Christ nostre vnique aduocat, & leur aduersaire, qui les a supplantez : lors di-iè, que le diable se iouoit & se rioit : & que par plusieurs cautelles, par lesquelles il auoit aleche les simples & moins auisez, il establiſſoit vn seruice contre l'honneur de Dieu : si est-ce que depuis que la pure & seruente predication de l'Euangile a commencé à sonner aux oreilles des hommes, toutes ces folies se sont tellemēt esuanouyës, que nous en deuous rendre grandes graces à nostre bon Dieu. Il semble que saint Ierosme se soit souuenu de ceste espece de diables en l'epistre à Paule, sur la mort de Bleſille, escriuât ainsi : Dont vient que les petits enfans de deux ou trois ans, lesquels tirēt encore la mamelle de leurs nourrices, sont ainsi corrompus par le diable?

Le Roy du havre, tant celebré es Indes, nommé Calicut, adore vn mauuais esprit, nommé *Deume*, se confiant que Dieu luy a baillé la puissance de iuger toute la terre, & de retribuer à vn chacun le loyer des biens-faits ou mesfaits. Loys Vartoman gentil-homme Romain escriit, que le Roy en a l'image en sa chapelle, *Au liu. 5. des nauig. chap. 2.* grande comme vn monstre espouventable, assise, & a dessus la teste vn grand diademe semblable à celuy des Papes de Rome, pourautant qu'il est enrichi de trois cornes. Les habitans de Tameran le nomment le Dieu tresgrand.



*Le diable* Frere André Theuet cordelier, natif d'Angoulesme;  
*Agnan.* raconte en ses obseruations qu'il a faites en l'Ameri-  
 que, au chap. 35. & 36. que le diable, nommé *Agnan*, est  
 veu par ceux de l'Amerique, maintenant en vne forme,  
 maintenant en vne autre, & que les habitans en sont  
*Le diable* fort tourmentez. Vn diable nommé Grigri, se monstre  
*Grigri* en Canada, & en la Guinee, & principalement dedans  
 les forests.

Ils ont aussi des prestres qui seruent à leurs dzmons,  
 & les nomment Pages ou Caraïbes, l'vn desquels apres  
 s'estre abstenu de ses sêmes par l'espace de neuf iours,  
 se retire en quelque petite cabane, là où il porte les  
 choses necessaires pour son viure, selon la coultume du  
 pays, & apres que son liêt a esté fait par vne ieune pu-  
 celle de douze ans, il se couche seul, & ayant fait reti-  
 rer le peuple il inuoque son diable qu'il nomme *Hau-*  
*ioulfra* & continue ainsi par l'espace d'une heure avec  
 quelques certaines ceremonies. Apres l'inuocation  
 faite, le diable approche, & dit ce que le prognostiqueur  
 a enuie de sçauoir. Le peuple entend quelques-fois le  
 fremissement, & buglement du diable, lors qu'il arrive,  
 & l'oyant il crie à haute voix: Nous te priôs que tu dies  
 verité & que tu la racôtés à nostre prognostiqueur qui  
 traueille là dedans. Ces choses paracheuees le progno-  
 stiqueur sort hors peu de temps apres, puis il raconte  
 amplement les choses qui luy ont esté declarees par le  
*Voyez le* diable. Dauantage les diables s'attribuent souuent es-  
*liu. 3. ch. 9.* fois des noms ridicules alors que lon leur demande.

Ainsi en auint-il dernièrement à Hammonc, lors que  
 les vns & les autres demandoyent les noms à ceux qui  
 estoient demoniaques, en la presence du ministre: l'vn  
*Plumet.* dit qu'il se nommoit Plumet, l'autre Piéplat, & l'autre  
*Piéplat.* Arbre de roses. Ainsi le diable qui pour lors iouoit ses  
*Hornuar.* ieux au conuent de Kentorp, s'appeloit Hornuar. Il  
 me fâche de m'amuser plus long temps au denombre-  
 ment de ces sots noms, desquels nous ne trouuerions  
 iamais la fin. Il nous faut donques prier D I E u soigneu-  
 sement & affectueusement, qu'il luy plaise, pour l'amour  
 de son Fils, nettoyer nostre ame, qui est son vray tem-  
 ple, & nous conseruer, par sa clemence, de l'ordure &  
 pollution du Malin.



*Les distinctions des diables selon les Theologiens & Philosophes. Item la difference des bons & des mauuais esprits.*

## CHAP XXIII



Ly a quelques Theologiens qui font neuf ordres de mauuais esprits, comme contraires aux neuf ordres des Anges: ceux du premier ordre sont nommez *Pseudothees*, c'est à dire Faux dieux, lesquels s'attribuent le nô de la diuine maiesté, veulent estre reconus pour dieux, & honorez de sacrifices & adorations. Tel estoit Satan, duquel il est parlé, Math. 4. Marc. 1. Luc. 4. l'en ay parlé cy deuant. Ceux du second ordre, sont les *esprits de mensonge*. tel estoit l'esprit menteur, lequel sortoit de la bouche des prophetes d'Achab. Ceste sorte d'esprit se fourre parmi les oracles, & trompe les hommes par les diuinations & prognostications des prognostiqueurs Pythiens. Ceux du troisieme ordre sont nommez *Vaisseaux d'iniquité*: ce sont esprits inuenteurs de maux, & de meschâtes pratiques, tel qu'estoit le démon Theute en Platon, lequel enseigna les ieux & le hazard. Ils sont nommez *Vaisseaux de fureur* en Isaye 13. chapitre, *Vaisseaux d'ire*, en Ieremie, 50. *Vaisseaux de mort* en Dauid, Psal. 7. Ceux du quatrieme ordre, sont les *Vengeurs de meschancetex*. Ceux du cinquieme, sont les *Imposturs*, qui cõtrefont les miracles, qui seruēt aux magiciens infames, & qui par ces moyēs seduissent le peuple. Ceux du sixieme ordre sont les *puissances aerees*, qui se meslent parmi les tonnerres, les tempestes & les esclers, qui corrompēt l'air, & amēinent les pestes & autres maux. Ceux du septieme ordre, sont les *Furies*, qui sement les maux, les discordes, les guerres, & degasts. Les *Accusateurs & espies*, sont au huitieme ordre. Et au dernier, sont les *Tentateurs & insultateurs*, que lon pense assister à vn chacun des hommes: & pour ceste cause sont nommez mauuais anges.

I e ne veux pas à l'imitation de Pselle & des autres Magiciens, distinguer les dēmons en ignees, aeriens, aquatiques, terrestres, souterrestres, sui-lumieres, ou Iouualistes, Saturniens, orientaux, occidentaux, meridionaux, septentrionnaux, journaux, nocturnaux, my-jour-

Eccles. 29:

Apoc. 13.

Apoc. 8:

Apoc. 9.

*Autre distinction des malins esprits.*



naux, forestiers, montagniers, champêtres & domestiques. Je ne veux aussi raconter leurs nōs & offices selon les douze signes du Zodiaque, selon les decuries du ciel, les quinaires, triplicitez, elemens, planetes, & selon le reste de la farce controuuee par les Magiciens, lesquels cependant les masquent du nom des bons esprits. Encores moins veux ie raconter les opinions d'un Marc, toutes lesquelles sont procedees de l'escole des diables & ont esté estimees comme vrayes, & esrites par Pselle: car ie me veux contenir dedans les limites de la sainte doctrine & de la religion, ainsi comme j'ay protesté au commencement.

*Opinion  
des Philo-  
sophes tou-  
chant les  
diables.*

LES philosophes qui ont creu qu'il y auoit des dæmons, les ont diuisez en trois: les vns immortels, du tout mauuais & imbecilles, comme a dit Pselle, lequel estât chrestien, a en ceci, ensuyui l'opinion des chrestiens. Les autres mortels: les vns desquels sont bons, & les autres mauuais, & puissans: lesquels toutesfois regardent à eux, & ont soin d'eux mesmes, pour la crainte de mort qu'ils ont. Les troisiemes sont, selon les Platoniciens, immortels, puissans, & familiers aux hommes, & sont en partie bons, & en partie mauuais. Or l'opinion de tous les philosophes, est que ces dæmons sont naturels, lesquels, selon Platon, sont establis aux sorceries, enchanteemens magie, ruses & oracles des prestres.

*Distinction  
des bons  
& des mau-  
uais es-  
prits.*

A v resté, l'amblique au liure des mysteres, distingue beaucoup plus apertement, que ne fait pas Procle, les bons dæmons d'avec les mauuais, disant: Les dieux, les anges, les bons dæmons n'aparoissent point par vne maniere phantastique, ains proprement & veritablement. Mais les mauuais esprits aparoissent cauteleusement, & phantastiquement feignans la presence des dieux, & des bons esprits. Parquoy ils commandent à ceux qui les adorent, & croient cōme iustes: à celle fin que lon ait opinion qu'ils sont bons, comme sont les dieux. Et pour autant que de leur nature ils sont mauuais, si on les prie de faire mal, ils le font tres-volontiers, & sont profitables & vtiles, à choses mauuaises. Ce sont ceux qui mentent, & trompent par le moyen des oracles, & qui conseillent & font des choses vilaines, Mais les dieux & les bons dæmons ne trompent iamais, & ne seruent



eruent à choses iniques. Dauantage la nature des mauuais esprits est inconstante en soy mesme, & se contrarie, conseillant maintenant l'un, & maintenant l'autre. Mais la nature des autres, est tousiours constante, stable & asseuree, & retient tousiours vne mesme façon en toutes les actiôs. Platon, Porphire, & plusieurs autres platoniciens ont pense quelquesfois que les mauuais esprits estoient bons: car Platon auoit appris sa philosophie des Egyptiês, & des autres estrangers, ainsi que dit Plutarque.

Ora la droite reigle, par laquelle on peut distinguer les esprits, est ainsi proposee par saint Pierre, & par Clement, au troisieme liure des recognitions: Les signes que fait l'esprit mauuais ne proufient à personne, mais ceux que fait le bon, proufient aux hommes. Car (dites moy, ie vous prie) quelle vtilité y a-il à monstrier des statues marchantes? de faire abayer des chiens d'airain, ou de pierre: sauter les môtagnes, voler par l'air, & autres choses que lon dit auoir esté faites par Simon? Mais ce qui procede des bons est raporté au salut & vtilité des hommes: comme sont les choses que nostre Seigneur a faites, lequel fit voir les aueugles, fit ouyr les sourds, fit marcher les debiles & boiteux: chassa les langueurs, & les diables: fit resusciter les morts, & plusieurs autres choses, lesquelles vous voyez que ie fais. Le malin esprit donc ne peut faire les signes, qui sont pour le salut des hommes, & qui leur proufient de quelque chose.

ATHANASE escrit, comme aucuns le disent, que S. Anthoine discernoit les bons anges d'avec les mauuais comme s'ensuit. Les bons aparoiſſent avec vn visage paisible & rassis, ils n'estriuent ni ne crient: on n'entend point leur voix quand par vn instinct secret ils versent la ioye & l'asseurance dans le cœur des pecheurs: dauantage que le Seigneur, qui est la source de liesse, est avec eux. Parquoy lors nostre ame n'est nullement troublee, ains douce & paisible, estant esclairee du rayon des Anges de lumiere: & d'affection qu'elle porte aux biês celestes, desire d'estre deliuree de ceste loge terrestre & habitation mortelle, s'esleuant au tabernacle eternal avec les Anges qu'elle void. Vray est que quelques personnes sont aucunement estonnees au premier re-



gard d'une telle splendeur, à cause de la foiblesse de la nature humaine: mais les bons Anges ont une apparence si amiable, que soudain ils abolissent toute frayeur. Ainsi Gabriel parlant à Zacharie au temple, les Anges annonçant aux bergers la naissance de Jesus Christ, & ceux aussi qui estoient pres de son sepulchre, commandoyent à ceux qui les voyoyent de ne craindre point. Mais les esprits malins ont un furieux regard, font des bruits estranges, apportent des pensées vilaines, tiennent des contenance de brigands ou de gens lascifs: ce qui apporte soudainement frayeur à l'ame & horreur aux sens. A cela survient une haine contre les Chrestiens, une tristesse es moines, fâcherie contre les siens propres, conuoitise de mal faire, nonchalance de bien faire, stupidité & abrutissement. Si donc apres avoir esté esperdu & estonné lon deuiét ioyeux, asseuré en Dieu, & bien affectionné enuers luy sachez, que son secours est prochain, & que le contentement de l'ame signifie que la maiesté de Dieu n'est pas loin. Ainsi le Patriarche Abraham voyant Dieu s'est esiouy: & Jean sentant approcher la vierge Marie, qui portoit en son ventre le createur de toutes choses, sauta de ioye dans le ventre de sa mere. Mais si la frayeur dure, c'est le diable qui apparoit, lequel ne peut pas fortifier & asseurer, comme l'ange Gabriel commande à la vierge d'avoir bon courage: mais il redouble la frayeur, & pousse les personnes au profond abisme d'impieté, afin qu'ils luy fassent hommage. Et pourtant les pauvres payens, qui ignoroyent la loy de Dieu, ont faussement estimé que les diables fussent dieux.

*Joan 8.*

*Luc 1.*

L'ADIVSTERAY encore ceste distinction, que les Anges nous aiment & gardent: mais le diable est ennemi de Dieu & de nous. Eux s'esjouissent de nostre bien: luy s'en contriste. Eux prennent garde que nous ne soyons incommodés: les diables nous font tout le mal qu'ils peuvent, comme il apert par ce qui est escrit en l'histoire de Iob, de Tobie, & en l'Apocalypse. Item les Anges sont comme messagers entre Dieu & nous: mais le diable est acuseur des fideles. Au reste, qui voudra plus curieusement savoir les noms, charges, lieux & temps des bons & mauvais Anges, il le pourra voir au liure



liure des temples escrit par vn Rabin nommé Simon, & au liure des lumieres du mesme auteur: item au traité de la grandeur de la stature, & au traité de Rabin Ismael . puis aussi en tous les commentaires sur le liure de la formation. &c.

*Que le diable ne peut pas toutes choses, & ne peut rien sans la permission de Dieu: & pour quelle raison Dieu luy permet plusieurs choses, sous certaines bornes & limites.*

## CHAP. XXIIII.



ENCORE que Dieu par son conseil, & pour nos demerites, permette quelquefois que le diable exerce ses cautelles & sa tyrannie sur toutes sortes d'hômes: toutesfois il ne les luy abandonne pas en tout & par tout, & ne luy donne vne licence infinie, ou non bornée de certains limites: car autrement nous peririons tous incontinent, estans meurtris par le Diable: mais il luy ordonne ses bornes, iusques ausquelles seulement il veut endurer que son pouuoir s'estende, & dedans lesquelles aussi il a tellement reserré Satan, qu'il ne peut rien sans son consentement, non pas mesmes contre les bestes, tant s'en faut que sa puissance se puisse estendre contre les hommes. Ce pendant toutesfois il nous garde, nous entretient & defend par sa grande clemence, & comme sous l'ombre de ses ailles. Nous en auons vn exemple en saint Mathieu au huitieme chapitre, où il est dit que le diable ne put entrer dedans le corps des pourceaux, que par la permission de Iesus Christ: & que iamais Dieu ne permet qu'il atente aucune chose con- *s. Augu-*  
tre les hommes, sinon pour esprouuer ceux qui sont *stin sur l'E*  
bons, ou pour chastier & punir les mauuais: ayant tou- *uangile de*  
resfois prefix les limites, lesquelles ne luy est permis *s. Ieā traî*  
outrepasser. Il a esté permis, dit Clement, au malin d'y- *te 7. & au*  
ser de telles pratiques, par lesquelles l'afection d'un cha- *serm. 241.*  
cun portee enuers le vray pere est esprouuee, à celle fin *du temps,*  
que les infideles soyent discernés & reconus d'avec les  
fideles, & les bons d'avec les meschans. Ainsi au Deute  
ronome, chapit. trezieme, la cause de la tentation per-  
g. iiii.



mise, est expliquée. Si au milieu de vous se leue vn prognostiqueur, ou songeur de songe, lequel vous dōne signe, ou miracle, & que le signe ou miracle qu'il vous predit auienne, & puis qu'il vous dise: Cheminōs apres les autres dieux, lesquels vous n'auiez conus, & seruons à iceux, vous n'estouterez pas les paroles de ce prognostiqueur ou songeur de songes: car le Seigneur vostre Dieu vous tente pour sauoir si vous aimez le Seigneur vostre Dieu de tout vostre cœur, & de toute vostre ame. La sentence de saint Gregoire est fort belle quand il dit, La volonté du diable de soy mesme est tousiours mauuaise, mais la puissance qu'il prend de Dieu ne l'est iamais: car ce qu'il desire d'executer iniquement, Dieu ne le luy permet sinon pour iustes raisons. Parquoy il ne faut point craindre celuy, lequel ne se peut faire sinon ce que Dieu veut, & ce qu'il luy permet. Il dit presques le mesme sur le 19. chap. de Iob. liu. 14. chap. 18. & au liu. 2. des morales sur Iob, chap. 16. & au 23. chu. sur Iob, liu. 16. chap. 18. & au 40. chap. liu. 32. chap. 11. & au 3 liu. des dialog. Cassian aussi maintient au 21. chap. de la 7. collation, que les diables n'ont pas puissance de nuire toutes les fois qu'ils le voudroyent bien. Clement aussi est autheur que ses limites sont posees tellement; que les diables n'ont aucune puissance, sinon sur ceux, lesquels ont fait preallablement la volonté des diables.

*Liu. 8. des  
recogn.*

*Exod. 7.8.*

DIEU permit aux Magiciens d'Egypte, d'imiter par impostures quelques miracles de Moïse, & ce par le moyen du diable: tellement qu'il sembloit qu'ils transformassent leur yerges en dragons, qu'ils rougissent les fleuves de sang, & qu'ils tirassent les grenouilles hors des riuieres. Mais il ne leur fut pas permis d'imiter les poulx creéz de la poudre de la terre, ou les mousches qui tourmentoyēt seulement les maisons des Egyptiens, ou les vilains vlcères des hommes & des bestes, ou bien les autres œuvres miraculeuses que Moïse faisoit: à ce qu'ils fussent cōtraints de confesser que ces choses venoyent d'un seul DIEU.

IL estoit bien permis à Satan d'affliger & tourmenter par l'espace de sept ans Nebuchadnezar roy de Babylone, lequel en deuint furieux, fut chassé en un desert loin de la compagnie des hommes, & eut le corps merueil-



merueilleusement defiguré: toutes fois il luy fut defendu de toucher à son ame. Cependant **DIEU** ne le reietta pas du tout, & ne le delaiſſa pas, mais les ſept ans paffez il le deliura de ſa furie, & le remit en ſon royaume. **DIEU** auſſi conſentit que le diable fiſt effort au corps, & aux biens de Iob: mais il luy defendit de tou- *Iob 1.2.*  
cher à ſon ame. Il conſentit que le diable mit à mort les ſept maris de la vierge Sara, à cauſe de leur eſſrenee concupiſſence, pour laquelle ils eſtoient indignes du mariage: il ne luy fut rien permis contre le ieune Tobie. Lors que Iofue prince des ſacrificateurs (par lequel *Tobis 3.*  
**IESVS** eſtoit ſigné) aſſiſtoit en la preſence de l'Ange, il fut permis à Satan de demeurer à ſa dextre, à celle fin qu'il luy contrariaſt. Il luy fut auſſi permis de tenter *Zachar. 3.*  
**IESVS CHRIST**, mais ſeulement iuſques à quelque *Math. 4.*  
fois. Satan demanda fort ſainct Pierre, afin de le faire *Luc 22.*  
paſſer par le cribble, ainſi que lon fait le blé: toutes fois il ne luy fut pas permis. Auſſi ne penſe-ie pas qu'on doye  
ue confeſſer qu'il puiſſe la moindre choſe du monde, qu'elle ne ſoit teſtifiée par exēples, ou ſimilitudes des ſainctes lettres, ou des liures dignes de foy: attendu que *1. Iean. 3*  
tous les liures du vieil & nouueau Teſtament, les exhortations des Prophetes, & l'aduenement de **IESVS CHRIST** tendēt à ceſte fin, que le diable, ſes pratiques, ruſes, entreprinſes & puiſſances ſoyent decouuertes: ſes forces ſoyent rompues, ſes ouurages mis par terre, & ſon royaume deſtruit. Parquoy ſi lon entend que quelque choſe ſe raporte au pouuoir du diable, laquelle toutes fois ſoit contre toute croyance: il ne faudra pourtāt auoir incontinent recours à ceſte ſentence des ignorans: ſçauoir que le diable, par la permiſſion de **DIEU**, peut toutes choſes indifferemment. Car il faut conſiderer qu'en ces choſes a eſté dès le commencement l'ordre, & le moyen tenu par la diuine Maieſté: ſçauoir ſi ce que lon dit eſtre adueny y contreuient point, veu que la cauſe de l'ordre vniuerſel, voire l'ordre meſme, n'a rien eſtably conſuſement, ou ſans ordre.

**CAR** il a donné à chaſque choſe ſon eſſence, ſa forme, ſa propriété, force, & ſon oſſice, en telle ſorte que creature quelconque ne peut faire choſe aucune ſinon ſelon le mouuement qui luy a eſté donné de nature, la-



quelle n'est autre chose que la puissance ordinaire que DIEU a donnée à chaque creature selon sa condition: & ne peut rien outre ceste puissance qui luy est dōnée dès les commencement: & DIEU ne luy acorderien sinon ce qu'elle peut selon son naturel: autrement DIEU seroit contraire à soy-mesme, qui est vne absurdité totalement eslongnee de son Essence immuable. Nous voyons la fermeté de cest ordre es esprits, a sauoir comme les bons Anges sont ordonnez pour demeurer es lieux celestes, afin d'y recevoir les commandemens de DIEU, pour le glorifier, & s'employer à la cōseruation de ceux qui ont & pēuēt auoir quelque correspondance avec leur pureté & sainteté, & aussi pour faire des messages aux autres, comme ie l'ay exposé plus ample-ment au premier chapitre de ce liure: au contraire les diables inferieurs aux bons Anges, à cause de leur reuolte & deprauiation, comme esprits plus grossiers sont descendus plus bas, a sauoir en l'air & en la region plus basse, où ils rodent, atendants le commandement de DIEU, duquel ils sont executeurs, ou pour tenter, ou pour chastier & punir les hommes, selon qu'il plait à DIEU, & non autrement. En cest esgard tout ce qu'il execute il le fait comme bourreau de DIEU. Mais quand il s'eforce d'atirer par fausses persuasions les hommes à cōmettre quelque mal, il ne besongne pas comme esprit & seruiteur de DIEU, ains comme vn malin esprit qu'il est, corrompu par sa propre volonté, taschant de perdre les autres avec soy, ce qu'il conoit & pense estre aisé de faire par les indices exterieurs qui luy font iuger que les personnes sont enclines à tel ou tel vice. Ainsi donc, comme c'est vn esprit immonde & tenebreux, aussi cherche-il des hommes qui ensuyuent son naturel, & se glisse en eux. Voila quel est l'œuure du diable, par la secrette & incomprehensible ordonnance & permission de DIEU. Et ne trouuera-on point es saintes Escritures ni en histoires aucunes dignes de foy que le diable ait eu autre pouuoir depuis la creation du monde.

IE di le mesme de la puissance & faculté donnée dès le commencement à l'homme. Pour estre mieux entendu, l'esclairciray mon propos par vn exemple. Si

DIEU



**DIEU** me permettoit de voler en l'air avec les oiseaux, ou me trainer dans terre avec les vers, ou nager dans l'eau comme les poissons: ie ne le pourroy' faire, pource que cela contreuendroît à l'ordre establi de **DIEU** au commencement, & à la faculté naturelle que **DIEU** m'a donnée, veu que de la poudre de la terre il m'a créé homme, & composé d'os, de nerfs, ligamens, chair, veines, arteres, sang & esprit, & a ordonné qu'en vertu de ceste creation ie marcheroy sur terre pour la cultiuier, auoir soin de ce qui la côcerne, & viure d'icelle: & que par l'ame, qu'il a infusé en moy, i'aspirasse aux choses celestes. Ainsi dès le commencement il a commandé & ordonné aux plus legers oiseaux de voler plus haut en l'air, & aux animaux chargez de matiere plus terrestre de pancher contre terre: il a donné aussi les eaux pour logis aux poissons, la superficie de la terre aux plâtes, & le fonds d'icelle aux vermisses. Il ne veut donc point que les cerfs courent & paissent en l'air, ou que les poissons vivent sur terre, ou que celuy qui est es Indes boyue l'eau de la Saone, ou que l'Aleman s'abreuue du fleuve Tigris & non du Rhin. Tout de mesme il a par sa puissance posé des limites & baillé des loix aux esprits, qui ne peuuent passer outre le trauers d'un doigt, encor que **DIEU** les laissast faire. Or il ne permet vne chose qui ne se puisse faire en son ordre. En ceci ie ne deroge en rien à la puissance infinie de **DIEU**: mais ie veux monstrier la foiblesse du malin esprit. Il ne sauroit faire vne mouche ( cela appartient à **DIEU** seul qui est la seule source & origine de toute chose qui a estre ) & n'y a creature, soit homme, soit ange, qui se puisse attribuer cela. Aussi le diable ne sauroit auoir compagnie charnelle avec vne femme, ni engendrer: car il n'a pas les instrumens & la matiere donnees des le commencement tant seulement aux animaux qui ont chair, sang, esprit & os, que les diables n'ont point. Vous voyez de quel mal est cause ceste fausse persuasion de la puissance trop grande qu'aucuns attribuent au diable. Quant à moy, ie maintien qu'il ne peut rien outre la vertu qu'il a receüe dès le commencement, laquelle est conuenable à son essence & luy est naturelle. Il faut acorder qu'il fait selon ceste puissance ce que **DIEU** luy per-



met de faire : mais en l'exécution il est souuêtesfois re-  
renu en bride, pour ne pouuoir acomplir ce qu'il vou-  
droit bien. Pour vengeance il est seruiteur de **DIEU**,  
executeur de la haute iustice d'iceluy, brieſ c'est son  
bourreau, iusques où sa vertu naturelle se peut estendre  
& non plus auant.

**P**AR la mesme raison on peut aisément refuter l'ob-  
iECTION commune de la puissance des Sorcieres, asauoir  
qu'à l'aide du diable elles sont des merueilles qui sur-  
passent l'industrie & la force humaine. Je di au contrai-  
re qu'elles ne peuvent rien outre la vertu donnée à la  
nature humaine, encor que le diable besongne avec  
elles tant que lon voudra : ains plustost à cause de leur  
susdite aage, constitution & habitude froide, humide,  
crasse & stupide de leur corps mal propre entre tous  
autres, elles empeschét l'œuure du malin esprit qui est  
prompt & leger : tellement que si le diable se veut ser-  
uir d'elles, elles le troublent & retardét en l'exécution  
de ses entreprinſes. Car par l'adresse de sa nature il peut  
(comme esprit qu'il est) beaucoup de choses possibles  
& naturelles, lesquelles outrepassent en beaucoup de  
sortes les limites de nostre nature, à cause de la pesan-  
teur de l'essence humaine. Si quelqu'un replique que  
les Sorcieres sont ces merueilles par la communion  
qu'elles ont avec ces esprits, & comme les bons Anges  
se ioignent aux bons & vertueux esprits qui aprochent  
de leur pureté, pour porter leurs prieres au ciel deuant  
**DIEU**, aussi les mauuais anges, cōme esprits plus gros-  
siers se ioignent aux esprits impurs & desreiglez des  
hommes, pour acomplir le desir d'iceux : i'accorde cela  
en quelque esgard, mais ie di qu'il ne s'ensuit pas que  
la puissance naturelle de l'homme en prêne tel accrois-  
sement qu'elle puisse vne chose plus ou autrement que  
la vertu qui luy a este donnée des le commencement  
ne le porte: mais seulement l'ame & la volonté est cor-  
rompue par le malin esprit, tellement qu'elle veut &  
execute avec malice ce à quoy l'impetuosité de son na-  
turel la pousse: & ne s'ensuit pourtant que par leurs sor-  
celleries toutes personnes puissent estre ofensees de  
telles sortes de maladies & de maux que bon leur sem-  
blera. Et quant au desir des sorciers & sorcieres, le dia-  
ble



ble leur en presente quelque chose par ses illusions en leur fantasie ou en l'air, afin d'abuser ceux qui par corruption de leur naturel symbolisent en quelque sorte avec luy: & ainsi se peut accomplir la volonte du diable & du sorcier, autant que l'ordre de nature le permet. Aussi DIEU, qui est souverainement bon & iuste ne permet ces choses sinon afin que les meschans demeurent liez ensemble tant en volótez qu'en œuures: avec limitation toutesfois, afin qu'ils ne fassent pas tout le mal qu'ils voudroyent bien faire. Mais la volonte & l'action des bons Anges est libre: aussi ne veulent-ils rien sinon en ce qui est le souverain bien, c'est asavoir en DIEU qui est infini & incomprehensible.

PARQUOY toute chose ne luy est permise, mais seulement celle que requiert l'ordre naturel diuinement establi: en la cónnoissance duquel, si lon ne peut paruenir par le moyen des commencemens ordinaires de toutes choses; & de la raison: alors il faudra ficher les yeux de vostre esprit dedans les liures de verité & contempler par vn luisant rayon de l'esprit, ce qui a esté quelquesfois permis au diable. Car là vous verrez euidentement, cõme dedans vn miroir trespur, l'Idée, & representation de l'ordonnance de DIEU, à laquelle lon pourra facilement & proportionément rapporter tout ce qui vous pourroit donner empeschement en ceste contemplation.

*Les choses impossibles au diable: ensemble plusieurs malesices lesquelles iusques à present lon luy a attribuez.*

#### CHAP. XXV.



V reste, tout ainsi que i'ay cõfessé plusieurs merueilles & illusions de Satan, encores qu'il machine, qu'il bastisse, qu'il entreprenne, qu'il compose, qu'il refasse, qu'il cõtreface, qu'il change les choses quarrées aux rondes, qu'il se vende tant que bon luy semblera, & qu'il esblouisse les yeux: toutesfois ie ne laisseray de proposer des choses, qui luy sont inimitables & impossibles: luy niant tres-expressément que luy ou ses Anges puissent creer le moindre corps, ou faire quelque chose de rien, ou veritablement, selon son vouloir, trãformer, ou bailler quelque nouuelle forme, vertu ou proprieté. Il



ne scauroit veritablemēt transmuier vn corps en pierre de sel: ainsi qu'il auint à la femme de Loth. Il ne peut veritablemēt transmuier les verges en Dragōs, ni l'eau en sang, ni engendrer des grenouilles, ni transmuier la pou dre de la terre en poux, ni desioindre la mer pour passer au trauers des ondes, ni rēdre douce l'eau qui est sa-  
 lee, ni la faire sortir en touchāt contra la pierre: toutes lesquelles choses toutesfois ont esté faites par Moysē. Il ne peut amplifier les choses petites, cōme nous voyons ordinairemēt auenir es graines, & autres choses crees de DIEU. Helisee aussi tira l'huile des vaisseaux vuides de la vesue: & Iesus Christ rassasia tāt de mil hommes, avec cinq pains d'orge, & deux poissons, & siresta douze pleines corbeilles. Aussi ne peut-il par sa vertu trāsformer l'eau en vin, guerir les ladres, rēdre la veuē aux aueugles, l'ouye aux sourds, le marcher ferme aux boiteux, ni guerir veritablement aucune maladie, ou bien faire que les femmes steriles soyēt secondes. Le diable aussi ne peut, avec ses mēbres, donner la vie à aucū, resusciter les morts, ou troubler leurs ames qui sont en la main de Dieu, & reposer au Seigneur. ou bien empescher, & corrompre, ou destourner le cours naturel diuinemēt institué, ainsi que nous lisons estre auenu à Iosué cōbatant les Amorrhæens: & apres, lors que Ezechias retournoit en santé: & à Iesus Christ lors qu'il pendoit en croix. Il ne peut encore reestabli les choses du tout destruites, faire descendre la Lune du Ciel, transporter ailleurs les moissons qui sont encore en herbe, aimer les hommes honnestes & gens de bien, hayr les meschans, regarder & conoistre parfaitement les pensees & discours des hommes (contre Platon en son Epinomide) faire entrer des matieres dures, raboteuses, & aigues, par les parties solides du corps, sans leur faire mal, ou par les conduits plus estroits, ne respondās aucunemēt en proportion ou dimension, selon l'ordre de nature, à la grandeur de telles matieres. Il ne peut qu'il ne soit enclin à mal, quelque commandement, ou art, ou paction que l'homme face avec luy: puisqu'en iceluy, de son propre gré, il est adōné & iour & nuit: estant tout mauuais, & de mauuaise volonte, & ne pouuant autrement faire, à raison de sa nature vitieuse & corrompue. Il ne peut  
 se met-



se mettre dedans le corps des hommes selon le plaisir, ou par imprecation & maudisson de quelque vieille adonnée à mal : ni n'en peut sortir lors qu'elle luy commande. Bref il ne peut preuoir commēt Dieu veut disposer la destinee du monde, des empires, des choses particulieres, auant qu'elles ayent esté prononcees, & publiees par la voix de Dieu.

IL est escrit aux decrets, que celuy est plus meschāt *1. partie* qu'un payen ou infidele, qui croit que par un autre que *29. q. 5.* le createur de toutes choses, vne creature puisse estre *episcopi.* faite ou transformee en autre espeece ou figure. Il est donc publiquement annonce à chascun, que celuy qui croit ceci & telles choses, a perdu la foy, & que quicōque a perdu la vraye foy, n'est plus à elle, mais à celuy auquel il croit, a sauoir au diable. Car il est escrit de *1. ead. 1.* nostre Seigneur que toutes choses sont faites par luy. Pſelle philosophe Platonicien & Chrestien, escrit, que les diables promettent souuentes fois aux hommes des richesses, la gloire, la victoire, & l'amour, lesquelles d'eux mesmes ils ne peuuent bailler, pour autant qu'ils n'ont aucun commandement. Ils apportent toutes fois à leurs adorateurs quelques folies aparoiſſantes aux yeux muables, & de peu de duree, que les meschans pensent estre aparitions diuines. Ainsi faut-il que plusieurs choses lesquelles ont esté iusques ici atribuees au diable, & à ses sectateurs, s'en voient en ruine, comme cauteleuses, ou pleines d'impostures, ou n'estant vrayement telles qu'elles sont aparues, ainsi que par plusieurs & bonnes preuues il sera mōstré bien ou long es liures suyus.

*Il est monſtré par tesmoignages des docteurs anciens que le diable ne conoit point les pensees des hommes.*

## CHAP. XXVI.



**R**ORCE que iusqu'à present il y-a eu grand debat entre les plus doctes, a sauoir si le diable conoit les pensees: encores que les tesmoignages de l'escriture sainte confirment assez l'opiniō, d'autant qu'il apert



par iceux que Dieu seul void , conoit , sonde les cœurs & les pensees, Act. 1.15. Apoc. 2. &c. toutesfois pour satisfaire à ceux qui atribuent trop à la puissance de Satan, j'ay voulu ici adiouster pour suplement quelques passages des docteurs anciens sur ce point, afin que ci apres les aduersaires se deportent de disputer au contraire. S. Augustin au traité des enseignemens Ecclesiastiques , chap. 81. dit ces mots. Nous tenons pour certain que le diable ne void point les secrettes pensees de l'ame : mais nous auons aprins par experience qu'il iuge d'icelles par les passions qui aparoiissent au visage & par les gestes du corps. Mais quant aux secrets du cœur, celuy seul les conoit auquel il est dit, Toy seul cōnois les cœurs des fils des hommes. Rabanus dit le mesme au 4. liure de la proprieté des paroles, chapitre 10. Anselme sur le 10. chapitre de saint Matthieu: les diables, dit il, ne peuuent entendre les pensees, si elles ne se descouurent par quelques tesmoignages exterieurs. Luy-mesme sur le 15. chapitre du mesme Euangeliste: il faut redarguer par ceste sentence ceux qui pensent que le diable mette au cœur les pensees, & qu'elles ne naissent point de la propre volonte. Le diable pousse & enflamme les mauuaises pensees: mais il n'en est point l'auteur car il ne conoit point le dedans sinon par quelques gestes & contenance du dehors. Comme pour exemple, S'il vous void souuent regarder vne belle femme, il cōiecture que le cœur est blessé de fol amour. Haymo sur l'Euangile de la 4. fesié apres le troisieme dimanche de Quaresme: le diable, dit-il, n'est point auteur de malices, mais plustost embrasseur: car il ne peut sonder le fond de nostre cœur, ains seulement descouurir nostre pensee par les contenances du corps. Cassian au 15. cha. de la 7. Collat. Personne ne doute, dit-il, que les esprits immondes ne puissent conoistre qu'elles sont nos pensees, mais par signes & indices exterieurs, a sauoir par nostre port, & par les paroles & ocupations ausquelles ils nous voyent le plus enclins. Mais ils ne peuuent penetrer es pensees qui ne sont pas encore sorties du fond de nostre ame.





# LE SECOND LIVRE, AVQUEL IL EST TRAI- TE DES MAGICIENS

INFAMES.

*Les noms des Magiciens infames & des empoisonneurs au vieil  
Testament.*

## CHAP. I.



**ENCORES**, que quelquesfois en deuſant,  
& diſputant, des œuures des ſorciers, on ait  
acouſtumé de mettre incontinent en auât  
les teſmoignages de l'Eſcriture ſaincte, es-  
quels on lit le nom de Magicien, ou de ſor-  
cier, ou d'enchanteur, ou d'empoſſonneur, ou d'impo-  
ſteur, (comme aucuns l'interpretent) par leſquels on  
aſſerme ſans diſtinction les ſorcieres eſtre entendues,  
& remarquées: Je trouue toutesfois que les noms de  
ceſte monſtrueuſe maniere de gens, avec leurs prati-  
ques, impoſtures, & illicites diuinations, ont eſté diuer-  
ſemēt expoſez par les Rabins & interpretes Hebrieux:  
tout ainſi comme les Latins les ont nommez de diuers  
noms. Je trouue auſſi que la tranſlation Grecque ne ſe  
raporte exactement au texte Hebrieu, ni à la verſion  
Latine. Ce qui ſera manifeſte, ſi vous conferez diligem-  
ment le texte Hebrieu, avec l'yne, & l'autre verſion: ſi  
vous obſeruez atentiuement les opinions des Rabins  
& expoſiteurs, es paſſages auſquels il eſt fait mētion de  
ces monſtres: comme en Exode, chapitre ſeptieme,  
neuſieme, vingtdeuxieme: au Leuitique dixneuſieme,  
vingtieme: au Deuteronomie dixhuitieme: en Ieremie  
vingtſeptieme: en Daniel deuxieme: au ſecond liure  
des Rois, chapitre vingtynieme: au deuxieme des



Chroniques, chapitre trentetroisieme. Or à cause de ceste diuersité des interpretes, & qu'ils ne s'accordent es lieux alleguez, j'ay pris l'avis de M. André Masius, homme fort docte, & qui entend bien les langues: lequel m'a expliqué, comme s'ensuit, sept mots Hebrieux, qui concernent la magie, & desquels on s'aide en cest endroit.

*Chasaph.*

Le premier mot est. CHASAPH, lequel ie voy ordinairement estre tourné es Bibles vulgaires, comme signifiant la sorcellerie, par laquelle les hommes, trompez par les diables, nuisent, ou bien pensent nuire par leurs meschantes pratiques, au bestail, aux bleds, & aux hommes: à raison desquels mesfaits ils sont nommez sorciers, lesquels la loy de Moysé veut que lon face mourir, en Exode, au vingtdeuxieme chapitre, par ceste sentence: Tu ne souffriras point viure la sorciere. Car le mot MECHASSEPHA, duquel la loy vse en cest endroit vient du mot CHASAPH: & est mis au genre féminin: non pas que les hommes en soyent exempts, ni que la loy vueille qu'on les espargne, mais pourautant que ce sexe obeit plus facilement aux embusches du diable, à raison de sa naturelle simplicité. Parquoy l'interpretation Grecque, laquelle nous atribuons aux septâtes, a tourné ces mots plus au large en ceste façon: Vous ne retiendrez point les sorciers en vie. J'ay icy remarqué que le mot CHASAPH, & tous ceux qui en procedent ne sont point autrement interpretez en la translation Grecque, que par sorcellerie, combien que le mot *Pharmakos* se prenne aussi en bonne part & signifie médicament. Car on dit communement que ceux que nous nommons sorciers, n'exercent point leurs arts & sciences sans médicaments. Je laisseray les auteurs Grecs & Latins, & allegueray Aben-Ezra escrivain de grande autorité entre les Hebrieux, lequel dit que ce mot CHASAPH, appartient proprement aux impostures, & auoir aux trôperies, par lesquelles les choses nous sont representees autres qu'elles ne sont. Encore que ie luy confesse cela, bien que par la sainte Escriture l'autre opinion ne puisse estre veincue: toutesfois au second chapitre de Daniel, où nous lisons que Nebucadnesar fit venir avec les autres interpreteurs de son songe,

des



des *Mechassephim*: si vous interpretez ce mot *Impositeurs*, ie ne voy point quel proufit ils eussent peu apporter avec leur art, qui est fallacieuse & trôpeuse. Parquoy Leui, fils de Gerson, interpreteur de ce passage, & grâd Philosophe entre les Hebreux, dit que *Mechassephim* sont ceux qui disent entendre la science des astres: de pouuoir tirer les esprits du ciel, les amadouuer par le moyen des caracteres faits selon certaines heures, & certains cours des astres: les ayant atirez, de les inciter au proufit ou dommage de quelques hommes, ou s'en aider en autres choses, aux presages & significations des choses cachees. Au 3. chapitre de Malachie, vers. 5. les enchanteurs & adulteres (appelez *Mechassephim* & *Memaphim*) sont conioints. Quant à moy s'il m'est loisible d'en dire mon auis, i'ay bien opinion que ce mot s'estend plus loin à toute sorte de Magie, qui est aussi la commune opinion des Hebreux.

Le second mot estoit C A S A M: qui semble, selon les *Casam*, auteurs Hebreux, appartenir particulieremēt aux prognostications des choses auenir. Parquoy en tous les endroits de la Bible Grecque il est tourné par vn mot, lequel signifie autant comme prognostiquer: comme en Deuter. 18. chap. en Ieremie 27. & ailleurs: & aux Bibles Latines (i'entens tousiours des vulgaires) il est tourné quelquefois d'un mot Latin qui signifie deuiner, comme en ces lieux que i'ay desia alleguez.

Le troisieme mot, O N E N, signifie quelquesfois aux *Onen*, Bibles Latines observer les songes, comme en Deuter. 11. chap. & au 2. des Chroniques, 33. Aucunesfois pour coniecturer par le vol des oiseaux, comme en Ier. 27. quelquesfois pour deuiner, comme en Michee, 5. & aux Bibles Grecques il est tourné aucunesfois par vn mot, qui signifie predire par les oiseaux, comme en Ier. 27. & souuentefois aussi par vn mot qui signifie prononcer des oracles: en Michee 5. Les anciens Hebreux disent que ce mot appartient proprement à ceux, qui obseruent superstitieusement les temps, & en establisent les vns bons, les autres mauuais pour le maniemēt des affaires.

Le quatrieme, N A H A S, est en Deut. 18. & 2. Chron. *Nahas*. 33. On l'a traduit auoir esgard aux oiseaux. Ce mot se  
h. ij.



trouue souuent es Bibles. Les Hebreux disent qu'il s'attribue proprement aux coniectures, par lesquelles d'une chose auenant fortuitement, nous deuinons trop curieusement & par folle religion, l'estat des choses presentes, & futures: comme par le voler des oiseaux fait à droite ou à senestre, par la rencontre de quelque animal, par le signe de quelque membre, par resonnement, ou par cheute, esternument, sanglot, chant, mouuement de crible: & par mille telles superstitions, lesquelles sont en vsage entre les femmelettes.

Le cinquieme mot est, H A B A R, enchâter. Les Hebreux vsent de ce mot, lors que les Magiciens murmurent quelques secretes paroles, esquelles ils pensent tenir enclose quelque vertu secrette. Virgile parle de ces enchantemens, quand il dit que

*Le froid serpent par les enchantemens*

*Se creue aux preç.*

I' A Y veu quelques gens, lesquels par paroles faisoient demourer les bestes, & les contraignoient d'attendre le coup: ils faisoient aussi demourer tout court ce vilain animal domestique que nous nommons le Rat, incontinent qu'ils l'auoyent regardé, & le rendoyent comme tout estonné, iusques à ce qu'ils l'eussent pris dans la main, & qu'ils l'eussent estranglé. Daudid mesme semble assez ouuertement signifier que tels miracles se peuvent faire par enchantemens, lors qu'il parle du sourd Aspic, au Pseaume 58. ou il vse du mot hebreu, H A B A R, & aussi du mot L A H A S, qui signifie autant que le premier.

Le sixieme mot est O B, lequel est tourné en Latin Python, ou esprit Pythonique, comme au Deuter. 18. Isaie 19. 1. de Samuel, 28. & 2. des Rois 23. & en autres endroits souuentefois. Il est aussi tourné Magicien, mais assez improprement, comme il me semble: comme au 2. des Chroniq. 33. Les Grecs l'ont appelé *engastrimythos*, qui signifie autant comme Parle-ventre, excepté qu'au 2. des Rois 21. & 23. ils l'ont tourné d'un mot qui signifie deuineur. Je ne trouue point qu'il soit en autre endroit. Au reste ce mot O B, signifie en Hebreu autât qu'une vessie ou une bouteille: tellement que les Hebreux ont nommé O B, ou O B O T H en pluriel nombre,



bre, les diables, lesquels par paroles obscures, & par les parties cachees du corps, comme par les esselles, ou par les parties honteuses des femmes, donnoient leurs responses, comme s'ils eussent esté enfermez dedans des vessies ou petites bouteilles. Les Grecs doncques les ont bien surnommez Parle-ventres, puis qu'ils parloyent estans enfermez dedans le ventre des hommes. Quelques Latins ont suyui ceste diction, & les ont nommez *Ventriloqui*. Ces mots sont proprement attribuez aux mauuais esprits, & quelques fois aussi aux homes, qui en sont possédez. Aristophane escrit en sa comedie des Bourdons, qu'un certain Magicien nommé Eurycles deuint en grande autorité en Athenes, par le moyé d'un tel diable: c'est à l'endroit, ou il dit, qu'il a beaucoup proufité à la republique des Atheniens, par le moyen de ses comedies supposees, lesquelles il auoit fait iouer en derriere, & estant entré dedans le ventre des autres poëtes, à l'imitation de l'oracle d'Eurycles. De cest Eurycles (ainsi que tesmoignent les doctes commentaires Grecs) les deuineurs furēt depuis nommez Eurycliens & Parle-ventres. Il me souuient aussi auoir leu que le tant celebre oracle Delphique auoit acoustumé d'estre prononcé par la deuineresse Pythienne, laquelle s'escarquilloit dessus le trepié, & receuoit le diable en ses parties basses. Sainct Augustin escrit aussi au liure qu'il a composé de la doctrine Chrestienne, que ceste fille de laquelle il est fait mention aux Actes des Apostres, chapitre 16. parloit du ventre.

Le dernier mot Hebrieu est *I I D O N I*, lequel vient, comme il me semble, de *I A D A*, qui signifie sçauoir & conoistre: encore que ie sache bien quelles fadaïses les Rabins ont acoustumé de raconter d'un certain animal né de la terre, lequel a la figure d'un homme, & se nomme *I A D V A*, de l'os duquel les deuins nommez *I I D O N I M*, auoyent acoustumé de dire les choses futures. Car ces gens sont un peu trop sots & legers à croire, ou inuéter des contes de vieilles. Ce mot *I I D O N I*, est tourné quelques fois Deuin, comme au Deuter. 18. Leuitique 20. & ailleurs: Il est quelques fois tourné Deuineur, comme au Leuitique 19. 2. des Rois 23. Isäie 19. Les Grecs l'ont tourné quelques fois Enchâteur, comme h. iij.



me au 2. des Chron. 33. Leuitique 19. & 20. Et quelques-fois conoissant, qui est vn mot, lequel me semble fort bien expliquer le mot susdit: comme au 1. de Samuel 28: au 2. des Rois 21. & 23. Il y-a quelques endroits, auxquels ils l'ont tourné, Celuy qui crie de la terre, comme en Isaie 8. & 19. Toutesfois ie ne suis pas bien asseuré, si cela se doit rapporter à l'oracle qui est rendu de la terre, ou bien au moyen de tirer les esprits hors des sepulchres, comme nous lisons auoir esté fait au premier de Samuel 28. Quant à moy ie penserois bien que ce mot *Iidoni*, comprend toutes especes de diables, lesquels deuinent, & rendent des responces, & qui ont esté ainsi nommez, à raison de la conoissance de toutes choses, de laquelle ils font profession. Je penseroiy aussi que ce mot *Ob*, signifie celle espece de diuination, laquelle par vne voix obscure parloit dans le ventre, ou sous les aisselles, ou par les parties plus secretes. Je le di, pource que lon void peu souuent dedans les liures de la Bible ces deux derniers mots separez l'un de l'autre: & à dire la verité, ceste derniere diction, asauoir *Iidoni*, ne se trouue iamais sinon qu'apres la penultieme. Ainsi donc les cinq premiers mots apartiennent aux vaines superstitions des hommes, ou aux sorcelleries, par lesquelles ils pensent conoistre les choses cachees, ou bien faire des miracles. Les deux derniers se rapportent aux oracles des malins esprits, ou des hommes demoniaques.

MAIS il ne nous faut pas oublier le principal mot, par lequel aussi ces monstres sont remarquez, asauoir *HARTVMIN*, par lequel, comme dit Rabbi Leui, ceux sont nommez, lesquels par moyens naturels, font des choses merueilleuses à ceux qui moins diligemment prennent garde à leur subtilité & adresse. Aben Esdra dit que ce mot s'acommode à ceux qui conoissent les secrets de la qualité des choses, & de la nature: toutesfois il apert que ceux dont nous auons parlé cy deuant n'ont esté tels: car les effets, desquels il est fait mention en Exode 7. & 8. chap. n'eussent peu aparostre tels par la force de nature: & mesmes les Magiciens bien entendus es choses naturelles, eussent esté agreables à Dieu, & n'eussent rié entrepris au deshonneur de sa maiesté.

Toutesfoi



Toutesfois nous trouuons en Exode que ce mot *HARTUMIN*, signifie plustost les Magiciés infames, lesquels comme stipendiaires des diables, ont essayé, par impostures diaboliques, tout ce qu'il leur a esté possible, pour empescher que lon ne creust à Moyse & Aaron ambassadeurs de Dieu. Or ce mot vité entre les natiōs estranges, a esté receu entre les Hebreux, comme il appert en Genes. 41. chap. vers. 8. & 24. en Exode 7. vers. 13. & 24. & chap. 8. vers. 18. & chap. 9. vers. 11. Item au 1. chap. de Daniel, vers. 20. & chap. 2. vers. 2. S. Ierosme escriuant sur Genes dit que ce mot signifie deuineurs: & sorciers, ou enchanteurs, en son exposition de l'Exode. De fait au 7. cha. d'Exode, vers. 11. ou ceux qui premierement sont appelez Sages & enchâteurs, puis les deuins ou Magiciens d'Egypte, ce mot *Hartumin* se rencontre. Vn Rabin nommé Isaac Natar dit que les Hebreux appeloient de ce nom tous ceux qui faisoient profession de sagesse entre les peuples, specialemēt en ce qui concernoit leurs fausses religions.

LES Alemans signifient par vn seul mot *Zauberer* tant le magicien imposteur, qui de plain gré s'aide de telle imposture, & en fait ordinaire profession, comme la sorciere trompee du diable à cause de l'imbecilité de son esprit, & de sa fantasie corrompue: ils nōment aussi de ce mesme nom l'empoisonneur. Il aduiēt de là, que depuis que lon fait mention des sorcieres & forceleries, ils disent que les Magiciens de Pharaon estoient fort contraires aux operations des sorcieres & sorciers. Ce qu'ils font estans trōpez par le mot Alemā, lequel signifie plusieurs choses. Parquoy ie ne craindray point de dire que tous les escriuains Alemans, qui ont escrit iusques à maintenant touchant ceste matiere, ont failli lourdement, encores qu'ils ayent embelli leurs liures de braues titres, & qu'il semble qu'ils ayent allegué plusieurs tesmoignages de la sainte Escriture: d'autant que ie conoi qu'ils ont pensé que les sorcieres ont plus de pouuoir, qu'elles n'ont, à troubler l'air & dōner des maladies: & aussi qu'ils ont, sans y penser, fourni d'espees, & de flambeaux allumez, les bourreaux cruels sans iugement, discretion, ou aucune marque de compassion & pitié. Or à celle fin que la confusion n'engen



dre des tenebres en ceste varieté d'opiniõs: pour mieux entendre nostre but, & pour plusieurs causes, il m'a semblé bon de distinguer le Magicien infame d'avec la sorciere: tellement que ceste matiere sera plus clairement entendue, & lon conoistra à quelles choses ces mots doyuent servir: principalement en ce temps tant & tât depravé & mal instruit en tels affaires: on pourra aussi mieux conoistre ceux desquels ie parleray en ce traité. Bref on entendra en quoy, non sans bonne occasion, & principalement estant apuyé sur le fondement de la raison, & de la sainte escripture, ie me suis retiré de l'opinion des autres escriuains, laquelle iusques ici est assez mal acruë. Encore que ie ne vueille nier que les magiciens & les sorcieres n'ayent quelque chose de commun en leurs arts & impostures.

*Que c'est que Magicien infame: Item de la Gortie  
& Theourgie.*

## CHAP. II.

*Le Magicien.*



Le nom donques de Magicien sera plus general, & ne sera enfermè en si estroites bornes, comme celuy des sorcieres. Car i'apelle Magicien celuy qui contre le cours & loy de nature, estant apri par le diable, ou par autres, ou sciemment par les liures, s'eforce d'atirer illicitement les esprits malins, afin de s'en aider en quelque ministere d'imposture salacieuse, ou d'importance, ou pour faire quelqu'autre œuvre, telle que bõ luy semble par ce mesme moyen: & ce, ou par le recit & application de quelques mots barbares, inconnus, ou connus: ou par caracteres, exorcismes, maudites exécrations, ceremonies, & solennitez, ou par adiunction de plusieurs choses selon son vouloir: à celle fin qu'ils comparoissent sous quelque figure empruntée & remarquable: qu'ils mettent quelques choses en auant, & qu'ils respondent aux interrogations qui leur seront faites par voix, par murmures, par figures, & representations: par notes, ou par quelque autre maniere que ce soit. Je comprends aussi sous ce mesme mot, tous ceux qui estans distinguez par plusieurs & diuers noms, selâ  
les



les Hebreux, Grecs, & Latins, deuinoient les choses futures superstitieusement, & par vn moyen illicite & defendu. Je comprens encor (à cause de l'accord qu'ils ont ensemble, & qu'ils le meritent, bien que ce soit improprement) tous ceux qui se fians en ces prognostications & deuinemens resents la superstition, le mespris de Dieu, & l'œuvre du diable, ont recours aux maîtres de ce mestier pour prendre leur conseil & auis.

Il est apert que le Magiciē (nommé par les Grecs *Goete* ou *Epode*, encore que ce mot soit le nom le moins general des Magiciens) entreprend des choses qui sont par dessus l'ordre de nature, lors qu'il compose diuersemēt sa fausse substance aëree pour monstrier quelque figure, lors qu'il tire les ombres des morts, lors qu'il monstrier les choses cachees, & celles qui sont absentes & merueilleusement esloignées: ou bien lors qu'il deuine d'icelles: bref lors que l'on pense qu'il fait des miracles, les quels surpassent les choses naturelles. Lactance escrit que l'art & toute la puissance des Magiciens depend de l'inuocation des diables, lesquels trompent tellement les hommes par leurs aueuglissantes impostures, qu'ils ne voyent point les choses qui sont, & pensent voir celles qui ne sont point. Ainsi Simon le Magicien auoit si bien troublé les yeux de saint Clement, & des autres freres, qu'en la face du pere Faustinian sembloit estre empreinte celle de Simon: toutesfois il ne pouuoit trop saint Pierre. Cela s'appelle proprement enchanter. Saint Paul vse de ce mot en l'epistre aux Galates. O Galates insensés qui est-ce qui vous a enchanter, & vous a tellement bandé les yeux par imposture, que vous ne croyez point la verite. Ce qui suit apres monstrier clairement que saint Paul a entendu cela des yeux trôpez. C'est vne espee d'imposture par laquelle vous ne voyez point ce qui est, & pensez voir ce qui n'est pas, tant la veue est trompee. On la peut appeler enchantement, fascination, sorcellerie, ou charme: & Magie en langue Persique, Magie infame, art magique, lequel porte malheur, à cause de la conuexion qu'il a avec les esprits malins. On la nomme aussi en Grec *Epode*, & *Epaoide* comme si l'on disoit enchanteresse: ou bien par vn mot plus celebre *Goetie*, laquelle est faite par en-

Lin 2 cha.  
15. de l'orig. d'erreur.

Gal. 3.



châtemés & charmes, cōposez par art de malheureuse curiosité: ils l'osent aussi nômer plus honnestement du mot de *Theourgie*, toutesfois avec quelque petite distinction, cōme estimâs que ceux qui s'aidēt de l'autre doyuent estre condamnez comme abuseurs d'un art illicite: & que les defenseurs de ceste ci sont louables, encore que les vns & les autres soyent adonnez aux faux seruices des diables sous la couuerture du nom des Anges. Car Porphire promet vne certaine purgation de l'ame par le moyen de la *Theourgie*: mais c'est vn peu laschemēt, & par vne dispute aucunement honteuse: niāt au reste que par cest art aucun puisse aprocher de Dieu. Il pense toutesfois que par quelques consecratiōs Theourgiques, lesquelles on nomme Teletes, on peut estre rendu idoine à receuoir les esprits & les Anges, pour par ce moyen voir les dieux: mais plus certainement, comme ie pense, les diables. Sainct Augustin la condamne. Quelques Grecs desguisent vn peu ceste matiere, & disent que la Magie est vne euocation du bon esprit, faite pour bonne cause, telles qu'ont esté les deuinations d'Apollone Tyane: ils disent encor que la Goëtie resuscite les morts. Aussi ceux qui ont acoustumé d'assister aux sepulchres des morts, & que lon pensoit atirer les malins esprits à leur aide, tirent ce mot de Goëtie, d'un mot Grec, qui signifie dueil: pour ceste cause les sepulchres estoient purgez avec arrousement d'eau beniste, & avec le feu des torches, de peur que les diables ne les ocupassent, ou leur fissent dommage. Toutes les loix diuines & humaines condamnent cest art, & l'ont en horreur. On raconte entre les mesfaits & meschancetez du Roy Manasses, par lesquelles il irrita Dieu, qu'il estoit Magicien & prenoit conseil des esprits familiers. 2. des Rois. 21. 6.

*AUTO.*  
*liure de la*  
*Cité de*  
*Dieu.*

*L'origine de la Magie: qui ont esté les premiers Magiciens:  
Item les liures de Magie faussement attribuez  
aux peres anciens.*





**S**AINCT Pierre dit que l'origine de cest art vint premierement des Anges preuariateurs, au quatrieme liere des recognitiōs en Clement, & qu'ils ont donné à entendre aux hommes, que les esprits pouuoient estre contraincts d'obeir aux mortels, par le moyen de quelqu'art: asauoir par inuocation Magique, tellement que les diables chasserēt la lumiere de pieté, & remplirent tout le monde d'une fumee d'impieté, laquelle sortit comme d'une fournaise & cōmune boutique de toute malice: de là proceda le deluge. Mais Cham l'un des enfans de Noé, le quel s'estoit sauué du deluge des eaux donna la science de Magie malheureusement inuentee à l'un de ses enfans, nommé Mesraim, duquel sont depuis descendus les Egyptiens, Babiloniens, & Perses. Les peuples de son temps le nommerent Zoroastre, premier auteur de ceste estrange magie, sous le nom duquel il y a encores des liures touchant ceste matiere. Il fut brulé de feu, par le diable, le quel il trauailloit trop <sup>Zoroastre</sup> importunément: & ceux qui auoyent esté premiere- <sup>brulé par</sup> ment de ceus, ramasserent ses cendres, comme les reli- <sup>sen.</sup> ques d'un corps foudroyé par le tonnerre, & les porterent aux Perses, à celle fin que par iceux il fust perpetuellement gardé, comme vn feu diuinemēt descendu du ciel: & qu'il fust aussi adoré cōme vn dieu. Plusieurs pareilles choses sont escrites en cest endroit, comme depuis, & pour ceste occasion, les temples furent bastis, les images esleuees, les mysteres, les ceremonies, & sacrifices instituez: tellement que de là, les hommes ont peché plus licentieusement, sachans que les idoles ne voyoyent, n'oyoyent. & ne se mouuoient point. Ainsi Plin eſcrit que la Magie print son origine de Zoroastre en Perse ( cestuy estoit fils d'Oromase, que quelques vns disent estre Cham fils de Noé ) & monstre bié au long son origine, en quel temps, & à quelles personnes elle commença, & par qui elle fut exercee. Iustin eſcrit en son abrege que ce Zoroastre inuēteur de l'art Magique fut Roy des Baſtriens, le quel fut plus de 800. ans deuant le tēps des Troyens, cōme tesmoigne Eusebe, au



liure des temps, & au dixieme liure de la preparation Euangelique : auquel temps aussi Abraham & Ninus viuoyent, en l'an du monde deux mil cent octâte cinq. En mourant il predict aux Affiriens que s'ils gardoyent les cendres de son corps, iamais leur monarchie ne periroit. Il eut pour precepteur en ceste vanité vn nommé Agonax, lequel vescu (selô le calcul de quelques vns) quelques milliers d'annees auât la guerre de Troye laquelle, à ce qu'ils disent, fut prinse quatre mil vingt ans apres la creation du monde.

Les autres disent que Zabulon & Zamolxis estoÿent adonnez à vn art illicite, & qu'ils furêt les premiers qui l'inuenterêt, ou plustost l'amplifierêt, & luy donnerent cours apres qu'il eust esté mis en auant par le diable, lequel sans doute en est le pere. Les Grecs ont escrit que la Magie vint de Perse, en Grece, par le moy en d'vn Hosthan, lequel acompagnât le Roy de Perse Xerxes, lors qu'il faisoit la guerre en Grece, espandoit couuertemêt & malencontreusement les semences de cest art, si bié que quelque part qu'il passast il en infectoit le monde.

*Contre A* Plin<sup>e</sup> tesmoigne assurement que cest homme induisit  
*madal &* les peuples de la Grece iusques à non seulemêt desirer,  
*Alchin-* mais enrager apres ceste science. Almadal, Alchinde,  
*de a eserit* & Hipoque Arabes, suyurent le chemin frayé par ces  
*toute apres* premiers, Apuscore & Zarate chez les Medes: Marmaride  
*Jean fr.* entre les Babyloniens: Zarmocenide parmi les As-  
*Pic. lin. 7.* syriens: Abbaris chez les Hyperboreens: Thesphetion  
*chap. 5. &* entre les Ethiopiens: Arnuphis parmi les Egyptiens: Iu-  
*6. touchât* lian surnommé l'enchanteur (fils du philosophe Iulian  
*l'esect, &* qui escriuit quatre liures des dæmons du temps que  
*direction* Marc Antonin estoit Empereur) fut renommé entre les  
*des rayons* Chaldeens. Item Cambyses, Zamares, Charondas, Dæmogorgon (ou Damigeron,) Eudoxe, & Hermippe. Il y en a eu d'autres, encores tresrenommez, comme Mercure Trismegiste, que lon nomme aussi Hermes, lequel viuoit du temps de Moÿse en la cour de ce Pharaon, lequel fut noyé en la mer rouge: Apollone Tyanee, Dardane, Gog le Gregeois, Germa Babylorien. Depuis, ce premier Hosthan, vn autre aussi nommé Hosthan, qui suyuoit le camp d'Alexandre le grand, illustra fort cest art. Finalement le venin d'iceluy fut espandu par  
tout



tout le monde. Entre autres lieux il paruint à Athenes, ou Antisthenes disciple de Socrates & precepteur de Diogenes en fit profession & escriuit des liures de l'art magique. Onomacritus cōpagnon de Musæus fut chassé d'Athenes par Hipparchus à cause qu'il estoit Magicien. L'Empereur Tibere aimoit fort vn certain Thrasyllus qui estoit fort expert en cest art. Vn Espagnol nommé Sempronius Ruffus fut relegué en vne isle à cause de ses impostures magiques par l'Empereur Seuerus, puis rappelé par son successeur Antonin. Il y-a eu d'autres Magiciens celebres, asauoir Ceticus, Hermogene, Philete, Cyprian qui (auant qu'auoir la conoissance de Iesus Christ) fit tout ce qu'il peut pour attirer la vierge Iustine à l'amour d'vn nommé Aglaius: item Didius Iulian & Heliogabale Empereurs Romains. Voyez Herodote au 7. liure, Dion en la vie de Tibere & d'Antonin, Spartian & Capitolin hiltoriens Romains en ce qu'ils ont escrit de Iulian & d'Heliogabale: & Volateran au 13. & 23. liures de l'Anthropologie.

PORPHYRE qui a esté fort honoré par les derniers Gentils, & surnommé Philosophe entre les Platoniques, à cause de son excellence: mais ce meschant ennemi de Christ deuoit estre nommé Asophe, ou Misosophe, c'est à dire sans sagesse, & ennemi de sagesse. Plotin fut son precepteur, défenseur de l'escole Platonique, en Italie: cōme Iamblique en Egypte, & Proclus en Asie. Ce Proclus fut estimé tres-sauant en tous les mysteres de Platon. Son liure du Sacrifice & de la Magie a esté refuté non moins grauement que viuement par Iean François Pic, en son liure septieme, chapitre cinquieme, de la superstitieuse preuoyance. Ceux-ci ont pris peine tous ensemble de deuenir fols avec peine & estude, encores qu'au reste ils fussent philosophes dignes de louange. Pausanias aussi racôte qu'Amphion & Orpheus furent grands magiciens. Il faut encor mettre en ce rang Apulee, qui par tous ses contes de la transformation de l'asne ne montre autre chose, sinon qu'il estoit maistre en ceste vanité execrable: & Arcephie, lequel en l'abregé de l'estude de Theologie, certifie auoir voyagé par toutes les regions Orientales, afin de chercher la sapience: & dit qu'il vint iusques à Tantale assis en



vn throne d'or, lequel, comme il dit, encores qu'il enseignast les choses celestes, la nature & les meurs: si estece qu'il aprint plusieurs choses d'Artephie. Ceste magie fut illustree, & presque amenee à sa perfection par Democrite Abderite, lequel tira de terre les liures de la Magie escrits par Dardane tresauât magicien d'Egypte, & enfermez en son tōbeau: que depuis il expliqua par cōmentaires, selon la doctrine d'Apollone, Captidene, & de Dardane Phenicien, pour l'amour duquel la forcellerie a esté appelee art dardanique par Columelle. Valerius Flaccus fait mētion d'un Choastes insigne enchâteur. & Syllius au 1. liu. de son poeme des guerres d'Italie, parle de deux autres maistres forciers, Harcalo & Atyr, qui charmoient les lions, les dragons, & serps. A l'imitation aussi de ce Dardane, Numa Pompilius, Roy & Pontife Romain, voulut qu'on enfermast dedās son sepulchre, avec son corps, les 12. liures qu'il auoit escrits de la Magie. Hermes en a fait aussi des liures.

*Liure 10.  
chap. I.*

PLINE escrit, que Pythagore, Empedocle, Democrite & Platon, nauigerent & entreprindrēt plustost vn exil qu'un long voyage, seulement pour aprēdre cest art: estans de retour ils la magnifierent, & la retindrent entre leurs plus grands secrets. Mesmes nous trouuōs que Pythagore & Platon allerent pour l'apprendre iusques aux deuineurs de Memphis, & qu'ils visiterent presque toute la Syrie, l'Egypte, la Iudee, & l'escole des Chaldeens. Aussi est-il tout notoire qu'elle a esté plus exercee & magnifiee du commencement entre les Chaldeens (qui changerent la religion en ceste vanite) Assyriens, Perses, Arabes, Ethiopiens, & Indiens, qu'en toute autre nation du monde. Il est encore trescertain que les Egyptiens superstitieux de leur nature, ont conuertit la religion en fables de vieilles & en bouffonneries: & ont esté tresexcellens en ceste Magie, à cause que principalement le seruice des diables a esté fort recommande & obserué parmi eux. Dauantage ils n'eurent iamais rien en plus grande recommandation, que d'embabouiner les hommes chancelans, les enlasser dedans leurs cauteleuses fineses, & les retirer par tous moyens de la vraye contemplation de DIEU, & de nature. Ainsi les Grecs, grands amateurs de nouuelles & ingenieuses inuen-



inventions, changerent la religion en disputes Pyrroniennes: tout ainsi comme les Romains naturellement cupides de commander, l'ont semblablement tirée & flechie selon leurs affections & l'ont rendue semblable à vn gouuernement politique: & pour ceste raison les vns & les autres donnerent plus facilement la main, & s'acointerent des arts diaboliques.

*Pyrron disoit de tout & ne resoluoit de rien.*

Mais encores que lon m'obiecte que la plupart de ces auteurs ont exercé la Magie naturelle: toutes fois si trouuera-on qu'ils y ont melle beaucoup de superstitions de la magie infame, & contraire à la maiesté de DIEU: tellement que la Magie naturelle meslee parmi l'alechement de la sorcellerie & enchanterie, & envelopée es impostures des mauuais esprits, ne se peut aisément discerner. Au reste ie ne desprise icy la conoissance & profonde contemplation des choses naturelles cachees: asauoir la vraye Philosophie, qui doit estre receüe, chérie & honorée par les sages: aussi ne luy veux-je deroger en sorte que ce soit. Car ceux que les Grecs ont nommez sages ou Philosophes, & les Caldees, Magiciens (comme tesmoigne saint Ierosme sur Daniel) ont esté recommandez en l'histoire de verité, en saint Mathieu au second chapitre: d'autant qu'ils conurent par l'aduertissement de l'estoille, le moment & le lieu, auquel le Fils de DIEU auoit esté nay: & ce par le moyen des propheties, lesquelles du temps de la captiuité d'Israel auoyent esté esbandues en leur Royaume, & en celuy de Babylone: laquelle estoille ils conurent n'estre aparue fortuitement, & à l'auanture, ni enflammée en vne matiere physique & naturelle selon la conduite de nature: ains allumée diuinement, pour signifier la natiuité de IESVS CHRIST, & pour les conduire iusques au lieu, ou il estoit.

*Que c'est que Magie naturelle.*

Or on conoistra l'infamie des autres Magiciens, par ce qu'en escrit Ciceron au liure des diuinations, disant, que les Magiciens prognostiquoyent en Perse, & deuinoient lors qu'ils estoient assemblez au temple pour traiter de la Magie & parler ensemble: & ce qui est encore plus meschant, Proclus escrit au liure du sacrifice, & de la Magie (là où il monstre au long la sympathie & acordance, ou, si vous voulez, la compassion naturelle)



que les Magiciens auoyēt acoustumé d'inuoker leurs deitez par le moyen de ceste Sympathie. Laërtius tesmoigne qu'ils ont donné aussi grande ocaſion à l'idolatrie, & qu'ils ont forgé temerairement plusieurs especes de superstitions, & de faulſes croyances. Mesme l'ignominie de cest art est manifeste, en ce que sous l'inuocatio de la diuinité, elle encline aux tromperies des diables, elle s'empeſtre en erreurs difficiles, & tire à perdition les moins auisez.

M A I S encores ſi les derniers Magiciens euſſent eu telle conſcience, qu'auoyent ceux de Perſe, les Preſtres d'Egypte, & les Druydes des Gaules, leſquels eſtimoyent eſtre vne meſchanceté que d'eſcrire les liures de Magie, de peur qu'elle ne fuſt conue par le vulgaire: que s'il euſt eſté ainſi, on euſt peu eſperer que ceſt artifice monſtrueux du diable, & pernicieux au genre humain, eult pris fin, tout ainſi comme maintenant il faut que les Theologiens & medecins taſchent & eſſayent par tous moyens que ceſt artifice diabolique & pernicieux, & entre tous les autres plein de fraudes, ſoit chaſſé bien loin des ceremonies de noſtre religion: & du tout banni hors du camp de la ſacrée medecine, attendu qu'il a ſouillé & gaſté l'vne & l'autre, par les exorcismes fardez, par les barboteries de mots barbares, par le recit de paroles inconues, par l'abus que lon a fait de la parole ſaincte, par liaiſons, ſuſpenſions au col, & par charmes: toutes leſquelles choſes ont eſté pour perdre & damner les hommes. Ainſi nous liſons que par le moyen de ceſt art, la plus ſecrete interpretation de la loy diuine, nommée Cabale, a eſté deprauée & gaſtée entre les Iuiſ: tellement que ces inſideles n'ont point d'horreur de dire, qu'au moyen de ceste Magie Cabaliſtique Ieſus Chriſt a fait des miracles eſmerueilleux & incomparables.

*Les liures de Magie* O N mōſtre encore auioird'huy des faux liures ſous des faux titres que ces magiciens eſcriuent au commencement, par leſquels ils les penſent rendre plus braues: aſauoir ſous le nom d'Adam, d'Abel, & d'Enoch, que l'antiquité teſmoigne auoir de plus pres aproché de la diuinité: Item ſous le nom d'Abraham, & d'Aaron, & de Daniel, à cauſe de l'interpretation qu'il faiſoit des ſonges



songes. Item de Salomon, de Zacharie Babylonien, de Paul, Honoré, Cyprian, Thomas, Ierosme, & d'un certain Eboracense: ce qu'ils font afin de plaire davantage par l'amadouement de ces beaux noms: & afin aussi d'attirer à eux, & plutôt se faire croire. Toutesfois celui qui y regardera de pres, conoitra euidentement la trompeuse imposture de ces pendarts & baisteurs: car les liures mêmes montrent assez qu'ils sont faux, & faussement attribuez aux anciens. Iustin aussi accuse faussement Ioseph fils de Iacob, d'auoir conu & s'estre aidé d'arts Magiques: lequel estât Prophete, par un don particulier de Dieu, interpretoit les songes, auoit esté choisi par la prouidence de Dieu pour secourir ses freres, & estoit la figure de Iesus Christ. Il escrit dauantage que de luy ceste Magie est descendue à Moÿse, & aux autres. Pline & Tacite en escriuent autant de Moÿse, que les historiographes peu diligens (comme dit Capnion) ont dit auoir esté prestre d'Egypte: comme Strabon au seziesme liure de la Cosinographie. Posidone, Lyfimaque, Appollone, Molon, Apion, & plusieurs autres l'ont nommé Magicien & trompeur: mais Iosephe, par plusieurs argumens, les a conuaincus de menagerie, d'ignorance, & de folie. Les Gentils en accusèrent plusieurs Chrestiens de la primitive Eglise, lesquels estoient aussi esloignez des Magiciens, comme sont les tenebres de la lumiere, le menfonge de la verité, la grande & sincere pieté de la plus profonde vanité. Origene a maintenu & prouué l'innocence des Chrestiens.

Iustin. lin.  
16.

Lin. 30.  
c. 1.

Lin. 1. &  
2. contre  
Apion.

Il y a eu encore vne infinité d'heretiques, qui sont sortis du college des Magiciens, & sont entrez en l'Eglise: & qui se sont opposez à la verité Apostolique: tout ainsi que Iannés & Mambres resisterent à Moÿse. Le premier & principal d'entr'eux fut Simon le Samaritain, auquel pour ceste cause on esleua vne statue à Rome, du temps de Claude César, avec telle inscription *A Simon le Dieu tres saint.* Ce Simon en la parfin, comme il estoit porté dedans l'air par les diables, ainsi que s'il eust volé, tresbuchâ par les prieres de saint Pierre, & mourut malheureusement. Ses blasphemes sont amplement descrits par Clement, Irenee, Egesippe au 3. liure de la ruine de Ierusalé, chap. 2. Eusebe, Nicepho-

Plusieurs  
heretiques  
descendus  
des Magi-  
ciens.  
2. Tim. 3.



re au 2. liure de son histoire Ecclesiastique, chapit. 27. Ambroise en l'Hexameron, & par Fulgose au 8. liure chap. 21. Menander, qui estoit aussi de Samarie, succeda à Simon le Magicien, & fut encor plus execrable que son maistre, car il s'appeloit Sauueur, & disoit que les Anges & diables ne pouuoient estre domptez & contrains par les hommes que par le moyen de la magie qu'il auoit enseignee, & du baptesme qu'il administroit à ses disciples: & soustenoit que par ces deux choses toute personne se rendoit immortelle. Eusebe recite ces choses au 3. liure, suyuant en cela ce qu'Irenee en auoit escrit auparauant. Au reste, de ce Simon, comme d'une miniere de toutes heresies, pullulerent & s'augmenterent par plusieurs successions, les monstrueux Ophites, les vilains Gnostiques, les meschans Valentinians, Cerdoniens, Marcionistes, & plusieurs autres heretiques, lesquels atirez par le gain & par vaine gloire, controuuerent mille mengeries contre l'honneur de Dieu, & n'apporterent aucun fruit ni proufit aux hommes: ains les deceurent, & les precipiterent en erreur, & ruine horrible. On peut icy rapporter l'histoire de Cynope insigne Magicien, avec lequel saint Iean eut debat, lors que par le commandement de Domician il estoit banny en Pathmos. Il y en a encore plusieurs exemples en Iosephe, au vingtieme liure des antiquitez Iudaiques, chap. 6.

*Qui ont esté ceux qui depuis ce premier tēps ont exercé la Magie infame: & la malheureuse mort de plusieurs.*

### CHAP. IIII.

*Iea Fran.  
Pic. a resu  
té les resue  
ries & im  
post. de ces  
malheu-  
reux, en ses  
liures de  
canos.*



PION le Grammarien, Iulian l'Apostat, Artephie, Robert l'Anglois, qui mourut miserablement en Suisse, Roger Bachon, Pierre d'Apone, nommé le Conciliateur, Albert Teutonique, Arnaut de Villeneuve, Anselme de Parme, Picatrix Espagnol, ou bien l'auteur du liure enuoyé à Alphonse, sous le nom de Picatrix: Ciccho d'Ascule Florentin, & plusieurs autres moins connus, hommes de mal-heureux esprit, ont ensuyui



suuy sotement les folies & bastelleries des premiers  
 Magiciens : & promettans de monſtrer la Magie, ils  
 n'ont amasſe autre choſe que des folies ſans raiſon, &  
 des ſuperſtitiōs indignes d'hommes religieux. La plus  
 part de ces hommes, voire les plus renommez en ceſt  
 art, ont eſté diſamez, & ſont ſortis miſerablement hors  
 du monde, cōme teſmoigne Iean Reuchlin, iadis l'hon  
 neur de toute l'Alemagne, & tresdocte es langues, le- *Liv. 2. du*  
 quel eſcrit en auoir conu vne partie, & auoir entendu *verbe mi-*  
 l'hiſtoire des autres, par perſonnages dignes de foy. *rif.*  
 Ainſi quelquesfois les diables ſont mourir ceux qui  
 leur ſont aſtraints par droit de compagnie : ou bien a-  
 pres qu'ils les ont pouſſez par ambigues & fauſſes im-  
 poſtures, ils les liurent ainſi liez & garrotez aux iuges :  
 afin qu'ils ſoyent bourrelez & mis à mort : ou bien eux  
 meſmes les emportent, apres les auoir fait mourir par  
 quelque tragique & horrible ſuplice. Voila comme  
 les uiſſances des tenebres ont acouſtumé d'honorer  
 leurs ſuiets. Abdias Eueſque de Babylone eſcrit au 6.  
 liure du cōbat des Apoſtres, qu'au meſme iour & nuit  
 que S. Simon & S. André Apoſtres furent martyriſez.  
 Zoroaſtre fut brullé de la foudre, & Simon le Magicien  
 ſe rompit le col. Zaroës, & Arfaxat Magiciens, qui trō- *Zaroës &*  
 poyent les habitans des citez de Perſe, furēt conſumez *Arfaxat*  
 par foudre. Auſſi liſons-nous qu'à la priere de ſainct *foudroyez.*  
 Iean l'Euangeliſte, Cynope prince des Magiciens fut *Cynopema*  
 englouti dans vn fleue. L. Piſon eſcrit au premier des *gicien en-*  
 Annales, que le Roy Tullus Hoſtilius fut frappé de la *glouty.*  
 foudre, pource qu'en faiſant le ſacrifice ſuyuant les li-  
 ures de Numa, par lequel il péſoit tirer Iupiter du ciel,  
 il faillit en ce qu'il ne fit pas quelque choſe aſſez deu-  
 tement ſelon l'ordonnance. Amphiaraus Argien, deu-  
 uin fort renommé entre les Grecs, ne put euitter qu'au  
 premier iour qu'il arriua au camp deuant Thebes, la  
 terre ne l'engloutit tout viſ. L'Empereur Maxence, a-  
 donné à la Magie, & plus propre à faire ce mettier qu'à  
 gouuerner l'Empire, faiſoit par ſois fendre toutes viues  
 des femmes enceintes, & par ſois des enfans nouveau-  
 nez pour voir & cōſiderer leurs entrailles. D'autresfois  
 il inuoquoit les diables par autres moyens ſecrets, taſ-  
 chant par leurs reſponſes de deſtourner la guerre que  
 i. ij.



Constantin & Licinius luy vouloyent faire. Mais quelle fut la fin de telles meschancetez? Ayant perdu quelques batailles contre Constantin, finalement il fut noyé avec ses troupes dedans le Tibre, pource que le pont de bois qu'il auoit fait faire se rompit. Les Chrestiens dirent lors que la fin de ce tyran estoit semblable à celle de Pharaon. Voyez Eusebe au 9. liure, chapitre 9.

OLAVS Magnus escrit au troisieme liure des peuples Septentrionaux, chapitre quatrieme, que Methotin insigne Magicien, s'attribuoit vne grande opinion de fausse dignité, ou plustost de diuinité: & que par ce moyen il auoit amené iusques là les esprits des pauures ignorans seduits par le bruit de son imposture, qu'il les contraignoit de luy apporter des ofrandes. Estant souuerain Pontife des dieux il ordonna tellement & distingua les sacrifices & ceremonies, que les seruices & offrandes furēt ordonnees à part pour chacun dieu: car il disoit que les offenses faites contre les dieux ne pouuoient estre remises par communs sacrifices ou ceremonies meslees. En la parfin ses meschancetez estans descouuertes, il fut tué par la populace: & pourautant que la puanteur de sa charogne en infectoit plusieurs, il fut tire du tōbeau, & embroché au bout d'un pau, ainsi que son imposture le meritoit. Le mesme auteur raconte au dixhuitieme chapitre du mesme liure, qu'entre les dieux adorez par les peuples septentrionaux, il y auoit vn Magiciē nommé Hollere, lequel s'attribuoit enuers le peuple curieux l'opinion de diuinité, & le seruice qu'on doit à Dieu: non par moindre fraude & tromperie, que par vne singuliere superstition. Car s'estant aquis au milieu des dieux vne pareille grandeur qu'Othin: il fut si excellent en armes & impostures, qu'au lieu d'une nauiure pour passer la mer, il vsoit seulement d'un os marqué de quelques charmes, par le moyen duquel il passoit tous les empeschemens des eaux, comme s'il eust esté aidé par les voiles, & poussé par les vents. En fin toutesfois, afin que sa diuinité fust monstree estre mortelle, il fut meurtry cruellemēt par ses enuieux. Il escrit aussi qu'Oddo, grād Pyrate & escūmeur de mer en Dannemarch, passoit sur la mer sans aucune

*Methotin  
magicien  
tué.*

*Hollere.*

*Hollere  
magicien  
meurtry.*



aucune nauire, & qu'il faisoit perir & enfondrer les nauires des ennemis au milieu des vagues, lesquelles il faisoit esmouuoir par quelques charmes: & qu'en la fin estât surpris par vn sien ennemy plus expert, il fut submergé dans les gouffres: luy qui autresfois souloit marcher dessus les abismes, par le moyen de ses charmes & impostures.

*Oddo magici<sup>e</sup> noyé.*

JEAN Fauste natif d'une bourgade d'Alemagne nommee Kundling, aprint la Magie en la ville de Cracavv, ou lon en faisoit profession publique autresfois: puis voyagea en diuers endroits de l'Alemagne il y-a environ cinquante ans, ou, au grand estonnement de plusieurs, il faisoit ce mestier en trompant & abusant les vns & les autres par ses mensonges & diuerses illusiôs. Il se vantoit follement & promettoit merueilles. Pourueu que le lecteur me promette de n'ensuyure la recepte de ce Magicien, ie moultreray par vn tour de son mestier ce qu'il faut iuger des autres. Ce Magicien fut constitué prisonnier pour ses malefices à Batembourg en Gueldres, en l'absence du seigneur du lieu. Ieâ Dorstein chapellain de ce seigneur, hôme simple & croyât de leger, traitoit doucement son prisonnier qui promettoit luy descouurir tout plain de beaux secrets: au moyē dequoy il luy dōna tāt & si souuēt à boire que le Magicien vuida vn grand tonneau de vin. Fauste voyāt sa boisson faillie, & que le Chapellain se preparoit pour aller en yne autre ville nommee Graue pour raire sa barbe, promit luy enseigner vne recepte fort propre pour faire sa barbe sans rasoir, s'il luy vouloit donner du vin. Le Chapellain ayant acceptē la condition, Fauste luy fit frotter le menton d'Arsenic, sans dire s'il se faloit preparer ou non: tellement qu'il suruint vne telle inflammation de ce frottement que non seulement tout le poil tomba, mais aussi la peau & la chair furent bruslees. Le Chapelain m'a souuentefois fait ce conte, non sans detester l'imposture de ce Magicien. Vn autre personnage que ie conoy, qui porte la barbe noire, qui a le visage passe & melancholique aprochant vn iour de ce Fauste, il luy dit incontinent, Pour certain ie vous prenois pour mon beaufrere, en regardant à vos pieds, pour voir si i'y remarqueroiy point des ongles



courbes & longues. Voila comme il comparoit ce personnage au diable, lequel il appelloit ordinairement son beaufreſtre, & pensoit lors qu'il vint à luy. Finalement ce mal-heureux fut trouué mort pres de son liſt ayant le col tors & rompu, en vn village de la duché de Vvirtemberg: & la nuit precedente que le diable le traitra ainſi, la maiſon où il eſtoit fut briſee en pluſieurs endroits.

Vn maistre d'ecole de Goſſaire, diſciple de ce Fauſte ſuſnommé, aprint entre autres choſes le moyen d'enfermer le malin eſprit en vn verre. Pour n'eſtre empeſché de perſonne, vn iour il s'en alla dans vne foreſt, & comme il eſtoit apres ſes coniurations le diable luy apparut avec vn viſage horrible, ayant les yeux ardans, & les narines longues & tortues comme les cornes d'un boeuf, les dents crochues & telles que les mires d'un ſanglier, les iouës fort velues, & du tout eſpouuëtable en tout le reſte. Ce miſerable eſfroyé d'une telle aparition, tombe eſuanouy, & demeure par terre mi-mort l'eſpace de quelques heures, au bout deſquelles eſtant reuenu à ſoy, tout tremblant il prend le chemin de la ville & rencontre à la porte quelques ſiens amis qui luy demandent la cauſe de ce changement de viſage. Luy tout tremblant & comme furieux demeure muet: lors ils le menent en ſa maiſon, où il commence à bruire d'une façon eſtrange, & à deuenir enragé. Vn an eſtant expiré il recouura la parole, & conta comme le diable luy eſtoit ainſi apparu. Apres auoir communiqué à la Cene du Seigneur, au troiſieme iour il rendit l'eſprit à Dieu.

Vn autre Magicien, demeurant à vne demie lieuë de la ville d'Ihene, eſtrefaiſoit le medecin: Il eut quelque diſerent avec vn charpentier ſon voiſin qui luy dit beaucoup d'outrages. Au bout de quelques mois, ce charpentier fut aſſigé d'une fort grieſue maladie, & apres auoir demandé pardon à ce Magicien le pria de luy aider. Le Magicien ſeiſnant auoir oublie l'outrage, preſenta au malade vn certain bruage compoſé d'herbes venimeuſes. Apres l'auoir beu, il fut de iour à autre toutmente ſi cruellement qu'en fin il mourut. Sa veſue & ſes parens acuſerent le Magicien de l'auoir empoisonné,



sonné. Le fait estant raporté au magistrat d'Thene, il fut constitué prisonnier, & mis à la torture, ou il confessa le tout, notamment que par vengeance il auoit fait mourir l'autre, & aprins ceste recepte d'une vieille deuine- resse assez pres de la forest noire : & que le diable estoit tousiours apres luy pour luy inspirer & cōseiller ce qu'il auoit afaire à l'endroit des malades presens & absens. A cause de tels forfaitcs il fut bruslé tout viu.

JEAN François Pic tesmoigne auoir parlé à plusieurs, lesquels estans trompez par la vaine esperance des choses futures, furent en la fin tellement tourmentez par la presence du diable, lequel ils auoyent inuoué pour pactionner avec luy, qu'ils s'estimerent bien heureux d'auoir la vie sauue. Il auoit aussi quelquesfois entendu par les compagnons & complices mesmes, qu'un Magicien fut enuiron cinquante ans auparauant emporté tout viu par un diable, sans que depuis il soit comparu: ce qui auint apres qu'il eust promis à un trop curieux & peu sage prince, qu'il luy presenteroit comme sur un eschafaut le siege de Troye, & luy feroit voir Achilles, & Hector, en telle maniere qu'ils estoient lors qu'ils combatoyent.

UN moine de Clugny, nommé Hugues, dit que le Bailli de Mascon Magicien, fut emporté par les diables à l'heure du disner, & fut mené par trois fois tout à l'en- tour de la ville de Mascon en la presence de plusieurs, ou il cria par trois fois, Aidez moy Citoyés, aidez moy: dont toute la ville demoura estonnee, & luy perpetuel compaignon des diables.

L'AN mil cinq cens trente, le diable monstra à un prestre, au trauers d'un christal, quelques thresors en la ville de Nuremberg: mais ainsi que le prestre les cer- choit dedans un lieu fossoyé dehors la ville, ayant pris un sien ami pour spectateur: & comme desia il conimē- çoit à voir un cofre au fond de la cauerne, aupres du- quel il y auoit un chien noir couché, il entra dedans, & incontinent il fut estouffé & acrauanté dedans la terre, laquelle luy tōba dessus & remplit derechef la cauerne.

IL y auoit un enchanteur à Saltzbourg, lequel se vā- toit de pouuoir amasser & faire mourir en une fosse tous les serpens de demie lieue à la ronde: ce qu'ayant expe-

*Paradin  
& plu-  
sieurs au-  
tres escri-  
uent que  
ce fut un  
moine de  
Cluny ma-  
gicien qui  
l'emporta.*



*Vn magi-  
cien tue  
par vn ser-  
pent.*

*Liu. 2. des  
sent. dist. 7*

rimenté, le vieil & grand serpent y arriua, & comme il le pensoit faire entrer par ces charmes dedans la fosse, il se leua, & entrelassa comme d'une ceinture l'enchanteur, si bien que l'ayant tiré dedans la fosse il le fit mourir. Voila le salaire de ceste Magie, voila les fruiets de ceste seinte amitié: voila les fausses phioles, le aneaux, les sers, & prisons seinctes: bref, les folles & pernicieuses tromperies. Parquoy Pierre Lombard dit fort bien: Les arts Magiques sont exercez, par la science & pouuoir des diables, auxquels toutesfois Dieu a donné & le pouuoir & la science, ou pour tromper les trompeurs, comme les Egyptiens: ou pour admonester les fideles, qu'ils n'ayent à desirer de faire telles choses: ou bien pour exercer & esprouuer la patience des iustes. Elle est aussi baillee aux Magiciens, afin que par ouurage de ces mesmes esprits, ils soyent admirez par ceux, lesquels les doyuent condamner. Car aussi ne faut-il penser que la matiere des choses visibles soit au commandement des diables, mais plustost en la disposition de Dieu, duquel telle puissance procede.

*De quelques liures de Magie.*

## CHAP. V.

**D**AVANTAGE, les Magiciens ne se vantent pas seulement que ces excellens personages & saincts Patriarches, messagers de Dieu, sont auteurs de ces preceptes meschans & execrables: mais qui pis est, ils n'ont point de honte de monstrier des liures, lesquels ils disent auoir esté baillez par Raziel & Raphael anges d'Adam, & de Tobie: afin que par ce moyen ils donnent plus belle couleur à leurs illusions. Ces liures toutesfois estans fueilletez (comme aussi tous ceux, desquels nous auons parlé au chapitre precedent) se descouurent par les amas de preceptes, par vne maniere de seruice, vne acoustumance de mots, vne sorte de caracteres, vn ordre barbare en la construction, vne phrase indocte. Item par la vertu des sentences, & telles choses



ses fotes: ils monstrent auffi assez que les titres sont falsifiez & supposez: qu'il n'y a rien dedans que des pures folies & impostures: qu'ils sôt tous sortis depuis peu de temps d'un mesme boubrier & reuelez par vne mesme cōspiration: qu'ils ne resistent aucunement l'antiquité de la langue Chaldee & Hebraïque: qu'il est certain qu'on ne reconoist en iceux le double caractere des Egyptiēs, l'un es choses sacrees, & l'autre es choses prophanes: qu'ils ont esté cependant forgez par des pernicieux ou triers d'obominatiō, ignares en la vraye sapiece, lesquels les ont pris des obseruatiōs payennes, parmi lesquelles ils ont melle à leur escient, cōme par embusches & pour mieux tromper, des ceremonies de nostre religion: ils y ont aussi entrelassé des noms & signes inconus, à celle fin d'estonner & espouuanter les plus grossiers, les simples & moins rusez.

On pourra à bon droit mettre au reng des liures precedens vn petit liuret, qui depuis peu de temps a esté mis en auant par quelque meschant homme, & lequel est attribué à Henri Corneille Agrippa, qui a esté autresfois mon hoste & precepteur, & est mort il y a en uirō vingt sept ans: si bien que ie m'asseure que lon luy fait tort, & que faussement on luy impose ce quatrieme liure de la philosophie oculte, ou des ceremonies magiques. Ils disent que ce liure est la clef des trois premiers liures, & mesmes de toutes les operations magiques: mais comme on dit en commun prouerbe, les mōtagnes trauaillent pour enfanter vne souri: ce ne sont que toutes badineries & pieces rapetassees, tellement que celuy qui s'en voudroit seruir, ne le pourroit faire, encore qu'il executast chaque chose selon l'ordre que l'auteur commande y estre gardé: & qu'il poursuuyist a pres auoir commencé à la figure du monde, & ramassé les lettres dès le leué du corps de la planette, selon l'entresuite des signes, par chascue degré selō les degrez regnār de la mesme planette, faisant l'estēdue du degré de l'ascendant, ainsi cōme le liure le propose, & mōstre par plusieurs paroles, & encores plus sotement qu'il ne se peut dire. P'en dis autant des tables, par lesquelles les nōs des esprits sont tirez, & du calcul lequel a esté laissé par escrit aux Egyptiens par Trimegiste: lequel aussi



a esté le premier, comme on dit, qui a traité la maniere de tirer les noms des esprits. Il y a dauantage en ce liure vne excellente fabrique des caracteres des bons & mauuais esprits, lesquels toutesfois il est facile de iuger à tout homme de bon entendement, qu'ils ont esté ainsi faits pour tromper, & qu'il n'y a aucune vertu en iceux. Il y a encore vne table par laquelle on trouue quelques figures familiares aux malins esprits, ensemble des images sous la forme desquelles ils ont accoustumé d'aparoistre à ceux qui les inuoquent. Item des figures familiares aux esprits de Saturne, de Iupiter, de Mars, du Soleil, de Venus, de Mercure, & de la Lune. Il y a aussi vne description des Pentacules, comme vne figure sacrée qui nous preserue des mauuais euenemens, & nous aide pour esteindre & exterminer les mauuais esprits. Itē pour faire venir les mauuais esprits, & nous les rendre amis: lesquelles choses sont diuersement composées de caracteres, peintures, & des noms des bons esprits. Mesme ils s'aident & abusent, comme blasphemateurs, de la sainte Escriture. Entre autres prieres, le malin esprit est inuité de contraindre les hommes: & mesme son nom y est adiouté: ce qui se fait lors que l'œuvre tend à mauuaise fin, ou à vengeance, peine, ou destruction. Outre cela, s'il y a quelque verset des Pseumes, ou des autres liures de la Bible, lequel se puisse accommoder à leurs desirs, il est meslé parmi les oraisons. Et après l'oraison faite à Dieu, elle est quelquesfois adressée à l'executeur & ministre de ce qui est demandé par la precedente oraison, soit qu'il n'y en ait qu'un ou deux, ou plusieurs, soit un Ange, ou vne estoile, ou vne ame, ou quelcun du nombre des Heros.

Puis après on lit plusieurs consecrations de diuerses choses, & du liure, par lequel quelques vns s'aident du ministere des mauuais esprits, & dans lequel les esprits inscrits ont voué par serment solennel vne obéissance prompte. Ce liure est gardé soigneusement après la consecration, à celle fin qu'il ne soit ouuert contre l'intention & coustume. Mais certainement ce sont fumees, & fables de vieilles. Autant en faut-il penser de l'inuocation des bons esprits, laquelle y est descrite, là où après plusieurs folies on recite à genoux le Pseume



119. Bien heureux sont ceux qui sont entiers en leur voye: ce qui se fait avec quelques noms diuins & Angeliques. Ce qu'estant fait, l'opérateur se leue, & commence à tourner par vn tour continuel dedans le cercle consacré, cōmençant en Orient, vers Occident, iusques à ce qu'estant estourdi de force de tourner, il se laisse tomber en terre dedans le cercle, là où se reposant il entre incontinent en extase, en laquelle celuy qui doit tout annoncer, se manifeste à luy. Ainsi les oracles se rendent pendant les songes, pourueu qu'apres les autres choses administrées, selon qu'il est ordonné, l'opérateur entre dedans le liēt en pensant fermement à la chose laquelle il desire sauoir, & qu'il dorme en ceste maniere. Or il n'y a point de doute que le diable ne se messe parmi ces songes, alors que les choses ainsi bien imprimees en la fantasie & pensee, s'arrestent obstinément dedans les organes qui seruēt à l'imagination. Il poursuit par mesme estroite obseruation, ce qui est requis en l'inuocation du mauuais esprit, là où aussi sont mises en auant les choses consacrées, nécessaires, tant pour la defense de celuy qui inuoque & de ses compagnons, que pour les liaisons des esprits: telles sont les cartes sacrées, les Planches, les peintures, les Pentacules, les glaiues, les sceptres, & les vestemens faits de matiere, & de couleurs conuenantes. On y met aussi les bancs pour les esprits, lesquels ils inuitent au boire & au manger apres les auoir inuokez. On y adioute encore ce petit liure pestilentieux, nommé l'Heptameron, ou bien les elemens magiques de Pierre d'Abe, lequel merite le feu, tout ainsi que les autres qui sont de telle matiere. Le cercle & sa compositiō est descrite en ce liure: Item les noms trop barbares des heures & des anges qui leur president, tout ainsi cōme le denombrement des Anges, des quatre temps de l'an. Item les consecrations, & benedictions du cercle, & des parfums, l'exorcisme du feu, sur lequel on met les parfums: la robe & le Pentacule fait au iour & heure de Mercure, la lune estant en croissant, a sauoir en vn parchemin fait de la peau d'un cheureau, sur lequel premierement la messe du saint Esprit ait esté dite, & l'eau beniste ietee. Le moyē qu'il faut tenir pour besongner seuremēt suit apres: a sauoir le mal-heureux

*Les elemens magiques de Pierre Abbé.*




exorcisme des esprits aériens: l'oraison à Dieu pleine de blasphème, laquelle se doit reciter dans le cercle, aux quatre parts du monde: puis les visions & apparitions excitées par la vertu de l'exorcisme, avec l'horrible invocation de celui qui exorcise. Item les sots nés des Anges du iour de dimanche, sa coniuration, & celle de tous les iours de la semaine.

A l'occasion de ce liure attribué à Agrippa, ie ne veux plus dissimuler la verité d'une chose que i'ay leue es vies de Paul Ioue & en quelques autres auteurs, que le diable a tenu compagnie à Agrippa iusques au dernier soupir: & que puis apres il s'esuauoit par ie ne say quel moyen. Je ne me puis assez esbahir que gens de telle reputation escriuent par fois des choses tant ineptes, au vain raport de la populace. l'ay veu & conu familièrement ce chien dont est questio, qui estoit noir, & de moyenne taille, nommé monsieur: & du temps que ie demourois avec Agrippa, l'ay mené souuent en lesses. Mais c'estoit vn vray chien masse, qui auoit pour femelle vne chienne de mesme taille & couleur, appelee mademoiselle. Je pense que ceste fausse opinion est procedee de ce qu'il mignardoit trop ce chien (comme c'est l'ordinaire de plusieurs maistres) le baisoit, le tenoit pres de soy à table, le couchoit en son liect, notamment depuis qu'il eust repudié sa femme l'an 1535. aussi le tenoit-il en son estude qui estoit bien fournie de liures, & d'ordinaire ce chien estoit assis entre Agrippa & moy. Or pource qu'Agrippa estoit continuellement attaché aux liures, & demouroit par fois huit iours entiers en sa chambre sans bouger d'aupres des liures, & lors estoit auerti de ce qui se faisoit en diuers pays: aucuns attribuent cela à magie, estimans que ce chien fust vn diable qui luy contast des nouvelles: mais à la verité, il les sauoit par lettres que les hommes doctes luy enuoyoyent de toutes parts. L'an susdit il partit de Bonne pour aller à Lyon, ou estant arriué on le mit prisonnier, pour auoir autresfois escrit trop librement quelque chose contre la mere du Roy François premier: mais ayant esté eslargi à la sollicitation de quelques amis, il se retira à Grenoble en Dauphiné, où il mourut paisiblement au bout de quelques mois. L'estois lors à Paris.



De Jean Trite me: & de son liure intitulé Steganographie.

CHAP. VI.



A Steganographie de Jean Trite me Abbé de Spanheim doit estre mise au mesme rang *En l'epi-* que les autres: de laquelle Charles de Bou *stre à Ger-* uelles parle en la maniere qui s'ensuit. l'ay *main Ga-* fueilleté Trite me, lequel ie trouue estre *naye con-* Magicien & n'auoir aucune bõne part de Philosophie. *seiller du* i'ay leu assez legerement sa Steganographie, prenant *Roy.* les commencemens de quelques chapitres. mais à grãd peine ay-ie eu son liure en mes mains l'espace de deux heures, car ie l'ay ietté incontinent, à cause de tant & tant de coniurations barbares, & noms inacoustumez des esprits ( ie ne sçay si ie dois dire diables ) lesquels commencerent à me faire peur. Or tous ces noms, comme il me semble, sont pris des langues estrangeres: car ils sont ou Arabes, ou Hebreux, ou Chaldees, ou Grecs, il y en a bien peu de Latins, ou presque point. Il y a vne infinité de caracteres, par lesquels chacune coniuration est marquee. Et quant est de l'epistre que Trite me escrit à Boscius, où il dit que les paroles y sont cleres & entendibles, sans aucune transposition de lettres ou de mots, tellement qu'un chacun les peut lire & entendre, mais que le secret tel qu'il demeure inconnu: ie desire que cela puisse estre vray. Car il entrelasse cà & là en toute ceste Steganographie, des oraisons tressaintes & deuotes, lesquelles doyuent estre enuoyees à vn ami au lieu de lettres: mais à dire la verité ce sont larmes de Crocodile, & me semble qu'il fait ce que saint Denis escrit d'Apollophone en l'epistre à Sosipatre, il se sert meschamment des choses saintes contre Dieu, & tasche de chasser la diuine sagesse, par vne qui est folle & mondaine. Et en ce qu'il promet de faire tout sans l'aide des esprits, certainement il controuue & forge des menfonges à son propre dam, & ie pense que le bon Ange de Dieu est prest avec l'espee pour le scier par le milieu, & rompre l'inique acord qu'il apert par son œuure auoir fait & contracté avec les malins esprits.

A v resté, s'il m'en souuient, il garde cest ordre en sa



*L'ordre de  
La Stegano  
graphie.*

Steganographie: premierement il met les noms des esprits, il dispose leurs coniurations, il marque les caracteres d'un chacun: puis il distingue les figures, desquelles on peut prendre & retirer les plus commodés noms des esprits par chacunes coniurations, toutesfois & quantes que la necessité le requiert. Il partit en ces figures tous les esprits en quatre, aſauoir en Empereurs, Ducs, Comtes, & seruiteurs. Il met seulement douze Empereurs en tout le monde, autant comme les Philosophes y ont mis de vents: & de ces douze il en remarque quatre principaux, d'Orient, de Midi, d'Occident & de Septentrion, lesquels comme estans plus grands il nomme Empereurs. Il baille à chaque Empereur trente ou quarante Ducs: à chaque Duc plus grand nombre de Comtes: & vne infinité de seruiteurs à chaque Comte. Par ce moyen donc il vient aux effects de son art. Alors qu'il veut faire entendre ses conseils (lesquels il nomme ses secrets) à quelque sien ami absent, il escrit au lieu d'une lettre, vne oraison facile, affectee & couuerte du fard de sainteté & deuotion. Il la marque du caractere de l'un des 12. Empereurs, puis il l'enuoye à son ami, lequel entend cest art: cest ami ouure le papier & regarde au bas de la lettre le caractere, pour voir à quel Empereur il appartient. Si c'est le Prince d'Orient, il se tourne vers Orient, il ouure & estend la lettre vers ceste partie: puis il cherche dans ces liures par quelles coniurations ce Prince est cōtraint à luy enuoyer quelcun de ses subiets. Il en retire deux coniurations, l'une desquelles il recite sur les lettres encores ouuertes, regardant du costé du Soleil leuant: laquelle estant acheuee, l'Empereur enuoye incontinent l'un de ses Ducs ou Comtes, ou seruiteurs, lequel aprochant, incontinent est veu de loin par le coniurateur, en la forme d'une petite nuee, ou un petit brouillard pēdu en l'air: & lors qu'il a acheué la seconde coniuration, l'esprit aproche incontinent, & luy declare à l'aureille l'aduís & secret de son ami. Or ces coniurations, comme il me semble ne sont pas faites d'un propos continué: ains seulement de ramas des noms des esprits, disposez selon la diuerse maniere de l'art Magique, & sont ces noms, comme i'ay dit, presque tous inconnus, comme sont les Arabes.



bes. Il me souuient aussi auoir veu dedans cest œuvre les mots qui suyuent, Ces esprits sont trespernicieux & meschans: ils ont en haine la lumiere, & aiment fort les tenebres. On a mestier d'une coniuuration bien forte pour les contraindre, quand nous en auons affaire. Que s'il auient qu'en les conjurant on soit estonné, & que lon tremble si peu que rien: ou bien qu'en lisant la coniuuration on face faute, laissant ou changeant quelque mot ils ne feront faute de tuer. Qui sera donc celuy tât sot soit-il, qui pense que ces esprits, ainsi adonnez à vengeance, soyent bons & clemens? I'ay veu dauantage en cest œuvre des coniuurations, lesquelles il nomme puissantes, & par lesquelles vn chacun, qui aura enuie de s'aider continuellement des esprits, en pourra lier vn chez soy, & le contraindre de tousiours demeurer en sa maison, pour le seruir en toutes affaires. Mais comme i'ay dit, il faut loger cest esprit en vn lieu qui soit esloigné des personnes, de peur qu'il ne tue ceux lesquels pourroyent entrer sans y penser. Il me semble que i'ay assez fait de t'auoir expliqué ces choses par lesquelles tu peux clairement conoistre les tromperies & fausses couuertures tant de cest homme que de son art. Voila ce qu'escriit Bouuelles, lequel, encores qu'il soit aculé, par Triteme, d'impieté, & de mensonge, en la preface du liure de la Poligraphie, laquelle il dedie à l'Empereur Maximilian: toutesfois la verité du fait monstre euidentement qu'il est tout autre, & que ce qu'a dit Bouuelles est vray: ce qui aparoistra à tout homme, lequel regardera vn peu de pres aux liures de la Steganographie: la pluspart desquels i'ay autresfois leu chez feu de bonne memoire Henry Corneille Agrippa, & mesme ie les ay copiez a son desceu.

Ie suis tout expres demeuré long temps à monstrier les sommaires de ces infames liures, afin que par la conoissance d'iceux, lon puisse plus promptement iuger des autres qui sont de pareille farine. Vlpian nomme ces liures de tenebres, comme dignes d'estre condamnés, liures de leçon reprouuée, & ordonne qu'ils soyent abolis: & le doyuent estre aussi, suyuant l'exemple qu'en proposent ceux d'Ephese au 19. chapitre des Actes.

VOILA la fontaine de leur art & science: voila leur



origine & fondement : voila la methode & disposition de leur afaire & negoce plein de sacrilege , par le pou- uoir de laquelle toutesfois ces doublement miserables hommes se persuadent & se vantent qu'ils font obeir les ombres des trespassez : qu'ils assemblent les esprits : qu'ils troublent les estoiles : qu'ils font seruir les elemés & que par leur inexpugnable puissance & violence ca- chee, apres qu'ils ont assemblez les esprits , ils font des œuures admirables, voire par dessus la nature . Mais les trompeurs euenemens qui procedent de leur grande & laborieuse estude, monstrent combien ils sont mise- rables . Ils monstrent par vaine gloire des impostures, & non des miracles, lesquelles ne se font par l'assistan- ce de Dieu, mais par sa patience, à cause de l'increduli- té des hommes , & de la paction qu'ils ont traitée avec les diables. Les registres de ceste eschole sont l'art d'Al- madel, l'art Notoire, l'art de Bulaphie , l'art d'Arthe- phie, l'art Pauline, l'art de reuelations, & plusieurs tels monstres d'impieté, lesquels ne doiuent estre endurez, & qui sont d'autant plus malheureux & pernicieux, que les ignorans les estiment excellens.

*Plusieurs manieres d'enchantemens.*

## CHAP. VII.



**L**y a eu de long temps diuerses manie- res d'enchantemens . Les vnes ont esté plus exercées & renommées en vn temps & en lieu , qu'en vn autre : & avec icelles il faut nombrer toutes especes d'impostu- res & de trôperies, par lesquelles ces sorciers (qui aimēt mieux estre nommez du nom plus honorable de Ma- gicien) font leurs fausses visions & leurs espouuentails : se vantans fauduleusement de plusieurs miracles, les- quels ils mettent en auant par enchantemens Goeti- ques , par lourdes coniurations , par illicites sacrifices des Gentils, par maudissions , par le recit de quelques noms diuins, & paroles sacrées ou barbares : ou par ad- ionction de quelque murmure ou babillement : quel- quesfois en s'aidant sans propos & superstitieusement  
ou cau-



ou cauteleusemēt des plantes, des animaux, ou de leurs parties: & quelquesfois aussi de certains parfums, lumieres, collires, liaisons, & suspensions de metaux, de corps faits artificiellement, de statues, de petites images, d'anneaux, de cachets, de caracteres accommodez en vne autre maniere, par lesquels ils disent que les vertus esmerueillables sont imprimees es choses. Item les mirouers, & semblables monitres & instrumens de cest art Magique, ausquels encores que souuentefois il y ait quelques vertus naturelles, toutesfois ordinairement en la construction d'iceux, & en leur vsage, ils adioustent par grande meschancetē, ou des sacrees propheties de Dieu, des paroles ou sentences: ou vn babillem ent blasphemateur de voix diaboliques, dont ils s'asseurent que toute la force depend & est communiquee en ces choses qui leur seruēt de moyens: cependāt toutesfois que le diable se iouē, besongne, & acheue tout par la permission que Dieu luy a donnee: à raison de l'impietē du Magicien, & de l'incredulitē des assistans, lesquels autrement l'enchanteur ne pourroit seduire. Ce qui seruira de responce à toutes les merueilleuses actions des hōmes, lesquelles surpassent le cours & l'ordinaire disposition de la vertu naturelle. Car l'aiguillon de ceste Satanique profession a penetrē si auāt en l'esprit de ces malheureux, que lon a creu fermemēt que par ces impostures diaboliques toutes choses que lon demandoit estoyent parfaites & acomplies: tellement que nouuelles vertus estoyent dōnees à la nature des choses: ou bien celles qui y estoyent parauant en estoyent retirees, ou diminuees, ou augmentees: ou le cours de nature changē, les foudres amenez, les tonnerres, les vents, & les pluyes esmeues à l'improuiste, ou bien apaisees, les serpens despouilleez de leur cruautē & venin, les bestes cruelles domptees, le fer brisē, les maladies enuoyees ou gueries. Ils ont pensē aussi que par ce moyen les morts & leurs ombres estoyent rapelées des enfers, & (comme dit Apulee) les ames agiles retournees des nouueaux corps creez, la mer rendue passable, & comme enfermee ou liee.

Je ne raconteray point ici les choses malencontreuses, que Dieu abolira quand bon luy semblera, avec la



Coracesie, Callicie, Menaide, Corinthiade, & l'Aproxié, qui estoient des herbes, fort recommandees par Pythagore, lesquelles estoient commodés à cest art : si ce n'est que lon les ait controuuees pour faire peur par l'estrange son de leurs noms. Je ne parleray point aussi de la Chirocinette de Democrite, de l'Aglaophotide, Mar maritide, Achimenide (laquelle, comme dit Pline, estant iettée dans vn camp d'ennemis faisoit trembler les bataillons, & leur faisoit tourner le dos) de l'Hippophanade, de l'Adamatide, & de tels ou semblables môstres de plantes, desquelles les Magiciens s'aident, & que Dieu par sa bonté a pour le iourd'huy chassées hors de la memoire des hommes, & presque du tout abolies. Car il y a vn nombre infini de ces choses, & de tels ouvrages falacieux, lesquelles il vaut beaucoup mieux cacher, ou pour le moins en auertir les moins rusez & trop credules, afin qu'ils ne se laissent tromper par des noms diuins, vsurpez contre l'honneur de Dieu, ou bien par les paroles de la sainte Escriture iniquement & falacieusement alleguees (ainsi comme nous voyons auoir esté fait iusques à maintenant) afin aussi qu'ils se excusent & purgent de ce, en quoy on fait la plus grande faute, lors qu'ils inuoquent les noms des saints & sacrez Anges, & meslent la Parole de Dieu en ceste œuvre diabolique, auquel, par vne meschanceté horrible, le nom tressainct de Dieu est prophané, & la sainte Escriture souillée par vn abus abominable.

Et encores que ces hommes malencontreux se vantent glorieusement de pouuoir faire venir les diables, & leur cōmander par ces moyens iniques & contraires à l'honneur de Dieu: & qu'il semble que les diables obeissent comme contrains & poussez par leurs barbotemens & bastelleries illicites : si est ce qu'ils tiennent plus contrains & assuiettis ces beaux maistres & commandeurs, lesquels ils cōtraignent de croire à chasque fantosme du diable, aux luitons, aux aparitions deceuâtes, & aux trôperies des images qu'ils leur proposent. Et si pour tout cela, le proufit qui en auient, n'est autre, sinon que par ce moyen ils se plaisent dauantage, tirêt les autres en admiration : & veulent aparostre bien entendus es choses non vulgaires, toutes fois curieuses.

Cepen-



Cependant les diables font semblant d'estre contrains par eux, encores qu'ils soyent desireux de cōparoistre (cōme dit Porphyre) afin d'enlasser les autres en leurs impostures. Ainsi Fernel escrit auoir veu quelcun, lequel par la vertu de certaines paroles, faisoit comparoistre plusieurs fantosmes en vn miroir, qui incontinent representoyent si clairement (comme il dit) ou par escrit ou par vrayes images, tout ce qui leur cōmādoit, que les assistans pouuoient prōptement & facilement discerner le tout. Ils entendoient bien quelques mots sacrez, mais ordement constaminez par des vilaines paroles: comme sont les puissances des elemens, les nōs des princes horribles & non acoustumez, lesquels commandent aux regions d'Orient, d'Occident, du Midi, & du Septentrion. voila ce qu'il en escrit. Mais encores que les figures & les lettres aparoissent & soyent mises au deuant de nos yeux par l'imposteur, & pere de mensonge: si ne peut il faire qu'elles ne soyent deceuantes, menteuses, & enuelopees en mensonges, si bien que le diable, lequel n'oublie iamais sa nature, les recompense liberalement d'un loyer requis, & digne d'un hōme curieux.

OLAVS le grand, escrit plusieurs particuliers mo- Liv. 3. chā.  
39. de l'hi-  
stoire des  
pen. septē.  
yens d'enchantemens obseruez par les septentrionaux, en ces paroles. Lon trouuoit ordinairement des sorciers & Magiciens entre les Bothniens, peuples Septentrionaux, comme si en ceste contree eust esté leur propre habitation: lesquels auoyent appris de desguiser leurs faces & celle d'autrui par plusieurs representatiōs des choses, au moyen de la grande adresse qu'ils auoyent à tromper & charmer les yeux. ils auoyent aussi appris d'obscurcir les veritables regards par trompeuses figures. Et non seulement les luiteurs, mais aussi les femmes & ieunes pucelles ont acoustumé, selon leur souhait, d'emprunter la subtile & tenvre substance de l'air, pour se faire comme des masques horribles & pleins d'une crasse plōbeuse, ou bien pour faire paroistre leurs faces distinguees par vne couleur passe & contrefaite, lesquelles apres elles deschargent à la clarté du temps serain de ces tenebreuses substāces qui y sont atachees, & par ce moyē elles chassent la vapeur qui les couuroit. Il apert aussi qu'il y auoit si grāde vertu en leurs char-  
k. ii.



mes, qu'il sembloit qu'elles eussent pouuoir d'atirer du lieu le plus distant, & se rendre visible à elles seules, & toucher vne chose la plus esloignée: voire eust elle esté arrestee & garrotee par mille liens. Or sont elles demostrees de ces choses par telles impostures. Lors que elles ont enuie de sauoir de l'estat de leurs amis ou ennemis absens en lointaines contrees, à deux cens ou quatre cens lieues, elles s'adressent à Lappon ou Finnō grand docteur en cest art, & apres qu'elles luy ont fait quelques presens d'une robe de lin, ou d'un arc, elles le prient de regarder en quel pais peuuent estre leurs amis ou ennemis, & que c'est qu'ils font. Parquoy il entre dedans le conclaue acompagné seulement de sa femme & d'un sien compagnon, puis il frappe avec un marteau dessus vne grenouille d'airain, ou sur un serpent estendu sur vne enclume, & luy baille autāt de coups qu'il est ordonné: puis en barbotant quelques charmes, il les retourne ça là, & incontinent il tombe en extase, & est raiui, & demeure couché peu de temps comme s'il estoit mort. Cependant il est gardé diligemment par son compagnon, de crainte qu'aucune puce, ou mouche viuante, ou autre animal ne le touche. Car par le pouuoir des charmes, son esprit qui est guidé & cōduit par le diable, raporte un anneau, ou un cousteau, ou quelque autre chose semblable, en signe & pour tesmoignage qu'il a fait ce qui luy estoit commandé: & alors se releuant il declare à son conducteur ces mesmes signes, avec les circonstances. Le mesme auteur au chapitre 18. du troisieme liure, escrit le miracle qui s'ensuit touchant les vents à vendre. Les Finnois auoyent quelquesfois acoustumé, entre les autres erreurs de leur race, de vendre le vent à ceux qui negocioyēt en leurs havres, lors qu'ils estoient empeschez par contraire tēpeste des vents. Apres doncques qu'ils auoyent receu le paiement, ils donnoient aux acheteurs trois nœuds magiques, liez d'une courroye ou autre liē, & les auertissoient qu'en desnouant le premier ils auroient les vents amiables & doux: en desnouāt le second, ils les auroient plus forts: & là ou ils desnoueroient le troisieme, il leur suruiendrait vne telle tempeste qu'ils ne pourroyent iouir à leur aise de leur vaisseau, ni iecter l'œil hors la prouē pour euitier les rochers, ni asséurer

*Vents à  
vendre.*



le pied en la nauire pour abatre les voiles, ni mesme l'asseur en la poupe, pour manier le gouuernail. Olaus adiouste encor, Ce sont certainement, dit-il, de sots enseignemens que nostre croyance a inuentez, à celle fin que plus cruellement nous fussions tourmentez. Pleust à Dieu que ces choses cōtrouuees fussent chassées hors de l'esprit des hommes, lesquelles ont esté monstrees par les anciens estre fausses & de nulle importance. Mais ces peuples septentrionaux n'ont iamais vŕ de cest art en public, depuis qu'ils ont receu la confession de la religion Chrestienne, à cause qu'il leur a esté defendu par edit, aussi ne l'ont-ils monstré à personne, sinon avec danger de la vie. Olaus raconte assez impudemment plusieurs & pareils ouurages des Magiciens, en diuers chapitres du mesme liure: ce qui a fait que j'ay voulu estre plus brief en les proposant. Herodote toutesfois testifie en son septieme liure, que les vents furent apaisez par ce moyen, lors que les lieutenans de Xerxe perdirent quatre cens nauires par vne tempeste laquelle cōtinua trois iours, & iusqu'à ce qu'au quatrieme les Magiciens l'eussent apaisée par incisions, enchantemens & sorceries, & par les sacrifices qu'ils firent à Thetis, & aux Nereïdes: ou biē iusqu'à ce qu'autremēt elle se fust apaisée. Ainsi estimoit-on des Ephesiēns qu'ils venoyēt à bout de toutes affaires par le moyen de quelques caractères & paroles magiques.

Nous pourrons bien mettre en cest endroit la fable d'Apulee, lequel escrit ce qui s'ensuit: estant en Athenes deuant la galerie nommee Prœcile, j'aduŕay de mes deux yeux, vn Charlatan monté sur vn cheual, lequel auala vne dague fort pointue, & incontinent apres pour peu d'argent qu'on luy offrit, il en fit autant d'un espieu, & mit la pointe la premiere, & le cacha au plus profond de son ventre, & voici au fondement par lequel le fer de l'espieu deuoit sortir, la part ou la hâte d'iceluy se retournoit depuis l'aine iusques au derriere de la teste, il sortit vn enfant delicat & mignon, lequel se reuoltoit à dos rompu, & flechissoit tellement cōme en sautāt, que chacun de nous s'en esmerueilloit, & sembloit à le voir que ce fust vn serpēt vigoureux en tortillé à l'entour du baston que Mercure porte, nou-



eux & à demiesbranché.

ADIOVSTEZ encores les diuerſes manieres d'enchantemens d'Artephie, grand obſeruateur de la folie magique, lesquelles ont eſté deduites par Cardan, & par lesquelles chacun pourra imaginer à bon droit que ces Magiciéſ ne ſont pas ſeulement trôpeurs, mais auſſi ſols à la haute gamme. Au reſte, pluſieurs des Grecs ont eſcrit qu'autreſfois il y eut vn certain Paſetes, des plus renommez entre les ſectateurs de la vanité Magique, lequel auoit acouſtumé par quelques charmes, de monſtrer vn banquet bien ordonné, & les tables bien couuertes de viandes à ceux qui deuoyent banqueter: puis quand bon luy ſembloit, il faiſoit eſuanouir le tout, tellement qu'il n'aparoifſoit plus aucune choſe, & par ce moyen il trompoit les conuiez, lesquelſ s'en retournoyent afamez au poſſible. Lors qu'il achetoit quelque choſe, il faiſoit que les deniers aparoifſoyent dedans la bourſe des vendeurs, cependant il ſe moquoit d'eux.

*Menippe  
Lycie trô-  
pé par ſa  
nouuelle eſ-  
poſe.*

Nous trouuons par eſcrit que Menippe Lycie fut auſſi trompé le iour de ſes nopces par la machination de ſa nouuelle eſpoſe: car les beaux meubles dorez, & l'argent imaginaire ſe diſparut comme fumée. Les ſeruiteurs, les cuiſiniers, & le reſte de la famille ſ'eſuanouit. En preſence du Roy Tarquinius Priſcus & de pluſieurs autres, Accius Nauius coupa d'vn raſoir vne queue, cō

*Liure. 28.  
ch. 2. Val.  
le grand,  
liure 8.*

me Ciceron le dit au 1. liure de diuinat. Pline raconte qu'en l'an ſix cens neuf de la ville de Rome, Tuccie religieuſe acuſée d'inceſte puisa de l'eau avec vn crible, apres qu'elle eut fait quelque priere. Tertulian auſſi s'eſt ſouuenu de ceci, diſant: que diſputeray ie dauantage des autres ſubtilitez ou forces de la tromperie ſpirituelle? des fantoſmes aparus aux chaſtës ſacrifices, lesquelſ ſi ſouuent ont annoncé les victoires à Rome? de l'eau qui a eſté portee dans vn crible? de la nauire trainee avec vne ceinture par Claude la religieuſe, & de la barbe qui deuint rouſſe ſeulement en y touchant, tellemēt que lon a penſé que des pierres fuſſent des dieux, ſi bien que le vray Dieu n'a pas eſté reconnu? Nous trouuons par eſcrit que deux ieunes hommes portans vne face magiſtrale aparurent quelquesfois à Lucius Domitius, ainſi qu'il reuenoit des champs, auquel ils com-  
manderent



manderent d'annoncer la victoire au Senat, & au peuple, de laquelle lon estoit encores incertain. Et afin que lon aioustast foy à son dire, ils luy frotterent si bien les ioues, que de noir qu'il estoit, ils le firent deuenir le poil luisant & de couleur iaune, semblable à celle de l'arain, dont depuis la famille des Aenobarbes est descendue. Suetone le raconte ainsi. Ceste maniere de gés aussi a ses moyens & trafiques, par lesquelles elle cōmande, apres auoir baillé argēt, que lon luy aporte de quelques lieux esloignez du vin, du beurre, & de telles choses, ce qu'elle fait par le moyen de Satan. Nous en auons veu quelques vns en Alemagne depuis quelque temps.

O R ne se faut-il point esmerueiller si quelquesfois les Magiciens, avec lesquels le diable se ioue, sont trāsportez de lieux en autres. Ainsi est-il escrit es histoires que Pythagore fut en mesme moment en Thurie & en Metaponte: & qu'Apolonius ayant dit vn petit mot fut soudainement transporté de Smyrne en Ephese. Mais cela est aussi vray, comme ce qu'on conte que S. Ambroise fut en mesme heure à Milan & à Tours aux obseques de S. Martin. Item ce qu'on dit de Iean Teutonique curé de Halberstad insigne Magicien, asauoir que par son art magique il chanta messe en trois diuers lieux la nuit de Noel 1271. l'vne à Halberstad, l'autre à Mayence, & la troisieme à Cologne. Vn imposteur Magicien mōstroit pour de l'argent, en la ville de Magdebourg, vn petit cheual en vne grāde assemblee, lequel il faisoit passer par dedās vn cercle: en fin apres qu'il eust remōstré qu'il gaignoit trop peu d'argēt en ce monde, il dit qu'il vouloit monter au ciel. Parquoy il ietta vne corde en l'air, laquelle fut suyue par le petit cheual que cest imposteur incōtinēt prit par la queue, cōme fit aussi sa garce: tellemēt qu'il se bloit qu'ils fussēt atachez cōme par vne chaine, & qu'ils montassent en l'air. Mais ainsi que le peuple regardoit ces choses, il arriva de fortune vn citoyen de la ville, lequel leur demanda que c'estoit qu'ils regardoyent, & lequel ayant entendu que le Charlatan montoit au ciel, leur dit qu'il le venoit de rencontrer en la rue, ou il entroit en l'hostellerie: lors voyans qu'ils estoient trompez, ils se retirerent



en leurs maisons. Or ie m'assure que persone ne niera que toute ceste acointance, pratiquee par quelque moyé que ce soit, avec les diables, & toute leur illusiõ, est vne imposture mortelle introduite pour ruiner le genre humain.

*Que les amures faites par les Magiciens de Pharaon n'estoyent autres choses qu'impostures.*

## CHAP. VIII



R à celle fin que ces fables, ces puissances, ou plustost tromperies des Magicié s soyét mieux descouvertes à chacun: regardons à œil ouuert, contemplons & recherchons soigneusement l'entreprise, l'ouurage, & le pouuoir des Magiciens de Pharaon: & ainsi nous satisferons à ceux, lesquels incontinent qu'ils ont entendu parler des pauvres femmelettes deceuës & troublees de leur entendement, ont recours aux volontaires Magiciens de Pharaon, comme si les vns & les autres estoient de ce mesme estat & profession, lesquels toutesfois sont beaucoup differës, comme ie pense. La verge qui estoit en la main de Moysè ambassadeur esleu de Dieu tout-puissant par deuers Pharaon, se transformoit veritablement en vn serpent viuant, par la force de la parole de Dieu: & par ce moyen il testifioit qu'il estoit enuoyé par le Dieu du ciel, de la terre, & de toutes les choses qui sont en iceux. Car la creation & vraye transmutation appartient à vn seul Dieu. Et quant à ce que l'Escripture dit qu'au moyen de quelques charmes, le mesme a esté fait par les magiciens de Pharaon: certainement celuy qui voudra regarder vn peu plus auât trouuera qu'ils n'ont pas fait pareille metamorphose ou transmutation que celle de Moysè, ains seulement qu'ils ont mis au deuant des yeux du Roy la feinte figure d'un serpent fait par la folie Magique, lequel fut englouti par le serpent de Moysè, en signé & reuelation de l'imposture: tout ainsi comme le mensonge est veincu & deuoré par la verité. Pour ceste cause ainsi qu'escriit Iosephe, Moysè dit, Maintenant ie declareray manifeste-

*Exode 7.  
La verge  
de Moysè  
veritable-  
ment trās-  
formée.*



manifestement que ces choses ne sont impostures, lesquelles sous ombre de verité ont acoustumé de tromper les mal aduisez : mais la mesme vertu de Dieu, laquelle seruira pour prouuer sa volonté trespuissante enuers les incredules : & en parlant il ietta sa verge en terre, laquelle obeissant à sa parole & à son commandement, assaillit & deuora les verges des Egyptiens, les vnes apres les autres, apres que Moysé luy eust cōmandé de se faire serpent. Or si le serpent des Magiciens eust esté vn vray serpent, il faut que la verge eust esté ainsi trāsformee par le diable : mais est ce vne chose assuree que la transmutation de la matiere d'une verge en vne beste viue est du tout inepte : comme aussi il n'est en la puissance du diable, de faire quelque chose de rien, ou de transporter selon sa volonte vne chose dedans vne nature & essence beaucoup dissemblable, ou biē du tout contraire. S. Augustin tesmoigne que la matiere corporelle n'est suiēte au pouuoir du diable, en ce qui concerne sa transmutation en nouuelle forme, disant : il ne faut penser que la matiere de ces choses visibles soit assuiētie au vouloir des anges transgresseurs, ains seulement à celuy de Dieu. Toutesfois il faut confesser que les diables, par leur grande vitesse & allegresse peuuent oster & faire euanouir quelques choses au lieu desquelles ils peuuent supposer des dragōs, des serpens, ou autres telles matieres. Les Magiciens sembloient plustost faire des signes, que veritablement en faire, ce dit sainct Clement. Et mesme Iamblique escrit fort bien au liure des mysteres, Les choses que nous fantastiquons comme charnels, n'ont aucune verité d'actiō, ou d'essence, excepté les choses imaginees : car la fin de l'art Magique est de ne point faire simplement ains seulement de faire voir en aparence les choses que lon imagine, desquelles incontinēt on ne void ni pied ni ailles, ainsi que lon dit communément.

A VTANT en faut il penser des autres signes, a sauoir *L'eau chā* quand Moysé leuant la main frapa l'eau du fleue avec sa verge, en la presence de Pharaon, & de ses seruiteurs, *gee en sang.* laquelle fut incōtinent chāgee en sang : & s'esleua vne telle puanteur au fleue, a cause des poissons qui estoient morts, que les Egyptiens ne pouuoient boire de



son eau, eſtât toute l'Egypte pleine de ſang. Les Magiciens d'Egypte en firent autant par leurs enchantemens, deſquels dependoyent pluſieurs Egyptiens, idolatres, & idoines vaiſſeaux de Satan: auſſi eſtoit il facile au diable de leur mettre deuant les yeux des fantoſmes de telle figure & couleur que bon luy ſembloit, & ce par la permiſſion de Dieu, à celle fin que le cœur de Pharaon (que Dieu preuoyoit deuoir eſtre endurci) le fuſt encore dauantage, & qu'en la fin il fuſt puni ſelon ſon demerite. Or eſt-il tout notoire que ceſte transformation ne fut autre choſe qu'une pure impoſture des Magiciens. Car le Nil, ſeul fleuue d'Egypte, auoit eſté conuertie en ſang, & ſes poiſſons en pourriture par l'œuure de Moyſe ſeruiteur de Dieu, & n'y auoit aucune eau en Egypte, laquelle ne fuſt teinte, tellement que les Egyptiens eſtoient contraints d'en tirer des ſoſſes qu'ils faiſoyent à l'entour du Nil, d'ôt il faut cōclure ſans doute, cōme l'eſcriture teſmoigne, que les Magiciens auoyēt parauāt gardé quelque peu d'eau dedans des vaiſſeaux, ou biē qu'ils l'auoyēt tiree des ſoſſes, à laquelle ils baillerent quelque exterieure forme de rougeur par leur charme & tromperie, c'eſt à dire par le trompeur ourage des diables, leſquels eſmouuoient les humeurs commodēs à receuoir ces illuſions, & pouuoient remplier de telles aparences que bon leur ſembloit l'eſprit viſuel, tout ainſi que nous voyons aduenir à pluſieurs melancholiques: ou comme au commencement des ſuffuſions qui auiennent aux yeux, nous obſeruons que par la deſcente des humeurs ſur les organes & inſtrumens de la veuë, il aparoit comme des petits mouchetons, & quelquesfois auſſi des choſes ſemblables à des petits corps eſclairans & eſtincelans: quelquesfois auſſi il aparoiſt des eſblouiſſemens, & à quelques vns comme des filets de laine, ou des toiles d'araignes: & quelques autres encor voyent des cercles à l'entour des lanternes. Dauantage ceux qui ſont malades de la iauniſſe, à cauſe qu'ils ont la cholere iaune eſpandue par tout, penſent que tout ce qu'ils voyent ſoit iaune. Et certainement toutes ces choſes ſe font ou plus ou moins, en vne forme ou en vne autre, ſelon la conſtitution des humeurs & des eſprits viſuels, ainſi que ceux qui entendent



dent les choses naturelles peuuent bien sauoir.

QV E faut il dire autre chose des grenouilles tirees hors des fleuves d'Egypte, par lesquelles selon le commandement de Dieu, toute la terre fut couuverte, ce pendant qu'Aaron estoit la verge sur les fleuves & les lacs? Il est aussi clair comme le Soleil mesme, que les grenouilles des Magiciens furent seulement imaginaires, & ce par mesme raison: car il leur eust salu creer de nouveau ce grand amas de grenouilles: qui est vn œuure, lequel appartient à vn seul Dieu, & qui iamais ne fut permis à aucune creature, tant s'en faut qu'il le fust à Satan, ou à ses suiets. Ceste singuliere prerogative a esté à Dieu dès le commencement, laquelle il n'a baillée à personne. Dauantage si les Magiciens eussent mis en terre des vrayes grenouilles, certainement ils les eussent peu renuoyer par mesme moyen: car il estoit beaucoup plus facile apres les auoir veuës, de les faire retourner en leur lieu naturel: a sauoir en la riuere, & aux estangs: que n'estans encores aparues, les faire venir au plus profond des maisons, dedans les chambres, dedans les liëts, dedans les fours, dedans les celiers, & dedans les autres lieux, qui sont non seulement dissemblables à leur nature, mais trescontraires: esquels il leur conuenoit mourir, veu qu'auant elles viuoyent librement dans les eaux, comme en leur lieu naturel: ou pour le moins il leur estoit facile d'oster la vie à celles, ausquelles il sembloit qu'ils l'eussent donnée. Quel pouuoir donc penserons nous que les Magiciens ont à nuire ou parfaire quelques choses, s'ils n'ont peu faire mal, ou chasser les grenouilles, lesquelles il sembloit qu'ils eussent fait venir par la vertu de leurs charmes? Or ne le peuvent-ils faire, tellement que Pharaon fut contraint de s'adoucir, & de prier Aaron & Moysë, ses aduersaires, qu'ils voulussent faire priere à Dieu, afin que les grenouilles fussent chassées au loin de luy, & de son peuple. Ce qui fut aussi fait: & les grenouilles chassées vn certain iour, lesquelles estans mortes, & amassées en vn monceau, empuantirët le pais. Et ainsi il salut que Pharaon, bon gré mal gré, rendist honneur au Seigneur Dieu incomparable, tout ainsi comme firent les Magiciens, lesquels n'eurent pas ce pouuoir. Car alors

*Exode 8.  
Les gre-  
nouilles  
d'Egypte.*



que Dieu ne vouloit plus permettre leur imposture, & qu'ils ne peurent, à l'imitation d'Aaron & de Moÿse, produire des poux, pour tourmenter les hommes & les bestes, ils cōfesserēt en la presence de Pharaon, C'est-ci le doigt de Dieu, comme s'ils eussent dit, C'est le doigt ou la puissance de Dieu, laquelle veritablement engendre & bastit de poudre, voire de rien, tout ce qu'il veut selon son bon vouloir, & comme il luy plaist: & ce que vous avez veu que nous auons fait, est le doigt de Satan lequel ne peut iamais rien creer: mais seulement trompeusēment monstrer vne image fantastique des choses. Parquoy nous qui sommes ses seruiteurs nous auons voulu par impostures imiter la verité de Dieu Tout-puissant, nous vous auōs trompé, vous & vostre peuple, par la permission toutesfois de Dieu, lequel l'a ainsi voulu, à raison de vostre incredulité & dureté de vostre cœur. Or maintenant l'heure est venue que ceste permission a pris fin, tellement que les tromperies de Satan n'ont plus de lieu, ains nous sommes contrains de rendre tesmoignage de la verité du Dieu viuāt. Voi la comme ceux lesquels auparauāt auoyent derogé par leurs impostures à la verité, maintenant conoissent la main de Dieu, & comme la gloire de Dieu est annoncée par ceux qui parauant l'auoyent desguisee par leur fait. Ils n'eussent toutesfois ainsi glorifié le Dieu viuant, si premierement estans empeschez, ils n'eussent essayé leur art: aussi Dieu n'eust eu si iuste occasion de les punir s'il n'eust conuiuē à leurs impostures: dauantage il eust empesché le moyen de se donner à conoistre, de faire paroistre sa puissance, & monstrer qu'elle est toute autre, voire mesme contraire à celle que les idolatres Egyptiens & Magiciens auoyent iusques à ces iours tant adoree, au mespris du vray Dieu.

FVLGORE, au 8. liu. cha. 11. dit que Iannes & Mambres, desquels parle S. Paul au 3. chap. de la 2. epistre à Timothee, estoient les Magiciens qui s'oposèrent à Moÿse en Egypte, & que Pharaon est celuy que les historiens prophanes appellent Cenchrees. Iustin martyr en l'exposition des questions proposees aux Chresttiēs, question 26. maintient que les miracles des magiciens de Pharaon n'estoyent par vrais miracles, ains ouurage des dia-



des diables, qui charmoient les yeux des regardans.

M A I S qu'est-il besoin de disputer davantage? veu que de ce que S. Paul escrit au 2. chap. de la 2. epist. aux Thessalon. touchant l'Antechrist, on peut aisement recueillir que plusieurs seront seduits par les miracles mensongers de ce fils de perdition, & que ce que les magiciens font est illusoire. Cependant ie ne condamne pas l'interpretation de ceux qui disent que ces miracles de mensonge, pource qu'ils poussent les incredulés en mensonge, comme la cause prend ordinairement quelque titre de son effect: mais aussi i'estime qu'ils ne condamneront pas la mienne: veu mesmes que S. Augustin conferme toutes les deux, disant: Ces signes & prodiges sont appelez mensonges, ou pource qu'on les verra combien que ce ne soyent que fantosmes, ou pource qu'ils pousseront les hommes en erreur. Alcimus Aritus, Euesque de Vienne, qui florissoit sous l'Empire de Zenon & d'Anastase, l'an 490. exprime en des vers Latins fort elegans au 2. liure du peché Originel, l'auis que i'ay mis en auant sur ce point, a sauoir que les Magiciens ont contrefait les miracles de Moysé, mais quelque chose qu'ils ayent peu faire, ils n'ont peu besongner à la verité comme a fait le seruiteur de Dieu.

Ce ne sera hors de propos d'alleguer vn tesmoignage du Decret, auquel nous lisons ce qui s'ensuit: *En la 2. part caus. 26. q. 5.* Ce n'est chose nouuelle que l'imposture des Magiciens, desquels les arts d'enchantemens sont tellement acreus, que mesme en maniere de faire des signes, ils ont resisté à Moysé, faisans changer les verges en serpens, & l'eau en sang. Nous lisons aussi aux liures des Gentils, que Circé la magicienne faisoit changer les compagnons d'Ulyssé en bestes: Item que quicôque goustoit du sacrifice que les Arcadiens immoloyent à leur Lycee, estoit transmué en forme de beste. Toutesfois ces choses estoient plustost feintes par impostures Magiques, qu'accomplies par verité. A celle fin doncques que telles erreurs soyent manifestees aux ignorans, nous auons pensé qu'il estoit bon de parler de leur propriété, & de leurs inuenteurs, selon la tradition de nos peres anciens. Les Magiciens sont ceux lesquels vulgairement sont nômez enchanteurs & mal-faisans,



à cause de la grandeur de leurs mesfaits. Ce sont ceux qui, par la permission de Dieu, font trembler les Elements, & troublent les esprits des hommes, qui n'ont assez de confiance en Dieu. Voilà ce qu'en disent les Decrets.

*La femme Pythienne, en Endor, ne tira pas Samuel hors du tombeau; mais seulement un fantosme diabolique sous la figure de Samuel.*

### CHAP. IX.



E veux bien maintenant que lon me propose la femme enchantetesse, ou pleine de l'esprit Pythonique, laquelle estoit en Endor. Car ie ne veux en ceci m'aider d'autre tesmoignage, que de celuy de la sainte Esriture. Nous lisons qu'elle ressuscita Samuel, lequel sortit de terre avec son habit & vestement acoustumé, & prophetiza les choses futures, lesquelles estoient encore en la main de Dieu. L'auteur de l'ecclesiastiq. escrit

*Eccle. 46.*

que les actes, & propheties de Samuel, ont este telles: quand il dit, qu'il dormit, qu'il signifia au Roy la fin de sa vie, qu'il esleua sa voix hors la terre, & qu'il prophetiza qu'il falloit chasser l'impieté des Gentils.

Or encore que les circonstances de l'histoire, & Iesus Syrach, semblent tesmoigner que Samuel aparut: toutesfois si monstreray-ie à qui voudra regarder vn peu plus auant, que ce ne fut point Samuel qui fut veu,

*Leuit. 19.*

*20.*

*Deut. 20.*

mais vn fantosme du diable, lequel auoit pris sa figure, & qui pour mieux tromper, obeit volontairement à la femme Pythienne.

La voix de Dieu a defendu par vn tres seueredict, & sur peine de mort, qu'aucun n'eust à s'enqueter de la verité vers les morts, car aussi ne veut-elle que les vi-  
uans soyent enseignez par iceux, ni qu'ils en atendent  
aucunes manifestations, Personne ne soit trouué entre  
vous qui prene conseil des morts, que si quelcun le fait  
il sera abomination à son Dieu, c'est à dire, tel que Dieu  
hait, abominé & ietté en eternelle cōdemnation. Pour  
celle cause Iesus Christ a voulu que nous nous assuriōs

ferme-



ferment en sa parole, par laquelle il a expressement  
 declaré sa volonté, disant en saint Luc, Ils ont Moysè & *Luc. 16.*  
 les Prophetes.

DAVANTAGE, ou c'est vne chose fausse de dire que *Les ames*  
 par les charmes des sorciers les ames soyent rapelees *des bien-*  
 du lieu qui leur est ordonné de Dieu, pour rentrer de- *heureux*  
 dans les corps, lesquels ne sont enterrez : ou bien il faut *n'obeyent*  
 dire que les ames qui sont cōseruees en la main de Dieu, *point aux*  
 ne sont assurees au sein d'Abraham, qui est le lieu que *magiciens*  
 Dieu leur a assigné. Mais on est maintenant d'accord  
 que Satan n'a iamais rien peu sur les ames des saints,  
 que les bons esprits ne sont point suiets aux arts Magi-  
 ques, & que depuis que les ames sont separees des corps,  
 & receues es lieux qui leur sont ordonnez, iamais elles  
 ne reuiennent, encore qu'elles soyent rapelees : ce que  
 toutesfois les Ethniques pensoient pouuoir estre fait.  
 Bien est vray que les diables se monstrent quelquesfois  
 sous figures empruntees. Parquoy les Necyomantiens,  
 ne prenoient pas leurs deuinations des morts, mais des  
 diables habillez de leurs robes, lesquelles deuinations  
 estoient nommees *Necyomanties*, lors que les morts apa-  
 roissoient entierement en corps : ou *Sciomanties*, alors  
 que seulement ils espendoyent des ombres petites, ne-  
 buleuses, & faciles à s'esuanouir. Chrysostme donc dit *En l'homme*  
 fort bien, que ce n'est pas l'ame du defunct, qui dit, ie *lie 29. sur*  
 suis l'ame d'un tel : mais c'est le diable, qui le controu- *S. Matt.*  
 ue ainsi pour deceuoir les hommes.

A V S S I le corps de Samuel estoit mort il y auoit  
 bien deux ans, & si son corps n'estoit du tout pourry,  
 pour le moins il est certain qu'il estoit tellement des-  
 figure, que ceste belle faee viue ne se pouuoit mōstrer,  
 en laquelle deuāt que mourir il paroissoit, & en laquel-  
 le derechef ce seinēt Samuel estoit aparū. Chacun co-  
 noit encore qu'un corps pourry n'eust peu représenter  
 la magnificence des dieux : & toutesfois la deuineresse  
 asfermoit qu'elle voyoit les dieux sortir de terre : encore  
 moins eust-il peu parler & prophetizer. Mais pour  
 quelle raison aussi le corps du tressainēt Samuel, de si  
 long temps enterre, eust-il pris en un mesme moment  
 au seul commandement d'une meschante femme sor-  
 ciere, sa robe acoustumee, non suiēte à corruption, la-



quelle il n'auoit emportee avec soy dedans le sepulchre, & de laquelle estant mort il n'estoit enuelopé? Toutesfois ie ne veux pas aller au contraire, qu'il ne fust bien aisé au diable, de monstrier le fantosme de ce tressainct homme: puis qu'il se transforme en Ange de lumiere, principalement estât en la presence d'un meschant Roy, & d'une malheureuse seruante de Satan.

**D'AVANTAGE**, puisque l'histoire testifie vn peu deuant que Dieu ne voulut bailler aucune responce, ni par les Prophetes ou Sacrificateurs viuans, ni par songes, à ce Roy rebelle & reprouué, qui la luy demandoit: il ne faut point douter qu'encore moins l'eust-il voulu par le moyen de ce diuin Prophète ressuscité, ou par vn Ange descendu du ciel, attendu qu'en son ire il auoit du tout reprouué ce Roy: lequel pour ceste cause voulut meschamment demander conseil à la deuineresse Pythienne, laquelle s'estoit cachée furtiuement & qui parauant auoit esté par edit public, à cause de sa profession, chassée d'Israel selon la volonté de Dieu. Il fit dōc en cela comme vn esprit plein de desdain qui eust dit,

*Si ie ne peux fleschir les hauts dieux, pour le moins*

*Ie fleschiray l'enfer.*

**PARQVOY** Dieu a reietté à bon droit, pour execrable, & par son iuste iugement puni l'impieté de Saul auégulé par le diable, & entreprisé contre le commandement de Dieu, & contre le tesmoignage de sa propre conscience: tellement qu'à bon droit il abandonna la pensée de l'opiniastre Saul au pouuoir du charme du diable. Ceci n'est nouveau que Dieu voyant les hommes se plonger en impieté obstinée, les rend auégulés dauantage, les endureit, les abandonne à l'esprit de mensonge, & les liure à vne pensée reprouuée. L'infleschible opiniastreté de Pharaon me seruira d'exēple, avec la fiance qu'il eut aux esprits de mensonge, & la cruelle punition qui s'en ensuyuit.

**ET ENCORES** que l'histoire raconte que le vieil Samuel, vestu d'une robe, fut indigné de ce que lō l'auoit retiré de son repos, & qu'il parla & prophetiza au Roy Saul: si est-ce que vous ne pourrez pas de là iuger assurément que ce fantosme fust le vray Samuel: car il n'est pas malaisé au diable, qui est vn esprit cauteleux à mer-

ueilles,



ueilles, de représenter faussement toutes formes & figures: de feindre & contrefaire tout ce que bon luy sem-  
ble, & de prédire les choses futures qui estoient para-  
uant déclarées par les Prophetes, & principalement  
dont les aprests manifestes & les indices d'un euenement  
certain se pouuoient comme toucher du doigt.  
Aussi Satā n'ignoroit pas que ce que l'homme de Dieu  
Samuel auoit prophetizé à Saul estoit tres certain: pour  
cette cause il repete ce qui auoit desia esté prédit par  
Samuel. Il peut encore coniecturer assez bien ce qui  
pouuoit auenir à Saul de ceste bataille, tant par le ma-  
gnifique apareil des ennemis, de leurs troupes bien de-  
libérées & bien en point, des paroles, des faits, & autres  
circonstances de la guerre presente: que principalemēt  
voyant Saul reietté de Dieu, sans toutesfois se repentir,  
le voyant contre le commandement de Dieu prendre  
conseil à la deuineresse Pythienne, esclaue du diable: &  
voyant aussi comme il le reppoit en sa puissance, com-  
me il le pouuoit precipiter pour se perdre en ceste guerre.  
Et par ainsi l'Escripture tesmoigne que Saul mourut en  
sa rebellion ayant commis trahison contre le Seigneur,  
asauoir contre la parole de Dieu, laquelle il n'auoit gar-  
dee: & pourautant aussi qu'il auoit interrogué & demā-  
dé conseil à Python, & n'auoit requis le Seigneur: pour  
cela di-ie le Seigneur le tua, & transporta son regne à  
Dauid fils d'Isai. Si lon m'alegue en outre le tesmoigna-  
ge de Iesus Syrach (encore que, selō S. Hierome, ne luy  
soit baillee aucune autorité de consermer les points de  
doctrine ou de resoudre les controuerses d'iceux) ie di-  
ray ceci, afin que lon ne pense que ie vueille en rien di-  
minuer la bōne doctrine de son liure. que Iesus Syrach  
a seulement proposé l'histoire du premier liure de Sa-  
muel: qu'il a simplement raconté ce qui a esté fait, com-  
me lon le lit, à celle fin d'inuiter & esmouuoir ceux qui  
deuoient venir apres, à ensuyure la vertu de leurs ma-  
ieurs: qu'il a succinctement raconté les louāges de Sa-  
muel, & qu'il nes'est arresté à disputer, si son aparition  
estoit vraye ou feinte.

La pluspart des Rabins Hebreux sont d'opinion,  
encores que quelques vns le pensent autrement, que



ceste aparition a esté vn ouurage Pythonique, & rien autre chose qu'imposture, vanité, mensonge & deception. Par Samuel ils entendēt l'esprit Pythonique, lequel auoit pris la semblance de Samuel. Item, que Samuel sembloit parler à Saul. La femme voyoit bien Samuel, toutesfois elle ne l'entendoit pas lors qu'il parloit à Saul: tout ainsi cōme Saul ne voyoit pas Samuel, c'est à dire, l'illusion diabolique qui luy sembloit estre Samuel. Il y en a d'entr'eux qui pensent que toutes ces choses ont esté feintes par l'art de la femme, laquelle par certaines coniectures trompa ainsi Saul. Kimchi dispute ainsi contre ceux qui sont d'opinion contraire. Si DIEU, dit-il, a suscité Samuel, pour predire les choses futures à Saul, pourquoy ne luy a-t-il plustost reuelé par songes, ou par Prophetes, ou par les Sacrificateurs, que par vne femme sorciere? Saadiah toutesfois, & Aias ont faussement pensé, que ceste vision estoit vraye, & qu'elle n'estoit faite par art de la femme: mais aparue par la vertu de Dieu, à cause que ceste femme voyant outre coustume des choses esmerueillables, comme estonnee commença à crier à haute voix.

*Les opinions de saint Augustin sur ce que le vray Samuel fut resuscité par la deuineresse.*

## CHAP. X.



V reste, afin que ie confermē dauantage ceste miene opinion, escoutez, ie vous supplie, saint Augustin tres subtil reformateur & censeur de la plus sainte Theologie, au liure des questions du vieil & nouveau testament. L'estime, dit-il, que ce seroit vn indigne forfait que de iuger du sens selon les mots de l'histoire. Car comment le pourroit-il faire qu'un homme saint en sa natiuité, & iuste en œuvre de sa vie, fust tiré par art Magique? ou bien s'il n'a esté tiré, pour le moins il a consenti. l'un & l'autre toutesfois est hors de raison: & ne peut-on croire qu'il ait esté fait par vn homme iuste. Car si contre son vouloir il y a esté attiré, la iustice n'a aucun sufrage: & s'il y est venu de son gré, il a perdu le me-



le merite spirituel, lequel il auoit cerché lors qu'il vi-  
 uoit. ce qui est toutes fois absurde: car celuy qui sort ius-  
 te de ce monde, demeure tousiours iuste. Dauantage  
 ceci est vne imposture de Satan, lequel pour tromper  
 plusieurs personnes fait semblant de les auoir en sa puis-  
 sancé. Ce que l'Apôstre dit entr'autres choses, Satan se  
 transforme en Ange de lumière. Il se desguise de l'ha-  
 bit & du nom d'un homme iuste, à celle fin de faire v-  
 ne faute en laquelle il se puisse glorifier, & à celle fin  
 aussi de dire mensongèrement que l'esperance, laquel-  
 le on presche aux seruiteurs de Dieu, ne sert de rien:  
 puis qu'il feint que les iustes sortis de ce monde sont en-  
 cores en sa puissance. Mais ceci en trôpe quelques vns  
 voyans que le Diable n'a point menty sur la mort de  
 Saul, & de ses fils: comme si c'estoit vne chose si grande  
 au diable de preuoir la mort d'un corps auant que le  
 iour soit venu auquel il doit mourir: veu que les signes  
 ont acoustumé de paroistre à ceux qui d'byuent mou-  
 rir, à sçauoir à ceux, desquels il semble que la protection  
 de Dieu est desia retiree. cecy n'est il pas plus facile au  
 diable, lequel les oracles prophetiques tesmoignent a-  
 uoir esté esleué en Angelique maiesté, & de la grandeur  
 duquel l'Apostre dit: ignorez-vous les profondeurs de  
 Satan? Quelles merueilles donques y a-il s'il a peu pre-  
 uoir vne mort prochaine, veu que c'est le moyen par  
 lequel il trompe & veut estre adoré, comme s'il auoit  
 la puissance semblable à celle de DIEU? Car Saul a  
 esté fait sot par si grande bestise, qu'il a eu recours à la  
 Pythonique: d'autant qu'estant depraué par la cause  
 de son peché, il s'est retiré à ce que parauant il auoit cō-  
 damné. Mais si quelcun pense que pour la reuerence de  
 l'histoire, il ne soit loisible laisser ce qui y est expresse-  
 ment escrit, de peur que le cours d'icelle ne demeure  
 comme de nulle importance: il le pourra faire, pourueu  
 qu'il n'estime ces choses deuoir estre rapportees au cours  
 de la verité, ains plustost à la veüe, & au sens. Car Saul  
 estant reprouué pouuoit encore auoir bon entende-  
 ment: & l'Historiographe a descrit l'intention de Saul,  
 & le port de Samuel, il a raporté les choses qui furent  
 dites & veües, & a laissé à dire & iuger si elles estoyent  
 vrayes ou fausses. Car que dit-il? Ayant ouy en quel ha-

2. Cor. 11.

2. Cor. 2.

2. Sam. 28



bit il estoit ressuscité, il conut, dit-il, que c'estoit Samuel. Il raconte ce qu'il entendit, & pourautant qu'il n'entendit pas bien, il adora, contre le commandement de l'Escripture sainte, vn autre que DIEU: & pesant que ce fust Samuel il adora le diable, à celle fin que Satan eust le fruit de sa tromperie, Car il tasche tousiours d'estre adoré comme DIEU. En outre, si le vray Samuel lui fust aparü, ce bon homme iuste n'eust pas enduré d'estre adoré, luy qui auoit presché qu'il falloit adorer vn seul Dieu. Et commét est-ce que l'homme de Dieu, qui estoit en repos avec Abraham, eust dit à vn homme pernicieux & digne de damnation: Tu seras demain avec moy? Satan preuoyant le mal, a descouuert la subtilité de sa fallace par ces deux moyens, en ce que, contre la loy, il se permit adorer sous l'habit & le nom de Samuel, & en ce qu'il mentoit, disant qu'vn homme chargé de pechez deuoit estre avec Samuel: car Saul deuoit estre avec le diable. Il s'en alla vers celuy qu'il auoit adoré. Je suis vn peu long à reciter les propos de saint Augustin, pourautant que depuis peu de temps ie me suis trouué au sermon d'vn moine, lequel s'esforçoit de defendre, par les autoritez de saint Augustin, que le vray esprit de Samuel auoit esté rapelé. Le mesme Augustin donques escriuant à Simplician, apres auoir en toute maniere disputé ceste question du ressuscitemēt de Samuel, dit en fin: Encores qu'en ce fait il y peut auoir vne intelligence plus facile, & plus breue pour en sortir: non pas que nous croyons que veritablement l'esprit de Samuel ait esté excité de son corps: mais plustost quelque fantosme & illusion imaginaire, faite par la machination du diable, lequel est nommé par l'Escripture du nom de Samuel, pour autāt que les images ont acoustumé d'estre nōmees du nom de ceux, ou de celles, dont elles sont images. Car qui est-ce qui doute d'appeler vn homme, celuy qui seulement est peinct? Et qu'il ne soit ainsi, lors que nous voyons les Peintures d'vn chacun, nous leur baillons incontinent les propres noms, comme quand nous regardons vn pourtrait, nous disons, voila Ciceron, voila Saluste: encores que ce ne soit autre chose qu'vne image peinte. Il dit encores vn peu apres: Mais s'il est tout certain que les ima-



ges sont nommees par le mesme nom de ceux desquels elles sont images, quelle merueille y a-il en ce que l'Escripture dit, Samuel auoir esté veu: encorés que parauanture la seule image de Samuel soit aparue par la machination de celuy, lequel se transforme en Ange de lumiere, & ses ministres en ministres de iustice? Or si cela vous trouble, que les choses veritables ont esté dites à Saul par le malin esprit: on pourra par mesme maniere s'esmerveiller comment les diables ont conu IESVS CHRIST, lequel les Iuifs ne conoissoyent point. Car alors que DIEU veut que quelcun conoisse les choses veritables par les esprits plus bas & infernaux, à sauoir les choses temporelles appartenantes à ceste vie mortelle: il est facile & cōuenable que le Tout-puissant & iuste communique quelque diuination à ces esprits, par l'appareil occulte de ses mysteres, afin d'augmenter la peine de ceux, par lesquels telles choses sont predites, afin aussi qu'ils endurent en preuoyant le mal qui leur doit auenir, auant qu'il soit auenu, apres qu'ils l'ont entendu des Anges, pour l'annoncer aux hommes. Or ils entendent autant comme le Seigneur & gouverneur le commande & permet. De là aussi l'esprit Pythonique porte tesmoignage avec saint Paul aux Actes des Apostres, & tasche par ce moyen d'estre Euangeliste. Mais ces meschans meslent tousiours leurs tromperies, & annoncent la verité qu'ils ont peu entendre, non tāt pour enuie qu'ils ayent d'enseigner, que pour le plaisir qu'ils prennent à deceuoir. C'est parauanture ce que ceste image de Samuel, en predisant la mort à Saul, disoit aussi, qu'il seroit avec luy: ce qui est en tout & par tout faux. & le mesme auteur au 2. liure de la doctrine chrestienne, chap. 26. dit que ce Samuel fut vn fantosme representé par vn art illicite. Et celuy qui a escrit le liure des merueilles de l'Escripture sainte, lequel on attribue à S. Augustin, nie que c'ait esté le vray Samuel. Tertulian est de la mesme opinion, disant au liure de l'ame, que le diable trompa la deuineresse & Saul, par les yeux & par les oreilles. Origene en l'histoire de Barlaam maintient que les bons Anges & esprits bienheureux n'obeissent point aux enchantemēs. Iustin martyr en l'explication de la 52. question, asferme que le diable aparut en l'habit

2. Cor. II.



& figure de Samuel. Rabanus en l'epistre à l'abé Bonase dit que Saul contreuint au commandement de Dieu en adorant vn autre que le Seigneur, & pensant que ce fust Samuel il adora Satan, qui receut lors le payement de ses illusions: car tout ce à quoy il tend est de se faire adorer comme Dieu. Par deux moyens l'esprit malin descourrit, sans y penser, le masque duquel il estoit couuert: en ce qu'il se laissa adorer sous l'habit & le nom de Samuel, contre la loy de Dieu: puis il fit acroire fausement (veu qu'il y a trop grande difference entre les meschans & les bons) qu'un homme acablé de pechez seroit avec Samuel fidele seruiteur de Dieu. Or on peut voir aisément, en taisant le nom de Samuel, que Saul deuoit aller au diable.

*De la Necromance, que c'est, & qui sont ceux  
qui en ont vsé.*

## CHAP. XI.



N appelle Necromance, ou Necyomance, ceste espece de Magie, laquelle par sacrifices solennellement instituez & executez, & par horribles execratiōs, retire les ames des enfers, & les ayant tirees, les enqueste des choses futures: ainsi qu'il auint lors que la femme ressuscita Samuel en Endor. On dit qu'Ence s'en mesla estant venu en Italie, & apres que Misene le trompette eut esté tué. Il est aussi escrit en Lucain qu'Erychthone sorciere Thessaliene & enchâteresse ressuscita vn mort, lequel prognostiqua à Sexte Pompee l'euénement de la guerre Pharfallique. On raconte encor qu'Apollone ressuscita à Rome vne ieune fille le iour de ses noces, ayant ocultement prononcé quelques mots, dont ie m'esmerueille comment ce tant renommé escriuain Philostrate luy a en ceci serui de tesmoin. Il se vâte aussi d'auoir appelé des enfers l'ame d'Achilles, à celle fin qu'il eust à luy monstrier la grandeur de son corps, & qu'il luy respondist des choses qui auoyent esté faites en la guerre de Troye: le n'ay pas fait, dit-il, ainsi comme fit Vlysse en fouyisât la terre, & par le sang des agneaux tire l'ame d'Achille: mais ie me suis aidé de toutes les  
prie-

*Liure 6.  
Erychthone  
sorciere.*

*Philostrate  
lin. 4. en la  
vie d'Apollone.*



prieres, lesquelles les prestres Indiens commandoyent estre dites pour apaiser les ames des grands seigneurs. Apion Grammarien escrit aussi qu'il a fait venir l'ombre d'Homere, pour sauoir de quel pays il estoit, & de quelle parenté. Mais si ces choses ont esté ainsi faites, certainement ce sont pures menfonges & moqueries du diable, auxquelles les anciens ignorans Dieu estoyét fort adonnez, ne plus ne moins qu'ils se sont monstrez tellement estonnez de la vertu des herbes, qu'ils ont pensé que par le moyen d'une herbe on pouuoit estre resuscité. Ainsi Xante l'historien escrit au premier liure de ses histoires, qu'un petit dragon occis fut resuscité par une herbe que les Magiciens nomment Balis, par laquelle aussi Tillon, qu'un dragon auoir fait mourir, fut resuscité. Et Iuba roy de Mauritanie a escrit que un homme fut resuscité en Arabie par le moyen d'une autre herbe. Je suis d'opinion, d'autant que cela ne se peut faire, que ces hommes estoyét tombez en foibleses & euanouissemens, ou bien qu'ils estoyent presque morts par maladie, & que par l'application de ces herbes, leurs forces furent tellement restaurees, que par la vertu de la nature qui reprenoit sa vigueur, ils estoyent quasi comme resuscitez.

Et non seulement Saul a esté trouué delinquant en ceci, entre les Israelites: non seulement aussi les Ethniques se sont adressez aux diables cachez dedans les ombres des morts (car il ne se faut esmerueiller si ignorans Dieu, ils ont inuenté plusieurs manieres pour sauoir la volonté diuine, pour apaiser la diuinité, & pour sauoir les choses futures) mais aussi ceste folie est courue parmi le reste du peuple de Dieu, & a duré iusqu'en nostre temps, en quelques esprits mal arrestez. Car nos anciens ont conu es derniers ans, que lon auoit acoustumé d'appeler & interroguer les esprits des morts. Il y en a encore qui se peuuent bien souuenir qu'il y a eu plusieurs grans volumes ramassez touchant ceste matiere, qui ont esté proposez publiquement en quelques escoles. Quant à nous, nostre deuoir est de detester toute societé avec les diables & leurs seruiteurs, de peur que par leur conuersation nous soyons poluez, & empestrez en leurs rets par nostre nonchalance.



## CHAP. XI.



ASPAR Peucer, homme sauant & de grand leçon, à escrit tresdoctement, en ses commentaires des principales especes des deuinations, les ceremonies par lesquelles les anciens auoyent opinion que les ames estoient tirees des enfers. Item les monstrueuses especes des diuerses deuinations Magiques, & leurs prodigieuses matieres, salacieusement inuentees par l'artifice de Satan, pour l'éternel damnement des hommes: toutes lesquelles ont esté escrites dedans les histoires, & executees par les Ethniques. Combien qu'en ce docte œuvre lon trouue plusieurs choses tresdignes d'estre leuës & seruâtes à ce propos: toutesfois nous adiosterôs quelques points notables es articles suyuañs. S. Augustin au liure de la nature des dæmons, distingue entre les enchanteurs, deuins, aruspices, augures, pythoniques, faiseurs de natiuitez & sorciers: ce qui est aussi noté es De crets 26. q. 3. & 4. c. *igitur*. Nous appelons deuins tous ceux qui se meslent de predire l'auenir, en vertu de l'association manifeste par eux cōtractee avec les diables, ou par arts superstitieuses procedantes de l'accord secret qui est entre le diable & eux ses esclauës. On peut dire aussi que deuiner est asfermer vne chose qui n'est recueillie d'aucunes causes ni de signes vray semblables. Considerons maintenant les diuerses sortes de deuinations.

*Deuins*

*Lecanomance.*

PSELLE décrit la *Lecanomance*, & dit qu'elle a esté en vsage entre les Assyriens, aussi a elle bien esté familiere aux Chaldees & Egyptiens. Les Turcs en vsent auourd'huy, mais vn peu autrement. On auoit acoustumé de mettre des Lames d'or & d'argent, & des pierres precieuses marquées de certains caracteres en vn bassin plein d'eau: & apres que les mots acoustumez estoient prononcez, par lesquels l'esprit estoit appellé, on proposoit vne question: puis incōtinent on entendoit vn petit bruit sans aucune voix, qui estoit vn signe de l'entree de l'esprit: & apres ainsi que l'eau bouillonnait il en sortoit



sortoit des paroles gresles par lesquelles estoit respondu à la question. Les paroles estoient ainsi gresles tout expres, de peur que l'esprit ne fust repris de mensonge es choses qu'il ne conoissoit pas.

LA *Gastromance* estoit diferente à celle de deuant, en *Gastro-*  
ce que les responces ne se faisoient point par la voix, *mance.*  
mais par peintures. On dispoisoit des vaisseaux de verre, faite en forme ronde, & remplis d'eau pure & clere: à l'entour desquels on mettoit des cierges allumez: puis apres que l'inuocation de l'esprit estoit parfaite par vn secret barbotement, on auoit vn petit garçon vierge, ou vne femme enceinte qui prenoit garde au verre ententiuelement, & regardoit tout à l'entour, prioit, commandoit, & instammét demandoit responces, lesquelles à la parfin le diable donoï par des images empraintes dedans l'eau, qui se monstroyent au trauers des verres clers & luyfans.

LA *Catoptromance*, deuine les choses par le moyen des miroirs clers & bien nets: dedans lesquels les images des choses proposees aparoissent feinctement representees par le diable. Didie Iulien Empereur vsa sort de ceste deuination, & dit-on qu'il preuit plusieurs choses par les aduertissemens de Satan, lesquelles auindrēt depuis. *Catoptro-*  
*mance.*

LA *Chrystallomance*, fait raport à ses magiciens, ainsi cōme si elle prognostiquoit de quelques marques peintes, & des figures qui representent les choses à quenir, desquelles on s'enquiert, & ce par le moyen des Chrystals composez & bien polis, dedans lesquels le diable se iouē. Car en plusieurs il est caché & serré sous vne petite figure, & quelquesfois sous vne autre matiere. *Chrystallo-*  
*mance.*

LA *Dactylomance* est lors que les Magiciens deuinent par le moyen des anneaux, composez selon quelque certaine constitutiō du ciel, ou consacrez par ceremonies diaboliques. Il y en a plusieurs qui s'aident de ce diabolique deuinement, qui est defendu, lesquels toutefois sans estre punis demeurent entre les Chrestiens. Il n'y a pas long temps qu'un compagnon de ce mestier bailla à vn seigneur vn anneau consacré par mesme ce remonie, lequel il luy vendit la somme de vingt escus, & qui, comme il disoit, auoit la vertu de le faire tous-



iours gagner pendant qu'il le porteroit, iouant à quel que ieu que ce fut. Et pour en faire l'experience il le prit, & ioua fort heureusement. Estant donc aleché par ce premier gain, il luy bailla les vingt escus, & retournant en son premier exercice du ieu il perdit deux fois autant qu'il auoit gagné parauant. Parquoy se voyant trompé il fit rompre son anneau.

L'*HYDROMANCE* se faisoit en plusieurs manieres. On emplissoit vn petit vaisseau plein d'eau, puis avec le doigt on laissoit descendre dedans l'eau vn anneau pendu à vn fil: & ainsi par quelques mots on demandoit la declaration, ou confirmation de la chose demandee. Si ce que lon proposoit estoit vray, l'anneau frapoit de soy-mesme le vaisseau certains coups, sans estre poussé. On dit que Numa Pompilius se mesloit fort de ceste *hydromancer*, & qu'il demanda conseil à ses dieux appelez dedās l'eau. Il y en a encores quelques autres manieres.

L'*ONYCHOMANCE* se faisoit avec de l'huyle & de la suye, dont on frotoit l'ongle d'vn petit garçon vierge, que lon faisoit tourner vers le Soleil. Car ils pensoient que les figures des choses desirées se fissent par le meslange de l'huyle, de la suye, & des rayons du Soleil, encores qu'elles fussent faites par le diable tres-subtil ouurier, & qu'elles semblaissent paroistre & resplendir par ce meslange fait sur l'ongle.

Les Magiciens vsent de la *Coscinomance* & *Axinomance* pour reconnoistre & descouurir les auteurs des mesfaits, alors qu'on ne les peut apprehender, ils la font par le moyen d'vne hache qu'ils emmâchèt en vn pau, & par le moyen de quelques paroles, & des noms de ceux que lon tient pour suspects. Ils estiment celuy estre coupable du mesfait, sous le nom duquel la hache s'est rournée, ou branslee. Ils la font aussi par le moyen d'vn crible imposé sur des pincettes, lesquelles ils leuēt avec deux doigts seulemēt: puis ayans recité quelques prieres, ils font la cōiuration par mots inconnus & à eux, & aux autres, & nomment aussi les noms des suspects. Ils tiennent celuy pour coupable, sous le nom duquel le crible aura trembé, ou panché, ou tourné. Mais la fidelité qui estes diables monstre combien ceste chose est veritable: encores que celuy qui soustient avec les  
doigts



doigts le crible sur les pincettes le puisse bié faire mouoir selon son plaisir.

LA *Cephaleonomance* se fait avec la teste d'un Asnero stie sur les charbons, & avec quelques autres ceremonies, pratiquées iadis par les Alemans.

LA *Ceromance* se pratiquoit en fondant de la cire & la faisant degouter dedans l'eau, ou lon voyoit les representations des personnes. Ceste sorcellerie est encores auourd'hui pratiquée entre les Turcs.

L'AEROMANCE magnifiée par Aristophane poete Grec en sa comedie intitulee Les Nuees, s'auidoit de l'air & des mouuemens & parties d'iceluy.

THEOCRITE en son eglogue intitulee la Pharmacentrie fait mention de l'*Alphitomance* & *Aleuromance* qui se consideroit au froment meslé avec la farine. La *Tiromance* espece de sorcellerie, en laquelle on s'auidoit de fromage, & l'*Ichthyomance* ou lon vsoit de poissons, ont esté iadis pratiquées par Tiresie & Polydamas.

LA *Capnomance*, deuination en laquelle on se seruoit de semence bruslée de pauot, ou de sesame ietté sur les charbons. La *Botanomance* estoit vne sorte de charme faite par le moyen des herbes, comme avec fueilles de sauge. *Sycomance* avec fueilles de figuier. *Libanomance* avec l'encens. *Daphnimance* avec fueilles de laurier. Car par le son qu'elle rendoit en bruslant, ils coniecturoyent de l'auenir, comme il y en a plusieurs tesmoignages es anciens auteurs.

LA *Tephromance* estoit vne autre sorte de sorcellerie, quand on escriuoit dans les cendres, sur le doigt ou sur vn baston, la chose dont il falloit deuiner: car ils auoyent opinion que les lettres qui demeuroyent en leur entier monstroient ce qu'il falloit esperer pour l'auenir.

## DES SORCELERIES.

### CHAP. XIII.



VANT au mot de Sortilege ou de sorcellerie que les Grecs apellent Cleromance, il en faut maintenant dire quelque chose pour deux raisons. Premièrement, pource que ceste meschâceté n'est pas encor eua



nouie du monde, comme la pluspart des diuers enchan-  
temens susmentionnez: au contraire l'on void par trop  
souuent les grands & petits obseruer malheureusemēt  
les charmes & sorceries. En second lieu, d'autant que  
ie ne sache personne qui ait soigneusement remarqué  
les diuerses sortes de sorcellerie. Isidore dit ceux là estre  
Sortileges qui sous pretexte de religion, & par certains  
sorts, qu'ils nomment du non des Apostres & autres  
Saints, font mestier de deuiner. C'est vne sorte de  
superstition sous laquelle le diable se iouë souuent  
souuentement. De là procedent diuerses façons de  
deuiner, comme les points de la figure iettée, les dez,  
les figures de plomb iettées dans l'eau, la soudaine ren-  
contre de quelques mots en vn liure ouuert à l'auentu-  
re, & de quelque sentence non pensée: Item diuers au-  
tres indices compris sous ce nom de sort: cōme l'*astragalo-*  
*manie*, la deuination qui se faisoit par les osselets  
ou dez, selon le nombre qui se presentoit, comme du  
nombre des maris, femmes, enfans, pieces d'heritage &  
autres choses, ou quand le nombre ietté est considéré  
sur son auenture. Ces liures de la bonne ou mauuaise  
auenture, parlent de tous affaires qui peuuent tomber  
en l'entendement: & d'iceux à vn chacun est assignée  
l'assiette des dez & le nombre des points selon qu'ils  
sont iettez: & à l'endroit ou ils se rencontrent, c'est si-  
gne qu'il y faut chercher la resolution de ce qu'on veut  
sauoir. Plusieurs François passent le temps à fueiller  
tels liures de sort enrichis de leurs points & figures. Ce-  
ste sorcellerie est procedee des Pythagoriques, comme  
aussi l'arithmanie. On peut voir ces choses plus am-  
plement en Archid. in c. accusatus. §. sane, de hæret. li.  
6. in summa confess. in tit. de sortil. 2. & 3. question. Ho-  
stien. & Raym. in summa, eodem titulo. & S. Thom. se-  
cunda, quest. 95. in tit. de superstit. vers. ad quartum di-  
cendum.

*Onomance*

*Aletryo-*  
*manie.*

L'ONOMANCE est vne sorte de charme prise du  
nom de celuy qui a recours au sorcier, a sauoir par des  
lettres de son nom & par les figures d'icelles lettres. Il  
y a vne autre sorte de sorcellerie nommee Aletryomanie  
qui conuient avec la precedente, mais la façon de la  
pratiquer est estrange & ridicule. Car ils font vn grand  
cerce



cercle distribué en vingtquatre parties egales, en chacune desquelles y a vne lettre de l'Alphabet, & sur chacune d'icelles vn grain de bled. Puis on l'asche vn coq nourri expres pour cela, en prenât de pres garde quels grains il mangera. L'Empereur Valent estant en grande perplexité pour conoistre qui seroit son successeur, vn coq mangea les grains sur les lettres T H E O D. remarquant Theodose. En cest exemple on peut voir comme le diable fait se mesler parmi telles sorceries. Iean Leon au 8. liure de la description d'Afrique fait mention d'vn semblable trait des basteleurs du Caire en Egypte, qui monstrent des petits oiseaux en des layettes quarrées, lesquels presentent avec le bec des billets de bonne & mauuaise auenture. Celuy qui la desire sauoir, iette vne petite piece de monnoye à l'oiseau, qui le prend du bec & le porte en la layette, d'où il sort portant au bec vn billet ou est la response. On peut voir par ce qu'en dit ce mesme auteur, que tout cela est vne imposture dont le diable se sert pour imprimer tant plus auant la superstition en l'entendement de ces peuples.

VENONS maintenant à la *Stichiomance*, laquelle se pratique en regardât soudainement en vn liure ouuert pour s'arrester à la sentence ou au vers reuenant à la question proposee quelquesfois avec le iet de dez, par fois sans iceluy. Et pource que les poemes estoient estimez predictions, & les Poetes iadis apelez deuins, c'estoit par le moyen de leurs vers que ceste charmerie estoit en credit. Es causes publiques on s'arrestoit aux vers des Sybilles: es particulieres des Grecs, aux vers d'Homere, & des Latins à ceux de Virgile, comme les exemples s'en lisent es histoires de Socrates, Alexandre Seuer, Marcus Brutus, Claude Cesar, Opilius Macrinus, l'Empereur Adrian, Claude second predecesseur d'Aureliam, & en plusieurs autres. Voila les diuerfes sortes de sorts & sortileges ainsi appelez non seulement pource qu'on tiroit les sorts de dedâs vne vecie ou autre vaisseau, mais aussi pource qu'on les lisoit. Car les vers rencontrez par sort estoient leus, comme nous l'auons monitré ci deuant, & il apert par les oracles de Delphes, que ceux qui interroguoyent le diable receuoient les sorts come vne response par escrit. Valerius

*Stichio-  
mance.*



Liure  
chap. 6.

I. Maximus escrit que les Ambassadeurs enuoyez en Delphes, à cause du desbordement du lac d'Albe rapportèrent que les sorts commandoyent que lon espendist par les champs l'eau sortie de ce lac. L'estime que lon appelle sortileges ceux qui recueilleoyent & lisoient ces sorts escrits en papier, ou en parchemin, ou sur quelque autre escorce. Or il apert que le diable n'oubloit pas à mesler ses illusions parmi tels sortileges, pource que les ceremonies qui s'y pratiquoyent estoient abominables, & inuentees seulement pour entretenir les gens en superstition, les rendre plus idolâtres & sanguinaires.

*De la Gastrimance, & des Pythoniques.*

### CHAP. XIII.



OMB I E N que nous ayons dit quelque chose ci deuant des Pythoniques, toutes-fois d'autant que lors nostre intention n'a esté sinon d'expliquer les noms que l'Escriture donne aux Magiciens infames: maintenant premier que passer plus outre il faut considérer vn peu plus exactement ce mot, à cause de son frequent usage. Aucuns ont estimé qu'Apollon auoit esté surnommé Pythien; à cause d'un fort dangereux dragon nommé Python, lequel il tua à coups de fiesches: & que depuis l'esprit dont estoient inspirez ceux qui entre les idolâtres predisoient l'auenir, fut apelé Python. Les autres disent que cest oracle fut apelé Pythien, du mot Grec *Pyntaneste* qui signifie s'enquerir, pource qu'on demandoit auis de choses auenir, cachees & secrettes. De cest oracle, la ville de Delphes fut apelee Pythus, & Apollon qu'ils estimoyent patron du lieu, & qui estoit dans le temple en image d'homme faite de fin or, fut surnommé Pythien. La deuineresse qui receuoit le diable, & par son instinct prononçoit les oracles en Grec, estoit apelee Pythie & Pythomante. Chrysostome parlant de ceste deuineresse & de l'oracle d'Apollon, dit que c'estoit vne femme qui s'asseoit sur vn trepié, & en escarquillant les iambes l'esprit malin venoit par dessous & entroit es parties honteuses d'icelle: lors elle deuenoit hors



hors du sens, ayant les cheueux esparpillez, escumant par la bouche, puis commençoit à pronôcer ses oracles. Sainct Hierosme dit que Methodius composâ vn liure de la deuineresse, contre Origene, lequel au troisieme liure des principes escrit que l'esprit Pythonique possede plusieurs personnes des leur enfance. Ceste seruantte, qui auoit vn esprit Pythonique, dôt est faite mêtion aux Actes des Apostres, gaignoit beaucoup d'argent à ses maistres en deuinant. Ces deuineresses de Delphes se lauoyent premierement au fleuve de Cephisus qui passoit au long de la ville: aucuns tiennent qu'elles en buuoyent, & qu'il leur en prenoit comme à ceux qui buuans de l'eau d'vn fleuve de Phrigie, nommé Gallus, deuenoyent furieux: à l'ocasion duquel les prestres de Cibeles furent nommez Gallois: car ils se chastroyent eux-mesmes, & en leurs sacrifices tenoyent des contenance de gens furieux.

RESTE maintenant de considerer vne autre sorte de deuination nommee *Gastromance*. Or combien que la deuination procede de l'esprit malin enclos dâs le corps humain, il y en a toutesfois de diuerses sortes, selon les lieux & parties d'ou elle procede. Car en la *Stetnomance* les esprits enclos en la poitrine, l'orifice de laquelle les Grecs nomment *Sternon* suggeroyent où eux-mesmes prononçoient par la bouche des deuins (qu'ils empeschoyent de parler) ce qu'on leur demandoit. Mais la *Gastromance* deuine par le moyen des esprits enfermez dedans le ventre. Et pourtât nous auons dit que tels deuins sont appelez *Ventriloqui* par les Latins & *Engastrimyi* par les Grecs, & que les oracles des esprits Pythoniques mentionnez es saintes escriptures, & des deuineresses en Delphes, estoient ainsi prononcez: encores qu'il y ait quelque difference à raison du sexe, ce qui n'a point encor esté remarqué que ie sache. Le diable qui parloit par la deuineresse Delphique se faisoit ouyr par les parties basses. Tertulian auteur de fort grande autorité aserme auoir veu des deuineresses parlantes du ventre, & que de leurs parties honteuses procedoit vne voix qui respondoit à ceux qui les interrogoyêt. Aussi Cælius Rhodiginus escrit qu'il a veu du temps de nos peres en sa ville qui est en Italie vne fem-



me engastrimyte, des parties honteuses de laquelle il a souuent ouï la voix de l'esprit immonde, fort gresle & toutesfois entendible en tous les mots, parlant des choses presentes & passees au grand estonnement de tous: mais pour le regard de ce qui estoit à venir plus souuēt vain & mensonger. Mais ces esprits immondes ne peuvent pas proferer leurs prediCTIONS par vn si vilain moyen es hommes, ains s'aident de la bouche d'iceux, comme dit a esté ci dessus d'Eurycles celebré par Aristophane. L'an mil cinq cens soixante, comme Adrian Turnebe lors professeur en Grec à Paris interpretoit vne comedie d'Aristophane intitulee les Guespes, il aserma en vne de ses leçons publiques, ou se trouuerent mes deux fils Theodore docteur en loix, & Henri docteur en medecine: qu'autresfois il auoit veu dās Paris vn tel rustre qu'Eurycles, qui s'apeloit Pierre le Brabāson. Iceluy, quand bon luy sembloit parloit du ventre, tenant la bouche ouuerte, sans remuer les leures: & par telle art & dexterité ou par l'imposture du diable il affrontoit beaucoup de gens. Il deuint amoureux d'vne ieune & belle Parisienne, orpheline de pere. Ne pouvant induire la mere à la luy donner en mariage: finalement comme vn iour ils en estoient en propos, il commence à faire sortir vne voix de son corps, comme si le defunct mari se fust plaint d'estre fort tourmenté eu purgatoire à cause de la desiance de sa femme, qui ne vouloit bailler leur fille pour femme à Brabāson qui l'auoit tant de fois demandee, & qui estoit si homme de bien. La femme effrayee de telles complaints, ayant compassion de son mari, consentit à ce que demā doit ce garnement, lequel ne cherchoit pas tant la fille que l'argent que son pere luy auoit laissé par testament, comme il aparut puis apres. Car six mois apres estre marié, & qu'il eust despensé tout le mariage de sa femme, il abandonna femme & belle mere, & s'enfuit à Lyon. Il entédit qu'vn riche banquier estoit mort quel que temps auparauant, lequel en sa vie auoit esté fort mal renommé à cause de ses rapines. Surce il va trouuer le fils & heritier vnique de ce banquier, lequel se pourmenoit en vne gallerie pres du cœmĩtiere, & luy fit entendre qu'il estoit enuoyé vers luy pour luy apren-  
dre ce



dre ce qu'il auoit à faire. Et surce qu'il l'admonnestoit de penser plus à l'ame & à l'honneur de son pere qu'à sa mort, on entendit soudain vne voix contrefaisant celle du pere, laquelle le Brabançon faisoit sortir de son ventre: & cependant il iouoit à l'esbahi avec vne dexterité singuliere. Par ceste voix le fils estoit admonnesté de l'estat auquel le pere estoit reduit par sa meschanceté, & de quelles peines il estoit tourmenté au feu de purgatoire, tant pour soy que pour son fils qu'il auoit laissé heritier de tous ses biens acquis en mauuaise conscience: declarant qu'il ne pouuoit estre deliuré, si son fils ne satisfaisoit deuëment, distribuant des aumosnes à ceux qui selon le temps d'alors pouuoient estre en plus vrgente necessité: que ceux là estoient les Chrestiens prisonniers des Turcs: & qu'il s'en fust au personnage qui parloit à luy, lequel estoit enuoyé en Constantinople, par d'autres gens de bien, & que Dieu l'auoit adressé bien à point vers ce fils pour mesme effect. Le fils qui n'estoit pas des plus auisez du monde, encor qu'il ne se doutast d'aucune fraude, toutesfois ne pouuant bien digerer ce mot de fournir argent, respondit qu'il y penseroit, & assigne le Brabançon au lendemain en ce mesme lieu. Ce pendant il se trouuoit en merueilleuse angoisse, & tenoit pour suspect ce lieu ou la voix auoit parlé, pource qu'il estoit à couuert, à l'ombre, resonnant, & propre à faire quelque fourbe. Parquoy le lendemain il mene le Brabançon en vn autre lieu descouuert, plat, & ou il n'y auoit buisson ni ombre quelconque. Neantmoins en deuisant ensemble il ouyt la chanson susmentionnée, avec adition, que sans aucun delay il baillast six mille francs au Brabançon, & que tous les iours il fust chanter trois messes pour le salut de son pere: autrement il estoit damné pour tout iamais. Le fils conscientieux ou plustost superstitieux, mit es mains du Brabançon, assez à regret neantmoins, ceste somme de six mille frâcs sans se soucier d'en prendre quelque reconnaissance par escrit. Le pere deliuré de purgatoire, & des coups de marteau de Vulcain, ne reuint plus importuner son fils, lequel apres auoir dit adieu au Brabançon, qui se retira avec sa proye, cōme il se monstra plus ioyeux que de coustume, dōt les autres bâquiers estoient esbahis, apres



en auoir entendu l'ocasion, se mocquerent de luy de s'estre ainsi laissé purger la ceruelle & la bourse, ce qui le facha tellement que peu de temps apres il mourut & alla vers son pere pour sauoir la verité de ce faict. Berno refute les opinions & erreurs de tous ces deuins, au liure du mespris des deuinations diaboliques, comme il apert par l'epistre escrete à Meinfroy.

*De la Gyromance, des Charlatans ou Triacleurs, & des images appelees Theraphim.*

### CHAP. XV.



N trouue à Fez en Afrique vne sorte de Charlatans & de deuins appelez *Mubazzimin*, cest à dire enchanteurs. Ils ont le bruit entre tous autres Magiciens, de pouuoir chasser promptement les diables. Et pour ce que quelquesfois les choses succedent selon qu'ils les ont predites, on ne sauroit estimer combien cela accroît leur credit. S'ils ne peuuent chasser quelque diable, ils disent que c'est vn esprit de l'air. Or la maniere de le coniurer est telle. Ils forment certains caracteres dans des cercles au milieu d'un foyer ou autre chose: puis font certaines marques sur la main ou sur le frôt du malade: & apres l'auoir parfumé de quelques senteurs commencent à faire l'enchanteement, coniurans l'esprit à qui ils demandent par quel moyen il est entré dedans ce corps, d'où il est, comment il a nom, finalement ils luy commandent de sortir.

*Zainagia.* Il y en a d'une autre sorte, qui se gouuernét par vne certaine reigle cabalistique qu'ils apelent *Zainagia*, laquelle n'est point escrete, car ils estimét que ce soit vne science naturelle: & ne trouue-on deuins en la ville de Fez qui respondent plus veritablement & asseurement aux demandes qu'on leur fait. Mais ceste reigle est tres difficile, & faut que celuy qui s'en veut aider ait aussi grâde connoissance de l'astrologie que de la cabale. Iean Leon Africain testifie au 3. liu. de sa description d'Afrique, ou il raconte ce que dessus, qu'il a veu vn de ces maistres Cabalistes employer tout vn iour à faire vne figure laquelle est composee presque en la maniere suyuant. Ils font plusieurs cercles l'un dedans l'au-



L'autre, au premier desquels ils formēt vne croix, & aux extremitēz d'icelle les quatre parties du monde, c'est asauoir Orient, Occident, Septentrion & Midy. Au centre ou les lignes se rencontrent, ils mettent les deux Poles, & hors du premier cercle sont situez les quatre elemens. Puis ils diuisent le cercle en quatre parties, & le suyuant finalement. Apres cela ils partissent chasque partie en sept, & y impriment certains grands caractères Arabiques au nombre de vingtsept ou vingthuit pour chaque element. En l'autre cercle ils posent les sept planettes: au suyuant les douze signes du Zodiaque, & en celuy d'apres les douze mois de l'an selon les Latins: au suyuant les vingthuit maisons ou signes de la Lune: au dernier les trois cens soixante cinq iours de l'an. Hors de tout cela ils mettent les quatre principaux vents, puis choisissent vne lettre de la chose demādee, & vont multipliant avec les choses nōbrees, iusques à ce qu'ils sachent quel nombre porte le caractère. Apres ils la diuisent en certaine maniere, la metrans en parties selon que le caractère est & selon l'element situé: tellement qu'apres la multiplication, diuision & dimension, ils sauent le caractère propre pour le nombre qui est resté. Et sont du caractère trouué ainsi que du premier, & ainsi consequemment iusques à ce qu'ils viennent trouuer vingthuit caracteres, desquels ils forment vne diētion & reduisent la diētion en oraison, tousiours en vers mesurē, selon la premiere sorte des vers Arabiques, qui s'appelēt Ethauil, lesquels ont huit pieds & douze bastons, selon l'art poetique des Arabes. Or de ces vers qui prouiennent des caracteres sort vne vraye & infailible respōse. Premie remēt la chose demandee en procede, puis la response de ce qui se demāde, & ne se mescontēt iamais en cela: chose (ce dit Iean Leon) certainement miraculeuse & d'autant plus admirable que ie ne pense point auoir veu chose qui fust estimee naturelle auoir tant de diuinité, ni qui seblast mieux supernatuelle que ceste ci. L'ay encor (adiouste-il) veu faire vne autre figure au college du Roy Abul Hunan, en la cité de Fez, en vn lieu decouuert, lequel estoit paué de fin marbre, blāc & poli, & y auoit distance entre chacun angle l'espace de cin-



quante coudees, dont les deux tiers furent occupez des choses dequoy se deuoit faire la figure, pour laquelle fournir y auoit trois hommes, vn chacun desquels prenoit garde de son costé: neantmoins ils y demurerent vn iour entier. I'en vis faire vn autre à Thunis par vn excellent maistre, lequel auoit commenté sur la reigle susmentionnee, en deux volumes qui sont tenus en grã de reputation par ceux qui ont l'intelligence d'icelle. Je me suis trouué depuis ma conoissance es lieux où lon en a fait trois: & ay encore veu avec ce deux commentaires sur ceste reigle, & vn autre de Margian, qui estoit pere du maistre que ie vis à Thunis, avec vn autre d'Ibne Caldun historien. Et si quelqu'un auoit enuie de voir ceste reigle commencee, il ne sauroit despendre cinquante ducats, pource que passant à Thunis qui est prochaine d'Italie, on la recouurerait aisément. Brief, & en general il y a trois sortes de deuins à Fez. Les premiers vsent de figures Geomantiques ou Gyromantiques. Les seconds mettēt de l'eau dans vn bassin de verre, & avec vne goutte d'huyle qui la rend transparente, comme vn bassin d'acier, disent qu'ils voyent passer les diables à gros esquadrons, venans les vns par eau, les autres par terre, & combatans en campagne. A l'heure qu'ils les voyent arrestez ils les interroguent: & les malins esprits respondent avec quelque mouuement d'yeux ou de mains: ce qui monstre assez combien sont despourueus de sens ceux qui y aioustent foy. Aucunes fois ils mettēt le bassin es mains d'un enfant de huit ou neuf ans, auquel ils demandent s'il a pas veu tel & tel esprit. Plusieurs sont si hebetez qu'ils despendent de grands deniers apres telles badineries. Les troisiemes sont certaines femmes qui se disent auoir acointance avec des diables blancs, & disent qu'il y en a d'autres noirs & rouges.

IL y a encores aujourd'huy au cœmitiere, ou marché public de Constantinople, des Turcs hommes & femmes, & principalement des Egyptiennes, lesquelles estoient premierement idolatres, & font profession de deuiner, & en viuent. Ils prognostiquent apres auoir marqué quelques figures dedans le sable, ou ietté quelques dez, ou bien ramassé quelques nombres de mar-

ques,

Trois sortes de deuins à Fez

ques

d'ouls

ques



ques, leu & barboté ie ne say quoy dedans vn liure: ou apres qu'ils ont meslé de la cire avec de l'huyle, ils atendent qu'elle soit refroidie, puis ils deuinent selon les caracteres qui y aparoiſſent. Quelquesfois ils prognostiquent par le moyen de l'eau, d'un verre, d'un miroir, & autres pareils instrumens, & y sont tellement faſonnez par le maistre d'impieté & incredulité, que meſme il semble que de leur premiere ieunesse ils ayent tecté ce pernicieux laict aux māmelles de leurs meres. Ainsi Appulee escrit d'un deuin nommé Diophanes: Il y a dit-il, maintenant à Corinthe vn Chaldeen estrange, lequel trouble toute la ville par des responces esmerueillables, & pour amasser de l'argent donne entendre au peuple les secrets des destinees, quel iour est bon pour faire que le mariage dure long temps, quel iour fait les edifices perpetuels, quel iour est commode aux marchans, plus celebre aux voyageurs, & plus oportun aux nauigateurs. Il m'a meſme respondu plusieurs choses esmerueillables & estranges, lors que ie l'ay enquesté de l'issue de mon voyage. Toutesfois la Sibile Erithree tesmoigne toutes ces choses estre fausses, disant: Que tout ce que les hommes cherchent curieusement des iours sont toutes impostures.

Theraphim esloyent des images predisantes les choses auenir, faites en la forme que s'ensuit, selō le tesmoignage d'Elie Leuite. Ils tuoyent vn homme premier né, en luy tordant & coupant la teste, puis la garnissoyēt de sel & de senteurs aromatiques, la couuroyēt d'une platine d'or, sur laquelle estoit escrit le noui d'un esprit. Cela fait ils dressoyent ceste teste contre vne paroi, alumoyent des chandelles deuant, & l'adoroyent.

*Qu'il ne faut point croire aux prognostications des deuineurs Magiciens: & qu'il ne se faut point adresser à eux.*

## CHAP. XVI



Re ces manieres de prognostications antilogites, c'est à dire qui n'ont aucunes causes en nature, sont defendues tresexpressément en la loy de Dieu, où elles sont nommées de diuers noms: cōme aussi tousiours



les impostures des deuinations ont esté diuerses entre tous les Gentils. Au 8. chapitre de Deuteronomie, le Seigneur dit, Il ne se trouuera point en toy Magiciën vñant d'art magique, ni homme ayant esgard au temps & aux oiseaux, ni sorcier, n'enchanteur qui enchante, ni homme demandant conseil aux esprits familiers, ni deuins, ni demandans auis aux morts. Par le mot de Magicien ou deuin, aucuns entendent celuy qui par charmes & intelligence qu'il a avec l'esprit malin s'enquiert s'il est bon se mettre en chemin ou entreprendre ceci ou cela. Par celuy qui a esgard au temps est entendu le deuin qui donne responce en considerant les nuees & les astres, & qui conseille qu'on se garde de tel & tel iour, encores qu'ils ne soyent suiers aux influences des planettes & estoiles pour tel regard, comme si lon se marie, ou qu'on bastisse sous tel & tel aspect, ils se messent de dire qu'il y aura de la malé contre. Par le deuin qui prend garde aux oiseaux est entendu celuy qui obserue le vol & gazouillis des oiseaux pour en prognostiquer bié ou mal auenir, cômé il predira la mort de quelcun s'il oit craqueter yn corbeau. Il se faut toutesfois esmerveiller grâdemēt que la prudēce soit ostee aux hōmes iusques à ce point, qu'ils pensent qu'yn esprit tresnoble de nature, mais tresmeschant par malice, à cause de sa rebellion, vueille escouter, obeir, estre poulsé & lié par la propre vertu de l'homme, lequel luy est inferieur de nature, & presque semblable en malice: comme si celuy se vouloit contre sa nature donner à l'homme, lequel a refusé d'estre suiet de Dieu le Createur, vers lequel sa nature le tiroit. Celuy donc, qui a violé la paction naturelle, ne gardera iamais le traité qui sera à nostre vsage & proufit. Ioint qu'yn menteur, & pere de mensonge tourne toutes les choses vrayes à fausseté, & tontes les bones à malice. Qui se fiera donc à luy, si ce n'est vn hōme qui soit hors du sēs pour sauoir yne verité future, la quelle ou il ignore du tout (car elle n'est pas conue par sa nature, ou bié elle ne luy est pas reuelee) ou s'il la conoit il l'envelope en mensonges par vne finesse malicieuse? Et s'il auient que quelquesfois il la prononce telle qu'elle est, ou il sera contraint, ou s'il fait librement & de sa volenté, ce sera d'yn mauuais vouloir, &

pour



pour mauuaise fin, asauoir pour puis apres nuire plus pernicieusement: & afin qu'ayant dit vne telle quelle verité, qui ne sera de grande importance, il puisse apres blesser plus cruellement, par le moyen d'une autre, laquelle n'estant conue en tout & par tout, doit apporter quelque grand inconuenient ou perte. Voila comme par ce moyen ce pecheur infernal cache plus cauteleu semēt ses mensonges, ou son amorce venimeuse & pernicieuse. Celuy donc est bien fol, qui va au conseil à luy, & encorés plus fol celuy qui y estant allé ne s'en repent au retour. Cependant toutesfoisie ne veux pas nier qu'il n'entende bien la nature des choses: & que par ce moyen il ne puisse sauoir plusieurs choses deuant qu'elles soyent conues par les hommes: & dautant plus exactement, que son esprit est plus subtil. Il annon ce ces choses aux ignorans, comme vn larron: & principalement à ceux, par les actes desquels il aperçoit quel que cōmencement de croyāce, par laquelle ils puissent pēser qu'il prognostique, & conoist les choses occultes & cachees. I. François Pic, philosophe tresinsigne, dispute doctemēt & religieusement à ce propos cōtre les prognosticatiōs Magiques, en neuf liures des Predictions, & principalement au 7. S. Chrisostome sur l'Euangile de saint Iean, Homelie 18. La prediction des choses futures, dit-il, est seulement vne œuvre de Dieu immortel, & non d'autre. Mais s'il est auenu que les diables ayent predict quelque chose, ils ont deceu le pauvre & simple peuple: car toutes leurs prognostications se trouuēt tousiours fausses. Nous auons aussi dit quelque chose à ce propos au 1. liu. chap. 9. Et pourtant ce que dit Origene au 3. liure de ses commentaires sur Iob demeure ferme: Ceux (dit-il) qui ont recours aux vains augures & enchantemens, prognostications, ligatures & forcele ries, se fouruoient, leur trauail est inutile, la grace de Dieu s'esloigne d'eux, les saints Anges les abandonnent, le diable leur tient compagnie, infatuant leurs esprits, endureissant leurs cœurs, & les desliouant de droite intelligence. &c. I'adiousteray encor le tesmoignage de Pierre de Blois en l'epistre 49. Souuentesfois (dit-il) le pere de mensonge descouure quelque ombre de verité, iusqu'à ce qu'il ait precipité avec soy en en-



fer les enfans d'infidelité. Ainsi donc le Chrestien pour estre sauant, ne se doit point enquester des choses auenir, mais s'affuiettir humblement à la volonté de celuy qui dispose sagement de toutes choses, & à qui personne n'a donné conseil. &c. Ne te tourmente point pour conoistre les temps & les saisons que le pere a reservees sous sa puissance. Car de vouloir conoistre l'auenir par augures ou autres moyens illicites, c'est vne tentation diabolique, & occasion de damnation eternelle, &c. Il auient souuent que les prediçons auiennent selon qu'elles ont esté declarees, pour cela toutes fois il n'y faut pas aiouster foy: car combien qu'ils disent vray de fois à autre, si est-ce que le plus souuent ils mentent à la confusion de ceux qui y aiouster foy. Et ne te scandalise si quelquesfois il est auenu par la permission de Dieu que gens de marque ayent accepté telles impostures. Il faut ioindre à ce que dessus vne telle sentence de saint Antoine, Encore que nous acordions (dit-il) que les diables annōcent pour certain ce qui doit auenir, dites moy quel proufit il y a de conoistre les choses futures? Celuy qui les a sceuës en a il esté plus estimé, & celuy qui les a ignorees plus chastié? Ce en quoy vn chacun s'apreste tourment ou gloire est le mespris ou l'acomplissement des commandemens de Dieu. Personne de nous n'entre au monde pour auoir conoissance des choses auenir: mais pour obeir aux commandemens de Dieu, & en ce faisant de seruiteur devenir maître. Il ne se faut pas soucier de sauoir ce qui est auenir, mais d'acomplir ce qui est commandé.

PAR QVOY Phauorinus en Aulugelle, voulant retirer, & empescher les ieunes hommes d'aller à ces faiseurs de natiuitez, & autres, qui par art monstrueux promettēt de dire les choses futures: & leur voulāt persuaader qu'il ne faut aucunemēt se cōseiller à eux, en faisoit la preuue par tels argumens: Ces gens, dit-il, disent les choses futures bōnes, ou mauuaises. s'ils disent des choses bonnes, & qu'ils te trompent, tu seras miserable en attendant en vain: mais s'ils t'annoncent des choses vrayes, & qu'elles ne soyent point bonnes, tu seras desia miserable en esprit, deuāt que tu le sois par la destinee. si elles sont bonnes & qu'elles doyuent auenir, alors il y

aura



aura deux incommoditez : car l'attente qui tousiours te tiendra suspens te laissera, & l'esperance aura defleuré tout le fruit de ton aise. Il ne faut donc se seruir aucunement de ces gens qui prognostiquent les choses auenir.

**I'ADIOVSTERAY** ici vn exemple nouveau d'estrange cruauté, duquel se seruit le Duc Iean Galeaz pour rembarrer les deuinations & la vanité de l'astrologie iudiciaire. Vn certain Astrologue, coustumier de conoistre & predire, avec heureux succés, plusieurs choses d'importance, fichant vn iour fort atentiuelement les yeux sur Iean Galeaz, luy dit, Pensez vistement à voz affaires, car vous ne pouuez plus guerres viure. Pourquoy donc, dit Galeaz? à cause, respond l'autre, que les estoilles, dont i'ay marqué les regions & situations au iour de vostre naissance, vous menacent de mort auant que soyez sorti de ieunesse. Surce Galeaz commença à l'interroguer pour le surprendre, en ces termes : & toy, dit-il, qui aioustes foy à ces natiuitez, comme à Dieu mesmes, combien de temps as-tu encor à viure? L'Astrologue respond que les estoilles luy promettoient vn assez long terme. Voire, repliqua Galeaz, & afin que ci apres tu ne te persuades viure trop longuement en te fiant ainsi en la bonté & douceur des estoilles, tu mourras promptement, & contre ton opinion : & quand toutes les estoilles seroyent assemblees elles ne te pourront sauuer toy qui si inconsiderément & vilainement menaces de mort les hommes d'autorité. Disant cela il fit empoigner, emprisonner, puis estrangler cest Astrologue.

**OR** ie permets vn plus exquis denombrement de ces arts diaboliques à ceux qui les ont apprises, & qui par le conseil, conduite, & aide de leur maistre & docteur, sont si osez, que de l'exercer à leur ruine, & à la perte des autres qu'ils attirent meschamment en la communicatió de leurs execrables mesfaits. Il nous faut cependant douloir que ceste peste court ainsi cruellemét, & demeure trop long temps entre les Chrestiens, principalement es lieux ou le nom de l'Euangile n'est encore clairemét entédu, & où la verité du seruice diuin est gaste par ie ne scay quelles payennes ceremonies & superstitions, lesquelles sans aucun doute, ont esté inuen-



tees par la finesse du diable, pour tromper les hommes.

*Du deuinement Magique & fausse Medecine de  
quelques prestres & moynes.*

## CHAP. XVII.



Il y a plusieurs prestres & moynes, qui doyent estre mis en ce roolle & estimez de la famille de ceux qui sont remplis de l'esprit Pythonique, & qui doyuét à bõ droit estre escrits au papier des Magiciens, & pour quelque occasion que ce soit n'en doyuent estre rayez. Ce sont gens qui, comme ils sont ignares, sont aussi impudens & meschans iusques au bout. le n'entens ici detracter des gens de bien, lesquels i'honore & reuere. Ils se vantent impudemment de conoistre la sacree Medecine: & encores qu'il soit certain qu'onques ils ne la gouterent du bout des leures: si est-ce qu'ils n'ont point de honte de respondre d'une bouche mensongere, & persuader au pauvre peuple (i'ay honte de nommer des Conseillers, gens de sauoir, de iugement, & d'autorité) lequel a recours à eux en plusieurs maladies, & leur en demande conseil: Ils n'ont, di-ie, honte de respondre qu'elle procede de forcellerie & d'enchantement, & cependant encore ces bons deuineurs Pythiens osent bien malheureusement monstresouuentefois, & par le moyen de leur art, l'enchanteresse ou forcieri, qu'ils disent en estre cause. Mesme ils en donnent le plus souuent le blasme à quelque honneste, innocente, & bonne matrone, dõt iamais elle n'en pourra, ni mesme sa posterité estre du tout purgee. Car ce ne leur est pas assez, & ne leur suffit d'auoir controuué la maladie en mentant, si quant & quant ils ne calõnient les innocens, & s'ils ne remplissent le vulgaire, qui de sa nature croit facilement, d'une haine irreconciliable: & s'ils ne font retentir tout vn voisinage de proces & de plaideries, s'ils ne desioignent les amitez, s'ils ne rompent le lien d'vnion estraint par l'alliance de consanguinité: s'ils n'incitent à debats, s'ils ne procurent des poisons, & si en la fin ils ne machinent, & sont cause  
des



des meurtres que feront ceux qui veulēt venger l'inno-  
cēce de celle qui est acufée du mesfait, & qui par ce mo-  
yē luy veulēt aider: brefs'ils ne sont cause de la mort de  
la femme qui est meurtrie par les autres, ou mal punie  
par le magistrat. Si ie dis que ie suis tesmoin viuant de  
ces choses, ie ne mētiray point: & en deusse creuer l'en-  
uieux, ou les adherans de ceste secte. Voila comment  
ces bons piliers d'Eglise sont les principaux esclaves de  
leur maitre Beelsebub, lequel ie glorifie d'estre bien  
serui, principalement sous le manteau de religion. Car  
pour mieux attirer de l'argēt, & comme se demangeans  
de l'enuie qu'ils ont d'estre bien estimez, ils font mar-  
ché par ce moyen de leurs ames, & de celles d'autrui  
qu'ils voient au diable: & par ceste fausse opinion d'en-  
chantemens, qu'ils disent estre és maladies naturelles,  
ils gastent au preiudice de la vie, & du salut la medeci-  
ne la plus ancienne, & la plus vtile, & plus necessaire de  
toutes les sciences.

**QUELCVN** du nombre de ces imposteurs escrit en  
vn sot Dialogue composé depuis peu de temps, imprime  
en langue Alemāde (aussi n'eust-il peu (tant il estoit  
beste) l'escire en latin) que le vêtre d'une femme par-  
uint à telle enflure, que lon pensoit qu'elle fust grosse  
d'enfant, si bien qu'e sperant acoucher auant Careme-  
prenāt, & voyant qu'elle en estoit trompee, elle s'adres-  
sa vers luy. Cest imposteur iure fort & ferme, qu'il luy  
fit sortir du ventre deux quartes de noyaux de cerises,  
apres qu'il luy eust donné vne medecine, la pluspart  
desquels estoyent desia germez, & les autres estoyent  
montez d'un doigt de haut. Or sa menterie est descou-  
uerte, parce que tous ses noyaux n'eussent sceu estre en  
autre lieu que dedans les boyaux. Mais si par l'espace  
d'enuirō neuf mois, qu'il y auoit que les cerises de l'an-  
nee passée estoyent faillies, ils eussent esté entassez en  
cette partie, & que là ils eussent fait vne telle enflure,  
que mesmes ils commençoient à germer: par quelle  
voye, ie vous prie, les ordures ordinaires sortoyent-el-  
les du corps cependant, puisque les boyaux estoyent  
remplis de noyaux entassez? C'est merueille qu'il n'a  
attaché à ceste menterie, que la femme ayant pris la me-  
decine sema par mesme moyē tout vn chāp de noyaux



de cerises, ou que si elle ne les eust iettez hors, elle eust peu, en peu de temps apres engendrer & faire paroistre de fort belles cerises, puisque les racines estoient prises en vn lieu si bien fumé: vous me pardonnerez, si la sottie du fait me contraint ainsi parler. Ce mesme rustre en fit autant en vne ville de Gueldres, ou quelquesfois i'ay exercé la medecine aux gages du public. Il entra donques en vne Abbaye de religieuses, & fit acroire à l'une d'elles, qui estoit malade de quelque maladie, que son mal venoit de sorcellerie & de charme, & qu'il ne pouuoit estre chassé que premierement on ne celebrast le sacrifice de la Messe, sur son ventre: mais depuis que elle l'eut permis, & qu'il fut ainsi executé, la gouuernante de l'Abbaye, que lon nomme la mere, femme noble & reueree tant à cause de son aage, que de sa sainteté, s'est tousiours plainte que dès ceste heure elle auoit commencé à estre malade de sorcellerie, là où parauant elle ne l'estoit que bié peu de maladie naturelle. Ce pendant ce sot ioueur de farces, escriuain de folies, & mesme Curé de son estat, ne laisse pas d'auoir des gens qui le reuerent, à cause paraenture du nom de religion. encore que ie le conoisse & dedans & dehors, si ne le veux-je nommer: car la conscience me commande d'estre modeste, & veut que les pechez d'autrui soyent cachez. Parquoy ie laisse à parler tout expres de ses semblables, lesquels sont coupables de pareille sorcellerie, & sont de mesme estat, & lesquels aussi ie conois fort bien: mais s'ils ne se reconoissent, côme ie desire de bon cœur, il y a danger que ce qu'a escrit Isaie ne se raporte à eux: Nous auons traité alliance avec la mort, & auons fait apointement avec l'enfer.

*Iſaie* 28.

Il faut dire ici vn mot de cest execrable Magicien, lequel estant endoctriné par le diable, & sortant de la boutique des tenebres, ioua dernièrement l'un des actes de la Tragicomedie, en la maniere qui s'ensuit. Vn certain nommé Pierre qui a descouuert les mines à Hambach, auoit puis peu de temps, à sauoir, l'an mil cinq cés soixante trois au commencement d'Aoust, ataché vne cloche au col de son cheual, & l'auoit mis au pasturage, dont incontinent il sortit. Pensant donc que son cheual luy eust esté desrobé, il se retira vers vn prestre sorcier



cier, nommé Gerard, vicaire de Blatz, diocèse de Colongne : lequel apres auoir consulté son maistre de verité, luy assëura qu'un larron auoit passé le Rhin par Bône avec son cheual, lequel il alloit vendre à la premiere hostellerie. Pierre creut à ceste response, & sans s'arrester il courut apres, & demanda en passant le Rhin si vn tel cheual auoit passé : on luy respondit qu'ouy, & mesme on luy enseigna le train du cheual de lieues en lieues : en la parfin apres plusieurs iournees il arriua à Hacckemberg, au comté de Senen, ou il trouua vn homme armé qui luy sembloit estre monté sur son cheual : l'ayant acoité, il luy commēce à parler de la restitution du cheual qu'il asfermoit estre sien, & regarda ça & là par quelle partie moins couuerte il le pourroit tuer, s'il venoit au combat : qui estoit la seule fin pour laquelle le menteur, & sanguinaire homicide dès le commencement auoit machiné toute ceste fable. Apres qu'ils eurent assez debatü, Pierre tasta aux testicules du cheual, se souuenant qu'on les auoit autrefois coupez au sien : au reste ils estoient tous deux de mesme couleur, & de mesme trot. Voyant doncques sa faute, il demanda pardon à l'autre, luy raconta tout, & s'en retourna en sa maison. Mais il entendit par le chemin qu'incontinent apres qu'il estoit parti, on auoit trouué son cheual mort, ayant l'un de ses pieds de derriere passé d'auanture par la corde qu'il auoit au col, dont il ne s'estoit peu depestrer : ce qui auoit esté cause de sa mort. Ainsi la verité de ce malheureux prestre forcier fut descouuerte, laquelle certainemēt est digne de la punition du fouët. L'autre auoit fait despenſe d'environ dixhuit ou vingt francs en ce voyage, dont il se faschoit fort, & menaçoit encore en ma presence le prestre forcier, se promettāt d'en auoir la raison.

*Les indoctes Medecins & Chirurgiens couurent leur bestise & erreur par les sorcelleries, & par la vertu des saincts.*

#### CHAP. XVIII.



E pendant ie ne veux nier que le plus grand recours qu'ayent les hommes ineptes, qui se vantent impudemment & cauteleusemēt de la conoissance de Medecine, ne soit incō-



tinent qu'ils ignorent la nature de quelque maladie, & encore plus la guerison d'icelle, de dire qu'elle procede de sorcelerie: & alors qu'ils sont cōtrains d'en iuger comme aucugles des couleurs, ils couurent avec ce mātēau l'ignorance qu'ils ont des œuures de ceste science excellente: & s'en deuolopent tout ainsi que ceste indocte & ignorante troupe de certains Chirurgiens qui rapportent les gangrānes, mortifications ou phagedānes, ou les vlcères malins, contumax, & difficiles à guerir, à sainct Quirin, à sainct Antoine & autres: lesquelles maladies toutesfois n'estoyent si malignes & dange reuses au commencement, comme peu à peu elles sont depuis tombees en ceste malignité par l'ignorance de ceux qui les pensoient guerir par quelque recepte, & par vne incertaine & perilleuse empirie ou experience mal asseuree. Toutesfois ils prennent peine d'euter finement la calomnie, ou plustost la iuste action que lon pourroit auoir contre eux, par le moyen de ce nom de sorcelerie, encore qu'ils soyent plustost dignes d'estre nommez sorciers: comme aussi ces esprits nouueaux, sortis depuis quelque temps de l'eschole d'vn certain Theophraste Paracelse, homme mesdisant au possible: lesquels se glorifians arrogamment de la fumee d'vn feu Chymique, comme esclauē d'arrogance, de presumption & de vaine gloire, peuuent tout & n'ont rien impossible à force de crier & parler haut, de promettre & de prononcer des mots qui remplissent bien la bouche: en quoy ils sont vrais imitateurs de leur maistre. Ils ont premierement apriſ, & retiré du liure qu'il a intitulé *Paragrammon*, des mots salles & deshonnētes, qui ne procedent point d'homme de iugement sain: par lesquels ils s'eforcent de mesdire, de calomnier, de reietter & fouler aux pieds l'ancienne saincte & sacree Medecine, apres auoir controuuē des nouueaux principes, & nouuelles paroles, qu'eux mesmes n'entendent & ne peuuent maintenir par raison: ains se contentent d'vn amas de mots inutiles, dont Paracelse a rempli ses escrits. Ce rustre se vante d'estre monarque de medecine, inuenteur de la vraye science, & pour tel l'estiment, l'honnorent, & le reuerent ses sectateurs. Il faut doncques que iusques à ce iour, cest art tant vtile

*Theophras-  
te Para-  
celse.*



entre les autres, & principalement necessaire ( si rien il y a de necessaire ) pour la conseruatiô du genre humain ait esté tousiours caché . Rien ne seruira doncques ici *Genese 2.* qu'Adam ait conu des le commencement les facultez & vertus de toutes choses que Dieu auoit crees : rien *Genese 50* ne seruira que Ioseph ait commandé que le corps de son pere fust embaumé par les medecins : rien ne serui- *Exode 21.* ront les loix que Moysé a publiees pour les Medecins : rien ne seruira la louange de Iesus Sirach , par laquelle- *Ecclef. 38.* le il a voulu que les Medecins creez du treshaut pour la necessité , fussent honorez , comme il leur appartient . Ce sera dauantage vne chose inepte , que Iesus Christ *Math. 9.* ait fait vne similitude de ce qui n'estoit point , lors que il monstre que ceux qui se portent bien n'ont besoin de Medecin , mais les malades . Le liure de verité tesmoi- *Colof. 4.* gne , que saint Paul a appelé , & s'est recommands à S. Luc Medecin son bien aimé . Tous ceux ci certainemét ont eu en reuerence l'ancienne Medecine , apuyee en discours veritables , & confirmée par vsage & raison , tel le que nous l'exerçons . Nous ne trouuons qu'il y soit escrit , qu'il doit venir es derniers iours vn Theophraste Paracelse , monarque & inuenteur de la Medecine . Ie ne veux toutesfois mesdire de la Chymie qui n'est pas petite partie de Medecine , laquelle ie prise beaucoup , comme aussi font les anciens avec moy : & me resiouis du bié auenu à nostre Medecine , en ce qu'elle est maintenant plus estimee : i'auoué encor que par la Chymie on tire les esprits , les huyles , des poudres , & des sels propres à guerir toutes maladies , soit de souphre , de vitriol , d'antimoine , ou d'autres mineraux de mesme especes & des metaliques mesmes . Car moy mesme en ay fait les extractions & experiences .

Mais pour reuenir à mon point : il y a enuiron trois mois qu'un des plus habiles & bragards hommes de ceste eschole ( le nom duquel vaut mieux teu & aboli que publie ) fut appelé par vn Gêtil-homme de Iuliers tormenté cruellemét d'une schiatique , qui pour auoir esté mal pêfê auoit la cuisse gauche fort enflée . Cest imposteur estât venu , luy promet de la guerir dâs vn mois , & se courrouçoit fort , disant mille iniures du medecin ,



lequel luy auoit parauant apliqué des cauterés ou fers chauds au deffous des iointures, ce qui toutesfois fut fait depuis par ce Paracelsite, cōtre toute raison, lequel ne les appliqua en temps & en lieu commode. Premièrement il luy fit prendre par quelques iours vne poudre pour le faire suer, & ainsi il le rendit merueilleusement foible. Au bout de treize iours apres, le malade voyant que tout alloit de mal en pis, dit: Comment? commencerons nous à conter aujourd'huy le premier iour du mois? Non respondit l'autre: Car i'ay de l'huyle à Cologne, laquelle est encore sur le feu, par le moyen de laquelle ayant frotté vostre cuisse i'en feray sortir le diable s'il y est. De là en auāt doncques il applique son huyle: & presque de iour à autre il luy fit prendre vne cueilleree de vin sublimé, dedans lequel auoit trempé quel que temps vne poudre purgeante, & avec quoy il auoit meslé son calciné, qu'il appelle: si bien qu'à la parfin d'vne simple quarte qu'auoit le malade, il en fit vne double & tierce quarte. voila la grāde puissance de cest art: tout est aprouué. Cependant toutesfois la cuisse engrossissoit estrangement, sans qu'elle fust aucunement diminuée par la prise de ce vin ardent & purgeant: & la cuisse droite s'amenuisoit à cause d'vn vlcere, qui dès long temps couloit & s'estoit fait de soymesme.

**D'AVANTAGE** il adoucissoit vn petit les grandes & insupportables douleurs, & les perpetuelles veilles pour quelques heures, par le moyen de certaines pilules faites en maniere de crottes de rat: dont elles sont nōmees les crottes de rat de Paracelse. Il les luy faisoit prendre avec de la maluoisie, voire en l'acces de fièvre, dōt s'ensuyuoit vne grande destresse de cœur. Il se vantoit que son opiāte de fiē estoit faite d'or trespur de deux vieux ducats, & ce par le moyen de l'alchimie. Parquoy le malade luy bailla pour cest efect deux ducats d'Espagne & deux nobles à la rose, afin d'auoir dauantage de ceste crotte de rat: mais l'autre estant retourné de la ville ou il demouroit, dit que l'or ne s'estoit trouué assez pur, ce qu'il faisoit afin d'en tirer encore de l'autre, qui deuoit estre digeré par vn autre chaleur naturelle que par la Chimique: ce pendant toutesfois il ne rendoit pas celuy qu'il disoit estre plus impur. Et en outre il talchoit



il taschoit en cachette de chasser la sorcelerie avec du Millepertuis, que lon nomme aussi la fuite des diables, lequel il mettoit dedans des sachets, & l'apliquoit sur la teite. Item il luy pendit au col du coral, & luy en attacha aux poignets. Or le Gentil homme perseuera en ceste cure Paraceltique par l'espace de deux mois, & quand ce principal sectateur du monarque Paracelse, vid que rien ne s'auançoit, & que tout estoit merueilleusement empiré, il retourna en sa maison, promettant de reuenir dans deux ou trois iours, & de tirer de sa fumee chymique, des choses de plus grâde vertu, lesquelles il apporteroit. Le malade luy enuoya des cheuaux, mais ce grand guerisseur fit semblant d'estre malade, & peu de iours apres par vn sien fidele compagnon il enuoya lettres au Gentil homme, par lesquelles sa maladie estoit descrite, asauoir qu'ayant pris trois ou quatre grains d'une poudre, & premierement vomi vne fois, il auoit de rechef vomi avec grande peine du cuir, plusieurs charbôs, du sable pierreux, de la soye de pourceau disposee en croix, & de tels autres monstres : mais qu'il ne prenoit d'autre medecine que de celle qu'il auoit lailsee, & qui estoit serree dans vn petit cabinet chez le Gentil homme & qu'il la desiroit fort. Il adioustoit aussi que le Paracelsiste estimoit vne sorciere auoir charmé le Gêtil homme, & mesine qu'elle auoit gardé que les medicamens n'auoyent sorti esect, & mesme qu'elle auoit charmé le Gentil homme par enchâtemens. I'ay ces lettres chez moy : car toutes choses estans desesperées, ie fus mandé avec maistre Cosme Sletena doctè & expert chirurgien de nostre illustre Prince, pour aider à ce pauvre malade ainsi afligé. Nous ne luy voulusmes rien promettre temerairement : seulement nous vlsâmes par l'espace de dix iours de Cataplasmes pour apaiser la douleur, & pour meurir : cependant nous adoucîmes aussi l'insupportable mal qu'il sentoit, & fîmes meurir si diligemment & soigneusement, que la cuisse fut ouuerte auant cinq iours apres, dont nous laissâmes sortir peu à peu vne bouë blanche & parfaite, iusques à la quantité de dix liures. Il survint en outre quelque mutation en ceste triple quarte : aussi ne pouuoit elle estre si facilement sarmô-



tee, principalement en temps d'hyuer, en vn corps ain si corrompu, en entrailles interessees, & en forces diminuees par la vehemence des douleurs, lesquelles l'a uoyét attaché quelques mois dedans le liét où il estoit couché sur le dos, ce pendant que lon attendoit l'aide & la grace de Dieu.

Voilà le manteau d'ignorance, les charmes, les enchantemens, & la forcelerie: & ainsi nous experimētasmes que ce Gentil-homme malade enduroit des maladies naturelles, & que les medecines du Paracelsiste n'a uoyét esté gastees d'autre charme que par celuy du feu chymique, & par l'ignorance du mal, ainsi que les effets nous monstrerēt. Car demie once de la poudre qui faisoit suer, laquelle il bailloit deux fois le iour, tira beaucoup de sueur de ce corps: vne cueilleree de vin sublimé meslé par auant avec la poudre purgeante, luy troubla le ventre & l'emut. La crotte de rat endormante, faite (selon mon opinion, & si ie puis iuger quelque chose) de ius de Pauot, l'endormoit. Les stigmates vlcerez avec la crouste & escharre monstrent le cautere actuel. Pourquoy donc est-ce que ces choses ont esté empeschees en leur action par les charmes? Da uantage si le recit de la lettre enuoyee est vray, celuy qui tousiours a esté imposteur des le commencement, a peu facilement esblouir par ses barbouilleries les yeux des Paracelsistes desia remplis de fumees chymiques: mais les mieux auisez pensent bien que ceste feinte auoit esté controuuee, de peur que l'imposture & ignorance ne fust descouuerte: attendu mesme qu'ils sauent bié que leurs medicamēs ne se font point d'or fin, & de pierres precieuses dissoutes par la vertu du feu (comme toutes fois ils se vantent impudemment, afin de plustost descharger, & avec plus grande exaction, les bourses de mille malades) & ce pendant, il n'y a or ni pierre precieuse en leurs medicamens, aussi n'en est-il besoin, attendu que le plus souuent ils ne seruent de rien. Mais ils baillent aux malades ordinairement des venins, ou des choses venimeuses, & là où ils auroyent des medicamens propres, toutes fois la vehemence du feu leur laisse vne telle vertu brullante, que le plus souuent au lieu qu'ils estoient benins, ils sont rendus venimeux.

Le scay



Je scay bien toutesfois que, par la vertu du feu chymique, on prepare des liqueurs, des huiles, & des poudres, lesquelles ont vne grande subtilité, & vertu esmerueillable, & auxquelles ie ne veux deroger en vn seul point, mesme ie veux que la louange qu'elles meritent leur soit baillee: mais ie m'atache seulement à ceux, lesquels sous pretexte de cest art, & de leur ignorance, inuētent des forcecelleries que faussement ils persuadent aux malades. l'auois presque oublié que ce mesme Paracelsite conseilla vn excellent Docteur es loix & venerable vieillard, pour guerir vne maligne escorcheure de iambe, d'y apliquer du poyure-d'eau, plongé dedans l'eau du Rhin, prise au milieu du fleuve: & puis en remettre encore de l'autre, & poursuyure ceste façon de guerir iusques à quelques iours: & cependant mettre les herbes que l'on osteroit de dessus la playe entre deux tuilles courbees, & regarder soigneusement si elles se flectiroient, & corromproient: car à mesure, disoit-il, qu'elles seicheront, l'ulcere deuoit aussi seicher. Il luy auoit promis que dans quinze iours il seroit guerit: toutesfois il continua vn mois, & si ne fit rien. voila vne cure Magicienne digne de ces gentils Medecins.

*Les medecins ignares renuoient la guerison de la morsure du chien enragé, & celle du haut-mal, à l'aide des saints.*

## CHAP. XIX.



ENROLERAY en cest endroit ceux qui contre l'honneur de Dieu ren- Il ne faut uoyent la guerison de la morsure du chien pas attribuer enragé à S. Hubert des Ardennes, & qui buer aux enragés à S. Jean, S. Cor- saints la neille, S. Valentin, ou S. Gilles: tellemēt qu'il faut crain guerison dre qu'ils n'endurēt à bon droit les peines de ceux qui des malades ont recours aux deuins, où à la famille Pythienne. Ce dies ne sera point hors de propos si i'allegue ici en passant la sentence du vieil Hippocrate, ou d'un autre homme memorable (comme veut Galien) au liure de la maladie sacree, ou du haut mal, que les Grecs nomment Epilepsie, auquel, apres auoir monstré qu'il n'y a rien de



*Sentence  
d'Hipocra-  
te touchant  
les mala-  
dies que le  
vulgaire  
nomme du  
nom des  
Saints.*

plus sacré & diuin en ceste maladie qu'es autres, il escrit ainsi : Ceux qui premierement ont dit que ceste maladie estoit sacree, me semblent auoir esté tels, que sont maintenant les Magiciens, Exorciseurs, Charlatans, & quelques arrogans, qui font semblant d'estre fort religieux, & sauoir quelque chose dauantage que les autres. Ceux-cy donc s'excusans de n'estre capables de telle chose, & toutesfois se courrans de diuinité, & voyans qu'ils n'ont rien qui puisse profiter, ont dit que ceste maladie estoit sacree, de peur que leur ignorance ne fust descouuerte : puis ayans ramassé quelques raisons, ils ont establi vn moyen de guerison asseuré pour eux : ils ont mis en auant des exorcismes & enchantemens, & ont commandé que lon s'abstint des bains, & des viandes abondantes, contraires aux hommes malades, &c. Puis ils ont dit qu'il ne falloit point porter de vestement noir, pourautant que la couleur noire est mortelle : qu'il ne falloit point mettre les pieds l'un sur l'autre, ni vne main sur l'autre, pourautant que toutes ces choses empeschent la guerison. Or ils ordonnent toutes ces choses, à cause de la diuinité : comme sachans quelque chose dauantage & mettans en auant certains autres pretextes, afin que si le malade eschape, la gloire & la conduite d'une telle guerison leur soit baillee : & s'il meurt, qu'ils ayent tousiours leurs excuses propres, & mettent en auant pour leur pretexte qu'ils n'en sont pas cause, mais que ce sont les dieux : car ils n'ont ordonné aucun medicamēt à prendre par la bouche, dont on les puisse acuser. Il dit encore apres : Ceux donc qui pensent & parlent ainsi, font semblant de sauoir dauantage, & trompent les hommes, leur proposans des exorcismes & purifications, d'autant que leurs paroles s'estendent en la pluspart à Dieu, & au Demon. Mais il me semble qu'ils ne parlent point de la pieté, comme ils pensent, ains de l'impiété : item qu'ils ne croient point de Dieu, & que leur pieté & diuinité est meschante & contraire à l'honneur de DIEU : ainsi que ie monstre-  
ray. Car ils se vantent de sauoir mettre à neant la Lune, obscurcir le Soleil, faire la tempeste & le beau temps, la pluye & la secheresse, rendre la mer, la terre, & telles autres choses steriles : ils disent auoir ceste puissance  
par



par les mysteres sacrez ou par quelque autre profession ou exercice : mesmes s'ils s'estudient en telles choses, il me semble qu'ils croient n'y auoir point de dieux : ou s'ils en croient, ils pensent qu'ils n'ont point de pouuoir, & qu'ils ne peuuent empescher quelque grande maladie. Comment donc en faisant ainsi ne seroyent-ils haïs d'iceux ? Car si vn homme vsant d'enchantemens, & de sacrifices, met la Lune à neant, obscurcit le Soleil, & fait la tempeste & le beau temps, i'auray opinion que toutes ces choses ne serôt point diuines, mais humaines, puisque la puissance diuine est forcee, & veincue par l'humaine volonté. Aussi parauanture ces choses ne se font pas ainsi, mais les hômes qui ont affaire à viure, essayent & changent toutes choses : & tant en toutes autres comme en ceste maladie, & particulieres especes de maux, ils en raportent la cause à Dieu. Car ils font mention d'icelles non seulement vne fois, mais plusieurs. Parquoy si ceux qui tombent du haut-mal beellent à la façon des chevres, s'ils grincent les dents, & que les membres du costé droit soyent retirez, ils disent que la mere des dieux en est cause : s'ils rendēt vne voix plus aiguë & plus esinouuante, ils l'acomparēt au cheual, & disent que c'est Neptune qui en est auteur : s'ils laissent aller de leur ordure par bas ( ce qui auient souuentefois à quelques vns, contraints par la force du mal ) ils aioustet le nom d'Hecaté Enodie : s'ils rendent vne voix plus deliee & serree ainsi que les petits oiseaux, Apollon Nomien, c'est à dire palteur, en fera la cause : mais s'ils rendēt de l'escume par la bouche, & qu'ils debatent des pieds, ce sera Mars. Ils disent que les espouuantemens, qui suruiennent de nuit, les crainctes, les refucuries, les soufleurmens du liēt, les horreurs & fuites dehors du liēt, sont les embusches d'Hecaté, & les assauts des Heros : lors ils vsent d'exorcismes & d'enchantemens, & forgent, selon mon iugement, vne diuinité tresmeschante. Car ils exorcisent les malades avec du sang : ils en font autant à ceux qui sont coupables de quelques grandes meschancetez, ou aux malfaiteurs, aux empoisonnez par les hommes, & à ceux qui ont commis quelque forfait, qui toutesfois deuroyent faire toutes choses contraires : asauoir sacrifices, aller aux

*Les noms  
des faux  
dieux chā  
gex en  
ceux des  
saincts de  
nostre tēps.*



*Chrestienne  
sentence  
d'Hipocr.*

temples, & y faire prieres aux dieux. Mais maintenant ils ne font rien de tout cela, ains seulement ils exorcisent, & cachent en terre vne partie de leurs exorcismes: ils en jettent vne autre partie en la mer, & portent l'autre aux montaignes où personne ne la touche, ni marche dessus. Il falloit plustost les porter au temple, & les presenter à Dieu, s'il en estoit auteur. Toutesfois ie ne pense point que le corps de l'homme soit souillé de Dieu, autrement le tres vilain le seroit du trespur: & encore qu'il auint que le corps fust souillé, ou qu'il endurast, si devoit-il plustost desirer d'estre purgé & purifié de Dieu, que non pas souillé. C'est donc Dieu qui purge les grands & enormes pechez, & qui est nostre deliurance. Aussi auons nous dedié aux dieux les enceintes des temples, à celle fin que personne ne les passast, que premierement il ne fust pur: & estans entrez dedâs nous nous relauons, non point pour estre souillez, mais pour estre purifiez, si encore nous auons quelque ordu-

*Le haut  
mal n'est  
point fait  
d'autre ma-  
tiere que  
les autres  
maladies.*

re. Voila ce qui est touchant les purifications. Mais celle maladie ne me semble en rien plus diuine que les autres: ains elle a la mesme nature que les autres maladies, & mesme matiere, de laquelle elles sont faites & engendrees. Il est bien vray que la matiere, & la cause est faite de Dieu comme sont toutes autres choses. I'ay iusques ici transcrit le texte d'Hipocrate, & plus au lóg recité ses argumens, pour autant qu'ils ne m'ont semblé inutiles à nostre propos.

*Neron trouua que les arts Magiques estoient vaines, & Moyses les condamna, avec ceux qui en font profession, & qui y aioustent foy.*

## CHAP. XX.



**O**R. maintenât ie mettray fin en bref avec Pline, & avec l'edit de Moyses, à ce present traité, touchât les fallacieuses œures de Magie. Pline escrit que de son temps Neron trouua que les arts Magiques estoient vaines & faulces: car, dit-il, il ne prit iamais plus de plaisir au



fir au son de la Lyre ou au chant tragique, pendant que  
 la plus grande fortune des choses humaines s'esgayoit  
 en la profondeur des vices de son esprit : & en premier  
 lieu il desira de commander aux dieux, & ne voulut rien  
 de plus magnanime. Iamais personne ne fauorisa dauã  
 rage les autres sciences, en outre les richesses ne luy mã  
 quoyent point, ni les forces, ni l'esprit pour apprendre, ni  
 plusieurs autres choses à quoy le monde entier ne sau-  
 roit fournir. Neantmoins il a monstré finalement ce  
 qu'il estimoit de ceste sciẽce. Tridates Magicien estoit  
 venu vers luy & auoit amené des Magiciens avec soy, il  
 l'auoit mesme desia introduit & receu aux banquets  
 Magiques, & toutesfois encores que Neron eust donné  
 vn royaume à Tridates, si ne peut-il apprendre de luy  
 cest art. Parquoy il se persuada qu'elle estoit detestable,  
 sans effect & vaine, laquelle toutesfois auoit quelques  
 ombres de verité, mais qu'en icelles les arts de sorcelle  
 ries auoyent puissance, & non les Magiciens. Neron  
 donc vn peu curieux en la recherche des arts Magiques,  
 les abolit, pourautant qu'il n'auoit aperceu aucun signe  
 ou argument de la certaine verité. Car la vanité d'icel-  
 les estoit venue iusques à ce point, que mesme elles  
 estoient haïes & tenues pour execrables par les philo-  
 sophes Payens. Aussi les sectateurs d'icelles sont dete-  
 stez & condamnez par l'estroit commandement de  
 Dieu au Leuitiq. & au Deuter. Qu'il ne se trõuue aucun *Leuit. 19.*  
 entre vous, qui face passer son fils ou sa fille par le feu, *20.*  
 ne Magicien vsant d'art Magique, ni homme ayant re- *Deut. 18.*  
 gard au temps & aux oiseaux, ni sorciers, ni enchâteurs  
 qui enchantent, ni homme qui demande conseil aux  
 esprits familiers, ni deuin, ni demandãs auis aux morts.  
 Car tous ceux qui font telles choses, sont abomination  
 au Seigneur. Isaye prophetise la cheute & ruyne de Ba-  
 bylon, pour autant que les Magiciens estoient soufferts  
 & escoutez : car l'estude de cest art execrable fut causé  
 de sa desolation, lors qu'elle fut reduite par Cyrus sous  
 l'Empire des Perses. Voici ce que le Prophete en dit:  
 Ces deux choses te viendront subitement en vn iour, à  
 sauoir sterilité & vefuage: elles viendront entierement  
 & du tout sur toy, pour la multitude de tes enchâteurs,  
 & par la grande abondãce de tes deuins: puis il aiouste,



Orte tien avec tes deuins & avec la multitude de tes enchanteurs, esqueis tu as pris peine des ton adolescence, si parauanture tu en pourras tirer proufit, ou si tu en pourras estre confortee. Ce n'est donc pas sans raison que les anciens ont tousiours esté en doute, si les enchâtemens valoyent quelque chose, puis que cene sont qu'impostures.

*Fin du second livre.*







# LE TROISIEME LIVRE, TRAITANT DES SORCIERES.

*De la Sorciere, & que c'est.*

## CHAP. I.

**M**AINTENANT ie parleray des Sorci-  
cieres, que lon appelloit aussi Striges, à cau-  
se d'un oiseau malencontreux, qui vole de  
nuit, lequel se nomme Strige, & est fort  
bien depeint par Ouide en ces vers:

*Ce sont oyseaux gourmands, non pas ceux dont la table  
De Phinee trompoit la gorge insatiable,  
Mais ils en sont venus: ils ont les yeux ouverts,  
Et d'une grand blancheur les panaches couverts:  
Ils ont la teste grande, un bec plein de rapine,  
Un harnais pendant à la griffe mutine:  
Ils vont volant de nuit vers les petits enfans  
Qui n'ont point de nourrisse: ils leur vont estouffans  
Les corps pris au berceau, & du bec ils arrachent  
Les boyaux pleins de lait qui là dedans se cachent.  
Ils ont le gosier plein de sang qu'ils ont humé.  
Strigie c'est le nom duquel on a nommé  
Cet oyseau mal-faisant, pourtant qu'il a costume  
De bruyre en pleine nuit d'une crissante plume.  
Soit qu'il soit né oyseau, ou saict par charmes saxe:  
Soit que la vieille aussi conuertisse en oyseaux  
Ses fots barbotemens.*

Il a iousté plusieurs autres choses touchant les Sor-  
cieres, & la verge d'or par laquelle on les chasse, &  
qu'on cueille d'un aubespain, disant qu'après auoir ou-  
uert d'icelle une fenestre qui respond sur la chambre  
ou reposent les petits enfans, ces oiseaux malencôteux



ne touchent plus aux berceaux, & les petits enfans malades recourent leur premiere santé. Les Rabins Hebrieux appellent cest oiseau ennemi des acouchees *Lilith*, mot deriué d'un autre qui signifie la nuit, pource que cest oiseau vole de nuit: mesmes ils escriuent es quatre coins de la chambre deux mots, hebrieux signifient: vaten malheureux oiseau, estimans follement pouuoir chasser ceste illusion diabolique par tel charme. Il y a d'autres Rabins qui babillent fortement de cest oiseau en leurs liures. Les Armeniens appellent la Sorciere Nahas. Aucuns l'appellent Saga à cause de sa curiosité: mais on trouuera vne etymologie de ce mot prinse de plus loin es origines de Goropius Becanus. Aucuns le tirent du mot Hebrieu Sagan, qui signifie prestre ou deuin. Les anciens Gots l'appeloyent Alrumne ou Heller, c'est à dire, celle qui communique en secret avec les diables & malins esprits, & de là la Mandragore a esté appelee Hellerumne, & par les Alemans Alrun. Auioird'huy la Sorciere est nommee en Allemagne & Flandres Hex & Zaubersche ou Zauberin: Sorciere en France, Iannara, incantatrice, Strea, Striga, Maga, Fattureia en Italie, Bruxe en Espagne. Or ie nomme Sorciere, celle laquelle ayant fait vne paction abusive ou imaginaire avec le diable, est estimee faire & destiner toutes choses mauuaises, par pensee, maudisson, ou par choses friuoles & ineptes à l'œuvre qu'elle entreprend, & ce par vne propre volonté & election: ou par l'instinct, & poussement ou aide du malin esprit, comme de faire ardre des foudres inacoustumées en l'air, de l'esmouuoir d'un tonnerre espouuantable, degaster la terre par vne abondance dommageable de gresse, d'esmouuoir les tēpestes, de transporter les bleds en espic ailleurs, ou les gaster & rauager: enuoyer des maladies outre le cours naturel aux homes, aux bestes, & y remedier: aller en peu d'heure en lieux fort esloignez, dancer avec les diables, banqueter, faire la cauchemare, changer les hommes en bestes, & monstrier mille follies monstrueuses. Il y a plusieurs vers des Poëtes, qui sont sortis d'une boutique d'opinion peruerse, par lesquels elles sont descrites plus au long. Encore que ie pense qu'ils n'ayent conu ceste espece particu-

*Que c'est  
que sorciere.*



liere de Sorcieres, lesquelles sont aujourd'huy brulees, pour l'opinion que lon a qu'elles enforcellent les hommes & les bestes, à la maniere que nous dirons cy apres. Virgile donc escrit au quatrieme liure de l'Eneide, ou il introduit Didon qui parle à sa seur Anne,

*D: là i'ay veu vne vicille prestresse  
 Massilienne habille enchanteresse.  
 Elle promet par ses vers enchantex  
 Rendre les cœurs de l'amour tourmentex:  
 Ou deslier les captiues pensees,  
 Qui de l'amour se trouuent offensees.  
 Arrêter cour des fleuves la carriere,  
 Et des tourner les Astres en arriere.  
 Tu luy verras par ces vers murmurex  
 Tirer de nuict les esprits conuilex,  
 Mugir sous toy les tremblantes campagnes,  
 Et deualet les fresnes des montagnes.*

Et en l'Eglogue huitieme, intitulee Damon, ou la forcellerie.

*Circe fit eschanger par charmes murmurex  
 Les compagnons d'Vlysse. &c.*

HOMERE aussi raconte la route puissiance de Circe l'enchanteresse, & mesmes le Poëte Virgile a escrit en ceste 8. Eglogue.

*Le froid Serpent aux prez par charmes est crené.*

Dequoy est-ce que la Sorciere ne se vante en Ouide au 7. de la Metamorphose?

*Alors que i'ay voulu, les riuieres coulantes  
 Ont repris le chemin vers leurs source bouillantes,  
 Dont les bords d'alentour se sont esmerueillez,  
 Je fay mouuoir en l'air les nuages brouillez,  
 Puis ie les chasse loin: ie fay mouuoir les ondes,  
 Puis ie fay arrester les eaux les plus profondes:  
 Je chasse & fay mouuoir, comme ie veux, les vents,  
 Par charmes ie desromps les gorges des serpens,  
 Je fay mouuoir les bois & trembler les montagnes,  
 Je fay aussi mugir les terrestres campagnes.  
 Je fay changer de lieu aux rochers my-cachex  
 En terre, dont ils sont tout soudain arrachex.*



*Je fuy aussi sortir les esprits hors des tombes:  
 Je fuy, ô Lune, encor qu'en la terre tu tombes.  
 Nous lisons aussi de Medee:  
 Elle dit par trois fois les paroles nuisibles  
 Desquelles elle fit les hommes plus paisibles:  
 Et dont la mer troublee & les fleuves esmeus,  
 Sont en leurs propres bords paisibles retenus.  
 Et encores apres il est esctit.*

*Trois fois el se tourna, trois fois elle lava  
 Ses cheueux, avec l'eau qu'au fleuve elle trouua.  
 Trois fois elle bailla: &c. Item,  
 Le bled charmé se meurt comme l'herbe sterile,  
 Par charmes se pert l'eau qui des sources distille.  
 Le glan tombe du chesne, & le beau raisin noir:  
 La pomme tombe encor' sans qu'on la face choir.*

Virgile, Horace, Tibulle, Lucain, Ouide, & Manilius au premier liure de son Astronomie, en ont escript plusieurs choses: & mesme Lucain adioust la matiere des sorcelleries, en l'endroit où il parle de ceste Thessalienne Magicienne, laquelle rappeloit les morts.

*Là ce que de malheur engendra la nature  
 Fut meslé, sans laisser la Fatale ioincture  
 De l'Hyene cruelle, & du Lynx les boyaux,  
 Et l'escume des chiens qui vont fuyant les eaux  
 Et la mouelle des cerfs nourris par les conleueures.*

ON peut ici raporter les cinq liures des Macaronees de Grugne Stryace Carosse. C'est vn poeme fort plaisant, entrelasse de dictions Italiennes, par vne bonne grace, & gentil artifice. Or encore que le consentement ou la contradiction des poëtes ne soit pas de grãde importance touchant ce point: si suis-je content de recommencer encore, par vn mesme fil, à alleguer leurs opinions, à celle fin que ie satisface aux plus curieux. Si Medee, tant renommee en cest art, eust peu quelque chose, elle ne l'eust pas laissé lors que veincue par Iason elle crioit,

*Helas si ie pouuoys ie serois bien plus sage:  
 Mais vn nouueau pouuoir me contrainst le courage.*

La beauté de Iason estoit plus forte que les sorcelleries de Medee. Aussi Lucian dit au traite de sa transformation en asne, qu'on ne sauroit enchanter amour, qui est



est le maistre de tous charmes. Dauantage Circe la magicienne qui estoit fort belle, laquelle on pensoit pouuoir reietter, atirer, lier, empescher, & rapeler tout ce qu'elle vouloit, ne peut iamais arrester son Vlysse. ains elle fut sans art plus astreincte à Vlysse, que iamais elle n'auoit peu lier ou tromper avec toutes ses arts. Ce que Ouide a escrit d'Vlysse en son premier liure du remede d'Amour, où il monstre que les charmes & medicamens n'ont aucun pouuoir sur ceste afection.

E t quant est de ce que Virgile dit en l'Eglogue de Damon,

*Par charmes on peut bien tirer du ciel la Lune:*

E t aussi de ce que Canidie se glorifie en Horace,  
*Je peux bien par ma voix tirer du ciel la Lune,*

E t de ce dont la Sorciere se vante en Ouide:  
*Lune aussi ie te tire:*

T O U T cela certainement est fort bien reprouué par Hipocrate. Car si l'homme, dit-il, pouuoit par charme tirer la Lune du ciel, il faudroit que Dieu & le vouloir diuin, createur & recteur des astres, fust suiet à la puissance des hommes, & aux enchantemens des Magiciens, ce qui seroit tres meschamment parler. Mais l'opinion entretient cest erreur. A ganice fille de Hegetor Thesfalien, comme dit Plutarque, conoissant l'eclipse des Astres es pleines Lunes, & sachant bien le temps auquel la Lune deuoit eclipser, par l'obiet de l'ombre de la terre, estoit estimee tirer par enchantemens la Lune du ciel, pour autant qu'elle predisoit aux femmelettes ceste chose deuoir auenir. Je sçay bien toutesfois que les Poëtes ont feint que Pirithous a esté le premier qui tira la Lune du ciel, dont Properce se rit au premier liure. Vous trouuerez sur la fin du liure suyuant l'explication de quelques poëmes, de ceste mesme matiere.

*Au liure  
de l'Epi-  
lepf.*

*Aux pre-  
ceptes de  
mariage.*

*Chap. 39.*

M A I S il y a vne infinité d'histoires plus fabuleuses que les fables mesmes, lesquelles meritent d'auoir lieu entre ces fictions poëtiques: elles sont escrites es vnze liures de la Metamorphose, ou du ieu de l'asne, composé par Apulee de Madaure philosophe Platonique. En voicy deux que j'ay retirees, à celle fin qu'on puisse cōferer celles qui auourd'huy sont racontées pour vraies par le vulgaire credule & sans esprit: & à celle fin aussi



que lon y aiouste autant de foy encore que ce foyen<sup>t</sup> pures menfonges, que lon croid aifément. Il décrit dōc ainfi vne royne tauerniere : elle eft, dit-il, forcierre, qui peut deuiner, abatre le ciel, pendre la terre en haut, endufcir les fontaines, faire couler les montagnes, tirer les ombres des morts, afoiblir les dieux, eiteindre les aftres, & allumer les enfers mefmes. Avec vn feul mot feulement elle tranfmua fon rufien en vne beſte que lon nomme Bievre ou Caſtor, pourautant qu'il eſtoit allé autrepart qu'ailleurs: car ceſte beſte craignant d'eſtre priſe par les chiens & par ceux qui la pourſuyuent, ſe ſauue d'eux par le moyen de ſes teſticules, qu'elle arrache à belles dents. elle le fit donc à celle fin qu'autāt il luy en auint, puis qu'il auoit couché avec vne autre. Elle tranſmua auſſi en grenouille ſon voiſin qui eſtoit tauernier, & pour ceſte cauſe luy portoit enuie: maintenant ce pauvre vieillard tout enroué nage dedans vn muid de ſon vin, & eſtāt caché là dedans avec vne voix enrouee il appelle ſes chalās. Elle tranſmua vn plaideur en belier, pourautāt qu'il auoit parlé cōtre elle: & maintenant ce gentil belier plaide les cauſes. Elle a auſſi tellement fait enfler la femme de ſon rufien, pourautant qu'elle luy auoit dit quelque iniure, que maintenant ayant le ventre fermé, & le petit enfant arreſté, elle eſt condānee à vne perpetuelle groſſeſſe. Et ainſi que chacun dit, y a deſia huit ans que la pauurette eſt tellement enſlee, qu'il ſemble qu'elle doyue acoucher d'vn Elephant. Il eſcrit encore au 2. liure, touchant Pamphile mariee à Milon: On la tient, dit-il, pour vne Magicienne, maïſtreſſe en tous charmes mortels, laquelle ſçait bien avec des iettons d'arbres, & des petites pierrettes & telles friuoles alenees ſubmerger & peſſemeſſer toute la lumiere du monde eſtoillé au profond des enfers, & la faire retourner dedans le Chaos ancien. Car incontinent qu'elle a aperceu quelque beau ieune homme, elle eſt eſpriſe de ſa beauté, & ſoudain elle y arreſte ſon œil & ſa penſee. Elle deſpriſe les moins obeiffans, & ceux qui ſont de baſſe condition elle les transforme en beſtes ou en pierres, & fait auſſi mourir du tout les autres. J'ay honte de demeurer ſi long temps à raconter ces choſes: parquoy ie mettray fin à ces menfonges par  
les pa-



les paroles d'Apulee au liure premier. Certainement ce menfonge est auffi vray que fi quelqu'un vouloit dire, que par les barbotemens Magiques, les fleuves qui courent bien fort retournent contremont, la mer est liee, & demeure arreſtee, la Lune eſt eſcume'e, les eſtoil les ſont arrachees, le iour eſt oſt'e & la nuit retenue.

*Les Ceremonies que font les Sorcieres pour eſtre au rang  
des autres, ſont inepte, & ne ſ'accordent  
aucunement.*

## CHAP. II.



**R** ainſi que toutes les ordonnances de Satan ſont diſcordantes, & trouuees variables & menſongeres: ainſi la ceremonie des Sorcieres pour eſtre au rang des autres eſt inepte & manque, & ſe raconte diuerſement par ceux qui ſont coupables de ceſte faction, alors qu'ils en ſont interrogez en iugement. Nous en auons des exemples dedans le liure qui eſt intitule le Maillet des ſorcieres. Il y a deux manieres de profeſſiõ, l'une ſolennelle, laquelle eſt ſemblablement faite par veu ſolennel: l'autre eſt particuliere, & ſe peut faire à part entre les mains du diable, à telle heure que bon il ſemble. La ſolennelle ſe fait entre eux, lors que les ſorcieres viennent en la Synagogue à certain iour & voyent le diable en forme d'homme, lequel les admonette qu'ils ayent à luy garder la foy: & leur promet tout heureux ſucces es choſes de ce monde, avec longue vie. La nouice luy eſt recommandee par celles qui ſont preſentes. Et le diable ayant trouue la nouice ou le diſciple enclin à renoncer à la foy, au Chriſtianisme, à la femme eſtendue, (car ainſi nomment-ils la tres-heureuſe vierge Marie) & à la reuerence que lon porte aux Sacremens, alors il baille ſa main, & la nouice en fait autant, en ſigne de garder toutes ces belles promeſſes. Puis le diable luy dit que ces choſes ne ſuffiſent pas, & demande l'hommage, auquel il eſt contenu, qu'à tout iamais ils ſe donnent à luy corps & ame, & que de tout leur pouuoir ils pourchafferont



que les autres de quelque sexe qu'ils soyent, se joindrôt à luy. Il leur dit encore qu'ils facent pour leur vsage quelques certains onguens composez d'os & des mem-  
bres de petis enfans, principalement de ceux qui sont baptisez, par lesquels ils peuuent parfaire toutes leurs entreprises, au moyen de l'aide qu'il leur baillera. Nous inquisiteurs (disent les auteurs du Maillet des Sorcières) auons connu ceste maniere de faire en la ville de Brissac, diocese de Baile, estans bien informez d'une ieune Sorciere. L'ay entendu par l'inquisiteur susdit, qu'il y a des Magiciens au diocese de Lausane, lesquels ont fait cuire & mangé leurs propres enfans. Or la maniere d'apprendre vne telle art a esté, comme il m'a dit, que les magiciens viennent en vne synagogue où ils voyent le diable en forme d'homme, auquel le disciple promet necessairement de renier le Christianisme, de n'adorer iamais l'eucharistie, & de marcher sur la croix en cachette, toutesfois & quantes qu'il le pourra faire. Le bruit est aussi tout commun, comme Pierre, iuge de Boltingen, raconte, qu'il y a eu au territoire de Berne treize enfans mangez par les Sorcières: dont la iustice auoit assez rigoureusement puni ces meschantes meurtrieres de leurs propres enfans. Il y a apres vn ieune homme, toutes fois marié, lequel dit que l'ordre qu'on y tiét est tel. Il faut premierement en vn iour de Dimanche, auant que l'eau beniste soit consacree, que le disciple entre en l'Eglise avec les maistres, & que là il renonce, &c. Puis il fait hommage au petit maistre: car ainsi nomment-ils le diable, & non autrement. S'ensuit en la parfin: Il boit en la vessie comme vous entendrez: cela fait, il sent dedans soy conceuoir les images de nostre art, & estre imbu, & confirmé és principales ceremonies de ceste secte. Et alors que Pierre demanda à la Sorciere la maniere par laquelle elles mangeoyent les enfans, elle luy respondit estre telle: Nous espions les enfans qui ne sont point encore baptisez, ou bien les baptisez: mais principalement ceux qui ne sont point encore marquez du signe de la croix, & sur lesquels on n'a point encore dit des oraisons. Nous les faisons mourir dedans le berceau, ou aux costez de leurs meres, avec nos ceremonies, puis apres que lon pense qu'ils ayent esté



esté estoufez, ou morts d'autre maladie, nous les desrobons du sepulchre, & les faisons cuire dedans vn chauderon, iusques à ce que la chair laisse les os, & que le reste soit presque facile à boire, comme cire fondue. Nous faisons vn onguent de la matiere plus espaisse, lequel est fort commode à nos desieins, à nostre art, & à nos transports : & de ce qui est plus liquide & humide nous emplissons vne bouteille, de laquelle quiconque *Brumage*  
*infernal.* aura beu, avec peu de ceremonies, deuiendra incontinent compagnon, grand clerc, & maistre de nostre mestier. Voila ce qu'il esctit.

*La profession des Sorcieres est descouuerte & refusee. & est monstré que leur passion & accord n'est qu'une imposture, vne folie, à quoy l'onne doit s'arrester.*

## CHAP. III.

**L'**H O M M E qui ne voudra estre du tout lourdaut, iugera aisément ces choses s'entretenir mal, & estre absurdes, & indignes qu'on y adioute foy. Aussi conoistra-il aisément que l'accord n'est qu'une imposture faite par l'aparence de quelque fantosme, ou imagination, ou d'un corps phantastique pris par l'esprit qui esblouit : ou par quelque tromperie meslee es nerfs de la veüe, de telle figure en aparence que Satan le veut, & void estre idoine aux humeurs & esprits esmeus en ceste partie : ou fait & asseure par vn sifflement, vn bruit sourd, ou murmure dedans les organes de l'ouye, lequel respond & s'accorde aux figures de l'imagination trompee, & est poussé & esmeu par l'art du malin esprit. Voila comme on verra qu'il n'est de nul effect, principalement si on regarde de pres, & que lon poise à la balance de raison, & de nostre foy, la diuerse essence des contractans, la forme du contract, la maniere. & les circonstances. Ainsi est-il notoire que lon atribue plusieurs actiōs aux Sorcieres, lesquelles ces malauisees ont cōfessé proceder d'elles au moyen de leur imagination corrompue par l'imposteur, & qui toutesfois ne procedoyent point des Sorcieres, mais de Satan auquel il n'est besoin d'au-



tre aide à monstrier ce qui est en sa puissance, ou à declarer ses actions : luy qui n'est contraint par volonté ou puissance d'aucun, que par celle de Dieu, & de ses bons ministres. Ce malicieux trompeur obeit aux meschans de son propre vouloir, sans estre contraint, encore qu'il seigne, & face semblant de faire autrement, comme dit Porphyre, à celle fin qu'il nous empestre dauantage par ses impostures. Or il n'est pas necessaire que ceste paction imaginaire oblige estroitement, estant faite en fraude & mensonge par l'une des parties, puis qu'autrement ne se pourroit faire par l'esprit qui esblouit vn homme estonné, endormy, & hors de son sens. Car ce que lon estime que le diable tende la main, & stipule avec la Sorciere, est vne fausseté : attendu que c'est vn esprit qui n'a ni chair ni os. Et Tatian escriuant contre les Grecs, dit que les diables sont creatures de nature spirituelle comme l'air & le feu elementaire, & ne peuuent estre veus que de ceux qui sont munis de l'esprit de Dieu, & nō par les autres hommes qui n'ont que l'ame. Dauantage si ceste stipulation trompeuse, faite en fraude, & principalement inuentee à mauuaise fin, contre la volonté de Dieu, sans tesmoins & pleiges, est de si grande importance & pouuoir que par nul moyen elle ne puisse estre rompue, mais qu'il falle necessairemēt que l'un suyue la volonté de l'autre, & qu'il soit contraint de luy obeir : pourquoy est-ce que le premier, veritablement passé au baptesme, par la particuliere volonté & mandement de Dieu, & par paroles solennelles, avec respondans & cautions, ne sera préposé, cōme par prerogatiue ? Il y a beaucoup plus de fermeté entre le contract de Dieu veritable & les personnes de sain entendement. Tout ce qu'il promet & stipule il l'accomplit, & ne trompe point, ni ne danse ou banquette en contractant avec les siens, lesquels il ne seduit ni met hors du sens, comme Satan avec son corps imaginaire.

*Celle qui renoncet à la foy chrestienne.* Si quelcun nie ceste inegalité, ie ne say quelle verité il pourra croire. Mais vous m'objecterez, que la vieille a renoncé à la foy Chrestienne. Et nous si nous cerchons vne autre voye de salut que Iesus Christ, n'observans ses commandemens, & ne les suyuant pas à pas en viue foy ouurante par dilection, nous renonçons la foy, &

par



par cela mesme nous le tesmoignons de sain esprit : là où ce que lon pense auoir esté fait par l'autre, procede d'aage stupide, de sexe inconstant, de legereté, par impuissance d'esprit, de desespoir, par la maladie de sa pensee, lors que la vieille est trompee imaginaiement, ou par l'art de l'esprit malin. Escoutez vn petit & prestez l'aureille aux paroles de saint Paul, par lesquelles il depeint fort bien ceux qui veritablement renoncent à la foy chrestienne. L'Esprit dit notamment qu'és derniers iours aucuns se reuolteront de la foy, s'amusans aux esprits abuseurs, & aux doctrines des diables, enseignans en hypocrisie, ayans la conscience cauterisee, defendas de se marier, commandas de s'abstenir des viandes que Dieu a creees pour en vser avec actions de graces, aux fideles & à ceux qui ont conu la verité. Item sachez ceci, qu'aux derniers iours il y aura des temps fascheux. Car les hommes seront s'aimans eux-mesmes, auaricieux, vanteurs, orgueilleux, difamateurs, desobeissans à peres & meres, ingrats, contempteurs de Dieu, sans affection naturelle, gens à racointer, calomniateurs, sans attrempance, cruels, haissans les bons, traistres, temeraires, enflés, amateurs de volupté plustost que de Dieu: ayans l'aparence de pieté, & preud'homme, mais renias la force d'icelle: destourne toy donc d'iceux, car ils sont de ceux qui se fourrent és maisons, & qui tiennent captiues les femmelettes chargees de pechez, menees par diuers desirs, qui aprennent tousiours, & iamais ne peuuent venir à la conoissance de verité. Et comme Iannes & Mambres ont resisté à Moysé, ceux cy pareillement resistent à la verité, hommes corrompus d'entendement, reprouuez quant à la foy: mais ils n'auanceront de rien plus: car leur folie sera manifestee à tous, comme aussi a esté celle de ceux-là. Voila ce que dit S. Paul. Or si vous retournez au chresme, lequel ils disent estre osté par ceste pactiō, encore qu'en vn mot i'y puisse bien satisfaire, si est-ce qu'il sera meilleur d'y respondre, afin que cela n'empesche dauantage. S'il y a quelque vertu au Chresme, certainement elle ne consiste pas dauantage en l'exterieure onction, qu'en l'exterieur lauement qui se fait par l'eau au baptesme, par lequel l'homme est tellemēt sanctifié, & confirmé par le moyen



de la foy qui interuiuent, que s'il estoit laué cent fois de toute l'eau que voudrez, & que mesme toute la peau fust escorchée, toutesfois l'essence du baptisme y demeure par le caractère que la foy y a laissié: & encore que l'homme trompé en renonce la vertu, si est-ce que reuenant à meilleure vie par penitence & amendemēt, la mesme force & vertu du baptisme y demeurera ainsi qu'autrefois elle y auoit esté imprimée. Il y aura mesme raison au Chresme, si vous voulez, depuis que l'homme reuiendra à la bonne voye: autrement il s'ensuyuroit qu'il fust aboly par vne playe que lon auroit faite en la teste, ou par quelque vlcere qui pourroit estre sur uenu en la partie, en laquelle il auoit esté apposé. Encore que ie pense bien qu'en ceste paction, le sommet de la teste n'est point raclé veritablement, mais seulement par imagination, tout ainsi comme nous auōs opinion que plusieurs choses auiennent en ceci, afin que ces hommes credules & insensés soyent induits par mauuaise persuasion: tellement qu'ils pensent estre si bien empestrez es laqs du diable, que toute voye d'en sortir leur soit fermee, à celle fin qu'ils se mettent au desespoir, & qu'ils entreprennent toutes choses extraordinaires & meschantes: encore que la voye de conuersion ne soit dauantage fermee pour eux, qui sont trompez par leur fantasie corrompue, que pour plusieurs autres qui pechent grieuement. Car saint Pierre ayant esté admonesté par Iesus Christ, ne laissa pas contre le témoignage de sa consciēce de le nier par trois fois avec serment: toutesfois apres qu'il eust reconnu sa faute, & qu'il eust pleuré, il fut receu en grace.

*Le reste des preuues, par lesquelles il est monstré que la paction des Sorcieres est vne chose frivole.*

### CHAP. IIII.



**A**VANTAGE c'est vne chose faulse, vne pure supposition de Satan, & vne folle croyance, de penser que par aucunes ceremonies il soit possible de faire mourir des petis enfans. Item il aparoiſtra que  
ce qu'ils



*Les enfans  
ne peuuent  
estre tuez  
par cere-  
monies.*

ce qu'ils disent les tirer des sepulchres, n'est autre chose qu'une diabolique persuasion, procedante de la vertu imaginatiue corrompue, ou interessée par un profond sommeil: principalement si on regarde les sepulchres, d'où ils disent les auoir tirez: car on les y trouuera encore enterrez. Je ne say point aussi de doute que la cuisson de l'enfant faite dans le chauderon, iusqu'à ce que la chair laisse les os, & soit rendue aisée à estre prise en bruage, ne soit entrée en leur esprit par le mesme moyen. Car cela est si inhumain, horrible, cruel, & difficile à croire, qu'encore que ie le visse de mes yeux, si croy-roy-ie plustost qu'ils seoyent charmez, par le charme d'un tel spectacle, que de confesser voir l'appareil de ceste cuisson meschante & plus que tragique, laquelle surpasse toute croyance. Mais prenez qu'il soit ainsi que les sorcieres, horribles ouvrieres de cest onguent, soyent sorties du fond des enfers, qu'elles ayent depouillé toute image d'humain sentiment: ie vous demande maintenant dont procede ceste vertu en cest onguet, que quiconque en est froté, soit fait participant de meschantes volontez, arts execrables, & de transportemens incroyables? ou qu'apres en auoir graissé un siege, ou un bois, celui qui s'assied dessus soit incontinent porté dedans l'air, ainsi que les Sorcieres se persuadent, & comme ce liure le tesmoigne? Je ne veux point ici disputer curieusement de la complexion, temperament, & vertu de ceste chair morte, pourrie, & venimeuse: car ie croy fermement qu'on ne la sauroit trouuer en la nature ainsi preparée: autant en estime-je de la preparation, bruage, & vertu de ceste matiere liquide qui est en la bouteille, comme nous auons dit. Cependant il ne faut pas nier que ces miserables femmelettes ne soyent tellement afolees par le diable, au moyen des figures qu'elles ont empreintes en la fantaisie, que mesme elles fauent ces choses ne plus ne moins que si elles estoient ainsi faites: comme la plus part de toutes leurs opérations & actions semblent estre imaginaires: si bien que estans interrogues & prochaines du feu, elles confessent ouuertement les fautes, qui leur sont seulement conues par songes ou apparitions. Cela mesme est confirmé es decretz. Quelques femmelettes seruantes à

*En la 2. p.  
cause 26.  
q. 5. Epif.  
copi.*



*August.  
de spir. &  
ani. ch. 28.*

Satan, seduites par les illusions des diables pensent faire plusieurs autres meschancetez, comme tirer les petits enfans de la mammelle de leurs meres, les rostir, & les manger: entrer aux maisons par les cheminées & fenestres, tourmenter & inquieter les habitans par diuerses manieres: lesquelles choses toutesfois & autres semblables leur auiennent seulement en fantasie. Dauantage le diable se ioue de la Sorciere, qui ayant fait vne petite fosse en terre l'emplit d'vrine ou d'eau: puis la remuant du doigt, pense esmouuoir la tempeste, cependant que le diable trouble l'air pour l'entretenir tousiours en son ofice. L'usage donques de ceste boisson infernale prise dedans la bouteille ou vessie, toutesfois imaginaire en la conuention, demonstre clairement qu'il procede d'imposture, outre la grande diuersité d'iceluy: dont avecques Horace ie diray qu'il ne faut pas que les fables soyent estimees dire vray en tout ce qu'el les reuelent: ou penser qu'on tire vn petit enfant tout vis du ventre d'vne Sorciere sortant du disner.

La vanité de ceste conuention est aussi monstree, par ce qu'apres l'auoir fait, on est contraint d'observer des ceremonies contraires aux statuts de l'Eglise: comme de iusner les iours de Dimanche, mâger de la chair le vendredy & samedy, celer ses pechez en confession, cracher en terre lors qu'on leue le dieu de la Messe, babiller pendant que lon la chante, ou faire telles autres choses, comme les forgeurs du Maillet des Sorcieres l'escruiuent. Mais tout homme de bien qui sera vn peu versé en la lecture des sainctes lettres, conoistra aisément quels & combien sont grands ces pechez. Car puisque le iour du Dimanche est ordonné pour ouir la parole de Dieu, pour le prier & le seruir, personne ne sauroit mieux vacquer à ces choses, que celuy qui conseruera son esprit net & deliure des vapeurs du manger & du boire. Il y a, ce dit Iesus Christ, vne sorte de diables, laquelle ne se iette point dehors qu'avecques oraisons & iusnes. C'est pourquoy saint Pierre nous commande d'estre sobres & vigilans à prier: car le diable nostre aduersaire va ça & là, comme vn lion rugissant, cherchât qui il deuorera. Saint Paul dit aux Corinthiés, Ne fraudez point l'vn l'autre, si ce n'est par consentement mu-

*On peut  
aussi bien  
iusner les  
dimanches  
comme les  
autres  
iours.*

*Mat. 17.*

*1. Pier. 45.*



tuel pour vn temps, afin que vous vacquiez à iusne & oraison. Ainſi le iusne & oraison ſont preſque tousiours ioints enſemble, & certainement par vn ordre tresbon: tellemēt que non ſans grande occaſion ie m'eſmerueille de ce qui eſt eſcrit en Tertulian, que iuſner le iour du Dimanche eſt mal fait. Les autres auteurs maintiennent par ces paroles de Ieſus Chriſt, qu'il eſt loiſible en cas de neceſſité de manger de la chair les iours defendus par le Pape Romain, pourueu que lon ne ſcandalife perſonne, & qu'il n'y ait ni meſpris ni gourmandiſe. Elcoutez & entendez, dit Ieſus Chriſt, Ce n'eſt pas ce qui entre en la bouche qui rend l'homme ſouillé, mais ce qui ſort de la bouche, c'eſt ce qui ſouille l'homme. Item ſainct Paul aux Coloſſiens, ſecond chapitre: Que nul ne vous condamne en manger, & en boire, ou en diſtinction d'un iour de feſte, ou de nouuelle Lune, ou de Sabats, leſquelles choſes ſont ombres de celles qui deuoient auenir, mais le corps eſt en Chriſt. Et apres: Si vous eſtes morts avec Chriſt quant aux rudimens du monde, pourquoy vous charge lon d'ordonnances, cōme ſi vous viuiez au monde? Ne mangez, ne gouſtez, ne touchez point: toutes leſquelles choſes ordonnees par les commandemens & doctrines des hommes periſſent par l'vſage: leſquelles certes ont quelque eſpece de ſapience, en ſuperſtition & humilité d'eſprit, & en meſpris du corps, & ſans aucun honneur à raſſaſier la chair. Le meſme ſainct Paul eſcrit auſſi à Timothee: Or l'eſprit dit notamment que es derniers temps aucuns ſe reculeront de la foy, s'amuſans aux eſprits abuſeurs, & aux doctrines des diables, enſeignans menſonges en hypocriſie, eſtans cauteriſez en leurs propres cōſciences, defendans de ſe marier, commandans de ſ'abſtenir des viandes que Dieu a crees pour en vſer en action de graces aux fideles, & à ceux qui ont conu la verité: car toute creature de Dieu eſt bonne, & rien n'eſt à reietter, quand il eſt pris avec action de graces: car elle eſt ſanctifiée par la parole de Dieu, & par oraiſō. Si tu propoſes ces choſes aux freres, tu ſeras bon miniſtre de Ieſus Chriſt, nourri es paroles de foy, & de bonne doctrine que tu as ſoigneuſement ſuyue. Au reſte reiette les faibles prophanes, & ſemblables à celles des vieilles, & te

Mat. 15.

1.Tim. 4.



1. Cor. 10. exerce à pieté. Voila ce qu'escriit saint Paul, qui dit en  
 Psea. 24. core : Mangez de tout ce qui se vend en la boucherie,  
 sans en enquerir rien pour la conscience: car la terre est  
 au Seigneur & le contenu d'icelle.

Et quant est de ce que suyuant la paction ils sont cō-  
 traints de celer aucuns de leurs pechez en confession:  
 qui sera-ce, ie vous prie, qui les pourra tous raconter  
 distinctement? veu mesme que le plus souuent nos pen-  
 sees, nos paroles, & nos actions sont entachees de pe-  
 chez? Ou par quel tesmoignage de la diuine volonté  
 nous est-il enchargé de raconter si exactement tous  
 nos pechez les vns apres les autres? Par quel ordre les  
 contera le publicain au téple, & le brigand en la croix?

Luc 18. &  
 25.

Il y a aussi grand peché de cracher en terre pendāt  
 que lon leue le dieu de la Messe, comme de retenir la  
 saluē en la bouche: & aussi grande peine meritent les  
 paroles inutiles proferees pendant la Messe, qu'apres la  
 messe. Alleguez encor leur forfait cōmis en marchant  
 sur la croix: Item qu'ils entrent le dimanche en l'Eglise  
 deuant la consecration de l'eau beniste, & mille autres  
 folies de vicilles, lesquelles ont esté mises en auant par  
 les diables, afin d'establiir vne superstition & impieté,  
 sous pretexte de religion.

Tout homme de bien donques void ici aisément  
 la force de ce contract. Et saint Augustin dit fort bien:  
 Toutes ces arts menfongieres, & de superstition dom-  
 mageable, procedantes d'une pernicieuse societē des  
 hommes, & des diables, comme pactions d'infidelité &  
 deceuante amitié, doyuēt estre du tout reiettees. Et O-  
 rigene au 3. liure sur Iob, Les enchantemens, dit-il, sont  
 seductions de diables, mocqueries des malins esprits,  
 bourbe d'idolatrie, abestissement des ames, & scandale  
 des cœurs. Voyez la recapitulation de cest œuvre ci au  
 6. liure chapit. 25. ou ie traite encor de la nullité de ces  
 paches & accords. Je raconteray avec les folies susdites  
 ce que Pselle escriit des Euchetes & Gnostiques, les-  
 quels on dit faire des meschans & horribles sacrifices,  
 à celle fin de receuoir les diables en toute leur pensee.  
 Ils s'assemblent le iour que le sauueur fut crucifié, sur le  
 soir, en vn lieu ordonné avec des filles qu'ils conoissent:  
 & apres quelques sacrifices ils esteignent les chandel-  
 les, &

Lin. I. de la  
 doct. chre.  
 & en la  
 26. quest. 2

Euchetes  
 & Gnosti-  
 ques.



les, & habitent indifferemmēt avec leurs filles, ou seurs, ou autres. Puis neuf mois apres ils reuiuent, ils appe- *Execrable*  
 lent les filles, & prennent les enfans qui en sont nez, les- *sacrifice.*  
 quels ils incisent par tout le corps, & emplissent des  
 phioles pleines de leur sang: ils brulent le corps & me-  
 llent les cendres avec le sang. Ils assaisonnēt avec ceste  
 fausse, tant leur viande, & leur boire, que celle d'autrui,  
 quelque part qu'ils le peuuent mettre en cachette. Car  
 ils pensent que par ce sacrifice, & nourriture, comme  
 tresmeschante qu'elle est, le caractere diuin qui nous  
 est imprimé, & qui chasse les diables bien loin, est du-  
 tout aboli, & qu'ainsi les diables en aprochent plus as-  
 seurément. Carpocrate, comme tesmoigne Irenee do- *Carpocra-*  
 cteur Chrestien, esleua & auança les Gnostiques: car il *te enseigne*  
 faisoit profession, & monstroit publiquement à vn cha- *publique-*  
 cun, les arts d'impostures, lesquelles Simō le Magicien *ment la*  
 faisoit en cachette. Il requeroit vne louange des audi- *Magie e-*  
 teurs, lesquels il deceuoit, & en recompense de grandes *xecrable.*  
 & bonnes estudes, il vouloit qu'ils la confessassent pro-  
 ceder des publiques & meschantes actions. Il haran-  
 guoit des tenebres Magiques en plein iour, comme de  
 choses qui excitēt à amour, des songes enuoyez par les  
 puisâces demoniaques, & de telles semblables fraudes.

I l faut ici aiouiter vne horrible histoire des freres *Horrible*  
 de Naples escrete par Génadius. Du temps de l'Empe- *histoire si*  
 reur Louys de Bauiere, lors qu'il y auoit schisme entre *elle est*  
 les Papes, certaines gens nommez les freres de Naples *vraye.*  
 inuenterent vne meschante & vilaine secte, au mespris  
 de la religion Chrestienne. Car hommes & femmes de  
 ceste secte s'assembloyent en des cauernes & lieux es-  
 cartez, & auoyēt des prestres entre eux, qui pour pallier  
 l'ordure chantoyent des Pseaumes, comme les Chre-  
 stiens ont acoustumé de faire. Cela se faisoit de nuict, &  
 vn de ces prestres ayant fait quelque preface pour con-  
 fermer les auditeurs en leur meschante erreur, emplo-  
 yoit le reste de son sermon à monstrier qu'auant toutes  
 choses il falloit entretenir charité, qui estoit la premie-  
 re de toutes les vertus, selon le tesmoignage des saintes  
 escritures: & que le moyen de la conseruer entre les hō-  
 mes, sous l'autorité de Dieu, estoit qu'un malle & vne  
 femelle se ioignissent ensemble. Lors on esteignoit les



chandelles, & chacun prenoit celle qu'il auoit marquée, & apres s'estre meslez vilainemēt ensemble, leurs ceremonies estoient acheuees. Car ces gens enseignoyent tout ouuertement que le testament de Christ n'estoit point contenu en ces mots, Je vous donne ma paix, ie vous laisse ma paix : mais en ces mots, Croissez & multipliez, & remplissez la terre. Si quelque femme cōceuoit en cest acte abominable, les prestres se faisoient apporter l'enfant, & apres s'estre asēblez solēnellement au lieu destiné pour les sacrifices, brusloyent cest enfant, & en gardoyent les cendres comme vne relique fort precieuse : & puis quand il falloit recevoir quelcun de la secte au nombre de ces prestres, il y estoit receu en buuant de ces cendres meslees parmi du vin. Si leur Euesque mouroit, afin qu'il n'y eust point d'enuie, & que il semblast que Dieu guidoit le tout & non les hommes, l'ordre qu'ils tenoyent pour en establir vn autre estoit tel. On commādoit à vne de celles qui auoit esté engrossée en leurs conuenticules, d'apporter son enfant, ce qu'elle faisoit volontairement : lors en presence de tous, les prestres s'asseoyent en rond, & faisoient tant courir de main en main ce pauvre enfant qu'en fin il y rédoit l'esprit, & celuy es mains de qui il mouroit estoit Euesque. Tout cela auint à Naples, dit Gennadius, du temps que Gilles estoit Euesque de Rome.

*Quels gens sont plus suiets aux illusions & impostures des diables.*

## CHAP. V.



**L**ES gens plus suiets à estre assaillis de ces folies, sont ceux qui ont vn temperament & complexion qui aisément obeit à vne persuasion deuenue telle, ou par les causes de dehors, ou estant touchée par les illusions du diable, ou essayee & tentee par le faux donner à entendre d'iceluy : ou comme estant instrument assez propre à sa volonté. Tels sont les melancholiques qui pour peu de perte ou autre chose s'attristent legierement, cōme dit Chrisostome, en ces mots : La grandeur des facheries



cheries a plus de puissance à nuire que n'ont toutes les actions du diable : car tous ceux que le diable dompte, il les dōpte par fâcherie & tristesse. Tels aussi sont ceux qui se desfiēt de Dieu, les meschās, les curieux de choses illicites, ceux qui sont mal instruits en la religion Chrestienne, les enuieux, les malicieux, les vieilles qui sont presque hors du sens, & toutes semblables femmes qui sont insignement malicieuses, & de legiere croyance: car qui croid soudainemēt se retire aussi soudainemēt. Le diable est aux embusches apres telles gens, le plus qu'il peut, & par tous moyens, obseruāt tousiours le lieu & le temps : & selon qu'il conoit les personnes, par certains indices, estre adonnez ou afectionnez naturellement, il les aborde par quelque raison particuliere, il les poursuit, il les alleche, ou en prenant quelque figure agreable, ou en tourmentant & corrompant diuersement la pensee & imagination, iusqu'à ce qu'ils consentent à la parfin à son attente, qu'ils se laissent aller à ce qu'il persuade, qu'ils croient tout ce qu'il leur met en fantasie, comme luy estans obligez par contract, ou conuention, comme dependans de sa volonte, luy obtemperans & estimans tout ce qu'il dit estre vray, s'assurās certainement que les figures qu'il leur represente en la fantasie, sont telles qu'elles aparoissent & veritablemēt substantielles. Aussi ne peuvent-ils autrement penser depuis qu'il a interessé par folles images leur pēsee dès le premier consentemēt qu'ils ont donné, & qu'il a endormi ou esmeu les esprits ou humeurs du corps, & les a rendus aptes & commodés à son ouurage : tellement qu'il represente des figures en ces organes & instrumēs desia disposez, lesquelles aparoissent au dedans, comme si veritablement elles estoient au dehors : ce que non seulement les pauvres abusez aperçoquent en dormant mais aussi en veillant : & ainsi ils pensent que plusieurs choses sont ou se font au dehors, lesquelles toutesfois ne sont ou ne se font veritablement : & mesme le plus souuent elles ne sont & ne furent oncques en la nature des choses. Voila la subtilité presque incomprehensible de ces esprits immondes, & leurs tromperies, esquel les iamaïs ils ne se lassent, & par lesquelles ils deçoquent les sens des hommes. Et comme dit S. Pierre en saint



Clement, par ce moyen le diable posseda les esprits des Anciens Egyptiens.

*De la facile croyance & fragilité du sexe féminin.*

## CHAP. VI.



Le diable ennemi fin, ruzé & cauteleux, induit volontiers le sexe féminin, lequel est inconstant à raison de sa complexion, de legere croyance, malicieux, impatient, melancolique pour ne pouuoir commander à

ses afections: & principalement les vieilles debiles, stupides & d'esprit chancelant. Pour ceste cause il s'adressa à Eue, qui estoit vn peu plus conuenable organe à ses

*Genese* 3. persuasions, que n'estoit Adam, alors qu'ils estoient en-

*1. Timo.* 3. cor seuls en ce monde: aussi la vainquit-il par vne asse z

*1. chap.* 3. legere dispute. De là saint Pierre a nommé à bõ droit

*Home.* 23. les femmes vaisseaux debiles: & saint Chrisostome (si

c'est luy) en la seconde partie des homelies sur saint Mathieu, Le sexe des femmes, dit-il, est imprudent & mol, pour autant que facilement elle fleschit, ou du mauuais au bon, ou du bon au mauuais. Il dit encore sur la seconde epistre aux Corinthiens, homelie 23. que le propre des femmes est d'estre deceuës. Saint Hierosme, ou, comme il me semble, quelqu'autre escriuant de la reigle des religieuses à Eustoche, chapitre 16. Vostre sexe, dit-il, est debile, fragile & mol, depuis que lon le laisse au commandemēt de sa volonté. Il dit encore fort bien, Le sexe des femmes, disoit Eleazar en Aristee, suit volontiers ses afections, & facilement se laisse tomber, à cause de son imprudence, & de sa nature debile. Quintilian dit que la femme est vne chose imbecille. Et Valere le grād au neuueme liure des choses memorables, chapitre 1. leur atribue vne imbecillité d'esprit. Caius parlant pour Lucille en Stobee, sermon 17. escript que la femme croid facilement & principalement lors qu'elle est en calamité. Fulgence dit que la credulité est mere des tromperies. Aristote au commencement du neuueme liure de l'histoire des animaux, escript que les femmes sont facilement deceuës, & qu'elles desesperent

beaucoup



beaucoup pluſtoſt que les hommes:antāt en dit Albert au commencement du huitieme liure des animaux, la plus-part duquel il a tranſcrit du neuſieme d'Ariſtote.

Ce n'eſt donc pas ſans raiſon que les Latins ont nommē la femme *Mulier* (comme interprete Varron, & eſt repetē par Lactance, & ſainct Auguſtin, ſi c'eſt luy, au ſermon du temps 243.) quaſi venant du mot *Mollier* ou *mollies*, qui ſignifie molleſſe. Gratian l'eſcrit au paragra. ſed illud. 32. q. 7. Homere auſſi baille vn particulier ſurnō aux femmes, qui vaut autant à dire que molles. Gratian raporte ceſte molleſſe à l'eſprit, comme auſſi fait la gloſe au chapitre 1. de *claud. deſponſ.* Les loix auſſi teſmoignent que les femmes ſont imbecilles, infirmes, & faciles à eſtre deceuēs: & pour ceſte raiſon il y a en icelles pluſieurs choſes eſtablies, comme il eſt eſcrit en la loy, *Si mulier. c. ad Velleianum*: & en la loy, *Si pater. c. de ſponſal.* & en la loy premiere, paragra. penultieme. *c. de rei vxor. act.* & en la derniere & *c. de donat. ante nuptias*: & en la loy, *Sicut. ibi ſexus fragilitas c. de preſcrip. 30. vel 40. annorum*: & en la loy *Aſidus poſt princ. c. qui potior. in pign. habeam.* & en la loy, *Quiſq̃us* paragra. *Ad filias. Cod. Ad leg. Iul. maieſt.* & au paragraphe premier *ad fin. inſtit. qui alien licet: & in capitulo ex parte Abbatiffa extr. de priuileg. & in capitulo Adam 33. q. 5. & 24. quaſt. 5.* Item en la loy. 2. paragraphe. *verba in fin.* en ces mots, *infirmi. u. mulierum*, & en la loy *Regula*, incontinent apres le commencement. *D. de iur. & ſa. igno.* & en la loy, *Cuius bonus. D. de cu. fur.* & en la loy, *Deſerre*, au commencement. *D. de iure ſiſci*: & en la loy prem. paragraphe, *Accuſationum. ibi, Propter ſexus infirmitatem, D. S. C. Turpil.* & en la loy premiere, *ibi ſuamina infirmitates. c. quan. mulier. tut. offi. fung. pot.* & en la loy, *Quiſq̃us*, maintenant alleguee: & en la loy, *Nullus. c. de iure ſiſci. li. 10.* & en la loy *Nullus ſolius. c. de cur. au meſme liure*, & au paragraphe, *Hic conſequens. ver. vnde volumus. in Auth. de equal. dot. & text. in d. Paragraphe, verba. ibi, propter imbecilitatem*: & en la loy, *Imperialis.* au commencement. *c. de nupt.* & au paragraphe premier, apres le milieu, *in Auth. vt immobili. ante nupt. dona.* en ces mots: *Mulier qui ppe mariti ſeductionibus facile decepta, &c.* Lucas Penna l'a annottē en la loy derniere. col. 3. *c. de priuileg. ſchol. li. 12.* De là nous liſons que ſelon les ordonnāces des Grecs, on auoit acou



stumé, & sagement, de bailler des tuteurs & curateurs aux femmes, sans la volôté & autorité desquels il ne leur estoit licite de rien faire, comme raconte Harpocratiô. Martian escrit que Minerue fut nee sans mere, pour autant qu'il n'y a point de prudence aux femmes. Nous li sons ces vers en l'hymne de Pallas,

*On dit qu'elle nasquit d'un pere, sans auoir  
De femme qui rescent, certaine conoissance:  
Car des meres la cour onques ne peut sauoir,  
Quelles choses ce sont, conseil, & preuoyance.*

Parquoy Platon semble faire doute assez' ciuilement, en quel nombre il doit mettre les femmes, ou au nombre des animaux qui ont raison, ou au nombre des bestes.

*De la deprauee imagination des melancholiques.*

## CHAP. VII.

**M**

AI S afin qu'il ne vous semble que ce soit chose estrange de dire, comme i'ay dit, que les instrumens de la vertu imaginative sont ainsi interessez, & que les yeux sont esblouis en ces femmelettes: ie vous prie de regarder de pres les pensees des melancholiques, leurs paroles, leurs visions & actions, & vous conoistrez comme tous leurs sens sont deprauez par vn humeur melancholique, respandu dedans le cerueau, lequel leur charge tellement l'esprit que quelques vns d'entr'eux pensent estre bestes, desquelles mesmes ils ensuyuent la voix & les gestes. Quelques vns pensent qu'ils sont vaisseaux de terre: & pour ceste cause ils se reculent de deuant les passans, de peur qu'ils ne les cassent: les autres craignent la mort, laquelle toutesfois ils se donnent le plus souuent à eux-mesmes. Les autres imaginent qu'ils sont coupables de quelque crime, tellement qu'ils tremblent, & ont peur depuis qu'ils voyêt quelcun venir à eux, pensans qu'il vueille mettre la main sur leur colet pour les mener prisonniers, & les faire mourir par iustice. Il y auoit vn ancien Gentil-homme qui se leuoit quelquesfois subitement, pensant estre assailli



assailli par ses ennemis, lesquels (côme il luy sembloit) il prenoit par force, & les enfermoit dedans vn four. L'autre craignoit qu'Atlas ( que les poetes disent soutenir tout le monde) ne se lassast, & qu'il ne laissast tomber sa charge, dôt chacun seroit acablé & meurtri. L'ay conu vn melancholique Italien, qui pensoit estre Empereur & Monarque de tout le monde, & disoit qu'à luy seul ce nom apartenoit : au demeurât il estoit eloqué, bien à son aise, & n'auoit autre maladie. Cependant il prenoit vn singulier contentement en certaines rymes Italiennes de sa façon, où il discouroit del'estat de la Chrestienté, des diterens suruenus à cause de la religiō, du moyen d'apaiser les troubles de France & de Flandres: comme si tout cela luy eust esté reuelé du ciel: & à tous propos il publioit ses tiltres sous ces lettres, R. R. D. D. M. *M. Rex Regum, Dominus Dominantium, Monarcha, mūdici*: c'est à dire, Roy des Rois, Seigneur des Seigneurs, Monarque du monde. Athenee fait vn conte d'un certain Athenien qui estoit en opinion que toutes les nauires qui arriuoient au port de Piree estoient siennes, il en faisoit le denôbrement, les saluoit & reconuoyoit, faisant aussi ioyeux recueil aux mariniers qui abordoyent, comme si la marchandise qu'ils amenoyent eust esté sienne. Mais s'ils auoyent perdu quelque chose, il n'en parloit plus : & s'ils arriuoient saufs, il estoit merueilleusement contēt. Il mena ce train iusqu'au retour d'un sien frere nommé Crito, qui arriué de Sicile le mit entre les mains d'un medecin, par le moyen duquel il fut gueri de sa maladie. Estant reuenue en bon sens, il disoit n'auoir iamais vescu plus plaisamment que durât sa gaillardise de cerueau. De ma part il me souuient d'auoir veu trois fols assez pres de Groninge en Frise, qui s'estimoyent estre le Pere, le Fils, & le S. Esprit, & que la grange où ils seiurnoyent estoit l'arche de Noe, à laquelle plusieurs autres piquez de mesme humeur se retiroient pour auoir salut.

P A V L Grilland Iurisconsulte, escrit qu'un prestre Espagnol docteur en droit Canon, aagé de 45. ans, deuint amoureux de quelques ieunes nonnains à Rome. Les ayant esté voir en leur conuent, il les trouua tellement à son gré, qu'il perdoit toute contenance, puis tascha de



les allecher par presens & belles paroles, Ne pouuant rien obtenir, il tomba en telle frenaisie que nuit & iour il ne songeoit ni pensoit qu'à elles, & en son cœur en ses paroles, en ses gestes & contenance, il monstroit son impudique affection. Finalement peu à peu, il deuint si insensé que de maintenir publiquement qu'il estoit espoux de l'Eglise & que ces nonnains estoient ses espouses, disant qu'elles estoient espouses de Christ, lequel est représenté par l'Eglise: puis il concludoit que les espoux & espouses spirituels, c'est à dire les prestres & les nonnains, pouuoient habiter charnellement ensemble sans peché: que Dieu l'auoit ainsi ordonné, & qu'il pensoit que le souuerain bien consistoit en cela. Souuentesfois aussi il chantoit ceste chanson aux nonnains mesmes. Puis apres, il composa des meschantes prieres & oraisons par lesquelles il prioit affectueusement Dieu & les saincts d'auoir vne grande force es reins & vne chaleur telle que souuent il peust assouuir sa vilaine concupiscence. Il prioit aussi S. Cecile, Vrsule, Magdeleine, & Claire, d'inspirer par vne grace speciale les nonnains nommees de ces mesmes noms, que l'œuvre le plus meritoire qu'elles pourroient faire deuant Dieu estoit d'auoir compagnie d'homme, croistre & multiplier sans distinction de personnes, & sans blesser le vœu de chasteté, & que cela seroit plus agreable à Dieu que sacrifice quelconque: item qu'elles enflammassent les cœurs de ces nonnains d'une ardente amour enuers le prestre espoux de l'Eglise, afin qu'elles ne desdaignassent satisfaire en toute humilité à son desir, & comme aux commandemens de leur vray pere, &c. Il portoit tous les iours ces oraisons escrites dans vn feuillet de papier au temple des Cordeliers, où il assistoit à la messe, & apres auoir donné vn Iules au premier mendiant qu'il trouuoit, il presentoit son papier à celuy qui chantoit messe, le priant qu'en son memoire il fust ces prieres à Dieu & aux saincts, les suppliant d'exaucer la requeste de ce prestre. Par ces artifices il trompa quelque sot moine ou deux. A cause de ce il fut aculé & emprisonné, puis on luy pardonna apres auoir abiuré son erreur, à la charge d'estre plus sage à l'auenir: & cependant il fut banni de Rome par le commandement du Pape.



T'EN ay veu vn autre qui refusoit opiniaſtremement le boire & le manger pensant eſtre condamné. Il y en a d'autres ſi miſerablemēt tourmentez par petits ſcrupules de conſcience, que cerchans cinq pieds de mouton où il n'y en a que quatre, ils imaginent vne ſaute où il n'y en a point: & ſe deſians de la miſericorde diuine, ils pleurent iours & nuits, & ont opinion d'eſtre damnez. l'en ay conu vn qui diſoit voir ſon frere, lequel toutesſois demeueroit fort loin de luy, & vn autre Sodomite qui ſe plaignoit d'entendre touſiours à ſes oreilles les paſſans faire bruit, & meſme ſes plus proches parés: il m'eſcriuit pour ceſte cauſe aſſez diſcrettement pour ſauoir ſi ie luy pourrois donner quelque conſeil, veu que les autres diſoyent que le mal eſtoit en l'inſtrumēt de l'ouïe: toutesſois l'eſprit de ce preſtre eſtoit bleſſé, comme auſſi eſtoit celui de l'autre, lequel promettoit de pouuoir contraindre l'Ange Gabriel & Michel, de venir parler à luy, & les faire reſpondre à ſes interrogatoires: mais eſtant prié de ce faire par le Cardinal de Tournon, il reſpondit qu'il ne pouuoit, ſi premieremēt il ne preparoit ſon corps par pluſieurs ieſnes & oraiſons, & ſi ce n'eſtoit pour des affaires d'importance, concernans la Chreſtienté. Ceſtuy-ci compoſa vn liure de la Phyaſe du Pape & de ſes parties.

I'AY conu auſſi vn melancholique, lequel diſoit que quelcun ſentoit le ſoulphre & la poix: & iugeoit que ce que lon luy bailloit à manger ſentoit le poyure, encore que lon viſt bien que c'eſtoient choſes fauſſes. Il diſoit auſſi que ſes parties honteuſes eſtoient tellement tourmentees d'enflamment & de puanteur, qu'il craignoit bien fort qu'elles ne vinſent à mortification & gangrene: & cependant toutesſois ces parties eſtoient fort ſaines. Ie pourrois ici ramaffer vne infinité d'exemples, là où vous pourriez voir les ſens intereſſez en diuerſes ſortes, par ce ſeul humeur, ou par les vapeurs ſumeuſes de la melâcholie, qui infecte le ſiege de l'eſprit, dont procedent tous ces monſtres fantaſtiques. Galen auſſi au liure des diſeréces des accidens ou ſymptomes, monſtre que toute la vertu imaginatiue eſt quelqueſois corrompue, & du tout gaſtee par les autres humeurs, comme en la maladie nommee Catalepſe, ou ſtupor



veillante, ou seulement interessée, cōme en la phrenesie: ou seulement debilitée, comme en la lethargie. Le diable donc n'en pourra il pas bien faire autant, luy qui est esprit, lequel se peut, par la permission de Dieu, entre-mesler dedans les instrumens des sens, esnouoir les humeurs & vapeurs qui luy sont commodés, ou enuoyer vn vent idoine dedans les instrumens, principalement apres auoir choisi la complexion, l'aage, le sexe, ou autres choses interieures & exterieures, par lesquelles des nouuelles figures, conceuës en la vertu imaginative, sont souuentefois communiquees à l'esprit de la veue, par le nerf d'icelle: tellement que les hommes osent bien asseurer sur leur vie, auoir fait ou veu les choses qui ne furent iamais veuës, & ne furent iamais en la nature. Plusieurs legers tesmoignages de ces choses apparoissent es suffusions des yeux. Parquoy Thomas allegue à bon droit souuētesfois ce passage de S. Augustin, Ce mal diabolique, dit-il, passe par tous les passages sensuels, il se donne aux figures, il s'accommode aux couleurs, il s'atache aux sons il se submet aux odeurs, & se verse parmi les faueurs.

Lin. 83. q.

*De la fantasie & comment elle est interessée.*

## CHAP. VIII.

*La fantasie.*



**F**AMBLIQUE escrit de la fantasie: La fantasie est iointe à toutes les vertus & facultez de l'ame: elle figure & represente toutes les similitudes des especes & apari-tions, & transporte les impressions des choses es autres: elle esmeut en l'opinion ce qui procede des sens: & ce qui procede de l'intelligence, elle le propose apres à l'opinion: mais elle reçoit en soy les images de toutes choses: elle figure & represente toutes les actions de l'ame, & accommode les choses de dehors à celles de dedans. Marsile Ficin Platonicien, en l'explication de Priscian Philosophe Lydien, lequel interprete le liure de Theoprasle de la fantasie & intelligence, dit au chapitre second: L'imagination represente les actions de raison sous la condition des choses sensibles, elle  
peut



peut mettre hors les fantasies beaucoup plus loin que les actions des sens, elle outrepassé le sens, car elle feint des images sans estre esmue d'ailleurs : bref, l'imagination est comme vn Protee ou camæleon. Item au treizieme liure, cha. 1. de la theologie Platonique, il dit qu'il y a quatre effectz qui suivent la fantasie, l'appetit, la volonté, la crainte & la douleur. Tous ces effectz estans vehemens, agissent incontinent en leur propre corps, & iamaïs en celuy d'autrui. Qu'est-ce que l'imagination de la femme grosse n'imprime au petit enfant, estant encore au ventre de la mere, par vn subit trepercement des esprits qui se portent aux nerfs par lesquels l'amarry est conioint avec le cerueau? tellement que si elle imagine vne grenade, incontinent le petit enfant en portera les marques : si elle imagine vn lievre, il portera la levre de dessus fourchue : car la vehemente pensee imprime au petit enfant la forme de ce que par continuelle imagination elle a conu cependant qu'elle meut avec vehemence, & retourne ça & là les formes des choses : ainsi les esprits de dedans, & l'affluence des humeurs impriment la figure de la chose à laquelle on pense fermement & attentionnement. Plusieurs voyans donner vne boisson amere à quelqu'un, sentent incontinent vne amertume en la bouche, laquelle vient sans doute d'une fort grande imagination : les autres ont le ventre lasche par mesme imagination, quelques vns encores en voyant ou entendant quelque chose, sentent incontinent leurs dents s'agasser, ou grinser, ce qui est esmerueillable, & ce que souuentefois i'ay experimenté en moy-mesme. Theodore Bizantin est de ceste opinion, que iamaïs, ou peu souuent, les hommes magnanimes voyent des fantasmes : pour autant que leur constance naturelle ne permet point qu'ils les imaginent. Car la crainte a acoustumé entré toutes les autres affections, d'engendrer en nous des figures fermes & paroissantes : puis l'amour apres. Les Schytes, ausquels tuer des hommes est faire sacrifice, ne voyent iamaïs ni les morts, ni les fantasmes, pour autant qu'ils sont constans de nature & d'accoustumance : aussi ne font pas les larrons.

*La vertu  
& force de  
l'imagination.*

*Crainte  
& amour causent des fantasmes.*



aux petits enfans, aux femmes, aux paoureux, aux delicats, & aux malades, lesquels sont incessamment tourmentez & persecutez de frayeur, & de songes vains, & raison tant de leur esprit que de leur corps.

ARISTOTE au liure des mouuemens communs des animaux, chapitre sixieme, dit que les fantosmes & les sens, changent les pourpensemens : mais que la fantasie & intelligence ont la vertu des choses. Car l'espece comprinse du chaud & du froid, de la chose plaisante ou triste, est telle cōme vne chacune de ces choses. Pour ceste cause ceux qui entendent seulement, tremblent & ont crainte : ioint qu'apres que les choses sensibles sont absentes, les fantosmes & imaginatiōs demeurent, comme dit le mesme Aristote au second des animaux : & de là les choses qui ne sont point aparoiſſent quelquefois par la vertu du mouuement local des formes, lesquelles demeurent en la vertu fantastique, avec les humeurs, dedans lesquels elles sont comme en leur suiet. Ainsi, dit-il, au liure du dormir & du veiller, Lors que beaucoup de sang descend au principe ou commencement sensitif, les formes & images conceuēs en l'imagination, descendent avecques : car l'imagination est comme vn thresor, là où les formes, receuēs par les sens, sont gardees. Par ce moyen les diables peuuent mouuoir les humeurs, & les esprits, des sens tant interieurs qu'exterieurs, & esleuer quelques especes dedans les instrumens des sens, comme si les choses mesmes aparoiſſoyent veritablement, ou en dormant ou en veillant.

DAVANTAGE, Aristote escrit parlant du songe, que les figures qui aparoiſſent es songes, sont portees dedans la teste, & aux instrumens des sens, tout ainsi comme les images, empreintes dedans les nuees, s'esleuent, & là diuerses figures d'animaux sont representees en vne vapeur aquee & terrienne, laquelle est tiree de dessus la terre, iusques au milieu de l'air, par le moyen des rayons du soleil. ainsi les images des songes prennent diuerses figures lesquelles suyuent les fumees qui s'esleuent, si bien qu'une fumee cholerique, chaude & seiche, semble esmouuoir vne flamme : celle qui s'esleue du phlegme, se porte quelques fois avec sa douceur iusques à l'organe du goust, là où elle est conue, & fait des songes



songes appartenans à l'eau: mais par la fumer melancholique & noire, il aparoit vne chose horrible, & quasi vne figure de diable: & pour ceste raison, le diable se mesle volontiers en ceste matiere, comme estant la plus commode à ses illusions. Et ce qui s'esleue de la cholere bruslee (laquelle se fait melancholique par accident & inconuenient) se sent mordant, escorchant, poignant & imbu d'une amertume fieleuse: ainsi ce qui s'esleue du sang pur & net, aparoit beau & delectable, comme est la veue des roses & des fleurs, les danfes, la musique & toutes choses voluptueuses, lesquelles sont iointes avecques vanité.

O R les diables ayans receu de Dieu la puissance de faire telles figures, & les imprimer dedans les esprits animaux, monstrét sous ces figures des personnes maintenant ioyeuses en mangeant, en buuant, en sautant, en chantant, & en paillardant: maintenant tristes, lesquelles font & endurent toutes ces choses mauuaises: maintenant humaines, maintenant brutales, maintenant oppressantes & estoufantes, & maintenant volantes, par lesquelles les sens de l'ame sont marquez & imprimez, comme si veritablement les choses mesmes y estoient. Il auient de là que quelquesfois vn homme pense estre vn asne couuert d'un sac, quelquesfois vn aigle volante, quelquesfois il pense estre avec Diané & ses nymphes, ou transporté de plaine en plaine avec quelque autre compagnie de femmes, danser, voyager en lointains pays, & assister à plusieurs folies. Ainsi telles choses auiennent souuentefois de nuict en songeant, & non si souuent de iour, si ce n'est à quelques melancholiques & insensez, lesquels en veillant endurent les mesmes choses que font les autres en songeant. Varron (comme dit Nonius) nomme ces images Somnorines, c'est à dire suruenantes es songes. *Somnorina  
imagines.*

I l ne se faut point esmerueiller si le diable a ceste puissance naturelle, veu que mesme vn homme veillât, & d'esprit posé, peut facilement selon son vouloir proposer des figures au deuant de ses instrumens sensuels, & s'arrester en icelles par imagination: ainsi qu'experimentent ceux, lesquels languissent apres les choses absentes qu'ils desirent. Le diable le peut plus facilement



faire es instrumens commodes à ses tromperies, comme es femmes, & en ceux qui ont l'esprit troublé, lesquels il trompe & charme par ses fantosmes, ausquels il fait qu'ils se delectent. Et tout ainsi comme par les humeurs & fumees l'usage de la raison est interessé es yurôgnes, es frenetiques & aussi es melâcholiques passions: ainsi le diable, qui est vn esprit, peut aisément, par la permission de Dieu, les esmouvoir, les acommoder à ses illusions, & corrompre la raison: tellement que les apparences des choses qui ne sont point, soyent imaginees comme les choses mesmes, qu'elles soyent tousiours aperceuës deuant les yeux, apprehendees, & que par icelles les pensemens soyent blessez. Thomas montre par iuste raison, que le diable peut faire représenter imaginaiement quelque forme à l'aprehension. Sainct Denis aussi tesmoigne que l'intelligence humaine ne peut estre aidée par la bonne intelligence de l'ange, tellement que quelque chose soit conuë par le moyen d'une illumination: car la faculté d'entendre, qui est cōme vne chose patissante, peut imprimer en l'intelligence quelque espece, de laquelle l'effect d'icelle intelligence peut reussir.

P. p. 2. q.  
70. ar. 2.

O R il faut que chacun confesse que le diable peut faire cela par la vertu naturelle, qui n'est point diminuée, & ce en persuadant, & non en illuminant: & que d'autant plus vn homme est illuminé, d'autant plus accroist-il en la conoissance de verité, & d'autant mieux se garde il prudemment des impostures, lesquelles seules le diable exerce par ses persuasions.

*Sentences & passages de saint Augustin, par lesquels il apert comment le diable corrompt la fantasie des hommes, & comme il semble qu'il prognostique.*

*Livre I. de  
la diuin.  
des diables*

*chap. 3. 5.  
Et au liure  
de l'esprit  
& de l'a-  
me. cha. 28*

## CHAP. IX.



MAIS afin que ces choses soyent plus authentiques, & de plus grande autorité, j'ay bien voulu alleguer ici saint Augustin, le quel dispute de ces choses plus au long, & montre que les diables peuent beau-



coup en icelles, & ce par deux moyens, comme par vne prerogatiue: asauoir par la subtilité de leur sens, & par la viftesse de leur mouuement. Il dit donc que par ce moyen ils mettent en l'esprit des homes, ou ils prognostiquét, ce qu'eux mesmes doyent faire en apres: ce que toutesfois ne peut estre ni conu, ni discerné par les hommes, à cause de la lourdesse de leur sens terrien. Car les diables prennent, dit-il, la puissance d'enuoyer des maladies, de rendre l'air maladis par corruption, & de persuader des meschancetez aux peruers & amateurs des proufits terriens, estans certains de leurs complexions, & qu'ils doyuent consentir à ce qu'ils leur mettront en auant. Or persuadent-ils par esmerueillables & nuisibles moyens, à cause de la subtilité de leurs corps passans au trauers de ceux des hommes, lesquels ne les sentent point: ils se messent en la pensee des dormans, & des veillans, au moyen de quelques aparitions imaginaires. Quelquesfois aussi ils predisent les choses qu'ils ne font pas: mais celles qu'ils fauent deuoir auenir par les signes naturels, lesquels ne peuvent venir en l'entendement des hommes. &c.

Et vn peu apres: quelle merueille est-ce, si comme le Medecin preuoid la maladie, ou la santé, par la naturelle complexion du corps, troublee, ou attrempee: ainsi le diable preuoid les tempestes, qu'il conoit par la constitution de l'air, lesquelles toutesfois nous sont inconues? Ainsi quelquesfois les diables conoissent facilement les dispositions & auis des hommes, & non seulement ceux, dont ils ont desia parlé: mais aussi ceux qu'ils ont conus en leurs pensees, lors que quelques signes ont esté transportez de l'esprit au corps: & de là ils predisent plusieurs choses futures, lesquelles semblent estre merueilleuses à ceux qui n'ont pas conu comme parauant elles se disposoyent. Car tout ainsi comme le grand mouuement de l'esprit aparoit au visage, si bien que les hommes peuvent exterieurement conoistre quelque chose de ce qui se fait au dedans: ainsi ne doit-il estre incroyable, & mesme les plus legeres pensees donnent quelques signes par le corps, lesquels ne peuvent estre conus



*Chap. II.*

par les trop lourds entendemens des hommes, mais ils le font bien par la subtilité des diables. Il escrit encore au troisieme liure de la Trinité, qu'il est aisé aux malins esprits de faire plusieurs corps en l'air, dont mesme s'esmerueillent les ames de meilleure affection enseuelies dedans les corps terriens. Car si les corps terriens, acoustumez par art & exercice, sont de si grandes merueilles en la presence des hommes es theatres, voire telles que ceux qui ne les ont point veues, & les oyent raconter, à peine le peuvent-ils croire: quelle merueille est-ce si le diable & ses anges font des corps d'elemens corporels, desquels la chair s'esmerueillera: ou bien s'ils composent des fantosmes d'images par inspirations cachees, pour tromper les humains, par lesquelles ils decoient les veillans, & les dormans, & travaillent les furieux? Parquoy il escrit à Simplician: La falace de Satan, & son falacieux ouurage à composer des images, & feintes, s'estudie à decevoir les diuers sens

*Liu. 2. q. 3**Liu. de la**diuin. des**diabls**chap. 6.*

des hommes. Il trompe par l'enuie qu'il a de tromper, & par la volonté enuieuse, par laquelle il se resiouit de la faute des hommes. Et afin qu'il ne perde son autorité enuers ceux qui le reuerent, il fait qu'alors qu'il est trompé, ou qu'il a menti, toute la faute en est atribuee à ses interpretes, ou aux deuineurs des signes qu'il baille. Le

*Chap. 12.*

mesme saint Augustin descrit fort bien la fantasie interressée & blessée, au liure du soin que lon doit auoir des morts, en telles paroles: Les visions de quelques veillans, qui ont leurs sens troublez sont semblables à des songes, comme sont les Phrenetiques, & les autres, lesquels afollissent en autre maniere: car ils parlent en eux-mesmes, comme s'il y auoit quelqu'un present: & parlent encore tant aux presens qu'absens, dont ils voyent les images, soit des viuans, soit des morts. Mais tout ainsi que ceux qui sont viuans ne sauent pas s'ils sont veus d'eux, ou s'ils parlent avec eux (car aussi n'y sont ils presens, & ne parlent point, ains les hommes troublez de sens imaginent telles visions) ainsi ceux qui sont decedez de ceste vie, sont veus comme presens par les hommes troublez, encore qu'ils soyent absens & ne sauent aucunement s'il y a quelqu'un qui les voye imaginaiement. Vne mesme chose se fait lors que les hommes  
sortent



fortét de leurs propres sens, plus fort que s'ils dormoyent, & sont ocupez à telles visiōs: car les images des vifs & des morts leurs aparoiſſent: mais lors qu'ils sont reue nus à eux-mesmes, on pense que veritablement ils ayēt esté avec ceux, qu'ils disent auoir veus. & ceux qui entē dent ces choses ne pensent pas que semblablement ils ont veu les images & figures de quelques hommes absens, lesquels ne le sauēt point. On peut encore rapor ter ici ce que saint Augustin a escrit au liure de l'esprit & de l'ame: & ce que les decretz enseignent: Les diables predisent quelques choses futures, & font des choses merueilleuses, par lesquelles ils amorcent, & seduisent les hommes: Dont il auient que quelques pauvres femmelettes, seruantes de Satan, seduites par illusions, & fantosmes des diables, croient, & attestent aller à che ual de nuict avec la Diane des Payés, ou avec Herodia de, ou Minerue, ou avec vne grande multitude de fem mes, ausque lles elles pēsent seruir, & obtēperer à leurs commandemens. Parquoy les seruiteurs de Dieu doy uent prescher au peuple, & les admonnester de pen ser ces choses estre fausses, & que ces fantosmes sont en uoyez en la fantasie des fideles par le malin esprit, & nō par le diuin. Car ce Satan qui se trāsforme en Ange de lumiere, apres s'estre asserui la pensee de quelque fem melette, & se l'estant assuiettie par infidelité, soudain prend la semblāce de l'Ange de lumiere, & de plusieurs especes & semblances de diuerses formes, puis il trom pe & meine en plusieurs endroits ça & là l'esprit qu'il tient captif. Et pour autant que la seule pensee infide le endure ces choses, elle pense que cela ne luy auient point en l'esprit, mais en corps. Car qui est celuy qui en songeant, & en visions de nuict, n'est transporté hors de soy mesme, & ne void en dormant ce qu'il n'auoit ia mais veu en veillant? Parquoy celuy est trop sot & lour daut, lequel pēse que toutes les choses qui viennent en l'esprit, soyent ainsi faites & auenues au corps, quand mesme Ezechiel, & les autres prophetes, S. Iean l'Euan geliste & S. Paul, ont eu les visions en esprit, & non en corps. De là Synesius dit fort bien au liure des songes: l'ame charmee par les dons de la matiere, est tout ain si que ceux qui sont amoureux de quelques chambrie-

*Chap. 28.**26. quest. 5**2. Co-  
rinth. 12.**Ezech. 3.**2. Cor. 12.**Apor. 1.**Ec.*



res, lesquels, encores qu'ils soyent libres, se louent quel que temps, & deliberent seruir le maistre de leurs amoureuses, à celle fin qu'ils ayent moyen de demeurer avec elles.

*De la fantastique transmutation des hommes en bestes.*

CHAP. X.

*Voyez le  
liu. 4. cha.  
21. & liu.  
6. cha. 12.  
de cest œu-  
ure.*

**E**A memoire de l'opinion qui dure encore maintenant touchant la fantastique mutation des hommes en bestes, est tellement recente, qu'elle ne se peut mettre au nombre des choses oubliees. Car Guillaume de Malmebry, moine, raconte en son histoire que du temps de Pierre Damian, il y eut deux vieilles en la voye commune, par laquelle on va à Rome (telles que saint Augustin nommé stabulaires, c'est à dire, celles qui par le pais receyuent les passans es hosteleries) lesquelles demeuroyent en vn mesme logis, fauoyent l'art de sorcelerie, & transformoyent les hostes qui venoyent seuls loger chez elles, en cheuaux, en pourceaux, ou en asnes, lesquels puis apres elles vendoyent aux marchans: & en receuoyent vn certain prix. Il auint vn iour que elles receurent en leur logis vn ieune garçon, qui gaignoit sa vie à basteler, lequel elles changerent en asne, & en faisoient vn grand gain, pour autant que par basteleries merueilleuses iceluy faisoit passer le temps aux passans, car selon le commandement & vouloir de la vieille il se mouuoit en toutes sortes: d'autant que il n'auoit point perdu son entendement, ains seulement la parole. De là doncques les vieilles auoyent fait vn fort grand gain: qui fut cause que le voisin l'acheta. Car il sauoit le proufit qui luy en reuiendroit. Mais elles l'aduertirent en marché faisant, qu'il gardast bien de le laisser descendre en l'eau. Or apres qu'il l'eut longuement gardé, auint qu'il eschapa, & descendit au prochain estang: là où s'estant veautré quelque temps, il reprist sa premiere forme: & ainsi qu'il retournoit, son gardien le rencontra, & luy demanda s'il n'auoit



voit point veu vn asne, il luy respondit que c'estoit luy: le seruiteur le raporte à son maistre, & le maistre au Pape Leon, homme qui estoit estimé tresfainct de ce temps là.

LES vieilles estans apprehédees en confesserent autant: & Pierre Damian homme tresdocte en assura le Pape qui en doutoit, luy alleguant l'exemple de Simon le Magicien, lequel imprima sa semblance en Faustinian. Toutesfois ces fables, & toutes autres semblables doyuent estre estimees aussi vrayes que la Metamorphose d'Apulee & de Lucian. Vincent escrit *Lin. 18. de son hist.* encore, qu'une femme de bien & pudique fut aimée & pourchassée par vn Egyptien, lequel par charme la trāsfigura en iument, dont depuis elle fut garentie par sainct Macaire hermite d'Egypte.

Si l'on rencontre quelquesfois des loups dangereux, lesquels courent en la Liuonie, & qu'on pense estre Sorcierres, que les Alemans nomment *Verrumolff*: il faut penser que ce sont vrais loups, tourmentez & poussiez par les diables à faire ceste tragedie, lequel cependant par ces diuerses & vagabondes courtes & actions remplit les organes de la fantasia des fols Lycantropes, ou Loupgaroux, si bien qu'ils pensent & confessent estre auteurs de ces courtes, & actions desordonnees, tant leur imagination est corrompue. Ce qui se trouue estre beaucoup moins difficile à faire au diable par la description de la maladie, nommée Lycanthropie: lors qu'il esmeut les humeurs, & les esprits idoines à ces folles resueries, principalement en ceux qui ont acoustumé d'auoir le cerueau troublé par les vapeurs de l'humeur melancholique, tels que sont ces fots & monstrueux hommes Lycanthropiques. *Lycanthropie maladie en laquelle les hommes pensent estre Loups.* Ou bien il faut penser que ces loups sont les diables mesmes, qui ont pris ceste figure, à celle fin de mieux enlasser en leurs deceptions ceste maniere de gens credules, pour charger dauantage les innocens, & rendre le Magistrat coupable du sang innocent. Cependant ceux qui se disent estre transformez en loups, sont trouuez couchez en quelques endroits endormis profondement par l'art du diable, qui leur met les songes des images, lesquelles ceruse ou-



ouurier met par imposture au deuant des yeux de ceux qui les voyent courir ça & là apres les entans, ou apres les troupeaux qu'ils gastent ou deuorent: si bien qu'il ne se faut legerement esmerueiller s'il s'est trouué des hommes de bon sens & gens de bien, lesquels par la deposition de ces fols, n'ont doute de prononcer sentence de mort contr'eux. Mais ie voudrois bien qu'ils m'eussent respondu à ce mot, auiouir s'ils pensent que veritablement les hommes soyent transformez en loups, ou non. Nous auons monstré bien au long tant au premier liure chap. 24. & au 2. chapitre 8. & le monstrerons au 20. chapitre du liure suyuant (où de propos deliberé nous traicterons cest argument) que le diable ne sauroit veritablement transformer les creatures. Laissons donc toutes ces folies en arriere. Il ne faut aussi alleguer en cest endroit ce que Pline, Sabelique, Pontan, & plusieurs autres escriuains de nom (lesquels i'allegueray au liure suyuant) escriuent des femmes transformees en hommes par vn miracle caché de nature: car nous ne parlons ici que des fantastiques illusions des diables.

*Comment, & pourquoy les Sorcieres sont tellement mises hors de leurs sens par le diable, qu'elles croient & confessent auoir fait les choses que i'amaies elles n'ont peu faire.*

## CHAP. XI.



Vreste, ces vieilles, dôt nous parlôs, pourroyent estre facilement comparees à ceux qui sont en extase, lesquels, comme estans ravis hors d'eux mesmes, & destituez de tous sens & mouuement, sont couchez cōme morts, puis apres reuenans à eux & se releuans d'vn somme tresprofond, ou comme ressuscitans de mort à vie, racontent des fables estranges. Or le diable s'ingerant en ces pensemens, ourdit ceste toille & la diuersifie subtilement par la repetitiō des choses passees, par la conionction des presentes, & par l'entrelassis de quelques admonitions, touchant les choses auenir, de peur qu'ils ne tombent en soupçon de fables de vieilles, & de folies temerairement controuuees: mais en les per-

suadant



suadant tellement, qu'ils pensent auoir veu veritablement ce que le diable met au deuant. Voila comment il met hors du sens ceux desquels il s'aide en tels myltes res, si bien qu'ils ne sont pas rassis d'esprit: ains comme asseruis ils pensent en leur esprit, & comme s'ils voyoyent d'eux mesmes les choses que le diable leur propose, ils ne font rien si ce n'est alors qu'il leur est permis, & encore ce qu'ils font, est le plus souuent ridicule.

M A I S les homes cupides de mauuaises choses, ainsi que dit saint Augustin, par vn oculte iugemēt de Dieu sont liurez pour estre trompez & deceus selon le merite de leurs volonte, par les anges preuaricateurs, qui les trompent & deçoient: & ausquels par la loy de la diuine prouidence, & selon l'ordre des choses, la partie plus basse du monde est assuiettie. Les decrets enseignēt le mesme en ces termes: La curiosité humaine est trompee de ces choses monstrueuses, par la falace du diable, lors que les hommes desirent impudemment sauoir ce

*En la 2.  
part. caus.  
26. q. 5.*

que par aucune raisō il ne leur apartiēt de chercher. Ceste puissance est donnee aux esprits malins, afin qu'ils adioignent à eux les homes pernicioeux, c'est à dire afin qu'ils mesprisent la verité, & croient au mensonge, selon la sentence de saint Paul, Ils ne souffriront point la saine doctrine ains ayans les oreilles chatouilleuses, ils s'assembleront des docteurs selon leurs desirs: & destourneront leurs oreilles de la verité, & s'adonneront aux fables, estans chargez de pechez, & menez de diuers desirs: aprenans tousiours, & iamais ne pouuans venir à la conoissance de verité. Saint Paul les nōme enfans de rebellion, esquels cest esprit besongne, qui est le prince de la puissance de l'air, lequel trompe, par subtilité & fraude inimitable, les instrumens qui sont aptes à receuoir ses instructions. c'est à sauoir ces pauvres femmelettes troublees d'esprit, charmees, & malheureusemēt oiseuses: lesquelles il met si bien hors du sens que ces pauvres miserables croient faussement, & confessent estans questionnees, estre cause de tout ce qu'il leur a mis en la fâtasie, de tous les maux qu'il a fait ou ont esté faits des homes, par vne inconue permission de Dieu. Elles pensent aussi estre cause de toutes les tromperies & impostures qu'il leur a monstrees, &

*2. Tim. 4.*

*1. Tim. 3.*

*Ephes. 2.*



qu'elles ont entreprises par l'instigation de ce mauvais conseiller (encores qu'elles les sachent seulement en fantasie ou en songes) si bien qu'à la parfin par leurs propres confessions, elles entendent leur sentence de mort, & sont bruslees viues. Voila comme ce meschant diable ofusque les yeux spirituels & corporels de ceux qui ont iuré de le servir. Voila le guerdon duquel il recompense ceux qui luy sont esclaves. De là saint Augustin escrit fort bien : Les malins esprits, que ceux-la appellent dieux, veulent qu'on les estime estre cause des maux qu'ils n'ont point faits : pourueu que par ces opinions ils puissent retenir, ainsi que par des rets, les esprits humains, & qu'ils les puissent aussi attirer au suplice qui leur a esté predestiné.

LA maniere de ces tromperies, le pouuoir du diable en icelles, & ce qu'il ne s'y peut faire, est assez bien descrit en vn liure intitulé, La Forteresse de la Foy, la où les mots qui s'ensuyuent sont escrits :

*Li. 2. de la  
cité de  
Dieu, cha.  
10.*

LA dixieme difference des diables, est de ceux qui deçoient quelques vieilles, lesquelles sont nommees Xurgumines ou Bruces. Il faut doncques sauoir qu'il y a des hommes apostats en la Foy, heretiques & faux, lesquels se presentent d'eux-mesmes au diable, qui aussi les deçoit, & leur baille des arts pleins de vanité & de folie, par lesquelles il leur semble qu'ils font cent lieues, & reuiennent en moins de quatre ou cinq heures : & pensent destruire des creatures, leur succe le sang, & faire plusieurs autres mesfaits, selon leur opinion & selon la volonté du diable : mais elles sont miserablement deceuës par Satan : & non seulement ces femmes ci en sont deceuës, mais aussi ceux qui leur aioustent foy. Or la verité est telle. Lors que ces mauuaises femmes ont entrepris de s'aider de telles tromperies, elles se vouënt au diable par paroles & onctions, lequel s'en aide pour parfaire son ouurage, & gouuerne leur fantasie, & les meine par les lieux que elles desirent. Leurs corps doncques demeurent sans sentiment, & sont couverts de l'ombre du diable, afin qu'ils ne soyent aperceus d'aucun. Et lors qu'il aperçoit que les choses qu'elles desiroient sont parfaites



tes en leurs fantasies, alors il les descouvre de son ombre, & les rend à leur propre sens. Or n'ont elles point esté transportees de lieu en autre, mais c'est l'image de la fantasie, qui est telle que le diable l'a faite. Aussi pour oster cest erreur, par lequel on pensoit que elles fussent transportees en corps, le Canon qui commence, *Episcopi*, a esté fait, comme Iean François Ponzuibie, docteur es loix, le prouue par la distinction, & recit par luy proposé: Car apres auoir dit que ces femmes teltisoyent qu'elles cheuauchoyent de nuiet sur des bestes, & qu'elles passoyent en plusieurs lieux de la terre, & que plusieurs estoient deceuës par ceste opinion, pensans qu'il y auoit quelque diuinité outre celle d'un seul Dieu. Il escrit au verset qui se commence *Quapropter*, que toutes ces choses sont reputees fausses, & que les fantasmes sont enuoyez en l'esprit des hommes par les malins esprits, & non par le diuin. Puis rendant la raison au verset *si quidem*, pourquoy Satan se transfigure en Ange de lumiere, il dit, que lors qu'il a gagné l'esprit de quelque femme, & que par infidelité il se l'est afferuie, incontinent il se transforme en especes & diuerses similitudes de personnages: puis il meine en diuers lieux la penssee qu'il tient captiue & qu'il trompe par songes, à laquelle il monstre des choses maintenant tristes, & maintenant ioyeuses, maintenant des personnes connues, & maintenant des inconues. Il dit apres que le seul esprit endure ces choses, & que l'infidele pense qu'elles auiennent en son corps & non en son esprit. Il ameine aussi l'exemple d'Ezechiel le Prophete lequel vid en esprit les visions du Seigneur, & non en corps: & que saint Paul n'a osé dire qu'il a esté rai en corps. Il s'ensuit doncques (ce que nous auons à conclure) que non seulement ces choses sont faites par l'esprit malin, & non diuin: mais aussi que telles & semblables visions sont faites en l'esprit & non au corps. Et pour ceste cause il apert qu'encores que ces personnes asserment qu'elles sont portees par les diables transfigurez en boucs, & que semblablement la dame, laquelle elles disent assister en

*Volum. 10*  
*trait. des*  
*Sorcières.*  
*nomb. 49.*

*2. Cor. II.*

*Exe. I. 2*  
*Cor.*

*2. Cor. II.*



la chaire, est le diable transformé: toutesfois nous devons dire que ces choses & autres qu'elles confessent faire, leur auiennent fantastiquement & en esprit. Voila la conclusion de Ponziuibie, telle qu'est aussi celle de Grilland, laquelle il prouue par l'exemple d'une histoire que nous dirons ci apres estre auenue au territoire Sabin.

*Asauoir si le diable peut porter les corps en l'air, & quand, & par quel moyen il le fait.*

## CHAP. XII.



Le ne se faut point esmeruiller de l'estude du diable, par laquelle il se veut iouer des miserables ames, s'en mocquer, & les tourmenter: voulant toutesfois imiter, comme vn singe, toutes les œuvres que Dieu a acóplies par ses bons Anges: tout ainsi comme nous lisons qu'Abacuc le Prophete fut veritablement transporté en peu de temps, par les cheueux, depuis Iudee iusques en Babylone, & qu'apres qu'il eust rassasié Daniel avec ses tourteaux, il fut raporté au mesme lieu dont il estoit parti. Or tant par le naturel pouuoir de Satan & ses anges, que par l'experience qui nous le tesmoigne, nous trouuons que non seulement il fait ces choses en la fantasie & dans l'esprit des hommes, ainsi que nous auôs dit: mais aussi que veritablemēt il enleue les corps & les porte en l'air. Premièrement il est plus que certain qu'il porta nostre Seigneur Iesus Christ sur le pinacle du temple: & ne faut point douter que toutes les œuvres de ceste tentation n'ayent esté corporelles & sensibles: attendu que le diable luy aparut en forme humaine. Telle est l'opinion vnanime de tous les Theologiens. Toutesfois ils sont en dispute, asauoir si Iesus Christ fut porté & raiui par le diable: ou bien si il y fut seulement conduit, si bien que luy-mesme y eust monté à pied: mais pour autant qu'il eust salu que par les persuasions diaboliques Iesus Christ l'eust suyui: ie re- jetteray ceste seconde opinion, & m'arrestera à la premiere suyuant l'opinion de la plus grande partie des docteurs:

*Daniel 14*

*Mat. 4. 18*

*Tho. 4. ch.*

*sur 5. Mat.*



docteurs: car l'Euāgeliste dit, Il le mit, & nō pas, Il le me- Thom. d.  
na: tout ainsi comme vn peu deuant, où il dit, qu'il l'a- gl. Albert  
uoit amené en la sainte cité. Il est donc certain quant à mag. ibid.  
Christ qu'il fut transporté en corps par Satan. Et Tho- Bonavent.  
mas d'Aquin argumente fort bien qu'une possibilité 2. sent. lib.  
posée en vne chose, par consequent se peut faire en tou- 2. dist. 7.  
tes autres, qui sont de mesme grandeur & pesanteur. Que les  
Parquoy puis que Iesus Christ a esté fait en tout & par Diables  
tout conforme à nous, excepté peché: qui empeschera peuuent por  
que la mesme chose ne puisse auenir aux hommes, par ter les hom  
le moyen des diables? Pour ceste cause nous auons des- me, par  
ja monstre au premier liure, que les diables ne font, & l'air, au  
ne mettent rien à execution, que ce qui est selon leur traité qq.  
nature, ou propriété naturelle. Ce qu'ils font donc, ils 1. part. q. 5.  
ne le font point sinon par le vouloir & permission de au tiltre  
Dieu: toutesfois par vne certaine faculté de leur nature: des mirat.  
tellement que de leur pouuoir & premiere naissance, & au tilt.  
ils peuuent dauantage que les effects ne s'en montrent, des diabl.  
auxquels toutesfois nous auons souuent esgard, sans que q. 6. articl.  
de là nous tirions le reste de leurs sciences, lesquelles 10. sur la  
ils ne peuuent pour autre raison mettre en execution, fin.  
sinon que pour ce qu'il ne leur est permis. Car ce n'est Heb. 2.  
point vne chose contraire à la nature des anges & des es Rom. 9. i.  
prits, que de porter des corps en telle part qu'il plait à Augu.  
Dieu. Satan est encore esprit, & auons monstre au com- lib. 3. de la  
mencement que par sa cheute il n'a pas perdu son essen Trinité.  
ce spirituelle. Or l'Ange a porté Abacuc par l'air, l'An- Act. 8  
ge a rayé S. Philippe sur le chemin, tellement qu'il fut  
trouué en Azote: pourquoy donc le Diable ne pourra-il La manie  
bien faire le mesme, si Dieu le permet? Ainsi l'estiment re par la-  
tous les docteurs & Canonistes. Toutesfois on peut de- quelle les  
māder assez à propos, à sauoir s'ils ont pris corps, ou s'ils diables tra  
n'en ont point, lors qu'ils esleuent vn corps de son lieu sportent  
naturel, qui est contre la nature du mouuement corpo- les homes.  
rel. Thomas pense qu'ils prennent vn corps, si bien que Tir. des  
veritablement & naturellement ils les transportent, diab. q. 16  
comme si l'un de nous les transportoit: ce qu'il s'efforce act. 10. 1.  
prouer par les deux raisons du mouuement. Quant à part. traité  
moy ie respons avec Saint Augustin: premierement qq.  
que les Diables le font en la maniere que les Anges. A  
sauoir donques (puis qu'il est ainsi que les Anges rayis-



*Liure 13.  
chap. 18. de  
La cité de  
Dieu.*

sont dont ils veulent & transportent où bon leur sem-  
ble toutes sortes d'animaux terrestres) s'ils le font avec  
peine, & s'il faut croire qu'ils en sentent le fardeau? Com-  
ment est-ce que l'Ange a peu tuer en vne nuit tous les  
premiers naiz d'Egipte, & vne si grande multitude  
d'hommes, tellement que par lassitude il n'ait point de  
sisté? Secondement pour respõse ie demande, par quel  
moyen ce corps ainsi emprunté, lequel porte vn hõme,  
peut estre porté en l'air sans vn autre corps? Car il faut

*Assavoir* qu'il soit naturel. Et ainsi nous ferons tousiours vne mes-  
*si le Dia-*me question, & iamais il n'y aura fin. Parquoy il n'y a  
*ble porte* point de raison de dire qu'il faut que les Anges, ou les  
*les hõmes* diables empruntent des corps, pour porter les autres  
*sans auoir* par l'air. Tiercement, l'experience ordinaire tesmoigne  
*pris vn* qu'ils n'vsent, & n'ont afaire d'aucun corps pour cest ef-  
*corps.* fet: ce que iay veu, & empesché, par l'aide de Dieu, com-  
me i'ay dit au premier liure. Il y a encor plusieurs autres  
exemples, par lesquels il appert que les hommes sont por-  
tez par les diables, de place en place, par iustes espaces,  
sans toutesfois qu'ils ayent pris vne forme humaine. Et  
toutesfois il ne s'en ensuiura aucun inconuenient de là,  
comme de dire, que le diable, par ce moyen, peut faire  
plusieurs choses contre le magistrat, les Princes, & cõ-  
tre l'ordre de toutes choses: comme de deliurer les ca-  
ptifs hors des prisons, manifester à chascun les delibe-  
rations & secrets des Princes, & rendre en leur pays  
tous ceux qui par quelque droit, que ce soit sont sous  
puissance & autorité d'autrui: ainsi comme lon dit que  
du temps du Roy François premier, lors que les enfans  
de France estoyent en ostage en Espagne, on fit venir  
vn Magicien d'Alemagne, lequel selon le commun  
bruit, estoit si grand personnage, & si bien experimenté  
en son art, qu'il pouuoit ramener par l'air les enfans du  
Roy, chercher les thresors, & les transporter.

*Chap. 2.*

*Le diable  
ne peut  
pas tous-  
iours por-  
ter le hom-  
mes.*

Bocace raconte aussi vne fable d'un Gentil-homme  
Lombard, lequel pensant bien meriter, s'en rolla en la  
guerre qui fut faite pour le recouurement de la terre  
sainte, lors que lon fit vne croisade pour aller en Hieru-  
salem. Se departant donques d'avec sa femme, il luy lais-  
sa la moitié de son anneau, où son signet estoit graué,  
avec telle cõdition, que s'il ne retournoit dans trois

*Au De-  
cameron.*

ans,



ans, il seroit loisible à sa femme de se remarier à vn autre, sans auoir esgard à cest anneau & paction. Estant donques enrolle & faisant la guerre en Iudee, il fut pris & mené en Egypte, là où il fut receu, aymé & caressé par le Souldan, à cause qu'autres-fois voyageant par l'Europe en habit desguisé & inconnu, il auoit esté receu chez son Pere. Pour ceste cause doncques, & à raison de sa prudence & dignité, il pleut tellement au Souldan, qu'ayant experimenté ses meurs par longue familiarité, il l'establit premier apres soy en toutes ses affaires. Ce pendant, comme les iours se passoyent, & que la fin des trois ans approchoit, il tomba en vne fort grande facherie, dont le Souldan ayant conu la cause, fit venir vn magicien, lequel le fit porter la dernière nuit des trois années, iusques en l'Eglise cathedrale de Paucie pendant qu'il dormoit en vn liét tresprecieux chargé d'une grande somme d'or & de pierreries. Le secretaire de l'Eglise, l'apperceuant là de grand matin, s'en retourna en fuyant: & ainsi comme il racontoit ceste vision Egyptienne, on l'apperceut venir en la maison de sa femme, là où s'il ne fust arriué le matin elle deuoit le soir prendre vn autre homme pour mary. Or les Thresoriers de Charles cinquieme, ceux de Francois premier, & les nopees de la Roynie Eleonor, monstrent assez que le premier Magicien ne fit rien pour la deliurance des enfans de France. Et quant est du second, il n'y a point de doute, que ce ne soit vne chose inuentee par Bocace, ne plus ne moins que ce que lon cõte de S. Nicolas de Varengeuille, qui est à deux lieues de Nancy, semblable à ce que nous lisons de Hermogene en la legende de saint Antoine. Il y auoit en Constantinople vn prisonnier enfermé dedans vn cachot, lequel estoit si puissant, que les Turcs craignans qu'il ne rompist ses fers, luy mirent au col vn collier de cinq doigts de large & de trois d'espaisseur, lequel estoit attaché avecque des chaines de fer. Le prisonnier se resouuint du S. Nicolas de son pais, & apres qu'il l'eut prié d'interceder & aduocasser pour luy enuers Dieu, il s'endormit fort profondement. Le lendemain matin, ainsi que le margueillier de l'Eglise ouuroit les portes, il l'apperceut comme il dormoit encore, & estoit attaché avec

*Au liure  
des princi  
pales citez  
& lieus  
saincts de  
la Gaule.*



ses chaînes: & luy estant refueillé conut qu'il estoit en l'Eglise saint Nicolas, que le iour de deuant il auoit inuouqué. Incontinent que la chose fut diuulguee, le peuple y accourut, & apres que les prestres eurent chanté quelques Alleluya, on fit venir quatre serruriers pour le dechaîner: mais ainsi que la chose sembloit du tout impossible, le carcan se rompit en la presence de tous & fit vn bruit pareil à celuy des chaînes de Cerbere, lors que lon entend le cliquetis, & qu'il les traine par derriere.

TOUTES ces fables & autres semblables sont controuuees, & ne faut craindre qu'elles aduiennét: Car Dieu tout iuste & tout bon ne permet toutes choses, & n'endure que Satã face tout ce qu'il voudroit bien, & pourroit faire par la subtilité de sa nature: ains seulement les choses qu'il a deliberees, non pour establir vne superstition, mais pour nous rappeler au bon chemin, ou pour punir les meschans. Nous verrons ceci en vn tauernier lequel à cause de son larrecin & pariure fut sur le chãp emporté par le diable, & onques puis n'apparut. Parquoy Dieu n'endure point que les diables exercent ces violentes tromperies en nos forcieres, lesquelles sont assez punies par leur aage decrepit, par leur fantasie corrompue, & par leur esprit diminué. Car il ne se iouë point avec le Diable.

Av reste, encore que nous ne puissions si exactemét entendre, comment ces esprits qui n'ôt point de corps, peuent porter les corps en l'air, (ainsi comme nous entendons la tardiueté, & maniere de nostre mouuemét) toutesfois nous ne nous en esmeruillerons pas beaucoup, si nous considerons comment nostre ame peut si bien mouuoir sa prison & son corps, que nous le voyons courir, sauter & monter. Car l'esprit est vne substance plus deliure & legere, qui prend son origine de la mesme lumiere, & est ou par dessus tous les elements, ou bien faite du plus excellent element. Dauantage, nous le trouuerons moins estrange si nous nous resouuenons des choses faites par la vertu des vents: cõme des vaches transportees d'Espagne par dessus les monts Pyrenees. Car l'Ecnephie & le Typhõ sont des soudains tourbillons: l'vn desquels esleue en l'air, & l'autre



l'autre rabbat en terre: puis, comme faisant rebondir & reiaillir les corps, il remporte en haut les choses que *Plin<sup>e</sup> d<sup>ite</sup>* au parauant il auoit abatues. Pour ceste cause il pleut *2. chap. 38.* souuentefois des pierres & des tuiles cuites, lesquelles *54.* auoyent esté enleuees par les vents. Ce pendant ie ne nie pas que parmi ce confict & combat de nuees les diables ne se messent pour augmenter les foudres & tonnerres, & faire tout ce qu'ils peuuent pour briser les rochers & lieux hauts, renuerfer les bleds, tuer le bestail, arracher les arbres & faire telles autres choses. Il y a à Rome sur le mont Auentin en l'Eglise sainte Sabine, qui fut anciennement le temple de Diane, vne pierre noire & ronde, laquelle pend à l'un des bouts de l'autel, & que les moines disent auoir esté ietee par le diable, à saint Dominique pendant qu'il prioit Dieu: toutes-fois qu'elle ne le blessa point, à cause que les mains & les bras du diable trembloient. On en void vne presque semblable au grand temple de Cologne, de laquelle (ce dit le conte) le diable se voulut seruir pour froisser & mettre en poudre les corps des trois rois qui y sont gardez en grand honneur: & que la pierre reiaillit contre mont, craignant d'ofenser ces corps. Cela est aussi vray que ce qui se trouue par escrit en la chronique de Saxe, asauoir qu'en la prinse de Milan l'Euesque Reinhold chargea vn chameau des ossemens de ces trois rois, & qu'estant auenu par la nonchalace des conducteurs que le chameau se perdit en chemin avec ce grand thresor, ils iusnerent & firent tant par leurs prieres enuers Dieu que le chameau reuint volant en l'air, & se reioignit à ses compagnons. Autant a d'autorité en ceste mesme chronique le pourparler de Bruno Euesque d'Hildesheim avec la vierge Marie. Voila le moyé par lequel ie pense que le diable peut porter hant & bas chaque chose corporelle, non toutesfois sans la volonté & permission de Dieu.

*Les corps ne peuuent estre portez, sinon par iustes espaces: & en vn mesme temps ils ne peuuent estre en diuers lieux.*



Iehan 20



Ars de chager l'essence d'une creature, ou de faire qu'un corps passe au trauers d'un autre, sans que l'un des deux, ou tous deux ensemble soyent interressez, ou de faire passer un grand corps par une espace ou lieu non

*Matt. 19.* proportionné à sa grandeur: comme quand on dit que les

*Marc. 10.* forcieres passent par des petits pertuis, & entrent es mai

*Luc. 18.* sons: tout cela, est autant impossible à faire aux diables,

*Arist. 8.* come il est de faire passer un chable par le pertuis d'une

*de la Physique.* aiguille: ce que toutesfois Iesus Christ a tenu pour chose

impossible. Car le corps & tout ce qui est compris en

un lieu, & toute chose logee, doit estre proportionnee

à son lieu: autrement il faudroit cōfesser qu'il y auroit pe-

netration des corps: ce qui est contre la nature, & contre

tous les principes de physique. Et quant est de ce

que Iesus Christ entra à ses disciples les portes estans fer-

*Luc 24.* mees, cela ne veut dire autre chose, sinon ce qui est mō

Un mes- tre par le propos precedent: Iesus Christ vint à eux, les

me corps portes estans fermees, à raison de la crainte que les dis-

ne peut e- ciples auoyent des Iuifs. Ce n'est pas à dire qu'elles ne

stre en s'ouurissent lors qu'il voulut entrer. Car, pourquoy n'o-

deux lieux beiroyent-elles à la presēce du corps de Christ, & pour-

Un seul quoy ne s'ouuriroyent & fermeroyent elles à sa puissan

Dieu eston ce? Tous les anciens l'ont ainsi pensē. Car son entree

tous lieux a monstře la veritē de son corps, & principalement à

Saint Au Sainct Thomas, auquel il dit, luy monstřant ses mains &

gustin de son coltē, & aux autres, aussi monstřant ses pieds: Tou-

l'esprit & chez & voyez, car un esprit n'a ni chair ni os. Parquoy

de l'ame. le Diable ne pourra rien faire des choses que nous a-

chap. 18. uons dites, & encore moins qu'un mesme corps soit en

L. Filius un mesme temps en diuers lieux & endroits. Car com-

me ainsi soit que Dieu a mis toutes choses en leur me-

sure, en leur nombre & en leur poids, chaque chose a

son poids, sa mesure & son nombre. Ce qui est sans lieu,

sans mesure, sans poids, & se meut sans temps & sans lieu,

est infiny: & cela est une seule chose. Le reste donc, com-

me les esprits & les corps se meuuent en temps & en

lieu. Les esprits aussi sont substances corporelles, & sont

compris en certains lieux. Comme nostre ame est en

un lieu, & estant la, elle est presente en un lieu, & est lo-

geable



geable : car ce qui est tout present en quelque lieu , ne peut estre ailleurs. Les Iurifconsultes disent que ce qui est par tout, n'est estimé estre en certain lieu:& encore qu'en l'ame il n'y ait ni ligne, ni superficie, ni poinct, comme au corps, elle ne laisse pas toutes-fois d'estre finie:& ce qui est par tout, est infini. Or il n'y a aucune proportion de ce qui est fini à ce qui ne l'est point.

S'il est donc ainsi que l'ame soit tellement bornée qu'estant toute en vn lieu, elle ne peut estre ailleurs, combien dauantage le seront les corps terrestres? Sainct Augustin en a ainsi pensé de Iesus Christ ressuscité, disant: Tout ainsi comme, lors qu'il estoit en terre, il a esté manié par les mains de ses disciples: ainsi a-il esté conduict par leur veüe, lors qu'il est monté au ciel: & ainsi il viendra, c'est à dire, en la mesme forme & substance de chair, à laquelle il a donné immortalité, & ne luy a point osté sa nature. Et selon ceste maniere, il ne faut pas penser qu'il soit espâ du par tout: car ce n'est point vn corps, s'il ne s'arreste, & meut par espace de lieu en certaine longueur, largeur & profondeur, tellement qu'en la plus grâde partie de soy, il occupe plus grand lieu, & en la plus petite, plus petit, estât moindre en sa partie, qu'en son tout. Pour ces raisons Sainct Germain a pensé qu'il ne se pouuoit faire que les femmes fussent de nuit en la tauerne, & couchees aupres de leurs maris. Car on lit en sa legende, qu'estant vn soir en vne hostellerie, & voyant remettre vne nappe apres souper, il s'enquista pour qui c'estoit que lon aprestoit vn second souper, on luy respondit que c'estoit pour ces bons hommes & bonnes femmes, qui volent de nuit. Parquoy le saint commanda qu'on veillast, & voici vne grande troupe d'hommes & de femmes, qui se mirêt à table, & auxquels il en chargea de ne desplacer: puis il demanda à ceux de la maison qui estoient tous estonnez, s'ils conoissoient aucun de la troupe, on luy respondit que c'estoyent des voisins & voisines, desquels il fit visiter les maisons, où lon les trouua endormis: & ainsi il coniura tous ceux qui estoient en la tauerne, qui confessèrent qu'ils estoient diables. Voila comme Simon le magicien estoit au côclaué avec Neron: & en mesme heure parloit avec le peuple. Nous pourrions rapporter

*fam. 6. secundū de leg.*

*Aristo. 8. de la phisique que Epist. 146. à Consensius.*

*A. Dav. epi. 17. li. 1. chap. 2. de l'origine de l'ame à Hiero.*

*En la vie de Sainct Germain.*



en cest endroit, ce que iay escript au chapitre septieme de ce liure, touchât le Charlatan magicien, lequel fut veu à Magdebourg mōter en l'air avec son petit cheual.

*Que les forciers n'enuoyent point les maladies dont elles se confessent estre cause. Item il est prouué par exemples que tout ce que lon en racōte ne merise d'estre mis & approuué pour histoires, mais seulement pour fables.*

## CHAP: XIII.

*Livr. II.  
de l'hist.  
d'Escoce.  
De la va-  
riété des  
chofes.*



E proposeray en cest endroit vne esmerueilleable histoire touchant cest afaire, laquelle a esté escripte par Hector Boece historiographe, & refutée par Hierosme Cardan, à fin que lon puisse par le recit de ceste-ci iuger egallement de toutes les autres. Le conte est tel qu'il s'ensuit: Le Roy Duffus tomba en vne maladie, laquelle de soy mesme n'estoit si dangereuse que difficile à conoistre par les plus doctes Medecins: ayant esgard à la maniere de viure des Escossois, & à la constitution du temps, & des corps, lesquels n'auoyent encores esté assaillis de maladies estrāgeres. Car encores que le Roy n'eust aucun signe paroissant de trop grande abondance de cholere, ou de phlegme, ou d'autre humeur pechant, ou de la complexion humaine interessée: il ne laissoit toutes-fois d'estre tourmenté peu à peu. Car il suoit toute la nuit, & ne pouuoit dormir, & de iour il se reposoit, à peine soulagé de la douleur qu'il auoit endurée toute la nuit: il tomboit en langueur, & estoit semblable à vn corps du tout debilité. Il auoit la peau tendue, au trauers de laquelle on pouuoit discerner les veines, les nerfs, & la maniere par laquelle les os humains sont assemblez l'un à l'autre. Le mouuement des esprits du cueur estoit doux & posé, ce qui monstroit que l'humidité vitale n'auoit outrepasé les bornes d'atrempance: & ce qui se conoissoit par le toucher de la veine du cueur, & des arteres. Il auoit la couleur vermeille, l'œil & l'ouye fort bonne & attempee, avec l'appetit de boire & de manger assez bon. Les Medecins s'esmerueilloient de tous les signes de santé en vn homme languis-

sant



sant & batu de douleurs: si bien qu'ayans fait leur deuoir, & ne trouuans rien pour empescher ceste grãde & nuisible sueur, & pour l'esmouuoir & inciter à dormir, mais au contraire voyans qu'il estoit de plus en plus tourmēté par sueurs & veilles, commencerent à le consoler (car il n'y auoit plus autre moyen selō leur auis & opiniō) & le prier de biē esperer de sa santé, l'exhorter à prédre courage de foy mesme, & luy dire qu'ils auoyent opiniō que sur le printēps, à la venue du nouveau Soleil, qui est le cōseruateur de la vie des animaux, il recouure roit sa santé perdue, par le moyen des medicamēs & des medecins que lōseroit venir en bref des autres païs, dātāt que la maladie leur estoit inconue. Or couroit-il vn bruit de ce tēps là ( sans toutes-fois que lō en sceust l'auteur) que le Roy estoit detenu par vne si lōgue espace de temps en langueur, & qu'il tomboit en chartre, non par maladie naturelle, mais au moyē de l'art diabolique des forcieres, lesquelles exerçoiēt cōtre luy l'art de Magie & forcellerie, en vne ville de Moraue, nōmee Forres. Incōtinent que ce bruit fut venu aux oreilles du Roy, on enuoya des hommes en Moraue, pour s'enquerir si ce qu'on disoit estoit yray: ce qui fut fait sur l'heure, de peur que les forcieres, apres en auoir ouy le vent, ne se misēt en fuite pour crainte de punition. Les messagers que lon auoit enuoyez, dissimulerēt la cause de leur voyage, & firent entendre qu'ils estoient là venus pour faire la paix entre le Roy & ceux de Moraue, lesquels au parauāt auoyēt cōpiuré cōtre luy. Estās donc entrez de nuict au chasteau, qui estoit encore demeuré en l'obeissance du Roy, ils firent sçauoir leur charge au capitaine Doneual, & le prierēt de leur aider en cest affaire. Les soldats qui gardoyēt le chasteau s'estoyēt desia aucunemēt doutez du fait. Car ainsi que l'vn d'entre eux caressoit sa garce, fille d'vne forcierre & enchâteuse, il estoit en partie informé du tēps de la maladie du Roy, de la maniere & lōgueur d'icelle, de quelles forcelleries & charmes magiques les forcieres s'aidoyēt, dōt il auertit l'vn de ses compagnōs qui le rapporta à Doneual, & Doneual aux Ambassadeurs du Roy. Ainsi Doneual fit venir incōtinēt la garce qui auoit si à propos esté messagiere de ceste grãde meschāceté, & l'ayāt interroguée, & cō



trainte de confesser la maniere par laquelle le tout se faisoit, & le lieu où les forcieres besongnoyent: il enuoya des soldats en plaine nuit pour les descouurir: lesquels entrans de force en la maison fermee, trouuerent vne forcierre qui tenoit vne image de cire, representant la figure de Duffus, laquelle estoit faicte, cōme il est vray-semblable, par art Diabolique, & attachee à vn pau de bois deuant le feu, là où elle se fendoit, ce pendant que vne autre forcierre en recitant quelques charmes, dist il loit peu à peu vne liqueur par dessus l'efgie. Ces forcieres doncques estans prises sur l'heure, menees au chasteau avec leur image, & interroguées pour quelle occasion, en recitant des charmes, elles mettoyent l'image du Roy deuant le feu: elles respondirent que le Roy Duffus fendoit en sueur, pendant que son efigie estoit deuant le feu: & que tandis que lon prononçoit les charmes il ne pouuoit dormir, tellement qu'à mesure que la cire fendoit, il tomboit en langueur, & qu'il mourroit incontinent qu'elle seroit du tout fondue. Elles dirent aussi que les Diables les auoyent ainsi apprises, & que les principaux de Morauie leur donnoyent argent, & grande recompense pour ce faire. Ceux qui estoient la presens se mirent tellement en cholere, qu'ayans rompu l'efgie, ils poursuyuirent iusques à ce que les forcieres furent bruslees pour punition d'un tel mesfait. Et dit on que ce pendant que ces choses se faisoient au Chasteau de Forres, le Roy commença à se reuenir, & passa la nuit sans suer, si bien que le iour suyuant il reprit ses forces, & s'aida promptement des facultez & puissances naturelles, tout ainsi comme si parauant il n'eust point esté malade. Tant y a qu'en quelque maniere que la chose soit allee, le Roy Duffus fut incontinent guerry. Voila ce qu'en escrit Boece. Toutes-fois il me semble que Satan peut bien estre auteur du bruit, qui courut premierement: car comment est-ce que lon eust seu conoistre le lieu ou ces choses se faisoient, si le diable n'eust designé & marqué l'endroit, ou il pouuoit inciter les vieilles insensees à faire cest ouurage? mesmes apres que par ce moyen le bruit fut semé, que le Roy estoit malade & que les vieilles forcieres de Forres en estoient causes? Ne peut-il pas bien les pousser à faire



faire vn tel appareil, à celle fin de tousiours maintenir le Roy & ses subiets en incrudelité, de procurer la mort des femmes, & d'allumer en Morauie des nouvelles torches de dissentions par mensonges? Le dis ceci encores que l'histoire fust vraye, ce que ie ne pense: car comment eust-on conu que l'image de cire fut faite à la semblance du Roy, puis que desia elle estoit fondue en partie? Comment la vertu de la fusion de la cire, de la liqueur respâdue par dessus, & des charmes eust-elle eu pouuoir sur Duffus eslongné par si grandes espaces de pays? Comment est-ce aussi que le Roy pouuoit fondre en sueur, & deuenir en chartre peu à peu, pendant que la cire couloit deuât le feu, puis que la cire fond incontinent? Cômment est ce aussi que par la consommation de la cire, la mort en fut ensuyuie? Le dis cecy contre ceste fable, pour respondre à ceux, lesquels obstinément la voudront defendre. Voila comment aussi maistre Jean Legeret president de Sauoye fut trompé, lors qu'il confessa qu'il pouuoit faire des esgies, par lesquelles il blesseroit & en dommageroit Philipe Duc de Sauoye. Nous voyons dauantage, comment en la fin de ce conte l'historiographe est en doute par quel moyen le Roy Duffus fut guéri.

CARDAN aussi escrit en ceste maniere, apres auoir racô Livre 15.  
té ceste histoire, & plusieurs autres de pareil argument: de la va-  
monstrons, dit-il, si parmy tous ces miracles controu- riété des  
uez, il se peut rencontrer quelque verité: car ceux mes- choſes,  
mes qui les escriuent pour vrais n'oseront nier que la chap. 80.  
plupart de telles histoires ne soyent fabuleuses & con-  
trouuees. Ce qui est donc escrit par Boece, (lequel n'est  
apprentif à escrire des histoires peu ioyeuses) a esté fait  
pour attirer & allecher les lecteurs, à celle fin que les fa-  
bles diminuassét l'ennuy qu'ils pourroyent auoir de li-  
re les faits, les mœurs, & la description de la religion des  
Scythes. Ce qui n'est pas vicieux en vn historiographe  
lors que l'histoire est sterile de soy mesme, laquelle il  
luy est licite d'embellir de contes ioyeux & de fables.  
Parquoy Tite Liue s'en est gardé à iuste & bonne raison.  
Herodote en est iustement taxé, & Saxon le Gramma-  
rien loué. Dauantage Boece a trouué ces choses escrites,  
& le fait de soy mesmes est hors le cours de l'histoire: cō



*Liure* 3.  
*chap.* 7.

me à raconter les mœurs du pays, les guerres, les combats, le nombre des tuez, ou le nombre de ceux qui ont assisté és batailles, ou qui se sont portez vaillamment les commencemens des familles, les causes des guerres, les temps, l'ordre, & les gestes des Princes: de toutes lesquelles choses l'histoire est composée, comme de ses propres membres. Et qu'il ne soit ainsi, il n'y a rien si petit, appartenant à l'histoire, qu'il ait laissé derriere, ou raconté autrement qu'il n'est: comme les situations des régions, & des villes, leur grâdeur, les bourgades, les isles, les forêts, les montagnes, les nouvelles especes de plantes, les animaux à quatre pieds, les oiseaux, les serpents, les poisons, la bonté de la terre, les vicissitudes & changemens des vents, la douceur du ciel, les estangs, les marests, les distances & les autres choses qui sont rares, & propres toutesfois pour l'intelligence de l'histoire. Or a il estimé qu'il falloit orner son histoire de telles choses: au reste il n'estoit aucunement philosophe. Et quant est des choses que Berne & Piret (desquels nous parlerons cy après lors que nous discourrons de la coquemare) & que nostre villageois lequel vomissoit le verre, les poils, & les cloux, & lequel sentoit le son d'un verre cassé en son ventre, & les coups des heures en son cuer: quāt est, die, des choses que toutes ces personnes pensoient veoir ou entendre, i'estime qu'en partie elles sont vrayes, & en partie fausses. Car c'est vne chose contraire à toute raison que de voir veritablement, & perseverer longue mēt, en vne visio, s'il n'y a quelque chose qui soit veuë. Or voyent ils, & oyent quelque chose, dont il faut rapporter la cause à la melancholie, laquelle procede en partie du boire & du manger, de l'air, & des fâcheries, de la crainte de pauvreté, en partie de la constitutiō du ciel, & en partie de la communication que l'on a avecques les autres maniaques & fols. J'ay eu autresfois un mien amy, lequel fut contraint de demeurer l'espace de dix huit mois en l'une de ces valles: estant revenu vers moy, il commença à me raconter des choses incroyables touchāt ces fâsies, encore qu'il fust assez docte en la philosophie. ie l'admonnestay de ne dire plus telles choses, s'il ne vouloit estre estimé fol & insensé, & estre au danger de sa vie. Parquoy il se mesla de



li en auant de grandes affaires, & changea sa maniere de viure: puis ainſi qu'il hantoit avec les autres, il reuint à ſon bon ſens. La ſupreſſion auſſi des femmes, & de la ſemence, eſt cauſe en pluſieurs de l'origine ou accroiſſement de ceſte maladie, & en general il y a trois choſes deſquelles procede ceſte tromperie, à ſçauoir des fantoſmes, de la melancholie, de la conſtance ou opiniaſtrete de ceux qui ſont malades de ce mal, & de la fraude des iuges. Car il eſtoit iadis permis à ceux, auſquels le bien des condamnez deuoit appartenir, d'accuſer, & de condamner: ſi bien qu'ils adiouſtoyēt pluſieurs choſes à la fable, de peur qu'on ne penſaſt qu'ils euſſent iugé iniquement. Au reſte il n'y auoit en leur interrogatoire aucune choſe, qui ne fuſt ou ſotte, ou fauſſe, ou inconfiſte, ou de nulle eſtime, excepté le meſpris de la religion. car il y en auoit quelques vnes qui nioyēt Ieſus Chriſt: les autres qui couſoyent le Canō de la Meſſe entre leurs robes, les autres qui crachoyent contre les images des ſaints, & commettoyēt telles choſes. Telle puissance fut premierement oſtee à ces Iuges par le treſſage ſenat de Veniſe, lors que les Venitiens apperceurent que le raiſſement & pillerie de ces loups eſtoit venue iuſques à ce point, qu'en eſperance de proye ils condamnoyent les innocens, & ne cerchoyent point les contempteurs du ſeruice de Dieu, mais les poſſeſſeurs de richelſſes. Sur ces entrefaites la ſecte des Lutheriens eſt ſuruenue, & pourautant qu'en icelle les pauures n'eſtoyent ſurpris, mais le plus ſouuēt les riches, ils ont laiſſé les premiers, & ſe ſont iettez ſur ceux-cy. Toutesfois on les traite vn peu plus doucement, ſi bien que nous voyons aſſément que tout eſt plein ou de folie, ou d'auarice.

Or pour retourner à mō propos, ceux là ſe perſuadoiēt voir & entendre aucunes choſes, leſquelles puis apres ils augmentoyent & enrichiſſoyent de meſonges, ſi biē qu'en la fin à force d'en parler, il naiſſoit (comme on dit communément) vn Elephant d'vn moucheron. Il y a auſſi quelques hommes, leſquels voyans & entendās des choſes inacouſtumees, n'en font grand conte, & par vn ſain iugement les reiettent. Voila ce qu'eſcrit Cardan, le quel dit encore que ſouuentefois il auient qu'vn homme tōbera malade d'vne maladie naturel-



le, & toutesfois correspondante auçinement à la sorcellerie, au mesme temps que ces femmes l'auront voulu enforceler: si bien que lon pèse qu'elle procede de sorcellerie, pour autant que la nature de la maladie, & le tēps s'y accordent. Ainsi le diable coupable de la maladie naturelle, & de son issue, corrompt la fantasie de la vieille affollie par fausse suposition. Voila aussi comment Dieu permet que les autres soyent trompez par mesme moyen à cause de leur incredulité. Mais pourant que les Inquisiteurs estoÿēt ignorā des choses naturelles & encore plus des S. lettres, ils ont tout redigé en histoire, quoy que ce fust, selō que leur opinion leur commandoit: ce qui estant petit à petit augmenté & enrichi, a donné fort grande occasion à ceste folie.

OR comme tels plaisāns contes ont esté fourrez dās les histoires par plusieurs qui, ou par faute d'experience, ou pour auoir creu legierement aux bruits qui couroyent, ou aux escrits des autres que tels cas pouuoÿent auenir, mais n'estoyent auenus de fait, se fondans sur les exemples du temps passé qu'ils estimoyent choses auenues, combien que ce soyent discours fabuleux: ainsi ces mensonges touchant le Roy Duffus semblent auoir esté empruntez de ce que les Poetes ont dit de la mort de Meleager fils d'Eneas Roy d'Aetolie, qui auoit sa destinee atachee à vn tison de feu. Car estant auenū qu'un fier sanglier gastoit l'Aetolie, Meleager inuita les grands seigneurs du pays à la chasse de ce sanglier. Vne ieune dame nommee Atalanta ayant donné le premier coup au sanglier, Meleager en deuint amoureux, & apres auoir tué la beste donna la teste à Atalanta: ce que deux oncles d'icelle portans impatiemment la luy voulurent offer: mais Meleager les tua. Althea sœur d'iceux & mere de Meleager se voulant venger de la mort de ses freres, fit mourir par feu son fils Meleager en iettant au feu le tison fatal de sa vie. Car tost apres la naissance de Meleager sa mere vid les Parques qui mettoÿent vn tison dans le feu, & disoyent ces mots, Enfant tu viuras autant que ce tison durera. Apres que les Parques s'en furent allees Althea tira incontinent le tison hors du feu & le garda fort soigneusement. Or estant desesperée pour la mort de ses freres, & trop cruelle en-



uers son fils, ietta ce tison dans le feu, lequel estant consumé, Meleager le fut aussi.

**I A Q V E S** Meyer escrit au 16. liure des Annales de Flandres ce qui s'ensuit. 1. J'ay leu vne terrible histoire auenue en Arras l'an mil quatre cens cinquante neuf, que plusieurs furent bruslez cruellement pour auoir esté de nuit en la synagogue avec le diable, qui leur auoit donné grande somme d'argent. Les executez à mort accuserent des principaux de la ville & plusieurs femmes: 3 aucuns furent prins & gehennez d'une façon estrange: 4 les autres rachetez à force d'argent: 5 aucuns s'absenterent du pays: 6 il y en eut d'autres si fermes en la torture qu'ils ne voulurent rien confesser. 7 Lon dit qu'il y eut quelques vns d'entre les iuges si detestables que de contraindre à force de tourmens les prisonniers d'accuser certains particuliers à qui ils vouloyent mal cōme estans de la bāde. 8. ils aioustoyēt que en ces assemblees de nuit se trouuoient des hommes & femmes de tous estats qui adoroient le diable transformé en homme, sans que toutesfois ils le vissent en face, & qu'ils promettoient solennellement de faire tout ce qu'il leur commanderoit: 9 qu'ils auoyent fait grand chere au banquet que le diable leur auoit apretté: 10 que toutes les chādelles auoyent esté esteintes, & chasque homme auoit prins la premiere femme qu'il auoit peu trouver & habité avec elle: puis sans aucune aide du diable ils s'estoyent retrouuez es lieux d'ou ils estoient partis.

1 Ces contes, comme plusieurs autres en tel affaire diabolique, ont esté leus & escrits par erreur de la confession des iuges ou du menu peuple.

*Ami de  
l'Auteur  
sur le dis-  
cours prece-  
dent.*

2 Le diable a acoustumé de bailler de l'argent, ou en aparence, ou par vne fausse opinion qu'il en imprime, & enrichit les siens de promesses: mais il ne tient rien, & se moque par tels artifices.

3 Vous voyez l'ignorance, l'iniquité, l'exceffiue rigueur & insuportables suplices des iuges.

4 Ce qu'aucuns furent rachetez à force d'argent monstre qu'ils aimèrent mieux saouler l'auarice des iuges, que d'estre bourrelez à tort, & estre contrainsts de confesser par tortures extraordinaires.



5 Ils se sont absentez pour euitier les sanglantes & cruelles mains des iuges & des bourreaux.

6 Ceux qui maintindrent constamment leur innocence furent despezés à la torture.

7 L'appetit de vengeance d'aucuns iuges monstre combien on fait souuent confesser de crimes par force, spécialement en ce fait enuelopé & diabolique, & par iuges trop desireux de se venger, & de s'emparer du bien d'autrui, tant ils sont insatiables.

8 Quant à ce qu'il dit qu'en la synagogue se trouuoient toutes sortes de gens, &c. quiconque aura quelque iugement entendra assez que c'estoyent pures illusions, que la fantasie estoit corrompue, l'entendement blessé, que ce n'estoit en somme que des songes vains.

9 En se leuant au matin & ayant bon appetit comme de coustume, ils ont aisément conu que ce banquet de nuit n'estoit qu'un songe.

10 Il n'a point falu eiteindre les chandelles allumées ou il n'y en auoit point : partant c'est un pur songe, comme celle cohabitation des hommes avec les femmes, veu que les uns & les autres estoient demeurez chacun en son liect: parquoy sans aucune peine & sans que le diable s'en messast ils se retrouuoient en leurs places qu'ils n'auoyent pas laissées. & n'y a rien plus veritable en ce discours. Si les autres semblables histoires sont espluchées de mesme, le manteau de mensonge tombera bas.

*Preuues touchant la folle sâtasie des sorcieres: la fausseté des histoires de mesme argument, prise de l'histoire de Dannemarch, écrite par Iean le Grammairien. Item un fort bel exemple d'une femme fantastique.*

## CHAP. XV.



CELLE fin que ceste folie sâstistique puisse estre conue d'un chacun, ie transcriray fidelement vne histoire prise de Iean le Grammairien, qu'il a mise parmy les autres comme vraye, & laquelle toutesfois lon iugera estre purement faulse & mensongiere (ce que ie dy sauf la reuerence d'un homme docte tel qu'il estoit)

si on



si on la veut examiner par raison : & voir , s'il est possible qu'un homme puisse auoir le souuerain don de raison & d'eloquence, & l'adresse de combattre agilement, par le moyen d'un gracieux ou mauuais goust des viandes. Il escrit donc au cinquieme liure de son histoire de Dannemarch: Eric & Roller fils de Regner l'escrimeur estoient issus d'un mesme pere, mais de diuerſes meres, car la mere de Roller, & belle mere de Eric, se nōmoit, Craque. Auint vn iour que Roller fut enuoyé deuant par son pere, pour voir ce que lon auoit fait en la maison, pendant son absence. Incontinēt qu'il vid fumer la cheminee, ou estoit sa mere, il approcha par dehors & regarda au trauers d'une fēte iusques dedās la maison, où il la vid remuant vn potage, qui cuisoit dedans vn chauderon, qui estoit au four. Il vid encore au dessus trois couleurs pendues à vne petite corde, de la gueule desquelles distilloit vne humeur dedans le potage : les deux estoient de couleur de poix, & l'autre auoit les escailles blanchastres, & pendoit vn peu plus lōg que les autres, car elle estoit attachee par la queue, & les deux autres par le ventre. Luy adonc se doutāt bien que cestoit vne sorcellerie ne dit mot, de peur qu'il ne semblast accuser sa mere d'estre forcierre, car il ne ſçauoit que la nature de ces serpens estoit venimeuse, & encore moins quelle vertu s'apprestoit par ceste viande. La dessus arriuerent Regner & Eric, lesquels voyans la maison fumer & estans entrez dedans demanderent à manger. Mais comme ils estoient à table, Cracque mit vn petit plat, plein de viande de diuerſe couleur au deuant de son fils & de son beau fils qui deuoyent manger ensemble: car vne partie paroissoit non seulement noire, ains entre meslee de goultes iaunastres, & l'autre estoit blanchastre, pourautant que selon la diuerſe espece des serpens, le potage estoit coulouré de deux couleurs. Or apres qu'ils en eurent gousté chacun vn petit, Eric qui n'auoit esgard à la couleur de la viande, mais à l'efect du dedans, fit incontinent tourner le plat, & fit venir de son costé la partie qui estoit noire, & pleine de ius dauantage que l'autre, & bailla la blanchastre qui luy auoit este mise deuant, à Roller, si bien qu'il en soupa beaucoup mieux. Et de peur qu'il ne fust aculé d'auoir



à son escient tourné le plat: On a dit-il acoustumé, lors que la mer est en tourmète, de tourner la poupe du costé ou estoit la prouë. Il n'eut pas mauuais esprit de dissimuler sa fraude par la coustume des mariniers. Eric donc fut rassasié d'une heureuse viande, par la vertu de laquelle il paruint au comble de la sagesse humaine: car la vertu d'icelle luy engendra vne abondance de tout sçauoir, voire dauantage que lon ne sauroit croire: si bié qu'il pouuoit interpreter les voix des bestes. Dauantage il ne sauoit pas seulement les choses humaines: mais aussi il raportoit les sons sensuels des bestes à l'intelligence de certaines affections. Il estoit au reste si gracieux & bien disant, que toutesfois & quantes qu'il vouloit disputer de quelque chose il l'embellissoit à l'heure mesme de beaux prouerbes. Or incontinent que Cracque suruint, & qu'elle vit l'escuelle retournée & la meilleure partie du potage mangée par Eric, elle fut marrie de voir que la fortune qu'elle auoit preparée à son fils estoit transportée au fils de son mari: auquel en plorant elle supplia qu'il luy pleust de ne laisser iamais son frere, la mere duquel luy auoit donné tant de nouuelles felicitez, que par le sauoureux goust d'une seule viande il s'estoit acquis le comble de raison & d'eloquence, & la grace d'acheuer heureusement tous combats. Elle luy dit encore que Roller estoit presque capable de cōseil, & qu'il auientroit en apres, qu'il ne seroit du tout frustré de la viande qui luy auoit esté aprestée. Puis elle l'admonesta que lors qu'il seroit en extreme necessité il auroit vn prompt remede par l'inuocation de son nom: l'assurant quelle estoit en partie appuyée sur la vertu diuine: & qu'elle en portoit la puissance empreinte en soy-mesme, comme étant quasi compagne des celestes. Eric luy respondit que naturellement il estoit tenu d'aider à son frere, & qu'il estimoit l'oiseau meschant, lequel souille son propre nid. Cracque estoit plus faschée de sa propre nonchalance, que son fils n'estoit de la fortune contraire: car c'est vne grande occasion de rougir quand l'ouurier est trompé par son art. Voila ce que raconte Saxon. Or est-il si manifeste que nulle creature, & encore moins l'humeur venimeux qui distille des serpens, n'a pouuoir de donner le souuerain



rain don de raison & de faconde, ou la prosperité des combats, mais seulement que ce sont dons particuliers que Dieu departit à qui bon luy semble : cela di-ie, si manifeste, qu'à bon droit ie deuerois estre repris de mal employer les heures, si i'estois plus long à racôter ceste histoire. Dauantage si ceste venimeuse viande ainsi aprestee, & mangée par Eric, auoit telles vertus, pourquoy la mere ne la refaisoit-elle derechef plus soigneusement pour son fils Roller, attendu qu'elle portoit avec soy ceste diuine puissance ? Si ce n'est que quelqu'un se vueille follemēt aider de ce que les mensongieres vertus de telle viande ne sont qu'une fois dediees pour le repas de quelqu'un, à la maniere de la benediction, par laquelle Isaac bien-heura incontinent son fils Iacob. Cependant toutesfois il se faut esmerueille grandement de ce que ces mensonges si manifestes ont esté meslez par des hommes illustres, entre des choses, lesquelles sont veritablemēt auenues : sans auoir parauant admonesté le lecteur, que c'estoit vne fable leuē ou entendue en quelque endroit : car par ce moyen la lecture en eut esté beaucoup plus asseuree.

I'ADIOVSTERA Y vne autre histoire aussi authentique que la precedente & autres sus mentionnees, recueillie des Chroniques d'Angleterre, & ce pour faire plaisir à vn certain François qui se fait apeler Leo Suanius, lequel a prins occasion de me reprendre en vn abregé qu'il a fait de la doctrine de Paracelse, peut estre pource que j'ay descouuert aucunement le pot aux roses des Paracelsites. Entre autres choses friuoles il me reproche que ie me mocque des historiens. Or ie luy ay respondu au long en vn liure à part, en telle sorte que i'espere que ci apres il pensera de plus près à soy auant que d'escrire sans ocaſion contre moy. L'histoire que ie veux reciter maintenant est telle. En vne isle nommee Deyſa fut vne fille, du nom de laquelle l'isle fut ainsi appelee. Vn soldat deuint amoureux de ceste fille : neantmoins tant qu'elle vescu il luy fut impossible de iouir d'elle. Estant morte il eut sa compagnie, & lors il proféra ces mots, Ce que ie n'ay peu obtenir de la viuante, ie l'ay commis apres sa mort : alors Satan entra dans la charongne & dit à ce soldat, Tu as engendré



vn fils en moy : si tost qu'il sera nay ie te le porteray. Au bout de neuf mois elle auorta d'un fils qu'elle porta à ce soldat avec tel mandement, Voici l'enfant que tu m'as fait, coupe luy la teste & la garde bien. Car toutes les fois que tu voudras veindre ton ennemi, ou fourrager son bien, couure ceste teste d'un plat & la tourne vers les biens ou la personne de ton ennemi : lors tout soudain ils periront. Quand tu voudras cesser descouure la teste, & le mal s'arrestera. Cela auint ainsi. long temps apres ce soldat se maria, & sa femme luy demandoit souuent par quel moyen ou induitrie il veinquoit ainsi son ennemi sans combattre ? ce qu'il ne luy voulut declarer, defendant à sa femme de l'en presser dauantage & d'en plus parler. Vn iour en son absence elle crocheta vn cofre, esperant y trouuer quelque chose de cela : & rencontrant ceste teste elle fut merueilleusement effrayee d'une rencontre si abominable : puis soudainement elle ietta dedans le goulphe de Satalie. Que Leo Suuius plaide maintenant pour telles histoires, pourueu que preallablemēt il s'enquiere si elles sont vrayes ou nō : puis que le lecteur iuge qui de nous deux a meilleure cause.

Mais estant maintenant las d'escrire des fables ie raconteray vne chose vrayement auenue, laquelle est assez belle, & aproche de nostre question : c'est touchāt vne vieille femme fantastique. Le vulgaire appelle volontiers fantastiques ceux, qui se detraquent du commun sentiment : ils nomment aussi la fantasie yn degastement d'intelligence, de raison & de pensées. Ceste miserable composoit des medicamens, & deuinoit en Vualdsassie enuiron l'an mil cinq cens cinquante cinq. Parquoy elle fut appelee & adiournee par deuant le gouuerneur de cest cōtree, par lequel estat interrogee, & le voulant tromper, elle reprocha la folie de ceux qui la suyuoient. Mais alors qu'elle se sentit gehennée plus rigoureusement, elle dit qu'elle estoit du nombre des esprits que les Alemans nomment vagabonds, & que quatre fois l'an elle laissoit son corps mi-mort, pendant que son esprit alloit ça & là aux assemblees solennelles, aux banquets, & aux dances, auxquelles mesme l'Empereur assistoit. Elle dit encore qu'elle auoit lettres



tres de priuilege donné de l'Empereur, par lesquelles il luy estoit permis de cōposer des medicamens, de deuiner, & d'assister en esprit à telles assemblees. Mais apres qu'on les luy eut demandees, elle monstra les lettres du sacre de N. Chapelain de la M. Imperiale, & maintenāt Euesque, lesquelles auoyent esté perdues à Eger en vn voyage de guerre fait en Saxe: elle monstra aussi quelques papiers d'un certain Charlatan, par lesquels il louoit grandement ses onguens, son art de rompre la pierre dans les reins, & dans la vessie, & toutes telles bastelleries. Ceste malheureuse vieille trompee sans aucun doute par le diable, pensoit estre appuyee, & se confioit en ses tesmoignages (s'il est ainsi qu'elle dit ces choses à bon escient) & qu'ainsi il luy estoit permis de donner des medicamens, & de deuiner. Toutesfois apres qu'elle fut admonestee de desister & de reuenir à soy elle fut punie par bannissement. Cependant elle desiroit fort que lon luy rendist ses papiers, sans lesquels parauanture elle pensoit qu'elle ne pourroit rien faire en son art. Et ainsi que quelques vns raportoyent que lon auoit veu autrefois son corps comme mi-mort, le seigneur Henry Vvess, Docteur en loix, tresdocte, & iadis administrateur de Valdfassie (lequel m'a raconté ces choses ainsi qu'elles sont auenues) leur conseilla prudemment, que si derechef on larencontroit en tel estat, on ne fust faute d'y aprocher le feu. Il auoit leu, comme ie croy, au liure des conformitez, que le diable mit vn tison contre la main de frere Rodicosane, pendant qu'il dormoit pres du feu, & que le frere estant resueillé le prit, & l'arracha de la main du diable, pour l'en fraper s'il ne se fust esuanouy.

*Que l'air ne peut estre aucunement troublé par les sorcieres : & comment le Diable les induit à la fausse persuasion qu'elles ont de le pouuoir faire. Item que les bleds ne sot point enchanter.*

## CHAP. XVI.



**AVANTAGE** ces patures vieilles sont subtilement trompees par le Diable: car incontinent qu'il a conu & preueu selon le mouuement des elemens, & le cours de nature (ce qu'il fait plustost & plus facile-



ment que ne scauroyent faire les hōmes ) les mutations de l'air & les tēpestes, ou alors qu'il a entēdu que quelcū doit receuoir vne playe par l'oculte volunté de Dieu, de laquelle il est en cela executeur, il tormente les esprits de ces femmelettes, il les remplit de diuerses imaginations, & leur donne des diuerses occasions: comme si pour se venger de leur ennemy elles deuoyent troubler l'air, esmouuoir des tempestes, & faire tomber la gresse. Parquoy il les instruit tellement, que quelques-fois elles iettent des cailloux en arriere contre le soleil couchant: quelques-fois elles iettent en l'air du sablon d'un torrēt: quelques-fois elles mouillēt un guipillon en l'eau, puis elles en aspergēt vers le ciel: ou bien elles fōt un trou en terre, & y mettent de l'vrine, ou de l'eau que elles remuent avec le doigt: quelques-fois elles font bouillir des poils de pourceau dedans un chauderon, quelques-fois elles mettēt de trauers quelque tronche, ou autre piece de bois au bord d'une riuere, & font une infinité d'autres telles follies. Et à fin que Satan les tie- ne plus estroictement enserrees, il leur predit par les raisons susdites l'heure & le iour, auquel telles choses doyuent auenir. Puis quand elles voyent ce qui en ensuit, à scauoir tous ces troubles qu'elles ont desiré estre faits en l'air, elles en sont consermees dauantage en leurs opinions: comme si tel euenement estoit suruenu à cause de leur ouurage, par lequel toute-fois elles ne pourroyent tirer une seule gouttelette deau. Aussi ne conuient il pas à un homme de penser, que les elemens obeissent aux operations friuoles de ces femmelettes insensées: & que selon leur vouloir le cours des choses naturelles institué de Dieu, soit empesché ou renuersé: ce qui toute-fois auendroit sans doute, si les tempestes, les pluyes, les gresses & les foudres seruoient & obeis- soient tellement à leurs volonteiz, qu'elles ne fissent faute de venir toute-fois & quantes, & en la maniere que ces sortes le voudroyent. Ainsi la puissance diuine seroit veincue par la volunté humaine, & demeureroit comme asservie, ainsi que Hipocrates le monstre fort bien. Ceste sentence de Seneque sera doncques vraye: L'ancienneté encore lourde, dit-il, pensoit fermement que par enchantemēs les playes estoient attirées & re-  
pouf-



pouffees: ce qui est toutesfois si loin de toute verité, que pour le prouuer il ne faut entrer par l'eschelle d'aucun philosophe. Mais si elles se persuadent que par meschâs maudissons, ou par certain barbotement de paroles, elles peuuent faire des choses grandes, ie diray avec Socrates, que les enchantemens sont paroles qui deçoüent les ames, ou selon l'interpretation, ou selon l'esmotion de crainte, ou selon le desespoir: toutes lesquelles choses ie n'estime vn niquet, attendu qu'elles ne peuuent naturellement produire aucun effect, & ainsi ne peuuent elles changer la santé en maladie: encore que ces vieilles le pensent faire par tels moyens. Toutesfois ces maladies sont le plus souuent esmeuës par les diables, selon que Dieu le permet à raison de l'incrudulité des hommes, lesquels ont conceu vne opinion du pouuoir de ces sorcieres. Le mesme doit estre entendu des bleds, lesquels on dit auoir esté gastez par les enchantemës, ou par maudissons: ce qui toutesfois se fait par le diable, Dieu le permettant ainsi, ou bien par poisons. Encore moins peuuent ils estre transportez, iacoit que les anciens ayent tiré ceste opinion des escrits des Poëtes, laquelle est venue iusques à nous. Pour ceste cause on fait mention & allegue lon à tout propos la loy, qui estoit aux douze tables:

*Celuy soit puni qui enchantera les bleds.*

*Gardez vous d'attirer par charmes les bleds d'autrui.*

*Gardez vous d'enchanter.*

*Gardez vous aussi de destruire le bled d'un champ.*

*Les paroles des enchantemës ne peuuent rien.*

*Sous le titre de Inius rinalisque delictis 1.9*

*Alt. tit. II: Plin li. 18. chap. 6.*

A v reste, C. Furius Cresinus, monstre quels sont les vrais charmes, & sorcelleries, par lesquelles les bleds sont attirez, & transportez en vn champ: car apres qu'il fut deliuré de seruitude, & qu'il comença à receuoir vn peu plus de fruits d'un sien petit labeur, que ne faisoÿt ses voisins de plus grandes terres, il fut enuié tellement, que l'on l'acusa de faire venir & attirer les bleds d'autrui en son cháp, par art de sorcelleries. Parquoy estant adiourné par deuant SP. Albin, & craignant d'estre condamné (attendu qu'il falloit y aller avec tesmoignage de trois) il apporta au Palais tous ses instrumens ru-



stiques, il y amena sa fille qui estoit puissante, & comme dit Pison, bien nourrie & vestue: ses ferremens bien faits, ses pesans hoyaux, le soc de sa charrue, & ses bœufs bien nourris: puis il dit: Messieurs, voicy mes sorcelleries: au reste ie ne vous puis monstrier, ny apporter en ce lieu au Palais mes besongnes faites à la chandelle ni mes veilles & sueurs. Ainsi il fut absous, par l'opinion d'un chacun.

Il descriray ici en passant, à cause de la nouveauté du fait, vn autre moyen (non toutesfois si louable que le precedent) d'amasser des biens, sans aucun enchantement toutesfois, selon le recit qu'en a fait à vn docteur & vertueux personnage. L'homme de qui ie veux parler, habitoit en vne ville du pays bas, lequel pensoit estre fort habile. Il ne se voulut iamais marier, se contentant de viure tout seul en sa maison, avec vn peu de reuenu qu'il auoit. Tous les samedis il achetoit pour peu d'argent du petit laiët autant qu'il estimoit suffire pour toute la semaine, & mesloit du pain de seigle dedans, puis laissoit tremper ce brouet huit iours afin qu'il s'enaignist, & n'en mangeoit pas deuant, craignant que les trop grandes delices ne luy fissent trop despendre. Par le moyen de ce laiët aigre il apaisoit non seulement sa faim mais aussi sa soif: tellement que cela luy seruoit de viande & de bruuage. Toutesfois à quelque iour de feste, ou lors qu'il estoit en ses bonnes, pour faire grand chere & se traiter magnifiquement, il mangeoit avec cela vn œuf ou deux, par le moyen d'une poule qu'il nourrissoit de sa hiente. Pour se garantir du froid il vsoit d'un remede fort gentil, c'est assauoir en montant au grenier, & iettant de là en bas quelques buchtes de bois qu'il retournoit querir, & continuoit ainsi iusques à ce qu'il fust eschaufé. Par ce moyen la cuisine estoit toujours fermee, & n'y auoit en la maison rien plus froid que le foyer. Aussi n'auoit-il besoin de lumiere que de celle du Soleil & de la Lune: car il se fauoit accommoder au temps comme l'arondelle, la cigongne & autres tels oiseaux: pource que l'an durant il se couchoit avec le Soleil, & se leuoit avec luy. Quant à la Lune il ne s'en seruoit pas tant. Il estoit aussi bon mesnager à lauer son singe: car l'excrement de sa poule luy seruoit de saou.

Par le



Par le moyen d'vntel mesnage il entretint sa maison sans rien despendre, satisfaisant au reste tellement à la conuoitise de son cœur, qu'il bailloit à vsure tout son reuenu. Voila comme finalement ce taquin deuint riche, s'il faut ainsi appeler celuy qui est esclaué des biés terriens. Combien que i'aye liberalement descouuert ceste ruse pour s'enrichir, toutesfois ie pense bien qu'il ne faudra pas vser de grande remonstrance pour empescher les hommes de l'ensuyure. Mais qu'auint-il? A peine ce raquedenare auoit rendu l'esprit, que ses heritiers changeans de façon de viure s'assemblerent autour du corps, duquel ils font le dueil à grands coups de verres, & en buuant à toutes restes alentour, se moquoyent de l'extreme auarice de celuy qui leur auoit amassé des biens, protestans de les manier de toute autre sorte, comme il auint aussi. Car ce qu'il auoit amassé avec vne chicheté incroyable en plusieurs annees fut ioyeusement auallé en peu de iours. Mais reprenons nostre premier propos.

Ie suis contraint de m'esmerueiller & estre faché, que ces dernieres annees, en quelques endroits de l'Empire prochains de ceux ou l'on pense que la voix de l'Euan-gile sonne plus clairement il soit auenu que le magistrat n'a eu esgard à la main de Dieu, qui beñit ou punit: car pour vne tempeste auenue sur les bleds qui estoient encore en herbe, il n'a fait cas de ceste iuste punition de Dieu, ains s'est arresté à plusieurs femmes folles, & d'esprit debile, lesquelles il a fait mettre és prisons serrees & obscures, qui sont les hostelleries des diables, & leurs horribles bourreleries. ces femmes confesserét qu'elles estoient cause de la tempeste suruenue, & du degast qui s'en estoit ensuyui, dont elles furent bruslees publiquement. Et toutesfois il ne faut pas douter, que leur esprit ne fut trompé par le diable, lequel auoit gasté leur phantasie par tromperies & impostures, si bien qu'elles confesserent auoir fait ce qu'elles n'eussent peu faire, ainsi comme sont les fols, les melancholiques, ceux qui sont tourmentez de la cauchemare, les lougaroux, ceux qui ont perdu l'entendement, les fols, & les enfans. Car nous auons assez monstré que Dieu iuste & misericordieux n'a point asseruy l'air & les elemens à la volonté



& puissance d'une femme malicieuse, ou de quelque homme malin, tellement qu'ils puissent nuire toutes-fois & quâtes que bon leur sembleroit. S'il est ainsi que le diable est le prince & a la puissance de l'air, il ne faut point douter que luy qui est aide & prompt à nuire, n'entende & desire la permission d'un seul Dieu. Ainsi donques ie dis franchement que c'est un erreur tres-lourd de penser que le diable soit suiet au commandement d'une femme vieille, folle, & sorciere. Car elle luy est tellemēt suiette, que souventesfois elle luy obeit par pensee, par parole, & par effect: & luy toutesfois ne peut pas tousiours faire ce qu'elle demande, encore que l'un & l'autre le vueille, d'autant que tousiours il est contraint d'obeir au commandement d'un seul Dieu, & quelquesfois à celuy de ses fideles ministres. L'esprit des tempestes attend tousiours le vouloir & consentement de Dieu, pour corrompre les choses par le moyen de l'air esmeu, ou autrement que ce soit, lors que Dieu veut esprouver, ou chastier les siens: les vrais ministres duquel pourrônt apres chasser le diable au nom & en la vertu de Iesus Christ. Pour ceste cause, il falloit que ceux qui pensent auoir les yeux remplis de la lumiere, & des rayons de verité, fissent changer d'opinion au magistrat, & au peuple: & qu'ils trauaillassent diligemment par saintes exhortations, de retirer leurs auditeurs du mesfaict d'idolatrie. ils deuoyent aussi chasser ceste trefmal-heureuse espee d'idolatrie, par laquelle on raporte aux sorcieres, ce qui seulement appartient à la maiesté diuine: à scauoir de faire les tempestes, selon son bon aui, & d'esmouuoir la gresle: & par laquelle idolatrie on est encore tellement desesperé en afflictions, qu'à grande peine croid-on qu'il y ait un Dieu, qui peut donner aide & confort.

Si les vieilles pouuoient faire ce qu'elles confessent, à peine y auroit-il assez de grains pour sustenter & nourrir le genre humain: voire mesme rien ne demeureroit en la nature qui ne fust corrompu, & l'homme mesme ne pourroit subsister. Pour ceste cause encore on n'auroit à faire de si grand apareil és guerres, là où on prend tant de peine, & à grands frais, de fabriquer toutes sortes d'i-



tes d'instrumẽs, & des matieres pestilentieuses, par lesquelles on puisse nuire à l'ennemi, corrompre & gaster les pays, faire degast des bleds, arracher les vignes, & gaster les eaux. Car il ne faudroit seulement que ceste vicille que lon nomme forcierre, laquelle selon son desir & opinion, par vn seul clin d'œil, feroit non seulement ces choses : mais aussi elle affligeroit tellement les armees, & briseroit les villes, & les regions, que les ennemis s'estimeroyent tres-heureux de se rendre incontinent. Qu'auroit-on à faire de ces somptueuses artilleries ? de si grande quantite de poudre diabolique ? de si grands monceaux de balles & boulets ? qu'auroit-on à faire de lard, ou d'autre peste pour faire plustost mourir les blessez ? qu'auroit on à faire de feu pour bruller les villes, les chasteaux, & les villages ? de quoy seruiroit vn si grand nombre de ministres de Satan ? de quoy seruiroient tant d'hommes d'armes ? Il ne faudroit seulement que la Sorciere, pour monstrea sa puissance en telles affaires, & s'en aller contre le Turc, à fin que l'Allemagne fust tout à vn coup deliuree, & soulagee de la peine de leuer secours contre le perpetuel ennemy du christianisme. Il sembleroit certainement que nous ne verrions goutte en plain iour, si ainsi lourdement nous mesprisions vne si grande & prompte occasion. Mais on me respondra que nos Sorcieres ne peuvent faire des choses si grandes & excellentes : & qu'il ne faut aussi que les Chrestiens s'aident de leurs secours. Ainsi ie voudrois que lon me monstrest par l'aide de qui ces dissensions sont semees : par quel instinct & appuy il auient que les Chrestiens temerairement enfliez d'orgueil & d'insolence, fassent la guerre pour vn rien, ruinent les villes paisibles, gassent les regions florissantes, & respandent avec grande tyrannie, & en la plus grande abondance qu'ils peuuent, le sang innocent : en ceste guerre qui est l'escole frequente & le refuge assure de violence, de paillardise, d'adultere, de rapine, de larcin, & de toutes sortes de meschans & mal heureux actes, tant contre les amis, que contre ceux qu'ils nomment ennemis : & qui plus est de toutes ordures & mesfaits Sathaniques ? Qui est-ce qui est en ceci architecte, Empereur, Duc, & gouuerneur ? Si lon s'aide es guerres de ces mô-



stres pestilentieux, & de tous tels instrumens du diable, pourquoy ne s'aidera-on des Sorcieres, qui (selon l'opinion de ces hommes) peuuent, par vn si bon moyen, perdre tout, messer le ciel avec la terre, gagner l'ennemi, voire, si vous voulez, sans efusion de sang, ou bien, avec grandes peines & tormens, selon leurs fantasies & volonte, sans aucun doute, & sans grand coust? Le me plains souuent-fois en moy-mesme que ceste persuation que lon a de la puissance des sorcieres, & laquelle est descendue des mensonges des poëtes, est encore si fort enracinee en l'esprit de plusieurs gens de bien: toutesfois il n'y a point de doute que nos pechez n'ayent merité ce fleau. Et encore que lon m'obiecte que tout ainsi que les hommes font ces maux par l'instinct du diable, ainsi les diables besongnēt par l'instigation & volonte des hommes deprauez: si respondray-ie que cela ne s'ensuit pas necessairement. Car il faut que les substances des choses, dont les actions procedent, soyent distinguees: dautant qu'il y a vne autre proprieté au diable, qui est vn esprit fait de Dieu pour le seruir, & vn autre en l'homme terrestre. Le diable, comme esprit qu'il est, peut entrer dedans l'homme & le tourmenter, dont il est nommé Demoniaque & possédé du diable: mais l'homme terrestre ne peut en mesme façon entrer dedans le diable, qui est vn esprit, tellement que de là le Diable puisse changer son nom & operation par son commandement.

L'ANNEE que les Rois de Dannemarch & de Suede se faisoient vne trescruelle guerre, qui fut l'an mil cinq cens soixante & trois, on escriuit du camp du Roy de Dannemarch, que le Roy de Suede menoit entre ses gédarmes quatre vieilles Sorcieres, lesquelles par charmes empeschoient toutes les victorieuses entreprises de ceux de Dannemarch, tellement qu'ils ne pouuoient faire aucun dommage à leur ennemy: & par le moyen desquelles aussi ceux qui estoient assiegez par le Roy de Suede, deuenoyent lasches, descouragez & prests à se rendre. Et encore qu'au commencement lon n'eust adiousté aucune foy à tel cōte, si est ce qu'il fut escrit que l'vne des quatre auoit esté prise par l'vn des gédarmes de Gonthard Comte de Schyuart Zenbourg, Colo-



Colonel de l'armee, laquelle le confessa : & que puis apres on trouua le long des chemins, dedans le pays, & es lieux aquatiques & marefcageux, des filets fort longs & estédus, au bout desquels pendoyent plusieurs croix & autres caracteres. Si l'histoire est vraye, certainement les vns & les autres ont failli grandement contre l'expres commandement de Dieu : ceux de Suede pour autant qu'ils se sont voulu aider d'une chose defendue : & ceux de Dannemarch, pourautant qu'ils ont eu peur des tromperies & impostures des diables. Car ces vieilles insensées ne peuuent rien en tout cela, encore que le maistre de mensonge leur eust persuadé le pouuoir faire. au reste Dieu permet bien souuent par son iuste iugement, que ceux qui cherchent des dissensions, tombét en vn esprit reprouué, tellement qu'ils craignent, & tréblent à chascque mouuement des fueilles d'arbres.

M A I S afin que telle machination, lors que les affaires de guerre sont deplorees, ne soit trouuee du tout nouuelle, ie ne plaindray pas ma peine de transcrire ici ce que raconte le docte Iouianus Pontanus touchât vne sorcellerie pratiquée de son temps pour attirer du ciel la pluye : & ce au cinquieme liure de la guerre que le vieil Fernand Roy de Naples fit contre Iean Duc d'Aniou. Ce que dit Pontanus exprimé en nostre langage est tel : L'estoille du iour commençoit à se monstrier, quand les ennemis voyans nos soldats marcher & grauir au haut de la montagne, abandonnerent leur forteresse, & sans attendre l'assaut gagerent de viltessè les montagnes & se retirerent à Sueffe. Or combien que le Roy menaçast les habitans de faire tout passer au fil de l'espee & ruiner entierement la ville : si est-ce que peu de iours apres il leua le siege sans auoir rien fait, car vne soudaine pluye qui vint du ciel rompit le coup & rendit vain tout l'efort des assiegeans, qui autrement auoyent en leur puissance les assiegez presque morts de soif. La raison estoit que par l'espace de quelques mois auparauant il n'estoit tombé goutte d'eau du ciel, tout ce qui estoit dans les cisternes auoit esté espuisé par les assiegez, les paysans perissoient de soif, & pour la disette d'eau, ceux de Sueffe estoient en merueilleuse perplexité. Sur ce ils eurent recours aux Sorcelleries & en-



chantemès, par l'adrefle & induction de quelques meſchans prestres, qui en telles miſeres par leurs malefices attirerent l'ire de Dieu & troublerent l'air d'une façon eſtrange. Aucuns des habitans & aſſiegez dans la ville, fortirent de nuit & tromperent les corps de garde, puis trauerſerent les plus rudes montagnes, & gagnerent finalement le bord de la mer. Ils portoyent quand & eux vn crucefix, contre lequel ils prononcerent vn certain charme execrable, puis le ietterent dans la mer, prians que la tempeſte troublaſt ciel & terre. Au meſme temps quelques prestres, des plus meſchans que lon ſauroit trouuer au monde, deſireux de ſ'accommoder aux forcelleries des ſoldats, en inuenterent vne autre, eſtimàs attirer la pluye par tel moyen : c'eſt qu'ils apporterent vn aſne aux portes de leur Eglife, & luy chanterent vn requiem, comme à quelcun qui euſt rendu l'ame. Apres cela ils luy fourrerent en la gueule le corpus domini, qu'ils appelèt, & apres auoir fait tout leur ſeruice diuin à ceſt aſne, finalement ils l'enterrerent tout viſ aux portes de leur Eglife. A peine auoyent-ils acheué leur forcellerie que l'air commença à ſe troubler, la mer à eſtre agitée, le plain iour à ſ'obſcurcir, le ciel à eſclairer, le tonnerre à eſbranſler tout : le tourbillon des vens arrachoit les arbres, & rempliſſoit l'air de cailloux & d'eſclats volàs des rochers: vne telle rauine d'eaux ſuruint, & de la pluye en ſi grande abondance, que non ſeulement les ciſternes furent remplies, mais auſſi les monts & rochers fendus de chaleur ſeruoyent lors de canal aux torrens. Le Roy qui n'eſperoit prendre la ville que par faute d'eau, ſe voyant ainſi fruſtrés, leua le ſiege, & ſ'en reuint trouuer ſon armee à Sauonne. Au reſte, d'eſtimer que Dieu deſpité par telles forcelleries vouluſt faire merci à tels malheureux, ce ne ſeroit à Chreſtiens, ni à gens exercez en la conoiſſance des cauſes naturelles. Car tant plus les ſeicherelles ſont grandes ſoit en hyuer ſoit en æſté, les orages ſ'en enſuyuent tant plus grands. Dauantage, ſi quelquesfois le diable preuoid par raiſons naturelles quelques tēpeſtes, lors il reſueille ceux qu'il conqit adonnez à telles impietez pour faire leurs charmes & forcelleries.

Il ne faut oublier touchant la tempeſte de laquelle  
i'ay



Il'ay parlé ci dessus, qu'un gentil-homme prudent, docte & experimenté en plusieurs affaires, m'a assuré, que lors qu'il alloit en poste vers l'Empereur, & qu'il couroit iour & nuict sans s'arrester en aucun endroit (qui estoit au temps mesme que telle tēpeste auint, laquelle il remarqua soigneusement, ensemble le dommage que elle faisoit en chaque lieu) il n'auoit aperceu aucune chose qui se peust rapporter à l'ouurage des sorcieres: & qu'il auoit considere atentiuement les diuers endroits, auxquels ces nuées orageuses s'esleuoient, & mesme qu'il les auoit veues & considerees plus atentiuement en diuerses prouinces esloignees les vnes des autres: à sauoir au Duché de Vvitemberg, en Franconie, en Baviere, à Saltzburg, & à Vienne. Il me dit dauantage, qu'il s'estoit esmerueillé grandement de ce qu'au retour il auoit conu par le recit de son hoste, que quelques femmes auoyent esté mises en prison, acusees d'auoir fait venir ceste tempeste dommageable. Ce qui l'esmerueilloit en outre estoit que ceste opinion auoit esté conceue par ceux qui par vn œil d'esprit plus clair voyant, que n'est celuy du vulgaire, deuoyent iuger de la puissance du diable, & des piperies des Sorcieres trompees à raison de l'estude particuliere & continuelle qu'ils font en la pure Theologie, à laquelle lon pense qu'ils se soyent du tout dediez, & par laquelle il estoit loisible de conoistre les auteurs & les causes de telles playes. L'exemple manifeste en est proposé en Iob. Nous lisons aussi dans les Prophetes, les menaces contre tous ceux dont les oreilles se sont endurcies aux aduertissemens de la Parole de DIEU. Comme en Aggee au second chapitre: Je vous ay frapés d'un vent brulant, & de rouilleure & gresle, & toute l'œuvre de vos mains: & toutesfois aucun ne s'est trouué qui se soit retourné vers moy. Et au chapitre premier: Consideriez vos voyes, dit le Seigneur: vous avez semé beaucoup & en avez peu recueilli. Et un peu apres: Vous avez regardé à beaucoup, & a esté fait le moins: vous avez apporté en la maison, mais ie le souffleray. Pour ceste cause, dit-il, vous ont esté serrez les cieux dessus vous, qu'ils ne donnassent la rousée,



& a esté defendu à la terre qu'elle ne donnast son fruit. Et en Ioel au premier chapitre: Le champ est gâté, & la terre lamente, pource que le froment est gâté, le vin est desséché & l'huyle languit. Et au Leuitique, 26. cha. Si vous ne faites mes commandemens, ie vous donneray vn ciel de fer par dessus vous, vne terre d'airain, & vostre labour sera consommé en vain: mais si vous marchez en mes commandemens, ie vous donneray les pluyes en leur temps, & la terre produira son fruit. Par ces paroles & celles du second chapitre de Ioel, l'abondance des choses est promise: Le Seigneur a esté ialoux de sa terre, & a pardonné à son peuple, & a dict: Voici ie vous enuoycray froment & vin & huyle, & serez rassasiés. Et en l'Ecclesiastique, chapitre trenteneufieme: Les choses bonnes ont esté creees pour les bons des le commencement: & ainsi les choses bonnes & mauvaises, pour les meschans. Le commencement de la vie de l'homme est l'eau, le feu, le fer, le sel, le lait, le pain de froment, le miel, la grappe de raisin, l'huile & le vestement. Toutes ces choses sont bonnes aux saints: & aussi elles sont conuerties en mal aux meschans & aux pecheurs. Ce sont esprits creez à vengeance, lesquels en leur fureur ont confermé leurs tourmens: & qui au téps de la consommation feront efusion de la vertu, & confondront la fureur de celuy qui les a faicts. Le feu, la gresle, la faim, & la mort, sont toutes choses créées à vengeance.

IE desire affectueusement, que tous ceux qui sont encores arrestez en l'erreur susdit, & ne veulent reconoistre la main de Dieu au troublemēt de l'air, sans aucune cooperation de l'homme, imputans les pertes qui en sont ensuyues, au vouloir des hommes: Je prie, dy-ie, qu'ils soyent admonestez de reprendre le droict chemin Car si l'esprit de ces obstinez s'endurcit à ceste miene priere, ie preuoy qu'ils s'enlasseront en vn si difficile & fascheux labyrinthe du diable, qu'il n'y aura moyen de les en pouuoir retirer, si le fils de Dieu misericordieux n'y met la main: dautant que cest ennemy conjuré de Dieu & des hommes, inuente iournellement des bourreleries, tant Beelzebub est afamé du sang innocent, & tāt il aime les meurtres. Et si ie ne doute point que l'e-

uene



uenement des choses ne nous le mette deuât les yeux, ce que Dieu vueille diuertir: car i'aime beaucoup mieux que lon die que que i'aye este trompé en ma prediction: toutesfois le passé m'espouuante. I'en ay conû plusieurs exemples: & quant à eux ils seront les tefmoins plus asseurez de ce qu'ils auront expérimenté à leur dam, & au dommage du public. Il ne sera pas difficile au diable de tistre vne longue rets en la ruine & perte des hommes, de laquelle toutesfois il sera difficile de sortir: ce qui se fera principalement à la ruine de ceux, enuers lesquels il conoit que son entreprise prend pied, selon qu'il desire: c'est à sçauoir es lieux où il s'aperçoit que pour les particuliers ouurages faits par la permission de Dieu, on vse de grieues punitions cōtre la vie innocente. Car se sentant fort en ceste part, il machine autres choses semblables, voire plus meschantes & abominables, par lesquelles il enelope plus estroitement dedans la nasse, & fait tomber de Carybde en Scille, ou de fieure en chaut mal, ceux qu'il void estre prompts à prester l'aureille à ses fineses. Dieu dissimule souuentefois à ces choses: ce qu'il fait tresiustement, à raison de l'incredulité opiniastre de ceux, qui estans mal instruits ne reconoissent pas tant la main de Dieu, qui est iuste, laquelle approuue ou chastie, lors que les bleds, vignes & les troupeaux se perdent, comme ils embrassent la singuliere benediction & grace de celuy qui est misericordieux, alors qu'il y a grande affluence de tous biens.

Je ne veux pas oublier à dire en cest endroit qu'environ le temps que les regions de la haute Alemagne estoient affligées par ceste calamiteuse tempeste, ie receu grand dommage, selon la proportion du bien que Dieu m'a donné: ce qui auint par le rauage de la gresle, ou plustost par vn tourbillon de glace, au terroir de Rauestin, pres de Graue. Ceste tempeste batit si bien les bleds assez heureusement ciez, & desia assemblez par le champ pour seicher, selon la coustume du pais: & tellement les secoua, qu'il sembloit qu'ils fussent batus au fleau, & que le champ eut esté semé derechef. Dont il auint que le fermier ne le voulut point semer pour l'année suy uante, ains seulement fit passer la charruë sur la



terre, pour autant qu'elle estoit assez semee pour rapporter aux prochaines moissons. Je vis aussi les branches des arbres espandues par terre, comme si lon les eust coupees, ce qui auint par la violence de la glace: toutesfois ce vent ne s'espandit pas en largeur, ains seulement passa droit, tellement que les terroirs prochains ne s'en sentirent que bien peu. Mais la tempeste de l'air pareille à ceste ci, ne fut pas estimee si miraculeuse à Virgile, qui estoit Ethnique, quand il escrit au premier de ses Georgiques:

*J'ay souuent apperceu, lors que le laboureur  
 Dans les champs iaunissans mettoit le moissonneur,  
 Qui ia s'appareilloit de crier & de prendre  
 L'orge qu'il separoit d'avec le chaume tendre:  
 J'ay veu, di-je, amasser tous les combats du vent,  
 Qui depuis la racine arrachoyent bien souuent,  
 Et esleuoyent en l'air vne moisson pesante.  
 Comme on void en hiuier vne paille volante,  
 Et le chaume leger s'esleuer dedans l'air,  
 Lors qu'un noir tourbillon le chasse & fait voler:  
 Il vient souuent du ciel des glatissans rauages,  
 Et au milieu de l'air les amas des nuages  
 Par un orage noir amoncellent par tas  
 La tempeste, qui doit bien tost tomber en bas.  
 Le ciel s'esclate en haut & de pluies bruyantes  
 Il noye l'œuvre au bœuf, & les moissons riantes.  
 Les fosses sont remplies & les fleuves profonds  
 S'enflent avec bruit: la mer à gros bouillons  
 S'esleue, en ce pendant que se meueut les ondes:  
 Le pere du milieu des nues plus profondes,  
 Brandit de sa main dextre au milieu de la nuict  
 Les foudres esclairs. De cest estrange bruit  
 Et d'un tel mouuement la terre est fremissante,  
 Les bestes vont fuyant, & la frayeur tremblante  
 Abat les cœurs mortels en maints pais diuers:  
 Et luy d'un dard ardent faict tomber à l'enuers,  
 Ou Athos, ou Rhodope, ou les roches pointues  
 Des Ceraunes, qui sont les voisines des nues.  
 Alors les vents doublez & l'orage espaisi  
 Font plaindre les forests & les riuies aussi.*



Ceux qui penseront que ceste douce & fraternelle admonition les touche, se souuiendront que ie leur propose ceci sinceremēt, & par vne singuliere afection d'esprit. Mais si plusieurs hommes de nature farouche veulent recalcitrer & s'esleuer orgueilleusemēt cōtre moy, ie ne les empeschera y, pourueu qu'ils ne s'esleuent point contre le tesmoignage de la conscience & de la verité, & que lon cherche la gloire de Dieu avecques le repos & vtilité de l'Eglise.

Les villageois moins confermez par la viue fiance en Dieu donnēt grand vogue à ceste incredulité, car ils sont tourmentez diuersement par Satan, mesmes en ce temps, & suyuant leur desfiance, tellement qu'ils pensent que les Sorcieres leur ostent maintenant le lait, maintenant les petis enfans, maintenant les bleds, & maintenant ils croyent qu'elles font mourir leurs troupeaux & haras: si bien qu'en vraye foy ils ne raportent pastoute la conduite de leur labour à la benediction de Dieu, ains aux folles volontez des sotes vieilles. L'adiousteray icy les paroles, que dit le docte Iules de la Sca-

*Lin. 16. de  
la subtil.  
Exer. 349.*

le à Cardan: Tu dis que la constance du Sorcier donne efficace à la Sorcellerie. As-tu pensé que les afections d'aucuns puissent agir en autres qu'en ceux desquels elles sont afections. Aussi n'est-il pas vray qu'un homme puisse nuire à un autre, par l'efficace des paroles. Car qui est-ce qui luy a enseigné ces paroles? ce n'a pas esté un autre homme qui les luy a môstrees. ce n'a pas esté vne celeste intelligēce: car qui l'a faite cause de sorcellerie? Parquoy c'est le malin esprit, qui le fait, non point pour rendre l'homme plus puissant: mais pour le tromper par folle croyance, & se le faire compaignon tant en son impieté, qu'en son damnement eternal. C'est donc le diable qui agit: & l'autre sot & fol le pense faire par ses paroles.

Mais au contraire, quelqu'un pourra obiecter que par charmes la pluye peut estre excitée & comme appelée par les Sorcieres, qui ont enuie de nuire & faire mal: puis qu'il appert par le droit escrit, qu'il y a quelques forcieres, qui font venir la pluye à bonne fin: car il y a la loy *ex 4. l. de Mathemat. & mal.* qui est de Constantin, par laquelle il tolere ceux, qui par prieres ou charmes,



bulens. Et ainsi en dormant elles pensent estre portees en diuerses regions, & là auoir plusieurs afections, selon la complexion d'une chacune d'elles: & le tout par l'aide de l'onguent. I'adiousteray ici vne huyle qui n'a pas moins de vertu à faire dormir longuement & profondement. Prenez de la graine d'yuraye, d'hyoscyame, ou hanebane, de ciguë, de pavot rouge & noir, de laitue, de pourpier, de chacune quatre parties, de l'herbe, nommée Belle-donc par les Italiens, vne partie: faites de l'huile de toutes ces choses selon l'art, & en chacune once d'icelle meslez vn scrupule d'opium Thebaïque. Puis prenez vn scrupule ou vn scrupule & demi de ceste huyle, & il en ensuyura vn somme de deux iours. I'escrirois volôtiers en cet endroit d'une liqueur, laquelle fait dormir incontinent qu'elle est prise seulement à la quantité d'une goutte ou deux: & qui mesme fait dormir autant d'heures que lon en prend de gouttes: toutesfois il vaut mieux ne la diuulguer. Ainsi donques il y a plusieurs plantes conues par ceux qui entendent les choses naturelles: comme l'yuraye, l'herbe que les Italiens nomment Belle-donc, l'opium, l'hyoscyame, la ciguë, les especes de Pavot, la morelle furieuse, & plusieurs autres, par lesquelles l'entendement est osté, ou du tout troublé: tellement que celuy qui en vsa, semblera estre fol en parlant, en oyant, & en respondant: on bien il tombera en vn profond sommeil par l'espace de quelques iours: l'vsage de toutes lesquelles choses i'ay mieux aimé taire, cōme sont aussi les eaux, les vins, les poudres, les trochisques, les huyles, & le moyen de les composer: qu'en les escriuant donner occasion à quelcun d'en abuser. Car l'auteur benin de tout bien, a tousiours donné l'esprit, lequel fait proufiter & aide, & non celuy qui fait le mal & qui aporte nuisance. Toutesfois afin que lon s'en dōne garde, i'adiousteray deux hystoires assez profitables touchant la vertu de ces medecines endormâtes. Il y auoit vne femme vn peu trop adonnee à son proufit & assez conue (toutesfois elle est desia morte) laquelle auoit loué par plusieurs iours, des bateurs en grâce: & à celle fin qu'elle les nourrist à plus petis frais, elle auoit fait amasser de l'yuraye, qu'elle fit moudre & mesler avecques de la farine de seigle, & en



fit du pain. Mais apres que les bateurs en eurent mangé, ils entrerent premierement en vne longue folie: puis estans esblouis & lassez de tourner, ils tomberent tous en vn profond & long somme: tellement qu'au lieu de faire la besongne de la vieille, ils ronfloyent incessamment: ce qu'ils continuerét tant qu'elle se fut aperceüe, au bout de deux ou trois iours, de la faute qu'elle faisoit & iusques à ce qu'elle eust fait changer le pain.

**D**A V A N T A G E Renier Solenadre docteur medecin fort experimenté en l'observation & vsage de plusieurs choses, qui est mon cōpagnon en l'estat de nostre tres-illustre Prince, & qui m'a communiqué les choses qu'il auoit obseruees appartenantes à ce mien traicté: m'a raconté que lors qu'il estudioit à Louuain, lan mil cinq cens quaranteneuf, sous Hierome Brachel, il vid l'enfant de Seruais Sassen libraire, estre tourmenté d'esmerueillables symptomes, pour auoir mangé vne grapette de l'herbe nommee Belle-dont, laquelle par cas fortuit & sans y penser, comme estant ignorant des choses, à cause de la ieunesse, il auoit (pensant par auenture que ce fut vne cerise) cueillie & mangée au iardin de Gemme Frison son voisin, lequel pour lors prenoit plaisir à esleuer ceste plante qui estoit en fleur, avec quelques autres. Le petit enfant deuint premierement furieux & n'auoit conoissance ni de pere ni de mere: puis il commença à aparostre languissant & de corps & d'esprit. Monsieur Brachel estant appelé, s'esmerueillade ces accidents si subits & dangereux: puis estant entré en soupçon que parauenture il auoit pris quelque venin maniaque, il s'enquit du lieu ou il auoit esté, & que c'est qu'il auoit fait. On luy respondit qu'il auoit esté iouer au iardin de Gemme Frison, & que lon l'auoit veu à lentour de la plante de laquelle il auoit tiré quelques grappettes. Toutesfois auât que lon eust descouuert cela, il estoit desia tombé en vn somme tellement profond, que lon ne l'en peut retirer iusques à vingt & quatre heures apres, qu'estant esueillé de soy-mesme, il commença à conoistre premierement son pere, & puis les autres: si estoit-il tousiours vn peu endormi, iusqu'à ce que lon lui eut fait vsr de quelques remedes, selon l'art commun, par lesquels il fut du tout gueri.



continent apres qu'elles se sont oinctes de l'onguēt endormāt. Et afin que lon ne pense que ce que ie dis soyēt fables, i'ay bien voulu transcrire ici ce que Iean Baptiste Porte Neapolitain, subtil rechercheur des causes cachees, a escrit au second liure de sa Magie naturelle, ou bien des miracles des choses naturelles: La desbordee cupidité, dit-il, a tellement gagné l'entendement des hommes, que mesmes ils abusent des choses que la nature leur a donnees pour leur commodité: si bien que les forcieres composent des onguents de plusieurs de ces choses brouillees: & encore qu'elles y messent plusieurs choses superstitieuses, si est-ce que qui regardera de pres, verra que les effets procedent de la vertu naturelle. Je raconteray ce que i'ay entendu d'elles. Elles font bouillir vn enfant en vn vaisseau de cuyure, & en prennent la graisse qui nage au dessus, & font espaisir le dernier bouillon en maniere d'un consumé: puis elles ferrēt cela pour s'en aider à leur vsage: elles y messēt du persil, de l'eau de l'Aconite, des fueilles de Peuple & de la suye: ou bien elles font en ceste maniere. Elles meslangent de la Berle, de l'Acorum vulgaire, de la Quinte-fueille, du sang de chauuesouris, de la Morelle endormāte, & de l'huyle. Ou bien si elles font des autres compositions, elles ne sont dissemblables de ceste ci. Elles oignent avec cest onguent, toutes les parties du corps, les ayant auparauant frotees iusques à les faire rougir, afin d'atirer la chaleur, & relascher ce qui estoit estrainct par la froidure. Et afin que la chair soit relaschee, & que les pertuis du cuir soyent ouuerts, elles y messent de la graisse ou de l'huyle: il n'y a point de doute que ce ne soit afin que la vertu des suc descende dedans, & qu'elle soit plus forte & puissante. Ainsi pensent-elles estre portees de nuit à la clarté de la Lune par l'air, aux banquetts, aux musiques, aux dances, & aux embrassemens des plus beaux ieunes hommes qu'elles desirent. Telle est la vertu de l'imagination, & l'effect des impressiōs, que presque toute ceste partie du cerueau que lon nōme memoratiue, en est remplie. Et pourautant que de leur naturelle inclination elles sont adonnees à croire de leger, elles prennent tellement ces impressiōs, que mesme les esprits en sont changez, & iour & nuit ne

Chap. 26.

Les onguens  
des Sorcier  
res.



pensent à autre chose. Encore y sont-elles plus promptes, d'autant qu'elles ne vivent communément que de poires, racines, chataignes, & legumes. Ainsi que ie m'esforçois de descouvrir ces choses plus soigneusement (car i'en estois encore en doute) ie rencontray vne certaine vieille, du nôbre de celles que lon nomme sorcieres, & qui succent le sang des petits enfans au berceau. Ceste vieille, de sa propre volôté, me promit qu'en bref elle m'en donneroit responce: elle commanda que tous ceux qui estoient avec moy, & qui eussent peu servir de tesmoins, sortissēt de hors, ce qui fut fait: puis nous la vismes par les fentes de la porte, qu'elle se frota tout le corps d'un onguēt, cōme elle tōba en terre par la vertu des onguens endormās, & entra en vn somme tresprofond. Nous ouurismes la porte, & entraismes dedās, nous la commençâmes à fraper: mais sō somme estoit si fort, qu'onques elle n'en sentit riē. Ainsi nous retournâmes hors la porte: & cependant, la force des onguens estant diminuee elle se resueilla, & nous cōta plusieurs folies: asavoir qu'elle auoit passé la mer & les mōtagnes, & riē ne nous respōdoit qui ne fut faux. Nous luy nions tout, & elle l'afermoit dauātage: & encore que nous luy mōstrissions les marques des batures, si est-ce qu'elles s'obstinoit dauātage. Voila ce qu'en escrit I. Baptiste Porte.

HIEROSME Cardan fait mention d'un onguēt presque semblable à cestuy-ci, par l'onction duquel il apert que lon void merueilles, car il parle là des choses qui ne sont point, & toutesfois sont veuēs. Il est composé de graisse d'enfant (comme ils disent) de suc d'Ache, d'Aconite, de Quintefueille, de Morelle, & de sūye, Toutesfois on croit qu'elles dorment cependant qu'elles voyent ces choses. Elles pensent voir des theatres, des beaux iardins, des banquetts, des beaux ornemens, des vestemens, des beaux ieunes hommes, des Rois, des Magistrats: & mesme, toutes choses desquelles elles se delectent, & dont elles pensent estre iouissantes. Elles voyent aussi des diables, des corbeaux, des prisons, des deserts, & des tourmens. Voila donques les causes des songes violents. Il dit aussi qu'elles vivent d'ache, de chataignes, de feues, d'oignons, de choux, & de phaisols: toutes lesquelles choses esmeuent des songes turbulens.

*De la sub.  
liure 18.  
des choses  
admirables.*

*Elle  
voit  
sōit*



esmerueillables. Quand on leur a demandé que c'estoit plusieurs ont respôdu, que c'estoit de la graine de châure, laquelle encore que selon qu'escriit Galien, ait la vertu de blesser le cerueau, depuis qu'on la prend en trop grande quantité, à raison des vapeurs, & à raison de son grand eschaufement: ie penserois toutefois qu'elle seroit plustost faite de Gelotephyllide, si les Turcs ont conoissance de ceste plante qui croit en Bastre, & à l'en tour de Borysthene, laquelle estant prise avec du vin, & de la myrrhe, fait, comme on dit, aparostre plusieurs & diuerses figures, & tousiours rire, iusques à ce que ceux qui l'ont prise, ayent beu des noix de pin, du poyure, & du miel, dedans le vin de palmes. Ou bien on pourroit soupçonner & non sans raison qu'elle soit faite de Morrelle furieuse, la racine de laquelle estant prise avec du vin au poids d'une drachme, comme escriit Dioscoride, fait apparostre des figures vaines & ioyeuses, & estant prise double, elle fait perdre l'entendement l'espace de trois iours. Ce que lon escriit de la Theangelide, qui croist au Liban en Syrie, n'est pas beaucoup diferent de ce que i'ay dit: car on raconte que les hommes qui l'auallent, prophetisent. Mais selon ce que i'en pense, ceux qui la mangeoyêt estoyent tellemêt hors du sens, que le diable pouuoit entrer en eux, qui estoyent organes desia preparez & propres, pour en iceux ambiguëment prognostiquer à sa mode, ou malignement mentir & asseurer les choses futures.

*Li. 1. des  
aliments.*

*Li. 4. cha.  
69.*

LES quatre Iacopins de Berne, troubloyent & rendoyêt comme stupide l'esprit du frere lay, par vne telle, ou semblable boisson venimeuse, l'an mil cinq cens neuf: tellemêt que sans aucun sentiment il souffrit l'eau ardente & caustique, par le moyen de laquelle le moyne, qui iouoit le personage de la vierge Marie, faisoit semblant d'imprimer les quatre playes de Iesus Christ, en ses pieds, ses mains, & son corps: le moyne, dy ie, lequel s'estât préparé pour iouer ceste tragedie, luy auoit desia passé vn clou au trauers de l'autre main, & auoit persuadé, sous le feinêt habit de la vierge Marie, toutes choses à ce pauvre frere lay, le tout pour abuser de sa simplicité & folie. Il estoit aidé (pour mieux paruenir à bout de son entreprise) des autres trois freres religieux,

*La tragedie des Iacopins de Berne.*



compagnons de ce chef d'œuvre. Ainsi ce pauvre homme ayant premierement bien beu, fut mis en l'Eglise sur l'autel de la vierge Marie : où, comme demi apoplectique il estoit regardé de toute la foule qui là acouroit : là il demeura à genoux insensible & immobile, cependant que le Docteur Estienne principal personnage de tout le ieu estant caché derriere les images de Iesus Christ & de la vierge, parloit à luy par vn canal, comme si ce fussent esté les mesmes images. La fraude en fin descouverte, la verité du fait fut confessée par les moines estendus sur la gehenne, qui furent bruslez en la mesme annee, le dernier iour de May. Ceste histoire est certainement digne d'estre leuë, à fin que par ce moyë on puisse plus aisement conoistre toutes autres semblables impostures, lesquelles ont esté autresfois inuentees par telle maniere de gens, pour perdre les ames : & par aventure aussi que les sorcieres en vsent de pareilles en leurs corps.

*De l'illusion de l'Incube, sus couché ou Cauche-mare demoniaque, & de l'Incube, ou Cauchemare naturelle.*

## CHAP. XIX.



Ommençons maintenant à parler de ces espouuëtaux de Cauchemare, & cerchons soigneusement & plus au long ce qu'il y a de verité en iceux, à fin que la fantasie de ceste faulx persuasion soit ostee pour tout iamais, non seulement du cerueau de la populace, mais aussi de l'esprit de quelques gens doctes. Il sera monstré par raisons euidentes que ce qui auient aux vieilles trompees & abesties par les impostures & enforcellemens de ceste heresie, qui pensent estre embrassees par les diables & endurer la Cauchemare, ne procede d'ailleurs que de la vertu imaginatiue blessée, comme la plus part des autres telles folies : tellement que ce qu'elles experimentent n'est vn vray embrassement, ains seulement vn chatouillement procedant de quelque attouchement joint avecques l'imagination. Ce que ie feray apres que i'auray remonstré que nous auons en l'art de Medecine



Ce qui auint a vn Gentil-homme Gascon, est encore beaucoup plus esmerueillable, d'autant qu'il semble estre ridicule, & toutefois digne de cōmiseratiō. Ce pauvre homme ayāt esté pris par les Turcs sur le chemin, & mené en Italie, fut donné à vn grand Seigneur, qui estoit Beglierbeg, comme ie pense, delà le Bosphore de Thrace, & Capitaine de gédarmes en la Macedoine. Il fut assez humainement receu au commencement selon la maniere de faire des Barbares, pour-autant qu'ils l'auoyent dedié pour le plaisir du Seigneur, à cause qu'il estoit ieune & beau. Or auint vn iour qu'à force de boire & de manger plusieurs & diuerses viandes, il tomba en vn somme qui lui dura trois iours : à la fin duquel estant esueillé, & voulant vriner, il aperceut que lon luy auoit coupé les genitoires : & lors tout estonné il connut combien il auoit dormi, & pour quelle raison on l'auoit traité si opulemment & delicatement, & mesme de quelle viade il estoit entré en ce somme si profond. Il retourna en fin en sō pais, & allegua ceste cause, pour laquelle il se passeroit aisément d'estre marié. Albert le grād & Dioscoride, escriuent que lon trouue en Egypte vne pierre nommee Memphyte, (à raison de la ville de Memphis) laquelle estant mise en poudre, & beue avec de l'eau & du vin, fait vn tel endormissement de tous les sens que lon ne sent aucune douleur. Cela est allegué par les Iurisconsultes, lors qu'ils escriuent des gehennes & tortures.

*Au lapi-  
daire li. 5.  
cha. 115. Pa-  
ris de Pu-  
teo au trai-  
cté de Syn-  
dic. C. 107.*

*De l'Opion, Heirā-luc, Gelotophylide, Morelle furieuse, Thean-  
gelide, & du bruiage lequel fit deuenir fol vn frere luy à Berne.*

## C H A P. X V I I I .



E ne veux pas oublier (à cause de la rareté, & quasi comme vn miracle) que l'usage de l'Opion est tellement commun entre les Turcs, & encore d'auantage entre les Per-  
ses, qu'ils n'ont rien plus familier: pour-  
tant qu'ils pensent qu'en le mangeant ils deuiennent  
plus forts, & que moins ils craignent les dangers de la  
guetre : tout ainsi que nous voyons en ces pais que les

*L'Opio en  
grande re-  
commande-  
tion entre  
les Turcs.*



yurongnes moins craintifs, se presentent plus facilement à toutes sortes de dangers & naufrages. Parquoy incontinent que le grand Seigneur amasse vne armee, tout l'Opion du pais est enleué: encore que tous les ans on y en amasse vne grande quantité par le moyen du pauot blanc incisé, apres qu'il a desia monstré ses testes, dont il tombe quelques gouttes de lait, lesquelles s'amassent & s'endurcissent peu à peu. La terre n'est pas moins soigneusement semée en Turquie de la graine de pauot que de bleds en nos regions: principalement à Achare, Carachare, Spartade, Emetetinde, & en autres villages circōuoisins de la Paphlagonie, Cappadoce, & Cilicie. Et à peine trouuerez vous Turc, qui n'achete de l'Opion: car n'eust il vaillant qu'un Aspre, il en emploira la moitié, & le portera sur soy tant en temps de paix qu'en temps de guerre. Quelqu'un acoustumé à en prendre, en aualoit sans danger vne demie drachme, & le iour d'apres il en prenoit encore vne drachme, sans qu'il s'en trouuast endommagé, excepté qu'il sembloit qu'il fust yure. Belon qui ne s'y estoit iamais acoustumé ne sentit autre incōuenient apres qu'il en eut pris, sinon vne eschaufure en l'emboucheure de l'estomach, quelque petit troublement de cerueau, & vn somme sans repos. Aussi les Turcs ont en proverbe commun, quand ils veulent calomnier quelqu'un, de dire qu'il a mangé l'Opion: comme qui entre nous reprocheroit l'yurongnerie à vn homme. Le bon Opiō est fort amer, chaud tellement au goust, qu'il enflamme la bouche: il est roux en maniere du poil de Lyon, de mauuaise & mal-plaisante odeur: & est vne chose esmerueillable comment il soit au dernier degré des choses qui refroidissent, veu qu'il est extremement amer. Les Turcs vulgaires le nomment Masschlach, & les mieux parlans Aphion. Ils ont aussi vne poudre qu'ils nomment Heiran-luc, laquelle estant prise pleine vne cuillier, fait perdre la parole, & fait incontinent rire celuy qui l'a prise, lequel pèse voir des choses merueilleuses: & de fait, il fait de tels gestes du corps, qu'il esmeut les assistans à vne fort grand risée, puis estant reuenu en son bon sens, il raconte qu'il a esté en diuers lieux, & qu'il a veu des choses grandes & esmer-

*Liv. 3. cha.  
de ses obser  
uat.*

*Heiran-luc.*



decine vne maladie nommee Incube par les Latins, pour autant que ceux qui en sont tourmentez, pensent en dormant qu'ils ayent vn fardeau appuyé sur eux, lequel empesche le respirer, & par consequent la voix & la parole: tellement qu'encore qu'ils veulent crier, si est-ce qu'ils ne peuvent. Cela auient avec des songes horribles & telles imaginatiōs qu'il semble que quelqu'un vienne les surprendre pour leur faire tort. Aussi auient il communément de nuit & au commencement du somme. si bien que tout ce que les epileptiques endurent quelquesfois en veillant, cela mesme endurent, en dormant de nuit, ceux qui sont tourmentez de ceste maladie. Plin l'appelle quelquesfois Suppression, & estoufemet, quelquesfois tromperie nocturne, & par fois la tromperie que les Faunes nous font en dormant. Les Arabes, comme dit Auicenne, la nomment Albealilon & Alcranium: Auerrois, Elgadum: Azaraius, Alcaiq: nous la nommons en vulgaire, Coquemare ou Cauchemare, & semble que ce soit vne pesanteur qui soit dessus l'estomach: aussi les Alemans la nomment en leur langage, *Die mar rydet uns*. Quelques vns pensent que ce soit vne Epilepsie, ou haut mal diminué, lequel se fait en songeant, & dont Aristote a entendu parler au liure du somme & de la veille. Les Grecs la nomment *Ephialte*, quasi comme le sauteur, pour autant qu'il semble que quelque chose saute sur nous, laquelle nous of-

*Causes nat-  
urelles de  
Li Cauche-  
mare.*

*Les anciens  
ont pensé  
que ceste  
charge fut  
vn Diable  
ou demon.  
Aesse  
lin. 6. cha.  
2. selon la  
sentence de  
Possido-  
nus.*

fense & nous estrainct tellement, que nous ne nous pouuons mouuoir, iusques à ce que nous en soyōs deliuegez. Les anciens Thémison pour ceste raison la nomme *Pnigalie*. Tous ces accidēs procedēt de la chaleur diminuee. & se font lors que les esprits animaux qui habitent dedans le cerveau, sont tellement ofusqueez par les vapeurs, qui montent & procedent du phlegme & de la melancholie, que leur vertu en est opressee: si bien, qu'il semble que quelqu'un les poursuyue pour faire tort, encore que veritablement ce ne soit rien. Cela auient principalement lors que lon est couché sur le dos, & le plus souuent quand l'emboucheure de l'estomach est oppressee par vn phleme espais & giuant, ou par trop grande quantité de viandes difficiles à digerer. Et pour autant que ces vieilles sorcieres sont volontiers, tant à cause de



*De la ma-  
ladie du  
cerneau.  
chap. 26.*

leur sexe que de leur aage, phlegmatiques, & melancholiques à raison de l'affectiō de leur esprit: pourquoy est-ce qu'estans couchees sur le dos, elles ne seront sujettes à ceste maladie? principalement depuis que le sens commun y est adiousté, lors qu'il est gasté par les continuels souflemens du malin esprit, pourquoy ne penseront elles & confesseront auoir veritablement enduré ce que seulement elles ont conu ou par songes, ou par vne grande imagination? l'ay pense estre bon d'escrire icy vne histoire d'un prestre, laquelle est à propos & est retiree des escrits de l'ason Pratenfis: qui la racôte en ceste maniere. Il vint dernièrement un prestre au conseil à moy & me dit: Monsieur, si vous ne me secourez moy pource miserable & affligé, c'est fait de moy, ie mourray, & mesme desia ie suis en chartre. Voyez vous commēt ie suis maigre & descharné: à peine suis- ie maintenant couuert d'une peau deliée, moy qui auois acoustumé d'estre en bon point, auoir beau visage & estre bien à mon aise: maintenant ie ne suis qu'un laid espouventail, & image seulement de l'image d'un homme. Qui a-il luy di- ie, qui vous tourmente? qui en estimez vous estre cause? le vous le diray, me respond il, franchement & vous vous en esmerueillerez. Il viēt presque toutes les nuits vne femme chez moy, laquelle ie conois fort bien, & se coule sur ma poictrine qu'elle presse violentemēt, & estoupe les conduits de mon esprit, si bien qu'à grand peine puis- ie respirer. Mesme lors que ie veux respirer, elle me bouche le passage de ma voix, tant que ie ne la puis esleuer, encore que pour la frayeur que l'ay, ie m'en mette en peine. Je ne puis aussi leuer les mains pour me defendre, ni desempestrer mes iambes pour me sauuer à la fuite: car elle me tient comme ataché. Comment, ce luy dy- ie en me riant, vous ne me dites rien de nouueau (car par son recit ie conoissois que c'estoit la Cauchemare) ce n'est qu'une fantasie & vne pure tromperie. Il ne me donna pas loisir d'acheuer, & me dit, Vne fantasie! vne trôperie! non est ie vous assure: ainsi Dieu m'aide s'il n'est ainsi que ie l'ay veuë de ces deux yeux, & touchee de ces deux mains. Et certes veillant & estant rassis de mon esprit ie l'ay veuë deuant moy, & lors qu'elle venoit



noit pour m'assaillir ie l'ay prise, & me suis mis en deuoir de me reuâcher: toutes-fois ie n'ay rien peu à cause de ma foiblesse, crainte, angoisse, & à cause aussi de l'esfort qu'elle me faisoit. Pour ceste cause i'ay couru de ça delà comme vn fol, cerchant & demandant si ie pourrois trouuer quelqu'un qui peust donner alлегement à ce mal, qui me tue miserablement. Ie me suis conseillé à vn Cordelier que lon dit estre fin & rusé, & pour ceste cause ie pensois qu'il me deust donner incontinent alлегance, mais i'en ay esté d'autant frustré, car il ne m'a donné aucun moyen de guerison: seulement il m'a admonesté de prier à force le bon Dieu, que desia i'auois ennuyé de prieres, à fin qu'il luy pleust de destourner ce mal-heur loin de moy. Ie me suis adressé à vne vieille, qui selon le bruit commun, est sorciere & assez fine: elle me dit que des le point du iour apres auoir vriné, ie ne faillisse d'estouper l'vrinal avecque l'un de mes chaussons, assauoir celuy du pied droit, & qu'il auendroit que la sorciere viendroit chez moy le iour mesme. Or encore que ie sceusse bien que c'estoit vne chose fausse, & que la foy Chrestienne me retirast de ceste experience: toutes-fois veincu en la fin d'impuissance, & me desplaisant d'un si long trauail, ie l'essayé. Et ie vous assure que sa prognostication auint: Car la meschante venant chez moy se plaignoit d'un mal de vessie. Il ne me fut onques possible, ni pour priere, ni par menace d'impetrer d'elle qu'elle s'abintint ainsi de venir de nuit m'espouuanter: mais estât du tout imployable, elle n'a point laissé sa coustume, & est vne chose toute assuree qu'elle me fera mourir en langueur. Il ne me fut onques possible, qu'avecques toutes les peines du monde, nonobstant toutes les raisons que ie luy alleguasse, de retirer cest homme de sa folle opinion: toutesfois ayant communiqué deux ou trois fois avecques moy, il deuint plus gaillard, commença à connoistre sa maladie, & à entrer en bonne opinion de santé. Mais venons à cest embrassement imaginaire.

*Que la rage nommee par les anciens Hymen, se peut prouuer par raisons estre: en toutes filles. Que l'embrassement des diables avec les femmes, est du tout faux, & purement imaginaire.*





Remierement lon conoistra par euidens  
tesmoignages, lesquels se pourront voir à  
l'œil, & par vn argument qui ne peut estre  
refuté, que cest embrasement est vne cho-  
se vaine & pure tromperie, si la ieune vier-  
ge, l'opinion de laquelle est deprauee par ce sort, & qui  
a enduré telles folles fantasies, si bien que lon pense  
qu'elle soit corrompue par l'embrasement du diable,

*Vne reli- telle que ie scay bien qu'en Hollande, vne religieuse par  
gieuse bru- sa propre confession a esté iugée à estre bruslée pour a-  
slee en Ho uoir eu affaire au diable: si ceste ieune vierge, di-ie, est  
lande pour reuisitee & manice par vne sage femme, ou par quel-  
auoir eu a- qu'autre qui entède cest estat. Car lon trouuera qu'elle  
faire avec- a encore la ceincture de virginité munie de la taye nô-  
que le dia- mee Hymen, pourueu qu'elle n'ait point encores eu co-  
ble.*

*Toutes les* les filles l'ont receu dès le commencement, & qu'elles  
*filles ont la* en ont esté reserrees par le Createur. Premièrement ie  
*taye de vir* proposeray & expliqueray le conseil de Moyse selon la  
*ginité.* volonté de Dieu, touchant l'asseuree conoissance des  
marques & indices de la virginité, lors que le mary est

*Deuter. 22* entre en soupçon de la fille que lon luy baille en ma-  
riage, laquelle auparauant auroit perdu sa pudicité. Ce  
conseil est tel: Si vn homme a pris vne fille en mariage,  
qu'il soit venu à elle, qu'il ait commencé à la hair, cer-  
che les occasions de diuorce, luy obiectant vn mauuais  
bruit, & die: I'ay pris ceste-cy en mariage, & estant cou-  
ché avec elle, ie ne l'ay point trouuee vierge, ou les si-  
gnes de virginité: alors son pere & sa mere la repren-  
dront, & feront aparoir des signes de virginité de la fil-  
le, aux anciens qui sont en la porte de la cité: & le pere  
dira: I'ay baillé ma fille pour femme à cestuy-cy, &  
pourtât qu'il a quelque haine cõtre elle, il luy baille vn  
mauuais bruit, & dit, Ie n'ay pas trouué ta fille vierge:  
& voicy les signes de la virginité de ma fille. Alors il  
desploira les vestemens deuant les anciens de la cité  
lesquels feront prédre son mary, &c. Que si sa parole se  
trouue vraye, & que les signes de virginité ne soyent  
trouuez en la fille, ils la meneront deuant la porte de la  
maison



maison de son pere, & les citoyens de la cité la lapideront, tellement qu'elle en mourra. Or pour l'explication de ce passage & à fin que ie satisfasse aux Medecins, qui ne pensent pas que ceste taye se trouue en toutes filles: & que cependant ie poursuyue le fil de mon discours, ie noteray premierement l'opinion de quelques vns, puis l'adiousteray quelques choses qui semblent appartenir à ceste matiere.

A VICENNE escrit en ceste maniere: Deuant la defloration de la pucelle, il y a au conduit de l'amary des tayas tissues de veines, & de liens tres-subtils, qui procedēt de routes les parties d'iceluy, lesquelles sont rompues par l'homme, & lors tout ce qu'il y a de sang en sort. Item Almanfor escrit: Le conduit des pucelles, dit-il, est estroict & ridé: en ces rides du conduit, il y a des veines tres-subtiles entrelassees, lesquelles se rompent à la defloration, & les rides s'estendent. Iehan Guintier Medecin tres-docte, l'explique plus manifestement. Tu couperas, dit-il, le conduit iusques à l'embouchure de l'amary, & pourras mettre les doigts en iceluy, si la femme a experimenté l'embrasement, attendu qu'autrement, à raison de la taye, tu ne le pourrois pas faire à ton ayse, car le conduit membraneux l'empesche, à cause de l'entrelassement des muscles, dont il auient que pour le rompre, la premiere rencontre est vn peu difficile. Pour ceste cause aussi, Celse, au passage, auquel il monstre cōme il faut tirer la pierre des femmes, veut que lon mette les doigts en la pucelle, ainsi comme aux hommes, (à sauoir par le siege, à cause de ceste taye qui est au deuant, & à cause aussi que ce conduit est plus estroit) & aux femmes il veut que ce soit par le conduit naturel. Alexādre Benoit & Cælius escriuent qu'en la partie honteuse des pucelles, ou au conduit de l'amary, la taye est interposee, laquelle est certain argument de l'integrité ou virginité. Nous entēdōs ceste petite taye nerueuse, en laquelle il y a plusieurs petites veines esparsees: toutes lesquelles sont rôpues au premier embrasement. Or encores que ceste preuue touchāt la taye des pucelles, soit improuuee par plusieurs Anatomiques François, comme par Fernel, Syllius, Vassius, Rodelet, & Charles Estienne: toutesfois elle est aprouuee par

*Li. 3. feuil.*

*21. traité*

*1. chap. 1.*

*Li. 2. de*

*l'institutio*

*anatom.*

*que.*

*Li. 7. cha.*

*26.*

*Li. 2. cha.*

*24. Ana.*

*Li. 2. des*

*antiq. lect.*

*chap. 55.*



d'autres fort exercez en la dissection des corps : entre lesquels tient le premier lieu André Vesal, le premier de tous les Anatomistes de nostre temps. Iceluy en la premiere edition de son anatomie du corps humain, fait mention en passant de ceste taye virginal, suyuant la doctrine des Arabes : mais en la seconde edition qui est plus correcte & parfaite, il confesse que les vierges ont ceste taye & la depaint. Cependant il dit qu'elle est de chair, & molle, & a vne longue fente par le moyen dequoy elle dōne passage. Or à cause que cela est briuelement dit, j'ay aiouste encor ce qu'en dit Gabriel Fallope docte medecin & chirurgien en ses obseruations Anatomiques, comme s'ensuit. Il y a encor vne autre chose à remarquer en ce destroit des femmes, ce que les Anatomiques ont repris, & se sont moquez de ceux qui ont pensé qu'il eust vne taye, toutes-fois selō mon opinion il ne s'en faut ainsi moquer: car veritablement vous pouuez voir en quelques pucelles vne certaine membrane nerueuse & non charnue, laquelle immediatē est situee incontinent apres le canal, par lequel les femmes vrinent, qui est le col de la vessie: ceste membrane ou taye clost ce conduit en trauers. Toutes-fois ceste taye n'est pas du tout entiere, ains percee par le milieu, tellement qu'en celles qui sont desia grandes, le bout du petit doigt y peut bien entrer. Ceste cy est la closture virginal, par le pertuis de laquelle les fleurs tombent aisēment. Soranus n'a pas voulu que ceste taye fust membraneuse: mais seulement a dit que c'estoyent les destroicts du cōduit des femmes, lesquels sont faits de plusieurs rides amassees & tissues des veines & arteres, lesquelles procedent de l'amary, & aboutissent en ces parties. Lors que ces rides s'estendent au depucellement, & que ces veines & arteres se rompent, il se fait quelque douleur, & le sang en sort comme d'une victime nouuellemēt tuee. Toutesfois sous correction d'un tel personnage, ie pense que c'est plustost vne taye, qui n'est gueres espaisse, & percee par le milieu comme un anneau: laquelle aussi estant apres rompue au depucellement, & estendue outre mesure, apporte quelque douleur. En fin toutesfois elle se perd, ainsi comme le fillet des hommes apres qu'il est rompu. Voila ce qu'il escrit  
pour



pour la defense de l'opinion de Carpus, & de quelque<sup>s</sup> anciens Anatomiques.

PARVOY ceste taye conseruatrice de chasteté est attachee & cachee dedâs la nature des pucelles, & dedans les cachettes de la generation, laquelle estât rompue par le premier combat, les emboucheures des veines de l'amary aboutissent en cest endroit, & laissent couler le sang que vulgairemēt nous nômons les fleurs. Pour ceste cause les nouuelles mariees, la premiere nuit de leurs nopces, laissent couler le sang par les veines de ceste taye rompue: les trasses duquel demeurent dedans les draps, comme marques & tesmoins de la virginite, Moysse commande estre monstrees, en la presence du magistrat, aux maris soupçonneux, qui accusent faulsemēt les femmes d'auoir perdu la virginité deuant qu'estre mariees. L'auteur des vers vulgairement alleguez, a conu ceste taye virginale, quand il dit,

*Passage de  
Moysse ex-  
pliqué.*

*C'est vn grand crime & grand meschanceté*

*Rompre l'Hymen de la virginité.*

C'EST aussi vne chose fort commune en Espagne que les nouuelles mariees gardent les linges esquels les marques de leur depucellement aparoiſſent. Aussi y a il quelques femmes trop cupides de gagner, qui ont acoustumé de vendre souuentes-fois des filles pour pucelles, & contrefont ceste taye inuiolee, avec le sang qui en sort, par quelques drogues propres à cest effect.

D'AVANTAGE, outre ce que j'ay moy mesme conu pour certain en vne pucelle ceste taye estre es vierges, ie l'ay aussi appris par le raport de quelques chastes & honorables matrones avec qui i'en ay cōteré en toute honnesteté, & selon que ma profession de medecine l'a requis quelque fois, qui m'ont asseuré toutes auoir obserué ceste defense de pudicité la premiere nuit de leurs nopces, & auoir entendu d'autres femmes, avec qui elles en auoyent denisé priuément, que toutes vierges ont ceste taye. Vray est que les vnes l'ont plus espaisse & ferme, les autres plus tendre & plus aisée à rompre: comme aussi il auient par fois aux vnes de la rompre elles-mesmes, es autres elle se pourrit par vn esgoust d'humours corrompues qui se rendēt là, ou se rompt par maladie. Je pourroye confermer cela par exemples, n'e-



estoit que mon but est autre que de traiter de ces matieres, le discours desquelles est fascheux aux oreilles pudiques. C'est assez d'auoir descouuert & monstré les vrayes & fermes raisons qui descouurent l'imposture des succubes & incubes, & esclairci aucunemēt le passage de Moysē : & donné ocaſion aux medecins qui nient que toutes vierges ayent ceste taye, d'y regarder de plus pres: & me souuient qu'un certain personnage à bon droit reprocha vn iour à sa femme de ne l'auoir trouué entiere & pourueüe de ceste taye.

*Au 31. ch.* MAINTENANT si quelqu'un deceu par la consideration de la petite fente & ouuerture de ceste taye, insiste que le Diable subtil à merueilles peut auoir la compagnie d'une vierge: ie le prie de me monstrer, comme sans rompre ceste taye virginale, le ventre puisse conceuoir de ceste cohabitation tant de matieres grosses, dures, inegales, aspres, aiguës, & telles que ietta hors vne fille nommée Magdelaine prinſe prisonniere à Constance pour opinion qu'on auoit qu'elle eust esté engrossée par le diable, cōme nous en parlerōs plus amplement ci apres. De ma part, ie maintien q̄ si la fille estoit visitée & maniee, lors qu'elle vuide telles matieres estranges & monstrueuses, par gens entendus, selon les obseruations anatomiques, que lon descouueroit incontinent l'imposture, & conoistroit-on que l'imagination auroit esté premierement corrompue, si que la fille auroit pensé auoir compagnie de quelqu'un: puis apres le malin esprit voulant faire estimer vraye & reale ceste cohabitation imaginaire, auroit troublé le ventre & causé des douleurs comme d'enfantement, & fait apa- roir vn amas de choses estranges, insensibles & mortes, comme si c'estoit le fruit de ceste copulation.

*Histoire memorable de la perpetuelle virginité  
de la vierge Marie.*

#### CHAP. XXI.

En l'expli-  
cation du  
nom de ie-  
sus.



OVN plus asſeuré tesmoignage de ceste matiere, j'ay pēſé q̄ ce ne seroit chose inutile d'alleguer briefuemēt en cest endroit vne histoire de Suidas memorable en tout temps, & laquelle est escriite cōme s'ensuit.

Du



Du temps de l'Empereur Iustinian, il y auoit vn Prince entre les Iuifs, nomme Theodose. Ce Theodose estoit fort familier d'un sien argentier Chrestien, nommé Philippe, lequel l'exhortoit souuentement à receuoir la foy Chrestienne. en fin il confessa librement qu'il ne doutoit aucunement que Iesus que nous adorons comme Christ, ne fust celuy que les 9. Prophetes auoyent predict deuoir estre le Sauueur du monde: toutesfois qu'il ne pouuoit laisser les honneurs qu'il auoit entre ceux de sa religion, & se faire Chrestien. Il disoit que ce qui le faisoit croire cela de Iesus Christ, ne venoit seulement de la persuasion qu'il en auoit par les tesmoignages des saints Peres: mais aussi d'un certain mystere, garde entre les choses secretes des Iuifs: & tel que s'ensuit. La coustume estoit anciennement entre les Iuifs, du temps que le temple estoit encore en Ierusalem, d'auoir touours vingt & deux Prestres, a sauoir autat qu'il y a de lettres en la langue Hebraïque, & que lon conte de liures au vieil Testament: & toutesfois & quantes qu'il en mouroit vn, d'y en subtoguer vn autre, le nom duquel estoit escrit au liure avec celuy de son pere & sa mere, & le iour aussi que le defunct estoit mort, & le nouueau prestre receu. Du temps donc que Iesus Christ conuersoit en Iudee; auant qu'il se fust manifesté, & qu'il eust enseigné publiquement la vraye foy, auint que l'un du nombre des prestres mourut. Et pour autant qu'apres sa mort on ne trouuoit aucuns selon le raport de plusieurs qui fust assez suffisant d'estre mis en son lieu: en fin on proposa Iesus, fils (comme ils pensoyent) de Ioseph le Charpentier, lequel, quoy qu'il fust ieune, toutesfois estoit fort recommandable, à raison de sa vie, de ses mœurs & de sa doctrine. Or estant ceste proposition trouuee bonne d'un chacun, on auisa de faire venir sa mere au conseil, (car desia son pere estoit mort) afin de sauoir les noms qui deuoyent, comme i'ay dit, estre escrits dedans le liure. Elle donc estant appelee & interroguee touchant son fils, respondit que veritablement elle estoit la mere de Iesus, & qu'elle en auoit acouché, comme elle en auoit plusieurs tesmoins, sauoir est les femmes qui assisterent lors qu'elle travailloit, toutesfois qu'il n'auoit eu aucun pere en terre: ce



que vous cognoistrez, dit-elle, par le tesmoignage que ie vous en rendray. Car lors que i'estois vierge en Galilee, l'Ange de Dieu estant entré en la maison, en laquelle i'estois, m'annonça en veillant & non en dormant, que du S. Esprit ie deuois engendrer vn fils, auquel il me comanda de donner le nom de IESVS. Parquoy estant vierge ie cōceus par ceste vision, & enfantay Iesus, demeurant vierge iusques à maintenant. Les Prestres l'ayant ouye, commanderent que lon fist venir des sages femmes fideles, afin que soigneusement elles auisassent, si Marie estoit vierge. Icelles conoissans la verité du faict, certifierent qu'elle estoit vierge. Mesme les femmes furent mandees, qui d'auenture auoyent assisté à son acouchement, & auoyent veu l'enfant manger, qui atesterent que IESVS estoit son fils. Dont les Prestres estonnez, interroguerent derechef Marie, & la prierent d'arrester librement de quels parens il estoit né, à celle fin que les noms d'iceux fussent escrits au liure des Prestres. Derechef Marie leur dict: Veritablemēt ie l'ay enfanté, & ie sçay qu'il n'a aucū pere en terre, & ay entendu de l'Ange qu'il estoit fils de Dieu. Il est donc mon fils & celuy de Dieu. Les Prestres apres auoir entendu le tout, escriuent dedans le liure qui leur fut apporté: Vn tel iour mourut vn tel Prestre né de tels parens, au lieu duquel a esté subrogé par le commun consentemēt de tous, Iesus fils du Dieu viuant & de la vierge Marie. Au reste ce liure a esté sauué & gardé diligemment & soigneusement de la ruine du temple & de la ville par les principaux des Iuifs, & est maintenant gardé en Tiberiade, &c. En la fin l'auteur escrit qu'il a entendu cecy de ceux qui l'auoyent ouy raconter par la propre bouche de Philippe l'argentier. Combien que ie pense que plusieurs n'en croiront rien & y contrediront.

*De quelques autres choses appartenantes au propos precedent,  
& dignes d'estre notees par les Medecins.*

## CHAP. XXII.





L m'a semblé bõ de reciter icy en passant, à raison de la conuenance des choses traitées, ce qui est rare & digne d'estre remarqué, & que i'ay obserué en plusieurs pucelles: ce qui seruira pour secourir plus proprement celles qui seront tombees en tels maux & inconueniens, s'il auient que la necessité le requiere: & que par tel moyen on se souuienne que les pucelles qui ont ceste taye confesseront aisément d'auoir eu la compagnie de l'esprit malin, si d'auenture il les assaut par ses impostures & illusions: & afin aussi qu'on descouure plus clairement la fourbe de ceste copulation imaginaire. Il y auoit vne ieune fille aagée de dixhuit ans en la ville de Graue, laquelle auoit la taye espaisse & forte en l'emboucheure de l'amary. Ceste taye estoit estenduë par vn amas de sang figé, & fort enflée, non sans grande douleur. Aperceuant doncques & iugeant par sa couleur plombée, qu'elle se pourrissoit en ce lieu, ie m'essayay de l'ouuir, mais en vain: toutesfois apres elle se creua d'elle-mesme, & en sortit beaucoup de sang, si bien que peu à peu la fille se guerit.

*Graue*

Il y auoit quelques matrones voisines, acôpagnées d'une sage femme, qui ensemble acoururent à vne autre ieune fille, extremement malade a Cranebourg, & d'un commun consentement croyoyent qu'elle estoit grosse, mesmes elles nommoient desia le pere de l'enfant: seulement, pource qu'elles voyoyent que le ventre luy estoit enflé au costé dextre: ce qu'elles pensoyent estre veritable, encore que la pauvre fille leur contredist avec grans serments, iurât n'auoir iamais eu conoissance d'homme. Je fus appelé pour la voir lors que les femmes ne luy pouuoient plus rien faire, & qu'elles en desesperoyent à raison des douleurs insupportables, qui auoyent desia duré trois semaines sans luy donner repos ni de nuict ni de iour: avec quelque supression d'urine, veilles perpetuelles & perte de l'appetit. Je maniai doncques la partie malade selon la necessité du cas, & que l'art nous commande, là où ie trouuay l'embouchure de la mere tellement estoupee par ceste taye, qu'à grand peine la pointe d'une esguille y fust entrée, excepté en l'extrémité de l'embouchure de la vessie.

*Cranebourg*



qui est voisine de cest endroit, encore que nous y regardissions soigneusement: ce qui estoit aussi auenu en celle dont i'ay parlé cy deuant. Or apres que i'eus considéré la chose plus auant, & que ie fus informé de l'aage de ceste fille qui n'auoit point encore vingt & vn an, belle, de couleur bonne & viue, du tout sanguine, que parauant ce temps elle n'auoit point eu ses fleurs sinon quelque goutte, & que sa mere estoit morte depuis quatre ans: ie me doutay que les emboucheures des veines de ces parties estoient dauantage estoupees au dedans, & que là il y auoit eu vne subite descharge de sang: car i'auois esgard à son aage, à sa complexion, à sa maniere de viure otieuse, & à la saison du temps qui estoit le renouveau: alors ie commanday que lon retinst vn peu l'aleine de la fille qui estoit couchee sur le dos: qu'elle escarquillast les cuisses & les tirast vn petit en arriere, afin que la taye s'estédist d'auantage: incontinent voyât au milieu d'icelle quelque trasse imprimee depuis la membrane qui enuelope toutes les parties du ventre vers le conduit de la vessie, & aussi qu'il y auoit vne assez suffisante ouuerture; ie priay le Chirurgien (qui trembloit à raison de la nouveauté de ceste maladie) que sur mon hōneur, il dōnast du rasoir en ceste partie. Parquoy apres qu'il y eust fait vne double ouuerture, à raison de l'espaisseur de la taye, il en sortit peu à peu, bien huict liures de sang noir, ainsi que plusieurs femmes qui y assisterent le pourront tesmoigner. Le luy commanday de demeurer tousiours couchee iusques à trois iours de là, à cause du flux de sang, encore qu'elle se sentist merueilleusement allegée depuis l'ouuerture, & que pour l'abondance du sang sorti dehors du lieu, où il auoit demeuré si long temps hors des veines, elle ne se pleignist d'aucune debilité. Apres que le reste de cest amas de sang fut nettoyé, elle fut dans les trois iours suyuaंस guerie parfaitement, luy ayant seulement seringué de l'eau d'orge avec du miel rosat, tellement que vingt deux iours apres l'ouuerture, elle commença à auoir ses fleurs naturelles, lesquelles depuis garderent leur cours acoustumé.

ANTOINE Beniuenius raconte vn pareil accident en ces mots: L'eu entre mains vne ieune fille prestee à marier



marier, l'amary de laquelle s'estoit reserré. Or ainsi que ie regardois pour la guerir de ce mal, i'aperceu vne petite taye qui estoit deuant l'embouchure de son conduit. dedans laquelle ie fis vne ouuerture, en croix, dont tout soudain il fortit impetueusement vne si grande abondance de matiere noirastre, que la lumiere que mon seruiteur tenoit en fut esteincte. Car les fleurs des mois passez auoyēt esté retenues là dedās, & luy esinouuoyēt vne douleur de mois en mois. Depuis ayant traité ceste playe à la maniere des autres, ie la laissay peu de iours apres saine & preste à marier. Voila ce qu'il escrit. I'en conoi deux autres maintenant mariees, lesquelles ont esté ouuertes par la sage femme. L'yuer dernier il y auoit vne petite fille, qui vrinoit fort mal à l'aise, & auoit vne taye paroissante dehors, à cause qu'elle s'estoit trop eforcee: dont la mere idiote pensant qu'elle n'eust point de conduit, me l'amena pour la voir, à laquelle apres auoir monstré l'affiète de la taye, & le pertuis de l'vrine, ie donnay des remedes pour faire vriner la fille plus aisément que deuant. La sentence d'Aristote fait beaucoup à ce propos, lequel entre les empeschemens de la conception, & les procreations des natures monstrueuses, raconte ceste maladie en ces mots: L'embouchure de l'amary est demeurée long temps pressée & endurcie des le commencement de l'aage iusques au temps des fleurs, auquel temps d'elle-mesme elle s'est rompue en quelques vnes, par la force du sang qui demâde à sortir & des douleurs vrgêtes, & aux autres filles il a fallu que les Medecins y ayent mis la main, & quelques vnes en sont mortes, pour autant que ceste embouchure estoit rompue à force, ou bien qu'elle ne se pouuoit rompre.

*Des causes  
cachees des  
guerisons.  
chap. 28.*

*Lin. 4. cha.  
4. de la ge-  
ner. des a-  
nimaux.*

*Explication du passage de Moÿse, où il est escrit que les fils de Dieu eurent affaire aux filles des hommes: par lequel la fausseté de l'embrassement diabolique est manifestee.*

## CHAP. XXIII.



I maintenant quelqu'un plus difficile à contenter veut auoir recours à la sentéce de Moy *Genes. 6.* se, pour me la mettre au deuant, où il dit, que les fils de Dieu sont entrez avec les filles



des hommes, lesquelles en ont engendré des enfans  
 puissants & renommez: tellement que par ce passage  
 me vueille prouver, avec quelques autres gens doctes  
 au demeurant, qui ont esté de ceste opinion, que les  
 diables peuuent exercer l'acte venerien avec les femmes,  
 & engendrer d'elles: ie leur oposetay les paroles  
 d'Augustin Steuch d'Eugubio Euesque de Kifame, qui  
 refute fort bien cest erreur. Il faut, dit-il, separer &  
 netter de la vraye nature des esprits, & remettre au  
 lieu de ceux qui sont fabuleux, ce que non seulement  
 quelques vns des nostres se sont persuadez, mais au  
 quelques vns qui font profession de la philosophie  
 prophane, touchant ces fils de Dieu, lesquels on est  
 me, selon le passage de Moysé, auoir veu les filles  
 hommes, desquelles estans amoureux, ils ont engendré  
 des enfans. Et pour autant qu'ils sont nommez en Hebreu,  
*Nephilim*, quelques Chrestiens & philosophes estrangers  
 ont pensé que c'estoyent esprits qui eussent une  
 nature en partie humaine & en partie diuine: Mesme  
 s'en est trouué plusieurs qui ont soupçonné que ces  
 de Dieu estoient les Anges, entre lesquels Iosephe au  
 plusieurs Hebreux en son histoire de l'antiquité des  
 Juifs, a nommé les fils de Seth quasi comme Anges  
 pour autant qu'ils plaisoyent à Dieu, & suyuoient la vraye  
 des Anges: dont toutesfois l'historiographe Zonaras  
 l'excuse. Quelques autres ont esté en ceste mesme opi  
 nion, comme Lactance, & semble certainement que  
 ce vieil erreur soit venu des liures de Moysé mal enten  
 dus. Car Plutarque escrit que Pythagore, Xenocrate  
 Platon, & Chrysippe qui ont suyui les anciens Theolo  
 giens, ont pensé que les dæmons ont esté plus forts que  
 les hommes, & de vertus plus excellentes, ayans, dit  
 la diuinité non pure ni simple, mais faite de nature d'  
 me & de sens corporel ioints ensemble, laquelle est ca  
 pable de volupté & de peine. Athenagore philosophe  
 Chrestien a pensé le mesme: aussi ont fait Iustin le phi  
 losophe & Tertullian, tous trompez de l'ambiguité du  
 mot, & ont eu opinion que les Anges estoient fils de  
 Dieu, puremēt diuins, & que ceux qui estoient nais d'  
 eux, estoient dæmons selon aucuns, ou Heros selon  
 les autres, ainsi nommez du nom Grec, qui signifie l'a

*Liv. 6. cha.  
 23. de l'et  
 ternelle phi  
 loso.*

*Liv. 1. ch. 3.*

*Liv. 2. c. 15*



mour, duquel les fils de Dieu estoient espris de la beauté des femmes, & auoient engendré d'icelles des enfans de grâde vertu & magnanimité. Ce que Platon racôte en son Cratyle: & Athenagore en sa legatio dit, Telle aussi a esté la condition des Anges: car estans tous de libre volonté, les vns sont demeurez en la condition en laquelle Dieu les auoit creez: les autres ont violé leur nature & condition. Ce démon doncques a esté le capitaine de la matiere & des formes qui sont en icelle, & les autres aussi, lesquels procedent de ces deux & habitent au plus haut de l'air. Vous sçauiez que nous ne disons rien sans tesmoignage, puisque nous sommes appuyez sur les paroles des prophetes. Eux doncques ont esté trouuez veincus par la chair & sont tombez en concupiscence: & luy a esté negligent & a esté meschamment des choses qui luy auoient esté baillées en garde. Ceux que lon nomme Geans ont esté procrez de ceux, lesquels sont deuenus amoureux des pucelles. Par quoy les Anges tombez du ciel ont esté empeschez de retourner derechef au ciel, & sont demeurez à l'entour du ciel & de la terre: & les esprits aussi des Geans à l'entour du monde. Voila ce qu'il escrit. Tertullian aussi a esté de mesme opinion. Ce que toutesfois les plus doctes & meilleurs Theologiens, ausquels le nom du fils de Dieu est plus conu, n'eussent iamais escrit: comme Sainct Hierosme, Sainct Augustin, Gregoire Nazianzenien, ni le tresprudent Chrysostome. Aussi n'est il pas difficile de reconnoistre la fontaine de cest erreur, & de prouuer que les saintes & sacrees lettres ont acoustumé de nommer fils de Dieu ceux, lesquels l'aiment & adorent. Comme il est escrit d'Israel: J'ay appelé mon fils d'Egypte. Et en Exode: Israel mon fils. Nous voyons encore es Pseaumes la manifeste difference quand les hommes sont fils de Dieu ou quand ils ne le sont point: J'ay dit vous estes dieux, & tous fils du Tres-haut: mais vous mourrez ainsi que les hommes. Voila comme il nomme les mesmes, fils de Dieu, & hommes: mais fils de Dieu, s'ils adorent Dieu, qui les a crez & les a faicts comme Dieux, & seront tels: & hommes, pourautant qu'ils sont tombez en la fragilité terriene, apres auoir souillé l'image du Roy

*Osee II.  
Nom. 24.  
Matth. 2.  
Psal. 81.*



celeste. Teis estoient fils de Dieu, du temps du deluge : ceux qui estoient sortis de la bonne race de Seth : s'estoient meslez avec les filles des hommes, à sçavoir avecques des femmes corrompues, lesquelles à l'imitation de la femme d'Adam, & de toutes celles qui sont venues depuis, ont corrompu leurs maris : dont les enfans en sont sortis plus corrompus, qui a esté l'origine du mal, apres que le sang des bons a esté meslé avec luy des meschans : tellement que ceux qui en sont descendus ont esté belliqueux, superbes & outrageux. Celles-ci sont les meilleures interpretations, non contraires à la nature, ainsi comme les autres qui ressemblent aux fables des Poëtes. Car aussi ne se peut il estre naturellement, & toute philosophie y est contraire, que les esprits qui n'ont point de corps, puissent estre espris de l'amour des femmes, & qu'ils puissent engendrer en icelles. Aussi les cupiditez ont leurs sources & origines plus basses. Là où il n'y a point de parties generantes, il n'y a point de desir de conjoinction. Là où il n'y a ni viande ni bruvage, il n'y a point de commencement. Là où il n'a esté necessaire avoir succession & repeuplement, la nature n'a point baillé de desir d'engendrer. Et tout ainsi que les esprits nuds ne peuvent avoir faim ou soif : ainsi ne peuvent ils estre enflammés de la cupidité venerienne. Aussi est-ce vne chose absurde de dire qu'il y a deux especes de demons, à sçavoir les Anges qui sont tombez en concupiscence, & les ames des Geans. Car les Geans ont esté hommes, & n'est point que nous facions des dæmons de ceux qui ont esté hommes : & la cheute d'iceux n'a point esté pour autant qu'ils estoient devenus amoureux. Ce seront doncques des dæmons fabuleux, tant ceux que la cupidité a atirez, que ceux qui en ont esté engendrez. Ils seront tels qu'Hector, Achille, Aenee, Hercule, que les poëtes disent avoir esté engendrez de dieux & d'hommes. Voila ce qu'en dit Augustin Steuch. Et encore que Lactance par sa supposition semble estre contraire de ceste sentence prouuee par raisons : en general toutesfois il n'est discordant en ce faict touchant les dieux des Gentils. Car il argumente ainsi : Qui a il plus esloigné de Dieu que cest œuvre qu'il a donné aux hom-

*Liv. I. de  
l'inst. de la  
relig. chre.*



mes pour repeupler, & qui ne peut estre sans substance corporelle? Si donques les dieux sont immortels & éternels, qu'ont ils à faire d'un autre sexe? ce ne scauroit estre que pour engêdrer. Qu'ont-ils à faire de telle generation? puis qu'ils n'ont que faire de successeurs, d'autant qu'ils seront toujours? Il pouuoit bien adiouster l'argument de Lucrece, lequel i'estime estre merueilleusement vailable:

*Si nous pensons la diuinité estre  
Qui autre fois en ce monde ait peu naistre:  
Si ne faut il penser aucunement,  
Qu'aucun des Dieux ait eu commencement.*

Liu. I.

Il est encore escrit en Lactance, ensuyuant ce que j'ay desia dict: Qu'est-il donc mestier du sexe féminin, veu que Dieu qui est Tout-puissant ainsi que nous le nommons, peut procreer des enfans sans l'usage & operation de la femme? Car s'il a donné ceste propriété à quelques petits animaux, que de prendre leurs petits sur les fueilles, & les tirer du bec dessus les herbes plus odorantes & suauës: qui est-ce qui pensera que Dieu ne puisse engendrer sans permixion d'aucun sexe? Il n'y a donques celuy tant hebeté soit-il, qui ne pense que ceux-là ont esté mortels, lesquels les indoctes & peu sages hommes appellent & adorent comme dieux. Or sur le passage sus allegué Rabi David Kimchi dit que quand l'escriture veut magnifier vne chose elle adiouste le mot de Dieu, côme on lit en Ionas le prophete que Ninieue estoit vne grande ville de Dieu, c'est à dire fort magnifique. Aben Esra dit que par les fils de Dieu sont entêdus les hommes qui conoissoient Dieu & faisoient profession de la vraye religion.

*Que les Demidieux ont pris naissance comme les autres mortels: & qu'il est impossible qu'un homme, ou autre animant parfait, puisse estre engendré & naistre sans embrassement charnel, & sans la semence du malle & de la femelle.*





L'apert donques par les choses sus-  
 crites combien l'opinion de Lactan-  
 est absurde & indigne d'un Chrestien  
 lequel dit que les Heros, Semidieux  
 Dieux Senons, sont ceux que l'Escriptu-  
 nomme *Nephilim*, & la theologie des Hebreux *Iffim*: les  
 quels sont ainsi demeurez, ou à raison que pour la pau-  
 ureté de leur merite ils ne sont estimez dignes du ciel  
 & toutesfois ils ne sont estimez du tout terrestres pour  
 la reuerence de leur grace, tels qu'ont esté ancienne-  
 ment Priape, Hippos, Vertumne: ou pourautant qu'ay-  
 ans esté excellens en vertus diuines & en biens-faits  
 enuers le genre humain, pendant qu'ils ont vescu, ils  
 sont maintenant, apres auoir esté despouilleez de l'hom-  
 me mortel, transportez au rang des saincts bienheureux:  
 là où ils ont perpetuellement le mesme soin, & sont  
 les mesmes biens, & donnent les mesmes vertus aux  
 hommes, comme ils faisoient lors qu'ils estoient vi-  
 uans: ou bien à raison que ceux qu'ils pensent estre pro-  
 creez par la meslange des Dieux, ou des dæmons avec-  
 ques les hommes, sont engendrez par la seméce cachee  
 des Dieux: & pour ceste cause ils disent qu'ils ont vne  
 certaine nature moyenne, tellement qu'ils ne sont ni  
 Anges ni hommes. Car non seulement les Chrestiens,  
 mais les Ethniques aussi, ont des diuinitez, les vnes  
 seulement terrestres, les autres seulement celestes, &  
 les autres moyennes, qu'Apulee dit estre animants rai-  
 sonnables d'esprit, subiects à endurer en l'ame, aériens  
 de corps, & eternels à cause du temps. Les anciens les  
 ont nommez *Medioxumes*, pourautant qu'ils sont com-  
 me intercesseurs, moindres que Dieu: mais plus grands  
 que la nature des hommes, lesquels on estime nous faire  
 participans de quelques dons, comme en estât moyen-  
 neurs. Tels estoient AEsculape, Pollux, Castor, Liber,  
 Quirinus, Atlas, & les autres qu'Augustin Steuch a  
 nommez. Seruius escrit qu'Hercule estoit Dieu, parti-  
 cipant de l'une & de l'autre nature, entre la diuinité  
 & l'humanité. Car on a cōtroué qu'il estoit nay de Ju-  
 piter, & d'Alcmene femme d'Amphitryon. De là quād  
 les Latins iurent par Hercule, ils disent *Medius fidius*,  
 comme s'ils disoyent, par le fils metoyen. Or tout ainsi  
 qu'il

Sur le 8. li.  
 d' l'Enei-  
 de.



qu'il n'y a aucune raison ni diuine, ni humaine par laquelle on doyue croire qu'un Dieu puisse naistre d'un homme, ou d'une femme ensemble, ou d'une seule vierge, comme dit la Sybille Erythree:

*Dieu ne peut naistre, ainsi comme  
Hors d'un ventre sort un homme.*

A I N S I nul homme, ou autre parfait animât ne peut estre conceu, ou prendre naissance sans copulation du masse & de la femelle. Car cela repugneroit non seulement à la verité, mais aussi à l'universelle nature des choses. D'autant certainement que la diuersité du sexe, l'acte d'amour, & la generation, n'ont esté introduits tant entre les hommes, qu'entre tous les autres animaux: sinon à fin que toutes especes des choses viuantes, lesquelles sont nees à condition de mourir, fussent perpetuées en leur succession. Que si sans l'acouplement de l'un & l'autre sexe, ou par quelque autre maniere cela se pouuoit faire, Platon eut fait des loix tres-iniques & ridicules, lequel non seulement a chassé le cœlibat hors de sa Republique, mais aussi a imposé des amendes & punitions à ceux qui ne se marieroyent point. Et c'est la seule naturelle raison & cause du mariage, à laquelle les sages Iuriscôultes ont eu esgard. Aristote & Theophraste ont bien escrit que les animaux estoient engendrez en deux sortes: les vns par copulation des sexes: les autres par la terre & pourriture: les premiers sont parfaicts, & ceux cy, imparfaicts: desquels nous ne parlons pas en cest endroit. Car Dieu dès le commencement a créé toutes choses parfaites, à sçauoir l'homme, & toute autre chose en son espece masse & femelle, sans en excepter aucune, soit des choses aquatiques, soit de volatilles, soit des terrestres. Mesme au general deluge du monde, encore que par sa vertu il eult peu derechef créer toutes choses, il fit toutesfois tel commandement à Noé: Tu prendras de toutes bestes nettes sept paires, le masse & la femelle; mais des bestes non nettes deux paires seulement, le masse & femelle. Aussi, des oyseaux du ciel, sept paires, le masse & la femelle, à fin que la semence en viue sur la terre vniuerselle.

P A R Q U O Y Ene Syluius pense estre vne chose fausse se que Saxon le Grammaticien a escrit, que les oyse en

*Dialogue  
de la Rep.  
10.*

*L. 1. ff. sô-  
luto matri.  
Iustin. in  
Non. de  
Nup.*

*Genes. 1.  
Aug. li. 1.  
des Sent.  
Sent. 7.*

*Genes. 7.*



Escoffe naissent des fruiets qui des prochains a tombent en l'eau. Toutesfois Guillaume Turner glois escrit que ces oyes nommees Bernicles ( dont n'a iamais veu ni le nid, ni les œufs ) sont engendrés produits d'eux-mesmes sans conionction de male & de femelle, comme s'ensuit. Si quelque mast, ou piece ou autre piece de bois de sapin est tombee d'un navire en la mer, apres estre pourrie, on en void sortir du commencement comme des champignons, esquels par l'expiration de temps aparoiſſent des figures d'oiseaux, & la plume leur vient, lors ils vivent & volent. Il adieu qu'outre ce que cela est tout commun entre ceux qui habitent es rivages de la mer d'Angleterre, d'Hybernie & d'Escoſſe, qu'aussi est-il maintenu veritable par un nommé Gyraldus qui a escrit l'histoire d'Hybernie heureusement que l'ignorance de son temps ne le contredit. Cependant Turner mesme estimant que ce n'est pas le plus seur d'adiouster foy à vn bruit commun, il iuste qu'un cas si nouveau l'a empesché de croire que Gyraldus en escriuoit, & que pour se mieux rendre luy qui estoit Medecin en demanda avis à vn Theologien Anglois, qui lui iura estre vray ce qu'il auoit entendu de la prodigieuse generation de ces oyes. Mais je pensoy qu'en la conoissance des choses naturelles il faudroit plustost recenoir le tesmoignage de vn docte medecin, que d'un Theologien. Il faut mettre ce mesme rang ce qu'Aristote escrit de l'oiseau Ephemerus, au cinquieme liure de l'histoire des animaux. Il fleuve Hyppanis pres du Bosphore Cimmerien prodigieusement (dit-il) enuiron le Solstice des petites fueilles de laurier d'un gros grain de raisin, dont sortent des oiseaux à quatre pieds qui vivent & volent depuis le matin jusqu'à midi: puis sur le declin du soleil commencent à s'amaigrir & defaillir: finalement à soleil couché ils meurent: & par ainsi ne vivent qu'un iour, à raison dequoy ils ont aussi esté appelez Ephemerus, c'est à dire ephemeres. Mais ces côtes prodigieux ne sont pas tousiours

*lin. 32. ch.* croyables, non plus que ce qu'Ouide escrit que P  
*7. lin. 8. ch.* escrit que le chien de mer engendre de soy-mesme  
*55. lin. 10.* que les lievres ont l'un & l'autre sexe, & peuuent  
*ch. 4. 65.* gendrer sans masse, ce dit Archelaus. I'en pense au



de ce qu'Aristote & les gens d'armes d'Alexandre ont controuué, que les rats s'engendrent en leschant, & non par accouplement, comme les autres animaux: & de ce que lon dit l'Hyene engédrer sans masse, comme le vulgaire pense, & ce qu'Aristote dit estre faux: autant en dit-on des femelles entre les Vaultours. Sigismôd barô de Herberstein escrit en son histoire de Moscouie que les brebis y naissent de la terre. Toutes ces méteries ne sont rien au pris de celle de Pline qui dit, qu'en Portugal, pres Lisbonne, sur le fleûue Tayo, les iuments estans tournees contre le vent Fauonius, lors qu'il souffle conçoquent vn esprit animant, duquel il se fait & engendre vn poulain, qui est merueilleusement viste, toutes fois qu'il ne dure que trois ans:

*Toutes estans vers Zephire tournees,*

*Elles ont pris les douces balenees*

*Des petits vents & ont esté souuent*

*Sans vn mary enseintes de ce vent.*

*Virg. 3.  
Geor.*

VOILA touchant les bestes brutes. S'il est doncques ainsi que la raison ne le puisse permettre en iceux, & que la sainte Escriture y soit contraire: cōbien moins le confesserons nous auenir es hommes? Car le principal fondement de nostre foy se ruinerait avecques le myttre caché de l'incarnation de Christ: tellement que lon diroit la chose auoir esté faite naturellement, laquelle a esté par dessus la nature, suyuant l'operation de l'esprit de Dieu: dautant que la seule Marie, vierge deuant & apres son enfantement, sans œuure d'homme a conceu & enfanté Christ, homme & Dieu, ainsi que nous auons monstre ci deuant: ce qui n'a iamais esté & ne sera atribué à aucune femme, à fin que lon ne pense point s'oposer à la puissance & volonté diuine, par ces mensonges ainsi escrits. Comme quand on dit que Platon a esté engendré d'une pucelle engrossée par vn phantomsme d'Apollon, & que les femmes Gothiques, nommees Alrunes, belles & de bon esprit, estans iadis sorties hors le champ de Filunire, ou d'Idanthrese Roy des Goths, & ayans couru ça & là par les deserts de la Scythie Asienne, furent forcees par les Faunes & Dæmons, & que de là sont sortis les Huns. Les Dæmons sont semblant d'estre espris d'amour, à celle fin qu'ils

*Esa. 7.*

*S. Augu.  
fin contre  
les Iuifs,  
cha. 9.*



retiennent mieux cependant les folles femmes en leur service: car ils cherchent merueilleusement la perdition des âmes. Et quant est de ce que les femmes conçoient d'elles mesmes sans le male, c'est vne chair sans forme & sans esprit, laquelle on nomme Moles ou charges. Et pourautant qu'elle n'est issue de deux, elle n'est aussi animée. Et mesme Galien au 14. liu. de l'usage des parties maintient qu'on n'a iamais veu vne femme concevoir telles choses sans compagnie d'homme. C'estoit donc

- Plin. li. 7.* faussement que Simon le Magicien se vantoit estre né  
*cha. 15. liu.* d'une vierge à fin de se faire Dieu. C'est aussi vne cho-  
*10. ch. 64.* se fausse que Merlin est fils d'un esprit & d'une pucelle  
 comme nous dirons cy apres. Et faussement lon a pensé  
*Pli. li. 37.* que Seruius Tullius fut fils d'un esprit familier: & ainsi  
*chap. 37.* de tous ces autres demidieux, desquels nous auons parlé.  
 Car ils ont esté mortels, & leurs peres ont esté hommes, & leurs meres femmes.

*Discours fabuleux touchant la naissance de Martin Luther, que  
 aucuns ont maintenant auoir esté engendré par un diable.*

## CHAP. XXV.



A'N mil cinq cens soixante cinq, vn certain Euesque preschant publiquement dâs vn college d'une ville fort renommée, pour descrire la doctrine de Luther fit vn conte fort gaillard de la naissance d'iceluy. Et pource que le recit en est memorable, ce n'est pas raison de le laisser passer en si propre endroit que ceuluy-ci: afin que ceux qui ont des yeux & quelque iugement voyent & considerent les choses pour en faire leur profit. Il disoit donc que le diable en forme de marchant lapidaire vint à Vvitēberg, & pria vn des bourgeois de la ville de le vouloir loger, d'autant qu'à cause de ses bagues & pierres precieuses il n'osoit se retirer es hostelleries: promettant bonne recompense à son hôte. Quelque temps apres il sollicita tellement la fille de son hôte par presens, belles paroles & autres allechemens, que en fin il eut sa compagnie, & peu de iours suyans il disparut sans se monstrier depuis. De iour en iour le ven-



tre de la fille croissoit: mais comme son terme approchoit elle tenoit des contenance si horribles & estranges qu'il estoit aisé de conoistre que le fruit qu'elle portoit n'auoit esté engendré comme les autres. L'enfant estant deuenu grandelet proufita tellement en peu de temps à l'eschole, qu'il deuançoit tous ses compagnons, desquels il n'estoit pas conu tel qu'il estoit. Puis apres par l'instinct & inspiration de son pere il fut rendu moine, & raut vne nonnain (comme plusieurs hommes doctes le disent) & icetta le froc aux orties. De là il s'en alla à Rome, pour trouuer meilleure cōdition: mais n'ayant pas bien fait ses besongnes & estant mal-voulu du Pape & des Cardinaux, il print aui de son pere comme il se pourroit venger d'un tel rebut. Le diable sachant que le menu peuple se laisse aisément persuader, lui conseilla d'escrire vn Cōmentaire sur l'oraison Dominicale, que tous Chrestiens doyuent sauoir: afin de pouuoir paruenir par tel moyen à ce à quoy il aspirait. Or il dressa ce Commentaire avec tel artifice & appareil que non seulement les ignorans, mais aussi les hommes doctes l'auoyent en grande estime, auant que son masque fust descouuert. Ce cruel ours se voyant bien venu entre le peuple, commença à s'esleuer furieusement de la langue & de la plume contre les pardons du siege Romain, & contre quelques autres ordonnances de l'Eglise, iusques à tant qu'il fut repris & conueincu. Ce ne seroit iamais fait de conter tout par le menu. A bon entendeur ne faut qu'un mot. Les gens doctes appellent Ours ce personnage, & n'est pas besoin de le nommer par son nom, car nous le montrons au doigt: aussi est-il indigne d'estre nommé en la chaire où se presche la parole de Dieu. En somme, c'est la source & fontaine de toute l'heresie, pour l'extirpation de laquelle le saint Concile de Trente a esté commencé & continué par tant d'annees, & maintenant est terminé avec grand proufit, par la grace de Dieu. Voila le conte de l'Euesque.

L'HISTOIRE Catholique de l'estat de la Religion en nostre temps escrite en François, par vn certain docteur en Theologie nommé S. Fontaines, dit que ceste opinion publicc par liures imprimez est vray-sembla-



ble, a sauoir que Marguerite mere de Luther fut engrossée de lui par le diable, qui auoit eu sa compagnie auzresfois auant qu'elle fust mariee à lean Luther.

Mais il faudroit refuter la doctrine de Luther par des tesmoignages veritables, & non par tels contes forgez à plaisir: autremēt les plus idiots verront le pot aux roses descouvert. Car ceste fable est si grossiere que rien plus, veu que par le recit de la vie de Luther, chacū fait qu'il nasquit l'an mil quatre cens huitāte trois, le dixieme iour de Nouēbre, à onze heures de nuict, en la ville d'Islebe appartenante aux Côtes de Mansfeld: d'un pere bien conu, hōme d'autorité, nommé lean Luther, & de sa femme Marguerite, dame honorable: & fut appelé Martin, pource que le lendemain qu'il deuoit estre baptizé, est dedié en l'Eglise Romaine à S. Martin.

*La raison pour laquelle on a controuuē qu'il y auoit des hommes engendrez par les dieux & pucelles: il est aussi monstřé par quelques histoires, en quelle maniere les esprits & les faux Dieux ont à faire aux femmes.*

## CHAP. XXVI.



Es choses ont esté feinctes & controuuees par les hommes du temps passé: & par quelques vns de ce temps, ou par flateries, à fin d'illustrer & mettre sus les familles & maisons des hommes riches & puissans: ou par honte, à fin de couurir l'obscurité, ou la turpitude de leur naissance: ou bien par craintes, à fin de cacher les paillardises & adulteres des femmes: ou tout expres & artificiellement, pour contenter la cupidité de quelques vns, lesquels sont volontiers ou ieunes hommes, ou prestres oisifs esprits de la beauté & diuersité des dames qui frequentent ordinairement es Eglises. Par ceste maniere on cōte qu'autrefois Iupiter enuoya de la pluye d'or au girā de Danaë. Et Cherea, aussi dit, qu'il auoit autrefois ioué vn mesme personnage, que Iupiter s'estoit conuertý en homme, & qu'il estoit venu en cachette par dessus le toit d'autruy, à fin de tromper vne femmelette. Mais, quel Dieu, dit il, Celuy qui faict trembler la voute du ciel:

*Tout en l'Eunu.*



ciel: Moy qui ne suis qu'un simple homme ne le feray-  
ie pas?

C E C I sera encore plus manifeste par la tres-elegante histoire de Iosephe. Enuirõ le temps de Iesus Christ, on descouurit, dit-il, vne fort grande vilenie à Rome, mesme pendant que lon faisoit les sacrifices d'Isis. Il y auoit à Rome vne ieune femme nommee Pauline qui n'estoit pas moins honneste & de bonnes mœurs que nee de bonne maison. Elle estoit riche & belle, comme estant en la fleur de son aage, mais encore estoit elle plus pudique: son mary se nommoit Saturnin homme digne d'une telle femme. Decius Mundus ieune gentil-hôme, & Cheualier Romain, en deuint amoureux; lequel dautant qu'il la voyoit estre femme qui malaisément pouuoit estre gaignee par presens, dautant plus en estoit il espris & ferme en son opinion, tellement que pour coucher vne nuit avec elle il luy offrit deux cens milles drachmes. Mais voyant que par là il ne la pouuoit fleschir, & ne pouuant suporter l'impuissance de son amour, il delibera de mettre fin ensemble à son mal & à sa vie. Ceste deliberation ne trompa point Ide, qui estoit vne femme que son pere auoit afranchie, & qui sçauoit beaucoup de choses, desquelles toutesfois il ne faisoit bon vser. Ceste femme suportant impatiemment l'obstinatiõ du ieune homme, s'essaya de l'adoucir & luy bailler courage par belles paroles, & luy donna esperance qu'elle feroit tant qu'il iouiroit de Pauline. Puis quand elle vid qu'il acquiesçoit volontiers à ses prieres, elle luy dict qu'elle n'auoit affaire seulement que de cinquante milles drachmes pour corrompre la pudicité de la dame. Le ieune homme fur regaillardy par ce moyen, & elle ayant desia touché deniers inuenta vne nouvelle subtilité, pourautant qu'elle voyoit que Pauline ne se pouuoit esbrâler par argent. Sçachât dõcques qu'elle estoit fort deuote au seruice d'Isis, elle inuenta vne telle ruse. Premièrement elle gagna quelques Prestres, qui lui promirent tenir ceste affaire secret & elle leur monstra la recompense, & leur conta presentemét vingt & cinq mille drachmes: & autres vingt cinq mille qu'elle promettoit apres que l'affaire seroit acheué. Elle leur descouurit doncques l'amour du ieune

*Lin. 11. ab.  
4. des Ant.  
des Juifs*

*La drachme valoit  
autant que  
sont en Frã  
ce trois sols  
et demy.*

*Prestres  
macque-  
reux.*



ne Gentil-homme, & les pria de tant faire, qu'il fust iouissant de sa dame: les Prestres amorcez par le gain promirent faire le tout: parquoy le plus vieil se transporta incontinent chez Pauline, là où estant entré, devisant avec elle seul à seul, il luy dit qu'il venoit de part du Dieu Anubis, lequel estoit espris de sa beauté, & commâdoit qu'elle vinst vers luy. Elle fut tres-joyeuse d'une telle nouvelle, & incontinent s'alla vanter à ses plus familiares, que Anubis la daignoit bien aimer: mesme elle auertit son mary, que lon lui apprestoit un banquet & le liât avec Anubis. Ce que le mary creut plus aisément, d'autant qu'il estoit assuré de la pudicité de sa femme. Parquoy elle s'en alla au temple, là où après souper, lors que l'heure de dormir fut venue, elle fut enfermée par le Prestre: & là sous la faueur des tenebres, elle tomba entre les mains de Mundus, qui y estoit caché, & auquel elle accorda tout, pensant faire plaisir & gratifier un dieu. Quand le matin fut venu, le compaignon se partit auant que les Prestres confessions fussent leuez. Et Pauline estant de retour avec son mary, se vantoit magnifiquement par tout, & mesme à ses neefes voisines & amies d'auoir couché avec Anubis. Elles qui consideroyent le fait, ne la pouuoient croire: & toutesfois elles s'esmerueilloient beaucoup à cause de la pudicité de Pauline. Trois iours apres ce fait, Mundus rencontra d'auanture sa maistresse: O mon Dieu, que c'est bien fait à vous, luy dit-il, de ce que vous m'avez sauué ces deux cens milles drachmes, qu'aisément vous eussiez peu ioindre à vos richesses, & ne laisser pour cela à me contenter. Car ie ne me soucie pas beaucoup de ce que vous n'avez tenu conte de moi. Mundus, d'autant que sous le pretexte d'Anubis, il se me suis rassasié de ma volonté tant desirée: puis quand il eut ainsi parlé, il s'en alla. Mais la femme ayant par ce moyen premierement descouvert la meschanceté, commença à rompre sa robe: puis ayant raconté le tout à son mary, elle le pria de ne laisser vne si grande moquerie impunie. Le mary en auertit incontinent l'Empereur Tybere, lequel ayant esté informé au vray du fait, fit pendre les Prestres imposteurs avecques l'un d'eux qui auoit inuenté ceste meschanceté, & qui auoit principalement



ciatement besongné pour corrompre la pudicité de la femme: puis ayant fait abatre le tēple, il commanda que l'image d'Iſis fuſt iettée dedans le Tybre. Il ſe cōtenta toutesfois de punir Mundus d'yne peine plus douce, & reiecta ſa faute deſſus l'impuiſſance d'amour: parquoy il l'enuoya ſeulement en exil.

EVSEBE raconte vn adultere de Saturne, lequel *Hist. Eccle. liu. 11. cha. 21.* n'est pas moins notable. Il y auoit vn Prestre de Saturne, nommé Tyran, qui diſoit aux Gentils-hommes & autres qui venoyent adorer en ſon temple, & les femmes deſquels lui eſtoient agreables, que par la reſpoſe de Saturne il eſtoit commandé que elles demeuraſſent à toucher au temple. Le mary auquel il adreſſoit ſa parole, ioyeux au poſſible, que ſa femme fuſt appelee par Saturne, ne faiſoit faute de l'enuoyer la mieux paree qu'il pouuoit, & chargee de preſens, de peur que ne portant rien, elle ne fuſt renuoyee. La pauvre femme eſtoit enfermee dedans le temple, en la preſence d'un chaſcun, & Tyran ſe retiroit apres auoir fermé les portes & baillé les clefs. Puis apres avec peu de bruit il entroit dedans la grande image de Saturne, par des conduicts cachez ſous terre. Car ceſte idole eſtoit creuſe par derriere, & eſtoit attachee fort pres de la muraille. Puis, ainſi que les chandelles eſtoient allumees dedans le temple, il entroit dedans ceſte image d'airain, & parloit à la pauvre femme qui eſtoit à genoux, tréblante en partie de peur, & en partie de ioye, de ce qu'elle ſe voyoit auoir eſté trouuee digne de parler à vn tel Dieu. Or apres que ceſte fauſſe & impudique diuinité auoit diſcouru aſſez longuement ce que bon lui ſembloit, pour la rendre plus obeiffante, ou pour l'inciter à plus grāde volupté: incontinent par vn certain moyen qu'il auoit, il faiſoit eſteindre toutes les chandelles. Puis deſcendant de la haut, il venoit commettre adultere par ces malheureuſes inuentions avec la pauvre femme toute eſtonnee. Apres qu'il eut aſſez mené ce train avec les femmes d'un chaſcun, il auint qu'une femme fort pudique eut horreur d'une telle meſchanceté: dont regardant de plus pres à la choſe, elle reconut la parole de Tyran, ſi bien qu'eſtant reuenue à la maiſon, elle deſcouurit la fraude & la meſ-



chanceté à son mary. Ce mary estant grieuemēt courroucé de l'iniure faicte à sa femme, mais plustost à luy, fit appeler en iugement ce Tyran: lequel conueincu, & ayant cōfessé ses traudes cachees, les maisons des Payés furent remplies de honte de deshonneur, de peres incestueux, & d'enfans bastards.

D: là nous pouuons aisement iuger, commēt la matrone Romaine fut engrossée par le Dieu Mars, comme Valere le Grand, & les autres historiens le racontent, ainsi que plusieurs autres choses semblables. Ceste fraude a tousiours esté practiquee par les Prestres, tellemēt que pour ceste cause ils ont donné à entendre que les images des dieux, & les dieux mesme, beuuoient, mangeoyent, & prenoient plaisir à l'acte venerien.

*D.m. 14.* CHACUN sçait l'histoire qui est en Daniel, touchant les septante Prestres de Bel: lesquels assieuroient si effrontemēt qu'il mangeoit ce qu'on lui presentoit, que mesme ils mirent le prophete de Dieu en danger de sa vie, & endurerent que le Roy sceillast la porte du temple: toutesfois il descouurit prudemēt par les traces des pieds, & monstra au Roy que ces Prestres auoyent vn lieu caché sous la table, par lequel ils entroyēt avec leurs femmes & enfans, pour mager les viâdes & vuidier les plats de leur dieu. L'esprit des Cordeliers d'Orleâs, & le pour parler de Iesus Christ avec la vierge Marie, contrefait par les Iacopins de Berne, dont nous auons parlé cy dessus, monstrent assez combien ceste subtilité seroit proufitable, voire necessaire en nostre temps.

*Liv. 3. chā.  
17.*

*De la vilaine copulation des Sorcieres.*

## CHAP. XXVII.



**R**OVRCE qu'au chapitre precedent nous auons suffisammēt descouuert l'imposture de ces dieux qui anciennemēt cerchoyent de s'accointer des femmes sous pretexte de religion: voyons maintenant qui sont les esprits qui habitent charnellement avec les sorcieres, comme elles s'en vantent. Je pourrois produire des exemples de nostre temps & de nos quartiers, mesmes

en



en des filles estimees fort chastes & honnestes ; mais pource que cela est odieux , nous en prendrons vn de plus loin , fort propre & conuenable entre tous pour descouurir la vanité & fausseté de la cohabitation charnelle du diable avec la femme. Iean Leon Africain dit qu'en la ville de Fez il y a des femmes qui ont le bruit d'auoir grande acointance avec les diables , qu'ils appellent esprits rouges , ou blancs ou noirs : & quand elles veulent dire la bonne auenture à quelqu'un elles se parfument de certaines drogues , quoy fait , le diable (ce disent elles ) entre en leurs corps , & commence à parler par leur bouche. Lors ceux qui sont venus pour sauoir quelque chose s'en enquierent en grande reuerence , puis s'en reuont apres auoir baille argent à l'esprit familier. Mais ceux qui ont quelque iugement appellent telles femmes *Sahacat* que les Latins nomment *Fricatrices* : pource que par vne coustume abominable ces vilaines se polluent charnellement ensemble. Je voudrois pouuoir exprimer ceste infameté plus couuertement, s'il estoit possible. Si par fois quelques belles femmes viennent trouuer ces sorcieres elles en deuiennent aussi furieusement amoureuses qu'un ieune homme d'une ieune fille , & au nom du malin esprit les prient de souffrir d'habiter ensemble pour payement de leurs peines. Cela fait que telles femmes pensans complaire à l'esprit se polluent vilainement avec ces sorcieres. Et s'en trouue qui allechees d'un si detestable plaisir, cerchèt la cōpagnie des sorcieres, & faignans d'estre malades en font venir vne chez elles ou l'enuoyent querir par leur mari. La sorciere entendant la fourbe aserme que la malade est tourmentee d'un esprit, dont elle ne peut estre deliuree qu'en se mettant de la bande des autres sorcieres. Le pauvre mari ne sachant que rephiquer à cela acorde à sa femme ce qu'elle veut : & outreplus apreste vn braue banquet à toute la troupe de ces femmes, en la fin duquel elles ont acoustumé de dāser à toutes restes au son des tabourins : puis le mari laisse aller sa femme à la garde des dieux & des vents. Toutesfois il y a quelques maris qui sans faire bruit sauent bien chasser ce diable à grā coups de baston. Quelques autres font semblant d'estre possedez de l'esprit malin,

*Au 3. li.  
de la descr.  
d'Afrique.*

*Sahacat,*



& par tel moyen ont la compagnie de ces sortieres vengeans ainsi de l'outrage qu'elles leur ont fait. Mvoyez quel tort on fait au malin esprit en lui impos vn crime qu'il n'a point commis : veu que les forcies seules participent au plaisir, auquel elles maintiennent qu'il a communiqué.

*Que ce que lon pense de la semence iettee par les Cauchemars ou Intube ou Succube, est vne chose vaine.*

## CHAP. XXVIII.



E que quelques Theologiens ont controuué trop impudemment & tiré en vne consequence trop absurde touchant la pauculiere feinte de l'embrasement du d

ble avec vn homme, puis avec les femmes, est si lourd & ridicule qu'il ne merite point d'estre rectifié par vn plus grand amas d'argumens. Ces Theologiens ont esté Henry Institoris & Iaques Sprenger copins, docteurs en Theologie, & inquisiteurs de la fste heretique, lesquels ont basti le liure intitulé *Mal Malleficarum*, c'est à dire le Maillet des sortieres. Tel a esté Pierre de Palude moyne de mesme ordre, Martin d'Arles professeur en Theologie, & quelques autres de pareille farine, qui disent que le mesme diable quel s'est fait parauant le Succube, ou Soucouché d'un homme meschant, est fait apres l'Incube ou Suscouché de la femme, au giron de laquelle il laisse couler quand ce vient au point, la semence qu'il a premierement prise d'un homme. De ceste semence disent-ils vn enfant est engendré & procréé, lequel toutes

*Volum. 10  
trait. des  
sor. 7. q.  
nomb. 13.*

Grilland dit n'estre le fils du diable: mais de celui de la semence duquel il a esté fait. Et disent que tous les Theologiens sont de cest auis, notamment Thomas de Aquin au traité qq. premiere partie, titre des miracles question huietieme. Toutesfois ie n'ay point trouué sainct Augustin ce qu'il en allegue. Ils disent donc, que par ce moyen & que pendant que les femmes sont seules aux dances, Satan suppose au mari vn diable en forme de Succube: lequel comme dit Thomas, d. ti



q. 5. se fait si bien acommoder au mary qui le veut embrasser, que mesme il tromperoit le plus fin & rusé. Je diray seulement contre tout cela, que ceste temperature de semence faite de sang & d'esprit, laquelle est apte pour la generation qui se doit faire es parties que Dieu a destinees, estant si peu que rien transportee, est incontinent corrompue & perie, pour autant que l'esprit & la chaleur du cœur & de tout le corps en est absente: si bié qu'elle n'est plus iustement temperee ni en quantité, ni en qualité, encore que Thomas nous inuente & controuue qu'elle peut estre conseruee par le dæmon, tant à cause de la viffesse de son mouuement, que par les moyens desquels il s'aide à la defendre & garder. Car si cela se pouuoit faire, combien est-ce que le genre humain eust abondé, cōme vne seconde mere, en môstres, depuis tant & tât d'annees, par le moyen de la semence emprūtee des bestes brutes, & trāsportee par le dæmon incube, puis escoulee au giron d'vne femme? Voila vne horrible consequence. Ainsi doncques peut-on voir combien de foy on doit adiouster au Scholiasste d'Albert, lequel comme en songeant, escrit que si la semence tombee en terre estoit mise en l'amary, il seroit possible que la femme concevrait: mesme qu'il est auenu souuent en vn bain, qu'un homme iettant la semence en la presence d'une femme, l'a fait concevoir sans autre copulation, d'autant que l'amary est merueilleusement attrayant, & que la semence est vigoureuse, & non encore rendue impuissante par l'esuauouissement des esprits, tellement qu'un enfant en est produit, comme l'experience l'a monstré. Mesme si vn chat laissoit tomber de sa semence sur de la sauge, & que quelqu'un apres mangeast ceste sauge, il n'y a point de doute, dit-il, qu'il ne s'engendrait des petits chatons dedans le ventre de celuy qui l'auroit mangée, lesquels il rendroit apres par vomissement. Toutes ces choses toutesfois sont si absurdes qu'elles ne meritent d'estre refutees plus au long, non plus que le dire de la voisine d'Auerrois, laquelle, comme il escrit, auoit asseuré par serment qu'elle auoit conceu vn enfant de la semence qu'un vilain auoit iettée, &

*Liu. de la format. de l'homme. i. de la germe rat. de l'embry.*

*Aussi nul le cōceptiō ne se peut faire qu'il n'y ait meslange des semēces tār du māsle que de la femelle.*



*Liui. li. 1.* qu'elle auoit receuë en vn bain. Autant en faut-il ie  
*Plin. li. 36.* de la fille de chambre de la royne Tanaquille, laqu  
*cha. 37.* pendant le regne de Tarquinius Priscus, se vantoit  
 estant au foyer, il luy estoit aparu vn membre viril  
 quel estoit sorti de la cendre, & dont elle auoit esté  
 grossée, & que par ce moyen Seruius Tullius qui re  
 apres, auoit esté engendré. Autant deuons nous adi  
 fter de foy à ce que Pline escrit des perdrix, en c  
*Plin. li. 10.* maniere: il n'y a point, dit-il, animal qui soit plus lu  
*chap. 33.* rieux que cestuy-ci. Si les femelles sont pres des ma  
 elles conçoient seulemēt de l'aieine qui procede  
 ceux. Pendant ce tēps qu'elles ont chaud, elles ouur  
 le bec, tirent la langue, & conçoient par le vent seu  
 ment des masses, qui volent par dessus: ce quelles f  
 aussi souuentefois en oyant leur seule voix.

*Des Syluains, Faunes & Satyres.*

## C H A P. X X I X.

*Liui. 15. de  
la cité de  
Dieu, cha.  
23.*



*Liui. 1. des  
quest. sur  
Genese,  
quest. 3.*

L n'y a point de doute que quelques  
 tres m'allegueront au contraire ce que  
 Augustin escrit ainsi des dæmons Incub  
 Pourautant qu'il est tout notoire, dit-il,  
 que plusieurs aserment auoir experime  
 té, ou bien entendu de ceux qui l'auoyent experimen  
 (de la foy desquels on ne doit douter) que les Syluains  
 & Faunes vulgairemēt nommez Incubes, se sont souu  
 tesfois trouuez meschans enuers les femmes, & que n  
 me ils ont désiré leur compagnie, & ont mis leur de  
 en execution: & pourautant aussi que plusieurs disent  
 asseurément qu'il y a des dæmons, que les Gaulois a  
 pelent Dufies, lesquels ordinairement s'esforcent  
 faire ceste vilenie, & mesme la font: tellement que  
 nier sembleroit vne grande impudence: I'en'ose do  
 ner ici temerairement vne resolution, asauoir s'il y  
 quelques esprits, qui ayans prins corps en l'element  
 l'air (car cest element se conoit & est touché sensibl  
 ment lors que lon le pousse avec vne esuentoire) puiss  
 estre suiets à telle volupté, tellement que les femme  
 avec lesquelles ils se meslēt, les puissent sentir. Mais c  
 lu



luy qui plus exactement sera conference, & iugera des choses, avec nos raisons ci deuant deduites, pourra connoistre aisément que ceci ne fait rien, ou bien peu, contre nous : car seulement saint Augustin raconte ce que par le bruit commun il auoit entendu, dont mesme il n'ose rien asfermer. Et encore que nous confessions que quelques esprits se peuuent accommoder des corps en l'elemét de l'air, si ne s'ensuyura-il pas qu'il se puisse faire vne copulation charnelle de ce corps avec le corps composé de la meslange temperee des quatre elemens, telle copulation, di-ie, qui soit naturelle, ou semblable à celle qui est entre deux corps semblables, temperez de beaucoup plus de parties terrestres. Ces esprits y peuuent bien apoter de l'air, ils agitent bien l'air, ils batent bien l'air: toutesfois en l'execution de cest acte, la chair & le sang y sont requis, ce que les esprits n'ont pas. Tout ce qui auient donc n'est que tromperie diabolique, consermee par la sote fantaisie d'vne femme abestie. Parquoy il faut que la raison, & la puissance de la verité soyent les plus fortes.

L'ADIOVSTERAY ici en bref ce que Pausanias a escrit en ses Attiques touchant les Satyres luxurieux, lesquels on nous pourroit obiecter, & qui sont semblables aux Syluains & Faunes: ce que ie feray afin que nous puissions sauoir s'ils sont vrayement diables. Certainement, dit-il, ie me suis enquis fort soigneusement de plusieurs pour sauoir quels sont les Satyres, à celle fin d'en tirer quelque chose plus certaine, que n'ont pas fait ceux qui ont escrit par ci deuât. Euphemus Cardia, homme assez renommé, m'a raconté qu'ainsi comme il nauigeoit en Italie, il fut transporté par l'impetuosité des vens, iusques aux marches plus esloignees vers l'Ocean, là où il y a plusieurs isles desertes habitees par des hommes sauuages, & ou les nochers ne voulurent aborder, pourautant qu'ils sauoyent bien quels estoient les habitans, pour y auoir autresfois seiourné: toutesfois que maugré eux ils y auoyent esté poussez par la tempeste, & se nommoient, disoit-il, les isles Satyriques: les habitans desquelles estoient roux, & auoyent des queues longues entre les fesses, semblables à celles des cheuaux. Les mariniers luy conterent que ces hommes a-



coururent aux nauires sans dire mot, incontinent qu'ils aperceurent qu'il y auoit des hommes en terre: & qu'ils estoient arriuez, ils auoyent voulu forcer les femmes des nauires: dont les nautonniers estonnez, auoyent mis en l'isle vne femme barbare, sur laquelle les Sarrasins s'estoyent ruez, & non seulement en auoyent abuser par les parties naturelles, mais aussi en toutes autres de leur corps.

*Li. 3. En  
nead. 6.*

ANTOINE Sabellique escrit aussi en ceste maniere d'un Satyre: Sylla monta sur mer partant d'Athenes & passa par Thessalie & Macedoine, avec mille de ses cens nauires qu'il menoit de Durazzo à Brunduse. Près de Durazzo est Apollonie & un lieu nommé Nymphetoe. En cest endroit il y a vne chapelle enuironnee de petites collines verdoyantes, de prez, & de fontaines qui les arrousent ça & là. Les habitans des pays circonuins, enuiron le temps que Sylla y passoit avec ses armées, trouuerent en ce lieu un Satyre endormi. C'estoit un animal portant visage d'homme, & de mesme figure que l'on a acoustumé de les peindre. Apres qu'ils l'eurent pris ils le lierent, & le menerent à Sylla, qui le fit interroguer en diuers langages, par plusieurs hommes ordonnez à ce faire: ausquels toutesfois il ne respondit rien, sinon d'une rude voix aprochante du cri d'une brebis, d'un cheual. Sylla esmeu de superstition, commanda qu'il fust remené, & acompagné iusques au desert. S. Hieronime aussi escrit en la vie de Paul premier hermite, qu'il y a eu des animaux, nommez Satyres, qui ont parlé & fait toutes actions de raison. Il raconte aussi qu'un certain Satyre parla quelquesfois à S. Antoine, & luy dit que les Gentils commettoient un grand erreur de les adorer. Il assure dauantage qu'autrefois il en fut mis un en public, lequel estoit vif, & fut incontinent enuoyé au Caire de Constantin. Il aiouste apres toutes ces choses, qu'il est aisé au diable de prédre la semblance & le nom d'un Satyre. Aussi lisons nous en Strabon des Satyres, Silbaches & Tityres, lesquels, comme il dict, sont nommez Dæmons & ministres des Dieux.



*Il auient quelquesfois que mesme les Preude-femmes  
sont trompees par l'illusion des Cauchemares,  
ou incubes : ensemble vn ridicule  
exemple de l'adultere  
d'vn diable.*

## CHAP. XXX



ON seulement l'illusion de la Cauchemare auient (ainsi que dict Martin d'Arles *Au trai-  
Theologien) aux sorcieries, mais aussi quel-  
te de la su-  
perst.* que-fois elle tourmente les preudes femmes. Car i'ay entendu de quelques Prestres

qu'en ce temps ci il leur a esté reuelé en confession par vne femme de bien, qui estoit mariee, comme souuent-fois il luy sembloit en songeant qu'elle cheuauchoit sur des bestes, & estoit portee par les champs avec les autres, & que courant ainsi sur l'eau, il y auoit vn homme qui l'embrassoit, dont elle sentoit vn tres-grād plaisir. Or est il certain que cela luy aduenoit fantastiquement par l'illusion du diable: dont sainct Augustin escrit sur Genes. S'il est ainsi que quelqu'vn en songeant se souuienne auoir esté quelque chose que iamais il ne fut, ou auoir fait quelque chose que iamais il ne fit: c'est vne imposture diabolique: & debilité de cerueau: & quelle merueille y a il, si par vn iuste iugemēt de Dieu il est permis au diable de pouoir faire des choses pareilles es cœurs des hommes? Voila ce qu'il escrit.

PADIOVSTERAY ici vn exemple fort ridicule touchant vn faux adultere. La femme d'vn marchand demeurāt à deux ou trois lieues de Vvittemberg, vers Silesie, auoit acoustumé pendant que son mary estoit allé en marchandise de receuoir vn paillard. Il auint dōc pendant que le mary estoit aux champs, que l'amoureux vint voir sa dame, & apres auoir beu & mēgé en sa compagnie, ce luy sembloit, il aparut sur la fin en forme d'vne pie, montée sur le buffet, laquelle prenoit congé de la femme en ceste maniere: Cestui ci a esté ton amoureux. Ce qu'ayant dict, la pie disparut incontinent, & oncques puis ne retourna. Quant à moy, i'estime que ce soit vne fable, encore que Jean Lithodius

*Illusion  
diabolique  
en vn faux  
adultere.*



*En la coll.  
des peres.*

*Liv. 19. de  
la sub. con  
tre Cardan  
exerc. 355.  
la. des mist.*

Medecin tres excellent, homme de grand savoir & bon ami, die l'auoir entendu du ministre de Vvittenberg. Il ne faut donques aucunemēt croire, dit Cassia, que les natures spirituelles puissent conoistre charnellement les femmes. Car si cela s'est peu faire autresfoi pourquoy maintenant ne voyons-nous quelques vengendrez d'iceux par la compagnie des femmes, semence d'hommes, veu que c'est chose toute assuree qu'elles prennent grand plaisir en telles voluptez, & a point de doute qu'elles n'aimassent mieux les prendre en elles mesmes & sans les hommes, s'il estoit possible que cela se fitt? Ce sera donc à bonne raison qu'auec tres docte Philosophe & Medecin Iules de la Scale me fascheray de ce qu'a escrit Pfellus de l'embrasser charnel des dæmons. Parquoy nous concludons a Iamblique, que tout ce que les enforcelez imaginent n'a autre verité en action & en la nature, que les imaginations.

*Que toutes les histoires sont fausses, par lesquelles on pense prouuer la copulation charnelle des diables.*

## CHAP. XXXI.

**I**L est donques notoire que tous les contes des historiens par qui la fable de la copulation fantastique & diabolique est approuuee, sont esloignez de verité, & bõ droit ils s'esuanouissent d'eux mesmes & que ce que nous en auons, a esté premierement conté par autres, ou bien faussement transcrit par ceux qui ayans entēdus d'autrui, ont esté trop credules. Mais qu'on ne pense qu'à mon escient ie les aye voulu contier, i'en transcriray ici quelques vns. Boece entre autres a escrit la fable qui s'ensuit: Il y auoit au païs de Maritima ainsi que i'ay entendu de ceux qui ont esté spectateurs de ceste orde & salle aduenture, vne ieune damoiselle de grande beauté, qui ayant refusé l'alliance de plusieurs gentils hommes, tomba en tel inconuenient qu'elle eut afaire avec le diable, dont elle deuint grosse. Parquoy estant contrainte par la rigueur de ses passions de



de nōmer celuy du faiēt duquel elle estoit enceinte: elle respōdit qu'elle ne le conoissoit: qu'il estoit biē vrai qu'ordinairement les nuits, & quelques fois de iour, il venoit vn beau ieune homme la voir: toutesfois qu'elle ne sçauoit ni d'oū il venoit, ni en quelle part il se retireroit. Les parens considerans la chose de plus pres, encōre qu'ils n'adioustaissent gueres de foy aux paroles de la fille, estans conseillez de descouurir qui estoit celuy qui l'auoit depucelee, & ayans trois iours apres eu aduertissement par la chambriere, comme il estoit enfermé, dedans la chambre, ils y entrèrent ayans fait ouuerture & avec forces torches allumees, où ils apperceurent vn monstre horrible, qui auoit vne figure terrible, & presque incroyable, lequel estoit couché entre les bras de la fille. Incontinent chacun acourut pour voir cest ord spectacle, & entre autres vn prestre homme de bien & mediocrement exercité es lettres sainctes, lequel pendant que les vns s'enfuyoyent en tremblant, & que les autres estoient pasmees de peur, commença à reciter le commencement de l'Euangile de saint Iean, & estant paruenue à l'endroit, où il y a, la parole a esté faite chair, le malin esprit s'en alla avec vn grand cry, bruslant les meubles du logis, & emportant le toict de la maison. La fille eschapee de ce danger acoucha trois iours apres d'un monstre vilain à voir, & tel que iamais lon n'auoit veu en nostre païs: lequel fut incontinent bruslé dedans vn feu que les sages femmes firent, de peur qu'il ne demourast pour faire honte à la famille. Ceci est presque semblable à ce qu'Apulee escrit de *Liure 5. de l'embrasement venerien de Pſyché avec le beau Dieu l'asie doré* Cupidon, lequel estoit nommé des autres, venimeux serpent & malle beste: parquoy l'un & l'autre merite de passer par vne mesme croyance.

LE mesme Boëce escrit vne autre histoire autant digne d'estre creue comme la precedente. L'an mil quatre cens quatre vingt & six, ainsi que quelques marchans estoient partis du bras de mer de l'hortee pour *Liure 8. de l'histoire d'Ecosse.* aller en marchandise en Flandres, il suruint vne si grande tempeste de vents qu'il n'y auoit celui qui ne s'attendist de mourir, voyant desia les masts, les voiles, & autres vtenciles de la nauire estre rompus, & la nauire



miserablement agitée au milieu des vagues. Le pa-  
qui s'esmerueilloit d'une si estrange & nouvelle m-  
tion de l'air auenee es plus grands iours d'esté, ce-  
mença à crier que cela ne procedoit point de la di-  
sition des astres, mais par les embouches des mauua-  
prits, perpetuels ennemis des hommes. & incont-  
du fond de la nauire, il entédit la voix d'une vieille  
s'acusoit piteusement que à ceste mesme heure ell-  
uoit eu afaire à vn Incube en forme d'homme, a-  
comme dés plusieurs annees au parauant elle auoi-  
coustume: elle le prioit aussi que puis qu'elle estoit c-  
se d'un si grand mal, elle fust incontinent ietee en m-  
& qu'ainsi les autres demeureroient sauues par la m-  
ricorde de Dieu. Alors, par le commandement du  
tron, vn prestre alla vers la femme espleuree, qui  
pour sauuer sa vie que celle des autres, confessoit  
peché deuant tous, & detestoit du profond du cœur  
uec le tesmoignage de ses souspirs, l'horrible mesch-  
ceté qu'elle cemettoit. Ce prestre la consola, &  
conseilla de ne se vouloir oublier, & de s'aider, l'as-  
rant que la grace de Dieu luy estoit presente, & que  
pechez sont efacedz par les larmes & repentance de l-  
sprit: mesme que la douceur de Dieu misericordieux  
stoit telle enuers les homes mortels, que quelques-  
lors qu'ils se repentent il les reçoit à plus grande gr-  
qu'au parauant, encore qu'ils fussent tōbez en plus p-  
fond labyrinthe de maux qu'elle n'estoit pas. Au mil-  
de l'exhortatiō de ce bō pasteur, ainsi que ceste fem-  
affligée pleuroit avec plusieurs souspirs sa faute co-  
mise, vn chacun apperceut vne noire nuee sortant  
fond de la nauire, & qui avec vn grand bruit, stāme,  
mee, & puantise, se ietta dedans la mer. Ainsi l'air  
changea en beau temps, la mer s'apaisa, & les march-  
furent portez au port avec leur nauire sains & sau-  
eux & leur marchandise. Si ceci est vray, ceste fem-  
peut bien auoir eu vn Incube imaginaire en dorma-  
& à fin que chacun fust trompé plus finement, il est c-  
tain que le diable excita ceste nuee avec vn bruit &  
antise. Cela fut aussi fait expres par le diable, à fin que  
pauvre femme fut incontinent ietee dedans la mer.



*De Merlin : du cygne qui tiroit vne petite Nauire avec vne chaîne d'argent : de la tour du cygne de Cleues : de l'esponse fantastique, & autres exemples de l'embrasement satanique.*

## CHAP. XXXII.



E mesme Boëce escrit que ç'a esté vne chose tenue pour asseuree, que Merlin auoit esté engendré de l'embrasement venerien d'un Incube, & d'une femme Angloise: ain si chacun peut voir quelle asseurance on doit auoir de tels miracles escrits par les historiographes. Mais à fin que la verité des choses aparaisse par la conferce de diuers mensonges, ie reciteray de Vincet Phistorien quelques menteries controuuees touchant Merlin, autât superstitieuses de son temps que celles du cygne. Il raconte que le Roy Vortigene prenant conseil de ce qu'il auoit à faire pour sa defence, commanda que l'on fist venir des ouuriers, pour luy baltir vne tour. Mais d'autant que la terre abismoit toute la besongne, on persuada au Roy qu'il fist cercher vn homme qui n'eust point de pere, du sang duquel les pierres & le ciment fussent arrousez: comme si par ce moyen le ciment eust esté rendu plus fort & de plus longue duree. On luy amena donc vn ieune ieune garçon nommé Merlin, avec sa mere, laquelle en la presence du Roy confessâ que elle l'auoit engendré d'un esprit apparu en forme d'homme. Ce Merlin luy reuela plusieurs choses obscures & cachees, & mesme luy predict les choses à venir. Il luy declara aussi que sous les fondemens il y auoit deux dragôs cachez, l'un desquels estoit rouge, & representoit le peuple d'Angleterre, l'autre blanc, qui signifioit les Saxons. Il prophetisa lequel des deux deuoit estre vaincu au combat: qu'Aurele Ambroise regneroit apres auoir vaincu Hengiste, & faict brusler Vortigene. Ainsi Simon le magicien se vantoit faussement auoir esté né de sa mere Rachel encore vierge: ce qu'il faisoit à fin qu'on l'estimast Dieu.

*Lin. 21. de  
ses histoires  
chap. 30.*

*Clem. li. 2.  
des recog.*

VINCENT fait vn autre conte pris d'Helinand. Il y a au diocese de Cologne sur le Rhin, vn grand palais fort renommé, que lon nomme Iuuamen, ou autres fois plu-



sieurs Princes furent assemblez, & pendant qu'ils estoient, y arriua d'auanture vne petite nauire, tirée par vn Cygne, avec vne chaine d'argent attachee à son col. Il sortit de ceste nauire vn nouveau gendarme incognito, & incontinent le Cygne le remena. Ce gendarme maria apres, & eut des enfans. Mais il auint en fin que le Cygne & la nauire retournerent, comme le gendarme estoit au mesme chasteau, dedans laquelle il n'estoit oncques depuis ne fut veu. Sa race dure encore iusqu'à ce iourd'huy. On approuue par c'est exemple la relation venerienne des esprits avec les femmes: mais quelques vns tirent l'antiquité de la race des tres-hauts ducs de Cleues de ceste bourde, representee par vne vieille tapisserie au chasteau de Cleues: où on voit vne vieille tour nommee la tour du Cygne, au sommet de laquelle est l'image d'un Cygne, au lieu de girouette. Ainsi on a acoustumé d'embellir par telles métaphores les origines des Rois puissans & des familles illustres, afin de persuader plus aisément qu'il y a ie ne say quel de diuin caché: toutesfois la vraye hystoire de l'origine de ceste illustre maison demontre manifestement sa fustieuse menterie controuuee.

*Chap. 26.*

LE mesme Vincent, escrit au troisieme liure vn oracle autant veritable que le precedent, pris de Gualfroy d'Auxerre, qui raconte qu'un certain prestre de Sicile, qui auoit demeuré quelque temps en Sicile au service du Duc de Bourgogne marie à Roger roy de Sicile, & asseuroit auoir trouué en ce royaume vne chose merueilleuse, d'un ieune homme puissant, & fort nageur, lequel se baignant sur le commencement de la nuit, au clair de la Lune, print vne femme par les yeulx pensant que ce fust quelqu'un de ses compaignons qui le voulust tirer au fond de l'eau: & apres l'auoir interroguee, & qu'il n'en peut auoir responce, il l'empoigna d'un manteau, & la mena en sa maison, où peu de temps apres il la prit pour femme en grande solennité. Mais estant auenu quelque fois qu'un sien compaignon luy reprocha qu'il embrassoit vn fantosme, il s'en courrouça, & ayant tiré son espee, menaça sa femme de l'enfant qu'il auoit eu d'elle, si presentement elle ne luy disoit & conseilloit son origine. Alors elle luy dit,



heur sur tōy, miserable, qui pour m'auoir contrainte de parler, fais perte d'une femme qui t'est vtile. I'eusse tousiours demeuré avec toy & pour ton proufit, si tu m'eusse permis le silence, lequel m'a esté enioint, mais tu ne me verras plus deormais, & en disant celas elle disparut. L'enfant deuint grand, & frequenta fort le baignoir de la mer, où en fin en presence de plusieurs il fut rauy par ce fantosme de femme. Vlrice Molitor docteur es loix, a opinion que cest enfant estoit vn diable qui paroïssoit en telle forme, & que sa mere, le succube, estoit vn autre diable. Item que le gendarme estoit aussi incube, & que Merlin estoit vn Dæmon supposé à la mere trompee par l'artifice du diable. Quant à moy, ie pense que ce sont folies à quoy plusieurs s'amusoient alors, & employoient les meilleures heures à escrire telles badineries qui sont venues iusques à nostre siecle.

*Au trait  
té des sor-  
cieres & se-  
mes Pytho-  
niques.*

VOUS trouueres aussi au cinquieme liure de cest œuvre, vne histoire merueilleuse, prise de Boëce, touchant vn Dæmon succube, lequel paroïssoit comme vne fort belle femme, & tourmentoit vn ieune homme. Sainct Hierosme escrit aussi en la vie des peres qu'un moine fut souuentefois alleché à l'œuvre venerien par vn diable transformé en vne belle femme: & dit que ce moine luy obtemperant fut fait semblable au cheual & au mulet, qui n'ont point d'entendement, & que lors qu'il pensa l'embrasser pour prèdre son plaisir charnel, ce fantosme, qui n'estoit que vne ombre, s'escoula d'entre ses bras, avec vn buglement horrible, & ainsi laissa le pauvre miserable avec grande moquerie.

*Chap. 28:*

IAQUES le Roux escrit que de nostre temps il y a eu à Constance la chambriere d'un bourgeois, nommee Magdelaine, qui a esté souuentefois embrassée par vn Dæmon, auquel en fin elle donna congé par le conseil & penitence que luy enioingnirent les ministres de l'Eglise. Il escrit aussi que depuis ce temps là, presque d'heure en heure elle sentit tant de douleurs en son ventre qu'il luy sembloit qu'elle deust acoucher: dont en fin il luy sortit de l'amary des cloux de fer, du bois, des verres rompus, des cheueux, des estoupes, des pierres, des os, du fer, & vne infinité d'autres telles choses. I'ay opinion que la fantasia de Magdelaine fut trô-

*Li. 5. cha. 6  
de la con-  
cept. des  
hom.*



trompée par le diable, lequel depuis esmut toutes douleurs, à fin que lon pensast plus asseurement qu'il uoit eu affaire à elle : ce qui toutesfois estoit faux. Mais fin d'engédrer ceste opinion conceuë, il supposa toutes ces choses prodigieuses, lesquelles il n'est besoin qu'une preuue n'auoir esté en son amary, non plus que ce lon reiette par la bouche n'a point esté au fôd du co- d'autant que c'est vne mesme raison. Car comme il soit que toute semence produit son semblable, comment s'est il faiët que de ceste-cy espandue en l'actenerien, telles matieres ayent esté procrees? Mais ces choses sont si absurdes qu'elles ne meritent d'estre refutées plus au long, ce qu'aussi nous monstrerons au liure uant. Aussi n'y a-il point de doute que si elles eussent esté en l'amary, elles l'eussent non seulement blâmé mais aussi il eust esté rompu par ces matieres dures, boteuses, inegales, & aigues, lesquelles y estoyent en telle quantité. Davantage si la taye de virginité eust esté regardée, on l'eust aperceue encore entiere.

*Histoire des illusions diaboliques touchant l'acte veneriel par le diable : & la raison pour laquelle ceste matiere est traitée plus au long.*

### C H A P. X X X I I I.



'Adiousteray encore deux exemples de ceste illusion & fallace Diabolique, lesquels ie prendray de François de la Randole, tresillustre philosophe. I'ay oüy dire, dit il, vn homme nommé Benoist Bage, âgé de septantecinq ans, du nombre de ces sacrileges que nous nommons prestres, lequel par l'espace de plus de quarante ans auoit couché avec vn Démon qui lui estoit familier, & lui aparoissoit en forme de femme, lequel mesme il menoit au marché, & lui tenoit propos, tellement que ceux qui estoyent presentes voyans rien l'estimoyent vn fol. Il le nommoit Meline, côme si c'eust esté vne femme. I'en ay enuë conu vn autre, dit il, nommé Pinnet, lequel auoit taint plus de quatre vingts ans, & auoit eu affaire  
l'es



l'espace de plus de quarante ans avec vn autre Dæmon qu'il pensoit estre vne femme, laquelle il nommoit Florine. Cestuy-ci viuoit encore lors que i'escriuois cecy : & l'autre auoit esté executé par iustice, à laquelle il auoit confessé qu'en disant la Messe, il n'auoit proferé les mots sacramentaux, qu'il auoit baillé l'hostie aux femmes pour en vser en leurs forcelleries, qu'il auoit succé le sang des petits enfans, & faict vne infinité d'autres meschancetez, toutes lesquelles il confessa à la gehenne, afin que ne pensiez que ce fust vne bourde. Ces choses & plusieurs autres (dit Cardan, apres qu'il les a racontées) lesquelles ie pourrois escrire si bon me sembloit, sont absurdes, indignes d'un grand homme comme il estoit, vaines & contraires à toutes raisons. Et premierement il est aisé de le refuter par ses propres exemples: car ces ieunes femmes sembloient estre vrais corps, ce que toutesfois elles n'estoyent pas : & cela non seulement est contraire aux sens, & à la raison naturelle, mais aussi à l'autorité de nostre Sauueur. Car si par ce moyen non seulement la veüe, mais aussi le toucher peut estre trompé, l'argument de Iesus Christ ne conclud rien contre saint Thomas. Mais s'ils ne voyoyent seulement qu'un corps seinct, quel plus grand & horrible tourment pouroyent ils auoir, que comme condamnez par Mezenice, ils fussent contrains de coucher avec vn mort ? Mon ame en a horreur, & mon esprit est estonné lors qu'il pense à telles choses. Toutefois cest homme, qui estoit en toutes autres choses assez prudent, mais vn peu trop adonné aux folles inuentions de quelques Platoniques, a meslé parmy les saintes questions philosophiques, les mensonges des moynes, le bruit commun, les contes des femmes, & les fables dignes d'estre mises au rang de celles de l'Asne doré: dont il est auenu que lon a pensé que ce qu'il en a faict, a esté plustost pour resiouir & allecher les lecteurs que pour traicter serieusement quelque matiere. Mesme si saint Augustin se fut abstenu d'escrire des contes aussi estranges & absurdes que ceux-ci, encore que parauenture il n'eust pas eu tant d'hommes qui eussent leus escripts, si est-ce que les doctes l'eussent eu en estime d'homme plus graue qu'ils n'ont pas. Telle toutesfois



a esté l'ignorance du temps que plusieurs se sont combatus à qui emporteroit le pris à bien mentir, tout ain- que maintenant on se combat pour les royaumes. C- saint personnage a pris ces menteries pour vrayes les a inserees en ses liures, quasi à l'imitation des mes- songes des Payens: en quoy cetes ie le croiray quan- il escriira les auoir veües & non autrement. Car chascun conoit maintenant que la pluspart de ces contes sont faux: aussi auons nous desia dit par quel moyen ces absurdes folies ont pris si grands auancemens: asauoir de l'auarice de ceux qui estoient commis à l'inquisition de telles choses, & auoyét puissance de punir ceux qui en abusoyent: Item de la vanité & folie de ceux qui ont erré, du desir de nouveauté, & de l'ignorance des causes & euenemens naturels. Voila ce qu'en escrit Cardan. Toutesfois selon mon iugement, le prestre & Pinet furent trompez du diable, lequel estant entré en leur fantaisie la gasta tellement, que sans fin il y representea l'image d'une femme: & y furent plus facilement poussez, d'autant qu'ils y prenoient plaisir.

A INSI se doit-on moquer de ce qu'un quidam contoit en ma presence, à un grand Seigneur, lequel n'estoit moins sage que riche: asauoir que son seruiteur estoit peu de temps party de grand matin pour faire venir ses cheuaux au logis, lequel en son chemin auoit rencôtré au milieu d'un champ une femme de village soupçonnée d'estre sorciere, laquelle estoit couchee sur la renuerse, & le diable dessus elle. Le seigneur auquel il faisoit ce conte, lui demanda de quelle forme estoit le diable, & l'autre lui respondit qu'il ressembloit à un chien noir: alors le Seigneur se moquant subtilement de telles folies inpostures & opinions vulgaires, lui dit: Je ne pensois pas que le diable fust semblable à un chien noir: monstrant par là, qu'il en pensoit tout autrement & d'un esprit beaucoup meilleur que le vulgaire n'a accoustumé d'en penser. Je ne doute point que ceste femme pour l'heure ne fust couchee en son liét, & que Satan n'en eust mis l'idole au deuant du valet, afin de confirmer l'opinion mauuaise qu'on auoit conceüe d'elle.

L'AY esté un peu long en ceste dispute, touchant ceste fallacieuse & vilaine compagnie charnelle. Ce que j'ay fait



faiët tout expres, afin que (puis que la pluspart des sorcieres confessent estre enchantees de ce mal, & que mesme chacune d'elles monstre au doigt son rufien ie prouue qu'en tel embrasement il n'y a aucune verité, & par ainsi toute ceste machine de phantosmes de diables s'esuanonira plus promptement, la verité paroistra plus claire, le regne du diable se confondra plus profondement, & l'vniõ du peuple Chrestien renai-  
stra plustost, & sera conseruee inuiolablement.

*Histoire admirable de l'enfantement d'une femme Démonia-  
que, lequel fut imputé à vne sorciere.*

## CHAP. XXIII.



N cest endroit i'adiousteray vne histoire non moins admirable que rare, touchant vn faux enfantement supposé par le diable: ce que ie feray pour autant que ceste matiere est semblable à la precedente, & afin que les semblables abus soyent d'auantage descouuerts, & que la verité soit plus apparente.

ANTOINE Sucquet Cheualier de l'ordre, renommé par toute la Flandre, & Conseiller celebre du Conseil priué de Brabant, outre ses trois enfans legitimes, a encore laissé vn fils bastard qui auoit pris femme à Bruges laquelle peu apres son mariage commença à estre miserablement tourmentee par le mauuais esprit, tellement qu'en quelque part qu'elle fust, mesme au milieu de la plus honneste compagnie de femmes d'autorité, elle estoit soudain emportee & trainee par les chambres, & souuentesfois ietee puis en vn coin, puis en l'autre, encore que ceux qui estoient presens taschassent de la retenir, & de l'empescher: toutesfois pour tout cela elle n'estoit beaucoup interessée en son corps. Chacun pensoit que ce mal luy fust procuré par vne concubine que son mary auoit autrefois entretenue, & qui estoit encores amoureuse du ieune homme beau & gaillard. Or pendant qu'elle estoit ainsi miserablement trauaillee par l'esprit malin, elle deuint grosse, & toutesfois



pour cela elle n'en fut moins tourmentee. En fin le me estât venu qu'elle deuoit accoucher, il ne se trouua qu'une femme en sa compagnie, laquelle fut enuoyee incontînét vers la sage femme & celles qui la pouuoient aider en cest affaire. Cependant il lui fut auis que c'estoit la garce, de laquelle j'ay maintenant parlé, entroit dans la chambre, & lui seruoit de sage femme: dont la pauvre damoiselle qui trauailloit tomba en pasmoison, à cause de la grande angoisse d'esprit qu'elle sentit, de laquelle estât reuenue, elle se trouua deschargee de son fardeau: toutesfois il n'aparut aucun enfant, qui fut cause que chascun s'esmerueillâ. Mais il auint le iour suyuant, auant que l'acouchee fut resueillée, qu'elle trouua vn enfant couché dedans le liêt, lequel estoit emmailloté, & qui elle donna la tette par deux fois. Peu apres, auant comme elle s'estoit rendormie: l'enfant lui fut pris des costez, & onques depuis ne fut veu. On disoit qu'on auoit trouué en la serrure de la porte quelques papiers avec des caracteres magiques. Ceste histoire m'esté racontée par mon beau frere, qui est vn personnage autant digne de foy, comme il est excellent en médecine, en doctrine & en pieté, lequel est parent d'Antoine, & a entédu ceste histoire du mary de l'acouchée & de son frere, des freres de sa femme, & de quelques autres qui y auoyent assisté assez souuent.

Au reste, afin que lon ne pense que ie iouë vn personnage muet comme estonné en cest acte si artificieusement dressé, j'ay bien voulu adiouster en bref ce que i'en pense. L'opinion que ceste femme tourmentée par le malin esprit a conceuë contre la garce de son mary, pensant qu'elle l'auoit enforcelee, s'est accréditée premierement par les tourments, qui ont esté permis par l'occulte volonté de Dieu: tellement que le diable a machiné ceste grande tromperie de grossièrerie, alors que par le moyen de quelques vents il luy fait enfler le ventre, afin que la mettant tousiours en danger & les autres en ceste fausse croyance de forcellerie, luy fist croire que la mesme garce, qui luy auoit seruy de sage femme, auoit aussi desrobé son enfant: tellement que par ce moyen, le diable qui est afamé d'impieté, de sentences iniustes, & de sang innoçét, mettoit presqu'

ce



ceste femme accusée entre les mains du bourreau. Et pour ceste cause il esmut les douleurs qui ont acoustumé de preceder les acouchemens, lors qu'il n'y auoit qu'une seule femme: afin qu'estât enuoyée dehors il peust plus librement & manifestement faire semblant de seruir de sage femme, sous la semblance de la garce, la preséce de laquelle la femme tourmentée haïsoit sur toute chose, comme celle qui l'auoit enforcelee. Apres la pasmoison & euanouissement que le diable auoit faussement excité, afin que sa fraude ne fust descouuerte, & que lon n'eust la conoissance, qu'il n'y auoit point d'enfant né, il desista de son ceuvre, par lequel il tenoit le ventre enflé, si bien que l'enflure fut diminuée. Ce mesme diable subtil ouurier, voulant faire pésar qu'il y auoit vn enfant né, lequel auoit esté desrobé par la garce, ne faillit le iour suyuant, ou de représenter à la femme dormante la semblance d'un petit enfant emmailloté, ou en veillant luy mettre au deuât, (lors qu'elle estoit encore estonnée par l'assidue illusion & tourment que lui faisoit le diable) l'image feinte de quelque petit enfant, ou bien vn enfant naturel desrobé pour quelque temps, lequel par le mesme moyen soudainement s'esuanouit. Ceste fable n'a esté iouée par le diable à autre fin, sinon pour noyer la bonne femme, & ceux qui estoient aussi mal asseurez en leur foy comme elle, dedans les flots d'incredulité & d'opinion contraire de nostre sainte foy: afin aussi que lon se iouast de la peau de la garce, & que par ce moyen le magistrat fust induit finement à prononcer vne sentence sanguinaire & inique. Voila comment ce fin, faux, & rusé, a apris d'ourdir vne estrange & pestilentieuse toile.

*Que les sorcieres ont seulement leur fantaisie pour docteur & enseigneur: que les choses par lesquelles on pense qu'elles nuisent, sont friuoles.*

## CHAP. XXXV.



V reste, afin que ie mette fin à cest acte de nostre tragédie, ie dis que tout ainsi que les sorcieres ne vont chercher la doctrine de leur esprit corrompu, avec les infames magiciens, par longues peregrina-



tions, labours ou estude: ainsi n'ont-elles aucuns liures par le moyen desquels elles soyent instruites ou promues en leur professiō: aussi n'ont elles aucunes formes prescrites de leurs coniurations, lesquelles elles suyuent, n'aucū diable enfermé en vn anneau, ou emprisonné en l'espeſſeur d'un chryſtal, pour leur ſeruir à faire leurs operations, ainsi que plusieurs magiciens le font acroire. Elles reuerent & adorent ſeulement leur fantaſie, cōme leur ſeul docteur, corrompue de plusieurs imaginations que le malin eſprit leur ſournit, auquel aiouſtās le plus ſouuent trop de foy, elles ſont miſerablement deceuēs & perduēs. Aussi ne peuuent-elles rien de particulier & dauantage que ce qu'elles ont acouſtumé, à cauſe de leur lourdeſſe d'eſprit, & inhabilité d'iceluy, ce que toutesfois le diable fait facilement à cauſe de ſa ſubtilité & renvreté. Et encores que ie vouluſſe ſouſtenir qu'il n'eſt fait aucune mētion de celles que nous nōmons ſorcieres, dedans les ſaintes lettres, ie penſe que parauenture ie n'en ſerois pas aiſemēt conueincu. Car auſſi le ſils de Dieu eſtant en terre n'eut oubliē la guerison & l'amendement de ces monſtres trompeurs, ſi ceſte peſte pernicioſe euſt regné de ſon temps.

DAVANTAGE, j'aſſeure librement avec Cardan, ſous correction d'Agrippa mon precepteur (qui a eſcrit vn liure de telle folies) que toutes ces choſes ſont friuoles & miſes en auant par l'inſtinct de Satan: à ſauoir, que les ſorcieres puiſſent enſorceler, & par le moyen ſeulement des excremens de celuy auquel elles en veulent: cōme ſont l'vrine, la fiente, le ſang, les cheueux, & les rōgneures des ongles enfermez dedans les membres d'un chien, aucunement ſemblables aux parties & excremens qui ſont en l'homme, puis renfermez là dedans avec l'oſ d'un hōme mort, & enterrez au nom de quelqu'un, les vns ſous le ſueil de l'huis, les autres aux carrefours & les autres aux torrens. Comme ſi ces femmes hebetees penſoyēt que ces choſes du tout inutiles & friuoles euſſent quelque puiſſance à faire le mal, qui toutesfois aparoit eſtre fait par le diable, ou autrement par vne occulte volōté de Dieu, ou bien procréé par vn vice naturel: principalement lors que fauſſement perſuadees, elles penſent que ces choſes ſoyent remplies



remplies de quelque nouuelle efficace par le murmurement sot & plein de blasphemes, ou par les maudifions qu'elles y aioustent.

En ceste façon, depuis peu de temps, vn certain iuge de Hesse, en la ville d'Hamme, racontoit qu'il s'estoit enquis d'une sorciere celebre & renommee, laquelle pour lors il tenoit en prison afin de la faire bruller, par quel moyen lon se pourroit garder des empoisonnemens des sorcieres, laquelle lui respondit sans se mocquer, qu'un chascun gardast ses souliers rompus & vsez de vieillesse, comme si par le moyen d'iceux les forcelleries pouvoient estre executees. Qui est celui tât hebeté qui ne se moque de ces folies? Aussi ne voy-ie point qu'il soit vray semblable que les choses qui ne valent rien, ou bien que les poisons & venins cachez en quelques endroits, puissent nuire, lors que lon en iambe par dessus, ou que lon passe aupres, ou bien lors que des lieux plus elloignez on les iette, ils puissent estre portez violemment contre ceux ausquels ils sont enuoyez, ainsi que quelques hommes doctes & renommez ont opinion qu'il se face. Car & la chose mesme & l'experience montre le contraire. Mais si seulement ceux sont endommagez, ausquels ces vieilles veulent faire mal, cela ne procedera point des vapeurs du venin, ains seulement de la forcellerie. Et toutesfois, puis que j'ay desia montré qu'elle ne peut rien, il faut (atendu qu'il s'en ensuit vn dommage tel que nous voyons) que cela procede de Satan, par la permission de Dieu, ou à cause de l'incredulité de l'homme qui doit estre enforcé, ou bié à celle fin qu'il soit esprouué comme Iob. C'est celuy là qui rend les hommes aveuglez & les mutile en leurs membres. Cependant le diable persuade tellement, & met si auant en l'opinion de ceste vieille, laquelle enterre la matiere venimeuse ou autre, comme j'ay dit, qu'elle croit & assure ce auoir esté fait par elle, qui toutesfois est executé par le Diable.

Or toutes ces tromperies Diaboliques sont apuyees le plus souuét sur la malheureuse croyance des hommes, par laquelle ils consentent à ceste puissance diabolique. car si le serpēt, caché sous le fucil de l'huis, empes-



Prima 2.  
par. q. 1. c.  
1. 6. 9. 10.  
11. 12. 13.  
14. 15. &  
plusieurs  
choses con-  
traires à  
l'honneur de  
Dieu escri-  
tes en tout  
le liure.

che que les femmes deuiennent grosses, ainsi qu'il e  
escriit au Maillet des sorcieres, pourquoy est-ce que to  
tes les femmes ne sont steriles es pais ou les serpens e  
trent ordinairement dedans les maisons? Item si le p  
caché au fond du puits d'un chasteau a empesché  
certain Côte d'auoir affaire à sa femme, pourquoy to  
ceux qui buoyét de l'eau du mesme puits ne luy on  
ils ressemblé? Le diable pouuoit bien empesché les c  
duits ordonnez pour la generation, & ce par plusieu  
moyens naturels, iusqu'à ce que le Côte follement cr  
dule eust brulé le pot selon l'ordonnance de la vieil  
demoniaque: mais alors il desista tres-volôtiers, afin  
maintenir tousiours le Comte & les autres en fausse  
pinion de la vieille. Aussi le diable a bié peu (si l'histo  
re en est vraye) se ietter sur l'ouurier en forme de cha  
& en mesme tēps en la forme du mesme ouurier, bat  
les matrones, afin que les pauvres innocentes fussent  
rees au supplice cōme coupables de sorcelleries, & q  
de là il ensuyuit vn peril pour les iuges, & vn dam  
ment pour les ames. Aussi ne faut-il penser que le gu  
pillon mouillé d'eau & aspergé en l'air par vne femm  
puisse faire venir la pluye: car c'est le diable (com  
i'ay dit ci deuant) qui preuoid la disposition de l'air, à  
quelle il s'acorde, fin de plus estroitement maintenir  
pauvre folle en son opiniō. Toutes les autres cauillati  
& trompeuses inuétions du diable racontées tant en  
liure nommé le Maillet, qu'en plusieurs autres, doye  
estre exactement desmeslees par ce mesme moyen.

*Ce que les hommes ont naturellement ne doit estre estimé  
pendre de la puissance des sorcieres*

### CHAP. XXXVI.



**L** OVTESFOIS, s'il se trouue d'auent  
certaines familles en Afrique qui puisse  
enforceler par leur seule voix & par le  
langue (ainsi qu'Isigone, Memphodore  
Solin ont escriit) & qui facent incontine  
mourir les beaux arbres, les vignes mieux chargees,  
ensans plus puissans, les plus bragards cheuaux, &  
troupeaux mieux nourris, en les prisant grandement  
il faut que ceste proprieté leur soit particuliere, do  
Pli



Pline rend incontinent apres la raison. Pour cela en Iralie, & principalement en la Toscane, il y a vn prouerbe ancien & fort commun pour le iourd'huy, lequel on obiecte à ceux qui louent les hommes outre mesure: *Di graia non gli diate mal d'occhio*, c'est à dire, de grace gardez vous de luy donner mal des yeux. Dauantage, s'il se trouue quelques autres familles en la Transsiluanie, & Sclauonie, comme Ifigone adiouste, qui font mourir ceux qu'elles regardent trop longuement, principalement lors qu'elles ont les yeux irritez, dedans chacun desquels (comme escrit Ciceron) y a deux prunelles, & principalement si les ieunes gens sont ainsi regardez ils sentent ce mal: ou si quelquesfois il se trouue des femmes en la Scythie de mesme nature, lesquelles selon Apolonide sont nommees Bythies: ou bien au pais de Pont, ceux que lon nommoit Thibiés, comme aussi plusieurs autres de pareille nature, ainsi que tesmoigne Philarque, qui mesme les remarque & dit qu'ils ont vne double prunelle en l'vn des yeux, & la figure d'un cheual en l'autre, que mesme ils ne peuuent estre noyez, encores qu'ils soyent chargez de leurs habits: brefs il y a en Ethiopie vne sorte de gens nommez Pharmaques de semblable nature, comme escrit Damon, & la sueur desquels fait venir en chartre les corps qu'elle aura touché: la cause de tels effectis se trouuera en Plin: a sauoir que la nature a engendré des venins par tout le corps de quelques vns, & dedans les yeux des autres, afin qu'il n'y eust rien de mauuais qui ne se trouuast en l'homme.

Li. 7. ch. 2.

Or ces choses estans rares, comme elles sont, ne peuuent seruir à ce propos: car elles sont comme miracles donnez & infus à quelques particuliers, ce qui auient aussi à quelques autres animaux. Aussi elles ne procedent point de la volonte & election par la vertu de l'alliance faite avec le diable: qui est toutesfois la question que nous traitons. Autât en di-ie des Ppylliens & Marses renommez selon l'opinion du vulgaire par la grace de S. Paul, lesquels on dit estre descendus de Marsus fils de Circe. On peut bien ici rapporter la gent forcierre nommee Paletheobore qui habite le Pont, laquelle, come recite Plutarque & Philarque, estoit contagieuse,



pestilentieufe, & bailloit des maladies mortelles, non  
 feulemēt aux petis enfans qui estoient encore delicats  
 & tendres, mais aussi aux grands qui auoyent desia le  
 corps plus ferme & plus commode pour resister: non  
 seulement aussi à ceux qui la hantoyent ordinairement,  
 mais aussi aux estrangers & passans qui estoient du tout  
 esloignez de sa conuersation. Mettez y encore les Tel-  
 chines peuple de Rhodes, qui (comme on trouue par  
 escrit) auoyent acoustumé de conuertir en pis les cho-  
 ses qu'ils regardoyent. La naturelle contagion des yeux  
 rouges, & chassieux, ne peut estre icy alleguee au con-  
 traire: car il ne se trouuera aucun organe en la fabrique  
 du corps humain, qui ait plus grande abondance d'e-  
 sprits, & dont sorte vne plus grande splendeur, comme  
 il est certain qu'il fait de la prunelle de l'œil. Mesmes  
 on dit qu'Auguste Cesar auoit les yeux tellemēt esclai-  
 rans, qu'il contraignoit fermer les yeux de ceux qu'il  
 regardoit atentiuement, comme s'ils eussent esté aux  
 rayons du Soleil. Suetone aussi escrit que Tybere Cesar  
 se releuant de nuit, voyoit tout ainsi comme fait vn  
 chat. Gelle escrit aussi qu'en la derniere terre nommee  
 Albanie, les habitans deuiennent blancs des leur enfan-  
 ce, & voyent beaucoup mieux de nuit que de iour, pour  
 autant que la splendeur empesche leur veüe qui est na-  
 turellement tendre. On n'a que faire d'auoir recours  
 à l'Apporie de Plutarque, c'est à dire, à la transfu-  
 sion des vapeurs, & à la vertu de celles, lesquelles ne  
 plus ne moins que le feu, consomment, & espanouissent  
 toutes choses qui leur sont prochaines: ni à la vertu na-  
 turelle de l'huyle de Medee, dōt on fait le feu gregeois,  
 laquelle tire à soy les vapeurs & estincelles: aussi ne  
 doit-on alleguer le Lorient, que les Latins apelent Gal-  
 gulus, lequel tire les iaunes vapeurs de la cholere hors  
 les yeux de celuy qui est malade de la iaunisse, pourueu  
 qu'il l'ait aperceu le premier. Car toutes ces choses vien-  
 nent à cause d'une similitude qu'ils ont entr'eux: mais  
 celles desquelles nous parlons ici sont estimees faites  
 par volonte & election. Cependant ie ne nie pas que  
 quelquesfois les vieilles ne puissent infecter de leur puā-  
 te haleine les petits enfāns qu'elles manient: ce que peut  
 faire aisément aussi tout autre personnage qui a la bou-  
 che &

*Heliod. en*

*l'hist. Eth.*

*liu. 3.*

*Plutarq.*

*Sym. 5. 12.*

*chap. 7.*

*Suid. au*

*mot cha-*

*rad. Ael.*

*li. 1. ch. 13.*



che & l'alaine gastee: car cela penetre & a vne effieace merueilleuse pour infecter de son soufle & de sa senteur.

*Qui sont ceux que lon doit proprement apeler empoisonneurs: ensemble plusieurs exēples memorables de diuers empoisonnemens.*

## CHAP. XX XVII.



Ais venons maintenant aux empoisonneurs, nommez par les Grecs *Pharmacenes* & *Pharmacutes*, & les femmes *Pharmacutries*, lesquelles ils disent estre adōnees à vne art pernicieuse que lon peut nommer, Magie empoisonneuse. Il est tout certain que telles gens sont cause de plusieurs maladies pernicieuses avec des accidens trescruels, par le moyen de quelques medicaments ou venins qu'ils tirent de plusieurs matieres, soit des metaux, soit des plātes, soit de quelques sortes d'animaux ou de leurs excremens, ou soit par le meslange de quelques corps qu'il font prendre ou dont ils oignent, ou qu'ils cachent en quelques lieux, à fin de pouuoir nuire par leur fumee & odeur: car par ces moyens les vns tombent en defaillance & amaigrissement de tout le corps, les autres en ont l'assemblage des ioinctures relasché, & en sont miserablement bourrelez: les autres en demeurent long temps en langueur, & les autres en meurent soudainement, comme si le filet de la vie leur estoit en vn instant rompu.

Ce qu'a escrit Antoine Sabellique, touchant les forcieres est horrible, en ces termes. Apres cela s'iruint vne annee malheureuse, lors que M. Claude Marcel, & T. Valere Flaque, ou Potite, estoient Consuls, car comme desia plusieurs des principaux fussent morts par vne pareille maladie & mesme euenement: il y eut vne certaine chambriere, qui s'adresā à Q. Fabius Maximus, Aedile Curule, & promit lui declarer la cause d'vn tel inconuenient, pourueu qu'on l'asseurast que le iugement que lon donneroit contre ses maistresses ne lui seroit preiudiciable. Or apres que Fabius en eut auerty les Consuls, & que par les Consuls le tout eut esté rapporté au senat, qui promit la foy à la chambriere, elle

*Enneade 4  
Lm. 4.*



descouurit que ceste meschanceté procedoit de la malice de quelques femmes, & qu'il y en auoit plusieurs qui cōposoyēt des venins pour faire mourir les hômes: que mesme, si lon la vouloit suyure, on en surprédroit quelqu'vne empeschee à brasser ceste boisson. Ceux qui furent enuoyez avec la chambriere trouuerent celles qui composoyent des venins: ils en trouuerent aussi de tout faits chez les autres. Elles furent toutes menées au Palais, iusques au nombre de vingt, où estans interroguees deuant tous & entre autres Cornelia & Seruilia Damoiselles romaines, elles soustindrent que les medicamens qu'elles faisoient estoient bons & salubres: mais ainsi que leur accusatrice soustenoit le contraire, on leur commanda de les boire si ainsi estoit. Parquoy apres auoir consulté quelque temps ensemble elles s'y accorderent: ce qu'ayans fait en la presence du peuple elles moururent toutes: & depuis on en prit encore iusques au nombre de cent septante, qui furent

*Vale. le grand lin. 2. cha. 26.* conuaincues du mesme fait, & punies capitalemēt. La cruauté de ce fait fut estimée chose prodigieuse, pour autant que iusques à ce iour on n'en auoit iamais puni aucune pour la sorcellerie, & qu'il sembloit qu'estans alienees de leur esprit, elles eussent executé ceste meschanceté.

C'EST OIT vne empoisonneresse que la femme de ce seditieux Romain nommé Crescence qui pour ces menées fut par le commandement de l'Empereur Oton troisieme pourmené par la ville de Rome sur vn asne la queue duquel luy seruoit de bride, puis fut pēdu & estrāglé à l'vne des portes de la ville. Cest Empereur deuenu amoureux de la vefue de Crescence & se preparant pour retourner en Alemagne, elle voyant qu'il ne falloit pluss'attendre d'espouser vn si grand Seigneur le fit mourir par le moyen de certains gands empoisonnez qu'elle lui donna. Ce qui auint le vintuitiesme iour de Ianuier, l'an mil & vn. Semblablement Jean surnommé Cimises Empereur de Constantinople fut empoisonné par vn sien valet de chambre nommé Basile, qu'il auoit menacé de degrader de son estat. Vn autre Empereur de Constantinople nommé Romain & surnommé l'Argétier ayant laissé sa premiere fem-



en espouſa vne autre nômee Zoë femme laſciue & débordée entre toutes, laquelle le fit mourir de poiſon, s'eſtât amourachée d'un gentil homme Paphlagonien nommé Michel.

PAREILLE poiſon fut braſſée à Caſal ville du Marquiſat de Saluces, enuiron l'an mil cinq cens trente & ſix. Il y auoit quarante tant hommes que femmes, du nombre deſquels eſtoit le bourreau du lieu leſquels coniurerent enſemble (après qu'ils virent que la peſte qui auoit duré quelque temps, commençoit à s'apaiſer) & compoſerent vn vnguent dont ils froterent les tiroirs des portes, afin que ceux qui les toucheroient en fuſſent empoiſonnez. Il preparerent auſſi vne poudre, dont ils ſupoudroyent en cachette les meſmes tiroirs: tellement qu'ils empoiſonnerent tous ceux qui y touchèrent. Ceſte tromperie demeura quelque temps cachée, dont pluſieurs moururent empoiſonnez par leurs proches parens, qui comme on diſoit bailloyent argent aux ſorcieres, afin de pluſtoſt ſuccéder à l'héritage. Mais ayans fait mourir le frere & le fils unique d'un nommé Neci, & qu'à peine autres que les maîtres & enfans des maiſons mouruſſent: & on s'aperceut qu'une certaine Androgyne entroît dedans les maiſons, & que ceux là principalement mouroyent, chez qui elle auoit hanté: la meſchanceté fut deſcouuerte, & tous les coupables cruellement exécutez à mort. Ils confeſſerent qu'ils auoyent délibéré de faire mourir tous les habitans au iour d'une feſte ſolennelle, ſeulement en frottant les bancs & les ſelles (ſur leſquels ils ſe deuoyent aſſeoir) avec de l'onguent, & que pour ceſt effect ils en auoyent deſia préparé plus de vingt potees. Le meſme fut eſſayé quelque temps après à Geneue par quelques vns qui en furent punis. Il s'en trouua auſſi quelques autres à Milan, qui oignoyēt les couraux des portes, & leſquels toutesſois furent relâchez, pour autant qu'ils ne cōfeſſerent rien ſur la queſtion, & meſme que perſonne n'en mourut. Baſſianus Landus eſcrit, qu'un moyne acompagné de quelques autres eſſaya de faire le meſme à Pauie, & qu'en temps de peſte ils iettoient ſecrettement des linges peſtiſerez dedans les

y. ii.



maisons, afin que la contagion s'espendit sur plusieurs, dont ils furent punis par iustice.

Il y auoit deux freres à Boulogne en la famille des Pettrins, l'un desquels estoit marié, auoit plusieurs enfans & demouroit avec sa mere, qui estoit vefue: l'autre qui estoit le plus ieune delibera, afin de demourer seul heritier, de faire mourir toute la famille, en mettant de l'arsenic dedans vn tonneau de vin. Or pourau- tant que ceux qui en beurent, enduroyent incontinent des accidens tresgrands & douloureux, on appela les medecins plus celebres, entre lesquels estoit Mathieu Curse, Iehan Marie Bette, Hispā Philippalde, qui soup- çonnerent incontinent qu'il y auoit du venin, à cause qu'ils entendirēt que quelques voisins qui auoyēt beu du mesme vin, estoient tourmētez de pareille maladie. Parquoy le vaisseau estant defoncé par leur conseil, on trouua l'arsenic au fond. Depuis ayās entrepris, & ache- miné la guerison, chascun en fut garéti excepté la mere qui estoit vieille & debile, & vn petit enfant maladis. L'empoisonneur sen fuit, & ainsi fut-il descouuert, Ce- lle meschanceté fut faite l'an mil 1538. en Aoust.

Vn certain empoisonneur demeurant à Boulongne, bailla des cantharides à sa belle mere, lesquelles il mes- la parmy de la casse fresche mōdee. Ceste pauvre fem- me fut tourmentee si cruellemēt de douleurs en la ves- sie, que mesmes elle ietta grande quantité de sang, dont elle fut heureusement guerie par monsieur Helidees. de Forli medecin à Padouē, homme tres-excellent, & bien exercé en pratique, ainsi que m'a raconté le sei- gneur Iean Echius medecin de Cologne, qui autres- fois a esté son disciple, & le suyuoit, & fut present, pen- dant la guerison. Le seigneur Gilbert Horstius mede- cin tres-experimenté, racōte qu'il y eut vn hydropique, qui fut longuement malade à Rome, la femme duquel se delibera de le faire mourir par poison, pourau- tant qu'il despendoit trop en maladie: parquoy elle luy fit aualer la poudre d'un crapaut brullé en vn pot neuf, dont il rendit vne grande abondance d'vrine: derechef elle luy bailla de la mesme poudre, afin que plus subite- ment il fust eschange de sa miserable & sumptueuse vie avec vne soudaine mort: mais ayant encore ietté vne  
plus



plus grande abondance de sable aqueux par la vessie fut guerri contre l'attente de sa femme : car le 'crapaut' estant apliqué en certaine partie du corps des hydropiques, fait sortir hors les eaux par le conduit de l'vrine: Le mesme Gilbert a quelquesfois enduré vn semblable mal de ceux dont il ne se fut iamais douté.

Il y a sur ce propos vn plaisant epigramme Latin es teueurs du poete Ausone, lequel a esté aussi exprimé en François.

*Quelque femme adulateur vn poison apres la  
Pour son mary ialouee: mais craignant que la prise  
Asses tost ne parlist sa meschante entre prise,  
Vn poison d'ary ent ris encor elle apres la.  
A chacun de ces deux la nature presta  
Vn venin plain de mort, pourueu qu'on les diuise.  
Mais ce luy la qui but tous les deux par surprise  
Par vn contrepoison heureux il les goustia.  
Car tandis que les deux combatent leur querelle,  
Et qu'au ventre d'embas le tout est dechasse,  
Poison contre poison (l'homme sauf) fist froisse.  
O Dieu, que tu es bon. La femme plus cruelle  
Est la plus profitable: & alors que tu veux  
On sent par deux poisons vn secours bienheureux.*

CE qu'escriit aussi le poëte Ouide au premier liure de ses Metamorphoses peut estre commodément mesme en cest endroit ci, ces mots sont tels, comme ils ont esté tournez par Marot.

*Chez l'hostelier n'est point assenté l'hoste,  
Ne le beaupere ausques le sien gendre:  
Petite amour entre freres s'engendre.  
Le mary s'offre à la mort de sa femme:  
Femme au mary fait semblable difame.  
Par mal talent les marastres terribles.  
Mestlent souuent venins froids & horribles.  
Le fils, afin qu'en biens mondains prospere.  
Souhaite mort (auant ses iours) son pere.*

A VSS I estoit empoisonneresse vne ieune fille nommee Ieanne, laquelle l'an mille cinq cens cinquante quatre, au mois de Novembre, bailla par deux fois en cachette de l'arsenic, à vne honorable Damoiselle nommee, Anne de Virmont, dame d'Vvell, à qui routesfois



elle estoit fort tenue. Je fus appelé pour la guerison de la maladie, faite par le premier venin, où ayant ordonné quelques choses assez heureusement, ie voulus faire prendre à la malade vn simple ius de chapon, le quel la mesme Ieanne, qui estoit sa fille de chambre, & auoit enuie de faire mourir sa maistresse bõ gré mal gré que i'en eusse, adiousta d'auantage d'arsenic, qui pour n'estre assez bien meslé dedans le ius, & y estre en grande quantité, fut aisement reconu à la veüe & au goust tant par la malade que par moy. Car parauant nous n'auions point encore pensé ni soupçonné rien d'Arsenic, mais seulement ie pensois que lon eust, meslé quelque poison dedans ce qu'elle auoit mangé: Je luy demanday si elle n'auoit point mis quelque poudre à part pour faire mourir les rats, & autres vermines, afin que ie fusse certifié d'auantage par la conferéce que ie pourrois faire des deux. Ce qui nous seruit de beaucoup, car ainsi nous fusmes asseurez que pour la seconde fois, on auoit baillé du poison à la maistresse, & que moy & le seruiteur, ignorans ce que c'estoit, en auions gousté les premiers. Parquoy, apres que nous eusmes pris chacun vn vomitoire & autres choses qui ont la vertu de rabatre la force des venins, avec vn contrepoison, nous fusmes garentis de tout danger. Ceste Ieanne fut condamnée à la mort, apres auoir confessé l'empoisonnement par elle appresté: toutesfois à cause de sa grande ieunesse qui n'estoit encore de quinze ans, la vie luy fut donnée par les prieres de quelques autres, & fut seulement condamnée aux prisons perpetuelles, qu'elle brisa, & en fut peu de mois apres enleuee par des gens d'armes. I'ay bien voulu escrire briefuement ceste meschanceté, afin que chacun enseigné par cest exemple, prene plus soigneusement garde à soy.

L'AY veu vne vieille, qui par ialousie bailla dans vn bouilló de l'arsenic à son mary, bien qu'il méritast autre traitement, il mourut de grandes douleurs. Elle fut condamnée à estre noyée, comme de fait elle fut.

*Liv. 8. de la nat. des bestes.* GEORGE Agricola raconte qu'une meschante femme fit aualler par plusieurs fois de l'argent vis à son mary, lequel le reietta par bas sans aucun inconuenient: elle surprise & conuaincue, fut executée par iustice.



DEPUIS quelques années il y auoit vne femme à Tremone, laquelle auoit desia baillé par plusieurs fois de l'argent vis à son mary, d'ot il n'estoit toutesfois auenu ce qu'elle esperoit. Parquoy ainsi que les sôs des cloches luy donnoyent signe que la messe estoit desia dite, elle s'en courut à la maison des Dorpes, qui sont marchands fort conus en ceste ville, où le seruiteur qui la voyoit acheter plus grande quantité d'argent vis quelle n'auoit point encore fait, luy demanda à quelle fin elle en achetoit tât. Elle respôdit que c'estoit pour mesler avec vn médicament, duquel elle s'aidoit à faire mourir les rats & souris. Estant de retour en son logis, elle versa le tout dans le potage qu'elle auoit desia taillé & trempé pour son mary. Il s'apperceut qu'il n'estoit encore meslé, prit son potage & s'en courut au marché deuers les Consuls, lesquels à leur maniere acoustumee s'amusoient d'aduenture apres la messe, à parler des affaires publiques. Cest homme accusa sa femme, comme celle qui l'auoit voulu empoisonner, & leur monstra le poison dedans le potage : dont elle fut prise toutesfois ie ne sçay de quelle peine elle fut punie.

*Histoire memorable d'un valet de bourreau qui empoisonna son maistre: & de la femme de ce maistre, laquelle s'ingera de vouloir detapiter trois malfaiteurs.*

## CHAP. XXXVIII.



JE mettray en ce mesme rang à cause de la rareté & estrangeté du fait, vne femme nommee Mechtelde, non pas moins malicieuse, que peut estre vne sorciere, & qui fit ce qui s'ensuit. L'an mil cinq cens soixâtedeux en Septébre, en vne ville située sur la Meuse aux frontieres de Brabât, nommee Graue, qui est le lieu de ma naissance, le iuge de la ville fit venir le bourreau de Nieu-meghe en Gueldres, voisine de ce lieu, afin de faire exécuter en vn mesme iour, trois malfaiteurs, de cinq qu'il tenoit prisonnier. Ce bourreau pensant qu'on les condâneroit à estre pendus se mit en chemin : mais quand il fut arriué, & qu'il sceut que la sentence du magistrat



estoit qu'ils fussent decapitez, il s'adressa au preuost, se-  
 complaignant de son imbecilité qui luy estoit auenue  
 par poison, qui depuis vn an luy auoit esté baillé par  
 vn sié seruiteur qui auoit enuie d'estre mis en son lieu.  
 (Voila l'enuie qui est entre les hommes appelez à vn sié  
 digne & honorable estat.) toutesfois afin que l'execu-  
 tion ne fust diferee, il luy promit d'enuoyer incôtinét  
 vers sa femme pour faire venir son compagnô, de la vil-  
 le d'Arnem afin d'exécuter la sentence des iuges. Car  
 il auoit fait paction avec luy de communauté en ouura-  
 ge & en gain, ainsi que souuentefois il se fait entre fi-  
 deles ouuriers, ausquels par ce moyen le profit reuiet  
 par egale portion. Le preuost s'y cōsentit, & ainsi il en-  
 uoya à Nieumege, vers sa femme à ce qu'elle eust à faire  
 venir le bourreau d'Arnem. Mais elle, cupide du gain  
 qu'elle voyoit présent, se delibera de suppleer, par son  
 adresse au defaut de son mary. Parquoy elle impetra  
 du iuge, qu'elle porteroit à son mary, l'espee seruant à  
 telles executiôs qu'elle porta incôtinét chez l'es mou-  
 leur, pour luy faire retourner le fil: car elle estoit gau-  
 chere. Puis sur le soir elle se fit couper les cheueux en  
 cachette: & de grand matin s'estant habillee des habil-  
 lemens de son mary ( excepté du pourpoint, d'autant  
 qu'elle vouloit estre à son aise, & craignoit que ses mâ-  
 melles n'apparussent sous vn habillement estroict ) &  
 ayât pris vn bônet, la plume sur l'oreille, & l'espee à son  
 costé, elle arriua à Graue: où le preuost ( la voyant sans  
 barbe ) luy demanda si estant ainsi ieune elle oseroit biē  
 entreprendre de couper trois testes en vn iour: elle res-  
 pondit que c'estoit à elle à ce faire, & que ce n'estoit  
 pas la premiere fois qu'elle auoit fait ces essais. Parquoy  
 elle prit des cordes desquelles elle lia les patiens, & les  
 mena. Toutesfois estans arriuez où ils deuoyent estre  
 decapitez, le preuost fut auerti secrettement par sa fem-  
 me & par son frere, que le bourreau estoit vne femme,  
 dont il s'estonna fort, toute la cōpagnie aussi. Parquoy  
 ayât scéu la verité par le seruiteur du maistre bourreau,  
 lequel il auoit interrogué par serment: il commanda  
 que les patiens fussent remenez aux prisons. Mais si par  
 le moyen du preuost, ce monstre du sexe feminin ne se  
 fust euadé, il estoit à craindre qu'il n'eust esté ietté de-  
 dans



dans l'eau prochaine, par la commune des hommes: ou bien assommé par les autres malicieuses femmes de la ville. Estant de retour à Nieumeghe, elle seruit de risée à plusieurs, étant ennoblie par vn tel acte: mesme apres que son mary fut mort, le bourreau d'Arnem son successeur à Nieumeghe, la prit à femme. Ainsi voyons-nous souuentefois que les mariages se brassent entre les compagnons de mesme estat, à raison de la communauté qu'ils ont ensemble: & afin que ces nobles offices ne soyent transportez en autres familles, & que la race n'en soit perdue.

*De Philtres, de l'Hippomanes, & autres drogues amatoires.*

### CHAP. XXXIX.



**L**E s bruuages & medicamens amoureux sont de ce rāg, & sont nōmez par les Grecs *Philtres*: ils gastent les sens, & esmeuent *Philtres*, plusieurs diuerses especes & furieuses amours. Iuuenal s'en est souenu.

*Là donc il apportoit des cham̃s magiciens:*

*Saty. 63*

*Des Philtres il vendoit nommez Thessaliens,*

*Desquels, de leurs maris tourmenter elles puissent*

*Les esprits esgarer.*

Raportons-y encore les vers de Lelius, escrits en l'Apologie premiere, & alleguez par Apulee.

*Elles tirent de tous lieux.*

*Tous les Philtres dangereux. &c.*

Parquoy aussi aura lieu en cest endroit l'Hippomanes, qui est vne louppe fort renommee, grosse comme vne figue, longue, & vn peu large, de couleur noire, apparoissant au front des ieunes poulains, lors qu'ils naissent, & qui est aualee par les iuments à force de lecher & nettoyer leur front. On dit que si on luy oste ceste louppe, elle ne peut iamais aimer son petit & ne l'endu *Li. 6. de la* ne plus tirer à son pis. Pour ceste cause on a escrit que *nature des* ceste louppe auoit vne grande force à acquerir l'a- *animaux,* mour. Lors qu'elle est mise en poudre, & baillee à boire *cha. 18. 22.* avec le sang de celuy qui aime. De là, dit Pline, Les *& au 8.* cheuaux prenēt l'enforcellement d'amour. Aristote en *liu. ch. 42.*



Columel. fait mention: aussi fait Solin, Columelle, & les autres:  
 lin. 6. cha. Item Virgile escrit:

27.  
 Enci. li. 4.  
*Alors Didon, la prestresse nouvelle,  
 Bien trois cens dieux à haute voix appelle,  
 Escheuelee, & par horribles mots  
 Inuoque aussi l'Erebe & le chaos:  
 Puis d'Hecaté trois fois iumelle, encore  
 Deuotement les trois fronts elle adore,  
 En espanchant quelques eaux desguisees,  
 Qu'ell feinct d'Auerne auoir esté puissees.  
 Et puis on va, pour la faire bouillir,  
 L'Herbe nouvelle à la Lune cueillir,  
 Avec le suc du noir venin terrible:  
 On cherche aussi cest apostume horrible,  
 Que des cheuaux les mères vont suçant  
 Dessus le front de leur poulain naissant.*

Ils nomment de mesme nom l'humour qui distille  
 de la nature des iuments, lors qu'elles sont en chaleur,  
 & est ainsi descrit par Virgile,

Geor.  
*De là l'Hippomanes, appelé proprement  
 Par les bergers des champs, distille lentement:  
 Poison qui est meslé des marastres meschantes  
 Aux herbes & au bruit des paroles nuisantes.*  
 Et Tibulle:

liu. 2. Ele.  
 4.  
*Mesme l'Hippomanes coule de tous costez  
 Quand V'enus a rempli les troupeaux indomptez,  
 D'un esprit amoureux.*

Item Properce au 4. liure, detestant la meschanceté  
 d'une maquerelle dit ces mots.

*Pour me faire mourir elle alla prendre auis  
 Des sorcieres: encor pour mesme effet depuis  
 Cueillis l'Hippomanes qui lentement decoule  
 D'une cauale preigne.*

Et Ouide au premier liure, Elegie huietieme escri-  
 vant contre vne autre maquerelle dit,

*Elle fait bien que vaut l'humour libidinense,  
 Qui rend aucunesfois la iument amoureuse.*

Aussi Iuuenal en a parlé quand il escrit.

*Je dis l'Hippomanes, les charmes, les venins  
 Donnez à son beau fils.*



Ce nom d'Hippomanes luy a esté donné, pour auant qu'il allume en l'homme les brâdons d'zamour semblables à l'effrenée cupidité des iumés. De là comme tesmoignent Aelian & Pausanias, Phormis l'Arcadian, y trouua si grande efficace, qu'il le mesla avec de l'airin, dont il fit vne iument sans queue car l'ouurage n'estoit pas si beau qu'il falust que pour ceste beauté fallacieuse, les cheuaux entraissent en furie seulement pour l'auoir veüe, lesquels toutesfois y estoient tellement allechez, & entroyent en si grande fureur, qu'apres auoir rompu leurs brides & li cols, ils montoyent dessus d'une plus grâde ardeur que si elle eut esté viue. Et encore que leurs pasturôs ne peussent tenir sur l'ærain, ains glissassent tousiours, si est-ce qu'ils ne desistoyent de leur appetit, mais au cōtraire, plus ardément que deuât. ils hénissoyēt, & ne les pouuoit on retirer de ce simulacre d'airin sinon à coups de fouët & de fourches. l'Hippomanes aussi, comme enseigne Theocrite, est vne plante, ou vne herbe, de laquelle apres que les cheuaux ont gousté, ils entrent en fureur, & de là elle a pris son nom.

*Plin. lin. 8.  
chap. 22.*

ON nombre entre les venins amoureux vn poil qui est au bout de la queue du loup aussi fait on la verge, le petit poisson nommé le Retardeur, la ceruelle d'un chat, & celle d'un lesard, le serpent nommé l'Estoilé, lequel est aussi nommé le Stinc: les os d'une grenouille verte, qui aura esté mangée dedans un terrier à fromis. Quelques vns disent aussi qu'en touchant l'os du costé gauche, l'amour s'esmeut, mais touchant celui du costé dextre la haine en procede. Ou bien comme les autres pensent: Prenez & iettez en l'eau, les os d'une grenouille rongez par les fromis, & dont vne partie nage dessus l'eau, & l'autre voise au fonds: enuelopez les dedans un raffetas blanc, & les pendez au col, ils seront que vous serez aymé: mais si d'iceux vous touchez un homme, la haine s'en ensuyura. Vne autre experience semblable avec les petits des harondelles. On prend tous ceux d'une nichee, & les met on dedans un pot: puis on les enfouit en terre, tellement qu'ils y meurent de faim apres les auoir retirez, ceux qui serôt trouuez morts le bec ouuert, seruēt à exciter à l'amour, & ceux qui aurôt le bec clos à haine. Si celui qui aura attaché un lesard

*Detestables experiences.*



au costé gauche de l'amary d'une Hyzène regarde vne femme, il en aura la iouissance. Ces venins amoureux sont aussi composez d'excremens, ou d'animaux engendrez de pourriture, ou de quelque matiere approchant de la nature humaine: laquelle toutefois comme elle est illicite, a acoustumé de troubler, & changer plus tost le sens que de contraindre à aimer. Ainsi les fleurs des femmes, principalement de celles qui sont choleres & hargneuses, ont acoustumé de tellement enherber ceux qui en boyuët, qu'elles les rendent lunatiques & fols. On tire encore des autres medicamens amoureux pris des vestemens des morts, des cierges, des esguilles, & bref, de toutes les choses qui ont serui au conuoy des trespassez: lesquelles ie nomme plus volôtiers, pour autant que ce sont plustost refueries, que choses approchantes de la verité: & ayme beaucoup mieux ne parler point des venins qui sont de pernicieuse vertu, conus par les Medecins, qui les voyent, au sixieme liure de Dioscoride, qui est de la matiere de medecine: & aux liures des autheurs Grecs, Arabes, & de quelques modernes, & qui sont trop remarquez par l'usage ordinaire.

*Que les boissons amoureuses, l'Hippomanes, & toutes telles choses rendent plustost les personnes furieuses, qu'amoureuses.*

## CHAP. XL.



V reste plusieurs personnages renommez sont d'opinion que les boissons amoureuses, l'Hippomanes, & toutes autres telles choses sont de peu de vertu, voire ne valent rien du tout pour veritablemēt esmouuoir à aimer, mais plustost qu'elles rendent les personnes furieuses. Ouide escrit au liure qu'il a fait des fards de la face:

*Ainsi plustost l'amour nous touche dans le cœur  
Que ces medicaments, que par vn art moqueur  
Et terrible, la main qui est magicienne  
Decoupe, à celle fin que l'amour en auienne.  
Ne vous fiez à l'herbe, ou au ius meslangé:  
N'essayez des iumens le poison entagé.*



*Par charmes la longueur des serpens n'estrompue,  
Et l'eau ne s'en reua dont elle estoit venue.*

Il escrit aussi au second liure de l'art d'aimer:

*Celuy qui a recours aux sciences d'Aemone  
Se trompe de beaucoup, comme celuy qui donne  
La louppe, prise au front d'un poulain nouveau né:  
Car l'amour ne vit point, & point il n'est donné  
Par mots, & par poisons que les magiciennes  
Ont meslé, ni aussi par herbes Medeeennes.*

Il prouue en apres ces propositions par les exemples  
de Medee, & de Circé:

*Circé la Phasienne eut bien en son seruice  
Retenu pour tousiours son amoureux V' lisse,  
Si par charme on pouuoit l'amour entretenir.  
L'amoureuse boisson ne seauoit maintenir  
L'amitié qu'on requiert d'une pucelle amie.  
Elle nuit à l'esprit, & l'emplit de furie.*

De là Eusebe de Cesaree escrit que le poëte *Lucrece* *Lucrece*  
deuint tellement furieux, apres qu'on luy eut baillé v- *furieux*  
ne telle boisson, qu'en la parfin il se tua de sa propre  
main: Quelques vns ont pensé que sa femme luy auoit  
baille ce bruuage, & qu'elle estoit nommee Lucile, se-  
lon le tesmoignage de S. Hierosme, quand il escrit con-  
tre Rufin en ces mots: Liue a fait mourir sō mary, pour  
autant qu'elle le haïssoit, & Lucile a fait mourir le sien,  
lequel elle aymoït trop: la premiere de son plein gré  
luy bailla du poison: & Lucile trompee donna au sien  
de la furie, au lieu d'un bruuage amoureux. Politian a  
escrit de Lucrece comme s'ensuit:

*Celuy qui auala la boisson amoureuse,  
Et qui fut tout rempli d'une amour furieuse,  
Mourut s'estant le corps d'un claine outrepercé:  
Ainsi que son bon sens l'auoit desia laissé.*

*In Nutriè.*

Ce qui auint à vn cheualier du royaume de Naples, *Pamor. an*  
est admirable. Il estoit gouuerneur de quelques places *4 lin. des*  
fortes & auoit des estats & pensions du Roy Alfonso. *est. d'Al*  
Or auint que par le moyé d'un bruuage que lui dōna v- *fonse.*  
ne courtisane il perdit le sens: à cause dequoy quelques  
vns demanderent ses estats au Roy, allegant qu'il n'y a-  
uoit point de propos de laisser telle charges a vn fol.  
Mais le Roy leur fit responce que ce seroit vne fort



grande inhumanité à son auis, d'oster les biens  
moyen de viure à ceux à qui la fortune auoit os-  
tendement & le cerueau, monstrant par cela  
faut pas affliger l'affligé.

*Liu. II. des  
ant. Ind.*

CORNELIUS Nepos, & Plutarque, ont escrit  
cuius Lucullus Empereur, ayant beu la boisson  
reueuse que luy bailla Callisthene, premierement  
aliené de son esprit, puis mourut. Pline s'en est so-  
en son vingtcinquieme liure enuiron la fin du  
chapitre. Iosephe & Suetone racotent que C. Ca-  
prit vn medicament amoureux de Cæsonie sa fe-  
mais qu'il en deuint furieux. Et le poëte Satyri-  
que ce bruuage estoit fait de l'Hippomanes:

*Si ce n'est que tu sois estonné de furie  
Comme l'oncle à Neron, pour lequel Cæsonie  
M'eslangea tout le front d'un poulain tremblotant.*

Mais Aristote au liure huietieme de la natu-  
animaux, chapitre vingtquatrieme, escrit que  
qu'on croit de l'Hippomanes, n'est que fable de  
les & inuention de ceux qui font profession d'en-  
terie. Il escrit aussi au second liure des grandes Mo-  
qu'une femme bailla vn bruuage amoureux à vn  
me, lequel en mourut subitement. Aussi est-il esc-  
Hippolite Marsil, que la mort est souuentefois  
cee par ces boissons, in d. l. eiusdem. §. adiectio. D.  
ca. Là où il est parlé au texte du venin amoureux  
me il est aussi parlé du bruuage amoureux en la le-  
quis aliquid. §. qui abortiuus. D. de pœnis. L'emp-  
Frideric d'Autriche mourut par le mesme moy-  
pareil bruuage, l'an mil trois cens trente le treiz-  
iour de Ianuier. Or encore qu'il semble que Con-  
premier des Empereurs Chrestiens ait pensé qu-  
mour s'acqueroit par art magique, en la loy qu'il f-  
de malef. l. eorum. en ces mots: Ou bien ils sont de-  
uerts d'auoir attiré les hommes pudiques à volupt-  
le moyen des sciences magiques. & Accurse en l'a-  
rique. quo. opor. epi. & cleri. §. hoc autem, in v-  
propter quædam. & Alberic. in rubr. hæred. col. 3.  
tesfois Epiphanius escrit au premier liure cont-  
heresies, tome second, en la section trentieme, que  
ces enchantemens amoureux, par lesquels la cha-



des femmes est assaillie, seront sans vertu si on y oppose le nom de Christ & le signe de la croix: ce qu'il conserme par vne histoire, laquelle n'est à reietter. Mesme la constitution de Sicile, laquelle cōmence, Les bruuages amoureux, estime que c'est vne chose friuole & fauleuse de penser que les bruuages puissent tirer l'amour. Vous pourrez lire ci apres au liure 4. chap. 10. l'histoire de la religieuse sollicitée à l'amour d'un ieune homme, par le moyen de l'art Magique. Je l'ay transcrite de S. Hierosme en la vie de S. Hilarion: vous verrez en peu de mots ce que i'en pense. Par cela il appert que les femmes dont parle Irenee, qui se reconcilierent à l'Eglise & abiurerent l'heresie d'un certain fantastique nommé Marc, qui les auoit tellement charmees, disoyent-elles, qu'elles l'aimoyēt desmesurément: n'auoyent esté enforcelées par aucun bruuage, ains par sa doctrine & par ses impostures, ou par sa beauté cōme il auient souuent.

Nous auons conu disēt Henry Institoris, & Iaques Sprenger, docteurs en Theologie, vne vieille, laquelle non seulement enchanta par boissōns amoureuses, trois Abbez l'un apres l'autre: mais aussi (comme le commun bruit est encore auourd'huy entre les freres du conuēt) les fit mourir, & mit le quatrieme hors du sens. Encore n'a-elle point de honte de confesser en public, qu'elle a fait ceste meschancetē & la fait encore, & que les Abbez ne se sont peu retirer de son amour, pourau tant qu'ils auoyēt mangē autāt de sa fiente que son bras estoit gros. Or confessons-nous qu'en core elle est viuante, pourau tant qu'on ne nous auoit baillé charge de la tirer en iugement, & la punir. Voila ce qu'ils escriuēt. Quant à moy, j'ay bien opinion que la fiente qu'elle disoit leur auoir fait manger, n'estoit autre chose que les ordes voluptez, que ces moines, cōme pourceaux veautrez en yn boubrier auoyent souuētes fois experimen tées avec ceste vieille paillarde exercitee en tel afaire & dont aussi ils estoient tellement allechez, cōme par forcelerie & empoisonnement, qu'onques ils ne peurēt desister & retourner à leur bon sens. Voila ce bruuage amoureux, voila les ordures de la vieille putain dōt les moines auoyent mangē aussi gros que le bras. Ceux en iugerōt aisement, qui estās tōbez en pareille condition

*Au mail-  
let des for-  
cieres: part.  
1. quest. 7.*



& allechez par mesme sorcellerie, sont soigner  
soustenir plusieurs coups, & de traualier en ces  
laine escrime. Virgile sur la fin de l'eglogue, inti  
Pharmaceutria, tesmoigne que les charmes magi  
ne peuuent rien en amour, quand il escrit:

*Par là j'aborderay Daphnis mon cher soucy.*

*Il n'a soing ni des Dieux ni des charmes aussi.*

LAOU Seruius remarque le mesme. Et Proper  
de ceste opinion quand il escrit en l'Elegie pre  
de son second liure.

*Soit que doyne toucher au dangereux bruage*

*De Phædre, qui ne peut porter aucun dommage*

*A son beau fils aymé:*

CAR il parle des bruages amoureux, par les  
Phædre tascha d'attirer à son amour son beau fils  
polite: & qui ne luy seruirent de rien. Parquoy O  
admoneste tresbien, qu'il se faut garder de ceste es  
d'art Magique, quâd il escrit au second de l'art d'ai

*Iettez au loin de vous tout mal fait detestable:*

*Il faut pour estre aimé, que vous soyez aymable,*

Et au premier liure du Remede d'amour:

*Je m'en rapporteray à celuy la qui pense*

*Que les magiciens ayent quelque puissance,*

*Et que l'herbe qui croit aux champs Aemoniens,*

*Ait pouuoir de l'aider.*

*Aux pre-  
ceptes de  
mar. 24.  
chap. 24.*

JAIOVTERAY icy vne histoire qui n'est pas  
propos, escrite en Plutarque. Philippe, Roy de M  
done aimoit vne ieune fille de basse cōdition, laq  
pour la grandeur des richesses royales au regard  
pauvreté, auoit facilement accordé au Roy ce qu  
demandoit. Ce que la Roynie Olympias entendant  
tree de cholere, principalement à cause que lon  
que par le moyen des boissons amoureuses ceste fi  
uoit attiré Philippe à son amour commanda qu'e  
chette on tirast la ieune garce hors de son logis, &  
on la luy amenast, ayât deliberé de la retenir en  
que prison, ou bien de l'enuoyer de là la mer, en  
que estrange contree. Ayant este amenee en sa pr  
ce, & la voyant belle, de bonne grace, & de bon e  
gentile, & amiable au possible. elle dit tout haut:  
trois plus aux calōnies & faux rapports, car tu as en



mesme la vertu des enchantemens. Ainsi s'appaisa son courroux tant contre la fille que contre son mary.

C E qui est escrit en Stobee, & pris de Menandre, chapitre soixantecinquieme sert à ce propos. Les meurs & facons de faire benignes & douces, sont les boissens amoureuses, par lesquelles la femme a acoustumé de vaincre son mary: & certainement ce sont les vrayes forcelleries amoureuses. Car nous auons en horreur les femmes, qui s'aident d'autres bruuages amoureux: comme mesme Plutarque le tesmoigne au liure qu'il a escrit du moyen d'entretenir la santé. si bien que par mesme raison il ensuit qu'il faut detester les femmes, qui s'aident de telles choses enuers leurs maris. Le mesme Plutarque escrit aux preceptes nuptiaux, que tout ainsi que la pescherie faite par medicamens, prend incontinent & aisement les poissons, lesquels toutesfois elle gaste & rend moins idoines à estre mis sus la table: ainsi celles qui pour obtemperer à leurs voluptez, s'essayent de dōpter leurs maris par arts amatoires, & par charmes, passent leur vie avec les estonnez, les fols, & gens gastez d'esprit. Car (dit-il apres) Circe ne fut aucunement soulagee par ceux qu'elle auoit enherbez, & n'abusa d'aucun d'entr'eux, puis qu'ils auoyent pris la forme de pourceaux & d'asnes: toutesfois elle ayma merueilleusement Ulysse homme sage & qui conuersoit avec elle prudemment. Voila ce qu'il escrit. Parquoy il faut que nous nous essayons de gagner l'amitié de nos femmes, en leur portant vn amour mutuel, & celle des autres par chasteté & par autres conuersations saintes & honnestes. Ainsi demeurera en son entier la loy matrimoniale d'André Tiraqueau tresdocte & excellent Iurisconsulte, en laquelle il escrit.

Q V E l'homme & la femme s'abstiennent de bruuages, & autres sortes de boissens magiques, par lesquels on pense que l'amitié s'aquier.

A V contraire que par affection mutuelle, & par autres moyens honnestes ils s'entreprouoquent à aimer & ainsi conseruent & augmentent leur amitié.

I E confesse librement que j'ay esté vn peu long à prouuer ceste proposition assez plaisante, par laquelle j'ay monstré qu'il y a grande communication entre les



boissons amoureuses & la fureur Magique, & i'e  
aussi que les lecteurs prendront cela en bonne par

*Les moyens par lesquels les sorciers nuisent au bestail.*

# CHAP. XLI.



Es sorciers ont acoustumé de nuire  
re de faire mourir le bestail, par le m  
de quelques drogues qu'ils meslent p  
la prouuande, afin qu'il l'auale, & qu'i  
tire en respirant. Le mesme se peu  
re par frotemens ou applications, comme ie con  
mais aussi se faut-il souuenir que quelques vns de  
pre gré cachent de la fiente de loup en quelque lie  
l'estable: tellement que le bestail la descourra  
fleurer, & craignant leur ennemi mortel & deuora  
raison d'une certaine contrepassion qu'ils ont en  
ble) est tellement agité de fureur, que les ignares c  
ent fermement qu'il est ensorcelé, & se vont cons  
à ceux qui ont esté auteurs d'une telle sorcelerie.  
dit par mesme maniere, que la queue d'un loup  
due en l'estable des bœufs ou des chevaux, les en  
che de manger: car ils sont estonnez de crainte par  
deur, tellement qu'encore qu'ils ayent faim, si e  
qu'ils ne se souuiennent point de manger: ainsi que  
uantes fois nous voyons auenir aux hommes es gra  
craintes & frayeurs.

En la duché de Vvirtemberg assez pres de Tul  
gue, se trouua vn bourreau assez expert à brasser  
sons, qui fit l'essay de ses drogues sur le bestail du p  
l'an mil cinq cens soixante quatre. Car dautant  
les cuirs des bestes ainsi mortes luy appartenoyent, il  
poisonnoit secrettemēt les bœufs, brebis & pource  
qui paissoient par les champs: tellement qu'il am  
& vendit tant de peaux, de suifs & de graisses par  
menees à Augsbourg & à Strasbourg qu'il amassa  
ce dallers, & deuint riche en peu de tēps. Cela le  
dit suspect & finalement il fut accusé d'estre empois  
neur. Le magistrat l'empoigne, luy donne si viuem  
la question qu'il confesse la verité. Au moyen deq  
il fut tenaille au commencement du mois d'Aoult



faut mettre en ce rang ceux qui donnent des coups de poinçon aux cheuaux & iumens, ayant descouuert la peau premierement, puis recouurent la playe, afin qu'il semble que la beste ait esté enforcelee. Ainsi donc, le bestail est empoisonné en beaucoup de sortes, & faut y prendre bien garde, de peur que l'innocent ne soit chastié au lieu du coupable. Or n'ay-ie pas delibéré d'expliquer plus au long les venins naturels, pour autant que ce n'est pas nostre dessein, attendu que nous auons deliberé de descourir seulement les effets des maladies qui aduiennent contre la loy de nature.

*Fin du troisieme liure.*




z. ii.



LE QVATRIEME L  
VRE, AVQVEL IL EST  
TRAITE DE CEUX QUE  
lon pense auoir esté enforcelez  
par les forcieres.

*Qui sont ceux que lon dit estre empoisonnez, & de quels e  
celex il est parlé en la Bible: Item que tous ceux que lon pense  
tourment & par les charmes des forcieres, sont pourfuyus ou p  
dex du diable.*

CHAP. I.

 N dit communément que ceux là sont  
forcelez, qui cōtre l'ordre de nature (t  
tesfois par la permission de Dieu) sont  
souuent tourmentez en leurs corps p  
diable en diuerses & non acoustumées  
nieres soyent hommes ou bestes: sauoir, quand le dia  
entre en leur corps, ou bié s'il n'y entre, lors qu'il tr  
ble & gaste les vtiles humeurs d'iceluy, ou transpo  
les nuisibles es parties principales, afin d'en estouper  
veines, & conduits naturels: ou lors qu'il demet la l  
son des instrumens, ou qu'il trouble les esprits de dan  
cerueau, les remplissant de diuerses & estranges figu  
lesquels esprits, il esment quelquesfois, afin que la ve  
animale se monstre en eux beaucoup plus puissa  
qu'en ceux qui sont sains; soit qu'il trouble le corps  
dans ou dehors par quelque matiere venimeuse, ou  
quelque fumee, ou par autres telles choses, qui cach  
en elles les causes d'une infinité de grieues & esm  
ueillables maladies. Cependant les substances, &  
puissances, ou facultez de l'homme ne demeurent  
liurees des charmes de ce subtil & artificiel enner

N



Nous en voyons l'exemple plus cler que le iour en Iob *Iob 1.* lequel perdit à la poursuite du diable, premierement, cinquante paires de bœufs, & cinq cens asneffes, & furent ses seruiteurs frapez au trenchant de l'espee. Puis apres sept mil de ses ouailles avec ses seruiteurs, qui furent consummez par le feu du ciel. En troisieme lieu il perdit trois mil de ses chameaux qui luy furent emmenez, & ses seruiteurs moururent. Puis apres sa maison fut abatee de fond en comble par les vents impetueux que Satan auoit esmeus, & là dedans ses enfans furent tuez. Or apres que par tels amas de calamitez, le diable vid qu'il ne pouuoit tellement retirer Iob du vray seruice de Dieu, qu'encore il ne glorifiast le nom du Seigneur: derechef, par la permission de Dieu, il le toucha d'un meschant vlcere, depuis la plâte des pieds iusques au sommet de la teste: & ainsi Satan le defigura si vilainement, que le pauvre miserable estant assis dedans les cendres, faisoit purer avec vn test la bouë de ses vlceres, estant tellement tourmenté de sanglante douleur, qu'encore avec tout cela, sa femme souhaitoit qu'il mourust, & ses amis qui le visitoient ne le pouuoient reconnoistre. Que dira-on autre chose de luy, sinon qu'il estoit enforcelé & enchanté en tout ce qui luy appartenoit? De quels poisons s'est aidé le diable en cest endroit? quelle estoit la peruerse malvueillance d'une forcieriè, & quel exécrationnable medicament? Le diable, qui a la volonté prompté, est de soy-mesme assez puissant pour parfaire toutes choses mauuaises, pourueu que tant seulement il ait la permission de la maiesté diuine, à la volôte de laquelle il est contraint d'obeir bon gré maugré. Le diable tourmenta griesuement par l'espace de sept ans entiers Nebuchadnesar Roy de Babylone, lequel estoit furieux & chassé aux deserts loin de la compagnie des hommes, où il viuoit de foin à la maniere des bœufs, & auoit le visage defiguré, le poil croissant comme le plumage des aigles: il auoit les ongles comme ceux des oiseaux, & tous les sens troublez.

*Daniel 4.*

Le demoniaque de la contree des Gadareniens fut tourmenté vn espace de temps par les enforcellemeus du diable: car il sortoit tout nud des monumens auxquels il demouroit, & estoit tellement furieux que per-



*Mat. 8.**Marc 5.**Luc 8.**Marc 1.**Mat. 17.**Marc 9.**Luc 9.**Luc 13.*

sonne n'osoit passer par ceste voye: personne aussi ne l'auoit peu enchaîner, pour autant qu'encore que souuentes-fois il fut emmenoté & enferré par les pieds, si ne laissoit-il pas toutes-fois de les rompre, & d'estre poussé & mené par le diable iusques aux deserts. Il crioit à haute voix & disoit: Qu'auons nous à faire avec toy Iesus fils de Dieu? tu es venu icy pour nous tourmenter deuant le temps. Les diables le prioient qu'il ne leur commandast d'aller en l'abisme: mais plustost qu'il leur permit d'aller loin dedans les corps des pourceaux, qui estoient en la môtaine. Alors si tost que Iesus Christ leur eut permis, ils sortirent dehors & entrèrent en la troupe des pourceaux, lesquels ils precipiterent en la mer, où ils les estouferent. Ainsi deux mille pourceaux tourmentez par les charmes des diables se ruinerent d'eux mesmes. Ne mettons pas au rang des enforcellez, celuy que l'esprit immode derompoit, lequel sortit par le commandement de Iesus Christ, sans luy faire mal. Nous adiousterons icy le Lunatique, qui des son enfance auoit vn esprit muet, par le moyen duquel, routes les fois qu'il en estoit tourmenté, il se deschiroit en escumant, & deuenoit sec: cest esprit le iettoit souuentes-fois dedans le feu & dedans l'eau afin de le perdre: & ne peut estre chassé par les disciples de Iesus Christ, à cause de leur incredulité. Mais l'enfant estant en fin aproché de Iesus Christ fut incontinent desrompu, & veutré par terre, il estoit comme mort & derechef il fut deschiré: mais par le commandement de Christ, l'esprit fut contraint de sortir, puis Iesus le releua par la main. La femme qui auoit l'esprit d'infirmité, n'enduroit elle pas les choses mesmes, que nous disons endurer celles qui sont enforcelees, elle qui fut liee par Satan l'espace de dix huit ans, & tellement entreprise de tout le corps qu'aucunement elle ne pouuoit souleuer la teste? toutes-fois elle fut desliee de cest empeschement par Iesus Christ au iour du Sabbath. Item celuy qui estoit muet, Matth. 19. & l'autre qui estoit muet & sourd, Matth. 12.

QVI est, ie vous prie, celuy si obstiné qui vneille nier que si ceux, desquels i'ay maintenant parlé, estoient veus par le peuple, chascun ne dist qu'ils seroyent agitez contre tout ordre de nature, miserablement at-



folis, entrepris de leurs membres, piquez & tourmentez par la sorcellerie de quelque vieille damnee? Mais par quel moyen est-ce que l'escriture tesmoigne qu'ils ont esté ainsi assuiectis à ceste calamité? par celuy du diable? Par l'aide ou commandement de qui? De personne, ains seulement de la sanglante malice & peruerse volonté des diables, avec la permission de Dieu, selon le conseil de ses secrets: à celle fin que ceux qui sont ainsi tourmentez fussent par ce moyen esprouuez, ou chastiez ou amendez. Ainsi ne trouuera-on point en tout le grand volume du vieil & nouveau testament vn seul exemple, par lequel il aparaisse que Satan se soit aidé, ou qu'il ait requis aucun ministère de sorciere: & toutes-fois il faut confesser que là dedans rien n'a esté obmis qui peult descouurir la puissance, les actions, & les tromperies d'iceluy. Dauantage ce vieil trôpeur & pecheur, n'a besoin d'estre aidé d'aucun, luy qui peut assez & de soy-mesme tromper les hommes, leur charmer l'esprit & les yeux, les tourmenter de maladie contre l'ordre de nature, leur couvrir le corps d'ulceres, & troubler l'air en diuerses manieres. Nous lisons dedans le li-  
*Seconde*  
 ure intitulé le Maillet des sorcieres, que le diable fait *part. quest.*  
 ses sorts de soy-mesme, & que pour l'exécution d'iceux *2. chap. 7.*  
 il n'a aucun besoin du consentement de quelque malheureuse vieille, de laquelle toutes-fois il cherche la perdition & le dânement: Parquoy il la contraint de luy aider en quelque sorte. Gregoire testifie qu'il n'a besoin que de permission, puis-que tousiours il a la volonté mauuaise. Ce pendant il se rencontre quelques vieilles seduites, lesquelles confessent que toutes telles meschancetez procedent de leur ordonnance, & ont opinion qu'elles tourmentent les vns cruellement: qu'elles empeschent l'heureux succes des affaires, & qu'elles font tous les autres miracles diaboliques. I'ay dit cy dessus que toutes ces pauures folles sont tellement, & pour diuerses causes, enuironnees du diable, que leur esprit est blessé & enforcele par telle maniere, que leur cerueau, principal instrument des pensées & des imaginatiōs, est tellement embrouillé & imbu d'estranges & de trompeurs phantosmes & figures, à cause de leur incredulité, (tout ainsi que i'ay môstré auenir es songes



profonds & melancholiques) qu'elles ne sçauent ni entendent rien que cela: si bien qu'estans sur la tortue elles confessent que les meschâcetez veritablemēt pcedees du diable, par la permission de Dieu, sont leurs propres, encore qu'elles ne le soyent qu'en phantasie. Et par ce moyen elles racontent vn nombre certain de ceux ausquels elles disent auoir mesfaict, & vns desquels elles cōfessent (tant elles ont l'opinion de prauuee) auoir fait auueugles, les autres estropiats, & autres tourmētez en diuerses manieres: dont elles meritent plustost destre nommees enforcellees, & encheuees, que sorcieres. Parquoy ie confesse librement & certifie en conscience, que tous ceux qui sont tourmētez si cruellement & si diuersement par espee de reuement de nerfs, de maladies prodigieuses, de vomissements & vuidāges contre le cours de nature qui contiennent des diuers bruits, qui parlēt, qui remarquent seulement quelques certains personnages, qui nomment accusent les hommes, comme font les inuenteurs de cruels spectacles: Ie certifie, di-ie, que toutes telles gens sont poussez par le dæmon malin & menteur, lequel n'est aucunement aidé d'ailleurs, si ce n'est que l'on s'apercoyue qu'on ait fait prendre du poison, ou qu'on ait apliqué quelque matiere venimeuse cōtre le cor

*Des choses monstrueuses reiectees par la bouche, lesquelles, comme il est monstré par plusieurs arguments, n'ont point esté dedans le corps.*

## CHAP. XI.



L faut ici rapporter le vomissement de plusieurs choses monstrueuses, en la vuidance desquelles cest imposteur sçait si bien commander les sens de quelques vns, que iadis ils ne veulent croire autrement, sinon qu'elles ayent esté tirées du milieu du corps. Telles choses sont communément des morceaux de drap, de graine, des cloux de fer d'assez iuste grandeur, & des perles rompues d'iceux, des agraphes de fer, & du cuyr des aiguilles, des espingles en grand nombre, quelque



fois atachees enséble ou piquees en vne piece de drap & des plotons de fil. l'en ay veu de toutes ces sortes. On vomit aussi quelques fois des os, des esguillettes, & autres telles choses plus monstrueuses, qui le plus souuent sont plus grandes que n'est la naturelle estendue du conduit que nous nommons la gueule, par lequel seulemēt la voye se presente de la bouche au ventre: qui est vn argumēt suffisant & non reprochable, par lequel ie prouueray que telles choses sont mises à la bouche par la subtilité & habilité soudaine du diable, cependant que nos yeux sont vaincus par son adresse subtile, ou trompez par charmes, ou par l'interposition de quelque corps aérien, ou autrement esmeus au dedans ou en dehors, ou bien esblouis en leur esprit, ou en leurs humeurs. Voila les moyens par lesquels ce cauteleux ourtrier nous tourmente en diuerses manieres, par ses machinations malicieuses. Il auint à Nieumeghe, en l'vne des festes de Pasques, qu'vn quidam voulut follement entreprendre d'aualer vn œuf de poule tout entier: mais pource que le conduit n'estoit pas assez large, l'œuf s'arresta & demeura si serré dans le gosier, qu'ayant estoupé entierement l'artere, & bouché le passage du soufle, ce pauvre malauisé fut estouffé soudainement.

DAVANTAGE si vous alleguez au contraire, que telles ou semblables choses ne sont aucunement reiettees de la bouche, mais aussi du profond du corps: ie vous demanderay volontiers en quelle partie d'iceluy elles ont esté arrestees ou cachees, veu qu'en tout le corps il n'y a aucun conduit qui soit commun avec la bouche, si vous exceptez la gueule, & le siflet: la teste duquel, que lon nomme le nœud de la gorge, est bastie de trois tendrons. Lors que nous respirons, cest emboucheure est ouuerte, & lors que nous auallōs, elle se clost ordinairement, & souuentesfois du tout, Pour ceste raison, elle a esté afermie de liés membraneux & nerueux. Or par ce filet seulement passé & repassé l'air pur ou impur avec les excremens qui sortent en expirant ou en inspirant: & ces excremens sont quelques humiditez, comme sang, phlegme, ordure, ou autre bouë que lon pousse dehors en toussant: tellement qu'il est tout manifeste, qu'il ne passe par là aucune autre matiere



*Des cau-  
cach. des  
malad. &  
guer. c. 24.*

*Li. c. 6. 16*

plus grosse, si ce n'est au dâger de la vie, encore qu'il y ait  
cas d'auanture il y passe quelque matiere durette.  
Antoine Beniuenius raconte quelles douleurs d'estomach  
stez & quelles petites toux seiches, non sans grand  
ne de mort, qui durerent par l'espace de trois ans, si  
petite pierre grosse comme vne auelaine, auant qu'il  
peust estre chassée dehors en toussant. Alexandre  
lian ameine vn exemple d'vn quidam, lequel ayant  
vn fort long temps tourmêté de la toux, n'en peut  
deliuré qu'à grande force, & iusques à ce qu'il eust  
vn petit caillou legier, dur & resistant au toucher.  
Il n'auoit opinion que s'il n'eust vſé de conseil, il fust mort  
ainsi que ceux qui sont malades de chartre. Il me sem-  
ble que le semblable est auenu à vn bourgeois de Dole  
bourg. Celuy que i'ay pour compagnon en ma char-  
tient encore chez soy vne pierre de la grosseur d'vn  
fœue, laquelle il tira l'an mil cinq cens cinquante trais  
en l'hospital de Pise, hors des poulmons gauches d'vn  
ieune homme, qui estoit mort phthisique. lequel auoit  
auoir esté tourmenté d'vne longue toux, l'espace de  
trois ans entiers, commença à choir en chartre, dont  
pres il mourut: la pierre est fort raboteuse, rude, lege-  
re, blanchastre & faite en ouale. Par ces moyens donc  
ce conduit ainsi estroit, dur & tendronneux, ne peut  
receuoir ceste substance grosse, ample, solide, & diuer-  
sément conformee. Parquoy il s'ensuyuroit que toutes  
choses miraculeuses seroyent reiettees du fond de l'esto-  
mach par la gueule, qui est le conduit destiné pour  
boire & le manger, & l'vn de ceux qui est au fond de  
bouche, s'il est ainsi que parauant elles auoyent esté au  
plus profondes parties du corps. Or les Medecins con-  
noissent assez que l'estomach est du tout nerveux, & prin-  
cipalement en son embouchure: & que pour ceste cause  
il est merueilleusement sensible, qu'il est facilement of-  
fensé par vne petite fumee ou vapeur pourrie, qu'il est  
grièvement blessé par vn humeur poignant ou aigre, &  
qu'en iceluy il se fait de trescruelles maladies. Car vous  
en trouuerez quelques vns estre tourmentez grieuement  
par des vents engendrez en leur estomach, procedant  
d'humours phlegmatiques, ou autrement corrompues  
ou bien des viandes conuerties en vapeurs par vne cha-  
leur



leur debile: vous verrez les autres tourmentez en de-  
 faillance & esuanouissement par vn amas d'humeurs  
 crues & non digerées, ou corrompues & poignantes à  
 l'endroit de l'embouchure de l'estomach. Quelques  
 vns aussi sont tourmentez de la cholique par la mauuai-  
 stie des viandes, ou par vne abondance d'humeurs ma-  
 lins, cōme par vne cholere corropue, & par vn phleg-  
 me salé & poignant, en laquelle quelquefois il sort des  
 ordures choleriques en si grande abondāce, & par haut  
 & par bas, qu'il aduient qu'avec les humeurs, les forces  
 sont incontinent abatues à raison de plusieurs esprits  
 qui se consomment: les malades sont alterez, ils suent, dōt  
 il ensuit vn tremblement de cœur, vn esuanouissement  
 & quelquesfois la mort tres douloureuse. Ces choses  
 ainsi tresexactement considerees par la confrontation  
 de la cause materielle, qui fait les grieues maladies &  
 les accidens mortels, avec les vomissemens trompeurs  
 d'vne matiere grāde, dure & aiguë, faite de fer, d'airain,  
 de bois & d'os, & avec les vuidanges de linges & mor-  
 ceaux de drap, tellement ennemis & nuisibles à l'esto-  
 mach, & principalement à son embouchure sensible,  
 que mesme lon est en grand danger d'estre estouffé, si  
 vn seul poil descend dedans le gauion de la nature mer-  
 ueilleusement sensible: (à plus forte raison n'endure-  
 roit-il vne aiguille ou vne espingle, lesquelles nous  
 voyons estre quelquesfois auallees sans y penser, avec  
 grand peine & danger de la vie:) les choses, di-ie, ainsi  
 conferees, il faudra necessairement arrester & asseurer  
 d'vn commun consentement, tant la force de raison &  
 de la verité est puissante, que tout cest amas de matie-  
 res iettees par la bouche, est poussé au plus profond du  
 gauion par le diable imposteur, subtil, & soudain, & non  
 point plus outre entassé, car il se contente de menacer  
 le pauvre miserable d'vn prochain estranglement: ce  
 qu'il fait pendant qu'il trompe la soudaineté de nostre  
 veue, ou qu'il trouble l'esprit, & obscurcit les rayons d'i-  
 celle veue, crainte que ses impostures ne soyent descou-  
 uertes. Voila le moyen par lequel ce vieil pecheur atire  
 plus profondemet en sa nasse les simples idiots, & ceux  
 qui ont la foy volage & debile. Quelques vns ainsi tra-  
 uaillez, publient que ce mal leur a esté fait par d'autres  
 qui en sont innocens, lesquels parauanture sont plus gens



de bien & meilleurs Chrestiens que ne sont Ieu-  
cusateurs. Ce qu'ils font à la poursuite malicieuse  
Satan pere de mensonge, voire par la propre voix qu'il  
malin contrefait en eux, & ce que mesme i'ay en-  
tendu de mes propres oreilles. Cecy sera encore plus ma-  
nifeste, d'autant que le plus souuent ceux qui sont  
affligez ne sentent aucune douleur en leur estomac  
auant les vomissemens violents de ceste substanc-  
guë, poignante & escorchante: veu toutesfois qu'à  
peine se peut il faire qu'en vne telle quantité de chos-  
es il ne s'en rencôtre quelqu'une de trauers, laquelle  
reste en quelque endroit, & face là des douleurs con-  
nuelles. Ainsi que Beniuenius raconte estre auenu  
à une femme qui auoit auallé vne aiguille d'arain. Ie  
mierement, dit-il, elle, n'en sentit aucun inconueni-  
ent, puis vne douleur assez poignante commença à to-  
rmenter à l'entour de l'estomach, laquelle continuant  
plus en plus, elle se conseilla à plusieurs Medecins, mais  
qu'elle se souuinist aucunement de l'esguille qu'elle  
auoit auallée, Là dessus les Medecins furent de plusieurs  
opinions: car les vns penserent que ce mal procedoit  
de quelque humeur aiguë: les autres, d'un vent enfermé  
entre les membranes de l'estomach: & les autres estoient  
d'opinion que cela estoit d'une mauuaise habitude.  
Ceste pauvre femme fut ainsi tourmée par l'espace  
dix ans, & viuoit miserablemēt, lors que l'aiguille ayant  
percé l'estomac se manifesta & sortit dehors. Beniuenius  
testifie auoir veu l'aiguille, & auoir gueri la femme.

L'ADIOVSTERY en brieue ce que i'ay veu aduenir  
ce que i'ay obserué, & ce que i'ay fait depuis peu de temps  
& en pareil cas, afin que ceux qui iugeront que i'ay bien  
fait, en puissent auoir contentement. Il y auoit à Duse-  
dorp au mois de Mars l'an 1564. vne honneste femme  
nommee Heluiche, qui d'auenture voulant remuer  
son enfant, tenoit deux espingles en sa bouche, l'une grande  
& l'autre plus petite, lesquelles sans y penser, elle aualla  
de haste qu'elle eust d'aller secourir l'enfant qui  
crioit. Ces espingles s'arrestèrent l'espace de quelques  
heures enuiron quatre doigts au dessous du nœud de la  
gorge, là où elle enduroit vne grande douleur poignante,  
avec plusieurs angoisses. Or estant en fin apelé pour  
la voir

*Des choses  
each. des  
mal. chap.  
20.*



la voir, ie commanday qu'on ne luy baillast ne boire ne manger que premieremēt ie n'eusse essayé de les retirer avec des petites pinsettes crochuës que i'auois cōmandé d'apporter. Mais à peine estois- ie sorti qu'on luy bailla vn bouillon, qui fut cause que les espingles descendirent plus bas dedans la gueule, vn peu au dessus de l'embouchure de l'estomach: dont ses douleurs recōmencerent cōme deuant, & fus rappelé pour la soulager. Ie luy fis bailler en assez grande quātité de la biere, & dn beurre, du pain de seigle rôpu en gros morceaux, daquel on a acoustumé d'vser en ce pays: puis ie la fis coucher sur le dos, car aussi estoit- il nuict. Par ce moyen ie pensay que les espingles descendroyēt au fond de l'estomach, lesquelles autrement ne pouoyent estre rendues par vomissement, attendu qu'elles estoient attachees cōtre la gueule, & que par la force du vomissemēt elles se fussent ficees encore plus auant, si la malade se fust efforcée de les reietter. Ainsi donc des le lendemain à trois heures du matin, les espingles furent aualees au fond de l'estomach par la pesanteur du pain. Lors ie luy fis prendre des bouillons de chair grasse, & de la ceruoise avec du beurre: & luy commanday de se tenir tousiours couchée sur le costé droit, & ne mettre rien sur son ventre, seulement soustenir ses cuisses & ses bras dessus des oreillers, afin que plus aisément les espingles sortissent par l'embouchure d'embas de l'estomach, & que par ce moyen elles entraissent dedans les boyaux. Ie la fis leuer vn peu deuant le soir, & luy commanday de se tenir droite sans se courber deçà ni delà, craignant que par vn mouuement inegal, les espingles ne s'arrestassent aux replis des boyaux. Ainsi donc ie la fis pourmener doucement, & n'enduray qu'elle se penchast: car ie sauoie bien que par ce moyen les espingles s'aualleroiēt plus commodement avec les ordures communes.

T'ADMONESTAY dauantage que lon gardast ses selles soigneusement, au milieu desquelles (apres qu'elles furent deslayees en de l'eau) les deux espingles apparurent le iour suyuant, la plus grande desquelles estoit vn peu tortue. Or encores qu'elle en fust deliuree, si est- ce qu'elle demeura quelques iours malade, soit que la crainte qu'elle auoit eüe ou quelque autre accident en fust cause: toutesfois elle fut incontinent guerie.



MAIS ie reprendray le fil de mon propos, pour m'expliquer que telles choses que lon rend par le vomissement n'ont esté dedans l'estomach, dautant qu'encores lon les rende long temps apres auoir pris des viandes. est-ce qu'on n'aperçoit aucune partie d'icelles matieres parmy ce vomissement trompeur: ce que i'ay soigneusement & diligemment obserué. Dauantage incontinent que les malades ont reietté ceste matiere dure & guë & diuerse, par laquelle, encores qu'il n'y ait point de doute que l'estomach & gueule n'eussent esté deschargés & raclez, si elle eust esté plus auant que le gaulion: si ce qu'ils ne laissent de manger d'aussi bon appetit, que ceux qui ne sentent aucune douleur en ces parties. que i'ay obserué plusieurs fois en la ville d'Arnhem & Gueldres, lors qu'estant aux gages de la ville, i'y exposois mon estat, l'an mil cinq cens quarante & huit. Or de ce temps on amenoit vne infinité d'hommes tourmentez du diable, & en la mesme maniere que ce dont ie parle, desquels ie maniois atentiuement l'estomach & deuant & apres le vomissement, & en la presence de plusieurs, les tournant & retournant dessus & dessous, tantost du poing, tantost de la main, & tantost des doigts, à celle fin que s'il y eust eu aucune matiere gaulion de, rude ou aiguë en ceste capacité, elle se fust descouuverte par l'atouchement que ie faisois en la partie: par lequel aussi esmouuant vne enuie de vomir, il n'y a point de doute que ie n'eusse fait sortir quelque chose de ceste matiere, si elle eust esté en l'estomach. Au lieu est-il necessaire qu'elle y eust esté arrestee, si comme chacun pensoit elle fust sortie du profond du corps: toutesfois on n'aperceut iamais qu'en ce faisant il sortist rien par le vomissement: & mesme l'estomach ne sentit onques aucune douleur, par le maniement que i'en faisois, ce qui ne fust ainsi aduenü, si la matiere que nous voyons deuant nos yeux sortir de la bouche des demoniaques, eust esté reseruee plus bas que le gaulion.

*Histoire memorable d'une fille demoniaque, laquelle on disoit estre tourmentee par les sorcieres: ensemble quelque discours du signe de la croix.*





**L**y auoit vne ieune fille demoniaque aagee de seize ans ou enuiron, laquelle i'ay maniee en la façon que i'ay cy deuât escrite, incontinent son pere & vn autre qui auoit acoustumé de la voir & garder, s'aperceurent qu'elle vouloit vomir. Or ainsi comme atentiuement & diligemment i'eusse enuie de regarder en sa bouche, au mesme instant que ie commençay d'y ietter l'œil, i'aperceu vn morceau de gros drap noir, lequel estoit dessus sa langue, & sur lequel ie mis incontinent la main, voulant espraindre les bouts de ceste chose prodigieuse, du costé qu'elle regardoit le plus profond de la bouche, à celle fin que par ce moyen ie môstrasse qu'elle n'auoit esté au parauant dedans l'estomach, ce que ie m'estois desia essayé de prouuer plus au long. Car aussi son pere me racontoit que plusieurs fois auparauant elle auoit ietté beaucoup de telles matieres amassees: mesme il monstroït des enseignes de ce qui estoit vray: à sçauoir vn morceau de gros drap noir, dedans lequel il y auoit plusieurs espingles & esguilles enfilees, & des morceaux de vieux cloux de fer atachez. La piece de drap deschiree, que ie dis auoir veu, à peine estoit elle mouillée de salive, encores qu'il y eut desia 3. heures que la fille auoit disné: & toutesfois il n'y a point de doute qu'elle n'eust esté meslee parmy les viâdes desia digerées, s'elle fust sortie du fond de l'estomach. Mais afin que Satan laissât quelque opinion aux assistans que ce drap en estoit sorti, il feignit vne petite voix puerile, non naturelle, & comme inarticulee, par laquelle il sembloit que la fille dist que ce qu'elle auoit ietté luy sembloit amer. Et certes il n'y a point de doute qu'elle ne procedast du diable, lequel, cōme tesinoigne saint Augustin, a acoustumé de s'aider de la langue de celuy, au corps duquel il fait sa demeure. Dauantage ce malheureux bourreau auoit peu au parauant excité vn horrible & tragique spectacle, qui auoit duré quelque tēps en ceste pauvre fille, & durât lequel nous aperceuiōs sa bouche estre tellement fermee, qu'elle demouroit cōme muette: lon voyoit aussi ses mains fermees estroitement, ses yeux tournez de costé, bref tout son corps estre miserablement affligé par vn tréblement étrange. Et en-



cores que son pere & celuy qui luy faisoit compagne  
 assureassent qu'on ne luy pouuoit faire ouurir les mains  
 & la bouche que par le moyen du signe de la croix.  
 est-ce que ie les luy faisois ouurir & remettre en leur  
 naturel, sans aucun signe, par le moyen de la fiance que  
 j'auois en Dieu, contre la trompeuse hypocrisie du diable.  
 Non toutesfois que ie vueille en rien deroguer à la croix:  
 car la parole d'icelle est la puissance de Dieu, par laquelle  
 ceux qui acquierent le salut: toutesfois ceste puissance  
 n'est pas au signe, ains elle consiste en l'imitation  
 Iesus Christ crucifié, lors que suyuant ses pas nous re-  
 nonçons à nous mesmes, & portons ordinairement nostre  
 propre croix pour le suyure. Les Iuifs demandent vn signe  
 mais saint Paul leur presche Iesus Christ crucifié.  
 Nous pouuons toutes choses par luy qui nous fortifie.  
 Les Apostres chassent les diables en son nom. Le diable  
 ne craint pas le signe de la croix, mais plustost la croix  
 ou le crucifié, ou bié la punition. Et pour ceste raison  
 crie apres Iesus Christ: Tu es venu pour nous tourmenter  
 deuant le temps. Et mesme si nous aioustons foy aux  
 peintres & aux imagiers, nous ne voyons iamais les croix  
 des larrons pres de celle de Iesus Christ, que sur celle  
 du costé gauche il n'y ait vn diable espouuantable  
 à voir. Cepédant toutesfois ie n'ignore point que les philo-  
 sophes Arabes n'ayent nommé la croix, la force de toutes  
 choses celestes: d'autant que leur puissance resulte de la  
 droite conduite des anglets & des rayons: & mesme  
 que les estoilles sont merueilleusement fortes lors qu'elles  
 ont la figure du ciel elles obtiennent les quatre coings. De  
 plus Ruffin raconte en l'histoire ecclesiastique que la croix  
 a esté mise entre les lettres sacrees par les premiers  
 Rois Egyptiens, la vertu & forme de laquelle signifie  
 l'esperance de salut aux hommes qui croient en Iesus  
 Christ nostre sauueur. S. Hierosme encore admoneste  
 Demetriade, qu'elle fortifie souuentefois son front  
 par le signe de la croix, à celle fin que l'exterminateur  
 d'Egypte ne trouue lieu en elle. Il dit aussi escriuant  
 Eustoche de la conseruation de virginité, qu'elle fortifie  
 le signe de la croix en toutes ses affaires & à chascun point  
 qu'elle fera. Tertullian auoit escrit le mesme. Nous fai-  
 sons, dit-il le signe de la croix sur nostre front à chascun  
 point.

1. Corin. 1.

Parole de

la croix,

puissance

de Dieu. 1.

Pietr. 2.

Marc 8.

Luc 9. 1.

Corin. 1.

Philip. 4.

Le diable

ne craint

point le si-

gne de la

croix, mais

la croix

mesme.

Mat. 8.



pas & mouuement que nous faisons, à chaque entree & sortie: lors que nous nous vestons & chaussions, lors que nous nous lauôs, lors que nous sommes à table, aux entrees, aux liets, aux sieges, & à toutes autres affaires. Mais si on cherche es Escriptures sainctes le commandement de ceste chose & autres semblables, il ne s'en trouuera aucune tradition: seulement la coustume a augmenté, conforme & obserué la foy. Athanase monstre que par le moyen du signe de la croix les finesses du diable sont chassées. Et mesme l'histoire Ecclesiastique Tripartite, racôte ce que fit Marcel Euesque d'Apamee pour chasser le diable hors du temple de Iupiter que lon deuoit brusler, lequel ne peut supporter la vertu de l'eau, sur laquelle le signe de la croix auoit esté fait avec foy, deuant que lon l'espandit. Personne à bon droit ne despriserà le signe, mais l'abus d'iceluy est du tout à reietter, & principalement si lon raporte à la croix l'honneur lequel seulement est deu à celuy qui y a esté crucifié, & à la viue foy qu'on a en iceluy.

*De l'humanisé du verbe.*

*Li. 9. cha.*

*34.*

OR comme depuis ie m'asseurois de la guerison de ceste fille, elle respondit par vne mesme voix puerile, qu'elle ne vouloit auoir affaire aucunement avec moy, que i'estois trop fin: & adiousta encore, voyez combien il a les yeux trompeurs. Lors ie l'interroguay si elle ne connoissoit personne qui fust cause de son mal, & elle me respondit tout d'une mesme voix puerile, qu'une femme (honneste selon mon iugement) laquelle pour lors estoit prisonniere & accusée d'estre enchanteresse, estoit celle qui luy auoit baillé le mal. Ceste femme toutesfois fut depuis deliuree & réuoyee en sa maison avec sa mere & deux autres femmes, lesquelles auoyent esté vn mois entier en prison, pour auoir esté faussement accusées de sorcellerie. Je n'ay point voulu obmettre en cest endroit comment ceste fille iamais ne rendoit par la bouche les morceaux de drap, le fil, les espingles, les aiguilles, ou les cloux de fer, que premierement pour donner remede à la douleur quelle sentoit à raison de son incredulité, (pourautant que la douleur produite d'une cause naturelle par vne inconnue volonté de Dieu, n'estoit manifestee, ains imposée faussement aux forcieres, & pour autant aussi que pour



la guerison d'icelle on auoit recours aux moyens  
 tes) que premieremēt di-ie, lon n'eust esté à An  
 village prochain de sa maison, par deuers vn pre  
 marguillier ( si i'ay bonne memoire ) lequel le  
 doit de l'eau, laquelle estoit beniste, comme  
 D'où le dia-  
 ble a puis-  
 sance de tro  
 per.  
 Daut. 18. & lors que contre le manifeste cōmandement  
 Leu. 19. & la foy Chrestienne que lon delaisse, on a  
 20. au diable ou à ses anges, tels que sont ceux q  
 lent aux hommes peu asseurez en la foy ceste r  
 d'eau tiree des fonds, ou autremēt mal-heureu  
 & irreueremēt consacree, ou l'encens du ci  
 Pasques, ou bien telles autres choses sacrees  
 nom de pareille religion, lesquelles toutesfois  
 uent que pour confermer la mauuaise opinion,  
 l'instinct du diable on a conceu de la sorcelles  
 vne hardiesse impudente, meschante & defendu

*La guerison qui s'est ensuyue tant de ceste fille que de  
 autres, par le moyen d'une certaine maniere de benisson, re  
 des femmes prisonnières & soupçonnées de ce mesfait. Ce  
 adionsté à cause de la suite de l'histoire precedēte.*

## CHAP. IIIL.



Auantage estant commandé par le  
 de l'Empire aux femmes sorcieres.  
 les i'ay parlé cy deuant, qu'elles en  
 donner benediction à ceux qui en  
 diuersemēt tourmentez & pensoy  
 enforcelez, sauoir eēt en ceste maniere: Le donne  
 La benedi- diction au nom du Pere, du Fils, du saint Esprit,  
 Etion ordi- tes biēs, à ton sang, & à tous les troupeaux de tes  
 naire en la Incontinent qu'elles auoyent fait ce que lon leur  
 guérissō des mandoit, les malades estoient guēris. Or vn cha  
 enforcelez. ceuoit benediction de celle, laquelle il penso  
 cause de son tourmēt, tant par le faux donner à e  
 du diable, ou de son ministre Pythiē, que mesme



confession de celuy qui estoit detenu prisonnier. Mais afin que la suite de l'histoire entrerompue n'arreste ou trouble le lecteur, j'adiousteray ici quelque mot le plus briuement que ie pourray, quoy qu'il semble plustost appartenir au traité du liure suyuant. Là doncques on ordonnoit suyuant ce Canon tant de fois repeté, Qu'il estoit necessaire que celle mesme deslie, laquelle a lié. Et toutesfois on peut conclure combien ceste sentence est absurde par le moyen qui s'ensuit. Si c'est la forcieri qui les deliure, on a opinion qu'elle ait acointance & pactiô avec le malin esprit, à l'aide duquel (côme le vulgaire pèse) elle gehenne & tourmente les vns diuersemment de diuerses peines, & les mesmes aussi elle deliure des tourmens, selon sa volôté, tât par son moyé que par celuy de Satã, par lequel elle les auoit liez auparavant. Or est il ainsi qu'elle est serue & assuiettie à ce luy avec lequel, cômè lô pense, elle a fait pactiô & s'est obligee: tellemét qu'on croira plus asseuremét qu'elle ne peut rien faire en particulier par la vertu des paroles diuines, lesquelles estât recitees, il n'y a point de doute qu'elles n'ayent plus grãd effect, (si quelque vertu elles ont) lors qu'elles sont prononcees par les fideles ministres de l'Eglise, & par les hommes deuots à la vraye religion, que nô pas par les forcieres, qu'on estime auoir de leur propre gré renoncé à toute acointance de Dieu auquel, comme ennemies, elles ont signifié guerre perpetuelle.

A v resté, tout ce que le diable a lié, a esté deslié par Iesus Christ, par ses Apostres & ministres, lesquels mesmes ont rompu l'entreprise du diable. Et c'a esté le particulier ministere de Iesus Christ, pour lequel principalement il est aparû au môde. Toutefois les disciples n'ont peu empescher les pernicieuces entreprises de Satan, ni le chasser, à raison de quelque incredulité qu'ils auoyent encores, laquelle leur est aspremét reprochee par Iesus Christ. Que pourront doncques faire les forcieres contre les tēpestemens & assiegemens des diables, puis qu'elles sont possēdees de Beelzebub comme Ion dit? Nos reigles, la raison & l'experience nous enseignent, que les cōtraires sont chassez par leurs cōtraire. Apres que Iesus Christ eust gueri l'auengle & le muet

*El n'est pas  
necessaire  
que celle  
qui a lié,  
deslie.*

*Matth. 12.*

*Marc 3.*

*Luc 1.*



*Il ne se  
fait rien de  
bien au nom  
des dia-  
bles.*

tourmentez par le diable, & que les Scribes & Pharisiens luy eussent dit qu'il chassoit les diables à l'aide de Beelzebub prince des diables, il les refuta, disant que si Beelzebub peut chasser Satan, le royaume de Dieu n'est point divisé contre soy mesme, ne peut durer en son royaume. Et si la maison est bandee contre soy mesme, elle ne durera point: & si Satan s'esleue contre soy-mesme, il se divisera, & ne pourra subsister, mais il prendra fin.

*Dieu ne  
veut point  
que sa gloi-  
re soit an-  
noncée par  
le meschât.  
Pse. 50.*

qui n'est point avec moy, est contre moy: & ce royaume, lequel n'amasse avec moy. Le Prophete met en avant par les paroles qui ensuyuent, que Dieu ne veut point que sa gloire soit preschée & annoncée par le malin, mais que sa gloire, di-je, laquelle paroist & reluit en la gloire des hommes, faite en son nom.

*Aussi dira l'Eternel au meschant,  
Pourquoy vas-en mes edicts tant preschant,  
Et prens ma loy en ta bouche maligne,  
Veu que tu as en haine discipline?*

AINSI est il tout manifeste qu'au moyen de la religion on ne les sauroit conuaincre d'enchantement ou de sorceleries, & que ce Canon ou reigle n'est d'aucune vertu: dont Origene a fort bien escrit que les magiciens ne peuvent donner benisson: car les diables peuvent bien faire. Or le moyen, par lequel les diables sont ainsi gueris, n'est autre que ce s'uy-cy: que le diable a tourmenté ces corps par la permission de Dieu, à cause de leur incredulité, il desiste de leur reprise, non malgré soy, mais sans en estre requis par sa propre volonté, afin de tousiours confermer les malades & les assistans (lesquels n'auoyent encore de telles ou semblables maladies) en leurs fausses opinions, encores qu'il face semblant d'estre contraint de le faire, afin de tousiours tromper d'auantage, & d'attirer plus de monde. Or par ce moyen lon croye plus fermement en ces fausses melettes qui recitent ceste benisson sont sorciers & enchanteresses, bien qu'elles en soyent innocentes, afin aussi qu'il amorce & enlasse par ses finesses ceux qui ne sont asseurez en la foy, & qui ont enuie de se faire magiciens, & qu'il rende le Magistrat coupable d'auoir fait des arrests inconsiderémēt, & qu'il l'incite à faire tort aux femmes innocentes, lesquelles, par fausse



tions, il iette dedans le feu ardent. Car voila comme le diable pouruoit à ses affaires, comme des le commencement il s'est desuoyé de la verité. Tout ce qu'il parle & pense est mensonge, ou est sursemé de leuain de fausseté. Lors qu'on pense qu'il parle & fait quelque chose bonne, il apareille des homicides, & bastit des mensonges, afin de prendre les ames au filet, & les perdre, luy qui a esté homicide des le commencement. C'est donc luy qui desiste de tourmenter les malades, & tire de leur corps les maladies, lesquelles il auoit causees.

Jean. 7.

*L'opinion de Paul Grilland touchant la diuerse & rude matiere, qui sort du corps des enforcelez.*

## CHAP. V.



N cest endroit i'adiousteray l'opinion du Seigneur Paul Grilland, tres-excellēt Iuriconsulte, dautant qu'elle fait beaucoup à nostre propos. I'ay veu souuentefois, dit-il, les enforcelez lors qu'ils prennent les

*Au volume  
des Trai-  
tez des sor-  
celeries.*

remedes pour recouurer leur santé, vomir par la bouche, ou rendre par bas, des esguilles, des cheveux, des ferremēs, des cloux de fer, des plumes, du soulfhre, des pierres: & bref, des choses, telles qu'il estoit du tout impossible que le malade eust peu aualler non seulement entieres, mais encores mesmes qu'elles eussent esté rompues & emorcelees en petites parties: dont vn chacun void ce qu'il y a d'esmerueillable. Mais il faut dire, ainsi que quelques vns ont pensé & opiné, que Satan fait aparostre ces choses exterieurement, tant pour mieux tromper les hommes, que pour faire la chose plus esmerueillable: dautant que lon void & considere ces choses estre de telle nature, telle forme & qualité, qu'il est du tout impossible qu'elles eussent peu entrer au corps de l'enforcé, par quelque partie naturelle: mais veritablement ce ne sont point especes naturelles. Et qu'il ne soit ainsi, il est du tout manifeste, pour autāt qu'elles sont iettees par le vomissement, ou par bas: & mesmes elles paroissent ainsi parmy les matieres liquides, lors que premierement elles sont iettees hors du



*La dure matiere ietee par le vomissement se liquifie.*

corps, que si vous gardez ces matieres deux ou trois  
cinq iours, comme autrefois ie les ay fait soigner  
garder, vous verrez qu'elles se liquifieront du  
qu'elles perdront leur forme. Or si elles estoient  
naturelles, il n'y a point de doute qu'elles demeurent  
en leur premiere forme, & ne pourroyent estre  
pues par aucunes liqueurs ou humiditez, principalement  
le fer, & les pierres, à raison de leur nature  
retée, comme chacū fait. Quelques autres ont dit  
diabliques, pour faire la chose plus esmerueillable, le  
l'ensorcelé est excité à vomir, ou à aller à la selle, a  
soudainement & inuisiblement ces especes ou matieres  
dont nous auons parlé ci dessus, lesquelles sont vraies  
naturelles, & qu'ils ont prinſes ailleurs pour les y  
ter. Mais notez ceci, encore que le diable le puisse  
faire par son pouuoir naturel, & encores que sans  
personne l'aperçoyue, il les puisse mesler parmi les  
mismes ou les ordures des ensorcelez: toutesfoies  
prouue d'auantage la premiere opinion, aſauoir  
les especes non naturelles aparoiſſent sous telle  
mes. Et que ceci soit vray, il est manifeste par la  
susdite: car communément elles ne durent pas sous  
cette forme, ains elles se resoudēt en bref, & se fondent  
ces humiditez avec lesquelles elles sont sorties &  
meſſees, comme i'ay souuentefois veu & touché  
mes propres mains, lors qu'elles paroissoient du  
commencement ( comme i'ay dit ) vraies & naturelles  
retenoyent ie ne ſay quoy de dur, qui se resoudoit  
fondoit en peu de temps, ainsi que nous auons  
ſtré. Voila ce qu'eſcrit Grilland. Aussi Cardan eſcrit  
que le vomissement d'os, de cheueux, & de telles  
blables choses, est vne vraye & pure tromperie.

*Lin. 15. de  
la variété  
chap. 80.*

De ma part i'aprouue d'auantage la ſeconde opinion  
de Grilland, comme plus probable: car il n'y a humeur  
du corps qui puisse deuenir si dure que du fer ou du  
rain, ni se ſeicher comme du drap ou du lin: & requiſ  
quement telles matieres dures ne se peuuent fondre  
resoudre en liqueur. Et quant à ce qu'il dit que  
quelques iours apres on n'aperceut que l'humeur &  
les autres formes s'estoyent eſuanouies, ie le contredis  
mais celle humeur est la meſme qui auparauant



esté reiettee avec toutes ces barbouilleries dures & seiches, que le diable, qui les auoit apportees & fourrees en labouche, transporta ailleurs. Au troisieme chapitre ci deuant i'ay fait mention d'vne fille, de la bouche de laquelle i'ay tiré des lopins de gros drap: mais ie ne sache point qu'ils se soyent fondus & liquefiez depuis.

*Histoires de quelques demoniaques qu'on pensoit estre tourmentez par les forcieres.*

## CHAP. VI.



NTOINE Beniuenius escrit que de son temps il auint vne nouuelle & esmerueillable sorte de maladie. Vne femme agee de seize ans, dit-il, auoit les mains estrangement retirees incontinent qu'une dou-

*Cha. 8. des causes ca- chees des maladies.*

leur luy commençoit au bas du ventre. Et comme elle s'escrioit effroyablement, tout le ventre luy enflloit si fort, que lon eust pensé qu'elle eust esté grosse de huit mois: en fin elle perdoit l'haleine, & ne pouuant demeurer en place, se tourmentoit çà & là dedans son liêt, & mettoit quelquefois ses pieds par dessus son col, comme si elle eust voulu faire la culebutte. Ce qu'elle recommençoit tant & iusques à ce que son mal s'accoisast peu à peu, & qu'elle fust en partie soulagee. Lors estant interroguee sur ce que elle auoit fait, elle confessoit ne s'en resouuenir aucunement. Mais, dit-il, recherchant les causes de ceste maladie, nous eusmes opinion qu'elle procedoit d'un estoufement d'amary & des mauuaises vapeurs, lesquelles s'esleuoient en haut & interessoyent le cœur & le cerueau: toutesfois apres que nous-nous fusmes eforcez de la soulager par medicamens, & que par iceux nous n'eussions rien prouité, elle deuint plus furieuse, & regardant de trauers, elle se mit en fin à vomir de longs cloux de fer recourbez, des esguilles d'airain piquees dedans de la cire, & entrelassees parmi des cheueux, avec vne partie de son desjeuner, si



grād qu'il n'y a celuy qui l'eust peu aualler entier. C  
pres qu'en ma presence elle eust recōmencé souu  
fois tels vomissemens, ie me doutay qu'elle estoit p  
dee de quelque esprit malin, lequel charmoit les  
des assistans pendāt qu'il faisoit ces choses. Parqu  
pres que nous l'eusmes recōmādee aux medecins  
tuels, la chose fust aueree par signes & preuues plus  
nifestes. Car depuis nous l'entendismes propheti  
faire des choses, lesquelles surpassēt toute vehemē  
maladie, voire toute intelligēce humaine. Voila cē  
dit Beneuenius. Il n'y a point de doute que toute  
matieres reiettees par le vomissement, n'estoyēt e  
corps, mais seulement auoyent esté pouffees en sa b  
che par les tromperies & par la subtilité & vistess  
diable, lequel charmoit les yeux des assistans, de  
qu'ils n'aperceussent les ordures, pēdant qu'il les e  
soit en la bouche de la malade: ce qui se prouuoit  
mēt (cōme i'ay desia dit) par l'inegale capacité & o  
ture de la gueule, au regard de la grosseur de la ma  
par l'estomach qu'elle n'auoit aucunement blessē  
le vomissement, & par la force d'iceluy mēme, au  
vomissemēt. Ce que toutefois ne fust aussi auenu d  
choses pointues & d'une substance dure & rabour  
Car si l'estomach les a reiettees, quand est-ce qu'el  
ont esté mises si facilement, qu'on ne les ait aperce  
ou bien comment est-ce qu'elles peuuent estre vo  
sans qu'il en soit ensuyui quelque inconueniēt, veu  
l'embouchure de l'estomach est si sensible, qu'il se  
merueilleusement interessé & tourmenté de la m  
dre quantité d'humeur poignante?

MEINER Clath, gentil-hōme demeurāt au chal  
de Bontenbrouch situé au Duché de Iuliers, auoi  
valet nommé Guillaume, qui des quatorze ans e  
tourmenté & possédé du diable, dont ainsi qu'il c  
mençoit quelquefois à se porter mal, à la suscitatio  
ce malin esprit, il demanda pour se confesser vn C  
nommé Barthelemy Pauen, lequel se messe de gu  
les enforcellez, & qui estant venu pour iouer son r  
le en ceste farce demoniaque, ne peut faire du  
le muet. Or ainsi que ce demoniaque auoit la g  
enflee, la face ternie, & qu'on craignoit qu'il n'ef



fast, Iudith femme de Clath, honneste damoiselle, ensemble tous ceux de la maison commencerent à prier Dieu. Et incōtinēt il sortit de la bouche de ce Guillaume, entre autres barbouilleries, toute la partie de deuāt des brayes d'un berger, des cailloux, dōt les vns estoient entiers & les autres rōpus, des petites plotes de fil, vne perruque semblable à celle dōt les filles ont acoustumé d'vser, des esguilles, vn morceau de doubleure du saye d'un petit garçon, & vne plume de Paon, que ce mesme Guillaume auoit tiree de la queue d'un Paon des huit iours au parauāt qu'il deuint malade. Estant interrogué de la cause de son mal, il respōdit qu'il auoit rencontré vne femme pres de Camphuse, laquelle luy auoit soufflé au visage: & que toute sa calamité ne procedoit d'aileurs. Toutesfois apres qu'il fut guerī, il nia que ce qu'il auoit dit fust vray: mais au contraire confessa qu'il auoit esté induit par le diable à dire ce qu'il auoit dit. Dauantage, il adiouta que toutes ces matieres prodigieuses n'auoyēt point esté dedās son corps, ains qu'elles auoyent esté poussees dedans son gauion par le diable, pendant qu'on le regardoit vomir. Il confessa vne autrefois qu'il s'esfouissoit de ce que le diable luy auoit donné beaucoup d'escus, lesquels il auoit cachez, cōme il disoit, dedans la paille de son liēt, là où estans depuis cerchez, ils ne furent trouuez. Nous lisons presque vne chose pareille en la vie de saint François, lors que luy & ses compagnons trouuerēt quelque argēt, lequel S. François ne voulut prendre, se doutant de l'imposture & tentation du diable: toutesfois son compagnon voulut qu'il fust donē aux pauvres, & l'ayant releuē par le consentement de S. François, il luy aparut vn serpent dedans les mains, lequel s'esuanouit incontinent. Or apres toutes ces choses, on vid sortir vne petite souris hors la bouche de ce seruiteur, lequel se ietta soudainement sous le liēt se plaignant que sa souris luy estoit eschapee: puis estant rentré en son liēt, disoit l'auoir reprise. On pēsa par plusieurs fois qu'il se voulust tuer, ou qu'il s'en voulust fuir: parquoy estant vne fois retiré en vne estable à pourceaux, dās laquelle on l'auoit trouuē, & estant gardé plus soigneusemēt que de coustume, il demoura les yeux tellemēt fermez, que par tous moyēs

*Il n'estoit pas permis au diable de toucher à sa vie.*



on ne luy peut onques ouurir les cils, tant ils estoient fermement atachez les vns contre les autres. En Gertrude fille aînée de Clath, aagée de vnze ans, s'approchant de luy, l'admonesta de prier Dieu, qu'il luy pleust luy rendre la veüe. Et luy aussi la suplia de prier ce qu'elle fit, & incontînét elle luy ouurit les yeux avec vn grand esmerueillement de chacun. Le diable l'admonesta souuēt qu'il ne prestast l'oreille à sa maistresse, ni aux autres qui luy rompoient la teste en luy parlant de Dieu: duquel il ne pouuoit estre aidé, puis qu'il estoit mort vne fois, ainsi qu'il l'auoit entendu preschier publiquement. Or comme vne autres fois il s'efforçoit de taster impudiquement vne chambriere de cuisine, & qu'elle le reprinst le nommant par son nom, il respondit d'vne voix enrouée, qu'il ne se nommoit point Guillaume, mais Beelzebub: à quoy la maistresse respondit, Pense tu donques que nous te craignons? C'est celuy auquel nous nous fions, est infiniment plus puissant que tu n'es. Alors Clath poussé d'vn zele Chrétien, en la presence de tous ceux de la maison, commença à commander à Satan qu'il eust à sortir au nom de Iesus Christ, lisant l'vnzieme chapitre de saint Luc, là où il est fait mention du diable muet qui fut ietté hors par la puissance de Iesus Christ, & aussi de Beelzebub prince des diables: dont en fin ce pauvre Guillaume se reposa toute la nuit iusques au matin, comme s'il eust esté esuanoui: puis ayant pris vn bouillon, se sentant du tout allegé, il fut ramené chez ses parents, apres qu'il eust remercié son maistre & sa maistresse, & prié Dieu qui les voulust recompenser du tort qu'il leur auoit fait. Onques depuis il ne sentit aucun tourment du diable. Et s'est marié, a eu des enfans, & est encore viuant.

*Histoire de pareil argument.*

## CHAP. VII



Le fils du receueur de Morfe fut quelque peu malade, & pensa-on que son mal venoit par l'enforcelement d'vne femme, laquelle il auoit porté plein vne manne d'herbes, pour donner aux pourceaux:



te soupçon aint, pourautant qu'ainsi qu'elle le remercioit, elle luy auoit baillé de la main sur l'espaule. Cest enfant espouuanté commença peu à peu à s'affoiblir, & se porter mal. Et de fait, il ietta de son corps vn toupillon de cheueux de femme qui estoient noirs & cendrez, sans toutes-fois qu'il y eust aucune matiere meslee. En la fin il rendit par bas des choses esmerueillables, sçauoir des foyes de pourceau, encores atachez contre la coëgne tellement seiches, que facilement on les pouuoit garder en du papier: quelque-fois aussi il en rendoit de semblables parmy ses excremens ordinaires. Ce pauvre enfant fut tourmenté l'espace d'un an par telles & semblables moqueries, qui s'esuanouirent peu à peu, tout ainsi qu'elles auoyent pris leur commencement. Or n'y a-il point de doute que ces choses ne soyent auenues, tant à raison de l'incrudulité de l'enfant que de celle de son pere & mere: lesquels voyans qu'il commençoit à se porter mal, comme naturellement & ordinairement il auient, rapporterent la cause de ceste maladie plustost à l'atouchement de la femme qu'ils pensoyent estre sorciere, qu'au vice de la nature, ou à la volonté de Dieu. Et ainsi ceste illusion diabolique fut permise au diable selon la volonté de Dieu, & par les moyens que i'ay ci deuant expliquez, iusques à ce que parauanture ils se fussent reconus.

Dauantage, i'ay conu la femme d'un conseiller, laquelle souuent-fois souloit rendre par bas du grauiier. *Du grauiier*  
Ce qui se faisoit par l'illusiō du diable, & permission de *ieté par*  
Dieu, & pour autant aussi que ceste malade auoit eu re- *bas.*  
cours aux remedes illicites des sorcieres & deuins, contre l'ordonnance de la diuine maiesté, laquelle reprouue toutes les actions de ces hommes mal-heureux. *Dent. 18.*  
Le luy *Leu. 19. 20*  
promis, avec la grace de Dieu, de la guerir, pourueu que elle voulust faire ce que ie luy conseilerois. Car ie iugeois aisément que la maladie qui la tourmétoit, procedoit d'une cause naturelle: & que le sablon qu'elle rendoit ne venoit d'ailleurs que de l'illusiō de Satan, pour autant que ceste pauvre incrudule auoit eu recours à vn conseil defendu, pour le recouremēt de sa santé. Ainsi voyōs nous souuent-fois auenir à celuy, lequel est mala-  
de par vne cause naturelle, & se desfie de la puissance de



Dieu, qui nous a montré l'usage des choses lesquelles il a créées, & a voulu que nous y eussions recours en nos necessitez : car estant rebelle à sa volonté, il court volontairement avec Saül, pour prendre conseil au diable : & ainsi il tombe en sens reprouvé, pour estre fait obiet aux tromperies & impostures du malin esprit.

Vn nommé Jean de Theodore demourant à Dordrecht à l'enseigne de S. Euuald auoit deux filles, dont l'une en toutes ses œuvres sebloit vomir & cracher de l'encre, sans douleur toutesfois, l'autre abayoit, maugré elle, comme vn chien. Vn certain personnage homme craignant Dieu, appelé secrettemēt pour venir voir tels spectacles suyuant la requeste du pere, ne voyoit, ni n'oyoit rien de telles illusions. Ma seconde femme nommée Henriette, ennemie de telles impostures, cognoissoit fort bien ces deux filles.

CARDAN escrit qu'un laboureur hōme de bien, sien ami, & homme qui plus facilement eust esté trompé, que de tromper autrui, luy racōta que par longues années il auoit esté malade d'une maladie inconue, pendant quoy & par le moyen de quelques enchantemens, il auoit souuētesfois vomi du verre, des cloux & des cheueux, & qu'encores que depuis par ce moyen il eust esté gueri : toutesfois si sentoit-il en son ventre vne grande quantité de verre rompu : lequel faisoit vn bruit pareil à celui qui se fait par plusieurs pieces de verre rompu, enfermées en vn sac. Il dit dauātage, qu'il se sentoit fort travaillé de ce bruit, & que de dixhuit en dixhuit nuits sur les sept heures, encores qu'il n'obseruast le nombre d'icelles, si est-ce qu'il auoit senti par l'espace de dixhuit ans, qu'il y auoit qu'il en estoit gueri, autant decoups en son cœur, cōme il y auoit d'heures à sonner : ce qu'il enduroit non sans vn grand tourment.

QVI est-ce qui ne void maintenant les œuvres, les impostures & tortures, tant precedentes que subsequentes, que le diable par maintes illusions exerçoit en cest homme, lequel luy seruoit d'organe & suiet comme à raison de sa simplicité.

*Vn villager sent le son des heures en son cœur.*



## CHAP. VIII.



**L'**AN mil cinq cens soixante six, le dixhuitieme iour de Mars, auint en la ville d'Amsterdam en Hollande, vn cas memorable redigé par escrit par M. Adrian Nicolai chancelier de Gueldres, comme s'ensuit. Il y a deux mois ou enuirō, dit-il, qu'en ceste ville trente enfans commencerent à estre tourmentez d'une façon estrange, comme s'ils eussent esté maniaques ou furieux. Par interualles ils se iettoient contre terre, & ce tourmēt duroit demie heure ou vne heure au plus. S'estans releuez debout, ils ne se souuenoyēt d'aucun mal, ni de chose quelconque faite lors, ains pensoient auoir dormi. Les medecins à qui lon en demanda conseil, ne proufiterent de rien, pource qu'ils estimoient que ce fust vne maladie naturelle. Puis apres les parens soupçonnans que les sorciers s'en fussent meslez, eurent leur recours à eux, qui ne firent rien avec toutes leurs sorceries. Finalement, à cause que lon croyoit que ces enfans estoient demoniaques, on s'adressa à plusieurs exorcistes, d'autant que les enfans mettoient en auant, sans y penser beaucoup de choses qui surpassoyent leur portee & leur aage. Ces exorcistes selō leur coustume commencerent par lectures, coniurations, & apportent tous leurs ferremens contre les diables: mais ils perdirent temps. En faisant leurs exorcismes, les enfans vomirent grand nombre d'aiguilles, des espingles, des doigtiers à coudre, des pieces de draps, des tessons & pieces de pots de terre, de verre, des cheveux, & autres telles choses: pour cela toutesfois les enfans ne furent gueris, ains retombent en ce mal de fois à autre au grand estonnement de chacun pour la nouueauté d'un si estrange spectacle.

Je di, pour mon auis sur ce fait, que Dieu permit au diable d'esblouir les yeux des assistans en iettant telles matieres hors de la bouche des enfans, pource que les parens d'iceux n'eurent pas recours aux moyēs legitimes: que ces matieres n'estoyent onc entrees dans les



corps, & que le diable ne les y auoit peu pousser ou attirer par le gosier qui est trop estroit. Or il ioua ceste horrible tragedie en ce lieu renommé, deuant tous, non seulement pour auancer & augmenter le bruit qu'il auoit de la sorcellerie & de l'enchantement en ce fait: mais aussi pour en charger quelques femmes innocentes, & les faire brusler viues puis après, comme coupables du fait. Procurant par tel artifice que le sang innocent s'espandist, & que ces opinions de sorcelleries entraissent plus auant en l'esprit des hommes, & que à cause de ceste ville qui est de grand renom on en entendist le bruit de tous costez. Voila comme cest ouurier cauteleux pensa faire valoir ses efforts. Et Dieu aussi permet souuentefois que les personnes soyent ainsi affligées pour esprouuer la fermeté de nostre foy: ce pendant il empescha soigneusement que le diable ne fist aucun mal aux enfans.

*Cardan au  
14. liu. de  
variet. cha.  
76.* D E mesme auint à Rome l'an mil cinq cens cinquante cinq: car en l'hospital des orphelins en vne nuit euiron septante ieunes filles deuindrent demoniaques, & demurerent en cest estat plus de deux ans. Au reste, sur la fin du cinquieme liure vous trouuerez le vray remede contre ce mal,

*D'un quidam auquel encores viuant on tira vn clou, & dedans le corps duquel, apres qu'il fut mort, on trouua des cousteaux, du bois, & des ferremens.*

## CHAP. IX.

*Liu. I. des  
epist.*



E que Iean Langius honime tresdocte, & digne medecin des illustres Princes Palatins du Rhin, escrit estre auenu l'an mil cinq cens trêtenueuf, à Eugensal, l'un des villages de l'euesché d'Eysteten seroit incroyable, n'estoit qu'il y a encores des reseruoins viuans, qui ont veu ce qu'il escrit estre auenu. Vlrice Neuseffer, laboureur demeurant en ce village, estoit miserablemēt tourmenté d'une douleur qui le tenoit en l'un des flancs, où mettant la main, il tira vn clou de fer, qui estoit sous la peau, laquelle le chirurgien



chirurgien luy auoit ouuerte avec le rasoir, & pour cela toutesfois ses douleurs ne s'apaisoyent: mais au cōtraire elles augmentoyent de iour en iour. Parquoy ce pauvre miserable, voyant qu'il n'y auoit autre moyen de se despescher de tant de miseres que par la mort, prit vn cousteau & se coupa la gorge. Or comme on le portoit en terre trois iours apres sa mort, Eucharie Rosenbader demeurant à Vveissembourg, & Iehan d'Ettenstet barbier, luy ouurirent l'estomach en la presence d'un chacun, dedans lequel ils trouuerent du bois rond & lōg, quatre cousteaux d'acier, dont les vns estoyent aigus, & les autres dentelez en maniere d'une scie. Ils y trouuerent encores deux ferremens, chacun desquels surpassoit la longueur de neuf pousées. Il y auoit aussi vn gros toupillon de cheueux. Mais dequoy principalement nous esmerueillerons-nous en cecy? asauoir si ce sera de la maniere par laquelle cest amas de ferrement a peu estre dedans la capacité de l'estomach? ou bien par quel moyen il y a esté mis? Certainement cela n'a point esté fait que par l'astuce & finesse du diable. Voila ce qu'escriit Langius.

*Du bois & des cousteaux trouués dedans l'estomach.*

QUANT à moy, j'oseray bien soustenir, qu'auant qu'Ulric fust decedé, ces choses n'estoyent en son estomach, non plus que veritablement le clou estoit deffous sa peau auant l'entamure d'icelle. Car ceste douleur pouuoit bien proceder principalement en ces parties, à raison de l'amas des humeurs aigus & poignants, ou par vne abondance de ventositez, tout ainsi que nous experimentons auenir ordinairement en la maladie que nous nommons colique venteuse. Mais pour autant que parauanture le malade & les assistans, ou possible tous les deux, estoyent facilement persuadez qu'il y eust de la sorcelerie, & qu'en ce faisant ils auoyēt eu plus de crainte de la mauuaise volōté du diable & de ses sectateurs, ensemble de la puissāce qui leur est permise, qu'à la defense, garde & puissāce de Dieu, laquelle est par dessus toutes autres: il est auenu que ils ont esté liurez au diable pour en estre trompez, tellement qu'il luy a esté aisé de suposer le clou, lors qu'on fit ouuerture de la peau estendue, sous laquelle ceste dureté aparoissoit, à cause de quelque matiere,



ou de quelques vents amassez par l'astuce du diable. Il supposa aussi aisément toutes ces autres choses monstrueuses en l'ouuerture de l'estomach, & esblouit si bié les yeux des decoupeurs, que tres-aisément il parfit le ieu de sa tragœdie, pour la fin à quoy il l'auoit aprestee: c'est a sauoir pour les rédre incredules & pour faire que laissant Dieu en leurs aduersitez, & les moyens que de sa grace nous a donnez celuy qui veritablement peut donner allegement à nos langueurs, nous confessions que Satan peut dauantage, qu'il ne fait, contre le corps del'homme, creature que Dieu a faite à sa semblance: comme de penser qu'il puisse (ce que toutes fois il ne peut) changer la nature des choses en poussant insensiblement, & sans faire mal, vne matiere dure & aigüe, laquelle outre passe la proportion des conduits, par lesquels il faudroit qu'elle passast, si ainsi il le faisoit, encores que la vertu soit telle, que le diable ne peut par aucun artifice estendre & faire ouurir le gauen & la gueule, ou autre partie par dessus & outre leur premiere nature, ainsi cômme desia i'ay monsté plus au long en vn autre endroit. Mais si vous me soustenez qu'auant l'ouuerture, le clou de fer estoit caché en la partie douloureuse: comment est-ce, ie vous prie, qu'il y a esté mis si insensiblement que la peau & la chair n'en ayent esté blessées? Dauantage pourquoy est-ce que la douleur ne cessa apres qu'il fut tiré, puis qu'il faisoit la douleur, comme lon pensoit? Car la cause estant ostee, l'effect cesse, qui est vne reigle generale entre les physiciens. Quant est des choses qui apres la mort furent trouuees dedans l'estomach ouuert il n'y a point de doute qu'elles furent mises par le diable pendant qu'on l'ouuroit. Voila la maniere par laquelle le diable seme la graine de dissension toute fois & quantes que nous acufons autrui d'auoir enforcélé, & prenons plaisir de croire qu'ils ont machiné telle meschanceté à l'aide du diable, encores que veritablement ils en foyent innocens.

*Les religieuses de Vuertré, lesquelles estoient demoniaques, & qu'on pensoit estre enforcees par les sorcieres.*





Les tourmens que les diables firent à quelques religieuses enfermees à Vvertet en la Comté de Horne, sont esmerueillables & horribles. On conte que le commencement vint d'une pauvre femme, laquelle en Carême emprunta des religieuses vne quarte de sel, pesant environ trois liures, & depuis en rédit deux fois autant quand ce vint à Pasques. Des ceste heure-là, elles comencerent à trouuer dedans leur dortoir des petites boulettes blanches semblables à de la dragee faite de sucre, lesquelles estoient salées au goust, toutefois on n'en mangeoit point, & ne sauoit on d'où elles venoyent. Peu de temps apres elles s'aperceurent de quelque chose qui sembloit se plaindre, comme vn homme malade: mais quelquefois elles entendirent vne voix, qui admonnestoit quelques religieuses qu'elles eussent à se leuer & venir à l'aide de leur sœur malade, lesquelles toutefois estans leuees pour y acourir ne trouuoient rien. Mesmes si quelquefois elles vouloyent vriner en leur pot de châtre, il leur estoit incontinent osté, tellement qu'elles gastoyent leur liect. Quelquesfois elle estoient tirees de leur liect par les pieds, & trainees assez loin, & tellement chatouillees sous la plante, qu'elles craignoient de mourir à force de rire. On arrachoit vne partie de la chair à quelques vnes: aux autres on retournoit sendeuant derriere les iambes, les bras & la face. Quelques vnes ainsi miserablement tourmentees reiettoient en vomissant vne grande quantité de liqueur noire, comme encre, encore que parauant elles eussent esté l'espace de cinquante iours à ne manger autre chose, que du ius de resfort sans pain. Ceste liqueur estoit tellement amere & poignante, qu'elle leur esleuoit la premiere peau de la bouche, & mesmes on ne leur sauoit faire aucun assaisonnement, par lequel elles fussent attirees à prendre autre chose. Aucunes estoient esleuees en l'air à la hauteur de la teste d'un homme, puis estoient incotinét iettees par terre. Or ainsi que quelques vns de leurs amis iusqu'au nombre de treize fussent entrez au monastere pour reiouir celles qui sembloient estre soulagees & presque gueries,



les vnes tomberent incontinent à la renuerse hors de la table, où elles estoient, sans pouuoir parler ou connoistre quelqu'un: & les autres demeurerent couchees cōme mortes, ayās les bras & les iambes retournees. L'une d'entre-elles fut esleuee en l'air, & encores que les assistās la pēpassent empescher & y missent la main, toutesfois elle leur estoit arrachee maugré eux: & puis estoit tellemēt reiettee cōtre terre, qu'il sembloit qu'elle fust morte. Mais apres se releuāt cōme d'un profond sommeil, elle sortoit du reſectoir n'ayāt nul mal. Les vnes marchoyēt sur le deuāt des iambes, cōme si elles n'eussent point eu de pieds, & sembloit qu'elles fussent traînées par derriere en vn ſachet, cōme si leurs liēs eussent esté trop relaschez. Les autres montoyent au haut des arbres, ainsi que chats, & en descendoient sans aucune blessure de leurs corps. Il auint aussi cōme leur mere, qui est la premiere du monastere, parloit à feuë madame Marguerite, Contesse de Bure (de laquelle le pere de misericorde aura memoire par sa grace en la resurrection des iustes) on luy arracha vn morceau de chair de la cuisse, dont elle s'escria de grande douleur, & fut incontinent portee en son liēt, là où la playe fut veuë en partie plombée, & en partie noire, toutefois elle guerit. Il auint aussi q̄ deux religieuses du nôbre des malades, estans ensemble & se reſiouissans, commencerent à parler d'un chat noir qu'elles disoyent estre en leur dortoir, & auoir esté enfermé en vne corbeille par vne dame qu'elles nommoient, & qui demouroit en la ville. Ceste chose ayāt esté entendue par vne autre religieuse qui n'estoit malade, fut rapportee à la mere, laquelle accompagnée de deux ou trois autres religieuses, alla chercher la corbeille, qui fut ouuerte, & en sortit vn chat qui se sauua. De là la pauvre femme, soupçonnée comme forcere, fut mise en prison avec sept autres, lesquelles y furent depuis amēnees, & entre autres il y auoit vne matrone la plus vieille de toutes, laquelle, par le tēmoignage des voisins & des pauvres, estoit tellement charitable enuers les souffreteux, que mesmes elle en auoit enduree disette. Ceste femme étant gehennée par le bourreau, ne confessa onques ceste meschanceſte. En fin comme selon la coustume, on la presentoit

*Marguerite Contesse de Bure.*  
78.



au Burchgrau, elle luy dit qu'elle estoit tellemēt foible qu'impossible luy estoit de māger, mais bien le prioit de luy faire bailler à boire: ce que luy ayant esté accordé & baillé par le mesme Burchgrau, elle le prit par la robbe, & s'appuyant sur ses genoux elle rendit l'ame. Tels & semblables miracles furent veus en ce monastere, & dura ceste bourrellerie manifeste par l'espace de trois ans, laquelle depuis elles recelerent.

OR n'y a-il point de doute que Satan ne possedast ces religieuses, lequel pensant auoir trouué occasion commode pour tromper, par le moyen du sel que la pauvre femme auoit rendu, print peine de faire acroire à ces religieuses credules qu'il y auoit de la sorcellerie: afin de blesser la bonne renommee de ceste matrone innocete. Parquoy il sema ces grains semblables à ceux qui sont recouverts de sucre, pour plustost inciter ces religieuses à en gouster: & leur bailla vn goust salé pour donner plustost soupçon de celle qui auoit rendu le sel: ce qui auint. Dauantage Dieu permit au diable de les tourmenter, ou afin que ces religieuses fussent esprouuees ou chasticees, ou bien à raison de leur incredulité. Or furent-elles trouuees n'auoir la foy ferme & stable, puis qu'elles rapporterent la cause de ces maux à des femmes, & non à la volonté de Dieu. Et de là s'ensuyuit le conseil Satanique des deux religieuses, lequel fut inuenté par le Diable conducteur de leurs paroles mensongeres, afin d'imprimer vne marque perpetuelle à la pauvre matrone innocente, laquelle elles accusoyent de sorcellerie: & que par ce moyen la prison, le tourment & la mort s'en ensuyuit. Mesmes si le chat estoit naturel, il ne faut point douter que le diable ne l'eust mis en la corbeille: & certes ie penserois plustost que ce fust le diable mesme sous la figure d'un chat. Aussi voyons nous qu'en toute ceste tragédie, Dieu luy limita tellement son pouuoir, que celle laquelle il esleuoit en haut & laissoit choir, ne sentoit aucun mal, encores qu'il semblast qu'elle fust morte: mais estant *Les religieuses de Brigitte demo* comme reuenue à elle d'un somme profond, elle ne laissoit point de s'en aller.

CE qui auint iadis aux religieuses de Brigitte,



lesquelles sont reformees au conuent voisin de Xante, n'est gueres dissemblable à l'histoire precedente. Car elles estoient diuerfement & estrangement tourmentees. Maintenant elles tressailloyent, maintenant elles beelloyent comme brebis, & rendoyēt des voix horribles. Quelquesfois elles estoient poussées hors de leurs chaires en l'Eglise, là où mesmes on leur arrachoit le voile de dessus la teste: & quelquesfois leur gaudiō estoit tellement estoupé, qu'impossible leur estoit d'aualer aucune viande. Ceste estrange & cruelle calamité dura l'espace de dix ans en quelques vnes. Et disoit-on que vne ieune religieuse esprise de l'amour d'un ieune homme en estoit cause, pour autant que ses parens l'ne le luy auoyēt voulu donner en mariage. Et que le diable transformé en vne forme semblable à son amy, s'estoit aparū à elle, lors que pour ceste occasion elle estoit extremement affligée: & qu'il luy auoit conseillé de se rendre religieuse, comme elle fit incontinent. Là estant enfermée elle deuint cōme furieuse & mōstra à vn chacun des horribles & estranges spectacles. Ce mal se mit en plusieurs autres religieuses, comme s'il eust esté cōtagieux: lesquelles, par la confession mesme de la premiere, pēserent assurement qu'elle estoit seule cause de tout ce malheur. Parquoy estāt tirée hors & mise en garde en vn autre endroit, elle acoucha par deux fois du fait du geolier. Et depuis estant mise en liberté, ie pense qu'elle vescu long temps, sans que iamais on eust opinion qu'elle fust forcier.

*Le diable  
confesse par  
la bouche  
de ceste re-  
ligieuse,  
qu'il est au-  
teur du  
mal.*

*Les religieuses de  
Nieumeghe demoniaques.*

l'ay entendu que le diable tourmenta par l'espace de quelques annees les religieuses de Heffimōt à Nieumeghe, lequel estāt entré en leur dortoir cōme vn tourbilon cōmença à iouer du lut & de la harpe si melodieusement, que les religieuses eussent volontiers dansé à tel son: puis il se transforma en chien, & se jetta dedans le liēt de celle, laquelle on soupçonnoit coupable du peché qu'elles nōment muet. Telles & semblables choses, voire plus grieues sont auenues en ce conuēt du viuant du beau pere Paul, lesquelles ie ne veux deceler, puis qu'elles mesmes les tiennent cachees. Je conois encor vn cōuent de nonnains assez fameux pres l'Euesché de Cologne, où, il y a enuiron huiēt ans, le diable se pour-

menoit



tenoit en forme de chien, & se cachant sous la robe des religieuses, monstroit vn ord & sale mouuement. Le mesme auint à Hensberg en la duché de Cleues, sous la figure de chats.

*Les tourments diaboliques auenus au monastere de Kentorps  
& imputez aux sorcieres.*

## CHAP. XI.

**N**ous pouuons icy rapporter les retiremens de nerfs, ou conuulsions monstrueuses & innombrables, auenues aux religieuses du couuent de Kentorps pres la vieille Marque au Côté de la Marche pres Hammone, par l'artifice des diables, ainsi comme nous auons escrit au premier liu.ch.vnzieme. Lors qu'elles estoient en acces & vn peu deuant, elles pouisoient de leur bouche vne puâte haleine: & ceste haleine leur venoit vne fois le iour, quelques fois plus souuét, & quelques fois elle cōtinuoit plusieurs heures. Quelques vnes, encores que elles fussent en leur mal, ne laissoient pas d'auoir l'entēdement sain, d'ouyr & de reconoistre ceux qui estoient à l'entour d'elles, ainsi que depuis elles confessoyēt. Car à raison des conuulsions de la langue & des parties dediées à la respiration, elles ne pouuoient parler pendant l'acces. Or estoient les vnes plus tourmentees que les autres & quelques vnes moins: toutes fois elles auoyent toutes ceci de commun, qu'incontinent que l'vne d'entre elles commençoit à estre tourmée, les autres aussi la suyuoient & estoient pareillemēt affligees apres auoit seulement entendu le bruit des autres encores qu'elles fussent en diuers lieux.

MAIS afin que chacun conoisse le commencement & l'acroiſſement de ceste calamité, & le dernier acte de ceste histoire tragique, lequel a esté soigneusement poursuyui par ce deceueur & trompeur homicide, en ce cruel spectacle: & que cy apres on puisse plus aisemēt aller au deuāt des malicieuses entreprises du diable en telles estrāges & horribles cruautez, ie raconteray en bref & à la verité, ce qu'apres m'estre diligemment en-



Questé, i'ay entendu par la bouche d'une ancienne & honneste religieuse de ce conuent, laquelle fut assignee des premieres. Ceste bonne dame nommee Anne Lengon, fut enuoyee au commencement au monastere de Nonhertic incontinent qu'elle se sentit mal du costé gauche, & que lon eust opinion qu'elle fust malade du haut mal, ce que elle fit par quelque deuotion. Là apres auoir beu dans le test de sainct Corneille, les religieuses faisoient courir le bruit qu'elle se portoit beaucoup mieux que de coustume: ce qui toutesfois estoit faux. Or apres que non seulement ceste ci, mais aussi toutes les autres se fussent plus mal portees qu'au parauant, elles enuoyerent par deuers le deuin, lequel leur fit entendre qu'elles auoyent esté toutes empoisonnees par leur cuisiniere, nommee Else Kamenfe. Le Diable prenant ocaſion de là, cōmmença non seulement à les tourmenter de diuerſes conuulsions: mais aussi les inuita à se mordre les ynes les autres, & se ietter sur les estrangers: mesmes il les fit entrebatre, entreporter & s'entrejetter par terre sans aucun mal, aussi aisément que si elles eussent manié des plumes, si bien qu'elles aperceuoient bien que leur volonté n'estoit en leur puissance. Lors que lon les empeschoit de fraper ou faire autre violence, elles se tourmentoyent grieuement, tellemēt qu'à l'heure mesme qu'on les laissoit, elles se bleſsoient se meurtrissoient, & se mordoyent sans qu'elles sentissent mal: car aussi auoyent elles opinion qu'il estoit necessaire de faire mal à leur propre corps.

Si quelque fois Anne parloit en son accès, cela sembloit estre fait par le moyé de quelqu'autre qui tiroit & repouſſoit son vent, tellement qu'elle s'entendoit bien parler, toutesfois les paroles finies elle ne se resouuenoit aucunement de ce qu'elle auoit dit: si ce n'estoit qu'on luy repetaſt: car lors elle se rememoroit les auoir prononcées, mais de honte qu'elle en auoit, elle aimoit mieux s'en taire. Si quelquefois elle se mettoit en oraison, soudain elle estoit troublee par le malin esprit, tellement qu'elle ne pouuoit, comme elle eust bien voulu, attentiuement poursuyure son propos, ni mouuoir sa langue. Mais s'il auenoit qu'elle murmurast, sans y penser, les prieres ou heures que vulgairement on nomme cano-

niques



niques, tant s'en faut qu'alors elle se sentist empeschée, que mesmes il luy sembloit qu'elle estoit allegée de son mal. Au reste elle demeura hebetée de l'entendement sans aucun sentiment, discretion, & sans pouuoir iuger de ce qu'elle faisoit: si bien qu'onques elle ne peut penser atentiuement à quelque chose que ce fust, bonne ou mauuaise. S'il auenoit que quelque homme de bien, deuot & craignant Dieu, parloir à elle, lors il sembloit que le diable l'en punist. Et au contraire si les autres femmes deuisoyent avec elle de petites affaires & de peu d'importance, elle y prenoit grand plaisir, & estoit allegée. Depuis aussi lors qu'on l'exorcisoit, elle ietta vne grande quantité de sang par la bouche, sans qu'elle en tombast pour l'heure en aucun inconuenient. Or toutes ces religieuses, ainsi tourmentées par le diable, sentoient vne douleur, laquelle gaignoit inegalemiēt depuis la plâte de leurs pieds, qui leur sembloit estre bruslée d'eau chaude. Et encorés que toutes fussent ainsi diuersement affligées, si est-ce qu'elles n'en perdirent point leur appetit, & ne laisserent de se nourrir. Le diable parloit souuentesfois & beaucoup par la bouche des ieunes, lesquelles auoyent l'esprit troublé: ausquelles aussi il se representoit en forme de chat noir, ou sous la fausse semblance de Else Kamenſe, ou sous celle de sa mere, ou bien celle de son frere: tellement que toutes pensoient, mais faussement, que ces personnes fussent cause de leurs miseres & cruels tourmens. Apres que Anne se fut resoluë de ne plus retourner au monastere, duquel ses parens l'auoyent retirée, mais de seruir Dieu deuotement & par vn iugement beaucoup plus arresté, ceste calamité la laissa: toutesfois si elle receuoit seulement des lettres de la Mere du couët, elle sentoient vn fremissement par tout son corps, cōme si de bref elle eust deu retomber en ce premier mal. Peu de temps apres elle se maria, & onques depuis elle ne s'est aucunement ressentie de ceste calamité.

ELLE m'a raconté que Else Kamenſe estoit affligée de mesme mal que les autres, aſauoir semblable à celuy que nous nommons le haut mal, & que mesmes quelquefois elle tenoit des propos sans raison: qui fut causé que les religieuses penserent qu'elle s'estoit enſorcelee,



afin qu'on ne la soupçonnast de mesfait:tellemét qu'au-  
tant qu'elles estoient, ne rapporterent onques les afe-  
ctions qu'elles enduroient à la volonté de Dieu, ni au  
diable, ains seulemēt à leur cuisiniere Else Kamése que  
le deuin leur auoit dit estre sorciere. Ceste pauvre fille  
estant mise en iustice confessa premierement qu'elle au-  
uoit este cause de ce tragique spectacle, lequel elle au-  
uoit excité par le moyen du meslange de quelques ve-  
nins:toutesfois estant au suplice & presté de mourir,el-  
le declara que oncques elle ne s'estoit aidée de poisons,  
ains seulement que tout le mal n'estoit procedé que par  
maudissons. Nous expliquerons ci apres, si ces choses  
ont peu estre faites en ceste maniere.

Li. 10. c. 6

*Citoyens  
d'Hâmon  
demonia-  
ques.*

Chap. 22.

Le diable prenant pied & quasi comme assurant sa  
puissance sur ce que desia la fille & la mere auoyent esté  
bruslees, ne faillit point de se ietter sur les habitans de  
la prochaine bourgade, vne partie desquels il tourmen-  
ta par diuerses sortes d'afflictions. Dont il auint que Char-  
les le Cocq, ministre de leur Eglise, en appela cinq en  
son logis, afin de les instruire & fortifier encontre les im-  
postures & tromperies des diables. Les cinq ayans reci-  
té les dix commandemēs de la Loy le Symbole des A-  
postres, & l'oraison de nostre Seigneur, commencerent  
à demander le nom les vns des autres, & se nommerent  
chacun l'un des noms ridicules que nous auons es-  
crits au premier liure estre du nombre des noms con-  
trouuez du diable: ce qu'ayant fait, l'un d'entre-eux se  
mocquant du Ministre, commença à dire, Que ferons  
nous maintenant? Le Ministre nous veut-il chasser de-  
hors? Et alors vn autre luy respondit, qu'il vouloit mon-  
ter sur son bouc noir pour s'en aller par deuers vne fem-  
me voisine du lieu, laquelle il nomma, disant qu'il y se-  
roit le bien venu. Le diable faisoit cela tout expres, afin  
de rendre ceste femme soupçonnée de sorcellerie. L'un  
des autres dit, qu'il en vouloit faire autant, & que le me-  
me bouc le porteroit chez vne autre femme, laquelle il  
nomma. Incontinent l'un & l'autre, comme insensé, se  
mit à cheuauchon sur vne scabelle, & monstra tant  
par gestes que par parole qu'il alloit & estoit porté à  
la maison de ces femmes, encorés que ce pendant il ne  
bougeast d'une place. Le troisieme se mit à croupeto



& se recourba du tout en deuant, puis se roula vers la porte de la chambre, par laquelle soudainement ouuer te il se ietta, & tomba du haut en bas des degrez sans se faire mal.

IL y eut aussi de ce mesme temps, plusieurs demoniaques en vn village nommé Houel, pres Hammone, & plusieurs hommes furent encores tourmentez cruellement par ce diable assez pres de là: dont il auint que quelques femmes furent mises en prison & plusieurs ac cusees, comme il auient ordinairement en semblables affaires demoniaques.

IL y eut encores vne sotte femme demeurât au Côté de la Marche, laquelle aporta du laiët estendu par filets & desia tout seiché, qu'elle asseuroit auoir ainsi esté fait par les enchantemens, d'une sienne voisine, en allu mant vn tison dedans le feu, sur lequel elle faisoit bouil lir son laiët. La verité du faict toutesfois aparoistra, par ce qu'en tout laiët il y a trois substâces, à sçauoir le beur re, le fromage, & le laiët cler. Or si on faict bouillir le laiët incontinent qu'il commence à s'aigrir ( ce qui se fait souuentefois en esté & moins en huiuer) le fromage dissouls parmi le beurre s'amassera & s'endurcira telle ment qu'on pourra aisement l'estendre & le tirer par fi lets, comme lon feroit du lin. Mesme si on l'entortil le à l'entour de quelque baston il y seichera en telle maniere, que facilement on le pourra rompre & met tre en poudre.

QUANT à ce que lon dit que les sorcieres font venir du laiët ( ce qui soit dit en passant sur ce propos ) hors des ioncs, leur substance legere claire & presque seiche n'y conuient pas, cela est repugnant a toute raison & à verité mesme. Comment donc cela se fait-il? pour cer tain si quelqu'un tirant des ioncs en void sortir du laiët, c'est le diable qui l'apporte, deceuant ainsi les yeux de la sorciere, tellement qu'elle pense l'auoir tiré: & ainsi c'est vne imposture & pure illusion. Je di le mesme du laiët qu'on voudroit maintenir auoir esté tiré de quel qu'autre matiere nô propre. Si lon void les vaches pri uees de laiët, cõtre leur naturel, le diable peut estouper les conduits, enserrer les tetines, comme nous auons dit que les hommes peuent estre empeschez d'habiter avec les femmes.



*Histoire des religieuses du couuent de Nazareth à  
Cologne, lesquelles furent afligees  
par le diable.*

## CHAP. XII



**E**s Religieuses du Couuent de Nazareth à Colongne, furent presques tourmentees en la maniere que dessus. Car apres qu'elles eurent esté par plusieurs annees afligees, gehennées & tēpestées diuersement & en plusieurs sortes par le diable, elles le furent encores plus prodigieusement & horriblement l'an mil cinq cens soixante & quatre, lors qu'outre vn estrange spectacle, aparū souuent par vne maniere prodigieuse, elles estoient reuersees par terre le vêtre en haut & rebrassees comme pour auoir compagnie d'homme, pendant lequel acte tenoyent les yeux fermez, qu'elles ouuroyent apres avec vne grande honte, & comme si elles eussent endure vne grand' peine. Vne ieune fille nommee Gertrude aagée de quatorze ans, laquelle auoit esté enfermee en ce monastere, donna la premiere occasion à tout ce mal-heur. Elle auoit souuentefois experimenté ces folles aparitions en son liēt, en quoy mesmes elle auoit esté descouuerte par les rises qu'elle faisoit: bien qu'elle s'essayast de chasser avec vne estolle consacree son amoureux qui venoit toutes les nuicts coucher avec elle. Or ainsi qu'une sienne compagne estoit couchee en vne couchette, tout expres pour la defendre de ceste aparition, ceste pauvrette eut frayeur quand elle entēdit le bruit de ce debat. En fin estant faite le repaire du diable, fut miserablement afligee de plusieurs especes de retremēt de nerfs. Lors qu'elle estoit en son acces, il sembloit que quelquefois elle ne vist pas fort bien, & encores qu'il semblast qu'elle fut demeuree en bon sens, si est-ce qu'elle proferoit des paroles estranges & tref-inconstantes, lesquelles mesmes tiroient à desespoir. Autant en faisoient plusieurs autres. Et ainsi ceste peste gaigna petit à petit, & tant plus s'augmenta, lors



lors que ces pauvres affligées commencerent à auoir recours aux remedes illegitimes. Ainsi que ie faisoys inquisition du faict en ce conuent le vingt-cinquieme du mois de May, mil cinq cens soixante & cinq, en presence de nobles & sages personnes M. Constantin de Lyskerken conseiller: maistre Iean Altenan, autre-fois Doyen de Cleues, maistre Iean Echt Docteur en Medecine, & de mon fils Henry, Docteur en Philosophie & Medecine, ie reconu des lettres fort horribles que ceste ieune fille auoit escrites à son amy, toutesfois personne de nous ne doutoit qu'elles ne fussent escrites par ceste demoniaque, pendant qu'elle estoit en son mal. Tandis que le diable bourrelloit ainsi ces nonnains, aucunes d'elles furent saisies de peste, & durant qu'elles en furēt malades, le diable ne les tourmenta nullement, par vne singuliere bonté de Dieu, qui limite à satan certaines bornes lesquelles il ne peut outrepasser en affligeant ceux que Dieu luy liure en ce monde.

O a le commencement de toute ceste calamité procedoit de quelques ieunes hommes desbauchez, qui apres auoir prins acointance, par vn ieu de paulme prochain de là, avec vne ou deux des religieuses, estoient depuis montez par dessus les murailles, & auoyent iouy de leurs amours. Mais depuis ayans desisté à cause que les moyens leur en furent ostez, le diable cauteleux oururier gasta la phantasie de ces miserables, & leur representa souuent les semblances de leurs paillards: & manifesta aux yeux d'vn chacun l'ignominieuse vilenie de ces mouuemens veneriens. I'ay expliqué amplement par les lettres que ie leur ay enuoyé, les moyens conuenables & chrestiens, par lesquels elles pouuoient obuier à ceste tragedie.

I l faut mettre en ce rang vne autre nonnain, d'vn conuent de Bosleduc pres le temple de saint Iean Baptiste, nommee Iudith, laquelle i'ay veu tourmentee du diable par estranges conuulsions: car il luy ferroit la gorge tellement qu'elle ne pouuoit aualer aucune vian de, & luy tenoit aussi la lague par fois en telle sorte que il l'empeschoit de parler: & d'autre fois ie lui ay oui proferer des propos ridicules & horribles. I'adiousteray en



cor vne autre ieune fille, seruante d'une religieuse de noble maison. Vn paysan luy auoit promis mariage mais il s'amouracha d'une autre, dont ceste-ci fut tellement contristee, qu'estant allee enuiron vne demi lieue loin du conuent elle rencontra le diable, en forme d'un beau ieune homme, lequel commença à deuiser familièrement avec elle, luy descourant tous les secrets du paysan, & les propos qu'il auoit tenus à sa nouvelle amie, & ce afin de faire tomber ceste ieune fille en desespoir, & en resolution de s'estrangler. Estant paruenus pres d'un ruisseau, luy print l'huile qu'elle portoit afin qu'elle passast plus aisément la plâche: & l'inuita d'aller en certain lieu qu'il luy nommoit, ce qu'elle refusa, disant, que voulez vous que j'aille faire parmi ces marests & estangs? Alors le diable disparut, dont la fille fut tellement effroyee qu'elle tomba pasmee & demortee: sa maistresse (que ie conoy fort bien) en estant auertie, la fit rapporter au Conuent dedans vne lictiere. Là elle fut malade & comme transportee d'entendement, estant agitee de façon estrange en son esprit, & par fois se plaignoit d'estre miserablemēt affligee par un malin esprit, qui la vouloit oster de là & l'emporter par la fenestre. Pour certain la cause de ce malefice fut trop grande melancholie procedante d'amour, laquelle le Satan, desireux de tromper & perdre ceste pauvre creature, empoigna incontinent. Mais la fille ayant esté mariee depuis à ce paysan, recouura sa premiere santé.

*Histoire admirable d'une ieune fille, du costé de laquelle on tira vn cousteau.*

### CHAP XIII



E' n'ay voulu obmettre en cest endroit ce qui est auenu au village de Leuensteet, appartenant au Duc de Brunswic. Il y auoit vne ieune fille nommee Marguerite, fille de Henning Achils, aagée de vingt ans, laquelle demouroit avec sa sœur. Ceste fille voulant nettoyer les souliers de sa sœur, le iour de la visitation de vierge Marie, qui est le second de Iuin, prit l'un de ses cousteaux, (or y en auoit-il deux en vne mesme gaine) laquelle



lesquels estoient emboutez d'airain ) & se retira en vn petit coin pour s'asseoir : car elle estoit toute foible d'une fièvre qui l'auoit tenue long temps. Ainsi qu'elle cōmētoit, entra vne vieille à l'improuiste, qui l'interroguasi elle auoit encore la fièvre, & comment elle se portoit de sa maladie. Incontinent que la fille luy eut donné response, elle sortit hors sans dire mot. Or apres que les fouliers eurent esté nettoyez, ceste fille laissa tomber le cousteau en son giron, lequel depuis elle ne peut retrouver, encores que diligemment elle le cerchast : ce qui l'effroya, & encores dauantage quand elle aperceut vn chien noir couché dessous la table, qu'elle chassa esperant retrouver son cousteau. Ce chien tout irrité commença à luy monstrier les dents, & grondant se lança en la rue, & s'enfuit. Il luy sembla incontinent qu'elle sentit ie ne sçay quoy, qui luy descédoit par derriere le lez du dos comme quelque humeur froide, & soudain elle esuanouit, & demeura ainsi iusques au troisieme iour suyuant, qu'elle commença à respirer vn petit, & à prendre quelque chose pour se subitanter. Or estant diligemment interroguee de la cause de son mal, elle respondit sçauoir certainement que le cousteau, qu'elle auoit tiré de la gaine de sa sœur, estoit entré dedans son costé gauche, & qu'en ceste partie elle sentoit douleur. Et encores que ses parens luy contredissent, dautant qu'ils eurent opinion qu'elle estoit melancholique, & qu'elle refusoit à raison de la longue maladie, des iusnes & autres accidens : si ne cessa elle point de persister en ses plaintes, larmes, & veilles continuelles, tellement qu'elle en auoit le cerueau troublé, & estoit quelque-fois l'espace de deux iours sans rien prendre, encores qu'on l'en priaist par douceur, & que quelque-fois on la contraignist par force. Or auoit-elle ses acces plus forts en vn temps qu'en l'autre, tellement qu'elle se pouuoit reposer, non toutes-fois long temps, à raison des continuellès douleurs qui la tourmentoyent, tellement que elle estoit cōtrainte de se tenir toute courbee sur vn baston. Et ce qui plus augmenta sa fâcherie & diminua son soulagement, estoit que veritablement elle croyoit que le cousteau fust en son corps : & qu'en cela chacun luy contredisoit opiniaistrement & luy proposoit l'im-



possibilité, iugeant qu'elle auoit la phantasie troublee, attendu qu'ils n'auoyent aucun signe ou condict qui leur aparust, excepté ses iournalles larmes & complain-tes, esquelles elle continua l'espace de trois mois, & iusques à ce qu'il aparust au costé gauche vn peu au dessus de la ratte, & entre les deux dernieres costes que nous nommons fausses, vne apostme grosse comme vn œuf de poule, & faicte en maniere d'vn croissant, laquelle s'augmenta & diminua selon que l'enfleure aparut & print fin. Alors ceste pauvre malade leur dit, Iusques à present vous n'avez voulu croire que le cousteau fust en mon corps, mais l'incontinent que le iour de la visitation de la vierge Marie sera venu, alors vous verrez & entendrez manifestement comment il est fiché en mon costé. Et ainsi le trentieme de Iuin, sortit vne si grande abondance de bouë hors de l'ulcere qui s'estoit fait en ce costé, que l'enfleure commença à se diminuer, & alors apparut la pointe du cousteau que la fille desiroit fort d'arracher: toutes-fois elle en fut empeschée par ses parens, qui enuoyerent querir le chirurgien du Duc Henry, qui pour lors estoit au chasteau de Vvolffembutel. Ce chirurgien estant arriué le quatrieme iour de Iuillet, pria le Curé de parler à la fille, la consoler & l'instruire par la parole de Dieu, & de prendre garde aussi à ses responces, pour autant que chascun auoit opinion que quelque-fois elle estoit tourmentée du diable. Elle respondit alors qu'elle vouloit bien estre ainsi traictee, encores qu'elle s'asleuraist que en bref elle deuoit mourir. Et ce mesme iour le chirurgien voyant la poincte du cousteau qui se monstroir sous les costes, le tira avec ses instrumens, & fut trouué semblable à l'autre, excepté qu'il estoit fort vsé enuiron le milieu du tranchant. L'ulcere fut depuis guéri par le chirurgien. Voila toute l'histoire en la maniere qu'elle a esté écrite & diuulguee en vulgaire Aleman.

*Explication de ce spectacle esmerueillable.*

CHAP. XIIII

ENCO-





**E**N CORES que ie sache bien que plusieurs crieront apres moy à haute voix, & qu'un chacun est d'opinion que ceste esmerueillable histoire & spectacle cy dessus raconté, a esté veritablement fait, sans aucune imposture du diable, tellemēt qu'il n'y faut aucune glose ni commentaire: si est- ce que ie ne laisseray pas d'expliquer simplement ce que i'en pense, & de monstrier le plus briuevement que faire se pourra, que le cousteau ne fut oncques en son corps: ains seulement que les impostures du diable ont ofusqué les yeux d'un chacun: bref que la fille estoit possedee du diable. Ce que ie feray à l'aide de Dieu, afin que cecy tourne à sa gloire & à la confusion du mauuais esprit, & de la troupe de ceux qu'il a trompez, & qui luy adherent.

**P**REMIEREMENT il faut noter que ceste simple fille auoit esté longuement malade de la fieure, laquelle ie pense auoir esté quarte, ce que ie soupçonne à cause de la longueur du temps qu'elle luy continua: & partant elle estoit issue d'une abondance de malin & noir humeur melancholique, lequel s'estoit pourry dedans son corps: & qui aussi estoupant souuentefois la ratte, engendre en icelle vne enflure, vne dureté & vne apostume: & pour ceste occasion la fieure quarte laisse assez souuent de tels & pareils successeurs.

*Les moyes  
desquels le  
diable s'est  
aidé en cet  
acte fala-  
cieux.*

**C**ES choses ainsi posées, a sauoir le sexe feminin, l'age tendre & ieune, & l'ennuy d'une si longue maladie: il estoit aisé au diable d'edifier là dessus le reste de son bastiment, par vne continuelle & soigneuse estude. Car il luy est beaucoup plus aisé d'estre receu & escouté par ceux esquels toutes ces choses sont, que par les hommes qui sont en fleur d'age & bien sains. Ce mal-heu-  
*L'humeur  
melancholique  
port  
propre aux  
piperies du  
diable.*  
reux s'aida pour executer & mettre à fin son ouurage, de cest humeur melancholique, fort commode à ses actions, duquel tant s'en faut que le cerueau & le corps de la fille eust esté purgé, qu'au contraire il en estoit en-  
cores fort chargé. Aussi ay- ie monstrier au liure precedent par si pertinentes demonstrations, de quelle affection le diable a acoustumé de se mesler parmi cest humeur conuenable, commode & particulier tant à soy qu'à ses actions, & comme par le moyen d'iceluy il a



acoustumé de faire des esmerueillables phantosmes, rares & non acoustumees imaginations: qu'il n'est aucunement necessaire de le repeter en cest endroit.

OR afin que le diable poursuyvist l'acte commencé en ceste tragedie, il print occasion de ce que la ieune fille estoit seule, le matin, & lors que les autres personnes du logis estoient absentes, qui parauanture eussent par viue foy empesché l'entreprise de ce cauteleux. Il print donques premierement la semblance d'une vieille, laquelle s'enquetteroit de la santé de la fille: ce qu'il fit, afin qu'incontinent qu'il luy auroit mis en l'opinion que le cousteau seroit caché dedans son corps, elle se soupçonast de quelque forcierre, qui par charme l'auroit fait entrer. Car ce sanguinaire & cauteleux n'a rien en plus grande recommandation que d'esmouuoir des proces & contentions, que d'entreprendre des homicides, principalement contre les innocens, & que de mettre & imprimer en la phantasie vne fausse persuasion contre le vray service de Dieu. Afin donques de faire croire plus fermement que par le moyen de ceste forcierre le cousteau auoit esté porté du giron iusques dedans le costé, & que ceste vieille auoit acointance avec le diable, il apparut en forme d'un chien noir, tellemēt que la fille estant vn petit reuenue à soy, se douta aisément que c'estoit le diable.

MESME au mesme temps qu'il commença à la posseder, il luy fit sentir vn catharre ou humeur froide degouttant depuis la teste iusques au long du dos, afin que ceste fille sortant de pasmoison, creust qu'en ce mesme instant qu'elle sentit ceste froidure, le cousteau estoit entré en son corps. Des l'heure s'estāt meslé parmy les sens d'icelle, il en troubla tellement les organes & instrumens, qu'elle fust tenue par l'espace de trois iours comme morte: & cependant il conferma tellement en sa phantasie que ce cousteau estoit entré dedans son costé, que depuis il fut impossible luy persuader le contraire. Aussi ce cauteleux medecin auoit conu auparauāt que le reste des humeurs malignes procedees de ceste longue fyeure s'estoit amassé en ceste partie, & qu'en icelle il esmouueroit quelque vlcere, d'autant qu'il estoit suiet à se pourrir, ou bien que luy-

mesme



mesme, qui est esprit, les pouſſeroit & induiroit à pour-  
riture : ioint auſſi qu'il pouuoit bien faire couler de la  
reſte vn humeur froid, apte & commode pour ſ'amaffer  
en la partie. l'ay veu vne apoſtume faite entre les muſ-  
cles du coſté gauche du ventre, par vn pareil degoute-  
mēt, laquelle ſ'eſtoit engendree apres vne lōgue fièvre  
qui tourmenta ſeu de bonne memoire Monsieur An-  
toine, Electeur, Archeueſque de Cologne, duquel le  
pere de miſericorde ſe ſouuiene en la reſurrection des  
iuſtes. Au reſte l'vlcere fut fait en ceſte partie & par ceſt  
humeur conuenable, tout expreſ, & afin que plus com-  
modément eſtant ouuert il deſcouvriſt la pointe du  
couſteau, & qu'il ſemblaiſt monſtrer plus grande occa-  
ſion d'ouuerture. Ainſi la forme de ceſte pointe miſe  
au deuant, ou bien la vraye pointe du couſteau meſme,  
pendant que le reſte eſtoit caché par vn air eſpais, le  
diable charma les yeux de la fille, des parēs, des aſſiſtās  
& du chirurgien, comme il peut facilement faire par le  
moyē de l'air ou de l'eſprit de la veuē, lequel il trouble  
& empêche. Par ce moyen doncques Satan poſa deſſus  
l'vlcere le couſteau qui ſ'eſtoit enrouillé parmy le fu-  
mier & les ordures de la maiſon, & en monſtrant ſeule-  
ment la pointe, il cacha le reſte par impoſture & trom-  
perie. De là le chirurgien le tira avec ſes inſtrumens,  
pendant que le diable tenoit cōtre, afin qu'il ſemblaiſt  
eſtre arraché avec force: non toutesfois qu'il fuſt dedās  
le corps, ains ſeulement deſſus la peau, où il eſtoit cou-  
ché & comme reconuert d'un nuage. Il ne ſe faut aucu-  
nemēt eſmerueille de cela, veu qu'ordinairement nous  
voyōs le ſemblable eſtre fait par les ioueurs de paſſepaſ-  
ſe, lors qu'il ſemble qu'ils ſont paſſer des dagues ou des  
caniuets au trauers de leurs iouēs ou de leurs bras, ſans  
qu'il en forte vne ſeule goutte de ſang : ou bien lors que  
ils attachent vn cadenas ou ſerrure contre leur bouche  
ou leurs levres : ou qu'ils iettēt vne boulette en la bou-  
che, puis en retirent de la fiente, & ainſi ils ſont paroi-  
ſtre mille autres merueilles, eſquelles toutesfois il n'y a  
aucune verité.

Or ſi vous pēſez que par ceſte mienne interpreta-  
tiō ie ne vous aye ſatisfait, & que vous demeuriez en o-  
pinio que le couſteau fuſt tiré hors du corps, ie vous de-



mande par quel moyen & par quels cōduits il y eust  
 Car il faut necessairemēt, s'il en est sorti, qu'il y soit  
 tré auparauant. Premièrement il n'a peu estre mis  
 diable depuis la teste & au long du dos iusqu'au  
 sans qu'il y fust demeuré vne grande blessure, au  
 qu'il n'est pas comme vnumeur, lequel degout  
 coule par les petits pores ou pertuis. Vne matiere  
 mode & non vn cousteau peut bien passer par la  
 che & non par autre endroit, & de là par la gueule  
 dedans l'estomach & les boyaux, iusques au siege.  
 cores que ie vous confessasse qu'il fust entré par la  
 che, toute fois si n'eust-il peu estre porté en ceste  
 du costé, que premieremēt l'estomach n'eust esté  
 avec la taye qui couure toutes les parties de dedans  
 corps, ce qui ne se peut faire que la mort ne s'en  
 Il n'y a aussi aucun conduit par le siege, si ce n'est  
 qui passe par le tournoyement des boyaux, par l'esto  
 mach, la gueule, le gaurio & la bouche: tellemēt qu  
 ce conduit les passages estoient bouchés au coust  
 par lesquels il eust falu passer pour aller au costé. M  
 vous voulez qu'il soit entré par la chair de dehors  
 vous prie que deuenoit la douleur, l'effusion de sang  
 la playe, veu qu'il n'y aparut aucun vestige d'icelle  
 mesme aucune cicatrice? Cest esprit cauteleux ne  
 conte en ceci de faire paroistre la pointe du couste  
 vers haut en l'embouchure de la playe, encores qu  
 fust par vne finesse plus asseuree il y eust deu mōstr  
 mäche, s'il est ainsi que le cousteau fut entre dedans  
 corps la poincte la premiere: laquelle n'eust peu  
 tourner là dedans sans la mortelle blessure de plusieurs  
 parties: si ce n'est que follemēt vous disiez le cousteau  
 estre premieremēt mōté par les parties inferieures d  
 tre, sans y auoir fait aucun mal, puis qu'en icelles ell  
 sentiraucune douleur. Or est-il aisé de monst  
 toutes les parties de dedans estoient saines, puis qu  
 soudaine guerison de l'apostume en ensuyuit: & lo  
 diable desista du tout de son entreprise, quitta la po  
 sion & ne tourmēta plus ceste fille, d'autāt qu'il se voy  
 auoir mis fin à sa tragedie, qui estoit de faire acro  
 vn chacun que veritablemēt le cousteau estoit sort  
 costé. Ainsi donques on adioustoit plus de creance  
 donq



dōnoit-on plus de puissance au diable qu'on ne deuoit. La mauuaise opinion que lon auoit du pouuoir des sorcieres, s'acrut par ce moyen, & par conséquent on se fia moins en la sauuegarde & vertu de Iesus Christ, principalement es contrees ou les bourreleries ne laissent point d'estre exercees, soit à tort soit à droit par les indices qu'ils ont des impostures diaboliques.

Mais si dauenture on me met au deuant que le trenchant du cousteau fut ainsi rouillé & mangé dedans la chair ie respondray que le diable auoit pris le cousteau au giron de la fille, & l'auoit puis apres caché dans terre, ou en quelque liqueur salee, ou bien en quelque autre endroit, par telle dexterité & adresse, que le fer en seroit du tout gâté par l'espace d'un an, au bout duquel il auoit delibéré iouer le plus fort de sa farce. Dauantage si on cōsidere l'endroit de ce trenchant gâté, on trouuera qu'il estoit plus de deux doigts loing du bout du manche, & qu'au dessous il y auoit vne fort grāde partie gâtée & mēgée par la rouillure. Dōt vient dōques que la poincte de ce cousteau fut gardée entiere sans estre rōgée par la boue poignante & rongeante, & que le reste du fer qui estoit dedās la capacité du vêtre ait esté tout gâté, veu que ceste poincte auoit tousiours esté en la chair & parmy la pourriture de cest vlcere malin? Ou si vous voulez que le fer entier ait esté couché en la chair avec celuy qui estoit gâté, ie respons que cela n'eust peu se faire, sinō que le cousteau eust esté couché en lōg selon la longueur des muscles. Que si vous dites, ce auoir esté ainsi fait, par mesme raisō ie nieray qu'estāt en telle situation on l'eust peu manier par dehors, tāt s'en faut qu'à la veuē on l'eust iugé: ioint encores que tout ce fer ainsi egaleement fiché dedās la chair deuoit estre aussi rōgé par cest humeur poignāt & rongcant. Or cōme ainsi soit que le trenchant ait esté seulement rongé par le milieu, il faut necessairemēt qu'il ait esté ailleurs que dedās le corps, & que par la tromperie & œuvre du diable le cousteau ait esté transporté & caché dedās le sien, ou dedans vne liqueur salee, ou acre, ou pourrie, tant & iusques à ce que la matiere rongēre l'eust seulement atteint au milieu. Et certainemēt il n'y a point de doute qu'il n'eust parfait ceste entreprinse plus pru-



demment s'il eust preueu qu'en apres on eust examiné si diligemment & prudemment son ouurage.

Si on allegue en outre pour la confirmation de l'histoire, qu'il estoit force à ceste fille de marcher tousiours courbee & apuyee dessus vn baston : de là certainement vn chacun qui entēdra les choses naturelles, iugera aisément que le cousteau n'estoit point dedans le corps. Car il est tout certain qu'il eust blessé & esineu de grandes douleurs, si elle se fust courbee ou en deuant, ou en derriere, ou en l'un des costez, & que la seule cōstitution du corps droite & non courbee, estoit celle en laquelle la fille se deuoit le mieux trouuer. Mais si vous vous enquestez encores dauātage de la verité de ceste histoire, ie demanderay en quelle partie la longueur de ce cousteau eust peu estre posee & arrestee l'espace d'un an. Si c'a esté dedans les muscles du costé gauche, on l'eust aperceü à la veüe & au toucher. Et ne faut penser qu'il eust peu estre si long temps caché dedās la ratte, sans esmouuoir quelque chose qui eust esté pire. Moins encores eust-il peu estre hors les muscles, dedans la capacité du ventre: ains fust tombé au fond d'iceluy, qui n'eust esté sans danger de la vie. Car ce cousteau auoit demy pied de long.

A v reste il ne faut point douter que ceste fille ne fust possedee du diable, ainsi que plusieurs gens doctes tesmoignerent alors : ce qui se peut prouuer par ses paroles & actions indiscrettes, & par ce qu'elle perdoit souuentefois son sens, & refusoit le boire & le manger par plusieurs iours: par ce que ses amis n'en pouuoÿēt aucunemēt venir à bout, encores qu'ils la traitassent doucemēt, quelquesfois serieusemēt, & quelquesfois par menaces: & parce qu'elle prognostiquoit & predisoit trois mois au parauant qu'au iour de la visitatiō de la vierge Marie le cousteau seroit fiché en son corps. Il faut donc dire que le diable parloit ainsi par sa bouche, lequel iugeoit qu'enuirō ce temps, l'apostume seroit ouuerte, & qu'alors prenant vne occasion commode, il mettroit en auant ses impostures. Car qui est-ce qui eust conu ce iour asseurement? il ny a point de doute qu'elle ne l'eust peu sauoir par raisons naturelles. L'ouuerture de l'apostume se fit le trentieme iour de Iuin, auquel iour  
cest



cest imposteur mōstra la pointe du cousteau, & le secōd de Iuillet estoit la feste de la uisitation de la vierge Marie: puis le quatrieme ensuyuant le chirurgiē tira le cousteau, tellement que ce gentil deuin menteur se trompe souuentefois en son exacte raisonnement.

*Moyen ridicule de fourrer des choses dures dedans  
le corps humain.*

## CHAP. XV.

**I**L y a vn certain docteur, lequel a fait vn liure en langage Alemand, sous le nom de Iacques, seigneur de Lichtemberg, auquel il monstre vne assez sotte & friuole maniere, par laquelle ces matieres dures sont mises dedans les corps par les diables, à l'instigation des sorcieres. Je me suis fort esmerueillé comme Iacques Milich, homme de bien & docte, l'a aprouué en son liure Aleman intitule le diable Magicien. Ces deux asserment que les pores ou pertuis du corps sont ouuerts & estendus par le diable, & que par iceux il fait passer de la paille, des soyes de pourceaux, des copeaux, du cuir, des rongneures, du fil, des arestes de poisson, des espines, & telles autres matieres aigues. Ce qu'ayant fait il referme ses pertuis, par lesquels, quand bon luy semble, il peut retirer les mesmes choses. Ce docteur baille apres telles comparaisons. Tout ainsi dit-il, apres qu'on a mis vne pierre au fond de l'eau, & que lon a retiré la main, on ne sait par quel moyen elle y est entree, & ainsi que naturellemēt la foudre passē au trauers des pertuis de la gaine sans la gaster, & fait fondre le fer qui est dedans: ainsi auient-il en ces illusions diaboliques, lesquelles aportent des stigmates, cicatrices & playes beaucoup plus dangereuses. Voila ses paroles.

MAIS celuy qui sera versé vn petit en la conoissance des choses naturelles, entendra aisément que ces raisons sont de petite importance & trop foibles. Car ie soultiē que c'est vne chose impossible que les pores ou pertuis, lesquels des leur premiere creatiō ont esté faits par la nature petits & referrez, puissent estre, sans incon-



uenient, tellement estendus par le diable, que  
il face passer de la paille, du cuir ou des coust  
qu'en apres selon son plaisir & volonte ils soye  
mez pour derechef ietter hors ceste substance,  
reseruee, l'espace de tât de iours ou de mois. I  
les pores du corps ont esté dès le commencement  
fermez par leur premier createur, qu'il est du to  
sible qu'autre substance plus espaisse y passe, l  
quelque liqueur fort deliée, comme la sueur ou  
comme nous l'obseruons és pierres dures & esp  
principalement es terres cuites, & es bois: les p  
pertuis desquels laissent passer quelque liqueur,  
pas autre matiere dure & solide sans ouuerture  
pure de leur substance. Ces choses se peuuent ai  
comprendre par la fantaisie, mais elles ne se p  
pas ainsi executer. La similitude de la pierre mis  
l'eau avec la main, est fort absurde: car c'est vne c  
dicule de faire comparaison du corps de l'hôme,  
est solide & amassé, avec l'eau humide, renvre  
lante, qui de sa nature est aisee à receuoir dedans  
nauires & toutes autres choses. Aussi les rayons  
& subtils, qui passent au trauers des pertuis de la  
n'ont aucune semblance ou similitude avec vne  
dure & espaisse, laquelle il dit & soustient entrer  
pores du corps humain sans faire mal. Et si ce n  
qu'un chacun peut voir aisément combien ses pr  
sont friuoles, ie m'arresterois dauantage à les refut  
y a plusieurs telles preuues çà & là esparses deda  
liure.

*Que les medecins les plus doctes sont souvent trompez  
par les demoniaques.*

## CHAP. XV.

*Jeune fille  
demonia-  
que.*

**N**ous experimentons souuêtesfois qu  
doctes & exercez medecins sont tr  
pez par les actions & operatiôs du dia  
Dont nous auôs vn exemple memor  
auenu depuis peu de tēps en vne ieun  
le agee de 20. ans. Car le medecin, tresdocte au de







que de la benite. A cause dequoy Melancthon quelquefois qu'il auoit trompé le diable, lequel n'peu conoistre ses actions & conceptions.

*Liv. I. des epist. medecin. 38.* LANGIVS escrit vne histoire d'une certaine me, laquelle, pendant qu'il exerçoit la medecine logne, fut malade d'un vlcere boueux, a auoir mesuruen en ses parties honteuses. Or toute fois & qu'on ne sçait pas si c'est vlcere donnoit quelque esperance que bref il seroit gueri, & que le chirurgien s'en esioy, il en sortoit incontinent & à grande quantité vne liqueur boueuse semblable à du miel: ce qui contint tousiours iusques à ce que le diable, duquel elle estoit possedee, eust esté chassé par prieres. Et lors en vne nuit l'ulcere se ferma de soy-mesme, sans qu'il y meurast vne seule marque ou cicatrice.

IL n'y a point de doute que le diable n'ait mort ses piperies en ceste femme qu'il possedoit, iusques à faire seulement paroistre vne semblance d'ulcere, dans lequel mettant vne humeur semblable au miel, il charmoit les yeux du chirurgien, tellement qu'il pensoit que veritablement il en sortist vne liqueur boueuse. Ce qui se peut iuger aisément, par ce qu'après que le diable fut chassé, il n'aparut aucune marque ou cicatrice de cest vlcere, lequel veritablement estoit seulement en aparence, & en vn instant fut parfaitement gueri.

*Liv. 2. des enus. ca-chees.* DAVANTAGE Jean Fernel excellent philosophe & medecin, raconte de quelqu'un, lequel estant alité pendant les grandes chaleurs, se leua pour aller boire, mais ne trouuant de l'eau, print dauanture vne pomme qu'il mangea, & incontinent il sentit vne douleur en la gorge cōme si on l'eust estrāglé. Ce pauvre personnage possédé du diable pensoit voir vn grand chien tout noir qui le deuoroit, ce qu'en apres il raconta estant guéri de ce mal. Quelques vns iugeoyent par son pouls, par sa chaleur & rudesse de la langue, que seulement il auoit la fièvre & qu'il resuoit: ce qu'ils disoyent luy estre auant nu des longues veilles & perturbations d'esprit. L'ay eu vn fois nu quelques hōmes doctes de ce mesme estat, lesquels voyans ces accidens espouuātables, & se fians au rapport d'autrui, eurent opinion que le venin estoit cause de cest



ceste maladie, dont ils ordonnerent des contrepoisons & des cauteres, mais ce fut en vain.

LE mesme Fernel escrit qu'un ieune homme fils d'un cheualier de l'ordre auoit esté depuis peu d'annees malade de grans retiremens de nerfs, lesquels le prenoient par intervalles, & dont il estoit tourmenté d'une si grande viftesse tantost au bras gauche, tantost au droit, maintenant, en l'un de ses doigts seulement, maintenant en l'une de ses cuisses, quelquesfois en toutes les deux & par fois au seul tronc de son corps: que quatre valets estoient assez empeschez de le tenir. La teste ne luy brûloit aucunement. il auoit la langue & la parole libre, l'esprit bon & tous les sens sains & entiers, voire au mesme temps que la conuulsion le tenoit. Or le tenoit-elle dix fois le iour pour le moins, & aux intervalles il se portoit bien, excepté qu'il se sentoient las & moulu. On eust peu iuger que ce fust esté une vraye epilepsie que nous nômons le haut mal, si avec tous ces maux il eust perdu l'esprit & les sens, dôt plusieurs excellents medecins appelez eurent opiné que c'estoit une conuulsion & retiremēt de nerfs, seblable & fort prochaine du haut mal, lequel se faisoit par le moyen de quelques vapeurs venimeuses & malignes, attachees à l'espine du dos: & que de là la vapeur se couloit par les nerfs qui s'espandent çà & là aux membres & non en la teste. Parquoy, pour oster ceste cause qu'ils pensoient estre la vraye & seule, ils ordonnerent souuentefois des clysteres, des purges fortes & de toutes especes: ils firent appliquer des ventouses sur le commencement des nerfs, des bassinemens & estuemens, des onguens & des emplastres, qui auoyent la vertu de faire premierement esuanouir & resoudre, puis de fortifier, puis de chasser ceste malignité venimeuse. Voyans que ces choses n'auoyent de rien auancé, on le fit suer dedans les bains & estuues, & luy fit on vser de Gaiac: mais tout cela ne seruit de rien, car nous estions fort esloignez de la connoissance de verité. Au bout de trois mois nous commençâmes à nous apercevoir du diable, lequel estoit auteur de tout le mal: ce que nous descouvristmes par la voix & paroles non acoustumées du malade, par ses sentences Latines & Grecques, encores qu'il n'entendist aucunement la lague Grecque. Le

*Un ieune  
homme de-  
moniaque.*



*Le diable  
fait sem-  
blant de  
craindre l'i-  
mage de S.  
Michel.*

malin esprit descouurit plusieurs secrets des medecins, & se moquoit de ce qu'il les auoit trompez au grand danger du malade, auquel, comme il disoit, ils auoyent presque coupé la gorge à force de medecines, qui n'auoyent serui en rien. Toutes les fois q son pere le venoit voir, il crioit à haute voix qu'on l'en gardast, & qu'on le chassast, ou bien qu'on luy ostant le colier qu'il portoit au col, auquel, selon la coustume des cheualiers de l'ordre de France, pendoit vne image de S. Michel. Ce diable estant interrogué quel il estoit, par quelle maniere, & par quelle vertu il faisoit ce qu'il faisoit, respondit que dedans ce corps il y auoit plusieurs demeures, ausquelles il se retiroit, & que pendant le repos du malade il s'en alloit à d'autres. Au reste qu'il auoit esté enuoyé en ce corps par vn quidā, duquel il ne vouloit dire le nom: qu'il estoit entré par les pieds pédant qu'il estoit en court, & qu'il sortiroit par les pieds, lors que son iour seroit venu. Voila ce qu'escriit Fernel, auquel ie respō que le diable feignoit craindre l'image de Saint Michel, afin de tromper plus euidentement les assistans.

*Math. 4.  
Marc 1.  
Luc 4.  
2. Cor. 12.  
Iob. 1. 2.  
Gene. 3.*

Car celuy ne craint aucune image, qui n'a pas eu crainte de Iesus Christ mesme, la vraye image de Dieu, & qu'il ne douta d'affronter, de porter & de tenter: luy, di-ie, qui osa biē bailler sur la iouē de Saint Paul vaisseau d'election: affiger Iob le iuste: & tromper par sa parole pipeuse nostre premiere mere Eue, lors qu'elle estoit encores en estat d'innocence.

*Comme souuentefois il y a des choses naturelles qui s'engendrent  
dedans le corps, lesquelles toutesfois on pense estre  
auenuës par sorceries.*

## CHAP. XVII.

*Liure 2. à  
Glucon.  
au 14.  
lin. met. &  
Celsus au  
5. lin. ch. 6.*



O v s auōs apriſ de Galien & Cornelius Celsus & de l'experience, qu'es vlceres nōmez par les Grecs Streatomates, etatheromates, & dedans les cauitez & destours des autres apostumes, ils s'engēdre quelquefois des matieres semblables aux pierres, au tuf, au sable, à destez de pots, à du bois, à du charbō, à des cheueux, & à de la lie d'huile

*5. lin. 1.  
2. lin. 2.  
5. lin. 3.  
2. lin. 4.*



d'huile: ce qui se fait apres que la chair a esté rongee & gaste'e par le moyen d'un humeur gluât & pourri, & des fibres ou desseichez outre mesure par vne chaleur cuisante: toutes lesquelles matieres toutefois les hommes ignorent estre faites par enchâtemens. En ceste tumeur contre nature, nommee Steatome, lon l'a trouuée par fois vne pierre nouuellement cre'e de la grosseur d'une auellaine, cornue, rôtée en certains endroits, & de couleur baye. Monsieur Solenandre mon compagnon a pësé & guery vne honeste matrone desia aagée femme de Hierosme Luchefin gâtillhomme Lucquois qui auoit vne apostume que long temps elle auoit porté dessus la clauette gauche. Quelques iours apres qu'elle fut ouverte, il tira de dedans, outre vne grande quantité de bouë espaisse, ie ne say quoy de gluant & tenant qu'il falloit diligemment nettoier, d'autant qu'on ne le pouoit arracher à l'aïse: Estant ainsi lauë il paroïssoit tellement semblable à vne poignée de lin mouillé, qu'à peine pouuoit-on persuader à la malade & aux assistans que ce fust vn excrement du tout contraire à la nature, lesquels s'estoit amassé d'une matiere gluante, tant par la chaleur desordonnée, que par la longueur du temps que le mal luy auoit duré: car il n'y auoit celuy qui n'eust mieux aimé penser que c'estoit vne forcellerie.

Ne voyons-nous par ordinairement naistre des petites pierres semblables à du tuf, ou à de la chaux, que *Le tuf, de-* les Grecs appellent Pores, lesquelles on trouue *dans les* dans les ioinctures de ceux qui ont les gouttes, & sont *ioinctures.* engendrees d'un phlegme crud, desseiché, & d'un humeur espais & terrestre qui s'atache opiniastrement en icelles ioinctures, apres que les parties plus delices sont esuanouies? ne voyons-nous pas en renaistre de nouvelles apres que les premieres en sont ostées?

Ne voyons-nous pas en renaistre es iointures des gouteux du *Kentman.* tuf, ce qui procedoit d'une pituite espaisse, desseichee, *au traité* l'humeur grossiere & terrestre s'enuelopant ainsi de *des pierres* telle façon qu'il estoit impossible l'a dissoudre. On a *engendre-* trouuë dans le cerueau d'un homme vne pierre de la *es es corps* grandeur & de la forme d'une meure. Au bout des *glâ-* *humains.* des qui contiennent la salive, vn petit caillou de plâtre semblable au tuf qui a acoustumé de croistre dans les



jointures des doigts des gouteux. Sous la langue vn pierre ressemblant à vne fueille seiche de laurier, de couleur baye, & assez pesante. dans le poulmon plusieurs cailloux rudes comme chardons, de la grandeur d'un pois, par fois d'une febue, larges, bossus, cendrez assez durs. Ci dessus nous auons fait mention de ce

*Beniuen.* que par violence ont ietté & craché vn petit caillou  
*au 3.18.* Lon a aussi trouué quelquesfois vn nombre de gros cailloux dans la taye du foye, qui ont causé la mort à celui  
*24.94.ch.* du liu. des qui les auoit au corps, & en furent tirez apres son tre  
*causes ca-* pas. Dedans le foye mesme on a trouué des pierres com  
*chees des* me la moitié d'un œuf de pigeon, dont l'un estoit car  
*maladies.* de couleur plombée, amassée de phlegme & d'humour  
 melancholique. Item vne autre pierre de la grosseur  
 grandeur d'une amande. Es veines de la partie caue  
 foye d'un hydropique auant que d'aboutir à la poitrine  
 qui y est, on a trouué des pierres qui eslargissoient  
 fermoient, les vnes noires par dehors, & jaunes par dedans  
 dans: aussi auoit-il le conduit de la bourse du fiel recou  
 rant cōtre l'intestin, estoupé d'une mesme pierre. En  
 autre malade on trouua en la bourse du fiel vingt  
 deux pierres de couleur blasarde, d'inegale grādeur,  
 moindres ressemblātes à des petis pois, les plus grandes  
 à des febues, & toutes auoyent cinq, ou six, ou sept,  
 huit pointes, & dauantage. Vne autre pierre de couleur  
 verdastre, & de la grosseur de l'une des jointures  
 des doigts fut tirée de la mesme bourse. Item vne autre  
 de couleur rouge, dans la bourse du fiel de George  
 Roy de Boheme. Plusieurs moindres en la mesme partie  
 de Chrestien roy de Dānemarch. Vne plus grande  
 ceste partie de Frideric troisieme duc de Saxe, surnom  
 mé le sage, de forme quadrangulaire, grande comme  
 jointure d'un doigt, & de couleur verdastre. En vn  
 autre mort furent trouuez en ceste bourse ou vessie  
 foye cent vingt & trois pierres, l'une desquelles es  
 grande cōme la moitié d'un œuf de poule, plus large  
 ronde, grosse comme vn doigt, couverte de plusieurs  
 bosses, legere comme tuf, & blasarde. Vn vieillard  
 cholere de son naturel fut ouuert apres sa mort & trou  
 ué sans fiel & sans taye d'iceluy: au lieu dequoy lon trou  
 ua vn grand caillou. D'autres apres auoir eu long te



la jaunisse, estant suruenu vn flux de ventre ont vuidé par le fondement infinies pierrettes comme grains de pois ou d'orge. Lon trouue aussi souuentefois dans le fiel des bœufs des pierres de la grandeur d'une noix & de couleur rousse. On en trouue aussi bon nombre dans les boyaux, entre autres vn de la grosseur d'un œuf. J'ay souuenance d'en auoir veu tirer deux de l'amar. L'an mil cinq cens septante deux, mon fils Galien, docteur en medecine, estant à Montpelier, trouua en l'anatomie qu'il fit d'une ieune fille hydropique, deux vers de la longueur d'une coudee chacun, dont l'un estoit en la bourse du fiel & fermoit le passage, l'autre estoit attaché à la teste du fiel mesme. Luy mesmes a veu à Padouë vn ieune gentilhomme Aleman qui en faisant exercice iettoit par la bouche en toussant plusieurs cailloux comme petis pois, encor mols & qu'on pouuoit menuiser entre les mains.

ON ouurit vne femme à Paris es escoles de medecine, & luy trouua-on vne pierre dans le ventre: item elle n'auoit point de rate. Vous pourrez voir Aesse au liure seizieme chapitre centieme, où il parle des pierres semblables au tuf, lesquelles s'engendrent quelquefois dedans l'amar. Et certainement il n'y a aucune doute qu'elles ne se puissent engendrer en icelles parties, par la mesme cause & raison qu'ordinairement elles s'engendrent dedans les roignons & dedans la vessie: asauoir par vne chaleur qu'ils nomment Eptyse, agissante en vne matiere espesse, gluante & terrestre, mellee parmi vne chaleur bruslante, & quelquefois parmi vne chaleur naturelle & vraye, toutesfois non proportionnee à la matiere, laquelle elle brulle, amasse en vn, & endurecit en pierre, laquelle aparoit quelquefois bizerre & d'une façon esmerueillable. Galien escrit qu'il a veu des cheueux, lesquels estoient sortis avec l'vrine hors du corps: & qu'il a esté de mesme opinion que ceux qui les disoient estre engendrez dedans les veines, d'une matiere espaisse & gluante, eschaufee & desseichee par la chaleur, ce qui s'aperceuoit tant à cause de leur couleur, qu'à raison de leur corpulence: toutesfois qu'il ne fait la cause pour laquelle ils aparoiSSoyent ainsi longs. Aussi voyons-nous souuentefois au dessus de l'vrine

*Liv. 6. des parties males, ch. 5.*



*Liure 2. de  
Panato.*

de ceux qui ont la verolle, des petites bestes semblables aux formis, tels principalement que nous les voyons en temps d'esté se noyer parmy l'eau de la pluye. Alexandre Benoit escrit, que les femmes sont peu suiuettes à auoir des pierres en la vessie: excepté qu'elles y ont des choses seblables à des soyes de pourceau, lesquelles apparoissent comme cheveux, & s'engendrent d'une matiere gluante: ce qui ne se peut faire sans vne grãde douleur. Il adiouste encores qu'il s'engendre des choses en la vessie de quelques vnes, semblables à des coquilles.

JEAN EVVICH excellēt medecin, m'a auerti auoir veu vne chose semblable en vne grande dame, qui est encores viuante. laquelle apres auoir esté longuemēt affligee d'une pierre en ses roignōs (car oncques elle ne peut estre soulagee par l'aide des plus experimentez medecins) en fin au bout de quelques annees elle rēdit avec l'vrine, vne matiere semblable à de la laine deliee, laquelle quelquefois sebloit estre par toupillōs, quelquefois elle rendoit du fil long, blãc & en double, semblable à celuy duquel les cousturieres s'aident: & ce qui est presque incroyable, elle le rendoit quelquefois noue comme s'il eust esté fait expressēmēt pour coudre. Depuis elle ietta encores avec son vrine, vne matiere qui resembloit plustost vne taye de laine meslee d'une chose semblable à de l'ochre, que non pas à du fil de laine: ceste taye estoit seblable à celle de laquelle se reueste les vers à soye, & luy cōtinua plusieurs iours. En la fin elle vuida souuent, outre les choses susdites des poils de la lōgueur d'un doigt & en partie blãcs par les deux extremittez, & noirs au milieu: & en partie au cōtraire noirs aux extremittez & blancs au milieu. Dauātage estoient pointus d'un costé & plus gros & mousses de l'autre, comme s'ils eussent eu quelque commencement de racine, & paroissoyēt en ceste partie plus forts & durables, encores qu'ils fussēt sans racine, & qu'ils n'en eussent aucune aparēce. Ceste femme auoit plein un petit coffre de telles & semblables matieres miraculeuses, lesquelles elle faisoit voir à vn chacun, & dont elle donna une partie à Evvich. Toutesfois, selon mon opinion, si ces choses n'estoyent naturellement en ses roignons ou en la vessie, il est tout certain que pendant qu'elle vrine



elles estoient supposees par le diable à raison de l'incrudulité, & principalement si ceste femme eust eu quelque soupçon de forcelerie.

D v temps que mon compaignon, qui est en l'estat de Monseigneur le Duc avec moy, demouroit à Pise, & sui uoit Gabriel Fallope son precepteur, tres-experimenté medecin & chirurgien, il auint qu'ils visiterent la femme d'un facteur Luquois, laquelle estoit fort maladiue & estoit souuentefois affligée de la cholique. Trois ou quatre iours apres qu'ils l'eurent pensée, & qu'ils luy eurent ordonné plusieurs remedes, selon que l'art leur commandoit: elle ietta contre l'attente d'un chacun, vne pelotte assez legere, laquelle estoit vn peu plus grosse que l'œuf d'un pigeon: & tout depuis commença à se bien porter, & en la fin fut guérie. Mais ainsi que chacun s'en esmerueilloit, Fallope testifia auoir veu le mesme aduenir à vn excellent medecin, & encores à vn autre, lesquels estoient malades de la cholique.

ON conte que l'an mil cinq cens quarante & neuf, quelques hommes furent trouuez pres la riuere de *Loutres* Thaysé en Hongrie, dedans le corps desquels on auoit *Laisarts* trouué des loutres & des laisarts formez. Je laisse à iuger *trouuez de* à vn chacun si cela se peut faire, encores que ie sache *dans les* bien que quelques fois il s'engendre dedans le corps *corps de* des hommes des vers prodigieux, procreez des causes *quelques* naturelles. I'ay pensé vne ieune fille, laquelle on disoit *hommes.* auoir vn serpent dedans l'estomach qui la tourmentoit cruellement, & luy montoit quelques fois iusques à la gorge: toutesfois c'estoyent toutes choses fausses, & maintenant elle se porte fort bien.

IL est aussi auenu depuis cinq ans, comme gens dignes de foy m'ont raporté, qu'un villageois demeurant en vn isle pres Masech, apres auoir enduré de grandes douleurs de ventre & apres auoir pris de la Theriaque contre son mal, ietta vn ver long de huit pieds & vn doigt, lequel auoit la gueule comme cornue, assez pres approchante du bec d'une cane. Aussi voyons-nous souuentefois des vers que lon iette par la bouche, lesquels ont leurs figures fort estranges.

L'AY gardé long temps chez moy des pelottes grosses comme le poing, lesquelles estoient parfaitement ron-



*Comment  
des pelottes  
pleines de  
poil, se pen-  
nent engê-  
drer dedans  
le corps des  
veaux.*

des, sans cousture, & pleines d'un petit poil bien delié qu'on auoit trouuees dedans l'estomach & les boyaux des ieunes bouuillons tuez à l'escorcherie. Or encores que plusieurs fussent d'opinion qu'elles eussent esté faites par forcellerie, si est-ce qu'il y a vne grande raison naturelle, touchant leur naissance. Il auient quelques-fois que les veaux de laiët, n'ayans de la nourriture à suffisance, ou bien folastrans, comme ordinairement ils font, courent vers leurs meres, ou autres vaches, lesquelles ils succent tellement en la partie que premierement ils rencontrent, & principalement aux cuisses, qu'encores qu'elle soit pleine de poil, si la pellent-ils à force de succer & de tirer. Ces poils ainsi tirez & auallez dedans l'estomach s'amoncèllât tous ensemble, & s'entortillêt par l'ordinaire mouuement que fait le veau, si bien que apres il s'amasse du laiët à l'entour, ou quelque phlegme gluant lequel, par succession de temps s'endurcit, & se fait en maniere d'une petite taye. Ceste taye apparoit recouuerte d'une substance limoneuse & blanchastre incontinent que lon a ouuert l'estomach, laquelle se deseichant peu à peu, ressemble à un cuir teinct en noir, & estant ouuerte avec le cousteau, on void incontinent le poil amassé, tel qu'ordinairement il est es parties, desquelles il est succé & arraché, comme i'ay dit. Ceux qui sont eltar de la mareschallerie, & qui ont obserué diligemment la nourriture des haras, croiront plus aisément ce que ie dis. Et ainsi ie ne veux aucunement desroguer à la raison, puis que manifestement ou ocultement on la void estre es choses que nous appelons miraculeuses. Mais afin que la verité soit manifestee & separée d'auec le mensonge, que les piperies du diable estans conues soyent reiettees, que ci apres lon pardône au sang innocent, & que par plus equitable sentence, les accusateurs, qui sont comme louez à gages du diable (quelques vns les nomment deuins, & moy ie les appelle forcièrs) soyent iettez hors: bref, afin que la forme gardée es iugemens, par vne mauuaise coustume soit changée: ie propose les choses, inuentees par ce diable, & nommees enchantemens, par lesquelles les innocens sont souuentes-fois punis: choses, di-ie, qui surpassent l'ordre de la nature & de la raison commune, lesquelles sont



sont ainsi faites par ce cauteleux ouurier, par dol & imposture, afin de tirer en sa nasse ceux qui y adioustent foy: & ne sont executees par aucun autre, si ce n'est phantastiquement.

Il y a quelque vn qui garde vne semblable pelote chez soy, laquelle est fort legere & grosse comme vn gros œuf: toutesfois elle est ronde parfaitement, & fut trouuée à Pise de dans le boyau cullier d'une genisse. Elle est tellement semblable à vne pomme d'orange, que si ce n'estoit la couleur, on la prendroit pour vne orange: car elle est toute noire. Quelques vns estoient d'opinion que c'estoit vne orange, laquelle auoit esté auallée entiere par la genisse, & qu'elle s'estoit endurcie dedans le ventre: ce que toutes-fois fut trouué faux & ridicule. Car ayant esté incisée à grand peine par vn endroit de la peau, on la trouua toute pleine de bourre noire, & toute remplie, ou plustost toute faite de poil. Il semble que Pline ait voulu parler d'une pelote semblable, quand il escriit: On trouue dedans le second ventre des genisses vn tuf noir & rond, comme vne pelote, lequel est leger. Et dit-on que c'est vn grand remede pour les femmes qui ont l'acouchement difficile pourueu qu'il ne touche en terre. Si Pline entend parler de ceste pelote, il me semble qu'il ne la nomme pas bien tuf, car le tuf est vne pierre spongieuse. Et ceste pelote faite de poil n'a rien de pierreux ou sablonneux, ou de spongieux: ains elle est par tout massiue & espaisse.

Ce n'est pas chose moins admirable du cœur d'Aristomenes Messenien, lequel (comme recite Valere au 1. liu. chap. 8.) fut surprins par les Atheniens qui le tuèrent, & luy ayans fendu la poitrine, trouuerent qu'il auoit le cœur velu: autrestois ils auoyent prins prisonnier ce personnage, mais il s'estoit dextrement sauué de leurs mains. L'an mil cinq cens soixante deux au mois de May, vne ieune femme demeurant à Cologne pres le temple de S. Antoine, allaitant vn sien petit fils âgé de six mois, vuida par l'amary vn animal cheuelu de la longueur d'une grâde chenille, ayant des ongles, le dos lisse, le ventre blanchastre, la teste de corne & noire, les yeux de couleur de la pierre nommée Agathe, la gueule ouuerte & respirante comme vne lemproye. On luy



voyoit dessus la teste trois aiguillons ou crochets a  
& crenelez de part & d'autre, par le moyen de quel  
ver empoignoit ce qui luy estoit presenté, & s'esle  
Il sortit sans aucunes eaux sur les sept heures du ma  
comme la femme se baissoit pour chauffer vn de ses  
liers: & vescu trois iours avec du lait dont on le n  
rissoit. Apres sa mort il fut anatomizé par le chirurgien  
en la presence de M. Bernard de Cronembourg excellent  
medecin, qui appela à ce merueilleux spectacle  
Jean Echitius & Hubert le Feure medecin: & de  
m'en a fait le recit.

*Chap. 9.*

*Ceci n'est  
aucunement  
vray-semblable.*

ALEXANDRE escrit des choses lesquelles se p  
uent rapporter à ces miracles merueilleux à sçauoir  
troisieme liure de son Anatomie, quand il dict: Vn c  
rurgien laissa d'auenture entrer la pointe de sa lanc  
laquelle il auoit rompue en faisant vne seignee, de  
la veine. Ceste poincte, apres auoir passé par plusieurs  
destours, apparut en la fin derriere l'oreille, là où le  
lade la sentoit piquer, & voulut que nous luy en d  
nissions remede. Ce que nous auons veu en Can  
pendant que i'y estois, est presque incroyable. Vn  
lageois fut blessé d'un coup de trait qui luy entra  
dans le dos, pendant qu'il estoit en vn tumulte popu  
re. Le trait fut tiré, mais le fer demeura dedans le c  
fre. Le chirurgien l'ayant cherché long temps sans  
trouuer, ferma la playe. Deux ans apres, ce fer sortit  
bas, & fut monstré à plusieurs, comme par miracle. I  
stoit long de deux doigts, & auoit des barbettes  
costez. Or estoit-il passé au trauers de l'entre deux, t  
uersant la part où il est plus charnu, puis il s'estoit c  
lé le long des boyaux, & s'estoit fait passage pres le f  
dement, où il aparut à demy mange de rouillure dor  
il y eut grande dispute entre les medecins.

IL escrit encores au second liure de son Anatomie  
Ceux se trompent beaucoup, dit-il qui pensent que  
emboucheures des veines esbandues par l'entre-boy  
foient plus grandes es viuans, qu'elles n'aparoissent  
corps morts. Car ils pensent que par icelles il puisse p  
fer des morceaux de viandes. Aussi pensent-ils que  
dans le corps de la fille, laquelle de nostre temps, & p  
dant que i'escriuois cecy à Venize, aualla vne esgu  
de qu

*Aiguille  
aualee &  
reietee par*



de quatre doigts de long, ainsi quelle dormoit, & deux mois apres la reietta en vrinant, recouuerte d'une matiere pierreuse, amassée à l'étour par quelques humeurs gluants, & grosse comme un œuf de poule: ils pensent, di-je, que ceste esguille passa premierement par les veines situées, comme j'ay dit, dedans l'entre-boyau. Or diray-je en passant que l'exemple de ceste esguille ainsi ietee par le conduit de l'urine a trauaille plusieurs personages peu exercez en l'Anatomie, lesquels ont fausement pensé que elle estoit passée de l'estomach iusqu'au foye par les veines susdites: & q de là elle estoit tombée par la grande veine iusqu'aux detroits des roignons & des roignons iusqu'en la vessie. Ainsi se font-ils abusez, & ont eu opinion que les embouchures de ces veines estoient plus ouuertes es viuans, qu'elles n'aparoissent es morts. Car la verité est telle, que ceste esguille auoit passé peu à peu la poincte deuant par le trauers des boyaux (car toute chose qui est poussée par la nature se fait voye) & que de là elle estoit venue iusques à la vessie la part en laquelle elle est charnue, si bien qu'elle peut estre ietee par le conduit de l'urine. Autant en faut-il penser du fer du traict, lequel par l'espace de deux ans se fit passage commode par les parties du corps: ce que ie pourrois confermer par plusieurs autres exemples esmerueillables.

*Confutation de ce que le diable disoit auoir esté enuoyé dedans le corps où il estoit par le commandement de quelqu'un: Et que personne ne le peut faire. Que les maudisios & imprecations malignes n'ont aucune efficace, & de l'imprecation des peres & meres.*

## CHAP. XVIII.



Le diable pere de mensonge, inuente & con-  
fesse librement telles & semblables choses  
sans qu'il en soit contrainct: encores qu'il fa-  
ce semblant d'estre poussé par ceremonies  
& execrations & coniurations: ce qu'il fait afin de reti-  
rer vn chacun du vray seruice de Dieu, & de donner  
mauuaise opinion de ceux qui sont innocens, & qu'on  
croye celuy estre cause de son entree en vn corps, du-



*Personne  
ne peut par  
maudissons  
enuoyer les  
diab'les au  
corps d'au-  
truy.*

quel on a desia conceu ceste fausse opinion à sa p  
te. Ainsi pense-il auoir beaucoup fait si par ce m  
separe les esprits des hommes & fait mille m  
Cartout ainsi qu'il n'est pas permis au diable d  
dedans le corps des hōmes, ou des bestes toutes  
que bon luy semble, aussi n'est-il en la puissance  
ne vieille ou sage femme (ainsi que plusieurs pe  
ni encores d'aucun homme tant meschāt & ma  
reux soit-il, d'enuoyer par maudissons les diable  
le corps d'autrui. Autrement il faudroit que la p  
ce maligne de l'homme outrepassast celle de Sa  
l'homme pouuoit suyuant sa volonté corrompu  
que nous scauons bien n'estre permis au diable,  
du qu'il est tout manifeste par les traditions des  
sainctes, qu'il ne peut aucune chose faire ni ded  
dehors le corps des hommes, sans le particulier  
pres consentement de Dieu. Lequel le permettant  
ce malin & meschant est plutoist entré, & a plu  
tu & tourmenté le corps que lon ne le scauroit p  
Voila sa seule volonté, son esperance & son at  
obserue la volonté de Dieu, & en demande le co  
non les mal-heureux maudissons des hommes. Q  
estoit vray qu'ils eussent aucun pouuoir, à grand  
demoureroit-il vn homme viuant qui ne fust r  
&ourny d'vn milion de diables, ou qui ne fust en  
té par iceux, ou tué par la peste, ou miserablement  
menté & affligé de verole, ou d'ylceres de Iob. Car  
a ville, bourg, ni village, où vous n'oyez ordinaire  
sonner à tous propos les maudissons, tellement q  
enfants mesme ne pardonnent au pere, & le plus  
pent se donnent eux-mesmes à tous les diables  
peu d'occasion. Et ce qui est encores plus esmer  
lable, le plus souuent le mary salue sa femme d'v  
bon-iour execrable, & la femme le mary. Souue  
fois aussi il y en a quelques vns, lesquels en choler  
coustument si bien à tels maudissons, que peu a pe  
se les rendent ordinaires, tellement qu'ils leur ser  
pour orner leur langage, soit en parlant familier  
les vns avec les autres, soit en se saluant, soit en se  
ant, vous n'entendrez autre chose que telles horri  
parolles: lesquelles toutes fois n'emportent aucun

*Contre les  
maudissons  
ordinaires.*



se fit, comme nous le voyons ordinairement, ains seulement elles gaissent & souillent l'ame de tels hommes mesdisans, lesquels en rendront raison quelque iour, s'ils ne se conuertissent par vraye repentance. Mais au cōtraire si les souhaits ont quelque vertu, il n'y a point de doute qu'un chacun ne soit sauué, d'autant qu'il n'y a personne auquel quelqu'un n'ait souhaité paradis, qui est vne priere, laquelle se fait selon la volonté de Dieu, tout ainsi que les maudissions se font à l'instigatiō de Satan. Or s'il est auenu quelque-fois un mal-heureux euenement apres les maudissions des peres contre leurs enfans, cela ne fera rien contre moy, d'autant qu'il y a quelque naturel respect du pere au fils, à raison duquel, Dieu souuentes-fois propose des exemples tres-horribles. Parquoy Platō escrit qu'il n'y a rien plus perilleux loix. & dommageable que les maudissions du pere contre le *Genes. 27.* fils. Le contraire est aparue fideles cōme en Iob, Isaac 29. & leurs enfans, semblablement en Tobie & en son fils. *Tob. 5.*

*Exemples des imprecations faites, au nom du diable, reprises par le iugement de Dieu.*

## CHAP. XIX



E pendant Dieu nous propose plusieurs spectacles remarquables, à fin qu'estans tenus en crainte par iceux, nous laissions la vieille & trop familiere coustume que nous auons de maudire & de iurer temerairement & contre la verité. Ainsi dit on qu'un soldat n'y a pas long temps, passant par Marque, se sentant malade & arreté en vne hostellerie, bailla son argent à garder à son hostesse. Quelques iours apres estant gueri, il le redemanda à ceste femme, laquelle auoit desia deliberé avec son mary de le retenir. Parquoy elle luy nia & l'accusa, comme s'il luy eust fait iniure: le soldat au contraire se courrouça & accusa son hostesse d'infidelité. Ce que l'hoste ayant entendu, defendit sa femme & ietta le soldat hors de sa maison, lequel choleré d'une telle indignité tira son espee & en donna de la pointe cōtre l'huis: L'hoste commença à crier au larron, & se complaignit qu'il luy vouloit forcer sa maison. Ce qui fut cause que le soldat



fut pris, mis prisonnier & son proces fait par le  
 strat, lequel estoit prest de le condāner à mort.  
 estant venu que la sentence devoit estre pronon  
 executee, le diable entra en la prison, & anonça  
 sonnier qu'il estoit condamné à mourir : toutesf  
 s'il se vouloit donner à luy, il luy promettoit qu'  
 roit aucun mal. Le prisonnier respondit qu'il  
 mieux mourir innocēt, que d'estre deliuré par ce  
 Le diable derechef luy ayant, mis au deuant l  
 ger ou il estoit, & voyant qu'il perdoit sa peine  
 promesse de l'aider pour rien & faire tant qu'il le  
 geroit de ses ennemis. Il luy conseilla donc lors q  
 roit appelé en iugement de declarer qu'il estoit  
 cent:& que pour ceste cause il priaist le iuge de lu  
 ler pour auocat celuy qu'il verroit la present, au  
 bonnet'bleu:c'est à sçauoir luy qui luy assisteroit.  
 sonnier accepte ceste offre : Parquoy le iour suy  
 stant en iugement, apres qu'il eut conu l'auis d  
 & l'acusation dresse'e contre luy ne faillit point  
 mander vn aduocat, qui luy fut acordé. Ce fin de  
 es loix commença à remonstrer & à defendre su  
 ment sa partie, disant qu'elle estoit faussement acc  
 & par consequent mal iugée : que l'hoste luy auoi  
 son argent & l'auoit forcé, mesmes il conta l'a  
 comme elle s'estoit passée, & declaira le lieu ou l'ar  
 auoit esté mis. L'hoste au contraire se defendoit  
 nioit plus impudēment, se donnant au diable, & p  
 qu'il l'emportast, s'il estoit ainsi que il l'eust pris. A  
 ce gentil docteur au bonnet bleu, laissa la cause, p  
 l'hoste l'emporta hors du parquet, & l'esleua si hau  
 l'air, que depuis on n'a sceu sauoir qu'il est deuenu.

*Femme  
 emportee  
 par le dia-  
 ble.*

L'AN mil cinq cens cinquante & vn il a  
 pres Mekelbourg iognant Vvildstat, les festes d  
 Penthecoste, ainsi que le peuple s'amusoit à boir  
 yurongner, qu'une femme qui estoit de la com  
 gnie nommoit ordinairement le diable parmy ses  
 remens, lequel en la presēce d'un chacun l'en  
 par la porte, & la porta en l'air. Les autres qui esto  
 presens sortirent incontinent tous estonnez, pour v  
 où ceste femme estoit ainsi portee, laquelle ils vir  
 hors du vilage pendue quelque temps au haut de l'

de



dont elle tomba en bas, & la trouuerent apres morte au milieu d'un champ.

*Que les parties honteuses ne peuuent estre arrachees par charmes. Item que le diable peut par moyens naturels empescher l'exécution venerienne.*

## CHAP. XX.

**D**AVANTAGE, i'estime ceux là estre auueglez & hebetez par le diable, lesquels pensent que par charmes on leur ait osté toutes les parties honteuses, lesquelles leur estant comme disparues pour quelque tēps, leur sont rendues par apres. Car il n'y a point de doute que le diable par sa puissance & finesse, ne retire les nerfs des parties honteuses deuers leur commencement, comme nous voyons auenir en plusieurs malades de grieues & mortelles maladies, & comme Hippocrate escrit estre vn tresmauuais signe, les testicules, dit-il, & les parties hôteuses retirees, denotent des grādes douleurs & vn peril de mort. Car la vertu de vie se meurt en iceux, & les nerfs sont retirez vers leur commencement. Toutesfois en ceste cautelle du diable, il ne faut craindre aucunement ce danger de mort. Car aussi la cause naturelle n'y est telle, dautant que seulement il charme pour vn temps & trompe par ce fallacieux retirement de nerfs. Ainsi auient-il qu'apres que ils ont persuadé aux malades d'auoir recours à des remedes defendus, & qu'ils les ont faits coupables d'impiété, ils mettent fin à leur entreprise, de leur propre volonté & sans estre contrainsts, encores qu'ils facent semblant de l'estre, à celle fin de tousiours les entretenir en vne superstition, & de tenir & enlasser de plus en plus les autres qui voyent telles choses auenues. Car si ces membres ont esté ainsi coupez, par quelle maniere cela est-il auenu, & par quels moyens? A ce esté sans effusion de sang? cela s'est-il peu faire & guerir en vn momēt, sans qu'il y eust eu playe & blessure en la partie, & que cependant il n'y ait eu aucun sentiment? Et encores que nous laissions ceste chose, bien qu'impossi-

*Clemēt li.  
5. des reco.*

*Lin. 2. 10.  
prognost.*



ble elle soit: dont est-il auenu, ie vous prie, que ces parties ayent esté rendues, s'il est ainsi qu'elles ayent esté du tout arrachees du corps, & par consequēt destituees de nourriture & de l'entretien de vie, mortes si longuement & suiettes à pourriture? Est-il en la puissance de Satan & de ses anges d'en creer de nouuelles? Ou bien ayant du tout coupé & separé des parties destituees de la vertu vitale, luy est-il possible selon son vouloir, de leur rebailier la vie, & de les rattachier, comme avec de la colle en leur lieu naturel, ainsi que nous voyons sans doute que l'oreille de Malchus coupee par sainct Pierre, fut rattachée par Iesus Christ? Certainement cela ne se peut faire. Nous auons veu par cy deuant que le diable ne peut rien creer, & si auons expliqué comme il ne peut aucunement imiter la creation.

*Vn moine  
se fit couper  
les parties  
honteuses.*

A v resté les parties hôteuses de Hermā Vvolfrat gen d'Euerfeldé moine & secretain du monastere des croisez de Dufeldorp, furent veritablement & non fantastiquement coupees, l'an mil cinq cens cinquante & trois en luing. Ce pauvre moine estoit accusé par ses cōpagnons d'entretenir vne femme mariee, laquelle mesme, comme on disoit, ils entretenoyent. Or craignant qu'au proces qu'il auoit par deuant son general, touchant ce fait, n'entreuint sentence à son dōmage, il feignit d'estre malade d'vne hargne à l'endroit du nombril. Parquoy il apella maistre Angelbert Holter d'Euerfeld, chirurgiē de nostre tres-illustre Prince, afin de se faire guerir. Apres que Hermand luy eust declairé la verité du fait, il songea à part-soy par quel moyen il pourroit euitier & eschaper les mains & la rigueur de ses compagnons les moynes. En fin ils furent d'accord que le chirurgien persuaderoit au Prieur que la maladie ne pourroit estre guerie, si le malade n'estoit pour quelque temps transporté en sa maison à Euerfeld. Ce qu'ils faisoient afin que cependant le chirurgien luy coupast les genitoires, & que lon pensast que des sa ieunesse il auroit esté chastré, & par consequent qu'il auroit esté faussement accusé par deuant le general. Engelbert fait marché au Prieur, qu'apres la guerison, il auroit douze sextiers de seigle. Et ainsi il coupa en cachette les deux genitoires d'Hermand puis il receut son



son feigle. L'ay ouy souuentefois conter ce beau fait au chirurgien, lequel mesmes'en vantoit: mais il estoit digne de grieue punition: toute fois le moyne ayant ierté le froc aux orties quelques mois apres s'est marié, & vit encores.

OR quand à ce que lon dit que quelques vns sont liez tellement par enchanterie qu'il leur est du tout impossible d'auoir affaire aux femmes ne plus ne moins que s'ils estoient chastrez, il n'y a point de doute que ceste chose ne se puisse faire naturellement, au moyen de plusieurs causes, a sauoir lors que les conduits naturellement ordōnez à cest œuure sont d'eux mesmes, ou par quelque accident empeschez: ce qui se fait aussi quelques fois par des boissons medicinales. Pour ceste cause les theologiens ont fait la loy des froids & maleficiiez, & de ceux qui sont inutiles à l'acte venerien. Il ne faudra doncques toutes les fois que telle chose auendra penser que ce soit par enchantemens: aussi n'en faudra-il accuser les innocens. Toutes fois encore que ie confesse que les instrumens de cest acte peuuent estre rendus inhabiles à l'execution, par le moyen du diable si est-ce que ie nie fort & ferme, que telle chose se puisse faire par la maligne volonte & detestable maudisson d'une orde & sale vieille, iagoit qu'autrement elle le croye, estant iniquement persuadee par le diable. Ce mesme auteur peut bien quelques fois tellement relascher & deliurer les instrumens de la generation en vn homme, qu'il luy sera aisé d'executer l'acte venerien avec vne femme, & non avec vne autre: car il les empesche derechef. En quoy faisant il n'a besoin d'auoir aide d'autrui. Ainsi les celebres & vilaines courtisanes d'Italie, & de Rome principalement, ont opinion qu'elles rendent les hommes inhabiles à l'acte venerien, depuis qu'elles peuuent en cachettes releuer & puis nouer l'esguillette de deuant de quelque personnage, lequel derechef elles pensent rendre habile quand elles luy rendent son esguillette. Autant en dit-on de la verge d'un loup liee ou desliee au nom de quelqu'un. On dit aussi que si quelque malueillant frappe seulement à la porte de la chambre en laquelle l'espouse est couché avec son espouse, & que fichant vn

*Comme il se fait que les homes ne peuuent auoir affaire aux femmes.*

*Decretal. Greg. 9. tit. 15.*



cousteau dedans la porte il l'appelle, & que l'autre  
respõde, si celuy qui bastit la sorcelerie rompt à l'her  
la poincte du cousteau & qu'il la laisse dedans le bo  
se retirant sans dire mot le marié ne pourra aucun  
ment auoir la compagnie de sa femme: toutesfois ce  
sont que mensonges. Quelqu'un raconte qu'un gent  
homme de son pays luy iuroit auoir esté lié, tellem  
qu'il ne pouuoit auoir affaire avec les femmes: tout  
fois qu'il en auoit esté garéty par vne subtilité & ad  
se, par laquelle cestuy-cy pensant confermer la persi  
sion de l'autre, luy fit voir le liure de Cleopatre: leq  
elle auoit fait du moyen d'entretenir la beauté d  
femmes, & dedans lequel il est escrit, que ceux qui so  
ainsi liez en sont garentis s'ils oignent tout leur corps  
fiel de courbeau & d'huile de Iugioline. Ce qu'aya  
entendu, & se confiant aux paroles du liure, il ne fail  
de le faire & incontinent il fut guery. Tout ainsi q  
par vne meschante & fausse croyance il auiet qu'on  
blessé & interessé: aussi est-il possible que par le moy  
d'icelle mesme, on soit soulagé, comme l'experien  
le monstre.

I'AY assez parlé au liure precedent du fallacieux en  
brassement des Incubes & Succubes avec les hom  
là où nous auons disputé & considéré diligemment  
actions des sorcieres.

*De diuerses liaisons.*

## CHAP. XXI.



**N**OUS rapporterons icy, comme en vn cat  
logue, toutes les folles croyances qu'on  
des diuerses liaisons, comme est celle  
l'amour & de la haine: de la maladie &  
la santé, & telles autres semblables: Ite  
la liaison des larrons & volleurs, par laquelle ils  
peuvent desrober en certains lieux: la liaison des ma  
chands, par laquelle ils ne peuent ni vendre ni acheter  
en certains lieux: la liaison des armées, par laquelle e  
les ne peuent passer quelques certains limites: la lia  
son des nauires, par laquelle elles ne peuent sortir  
hau



haure, ni par la force des vents, ni par l'aide des voiles: la liaison du moulin, par laquelle il ne peut tourner ni moudre: la liaison de la cisternne ou fontaine, par laquelle on n'en peut tirer de l'eau: la liaison des terres labou- rables, par laquelle le bled n'y peut germer: la liaison de quelque lieu & par terre, par laquelle on n'y peut ba- stir: la liaison du feu, par laquelle il ne se peut allumer en certain endroit, ni brusser ce que lon en approche, voire fussent les choses les plus aisees à brusser, mises dedans vn grand feu & ardent: la liaison des foudres & tempestes, par laquelle ils ne peuuent nuire: la liaison des chiens, par laquelle ils ne peuuent aboyer: la liaison des oiseaux, & des bestes sauvages, par laquelle le voler & la fuite est empeschée: Item toutes autres telles liai- sons, lesquelles certainement surpassent toute croyan- ce, & sont en partie faussement controuuees, & en par- tie doiuent estre rapportees ou aux raisons naturelles, ou à la folle & meschante croyance, ou à la collusion du- diable, ou bien à l'occulte volonté de Dieu, si aucun ef- fect en ensuit, & non à ces malheureuses liaisons.

Dv temps que monsieur Renier Solenandre estoit au Gallicā de Lucques sous l'Apennin: aint ainsi qu'il se pourmenoit avec vn sien ami, qu'ils entendirent vn grand cry de villageois, qui chassoyent apres vn renard: & comme ils regardoyent, ils voyoyent le renard qui se sauuoit de vistesse le long de la montagne & empor- toit vne poule grasse. Celuy qui estoit avec Solenan- dre dit, voulez-vous que ie luy face laisser la proye? & incontinent il fit tourner vne grande pierre qui estoit au chemin, & ainsi le renard s'arresta & quitta la poule, laquelle il prit, & afferma l'auoir fait seulemēt en tour- nant la pierre, & que par ce moyen la poule estoit de- uenue pesante, & se fust tousiours apesantie iusques à ce que le renard l'eust laschee: toutesfois en la tournant il murmura entre ses dents quelques paroles. Apres que ils furent de retour au Gallican, le laboureur qui auoit perdu la poule la redemanda à l'autre, lequel luy refusa, & pour ceste cause il le fit appeler en iugement, l'accu- sant de luy retenir sa poule, ce que l'autre ne nioir, mais disoit l'auoir iustement acquise, comme l'ayant arra- chee de la gueule du renard. En fin apres qu'ils en eu-



rent plaidé quelque temps, le iuge ordonna qu'ils mangeroient la poule par ensemble, avec quelques vns de leurs amis.

A I N S I que quelquesfois on deuisoit de ces liaisons Iean Sohet du Liege, medecin de gentil esprit, raconte qu'autresfois il auoit obserué, que lors que sa mere aperceuoit desia la nuit estre venue, & que ses bœufs n'estoyent retournez des champs : ou bien lors que son haras estoit esgaré, elle prenoit vne coignée la premiere qu'elle rencontroit en sa voye, qu'elle iettoit par sa fenestre, disant voila le gage pour cestuy-ci, ou pour cestuy-là. Car elle croyoit que par ce moyen son bestail estoit hors de danger d'estre mangé des loups ou de autres bestes. P'employeray ici l'histoire escrite par C. laus, touchant le magicien nommé Gilbert entre les Ostregots, lequel auoit esté lié en vne cauerne par son maistre Catil, à celle fin qu'il demeurast immobile pendant qu'il l'assaudroit.

*Liure 3 de  
l'hist. sept.  
chap. 20.*

LES Turcs ont leurs forcelleries par le moyen de lesquelles ils ramènent par force les esclaves qui s'en sont fuïs. Ils escriuent le nom de cest esclave en vn breuiet qu'ils pendent au pauillon ou chambre d'iceluy : puis font des imprecations & prononcent des paroles estranges & horribles contre l'esclave. Alors par la puissance du diable, le fugitif estime que son chemin se remplit de dragons & de lions, ou que la mer & les riuieres se desbordent pour le venir engloutir, ou qu'il est en tenebres : & ces effrois le ramènent à son maistre. Ainsi dit-on qu'une idole nommée Baal-zephon venoit & retenoit les seruantes esclaves d'Egypte.

O R ceste folle opinion de diuerses liaisons est faite par forcelleries, collyres, onguens, boissons ou philtres, & certaines matieres designees : par nœuds, suspensions ou choses pendues, par fortes imaginations, excès d'esprit, par images caracteres, anneaux, lumieres, sons, nombres : par maudissions, inuocations, conjurations, sacrifices, consecrations, vœux, noms, paroles, par plusieurs & diuerses folies d'observations & superstitions : parmy lesquelles ils ont acoustumé de mesler des sentences de la sainte Escriture, lesquelles ils pensent pouoir estre commodés à leurs desseins. Ainsi s'

de



dent-ils de la malediction du serpent faite au paradis *Genese. 3.*  
 terrestre, lors qu'ils veulent coniurer les serpens. Item *Nomb. 21.*  
 l'elevation du serpent au desert, comme s'il se pouuoit *Pse. 90.*  
 accommoder, Item les vers du pseaume, Tu marcheras  
 sur l'Aspic & Basilic &cæ. La superstition est de fort  
 grande efficace lors qu'ils vsent des ceremonies sacra-  
 mentales en ce qu'ils ont enuie de lier ou empescher.  
 Les diables aussi seignēt d'estre liez: mais ce n'est point  
 d'autres liens que de ceux qu'ils ont baillez, asauoir de  
 mensonges, sacrileges, & de vilaines & mensongeres  
 choses, lesquelles i'ay honte de raconter. I'ay mesme  
 conu plusieurs enforciez, lesquels estoient souuent &  
 en diuerfes manieres transportez & tournez ça & là, &  
 parloyent des langages estranges & diuers. I'en ay veu  
 d'autres, des oreilles desquels il sortoit des petites  
 bestes, les vnes rampantes & les autres volantes, & vn  
 tas d'autres miracles semblables, qui se font par le seul  
 moyen du diable, encores que les personnes trop cre-  
 dules l'attribuent aux vieilles forciers.

*Que les hommes ne peuuent estre, par quelque moyen que ce soit,  
 transformer en bestes. L'explication de l'assable des compagnons  
 d'Vlyse & de Diomedes. Item des Arcades transformer.*

## CHAP. XXII.



Antiquité trop superstitieuse & credule, a  
 pensē que plusieurs estoient conuertis en  
 bestes par les charmes des sorcieres. Ainsi  
 Pline raconte que Demarque se conuertit  
 en loup apres qu'il eust goustē des entrail-  
 les d'un petit enfant sacrifiē. Et certainemēt à bon droit  
 celuy deuroit estre nommē loup rauissant, qui auroit  
 mangē les entrailles d'un homme. Et dit-on que Circe  
 transforma les cōpagnons d'Vlyse en bestes, lors qu'ils  
 voyageoyent, & que ce fut par boissons medecinales,  
 ainsi que Virgile a escrit.

*Ceux que Circe cruelle auoit tous reueſtus,  
 Par ses medicaments de tresgrande vertu,  
 De la saee & du port des bestes effroyable  
 Bien qu'ils fussent auant à des hommes semblables*

*Liu 7. de  
 l'Enceide.*



Et en la huietieme Eglogue.

*Mæris m'a fait present de ces venins esleus,  
De ces herbes aussi. ces venins sont venus  
Des riuës de la mer, où ils ont leur naissance,  
Et par eux bien souuent il prenoit la semblance  
D'un loup, puis dans les bois subit il se cachoit,  
Ou du fond d'un tombeau l'esprit il arrachoit,  
Ou bien il transportoit les moissons ia sèmees.*

Liv. 4. de  
consol. phi-  
loso.

Boësse escrit aussi à ce propos:

*Le vent poussa la voile, & les nefs passageres  
Du Duc Naricien aux isles estrangeres,  
Où la fille au Soleil excellente en beaultez,  
Mesle mille boissens au parauant touchees  
De charmes vertueux & paroles cachees,  
Pour les hostes qui sont avec elle arrestez.*

*Par ces diuers moyens sa main enchanteresse  
Change l'un en sanglier & d'une mesme adresse  
A l'autre étant Lion les ongles & les dents  
Croissent de toutes parts & l'autre mis au nombre  
Des grands Loups rauissans, veut pleurer son encombre,  
Mais il hurle vne voix qui luy sort de dedans.*

Et vn peu apres il dit.

*Le seul espoir rassis leur demeure immuable,  
Et se plaint au dedans de ce monstre effroyable.  
O la main peu puissante, & charmes impuissans,  
Qui peuuent seulement par leur folle meslange  
Des membres corporels faire soudain eschange:  
Et non pas des esprits qui demeurent constans.*

*Là dedans se retient des hommes la puissance  
Cachee par effet d'une occulte science:*

*Tous ces venins mortels que les hommes ont pris  
Entrent bien au dedans, & tout soudain le changent,  
Mais ores que nuisans sur le cœur ils se rangent,  
Si ne peuuent-ils rien encontre les esprits.*

Au dia-  
logue de  
l'Asne.

ON pourra mettre en ce mesme rang tant les fables  
d'Apulee transformé en asne, que la metamorphose de  
Lucian, lequel estat allé en Thessalie pour aprêdre l'art  
magique, arriua d'auenture en vne maison en laquelle  
il y auoit vne femme qui fut conuertie en corbeau aus-  
si tost qu'elle se fust oincte d'un vnguent. Lucian s'en  
voulant oindre cōme l'autre, d'auéture print vne boitte  
par



par mesgarde, laquelle le fit transformer en asne. Mais estant mené au theatre au milieu de plusieurs herbes, il redeuint homme apres qu'il eut mangé des roses, ainsi que la chambriere luy auoit enseigné.

I l ne faut penser qu'il y ait autre vertu es venins & herbes que celle qui procede des qualitez manifestes, ou bien de toute leur substance. Or sçauons-nous, bien que nulle de ces deux n'a la vertu de transformer les hommes en bestes: dõt il ensuit que ceste faculté leur est baillee par charmes. Escoutons ce qu'en escrit saint Augustin: Si nous disons ces choses ne deuoir estre re- ceues pour veritez, il n'y a point de doute qu'il ne se rencontre des hommes, lesquels diront incontinent auoir entëdu des choses semblables, comme tresvrayes ou bien les auoir experimentees. Car moy-mesme estant en Italie, j'entëdis raconter plusieurs choses faites en quelques regions du pais, là où les femmes gardiennes du bestail, experimentees en cest art, donnoient, comme on disoit, du fromage à qui bon leur sembloit des passans, ou bien à ceux qu'elles pouuoient attirer, par lequel ils estoient incontinent transformez en che- uaux ou en asnes, tant & si long temps qu'elles en auoyent afaire pour porter quelques charges: & que incontinent apres ils reuenoyent en leur premiere nature. Cependant toutefois ils disoyent que l'esprit & la raison leur demeuroit, comme Apulee escrit ou feint luy estre auenu es liures qu'il a escrits de l'asne doré, où il dit qu'apres qu'il eut pris vn venin, il deuint asne, & toutesfois ne perdit la raison humaine. Ces choses sont fausses ou tellement inusitees qu'à bon droit on ne les doit croire. Il escrit aussi au liure de l'esprit & de l'ame, l'humaine opinion, dit-il, est d'auis que par l'art de quelques femmes & puissance des diables, les hommes peuvent estre conuertis en loups & bestes cheualines pour porter toutes choses necessaires, & peuvent reuenir à leur premiere nature, sans auoir toutes-fois l'esprit abesti: mais tousiours demourans en leur esprit humain & raisonnant. Or faut il entendre ceci en la façon qui s'ensuit: sçauoir est que les diables ne peuvent creer les natures, ains seulement peuvent faire vne chose qui semble estre ce qu'elle n'est pas. Il poursuit encores au

*Liu. 10. de  
la cité de  
Dieu chap.  
18.*

*Chap. 26.*



chapitre suyuant du liure que i'ay allegué de la cité de Dieu: Je ne penseray donc point que l'esprit de l'homme ni mesme son corps, puisse estre veritablemēt transformé par art ou puissance des diables en membres ou lineamens de bestes: mais ie suis d'opinion que seulement le fantasme d'un homme est porté aux sens des voyans sous vne forme corporelle, par ie ne say quelle maniere qu'on ne peut expliquer: & que cependant les vrais corps sont coulez en quelque part, où ils vivent, mais en telle maniere qu'ils ont tous les sens beaucoup plus ofusquez, que non pas quand on dort. Car la fantasie se diuersifie par les infinies especes des choses, non seulement en dormant, mais aussi en songeant: & encores qu'elle ne soit pas corps, si est-ce que par vne grande viftesse elle prend des formes semblables aux corps, tant dis que les sens de l'homme sont endormis ou oppressez. Or ceste chose fantastique, comme estant corporelle, aparoit aux sens d'autrui sous la semblance de quelque animal: & mesme l'homme pense estre tel, comme tel il se peut persuader estre, lors qu'il songe en dormant, & qu'il pense porter des fardeaux: lesquels estans vrais fardeaux sont portez par les diables, afin que les hommes soyent trompez, qui voyent en partie des fardeaux veritablement tels qu'ils apparoiſſent: & en partie des bestes cheualines qui sont fausses & seulement aparentes. Car vn homme nommé Prestance con-

*Le pere de Prestance dormant profondement pensoit estre fait cheual.* toitoit qu'il estoit auenu à son pere de prendre ce vein dedans du fromage, & que de là il estoit demeuré en son liēt dormant si profondement, que pour chose qu'on luy fist, il ne peut estre esueillé. En fin il s'estoit reueillé & leur auoit racoté ce qu'il auoit enduré en songeant, asauoir qu'il auoit esté transformé en cheual, & porté les viures avec les autres cheuaux aux gens-d'armes, & que ces viures se nommoient Retiques, pour autant qu'ils estoient portez à Retie: toutesfois ceste chose qu'il disoit luy estre auenue en dormant auoit esté veritablement faite. Il y en auoit vn autre qui contoit qu'estant en son logis, vn peu deuant que dormir, il auoit veu vn philosophe, qu'il cognoissoit, venir vers luy, lequel luy auoit expliqué quelques passages de la doctrine de Platon, qu'onques au parauant il ne luy auoit



uoit voulu dire, encores qu'il l'en eust prié. Et comme quelque temps apres il demâdoit au philosophe pourquoy il luy auoit dit chez soy ce qu'il luy auoit refusé en sa maison, il luy respondit, que veritablement il ne l'auoit pas fait, mais bien qu'il l'auoit ainsi songé. Ainsi cestuy-cy vid en veillant par image phantastique, ce que l'autre auoit fait & veu en songeât. Ces choses nous ont esté rapportees non par gens tels quels, & dont le témoignage doyue estre reuoké en doute: mais par ceux que nous auons pensé n'auoir voulu mentir.

QUANT à moy, j'estime qu'en ceste mesme maniere les hommes Arcadiens furent changez en loups par les dieux, ou plustost par les diables, & que Circé chargea par charmes les compagnons d'Vlysse, s'il est ainsi que telle chose soit auenue. Je pense aussi que les oyseaux Diomedens furent faits, non point d'hommes transformez, mais supposez au lieu de ceux lesquels auoyent esté emportez: car on dit que leur race dure encores iusque'à ce iourd'huy. En ceste maniere la biche fut supposee au lieu de la fille d'Agamemnon: dautant que telles impostures ne sont malaises à faire par le diable, quand Dieu le permet. Lon a bien conu aussi que la biche auoit esté supposée, pourautant qu'on auoit trouué la fille encores viuante. Mais on pense que les compagnons de Diomed furent transformez, dautant qu'à l'heure mesme ils s'esuanouyrent & qu'onques depuis ils n'aparurent, ayns esté abysmeez par les anges malins & vengeurs: & pource aussi qu'occultement on vid des oyseaux en leurs places, lesquels n'auoyent encores esté veus en ces contrees, & y auoyent esté apportez d'ailleurs. Quand est de ce que ces oyseaux apportent & aspergent de l'eau au temple de Diomed, & que seulement ils flattent les Grecs, & chassent les estrangers: il ne se faut point esmerueiller si cela se fait à l'instigation des diables, qui ont interest en cela, c'est à dire qu'à eux appartient de persuader que Diomed a esté fait Dieu: ce qu'ils font pour mieux tromper les hommes, afin qu'au mespris du vray Dieu, ils en adorent plusieurs faux, & qu'ils seruent aux homes morts, qui en leur viuant n'ont vescu comme il appartenoit: ie dis qu'ils leur seruent es tēples, en autels, par sacrifices



& prestres, lesquelles choses iustement obseruees, sont seulement deuës à vn seul Dieu, viuant & veritable. Voila ce qu'en escrit Sainct Augustin.

Il n'y a point de doute que si l'on n'eust obserué diligemment le pere de Prestance pèdant qu'il dormoit luy mesme eust pensè auoir veritablemēt fait les choses que depuis il raconta, & que seulement il auoit veues par songes: & par ce moyen vn faux bruit eust esté pris par plusieurs comme vne opinion de verité. Mais ce ne sont que songes & phantosmes, cōme mesme Thomas a pensè en la question des Miracles. Les Decrets aussi reputēt celuy estre plus meschāt qu'un Payé & infidele, lequel pensè que par vn autre que le Createur de toutes choses, yne creature soit creéc ou trāsmuee en mieu ou pis, ou trāsmuee en autre espece ou similitude.

Plusieurs pēsēt avec Pline que c'est yne chose fabuleuse ou inuentee par les Poētes, que les cōpagnons d'Vlysse ayēt esté trāsmomez en bestes, ceux de Diomedes en oyseaux, & que les Arcades ayent esté transformez en loups, apres auoir passè dedans vn certain sang. Car Pline escrit que lon doit tenir pour certain que c'est yne chose fabuleuse de dire que les hommes soyent conuertis en loups, & puis retournent à estre tels qu'ils estoient: ou bien de croire toutes les choses fabuleuses que nous pensons estre auenues il y a long temps. Puis il dit apres, c'est yne chose esmerueilleuse cōbien s'est estendue la folle croyance des Grecs. Il a mensonge tant impudēt soil-il, qui n'ait son tesmoignage. Il dit encores que les Poētes ont feint les compagnons de Diomedes auoir esté transformez en oyseaux, par tant que les oyseaux Diomedes, nommez Cauteretes par Iuba, ne sont veus en aucune partie de la terre excepté en l'isle en laquelle est le sepulchre & le temple de Diomedes, asauoir vers l'Apouille. Ces oyseaux sont semblables aux foulques. Et pourautāt qu'ils tuent les estrangers à force de crier, ils disent que le mēt ils sont doux & amiables aux Grecs, attribuant la à la posterité de Diomedes, le tēple duquel ils adorent & purifient avec l'eau qu'ils y apportent à pleines & dedans les plumes de leurs aïles. De là la fable de son commencement, & dit-on que les compagnons de Diomedes

2. partie.  
20. q. 5.  
Epi.

Liv. 8. ch.  
22.

Liv. 10. ch.  
44.



Diomedes furent transformez en ces oyseaux. Il y en a quelques vns, qui raportēt ces fallaces à vne intelligēce morale, & disent que les Arcades viuoyent en façon de loups, cōme hōmes cruels & rauissans, se nourrissoyent de chair crüe, & parauenture de celle des hommes. Autant en peut-on dire des compagnōs d'Vlysse, lesquels pour leur mauuaise vie sont accomparez aux bestes.

Ainsi, quand il est dit que Diomedes & ses compagnons chassiez de Grece, & arriuez en Italie, furent changez en oyseaux: on a entendu par ceste feinte que ils estoient deuenus escumeurs de mer, & auoyent esté tuez les vns apres les autres. Quant à la puissance & transformation de Circé, Xenophon au commencement des dits & faits de Socrates, en dit ce qui s'ensuit. Socrates estoit si sobre au repas qu'il mangeoit ioyeusement, & estoit tellement disposé, allant à quelque banquet, que l'appetit luy estoit vne excellente refection. Tout bruyage luy estoit sauoureux, pource qu'il ne buuoit iamais qu'ayant soif. Si quelques fois il se trouuoit en compagnie d'où il estoit mal-aisé de se departir sans faire quelque excès, neantmoins il s'en exemptoit fort aisément. Il conseilloit à ceux qui ne pouuoient gagner cela sur eux, de s'abstenir de manger viandes & bruyages qui prouoquent & irritent l'estomach sans qu'il ait appetit: disant que cela nuisoit grandement au corps & à l'ame. Et en se iouant, i'estime, dit-il, que Circé a changé en pourceaux ceux qu'elle nourrissoit de plusieurs & diuerses viandes: & qu'Vlysses en partie par le cōseil de Minerue, en partie par son abstinence, auoit esté garanti d'un tel abrutissement. Voila ce qu'il disoit en riant & à bon escient de ces choses.

*De la maladie nommee Lycanthropie, par laquelle les hommes pensent estre transformez en loups, que nous nommons vulgairement Loups-garoux.*

## CHAP. XXIII.

Voyez le  
liure 2. c. h.



VILLAVME de Brabant a escrit en son 26. & le  
histoire qu'un homme bien auisé de soy- liu. 5. cha.  
mesmes, fut toutes fois tellemēt trauaillé 14. de ce  
du diable qu'en quelque saison de l'annee present au  
il pesoit estre vn loup rauissant, courroit çà ure.



& là dedans les bois, cauernes, & deserts, principalemēt apres les petis enfans: mesmes il escrit qu'il fut trouué souuentes fois par les forests, courant comme vn homme hors du sens: & qu'en fin par la grace de Dieu il reuint à soy & fut guery.

*Iob. Finsel  
auliure 2.  
des mira-  
cles.*

Il y eut aussi à Pauie, l'an mil cinq cens quarante & vn, vn villageois qui pésoit estre Loup, & assaillit plusieurs hommes par les champs, & en tua quelques vns. En fin estant pris, non sans grande difficulté, il assura fermement qu'il estoit loup, & qu'il n'y auoit autre difference, sinon qu'il auoit la peau retournee, & que son poil estoit par dedans. Parquoy quelques vns trop inhumains, & veritablement Loups cruels & raiissans, voulans experiméter la verité du fait, luy donnerēt plusieurs coups sur les bras & sur les iambes, qu'ils luy couperent, puis conoissans l'innocence du pauvre homme, le baillerent aux chirurgiens pour le penser, entre les mains desquels il mourut quelques iours apres. Il n'y a point de doute que ces deux n'ayēt esté malades de ce-

*Auicenne  
li. 1. 3. sen.  
1. trai. 4.  
cha. 21.*

cette espece de melancholie, que les Arabes nomment Chatrap, à cause d'une petite beste qu'ils appellent ainsi, laquelle sans repos va & vient dessus les eaux. Les Latins nomment ce petit animal entaillé, Tipule: comme quelques vns escriuent, il habite ordinaiement es lieux

*Paul. Aemarscageux.  
gin. liur. 3.  
chapi. 16.*

Ceste maladie qui fait que les hommes pensent estre Loups, est nommee par les Grecs Lycanthropie: quelques vns la nomment melancholie Lou-

*Aesse. li. uiere,  
6. chap. 11.  
Melancho-  
lie Lounse  
re.*

uiere, selon Marcel: Item folie Louuiere: quelques vns la nomment aussi Lycaonie, & les autres Cynanthropie. Ceux qui sont malades de ceste maladie, pensent estre transformez en Loups, ou en Chiens: ce qu'ils ont leur auient par les fumees de la melancholie ou cholere noire. Parquoy ils sortent de leurs maisons principalemēt de nuit, & ensuyuent en tout & par tout les Loups ou les Chiens. Ils sont passés: ils ont les yeux enfoncez & haues: ils ne voyēt que mal-aisēmēt: ils ont la langue fort seiche: ils ont soif, & n'ont aucune saluue en leur bouche. Ils ont tellement les os des iambes escorchez, à raison qu'ils s'y frapent souuēt & que les Chiens mordēt, qu'à grād peine les en peut on guerir. Les iys de les guerir s'ont la saignée iusques à l'euāouissement.

femer



ement, les viandes de bon suc, les bains d'eau douce, le lait clair, la hie de colocynthe selon l'ordonnance de Ruffus, d'Archigene, ou de Iuste, la theriaque, & les autres medicamens cōtraires à la melācholie. Deuāt que les accès les prennent on leur frote la teste avec des choses endormātes, & mesmes on leur frote le nez avec de l'Opium. Il leur faut donner aussi quelquefois vne medecine pour les faire dormir. Il est vray semblable que ce vice naturel & perte de l'esprit humain a donné occasion à la fable escrite par Ouide, de Lycaon Roy d'Arcadie, lequel cōme il escrit, fut à raison de ses mesfaits changé en Loup, par Iupiter. Cependant il adiouste les accidens & les signes de la Lycāthropie, ainsi que souuētefois les folles inuētiōs des Poētes ont acoustumé d'estre apuiees sur les causes naturelles: il escrit doncques,

*Lin. 1. des  
metamor-  
phoses.*

*Il s'enfuit estonné, & trouuant le silence  
Dans les champs esgaré, qu'il quiert pour demourance,  
Il hurle, & vainement il s'efforce à parler.*

*Lin. 3. seu.  
1. trait. 4.  
chap. 29.*

AVICENNE a remarqué en ses liures que plusieurs tourmentez par ceste cholere noire, ont pensé estre lions, ou diables, ou oyseaux. Les Neures peuple de Scythie auoyent ceste opinion qu'ils se pouuoient transformer en loups, ce dit Herodote: & Baian, fils de Simeon prince des Bulgares, estoit estimé si adextre magicien, qu'il se pouuoit changer en loup ou autre beste sauuage, quand bon luy sembloit. Pline & Edouart escriuent, que la ceruelle d'un ours estant prise par la bouche, esmeut les imaginariōs, par lesquelles on pense estre transformé en ours. Mesmes on conte que lon en a baillé de nostre temps à vn Gentil-homme Espagnol lequel en eut la fantaisie tellement troublée, que pensant estre transformé en ours, il s'enfuit dedans les montaignes & deserts. Or auons-nous monstré tant par raisons que par les passages escrits au Decret, que le diable, ni autre creature ne peut creer aucune chose, ni veritablement changer: ce qui apert aussi tres-euidement par le tesmoignage & confession de ceux qui ont endure telles folies, laquelle confession i'expliqueray au chapitre onsieme du Sixieme liure.



*De la naturelle transmutation du sexe humain.*

## CHAP. XXIIII.

*Liv. 7. c. 4.  
Gell. liv. 9.  
chap. 4.*



V reste ie descriray ici les miracles de nature, lesquels me pourront estre obiectez en cest endroit. Plin<sup>e</sup> escrit: Ce n'est point chose fabuleuse, dit-il, que les femmes aient esté transformees en masses. Nous

*Liv. 6. des  
epidemics,  
partie 8.  
Aphor. 45.*

trouuons aux Annales que pendant que Licinius Crassus, & C. Crassus Longinus estoient consuls, il y eut vne fillette muee en garçon chez ses parens, laquelle par le cōmandemēt des deuins fut portee en vne Isle deserte. Licinius Mutianus escrit qu'il a veu en Argos vn appelé Aresconte, lequel parauant estoit fille nommee Arecuse, estre marié, & depuis auoir eu barbe & estre deuenu hōme, & auoir pris femme en mariage. Il dit aussi qu'il en auint autant à vn garçon de Smyrne, comme il a veu. Puis il escrit encores, l'ay veu, dit-il, L. Cossitie, citoyen de Tisdrítane, lequel de fille deuint homme le iour de ses noces. Tite Liue escrit au 4. de la seconde guerre Punique, que pendant le Cōsulat de Q. Fabius, & Marcus Clāudius Marcellus, il y eut vne femme qui deuint hōme à Spolette. Hippocrate escrit aussi que le corps de Phaëtuse femme de Pytheus, deuint tout viril, & velu par tout, mesme que la barbe luy vint, & parloit d'vne voix virile. Ce qu'il dit encores estre auenu en Thasos à Mamysie femme de Gorgippus.

MAIS afin que ce miracle de nature soit encores mieux receu, ie reciteray ce qui est auenu de nostre tēps sous le regne de Ferdinand premier du nom, roy de Naples, Louys Garne citoyen de Naples auoit cinq filles, les deux aînees nommées François<sup>e</sup> & Charlotte, auxquelles paruenues à l'age de quinze ans, sortirent des membres virils, & lors changerent d'habillemēt, on les tint pour masses, & les nomma-on François & Charles. Du temps du mesme roy, vne fille d'Ebulo qui des quatre ans auparauant estant fiancée, la nuit de ses noces se sentit & conut estre deuenue masse: par ainsi elle reuint chez son pere, redemanda son douaire en iustice, & depuis fut tenue au nombre des masses. Ces histoires sont recitees par Baptiste Fulgose au 3. liu. chap. 6.

DAVANTAGE



DAVANTAGE Amat le Portugois escrit vn histoire semblable: Il y auoit dit-il, au bourg d'Esquerre distât de neuf lieues de Conybrice ville renommée en Portugal vne ieune fille issue de noble parété, laquelle se nomoit, si bien il me souuiét, Marie Pacheco. Ceste fille ayât atteint l'age auquel les filles ont acoustumé d'auoir leurs fleurs, au lieu de les pousser dehors, s'etit sortir vn membre viril, lequel auoit esté tousiours caché dedans son corps iusques lors. Ainsi estant faite masse, il fut habillé cōme les ieunes hommes, rebaptisé & nommé Manuel. Il voyagea depuis aux Indes, où il deuint riche & renommé, puis estant de retour print femme: toutesfois ie ne sçay s'il a eu des enfans. Vray est que ie sçay fort bien qu'il est tousiours demeuré sans barbe. Voila ce qu'il escrit, & ce que i'ay bien voulu aleguer, pour prouuer que non seulement ceste eschange de sexe est veritable & apuyé en raisons naturelles: mais aussi que les femmes peuvēt estre transmues en masse cōtre la vaine defense d'Aufonne, lequel pense nier l'oposite de ceste eschange par l'autorité de deux exemples. Car incōtinent apés que i'auray descouuert & fait conoitre la cause de ces effects incroyables, la necessité de la consequēce descouurira la fausseté de l'autre. Or afin que par recherches nous puissions tirer & fonder ceste consequēce, il nous faut supposer deux fondemens en tout & par tout conuenables à la demonstration naturelle. Le premier est qu'apres la naissance de l'animant, la vertu & faculté cōformatrice, c'est à dire celle qui engendre, n'est point otiueuse. Le second est, que les femmes, de droit, ont quel que partie à elles particuliere: la presence de laquelle amministre la matiere à la generation, ainsi que l'autre luy baille l'action de la cause efficiente & operante. Que si cela est vray, cōme certainement il est, il faut que quelque membre soit caché en la partie honteuse des femmes lequel en figure soit semblable à la verge de l'homme. Car il apert par la certitude des raisons naturelles, que l'operation de la nature ne s'exerce & execute en tout suiet, mais en celuy qui est idoine & disposé: tout ainsi cōme la vertu & faculté qui engendre apres que l'animant est sur terre ne procreé point de nouveau des parties, à raison du defect de matiere conuenable, & des



autres semblables occasions: mais elle peut facilement parfaire & accomplir celles qui sont imparfaites. Icy quoy ces choses ainsi donnees à entendre, il faut sçavoir qu'il y a quelquefois vne chose dedans le conduit naturel des femmes, laquelle ressemble en tout & par tout la verge virile, tellement que mesmes elle a des liens, nerfs, des veines, des arteres, des muscles, vn prepuce, vne teste, & bref toutes choses qui y sont requises. Modernes n'ont iusqu'à present obserué ceste chose diligemment, comme ils deuoyent, à raison qu'elle est couuverte de graisse: & toutesfois Auicenne l'a descouuue sous le nom d'Albathara ou Albandar. Elle est aussi nommee par Ruffus Ephesien, clitore en Grec, & ce que les Latins apellent Nympha, est nommé par luy hypomureme. Or ceste partie charnue peu à peu s'augmente, s'estend si bien qu'en la fin elle se fait en tout & par tout semblable à vn membre viril. Ce qui auient principalement lors que les fleurs commencent à sortir, ou quand on marie les filles, pourautant qu'au temps que les fleurs l'impetuosité de la nature le fait agrandir: & par la vehemence du premier embrasement ce qui retenoit la partie enfermee est rompu, tellement que la vertu engendre estant deschargee, besongne plus promptement & le fait paroistre dehors. Ainsi se fait-il, que le corps deuiet velu, à raison que les fleurs ne coulēt plus, & encores plus robuste, à cause de l'eschange du feminin en viril. Et cōme ainsi soit que la femme fait ceste partie (comme ie dis qu'encores que par elle elles soyent toutes femmes, par aptitude toutesfois elles sont hommes) il s'ensuit necessairement que ce mot d'eschange s'entend du genre feminin en masculin & non au contraire. Car la nature adioustet tousiours & ne diminue: tousiours elle chasse hors & ne retient iamais, & tousiours elle incline vers ce qui est plus digne, & iamais vers le plus indigne. Par ailleurs on dis qu'Ausonius a escrit en vain, qu'un ieune garcon deuint soudainement fille à Beneuent. Les Poëtes ont controuué telles fables, comme il appert de ce qui est content estre auenu à Tiresias deuin de Thebes, duquel a esté faite mention ci dessus qu'ayant frapé d'un baston deux serpens ioints ensemble, il fut transformé en femme.



me: & onze ans apres ayant redonné le mesme coup il redeuint homme.

SABELLIQUE & Pontan se sont resouuenus de pareils miracles. Mais toutes ces choses qui auiennent par vne operatiō cachee de la nature & cōtinuēt en la metamorphose d'un seul sexe, ne doyuent estre mises en ce lieu, auquel seulement nous expliquons, autant qu'il nous est possible, les fausses & soudaines formes, ensemble les impostures des diables.

*Liv. 9. cha.  
8. des mi-  
racles.*

*Que lon pense plusieurs estre demoniaques, lesquels toutesfois sont seulement tourmentez par la melancholie, & au contraire.*

## CHAP. XXV.

**N** Ous auons cy dessus au septieme chapitre du troisieme liure, expliqué tout au long & parlé de l'imagination depravee des melancholiques: Item de leurs folies ridicules, & des grandes & horribles & serieuses actions, qui souuentefois s'en ensuyuēt, tellement qu'il n'est besoin que ie le repete encores vne fois. On pense souuent que tels malades soyent ou fols, ou demoniaques, ainsi comme l'on pense que les demoniaques soyent melancholiques. Parquoy il faut auoir en tels cas vn bon iugement, pour discerner ces diuerfes maladies, qui souuentefois sont acouplees ensemble. Car le diable, comme i'ay dit ci deuant, se mesle tres-volontiers avec l'humeur melancholique, comme le trouuāt apte & fort commode pour executer ses impostures: à raison, dequoy S. Ierosme a dit fort à propos que la melancholie est le bain du diable. Et toutesfois tous les melancholiques ne sont tourmentez du diable: au contraire il auient ordinaiemēt que tous les demoniaques deuiennent melancholiques, à raison des grandes maladies & cruelles douleurs qu'ils endurent. Il y auoit vne femme à Buderic, laquelle tous les ans estoit malade de melancholie ou plustost de manie, tellement que par l'espace de quelques semaines elle ne bougeoit d'alentour des tōbes des morts es cemitieres,



& de là s'en alloit par les rues rompre les portes de l'yn & les fenestres de l'autre, & quelquefois aussi elle s'en couroit es lieux secrets & champestres. Pourautant que ce mal luy prenoit ordinairement vers Pasques, asauoir sur le renouveau, auquel temps il auient plus volontiers à cause des humeurs qui s'esmeuent: le peuple pensoit qu'elle fust tourmentee du malin esprit. Voyez aussi l'histoire de la demoniaque, que lon pensoit estre seulement melancholique, au chapitre dixseptieme de ce liure.

*Deux histoires memorables touchant deux hommes, qui seignoyent estre demoniaques, & le second se disoit estre enforceleé & enchanté.*

### CHAP. XXVI.



**L** me semble que ce ne sera faire contre mon intention, si i'enrolle au nombre de ces histoires touchant les demoniaques, vne feinte naturelle d'vn belistre, laquelle est rare & que i'ay veüe à Nieumeghe en Gueldres. Ce maraut nommé Iuste seignoit estre demoniaque, afin d'amasser dauantage d'argent, & ordinairement se couchoit deuant la porte de l'Eglise. Tantost il se leuoit, cōme s'il eust eu vne perpetuelle inquietude, tantost il se couchoit & se faisoit le ventre plat & enfoncé: puis il faisoit semblât de s'en vouloir fuir, de se vouloir ietter sur quelqu'un, pour l'endōmager: & avec tout cela il tournoit les yeux & toute la face, tellement qu'il sembloit tout defiguré. Il auoit deux gardiennes à chasque costé, asauoir sa femme & sa garce, qui faisoient semblât de l'arrester & l'emmenoter lors qu'il se vouloit leuer. Cependât elles estoient si bien instruites en leurs harangues, qu'elles faisoient vn grand gain & amas des aumosnes que le peuple leur donoit le Dimanche matin, lors qu'il entroit & sortoit de l'Eglise. En fin le Magistrat se doutant de quelque trōperie donna charge aux sergens de luy mettre la main sur le collet, lors qu'entirō l'heure du disner il sortiroit du cemitiere, & que le peuple se feroit esoulé: car le peuple a opinion, que



que c'est meschamment fait de prendre telles gés principalement en vn lieu sainct & benit. En fin apres que lon eust conu qu'il auoit desia defrobé quatre fois par ce moyé, il cōfessa en la prison cōme toutesfois & quātes que bō luy sembloit il faisoit enfler & abaïsser sō vêtre. Il s'estoupoit le fondemēt, puis il māgeoit force beutre pour adoucir & preparer tant son estomach que ses boyaux, contre la malice venimeuse du vis-argent, dōt soudain il prenoit quātité, lequel estoit incontīnēt descēdu de l'estomach dedās les boyaux (à raison qu'il est pesant) où il rencontroit l'issue bouc hee, cōme i'ay dit. Or estant, cōme il est, humide & de parties fort deliees & subtiles, iointes avec vn mouuemēt sans repos, encores qu'il fut excité par la chaleur naturelle, si ne pouuoit-il toutesfois s'euaporer & esuanouir, à raison que les boyaux estoyēt oings de beurre. De là procedoit vne grande perturbatiō dedans le ventre & l'inegal tressaillement d'iceluy, lequel estoit augmēté & aidé par le volontaire mouuemēt du mendiant, Les parties de dedans toutesfois n'en enduroyent aucun inconueniēt à cause du beurre qui luy seruoit de cōtrepoison. Incontīnēt qu'il auoit ramassé son aumosne & qu'il se voyoit loïn de tesmoins, il se desbouchoit le fondement, & faisoit sortir son diable, qui estoit le vis-argent emprisonné. Dix iours apres que ce galland eust ainsi ioué son personnage, il fut mis pour ses larcins dessus vne rouē à la façō que lon a acoustumé en Alemagne, de laquelle toutesfois il descendit deux heures apres: & derechef y estant remis il y fut estranglé.

Il faut mettre en ce roolle l'imposture & liaison controuuēe d'vn certain nommé Iean le Pere, apelé par les Alemans Hans Vatter, natif du bourg de Melinge, à vn quart de lieue de Vvymmar en Turinge. Ce compaignon, bouuier de son mestier, a couru l'espace de trois ans par les plus celebres villes d'Alemagne, feignant qu'il auoit esté enchanté gardant des bœufs, le iour de la feste sainct Iean au matin, par vn nommé Nicolas Gattel, lequel a esté depuis brulé à Vvymmar pour ses mesfaits: & disoit cela luy estre auenu en mangeant du pain, que Nicolas luy auoit donné, lequel estoit fait de aubifoin avec la sixieme partie de sās, tant



d'un enfant non baptizé qu'il auoit tué, que de celuy d'un serpent, d'un crapaut, d'un herisson, d'un regnard & d'un loup: & que par ce moyen il auoit esté l'espace de douze ans tourmenté par le diable. Il disoit aussi que Nicolas l'auoit confessé en la prison, & que depuis le diable l'auoit trauaillé en diuerses manieres, tellement que quelques-fois il luy lioit les mains derriere le dos si estroitement, avec des poils de cheual & des nœuds de soye, que si à l'heure mesme ils n'estoyent coupez, ils en faisoient sortir le sang. Car aussi le nœud de la liaison estoit arresté si artificiellement, qu'il ne pouuoit passer plus outre, encores qu'elle fut faite en la façon qu'impossible estoit de la dessier. Or se plaignoit-il fort que parauant ce nœud, le sang luy sortoit d'angoisse par l'oreille gauche & par la bouche. Et disoit qu'une fois entre autres il auoit esté porté en l'air par un grand vent depuis Mansfeld iusques outre les murs de Hale, & que là il auoit esté lié avec des chaines d'argêt. Item qu'il auoit esté tiré par le diable hors de Borne, où on l'auoit enfermé en vne tour, à fin qu'il fut un peu soulagé des tortures du diable, & garenty de ses liens: qu'il estoit passé par un petit trou d'une voute espaisse ayant seulement sa chemise, & auoit esté mené en un grand desert, où il estoit demeuré l'espace de trois nuits sans boire ne manger: toutes-fois ne scauoit par quel moyen. Il disoit encores que souuentes-fois il auoit esté lié par le diable avec des chaines de fer par le faux du corps, par les pieds & par le col, & qu'en ceste façon il auoit esté pendu dedâs un grenier à un gibet que le diable auoit fait de plusieurs pieces de bois, tout expres pour ce spectacle. Il adioustoit encores plusieurs phantomes esmerueillables & aparitions d'esprits, lesquelles il ne pouuoit conter en bref: mais disoit que tout estoit escrit en l'histoire laquelle incontinent deuoit estre imprimée, afin qu'un chacun conust combien diuersement & cruellement il estoit tourmenté & bourrelé par le diable. Il n'oubloit à dire qu'il estoit fort soigneux à prier Dieu, à aller aux sermons, & à communier tous les mois au sacrement du corps & du sang de Iesus Christ. Il disoit aussi qu'il estoit incité d'exhorter le peuple à penitence & amendement de vie. Mais apres qu'il eut assez

longue-



longuement ioué ceste belle tragedie, il arriua en la fin à Nuremberg, où se voulant aider de mesmes finesse, le Senat tres prudent & aduisé commanda à quelqu'un qu'il fust espié & obserué diligemment, & qu'on luy ostast ceux qui auoyent accoustumé de le garder. Et encores qu'au commencement il taschast fort de sortir la ville feignant de se vouloir desesperer, & inuen-tant tousiours quelque nouuelle tromperie en son art, si fut-il contraint finalement de confesser que iamais il n'auoit esté lié par le diable: que luy-mesme s'estoit préparé les liens, & que finement & en derriere il se les auoit accommodez. Il confessa aussi le lieu ou il auoit desrobé, ce dont il les faisoit. Il monstra librement le moyen de faire ces nœuds, & conta comment en suc-çant il faisoit sortir le sang de ses genciues, lequel de-rechef il mettoit en son oreille avec la main: & que toutes les autres choses qu'il disoit auoir esté faites, qui semblent estre merueilleuses, n'estoyent que pures mé-teries, & choses controuuées par luy, afin de gagner ar-gent. Parquoy le 9. de May 1562. le Senat de Nuremberg excellent en prudēce, iugement, vertu & autorité, luy bailla vne douce sentence, pourautāt qu'il auoit confes-sé franchement son mesfait, & le condamna d'estre seu-lement l'espace de demie heure attaché au carcan pour estre moqué de chacun, & puis banni. Il s'est trouué vn quidam, lequel par vne epistre a diuulgüé ceste histoi-re, cōme vne vraye possession diabolique, & l'a fait im-primer vn peu trop tost, ne pēsant qu'il y eust de la frau-de cachee dessous. Souuentesfois par telle habileté on trompe lourdement le pauvre monde. Ainsi Aunus Sy-rien contrefaisant le furieux fit prendre les armes à tous les esclauues, comme si les dieux le leur eussent comman-dé: & pour la preuue de cela, il cachoit vne noix dans sa bouche tellement acoustree avec du soulfhrē & du feu, qu'en respirant quelque peu il faisoit sortir la flam-me en parlant. Au moyen d'un tel miracle il assembla plus de soixante mille hommes, ruina beaucoup de vil-les, & desfit en bataille rangee les forces de quelques Pretēurs Romains.



*Histoires de pareil argument que les precedentes ; lesquelles ont  
esté conduites par des prestres.*

## CHAP. XXVII.



N la mesme annee, sauoir est, l'an mil cinq cens soixante deux, au mois de Mars, il vint à Dusseldorp vne ieune fille de Vberlem, aagee enuiron de vingt ans, de beau corsage, mais vn peu lousche. Elle auoit fait vœu d'aller à saint Hubert des Ardennes, afin d'estre deliuree du ioug de Satan : & pour mieux faire valoir sa marchandise, elle auoit des testimoniales sceellees & bullees, par lesquelles on attestoit qu'elle estoit possedee du diable. Il y auoit vn moyne en sa compagnie aagé de trente ans, ensemble vn sien oncle & vn autre, qu'elle auoit prins pour sa conduite. Elle auoit vne estolle au col, & disoit qu'elle luy seruoit contre la puiffance du diable. Nostre tresillustre Prince, qui pour estre de bõ esprit ne se laisse aisément tromper par telles impostures, voulut que son predicateur & ses medecins, mes compagnõs, hommes tresexcellens en pieté & doctrine, s'enquistent diligemēt de toute l'affaire, lesquels m'ont fidelement exposé le tout, ainsi qu'il s'estoit passé : car pour lors i'estois absent. Or estoit ceste fille Epileptique, c'est à dire malade du haut mal, selõ qu'ils peurent conoistre tant par son raport que par celuy de ses cõpagnõs. Et disoit qu'elle auoit pris le moyne en sa cõpagnie, afin que la presence d'un homme d'Eglise empeschast les effects du diable : toutesfois elle fut si bien interroguee, qu'en fin elle confessa que le moyne couchoit avec elle la nuit, non pas tout nud, mais avec sa chemise. Or vn iour s'estât reueillee sur les quatre heures du matin, & sentant son oncle & le conducteur couchez tous veltus pres d'elle (car parauēture estoit-elle tellement yure le soir quād elle se coucha, qu'elle ne se resouuenoit plus que ces deux s'y fussēt couchez) elle les menaça de les chasser à coups de pieds s'ils ne se leuoient incontinent, toutesfois elle ne dit mot au moyne. Estant aussi interroguee comment les deux



deux concubines du moyne, lesquelles elle disoit estre à Vvel, portoyent patiemment son absence: elle respondit qu'elles en estoient fort marries. Le moyne aussi quelquefois se vanta qu'en disant seulement trois mots il la feroit entrer en vn tourment terrible à voir. Et ainsi que mes compagnons luy eussent permis d'exccuter tout ce qu'il pouuoit, il ne peut toutesfois rien faire.

Vn acte semblable auint à Maubuse, sur les lizieres de Henaut, ainsi qu'il m'a esté conté par vn homme digne de foy, maintenant mon allié, homme de bien & docte, & qui a veu le discours de toute l'histoire. Car pour lors il estoit logé chez le Preuost de la ville, son cousin, & l'estoit allé voir en passant. Ainsi qu'il regardoit à la porte, il vid d'auenture tout le peuple accourir & entrer au temple à grand foule. Demandant que c'estoit, quelqu'un des passans luy dit, que c'estoit vn demoniaque que lon alloit coniurer. Estant doncques entré avec les autres au temple, il vid vn prestre qui chantoit messe, & le demoniaque assis pres l'autel, lequel auoit le regard effroyé & troublé, & ne disoit mot. Ce prestre l'auoit mené par vne infinité de pays, & taschoit tousiours à chasser le diable par exorcismes, Et ainsi qu'il se fut tiré pour dire l'Euangile vers le lieu où estoit le demoniaque, & qu'il prononçoit ces paroles: Ils chasseront les diables, & parleront langages incónus: le demoniaque commença, comme impatient d'ouyr ces paroles, à se battre, à se tourmenter & à crier haut. L'Euangile estant fini, il s'apaisa iusques à ce qu'en la fin de la messe, le prestre commença à l'exorciser par paroles ridicules, sotes & ineptes: criât quelquefois, respon maudit diable, respon maudit diable: toutesfois le demoniaque respondoit bien peu à ce qu'il demandoit. En fin cest exorciseur recommençoit à crier encores plus haut, di maudit diable, qui t'est plus ennemy & cōtraire? Le demoniaque se taisoit vn peu, & puis tergieroit & rétroit du coq à l'asne. Mais l'exorciseur recommençoit encores plus que deuant & le contraignoit à respōdre, iusques à ce que le demoniaque cōme ya ineu, eust crié que c'estoit l'eau benite. Alors le prestre emplissoit vne coupe d'argent pleine d'eau benite, *Autre histoire d'un demoniaque puni.*

Marc. 16.



& la mettoit à force dedans la bouche du demoniaque, & la luy faisoit boire, dont il se tourmentoit, & commençoit à grongner en la façon qu'un pourceau qu'on esgorge: si bien que peu apres il deuenoit gros & enflé, principalement à l'endroit de la gorge, & sembloit à chacun que cela luy auinst contre nature. Ainsi l'exorciste luy aprochoit contre la gorge les reliques de S. Gundule enchassées en argent, comme si c'eust esté un grand remede pour chasser le diable: lors le demoniaque se tournoit, se tourmentoit & crioit aussi haut que si c'eust esté un nouveau Stenteur ou un Mars d'Homere. Cela fait, comme s'il eust esté vaincu, il respondoit à tout ce qu'on luy demandoit, toutefois ce que demandoit l'exorciseur estoit tel, qu'il sembloit qu'il fut fait expres pour outrager quelques uns. Certainement sont toutes choses, indignes & insupportables. Le lendemain on remena le demoniaque à l'Eglise, afin de l'exorciser, mais incontinct que le prestre eut aperceu ce mien parent, il desista: car il auoit entendu (comme ie pése) qu'il auoit deuisé de ce demoniaque, avec un vieillard, & qu'il soupçonnoit que le tout estoit feint & frauduleusement inuenté. Parquoy luy venant au deuant, il luy dit en latin, afin qu'on pensât que ce fut quelque habile homme & qu'il estoit grand clerc: *ipse est extra*, c'est à dire, Il est dehors: donnant à entendre par là que le diable auoit laissé le patient. Le iour suyuant ils sortirent la ville, & quelque temps apres on descouurit que le tout n'estoit qu'une imposture, tellement qu'en fin l'un & l'autre fut puni, comme ils meritoient.

*Histoire plaisante de mesme argument.*

## CHAP. XXVIII



N lit une pareille feinte d'une coniuration diabolique en un liure françois, imprimé à Paris depuis quelques années, intitulé les contes du monde auentureux. Ce conte est le trétedeuxieme en nombre. Il y a un chasteau entre les montagnes de Dauphiné & Sauoye avec une bourgade habitée d'un peuple rude & grossier.



sier. Entre lequel y auoit vn ieune prestre, qui combien qu'il fust plus propre d'estre chartier que pasteur, toutesfois pour sçauoir vn peu mieux lire que ses compagnons, fut esleu curé du lieu. Et comme la coustume est en ces villages de ne rien faire sans luy, suyuant cest vsage le curé se trouua (avec le temps) compere de toutes les femmes du bourg, qu'il sçauoit tant bien entretenir, qu'une ieune femme (nommee Lisette) comme la plus familiere emporta sur toutes les autres plus grand credit. Le mary de ceste ieune femme, ayant esté longuement au seruice de pionnier en vne guerre faite en France, s'en retourna avec elle pour continuer son labeur, & comme celuy qui ne vouloit acoustumer vn compagnon en chose qui luy touchoit de si pres, commença à se facher des priuautez du curé avec sa femme: qui le firent entrer en tel soupçon, que iamais'il ne la perdoit de l'œil, ou de conduite seure, luy defendant l'entiere frequentation de tous les prestres: ce qui contrista fort ces pauures amants, & principalemēt ce bon pasteur: qui (ne pouuant souffrir telles defenses) s'auisa de s'aider d'une vieille caqueteuse, instruite de longue main au seruice de ces prestres, qu'il enuoya secretement vers sa dame, afin de prendre conseil avec sa com-mere du moyen de pouoir iouir de leur acoustumee consolation. Ceste decrepite, experimentee en tels ouvrages, commence à chatouiller les oreilles de Lisette, luy disant: Ma fille, ie voy que vous estes en vne merueilleuse peine, aussi est vostre compere, à l'occasion de l'empeschement & iouissance de vos amours, dont j'ay grande compassion pour auoir esté ieune & sauoir l'ennuy que c'est, mais par tout peut on auoir remede, quand sagement on l'execute: auriez vous point la hardiesse de vous feindre demoniaque? Helas, ma mere, respond la ieune femme, si ie pensoy qu'il nous peut profiter, bien ferois ce personnage: car il me souuient des mon enfance qu'il y auoit vne de nos voisines tourmentee de semblable maladie que si souuēt ie rencontrois, qu'avec d'autres filles de mon aage (ainsi que ont acoustumé ieunes enfans) la contrefaisois au naturel. Doncques ma fille tout se portera bien, si demain (sortant de l'Eglise) pouuez iouer ce ieu avec les mines



qui y appartient. Lisette, bien instruite de ceste vieille forciere, vint le iour ordonné, & sortant de la messe, commença à tourner les yeux, à se tordre les mains, escumer & hurler comme vn loup. Le peuple fort estonné de ceste soudaine & nouuelle maladie, la iugea incontinent demoniaque. Le pauvre mary, qui ne la laissoit que de pres, tout faché la fait conduire en sa maison, où les voisins venoyent pour reconforter sa tristesse. Ainsi ayant oublié partie de son ombrageuse ialousie, pour le grand inconuenient qu'il pensoit estre auenu à sa femme, comme hors du sens, ya droit au logis du curé, pour le prier venir coniurer & chasser vn si mauvais esprit hors du corps de sa femme. Messire Maurice, faisant la meilleure mine dont il se pouuoit auiser, fit grandes exclamations & plaintes du mal de ceste patiente, disant: Ha ha, mon compere, vn homme se doit bien garder d'estre trop rude à sa femme, & d'auoir suspicion sans cause, car les femmes de bien aucunes fois en perdent l'entendement. Adonc il va prendre son estolle, & autres instrumens propres à sa coniuration, & tout delibéré vient visiter la malade, sur laquelle marmotant vne infinité de suffrages, & ceux que mieux il scauoit par cuer, interroque l'esprit, luy demandant qui il estoit. Lisette bien instruite par la vieille, respond en voix rauque & basse, ie suis l'esprit du pere de ceste ieune femme, condamné d'ainsi faire ma penitence l'espace de dix ans, de corps en corps. Le mary présent, oyant que c'estoit l'esprit de son beaupere, ne se peut garder de dire en pleurant: Mon pere ie vous prie de par Dieu de sortir, à fin que plus ne tourmentiez vostre pauvre fille. Adonc la voix respond, ie sortiray: mais ce sera pour entrer en toy, où ie parseray le temps de ma penitence. Le Sauoy sien, entendant si terrible sentence, eut telle peur que incontinent s'enuelopa le col de l'estolle du curé, criant mon pere mon amy, ne scauriez vous trouuer moyen de me faire eschaper si cruel iugement, par prières, iusnes, aumosnes & autres bienfaits? Adonc Lisette voyât son entreprise & finesse succeder au point qu'elle demandoit, luy respond en voix feinte: Mon amy, tu es trop pauvre pour faire si grandes largesses que il conuient, pour eschaper ceste penitence: mais au  
lieu de



lieu de ce, tu t'en iras en quarante Eglises, & en chacune feras deuotement tes oraisons, demandant pardon à Dieu de tes ofenses, autrement tu ne peux eschaper l'ordonnance du ciel. Or estoit ceste penitence donnée de la femme au mary, à fin que par la distance des villages (ou estoient les Eglises) en voyageant des vnes aux autres, cependant monsieur le curé eut tout loisir de chasser hors de Lisette, l'esprit qui si fort interieurement la brusloit. Et pour mieux venir à ses atteintes tant desirées, en voix contrefaite continuoit tels propos qu'à tort & faussement il auoit eu soupçon de son compere, qui estoit fort saint homme, & dont les oraisons estoient fort agreables à Dieu: qu'à ceste cause il laissast la guerison de la patiente en ses mains. Le pauvre Iouan de mary pensant estre sorti hors des peines de purgatoire à si bon marché, se met à genoux deuant le curé, luy demandant pardon, lequel ayant facilement obtenu, de crainte d'auoir pis, partit incontinent, pour aller faire son pelerinage. Cependant le curé, constitué gardien de Lisette, trauailla tellement son corps à chasser le mauuais esprit de la malade, qu'en son lieu il en forma vn autre, qui (avec le temps) aparut en espee d'enfant, duquel le mary, au retour de son voyage, pensoit estre le pere.

*belosproie.*

Je mettray fin à tels contes ridicules par le recit d'une experience assez lourde pour guerir vn epileptique, lunatique & demoniaque, enseignée par Iean l'Anglois, lequel dōne la recepte suyuate. Qu'on dise en l'oreille du malade, fors dehors, diable retire toy, car les efimolei le commandēt. Si le malade est demoniaque, il demeure comme mort enuiron l'espace d'une heure, puis estant reuenu à soy il vous respondra de tout ce dont vous voudrez l'interroguer. Au contraire, si en oyant prononcer telles paroles il ne tombe par terre, sachez qu'il est epileptique. Car au reste les epileptiques, lunatiques & demoniaques, ont plusieurs accidens semblables.



*De ceux qui ont esté empoisonnez.*

## CHAP. XXIX.

**M**AIS si quelques vns sont empoisonnez de venin pris par la bouche, ou appliqué exterieurement, ou attiré par le flair: la conoissance en apartiét aux medecins qui pourront conoistre la difference des venins, la verité desquels estant oculte & cachee tourmente les hommes de diuers accidens. Ils pourront iuger aussi des maladies engendrees d'iceux, selon qu'elles seront contraires aux principes de la vie, non seulement par manifestes qualitez, mais aussi par la contrariété de toute leur substance: Bref ils distinguent les maladies, dont les vnes sôt vulgaires, les autres rares, les autres cachees, naturelles toutefois: & ce suyuant les signes particuliers de chascune d'icelles. Car les empoisonnez sont affligez les vns d'une sorte, les autres d'une autre, selon les diuers qualitez manifestes, ou selon l'occulte propriété de toute la substance ou nature des poisons qu'ils ont pris, ou qui leur ont esté appliquez: tellement qu'ils endurent de grandes douleurs en l'estomach, au ventre, aux boyaux, au foye, aux roignons, & en la vessie: ils ont des hoquets, se sentent ronger au dedans, fremissent, se refroidissent, perdent la parole, endurent des conuulsions, perdent le pouls, deuiennent endormis, leur semble que tout tourne, perdent le sens & le sang: sentent quelque chose qui les empesche, sont miserablement affligez de soif & de fieuze, ne peuuent vriner, endurent des tranchées, ont des enuies de vomir, vomissent souuent, tombent en de faillance, lesquelles procedent d'une grande angustie de cœur, deuiennent maigres par un flux de ventre, rougissent, deuiennent en chartre & pourrissement, deuiennent plumbez & passés, deuiennent fols, se couchent & perdent leurs forces. Il y en a quelques vns, lesquels estans mords par la Tarantule, rient incessamment, les autres pleurent, les autres crient, les autres dorment, les autres veillent tousiours, les autres vomissent, les autres sautent, les autres suent, les autres tremblent, les autres sont espouuantez, & les autres endurent des diuerses affections, & ressemblent aux phrenetiques,

*Dioscoride  
li. 6. au  
premier.*



netiques, lymphatiques & maniaques. Et ce qui est encore plus esmerueillable en ceste maladie, c'est qu'incontinent qu'ils entendent les instrumens de musique, ils se mettent à danser tant & iusques à ce que la vertu du venin soit sortie par les pores & pertuis du cuir avec la sueur, & que par ce moyen ils soyent gueris.

Dioscoride n'a pas moins diligemment & exactement que doctement escrit entre tous les autres *Liure 6. de la matiere medicale.* escriuains, les venins & leurs signes tant generaux que speciaux. Ce que Matthiol, diligent rechercheur des simples, a doctement expliqué & enrichi de beaux commentaires. Ceux que lon prend par la bouche sont beaucoup plus dangereux, & font mourir beaucoup plus tost que ne sont pas ceux qui blessent par l'atrouchement exterieur, lesquels aussi sont plus tardifs & de moindre efficace, & sont apuyez non en vne seule matiere subtile & aëtee, ains en vn humeur qui leur baille force & puissance. Mais ceux qui empoisonnent par le seul flair, sont merueilleusement soudains, & n'ont affaire d'aucun humeur qui leur serue comme de voiture pour entrer en nos corps & agir en iceux. Car estans subtils, ils sont attirez facilement avec l'air dedans les poulmons, & de la dedans le cœur, principal domicile de la vie, & puis ils passent par les arteres & se communiquent à tout le corps, galtans premierement les esprits, puis les humeurs, & en la fin la mesme substance des parties. Les maladies, dit Hippocrate, qui procedent du membre le plus fort de tous, sont dangereuses. *Liure 2. de la nature humaine.* Car il est necessaire, si elles demeurent là où elles ont commencé, que tout le corps soit affligé, puis que la partie plus forte de toutes, endure. Cependant il faut noter que quelquefois il s'engendre des venins en nos corps par vne pourriture qui aura duré longuement, ou bien *Liure 6. des parties malades.* par quelque autre cause cachee. Galien monstre que les anciens ont disputé ceste question, & qu'ils ont conclu par raisons tresmanifestes, que par la corruption laquelle se peut engendrer dedans le corps, il vient vne maladie semblable à celle qui se fait par les poisons.

Il faut icy rapporter les signes de ceux, lesquels ont esté empoisonnez par les boissons amoureuses, comme nous lisons en la vie de Marc Antoine, escrite par Plu-



tarque, où il est dit que Antoine auoit plus grande en-  
uie de retourner en la ville, que vaincre : pourautant  
qu'il auoit perdu l'esprit & sa propre liberté, par char-  
mes & boissöns amoureuses, ayant la pensee & les yeux  
fichez entierement sur Cleopatra.

*Que quelque fois le bestail meurt de poison: mais  
le plus souuent de peste.*

## CHAP. XXX.

*L'empoisonnement  
du bestail.*



*Les pestes  
des ani-  
maux.*

L n'y a celuy qui vueille nier que le be-  
stail ne soit quelque fois pernicieusement  
afligé par des venins & poisons qu'on luy  
baille, ou qu'on luy approche de si pres, que  
la seule vapeur le fait mourir. Ainsi est-il  
escriit par ceux qui ont traicté de l'agriculture & mares-  
challerie, tant anciens que modernes, qu'un grand nô-  
bre de bestail est tué par certaine peste, qui leur est par-  
ticuliere, & ne fait aucun mal aux hommes: & par aucu-  
nes maladies, soudaine sur chacun en son espee, les-  
quelles sont en partie familiares aux hommes & en par-  
tie particulieres à certain bestail: & toutesfois toutes  
ces maladies sont estimees proceder de sorcellerie par  
les hommes peu entendus: ie ne sçay si ie dois dire par  
ceux qui le pensent bien estre.

Nous aperceuons souuentefois, & mesmes nous l'a-  
uons veu puis peu de temps, que vne certaine peste tue  
seulement les bœufs, vne autre les pourceaux, vne autre  
les brebis, & vne autre les poules. Virgile descrit fort  
bien celle, qui est pernicieuse aux bestes & troupeaux:

*3. des Geor.*

*Quelquesfois en ce lieu par vn mal-heur des cieux  
S'engendra la tempeste, & d'un feu furieux  
L'Autonne elle eschauffa, tant que ceste furie  
Aux bestes & troupeaux fit estoufer la vie.  
De venin trop mortel, & grandes pourritures  
Elle infecta les eaux avecques les pastores.*

Il en auoit mis la difference vn peu deuant, disant:

*Il se trouue aux troupeaux plusieurs pestes hidenfes,  
Mais elles ne sont pas à tous corps dangereuses.*

Lors



Lors que monsieur Solenandre exerçoit l'art de médecine es bains de Luques, qui estoit l'an mil cinq cens cinquante & deux, François de Pergula, gouuerneur de ce lieu pour les Lucquois, luy conta qu'environ la fin de May, estoit suruenue autour d'un village nommé Menabia, au dessus des bains, vne maladie qui auoit enuahé le bestail, laquelle estoit tellement pestilentieuse qu'en continent les corps des bestes, qui en estoient touchez, mouroyent d'enflure. Or après que quelques villageois se furent aperceus de ce mal, ils en tuerent quelques vnes aussi soudain qu'elles en estoient atteintes, & obseruerent qu'à l'instant mesme que leur sang touchoit contre le corps d'un homme à nud, il s'y faisoit des anthrax, lesquels n'estans ouuerts, ne faisoient aucun mal, mais s'ils estoient ouuerts, & que soudainemēt lon n'y mist le cautere, ils s'espandoyent tellement qu'ils en faisoient mourir quelques vns: ce qui certainement estoit fort esmerueillable. La chair de ces bestes nouvellement tuees estant cuite ne faisoit aucun mal à ceux qui en mangeoyent, toutes fois si lon en humoit le ius, incontinent on mouroit.

IL faut noter aussi que la peste du bestail, tout ainsi comme la sterilité de bleds, procede quelque fois de la volonté de Dieu à raison de nos mesfaits. Ainsi par l'endurcissement de Pharaon la peste entra dans le bestail, les vlcères entre les hommes & les bestes cheualines, & la gresle par toute l'Egypte. Et au premier chapitre de Ioel: le champ est gâté, dit-il, & la terre a lamenté, pource que le froment est gâté, les troupeaux ont hurlé pour autant qu'ils n'ont plus de pasturage, & les troupes du bestail s'ont peries. Et en Aggée, au premier chapitre: Considérez voz voyes, dit le Seigneur, vous auez semé beaucoup, mais vous en auez mis bien peu dedans: vous auez mangé, mais vous n'aez point esté rassasiés: vous auez beu, mais vous n'aez point esté yures. Et vn peu apres: vous regardez à beaucoup, & voicy peu: vous auez apporté à la maison, mais ie le souffleray. Et à ceste cause, dit le Seigneur, vous ont esté serrez les cieux sur vous, à ce qu'ils ne donnassent la rousée, & a esté defendu à la terre qu'elle ne donnast son fruit, & ay appelé la seicheresse sur la terre, & sur les montaignes, & sur le fro-

*La peste du bestail, & la sterilité des bleds, procede souvent de nos pechiez. Exode 7.*



ment, & sur le moust & sur l'huile, & sur tout ce que la terre produit, & sur les hōmes & sur les bestes & sur tout le labour des mains. Il dit aussi au chap. 2. Je vous ay frapé d'un vent brullant & de rouilleure & de gresle, & de toute l'œuure de vos mains, toutesfois vous n'estes point retournez à moy, dit le seigneur. Item au Leuitique vingt & sixieme chapitre. Si vous ne faites mes cōmandemens, ie rendray vostre ciel comme le fer, & vostre terre comme l'airain: vostre labour se cōsumera en vain: car vostre terre ne donnera point son fruit, & les arbres de la terre ne donneront point de fruit. Je vous enuoyeray les bestes des champs & vous destruiront, & deserōt vostre bestai, & vous ap petisseront, & vos voyes serōt desertes. Mais si vous cheminez selon mes preceptes & cōmandemēs, ie vous dōneray les pluyes en leur temps, & la terre germera. Ceste promesse de l'abondance de biens est aussi faite à ceux qui se repentiront. En Ioël au 2. chap. Le Seigneur a esté ialoux de sa terre, & a pardonné à son peuple, & a dit, Je vous enuoyeray du froment, du vin & de l'huile, dont vous serez rassasiez, & ie ne vous donneray plus en opprobreaux Gentils.

O R quelques vns ne portent pas patiemment, comme faisoit Iob, la perte de leurs biens, & ne la raportēt à la volōté de Dieu: mais plustost ont recours aux deuins & prognostiqueurs, aux prestres, aux aduocats & defenseurs des diaboliques actions, comme si par le moyen des forcieres, telle perte leur estoit auenue en leur bestail: & puis ces deuins & autres les conferment en ceste malicieuse opinion desia conceuë, & les font deux fois miserables en perte & en incredulité, tant par les voyages qu'ils leur conseillent de faire, que par plusieurs autres moyens & persuasions fallacieuses qu'ils controuuent. Mesmes ils s'aident de quelque maniere de guerison, non seulement superstitieuse, ains contraire à la volōté de Dieu, laquelle i'expliqueray & declareray au liure suyuant, où aussi ie monstreray que quelquefois lon fait vn charme contre le bestail en mettant de la fiente de loup dedans les auges des estables. T'ay dit cy deuant comment il se fait d'assez grosses pelottes de poil dedans l'estomach d'aucuns animaux, & en ay monstřé le moyen.



Les pourceaux des Gadareniens enforcellez par le diable se ietterent & noyerent dedans la mer, comme l'Escripture tesmoigne. Sainct Hierosime aussi tesmoigne que le bon vieillard Hilarion a monstré que le diable à cause des hommes entre dedans le corps du bestail : & dit qu'il est tellement ennemy de l'homme, que non seulement il desire de le faire mourir, mais aussi tout ce qui luy touche & appartient : dont il amene exemple en ce, qu'auant qu'il luy fut permis de tenter Iob, il auoit ruiné & gasté tous les biens d'iceluy.

*Matth. 8.**Marc. 5.**Luc 8.**En la vie  
d'Hilarie.*

*Fin du quatrieme livre.*







## LE CINQUIEME LIVRE, TRAITANT DE LA GVE- rison de ceux que lon pense estre charmez par les sorcieres ou possédez du diable.

En ce liure ont esté aioustees plusieurs guerisons aprochantes des charmes diaboliques, à raison de la semblance qu'elles ont avec les choses traitees en ce liure: & auons monstré que ce que lon dit des liaisons, caracteres, anneaux, colliers, effigies, que lon fait tant pour guerir que pour blesser & endommager: pour ouurir les portes fermées, & chercher les larrons, & faire autres choses semblables, n'est que vanité & mensonge.

*Du preseruatif contre la sorcelerie & assant du diable.*

### CHAP. I.



E moyen de la guerison des maux sus mentionnez sera en partie preseruatif, qui est vne maniere de medeciner fort souhaitee, par laquelle on peut estre preserué de tous charmes, & de tous enchantemens. L'autre

*Guerison* partie de ce mesme discours sera methodique, & par *preseruati-* ce moyen ceux que nous pensons estre ensorcelez, se-  
*ne cōtre les* ront legitimement & cōme il apartient remis en leur  
*efforts du* premiere santé. Ceste guerison sera aucunement com-  
mune, tiree des S. Escritures: non pas magique ni super-  
stitieuse, telle que plusieurs la desirent & l'ont exer-  
cee.



cee. Et pource que toutes les choses monstrueuses, que nous auons alleguees es liures precedens ne sont autres & ne procedent d'ailleurs que des finesſſes, pratiques, ourages & illusions des diables, il est neceſſaire de nous fortifier & remparer de forts baſtions & aſſeurees deſenſes, contre vn tel aſſaillant. Or puis que de ſa nature il eſt eſprit, il nous conuient armer d'vne armure ſpirituelle, laquelle il nous faut apprendre de la diuine exhortatiō de S. Paul, & l'embrasser de tout noſtre pou-  
Ephes. 6.

voir. Iceluy nous admoneste ainſi: Mes freres, fortifiez vous au Seigneur & en la puiſſance de ſa force: ſoyez veſtus de toutes les armes de Dieu, afin que puiſſiez reſiſter aux embuſches du diable. Car nous n'auons point la luitte contre le ſang & la chair, mais contre les principautez, contre les puiſſances, contre les ſeigneurs du monde, gouuerneurs des tenebres de ce ſiecle, contre les malices ſpirituelles qui ſont es lieux celeſtes. Par-  
Armure  
de Dieu.  
1. Theſſ. 5.

quoy prenez toutes les armes de Dieu, afin que puiſſiez reſiſter au mauuais iour, & ayans tout ſurmonté, demourer fermes. Soyez donques fermes ayans voz reins ceintſ de verité & eſtās veſtus du hallecret de Juſtice: ayans les pieds chauffez de la preparation de l'Eūāgile de paix: prenans ſur tout le bouclier de foy, par lequel vous puiſſiez eſteindre tous les dards enflammez du malin. Prenez auſſi le heaume de ſalut & le glauiue de l'eſprit qui eſt la parole de Dieu, prians en toute ſorte de prieres & requeſte en tout temps, en eſprit, & veillans à cela avec toute perſeuerance & requeſte pour tous les ſaincts. S. Pierre auſſi nous admoneste fidelement, diſant: Soyez ſobres & veillez, dautant que voſtre aduerſaire le diable chemine comme vn liō bruyant à l'entour de vous, cerchāt qui il pourra engloutir: auquel il vous faut reſiſter eſtās fermes en la foy, ſachās que les meſmes ſoufrances ſ'a compliſſent en la compagnie de vos freres qui eſt au mōde. Car auſſi ce meſchant ſ'adreſſe & beſongne es incredules. La ſalutaire exhortation de Tertullian conuiendra bien en ceſt endroit, lequel veut que nous combations contre les aſſauts des tentations, ainſi que Iob le fort champion de Dieu: il veut auſſi que nous ſoyons veſtus de la foye de probité, de la pourpre de pudicité, & du manteau de

Le glauiue  
de l'eſprit.  
  
1. Pier. 5.



patience. Il nous conseille en outre de penser & croire que tout ce que le diable machine pour renuerser nostre integrité, tournera à la gloire de celuy qui demeurera constant, & que telles machinations luy sont permises de Dieu, afin d'experimenter de quelle constance nous voulons supporter les euenemens contraires: Comme nous lisons en Ieremie le Prophete, que le Dieu des armées est celuy qui esprouue.

S. Maxime nous commande, au liure de la charité, de resister & faire mourir les diables. Il dit la resistance estre certainement executée de par nous, lors qu'avec l'observation des commandemens de Dieu, nous pouuons vaincre les affectiōs bouillātes qui sont en nous. Mais nous les faisons mourir lors que n'ayans aucune affectiō nous leur osons toute occasion de calomnie, & disons avec le prophete: Va homicide, le Seigneur, le fort guerrier est avec moy, tu tomberas, & seras confondu dedans moy pour tout iamais.

OLYMPIODORE en l'interpretation de l'Ecclesiast. chapitre dixieme, est d'opinion qu'il faut fermer les passages de tous nos sens: tellement que le diable ne puisse entrer par les attrait des yeux, ni par le demangement des oreilles, ni par la mauuaistiē de la langue mal parlante: car ces choses sont tres-excellentes contre les diables. Quelques vns admonestent qu'il faut marcher en ceste bataille avec deux armes, sauoir est la sainte priere, qui esleue nos affectiōs au ciel, & la vraye science, qui communique les salutaires pensees à l'intelligence, & luy enseigne ce qu'il faut prier, afin que nous prions d'une ardente affectiō sans douter. S. Antoine munissant ses freres alencontre des assauts que leur liuroient les malins esprits: La vraye foy enuers Dieu, & la sainte vie, sont fortes armes cōtre le diable. Treschers freres, disoit-il, croyez moy qui en ay fait l'experience. Satan craint les veilles, prieres, iusnes, la debonairété la volontaire pauureté, le mespris de vaine gloire, l'humilité, la charité, la patience des gens de bien, & principalement leur pure amour enuers Iesus Christ. Ce tresdangereux serpent fait bien que suiuant la sentence du Seigneur il gist brisé sous les pieds des iustes, ausquels il est dit, Voici ie vous ay donné puissance



fance de fouler aux pieds les serpens & scorpions & toute vertu de l'ennemy. En ce qui est adiousté puis apres, il instruit amplemēt & doctement les siens contre toutes illusions & tentations des diables. Hermes Trismegiste a fort bien dit, que la pieté est la seule & ynique defense & sauuegarde des hommes contre la caudelle du diable. Car ni le malin esprit ni la mort mesme n'ont pouuoir sur celuy qui est deuotieux & entier enuers Dieu. Et comme la vraye foy fait es croyans des choses esmerueillables contre le diable & sa puissance, aussi la fausse croyance engendre, ou plustost merite quelquesfois des choses mal-encontreuses, depuis que la permission de Dieu, & la cooperation du diable y interuiennent. Nous dirons doncques en ferme assurance avec Dauid: Le Seigneur est celuy qui m'aide, ie ne craindray point ce que l'homme me voudra faire.

*La lancee  
de l'origi-  
ne d'erreur  
li. 2. ch. 16.*

*Psa. 117.*

Il faut donc premierement & sur toute chose qu'estans endoctrinez en la vraye & sincere doctrine de Dieu nous-nous submettions en tout & par tout à sa volonté, que nous pensions par yne viue foy qu'il a soin de nous, que nous sommes assurez sous sa garde, que nous auons esté nais premierement par sa grace, & que nous sommes sauuez par sa singuliere misericorde: car en cela gist le principal poinct. Item il faut que nous croyons assurément que Iesus Christ nous a esté enuoyé, & qu'il nous a esté donné fils de Dieu, qu'il a porté nos pechez sur foy en la croix: que par la puissance du pere il est ressus cité, il a vaincu la mort, & a demoly l'enpire de Satan: tellement que toutes entreprises estans ainsi demolies, il machine & dresse en vain ses embusches contre nous, si estans enseuelis avec Iesus Christ par le baptesme en sa mort, & morts à pechez, nous cheminons en nouueauté de vie & viuons à iustice. Car si estans entez en Iesus Christ, nous croyons en luy & en son Pere, si nous obseruons ses commandemens, si nous le suyons, si nous renonçons au diable, à tous ses conseils, bref à toutes ses impietez: si nous suyons les ceuvres de l'esprit portans les fructs de la foy en charité non feincte enuers Dieu & nostre prochain, en bonté, benignité, patience, attrempance, constance, chasteté,



refrenement de nos sens, & en supportant constamment toutes aduersitez, pertes & iniures: en innocence de vie, estans assidus en oraisons & ayans les mains pures, ioinctes & leuees en haut: bref, si nous nous destournons de toute souilleure de pechez, comme des vapeurs d'un malicieux & mortel venin, lequel nous mettroit la mort au deuant des yeux: il n'y a point de doute que nous euerons & ne tiendrons conte, ou supporterons facilement toutes les menaces des sorciers & sorcieres.

1. Iohn I.

Mais si quelqu'un a peché, comme dit Sainct Iean, nous auons un aduocat enuers le Pere, sçauoir est Iesus Christ le iuste. Car c'est luy qui est l'apoinctement pour nos pechez, & non seulement pour les nostres, mais aussi pour ceux de tout le monde. Et par cela nous sçauons que nous l'auons conu, à sçauoir si nous gardons ses commandemens. Qui dit, ie l'ay conu, & ne garde point ses commandemens, il est menteur, & verité n'est point en luy: mais qui garde sa parole, l'amour de Dieu est vraiment accomplie en iceluy: nous sçauons par cela que nous sommes en luy. Qui dit qu'il demeure en luy, doit cheminer comme iceluy. Celuy qui cōmet peché est du diable: car le diable a peché dès le cōmencemēt. En cela diferent les enfans de Dieu, d'avec les enfans du diable. Tout hōme qui ne fait iustice n'est point de Dieu ni aussi celui qui n'aime point son frere. De là S. Paul dit que la circoncision ne le prepuce ne seruent de rien en Iesus Christ: mais que c'est la foy ouurante par charité, au lieu de laquelle foy il met la nouvelle creature, au chapitre suyuant aux Galates, & en l'Epistre aux Cor. il adiuste l'obseruation des commandemens de Dieu.

Galat. 5.6

1. Cor. 7.

Il appert assez de quelle foy ie parle maintenant, laquelle il faut embrasser, & à quoy il se faut arrester fermement. Je ne propose point vne simple histoire de l'ordonnance prescrite de la foy, laquelle le diable mesme prononceroit facilement: & moins parle-je de celle que quelques vns & tant souuent ont en leur bouche pendant que leur cœur est loin de Christ, laquelle demeure cachee, endormie, morte & sterile, ne porte iamais fruits non plus qu'un arbre mort qu'il faut couper & ietter au feu: mais ie parle de celle, qui renouuelle l'homme en tout & par tout, laquelle par viuē vertu se mani-

La vraie  
foy.

mani-



manifeste és membres de Christ, & y fructifie: qui par la puissance de Dieu est de grande efficace en celuy qui l'a pour son salut, qui est l'anchre sacree de nostre sauvement, qui est la prouë & la poupe, la pierre immobile contre toutes les tempêtes & les efforts de Satan, sur laquelle toute chose qui est bastie, dure sans estre yiolee ou gastee: & contre laquelle mesmes les portes d'enfer ne peuent preualoir, & n'ont aucune puissance.

ESCOVTONS ici le conseil de saint Augustin:

Ceux qui liront cecy, dit-il, atendront parauanture ce *Lin. 18. c.*  
 que nous dirons de toute ceste tromperie des diables: *18. de la ci*  
 & ce qu'il nous semble que les Chrestiens doyuent fai- *té de Dieu.*  
 re, lors qu'on leur raconte les miracles que lon dit estre  
 faits par les idoles des Gentils Mais que dirons nous si-  
 non qu'il nous faut fuir du milieu de Babylone? Car *Ierem. 51.*  
 ce precepte prophetique s'entend spirituellement & en  
 la façon que nous fuyons de la cité de ce monde, qui est  
 certainement vne societé des hommes & des anges ma-  
 lins, ie dis que nous-nous enfuyons par le pas de la foy  
 ouurant par charité, & qu'ainsi nous proufitions es cho-  
 ses qui concernent le Dieu viuant. Car tant plus nous  
 voyons la puissance des diables plus grande en tes cho-  
 ses terrestres, tant plus nous-nous devons arrester &  
 ficher en contemplations, lesquelles nous facent laisser  
 ces choses contemptibles pour monter en haut aux ce-  
 lestes. Item au liure de l'vtilité de croire, chapitre vingt  
 & deuxieme, Les seruiteurs de Dieu chassent l'ennemi  
 qui a sa puissance en l'air, & contraire à pieté, en l'exor-  
 cissant, & non en l'apaisant: ils surmontent toutes ses  
 tétations & embusches par prieres adressees, non pas à  
 luy, mais à Dieu contre luy. Car il ne subingue person-  
 ne que par alliance de peché. Ainsi donc il est surmon-  
 té au nom de celuy qui s'est fait homme, qui a vescu  
 sans peché, afin qu'en luy sacrificeur & sacrifice s'ob-  
 tint remissiō des pechez: iceluy est mediateur de Dieu  
 & des hommes Iesus Christ homme, lequel ayant fait  
 la purgation de nos pechez nous reconcilie à Dieu.  
 S. Cyprian dit escriuant à Fortunat, au liure de l'exhor-  
 tation au martyre: Nostre aduersaire, est vieil, & l'en-  
 nemi à qui nous auons à faire la guerre, est ancien. Il y a  
 presque six mille ans que le diable a commencé à com-



batre l'homme. L'vsage & l'experience acquise par vne longueur de temps luy ont appris les cauillations & embusches pour faire trebuscher l'homme. S'il rencontre le gendarme de Christ à l'impourueu, s'il le rencontre encores aprenti & non soudain & vigilant de tout le cœur, il le surprendra, il le trompera lors qu'il n'y pensera pas & qu'il ne s'en donnera garde, & le deceura s'il le rencontre mal appris & mal exercé. Mais si quelqu'un gardant les commandemens de Dieu, & s'atournant fermement à Iesus Christ, luy fait teste, il n'y a doute qu'il ne soit vaincu: car Iesus Christ qu'il confesse est inuincible. Ansbert au cinquieme liure sur l'Apocalypse chapitre vnzieme, enseigne chrestienement comme il faut resister au diable, Si nous voulons, dit-il, sauoir quelles armes a l'Eglise, & quelle guerre elle fait à la beste: ce sont foy & innocéce. Car les agneaux guerroyans contre les loups se seruēt d'un glaive à deux trenchans, à sauoir des deux testamēts, & des deux preceptes de charité: & en oyant publier le mensonge ils preschent la verité: estans tourmentez ils se monstrent fideles, qui fait que la victoire leur demeure en la mort mesme. S. Bernard dit aussi, au sermon sur le Pseume quinzieme, & au sermon de S. André: Veux-tu n'auoir point peur d'un monstre si espouuantable, veux-tu estant mort, marcher en seureté sur cest aspic? garde de cheminer maintenāt apres luy, & tu n'auras occasion de le craindre pour l'auenir.

Tous ceux qui d'une assurance ferme s'appuyent sur ce fondement, tant s'en faut qu'ils puissent estre destournez de la vraye fiance qu'ils ont au Dieu viuāt, par aucune cauillation & astuce du diable, qu'au contraire de iour en iour estans ainsi assaillis, exercez & esprouuez cōme l'or en la fournaise, par ses efforts & assauts ils deuiendront de iour en iour plus saints & plus iustes.

*Lin. 4. des reco.* Parquoy S. Antoine a acoustumé en ses assiduels cōbats qu'il a contre le Diable, de luy reprocher son imbecillité, & peu de puissance qu'il a contre ceux que la grace de Dieu n'a point abandonnez. S. Pierre aussi comme ceux qui escriit saint Clement, tesmoigne que les diables ont peur de ceux qui croient fermement en la foy Chrestienne. Item le mesme Clement escriit, que à ceux qui languis-



languissent en la vaine folie de telles pensées, par le iugement de Dieu, sont affligez & trauaillez pour estre gueris. Puis il dit apres, que le diable n'a point de puissance dessus l'homme telle qu'il faut pour le vaincre, si l'homme ne se submet de sa propre volonté à ensuyure son vouloir. Il faut donques par amendement de vie & par assiduele & ardente oraison auoir recours vers Iesus Christ, à l'exemple de la Chananee, laquelle, comme Chrysostome dit, n'eut point recours aux deuins, elle ne chercha point les liaisons, ni les femmes coupables d'auoir laissé la foy: mais delaisant toutes telles diaboliques tentations, elle s'adressa à Iesus. Car si nous voulons que Dieu change sa sentence, il faut que nous changiôs nostre mauuaise vie en meilleure. Iesus Sirach dit fort bien sur ce propos, Conuerti-toy au Seigneur, dit-il, & laisse tes pechez: prie deuant la face du Seigneur & diminue tes fautes. Retourne-toy vers le Seigneur, & t'esloigne de ton iniustice. Hais en tout & par tout l'execration, & conois les iustices & les iugemens de Dieu, & tien-toy arresté en l'oraison de Dieu treshaut. Tu ne demeureras point en l'erreur des meschans. Iosaphat roy de Iuda conseille non moins sainctement que prudemment pour l'affliction receuë des ennemis, lors que nous ne sauons ce que nous deuons faire: cecy, dit-il, nous reste sans plus d'esleuer les yeux vers toy Seigneur Dieu. Aussi le nonante & vnieme Pseu. de Dauid doit estre pratiqué en tel afaire.

Mat. 15.

Chap. 17.

I. Par. 20.

*Qui en la garde du hault Dieu  
 Pour iamais se retire  
 En ombre bonne & en fort lieu  
 Retiré se peut dire.  
 Conclu donc en l'entendement,  
 Dieu est ma garde seure,  
 Ma haute tour & fondement  
 Sur lequel ie m'asseure.  
 Car du subtil laqs des chasseurs,  
 Et de toute l'outrance  
 Des pestiferes oppresseurs  
 Te donna deliurance:  
 De ses plumes te couurira,  
 Seur seras sous son aile:*



*Sa defense te seruira  
 De targe & de rondelle.  
 Si que de nuict ne craindras point  
 Chose qui espouuante,  
 Ni dard ni sagette qui poinct  
 De iour en l'air volante.  
 N'aucune peste cheminant  
 Lors qu'en tenebres sommes,  
 Ni mal soudain exterminant  
 En plein midy les hommes. &c.*

*En l'hom.  
 11. sur le 2.  
 de Genese.*

*Homil. 21.  
 de l'orne-  
 ment des  
 femmes.*

I'ADIOVSTERAY encore à ceste guerison preser-  
 uatiue vn salutaire conseil contre les machinations du  
 diable, lequel ie transcriray des liures de S. Chrysosto-  
 me. Nostre salut, nos richesses spirituelles, nostre asseu-  
 rance consistent en ce que nous soyons fortifiez tous  
 les iours par ouye & lecture de la parole de Dieu. Car  
 par ce moyen nous pourrons deuenir inuincibles, es-  
 corner toutes les fineses du malin, paruenir au roya-  
 me celeste, & obtenir la grace & misericorde de nostre  
 Seigneur Iesus Christ. Item, tout ainsi que personne de  
 vous ne voudroit aller au marché sans chausures & ve-  
 stemens, aussi gardez-vous d'y aller sans parole de Dieu,  
 Et alors que vous estes prests de sortir le seuil de la por-  
 te, dites en vous mesmes, le te renonce, Satan, & ie me  
 ioin avec toy, Iesus Christ. Ne sortez iamais sans ceste  
 parole, car elle vous seruira de baston pour vous sousten-  
 nir: elle vous seruira d'armure & d'une tour imprena-  
 ble. En disant cela, faites la croix en vostre front, & par  
 ce moyen ni homme ni diable ne vous pourra nuire  
 en chemin vous aperceuant en chascun endroit armé  
 de telles armes. Apprenez aussi cecy à vous-mesmes  
 que lors que vous aurez pris ce signe, vous estes vn gen-  
 darme préparé, & en plantant le trophée contre le dia-  
 ble, prenez la couronne de Iustice, laquelle ie prie no-  
 stre Seigneur Iesus Christ, qu'il luy plaise par sa beni-  
 gnité & grace, que nous la puissions acquerir: auquel &  
 par lequel soit gloire au Pere puissant, & honneur au  
 saint Esprit, maintenant, à tousiours, & au siecle des  
 siècles.



*La maniere par laquelle le peuple est quelques fois seduit par les pasteurs des Eglises en la guerison de la sorcelerie.*

CHAP. II.



I les pasteurs des eglises bastissoient de droite ligne sur ce fondement, & s'ils estoient toutes les fenestres des fausses doctrines & impietez, certainement ils auroient vn salutaire preseruatif pour ceux dont ils ont la charge, contre les pratiques, cauetelles & impostures du diable: par lesquelles les moins auisez ne seroyent si souuent enlassez comme nous les voyons ordinairement, à la grande perte & detrimement des ames. Ce qui auient non seulement par nonchalace des prestres auxquels l'afaire touche de pres, & qui ont charge d'y prendre garde: mais aussi par leur poursuite, cõseil, peruerse doctrine, & trompeuse operation, par laquelle ils allechent & attirent incontinent le simple peuple à auoir recours aux illicites remedes, toutefois & quantes qu'il est affligé par soudaines maladies, longues, conues, & inconues, procedantes des causes naturelles, ou de celles qui sont par dessus la nature. Mesmes ils n'ont point de honte de se vâter quelques fois qu'ils peuuent les guerir: voire de leur vèdre telle guerison, encores qu'ils soyent gens ineptes, rudes & ignorans de la sainte medecine, qu'ils ne sceurent iamais & neantmoins se vantent de l'entendre: tellement que mettâs vn tel bouchon à la porte, ils courent, comme d'vn fort beau mâteau, leurs actes frauduleux & trompeurs (ie parle seulement des mauuais, non des gens de bien, de bonne vie & craignans Dieu) ce qui tourne à grand scandale, attendu qu'ils sont professio d'estre gès d'eglise, & sont ordinairement prestres ou moynes, desquels on pense estre vne grande meschancete que d'en auoir seulemēt eu vne mauuaise opiniõ: attendu qu'ils doiuent seruir d'exemple à leur troupeau, & qu'ils sont docteurs.

Mais par auenture que ces magiciens estiment que ceit art leur appartient comme par vne prerogatiue, & G. II.



comme y ayans droit par succession hereditaire : pour autant que les prestres d'Egypte, desquels Pythagoras, Empedocle, Democrite, & Platon ont appris la magie, escriuoient les moyes & remedes par lesquels vn chacun auoit esté gueri, & les mettoient en reserue dedans l'Hepheste de Méphis & dans le sanctuaire de Vulcain & d'Isis: cōme les prestres des Grecs, les premiers en la conoissance de la magie, gardoyent en Pergame leurs obseruations au lieu plus secret des temples d'Apollon & d'Aesculape, lesquelles comme estans enseignées par vn oracle d'Aesculape, ils communiquoyent aux malades qui auoyēt acoustumé de les receuoir d'eux, avec vne grande hance. Nous auons le sainct auis d'Hippocrate sur l'impudence de telles gens: encores que de religion il fust Ethnique, par lequel il les reprend & accuse d'impieté, non seulement par raisons subtiles & fortes, mais aussi saintes & accordantes à la volonte de Dieu: Ceux qui se vantent, dit-il, de chasser les maladies par diuines purgations & par enchantemens magiques, sont soufreteux, & raportent leurs paroles aux esprits, afin que le vulgaire pense qu'ils sçauent quelque chose dauantage que les autres, & que par ce moyen ils deçoient les hommes. Ils exorcisent aussi les malades souillez de sang & de mesfaits iniustes & empoisonnez, & cachent dessous la terre aucuns de leurs charmes ils en iettent quelques vns en la mer, & portent les autres dessus les montagnes, de peur que lon n'y touche. Mais Dieu, dit-il, est nostre deliurance, & celuy qui purge les grands & enormes pechez.

*Gal. li. 5.  
de la com-  
p sition des  
medic. en  
general,  
sur le li.  
6. des epi-  
di. Hero-  
dor. lib. 1.  
Au liure  
du haut  
mal.*

*Plusieurs  
Papes de  
Rome ma-  
giciens in-  
fames,*

On ne pense-ie pas que ceux qui voudroyent defendre ces prestres & l'vsage des enchantemens, fussent si osez que de m'obiecter plusieurs Papes de Rome sçauans en la magie infame, disant qu'ils l'ont exercee à leur grand proufit & soulagement: comme Syluestre second, lequel, ce disent Platine & Naclere, occupa la Papauté par ce moyen: comme aussi fit Benoisť neuſieme, l'an mil trēte & deux, lequel auparauant estoit nommé Theophylacte, & depuis Maudit, à raisō de ses mesfaits: tels aussi que furent Iean xx. & Iean xxi. comme escrit le Cardinal Benno, lesquels s'aiderēt familièrement des Cardinaux Laurent, Iean, Gratian & Hildebrand



brād', tous coupables de ces enchantemens. Car tous les Papes qui furent depuis Syluestre second iusques à Gregoire septieme, lequel fut grand & insigne magicien, & qui comme Benno escrit, toutes les fois que bō luy sembloit, tellement remuuoit ses manches, que d'icelles il en sortoit cōme des estincelles de feu, dō il trompoit les yeux des simples & moins rusez, comme si ce fussent esté miracles & signes de sa saincteté: tous ces Papes, di-ie, furent enchanteurs, ainsi qu'il est escrit en leurs vies, où on lit plusieurs exemples execrables, de ce qu'ils attiroyēt les fēmes à leur amour, & s'estoyēt adonnez à faire sacrifices aux diables dedans les forests & montagnes. ce que i'ay mieux aimé taire, de crainte que lon ne pensast que par desir de reprendre i'eusse raconté les meschancetez & sorcelleries de ces hommes, assis en si haut degré d'honneur. Car encore que quelques vns ayent esté tels, cōme aussi entre les Euesques Albert de Breme, Guillaume de Roschild, & Velftaue de Vigorne, il n'y a toutesfois point de doute que la plus part n'ayant esté innocēs de tels actes & arts magiques. Il ne faut donc point que les magiciens de nostre temps se pensent couvrir de ce manteau, & prendre ce pretexte.

Nous deuons toutefois deploret ce qu'à grand' peine trouuerōs-nous aucunes personnes plus meschantes & moins punies que la plus part de ceux qui iamais n'a monestent les simples ( qui se conseillent à eux en leur calamité ou de corps ou d'esprit, en pertes de biens, ou en quelque autre aduersité ) que telles choses leur sont enuoyees par la permission de Dieu, afin qu'ils soyent esprouuez cōme l'or par le feu. Et que pour ceste cause il faut qu'ils ayēt recours à vn seul & vnique defendeur des affligez, qui est Dieu, & chercher deuēmēt les remedes diuins, instituez par vn ordre iuste, pour nous seruir en nostre necessité. Mais au cōtraire ils ouurent le chemin à l'impieté & incredulité, raportans tout ce qu'il'y a de mal, impudemment & malicieusement, à la sorcellerie, qu'ils diront auoir esté faite par quelque honneste matrone voisine. Et ainsi ils en bailleront quelques marques, qu'eux mesmes inuenteront, par lesquelles ils feront semblant que lon pourra conoistre celle



qui aura fait ce mal. Ceste seméce d'extreme inimitié, est souuentesfois de longue duree entre les prochains & alliez si que non seulement tout vn voisinage, qui parauant viuoit paisiblement, est trouble de grandes dissensions & de meurtres par le moyen de ceste dânable meschanceté : mais aussi les alliances faites en plusieurs villes & bourgades, & confermees par les communications & societiez des anciens peres sont rompues, & plusieurs marques de calomnies demeurent en quelques races pour vn long temps. I'ay conu vn prestre de ceste secte, lequel ne fut point honteux d'afermer impudemment, comme il entroit en vne petite ville en laquelle ie demeure, & qu'autrement il ne connoissoit, qu'en icelle il y auoit trois cens forcieres. I'ay presque honte de mettre en auant ce nombre certain.

Or comme par ce moyen le regne de Christ acroist & est confirmé, ainsi est fait grand outrage à Iesus Christ, & son Eglise est cruellement blessée par ceux, à la poursuite desquels, il seroit plus decent qu'elle fust guerrie, si d'auenture elle estoit blessée & offensée.

1. *Timo. 4.* SAINT Paul prophetise manifestement en sa premiere epistre à Timothee, & monstre quasi au doigt la menée de telles gens, quand il dit : Or l'esprit dit noramment qu'es derniers temps aucuns se reuolteront de la foy, s'amusans aux esprits abuseurs & aux doctrines des diables, enseignant mensonges en hypocrisie, estans cauterisez en leurs propres consciences, defendans de se marier, commandans de s'abitenir des viandes que Dieu a creées pour en vser avec action de grace, aux fideles & à ceux qui ont conu la verité. Saint Basile doncques a fort bien escrit : Celuy qui escoute vn enchanteur, dit il, & qui luy obtempere, quelque necessité qu'il en ait, encores que par parole il die auoir fiance en Dieu : si est-ce qu'il prend conseil & cherche aide aux choses folles & vaines, d'autant que Dieu est le vray secours du iuste. Tels vilains malheureux sont aussi flestris en vne epistre enuoyee par Beelzebub aux prelatz & gouverneurs des Eglises, contenue en vn ancien auteur qui a escrit des tribulations & signes de la ruine de l'Eglise, où il a mis pour preface deux traitez, en la seconde partie desquels, chapitre onzieme, sur la fin ceste  
epistre



epistre est adioustee, comme s'ensuit. Beelzebub prince des diables, capitaine des tenebres, avec ses satellites, & toutes les puissances d'enfer, aux Archeuesques, Euesques, Abbez, Preuosts, Prestres & autres gouuerneurs des Eglises, nos treschers amis, salut infernal, maintenant & à iamais, alliance & societé inuiolable & qui ne se puisse iamais dissoudre. Treschers amis, nous auons grand' fiance en vostre amitié, & sommes fort contens de vous, car vous estes de bon accord avec nous, & auez grand soin de ce qui nous attouche, entretenant & conseruant en tous lieux tout ce que vous conoissez estre de nostre iurisdiction. Sachez donc que toute nostre assemblee vous tient au rang de ses plus intimes & feaux, & vous remercions grandement de vos bons offices, pource que par vostre seruice, par vostre vie, & par vostre nonchalance de faire l'œuvre de Dieu entre les peuples, infinies multitudes d'ames destournees du chemin de verité, & abandonnees en proye, sont amenees iournellement en ces prisons: au moyen de quoy la puissance de nostre royaume s'acroist merueilleusement. Perseuerez donc, comme feaux & intimes, en nostre amitié, selon l'œuvre que auez commencé & que poursuyuez: & sachez pour certain que nous-nous aprestons pour vous retribuer à chacun de vous, pour tant de bons seruices, condigne retribution & conuenable loyer au fond d'enfer. Portez-vous bien, & l'heur dont nous sommes participants demeure eternellement avec vous.

*Par quels moyens les magiciens Ecclesiastiques ont acoustumé de seduire en la guerison des Demoniacques.*

### CHAP. III.



**V**RE ceste menfongete persuasion, par laquelle ces forciers trompent le vulgaire trop facile à croire: afin qu'estans asnes, ignorans & meschans, ils facent monstre en ce theatre d'ignorance, comme s'ils sa-



uoyent quelque chose dauantage & outre la cognoissance qu'ont les hommes doctes: ils font profession que par leurs exorcismes & blasphemés cueillis çà & là ils contraignent l'vnique auteur de mensonge, & le font cōparoitre en vn miroir, ou en vn vaisseau plein d'eau en la semblance de celuy qui est cause de la forcellerie, pour descouurir la verité du fait, ne plus ne moins que si c'estoit vn tefmoin non reprochable. Dauantage ces malheureux, reprouuez en leurs sens, qui seront quelquesfois punis comme Iannes & Mambres, s'ils ne se repentent de bonne heure, osent bien en la guerison de ces hommes miserables, vsfer d'vne infinité de blasphemés enrichis de plusieurs croix, lesquelles ils figurent de leur main malheureuse & sacrilege.

L'E A V benite, outre la premiere benisson que Dieu luy donna, aspergee ou donnee à boire, à grande efficace en ceci: aussi a le sel exorcizé, vne partie du cierge de Pasques, consacré par mesme moyen, ou bien l'encens d'iceluy. Les chandelles & cierges de la chandeleur, estans allumez contre le diable qui les craint (pêsez que voire.) Les fulmigations des rameaux benits au iour de Pasques fleuries. Item des herbes pèdues deuât la porte au iour S. Ieã Baptiste ou aspergees d'eau benite au iour de la feste de l'Assumption de la vierge Marie, par vne benisson solennelle, selon l'ancienne coustume, & par vne vertu celeste beaucoup plus grande contre la puissance du diable, qu'elle n'estoit au premier iour de leur creation. Item par ie ne say quels autres monstres de diuerses religions, par lesquels ils pensent faire esmerueller & estonner les moins auisez.

*Traicté de la superstiti.*  
nom. 8. 9.  
C 14.

A ce propos Martin d'Arles professeur en theologie escrit: Plusieurs, dit-il, sont de ceste opiniõ que lors que lon sonne les cloches au iour de S. Iean, ou de la veille de sainte Agathe, non seulement les esprits malins sont chassez, mais aussi les sorcieres: si bien que elles ne peuvent estre portees ni çà ni là, ni mesmes nuire à aucun. Il escrit encores au mesme traicté: Ceux-la sont imposteurs, deuins & necromanciens, vers qui le peuple sot & ignorant court ordinairement pour sauoir les choses futures, & pour reconuer ce qu'ils ont perdu. Par lesquelles, ainsi qu'on dit, il se fait des aparitiõs de diables



diablies dedans des verres ou des anneaux, où ils comparoissent estans inuoquez tant pour predire les choses futures, que pour manifester les choses perdues. Mesmes, comme il dit, ces deuins taschent tousiours de mesler les choses sacrees parmi les superstitions, ainsi que testifieront les simples & idiots, qui ont recours à eux: car les malheureux osent bien malencontreusement celebrer le sacrifice de l'eucharistie | le mesme iour qu'ils n'ont point de honte de cōmettre telles meschancetez. Ce que maistre Iean Nider monstre en son Preceptoire, disant: les sorcieres veulent que les instrumens de leur malice soyent couverts par les sacremens de l'Eglise, ou par autres choses diuines: comme quand ils font passer le fil par dedans le sainct chresme, quand ils mettent pour quelque temps vne image de terre dessous l'enceinte de l'autel, & quand ils font telles & semblables choses. Car mesmes ils abusent, comme on dit, en leurs sorcelleries du sacrement de l'eucharistie, & font plusieurs telles choses, messans tousiours des choses saintes parmi leurs superstitions. Mais tout cela se fait par l'instinct du diable, & pour trois raisons comme recite le mesme docteur. Premièrement à celle fin que non seulement les hommes par telles occasions soyent faits pariures, mais aussi sacrileges, en contaminant entant qu'en eux est les choses diuines pour tousiours offenser leur createur, souiller aussi leurs propres ames, & en faire tomber en peché le plus qu'ils peuuent. Secondement, afin que Dieu, estant offensé, donne, selon la sentence de sainct Augustin, plus grande puissance au diable contre les hommes meschans, ce qu'il ne voudroit & luy refuseroit s'il estoit apaisé. Tiercement, afin qu'il deçoyue plus facilement plusieurs simples personnes allechez par vne aparence de bien, lesquels touchez par ces choses saintes & par oraison ont opinion d'auoir obtenu de Dieu quelque grand bien au lieu qu'ils l'ont grandement offensé. Voila ce qu'il escrit. Mais es autres superstitiōs commises par ces rustiques, encores que les diables n'y soyent inuoquez expressement, ils se meslent toutesfois parmi les actes superstitieux, à celle fin qu'ils deçoyuēt l'esprit des hommes. Ce theologien a escrit ce que dessus. Les Euesques sont prisonniers du 2. qu. 2. 3.



Diable, lesquels delaiſſans le Createur, ont recours au diable. eſcoutez: toutes fois & quantes que la ſorcelerie eſt permieſe par l'occulte iugement de Dieu, il ne faut point pour en eſtre deliuré & pour chercher remede, auoir recours aux Magiciés, Necromanciens & ſorciers, comme nous voyons de noſtre temps en pluſieurs lieux que le menu peuple ne craint point de courir à quelques meſchans preſtres: mais il ſe faut adreſſer à Dieu, tant par cōfeſſion des pechez que par deuotes oraiſons cōme il eſt eſcrit 33. q. 1. chapirre dernier. Auſſi ne faut-il faire mal à celle fin qu'il en auienne bien. Il y a pluſieurs choſes ſemblables en ce paſſage: meſme il eſcrit apres: Parquoy nul ne doit auoir recours aux Necromanciens, ſacrileges & deuins: car outre ce qu'ils pechèt mortellemēt, ils ſont faits participās de la coulpe & damnation d'iceux: pourautant qu'encores que par la permiſſion de Dieu il leur auienne de dire quelques fois la verité, ſi ne faut-il vſer de leur teſmoignage: car ils trompent & mentent le plus ſouuent. Ce qui apert de ce qu'en l'eſprit de verité il n'y a point de fauſſeté: mais en l'eſprit de menſonge il y a quelques veritez, à celle fin qu'il trompe par vne fauſſeté cachee deſſous, comme dit Gerſon, au liure de la probation des eſprits. Pour ceſte raiſon, dit-il, Ieſus Chriſt empeſcha les demoniaques de porter teſmoignage de verité, laquelle

*Act. 16.* ils confeſſoyent: & S. Paul empeſcha la Pithoniſſe.

*Au ſermō des Augu- res.* SAINCT Auguſtin eſcrit à ce propos: Freres, vous ſauez que ie vous ay ſuplié ſouuentefois de ne garder les couſtumes des payés & ſorciers. Parquoy ie me deſcharge enuers Dieu, ores que derechef ie vous en admoneſte & defens que nul de vous ne ſe retire aux deuins & ſorcieres, & que perſonne ne leur demande cōſeil d'aucune choſe, ou d'aucune raiſon, ou d'aucune maladie. Auſſi ceux qui vont par deuers eux ont renoncé à la foy comme les theologiens le prouuent par le teſmoignage de S. Auguſtin 27. q. 7. là où apres auoir nommé pluſieurs ſuperſtitions, il conclud en ceſte façon: Celuy qui obſerue & qui s'aplique à toutes telles obſeruations, faits, & augures, & qui conſent à ceux qui les obſeruent, ou qui croit à telles choſes, qui hante en leurs maiſons qui les retire en la ſiēne & qui les interro-  
gué:



gue:celuy la sçache qu'il a renoncé la foy Chrestienne & son baptisme, & qu'il a encouru griefuemét & pour iamais l'ire de Dieu,comme vn payen, apostat & ennemi de Dieu: s'il n'est reconcilié à Dieu,en confessant sa faute deuant toute l'Eglise.

*De l'exécrable abus de la sainte Escriture, & des noms de Dieu en la magique guérison des malades, & en autres actes.*

CHAP. II II.



Es pures & saintes paroles de l'escriture sainte, & les noms de Dieu, sont icy expressement meslez & bon-gré mal-gré deprauez, afin que ceste belle aparence fardée & bien coulорee soit suyui de plusieurs: & qu'elle attire cauteleusement les autres en son amour, par vn tel maquerellage emprunté. Mais ceux qui entendent bien la parole de Dieu, son essence, sa nature & sa viue puissance, iugent aisément comme on s'en aide, & si c'est à bonne raison. Aussi nous faut-il confesser que tel abus de la parole de Dieu est du tout detestable, & que ceste prophanation du sacré nom de Dieu doit estre à bon droit estimee estre vne meschanceté horrible. Et certainement nous ne pourrions entendre vn plus impudent mensonge, ni plus contumelieux contre Dieu, que quād on s'aide d'vne sentence de l'escriture, ou que lon prononce le nō de Dieu, cōtre l'ordre que Dieu a establi en l'escriture sainte, & contre l'vsage de son sacré Nom, en quelques choses que ce soyent ou ioyeuses ou serieuses: soit aussi en pensant obtenir quelque nouuelle vertu & action contre les maladies, pour obtenir ce que nous desirōs. Ainsi abuse-on *Exode 12.* de ceste sainte & sacree prophetie touchant les os de *Iean 19.* Christ qui ne deuoyent estre rōpus par les Iuifs: vous ne *Contre le* briserez aucū de ses os. Car ils disent que si quelcun pro *mal des* fere ces paroles en touchāt a ses dents, pendāt qu'on dit *dents.* la Messē, il perdra la douleur d'icelles. Vn autre laue ses *Contre la* mains avec le malade deuāt l'accez de la fieure, & au cō *fieure.* mēcemēt de l'accez il dit tout bas le Pseume qui cō- *Pseau. 144* mence, *Exaltabo te Deus meus Rex.* Vn autre dit en pre-



nant la main du malade, *Aequo facilis tibi febris hac sit, atque Mariae virgini Christi partus*: c'est à dire, Ceste fieure te soit aussi facile à porter, comme l'enfantement de Christ a esté à la vierge Marie. Ils pratiquent vne autre recepte contre la fieure, en ceste maniere, Prenez trois hosties: escriuez en l'vne, tel qu'est le Pere, telle est la vie: en la seconde, tel qu'est le fils tel est le saint: en la troisieme, tel qu'est le saint Esprit, tel est le remede. Il faut bailler au febricitant ces trois hosties ainsi escrites, pour les manger en trois iours consecutifs sur le soir: à condition toutesfois de ne boire ni manger le iour qu'il les aura ainsi aualees. Il faut aussi que tous les iours au soir il dise quinze fois le pater & l'ave maria en l'honneur de la sainte & indiuisible Trinité. Derechef contre la fieure ils se seruent du charme suyuant. Ils meinent le malade vn iour de vendredy à l'aube du iour vers le leuant, & luy font leuer les mains contre le soleil, puis ils disent, Auourd'huy est le iour auquel le Seigneur vint à la croix: mais tout ainsi que la croix ne viendra plus à luy: ainsi le chaud ni le froid ne vienne plus à toy. Au nom du Pere, & du Fils, & du saint Esprit. Cela fait il faut dire neuf fois trois Pater & trois Ave Maria. Pour donner efficace à ce charme, les malheureux qui s'en seruent disent qu'il le faut continuer par trois diuers iours. Il y en a quelques vns, qui pour estancher le sang, prennent vne tasse pleine d'eau froide, dedans laquelle ils laissent degoutter trois gouttes de sang, & disent à

*Pour estancher le sang,* chascune goutte l'oraison dominicale, avec la salutation angelique. Puis ils la baillent au patient & luy de-  
*Cardan de* mandent: qui sera-ce qui t'aidera? le patient respond ce  
*la subtil. li.* sera sainte Marie. Lors ils disent: *Sancta Maria hunc sanguinem firma*: c'est à dire, S. Marie arrêtez ce sang qui coule.  
 18.

Les autres escriuent contre le front du malade avec du sang qui sort, *Consummatum est*, c'est à dire: tout est accompli: Les autres pour arrester le sang disent ces paroles: *Sanguis mane fixus in tua vena sicut Christus in sua pena. Sanguis mane fixus sicut Christus quando fuit crucifixus*. C'est à dire Sang demeure en ta veine comme Christ en sa peine: sang demeure figé comme Christ lors qu'il fut crucifié. Ils disent qu'il le faut prononcer par trois fois. Item. Au sang d'Adâ, la mort est sortie & au sang de Christ la mort est



est amorti et ie te commâde o sang † en vertu de ceste mort que tu arreste ton cours. Vn autre. *Deluere eius- Jean 13. xini sanguis & aqua*, c'est à dire: de son costé il sortit sang & eau. Les autres encores pensent arrester le sang coulant de quelques parties du corps par ces mots: Christ est nay en Bethlehem, & a souffert en Ierusalé: son sang s'est troublé: Ie te dis que tu l'arrestes par la puissance de Dieu, & par l'aide de tous les saints: ainsi que le Iourdain dedans lequel S. Iean baptiza nostre Seigneur Iesus Christ, au nom du Pere & du Fils & du saint Esprit. Tenez le doigt sans nom dedans la playe & faites trois croix sur icelle: dites cinq fois *Pater noster & Ave Maria*, & vne fois le *Credo*, en l'honneur des cinq playes. Ce grand philosophe Iule de Lascale escrit ainsi à Cardan, touchant ce point: Vous avez déclaré, dit-il, en vos contredits que la foy de l'enchanteur fait beaucoup à rendre l'enchantement d'efficace: mesme qu'il sort de l'esprit du sorcier vne vertu laquelle change l'air, par la corruption duquel les forcieres obtiennent ce qu'elles pretendent. Mais s'il est ainsi que vos paroles arrestent le sang qui sort par la veine ouuerte, certes il n'y a vertu de pierre d'aimant, laquelle soit digne d'estre comparee avec la force d'icelle. Et certainement il n'y a point moins d'impieté en l'autre raison.

*De la subtil. exerc.*  
112.

CHRYSOSTOME parle ainsi à ceux qui sont seduits par liaisons, & enchantemens sous ombre que le nom de Dieu y est meslé: Non seulement, dit-il, tu prens des liaisons, mais aussi des enchantemens: lors que tu meines des vieilles yurongnes chancellantes en ta maison. N'es-tu point confondu & ne rougis-tu point tremblant apres vne telle discipline? Mais encores, qui est moins suportable que l'erreur, lors que nous admonestons & dissuadons ces choses à telles personnes, ils disent pour excuse que ceste femme qui enchante est chrestienne, & qu'elle n'a parlé d'autre chose que du nom de Dieu. Mais moy pour ceste seule raison ie la hays & me retire d'elle: car elle abuse contumelieusement du nom de Dieu, lors que se disant chrestienne elle fait les œuvres des Gentils. Les diables confessoient bien le nom de Dieu, & toutesfois ils estoient diables, & parloyent ainsi à Iesus Christ: Nous te co- Luc 4.



noïssons, d'autant que tu es le saint de Dieu: toutes-fois il les reprint & les ietta. Parquoy ie vous prie, autant qu'il m'est possible, que vous vous conseruiez nets & entiers de telle falace, & que vous ayez la parole de Dieu comme vn baston pour vous apuyer.

QUELQUES vns d'entre les Espagnols & Italiens qui faisoient guerre en Flandres, l'an mil cinq cens soixante huit: pour estre garantis de la peste & de tous maux, se vantoyent d'auoir vn remede souuerain, authorizé par le Pape, & qui contenoit ces mots & caracteres.

† *Crucem pro nobis subit: † & stans in illa sinit IESVS, sacratis manibus, clauis ferreis & pedibus perforatis, IESVS IESVS IESVS: Domine libera nos ab hoc malo & ab hac peste.* C'est a dire, Iesus a esté crucifié pour nous, & a eu soif pendant en la croix †: ses sacrées mains & ses pieds ont esté percez de cloux, de fer, IESVS IESVS IESVS. Seigneur deliure nous de ce mal & de ceste peste. Au bout de ce charme il falloit dire trois fois Pater & trois fois Aue Maria. En la mesme année ces bons gens d'armes faisoient consacrer avec ie ne say quelles ceremonies & cōiurations leurs armes & estendarts cōtre leurs ennemis: mais i'estime que la verité des histoires de ceste guerre monstrera si tels remedes leur ont seruy ou non. Leur principal estédart auoit (comme i'enten) l'image de sainte Marguerite, laquelle on dit auoir vaincu le diable: & aussi le cheual du lieutenant pour le Roy d'Espagne en ces pais bas auoit sa place en vne chappelle ou lon chatoit Messie. Le chef de l'armée tenoit en sa main l'estendart, tandis qu'on le baptisoit avec les mesmes ceremonies dont on vse au baptisme des cloches. Pour donner plus de lustre a la feste, on faisoit voler vne image de la vierge Marie tenant son petit enfant entre les bras, & deux mains ioinctes & se touchans, comme on fait en promesses & alliances.

L'AY veu depuis peu de temps au logis d'un homme noble & d'autorité, vn liure escrit a la main, lequel est execrable, digne du feu, plein d'exorcismes & de plusieurs caracteres de croix, avec quelques receptes prises de la sainte Esriture, au Nom du Pere, & du Fils,  
& du



& du Sainct Esprit, non seulement contre toutes les maladies des cheuaux, mais aussi contre tous les em-  
peschemens qui leur peuuent auenir: comme si le fer  
d'un cheual est tombé par les chemins, incontinent  
auec vne telle priere il peut aller iusques à l'estable  
sans endommager sa corne, encores que le chemin soit  
fort long.

CONTRE les vers qui tourmentent vn cheual, au-  
cuns se seruent du charme suyuant: & disent sur le che-  
ual. Au nom du Pere †, & du Fils †, & du sainct † Esprit, ie  
t'exorcise ou adiure toy ver, par Dieu le pere †, & par le  
Fils †, & par le sainct † Esprit, que tu ne mâges ni ne suc-  
ces la chair, ni le sang, ni les os de ce cheual, & que tu  
sois aussi paisible qu'a esté ce bon personnage Iob, &  
aussi bon que Sainct Iean, lors qu'il baptisoit nostre Sei-  
gneur au Iordain, au nom du Pere † & du fils † & du  
Sainct † esprit. Il faut dire puis apres trois Pater & trois  
Aue maria en l'oreille du cheual, a l'honneur de la sain-  
cte trinité, Seigneur †, Fils †, Esprit †, Marie †.

MAIS est il possible que le monde ait esté si abruti &  
tant enforcé que de se seruir de moyens si vains & e-  
stranges, abuser si malheureusement de l'Escripture sain-  
cte, & se moquer ainsi de Dieu & de son Eglise! L'expe-  
rience, & ce qu'un chascun en particulier fait auoir e-  
sté & estre pratiqué de ces charmes & sorcelleries en  
diuers endroits des pais qui portent le titre de Chre-  
stienté, montrent l'horrible brutalité de ceux qui ne se  
veulent seruir de la parole de Dieu que pour en abuser,  
& l'horrible vengeance de Dieu sur eux. Cadamoste es-  
crit que les cheuaux des Negres sont rendus plus forts  
& plus asseurez par le moyen de quelques charmes. A-  
phricanus escrit dessus le tonneau, pour empescher que  
le vin ne se gaste toute l'année d'un charme execrable,  
*Gustate & videte quod bonus est dominus*, abusant tresmeschā-  
mēt de ce que le Psalmiste aproprie à la conscience pai-  
sible & à la félicité éternelle des fideles. De mesme for-  
mulaire d'impieté se seruent-ils pour coniurer les ser-  
pēs, ainsi que s'ensuit, O Serpēt, ie t'adiure à ceste heu-  
re † par les cinq playes que tu t'arrestes en ce lieu sans  
te bouger, aussi certainement qu'il est vray que Dieu  
est né d'une pure vierge. † Serpent, ie t'exorcise au nom



du Pere & du Fils & du saint Esprit †. Serpent, ie te commande de par la vierge Marie nostre dame, que tu m'obeisses cōme la cire obeit au feu, & le feu à l'eau, & que tu ne nuises ni à moy ni à aucun Chrestien, aussi certainement que Dieu est nay d'une vierge immaculee. † Et pour tant ie t'esleue au nom du Pere & du Fils & du saint Esprit *eli lass'eister eli lass'eister eli lass'eister*. Serpent, il faut que tu aproches de moy comme nostre Dieu est aproché des Juifs: serpent, il faut que tu t'en ailles arriere de moy, comme nostre Dieu s'en est allé loin des Juifs. Cependant telles meschancetez pleines de blasphemes, quoy qu'elles meritent d'estre chassées & abolies, ne laissent pas d'avoir des gens qui les admirent: mesmes i'en conoi quelques vns qui les exercent, sans qu'ils en soyent punis. Et toutesfois elles ne meritent pas d'estre mises au rang des mensonges des Cabalistes qui assurent faire toutes choses, qu'ils promettent avec parade, par les dix noms du vray Dieu, & par ces deux Anges, desquels il est fait mention es saintes lettres: tout ainsi comme nous voyons ces gentils defenseurs de meschante impieté, faire souuētes fois des choses par l'œuvre du diable & par la permission de Dieu lequel le veut ainsi à raison de leur incredulité. La Cabale de ceux-cy est pleine & puante de telles liaisons & de meschantes folies magiciēnes, desquelles Costeben Luca, Juif, a escrit vn liure.

*Liv. 8. des* SAINCT Clement dit fort bien en cest endroit: *la*  
*recogn.* chose est venue en fin iusques à ce point que comme les  
*Aloys Ca* diables sont chassés par la parole de Dieu, dont nous  
*darnuste* concluons qu'il y a vne prouidēce: ainsi l'art magique a  
*cha. 28. des* inuēté, pour cōfermer l'infidelité, le moyen par lequel  
*nauiगत. e-* on la pourroit imiter par contraires. Ainsi a on inuēté  
*serpit que les* par charmes d'adoucir le venin des serps, & a on trou-  
*serps font uē* des guerisons contraires à la parole & puissance de  
*charm. x* Dieu. L'art magique a aussi controuuē des ministeres  
*par les Ne* contraires aux Anges de Dieu, opposant à iceux des a-  
*gves.* paritions d'ames & des fausses inuentions des diables.

*Moyens Magiques, par lesquels on trouue les larrons, on blesse la sorciere: avec vn abus blasphematoire, tant du nom de Dieu, que de la sainte Esriture.*



CHAP. V.



**E** descriray icy le moyen de descourir & reconoistre le larron, que quelques vns disent denoir estre ainsi experimenté: car aussi ceste chose appartient aucunement à ce que nous traitons. Estât tourné vers Orient, faites vne croix dessus du chrystal, avec de l'huile d'oliue, & escriuez dessous ceste croix, Sainte Helaine. Puis vn ieune garçon vierge & né de legitime mariage aagé d'environ dix ans prene ce chrystal avec la main droite, derriere lequel estant à genoux dites par trois fois, & bien deuotement ceste oraison: Je vous prie madame sainte Helaine, mere du Roy Constantin, qui auez trouué la croix de nostre Seigneur Iesus Christ, qu'au nom & en faueur de ceste tressainte deuotion & inuention de la croix: au nom de ceste tres-sainte croix, en la faueur de ceste ioye que vous eustes lors que vous trouuastes ceste tressainte croix, en faueur de ceste grande amitié que vous auez portee à vostre fils le Roy Constantin: bref au nom de tous les grands biens desquels vous iouissez pour tout iamais, qu'il vous plaise monstrier en ce chrystal tout ce que ie demande & ay enuie de sçauoir: Amen. Et lors que le garçon verra l'ange dedans le chrystal, vous demanderez tout ce que vous voudrez, & l'ange vous respondra. Cecy se doit faire à soleil leuant, & lors qu'il sera desia leué, & que le iour sera serain & doux.

L'AVOIS acoustumé, dit Cardan, de me moquer de toutes ces folies, encores que plusieurs en aprouuassent l'experience, & qu'ils tinsent cela comme vn grand secret: toutesfois il auint vne fois qu'un garçon qui mangeoit avec moy, & qui estoit fort auise pour son aage, m'aserna auoir veu, dedans le cold vne phiole, le larron duquel on l'interroguoit, lequel estoit descendu au fonds, & n'estoit plus aparü, & que deux autres l'auoyét veu avec luy. Il disoit aussi, qu'alors qu'il luy commençä à aparostre, il vid comme vn esclair brillant: que ceste image auoit mis la main à sa teste, & qu'elle auoit tiré le bonnet au deuant. Ceste phiole, disoit-il, estoit de voirre, fort clere & nette, pleine d'eau benite, posée



dessus vn linge exorcisé, lequel estoit dessus vne escabelle avec trois chandelles de cire, allumees & exorcisees. Il y auoit aussi deux fueilles d'oliuier sur l'embouchure de la phiole posees l'une sur l'autre en croix. La coniuration qui fut faite estoit telle & briefue : S. Ange, bel ange, ie te prie par ta saincteté & par ma virginité qu'il te plaise de me monstrier le larron. Il murmuroit ceste oraison dessus l'embouchure de la phiole, les assistans toutesfois disoyent par trois fois auparauint l'oraison dominicale, & la salutation angelique, estans tous agenoux: & à chasque fois ils faisoient le signe de la croix dessus la phiole avec l'ongle du pouce. Ils estoient seuls en vn lieu obscur. Ils virēt vn homme tout entier, qui auoit vn manteau, la teste baissée & chauue, lequel montoit & descendoit par le col de la phiole tout ainsi que lon void descēdre & monter les atomes aux rayons du soleil. Or le virent-ils enuiron l'espace de demy-quart d'heure. Et dura tout celspectacle par trois heures: & toutesfois, cōme le mesme autheur du fait le cōfesse, le larron ne fut point trouuē, ni les deux coupes d'argent, lesquelles il auoit desrobees. On conte que pendant que ces choses se font comme il appartient, celuy qui a desrobe endure quelque chose. Ainsi que lon conroit ces choses, l'eu enuie de les experimenter, & de fait l'occasiō s'en offrit. Vne femme qui māgeoit avec nous ayant enuie de voir quelque chose de nouueau, fit venir vne magicienne laquelle s'entendoit fort bien en telles affaires & laquelle apres auoir apresté son sacrifice, fit voir plusieurs choses à trois filles, ainsi comme elles disoyent: toutesfois ie n'y estois point. Ce qui fut cause que derechef l'apelay ceste femme, laquelle prepara son sacrifice, toutesfois sans fueilles d'oliuier & sans l'oraison dominicale: nous estions seulement en vne petite tente fermee de tous costez. Elle voyoit avec les filles non pas dedans de col de la phiole, mais au fond dessus la poincte qui s'esleue au milieu, non dedās l'eau, mais, seulement au milieu du verre: elles voyoyēt di-ie toutes ensemble quelques semblāces non du tout parfaites, ains seulement quasi aparoiſſantes en leur partie du haut: non pas grandes, mais de la grandeur de l'ongle du petit doigt & non plus: & disoyēt quelles ne descen-



descendoyent pas, mais au contraire qu'il leur sembloit qu'elles montassent du fond vers haut: ainsi le rapportoyent les filles & le garçon, duquel i'ay desia parlé & qui pour lors auoit vn sien frere en Espagne qu'il disoit voir, comme aussi les fillettes disoyent voir leurs cousins. Ceste chose est aussi esmerueillable que si elle estoit inuentee à plaisir. Au cōmencement que les magiciēnes virent le fils de ceste femme qui leur sembloit beau (ie dis ce petit garçon, lequel aussi estoit moyne) elles la prierent de le laisser faire, ce qu'elle ne voulut pourautāt que cependant son fils estoit tourmenté. Ioseph le Noir, hōme qui estoit fort versé en telles choses, racontoit que quelquefois le diable s'estoit aparū à des petis enfans sous la figure de Iesus Christ, & les auoit prié qu'ils l'adorassent: ce que l'vn d'entr'eux promit faire, pourueu que le diable luy declarast ce qu'il pésoit, dont estant courroucé s'esuanouit. D'auantage ils voyoyent ie ne say quoy de rouge dedans le col de la phiole au dessus de l'eau, car la phiole n'estoit pleine d'eau que iusqu'au goulet. La sorciere disoit q'c'estoit l'ange avec vne nauette en la main: les fillettes disoyent qu'elles voyoyēt dedās la vague de ce col vne face semblable à celle d'vn petit garçon, & le garçon disoit seulement voir le bras avec la nauette. Cest ange cōme ils disoyēt, tournoyot & aparoiſſoit tousiours seul: mais les autres images s'esuanouissoyent incontinent. Aussi la vieille commandoit, comme si elle eust esté vn maistre d'escole, aux petis enfans qu'ils eussent à apeler & faire venir les images les vnes apres les autres, Mais ainsi qu'elle mōstroit ces choses à chacun, ie luy demanday cōment il se faisoit qu'elle qui auoit desia eu cinq enfans, peut voir ce que ie ne voyois point. Elle me respōdit qu'elle me le feroit voir, mais qu'il falloit que ce fust au iour de S. Iean Baptiste, ou au iour de Noël. Et pourautāt que ce iour estoit prochain, ie ne faillis à me trouuer avec elle en pleine nuit pour entēdre ce secret. Ce secret estoit de six paroles, lesquellesse pouuoyēt expliquer diuersement: mais toutes, selon mon iugement, plustost au contēnement & contre l'honneur de Iesus Christ, qu'ā sa gloire: comme, Iesus passe: ces mots signifient que Iesus meurt, ou bien qu'il passe par la vie, ou bien qu'il prend



fin, & ceste explicatiō dernière semble estre véritablement celle qu'elle entendoit. Car elle dit incontinent apres: C'est moy, puis, S. ange & c. Ainsi ie descoubris que c'estoyent fables, & qu'elle ne sauoit rien que des folies. Car apres que par ie ne say quel moyen elle eust fait leuer quelques petites bouteilles à la riuē de l'eau: elle me vouloit faire penser que c'estoyent des perles. Et n'est pas inconuenient que par son opiniaistrētē asseuree elle ne fist actoire ce que bon luy sembloit aux petits enfans, lesquels sont faciles d'eux-mesmes, tellement qu'ils confessoient voir ce qu'ils ne voioyēt pas. Car ie fis tant à la parfin que ces filles, desquelles i'ay parlé, me confessèrent qu'elles n'auoyent rien veu, aussi y en a-il plusieurs en telles affaires, qui font semblant de voir, de peur que lon ne pense qu'elles ne soyent pas vierges. Cardan escrit tout ce que dessus.

Le moyen  
de descou-  
vrir le lar-  
ron.

OR afin que lon conoisse l'abus plein de blasphemē, tant du nom de Dieu, que des lettres saintes, i'escriray deux moyens de descouurer le larron ou la forcere, lesquels i'ay trāscrets en cachette & les ay pris du liure d'vn prestre. Allez vous-en en vne riuere coulāte, & là prenez autāt de petits cailloux comme il y a de personnes desquelles vous vous doutez auoir esté desrobé: portez-les à vostre maison & les faites rougir au feu, puis enterrez-les sous le suēil de l'huis, par lequel on a acoustumē d'ētrē en la maison, & les y laissez l'espace de trois iours, au bout desquels vous les tirerez de uāt que le soleil soit leuē. Cela fait mettez vne escuelle pleine d'eau au milieu d'vn cercle, dedās lequel il y ait vne croix trāssee en trauers & en biez, sur laquelle il y ait aussi escrit *Christus uicit, Christus regnat, Christus imperat*, c'est à dire, Christ est victorieux, Christ regne, Christ commāde. L'escuelle estāt ainsi mise, & signee du signe de la croix avec vne coniuration faite par la passion de Christ, par sa mort & resurrectiō (laquelle ie tais à raisō des hommes trop curieux des choses meschātes) iettez les cailloux les vns apres les autres dedās l'eau, chacun au nom de l'vn des suspects. Et lors que vous viēdrez au caillon de celuy qui aura fait le larrecin, il fera bouillir l'eau, tout ainsi que s'il estoit tout rouge de feu. Il n'est pas gueres difficile au diable d'esnouuoir ce bouil-  
lon



lon en l'eau, afin de charger l'innocent.

O n conoiltra le larron par l'arrachement de l'œil en ceste façon. Premièrement on lit les sept Pseaumes avec les letanies: puis on dit vne espouuantable oraison à Dieu le Pere, & à Iesus Christ, & fait-on l'exorcisme contre le larron. Cela fait on fiche vn clou d'airain à trois quarres, consacré par quelques certaines ceremonies, au milieu d'une figure ronde faite en la façon d'un œil, & marquée de quelques noms barbares, on chasse ce clou dedans avec un maillet fait de bois de Cypres, & dit-on en frapant, Seigneur tu es iuste & tes iugemens sont iustes. Alors le larron se manifestera en criant. *Le moyen de creuer vn œil au larron.*

S i vous voulez par un autre moyen blesser le larron, la sorciere ou vostre ennemy, & que cependant le mal qu'ils vous ont fait cesse, vous couperez le samedi matin, deuant que le soleil soit leué, un rameau de noisetier, lequel soit d'un an, en disant: Je te coupe rameau de cest este, au nom de celui que j'ay delibéré de fraper ou de mutiler. Cela fait, mettez une couuerture dessus la table en disant: In nomine Patris & Filij & Spiritus sancti. Dites cela trois fois avec ce qui ensuit, Et incute droch, myrroch, esenaroth & betu & baroch & ass & maarot. Dites apres, Sainte Trinite punissez celui qui m'a fait ce mal, & l'oltez par vostre grande iustice & selon elion & emaris a les age: frapez la couuerture. *Moyen d'incuter le mal par lequel on blesse le larron, la sorciere & l'ennemy.*

*Sorcellerie magique pour recouurer les choses desrobées.*

## CHAP. VI.

**A**D IOVSTERAY ici une sorcellerie magique de S. Adalbert, où il n'y a rien que profanation du nom de Dieu & de l'écriture sainte. Ce que je say, afin que l'impie cachée de quelqu'un qui s'appellent gens d'Eglise apparaisse à tout le monde. Or pour faire mieux valoir la besongne & attirer l'eau au moulin, ils veulent que personne ne presume de prononcer l'anatheme de ce saint, sans licence de l'Euesque de saint Adalbert & de son Diocésain, sur peine d'une certaine excommunication. Au demeurant leur sorcellerie ou



*Anato-  
mie de l'ho-  
me en ex-  
communi-  
cation.*

maudisson est telle. EN l'autorité de Dieu tout-puissant, Pere Fils & saint Esprit, & de la sainte vierge Marie mere de nostre Seigneur Iesus Christ, & des saints Anges & Archanges, & de S. Michel, & de S. Iean Baptiste & au nom de l'Apostre S. Pierre & des autres Apostres, de S. Sylvestre & de S. Adalbert, de tous les Confesseurs, de sainte Aldegonde, des saintes vierges, de tous les saints qui sont au ciel & en la terre, auxquels est donné pouuoir de lier & de deslier : nous excommunions, dammons, maudissons, anathematisons, & concluons de l'entree de nostre mere sainte Eglise, ces larrons, sacrileges, raiisseurs, leurs compagnons, conseillers, coadiuteurs & coadiutrices, qui ont commis ce larcin, ou qui en ont prins quelque portion : que leur part soit avec Dathan & Abiron que la terre engloutit à cause de leurs pechez & de leur orgueil : que leur part soit aussi avec le traistre Iudas, qui vendit le Seigneur à prix d'argent, Amen : & avec Ponce Pilate, & avec ceux qui dirent au Seigneur Dieu, Va arriere de nous, nous ne voulons point cognoistre res voyes. Que les fils de ces larrons soyent faits orphelins : qu'ils soyent maudits en la ville, au champ, & en la forest, es maisons, es granges, es liets, es chambres, en la cour, en chemin, en la metairie, au champ, en la riuere, en l'Eglise, au cemitiere, en iustice, au marché, en la guerre, estans arrestez, parlans, ne disans mot, en mangeant, en veillant, dormant, buuant & en touchant, estans assis, couchez, debout, en oisiveté, en trauail, en tout leur corps, en toute leur ame, & es cinq sens de leur corps, en tout lieu. Maudit soit le fruiet de leur ventre, le fruiet de leur terre : maudit soit tout ce qui est à eux, leur teste, bouche, narines, nez, levres, palais, dents, yeux, paupieres, ceruelle, langue, gueule, gosier, poitrine, cœur, ventre, foye, entrailles, estomach, ratte, nombril, vessie, cuisses, iambes, pieds, talos, col, espauls, dos, bras, coude, mains, doigts, ongles des mains & des pieds, costes, iointures, genoux, chair, os, sang, peau, mouëlle, des os. Maudits soyêt-ils depuis le sommet de la teste iusqu'à la plâte des pieds : tout ce qui y est soit maudit, avec leurs cinq sens, & c. Et qu'ils soyent maudits en la sainte croix, en la passion de Christ, & avec les cinq playes de Christ,



& avec l'effusion du sang de Christ, & avec le lait de la vierge Marie. Je t'aiure, *a* ô Lucifer avec tous tes satellites, de par le Pere le Fils & le S. Esprit, & de l'humanité & natiuité de Christ, & en la vertu de tous les saints, *b* que tu ne cesses iours & nuits tât que tu ayes abismé ces larrons, soit qu'ils se noyent es riuieres, ou soyent pendus, ou que les bestes sauuages les deuorent, ou que ils soyent bruslez, ou que leurs ennemis les tuent, *c* & qu'ils soyent hays de tout le monde. Et comme le Seigneur a donné donné ceste puissance à l'Apostre saint Pierre & à ses successeurs, & à nous indignes, qui tenons leur place, que tout ce que nous lierons en terre sera lié au ciel & tout ce que nous desliions en terre sera deslié au ciel: suyuant cela nous fermons le ciel à ces larrons, s'ils ne se veulent amender, nous ne voulons point qu'ils soyent inhumez en terre sainte, ains ordonnons qu'on les traine où les asnes paissent. D'auantage que la terre où ils seront enterrez soit maudite, qu'ils perissent au dernier iugement, qu'ils n'ayent aucune frequentation avec les Chrestiens, & soyent priuez du corpus Domini en l'article de la mort: que ils soyent faits comme poudre deuant la face du vent, & comme Lucifer a esté chassé du ciel, Adam & eue de Paradis, ainsi soyent-ils chassez arriere de la lumiere du iour. Item qu'ils soyent compagnons de ceux auxquels le Seigneur dira au dernier iour, Allez maudits au feu eternel preparé au diable & à ses anges, où le ver ne mourra point & le feu ne s'estendra iamaïs. Et comme la chandelle que ie tien en ma main s'estaind en la iertant contre terre, ainsi leurs œures & leurs ames serôt esteintes en la puâteur de l'abyssine, s'ils ne rendent dás certain temps ce qu'ils ont desrobé. Que chacun dise Amen: & puis apres on chantera, *Media vita in morte sumus.*

*Vrayement indignes*

*a* Outre ce qu'il n'y a qu'impieté en tout ce formulaire, ie vous prie voyez cōment Lucifer & ses satellites sont proprement ioints avec le Pere le Fils & le S. Esprit.

*b* Il apert de là (si telles imprecations sont de quelque valeur) que cest Anatheme theologal attire sur le monde tous les maux & malheurs qu'on sauroit penser: & qu'il ne s'en faut pas prendre à ie ne say quelles vieilles radotees qui pour la pluspart ne sauroyent lire



ni pas mesmes prononcer tant d'horribles & estranges coniurations.

c Je di que ceste excommunication est si execrable, qu'il faudroit la bannir du monde par edict public & solennel. Au reste, quand Iesus Christ a dit à S. Pierre, ie te donneray les clefs du royaume des cieux, il a entendu par ceste clef la doctrine celeste, laquelle tiendrait liez tous ceux qui seroyent liez par elle. Le fils de Dieu n'a point permis qu'on foudroyast ainsi par anathemes, encor moins l'a-il commandé.

QUELQUES autres, qui se surnomment gens d'Eglise, se seruoient du Pseaume cent huitieme, selon la translation vulgaire, commençant *Deus laudem meam ne tacueris*: tenans pour certain que quand ils auroient pronocé les paroles de ce Pseaume (où il y a des imprecations fort efroyables) contre qui que ce fust, il mouroit bien tost, ou dedans l'an reuolu au plus tard. Mais ce Pseaume qui est le cent neuvieme en son vray ordre, & se commence *O Dieu mon honneur & ma gloire*, &c. à vn tout autre sens, car il est plain de complaints, larmes & gemissemens, specialement contre les Scribes & Pharisiens & les gens d'Eglise susnommez: & sera aisé d'en comprendre l'exposition si on l'aplique à la personne de Iesus Christ se plaignant du traistre Iudas, & de la cruauté des Iuifs qui ne demandoient qu'à espan dre le sang innocent. Qui voudra prendre le loisir de lire ce Pseaume, il verra combien ces magiciens disamment malheureusement la sacree parole de Dieu. Et au reste pour confermer les vrais Chrestiens contre tous tels charmes & anathemes par trop pratiquez entre ces gens d'Eglise, ie proposeray ici le saint conseil de Crysofome au sermon de l'Anatheme, afin que chacun le suyue: Pourtant, ie vous prie, dit-il, que vous ne mettiez iamais en oubli ces paroles. Il faut redarguer & anathematizer les fausses & meschantes doctrines: mais il faut pardonner aux abusez, & prier pour leur salut.

*Du meschant & bon vsage de la parole de Dieu:  
& du moyen illicite de guerir  
les sorcelleries.*



CHAP. VII.

**D**AVANTAGE quel plus grād sacrilege fau-  
riez vous pēser que cestui ci, asauoir qu'a-  
pres auoir opiniaistrement mis en oubli le  
propre salut, abuser si meschamment du  
sacrē nom de Dieu, & forcer sa sainte pa-  
role pour la destourner au mespris de Dieu, & en cou-  
rir les impostures du diable? sa parole di-ie, laquelle  
le fils de Dieu Iesus Christ, vaincu de l'amitiē qu'il por-  
toit au genre humain, a aportee du sein du Pere e-  
ternel, & l'a publiee pour la redemption des hommes  
miserables & perdus: afin qu'estans auparauant separez  
de Dieu par la cheute de leur premier pere, & qu'ayant  
perdu toute grace, ils conussent par ceste parole qu'ils  
estoyēt receus en grace, & que par ce moyen ils auoyēt *Vray vsu-  
certains & expres tesmoignages de la volonte de Dieu ge de la pa-  
enuers eux, au moyen de quoy ils se pourroyent releuer role de  
& endoctriner toutesfois & quantes qu'ils seroyent a- Dieu.*  
gitez & tourmentez par les flots de leurs sens distraits  
ailleurs, & qu'ils seroyent vrayement humiliez en eux-  
mesmes: Gaspar Peucer poursuit biē au long ce propos  
en son commentaire des deuinations.

SAINT Paul escrit ainsi à Timothee touchant le *2. Tim. 3.*  
vray & naïf vsage de la sainte Escriture, disant: Toute  
escriture est diuinement inspiree & proufitable à en-  
seigner, à conuaincre, à corriger & instruire en iustice:  
afin que l'homme de Dieu soit acōpli, apareillé à toute  
bonne œuvre. Item aux Romains, l'Euāgile est la puis- *Rom. 1.*  
sance de Dieu pour le salut de tous croyans. Il dit enco-  
res au quatrieme chapitre de l'Epistre aux Hebreux,  
La parole de Dieu est viue & d'efficace & plus penetrā-  
te que tout glauiē à deux trenchans, & atainct iusques  
à la diuision de l'ame & de l'esprit, & des ioinctures &  
des moelles, & est iuge des pensees & intentions du  
cœur. La parole de Dieu a esté baillee pour cest vsage,  
asauoir pour regenerer la nature corrompue des hom-  
mes. Elle le fait ainsi depuis qu'elle est receuē par foy  
dedans le cœur des croyans, par la cooperation du S.  
esprit, lequel besongne puissamment par ceste parole:  
non pas prononcee de la bouche (comme le diable



*Deuter. 5.**Sermō 141  
du temps.*

l'a controuué) de ces meschans & mal-heureux ministres de Satan, afin d'en faire autre chose que ce à quoy elle a esté ordonnée des les commencement. Et comme ainsi soit que la loy de Dieu ait dit, Tu ne prédras point le nom du Seigneur ton Dieu en vain, car Dieu ne tiendra pas pour inculpable celuy qui prendra le nom du Seigneur son Dieu en vain: il n'y a point de doute, que tous ceux qui s'aident de ces façons & manieres d'enchantemens couuers & masquez de la parole de Dieu, en seront punis tres griefuement. Parquoy si quelqu'un, sous le manteau de telle parole, pense auoir eu veritablement ou par charme ce qu'il demandoit, ne doutez point que cela n'ait esté fait par l'operation du diable. Toutesfois ces paroles ainsi prononcees par ces meschans & mal-heureux hommes ne sont ni augmentees ni diminuees en leur vertu. Ce que S. Augustin certifie, disant: Mes treschers freres, il est certain que Dieu permet ces choses au diable pour prouuer le Chrestien, si bien que par là il croit plus facilement au diable, lors que par tels sortileges il pense auoir receu remede en son infirmité, & auoir veritablement conu quelque chose. Mais celuy qui desire en tout & par tout de garder la religion Chrestienne, doit les mespriser de tout son pouuoir.

Vous trouuerez au liure precedent, chapitre quatrieme, vn exemple memorable touchant vne guerison de la sorcelerie demoniaque faite avec vne certaine maniere de benisson, & la pourrez rapporter en ce lieu & la continuer à ceste histoire, ensemble ceste cy que ie diray maintenant, laquelle surpasse la premiere en superstition, & que i'ay transcrite du liure d'un prestre. Ce que ie feray afin que par ce moyen on puisse iuger de toutes les autres semblables manieres de guerisons.

PRENEZ trois mesures d'huile violat, & vous tenant contre le soleil, auant qu'il soit leué, nommez le nom de celuy qui est blessé & le nom de sa mere, & les anges de gloire, lesquels sont assis au sixieme degré: faites cela l'espace de sept iours, trois fois le iour. Et au septieme vous mettez le malade au soleil & luy oindrez toute sa chair avec de l'huile. Puis en la presence du Soleil vous le parfumez.



le parfumer de myrrhe, d'Oliban & des principaux parfums. Cela fait vous escrirez en vne lame d'argent les noms de ces anges d'honneur, lesquels vous parfumeriez & les pendrez au col du malade. Cela se fera le vingtieme du mois, & l'affaire succedera si bien que l'ensorcelé sera guery.

*Magiques & superstitieuses guerisons des maladies faites par charmes & paroles inconues & que la vertu des paroles ne s'accorde avec l'harmonie du ciel.*

# CHAP. VIII.

**L**es monstres de superstition & de paroles inconues par lesquelles on ne fait si lon prie ou en bien ou en mal, doyuent estre mis en ce rang, ayans esté inuentez par gés meschans, & forgez selon leur apétit, & cōtre l'honneur de Dieu se sont peu à peu escoulez parmi nostre sainte & sacree medecine. Telles sont ces rimes que lon dit estre propres contre le haut mal.

*Gaspare fert myrrham, thus Melchior, Balthasar aurum.*

*Hec tria qui secum portabit nomina regum,*

*Soluiat à morbo Christi pietate caduco.*

C'EST à dire. Gaspar porte la myrrhe, Melchior l'encens, & Balthasar porte l'or. Celuy qui portera ces trois nōs de Roys, sera guery du haut mal par la misericorde de Christ. Item en prenant la main du malade il luy faut dire en l'oreille, Je t'adiure par le soleil & par la lune & par l'Evangile de ce iour baillé de Dieu à S. Hubert Gilles Corneille & Iean, que tu te releues sans plus retomber, au nom du Pere du Fils & du S. Esprit, Amen.

*Guerisons magiques superstitieuses & meschantes.*

AINSI les vieux peres pensoyent que la veruaine pillée avec sa racine, enuelee en vne fueille & eschaufée dessous les cendres, guerist les escrouelles, pourueu qu'elle fut apliquée dessus par vne fille vierge à ieun, que le malade aussi fust à ieun, & qu'en la touchant de la main elle prononçast ces mots: Apollon nie que la peste puisse croistre, laquelle vne vierge nuë aura esteincte. Il falloit en disant cela, cracher par trois fois. Beneuenius escrit qu'un deuin mettant les deux doigts sur la playe d'un gendarme, & murmurant ie ne



say quels charmes fit sortir vne fiesche qui passoit dedés le costé dextre de la poictrine: & estoit atachee en l'os de l'espaule senestre. Puis il dit, encores que cela ait esté execute sans mal faire au malade, si est ce que ce n'a point esté sans endommager l'ame de l'un & de l'autre. Aussi fut-il aisé au diable, s'entendant avec les charmes du magicien, de tirer la fiesche, afin que par ces actiōs frauduleuses & pernicieuses il se rendist les autres plus assuiettis. Mais ie vous dōneray pour neant ceste recette, afin que vous conoissiez & detestiez tant plus l'impieté de ces charmeurs. Il faut dire à genoux par trois fois, Estans admonnestez par commandemens salutaires, prions, en disant, le Pater & l'Aue Maria: puis en faisant le signe de la croix adiouster ces mots, Vn gen-darme Iuit poussé de mauuaise volonté frapa le Seigneur, Iesus Christ. † Seigneur Iesus Christ ie te prie † par ce fer † par ceste lance † par ce sang † & par ceste eau que tu tires hois ce fer † au nom du Pere † & du Fils † & du saint esprit, Amen. †

DAVANTAGE, pour arrester le sang on vse de ces mots, *In nomine Patris & Filii & Spiritus sancti, Curat, Cara scrite confirma consana imaholite.* Item, Sepa † sepa-ga † sepagoga † Sangarreste-toy. Tout est consommé, au nom du Pere † podendi † & du Fils † pandera † & du saint esprit † pandorica † paix soit avec toy, Amen. Ces insensez charmeurs croient que si quelqu'un porte par pays l'herbe nommee serpentine, il fera fuir les serpens, crapaux, lezards & toute chose venimeuse. Puis ils font le charme qui s'ensuit, asauoir trois cernes en terre en disant, *In nomine Patris an † & Filii elion † & Spiritus sancti tedion † Pater noster.* Puis il faut dire par trois fois en disant trois fois *Super aspidem & basilicam ambulabis & conculcabis leonem & dracōem.*

Plin. liu.  
28. chap. 2.

2. Cor. 6.

IE dirois ici volontiers, quelle communion y a-il de la lumiere avec les tenebres? ou quel accord entre Christ & Belial? i'adiousteray encores ce qui est escrit par Homere que le fils d'Autolyus arresta le sang qui couioit d'une playe qu'auoit receu Vlysse. Ainsi selō l'opiniō de Theophraste, les charmes guerissēt les schiaticques: & selō Catō les os desnouez sont remis par ceste chāson: Danata, daries, dardaries, alstararies: & ce qui ensuit.



suit. I'ay conu vn imposteur qui pour n'estre tourmenté de la goutte, entoit de sa main vn certain petit arbre, en barbottant quelques prieres sur le champ, & croyoit que la maladie ne viendrait tandis que cest arbrisseau poufferoit des rameaux: mais que la goutte le tourmenteroit si l'arbrisseau venoit à mourir: toutesfois que le remede seroit d'en replanter vn autre. Si deux enforcelez se portent haine l'vn à l'autre, escriuez les mots qui ensuyuent dedans le pain dont on chante la messe. Abrac, amon, filô: &c. & baillez ce pain à mâger à tous les deux, il ensuyura vne amitié perpetuelle entr'eux. Contre la morsure du chien enragé escriuez cecy dedans du pain: Irioni khiriori essera kuder fere: puis faites le aualler. Ou bié escrire en papier ou sur du pain ces mots & les fourrer en la bouche de l'homme, ou en la gueule du chien enragé: O roy de gloire Iesus Christ vien en paix au nom du Pere †. max au nom du Fils † max au nô du S. esprit prax. Gaspar. Melchior Balthasar † prax † max † Dieu imax †.

b

I'ay conu vn gentilhomme de bonne maison, qui estoit fort renommé pour vne guerison semblable. Il escrit dedans vn morceau de pomme Hax pax max Deus adimax: & puis il la baille à mâger à celuy qui est mords par le chien enragé. I'ay entendu qu'il prend de cha cun qu'il guerit vn demy patard de brabant, & que de cest argent qu'il amasse ainsi, il a fait faire vne chapelle pres son chasteau, dedas laquelle on dit plusieurs messes achetees du prix d'vne telle impieté. Et afin que lon pense qu'il y ait quelque efficace en ce mystere, on a persuadé aux credules & temeraires que la vertu de ceste guerison va seulement du pere au fils aisné, comme par droit de succession, & non à autres. On vse aussi de semblables monstres de paroles diaboliques cōtre la douleur des dents: *Galbes galbat galdes galdat*. On pend aussi au col ce sot dicton: *Strigiles falcēsq̃e dētate dentium dolorem persanato*. C'est à dire, estrilles & faux dentelles guerissez le mal des dents. Contre la fieure quotidienne certains sorciers partissent vne pomme en trois pieces, & escriuent en l'vne. *Increatus Pater*, en l'autre *Immensus Pater*: en la troisieme, *Æternus Pater*: puis font manger cela au sebricitant à iun par trois diuers iours.



Si ce charme ne sert de rien, ils prennent trois hosties, qu'ils appellent Pain à chanter, & escriuent dessus l'une *O febrim omni laude colendam*, sur l'autre *O languorem sanitati & gaudiis ascribendum*, sur la troisieme, *Pax† max† fax†* & les font manger à ieun au malade, Derechef si cela ne proufite ils prennent encor de ce pain & y escriuent, *Pa-ter pax† adonay† filius vita† Sabaoth† Spiritus sanctus† tetragammaton†* & faut que le febricitant les auale au matin, comme dessus. Quelle efficace d'erreur! quel iugement de Dieu contre ceux qui aiment le mensonge & fuyent la lumiere de verité!

QUELQ'VN pour guerir toutes sortes de fieures intermittentes, fait attacher par le milieu deux verges de mesme longueur par la force de quelques paroles: puis il fait vne croix de la partie qui s'est aprochee & attachee, laquelle il pend au col, & en guerit quelques vns, toutesfois la plus part retombe en fieure mieux que deuant. Les Turcs ont acoustumé d'apliquer contre la poitrine vn bois tout rôd, sur lequel ils frapent avec vn autre semblable bois en murmurant ie ne sçay quoy, & disent que par ce moyen ils guerissent les fieures. Il y a des moines superstitieux, qui contre les mesmes fieures pendent quelques billets au col, & commandent de dire quelques prieres à chaque acces de fieure, & qu'au troisieme ils esperent la santé. Qui est-ce qui ne void la tromperie? premierement la confiance y sert de beaucoup: & puis on ne court pas du commencement au remede, tellement qu'es maladies aiguës & soudaines desia ainsi auancees, il ne se peut faire qu'apres tant d'accès il n'ensuyue quelque changement. Si par la puissance de Dieu, ou du diable, à raison du billet, la guerison en ensuit, pourquoy est-ce qu'elle ne suit incontinent? Quelques vns escriuent ces mots & les attachent au bec d'un poulet: Gibel, got gabet, puis avec vn poinçon bien aigu ils percent la teste du poulet droitement par le milieu, & toutesfois il ne meurt point pour cela, & ne laisse d'aller, principalement en esté. La raison de ceci est telle: la teste & la ceruelle du poulet est diuisee en deux par vn os, & par ceste diuision ils font passer le poinçon, si bien que la ceruelle n'estant point blessée, il ne laisse point de viure. Toutesfois le vulgaire ignorant pense que



que cela soit fait par la vertu de ces paroles. Pourquoy n'en font-ils autant en perçant la teste d'un agneau, d'un homme, ou d'un chien? Adioustez. encores la recepte de Constantin, propre pour prendre des poissons, Iao, Sabaoth. C'est doncques à bon droit que Galien, *Liv. 6, des simples.* bien qu'il fust payen, s'est mocqué de Cariachire & de Bamachie, & leur a preferé Dioscoride, lequel n'a baillé la medecine par imprecations & paroles superstitieuses, comme ils auoyent fait. Le mesme Galien escrit au dixieme liure des simples, Cè que lon pend, dit-il, est vne substance & non pas des paroles barbares, comme quelques imposteurs ont acoustumé de faire.

IL ne faut pas oublier en cest endroit le charme dõt s'aident quelques vns en la duché de Mont au pays de Cleues: pour chasser les chenilles qui rongèt les choux es iardins. Les mots traduits de la rime Alemande sont tels, Chenilles bien-amees ce repas que vous faites en Automne vous proufite autant que la vierge Marie prenoit de plaisir quand en buuant & mangeant on ne parloit point de Iesus Christ, au nom de Dieu, Amen. On s'aidoit encor d'un autre charme. Si on cueille vne verge ou petite houffine au voisinage de la maison d'un adultere ou d'un bon escheuin, & que d'icelle on frape les choux couuerts de chenilles, elles s'esuauouissent: pourueu que celuy qui frape marche droit ou de trauers dans le parquet des choux: mais s'il tourne à l'entour, les chenilles demeurent.

OR ceci surpasse toute folie que plusieurs croient qu'il y a des paroles, lesquelles ont accordance avec des images du ciel: mesmes qu'il y en a quelques vnes, qui estans seulement prononcees, ont la vertu de changer les sens des hommes & des bestes: & disent que de là on void des images dedans les mirouers consacrez: que les femmes sont poussees à l'amour, que les elements sont changez, que la terre est touchée diuersement, que le feu est empesché de brusler, & que les maladies sont gueries. O la folie incomparable! dont procede-elle? de qui est-elle receüe? Car si toute la vertu des paroles depend de l'harmonie du ciel, comme Alchinde soustient, pourquoy donc est-ce que ceste

*Nulles  
voix ne co  
nient a  
uec les ima  
ges du ciel.*



*Fame. Pic dispute pl<sup>re</sup> au long cō tre Alchin de liur. 7. ch. 6. de la superstit. prognostic.*

harmonie ne peut operer seule & d'elle-mesme, puis qu'elle est la cause superieure? Parauanture, dira-il, que le ciel agit par causes moitoyennes. Mais qu'il monstre si la forme d'ouurer est receuë par le son, ou par la voix, ou par les paroles. Car naturellement le son est deuant la voix, & la voix deuant la parole. La parole est faite de la voix, & la voix precede le son : elle comprend l'un & l'autre : & en la definition de la voix le son est compris. Le son peut estre sans la voix : car naturellement il est deuant, de mesme sorte la voix peut estre sans les paroles : mais les paroles ne peuuent estre sans la voix & sans le son. Si donc la vertu est receuë par le son, en la maniere que le son esineut les elemens : ceste mesme vertu pourra estre communiquee, voire aux corps sans ames, parquoy on n'aura afaire ni de voix ni de paroles. Mais si elle se fait en la voix, puis qu'elle est en plusieurs autres animans aussi bien qu'es hommes, elle pourra estre faite par les bestes brutes. Or si vous me respondes qu'elle est es paroles des hommes, ie vous demande dont vient ceste vertu, est-elle en la premiere syllabe, ou en celle du milieu, ou en la derniere? si elle est es syllabes, elle ne sera pas es paroles. La syllabe s'esuanouit incontinent, & ainsi il y a pareille raison es autres. Dont il s'ensuit qu'es paroles il n'y a aucune vertu celeste qui opere.

A FIN que les gens de bien souscriuent encor plus volontiers à mon opinion, ie concluray mon propos par l'autorité de saint Chrisostome, laquelle me seruira de glaiue pour couper ceste teste monstrueuse de charmes & forcelleries : Les paroles dit-il, sont prononcees par la bouche du ministre, & sont consacrees par la puissance & grace de Dieu. Quant aux forcelleries, si elles ont quelque efficace, & vertu secrette, cela procede de la fiace que les charmeurs ont au diable. Mais il n'y a nulle efficace en ces paroles, ains Dieu tres iuste Iuge permet à Satan de tromper ceux qui se fient en ses impostures.

*De la guerison magique faite par liaisons, colliers, caracteres, effigies, anneaux & signets.*





Es liaisons magiques & les colliers pendus au col, tirez & comme desrobez de plusieurs lieux, & principalement des saintes lettres, doyuent estre icy enrollez. Par iceux les hommes sont affolis, lors qu'ils en vsent contre les efforts du diable les enchantemens & sorceleries: cōme pour exemple, lors qu'en vn petit billet ils peignent en petites lettres tout le premier chapitre de l'Euangile de S. Iean, & le font consacrer par vne messe, puis ils le pendent au col comme vn grand preseruatif contre les enchantemens & contre les machinations diaboliques. Mais si ce petit billet est de quelque efficace, ceux-la certainement auront vne singuliere prerogatiue contre les machinations de satan, lesquels tout expres ont tousiours la sainte Escripture en leurs mains, ou en leurs manches. Toutesfois si elle n'est enracinee en nos esprits (là où elle sert à effect, estant comme excitee en sa chaleur vitale) n'est que lettre morte, encore que mille fois elle soit peinte au col, liee portee, maniee, barbotee entre les dents, es-  
crite, imprimee & grauee dessus des signets ou des anneaux, beue & mangee voire auallee. S. Chrysostome le testifie, disant: Il y a quelques prestres, dit-il, qui portent vne partie de l'Euangile à l'entour de leur col. Mais di moy fol prestre, l'Euangile n'est il pas tous les iours leu & entendu d'vn chacun en l'eglise? si l'euangile mis dans les oreilles des personnes ne leur a de rien proufité, comment les pourra il garder estant pendu à leur col. Dauantage où est la vertu de l'euangile? est-elle en la figure des lettres, ou bien en l'intelligence du sens? Si elle est es figures, vous la mettez à bon droit à l'entour du col: si elle est en l'intelligence, il n'y a point de doute qu'il ne fust mieux estant mis plustost à l'entour du cœur, qu'à l'entour du col. Le mesme Chrysostome dit encore ce qui s'ensuit: Lors que tu es tombé en vne griesue maladie, & que les vns te conseillent d'auoir recours aux enchantemens, les autres à des choses pendues au col, & les autres autrement: si tu resistes à routes ces choses d'vn esprit constant, pour la crainte que tu as de Dieu: & que tu aimes mieux endurer que de t'acointer d'aucunes de ces choses, cela te

*La parole  
de Dieu ne  
est pas vne  
lettre morte.*

*Iean. 6.*

*Romil.*

*43. sur*

*le ch. 23. de*

*sainct*

*Matth.*



*Au li. des  
diuers. que  
stions.*

fait & rend presque semblable à vn martyr. Pour cest<sup>e</sup> raison Athanase escrit que les diables craignent beaucoup les paroles du 58. Pseume, lors que quelqu'un les prononce attentiuement, & qu'il prie de tout son cœur.

*Que Dieu se moustre seulement,  
Et on verra soudainement  
Abandonner la place.  
Le camp des ennemis espars,  
Et ses haineux de toutes parts  
Fuir deuant sa face.*

*Dieu les fera tous s'enfuir,  
Ainsi qu'on voit s'esuanouir  
Vn amas de fumee:  
Comme la cire aupres du feu,  
Ainsi des meschans deuant Dieu  
La force est consumee.*

Le mesme tesmoigne que par telle oraison S. Antoin ne chassa Satan en ce rude conflict qu'il eut contre vne troupe de diables. Quelquefois aussi il chantoit ce qui est contenu au Pseume 27. Tout vn camp vienne & moy seul enuironne, iamaïs pourtant mon cœur n'en tremblera.

*Agnus  
dei.*

Le Pape consacre des Agnus Dej, qu'il appelle, contre les diables nuisibles & contre toutes leurs machinations: comme on lit au premier liure des ceremonies de l'Eglise Romaine, section 7. chapitre 3. de la consideration des Agnus Dej, ou, apres telle consideration ces mots sont adioustez: Nous lisons que le Pape Urbain cinquieme enuoya à l'Empereur de Grece trois Agnus Dej avec les vers Latins qui s'ensuiuent.

*Balsamus & munda cera cum chrismatus vnda  
Conficiunt Agnum quod minus do tibi magnum,  
Fonte velut natum per mystica sanctificatum.  
Fulgura desursum depellit & omne malignum  
Peccatum frangit, vi christi sanguis, & angit.  
Pregnan. seruatur, simul & partus liberatur,  
Pona refert d'gnis, virtutem destruit ignis,  
Portatus munde de fluctibus eripit vnda.*



Mais encore moins auront de vertu & puissance les caracteres marquez de la main, les effigies, les anneaux & signets tournez & faits d'une ou d'autre figure grauee ou marquez d'images selon le point de certaine constitution du ciel. Et comme nulle vertu des astres n'est infuse es ouvrages qui se font par la main: ainsi n'auient il veritablement aucune vertu aux substances des choses, & nulle aussi n'en est retiree, encores qu'elles soyent enrichies d'une infinite de marques diuines, de nous, ou des mots tirez de l'écriture sainte: car en chacune d'icelles Dieu des le commencement apose des vertus esmerueillables & particulieres, lesquelles sont causes des actions qui en sortent. Aussi ne se fait-il aucune message des qualitez: il n'auient en ceste nature garnie d'un conuenable temperament des qualitez, selon la premiere ordonnance des choses, aucune nouuelle & essentielle forme ou nature: mais au contraire la matiere & la forme, desquelles ce corps a esté fait, luy sont cōregardees, & seulement on y trasse artificiellement une nouuelle figure, & ne laisse pour cela de retenir son temperament acoustumé, en la composition de laquelle figure les estoilles ne peuuent rien, ni les qualitez lesquelles pour lors sont dedans l'air. Et mesme pour dire en bref ce qui en est, ie n'auray point de honte de declarer librement que tout cest amas de figures controuuees, est une chose friuole & sans efficace ou vertu, encores que l'on m'allegue pour me couvaincre, le philosophe Thebit premier maistre de la magie, lequel monstre les moyens de faire les anneaux, par lesquels ils font croire que les esprits sont resiouis, les ennemis, les diables & les maladies sont cassoées & les miracles sont executez & parfaits. Telles estoient les folles opinions que l'on auoit des anneaux qu'ils disent auoir esté composez par Eudeme le philosophe. Ils m'obiectionneront Albert qui est toujours semblable à soy-mesme & en tout ce qu'il fait grand faiseur de ces anneaux & signets, & ne fait grand cas de se destourner de la verité. Ils m'allegueront aussi M. Ficin, grand philosophe au demeurant, & encores plusieurs autres. Il ne faut oublier l'anneau de Gyges roy des Lydiens, à celle fin que la forcierre femme de Menippe Lydien sorte mieux ornée d'une chaine magique,

*Les folies  
des chara-  
cteres, effi-  
gies, an-  
neaux &  
signets.*

*Platon li.  
2. de Rep.*



faite d'anneaux, dedâs le doigt de laquelle, de peur que elle ne tombe du haut mal pendant que le philosophe la reprend, mettez vn anneau d'argent qui soit graué au dedans de ces caracteres & marques † habi † haber hebr†. Donnez auſſi contre les fieures des billets controuuez par vn certain garnemêt porteur de rogatons.

*Ananiasapta ferit, mortem que la dère querit.*

*Et mala mors capta, dum dicitur ananiasapta.*

*Ananiasapta Dei, iam miserere mei.*

NICOLAS & Guillaume Varignana medecins & Pierre Argellat chirurgien disent que le mary enforcelé, qui ne peut auoir afaire à sa femme, doit vriner par dedâs l'anneau de son mariage, & que si quelqu'vn veut estre deslié de l'amour d'vne femme, il ne faut que mettre la fiente de la femme dedans le soulier de l'amoureux, car l'odeur luy fera petit à petit diminuer son amour: toutesfois il me semble qu'il ne faut point rechercher ceste raison & la tirer des causes occultes & cachees: d'autât qu'elle est assez manifeste de soy-mesme,

*Inuention magique pour guerir & oſter toute sorcellerie.*

## CHAP. X.



AY extrait des escrits de certains fantastiques & insensés ce ridicule secret, seruant (diset-ils) à oſter toute sorcellerie: & maintenant ie le propose aux gens de bien & de bon iugement, afin qu'en considerant de pres les seaux, caracteres, nombres, mots & coniurations dont les ignorans sont si grand cas, ils en aperçoynent & condamnent dauantage la folle vanité. Or les moyens dont ces charmeurs & sorciers ont voulu esbrouyr & tromper le monde sont tels. Vn iour de ieudy, à l'heure que Iupiter domine & est au croiſſânt de la lune, on prend vne platine de cuyure, & graue-on dessus deux grands cercles entre lesquels sont escrits les noms du Seigneur asauoir El † Elohim † Elohe † Zebaoth † Elyon † Eſerekye † Adonay † Iah † Tetragrammaton † Sadai. Au milieu de ce cercle y a vn quarré répli de chiffres distinguez en quatreure & diuers caracteres magiques, aucc ces deux mots Roguil & lo-

phiel



phiel. Cela fait, le charmeur dit, O Iupiter roy des planettes, o fortune douce & debonnaire, ô Damascius mahadus, Camas, Iadas, Dichidos, Offididus, Canores, ie te coniure par celuy qui t'a creé, dispose & rangé où il luy a pleu, que tu me vueilles assister en mon entreprise, à ce que par la vertu de ceste platine toutes sorcelleries soyent ostées, que celuy qui la portera deuienne riche, soit aimé, bien voulu & caressé de chacun. Cometetoro, Zedelay, Tropines, Zozin, Agare, Bitelbault, Viteluault Yton, par celuy qui doit venir iuger les vifs & les morts, & le monde par feu, Amen. Quand il aura dit cela par trois fois, il faut parfumer la platine de mastich, d'oliban, de bois d'aloës, & la garder en du tasetas iaune, ou la porter. Si lon veut aider & guerir quelques sorcelleries, il la faut mettre au feu, & dire: ô vous esprits de Iupiter, d'amour & de dilection, rendez moy amiable & plaisant enuers tous. ye seraye faites que comme ceste platine s'eschaufe dans le feu, aussi, &c. Puis on la retire, & la met on estaindre en du vin, disant: Comme ceste platine est estainte en du vin, ainsi soit estainte toute sorcellerie, &c. puis le charmeur goust & boit de ce vin disant, Iod, he, vau, het, fiat fiat fiat, Amen. Je n'en descouuriray pas dauantage, ne voulant donner occasion aux esprits curieux de se fourvoyer apres telles impietez, en la consideration desquelles les Chrestiens ont dequoy louer Dieu qui leur donne contentement en la conoissance & meditation de sa sainte Parole, & dequoy aussi trembler en contemplant l'horrible auueuglement de ceux qui en tant de lieux de la Chrestienté profanent si malheureusement le nom de Dieu & ses creatures, pour s'asseruir à mensonge, & de plus en plus s'obliger à mort eternelle.

*Des caracteres, images, figures, exorcismes: & autres choses illicites, par lesquelles on cherche les tresors: on ouure les portes fermées, & pend on les forcieres par les cheueux, & autres tromperies diaboliques.*





Les magiciens ont acoustumé de chercher les thresors en ceste façon: Premièrement ils coniurent, & superstitieusement, & meschamment & par blasphemie, vne verge de coudre, marquee de trois croix. Ils y adioustent aussi quelques caracteres & des noms barbares, puis en fouissant la terre ils lisent le pseume *De profundis*, La messe, Le *Misereatur nostri*, *Requiem*, *Pater noster*, *Aue Maria*, & le *Ne nos inducas in tentationem, sed libera nos à malo. Amen. A porta inferi, Credo videre, Expectate Dominum, Requiem aeternam*: avec vne certaine oraison. Si vous mesprisez le temps auquel vous devez fouir en terre, le diable emporte le thresor.

Pour ouvrir les portes fermées, il faut prendre vn morceau du cierge dõt on s'est aidé à baptiser, & y imprimer de fleurs que lon nomme clochettes de nostre dame, & attacher le tout en la partie de deuant de la chemise. Puis quãd vous voudrez ouvrir il faudra souffler par trois fois, en disant ces paroles *Arato hoc partiko, hoc maratarkin*, en ton nom i'ouure ceste porte, laquelle ie suis contraint de rompre, tout ainsi comme tu romps les enfers, *In nomine Patris, & filij & Spiritus sancti. Amen.*

On dit aussi qu'au seul toucher de l'herbe *Aetiopide* toutes choses fermées sont ouuertes, en barbottant quelque chanson. On dit le mesme estre auenu à vn lequel estoit condamné à estre pendu à Venise, & qui par le moyé d'vne seule herbe enchâtee avec quelques marques & caracteres se faisoit passage par toutes les portes, desquelles les serrures estoient rompues & brisées. Mais si ceste vertu est es herbes, pourquoy y faut il murmur des chansons & y adiouster des caracteres? Ou bien si les chansons & caracteres ont ceste vertu, pour quoy est-il besoin des herbes? si vous dites qu'estans iointes ensemble elles ont ceste efficace, ie diray au contraire que ce n'est qu'vne superstition. Et cõme ie ne veux en rien deroguer aux miracles des choses naturelles, aussi assure-je librement qu'il ne faut penser qu'il y ait aucune vertu en ces chansons & caracteres.

Car



Car comme ainsi soit que les herbes ne peuuent rien sans l'application des chansons & caracteres, il s'ensuit aussi qu'elles n'ont aucune vertu semblable à celle qu'on leur baille. Mais si vous me respondes, que l'effect s'en ensuit, ie dis qu'il s'ensuit voirement, mais que c'est par l'œuvre du diable, lequel s'aide de la chanson ou du caractere, à celle fin que par telles tromperies il enlasse plus estroitement ceux qui y pésent le moins & que cependant il ne donne aucune ayde.

I'e diray donc avec Plin, n'eust il pas mieux valu que Scipion Aemilian eust ouuert les portes de Carthage avec vne herbe semblable, que chercher si lōg temps le moyen de les ouurir avec des engins? Pourquoy les princes chrestiens font ils tant de frais pour rompre les portes & murailles des villes avec tant de frais en boulets & poudre à canon? veu mesmes qu'ils ne feroient difficulté d'aller fouiller en enfer pour y trouuer des richesses, s'ils auoyēt ce moyen que proposent ici les charmes. Pour se defendre on fait vne figure dedans la terre avec de la craye & avec quelques autres folies: puis on recite des Pseaumes & oraisons, & rend-on l'acte plus honorable par le recit de la messe. Cela fait, on fiche vn clou de fer dedans vn arbre. Pour faire aparoistre vn homme acompagné de mil hommes ou mille cheuaux on prend vn scion d'osier d'une annee, lequel on coupe d'un seul coup, on l'exorcise avec quelques noms barbares & des caracteres phantastiques. Quelques vns pensent faire tort à autrui faisant vne image au nom de celui qu'ils veulent blesser, ils la font de cire vierge ou neufue, & luy mettent le cœur d'une harondelle dessous l'aisselle droite, & le foye sous la fenestre. Item ils pendent à leur col l'effigie avec vn fil tout neuf, laquelle ils piquent en quelque membre avec vne aiguille neufue, en disant quelques mots, que j'ay laissé expres, de crainte que les curieux n'en abusassent. Ceste image est quelquesfois faite d'airain, & pour plus grande deformité ils luy retournent les membres, comme luy faisant vn pied au lieu d'une main, & vne main au lieu d'un pied, & luy tournant la face le deuant derriere. Pour faire vn plus grand mal, ils font vne image en forme d'homme, & luy escriuent vn certain nom dessus la teste:



& aux costez mettent ceci : Alif, laseil Zazahit mel meltat leuatam leutace : puis ils l'enterrent dedans vn sepulchre. Pour le mesme effect, comme ils appellent, ils preparent deux images, lors que Mars domine, l'une est de cire, l'autre est faite de la terre d'un homme mort, on baille le fer duquel vn homme sera mort en la main de l'une des images pour en percer la teste de l'image qui represente celuy que lon veut faire mourir. On escript deux noms en l'une & en l'autre, avec des caracteres particuliers que lon fait à part, & ainsi l'autre est cachee & posee en vn certain lieu.

Pour aquerir l'amour d'une femme, on fait vn image à l'heure de Venus, on la compose de cire vierge, au nom de celle que lon aime, on y apose vn caractere, & la fait-on eschauffer pres du feu: ce faisant on se souuient de quelque ange. On a acoustumé de composer vn semblable monstre pour faire que quelqu'un obeisse en tout & par tout.

*Image  
pour pendre la sorciere par les che-  
ueux.*

Or afin que les sorcieres soyent pendues par les cheueux, & que ce theatre prenne fin par vn acte tragique, ils composent vne effigie faite de la terre d'une teste d'homme mort, laquelle ils baptisent au nom de celle qu'ils veulent pendre, & luy baillent le nom qu'ils escriuent avec vn caractere : puis ils la parfument d'un os puant, & lisent à rebours les Pseu. *Domine dominus noster: Dominus illuminatio mea: Domine exaudi orationem meam: Deus laudem meam ne tacueris, &c.* Cela fait ils l'enseuelissent en deux diuers endroits.

Or afin que chacun puisse voir à l'œil la folie digne d'estre exterminée du monde, laquelle procede de ces coliers, paroles, caracteres, figures, anneaux, images, & d'autres impostures, ie n'ay point voulu taire ces receptes que j'auois prises en cachette à ce prestre : car aussi on pourra iuger plus aisément de toutes les autres tröperies des autres ses semblables, & si i'y eusse aperceu la moindre estincelle de verité, certainement ie n'eusse failli de les mettre incontinent dedans le feu.

*Des choses par lesquelles on pense que ceux à qui on baille la question, ne sentent aucun mal, & ne peuuent dire mot.*

## CHAP XII.

ON





N peut aisément iuger de ces bayes, par ceux, qui ayans commis quelque crime capital, pensant par vn escrit, ou par paroles prononcees ne deuoir endurer aucun mal, ni estre contrains de parler dessus la question & gehenne. Ce que quelques abusez se sont tellement persuadez qu'ils n'ont fait doute de se presenter de leur propre gré en prison & à la question. Car ils s'ot confermez en ce mal par le diable, auquel il touche de beaucoup que les mesfaits ne soyent punis, ains plustost accumulez de iour en iour: si bien que non seulement les instruments & organes de leur voix sont empeschez tellement qu'ils ne peuuent parler: mais aussi ils tombent en vn somme si profond qu'ils n'entendent aucunement ce qu'on leur demande, ni ne sentent les tourments: mais pendant qu'on les y attache ils disent ces mots, auxquels certainemēt il n'y a ne sel ne sauge, comme on dit en prouerbe:

*Imparibus meritis tria pendent corpora ramis,  
Dismas & Gestas, in medio est diuina potestas:  
Gistas damnatur, Gestas ad astra lenatur.*

C'est à dire: A trois rameaux inegaux, trois corps sont pendus, Dismas, Gestas, & Diuina potestas qui est au milieu: Dismas est condamné & Gestas est esleué aux cieux. Il y en a quelques vns qui prononcent certaines autres paroles, *Eruclauit cor meum verbum bonum, veritatem nunquam dicam regi.* C'est à dire: Mon cœur a parlé bonne parole, Je ne diray iamais la verité au Roy. Quelques autres se conferment par ceste priere: Tout ainsi que le laict, de la benoïste & glorieuse vierge Marie a esté doux & suauē à nostre Seigneur Iesus Christ: ainsi ceste torture ou ceste corde soit douce & suauē à mes bras & à mes membres. Quelques vns encores disent seulement ces mots: Iesus passant marchoit par le milieu d'eux: vous ne briserez aucuns os d'iceluy. Et toutesfois nous voyons auenir le cōtraire: car enores que le diable leur empesche tellement les organes du sentiment qu'ils ne entent rien, si est-ce que quelque fois leurs os sont brisez & rompus. Dont on pourroit conclure que leurs paroles n'ont aucune vertu, & que les choses desia par nous mises en auant sont plus ridicules que croyables.



*Pourquoy le diable ne peut tousiours empescher la langue & les sens. Rom. 13.* Aussi me semble-il bien pour deux raisons, qu'il n'est pas permis au diable de faire vne chose semblable à ceste ci, pendant que ces malfaiçteurs abusent superstitieusement de ces choses. Premièrement attendu que toute puissance vient de Dieu, le diable ne luy peut si bien resister & moins encor à ses legitimes actions & operations, que cependant & par ce moyen il arrache les mal-faiçteurs d'entre les mains de la iustice publi-

*De la cité de Dieu li. 10. Thom. 9. 5. 1. partie qq. tit. des miracles. senten. exco. C. vt fam, l. ita vulneret D. ad l. Aquil. Autrait- té des questions & tortures q. 4. nombre 14.* que, ainsi que saint Augustin & Thomas d'Aquin le monstrent. Secondement, pour autant que l'impieté des mesfaiçts n'est aucunement plaisante à Dieu, ni la licence de mal-faire permise. Autrement l'ordre institué & la iustice de Dieu contrecuiendroyent l'vn à l'autre. Je pense bien toutesfois que telles choses sont souuentefois ainsi auenues par l'impieté des hommes, laquelle le meritoit ainsi. Car Paul Grillad iurisqueultre tres-renommé a testifié l'auoir veu par deux fois & expérimenté de fait, disant: Premièrement à Pise, lors que i'estois assesseur du magnifique seigneur Capitaine de la ville: Secondement à Rome, lors que i'estois auditeur criminel des causes sous le reuendissime seigneur l'Auditeur de la chambre. Il y auoit vn larron rusé coupable de deux crimes, contre lequel on auoit desia examiné cinq tesmoins, sur diuers indices d'un larcin de 137. ducats, lequel ayant entendu que la court de monsieur l'Auditeur procedoit contre luy, auant que comparoistre personnellement, print quelque charmes contre la torture, lesquels apres qu'il eust expérimenté & conu par plusieurs fois estre suffisans, il vint de sa propre volonté vers moy, ainsi que i'estois d'auanture en la maison de la tour neufue, où i'examinois quelques autres prisonniers, & se constitua prisonnier, disant qu'il estoit venu de son plein gré, pour se purger des faits à luy imposez. Or fut il contraint de venir en fin en la torture, à raison des grâds indices qui faisoient contre luy: en laquelle estant leué, il dormoit la teste baissée, comme s'il eust esté dedans vn liçt, sans se lamenter ne crier: si bien que quand on tiroit la corde, il sembloit que ce fust vne statue de marbre. Il est vray que deuant qu'estre leué à la question, il disoit quelques paroles tout bas, puis se taisoit comme s'il eust dormi. Ce qui



qui me fit douter incontinent que parauenture il auoit sur soy quelque sorcellerie ou charme : ou bien que par ces paroles il receuoit quelque aide . Je cerchay doncques diligemment par toutes les parties de son corps, & trouuay en fin vn petit billet dedans ses cheueux, sous sa coiffe, dedans lequel il y auoit escrit † *Iesus autem* † *transiens per medium illorum ibat* † *et os non comminuetis ex eo* †. Il estoit marqué de croix. Je luy ostay incontinēt ce billet, & encores qu'il s'en pleignist fort: toutes fois estāt remis sur la torture & derechef esleué, il ne laissa pas de faire comme deuant, ayant des le commencement dit quelques paroles si bas que ie ne peus oncques les entendre : & de fait il ne confessa rien. Depuis on luy changea les tortures, & fut mis en vne autre, là où semblablement il ne tint conte des douleurs & ne confessa rien: mais persista plus opiniatremēt en sa negatiue, tellement que il me fust force de le laisser & l'absoudre. Semblable chose aduint à Hipolyte de Marfiles pendant qu'il estoit official du Duc de Milan.

GRILLAND dit encores: Il n'y a pas vn an que i'ay entendu qu'on en a mis vn autre par plusieurs fois à la question où il auoit esté fort tourmenté, & proferoit tout bas des paroles touchant le laiçt de la vierge Marie, & sembloit qu'il n'endurast aucune douleur, mais au contraire il ne tenoit conte de tout ce qu'on luy faisoit. Il dormoit en la torture, comme l'autre, si bien que estant examiné par trois iuges en la presence du procureur fiscal, on n'en peut oncques tirer aucune confessiō, encores que son compagnon, criminel de mesme fait, le declarast expressement, & le nommast, comme ayant esté complice en ce mesfaict. I'ay veu son proces & l'ay conu. Vn autre exemple, lequel semblablement a esté fait & m'est auenu à Rome, touchant vne forcieriē, laquelle auant qu'estre leuée à la torture disoit quelques paroles tout bas, puis estant esleuée demeueroit muette comme morte, & aparoissoit noire par le visage, comme vn charbon estaint. Elle auoit les yeux espouuantables, qui luy sortoyent de la teste comme à ceux que lon estrangle, & ne disoit aucun mot, ni bien ni mal.

O R ceste derniere petite hilloire ne fait rien contre

*En la loy repati. col. 4. ff. de qn. Autre ex-  
emple.*

*Autre ex-  
emple.*



nostre discours: car si ceste sorciere estoit du nombre de nos enchanteresses, dequoy se doit-on esmerveiller si le diable lay a empesché la langue & estouppé la gorge, tellement qu'elle ne pouuoit parler? Car il ne vouloit pas qu'elle prouuast son innocence, & que cependant ses tromperies fussent descouuertes par ce moyen.

*Opinia- stre d'un bourreau.* N o u s auons veu vn exemple semblable à ceux de deuant, depuis peu de temps en vn bourreau d'Anuers, lequel estoit François. C'est homme encores qu'il eust fait mille remarquables meffaits conus de chacun, si est-ce qu'il ne peut oncques estre contraint par aucune sorte de tortures, voire des plus cruelles, à confesser verité. Car estant sur la torture il tomboit incontinent en vne perte & alienation de tous sens. Dont le tres-sage Senat s'estant enquis des medecins ordinaires, conut que telle stupeur ne pouuoit estre excitée sinon par des medicamens endormans, tels que nous auôs descrit cy dessus au 2.liu. ch.17. On peut dire aussi que Dieu a permis qu'il ait ainsi supporté la torture, & ait esté demembré cruellement, afin de l'amener comme par force à quelque reconnoissance de ses fautes, ou pour estre rudement châtié & selon ses demerites, comme reprouué. Car apres auoir esté torturé de toutes façons, il fut executé à mort sans monstrier au-

*Traité des quest. & de sang d'innis hommes & femmes qu'il auoit fait*  
*tortures q. mourir de diuers suplices, pour la parole de Dieu, par*  
*4.nob. 16. l'espace de plusieurs annees auparauint. Quelques vns*  
*Asauoir toutesfois, comme escrit Grillad, disent que lon trou-*  
*si la taci- ue des remedes contre ces sorceries, qui sont faits de*  
*innité. prieres diuerses, & par lesquels, come ils disent, toutes*  
*peut estre liaisons & charmes sont rōpus & rendus de nul effect:*  
*empeschee tellement que celuy que lon met sur la gehenne en-*  
*par paro- dure en son corps plusieurs tourmens. Entre autres ils*  
*les. disent ces paroles du Prophete: Mon cœur a parlé vne*  
*Pseau. 44. bonne parole: ie diray toutes mes œures au Roy, &c.*  
*& 118. Le Seigneur ouure mes leures, & ma bouche annon-*  
*Pseau. 50. cera la verité. Item, la meschanceté du pecheur soit*  
*Pseau. 7. confondue: tu perdras tous ceux qui parlent menson-*  
*Pseau. 9. ge. Item, brise les bras du meschant accusé, & la langue*  
 mali-



maligne sera renuersee. Ils disent doncques que par ces paroles, prieres & exorcismes les charmes sont rendus de nulle efficace, & que les mal-faïcteurs sont merueilleusement tourmentez. Voyez Paris de Puteo au traité de Syndicatu, C. tortura to. 3. fueillet 113. Voyez aussi Syluestre Prier. au traité de Strig. demonst. mirād. liu. quatrieme, chapit. cinquieme, toutesfois regardez y de pres: car ie ne puis rien attester de la vertu de ces remedes, d'autant que iamais ie ne les ay experimentez, ni veu experimenter par aucun.

QUANT à moy, encores que le docteur Grilland & mille tesmoins avec luy auroient veu cela de leurs yeux: si est-ce que ie ne croiray iamais que tels actes se puissent faire par la vertu de quelques paroles prononcees, ou escrites, ou grauees. Car mesme ce larron susmentionné estant deslaissi de son breuet, ne confessa rien pourtant, quelque torture qu'on luy dónast: & i'ay prouué suffisamment que des paroles murmurees ne peuuent engendrer vne stupidité es membres. Parquoy il faut qu'il eust aualé quelque bruuage endormant, ou que le diable à qui il pouuoit s'estre donné auparauant & fait alliance avec luy, l'auoit rendu stupide: suyuant mesmes ce que i'ay montré es 10. 11. 12. chapitre du liure precedent, que plusieurs demoniaques ont esté agitez du diable & par diuers tourmens, sans en rien sentir: ains apres l'agitation sont reuenus à eux, comme s'ils se fussent esueillez de quelque sommeil profond. Je conclu doncques si telle chose auient qu'il faut plustost attribuer cela à l'artifice du diable, qui comme tres subtil & esprit qu'il est, trouble les humeurs du cerueau, endort profondement, estoupe la source des nerfs, oste le sentiment & stupefie, proposant à cest effect quelques breuets & paroles, afin qu'on croye qu'il y ait quelque vertu en icelles, & que le reste de ses fraudes & illusions demeure cachee là dessous. Je di le mesme touchant vne vieille femme de Bruxelles estimée de tous à cause de sa modestie & saincteté en apparence, & la tenoit on pour vraye Apostre de Iesus Christ, pource quelle guerissoit plusieurs petis enfans comme miraculeusement redressoit les bossus, remettoit incontinent les iambes & cuisses desnouees, sans



y apliquer aucun medecament: mais par quelques ceremonies, comme en leur commandant de iulner deux ou trois iours au pain & à l'eau, ou lire trois fois l'oraison dominicale, ou aller en pelerinage vers nostre dame d'Ardenbourg, ou vers Saint Arnould d'Ardenberg, ou à saint Jacques, ou à saint Hubert des Ardennes: ou d'ouyr deuotement vne messe ou deux, ou de dire quelques menus suffrages. Cela estant fait & executé selon son ordonnance, les malades estoient gueris, pour la grande assurance & opinion qu'ils auoyent que ceste vieille auoit pouuoir de ce faire: car auant que rien entreprendre elle requeroit d'eux qu'ils creussent fermement qu'elle les pouuoit guerir. Or finalement sa ruse fut descouuerte: tellement qu'apres auoir esté torturee sans vouloir rien cōfesser elle fut bannie par le magistrat. Ceste histoire est descrite tout au long en la pratique criminelle de Iosse Damhoudere de Bruges, Iurisconsulte de nostre temps, au chapitre 37. ou il parle des questions.

IL ne faut pas oublier ce qu'Albert le grand maintiēt avec mesme fidelité q̄ plusieurs autres choses qu'au raport de certains auteurs nommez Aaron & Hermes, la pierre nommee Mephites estant puluerisee, meslee en eau & beurre par celuy qui doit estre torturé, fait que il ne sent aucun mal. Voyez ce qui est contenu enuiron la fin du septieme chapitre du liure suyuant. où il est parlé des fausses & deceuantes preuues, qu'aucuns estiment tres-assurees, pour remarquer les Sorcieres entre autres personnes. Afin que la conference des choses esclarcisse de plus en plus les artifices & impostures de l'ennemi du genre humain.

*Q'en la chose figuree de caracteres il n'y a aucune vertu à raison de la figure.*



**D**E là nous pouuons voir combien de fiancée  
 lon doit adiouster au fait du diable descrite  
 par S. Ierosme en la vie de S. Hilarion. Il y  
 auoit, dit il, en ceste mesme ville du port  
 de Gaza, vn ieune homme, fort amoureux  
 d'une religieuse, lequel voyant qu'il n'auoit rien peu  
 gaigner par attouchement, par ieux, par signes, & par  
 telles choses qui sont les commencemens qui paroif-  
 sent lors que la virginité est prestee de mourir: s'en alla  
 à Memphis, afin qu'ayant descouuert sa playe, il retour-  
 nast vers sa dame armé de sciences magiques. Parquoy  
 ayant esté là l'espace d'un an il reuint bien endoctriné  
 par les deuins d'Aesculape, qui luy auoyent appris les  
 moyens, non pour remedier aux maladies des ames,  
 mais pour les perdre: parquoy venant avec la paillardie  
 se qu'il portoit en son esprit, il enterra dessous le sueil  
 de la porte de la fille quelques paroles & quelques fi-  
 gures prodigieuses, grauees en vne platine de cuivre de  
 Cypre. Soudainement la fille commença à affolir, &  
 ayant ietté le voile de dessus sa teste, elle frisa & tortil-  
 la ses cheveux, commença à grincer les dents, & à nô-  
 mer en se lamentant le nom du ieune homme: car la  
 grandeur de son amour l'auoit mise en fureur. Parquoy  
 ayât esté menée au monastere par ses parens, & baillée  
 à vn bon vieil homme, le diable commença à crier &  
 à confesser parlant en elle, l'ay esté forcé, i'ay esté ame-  
 né malgré-moy. O comment ie trompois bien mieux  
 les hommes par songes lors que i'estois à Memphis!  
 O les croix & tourmens que i'endure! Vous me con-  
 traignez de sortir, & toutes-fois ie suis detenu lié des-  
 sous le sueil de la porte. Je ne puis sortir, que le ieune  
 homme, qui me tient, ne m'ait laissé aller. Vrayement la  
 force est bié grâde, dit le vieillard, veu que tu es detenu  
 par vn filet & vne platine. Di moi cômét tu as osé entrer  
 en ceste fille de Dieu? Afin, dit-il, que ie la gardasse vier-  
 ge. Que tu la gardasse, traître de chasteté! Pourquoy n'es  
 tu entré plustost dedans le corps de celui qui t'a enuoyé?  
 A quelle raison, respond-il, fusse-je entré dedans le  
 corps de celui qui a dedans soy vn mien compaignon le  
 diable d'amour. Or l'homme saint ne voulut faire cer-  
 cher ces caracteres: auant que purifier la fille & le ieu-



ne homme, afin que lon ne pensast que le diable fust sorti par les enchantemens acoustumez, ou que lon pensast qu'il eust creu à sa parole d'autant qu'il sçauoit & testifioit que les diables sont fallacieux & trompeurs, & fins en leurs simulations. Apres qu'il eut rendu la santé à la ieune fille, il la tança plus que deuant, pour quelle raison elle auoit fait ces choses, par lesquelles le diable estoit entré. Voila ce qu'escriit Sainct Ierosme : toutesfois ie pense que ce diable menteur, possedoit dauantage la fille, que ne faisoit pas l'amour, & que ceste chose n'estoit auenue par la vertu des paroles ou des figures grauees dedans la platine dairain, mais que la puissance luy auoit esté baillee de tourmenter ceste fille par l'occasion qu'il auoit prise de ces figures, ainsi que Hilarion luy reproche. Les malades qui recourent à telles forcelleries pour estre gueris, sont asprement redarguez par Basile en l'exposition du Pseu. 45. Si ton enfant, dit-il, deuient malade, incontinent tu vas chercher vn enchanteur, ou tu pends au col de l'enfant innocent diuers caracteres, ou des figures, ou des lettres, &c.

*Au liure  
des ceures  
occultes de  
nature.*

*Liure de la  
superst.*

Sainct Thomas pense que les anneaux & toutes autres telles figures faites part art, n'ont aucune action à raison de telle figure, & qu'ils ne recoiuent aucune nouuelle puissance & vertu des corps celestes, non plus que s'ils n'en estoyent point marquez : pour autant que les choses qui se font artificiellemēt ne suyuent pas la matiere ni la forme d'icelles. Il en pense autant des paroles prononcees, pour autant que les paroles ne peuuent rien muer que l'ouye. Parquoy Martin d'Arles theologien, escriit fort bien que c'est vn erreur de penser que les images faites d'airin, de plomb, d'or, de cire blāche, de cire rouge, ou d'autre matiere, baptizees, adiurees, consacrees, mais plustost maudites par l'artifice des magiciens sous certains iours, de penser, di-ie, qu'elles ayent quelques vertus esmerueillables, telles qu'elles sont escrites dedans les liures qu'ils ont faits. Sainct Augustin aussi a prouué au dixieme liure de la Cité de Dieu, comme S. Thomas tesmoigne, que l'opinion de Porphire est fausse touchant la maniere de faire telles images. Il est bieu vray que les choses naturelles prennent leurs formes & vertus des choses celestes, mais  
les ima-



les images artificielles ne peuuent attirer aucune puissance de l'art, ou auoir aucunes autres vertus, sinon en tant qu'elles les ont à cause de la matiere de laquelle elles sont faites. Or est-il ainsi que la figure n'est pas le commencement d'eschange ou action pourquoy l'or fait d'une certaine façon n'a aucune autre vertu que celui qui est figuré d'un autre. Mais s'il ensuit quelque autre effect, certainement il vient de l'œuvre des diables, lesquels trompent les hommes, comme dit S. Augustin. Doncques ces images astronomiques emportent quelque vertu par le moyen du diable, ce qui est manifeste, pourautant qu'en icelles il faut qu'il y ait des caracteres: à cause que de leur naturelle vertu elles n'ont aucune action. Les images magiques toutesfois sont diferentes d'avec les astronomiques, en ce qu'es magiques il se fait des expresses inuocations des diables, si bien que ces esgies appartiennent expressement aux pactions faites avec les diables. Mais en la façon des astronomiques il y a une tacite pactio avec les diables au moyen des caracteres & figures inuentees par le mesme diable, selon l'impression desquels caracteres, ils cooperent avec ceux qui besongnent & qui les composent. Voila ce qu'il en dit.

PAR QUOY Cardan philosophe & medecin a fort bien escrit: encores, dit-il, qu'ils ne donnent petite vertu aux signets, comme quand ils attribuent au soleil le moyen de paruenir aux hōneurs, aux Magistrats, & à la grace des Princes: à Iupiter les richesses & les amis: à Mercure la subtilité d'esprit: à Saturne la patience en endurant, & à la Lune la faueur du peuple: ie n'ignore pas toutesfois qu'il n'y ait quelque vertu aux prieres, mais aux figures rien. Il dit encore apres auoir déclaré les decrets de la folie magique d'Artephie grād magicien, par lesquels il montre que les magiciens n'ont seulement esté trompeurs mais aussi troublez de leur entendement: apres aussi qu'il a montré les prodigieux caracteres des planettes & des signets garnis de leurs monstrueuses formes, il dit incontinent: Ceux sont les caracteres inuentez par un esprit frauduleux, desquels il est certain que la force & vertu est nulle: car qu'y a-t-il de commun entre les caracteres & les planettes qui

*Li. 18. de la subtilité*

*Li. 6. cha. 10. de la variété.*



Le mesme  
est en A-  
grippa de  
la philoso-  
phie occulte.  
liu. 1. c.  
33. & liure  
3. chap. 29.  
30. 31.

sont rondes? Ne pensez pas que ces noms soyent ou Arabiques, ou Chaldeens, ou Hebrieux, ou Grecs: & encores qu'ils le fussent, qu'elle vertu auroyent ils d'auantage que les Latins? Il faut doncques que ce soyent pures inuétions cōtrouuees, lesquelles n'ot aucune vertu. Que si vous dites au contraire qu'elles en ont, certainement cela ne se peut faire que par le moyē des diables. Car qui est-ce qui a peu inuéter telles choses sinō à la persuasiō du diable? & toutesfois il est tout certain que les diables n'enseignent rien. Mais ils dirōt que les formes sont en la mesme sphere, lesquelles aparoiſſent en Inde: ie le veux ainsi: qui est-ce qui a monſtré que ce caractere estoit celuy du soleil, & l'autre de Saturne? Nous voyons doncques par là tres-apertement que telles choses sont inuentions controuuees par des mocqueurs. Il y a plusieurs telles folies magiciennes en ce mesme liure, & tirees d'Artephie.

Si les magiciens disent qu'ils s'aident de choses naturelles, de caracteres, figures, herbes & paroles, & que cepēdant ils ont en horreur les publiques acointances des diables, ils sont cōuaincus en ce qu'il est tres-certain selon Aristote & les autres philosophes naturels, qu'il n'y a aucunes vertus actiues es figures, aux lettres, ni en quelques autres caracteres, d'autant qu'ils ne sont rien autre chose qu'une composition & ordre inuenté par l'ouurier, soit peintre ou sculpteur. Item en ce qu'il est tres-certain que les images naturelles ne peuuent rien operer outre leur figure & forme, tant s'en faut qu'elles fissent choses admirables par dessus la loy prescrite par la nature. Mais s'ils disent que ce sont les signets d'autant qu'ils ne sont point instituez diuinement, ains plustost reiettez comme choses abhorrentes de la nature, il reste qu'ils soyent plus que superstitieux, & inuentez par le diable, lequel les a fabriquez ouuertement ou figurez en cachette dedans la phantasie de ceux qui sont adonnez à croire les choses mauuaisēs. Aussi sont-ce songes que ce qu'Alchinde Arabe dit, que les figures & les caracteres imprimez en vne matiere elementaire engendrent des rayons, par lesquels les mouuements sont excitez es autres choses: attendu qu'iceux estans



estans faits par artifice ne peuuent mouuoir les influen-  
ces des choses superieures. Il faut mettre en ce mesme  
rang les folies de Porphyre, qui imagine que les dieux  
aiment merueilleusement les figures, & qu'iceux sont  
comprins es images sacrees: ce qui est cōtre Aristote &  
contre les theologiens, lesquels nieront tousiours que  
les intelligences separees & qui sont par dessus l'homme  
puissent estre arrestees en quelque matiere, par la vertu  
des caracteres, des herbes ou des paroles.

Si quelqu'un prend plaisir à voir diuers caracteres  
& estime qu'on en doye faire cas à cause de leur di-  
gnité & belle proportion: qu'il contemple ces linea-  
mens marques & caracteres diuers de l'homme qui  
est vn petit monde. qu'il considere soigneusemēt le ciel,  
la terre, & tout ce qui est en iceux: pour certain il y  
trouuera dequoy cōtenter & raur ses yeux & son esprit.  
Parquoy la fabrique de ces prodigieuses & fausses in-  
ventions demeurera de nulle valeur par la defence que  
la verité en fait.

A V S S I est-ce chose meschāte que de cōtrouuer que  
les paroles sacrees ayent ceste vertu (si c'est que quel-  
qu'un y ait encores recours) qu'en marquant seulement  
quelques figures de lettres il s'en engendre de si esmer-  
ueillables effects. L'efficace de l'Euangile ne consiste pas  
en caracteres marquez ou gravez sur ceste figure, ou *Rom. I.*  
anneau, ou signet, ou image: mais en la vertu mystique *2. Cor. 4.*  
pour le salut du croyant. La parole de l'Euangile semee *Matth. 13.*  
au cœur pres du chemin, ouye, & nō entendue est incon-  
tinēt ranie par le malin: mais estant ouye & receuë sou-  
dainement & auec ioye sans auoir pris racine non plus *Marc. 4.*  
que si elle eust esté semee dessus vne pierre, s'esuanouit *Luc. 8.*  
incontinēt. Itē estāt ouye mais suffoquee par les empe-  
chemēts de ce mōde, elle demeure infecōde & sans ef-  
ficace, cōme la graine semee parmy les espines: toutes-  
fois si elle est ouye, entendue & aprehēdee d'une ferme  
foy, elle demeure d'efficace, elle change l'homme en  
nouuelle creature, elle cōsole les esprits affligez: elle les  
munit contre les assauts du diable, & les enflammant  
d'une ardente inuocation, au nom de Iesus Christ,  
elle leur fait obtenir tout ce qu'ils demandent.



Mais la parole escrite dessus du papier ne peut pas faire cela, ni celle qui est imprimée ou grauee en quelque matiere, ou portee au col, ou inscrite dessus l'entree de la maison, ou cachee dessous le seuil de la porte. Et tant s'en faut que le diable soit chassé en voyant les paroles ou sentences de l'escriture sainte peintes, imprimees ou grauees en quelque forme & maniere que ce soit, que au contraire luy mesme l'entend bien & n'a point de honte de l'alleguer pour tromper plus cauteleusement,

*Matth. 4.*

*Marc. 1.*

*Luc. 4.*

*Pseu. 90.*

*Liu. 2. de*

*la doctr.*

*chrstiène.*

ment, cōme il fit lors qu'il tentoit Iesus Christ. Mais il est reuerlé & vaincu par bonne conscience & viue foy engendree par la vraye conoissance de Dieu, & par l'inspiration du Saint Esprit, & par la puissance de la parole de Dieu. De là S. Augustin reiette à bon droit toutes les liaisons & remedes condamnez aussi par les medecins,

*Vne façon superstitieuse pour guerir la sorcelerie. Item vne autre folle maniere de chasser le diable.*

# CHAP. XIII.



E transcriray icy vne maniere de guerir la sorcelerie, laquelle fait à ce propos, & est du tout superstitieuse: afin que l'opinion meschante de certains superstitieux soit tousiours descouuerte. Elle m'a esté com-

muniquee par M. Iean Ech renommé en doctrine, en integrité de vie & vsage des choses, & medecin qui a peu de semblables, lequel de sa grace a pris peine de m'aider en plusieurs choses touchât ce Traité: non pas qu'il approuuast ceste recepte, mais dautant qu'il estoit avec moy qu'il la faisoit faire voir à chacun, comme digne d'estre moquee. Or l'auoit-il recouree de la mere de la malade, qui disoit l'auoir obseruee avec grand soin & reuerence, & que sa fille en auoit esté guerrie. Mais ie pense bien que voire. L'histoire & la guerison sont telles. La fille d'un legiste tres-renommé Nagee enuiron de treize ans, & religieuse d'un monastere situé pres Susat, fut malade, & pensoit-on quelle fust ensorcelée: car elle auoit le ventre tellement enflé

*Guerison  
superstici-  
euse d'une  
fille demo-  
niaque,*

qu'il



qu'il n'y auoit celuy qui ne la iugeast hydropique: elle  
 jettoit des pierres en vrinant, lesquelles veritablement  
 estoient petites pieces de tuilles inegales, les vnes de la  
 grosseur d'une auelaine, & les autres moindres: ce qu'elle  
 jettoit ayant auparauant endure de grandes douleurs  
 dauantage elle auoit l'une des cuisses deboitee. Parquoy  
 les religieuses se doutans de plus grand inconuenient,  
 renuoyerent la fille vers ses parens qui incontinent firent  
 venir deux celebres medecins de la ville: à sçauoir  
 M. Iean Eght, & Hubert le Feure, lesquels ayant recherché  
 soigneusement les causes de ceste maladie, s'apperceurent  
 en la fin & iugerent qu'il y auoit de l'art du diable. Ce qui fut  
 cause que lon fit incontinent venir vn deuin vieil homme  
 nommé Abraham, lequel bailla aux parents la maniere de  
 guerison qui s'ensuit. Premièrement & auant toute chose  
 il faut qu'elle recoiue le sacrement. Puis qu'au matin & au  
 soir elle boyue plein vn petit voirre de la boisson qui  
 s'ensuit. Prenez vne drachme de Rheubarbe bien esleue,  
 des racines de cà- *Rheubarbe*  
 pane, de l'armoise vulgairement surnommee rouge, de *enacue la*  
 la petite centaure, & de la mente aquatique. Mettez le *cholere,*  
 tout dedans vn pot neuf, excepté l'armoise, & le faites *mais à quel*  
 bouillir en vin blanc en l'honneur des trois saints noms, *le raison*  
 & mettez l'armoise bouillir en vne chopine d'eau. Fai- *peut-elle*  
 tes d'auantage dire par quelque pauvre à cinq diuerses *seruir avec*  
 fois la Patenostre & l'Aue Maria. la premiere fois sera à *les autres*  
 l'intention de la fille ensorcellee, & en souuenance que *plâtes pour*  
 Iesus Christ fut mené au iardin: la seconde, en souuenan- *chasser le*  
 ce que Iesus Christ sua sang & eau: la troisieme, en sou- *diable?*  
 nenance que Iesus Christ fut condanné: la quatrieme,  
 en souuenance que Iesus Christ innocent fut mis en  
 croix: la cinquieme fois se dira en l'honneur de la pas-  
 sion, en laquelle Iesus Christ rendit l'ame en la croix:  
 & à fin que par ce moyen il luy plaise de conuertir la  
 forcierre, & oster la maladie dont elle a esté cause, il faut  
 qu'un homme simple prie deuotement en ceste façon  
 estant à genoux: il faut aussi que le malade oye la messe  
 l'espace de huit iours sans discontinuer & qu'il se leue  
 lors que lon chante l'Euangile. Il faut encor que par-  
 my son boire & son manger on mette de l'eau beniste  
 & du sel exorcisé.



*Folle gueri-  
son d'une  
demonia-  
que.*

Il y auoit vn autre fille demoniaque, laquelle à la suscitation du diable mesme fut ainsi guerie: à sçauoir le diable luy faisoit promesse qu'elle auroit certaine assurance de guérison si se mettant en chemin pour aller à Marcodur elle se iettoit à genoux à chasque pas qu'elle feroit sans se destourner de la droite voye, encores qu'elle y rencôtrast des fosses, de l'eau, de la bouë ou autres ordures, dedans lesquelles il falloit qu'elle ne fust doute de s'agenouiller iusques à ce qu'elle seroit deuant l'autel de sainte Anne, où il falloit qu'elle ouist vne messe. Car il y a en ceste Eglise vne fort grandeallee & pelerinage. Le prestre qui chantoit la messe dit qu'en celebrât il auoit veu à l'entour de la fille vn vmbrage blanc, que la fille disoit aussi auoir obserué, comme vn signe certain de sa guérison. Voyez la trôperie du diable qui par tel artifice vouloit establir vne idolatrie.

*Les Para-  
cellites en-  
chanteurs.*

Les Paracelsites ont acoustumé de chasser les Luitons & Gobelins des maisons en pendant à chasque coin d'icelles vn parchemin qu'ils nomment vierge, sur lequel ils escriuent: Tout esprit louë le Seigneur: ou, Ils ont Moyse & les Prophetes: ou, Que Dieu se leue & ses ennemis seront dissipés. S'ils establistent ainsi les principes de leur art par lesquels ils ont inuenté leurs guérisons, & s'efforcent de chasser les diables, nous ne deuons auoir crainte qu'ils abolissent l'ancienne medecine. Car ceste premiere sentence du prophete, es-crite dedans ce parchemin est du tout absurde, si vous la rapportez au dechassement des diables. Quand il a dit, tout esprit, il a voulu entendre que toute chose viuante louast le Seigneur, non les meschans: & encores moins Dieu veut il que ses louanges soyent celebrees, par les diables. Qu'ils iugent aussi eux-mesmes comment les paroles qu'Abraham dit au riche peuuent estre raportees à leur intention, à sçauoir ils ont Moyse & les Prophetes. Et quant est de la troisieme sentence s'ils y insistent, ie les renuoyeray au neuueme chapitre de ce liure, où i'ay parlé des colliers & des choses que lon pend au col.

*Impostures infames & detestables d'un certain chirurgien, qui s'entre-mit de guerir un malade, & ce qui en auint.*

## CHAP. XV





L ne faut pas oublier ici le meschât acte d'un  
 garnement qui fait du chirurgien au pais  
 de Gueldres, ou il est supporté il y a trop  
 long temps, & quelque fois aussi à Cologne.  
 L'an mil cinq cens soixante sept en temps  
 d'esté, il trouua moyen de s'insinuer en la maison d'un  
 gentil-homme begue demeurant en la duche de Monr,  
 auquel depuis il a ioué vn tour de son mestier. Estant là  
 comme vn iour il buuoit daurant avec quelques autres,  
 suruint vn nommé Albert, capitaine d'un chasteau pro-  
 chain de là appartenant à ce gentil-homme begue, ay-  
 ant la teste enuelopee d'un couurechef à la coustume  
 des malades. On l'auoit conseille de recourir à ce  
 chirurgien pour recouurer sa santé, & lors il s'adressa à  
 luy pour cest effect. Pour la premiere recepte, ce gentil  
 medecin commande à Albert d'oster son couurechef &  
 l'exhorte de s'asseoir pour faire carroux. L'autre disoit  
 au contraire que les medecins luy auoyent enioint de  
 boire peu de vin: mais cestuy ci repliche qu'il auoit des  
 receptes secretes inconues aux autres medecins. Or fai-  
 soit-il cela afin qu'ayant enyuré & par cōsequent priué  
 de iugement le malade, il peust obtenir plus grande  
 somme de deniers pour son salaire, & en tirer la moitié  
 auant que passer plus outre, comme c'est sa coustume.  
 Apres cela il tire à part le malade, luy propose la gran-  
 deur de sa maladie, laquelle il maintient estre venue de  
 sorcellerie, affermant impudemment & contre toute  
 verité que ce mal enuahirait & ruinerait en peu de  
 temps sa famille & son bestail, si lon n'y pouruoyoit de  
 bonne heure: ce que le pauvre malade se laissa persua-  
 der. Sur ce il fit marche à certaine grosse somme, &  
 puis s'enquit soigneusement & avec grand artifice, si le  
 malade auoit personne en sa famille de qui lon se peust  
 fier. Le malade dit auoir vn seruaiteur & vne fille aagée  
 de vingt ans. Elle sera propre à ce que nous voulons  
 faire, dit l'imposteur, cest assez d'elle. Lors il commande  
 au pere & à la mere des, agenouiller deuant leur fille &  
 la prier affectueusement d'obeir en tout & par tout au  
 medecin, autrement il seroit impossible de guerir le pe-  
 re, lequel avec sa femme pour le desir qu'ils auoyent  
 d'estre hors de peine, se letterent aux pieds de leur fille,



& selon le dire de ce garnement la prient & adiurent. L'imposteur ayant gagné ce point ordonne au malade de tondre tout le poil de luy, de sa femme, de sa fille, de tous ceux de sa famille, & de tout son bestail: puis baille le tout à la fille pour le luy apporter à certaine heure assignee au chasteau & ou seroit le malade. Apres auoir si bien ioué la premiere partie de sa farce tragique, il pour suit le reste comme s'ensuit. Comme la fille fut venue (suyuant le commandement à elle fait) pour secourir son pere, l'imposteur la mene en vne chambre à part, ou ayant fait semblant de dire tout bas certaine oraison, il ouure vn liure qui estoit sur la table, met deux cousteaux dessus en forme de croix bourguignone, prononce quelques mots tout bas, & fait des horribles coniurations avec certains caracteres marquez à sa fantasie, finalement il trace vn grand rond par terre, & commande à la fille de ficher dedans l'vn des cousteaux cōiurez: puis il comence à proferer tout bas quelques paroles estranges ou forgees à plaisir, & baille à la fille l'autre cousteau pour le ficher aussi en terre. En apres il presente vne soupe de pain trempé à ceste pauvre fille tout esperdue, & pour ce qu'elle refusoit la manger il la luy fourra dans la gorge. Ceste soupe estoit extremement froide, comme la fille la dit depuis, adioustant, qu'alors ou de frayeur ou par autre occasion elle fut comme transportee & priuee d'entendement. Et sur ce, le meschant imposteur luy fit descourir le sein, & la mania long temps, puis luy commanda se coucher & descourir: dequoy la fille faisant refus, ce vilain execrable commence à la menaça & iurer que son pere mourroit promptement, & que mille maux luy auientroyent si elle n'obeissoit: & qu'il falloit necessairement qu'il eust sa compagnie: comme il eut lors & la viola mal-heureusement. Le lendemain ayant fait les charmes susmentionnez il paillarda pour la seconde fois avec ceste pauvre miserable. Au troisieme iour il voulut continuer, mais la fille a declaré depuis qu'il auoit eu deux fois sa compagnie, & non plus. Ce pendant, tous les iours il bailloit des medicamens si aspres & violents au malade, qu'il le mit en extremite de mort & l'abatit tout plat au liect, au lieu qu'auparauant il se pourmenoit estant indispost seulement. Ce n'estoit



n'estoit pas de merueilles qu'il fust ainsi abatu, attendu que son medecin luy auoit baillé à boire du vis argent mal préparé, ce disoyent quelques vns, qui peut estre aussi estoient compagnons de l'imposteur. Le malade se sentant ainsi torturé & tourmenté fait venir ce medecin, le prie d'adoucir la torture: & finalement prie sa fille de luy declarer quelle esperance elle auoit de sa santé, & ce qui luy sembloit des entreprises du medecin. Lors apperceuant sa pauvre fille baisser la teste, rougir de honte & pleurer à chaudes larmes, il la presse tellement qu'elle luy conte ce que dessus, adioustant que ce vilain imposteur l'auoit corrompue & desflorée. Ce miserable pere m'a fait le recit de ceste horrible tragedie. Est ce point là vn estrange malefice? Quel forfait! meritant l'vn des cruels supplices que lon sauroit inuenter. Or ie n'ay mis en auant cest acte execrable, sinon afin qu'en pareils accidens les malades rendus plus auisez par la misere d'autrui, ne se laissent si aisément persuader & traiter par le premier affrôteur qui leur promettra merueilles, & ne demandera qu'à curer leurs bourses. Ce pendât, le vilain imposteur (qui gaigna au pied) a encores des fauteurs qui font cas de luy, preschent sa suffisance, & luy procurent des pratiques, combien que tout le monde sache que tout vieil qu'il est il a espousé vne seconde femme du viuant de sa premiere. Mais il y a bien occasion de gemir, puis que l'enormité de pechez le merite aussi, que ceux qui employent en d'autres endroits si mal & iniquement le glaue qui leur est baillé pour faire iustice, soyent si auuglez de ne voir telles meschancetez que la susmentionnee, pour la repri mer comme il appartient.

ESTANT vne fois appelé pour traiter vn malade qui estoit à l'extremité, i'entendis que le chirurgien sus mentionné y auoit mis la main, & pour le guerir de la fièvre luy fit faire ce que s'ensuit. Il luy bailloit à mordre trois morceaux de racines l'vn apres l'autre, & en les mordant il luy faisoit prononcer des horribles blasphemes contre nostre Seigneur Iesus Christ. Il vaut mieux cacher cela sous silence que les exprimer plus particulièrement. Cela fait il luy commanda de pendre ces morceaux de racines au col, l'assurant d'estre



guerir quand ces racines seroyent seiches, & que celuy quiles osteroit de la emporteroit la fieure avec soy. Mais ce pauvre malade mourut tost apres d'un empyeme, comme semble. On pratiquoit aussi vne autre recepte ridicule & pleine de sorcellerie contre la fieure, en disant ces mots & faisant les signes de croix, Iesus Christ qui est né, te deliure N. de ceste infirmité: Iesus Christ qui est mort, te deliure N. de ceste infirmité: Iesus Christ qui est resuscité, te deliure N. de ceste infirmité. Puis il faut dire tous les iours cinq fois Pater & cinq fois l'Aue Maria.

DE ce mestier estoit vn empyrique, lequel se trouuant à Xante ville de Cleues, n'y a pas long temps fit accroire à vn ieune homme malade d'hydropisie qu'il auoit dans le ventre par sorcellerie vne vieille vipere & deux ieunes avec deux coliers rouges. Or comme il estoit apres à le guerir, & qu'on auoit l'œil, sur luy, pour empescher que parmy les excremens du malade qui estoit trauaillé d'un flux de ventre par les medicaments de ce medecin, il ne messast frauduleusement des viperes mortes: finalement il alla dire que le malade sentiroit des tranchees & des douleurs comme d'enfantement, que partant il falloit qu'il mist les mains occultement aux parties honteuses du ieune homme. La mere du malade instruite au parauant, luy respond qu'elle feroit de ses mains ce qui seroit de besoin si tel cas auenoit. Par ce moyen l'imposteur quitta le malade, qui mourut au bout de quinze iours & fut ouuert par vn chirurgien, afin que la piperie de ceste empyrique fust conue de chacun, comme il auint: & à raison de telle descouuerte ce malencontreux hibou s'enuola vistemment en vn autre quartier.

*Que les diables ne guerissent point les maladies en autre maniere, sinon en desistant de mal faire, & d'esnouoir les maux dont ils estoient cause.*





R si on me met au deuant que par tels moyens magiques plusieurs sont heureusement gueris: Le respondray ce que nous lisons en la vie saint Barthelemy, que le diable guerissoit les malades, nō pas qu'il le fit en guerissant, mais seulement en desistant de son entreprise, comme escrit Abdias Euesque de Babylone, en son huietieme liure du combat des Apostres, disant: Il y auoit vn diable dedans l'idole d'Astarot en Inde, lequel confessoit qu'il guerissoit les malades, & rēdoit la veuē aux aueugles, qu'il auoit blessez. Car certainement ces hommes viuoyent sans la conoissance du vray Dieu, tellement qu'il estoit nēcessaire qu'ils fussent trompez par vn dieu faux, qui par ce moyen degoit ceux qui ne conoissent point le vray Dieu. Il leur esmeut des douleurs, des maladies, des pertes, des dangers: il leur commande qu'ils luy sacrifient, & lors qu'il retire les maux qu'il a enuoyez, ces pources fols ont opinion de luy qu'il les ait gueris: toutesfois il leur baille secours non en guerissant, ains en cessant de les tourmenter, tellement que lors qu'il desiste, ils pensent qu'il les a gueris. Il escrit encores apres: Le diable rend par art les hommes malades, & leur persuade d'adorer les idoles, & afin de gaigner leurs ames il desiste de les tourmenter, tellement qu'ils adressent apres leurs prieres ou à vne pierre ou à du metail disāt, Tu es mon Dieu. Ainsi apres par le commandement de S. Barthelemy le diable confessa que premieremēt il blessoit la chair des hommes: mais qu'il n'auoit aucune puissance sur leurs ames, si ce n'estoit qu'ils luy sacrifiasent. Il dit encore: Lors que pour la santé de leurs corps ils nous ont fait sacrifices, nous desistons des les afliger: pour autant que desia nous cōmençons par ce moyen d'auoir puissance sur leurs ames. Ainsi donques desistans de les blesser, ils pensent que nous les ayons gueris, & lors ils nous adorent comme dieux, encores que ne soyons que diables.

TERTULLIAN aussi monstre fort bien cecy: Les diables peuuent, dit-il, sauoir les dispositions de l'air, tant à cause qu'ils y habitēt que pourautāt qu'ils sōt voisins des estoilles & ōt quelque cōmerce avec les nuees si biē



qu'ils sentent les pluyes, lesquelles apres ils promettent & se montrent officieux en la guerison des maladies. Car premierement ils blessent, puis ils donnent des nouueaux remedes, comme si c'estoyent miracles, encores qu'ils soyent contraires: & lors qu'ils desistent de blesser, on croit qu'ils ont gueri. L'adiousteray dauantage ce que Tatian Assyrien escrit touchant ce poinct, contre les Grecs: Nulle maladie, dit-il, n'est ostee par l'oculte diffension des choses: & n'y a aucun malade qui soit gueri par fermaillets ou autres preseruatifs pendus au col. Toutes ces choses ne sont qu'assauts des diables. Celuy qui est malade, celuy qui ayme, celuy qui porte haine, & celuy qui appete vengeance les prend pour s'aider: & les diables s'aident de cest artifice. Comme les figures des lettres, les lignes, & les vers qui en sont escrits ne peuuent d'eux-mesmes monstrer ce qui s'escrit: ains seulement les hommes les font forger pour monstrer leurs pensees & donner à entendre les choses par vn assemblage de lettres, tellement que l'ordre d'icelles est certain: ainsi diuerses racines & l'application des nerfs & des os ne peuuent rien faire d'eux-mesme: mais telles choses sont comme les premiers elements pour estre instruits en la meschanceté des diables qui ont prescrit ce que chacune d'icelles pouuoit faire. Et lors qu'ils voyent que les hommes s'aident de leur ministère & guerison, ils se les rendent seruiteurs. Il dit encores apres: Les diables ne guerissent point, mais ils prennent les hommes par fraudes: tellement que Iustin a fort bien dit, & est digne d'estre admiré, lors qu'il a monstré que les diables estoient semblables aux larrons. Car comme les larrons ont acoustumé de prendre quelques hommes, puis ayant fait marché avec eux, ils les rendent à leurs amis: ainsi ceux que vous estimez estre dieux, s'estans insinuez dedans les membres de quelques vns & ayans là dedās fabriqué leur gloire par songes & en dormant, ils commandent qu'ils ayent à venir en public, & là en la presence de tous, apres qu'ils se sont rassasiez des choses qu'ils desirent au monde, ils se retirent des malades, & ancantissans la maladie qu'eux mesmes auoyent excitee & engendree: ils rendent aux hommes la premiere santé. Sainct Ierosme aussi tesmoi

gne en-



gne encores que par art magique il se puisse faire quelques miracles, tels que sont ceux qui seulement appartiennent à la curiosité & vanité (comme faisoit Simon le Magicien lors qu'il môstroit des statues qui marchoyét qui parloyent, qui rioyent & faisoient choses semblables) si est-ce que par cest art magique les diables ne peuvent executer ce qui appartient à la vraye santé, cōme est la guerison des lāgoureux, l'illumination des aueugles & autres semblables guerissons, S. Cyprian au traité de la vanité des idoles, apres auoir longuement discouru sur la deuination qui se fait par le moyen des oyseaux, exprime elegamment & en peu de paroles la ruse du diable, & le remede disant: Ces esprits malins inspirēt les cœurs des deuins, font bouger les entrailles des bestes tuées, guident le vol des oiseaux, gouuernēt les sorts rendent les oracles & enuelopent tousiours le vray & le faux ensemble. Car ils sont deceus & deçoient, ils troublent la vie, inquietent le repos & se glissans es corps effrayent l'entendement, tordent les membres, gastent la santé, attirent & irritent les maladies, afin qu'on les craigne & serue. Puis il adioust, le remede qu'ils donnent à tous ces maux, c'est qu'ils cessent de faire mal à ceux qu'ils auront tourmentez long temps. Aussi n'ont ils autre but de penser, que de tirer les hommes loin de Dieu, les destourner de la vraye religion & les atirer à leur seruice: & pource que eux sont destineez à perdition ils cherchent des compagnons qui ayent part à leurs tourments, asauoir ceux que par fraudes ils ont rédus coupables de leur crime.

De là S. Augustin dit, Les prestres fideles doyuēt admonester leurs peuples, si bien qu'ils conoissent que les arts magiques & tous autres enchantemens ne peuēt apporter aucun remede aux maladies des hommes ni mesmes medeciner les animaux languides & boiteux ou mourans: mais que ces choses sont les liens & embusches du vieil ennemy, par lesquels ce traistre tasche de deceuoir le genre humain. Et s'il auient qu'un clerc exerce ces choses, qu'il soit degradé, & l'hōme lay excommunié. Il en dit presque autāt en l'œuure de la cité de Dieu & 26.4.2. *qui sine*, là où il monstre que telle guerison doit plus tost estre nommee mort que vie. *Isychi*

26. q. 17 li  
ma Ad-  
monant.



us sur le 19. chapit. du Leuitique, au 6. liure de ses commentaires sur ce liure, dit: C'est vne tresmeschâte chose d'adherer aux magiciens, car ils mettent en auant les noms des diables nos ennemis mortels. et cōbien que pour vn peu de temps ils semblent faire quelques choses pour guerir le corps d'un malade par ie ne say quoy que les empyriques mesmes peuuent faire: c'est seulement pour entretenir les personnes en erreur, & n'aident aux hommes pour bonne afection qu'ils leur portent, ains ne demandent qu'à les rendre esclauues & à les separer de Dieu.

*Encade. 2.  
li. 9.*

Ce que Sabellique escrit, fait aucunement pour la conoissance de ces guerisons demoniaques. Telle, dit il, fut la pompe des ieux Circenses, qui pour lors furent renouvellez pour autāt que quelque personnage du peuple nommé *T. Latinus*, ou comme les autres escriuent, *Tyberius Atinius*, auoit esté admonesté par Iupiter d'annoncer aux Consuls que celuy qui menoit la danse des ieux Circenses dernièrement celebrez, ne luy auoit esté agreable: & que s'ils n'auisoyent de faire tant que derechef les ieux fussent recommencez, la ville estoit en danger de receuoir quelque perte. Or comme cest homme n'eust obtemperé au commandement qui luy estoit fait par Iupiter, craignant que si on n'adioustoit foy à ce qu'il auoit à dire, chacun ne se moquast de luy: il auint peu de iours apres que ceste figure luy aparut de nuict, qu'il perdit son fils sans qu'il y eust cause manifeste de maladie. Estant donc derechef interrogué par vn semblable Oracle, s'il ne luy suffisoit pas d'auoir receu tel loyer pour n'auoir tenu conte de la diuinité, & comme pour tout cela il celast encores l'apparition, il deuint soudainemēt entrepris de tout le corps. Alors ayant pris conseil avec ses amis, il se fit porter au Senat dedans vne lictiere, & de là il fut porté par iceux mesmes iusques au parquet, où il exposa au long & par ordre ce qui luy auoit esté commandé de dire par l'apparition qu'il auoit eue de nuict. On dit que par vn grād miracle il se leua incontinent sur pied, & retourna sain & gaillard en sa maison. Je pense quant à moy que quel que malin esprit s'apparut à *Atinius*, lequel preuoyant qu'en bref il deuoit perdre l'un de ses enfans, & que

peu



peu apres il seroit guery d'une grâde maladie, asauoir lors qu'il laisseroit de le tourmêter : print ocaſion de là de trôper, pour tousiours enfondrer le peuple Romain en plus grandes tenebres, en remettant ces ieux encores vne fois, propres pour auengler la sotte populace.

*Que la guerison des diables est vne chose ſainte, & que quelquefois elle est permise de Dieu à raison de l'incroyance des maladez, voire que le plus ſouuent elle est de grande efficace.*

CHAP. XVII.



L'appert doncques que quelquefois le diable fait paroistre vne guerison ſainte & ſimulee, asauoir lors que de plein gré il deſiſte de faire le mal duquel il eſtoit auteur. Par ce moyen il enlaſſe facilement les eſprits des hommes eſmerueillez d'une telle choſe : & ſe les aſſuiettit par infidelité, luy qui eſt vn eſprit d'efficace es enfans rebelles. Il s'eſforce principalement que ceux qu'il a trompez luy facent honneur & reuerence telle que lon doit à Dieu. Auffi croyôs-nous que Dieu ſouuentesfois permet telles choſes à cauſe de l'opiniaſtre & incroyance des hommes, ſi bien que ceux qui voyent, ne voyent point, ceux qui oyent n'oyent point, & n'entendêt point. Cela ſe fait encor, cômme pour la fiance que lon a au medecin il ſemble que les medicaments ayent vne plus grande vertu : ainſi quelques vns croyans que par la foy qu'ils ont aux paroles de tels enchantemens ſuperſtitieusement meſſees (encore qu'elles ſoyent deſrobee & tirees aſſez ſotement des eſcritures ſainctes) il y a vne plus grande efficace & particuliere puiſſance en iceux. Ce que Galien a bien *Liv. 2. des* conu, diſant : que celuy en guerit dauantage, en qui lon *recog. ch. 2.* ſe fie le plus. Voila combien peut ceſte attentiuue ima- *Liv. des ed* gination de ſanté. Parquoy Pomponatius ne craint point *châtiments* de dire que la guerison qui auient par la reuerence por- *cha. 12.* tee aux reliques des ſainctz, ne laiſſeroit pas d'auenir des os d'un chien, ſi lon auoit telle & ſemblable opinion & imagination comme lon a des reliques des ſainctz. Et meſmes comme dit S. Auguſtin, nous portons reueren-



ce à plusieurs corps & reliques en ce monde, les ames desquels sont tourmentees aux enfers.

PLUSIEURS allegnēt des histoires tant des anciens que de la memoire de nos peres, & afferment que quelques vns ont recouuert leurs forces & leur santé perdue par les simples vœus qu'ils faisoient aux saints, d'une ie ne say qu'elle croyance & superstition: ou bien par le seul attouchement, ou par le seul regard des os, voire des boïttes: dans lesquelles les carcasses & les os estoÿēt enfermez & reservez. Mais il n'y a point de doute que le diable, seul & vnique autheur de superstition n'ait par ce moyen establi l'idolatrie. De là mesmes. comme on dit, a pris sa naissâce l'opinion d'age en age augmentee & renforcee, par laquelle on a pensé que les seuls vœus faits aux images, ont plus de force & puissance à chasser les maladies suruenuës es corps, que n'ont pas tous les autres remedes. Ils disent encore que la coustume est venue de là qu'es aduersitez on n'a pas recours aux remedes ordonnez de Dieu, mais seulement aux saincts, que lon a pensé estre maistres & presidens de telles ou telles maladies, si bien que par ce moyen Dieu a esté laissé derriere & les secours des medecins ont esté mesprisez & estimez comme rien: ils disent aussi que les prieres, qui selon les commandemens de Dieu se doiuent adresser à luy seul, ont esté transportees aux saincts & aux images: & que la vertu de medeciner donnee aux remedes naturels, a esté transportee aux vœus & aux pelerinages.

2. OR chacun sçait combien est de grande vertu l'opiniastre credulité. La superstition requiert la credulité comme la vraye religion requiert la foy. Car la credulité arrestee, peut tant, que mesmes on pense qu'elle fait des miracles es fausses opinions & actiōs. Et chacun en sa religiō, ores qu'elle soit fausse, pourueu qu'il l'estime estre vraye, esleue son esprit, à raison de ceste incredulité, iusques à ce qu'il soit semblable aux esprits, qui sont les princes & conducteurs de telle religion, & iusques à ce q lon voye qu'il face les choses, desquelles la raison & la natute ne peuuent iuger, Mais le doute & la defiance affoiblissent l'œuure encommencee non seulement en la vraye religion: elles aneantissent aussi l'effect que lon  
cherche



cherche, encores qu'il soit confirmé par long vsage. Les exemples, comme dit Agrippa, montrent assez comment la superstition ensuit & contrefait la vraye religion: à sçauoir lors que lon excommunie les vers & les sauterelles, à fin qu'elles ne fassent mal aux bleds: lors que lon baptize les cloches & les images, & que lon fait plusieurs choses semblables. Mais pour autant que ces premiers magiciens, auteurs de ceste science, ont esté Chaldeens, Egyptiens, Assyriens, Perses & Arabes, la religion desquels a esté toute peruerbie & souillée du seruice des idoles: il nous faut bié garder de permettre que leurs erreurs soyent maistres de la pure verité de nostre religion Chrestienne. Car ce seroit vn grand blaspheme, & vne chose execrable & abominable.

*Quelques histoires plaisantes, par lesquelles il est monstré combien peut la temeraire croyance es guerisons magiques.*

CHAP. XVIII.



V reste, ie monstreray maintenāt par quelques exemples, combien peut la temeraire croyāce: le premier desquels i'ay apri d'un homme d'Eglise, theologien de grand renom. Il me dit doncques, que d'auanture vn certain coureur trouuant vne femme trauaillēe d'une maladie des yeux, luy promit guerison, seulement en luy pendant vn petit billet au col, qu'il defendoit sur tout n'estre ostē ou ouuert pour le lire, autrement qu'il ne seruiroit de rien, si elle faisoit faute en la moindre chose. La femme se confiant en ce qu'il luy auoit dit, desista de pleurer, qui estoit vne des occasions pour laquelle sa maladie s'augmentoit de iour en autre: si bien que peu à peu elle fut guerie. Depuis elle ne prit assez pres garde au billet, à cause qu'elle n'auoit plus mal aux yeux, tellement que s'aperceuant qu'elle auoit perdu ce en quoy elle auoit si grande fiance, elle recommença à pleurer, & son mal à rengreger. Le billet auoit esté trouué par vn autre, qui l'auoit ouuert & leu, & trouué dedans escript en Alemand: Der teuffel kratze

*Billet ridicu-  
le pendu  
au col.*



dir die augen auff, vnd scheisse dir in die löcher: ce que estant tourné de mot à mot, signifie, le diable te creue les yeux & en remplisse les pertuis de sa fiente. S'il y eust eu quelque vertu en ces paroles, il n'y a point de doute qu'elle n'eust perdu les yeux: car ils luy eussent esté arrachez, & remplis de la fiente du diable.

Ce que Pline raconte de Marc Seruile Nouian prince Romain, n'est beaucoup dissemblable à ce que j'ay dit, craignant d'estre chassieux, & auant que nommer ceste maladie, ou que quelque autre la luy eust predite, il escriuoit dedans vn petit billet les deux lettres Grecques, P & A, & les pendoit à son col avec vn petit filet.

*Autre breuet pendu au col.* AINSI vn certain prestre pendit vn petit billet couuert de cuir, consacré dessus l'autel par vne messe, au col d'vne fille possedee quelquesfois du diable, & agitee d'vne fureur terrible: à laquelle il promit guerison par ce moyen, à telle condition toutesfois qu'elle demeureroit tousiours en ferme opinion de ce billet: car il disoit que la où elle n'en tiendrait conte, elle retomberoit en son mal. Pour ceste cause chacun se mettoit en peine que le billet fust bien gardé. En fin vn iour que ma femme Iudith estoit allée à nostre mestairie, elle entendit la misere de ceste pauvre fille, dont elle la manda. Estant venue, elle l'admonesta soigneusement & religieusement, qu'elle eust à mettre sa fiance en Dieu defendeur & protecteur des affligez, qu'elle chassast les tromperies du diable, en mesprisant le conseil du prestre plein de sacrilege. Et pour autant que la table estoit couuerte pour disner, elle la pria de prédre le repas, ce fait elle luy osta son billet hors du col. Dont ceux qui estoient presens s'estonnerent & s'espouuenterent, tellement qu'ils se retirerent de la chambre, où ils laisserent seulement ma femme & ma fille Sophie avec la demoniaque: car ils craignoient qu'elle ne rentrast en fureur, & se iettast sur les assistans comme elle auoit accoustumé de faire: pourautant qu'ils voyoyent qu'elle n'auoit plus sa sacree ancre de salut, au moyen de laquelle comme ils pensoient, elle demeureroit en repos, comme en vn havre de grace. Ce pendant ceste fille obeissant aux admonestemens de ma femme, print le repas sans aucun signe de perturbation d'esprit: ains au contraire

toute



toute resiouye & tellement endoctrinee, que sans plus se laisser destourner de la vraye & viue fiance qu'on doit auoir en Dieu, elle s'est depuis tousiours bien portee. Le cuir estant couppe on trouua vn petit papier raunastre, tout plain, & sans caracteres, lequel ma femme ietta dedans le feu, en la presence de la fille.

ADIOYSTONS encor vn exemple d'vn autre demoniaque. Estant assaihi par vn prestre fort outreuide, a force coniuurations & fouldres d'exorcismes, tellement que le diable sembloit vouloir desloger: pource qu'il ne sortoit pas assez tost au gre de cest exorciste, il mit sur la teste du demoniaque vn morceau de bois de la croix cache dans vn estuy: au moins le peuple le croyoit ainsi. Apres que l'exorciste se fut fort tourmenté, le diable commença à dire. Combien que ie sache que la fiance, que vous auez au bois de la croix en laquelle Christ a esté pendu, soit fausse & meschante, attendu qu'à la verité c'est vn esclat de bois coupé d'vn gibet, toutesois vostre obstinee opinion, & l'inueterée fiance de chacun, fait que pour m'acommoder à vos desirs, ie quitteray ce logis, & en sortiray maintenant.

OR n'y a-il personne qui ne voye bien que ceste guérison est captieuse, fallacieuse & perilleuse. Le diable se ioue souuentefois sous ces choses de peu de valeur, & cependant il fait ce que les forciers machinent & requierent, tellement que lon pense que toute la force & vertu procede de telles sortes inuentions. C'est donc à bon droit que Rabi Moses Egyptien certifie que ceux *Li. 1. per-*  
sont menteurs & fols qui donnent vne si grande force *plex. chap.*  
& vertu miraculeuse à la seule figure, à la seule esriture, 27.  
aux seuls lineamens, bref, aux seules voix qui naissent  
par l'atouchement de l'air. Aelie Spartian escrit aussi *Au dialo-*  
qu'à iuste cause l'Empereur Antonin Caracalla com- *gue des phi-*  
manda & ordonna que ceux fussent condânez, qui por- *losophes li.*  
toyent des coliers contre les sieurs tierces & quartes, 2. *de la do-*  
dont aussi Lucian s'est moqué plaisamment. Sainct Au- *ctrine chre-*  
gustin encores reiette toutes ces manieres de guerisons, *stiennes ch.*  
comme superstitieuses, disant: Toutes ces choses sont su *20. & 27*  
perstitieuses, qui sont inuentees par les hommes pour *q. 2. c. illud*  
faire ou pour adorer les idoles, comme pour faire Dieu,  
vne creature ou vne partie de creature, ou pour consul-  
L. ii.



ter ou faire paction cōfederee avec les diables, tels que sont les desseins des arts magiques, qui sont plustost racontez qu'enseignez par les poëtes : tels sont aussi les liures des augures & haruspices, encores plus licēcieux en folies. Telles & semblables sont toutes les liaisons & remedes que la science de medecine condamne, soit en diuinations, ou en quelques notes qu'ils nomment caracteres, ou es autres choses qui sont propres à pendre ou à lier & attacher : dedans toutes lesquelles l'art des diables est meslé, & procede d'une certaine damnable accointance des hommes avec les mauuais anges. Dōt il apert que toutes ces choses doyuent estre euitées par les Chrestiens, reiettees & condamnées par toutes sortes d'execrations. Il dit aussi au sermon 215. du temps. Si vous voyez quelques vns encores rendre leurs vœus ou aux fontaines, ou aux arbres, chercher les forcieres, ou deuins, ou les prognostiqueurs, pendre à leurs cols des preseruatifs diaboliques, des caracteres, des herbes, ou des suc:s dites-leur, en les reprenant aigrement, que quiconque fait ces maux perd le sacrement du baptesme. Il en dit autant au sermon 241. du temps.

*La chemise de necessité.*

*Les François vsent des chemises de noſtre dame de Char-  
tres.*

IL ne faut pas oublier icy la chemise, surnommee de necessité, que les Alemans appellent Nothembd, tant celebree par nos ayeuls, & qu'ils auoyēt acoustumée de vestir en la guerre contre les coups des dards, des ballottes & boulets de canons : tellement que par icelle ils euitoyent tous les dangers belliques & autres incōmoditez qui peuuēt suruenir aux corps. Les femmes grosses ont vsé de ceste mesme chemise, afin d'acoucher plus soudainement & plus à l'aise. De la elle a esté nommee chemise de necessité, pourtant que lon s'en aidoit en la necessité & qu'alors elle seruoit beaucoup. Il falloit qu'elle fust faite en l'une des nuits de la huitaine de Noël, tellement que les filles vierges filoyent le lin au nom du diable, elles le deuidoyent, tissoyent & en cousoyent la chemise. Elles attachoyent deux testes en la poitrine, celle du costé droit auoit vne longue barbe & comme vn morrion en teste : l'autre du costé gauche estoit effroyable à voir, & auoit vne couronne semblable à celle du roy Beelzebub : à chasque costé de ces deux testes y auoit vne croix, & toute la chemise cou-



uroit l'hōme depuis le col iusques à la moitié du corps, avec les manches. I'en ay veu vne semblable chez vn Gentil-homme de nom, laquelle il auoit recouree d'vn sien oncle qui estoit braue gendarme, lequel auoit acoustumé de se fortifier d'icelle, & y adioustoit grande fiance: comme plusieurs Empereurs & autres grands seigneurs ont acoustumé de faire. Toutes ces choses toutesfois estans ainsi superstitieuses, sentent leur doctrine Satanique.

*Que plusieurs grands Medecins se sont aidez de liaisons, caracteres & charmes: Item de la guerison Homerique & du miracle de V'espasian.*

CHAP. XIX.



PENDANT ie n'ignore pas que plusieurs excellens medecins n'ayent fait vne grandissime faute en cest endroit, aioustans foy à ces *Li. 10. cha. folies, & du nombre desquels est Alexandre 1. li. 9. cha.* Trallian, tresdocte au demeurant, lequel escrit que l'image d'Hercule situé droit, & estoufant vn liō, enchassée en vn anneau & portee au doigt, est vn remede contre la cholique. Aussi conseille-il aux graueleux, aux podagres & aux febricitans, non seulement des liaisons, mais aussi des caracteres & des charmes. Il allegue mesmes Galien, au traité de la guerison Homerique, comme si laissant les choses, lesquelles aparoissent euidentement, il se fust persuadé avec le temps qu'il y a quelque vertu es autres, laquelle toutesfois il auoit niee auparauant. Le tiltre de ce Traitté est venu de ce qu'Homer a escrit, que par paroles le sang auoit esté arresté & que par misteres les maladies auoyent esté gueries. Aesculape aussi n'a point eu honte d'enchanter par charmes superstitieux les herestes & les petis os arrestez dedans le gauion & en la gueule. Nous auons encores transcrit par ci deuât des liures de Beniuenius commēt la fleche auoit esté tiree hors le cofre du corps, par la vertu des charmes. Marcellus allegue des charmes à chascun bout de champ: & Octauius s'en est aidé es Euporistes. Q. Serenus a escrit que ce mot, Abracadabra, escrit en



vn papier, selon la figure qu'il en ordonne, & pendu au col, guerit les fieures, & principalement celles que les medecins nomment hemitritees. Gourdon aussi & plusieurs autres medecins modernes adonnez aux superstitions, ores qu'ils fussent des premiers, ont eu des charmes particuliers, tellement qu'ils en ont inuenté & trouué plusieurs pour arrester le sang, contre les accez du haut mal, contre les acouchemens difficiles, contre les fieures intermittentes & erratiques, contre les vers, les playes, les fistules, les deboitemés des os, les hargnes &

*Li. 2. de sa  
methode c.  
11. de la  
guerison  
Homeri-  
que.* ie ne sçay quelles autres maladies. Or quand vous voyez l'experience (dit Auger Ferrier,) consermee par l'autorité de tant d'hommes illustres, que ferez vous? Car ce n'est pas le fait d'un homme arresté de iugement, que de contreuenir à ce qui aparoit aux sens, & est vne chose temeraire de penser aneantir les experiences des doctes. Et vous mesmes vous me demanderez ce que j'en sens. Je le diray librement. Car ie ne suis ni superstitieux ni amateur de fables: mais ami de la verité: à laquelle me voulant du tout adôner j'ay bien voulu parler de ces guerisons prodigieuses, afin que ie ne semblasse manquer en quelque partie des operations de mon art. J'ay donques descouuert & aperceu que les euemens de telle guerison ne procedent point des caracteres ni des charmes: mais que la vertu de nostre esprit est telle, que depuis qu'il s'est persuadé quelque chose honnestes, & qu'il a perseueré cōstamment en ceste persuasion, il execute puissamment la chose qu'il a commencee, pourueu que l'esprit de celuy sur lequel il agit ne luy soit repugnant & defiant. Car s'il le rencontre ayant fiance & comme coadiuteur, il executera plustost son intention s'il le rencontre ni confiant ni defiant, la vertu de l'esprit qui opere, ne laissera pour cela d'agir & executer. Cela se void ordinairement es douleurs des dents, esquelles on a acoustumé d'vsersouuentes fois de ceste maniere de guerison. Car l'enchantement esmeut tellement l'esprit du malade qui ne luy contredit point, que la douleur se diminue & cesse petit a petit, pendât qu'il barbote entre ses dêts, ou bié qu'il agit avec ses caracteres. Ce qui n'est pas sans grande merueille. Mais si d'aventure le malade n'y a point de fian-



de fiance, si bien qu'il estime ce remede estre du tout ridicule, ou bien s'il y a quelques assistés, qui l'empeschét d'y adiouster foy, & mesdisent du remede en sa presence, l'enchanteur ne fera rien: car il a vn esprit repugnant à ce qu'ils s'est persuadé.

ENTRELASSERAY icy ce qu'il me souuient estre auenu à vne ieune damoiselle, qui fut guerie du mal des dents par le charme d'un gentil-homme: mais estant reprise de ce qu'elle auoit eu recours à vn remede defendu de Dieu, elle s'en repentit, & la douleur luy recommanda, laquelle toutesfois s'en alla depuis de foy mesme. Quiconque entreprendra d'enchanter sans cōfiance & persuasion, celuy la perdra sa peine, si ce n'est qu'il rencontre vn esprit si sot & insensible, qu'il ne puisse apercevoir que lon le trompe par dissimulation. Ce ne sont doncques point les charmes & caracteres qui peuuent ces choses: mais c'est la vertu confiante de l'esprit, lequel s'accorde avec celuy sur lequel il agit, comme a fort bien dit le poëte:

*L'esprit qui dedans nous exerce sa puissance  
Fait ces choses: en nous il fait sa demeurence,  
Et non pas aux enfers, ou aux astres du ciel.*

M A I S ceste cōfiance & ferme persuasion s'engendre en l'esprit des indoctes, par l'opinion qu'ils ont des caracteres & des paroles sacrees: toutes-fois les doctes qui ont l'intelligence des choses, n'ont que faire de l'exterieur, mais conoissans la vertu de l'esprit, ils peuuent par icelle faire des choses merueilleuses: telles que Philostrate raconte auoir esté faites par Apollonius, lors que laissant les affaires exterieures & mondaines, il se fust retiré à la seule contemplation de l'esprit. Parquoy l'esprit indocte, c'est à dire celuy qui ne fait sa puissance & nature, peut bien guerir les maladies apres qu'il s'est confrmé par les choses exterieures. Mais le docte & constant guerira par la seule parole: ou bien afin que par vn mesme moyen il excite l'esprit de l'indocte, il s'aidera des choses exterieures, non seulement de celles, desquelles le vulgaire a acoustumé d'vser: mais aussi il en inuentera quelques vnes, qui luy seront pour lors en main, ou dont il se souuiendra. Voila ce qu'il escrit. Mais



M. Thomas Erastus excellent medecin refute doctement ceste opinion de Ferrier, en la 1. partie de ses disputes contre la nouuelle medecine de Paracelse.

*Enneade  
7. lin. 3.*

Or afin que lon entende plus manifestement que le diable souuentes-fois besongne & se iouë pour le damnement des hommes en ces guerisons, qui sont ordonnees outre le cours de nature, ie transcriray icy les paroles d'Antoine Sabellique. C'est vne chose esmerueillable, dit-il, de combien d'impostures les malins esprits s'aidoyent pour auengler les yeux tant du Prince que des autres, du temps que Vespasian estoit en Alexandria. Car pendant, qu'il sacrifioit, Basilides son serf afrāchi & qui pour lors estoit absent, fut veu, comme s'il luy eust ministré, si bien que le nom Royal fut comme vn augure, du futur Empire. Vn peu apres, ainsi qu'il estoit assis au tribunal, deux hommes du peuple luy vindrent demander l'aide que Serapis leur auoit annoncee & monstree: l'un estoit auengle & l'autre estoit boiteux, & disoyēt qu'en dormant ils auoyēt esté admōnestez que l'auengle verroit clair, si Vespasian daignoit oindre ses yeux de sa salie: & que l'autre iroit droit s'il le touchoit de son pied. Mais comme chacun reiettoit cela &

*Miracle de  
Vespasian  
par qui  
fait.*

que lon pensoit tels faits impossibles, Vespasian n'osa l'experimenter du commencement: toutes fois il fut tant prié par ses amis, que en pleine assemblee il experimenta l'un & l'autre: tant que l'euuenemēt s'en ensuyuit. Car le diable, qui estoit adoré sous le nom de Serapis par toute l'Egipte mere d'erreurs, craignoit que l'Eglise des Chrestiens, nouvellement esleuee en ceste ville, ne le chassast de son ancienne habitation. Et preuoyant que deux malades deuoyent estre gueris en ce mesme iour, il les incita d'aller demander secours à Vespasian, à fin que par l'euuenement qui en deuoit ensuyure, & par la faueur de celuy qui deuoit estre Empereur, la maiesté & le credit de l'oracle fust augmenté, & que Vespasian estant Empereur, ne s'adonnast & se tournast vers la splendeur de la vraye lumiere.

*Des liaisons, colliers, & sermaillets naturels. Item que les diables ne peuent estre attirez ni chasséz par aucunes plantes ou matieres terrestres.*





E ne veux toutes-fois desroger aucunemēt aux liaisons, colliers & fermaillets naturels car il y a plusieurs substances, lesquelles en leurs naissances, à raison de leur spécifique & indiuiduale constitution (s'il m'est loisible de parler ainsi) reçoient vne vertu celeste, qui par vne cōtrepassion naturelle & occulte, empesche, & lie les actions des autres, dont est venu le nom & le commencement de la liaison naturelle. Ainsi la presence du diamant & de l'aux empesche l'operation de l'amant, si bien qu'il ne peut tirer le fer, ainsi que naturellement il a acoustumé faire. L'huile aussi empesche que l'ambre ne tire la paille. Les colliers & fermaillets naturels ont vne raison naturelle, par laquelle ils agissent: aussi quelques medecins disent qu'il en sort des vapeurs, lesquelles estans occultement atirees par la respiration peuuent par leur vertu & faculté changer la cause de la maladie & remettre le corps en sa premiere santé. Pour ceste raison nous auons acoustumé, contre le haut mal, de pendre au col de la racine de Piuoine masse nouuellement tiree de la terre, & de la Morgeline à la fleur rouge: nous vsons aussi en mesme façon de la fiente de loup & de son boyau contre les douleurs de la cholique, non pas à raison d'vne vertu d'enchantement, comme pense Pamphile le medecin, mais à cause d'vne vertu naturelle occulte, comme i'ay dit, ou bien à cause de quelques esprits harmoniques, ainsi que veut la pluspart des medecins modernes. Parquoy Galien les ayant experimentez veut que lon se fie aux periaptes ou colliers, en telle façon que la vertu de leur similitude ou semblance soit celle qui aide, & non les paroles des magiciens enchanteurs. Theophraste soutient ceste mesme opinion, disant: Il faut plustost penser ces choses estre absurdes, qui estant liees & pendues sont nommees contraires aux sorcelleries, & qu'on pense porter vne aide souueraine tant aux corps qu'aux maisons, encores que elles soyent controuuees par les hommes qui desirent de celebrer & magnifier leurs sciences. De là nous voyons qu'il n'y a aucune contrepassion entre les esprits

*Voyez  
Theodore  
Prisc. medecin  
escriuant à Eusebe,  
liure dernier.*

*Li. 10. de  
simpl.*

*Li. 6. de lib  
stori. des pla  
tes.*



*Le Moly.* malins & le Moly & le Millepertuis, encores que les su-  
*Le Mille-* perstitieux & credules le nomment la fuite des diables:  
*pertuis.* aussi ne devons nous penser que les malignes vapeurs  
des mauuais Dæmôs puissent estre chassiez loin de nous  
*Fuite des* par autre puissance que par celle de Dieu. Autant en  
*Demons.* faut-il penser des testes des loups attachees contre les  
portes. Aussi à grand peine conois-je maison où la fe-  
*Les testes* nestre soit plus ouuerte aux diables, qu'en celles es-  
*des loups.* quelles on baille la garde des portes à ces testes. Je sçay  
*Dio.lib. 3.* bien que quelques auteurs renommez & d'autorité ont  
*chap. 37.* escrit que ces herbes pendues en la maison chassoyent  
*Pline lin.* toutes sorcelleries loin des hommes & du bestail: ie sçay  
*28. ch. 10.* bien aussi que mesmes ils ont escrit que par la vertu du  
*Diof.lib. 3.* chardon Cnebusien, lequel est nommé aussi Cuns par  
*chap. 15.* les Egyptiens, on fait venir le diable & parle-on avec  
*Proclus de* luy: mais il ne les faut croire outre les limites de verité,  
*la Magie* d'autât qu'il a esté plus aisé de leur faire croire ces cho-  
*Et sacrif.* ses, par les arts simulez du diable, qu'il n'y a pas à ceux,  
qui ayâs vestu Iesus Christ, ont conu les tromperies de  
*I. François* Satan. Pour ceste cause les histoires tesmoignent que  
*Pic oppu-* les excellens esprits des anciens ont esté bien fort em-  
*gne sort ces* pestrez & enlassez dedâs les labyrinthes des practiques  
*opiniôs, li.* & prognostications diaboliques, lesquels ont cessé &  
*7. chap. 5.* sont deuenus muets par l'auenement de Iesus Christ,  
*de la pro-* ainsi que plusieurs tesmoignét. Les diables sont esprits,  
*gnost. su-* & tout ainsi qu'ils ne peuuent estre attirez par aucunes  
*perstiti.* plâtes ou autres matieres terrestres, ne peuuent aussi en  
estre chassiez: encores que souuentesfois ils dissimulent  
*S. Augu.* fallacieusement à ceux qui les adorent, que par la ver-  
*de la Cité* tu de quelques choses ils sont inuitez, attirez, trainez,  
*de Dieu.* contrains, voire chassiez: ce qu'ils font afin de les ren-  
*Eusebe li.* dre tousiours plus serfs par vne malheureuse croyance.  
*5. cha. 1. 8.* Aussi S. Thomas tesmoigne, allegât S. Augustin au vingt  
*Et lin. 8.* vnieme liure de la Cité de Dieu, que les diables sont  
*cha. 6.* attirez par plusieurs especes de pierres, d'herbes, de  
*Pline li. 30* bois, d'animaux, de charmes, de ceremonies: non pas  
*chap. 1.* ainsi que les animaux sont attirez par les viandes, mais  
*1. partie. q.* comme par des signes spirituels, pourueu qu'ils leur  
*115. art. ad* soyent offerts en signe d'un honneur Diuin, dont ils  
*3.* sont tres-cupides. Parquoy le forcier s'aide de ces cho-  
ses à la sollicitation du diable, & ce expressement ou ta-  
cite-



citement par la paction de l'inuocation : ou bien pour difamer les creatures de Dieu : lesquelles sont bonnes d'elles mesmes, ou pour exciter vne plus grande croyance, & pour deceuoir dauantage la foy & les ames des hommes perdus, lesquels s'aident de telles choses en leurs inuocations. Ce n'est dôques pas le forcier, mais plustost le diable qui vse de ces choses, comme estans de grande efficace à vn tel sorcelage, & s'en aide comme des signes de la paction qu'il a faite avec le forcier que desia il possède comme celuy qui l'adore, comme vn heretique & vn homme desuoyé de la foy. Voila ce qu'il escrit. Je ne veux pas dire toutesfois qu'il n'y ait des corps, comme sont les melancholiques ou choleriques, lesquels pendant qu'ils sont agitez par le diable, ont aucunement apaisez, changez & soulagez de leur mal par applications de quelques choses, ou par l'harmonie des sons : comme nous lisons que Saül fut apaisé <sup>1. des Rois</sup> & rendu plus doux par le moyen de la musique qui luy <sup>16.</sup> adoucissoit l'ouye,

*Par quelles matieres les anciens & ceux de l'Eglise Romaine pensoient que les diables & sorcelleries fussent chassées.*

## CHAP. XXI.

**E**VX de ceste religion pensoient que le soulfhre chassait les diables, lors qu'on en faisoit vn parfum : duquel les prestres, comme escrit Proclus, auoyent acoustumé d'vser en leurs purifications, comme aussi ils faisoient de Bitum, & d'eau marine : car le soulfhre purifie à raison de la subtilité de son odeur, & l'eau marine à cause d'vne partie ignee qu'elle comprend en soy. Pour ceste raison Ouide a escrit de Medee:

*Trois fois par feu, trois fois par eau coulante,  
Trois fois par soulfhre à la senteur poignante,  
L'homme vieillord par sa main fut purgé.*

On dit aussi que la quintefueille a la vertu de purifier : & pour ceste cause les prestres anciens auoyent acoustumé d'en vser. Aussi dit-on que les rameaux de l'oliuier sont de si grande vertu & pureté que si vne pail-



*Les choses  
que lon pe  
se auoir la  
vertu d'o-  
ster la sor-  
cellerie.*

larde plante l'oliuier, l'arbre demeurera tousiours sterile, ou bien il se seichera du tout. Ils pensent aussi que l'encens soit propre pour telles purgations, comme aussi ils estiment de mesme vertu la mirrhe, la veruaine, la valeriane, ( que les Arabes appellent Phu ) le Palma-Christi porté sur foy, la racine de couleuree, & la racine de Sarafine seiche & mise en parfum: Item la benoiste, la sanemode ou galliot, & la scille pendue sur l'entree de la porte. Aucuns ont attribué telle vertu à la vetonique, qu'ils estimoyent vne maison preseruee de toute forcellerie, ou ceste herbe estoit plantee. On dit qu'il croist en Morauie vne herbe nommee Holitha qui chafse les diables.

*Li. 3. c. 89.*

*Plin li. 30  
chap. 2.*

AUTANT en pensent-ils de l'amer d'un chien noir mis en parfum, & disent que son sang oingt contre toutes les parois, est de grande efficace tant à chasser les malins esprits, que les forcgeries en quelque lieu qu'elles soyent. Il y a encores plusieurs choses recommandees contre les fascinations & charmes, cōme le petit noyau des dattes limé dessous la denti: la racine du satyrion à scauoir de la femelle, laquelle est distinguee par entreceuds & par la plus grande abondance de tiges. Aristote dit que la rue est vn preseruatif contre la forcellerie & le charme. Et Dioscoride a escrit que l'Alissum pendu en la maison, est vn grand preseruatif contre les forcgeries des hommes & des bestes à quatre pieds. Item vn des rameaux de la troisieme espece de Rhamnus mis aux fenestres & aux portes. Appion le grammarien dit que la Cynocephalie est de mesme vertu. Aussi pensent-ils que l'herbe que nous nommons les gans nostre-dame est de grande efficace contre le charme, & ce par le tesmoignage de Virgile, qui a escrit aux Bucoliques.

*Enlassez vostre chef des gans de nostre dame  
De peur que cy apres la langue trop infame  
Ne face quelque tort au poete futur.*

NOUS lisons encores que le cuir du front d'une Hye ne resiste au charme. On raporte aussi à ce propos plusieurs pierres tant d'Albert que des autres qui ont esté comme les foires marchâdes des diables, & y adioustebn quelque foy. Ainsi Denis escrit que le iaspe est contraire



traire aux apparitions des esprits. Ils racontent aussi que le corail rouge pendu au col des enfans, ou enchaîné dedans des brasselets, & porté au bras, voire seulement retenu en la maison, a vne grande prerogative contre les charmes. Ils disent que la pierre nommée Lyncurium empesche que les yeux ne soyent trompez & charmez: que l'Heliotropienne les esblouit: qu'elle rend invincible celui qui la porte: que le parfum de la pierre Lipparis fait sortir toutes les bestes: que la Synochitte fait sortir les ames des enfers: l'Aymant fait paroistre les images des dieux: & que l'Eneëtis mis dessous la teste de ceux qui dorment, leur fait rendre des oracles. Mesuë escrit superstitieusement que l'huile de gagate estant consacré est bon pour les demoniaques. On dit aussi que le parfum fait des plumes de Huppe, chasse tous les phantomes. Il s'aident aussi des œufs es purgations, & les œufs sont nommez purgatifs, comme Ovide le monstre disant:

Li. 3. des  
Antid.

*La vieille y vienne aussi: qu'elle face en la sorte*

*Que la liêt & le lieu soit purgé: qu'elle apporte*

*Du soulfre avec des œufs dans sa tremblante main.*

ON a pensé qu'en mangeant d'un Piuert on estoit guéri de la liaison: que le parfum fait de la dent d'un homme mort en fait autant, & que lon est aussi guéri de ceste maladie quand on oingt tout le corps avec l'amer d'un corbeau & de l'huile de Iugiolaine, selon Cleopatre: comme aussi on fait par le moyen du vis-argent enfermé en vne plume, ou dedans les escailles d'une auelaine bien bouchée & attachée avec de la cire, puis mise sous le cheuet de l'enforcélé, ou dessous le seuil de la porte par laquelle il doit entrer en la maison, ou en la chambre.

CEUX de nostre religion n'auront garde de faillir à m'alleguer le parfum que Tobie fit avec le cœur & le foye du poisson mis sur les charbons, par l'odeur duquel le diable s'en alla au plus loin de l'Egyppte, où l'Ange l'attacha: toutesfois ie leur respōdray que le diable ne s'en alla pas tant à cause du parfum, comme il fit par la chasteté & assiduele oraison que Tobie le ieune & sa femme faisoient à Dieu misericordieux, & par l'institution de l'Ange.

Tob. 7.

Tob. 6.

EVSEBE raconte que le dieu Serapis, nommé Plu-



ton par les Grecs, donna quelques marques aux Egyptiens par lesquelles le diable estoit chassé, mesmes qu'il enseigna à ceux qui l'en requeroient, comme les diables, aparoißans en figures de bestes brutes, espioient à faire mal aux hommes: entre lesquels ceux estoient plus en danger, qui se remplissoient de plus exquis viandes. Les anciens auoyent acoustumé de cracher en leur sein contre les fascinations & charmes. Aussi lisons nous en Theocrite:

*Il crachera trois fois dedans son sein.*

Et Ouide:

*Chacun de vous crache dedans son sein.*

*Contre les tempestes.* ON pèse encores que les tēpestes des diables aēriēs sont apaisées & dissipées par vn grand bruit & par la fumee des herbes qui sentent mal. Et Gaudētius Merula dit que les femmes d'Italie en tēps de tēpeste ont acoustumé de brusler à couuert des herbes de mauuaises senteurs, comme si elles estoient descendues de la boutique des Academiques. Les prestres ont recours en ce temps à leurs cloches, & se fient dauantage à ce grand bruit, lequel n'est d'aucune efficace enuers Dieu, qu'ils ne font pas aux oraisons & aux iusnes: imitans en cela les Thraciens, lesquels sentans aprocher la tempeste commençoient à crier horriblement & esleuer leurs voix dedans les nues, estans armez de toutes pieces, & tenans leurs espees en leurs mains avec des cymbales.

*Li. 3. ch. 8.* Olaus le Goth escrit encores le semblable des peuples des septentrionnaux, lesquels excitoyent vn son esclatant contre les nues, & tiroyēt à coups de traits dedans l'air, voulans monstrer qu'ils donnoyent aide à leurs dieux, lesquels ils pensoyent estre pour lors assaillis par les estrangers. Ils n'estoyent encores contens de ceste temeraire superstition, mais ils anoyent & gardoyent à ce mesme vsage des marteaux de cuyure d'vne pesanteur presque incroyable, lesquels ils nommoient marteaux de Iupiter, & les rescruoient par grandes ceremonies, afin que par le moyen d'iceux, comme par les tonnerres Claudians, & par ceste chose inusitée ils esleuassent vn bruit dedans le ciel, lequel ils pensoyēt estre excité par leurs marteaux, car ils cuidoyent par la force & vertu de ce son si estrange, qu'ils imitoyent des ouuriers & artistes,

*Marteaux de Iupiter.*



tes, leurs dieux estre plustost fauorables à leurs guerres: ce qu'ils obseruoient fort ceremonieusement. L'vsage de ces marteaux de Iupiter a duré iusqu'à l'an mil cent trente. L'histoire des Gots au dixhuitieme liure, chapitre seizieme, dit que les Saxons s'aidoyent aussi de telle sorte de marteaux.

Nous peres aussi se sont persuadez l'espace de longues annees, par le moyen d'une mauuaise doctrine qu'ils receuoient de leurs curez, que l'Armoise pendue en la maison le iour de S. Iean Baptiste, come aussi plusieurs autres arbrisseaux & plantes: des chandelles & flabeaux benits à quelques certains iours plus seriaux, ou bien exorcisez par ie ne say quels autres moyes & allumez à la necessite: estoyent d'une grande vertu, & auoyent comme vne prerogatiue contre les tempestes, les foudres, les tonnerres: contre la puissance & les œures du diable, & toutes autres sortes de sorcelleries. Pendant les tempestes aussi on court incontinent par troupes aux cloches, & les fait-on sonner à toute force & vollee, comme si elles estoyent vn tres-souuerain remede & comme vne ancre sacree contre tous ces dangers. Martin d'Arles escrit que quelques vns allument vn petit faisseau d'herbes, lequel a esté benit au iour saint Iean, estimans qu'il est d'efficace contre les tonnerres, les foudres, la gresle: & que par le parfum d'iceluy le diable est chassé & les tēpestes apaisees. Mais il ne faut pas que l'antiquité prescriue cōtre la verité: car c'est la foy qui est spirituelle, laquelle chasse le diable: c'est la parole de Dieu qui est d'efficace par l'esprit: dont nous lisons plusieurs anciens tesmoignages & exemples dedans les saints & sacrez liures de verité, lesquels on ne pourroit refuter.

On vse d'une semblable superstition en l'Apennin d'Italie entre Boulongne & Pise: car incontinent que la tempeste commence à s'esmouuoir, les femmes sortent dehors, & leuant les mains en l'air, elles l'arrestent avec vn fromage fait le iour de l'ascension nostre Seigneur, & marqué par dessus en croix bourguignonne, avec vne corde qui passe au trauers en croix: si bien que par ce moyen elles pensent estre deliurees de la tempeste. Là mesmes elles gardent vn œuf ponnu le iour de

*Autrait-  
té des su-  
perst. nom-  
bre 9.*

*Matth. 4.*

*Marc. 1.*

*Luc. 4.*



l'ascension, & l'attachent au haut du toit & de la maison, & croient que par ce moyen la maison est hors des dangers de la tempeste. Les autres mettent la table au milieu de la chambre & mettent dessus entre deux cierges allumez la pierre Ceraunienne, laquelle sue incontinent, & pensent que ce soit vn miracle, encores que cela se face naturellement, tout ainsi comme quād les vitres des fenestres rendēt de l'eau en mesme temps en la maniere qu'elles font en vn poisse.

Pour ce mesme effect on vse de quelques exorcismes pour consacrer plusieurs herbes, tellement qu'elles seruent pour la santé de l'ame & du corps de ceux qui en vsent: & prie-on que loin des hommes & des bestes qui en gousteron, la pourriture & tous autres phantosmes du diable soyent esloigne.

*Eau benite* L'EAU que Dieu tout puissant a creēe pour vne infinité d'vsages, doit estre rapportee en cest endroit, apres auoir acquis des plus grādes vertus par les paroles qui s'ensuyuent. Le t'exorcise creature d'eau au nom de Dieu le Pere tout puissant, & au nom de Iesus Christ son fils nostre Seigneur, & en la vertu du S. Esprit, à fin que tu sois faite eau exorcisee pour chasser toute puissance de l'ennemy, & pour arracher & desraciner le mesme ennemy avec tous ses anges apostats. Alexandre premier Euesque de Rome, tut celuy qui commanda que lon exorcisast ceste eau benite pour chasser les diables, afin qu'elle fust gardee au temple & en la maison. Item Regino au 1. liure de la discipline ecclesiastique, chap. 210. dit que l'eau est benite, afin qu'elle sanctifie ceux qui en sont arrousez. Il prouue aussi par le 5. chap. du Concile de Nantes qu'il en faut arroser les maisons, les champs, les vignes, le bestail & sa pasture, la viande & le bruage des hommes: mais l'Eglise des Grecs l'a condamnēe, comme vne chose superstitieuse.

Le sel a aussi sa vertu particuliere, par lequel Helisee, selon le commandement de Dieu, adoucit l'eau de Hierico, laquelle auparauant ne valoit rien. Et maintenant outre cela il est rendu plus saint & plus excellent contre Satan par le moyen de ces exorcismes. Le t'exorcise, creature de sel, au nom de Dieu † viuant, au nom du vray † Dieu, au nom de Dieu † saint, au nom  
de



de Dieu qui commanda à Elisee le Prophete de te ietter en l'eau, afin que la sterilité de l'eau fust guerie: à ce que tu sois fait sel exorcisé pour le salut des croyans: à ce que tu sois fait la santé du corps & de l'ame à tous ceux qui te prendront, & qu'es lieux où tu seras aspergé tout phantomsme, meschanceté & tromperie de la fraude diabolique, & tout esprit immode adiuré, soit chassé & estragé, & cæ. Alexandre 1. en l'epistre decretal. 1. Idem textu, ext. in c. aquam sale conspersam, de consec. distinct. 3.

METTES encores au mesme rang ce tant celebre bausme, lequel a tant de diuerses vertus, outre la suaue odeur qu'il rend, & que Moysse institua en sa Loy, afin que les Roys & sacrificateurs Leuitiques en fussent oingts, pour confermer leur vraye election iusques à ce que le Roy & sacrificateur eternal Iesus Christ eust vestu chair humaine. Ce bausme est purifié de bien plus graues exorcismes en l'eglise Romaine, & est salué par neuf fois, le genouil trois fois en terre, avec vn grâd barbotement de telles paroles: Je te salue sainte huile: ie te salué par trois fois S. Chresme: ie te salue par trois fois S. bausme. On a opinion que non seulement par la vertu de ce S. bausme le diable est chassé, mais aussi on croit que le S. Esprit est substitué en son lieu. Mais ie veux bien que le lecteur Chrestié sache qu'il n'y a rien moins que vray bausme en toutes ces ceremonies.

*Que le diable ne peut estre tiré par aucune herbe: comme Iosephe le maintient. Item de la racine nommee Baaras.*

## CHAP. XXII.



R quant à ce que Iosephe se glorifie, qu'en la presence de l'Empereur Vespasian il vid vn Iuis nommé Eleazar, lequel par l'application d'un anneau qu'il auoit, ou estoit enchassée la racine trouuee par Salomon, tira le diable par le nez d'un demoniaque à qui il le bailla à flairer, lequel estant tombé en terre, fut banni par le mesme Eleazar en prononçant vn charme de la coniuration Salomonique. Quant à ceste histoire, di-ic



il faut certainement confesser que Iosephe Hebricu, Vaspasien ethnique, & Eleazar Iuif furent trompez par les impostures du diable, lequel faisoit semblant d'estre tiré par la puissance de la racine attribuee à Salomon, bien que de sa propre volonté il desistait par la permission de Dieu, & non contraint : car il fait semblant d'estre contraint pour tromper autrui plus cauteleusement. Ce qu'il faisoit afin que lon adioustast plus de fiance à l'anneau, ou à la fable controuuee touchant la racine du tout inepte à chasser le diable, que non pas à vn seul Dieu, lequel est le vray chasseur de Satan, & auquel par vn legitime ordre des choses nous deuons auoir recours. Et afin, que l'issue de ceste farce prinist fin par vne mesme menagerie, qu'estant meschant de soymesme, il fust couuert d'un beau manteau, ne fust remis en doute & eust plus d'autorité, il fut attribué à Salomon, sous la renommee & bonne opinion duquel le diable cependant pouuoit establir & asseurer toutes ses fraudes & fallacieuses inuétions. Toutesfois il apert qu'il a esté le prince de la vraye sapience, & du tout desflourné de la superstitieuse magie des diables, mesmes au contraire qu'il auoit acoustumé, comme nous trouuons es hittoires des Hebricux, de disputer des arbres & des herbes depuis le cedre du Liban iusques à l'hyssope: Item des bestes cheualines, des oiseaux, des serpens & poissons. Ce qui demonstre seulement vne connoissance des choses naturelles, ou bien, si vous l'aimez mieux, vne naturelle magie. Si ce n'est que quelqu'un vueille soupçonner trop obstinémēt que pour l'amour de ses femmes il ait voulu apprendre les curieuses sciences.

*Liu. 7. ch.* POSSIBLE que ceste racine est celle que le mesme  
*25. de la* Iosephe décrit en vn autre endroit : & afin que les im-  
*guerre des* postures & tromperies du diable soyent mieux descou-  
*Iuifs,* uertes, ie ne feray aucune difficulté d'en escrire icy l'histoire. Au reste, dit Iosephe, en la vallee qui enuironne la ville du costé de Septétrion, il y a vn lieu nommé Baaras, où croist vne racine aussi nommee Baaras, qui ressemble de couleur à la flamme : & resplendit sur le vespre, comme iettant des rayons, de laquelle on ne peut pas aisément approcher : on ne la peut aussi facilement arracher :



cher: car elle se recule aussi tost qu'on y veut atteindre & ne la peut-on arrester, sinon quand on espend dessus de l'vrine de femme, ou du sang menstrual. Il y a dauantage, que si quelqu'un la touche, c'est vne chose bien certaine qu'il en mourra, si dauanture il ne porte de la mesme racine pendue en sa main. Toutesfois on la prend d'une autre façon sans danger, qui est telle: On essarte tout à l'entour, tellement que bien peu de reste de la racine demeure dedans la terre: puis on attache vn chien à la racine, lequel voulant suyure celuy qui l'a attaché, il arrache facilement ceste racine, & meurt bien tost apres, comme au lieu de celuy qui la deuoit arracher & oster de là, d'autant qu'apres la mort du chien, il n'y a nul danger de la prendre. Elle a vne vertu en soy qui fait mettre les hommes en danger pour la tirer de terre. Car si seulement on applique ceste racine aux malades qui sont possédez des esprits malins, qui sont esprits d'hommes meschans ayans mal-heureusement vescu, qui reprennent les autres viuans, & qui tuét ceux qui ne sont point secourus, elle les chasse hors. Voila ce qu'en escrit Iosephe. Toutesfois on estimera moins de ceste racine, si lon regarde plus attentiuement & d'un œil plus subtil de l'entendement, le moyen de la tirer de terre. Or cy dessus nous auons monstré qu'on ne sauroit attirer ni chasser les diables, par vertu d'une matiere terrestre. Aelian escrit presque le mesme au 14. li. ch. 27. d'une herbe magique nommée Cynospaste autrement nommée Aglaophotis, & pèse-on que c'estoit la racine de Baaras sus-mentionnée. De iour elle se cache parmi les autres herbes ausquelles elle ressemble, & ne la peut-on conoistre. Mais de nuict on la void luire come vn estoile, & auoir vne splendeur de feu, si qu'on la peut aisément choisir entre les autres, & par ainsi ayans mis quelques marques autour de la racine ils s'en vont, & sans cela ils ne pourroyent la reconoistre de iour. Au matin ils viennent & trouuent l'herbe à leurs marques, mais ils se gardent bien de l'arracher ni de fouiller à l'entour: car ils disent que le premier qui la touche, ne connoissant pas la propriete d'icelle, meurt incontinent. Ainsi donc ils amènent vn ieune chien qui n'a mangé de vingt quatre heures au parauant, & lient bien fort d'un



cordeau ceste herbe au plus bas de sa tige , puis attachent à l'autre bout du cordeau leur chié auquel ils presentent à quelques pas de là force chair cuite, & eux se tirent fort loin. Le chien flairant la chair tire de toute sa force pour l'aller prendre , & ainsi arrache ceste herbe : mais si le Soleil luit sur les racines d'icelle , le chien meurt soudainemét. lors ils l'enterrét avec quelques ceremonies secrettes, comme estant mort à leur seruice & pour l'amour d'eux. Plin<sup>e</sup> au 4. liure cha. 17. entre autres herbes magiques enseignées par Democrite, fait mention d'une apellee Aglaophotis, à cause de son excellente couleur : & croist parmi les marbres de l'Arabie du costé de Perse, à raison dequoy aussi on l'appelle Marmorite : & dit que les magiciens s'en seruent, quand ils veulent faire venir les malins esprits.

ON raconte vne presque semblable fable de ce petit homme , que lon fait avec des racines de Mandragore, de roseau, de couleuvre, & de quelques autres plantes. Car les imposteurs engrauent en icelles, pendant qu'elles sont encores vertes, la forme d'un homme ou d'une femme : & fichent de la graine de millet ou de l'orge es parties esquelles ils veulent que le poil naisse : puis ayant fait un trou en terre , ils l'ensouissent & la recourent de sablon, iusques à ce que les petits grains ayent ietté leurs racines, ce qu'ils disent estre parfait en l'espace de vingt iours tout au plus. Lors ils la retirent derechef, & avec un couteau bien trencant ils rongnent les petits filaments des grains & les acomodét si bien, qu'ils ressemblent à la barbe, aux cheveux , & aux autres poils du corps. Ils font acroire au simple peuple sot & niais, que ces racines, qui representent la figure d'un homme, ne peunét estre tirees de terre qu'avec un tresgrand peril & danger de la vie : & que pour les tirer ils y attachent un chien , qu'ils s'estoupent les oreilles avec de la poix, de peur qu'ils n'entendent les cris de la racine, lesquels entendus les feroient tous mourir sans qu'il en peust eschaper un seul. Les vertus que lon raconte estre en ce petit homme ainsi fait & forgé sont estranges : ils disent qu'il est engendré dessous un gibet, de l'urine d'un larron pendu, & qu'il a de grandes puillances contre les tempestes , & ie ne say  
quelles



quelles autres calamitez. Toutesfois ce ne sont que folies.

Ce qu'on lit au second des Decrets est memorable: *Cha. 26. 4. 5. Episco.*  
 Tousiours le diable caché sous les fausses couuertures se manifeste lors qu'il contrefait les choses qui sont es personnes, sous lesquelles il a enuie de tromper. Toutesfois si quelqu'un s'opose au contraire, & qu'il die: comment est-ce que ces choses que les deuins predictent auient? ou comment peuent-ils donner remede aux malades, ou enuoyer les maladies aux sains, s'il est ainsi qu'ils n'ayent aucune particuliere vertu ou puissance? Nous luy baillerons ceste responce: Que pour ceste raison personne ne les doit croire, si quelquesfois les choses, qu'ils prognostiquent, auient. ou bien s'il semble qu'ils guerissent les malades, ou qu'ils blessent ceux qui sont en bonne santé: pour autant que ces choses sont faites par la permission de Dieu, afin que ceux qui oyent ces choses & les entendent, soyent esprouuez & qu'il aparoisse de quelle foy ou deuotion ils sont enuers Dieu. Comme on lit au Deuteronomie que Moysé *Deuter. 18* selon la parole de Dieu, comanda au peuple qu'il n'eust à croire au prophete ou au sôgeur, encores que le signe ou miracle qu'il auroit predict aint: si ce qu'il dit destourne du vray seruice de Dieu.

*Le grief & abominable abus des prestres exorcistes.*

# CHAP. XXIII.

**D**AVANTAGE il y a des hommes fots, temeraires & audacieux, qui s'appellent gens d'Eglise, mais mondains par trop, à raison de leur orde & sale vie, tels que les demande celuy qui iouë le principal personnage en ceste farce, qui estans appelez pour guerir ceux que lon pense estre enforcelez ou demoniaques, par leurs exorcismes acoustumez & par la formule de certaines ceremonies obseruees, acourent pour guerir la maladie ou pour chasser le diable, lequel quelquesfois se retire de sa propre volonté, au moyen de leurs execrables blasphemies: & se iouë ainsi pour tousiours



*Supersti- tieuse gue- rison des enforcelez.* establiſſir & confermer l'impieré. Ce ſera bien fait de mettre ces exorcistes au nombre des enchanteurs & ſorciers. Mais afin que lon puiſſe conoiſtre, comme on fait le lion par les ongles, leurs impoſtures, i'en deſcou- uriray icy quelques vnes qu'ils obſeruent. Apres qu'ils ont fait confeſſer celuy qui doit eſtre coniuré, ils ſont chercher diligemment par toute la maiſon, dedans les liets, & dedas les couſſins & oreillers & deſſous le ſueil, de la porte, s'il y a point quelque matiere de ſort ou charmes, laquelle doit eſtre auſſi toſt bruſlee. Certainement ceſte ſuperſtition n'eſt point venue des Apo- ſtres, ni de la primitiue Eglise: car ſi par les exorcismes les ſorcelleries du diable ſont entieremēt gueries, pour quoy ces choſes de peu de valeur cachees aux anglets de la maiſon, ou enfouies deſſous terre, aurōt elles pou- uoir d'empêcher, puis qu'elles ne touchent aucune- ment le corps, & ne ſont aucun mal par leurs vapeurs? Cela fait, l'enforcellé tient vne chandelle en la main, & s'agenouille en terre: on luy jette de l'eau benite, & luy attache-on vne eſtolle à l'entour du col, & outre les oraiſons, on recite les Letanies vulgaires, adiouſtāt à l'inuocation des ſaincts ces mots: Prie pour luy, ou, Priez, & luy ſoyez ſecourable: Deliure-le Seigneur. Puis au lieu d'oraïſon ils vſent d'exorcismes, leſquels ſont continuez pour le moins trois fois la ſepmaine, à celle fin qu'en multipliant les interceſſions, la grace de la ſanté ſoit obtenue. Les theologiens auteurs du Mail- let des ſorcieres preſcriuent ceſte forme d'exorcismes, contre l'euidente doctrine de Chriſt, qui dit, Venez à moy tous qui trauallez & eſtes chargez & ie vous ſou- lageray. Ie ſuis la voye, la verité & la vie. Tout ce que vous demanderez en mon nom à mon Pere, il le vous donnera. Item, quand vous priez ne ſoyez grand par- leurs, comme les Ethniques, qui penſent par leur babil eſtre exaucez, ne ſoyez dōc faits ſemblables à iceux: car voſtre Pere conoit ce dont vous auez affaire, auant que luy demandiez. Ie ne diray pas dauantage de ces ama- douemens de ceremonies, ſinon qu'ils ont quelque a- parence de pieté, mais pour autāt que ce ſont maſques elles n'empêchent point les aſſauts des meſchans e- ſprits: au contraire elles donnēt quelquefois ouuerture à plu-

*Abus des exorcismes*

2. de la 2.

partie q. 3.

chap. 5.

Matth. 11.

Icā 14. 16.

Matth. 6.

Matth. 11.

Icā 14. 16.

Matth. 6.

*ceremonies vaines ſign re des cho- ſes.*



à plus grande impiété. Ta parole est la lanterne de mes pieds, dit le Psalmiste, & la lumière à mes sentiers. Ceste lumière a vne merueilleuse vertu de chasser les puiffances de tenebres, qui la hayssent & fuyent viftement. Celuy qui a esté si hardi que de tenter Iesus Christ, ne craint point vn asperges d'eau benite. Mais il redoute ceux qui sôt vestus de robes lauees au sâg de l'Agneau.

A v resté, l'exorciseur pourra quelquesfois proceder outre l'ordre, & ce par oraisons: & s'il peut bien lire les escritures (ces theologiens parlent en ceste façon, dont il appert que l'exorciseur ne sait pas lire quelquesfois, & moins encores entédre ce qu'il lit) qu'il lise les quatre premiers Euangiles des quatre Euangelistes: Item l'Euangile *Missus est Angelus*, & la passion du Seigneur, toutes lesquelles choses ont vne grande vertu à chasser les œuvres du diable. Qu'il lise aussi l'Euangile S. Iean, *In principio erat verbum*, qu'il la face escrire & pendre au col de l'enforcellé, & que par ce moyen il attende la grace de santé. Voila leurs paroles.

Nous pourrions refuter plusieurs de ces choses par les tesmoignages de l'Ecriture, comme si l'exorciseur n'entend pas ce qu'il dit, & que seulement la langue parle, comment pourra-il veritablement prononcer Amen? Voyez saint Paul en la premiere epistre des Corinthiens, 14. chapitre: car ie desire estre bref.

JEAN l'Anglois dit auoir recueilli de Constantin, Gautier, Bernard & Gilbert, vne recepte pour guerir les epileptiques, lunatiques ou demoniaques: c'est que le malade & ses plus prochains parens apres auoir iusné trois iours, viennent au temple vn iour de vèdredi des quatre temps: qu'il y oye la messe de ce iour là, du Samedi & du Dimanche suiuant. Qu'alors quelque bon prestre (s'il s'en trouue) doit lire sur la teste du patient l'Euangile qu'on lit en Septembre, & en temps de vendanges apres la feste de Sainte croix aux quatre temps, asauoir, Ceste sorte de diables ne peut estre ietee hors que par iusne & oraison, puis il faut deuotement escrire cest Euāgile, le pēdre au col du malade & il sera guerri.

Il me semble que ie puis bien alleguer sur ce passage ce que S. Augustin a escrit sur l'Euangile de S. Iean, *Traité 7.* en ceste maniere: Les esprits malins se forgent à eux-



mesmes des ombres d'honneur, afin que par ce moyen ils deçoyuēt ceux qui suyuent Iesus Christ: tellement, mes freres, que ceux qui seduissent: par liaisōs, par prieres, par machinations de l'ennemy, ont acoustumē de meller le nō de Christ parmy leurs enchantemens. Car ils ne peuuent pas seduire les Chrestiens en baillāt du venin, si ce n'est en y mellant du miel, afin que l'amer soit cachē dessous ce qui est doux, & que par ce moyen il soit pris en bruuage: si bien qu'il me souuient auoir conu vn prestre de ce rang, lequel auoit acoustumē de dire: Cestuy est Chrestien desguisē, parlant de ceux qui se laissoient ainsi seduire. Pour quelle raison est-ce, mes freres, sinon que les Chrestiens ne peuuēt estre seduicts autrement? Ne cherchez donc point Christ ailleurs que là où il a voulu estre presché: & en la maniere qu'il a voulu estre presché, tenez-le, & l'escriuez aussi en vos cueurs. C'est vn rempar cōtre tout assaut & embusche de l'ennemy. Ne craignez point. Il ne tente point si ce n'est qu'il luy soit permis, ou qu'il soit enuoyē. Il est en uoyē comme estant mauuais, par vne puissance qui le maistrise. Il luy est permis quand il demande quelque chose. Et cela se fait, mes freres, nō pour autre cause sinon à fin que les iustes soyent essayez, & esprouuez, & que les iniustes soyent punis. Que craignez vous doncques? Allez au Seigneur vostre Dieu, & soyez certains que vous n'endurerez point ce qu'il ne veut pas que vous enduriez & ce qu'il veut que vous enduriez est vn fouēt de correction, non vne peine de damnation. Nous sommes endoctrinez pour aller à l'heritage celeste, desdaignōs nous donc d'estre fouëttez? Voila ce que dit S. Augustin. Escoutōs à ce propos le docte auis de Iean de Saltzbery au 2. liu. du Polycrat. ch. 27. Les malins esprits sont si frauduleux, qu'ils font semblant de ne se mesler ou mesmes de faire par cōtrainte ce qu'ils executent alaigrement, & qu'ils aprennēt aux hommes de faire & executer. Ils veulēt qu'on estime que la vertu des exorcismes les a contrains & attirez: & afin qu'on s'en donne moins de garde, eux mesmes cōposent des exorcismes au nom de Dieu, de la S. Trinité, de la vertu de la conception & incarnatiō de Iesus Christ: & baillent tels exorcismes aux hommes, obeissent à ceux qui s'en seruent,



seruent, tant qu'en fin ils les ayent enuelopez auec eux en mesme crime de sacrilege & damnation. Car par fois ils se transforment en anges de lumiere, commandans les choses honnestes, defendans les illicites. Ils se monstrét procureurs de chasteté, conseillent ce qui est vtile: afin de s'insinuer plus aisément comme bons & propices, item pour estre plus doucement escoutez, aimez plus estroitement, & qu'on ne leur refuse rien puis apres. Aussi prennent-ils la forme & figure de gens venerables, afin qu'on les reuere dauantage, & plus promptement.

DE QVOY seruira d'ocques ce recit d'Euangile pour *Il faut vser* chasser le diable, ou pour réuerfer ses œuures, puis qu'el *de paroles* les n'ont pas esté instituees pour cest effect, ou qu'elles *commodes* n'y accordent aucunement? Lors que Iesus Christ & ses *au fait pour* disciples, & les autres saincts personnages, chassoyent *chasser Sa-* les diables, ils vsoyent de paroles commodes & propres *tan.*

à tel effect, & respondoient, comme on dit, categoriquement. Car si en la simple prononciation des paroles mal accommodees au fait, la vertu desirée est aparüe quelques Iuifs exorciseurs n'en eussent pas fait moins, mais plustost dauantage, lors qu'ils essayoyent de chasser les malins esprits, en inuoquant dessus les demoniaques, le nō de nostre Seigneur Iesus, & disans, Nous vous coniurons au nom de Iesus que Paul annonce. Or estoient ils sept des enfans de Sceue Iuif, prince des *Act. 19.* sacrificateurs, qui faisoient ces cōiurations. Et toutes-fois l'esprit malin respondāt leur dit: Je conois Iesus, ie say qui est Paul, mais vous autres qui estes vous? Et l'hōme auquel estoit le mauuais esprit se iettant sur eux, & estant maistre d'eux, vsa de force contre eux, en sorte qu'ils s'enfuirēt nuds & blesez de ceste maison. Et cela vint à la conoissance de tous les Iuifs & Grecs, qui habitoyēt en ephese, dont crainte les saisit tous & le nom du seigneur Iesus estoit magnifié, & plusieurs de ceux qui auoyent creu venoyēt confessans & declarans leurs mesfaits. Et plusieurs aussi de ceux qui s'estoyent exercez en choses curieuses aporтерent leurs liures, & les bruslerent deuant tous, contans le prix desquels ils trouuerent cinquante mille pieces d'argent.

L'OFFICE des exorcistes & la coniuration des



espris malins possédâs quelques hommes, selon que cela est pratiqué à S. Pierre à Rome, ont esté imprimez à Rome, puis en Auignon l'an mil cinq cens quinze: où entre diuerfes oraisons & exorcismes fort ridicules, y a vne priere qui propose à Iesus Christ l'anatomie du corps humain, comme s'il ignoroit quelle partie il faut guerir. Ceste priere est telle: Seigneur Iesus Christ ie te prie que tu tires toutes langueurs de tous les membres de cest homme: de la teste, des cheueux, du cerueau, du front, des yeux, des oreilles, des narines, de la bouche, de la langue, des dents, du palais, du gosier, du col, du dos, de la poitrine, des mammelles, du cœur, de l'estomach, des flancs, de la chair, du sang, des os, des iambes, des pieds, des doigts, du taló, de la mouëlle, des nerfs, de la peau, de toutes les iointures de ses membres, &c.

*Histoires memorables de quelques exorcistes.*

#### CHAP. XXIIII.



n'ay pas voulu obmettre en ce discours vne histoire rare, mais memorable, touchant vn exorciseur, du nombre de ceux qui pensent qu'a eux seuls appartient l'office de chasser les diables par exorcismes. Il y auoit vn certain Curé au village de Durvveiss pres risvveiler, lequel promettoit asseurement & se vantoit que par ses exorcismes il deuoit deliurer vne ieune fille, nommee Helaine, qui estoit demoniaque, & demeueroit à Loen village situé pres Aldenhou en la Duché de Iuliers. De fait il apella, pour rendre le spectacle de ce miracle plus solennel, quelques prestres ses voisins, l'vn desquels curé de Biecht, nommé Jean Vvindel, qui assista à tout, me l'a raconté & escrit tout au long à ma requeste. Or ainsi que cest exorciste, par plusieurs coniuurations eust en vain remonstré & suadé au diable qu'il sortist, le diable luy respondit en fin, qu'il demeureroit, pourautant que plusieurs de ses compagnons le confermoyêt & l'asseuroyent: qu'ils estoyêt tous assemblez à l'entour des vitres par lesquelles la lumiere estoit donnée au lieu, auquel ils estoyent, Ce pauvre curé se con-

fiant



fiant en l'auteur de mensonges, s'adressa incontinent aux vitres, que le diable luy auoit monstrees, & voyant qu'il y perdoit sa peine, en fin tout indigné commença à parler Latin en ceste matiere, croyant, comme ie pense, que le diable n'entendoit point son langage: Si tu as aucune puissance, dit-il, de passer dedans le sang chrestien, sors hors du corps de ceste fille & entre dedans moy. Le diable incontinent luy respondit en Latin & brusquement: Qu'ay-ie afaire de tenter celuy, dit-il, lequel de tout droit ie dois posseder au dernier iour? Cela fait, Iean Sartor curé de Loen voulant sauoir quel tesmoignage le diable rendroit de la messe, luy demanda en ligue vulgaire, pour quelle raison il contraignoit la fille d'aller au temple, toutesfois & quantes qu'elle entendoit la cloche qui sonnoit pour la messe, si c'estoit que la messe fust bonne ou mauuaise: le diable luy respondit que pour lors il ne pouuoit pas respondre à ceste question, mais qu'il en delibereroit. Cela auint l'an 1559. enuiron le 17. iour d'Aoust.

*Le diable  
respond en  
Latin à  
l'exorciseur.*

Si cest exorciseur eust quelquefois leu dedans la vie de S. François, il eust trouué vn moyen assez facile pour chasser le diable, Car ainsi que quelquesfois sainct François voyoit qu'il perdoit sa peine en coniurant vn, il commença à le menacer qu'il luy enuoyeroit frere Iuniperus nautonnier de Iesus Christ: & si tost que le diable oyoit ce mot il se sauoit vistement.

*Au liure  
des confor-  
mitex fueil  
let 85.*

On lit encores dedans ceste mesme histoire, que S. François contraignoit vn diable par ses exorcismes de faire confessiõ de la verité, laquelle il repeta par quatre fois, touchant la vertu des indulgences de la vierge Marie, lesquelles sont de si grãde efficace pour la peine & la coulpe (comme ils disent) que par le moyen d'icelles toutes choses sont remises en l'Eglise, voire & eust-on tué tout le monde. Ce diable se plaignoit que par la vertu d'icelles toutes les ames leur estoient retirees, sur lesquelles auparauant ils auoyent puissance. Et encores, ô quelle douleur! il disoit qu'il y en auoit plusieurs qui s'enuolloyent hors du purgatoire, lesquelles annõçoýent la grande efficace de ces indulgences. Il confessoit d'auantage, qu'il estoit entré dedans le corps de ceste femme, afin que la vertu de ces indulgences fust conuë: &

*Fueil. 154.*

*135.*



estant interrogué, il confessa derechef qu'il vaudroit beaucoup mieux, que celuy qui n'en fait conte, tirast vn asne par la queue depuis Rauenne iusques à Milan.

Vn moine voulant chasser le diable, fit faire vne procession solennelle, & en cest equipage vint trouuer le demoniaque. Mais Satan se iouât de toute ceste troupe, commença à dire en Latin par la bouche de ce demoniaque: *Popule mi quid feci tibi?* c'est à dire, Mō peuple que t'ay-ie fait?

Il auint l'an mil cinq cens soixante & trois, qu'une belle-mere trouailla tant la fille de son mary nommee Girarde, aagée d'environ douze ans, à force de la tâcher, de la battre, & de la faire iusner, qu'en fin elle en deuint malade du haut mal. Mais vn certain moine nommé Vbinand, de l'ordre des Iacopins, s'efforça de chasser le diable hors de son corps (car il pensoit qu'elle fut demoniaque) en luy mettant contre la bouche le pain de la messe avec vne boite. Ce mesme moine aplicqua des exorcismes à vne vache, & commanda que lon enfouist vn morceau d'une estoille à l'endroit où la vache auoit acoustumé de pasturer. Certainement c'est vne chose esmerueillable que ces esclaves du diable soyent impunément endurez par le Magistrat, lequel refuse audience aux gens de bien, ou à ceux qui poussez d'un bon zele, ne veulent souscrire à quelque forme de confession. En quoy, comme en toutes autres choses, il faut preferer la moderation & iugement de mōsieur Theodore Cron cōsul de Vvesel, personnage digne de louange, du consentement de chacun à raison de sa doctrine, pieté prudence & humanité.

CEL VY qui fait la guerre au diable à Cologne, est nommé Godart de Hagen, beau-pere du conuent des conuerses.

SIMON le musnier, natif de Hesse, ou d'appres de Mayèce, au eugle des yeux du corps & de l'esprit: ayant fait le mestier d'exorciste avec des adiurations estranges, & des tours de finesse fort memorables, tant au pays de Vvestphale qu'es autres circonuoisins, l'espace de quelques annees, finalement il eut proces contre sa femme qu'il accusoit de larcin, & ce en la ville d'Os nabourg où il auoit ia demouré par trois ans, & dont le

Magi-



Magistrat, auerti de ses ruses, estoit deliberé le chasser. Le neuueme iour de Feurier, l'an mil cinq cens soix âte quatre, sur le soir, la femme l'exhorta de monter au grenier de la maison pour cercher ensemble leur argent perdu. Estant monté sur le plancher elle le ietta du haut en bas par vne trappe qui y estoit: puis elle descendit incontinent apres, & d'une hache luy coupa la teste & le bras gauche, qu'elle ietta dans le feu, deliberee d'en faire autât du reste puis apres. Les voisins oyans le bruit & esmeus de la puante odeur de ces membres bruslez, acoururét & entrerét à la foule dans la maison où ils virét cest horrible mesnage. La femme fut emprisonnee, puis tenaillee & mise sur la rouë le 12. iour de Feurier ensuyuant. Considererez ici les iustes iugemens de Dieu.

Il y auoit à Magdebourg vne femme nommee Catherine, qui souloit vsér de certaine coniuration contre son mari quand elle conoissoit qu'il la vouloit batre: & soustenoit que par tel expedient elle s'estoit garantie de plusieurs coups qui autrement l'eussent affolee. L'an mil cinq cens septante trois au mois d'Aoust, comme nous passions par là en grande cōpagnie, pour aller conduire en Prusse la trefillustre duchesse Marie Eleonor, elle nous faisoit ce conte, disant l'auoir appris d'une damoiselle. Les paroles Alemandes de cest exorcisme, trauides en François, portent ce que s'ensuit, Je coniure ton insolence, à ce que ton cœur soit rompu, que ta bouche ne parle point, que ton bras soit mutilé: ainsi m'aide Dieu le Pere, le Fils, & le S. Esprit, Amen. Il faut repeter trois fois les dernieres paroles. Mais voila vne impieté extreme.

*De l'exorcisme & de la messe qui condamne & enuoye en enfer.*

CHAP. XXV.



L faut en passant adiouster ici que certains docteurs ont vn secret formulaire d'exorcisme, fort execrable, qu'ils appellent *Condemnatio ad gehennam*. Ils s'en seruent, quand les esprits (qu'ils apellent) rodent de nuit



par les chambres & es maisons , tourmentans ceux qui y habitent par souspirs & hauts cris , à cause des tourments qu'ils souffroyent en Purgatoire , pour auoir eu du bien mal acquis , ou commis quelques meschantez , ou failli à bié executer quelque charge qui leur auoit esté cômise , ou pour quelque autre telle occasion. Si vn tel esprit ne peut estre contraint par Messes , ou exorcismes cômûs , ou autres imprecations , de s'en aller ou de demeurer coy : alors l'exorciste , apres quelques ceremonies , va fraper du pied sur le tombeau du mort duquel l'esprit reuiet , & dit ces mots , *Vade ad gehennam*, c'est à dire va à la gehenne , & tout soudain l'esprit , obeissant à tel commandement , tombe en enfer où il est condamné pour iamais. De la en auant on n'oït aucun bruit de nuit. Vray est qu'on ne s'aide pas volontiers de ce remede que fort rarement , attendu qu'il y a du danger , & faut qu'au prealable tous autres remedes ayēt esté pratiquez. Il y a vn personnage bien conu demeurant à Coblentz , qui a esté fort exhorté par les moines de permettre qu'on pratiquast cest exorcisme en sa maison.

A ce que dessus appartient la Messe qui condamne & enuoye en enfer , apllée *Seinckmiss* par les prestres Alemans. En celebrant ceste messe , l'esprit qui fait du trouble est soudainement precipité en enfer , sans espoir de remission. Je suis content d'en proposer ici vn exemple que ie say bien , & qui pourra seruir pour faire conoistre semblables accidens. Enuiron l'an mil cinq cens quarante huiet , en vne ville de la Comté de Monts au logis de madame de Vuiss , vn prestre de ma conoissance , lequel est depuis paruenû à plus haute dignité , estât couché en vne certaine chambre , où i'auois aussi mon liēt , quand i'estoye appellé pour le seruice de ceste dame ( de laquelle i'estois pensionnaire ) & dormant fut resueillé de nuit par vn chat qui passa par vne lozange rompue en la verriere , & fit du bruit par la chambre. Au matin ce prestre fit ses plaintes à la dame : assez & trop credule en cest endroit : alleguant que toute nuit dans ceste chambre mal-encontreuse il auoit esté miserablement tourmēté & affligé d'un esprit , & qu'il s'en sentoït encor. Quoy plus ? La pauvre dame estonnee & effrayee,



effrayee, comme il auient aux femmes, de m  de incontinent comme elle auoit    se gouuerner. Le prestre respond incontinent, qu'il faudroit vne Seinckmesse, pour chasser l'esprit en enfer. Cest auis est trouu   bon, & apres que le prestre eust promis d'y satisfaire, il se retira vers ses compagnons. Quelques semaines apres il se represente    la dame, demandant, avec vne impudence & importunit   famili  re    telles gens, le payement de la Seinckmesse : adioustant que pour son regard il ne demandoit rien, ains seulement pour certains poures prestres qui auoyent chant   grand nombre de Seinckmesses, & qu'il falloit payer promptement telles gens qui ne viuoyent d'autre chose. Elle demande combien il faut. Ce bon homme d'eglise afferme l   des sus qu'il falloit dix huit chevalots de Gueldres. La dame qui estoit    Duisbourg, & n'auoit argent en main, prie le Gardien des Cordeliers de les luy prestre, au desceu du prestre, qui ay  t receu l'arg  t en sortant de la maison avec sa proye rencontre d'auanture le beau pere qui venoit disner avec la dame, lequel il salua impudemment, & en tendant la main ou estoit l'argent    descouuert, luy dit, Beaupere, voici ma part, o   est la vostre? Le cordelier resp  d, La derniere fois que i'ay veu cest argent il estoit mien. Sur ce le prestre se retire avec le salaire de sa Seinckmesse, riant sous son bonnet de ce que l'esprit d'enfer luy auoit apport   vne si belle rente : & fit bien parler de soy pour auoir attrapp   si grassie proye. Il me souuient d'auoir quelquefois reproch      la dame sa credulit   & tromperie.

*Histoire memorable de l'esprit d'Orleans.*

CHAP. XXVI.



**I**'A y bien voulu adiouster en cest endroit l'histoire d'un exorcisme controu   & feinct, laquelle est digne d'estre leu  , afin que par la comparaison & semblance, on puisse iuger de toutes autres actions semblables. Ceste histoire est autant vraye, comme certainement ie l'ay conu   & veu   auenir. Car environ



ce temps ie parti de Paris pour aller à Orleans, ayant pris la charge des enfans de Noël Ramard medecin du feu Roy François & de la Royne de Nauarre, asauoir Noël prieur de S. Ladré es faux-bourgs de Paris, & Ieā, avec son nepueu Iean Vernet, lesquels peu de iours apres ie remenay à Paris. Pour lors i'estois fort familier de plusieurs hommes doctes & renommez, principalement de medecins, asauoir de Gerard le Feure de Cahors, de Vital Besumbé, de Ioachin natif de Prouence, de Michel de Villeneuve & autres. De ce mesme tēps le docte Iean Sleidan demouroit avec Iean Sturmius homme de grande doctrine. Et pourautant que Iean Sleidan a escrit au long le discours de ceste tragedie, ie l'ay seulement transcrit de luy, comme il s'en suit.

L'AN mil cinq cens trente quatre, La femme du Preuost de la ville d'Orleans auoit ordonné par son testament, qu'elle seroit enterree sans pompes ou bruit. Car selon la façon de France, quand quelqu'un est mort, les crieurs des trespassez qui sont louez pour ce faire, vont par les carrefours de la ville, & sonnās leurs clochettes appellent le monde: puis nomment le trespasé, & ses tiltres, exhortans de prier pour luy & denonçans l'heure & le lieu où il doit estre inhumé. Quand on vient à le porter en terre, les Mendians y sont ordinairement mandez, & se porte force torches & autre luminaire. Ces mysteres se font à l'enuie: car où il y'a plus magnifique conuoy, là y a plus grande affluence de peuple & plus d'admiration. Mais la femme du Preuost ne voulut riē de toutes ces fanfares. son mari qui luy portoit bonne affection, fit selon sa derniere volonté, & donna six escus aux Cordeliers: au temple desquels elle estoit enterree, aupres de son pere & pere-grand. Ce don ne les contenta pas gueres, comme beaucoup, moindre que la proye ia par espoir d'eux deuoree. Depuis ils requierent le Preuost de leur dōner du bois, qu'il faisoit couper & vendre. Ce qu'il leur refusa tout à plat. Ils prindrent cela fort à cœur, ioint qu'il n'estoit gueres en leurs papiers par deuant: & machinerent, pour se venger, de dire que la femme estoit damnee eternellemēt. Les auteurs de la tragedie & maistres de l'œuvre estoient Colimā & Estienne d'Arras, tous deux docteurs  
en



en theologie. Coliman iouoit le personnage d'exorciste, & auoit en main tout l'equipage qui fait besoin en telles affaires. Et voicy comme ils y besongnerent. Ils cacherent vn ieune nouice sur la voute du tēple, qui lors qu'ils disoyent matines à minuiēt, fit grand tintamarre. On le coniuire: mais il ne dit mot. Commandemēt luy est fait de declarer s'il est esprit muet: de rechef il se tempeste, & fait grand bruit. C'estoit le signe. Ceste entree faite, ils s'adresserēt à quelques citoyens d'aparēce, qui leur portoyent faueur, & leur raporterent qu'il estoit auenu vn piteux cas en leur conuent, sans leur rien declarer. Il les priēt de se trouuer à leurs matines. Ce qu'ils font: & comme ces matines se cōmençoÿēt, l'esprit commença à rabalter d'enhaut. On l'interrogue qu'il veut, & qui il est. Il fait signe qu'il ne luy estoit permis de parler. On luy commande donques de respondre par signes aux demandes. Or il y auoit vn peruis où il mettoit l'oreille, pour entendre la voix de l'exorciste qui faisoit les coniurations. Puis il auoit vn aïx en sa main, qu'il fraploit estant interrogué: de sorte que on le pouuoit ouïr d'embas. Premièrement on luy demande s'il n'est point de ceux qui sont là enterrez, & les noms de plusieurs recitez par ordre, qui estoient là inhumez, finalement on vient à la femme du Preuost, Là il donna signe qu'il estoit son esprit. Interrogué s'il estoit dāné, & pour quel demerite: si c'estoit pour auarice ou paillardise, ou orgueil, ou charité non exercee, ou pour la nouuelle heresie de Luther: dauantage que c'est qu'il veut dire par ce tintamarre: si c'est que son corps soit deterré, & transporté hors de terre sainte. A toutes ces demandes il respond comme on luy auoit aprins, par signes negatifs ou affirmatifs, selon qu'il fraploit son petit aïx deux ou trois fois. Entendu donques que la cause de sa dānation estoit Lutherienne, & que il signifioit que le corps fut deterré: les Cordeliers requierent les citoyens, qu'ils auoyent fait venir, de tesmoigner des choses qu'ils auoyent veues, & de souffigner aux actes faits les iours precedens. Ce qu'ils refuserent apres auoir pris conseil, craignans d'ofenser le Preuost, ou d'en auoir facherie. Les Cordeliers nonobstant transportent leur hostie (qu'ils apellent le *corpue*



*Domini*) avec toutes les reliques de saints en autre lieu, où ils chantoient leurs Messes : ce qui se fait selon les Canons des Papes, quand quelque lieu est prophané & se doit reconcilier : car il y en a quelques chapitres en leurs liures. L'Official auerty de ce fait se transporta sur le lieu avec quelques honnestes gens, pour s'informer plus certainement du fait, & commanda les adiurations estre faites en sa presence. Quant & quât il requit quelques vns estre deputez pour monter sur la voute, & voir si quelque esprit leur aparoiistroit. A cela Estienne d'Arras repugnoit fort & ferme, & disoit pour ses raisons, qu'il ne falloit troubler l'esprit. Et combien que l'Official insistast viuement, pour faire faire les exorcismes & adiurations, toutesfois il n'en peut estre le maistre. Cependant, le preuost apres auoir admonesté les autres iuges du lieu de ce qui estoit à faire, alla par deuers le Roy, & luy conta le fait. Et pource que les Cordeliers s'armoyent de leurs priuileges & immunitez, pour entrer en connoissance de cause, le Roy donna la commission à certains Conseilliers du parlement de Paris, pour iuger la cause sans opposition ou apellation quelconque. Antoine du Prat Chancelier & Legat du Pape par tout le royaume de France, fit le pareil. Parquoy les Cordeliers ne pouuans plus reculer, ni tendre afin de non respondre, furent menez à Paris : mais il ne fut possible de rien tirer d'eux. On les auoit separez en diuers lieux, pour en faire bonne garde : & le nouice estoit au logis du cōseiller Fumee. Iceuluy estant souuent interrogué, ne vouloit rien confesser, craignant qu'apres les Cordeliers ne le tuassent, s'il auoit difamé l'ordre. Mais apres que les Iuges l'eurent asseure qu'il n'auroit nul mal, & ne rentreroit iamais en leur suiettion, il leur deschifra toute leur menee : & estant depuis cōfronté deuant les autres, ne varia nullement. Se voyans conuaincus & comme pris sur le fait, toutesfois ils reusoient les Iuges, & s'armoyent de leurs priuileges. Mais cela ne leur seruit de rien : car ils furent condamnés d'estre remenez à Orleans, & mis en prison : puis estre menez deuant la grande Eglise, & de là en la place où on execute les malfaiçteurs, pour là confesser publiquement leur meschanceté. l'ay souuenance que de  
là en



là en auant on disoit en commun prouerbe, lors qu'on contoit quelque fable, que c'estoit l'esprit d'Orleans.

*Histoires semblables à la precedente, auenues en Suisse, en Italie, en Escosse & en Flandres: Item, que le diable est exorciste.*

CHAP. XXVII.



R'dautant que George Buchanan, le plus docte poëte Latin de nostre tēps, décrit en son poëme Latin intitulé *Franciscanus*, c'est à dire le Cordelier, la precédete tragœdie, & autres semblables assez conues iouees à Berne & à Sienne: & y adiouste vne elegâte description de l'entreprise d'un certain moine d'Escosse, pour remettre sus le Purgatoire: i'estime que cela ne conuiendra pas mal en cest endroit-ci. Ainsi donc il introduit vn vieil cordelier haranguant en presence des autres, & disant entre plusieurs discours celuy qui s'ensuit, traduit du Latin au moins mal qu'il a esté possible.

*De nos predecesseurs la riche inuention,*

*Faisans acroire aux fols de mainte nation*

*Que les ames des morts de nuit apparoiſſoyent,*

*Qu'aucques l'eau benite & charmes ils chassoyent:*

*Est allée à neant, lors que les bons esprits*

*Ont descouuert l'erreur duquel ont esté pris*

*Les pauures anciens: & ne reçoient chose*

*Qui n'ait au texte sainct sa serme prouue en cloſe:*

*Quoy que toute Sorbonne en tiltres & en seaux*

*Iure & maintienne sainct tous ces songes nouueaux.*

*Las! ceste inuention du bon temps, fut si forte,*

*Que du plus chaste liēt elle faisoit la porte.*

*Le vœil des testateurs soudainement changeoit.*

*En terre saincte, à Rome, vn nias voyageoit,*

*Laiſſant son liēt en garde au vilain adultere*

*Qui tandis s'en ſauoit: mais alors qu'au contraire*

*Vn riche ne fendoit cent messes en mourant,*

*Où à ses heritiers laiſſoit le demeurant*

*De ses biens, sans auoir ſoin de nostre cuiſine,*

*Nos peres n'enduroient vn oubli tant indigne.*

*Ce deſpit fit armer les freres genereux*



*Cordeliers  
d'Orleans.*

*A Orleans sur Loire, ou si par l'œil soigneux  
De tant de surveillans leur adresse peu caute  
N'eust monstré deuant tous la fraude leuse faute:  
Nous serions maintenant en honneur & credit.  
Nous nous nuisons souuent. Vn ordre contredit,  
Ou s'arme contre l'autre, à son propre dommage.*

*Iacopins  
de Berne.*

*Les Iacopins de Berne, avec grand auantage  
Auoyent desia forgé vn saint François nouveau:  
Les mains & pieds, flétris & perçez sous la peau  
Paroissoyent à tous si desiries l'enuie,  
Ne pouuant supporter des Iacopins la vie,  
N'eust descouvert la fourbe, au danger & mespris  
De tous ceux qui auoyent ce mensonge entrepris.  
Ceux d'Itale plus fins ont à Siens les playes  
De sainte Catherine, & les maintiennent vrages.  
Et ces songes plaisans ils suent eschanger,  
Tant adextres ils font, à l'or de l'estrange.*

*Toutesfois en ce temps, par esprit temeraire,  
Des miracles ne faut en tous lieux contrefaire:  
Ains entre montagnards & quelques fots bergers,  
Encores y a-il, par fois, de grands dangers:  
Veu mesmes que sagesse à present se retire  
Es forests, & y veut les idiots instruire.  
Qui eust dit qu'en Escosse: en vn pays si froid,  
On eust trouué des gens qui d'œil & cuer adroit  
Eussent peu descouurir quelque deuote seinte  
Langius Cordelier, qui porte l'ame seinte?  
De ruses à milliers, pour dextrement piper  
Les vieilles q' en ses rets il sait bien attraper:  
Ayant vn creux obscur avec vne nuit sombre,  
A son dessein ne pui toutes fois donner ombre.*

*En Escosse il y a vn champ fort spacieux:  
Sterile de tous fruits, qui ne presente aux yeux  
Que du fable couuert d'vne seche bruiere,  
Moutons & beufs paissans n'y aparoisent guere,  
Brief c'est vn vray desert. Là sous des rochers creux  
En des cailloux noirs sont enclos certains feux,  
Qui souuent allument par veines ensoufrees  
Iettent à gros bouillons des fumeuses nuees.  
De terre on void monter vne noire vapeur.  
La flamme retenue en l'obsure epaisseur*



Des cachots souterrains, bruit, tournoye & s'efforce  
 A trouuer vn pertuis, & de toute sa force  
 S'agite tellement qu'elle perce en maints lieux  
 Le champ, & creux nouueaux fait conoître à nos yeux.  
 C'est en somme vn endroi puant & solitaire.  
 Là mainie & maintesfois, Langius, ce bon frere,  
 Auoit ony (du moins il le d'soit ainsi)  
 Des ames en tourmens demandantes merci,  
 Des diables hurlans qu'il voyoit sur la plaine  
 De leur quenê trater des rayes sur l'araine  
 Et souuent luy sembloit, venant illec à iun  
 Des marmites d'enfer qu'il humoit le parfum.

Ayant du peuple sot abruué les oreilles  
 Par le menteur raport de si grandes merueilles,  
 Ce moine se prepare afin d'exortiser.  
 Premier vn cerne rond on luy void deuifer,  
 Et des cernes petits au grand il fait enclorre.  
 Au beau milieu d'iceux lon plante droit encore  
 Vn gros pieu, pres duquel estoit mis vn vaisseau  
 Rempli d'une salee & exorcisee eau.  
 Tout si bien agencé, Langius le bon pere  
 V'estu d'habits sacrez, dont chascun le reuer,  
 Arrouse tout ce cerne & dedans & dehors  
 De l'eau benite avec son asperges retors,  
 Barbotte hastiuement mots mystiques, terribles:  
 Adiure ciel & terre, & les enfers horribles.

Ia paroissoit la nuict du mystere entrepris,  
 Et du pays voisin le peuple auoit ia pris  
 Sa place, afin de voir ceste estrange nouuelle.  
 Mais Langius craignant quelque cil ou quelque oreille  
 Qui descouurist son fait, commande à haute voix  
 Que tous laics loin du pieu se tirent ceste fois,  
 Et quiconque ce iour n'a de parole expresse  
 Pour tous pechez passex fait au prestre confesse:  
 De peur que les esprits refusent d'aprocher  
 Des laics qui ne sont rien autre chose que chair:  
 Et que quelque diable à iun & cerchant proye,  
 Ne se rue sur ceux qu'il trouuera par voye:  
 Des griffes deschirant, despecant, denorant  
 De ces malauisex le pauvre corps mourant.

Tandis vn villag cois vers ce pieu lon ameina



Ainsi qu'en sacrifice. Or quoy qu'on le pourmeine,  
 Et marche iusqu'au lieu sachant tout le complot.  
 Neantmoins tout esmeu il ne sonne vn seul mot,  
 Non plus que s'il falloit sortir de quelque gouffre,  
 Ou qu'il vist Cerberus plain de feu, plain de soulfre,  
 Les ames empoigner & froisser en ses dens:  
 Soit qu'il se donnast peur des ses plus ieunes ans,  
 Quand vne fable rend des enfans plus faschez  
 Par ridicule peur tous les pleurs estanchez:  
 Soit que le lieu couuert de brouillatz & fumee,  
 A l'enfer ressemblant eust son ame troublee.  
 Le reste de ce ieu se fait secrettement:  
 Le peuple, chasse loin, l'ignore entierement.  
 Cependant lon oyoit de terribles complaints.  
 Aux diables vne voix faisoit menaces maintes:  
 Mesloit vne priere & sans qu'aucun parlast  
 La responce on oyoit. Langius se debat,  
 Leue les yeux au ciel, les baisse contre terre,  
 Et à son estomach de son poing fait la guerre.  
 D'eau benite poursuit tout le temple arrouser:  
 Tant que le point du iour venoit pour auiser  
 Les esprits lors errans de faire la retraite,  
 Et chacun se serrer en sa vieille cachette.

De ce temple au sortir Langius à l'instant  
 Ce qu'il faut dire & taire au peuple va contant.  
 Il décrit les tourmens, les ennus, les miseres  
 Que souffrent dans le feu les ames solitaires.  
 La contenance il paint de ces pauvres esprits,  
 Et de quelle chaleur purgatoire est espris  
 Combien d'ames on met bouillir dans les marmittes,  
 Et combien d'autres sont en longues broches cuites.  
 En quel nombre on les met es torrens tous glacez:  
 Combien de messes faut à tous ces trespassez,  
 Afin de soulager leur douloureuse peine.  
 Il disoit ceste chose estre seure & certaine,  
 Comme s'il eust vesu es enfer, cinquante ans.  
 Aussi n'auoit il pas faute de sols croyans:  
 Si que l'opinion du feu de purgatoire  
 (En despit de Luther) ià reconnoit sa gloire,  
 Et de present encor se verroit en vigueur,  
 Si ce sot villageois, son trouble de la peur,



*Ou ytre, ou corrompu d'argent, n'eust dit la fable*

*Et les afrontemens du cagot execrable.*

*Deslors tout cest espoir d'attirer de l'argent*

*S'esuanouit en l'air, & l'Escoissoise gent*

*Au lieu de purgatoire & de mainte autre sainte,*

*S'esfraye aux beaux rayons de la verité sainte.*

APRES ce discours, le beau-pere; qui fait la harangue, conseille les cordeliers d'estre bien auisez de là en auant, & ne dire qu'on ait eu des songes ou veu des esprits, sinon en quelques quartiers fort eslongnez, & d'où personne ne soit reuenue pour les conuaincre de mensonge.

Ce que raconte erasme est assez conforme à l'inuen- Lin. 22. de  
tion du moine d'escoffe. Vn certain curé de village a- ses epist. en  
uoit vne niepce veufue bien fournie d'argent. De nuict la penul.  
il va en la châtre d'icelle enueloppé d'un linceul & con-  
trefait l'esprit, prononçant des paroles ambiguës: car  
il esperoit que la femme appelleroit vn exorciste, ou  
qu'elle mesme parleroit. Mais elle plus courageuse,  
pria secrettement vn sien cousin, de venir coucher vne  
nuict en sa chambre. Iceluy pour faire son exorcisme  
préd vn gros baston, boit son saoul de bon vin, afin d'es-  
tre plus asseuré, & se couche. Tost apres suruiét l'esprit  
selon la coustume, gemissant & se lamentant tout bas.  
L'exorciste s'esueille, n'ayant pas du tout cuué son vin,  
& s'approche de l'esprit qui de voix & de contenance  
pensoit luy faire grand peur. Mais l'exorciste respond,  
Si tu es le diable, ie suis sa mere: sur ce il empoigne le  
prestre, le frotte viuement à coups de baston, & l'eult  
tué, s'il n'eust changé de voix & crié, Pardonnez moy,  
ie ne suis pas vn esprit, ie suis messire Iean. La femme  
reconoissant la voix, saute de son liét en bas, & separa  
les combatans, &c.

IL faut rapporter en cest endroit vne autre histoire  
qui conuient à nostre propos, & dont ceux de Cleues  
peuuent bien parler. Vn chirurgien du tresillustre Duc  
de Cleues, nommé Euerard, auoit vne femme assez  
vieille, & vne belle ieune seruante laquelle il des-  
baucha & eut sa compagnie. Or pour pouuoir paillar-  
der plus aisément à l'auenir, la seruâte fit semblant d'e-



estre tourmentee d'un esprit. Euerard continua ses ordures sous tel pretexte assez long temps, en telle sorte que le peuple commença de soupçonner qu'il y auoit de la vilenie au fait de ceste seruante. A raison de ce, Euerard va trouuer le curé de sa parroisse, se plaint du tort qu'on luy fait de le charger d'un tel crime, & le prie de le iustifier en son propre & maintenir les apparitions des esprits: ce qui fut fait. Finalement la seruante par le conseil de ses amis interroga l'esprit, de ce qu'elle auoit à faire pour estre deliuree de ce tourment. Ils luy conseillerent (disoit elle) qu'il falloit iusner deux fois la semaine au pain & à l'eau, ce qu'elle faisoit semblant d'observer en presence de sa maistresse. Elle adioustoit que l'esprit luy auoit enioint d'aller en pelerinage à Aix, acompagnee de deux personnes. Obeissant à cela, elle maintint qu'en tout le chemin l'esprit luy estoit aparue avec un visage ioyeux, luy auoit ouuert les portes de toutes les chapelles rencontrees en chemin: & que le pelerinage accompli il luy auoit fait vne grande reuerence en la remerciât. Mais il y auoit du mystere en cela. Car Euerard estoit l'esprit qui auoit ioué ce rolle, & tandis que lon pensoit que la garce fust allee en pelerinage, elle acoucha d'une fille, qui en son viuant auoit le visage fort passe, à raison dequoy chascun l'appelloit l'Esprit. Auint qu'au mesme temps quelques troupes partirent de Cleues pour aller à la guerre en France: alors Euerard donna ordre à ses affaires, laissa sa femme, & se fourra parmi ces troupes avec sa putain: mais on estime qu'ils sont morts en France, pource que depuis leur depart on n'a eu nouuelle d'eux.

VOYEZ les chapitre vingt, & vingt & vnieme du troisieme liure, ou nous auons parlé des deux prestres, lesquels faisoient semblant d'exorciser un diable qu'ils auoyent contrefait: & d'une femme demoniaque, laquelle fut guerie. Ceste maniere de gens ne faudra pas d'alleguer son privilege de ce que le prince des prestres adiuroit Iesus Christ au nom du Dieu viuant.

*Matth. 27.*

LE diable aussi entend bien la maniere d'exorciser, & a bien osé assaillir Iesus Christ par ce moyen, disant: Iet'adiure au nom de Dieu que tu ne me tourmentes point: mais Iesus Christ par sa puissance commanda

*Marc 5.*

non



non seulement au diable, ains à plusieurs, Sortez hors, *Matt. 8.*  
 allez vous-en. Et incontinent ils furent contraints de *Marc. 5.*  
 luy obeir, tellement qu'Eusebe a fort bien dit en son *Luc. 8.*  
 Panegyrique: Le Sauueur commun de tous a chassé par  
 vne inuisible & Diuine puissance, loin de ses brebis,  
 ainsi qu'un bon pasteur, toutes les puissances rebelles,  
 lesquelles, (comme bestes sauuages volent dedans l'air  
 qui est sur ceste terre habitable) s'insinuoient dedans  
 les ames des humains. Les Apostres & les disciples ont *Actus. 16.*  
 commandé en son nom & en peu de paroles que les  
 diables sortissent: car ils portoyent en leurs bouches la  
 puissance, de toute la nature & le commandement de  
 toute la vertu cachée tant au ciel qu'en la terre.

A Y A N S chassé doncques loin de nous & exterminé  
 tous nos deuins & prognostiqueurs, qui sont les occul-  
 tes princes des magiciens, & tous tels autres compa-  
 gnons de superstitions & vulgaires exorcismes: laissons  
 toutes ces sciences Egyptiennes, funebres secretes de  
 charmes, vaines fureurs, arts abominables, boissons  
 d'amours, propres pour forcer mesmes les dieux, toutes  
 poisons, demoniaques factions, liures Plutoniques &  
 diaboliques, coniurations infernales, & ceremonies  
 diaboliques escrites en parchemin ou en papier, lais-  
 sons toutes ces superstitions & les consacrons au feu & à  
 l'eau, aucôtraire appuions-nous en Dieu, & sinceremēt  
 & simplement remettons toute nostre fiance en Iesus  
 Christ fils de Dieu, par le moyen duquel nous viuons,  
 nous-nous mouuons, & sommes ce que nous sommes.  
 Reste maintenant de proposer le moyen de guerir la  
 sorcelerie.

*Certain moyen pour guerir la sorcelerie.*

CHAP. XXVIII.

**I**L nous faut maintenant prendre tout au-  
 tre moyen que celuy que iusques ici lon  
 a tenu pour coustume inuiolable: lequel  
 moyen soit beaucoup plus conforme à la  
 doctrine de Iesus Christ & des Apostres  
 pour chasser Satan, ou pour guerir ses sorceleries. Pre-



*Ecclef. 38.* mieraement & deuant toute chose, incontinent que l'on s'aperçoit de quelque mal engendré contre l'ordre de nature: il faut auoir recours, selô l'ordonnance de Dieu, à celuy qui estant celebre par doctrine, profession & vsage, entend fort bien les maladies, leurs differences, leurs signes, & leurs causes: c'est asauoir au medecin qui soit de bonne conscience. Car il auient quelquefois de si grands & estranges accidens es maladies, encores qu'ils auiennent par vne force & impetuosité de la nature, que toutesfois les hommes indoctes & qui n'entendent point les choses naturelles, & sont d'une foy chancellante, les rapportent incontinent aux sorcelleries, comme nous voyons auenir es diuerses especes de conuulsions & retiremens de nerfs, en la melancholie, au haut mal, en l'estoufement de l'amary, en la seméce pourrissante, & en plusieurs autres effects des venins &

*Certaine methode de guerir la sorcellerie.* poisons. Mais le medecin prudent & aisé discernera les maladies, & les symptomes ou accidens, & lors que il les aura diligemment considerez, adroustant avec ceste diligente inquisition des choses naturelles, vne reigle & consideration la plus iuste & droite qu'il pourra, s'il void que le mal passe outre les limites de nature, & qu'il s'apperçoie des mouuemens & actions de Satan, lequel est esprit: il renuoyera la charge de toute la guerison au medecin spirituel, asauoir au Ministre de l'Eglise, qui soit homme de bien, de saine doctrine, tenant le mystere de la foy avec pure conscience: qui soit conu estre d'une vie innocente, non adonné au vin, ni suiuet au gain deshoneste, & duquel les gens de bien portent bon tesmoignage. Cependant il sera necessaire se resouuenir qu'il y a plusieurs choses qui ne procedent de la sorcellerie, mais d'une occulte raison & cause naturelle, & qui sont inconues aux medecins. Car comme il y a des choses qui ont vne occulte puissance de bien faire & aider, ainsi y en a-il qui l'ont de mesfaire, lesquelles toutesfois le medecin ne peut pas tousiours conoistre.

TOUTES-FOIS le medecin pourra seruir en ce, que si le malade est de son naturel, ou par maladie, ou par quelque autre maniere, chargé d'humeur melancholique (dedans lequel humeur le diable se mesle volontiers,



tiers, comme estant fort commode à sa tromperie) ou de quelque autre humeur malin, il le pourra bien purger deuement. Pomponatius aussi raconte que les anciens exorciseurs, que lon nomme precātateurs, auoyēt acoustumé, deuant que coniurer, de purger les corps des demoniaques avec les medecines qui ont puissance de tirer l'humeur melancholique. Car communément ces personnes sont tourmentees de doubles maladies, l'vne corporelle procedante de l'humeur melancholique, & l'autre spirituelle, en laquelle cest ennemy iuré du genre humain les trauaille de folie, de tristesse, de crainte, de desplaisir de viure, & de desespoir, dont ils sont tourmentez iour & nuict, & dont il les espoingonne comme de tentations douloureuses & lugubres, ainsi que s'il rongeoit vn foye de quelque nouueau Titie confiné aux enfers. Le Conciliateur dit que il a veu & experimenté qu'apres la purge de cest humeur, les demoniaques ne faisoient plus tant de merueilles comme ils souloyent. c'est en l'explication du probleme qu'il en a proposé. Par ce moyen Galgarand medecin tres-renommé à Mantouë, guerit parfaitement la femme d'vn cousturier, laquelle estoit possedee du diable, & parloit plusieurs langages.

IL y auoit vne fille melancholique à Burg, laquelle apres auoir esté long temps coniuree, confessoit estre possedee de l'esprit de Virgile: ce que lon pensoit plus aisément, pource qu'elle estoit simple fille & fort deuote, & qui auoit tousiours demeuré en la maison, & estoit Tuscanne de nation, s'affectoit à parler le Mantuan, c'est à dire la langue Lombarde, tellement que quelque-fois elle laissoit eschapper quelque mot Latin. Or apres que les coniurateurs y eurent perdu leur temps, le medecin la guerit par la grace de Dieu, ayant premierement vsé, selon que l'art luy commandoit, de medecaments qui purgent la melancholie, & pris de ceux qui ont vertu de fortifier & reconforter. Ainsi doncques apres que lon a purgé le corps, le Ministre de l'Eglise pourra plus facilement vser des moyens pour chasser le malin esprit, comme estans les empeschemens naturels leuez, si bien qu'aisément il entreprendra le reste de la guerison.



Il s'enquerra diligemment de la vie & des meurs de celuy qui sera possédé de l'esprit malin ou enforcélé. Item de sa nourriture en la religion Chrestienne, & es principaux poinets de nostre foy, & de quelle assurance il croit & a creu en Dieu. Estant suffisamment instruit de ces choses, il trouuera le chemin tout frayé pour venir au reste de la guerisō. Car Dieu permet que Satan ait puissance & efficace de tromper sur les meurs corrompus, sur la vie orde & sale, & sur les enfans rebelles, les sens desquels le Dieu de ce monde a tellement offusquez, que la lumiere de l'Euangile de la gloire de Christ, qui est l'image de Dieu, ne les illumine aucunement. Aussi faut-il qu'il y ait vne corespondance des affections, afin qu'il auienne ce qu'on dit en prouerbe, D'un mauuais corbeau, mauuais œuf.

Ephes. 2.

2. Thes. 2.

2. Cor. 4.

QUAND donc le Ministre de l'Eglise aura, par diligente inquisition & artificielle coniecture, conu aucunement la cause de la maladie, il appliquera vn médicament commode: comme si la vie du malade a esté parauant trop dissoluë, il l'admonestera selon les passages de la sainte Escriture, il le corrigera, il le retirera par exemples, il l'exhortera à amendement de vie: & en la fin voyant qu'il se sera reconu, il le remettra au troupeau. Quand il verra vn homme opiniastre, il le pourfuyura & contraindra en temps & lieu, voire à toute heure. Item il reprendra & menacera les opiniastrs du iuste iugement de Dieu. Il releuera & confermera, autant qu'il luy sera possible, les craintifs & desfians, il les assurera de l'ineffable bonté & misericorde incomprehensible de Dieu, dont il y a plusieurs tesmoignages pleins de cōsolation, desquels il s'aidera, & les alleguera en tēps & lieu. S'il en void quelques vns destournez par fausses doctrines, fanatiques opinions & tromperies superstitieuses, & qu'il s'aperçoyue que de là le diable ait pris occasion de les tourmenter, il faudra qu'il destracine ceste yuoye, & qu'au lieu d'icelle il y seme avec toute diligence vne doctrine pure & salubre. Il ne faudra pas qu'il se contente de reciter simplement & selon la lettre l'oraison dominicale, & le symbole de: Apostres ( ce que le plus malicieux peut bien faire ) mais il faut qu'il plante tellement dedans l'esprit la viue parole de



Je de Dieu, que lon s'aperçoieue qu'elle aura esté apprehendee & receüe actuellement & en efficace, & que de là lon voye qu'elle est la puissance de Dieu pour le salut de tous croyans, contre tous les assauts des diables: que lon conoisse aussi que Dieu viuifie, luy qui est Pere éternel, tout-puissant & de grâde misericorde, au nom de son fils, lequel est mort pour noz pechez & resuscité puissamment pour nostre iustification, par la gloire du Pere, apres auoir englouti la mort, vaincu Satan & triomphé de l'enfer. Sainct Iaq. commande que nous prions si quelqu'un d'entre nous est affligé.

*Les moyens par lesquels les demoniaques & enforcelez doyuent estre instruits de l'imposture & impuissance du diable.*

CHAP. XXIX.



L faut aussi qu'ils soyent instruits des oeures & impostures des diables, afin qu'ils conoissent combié il est impuissant & languide, tellement qu'il ne peut rien sans la permission de Dieu: & que Dieu ne luy permet pas toutes choses, mais qu'il luy prescrit des limites outre lesquels il ne peut rien. Il leur faut remonstrer aussi que Iesus Christ estant monté au ciel est assis à la dextre de Dieu, & qu'il a dessous soy les Anges, les puissances & les vertus assuietties: que s'il a esté en son pouuoir de les subiuguer, à plus forte raison a-il vaincu Satan, & l'a tellement reserré, qu'il ne peut rien, s'il ne luy est particulieremēt ottroyé. Et que par ainsi ce que Dieu de sa clemence permet en nous, ne peut estre mal car il a soin de nous: qu'aussi estant Dieu de toute grace il nous restaurera, apres que nous aurons esté vn peu affligez il nous fortifiera & assurera, puis qu'au nom de Iesus Christ nous sommes apelez à l'éternelle gloire. Qui est-ce qui nous pourra nuire, si nous sommes emulateurs des choses bonnes? Car tout ce qui est baillé au fidele, luy tourne en proufit & en bien, selon ce que S. Paul a dit: Toutes choses tournent à bien à ceux qui aiment Dieu. Il faut doncques que nous prions sans fin, afin que la volonté du Pere celeste soit faite en nous.



- Li. 2. ch. 4.* Nous meritions par nos pechez tout ce que nous endurons, ainsi que dit S. Hierosime. Les diables n'ont quelconques vertus contre aucun, dit saint Iean Damascene, si ce n'est que Dieu luy permette par dispence, comme on a veu par l'exemple de Iob & des pourceaux. Incontinent que Dieu leur a permis, ils ont force & se transforment en toute telle figure qu'ils veulent, selon l'image, c'est à dire, selon la phantasie. Saint Gregoire dit aussi: l'esprit malin n'a aucune puissance contre l'homme, sans la permission de Dieu tout puissant: aussi n'a-il peu entrer dedans les pourceaux qu'il ne luy ait esté permis. Saint Chrysostome a dit encores: Le diable tente les hommes, mais ce n'est pas tant qu'il veut: car quant à soy iamais il ne desisteroit de tenter, d'autant qu'il n'a autre affaire. Il ne mange point & ne dort point, & n'a autre besongne que de tenter, de tromper & renuerser. Il ne faut doncques non plus craindre la puissance du diable, que nous craignons l'empeschement que Dieu luy donne, comme saint Ambroise le tesmoigne, escriuant sur saint Luc. Car aussi les malins esprits sont nommez les esprits de Dieu, d'autant qu'ils sont ses captifs, & n'osent toucher, chastier, ni tenter aucun, si ce n'est que Dieu leur permette. Satan ne peut pas blesser l'un des cheueux de Iob, que premierement il n'eust impetré la permission, laquelle luy fut limitée. Il ne faut doncques craindre le diable, mais plustost Dieu qui tient cest ours attaché à des chaines, si bien qu'il ne peut rien sans son expres commandement. Ainsi le Chrestien receura du doigt de Dieu tout ce qui luy auendra d'infortune: car il tient tout en sa main. Et ceux ne meritent pas d'estre nommez Chrestiens, qui imputent les maux auenus, à quelque femme maligne, au diable, & non à la volonté de Dieu. Iob est affligé par le diable, & toutesfois il le prend comme venant de la main de Dieu, disant: le Seigneur l'a donné, le Seigneur l'a osté: il a esté ainsi fait comme il luy a pleu, le nom du Seigneur soit tousiours benit. Il n'a eu aucun esgard à la verge qui le frapoit, ains seulement à la volonté du pere. La verge punit le fils, & toute fois le fils ne dit pas que cela soit venu de la verge, si ce n'est qu'il ne soit encores enfant sans
- Matt. 10.* raison. Mais il dit que c'a esté son pere, qui tient la verge
- en la



en la main, & s'en sert à le chastier. Vn seul poil ne tombe pas de la teste sans sa volonté: car au contraire ils sont tous contez. Il tient la verge & en vse griefuement & longuement, & à l'endroit qu'il veut.

*Comment il faut inciter les demoniaques à patience invincible.*

CHAP. XXX.



**P**OUR ces causes & raisons il nous faut sup- *Toute affli-  
ction doit  
estre portee  
patiemment.*  
porter patiemment toutes les afflictions qui  
auient à nostre chair, soit qu'elles auient  
naturellement, ou contre nature. Au-  
tant nous en faut-il faire, s'il nous auient  
quelque douleur d'esprit, quelque fâcherie, quelque  
tristesse, ou tentation. Il nous faut tousiours représenter,  
comme vn miroir deuant les yeux, l'exemple du tressainct  
Iob, lequel apres auoir esté tourmenté en si diuerses fa-  
çons, & estant oppressé du fardeau de tant de calamitez &  
miseres, comença à louer Dieu (encores que quelque-  
fois n'estant suffisant de les porter, il semble qu'il ait pro-  
noncé des paroles d'impatience) & iajoit qu'il ne fust  
coupable d'aucune mauuaise occasion donnée, si est-ce  
qu'il n'accuse point le diable, & ne se plaint point d'a-  
uoir receu tant & tant de pertes de cestui ci, ou de ce-  
stuy-la: mais il confesse tout luy estre auenu par l'equi-  
table volonté de Dieu: tellement que lors que sa sem-  
me luy reprochoit, disant: Où est maintenant ton Dieu, *Iob 2.*  
auquel tu te fies? il ne se descouragea pas, ains respôdit, *Hebr. 12.*  
tu parles comme vne folle. Si nous auons receu des *Exech. 18.*  
biens de Dieu, pourquoy ne porterons-nous les maux *Pour quelle*  
patiemment? Ainsi nous faut-il en nostre affliction es- *raison Dieu*  
leuer l'esprit & les yeux vers Dieu, & soubmettre dou- *se sert du*  
cement à sa volonté tressainte, tant nous que les choses *ministere*  
qui nous appartiennent: car il ne veut rien finon ce qui *du diable*  
est bon, encores que quelques fois il ne le nous semble *de ses*  
pas. Il chastie ceux qu'il aime, & ne veut point la mort *anges. S.*  
du pecheur, mais plustost qu'il se conuertisse & qu'il *Augustin*  
viue. Il vse du ministere de ses seruiteurs, comme de *Sermō 24.*  
celuy du diable ou de quelqu'autre, afin qu'il nous pu- *du temps.*  
nisse de nos meffaits & incredulitez, & que par ce moyē *Iaq. 1.*



il nous remette à la droite voye de conuerſion. Ou bien le Seigneur noſtre Dieu nous tente en la maniere que nous liſons au trezieme chapitre du Deuteronomie, afin qu'il aparoiſſe ſi nous l'aimons ou non de tout noſtre cœur & de toute noſtre ame. S. Iaques eſcrit,

*Iaq. 2.*

Mes freres, tenez pour vne parfaite ioye quand vous cherrez en diuerſes tentations, ſachans que l'eſpreuue de voſtre foy engendre patience. Mais il faut que la patience ait vne œuvre parfaite, afin que vous ſoyez parfaits & entiers, de ſorte que rien ne vous defaille. Il dit auſſi que l'homme eſt heureux qui ſouffre têtation, d'autant qu'apres qu'il aura eſté eſprouué, il aura la couronne de gloire, laquelle le Seigneur a promiſe à ceux

*1. Pierre 4.*

qui l'auront aimé. De là S. Pierre admoneſte, Bien-aimez ne trouuez point eſtrange quand vous eſtes comme en la fournaiſe pour voſtre eſpreuue, comme ſi quelque choſe eſtrange vous auenoit, ains entant que vous cōmuniquez aux ſoufrances de Chriſt, eſiouiſſiez vous, afin

*2. Timo. 2.*

auſſi qu'à la reuelation de la gloire d'iceluy vous vous eſionyſſiez en vous eſgayant. S. Paul admoneſte Timothee qu'il porte les afflictions cōme bō gédarme de Jeſus

*Iaq. 5.*

Chriſt. Car nul n'eſt couronné que celuy qui a cōbatu legitimemēt S. Iaques admoneſte les fideles diſant: Mes freres, prenez pour exemple d'affliction & de patience les prophetes qui ont parlé au nom du Seigneur. Voila, nous tenons bien-heureux ceux qui ont enduré. Vous auez ouy la patience de Iob, & auez veu la fin du Seigneur, car le Seigneur eſt trefmiſericordieux & pitoyable. Et comme teſmoigne S. Pierre, Il ſait retirer

*2. Pier. 2.*

*Iob. 1. 2.*

les gens de bien hors des tentations. Satan a affligé Iob en tout & par tout (excepté en ſon ame que Dieu a voulu demeurer ſaine & ſauue) voire en ſes biens & en ſes enfans: ce qu'il a fait par la permiſſion que Dieu luy en auoit baillee: mais apres ſa patience inuiolee Dieu luy rendit le tout en trefgrande abondance & avec vſure, la main duquel n'eſt maintenant moins liberale, ains il peut faire encores le meſme, voire infiniment d'auantage. Pourquoi doncques la malice ou la violence des hommes ou du diable nous pourra-elle eſtonner? pourquoi ſommes-nous effrayez quand nous voyons leurs fleſches? leſquelles encores qu'elles ſoyent deſcou-

*Iob 42.*



descocchees contre nous ou fichees en nous, si est-ce que la mort ne s'en ensuyura pas, pourueu que d'une foy constante nous les repoussions & renuoyons au contraire. Il faut resister au diable, & il fuira de nous, il ne luy faut donner aucune place en nous ains luy dire comme a fait Iesus Christ, va arriere de moy Satā. Dieu est fidele, lequel n'endurera point que nous soyons tentez, outre ce que nous pouuons : ains il donnera l'issue avec la tentation, afin que la puissions soustenir. Il conoit ce dont nous auons mestier, voire auant que nous luy demandions. Dauid nous admoneste de ne nous estonner de la crainte nocturne, c'est a sauoir de la tentation cachee: ni de la fleche volante de iour, c'est a dire de la tentation manifeste: ni des troubles nocturnes, c'est a dire des apparitions & espouuantesmens : ni de l'assaut du diable de midy, que S. Paul appelle ange de lumiere, en qui le diable se transfigure.

*Iaq. 4.  
Ephes. 4.  
1. Cor. 10.*

*Pseu. 91.*

*1. Cor. 11.*

Il faudra aussi exciter diligemment les affligez à vne patience inuincible contre les assauts du diable, & à vne constante fiance en Dieu par les exemples de nos anciens Peres : comme par l'exemple de saint Antoine d'Egypte, lequel fut tellement & si cruellement deschiré par les diables, pendant qu'il estoit caché dedans vn tombeau, que son seruiteur le rapporta au logis comme mort : où ayant repris ses esprits, & estant reuenu à foy, il se fit rapporter derechef en cachette dedans le tombeau, estant estendu par terre de la grande douleur qu'il sentoit à cause de ses premieres playes. Il rappella par vne grande constance d'esprit les diables au combat, lesquels sans delayer prindrent les formes & apparences de diuerses bestes, & se iettans dessus saint Antoine, le naurerent à coups de dents, de cornes, & d'ongles, iusques à ce que soudainement vn rayon de la lumiere les eust challez avec les tenebres. Saint Antoine estant gueri entendit bien que Iesus Christ luy assistoit, auquel il dit, où estiez vous bon Iesus, ou estiez vous? pourquoy ne m'avez-vous assisté des le commencement pour guerir mes playes? vne voix luy respondit, Antoine, j'estois ici present: mais j'ay différé à raison de ton combat, lequel il m'a pleu contempler premierement. Et dorenavant ton nom sera renommé par tout le mon-

*Le combat de  
S. Antoine  
d'Egy-  
pte avec les  
diables.*



de, pour autant que tu t'es montré vaillant guerrier. Vincent escrit au liure 14. de son histoire, que ces choses ont esté anotees par Athanase, & traduites du Grec par Euagrius, où on lit choses jestranges de ceste luite & de l'excellente patience de ce S. personnage.

IE ne sache homme qui ait esté plus courageux que Hilarion ( qui viuoit du temps de S. Antoine, & estoit plus ieune ) ne qui ait plus vaillammét mesprisé les impostures des diables : car estant au desert, souvent il luy estoit auis qu'en plain minuiet il oyoit des voix de petis enfâs, des beellemés de brebis, des bœufs mugissans, des femmes qui pleuroyent, des lions rugissans, vn cliquetis d'armes, & des bruits estranges. Or vne fois il resolut de considerer de pres telles illusions, & apres auoir fait le signe de la croix, 'il sort de sa logette au cler de la Lune, & regardant de pres, il aperçoit vn chariot venant à course de cheuaux vers luy : lors ayant inuocé le nom de Iesusde Nazareth, il s'arresta tout court, attendant ce que tout deuiendroit. Surce, toute ceste terrible apparence de chariots fut engloutie en terre

*Antoine* deuant ses yeux. Au reste, combien qu'il fust tourmenté  
*Sabel. liu.* cruellement par le diable, il estoit victorieux lors qu'il  
*10. des exé* prioit, mais incontinent qu'il desistoit si peu que rien, le  
*p'es.* diable le reprenoit par derriere & par les costez, & se moquoit de luy, disant: Bailleras-tu maintenant de l'orge ou de la paille à ton asne qui est las? car Hilarion auoit peu auparauant parlé ainsi à sa chair trop rebelle: Asne, ie te nourriray deormais non pas avec de l'orge, mais avec de la paille, afin que tu ne donnes des ruades.

*Au li. des* Vous pouuez voir ici que saint François n'a pas bien  
*cōformitez* conu la force de l'homme de bien, à supoter toutes les  
*feuille 42.* afflictions du diable. Car nous lisons en sa vie que frere Gilles interroga saint François à sçauoir si le diable estoit si horrible qu'un hōme ne le peust soustenir l'espace d'une patenostre. Saint François respondit que personne ne pourroit soustenir le diable l'espace de la moitié d'une patenostre, qu'il ne mourust incontinent. Raportez en cest endroit le sermon de saint Cyprian, touchant le bien de penitence, là où on lit aussi plusieurs exemples de l'impatience. Item le 4. sermon de Chrysostome.



*L'efficace des prieres communes en la guerison  
de la forcellerie.*

CHAP. XXXI.



L faudra davantage en ceste guerison ai- *Prieres cō-*  
der les malades des prieres communes ti- *munes.*  
rees avec cōfiance du plus profond des en-  
traillies de l'esprit, afin qu'il plaise au pere  
de misericorde augmenter la foy des enfor-  
celez, & ayant chassé le diable qui est leur bourreau,  
les guerir de leurs playes. Cela est commadé disertemēt *Hebr. 13.*  
par l'auteur de l'Epistre aux Hebrieux, disant, ayez sou-  
uenance des prisonniers, comme si vous estiez emprison-  
nez avec eux, & de ceux qui sont tourmentez com-  
me vous-mesmes aussi estans du corps. Priez les vns *1aq. 5.*  
pour les autres, afin que vous soyez gueris, comme dit  
sainct Iaques. Car la priere de l'homme iuste avec effica-  
ce, sert de beaucoup. Elie estoit homme suiect à sembla- *3. Rois 17.*  
bles passions que nous, & il requit en priāt qu'il ne plust  
point, & il ne plut point sur la terre trois ans & six mois.  
Et derechef il pria, & le ciel donna de la pluye, & la ter-  
re produit son fruit. Item, y a-il quelqu'un d'entre vous  
malade? qu'il appelle les anciēs de l'Eglise & qu'ils priēt  
pour luy, & qu'ils l'oignēt d'huile au nom du Seigneur:  
& la priere de foy sauuera le malade, & le Seigneur le  
releuera, & s'il a commis peché, il luy sera pardonné.  
De là s'ensuit qu'il y a grande vertu aux oraisons publi-  
ques de leglise & aux particulieres des fideles de Christ  
acommodees à la chose, dont est maintenant question.  
Iesus Christ impetra par son intercession que la foy de *Luc 22.*  
S. Pierre ne deffailлист point contre les assauts de Satan,  
lequel desiroit de la cribler comme le bled. S. Paul ex- *Ephes. 6.*  
horte soigneusemēt les Ephesiens de veiller avec tou-  
te diligence & priere pour tous les saincts contre les  
astuces & tromperies du diable. Il admoneste aussi Ti-  
mothee qu'auant toutes choses on face requestes, prie- *1. Timo. 2.*  
res, supplications & actions de graces pour tous hom-  
mes. Les Apostres encourent desirer que la foy soit aug-  
mentee en eux au moyen de Iesus Christ. Marie seur  
de Moyse est deliuree de la lepre par la priere de son *Nomb. 12.*



- Math. 17.* freres: ainsi par la priere du pere qui s'agenouilla deuant  
*Mat. 9.* Iesus Christ, & qui dit, Seigneur aye pitié de mon fils  
*Luc 9.* pour autant qu'il est lunatique, & est miserablement  
 affligé, le diable fut tancé & l'enfant fut guery. Cest  
*Math. 15.* homme protestoit qu'il croyoit, & prioit Iesus Christ  
 qu'il luy pleust donner aide à son incredulité. La  
*Marc 7.* femme Grecque Syropheniciene de nation, estant  
 à genoux deuant Iesus Christ, le pria qu'il luy pleust de  
 chasser le diable, par lequel sa fille estoit miserablemēt  
 tourmentee. Ainsi sa fille fut deliuree par sa priere.  
*Judith 8.* Judith se confioit beaucoup en la priere de ses freres  
 quand elle disoit, Priez à celle fin que Dieu fortifie ce  
 que i'ay propose de faire, &c. Ne faites autre chose pour  
*Actes 8.* moy sinon prieres au Seigneur nostre Dieu. S. Pierre  
 S. Iean prient pour les Samaritains, afin qu'ils recoi-  
 uent le saint Esprit.

CHRISOSTOME en la 3. Homelie de l'incom-  
 prehensible nature de Dieu, tesmoigne que les demo-  
 niaques estoient amenez au temple par le Diacre à  
 l'heure qu'on s'assembloit, & que la Cene du Seigneur  
 se celebroit, & leur faisoit on baisser la teile, puis tout  
 le peuple prioit pour eux. Les demoniaques, dit-il, es-  
 toient amenez comme retenus de quelques liens, afin  
 qu'en presence du peuple & de toute la ville, chacun  
 priaist Dieu pour eux, & que tous d'un commun con-  
 sentement priaissent un mesme Dieu & Seigneur pour  
 eux, & le suppliasent à grād cry d'en auoir compassion.  
 Outreplus, Prosper d'Aquitaine recite qu'au temple,  
 tandis qu'on celebroit la Cene du Seigneur, on amena  
 vne fille demoniaque, pour laquelle chacun pria le  
 Seigneur: cela fait, elle participa à la sainte Cene, &  
 fut deliuree. Luy-mesmes au sixieme liure des Predi-  
 ctions & promesses, dit que de son temps vne fille Chre-  
 stienne estant en un bain à Carthage, y regarda d'œil  
 impudique l'image de Venus, à laquelle elle se compa-  
 ra: lors elle fut soudainement possedee du diable, qui la  
 ferra tellement par la gorge, que par l'espace d'environ  
 septante iours & autant de nuits, il luy fut impossible  
 d'analler viande ni breuage. Ses pere & mere n'apper-  
 ceuans aucun soulagement, menent la fille à un mini-  
 stre de l'Eglise, & luy content comment les choses al-  
 loient.



loyét. La fille adiousta, qu'à la minuiét vn oiseau inconnu venoit vers elle & luy fourroit ie ne say quoy en la gorge. Finalement on la mena au temple, ou lon prie Dieu pour elle: & apres qu'on luy eust presente le pain de la Cene du Seigneur, qu'elle eut peine de prendre, à cause du diable qui s'y opposoit, elle fut deliuree.

THEODORE le lecteur, recite au 2.liu. qu'un roy de Perse comanda à vn euesque preschant à des Chrestiens en son royaume, de chasser les diables: à quoy l'euesque obeissant assembla les Chrestiens, fit prieres à Dieu, & les chassa par adiurations. Sozomene au 6.liu. cha.28. dit qu'un certain moine d'egypte, nommé Iean, chassoit les diables par la seule inuocation du nom de Dieu.

Theodoret au 4.li.ch.21. de son histoire ecclesiastique, raconte que du temps de l'empereur Valens, plusieurs moines, entre autres Macaire & Isidore, furēt releguez en vne petite isle où il n'y auoit point de Chrestiens, par la meschanceté d'un nommé Lucius: & qu'estans là par leurs prieres mutuelles ils chasserent le diable hors du corps de la fille du prestre de l'isle, & la rendirēt guerrie à son pere. Le mesme auteur au 5. liu. cha.21. dit que Marcel euesque d'Apamee du temps de Theodose, voulant ruiner le temple de Iupiter adoré en ceste ville-là, chassa le diable qui estaignoit le feu qu'on mettoit au temple, en la sorte que s'ensuit. Il fit apporter de l'eau dās vn petit vaisseau & la mit sur l'autel, puis se prosternant en terre, il pria Dieu de ne laisser passer plus outre ceste tyrannie du diable. La priere paracheuee, il fit le signe de la croix sur l'eau, & commanda au diacre d'en arroser la flamme: quoy fait le diable s'ensuit.

S. Augustin fait aussi mention au 22.liu. de la cité de Dieu, ch.8. qu'un certain Hesperius auoit vn heritage en Afrique, où les diables rodoyét de telle sorte, que ses seruiteurs ni son bestail n'y pouuoient subsister. Ainsi donc estant contraint par ceste calamité domestique, il vint prier les ministres de l'Eglise que l'un d'eux vinst faire illec les prieres. L'un d'entr'eux y alla, fit les prieres d'une tresardente affection, & mesmes y celebra la S.Cene: lors toute ceste tempeste des diables cessa. S. Ambroise dit que la priere est vn seur bouclier, d'autant que par iceluy on repousse tous les dards enflammes du malin.



L'efficace du ieusne à chasser les œuvres du diable.

CHAP. XXXII.



VSSI faudra-il cōmander les iusnes, si da-  
uenture la chair, pour estre trop à son aise,  
est entree en arrogance, & que par ce moyé  
elle ait fait place au diable: afin qu'estant  
retenue en bride par ce frein, elle retourne  
en son rang, Dont Porphyre escrit, que le ieusne & la  
chasteté sont beaucoup à louer: non que par ces deux  
Dieu soit principalement appaisé: mais afin que les dia-  
bles qui prennent plaisir au sang & à vilenie, & qui  
pour en iouir entrent dedans le corps de ceux qui en  
vsent, soyent empeschez & retirez en arriere. Car il y a  
vne certaine espee de diables, qui ne peuvēt estre ict-  
tez hors que par prieres & ieusnes, ain si que dit Iesus  
Christ, lors qu'il reprend ses disciples d'incrudulité, à  
cause de laquelle ils ne les auoyent peu chasser. Elia-  
chim aussi grand prestre du Seigneur parle en ceste fa-  
çon à tout Israël, Sachez que le Seigneur exaucera vos  
prieres, si vous accusant vous perseuererez en ieusnes &  
oraisons en la presence du Seigneur. Raphaël enseigne  
Tobie que la priere & les ieusnes sont choses bonnes.

HECTOR Boèce raconte vne hystoire fort à propos,  
alauoir qu'il y eut vn beau ieune fils demeurant en vn  
village du pais de Gareoth, distant de sept lieues d'A-  
berdon, lequel en public & en la presence de l'Euesque  
d'Aberdon se compleignoît qu'il y auoit desia plusieurs  
mois qu'il estoit trauaillé par vn diable succube, lequel  
estoit d'une face la plus belle qu'il eust iamais veüe, &  
entroit de nuict en sa chambre les portes estās fermées.  
Il declara qu'il le caressoit & couchoit avec luy, &  
que quand le matin venoit, lors que le iour ne faisoit  
que commencer à poindre, il se retiroit sans faire aucun  
bruit. Il dit dauantage qu'onques il n'auoit peu se de-  
pestre de ceste orde & vilaine folie, encores qu'il s'en  
fust mis en peine, & l'eust essayé par tous moyens. L'E-  
uesque sage & bien auisé, commanda à ce ieune fils qu'il  
se retirast ailleurs qu'en la maison où il demouroit,  
& qu'ils s'accommodast, selon la religion Chrestienne, à  
ieusner & prier plus que de coustume, & zele plus  
ardent

*Matt. 17.*

*Marc 9.*

*Luc 9.*

*Isa. 4.*

*Tobie 12.*

*Livre 8. de  
l'hystoire  
d'Esosse.*



ardent: qu'il esperoit que par ce moyen se rendant attentif à bonnes œuvres & à pieté, le diable le laisseroit & s'enfueroit. De fait l'heureux succez ensuyuit incontinent ce saint & salubre conseil, car le ieune fils, l'ayant executé religieusement, fut peu de iours apres du tout deliuré de ces folles conceptions. Aussi nous lisons en la vie de saint Bernard, que la femme de Nauet fut deliurée du diable apres qu'elle se fust confessée, & qu'elle eust communiqué au sacrement, ce qui a acoustumé d'estre acompagné de ieunes & de prieres.

L'ALLEGVFRAY en cest endroit & transcriray d'Arhanase & Cyprian, la vertu & la louange du ieusne, comme d'un contrepoison trespuissant, laquelle doit estre mise au deuant des yeux d'un chacun, principalement en ce temps tant dissolu, vlcéré, & suiet aux maladies du corps & de l'ame, & principalement aux assauts du diable, le ieusne guerit les maladies, il desseiche les distillations, il chasse les diables & les mauuaises pensees. Il rend l'esprit plus net, le cœur plus pur, le corps plus sain, & arreste l'homme au trosne de Dieu. Item: Quiconque est trauaillé de l'esprit immonde, il se doit asseurer que par ce medicament, asauoir par le ieusne, les esprits malins qui l'affigēt s'ensuyront come craignans la vertu du ieusne: car les diables se delectent fort en gourmandise & en l'oisiuete du corps. Cyprian au traité du ieusne & des tentations de Iesus Christ: Le ieusne estant conduit par discretion, domte toute rebellion de la chair, il despouille & desarme toute tyrannie de la gueule. Le ieusne enclot & garrote en un cep les mouuemens extraordinaires, il lie & restraint les appetis desuoyez. Le ieusne orné d'humilite rend les seruiteurs de Dieu contēpteurs du monde, le ieusne rend les chairs sans leuain, il les nettoye & affermit, il desseiche & consomme les pourritures qui procedent de la gresse. Le ieusne se repaist des delices des Escritures: il se raffermist de contemplation: il s'appuye en grace, & se nourrit du celeste pain. L'interpretation des songes est reuelee à Daniel par le moyen du ieusne, & par ce mesme moyen de ieusne, les trois ieunes hommes sortent de la flamme Babylonique sans auoir mal. Moyse demeure l'espace de quarante iours en la montaigne, perseuerant avec le Sei-



gneur, & ainsi il merite de parler familièrement avec Dieu, & d'auoir le ministère de la Loy. Elie demeure aussi au desert & s'abstient par autant de iours. La priere est d'efficace quand le ieusne a precedé: & toutesfois & quantes que l'estude des escritures saintes a precedé, la priere deuote n'est esconduite. Origene sur le 17. chap. de S. Matthieu, où Iesus Christ dit que les Apostres ne peuvent ietter le diable à cause de leur incredulité: S'il nous faut, dit-il, quelques-fois estre autour des demoniaques, ne faisons point d'adiurations ni d'interrogations, & n'arraisonnons point l'esprit malin: mais perseverans en prieres & en ieusnes obtenons de Dieu la deliurance du malade, & chassons les malins esprits par prieres & par ieusnes. Il y a deux beaux sermons en Basile, & vn en Chrysostome, à sçauoir le 8. touchant l'efficace du ieusne.

*La vertu des aumosnes.*

### CHAP. XXXIII.



L faut encores selon la faculté & richesse d'un chacun departir & distribuer des aumosnes aux pauvres: ce que saint Paul escriuât aux Philippiens appelle odeur de bonne senteur, & vn sacrifice agreable & plai-

*Philip. 4.  
Rom. 12.*

sant à Dieu. Lequel aussi exhorte instamment les Romains à patience en affliction, & à s'adonner aux prieres & à communiquer aux necessitez des saints. Corneille Centenier de la bande Italienne, homme craignant Dieu, faisoit beaucoup d'aumosnes au peuple, & priant Dieu assiduelement, quelle voix entedit-il de l'ange?

*Act. 10.  
Tobie 12.*

Corneille tes oraisons & tes aumosnes sont montees en memoire deuant Dieu. L'ange Raphael dit à Tobie, l'aumosne vaut mieux que faire amas d'or: car l'aumosne deliure de la mort, purge les pechez, & fait trouuer misericorde & vie eternelle. Item, Tobie le pere dit à son fils deuant que mourir: fais aumosne de ta substance & ne destourne point ta face du pauvre, & il auindra que la face du Seigneur ne se destournera point de toy: sois aussi misericordieux tant que tu pourras: si tu as beaucoup,

*Tobie 4.*



beaucoup, donne abondamment: si tu as peu, tache aussi de donner vn peu liberallement. Certainement tu thesaurises pour toy vn bon salaire au iour de necessité. Car l'aumosne deliure de tout peché & de la mort: & ne souffrira point que l'ame voise en tenebres. L'aumosne sera pour grande confiance deuant le souverain Dieu à tous ceux qui la font. La verité mesme dit en saint Luc, dōnez l'aumosne, & toutes choses vous sont nettes. Daniel conseille à Nebuchadnesar Roy de Babylone qu'il rachete son ame par aumosnes. Nous lisons aussi en l'Eclesiastique: Comme l'eau estaint le feu ardent, aussi l'aumosne nettoye les pechez: & Dieu considere celuy qui rend grace. Il luy en souuiēt au temps à venir, & trouuera fermeté au temps de sa mort. Car l'aumosne de l'homme est comme vn sacher avec luy, & gardera la grace de l'homme comme la prunelle de l'œil: & puis apres ressuscitera & rendra retribution à vn chacun sur sa teste. Enclos doncques l'aumosne au sein du pauvre, & icelle sera pour toy exaucee cōtre tout mal. On peut ici rapporter & acommoder le sermon que S. Cyprian a fait de l'aumosne: Item les 32. 33. 34. 35. 36. 37. homelies de Chrysostome.

Luc 11.

Dan. 4.

Ecclef. 3.

Ecclef. 17.

Eccl. 29.

*Comment il se faut diuersement comporter enuers ceux qui sont affliges en diuerses sortes. Item plusieurs exemples de diuerses guerison dignes d'estre imitez.*

CHAP. XXXIIII.



**P**LVSIEURS de ces choses peuuent estre proposees avec iugement par vn prudent Ministre de l'Eglise, au malade qui a quelques intervalles francs entre les accès. Mais enuers celuy qui est continuel-

lement affligé & a l'esprit troublé, les prieres publiques, & l'intercession des fideles, appliquees & correspondantes à la necessité presente, les ieusnes & le soulagement des pauvres, aurōt tel efficace qu'il plaira à Dieu.

*Ce qu'il faut faire*

*depuis que*

*il y a plu-*

*ment de plu-*

*sieurs qui*

A v reste, s'il y a plusieurs enforcellez ou demoniaques en vn lieu, comme ordinairement nous voyons cela auenir es monasteres, principalement de filles (comme estans les commodés organes des tromperies lieu-

*sont demo-*

*niques en*

*vn mesme*

*lieu.*



de Satan) il faut auant toute chose, qu'elles soyent se-  
parées, & que chacune d'elles soit enuoyee vers ses pa-  
rens ou alliez: afin que plus commodément elles puis-  
sent estre instruites & gueries, ayant toutesfois elgard  
au moyen selon la necessité de chacune: à ce qu'on ne  
les chaussie toutes à vne mesme forme, comme on dit  
communément: à la façon de plusieurs ineptes, mœurs,  
imposteurs, & grands maistres de superstition & d'im-  
piété. Ainsi donques laissant toutes les autres manieres  
de paroles peu commodés, toutes ceremonies menson-  
geres, & autres choses qui n'aident en rien, il faudra  
qu'il tasche à chasser le diable, lequel se moque le plus  
souuent de telles folies, & trompe ceux qui en vsent,  
faisant semblant de se vouloir mettre en fuite, comme  
s'il estoit chassé: encores que de son bõ gré il face place,  
afin de tousiours nous enlasser dauantage dans les la-  
byrinthes d'incroyance, si nous pensons qu'il soit chas-  
sé par ces moyens defendus. En ceste maniere donques  
il sort souuentefois des corps, & certes tresvolontiers,  
d'autant que plus à l'aise il possède & commande aux  
ames. Mais les religieuses, qui sont renfermees, & aus-  
quelles il n'est permis de sortir hors le conuent (ce que  
certainement ie ne puis aprouuer en ce cas) ou bien  
celles qui ont delibéré & arresté d'endurer patiem-  
ment & constamment avec Iob, & avec vn renonce-  
ment d'elles mesmes, la main clemente de Dieu & la  
verge du pere: celles-la, di-ie, se doiuent supporter les v-  
nes les autres, & se consoler, & ensuiure entant qu'il  
leur est possible, les remedes ordonnez. Dauantage, il  
ne faut endurer que les ieunes voyent tels spectacles, de  
peur qu'estans estonnees par la nouueauté & grandeur  
des tourmens elles ne tombent en quelque mal. Car à  
telles le diable fait ordinairement la guerre & les  
espie.

*Les ieunes  
ne doyuent  
estre admi-  
ses à tels  
spectacles.*

II. m'auint vne fois d'enuoyer vne lettre à vne ieune  
fille enfermee en vn conuent, la priant qu'elle m'en-  
uoyast les histoires de plusieurs religieuses qui auoyét  
esté autresfois tourmentees & affligees par le diable,  
d'incroyables especes de maux (comme j'ay escrit au  
liure precedent, chapitre dixieme) à quoy elle me fit  
respõse qu'il y en auoit encores deux du nombre d'i-  
celles



celles qui auoyent bien quatre vingts ans, & dont elle auoit souuentefois entendu qu'elles ne voudroyent pour rien n'auoir esté trauaillees de ceste cruelle calamité, qui leur estoit auenue par la volonté de Dieu: d'autant qu'elles auoyent receu par ce moyen vn don de singuliere & Diuine grace & illumination: ce que mesme leur vie tesmoignoit. Quel inconuenient est-il auenu à Antoine d'auoir porté des rudes maistres sur son col? puis que les ayant endurez par la volonté de Dieu, il en a acquis plus grand gain & gloire? elle m'escriuoit aussi que de ce temps là on y auoit enuoyé onze personnages doctes, afin qu'ayant veu les espouuante-mens des accidens effroyables, ils les espluchassent de pres, & y donnassent remede: mais d'autant qu'ils demurerent constans & perseuerans, d'autant le mal fut rengregé plus violement que de coustume, tellement quelles confessoient que leur guerison auoit esté en fin vn singulier ouurage de Dieu. Car conoissans qu'elles auoyent receu ceste affliction de la main de Dieu, elles s'estoyent du tout submisés à son bras puissant, auoyent renoncé à elles mesmes, & tellement embrassé l'humilité, que par le moyé d'icelle elles auoyent resisté à toutes leurs affectiōs, & les auoyent vaincues: bref, elles s'estoyent tellement conformees de tout leur cœur à la reigle de la parole de Dieu, que peu à peu toutes ces furies s'estoyent esuanouies. l'ay bien voulu coucher ici la plus saincte partie de la lettre de ceste religieuse, pour iustes raisons, d'autant que ce conseil accorde fort à ce que i'ay entrepris de monstrier: & afin aussi que quelqu'un ne se persuade temerairement que les religieuses sont du tout retirees du nombre des gens de bien: encores que ie ne vueille pas nier que lon n'y puisse desirer beaucoup de choses, qui y sōt permises par erreur, bestise & mauuaise informatiō.

A v. reste, estant quelquesfois entré en ce monastere avec vn autre, ie communiquay avec vne vieille religieuse, laquelle auoit endure ce mal l'espace de dix ans, & pour ceste raison rendoit grandes graces à Dieu, & disoit que si l'aage le permettoit, elle endureroit encores fort volontiers telles calamitez. Dauantage, elle m'exhorta de ne permettre qu'en telles affaires on vlist

*Histoire  
memorable  
des religi-  
euses gue-  
ries.*



d'exorcisme si d'auenture i'estois apellé au conseil. Il y en auoit vne autre, affligee de mesme, & qui par le conseil de quelques vns, estoit ordinairement bourrelee à coups de verges par vn sien frere: & encores nous voyôs cela estre conseillé par quelques vns, comme si les verges chassoyent le diable, lequel au contraire procure vne telle bourrellerie. Ceste pauvre religieuse oultrée de honte par ce faict tant indigne, deuint en chartre peu à peu, & voulant mourir commença à chanter. Parquoy estant interroguee pour quelle raison elle chantoit: elle respondit que c'estoit pourautant qu'elle s'asseuroit de son salut eternel. Il y en auoit encores vne autre, laquelle apres auoir este longuement trauaillee par le diable, & se sentât prochaine de la mort, s'offroit du tout à Dieu en attentive priere, le suppliant qu'il fît avec elle selon son bon plaisir en ce temps & pour tout iamais, pourueu que son nom fust glorifié.

*Exemple  
d'un vray  
renôcemēt  
de soy-mes-  
me.*

*Exēple de  
la guerison  
d'un demo-  
niaque.*

Elle pria ses autres sœurs religieuses qu'apres sa mort elles ne chantassent point le *Miserere mei Deus*, comme elles auoyent acoustumé de faire pour les autres: mais plustost le *Gloria patri*: monstrant par là vn tres-grand exēple du renôcemēt qu'elle auoit fait de soy-mesme.

Vo vs pourrez retirer de l'histoire qui s'ensuit vne guerison singuliere & digne d'estre obseruee touchant ceux qui sont affligez par le diable. Philippe Vveselichi de Coulongne moyne de l'Abbaye de Knechtenstein, homme entier & simple, estoit tourmenté miserablement & diuersemēt par vn esprit qui representoit vn de ses Abbez, tout maigre & descharné, ia des long temps mort. C'estoit enuiron l'an mil cinq cens cinquante. Par fois il estoit porté dessus le toict, quelques-fois dessus les soliveaux qui passent en trauers par dessus la cloche. Et quelquefois il fut trouué ayant tout le corps dedans le viuier, & la teste sur la terre. En fin l'esprit se manifesta & donna à entendre la cause de ce long & diuers tourment: disant qu'il estoit l'esprit de cest Abbé nommē Mathias Duren, ia des long temps enterré, & qu'il estoit trauaille d'autant qu'ayant autrefois fait peindre l'image de la vierge Marie, il n'auoit assez suffisamment contenté le peintre nommē Nouefian, & qu'il y auoit eu si grande perte qu'il s'e-

stoit



estoit soy-mesme endommagé. Or estoit-ce chose vraye. Il adiouſtoit encores la maniere du payement, pour lequel il n'y a point de faute que le diable n'eust entrepris ceste tragedie : aſauoir que ce peche ne luy pouuoit eſtre remis, ni ne pouuoit eſtre deliuré. ſi Philippe (que le diable pensoit eſtre organe fort commode à ſes tromperies, a raiſon de ſa ſimplicité) n'alloit par deuotion en pelerinage iuſques à Treues & Aix, chanter trois Meſſes en ſon intention, l'une de la Trinite, la ſeconde de Noſtre Dame, & la tierce du temps. Or pour ſatisfaire au plaſir de ceſt eſprit ils demandoient conſeil aux theologiens de Coulongne, & meſmes les moynes assemblez en chapitre requirét cela à leur Abbé M. Girard Strailgen de Morſen, lequel eſtant doué d'un meilleur iugement, fut d'opinion contraire, diſant que il ſaloit pluſtoſt par reprehension faire changer d'auis au moyne Philippe, aſauoir que ſe conſiant par viue foy en Dieu le pere de toute miſericorde, & en Ieſus Chriſt noſtre patron & deſenſeur vnique, il meſpriſaſt conſtamment les impoſtures du diable: & que ſi l'eſprit reuenoit il luy reſpōdiſt qu'il n'eſtoit pas en ſa liberté, mais ſous la charge d'autrui, & que pour ſa pauvreté il ne luy pourroit obeir. Ce qu'ayant fait, l'eſprit luy reſpondit qu'il le diſt au ſoupprieur : car il auoit opinion que ceſtuy la confirmeroit ſon deſſein. L'Abbé voyant que le diable perſeueroit, & que le moyne ne reſiſtoit pas d'une aſſez grande confiance à ſes tromperies, il l'endoctrina derechef & l'exhorta diligemment de ſe reconoiſtre, de reuenir à ſoy, & ne preſter ſi facilement l'oreille aux ruses de Satā. Il le menaça aigremēt que là où il pourſuiuroit, cōme de couſtume, à preſter l'oreille aux eſprits, il ne faudroit à luy faire bailler le chapitre. Onques depuis le diable ne reuint, & s'en alla ailleurs, voyant que ſes efforts eſtoient repouſſez par la grande conſtance de l'Abbé, & par l'eſprit de Philippe eſleué par la confiance qu'il auoit en Dieu, pour reſiſter contre la trompeuſe & damnable intention du diable. Je ſerois bien d'auis que lon vſaſt quelquefois de ſemblable remede en pareilles fraudes diaboliques.



*Remedes certains & aprouuez, pour guerir ceux qui  
contrefont les Demoniacques.*

CHAP. XXXV.



NE certaine femme nommee Barthele-  
mie, demeurant au village de Vvel, auoit  
pris vne coustume, si elle se trouuoit à la  
messe, quand on chatoit en Alleman l'hym-  
ne qui commence *Gloria in excelsis Deo*, de  
tomber en extase, comme si elle eust esté possedee du  
diable: & demouroit en cest estat iusqu'à ce que l'hym-  
ne fust paracheuee. Pour quelque temps elle ioua ceste  
farce, sans qu'aucun y prinst garde: mais en fin Anne de  
Virmont, dame du village, la fait venir au chasteau,  
luy demande doucement & amiablement, pourquoy  
elle se laissoit surmonter au chant de cest hymne, veu  
que les paroles Alemandes & les Latines n'estoyent dif-  
ferentes en signification. Sur ce elle commence à lire  
l'hymne en Aleman, & la luy interpreta, monstrant  
qu'il n'y auoit chose contraire au seruice de Dieu, ou  
mauuaise qui peust donner occasion à aucun de s'en  
offenser. Parquoy elle l'admonesta de prendre courage,  
dautant qu'elle se deliberoit de chanter l'hymne, &  
qu'elle s'asseuroit de la guerir presentement, si le mal  
la prenoit, par vne medecine qu'on luy auoit aprise, qui  
estoit fort souueraine à chasser les diables semblables à  
celuy qui la tourmentoit. Mais elle n'eut pas si tost  
commencé à chanter, que la femme se laissa tomber en  
terre, ayant toutes fois auparauant regardé le lieu plus  
commode où elle deliberoit de tomber. Incontinent  
la dame sage & honnestee, avec sa fille de chambre Ca-  
therine Biland femme de gentil esprit, luy leuerent la  
robe, & luy baillerent des verges assez asprement, sans  
routesfois passer les limites de raison: si bien que la de-  
moniaque commença à tirer sa robe, se couvrir, & se  
defendre le mieux qu'elle pouuoit. Ainsi, comme dit  
1. *Aphoriz* Hippocrate, il faut vser de forts medicamens aux mala-  
dies fortes & pernicieuses. Derechef la dame persuada  
à ceste malade que la medecine qu'elle luy auoit bail-  
lee estoit vn preseruatif de grande vertu contre les  
pareils



pareils assauts du diable, comme des gens fort doctes luy auoyent appris. Parquoy elle l'exhorta derechef de prendre meilleur courage, l'assurant que la plus grande partie de la force du diable estoit domptee par ce medicament : & mesmes elle luy commanda de chanter, si bien que ce doux cantique fut recommencé, & s'acheua sans que la femme s'esmust auoüemēt. Ce que les seruiteurs qui estoient à la porte de la chambre obseruerent diligemment : & incontinent qu'elle fut sortie ils la prindrent & l'accompagnerent chantans le cantique à haute voix, tellement que lon a obserué qu'il n'y auoit meilleur ni plus certain moyen de chasser les diables, que cestuy-cy. Toutesfois il faut estre prudent en l'vsage de telle theriaque: car on ne peut pas guerir toutes les maladies des yeux avec vn seul collyre. Seulement ce remede est propre à chasser incontinēt, & sans delay, ceste espee de diable qui assaut & tourmente les hommes, toute fois & quantes que les mesmes demoniaques le veulent. Ceste Barthelemie m'a confessé elle mesme qu'elle auoit esté ainsi guerrie au chasteau de Vuell, par le moyen de la dame du lieu. Le Canon soixantieme touchant ceux qui seignent estre demoniaques, eut quelque effect en ceste maladie, par lequel il est dit, qu'il faut punir ceux qui font semblant d'estre possédez du diable, & qui par vne deprauation de mœurs se contrefont, par les mesmes punitions & trauaux que ceux la ont acoustumé d'endurer, pour estre deliurez du diable, qui veritablement sont demoniaques.

RONDELET dit auoir veu vn homme à Rome nommé Iules, lequel sembloit estre cataleptique toutes fois & quātes qu'on prononçoit ces mots de la passion, *Consummatus est*. Parquoy ainsi qu'il estoit quelquefois chez Alexandre professeur en la langue Hebraïque, sa femme les prononça en sa faueur, & lors le prestre sembla rôber en extase, dont Alexandre commanda que lon apportast vn baston pour le guerir de ceste maladie: ce qui le fit incontinent reuenir à soy. La cause qui le fit soupçonner que le prestre contrefaisoit le malade, fut que auant qu'il tombast il le vid regarder vn lieu, ou en seureté il pouuoit reposer sa teste. Aussi entendit-il



quelque temps après que pour ceste cause les Venitiés l'auoyent banni avec vne garse qu'il auoit, laquelle semblablement feignoit estre malade de pareille maladie.

Or n'estoit ce point vne feinte, mais vne vraye catalepsie causee par vn sang melancholique espandu par la substance du cerueau, laquelle tourmentoit vne ieune femme demourante pres de Nismes aux Seuenes. Elle estoit aagée de vingt & cinq ans, & estoit mariee à vn ieune homme, qu'elle n'aimoit pas beaucoup, & auoit demouré seulement huit iours avec luy quand ce mal la print. Ce qui fut cause qu'elle retourna en la maison de ses parens, où elle se portoit bien tant que l'oubly de son mary continuoit: car incontinent qu'elle se resouuenoit de luy, ou qu'on luy en parloit, ou bien que le mary la venoit voir, le mal la prenoit auant qu'il l'eust veuë ou entendue. Si d'auenture elle portoit vne cruche d'eau par les chemins, elle la posoit en terre quelquefois, & s'asseoit, ou bien elle se couchoit aupres, & y demouroit vne espace de temps la bouche & les yeux ouuerts sans mouuement ou sentiment, excepté que lon voyoit les muscles du ventre & des costes inferieures, qui se debattoyent fort.

*Ce qu'il faut faire en la sortellerie, par laquelle la compagnie charnelle des Mariex est empeschée.*

## CHAP. XXXVI.

*Au cha. si  
per sort. 33.  
q. 1.*



INC MAR Archeuesque de Rheims, escriit ainsi de l'empeschement fait par le diable touchât la cōpagnie charnelle: S'il auiet, dit il, que la compagnie charnelle soit empeschée par sorcelerie, suyuant la permission de l'occulte, mais non pas iniuste, iugement de Dieu, & suyuant l'operation du diable: il faut exhorter ceux ausquels ces choses sont auenues, qu'ils ayent à se confesser d'un cœur contrit, & d'un esprit humilié, à Dieu & au prestre.

*Au traitté  
des forcie-  
res & Py-  
d.*

VIRIC Moliter escriit qu'au proces, auquel le mary fut accusé de l'impuissâce naturele auenue par charme, il fut



il fut arresté au palais de Constance, que premierement les medecins visiteroyent celuy que les loix appellent maleficié & froid, pour sauoir si en luy il n'y a aucune cause naturelle d'impuissance: puis apres que la femme viuroit encores trois ans avec son mary, lequel cependant esprouueroit ses forces, donneroit l'aumosne plus que de coustume, & iusneroit, afin qu'il pleust à Dieu, lequel a institué le mariage, de retirer ce mal. Ce decret est certainement digne d'estre pratiqué. Il se faut aussi ayder en cest endroit des choses que j'ay escrites en la vraye guerison des autres forcelleries.

Ie say vn autre remede, a sauoir des caracteres escripts en du parchemin vierge, & dont on fait grand cas, comme d'un secret souuerain contre ce mal. Sur iceux on barbote par sept fois vn Pseume de Dauid: & lie on le parchemin sur la cuisse du mary. Mais ie n'en diray pas d'auantage, & voudrois que telle recepte fust enseuelie en enfer.

A v demeurant, i'enseigneray ici secrettement au lecteur, pourueu qu'il me promette le tenir secret, vne autre guerison fort ridicule, mais pratquee trop deuotieusement, par vne femme nommee Catherine Loë, de laquelle ie conoy les enfans. Du commencement, elle trouua que son mari n'auoit point vertu d'homme, parquoy apres auoir cherché diuers expedies pour remedier à ce mal, elle s'en va au tēple d'Everfeld en la duché de Mont, presente à S. Antoine & fait pendre deuotement sur l'autel d'iceluy vn morceau de cire qui auoit la forme d'un membre viril, afin de recouurer guerison pour son mari. Le Curé, qui ne sauoit rien de telle offrande, apres auoir prononcé à yeux clos & baïsez, le Canon de sa Messe, les ouurant & leuant contremont, selon la coustume, apperceut soudain ceste offrande, & conoissant que c'estoit, cōmença a dire tout haut en cholere, Qu'on m'oste ce diable de là.

*En quel temps, par quelle maniere, & par quelles gens les exorcismes doyuent estre pratiquez.*

## CHAP. XXXVII.





V reste, si ceste calamité & ouurage de Satan ne cesse par le moyen des choses susdites, il sera permis de l'arguer selon la doctrine de Iesus Christ contenue en S. Marc au seizieme chapitre, où il est dit que les croy-

ans chasseront les diables en son nom. Pour ceste cause

*Quel doit estre l'exorciste.* & à l'exemple des Apostres & de la primitiue Eglise, seule pure & nette de toutes superstitions, le Ministre le chassera au nom de Iesus Christ, estant poussé d'un vray

zele: s'assurant du tesmoignage de sa bonne conscience, ayant ce don particulier du saint Esprit de chasser les diables, estant armé du glaive de l'esprit, asauoir de la parole de Dieu, & couuert par tout des armures diuines, ayât pris sur toutes choses le bouclier de la foy, par lequel il puisse estaindre toutes les flambâtes fleches du malin, Bref, ayant toutes les armures, lesquelles j'ay proposees selon S. Paul, au commencement de ce liure, afin que Iesus Christ ne luy die ce qu'il disoit à ses disciples

*Matth. 17.* lesquels ne pouuoient chasser les diables: O nation in-

*Marc 9.* credule & de trauers, iusques à quâd feray-ie avec vous?

*Luc 9.* iusques à quand finalement vous supporteray-ie? mais au

*Jean 14.* contraire qu'il s'assure fermement sur ceste infallible

*Matth. 21.* promesse: Je vous dis en verité que celuy qui croit en

*Marc 11.* moy fera les œuvres que ie fais, voire plus grandes: car

ie vay à mon pere. Et tout ce que vous demanderez à mon pere en mon nom, ie le feray, à celle fin que le pere

*Luc 10.* soit glorifié par le fils. Si vous demandez quelque chose

en mon nom, ie le feray. S. Luc escrit encores que septan-

te disciples reuindrent deuers Iesus Christ avec grande

ioye, disant: Seigneur les diables sont mesmes assuietis à

nous en ton nom. Et luy leur respondit, Je voyois Satan

lequel descendoit du ciel ainsi qu'une foudre. Voici ie

vous donne la puissance de marcher sur les serpens &

scorpions, & sur toute la vertu de l'ennemy, si bien que

*Philip. 2.* rien ne vous nuira. Ainsi au nom de Iesus Christ tout

*Actes 4.* genouil fleschit tât des choses celestes, terrestres qu'in-

*Genese 1.* fernales. Il n'y a aucun autre nom donné aux hommes

*Jean 1.* sous le ciel auquel il faille que nous soyons sauuez. Par

ce seul verbe du Pere eternal toutes choses ont esté cre-

eues, le ciel, la terre & tout ce qui est en iceux: selon sa vo-

lonté toute ceste grande assemblée d'Anges fut renuer-



see & precipitee. Autant qu'il y auoit de diables, qui tenoyent les pauures miserables mortels en leurs puissances & liens tres-serrez, ils eurent peur & s'enfuirent à l'auenement & regne de Iesus Christ, au nom duquel les disciples croyans ont chassé les diables. Et saint Paul chassa l'esprit Pythonique en Macedoine, hors du corps de la fille demoniaque, disant: Je te commande au nom de Iesus Christ que tu ayes à sortir hors d'elle, & à l'heure mesme ils s'en alla. Ainsi les diables s'enfuirent au commandement de saint Pierre, & prierent qu'on leur permist de demeurer encor vn seul iour es corps qu'ils possedoyent, comme escrit saint Clement.

*Mar. 1.5.  
9.  
Luc. 4.8.  
9.11.13.  
Act. 16.*

*Abd. li.1.  
de l'hist. des  
Apo.  
Liu. 4. des  
recoignit.*

Nous lisons en saint Hierosme, en la vie d'Hilarion hermite de la Palestine, d'un seruiteur de l'Empereur Constantin natif de Franconie en Allemagne, lequel le malin esprit auoit tousiours possédé depuis sa ieunesse. Cest homme fut mené à Gaza vers Hilarion, auquel il exposa en langue Syriacque & Grecque (encores que le demoniaque ne les eult oncques apprises) les diuerses causes pour lesquelles il estoit possédé. Mais le saint personnage luy respondit: Je ne te demâde point comment tu es entré, ains seulement ie te commande de sortir au nom de nostre Seigneur Iesus Christ. Saint Simon Apostre brisa en ce mesme nom l'idole du Soleil, & saint Iude celuy de la Lune, hors desquels sortirent les diables en forme d'Ethiopiens. Saint Thomas chassa le diable de dedans l'idole du Soleil, & saint Philippe l'Apostre subiuga en Scythie vn dragon, lequel sortit de l'idole de la mort. Saint André chassa sept diables, lesquels transformez en chiens se tenoyent parmy les sepulchres pres le chemin & trauailloyent les passans. Ainsi dit-on que Syluestre enferma vn dragon dedans le Capitole, & que Philippe chassa Leuiathan.

*Abdias  
Euesque de  
Babyl. liu.  
6. de son  
hist. & liu.  
9.10.3.*

APRES que S. Iean l'Euangeliste eust domté le venin, il chassa vn diable, lequel auoit tousiours esté dedans le tēple de Diane depuis deux cens quarante neuf ans, en luy disant: Je te desens au nom de Iesus Christ Nazarien de plus demourer en ce lieu, & incontinent le diable se partit d'Ephese. Pour ceste causē ce tres-saint personnage fut enuoyé en exil en l'Isle de Pathmos. Ainsi que Cynops prince des magiciens estoit en



*Les mira- la ville de Phara, & qu'il trompoit le peuple par forcel-*  
*cles de S. leries & le retiroit de la doctrine de S. Iean & des mira-*  
*Iean cõre cles qu'il faisoit au nom de Iesus Christ, dont il estoit*  
*Cynops, ma faussemèt accusé par les prestres d'Apollon: il se van-*  
*gicien. toit* de resusciter les mors, sous la figure desquels les diables

aparoissoient sortans de la mer. En la fin, Cynops dit à S. Iean, Vien si tu veux iusques au Haure, afin que tu voies ma puissance, & tu t'esmerueilleras d'auantage. Parquoy saint Iean y alla avec toute la troupe du peuple, & defendit aux trois diables, lesquels l'acõpagnoient sous la forme de trois hommes nouuellement ressuscitez, de s'en aller. Apres dõc que Cynops eust frappé des mains, & que la mer eust rendu vn grand bruit, il se ietta dedans comme il auoit fait auparauãt, & ainsi s'esuanouit de la veuë des hommes, qui ne cessoyent de crier en le louant & disant: Cynops tu es très-grand, & personne ne l'est excepté toy. Ce pendant saint Iean prioit le Seigneur qu'il luy pleust faire que ce magicien ne fust plus veu entre les viuans. Et tout soudain on entendit vn grand murmure dedans la mer, & les vagues estoient esleuees à l'endroit ou il s'estoit précipité, & oncques puis il n'apparut. Et les diables qui là estoient presens sous la figure de ceux que lon disoit estre des long temps ressuscitez, furent coniuerez par l'Apostre de Dieu disant: Fuyez hors de cest isle au nom de Iesus Christ crucifié, & n'y reuenez iamais, & incontinent ils disparurent de la veuë de tous les assistans, lesquels en vain attendoyent Cynops pour sauoir s'il ressusciteroit. Arsatius excellent tesmoin de la verité de Dieu du temps de l'Empereur Licinius, vid vne fois certain demoniaque courant par les rues avec vne espee desgainee, dont il effrayoit & faisoit fuir tout le monde. Mais Arsatius se presenta à luy, inuoca le nom de Iesus Christ, & par sa seule parole chassa le diable & deliura le demoniaque. Aussi Rufin testifie au 1. liure, chap. 4. Que les diables fuyoyent à la parole de Paphnutius. Cela monstre combien le nom du maistre a serui aux Chrestiens, & quel bien leur est reuenue de l'auoir ensuyui.

L'AN mil cinq cens vingtneuf, Adolphe Clarbarch, homme docte & Chrestien, fut emprisonne a cause de la religion en vne tour de la ville de Cologne, fort agi-  
 tee

*Soxom. li.*  
*4. cha. 16.*



tee de malins esprits, & apelee la porte des poules: afin d'y estre plus rudement tourmenté nuit & iour. La premiere nuit ces esprits tempestans à leur maniere acoustumee, & representans des spectacles effroyables, Adolphe se print à prier Dieu d'une ardente affection de cœur & les vainquit & troubla tellement, que depuis rien n'apparut en ceste prison, non pas mesmes depuis que ce bon personnage eust esté brulé pour auoir franchement & constamment auoué & confessé le nom de Iesus Christ. Tant est forte & pleine d'efficace l'ardente priere que le Chrestien fait à Dieu contre les machinations du diable. Or il auoit escrit de son doigt avec de l'encre fait de charbon puluerisé & meslé en eau (pource qu'on ne luy auoit voulu bailler encre ni papier durant sa captiuité) contre la muraille deux vers Latins, dont la substance estoit telle, Quand Dieu est avec nous, il faut que les illusions de Satan s'esuanouissent.

VOILA la coniuration, voila le grand & fort exorcisme, voila la certaine maniere de chasser le diable, *Esa. 28.* voila le moyen sommaire, voila les caracteres par lesquels la puissance infinie est apelee pour faire les choses par dessus la commune force de la vie: voila la vraye doctrine, le ferme fondement, & la pierre des philosophes, laquelle est de toute autre efficace que n'est pas celle que les alchimistes trompez vont cherchant, ains plustost c'est la pierre angulaire, sur laquelle tout bastiment est fermement apuyé. Voila les tesmoignages diuins & les enseignemens de nos choses sacrees: voila les memoires du vray prestre, les signes purs, & les ceremonies, lesquelles sont contentes de peu, faciles à faire & de peu d'a pareil: & desquelles nous deuons vser pour chasser les diables. Voila la science plus haute que le ciel, plus profonde que les enfers, deliuree de tous perils, ennemie des esprits espouuanteurs, contemprice des luitons, haineuse des idoles, laquelle n'a affaire d'encens ou de vin, & commande à toutes ombres mortelles, aux Gobelins & aux Luitons: ne fait cas des sepulchres & tombeaux, ni d'aucunes aparitions des morts: laquelle chasse hardiment à front ouuert, comme dit Capnion, tous les sorts espouuentails: toutes les allees & venues, & toutes les munitions des enfers: laquelle



Colos. 2.

est victorieuse de la destinee & de la nature, & sans se laisser parfait & accompli infalliblement tout ce que bien & droitement nous saurions demander, pourueu que nous obseruions les moyens que nostre maistre nous a commandez. Iesus Christ par sa seule parole a guery toutes maladies & a chassé les diables. Parquoy si vous voulez besongner droitement & seurement, il faut que vous mettiez ce conseil de S. Paul deuant les yeux: Tout ce que vous faites soit en parlant, soit en besongnant, faites-le au nom de nostre Seigneur Iesus Christ. Voila le salubre medicament: voila la panacee ou plustost nostre salut & guerison. Ainsi donques Nanzianzene a fort bien dit en son Defensoire: Les diables tremblent quand le nom de Christ est inuocqué. Les impostures, les liaisons, les prodigieuses sorcelleries, toutes les œuvres du diable ne peuuent rien contre luy, & ne subsisteront vn seul moment, mais el-

*Liu. 2. ch. 16. de l'ori. d'erreur. Et S. Clement li. 9. des recogn.* les s'esuanouissent aussi tost que la parole. Et ainsi Lactance a fort bien escrit: les diables craignent les iustes, c'est à dire ceux qui sont vrais seruiteurs de Dieu, au nom duquel estans coniuerez ils sortent des corps, & de la parole desquels estans batus, ils ne confessent pas seulement qu'ils sont diables, mais aussi se nomment par leurs noms: pourautant qu'ils ne peuuent mentir à Dieu, au nom duquel ils sont coniuerez, ni aux iustes, par la parole desquels ils sont trauallez. Ainsi dōques ils crient quelquefois avec grand hurlement, disans qu'ils sont batus & bruslez, & qu'ils sortiront incontinent. Or voyons-nous aussi cler que le iour, qu'en cest ordre de guerison apuyee sur le fondement de la sainte Escriture, n'y a aucun soupçon d'erreur, d'idolatrie, ni aucune opinion de blasphemie cachee.

*Maniere de chasser les diables, pratiquée en l'eglise ancienne.*

## CHAP. XXXVIII.



**M**AIS afin que personne ne calomnie mon intention, comme esloignée de la pratique ordinaire des Ecclesiastiques de nostre tēps & conclue qu'on doit reietter ce que ie propose: l'adiousteray en cest endroit les propres mots de S. Clemēt qui escrit bien la maniere de chasser



chasser les diables, pratiquee en l'Eglise primitive, & conforme à ce que j'ay dit ci dessus. Ainsi donc il dit au 8.liure des Constitutions des S.Apostres, chap.32. Que l'exorciste ne soit point ordonné: car ce combat procede d'une volontaire bienueillance, & de la grace de Dieu en Iesus Christ, par l'assistance du saint Esprit. Car celui qui reçoit le don de miracles, est declairé tel par reuelation de Dieu, veu que la grace qui est en luy est manifestee à tous. Et en ce mesme liure, chap.7. Apres que les Catechumenes serôt sortis, que le diacre dise, Vous demoniaques priez: vous qui estes ici, priez affectueusement pour eux, afin que Dieu misericordieux, pour l'amour de Christ tance les esprits malins & immondes, & arrache ses seruiteurs de la puissance de l'ennemi. Ce luy qui a reprimé la legion des diables & le prince des malins esprits, tance encor maintenant ces anges Apostats, & deliure ses creatures de leur tourmēt, & nettoye ce qu'il a créé par grande sagesse. Prions de bon cueur, Sauue les, releue les, Seigneur, par ta vertu. Demoniacques, enclinez vous afin de receuoir benediction. Que l'Euesque prie, disant, Toy qui as lié le fort armé, & pillé toutes ses armes, qui nous as donné pouuoir de marcher sur les serpens & scorpions, & sur toute vertu de l'ennemi: qui nous as liuré lié l'homicide serpent, comme vn passereau à des petis enfans, combien qu'il soit redouté de toutes creatures quand tu luy lasches la bride: qui l'as deiecté cōme la foudre du ciel en terre, non pas d'une cheute locale, mais d'honneur en deshonneur à cause de sa malice volontaire, toy dont le regard desseiche les abysses, & les menaces font dissoudre & fondre les montagnes: toy dont la verité demeure eternellement, qui es loué des enfans, benit des allaitans, celebré & adoré des Anges, duquel le regard fait trembler la terre: toy qui touches les montagnes & elles fument, qui rens la mer seiche en la menassât, & vuides tous les fleues d'icelle, qui fais des nues la poudre de tes pieds, & chemines sur la mer, cōme sur vn plâcher: O vniue que du pere souuerain, tance les malins esprits, & deliure de leur tourment les onurages de tes mains: car à toy est la gloire, l'honneur, & l'adoratiō, & par toy, à ton pere, & au S. Esprit eternellement, Amen. A ce que dessus s'accor-



de saint Augustin au liure de l'vtilité de croire, chap.  
22. Par vraye pieté les hommes de Dieu exorcisent &  
chassent les puissances de l'air, ennemies & aduersai-  
res de la pieté, non pas en les flatant : par prieres ils sur-  
montent toutes aduersitez & tentations, non pas en pri-  
ant les malins esprits, mais en priant Dieu contre iceux.  
Car ils ne vainquent ne subiuguent sinon ceux qui sont  
compagnons de leur meschanceté. Ainsi donc le diable  
est vaincu au nom de celuy qui a prins nostre nature hu-  
maine, qui a vescu sans peché, afin qu'en luy qui est no-  
stre sacrificateur & sacrifice nous obtinssiôs pardon des  
pechez : en luy, di-ie, qui est mediateur entre Dieu &  
les hommes Iesus Christ homme, lequel, ayant acom-  
pli ce qui estoit requis pour la purgation de nos pechez  
nous a reconciliez à Dieu.

*Ans de Philippe Melancthon, touchant les Demoniacques,  
recueilli des epistres d'iceluy.*

## CHAP. XXXIX.



OMB IEN qu'il y ait par fois quelques  
causes naturelles de la phrenesie ou  
manie : c'est toutes fois chose asseuree,  
dit-il, que les diables entrent es cœurs  
de certaines personnes, & y causent des  
fureurs & tourmens, ou avec les causes  
naturelles ou sans icelles : veu que lon void par fois tels  
malades estre gueris par remedes qui ne sont point na-  
turels. Souuent aussi tels spectacles sont autant de pro-  
diges & predictions de choses à venir. Il y a douze ans  
qu'une femme du pays de Saxe, laquelle ne sauoit lire  
ni escrire, estant agitée du diable, le tourment cessé par-  
loit en Grec & en Latin de la guerre de Saxe qui auint  
puis apres, & prononçoit en Grec & en Latin des mots  
dont le sens estoit, Qu'il y auroit grâde angoisse en ter-  
re, & sedition entre le peuple. Quatre ans auparauant y  
auoit



auoit vne fille au marquisat de Brandebourg, laquelle en arrachant des poils du vestement de quelque personne que ce fust, ces poils estoient incontinent changez en pieces de monnoye du pays, lesquelles ceste fille mouroit avec vn horrible craquetis de dents. Quelques vns luy ayans arraché de ces pieces d'entre les mains, trouuerent que c'estoyent vrayes pieces de monnoye, & les gardent encor. Au reste, ceste fille estoit fort tourmentee de fois à autre : mais au bout de quelques mois elle fut du tout guerrie, & vit aujourdhuy en bõne santé. On fit souuent prieres pour elle, & s'abstint-on expressément de toutes autres ceremonies.

L'AY entendu qu'en Italie y auoit vne femme fort idiote, & neantmoins estât agitee du diable quelque vn luy ayant demandé quel estoit le meilleur vers de Vergile? elle respondit tout soudain,

*Discite iustitiam moniti & non temnere Diuos.*

Aussi ay-ie ouy dire qu'à Rome il y a des nonnains miserablement tourmentees. L'estime qu'elles sont demoniaques, & que cela signifie les iugemens de Dieu sur l'Italie & sur autres pays. Au demeurant, ie croy que ces maux & les diables mesmes peuuent estre chassez par la priere des Chrestiens. Et ceux qui inuoquent purement nostre Seigneur Iesus Christ fils de Dieu feront bien, s'ils commandent hardiment aux diables de sortir hors des demoniaques : & que les fideles pasteurs des Eglises preschent publiquement du dernier iugement du Fils de Dieu, ou la malice du diable sera decouuerte, & que lon declare aussi que ces malins esprits seront tourmentez de punitions eternelles & incomprehensibles. Mais il faut proceder en cela d'un cuer ardent & assure, sans s'arrester aux ceremonies ni à l'adoration du pain de la messe, ni à l'eau benite, ni à l'inuocation de S. Corneille ou d'autres tels saincts. Je say plusieurs autres exemples, par lesquels il apert clerelement que la priere de vrais Chrestiens a serui grandement à tels malades.



*La folle & inepte maniere de laquelle on vse coustumierement pour guerir le bestail enforcelé. Item le moyen plein d'impiété par lequel on pense apaiser la tempeste.*

## CHAP. XL.



**C**ERTAINEMENT ie ne puis entendre ni sauoir sur quel tesmoignage ou exemple de l'Escripture sainte s'appuye la vulgaire & mal acrue façon de guerir le sorcellage par vn homme inepte, sot, & le plus souuent doublement auuegle, en laquelle ceste maniere de gés s'aide, outre vne infinité d'inutiles ceremonies de mal heureux & meschans exorcismes, voire pleins de blasphemes. Ils veulent que lon pense qu'à force de crier haut, & de proferer vne infinité de paroles, ils contraignent le diable de sortir, repetans par plusieurs fois des Euangiles, qui n'appartiennent aucunement à ce dont il est question, le symbole des Apostres, l'oraison dominicale, la salutation Angelique, & le ne say quelles autres choses semblables. Mais d'où vient que telles choses sont propres pour chasser Satan? où en est le commandement, où en est l'exemple en Iesus Christ, en ses Apostres, en ses disciples, ou bien es Ministres de la primitive eglise? L'intelligence de ces paroles ne respond aucunement à ce dont il est question. Iesus Christ & ceux qui l'ont ensuyui ont vse de paroles conuenables pour chasser les diables. Et toutesfois il n'y a celuy qui ne voye que le recit de paroles dont ceux ci abusent, n'a aucune accointance ou semblance avec ce qui est

*Les coniu- entrepris. Or maintenant que ceux la poissent vn peu  
rations su- leur abominable sacrilege, mais tant s'en faut qu'ils  
perstitien- ayent honte d'vser de ceste maniere de faire, que mes-  
ses appli- mes ils ne font point de difficulté d'appliquer solénelle-  
quees aux ment aux bestes & aux choses sans ame leurs coniu-  
bestes & tions execrables, & d'vser ordinairement du nom de  
aux choses Dieu, lequel nous deuons craindre, sans qu'en ce faisant  
sans ame. ils ayent aucun exemple de l'Eglise primitive, en la-  
2. Second. quelle la pure doctrine estoit annoncee. Ils n'ont point  
part. quest. de honte aussi d'adapter aux vaches le signe de la croix  
2. ch. p. 7. avec l'oraison dominicale, & la salutation Angelique  
repetee*



repetee par trois fois, comme les auteurs du Maillet des sorcieres l'escriuent. Les doctes Theologiens tiennent qu'ils font vne grande faute & transgressent le second commandement. de ma part ie l'estime ainsi.

O V T R E ce que dessus, Iques de Chuse, chartreux, décrit comme il faut consacrer le sel, le pain, & l'eau, & comme il faut manger le pain avec l'eau neuf iours suivans, durant lesquels faut reciter trois Pater noster, & trois Ave Maria en l'honneur de la sainte Trinite, de saint Hubert, &c. contre toute maladie de gens & de bestes, contre les assaux de Satan, & contre la morsure du chien enragé. Mais il me semble que ce moine a tres mal employé son tēps en tels mesonges. Il y a quelques endroits on lon pouldre de sel les gens & les bestes, & leur fait on vn parfum d'encens exorcisé: puis on prononce quelques Letanies.

I T E M pour empescher que les sorcieres n'empoisonnent le bestail, on donne la recepte qui s'ensuit. Prenez au temps de Pasques ce qui degoutte du haut d'une chandelle benite alors, & faites de cela vne petite chandelle: puis vous leuez de matin vn iour de dimanche, allumez la chandelle, & en faites distiller les gouttes sur les cornes & oreilles de la beste, en disant: Au nom, &c. puis brussez vn peu avec le feu de ceste chandelle la beste au dessous des cornes ou des oreilles, &c. Ce qui restera de la cire ou chandele, plantez-le en forme de croix dessus ou dessus la porte par laquelle les bestes entrent & sortent: & de tout l'an vostre bestail ne sera endommagé des sorcieres. Ils benissent aussi le bestail à qui les sorcieres ostent le lait, comme s'ensuit. Prenez des rameaux de palmes & faites vne croix, puis escriuez ces noms Tetragrammaton, &c. & les mettez en croix, sur ceste croix, puis les couvrez de cire consacree la veille de Pasques. Ou bien, escriuez ces noms en de la cire benite, & mise en croix sur vne croix de bois des rameaux recueillis de deuant le crucefix le iour des rameaux: puis mettez sur ce bois vn lopin de corporalier & d'estolle benite. En apres il faut enuelopper le tout en vn drapeau de lin, y mettant dessus vn peu de Aurefine ou garderobe & des fueilles de rameaux. puis faut mettre cela dans le vaisseau à trauers duquel on

*Estranges  
& ridicu-  
les sorcele-  
ries.*



coule le laiët tiré des bestes: & faut aussi que la beste malade boiue à neuf diuerses fois de l'eau benite: & les bestes qui perdent leur laiët doyuent estre arrousees d'eau benite comme dessus, &c. Item, ce remede sert contre tous malefices au brassage, au labourage, pour les taincturiers, pour toutes sortes de gens & beltes: & ainsi des autres, &c. Item les noms sus escrits doyuent estre mis en de la cire benite, comme dit a esté ci dessus: lors ils chassent tous malefices.

Pour guerir gens & bestes enforceleez, faut escrire ces mots † Iesus Nazarenus † rex Iudæorum †. Non percuties eos qui signati sunt hoc signo, Thau T. & faut mettre le billet où cela est escrit en leur viande & bruuage. Voila les beaux remedes de ce chartreux, & d'autres moines aussi bons Theologiens & Chrestiens que luy, qui pour repousser les sorceleries faisoient percer la corne d'une vache avec une tariere, & mettre dedans une drogue composee de cire de Pasques, d'encens du mesme iour, & d'un lopin d'estole.

ADIOVSTONS encor la recepte dont vsoit Christine chambriere de Theodore Lopers vicair de la maladerie de Kreueld, pour faire reuenir le laiët à trois vaches qu'il auoit. A leur retour des champs, si elle voyoit ces vaches ne rendre pas tant de laiët que de coustume, elle leur commandoit de sortir au nom de mille diables, & aller requerir leur laiët. Lors il sembloit que ces vaches s'allassent rendre & arrester deuant la porte d'une femme qu'on estimoit sorciere, ou elles mugissoient quelque temps, puis retournoient en l'estable, & disoit on qu'elles rapportoyent du laiët. Quelles resueries &

*Superstitions & impostures!*

*eux apaisés.* Ces beaux theologiens escriuent que c'est une chose si bien experimentee & asseuree contre la gresse & les tempestes excitees par les sorcieres, de jeter trois grains de gresse dedans le feu sous l'inuocation de la tres-sainte Trinite outre le signe de la croix. Il faut aussi reciter par deux ou trois fois l'oraison dominicale, & la *S. Augu.* salutation Angelique, & adiouster l'euangile de S. Jean: *la defend.* *In principio erat verbum.* puis faire le signe de la croix deuant 37. q. 7. nō & derriere en toutes les parties de la terre. En la fin *abscrueis.* pres que l'exorciste aura repeté par trois fois *verbum caro*

*factum*



*factum est, & autant de fois, Per euangelica dicta fugiat tempestas ista: incontinent la tempeste cessera.* Ces theologiens en ceste façon commettent la mesme faute laquelle ils veulent iuger es autres: & ressembtent ceux desquels le poëte satyrique a escrit

*Cependant que les fols vont en: tant les vices*

*Autres pechez ils font.*

CAR que s'en faut il que par telles coniurations ils ne representent veritablement la maniere de faire des imposeurs & enchanteurs? Et toutesfois ils n'esprouuent pas seulement ces choses & autres semblables es affaires de peu d'importance, mais aussi es benites creatures de Dieu: voire mesmes ils en abusent des loyaumets es mysteres & institutions de Iesus Christ. Toutes fois ces choses sont si absurdes qu'elles ne meritent d'estre dauantage refutees, & n'y a point de doute qu'ils ne fassent vne grande faute contre le second commandement: encores qu'il leur semble tout autrement.

MAIS s'ils m'objecter que bien souuent en prononçant le nom de Dieu & de Iesus Christ les exorcismes & prieres prennent fin, si bien qu'ils impetrent ce que ils demandent, ie leur prie d'entendre aussi les vrayes paroles de Iesus Christ: Plusieurs me diront en ceste iournee-là, Seigneur, Seigneur, n'auons nous pas prophetisé en ton nom? & n'auons nous pas fait plusieurs vertus en ton nom? Et lors ie leur diray ouuertement: Ie ne vous conus onques: departez vous de moy, ouuriers d'iniquité. Le diable donc ne cede point à la vertu des exorcismes des meschans: mais de son propre gré, afin de tousiours confermer l'impieté, & pour dauantage enfoncer les autres dedans les gouffres d'erreur.

*Matth. 7.*

C'EST donques à bone raison que S. Thomas a escrit au liure de la puissance de Dieu, question 6. art. 10. en la solution du troisieme argument: si Salomon a fait des exorcismes, dit-il, du temps qu'il estoit en estat de salut, il se peut faire qu'en iceux il y auoit quelque vertu de contraindre les diables, procedante de la puissance diuine. Mais s'il les a faits du temps qu'il adoroit les idoles, tellement que ç'ait esté par la vertu des arts magiques: certainement il n'y a eu aucune puissance en ces exorcismes pour chasser les diables.



*Ce qu'il faut faire contre les venins & contre les maux  
que le bestail semblera endurer supernaturellement.*

## CHAP. XLI.



**S'**IL auient que le bestail endure quelque maladie contre nature (ce qui est fort difficile à conoistre, d'autant que souuentefois il mange des venins par les pasturages, ou bien il les attire par le vent) il faudra deuant toute chose luy bailler quelque medicament contre les autres affections semblables, & faire les autres choses que lon pense estre necessaires, selon la coniecture naturelle & selon les preceptes de l'art, ainsi que doctement & copieusement Vegece a escrit en les quatre liure de l'art Veterinaire, ou mareschalerie, & cōme aussi Columelle, Cesar, Constantin, plusieurs autres tant anciens que modernes ont laissé par escrit. Cela fait, il en faudra premierement attendre l'euenement. Mais si tout ne sert de rien, & qu'au contraire le bestail se meure, il se faudra proposer la patience de Iob, & rapporter toute ceste calamité & dommage à la volonté de Dieu, lequel dōne, & oste, & fait cōme bon luy semble. Et se faudra bien garder d'auoir recours aux magiciens, deuins, & ceux qui sont pleins d'esprit Pythonique, contre l'euident cōmandement de Dieu, lesquels certainement par vne imitation pleine de sacrilege semblent aprouuer l'idolatrie de Marc Caton, touchant la purgation des champs faite par certaines ceremonies, solennels sacrifices, par paroles & vœus faits & dediez à la Terre, afin qu'il luy plaise nourrir des arbres estrangers: & mesmes par les prières adressees aux arbres, à ce qu'estans transplantez il leur vienne à gré de croistre en vne autre terre: & aux raues, lors qu'on les seme, que il leur plaise estre vtiles à toute la famille & aux voisins. Item par les prières adressees à Mars, à ce que le bestail & les champs soyent conseruez.

Nous lisons en Vegece vn parfum fort utile à chasser les maladies du bestail, lequel (estant mal informé) il escrit estre bon pour purifier les animaux, oste la sorcelerie, chasser les diables, & pour empescher la gresle: toutes fois

*Li. 6. & 7.*

*liu. 17. 18.*

*& 19.*



toutesfois par son odeur & suyuant la cause naturelle il resiste aux maladies tant des hommes que des autres animaux, & a la vertu de purifier l'air. la recepte en est telle. Prenez deux liures de soulfre vis, vne liure de bitume Iudaique de l'opoponax, de la branque vrsine, du galbā, du castoreō, & du glayeul crud, de chacū 6. onces: deux onces de sel ammoniac, de sel de capadoce, de corne de cerf, de la pierre gagatte masse & femelle, de chacū 3. onces: de pierre hæmatite, de l'æmant, de la pierre argérite, de chacune vne once: des hippocāpes, ou cheuaux de mer, des queuēs & des ongles marins, de chacū sept onces: trois onces de raisin marin, de moëlle de cerf, de gōme de cedre, de poix liquide, de chacū trois poids: sept os de seche, demie once d'or & vne gousse de balluque. Toutes ces choses doiuent estre meslees ensemble, & puis bruslees. Mais si vous ne pouuez trouuer les pierreries susdites, ou bien si le coust vous empesche de les acheter, vous ne laisserez pas de faire le demourant, car il est de grande vertu.

CEPENDANT toutesfois il se faudra diligemment enquerir & auiser s'il n'y aura point quelque meschanceté cachee en aucun lieu, ainsi qu'il me souuiēt auoir esté fait en Holande par vn maçon, lequel entrant de- *Le bestail*  
dās les estables cachoit en derriere de la fiente de loup *ensorcelé*  
dedās les auges, par la senteur de laquelle, cōme par la *par finesse.*  
presence de son ennemy deuorāt, & par vne cōtrepassiō  
le bestail estōné & tout furieux se tourmētoit outre sa  
coustume de ça & delā, tellemēt que les laboureurs trou  
blez pēsoyēt qu'il fust enforcelé. Parquoy ils auoyēt in  
continent recours au maistre de toute ceste farce, qui  
estoit fort renommé a cause de la guerison qu'il faisoit  
des forcelleries: lequel en ostant en cachette la matiere  
& la cause de tel forcillage, a sauoir la fiēte de loup, fai  
soit incontinent cesser la maladie. Car depuis que la  
cause est ostee, l'effect est semblablement osté. Voila cō  
ment par telle profession il gaignoit tellement qu'elle  
ment sa vie: toutesfois les gens de bien l'admōnestoyēt  
qu'il eust a renoncer de bonne heure a telle fausseté, au  
trement qu'il en pourroit estre puni.

A v resté, il faudra recourir aux medecins, pour auoir remede contre les venins, & contre toutes boi-




*Que c'est  
qu'il faut  
faire contre  
les poisons.*

sons amoureuses, afin qu'estans diligemment instruits par le rapport que lon leur fera, par les circonstances & par les accidens suruenus, ils puissent auoir assurance, sinon de l'entiere conoissance du venin, pour le moins par quelque coniecture, & qu'ainsi le plustost qu'il sera possible ( car le retardement aporte avec soy peril ) ils puissent ordonner par ordre les contrepoisons, selon la qualité & grandeur du venin, & selon que l'artificielle & exacte methode leur enseigne d'y mettre la main. Si par ce moyen la cause de la maladie peut estre conuë, l'effect s'esuanouira incontinët. Je n'expliqueray point icy les yenins, ni les signes qui suyuent apres que lon les a pris, ni mesmes les particuliers contrepoisons d'iceux, dautant qu'ils sont connus par les medecins. Quand il auient que les malades de telles maladies ont recours à autres hommes temeraires qu'aux doctes medecins, certainement les pauvres mal-heureux experimenteront bien souuent le sort de la mort, encores que la vertu pestilente du poison soit tardiuë: car son venin acroît peu à peu, & en fin il touche le cœur ou gist la vie.

*Fin du cinquieme liure.*

LE





LE SIXIEME LIVRE,  
 TRAITANT DE LA PV-  
 NITION QVE MERI-  
 tent les magiciens infames,  
 les sorcieres, & em-  
 poisonneurs.

*Que selon la diuersité des magiciens infames on doit  
 imposer diuers suplices.*

CHAP. I.



N ne me doit pas imputer à vice, si j'aoue  
 icy mon opinion, contraire à la vulgai-  
 re desia par plusieurs annees inueterée &  
 receüe. Ce que ie fay comme donnant vn  
 surcroist aux cinq liures precedens, en-  
 cores que de ma profession ie sois medecin, & qu'il sem-  
 blera paraenture que i'outrepasse les limites de ma vo-  
 cation. Car il est loisible à chacun de chercher la verité  
 cachee és profondes tenebres, & ne faut point qu'il y ait  
 aucune autorité de l'ancienneté qui luy soit preferee.  
 Et puis que ces impostures diaboliques sont tellement  
 enveloppees en des labyrinthes inexplicables, qu'il est  
 trediticile à vn chacun de s'en depestrer, encores qu'il  
 eust pour aide le plus rusé du monde: certainement ce-  
 luy ne doit estre repris, lequel tasche, selon la portee de  
 son esprit, de descouvrir la verité: mais au contraire il  
 doit estre aidé, & est digne de louange, s'il auance vn  
 bon ceuvre. Pourquoy doncques ne sera-il permis à vn  
 medecin, lequel fait profession de rechercher les choses  
 cachees, a estudié & employé le temps quelques fois en  
 telles escolles (dont les autres pourront iuger combien  
 heureusement) pourquoy di-ie ne luy sera-il permis de  
 se presenter en iugement, & dire son opinion, laquelle  
 ne preiudicie à ceux qui y ont interest? Les medecins



aussi ne porteront aucune enuie au legiste, ni à autres, au contraire l'honoreront doublement, toutesfois & quantes qu'il donnera son iugement de choses controuerses entr'eux ou bien de celles qui par vn long vsage & par opinions y ont pris pied. Nous iurons au deuant & embrasserons cest auis s'il nous conduit à la conoissance de verité: mais si aucontraire il se rencontre non receuable, nous le reietterons.

*Tous* Je diray donques, sous correction des legistes, qu'il ne faut egalement, confusement & sans discretion des vns aux autres, chastier de pareille punition les magiciens infames, qui sont de diuerses sortes, lesquels à bonne raison i'ay cy dessus distinguez d'avecques  
*Magiciens* les les sorciers & empoisonneurs. Car tous ceux que i'ay nommez magiciens, sont ceux qui recherchent ces sciences  
*ne doivent* en ces curieuses & ces characteres de blasphemies, non estre punis par ignorance ou par contrainte, mais de leur propre  
*de mesmes* gré & par grande estude, non sans y faire de grands  
*peines,* frais & bien souuent de longs voyages pour la recherche d'icelles. Quelquefois ils achètent à grands cousts les liures execrables de cest art, desquels les suiets & nourrissons du diable tettent les mysteres de la science satanique: afin qu'en apres ces vaillans disciples puissent receuoir le degré de maistrise quand ils auront bien & fidelement serui leur maistre & principal docteur duquel degré il a acoustumé de recompenser ceux lesquels il s'est assuietti tant en corps comme en ame, & qu'il tire à damnement, si ce n'est que par la grace de Dieu & estans poussez par l'aiguillon de leur conscience, ils renoncent au mensonge de Satan, & se  
*Leuit. 20.* reconnoissent de bonne heure. Moysé, commanda iadis  
*Dent. 18.* que les magiciens fussent punis de mort. Il appert aussi  
*Liure 3. des* par les paroles de saint Pierre (comme escrit saint  
*recog.* Clement) que depuis ils ont esté ainsi punis: Celuy, dit-il, mes freres, lequel ie vous monstre est venu par de-  
*Abdi. iiii.* uers moy vn peu au parauant, & m'a raconté des pratiques  
*de l'histoi* étiques meschantes de Simon, comment il les auoit  
*re des A-* laissées & auoit quitté la boutique de telle meschan-  
*post.* ceté au profond des abyssines: non pas qu'il en eust regret ou qu'il s'en repentist, mais craignant qu'il ne fust puny par les loix. Et pour ceste cause il s'en est  
fuy



fuy tout effrayé en Anthioche de Iudee, pensant que *Lin. 11. des*  
 Cesar le fist chercher pour le punir. Cassiodore escrit *recogn.*  
 aussi que l'arrest d'Athalaric roy des Goths est tel, *Li. 9. cha.*  
 qu'il falloit punir par la rigueur des loix les forcieres, 15.  
 ou ceux qui croient qu'il faut desirer quelque chose  
 par le moyen de leurs sciences mal heureuses. Car  
 c'est vne chose meschante que d'estre doux, à l'endroit  
 de ceux que la pieté celeste ne veut qu'on laisse im-  
 punis. Raportons encores icy l'opinion de saint Au- *Lin. 8. ch.*  
 gustin, lequel dit selon la sentence de Ciceron, qu'il *19. de la ci*  
 estoit escrit es douze tables des antiques loix Ro- *té de Dieu.*  
 maines: Celuy soit puny par supplice, lequel exercera  
 ces arts. On entend en ceste loy le magicien & empoi-  
 sonneur, & non vne pauvre vieille decharnee, laquel-  
 le n'a ni science ni conoissance d'aucun art. Toutes  
 les republiques bien policees condamnent les scien-  
 ces des magiciens.

IL y a cependant plusieurs magiciens qui ne sont  
 si exorbitans en meschanceté au detrimement d'autrui,  
 qui en recitant, selon que bon leur semble, vne manie-  
 re de coniuration superstitieuse ou pleine d'impieté, ou  
 bien en murmurant tout bas & en secret quelques pa-  
 roles sorttes, à raison d'une société & acointance se-  
 crette qu'ils ont prise avec les diables par le consente-  
 ment de leur volonté, sont paroistre en vn vaisseau, ou  
 dedans vn mirouer, ou en l'air, ou en autre endroit,  
 l'image & representation de quelque chose que ce soit,  
 laquelle on demande, ayant parauant charmé les yeux  
 de ceux qui les regardent. Or ne peuvent ils rien mon-  
 strer veritablement ou essenciellement par ce moyen,  
 sinon des choses imaginaires & phantastiques: com-  
 me tous les magiciens de Pharaon, qui estoient de  
 mesme profession & pouuoir que ceux-cy, ne firent *Exod. 7. 8.*  
 onques monstre que d'une prestigieuse semblance des  
 choses. Il faut admonester & contraindre ceste sorte de *La peine*  
 magiciens, qui ne sont point nuisibles, qu'en renonçant *des magi-*  
 à l'acointance qu'ils ont avec le diable, ils ayent à se *ciés qui ne*  
 reconoistre. Il en faut autant faire en toute Republi- *font pas*  
 que bien policee aux charlatans, bastelleurs & ioueurs *beaucoup*  
 de passe-passe, afin qu'ils n'attrapent plus *de mal.*



par ce moyen cauteleux les deniers du simple peuple, lequel de sa nature est amateur de choses curieuses. Tous ceux qui s'essayent de tirer en choses serieuses ou ioyeuses aucun effect que ce soit, contre l'ordre de la nature, contre l'usage de la parole de Dieu, & ce par meschâtes execrations, exorcismes, prieres, abus pleins de blaspheme du nom de Dieu, contre le second commandement, & par paroles barbares, qui d'elles-mêmes descouurent leur auteur: tous ceux-la, di-je, doyvent estre premierement instruits par vne plus pure doctrine, puis contrains & retenus par tres expres commandement, à ce qu'ils ayent à se reconoistre, comme estans sectateurs des sciences curieuses contre leur propre salut. Et où il auient qu'obstinément ils perseverent, il leur faudra imposer vne amende arbitraire par laquelle ils soyent retenus, afin que lon ne die que ils ayent forfait contre la loy que Moyse establitz contre les blasphemateurs.

*Leuit. 24.*

A v resté, il y a plusieurs magiciés, qui sont religieux de profession, cōme ils disent, & qui n'ont point honte de se vanter sçauoir des sciences occultes, d'entendre les sorceries & leurs guerisons tellement que si quelqu'un est affligé d'une maladie fascheuse, inconnue au vulgaire ignorant, & non accoustumée, & que se confiant à leur fausse science on leur demande conseil: ils persuaderont que ceste maladie procede de sorcellerie ou enchantement, encores qu'elle soit issue d'une cause naturelle & non inconnue à ceux qui sont mieux exercez en la medecine. Ils passent encores plus outre, & par quelques indices ils monstrent comme au doigt vne pauvre femme souuentefois innocente: ils controuuent la maladie, ils chargent l'innocent d'une calomnie inuincible, & sont trompeurs doublement, & doyvent estre mis au rang non seulement des faiseurs de fausse monnoye, qui sont les harpies du gain deshonesté, d'autant que sous ombre de pieté ils amorcent les personnes & les vouent & offrent au diable: mais aussi il les faut estimer comme ceux qui sement des libelles difamatoires, si nous voulons iuger iustement & egaleement de ceste semence seconde, de laquelle naissent tant de controuersés & haines mortelles, par lesquelles les voisina-



ges, les bourgs & les villes s'entremangent & ruinent. Et toutesfois ceste maniere de gens n'est destituee de ses defenseurs, à raison parauenture du tiltre de religion lequel ils portent. Car celuy qui touche ces oingts est accusé de vouloir creuer l'œil à Dieu mesme. Voila à leur conte, vne grande meschanceté & digne de mort. c'est, disent-ils, le moins qu'on puisse faire que de les retirer de ceste chose, ou de les debouter de la iouissance de leurs biens, ou de les enuoyer en exil. Or ie laisse entre les mains de ceux qui ont interest & pouuoir de les punir, d'augmenter, diminuer la peine, ou de la changer selon l'enormité du meffait, afin que lon ne die que i'outrepasse les limites de ma vocation.

Il faut mettre en ce mesme catalogue des magiciens (car ainsi le meritent-ils) tous ceux qui contre la maïesté & vrây vsage de la parole de Dieu & au mespris insupportable de la medecine sacree & tresutile entre toutes sciences, donnent contre toutes maladies tant des hommes que des bestes, du sel exorcise par coniu-rations & par paroles sacrees, detorquees en cest exorcisme, & font aussi boire de l'eau exorcisee par ceste mesme puissance, ou par exorcismes destituez de vrayes vertus, ou par paroles mal sonantes & hors de propos, ou par quelque nom sacré, ou par quelques passages de la sainte Escriture, fardez & masquez finement, afin que la fraude n'aparaisse, comme dit saint Augustin. Il y faut mettre aussi tous ceux qui s'aident de paroles sacrees ou estranges & sans significatiō, recitees, ou escriptes, ou pendues au col, ou attachees en quelque endroit que ce soit. Il n'y a point de doute, & faut confesser que toutes telles gens surpassent les bornes de superstition: & pour ceste cause ils doyuent estre repris aigrement & refrenez de peur que tant ceux qui font ces choses, que ceux qui les permettent, ne trebuschent en meschanceté & sacrilege d'idolatrie, & que quelque iour ils ne se repentent trop tard quand ils en seront punis.

*Punitiō des  
medecins  
magiciens.*

*Quel chastiment meritent les deuins, & ceux qui portent vn diable enfermé en vn anneau, ou en du voirre. Item, que tous les li-vres de Magic doyuent estre bruslez.*



## CHAP. II.

Les deuins  
& prognostiqueurs  
doivent estre mis au  
rang des perturbateurs  
de la republique  
& des faussaires.



V restes, plusieurs magiciens enstez de l'esprit de Python, se messent de deuiner, & se vantent de pouuoir faire retourner les choses perdues que quelqu'un aura desrobées, ou de monstrier le lieu où elles ont elle ferrees, ou de descouurer les choses cachees & desquelles on est en doute. Mais comme ainsi soit que telles gens poussez de l'amour qu'ils se portent, fassent profession d'une science occulte, laquelle ils ignorent, afin que lon les estime estre quelque chose : & qu'ils sont poussez de leur propre malice pour tromper, ou allechez par auarice pour faire gain par fraude, encores que le plus souuent ils n'entendent rien que par la cooperation de Satan, & ne laissent de se vanter qu'ils ont la conoissance des predictions (encores qu'ils parfassent ce qu'ils promettent, par quelques exorcismes, execrations, vœux & ceremonies) ie tien qu'on les doit mettre tous au rang des seditieux, perturbateurs de la republique & faussaires, cōme estās tous apuyez sur mensonges, & sur l'auteur de mensonges, comme sur vn tefmoin trefasseur, auquel se cōfiās, ils accusent de larcin ou d'autre meschanceté, ceux qui ont tousiours vescu paisiblement & en estime de gens de bien entre leurs voisins, desquels ils ont esté tousiours reconus pour innocēs. Et toutes fois estās ainsi notez sans l'auoir meritē, ils sont flétris d'une calomnie qui demeure attachee à leurs successeurs, & par ce moyen il y a plusieurs familles, peuples & voisinages celebres, qui parauant auoyēt tousiours vescu paisiblement, lesquelles sont troubles & desiointes par enuies & par haines. Le magistrat leur doit premierēt faire defense, puis les condāner à l'amen de pecuniaire & arbitraire selon la qualite du mesfait :

Leuiti. 24. & où ils ne desisteront, ils doyuent estre punis par ban-  
La punitiō nissement, comme il me souuient auoir esté autresfois  
que Moysse prattiqué par grande prudence contre vn deuin nom-  
mē ordonnē mē Ioachim, par le celebre Senat de Gueldres. Car ie  
aux deuins ne leur souhaite pas la punition qui leur a esté ordon-  
& magi- nee par Moysse en la Loy selon la volonte de Dieu, la  
ciens, quelle est telle: l'homme & la femme esquels l'esprit py-  
thonique



ithonique ou de diuination sera trouué, mourront de mort, on les lapidera, & leur sang soit sur eux. Item, la personne qui se retournera aux sorciers ou aux deuins faisant fornication apres eux, ie mettray ma face contre ceste personne, & la seray exterminer du milieu de mon peuple. Item, en Deuteronomie dixhuitieme chapitre: En toy ne sera trouué magicien vsant d'art magique, ni homme ayant esgard aux temps, ni aux oiseaux, ni sorcieres, n'enchanteur qui enchante, ni homme demandant conseil aux esprits familiers, ni deuins, ni demandant aux morts: car tous ceux qui font telles choses, sont abomination au Seigneur, & à cause de telles abominations le Seigneur ton Dieu les exterminera de deuant ta face. Ainsi mourut Ochosias Roy d'Israël: car estant malade il mesprisa le vray Dieu & les moyes legitimes, & enuoya vers Beelzebub dieu d'Accaron. Pour ceste cause cause le Roy Saul, par vn edict public, les bannit sous grandes peines qu'il ordonna: il chassa de la terre les magiciens & deuineurs, & fit mourir ceux qui auoyent des esprits pytoniques en leurs ventres. Luy mesme aussi ne peut eschaper ceste punition, pourauant qu'il recourut à la femme Pytonique en Endor. Le Seigneur Dieu encores se courrouça fort cōtre Manassé & contre les Israélites, qui furent griesuement punis de ce qu'ils auoyent supporté les deuins, au second des Rois, chapitre dixseptieme & vingt & vnieme. Isaye aussi s'en est souuenu, es chapitres dixneuvieme & quantequatrième.

Il faut enroller ici tous ceux qui portent vn miserable diable, afin qu'il obeisse à leur volonté, & leur responde, lequel ils ont attiré par parfums & ceremonies, & l'ont emprisonné subtilement & artificiellement dedans vn anneau fait par vn orfeure: ou bien ceux qui le portent dedas vn christal ou dedans vn verre dur & difficile à casser, la où il est si estroitement & irremissiblement enchainé, que seulemēt il fait seruice en deuinant ou en descouurant les choses cachees à ses maistres, comme feroit vn seruiteur captif ou vn esclauē car ainsi le demande l'ordre des choses naturelles, que cōme le maistre est maistre du seruiteur, ainsi est le seruiteur, seruiteur du maistre. C'est toutesfois vne chose

*La punition  
de ceux qui  
portent vn  
diable en  
fermé en  
vn anneau,  
ou enchassé  
dedans vn  
verre.*



esinerueillable commét ce voirre ne se fond par la chaleur du diable qui de nouveau y est accouru du profond du feu d'enfer.

IL ne faut aucunement endurer ceste maniere de gens, qui sont premierement tort à leurs ames, trompent les hommes, & se souillent d'impieté. Les conseillers d'Arnhem en Gueldres ont proposé & diuulgué depuis peu de temps par l'autorité l'Empereur vn exemple de iuste punition, lequel est grand, & digne d'estre imité, par eux pratiqué contre vn homme de ceste profession nommé Iaques Iosse de la rose, de Courtray, lors que le Chancelier M. Adrien Marin Nicolai, excellent en doctrine, bonne renommee, & prudence, auquel ie suis fort tenu pour plusieurs raisons, presidoit en ceste compagnie. C'est hōme portoit vn anneau dedās lequel il pésoit auoir enfermé vn diable par exorcismes, & à qui il estoit contraint parler de cinq iours en cinq iours pour le moins, pour sauoir de luy des nouuelles & autres choses dont il l'interroguoit. Il auoit aussi des liures, dans lesquels plusieurs sorceries & coniurations estoyent contenues, & au moy en dequoy il vouloit guerir & discerner les maladies, non seulement des hommes, mais aussi des bestes, procedantes de la sorcellerie, d'auec celles qui sont naturelles. Parquoy apres qu'il eust esté quelque temps detenu prisonnier, il fut mené au lieu public deuant le palais, où estant solēnellement enuironné d'vne grande partie du peuple, il fut contraint par la sentence qu'il auoit receuē de rōpre avec vn marteau la feincte prison du diable captif, a sauoir l'anneau, & de donner par ce moyen liberté à son prisonnier, sinon que quelqu'vn voulust dire que par la violēce du marteau le diable eut esté escaché, puis qu'il estoit enfermé dedās la partie plus massiue d'iceluy. Et

*Les anne-* fut cōtraint de ietter ses liures au feu, & d'attēdre qu'ils  
*aux, chry-* fussent consumez du tout. Puis il fut banny, ayant payé  
*stail, voirre* les despens de la poursuite tels que de raison. Cela fut  
*& autres* fait à Arnhem le 14. de Iuillet, l'an 1548. On doit par  
*telles cho-* mesme moyen condamner & rompre par sentence so-  
*ses doyuent* lennelle le chrystal, les voirres & autres tels organes  
*estre rōpues* consacrez & dediez à vsages semblables & malheureux:  
*en public.* & la punition ordonnée à ceux qui les font & les main-  
 tiē-



tiennent selon l'enormité du mesfait, comme le Magistral auisera estre bon de faire suyuant l'equité.

A v resté, nous ne deuons aucunement douter de ce que lon doit faire des liures de ces sciences curieuses, veu que nous en lisōs vn exemple memorable & digne d'estre imité par toute la posterité & sans aucune doute, lequel est escrit es Actes des Apostres, où nous lisōs, cōme par la predication de S. Paul faite en Ephese tous les liures d'exécrations furent apportez & bruslez iusques au prix de cinquante mille pieces d'argent. Hermogene le magicien apporta vne grande quātité de liures de magie à sainct Iaques, lesquels furent tous bruslez. Athanasie escrit aussi au liure de l'humanité du verbe, que tous ceux qui auoyent eu la magie en admiration, bruslerent leurs liures. Et Vlpian le iuriconsulte veut que tous ces liures comme damnables & de lecture reprobuee, soyent deschirez. *L.Catera. §.1. ff.fam.hercise.*

*Les liures*

*des magi-*

*ciens doy-*

*uent estre*

*bruslez.*

*Act.19.*

*Abdi.liu.*

*4.de l'hi-*

*stoire des*

*Apostres.*

*Augu. de*

*la cité de*

*Dieu, li.8.*

*chap.19.*

RAPPORTEZ ici tout ce grand theatre de deuinations demoniaques, lesquelles nous auons mises au second liure entre les magiciens infames. L. Apulee fut acuse de necromance par Sycionie Emilian par deuant Claude Maxime proconsul d'Afrique, par lequel, comme quelques vns veulent, il fut condamné, encores que plusieurs estiment estre auenu autremēt. Le Roy Charles VII. fit pēdre vn Marechal de France, nommé Gilles, pource qu'il estoit magicien. Plutarque en la vie d'Artaxerxes descrit la punition des magiciens en Perse.

*Ce que les loix & les Decrets ont arresté touchant les magiciens, deins, & ceux qui vont au conseil par deuers eux.*

### CHAP. III.



Lm'a semblé bon d'aiouster icy ce que les loix & les Decrets ont arresté touchant ceste orde & vilaine assemblee de magiciens desquels nous parlons. Et principalement a cause de ce que quelques

*L.multi.*

*C. de ma-*

*chicis &*

*magiciens*

*desquels*

*nous parlons.*

Et principalement a cause de ce que quelques vns nous obiectent, qui confessent que les sorcieres n'ont aucun pouuoir d faire venir la tēpeste & la gresle. Il est donques escrit: Il y en a plusieurs qui exercent des sciences meschantes, troublent les elements & les ga-

*mathema-*

*tiques.*



flent, ne pardonnans mesmes à la vie des hommes innocens, auxquels ils portent dommage. Et pour autant que telles gens sont aduersaires de nature, il faut qu'ils soyent punis de mort. Or auons nous assez monstré par cy deuant que nos sorcieres sotes, vieilles, & radotees, n'exercent aucun art, & que mesmes elles ne peuuent par aucun moyen troubler ou gaster les elemens, non plus qu'aucun des hommes. Parquoy ceste loy ne les concerne aucunement. Mais s'il y en a quelques vniuers qui espient la vie des hommes pour l'endommager, il n'y a point de doute qu'elles ne le fassent par le moyen des venins: & pour ceste cause elles doiuent estre nommées sorcieres & sont empoisonneuses, & par consequent elles doiuent estre punies selon cest edict. Il est

*Les loix imperiales contre les deuins, magiciens, sacrileges & empoisonneurs.*

aussi escrit au neuuiesme liure du Code par l'Empereur Constantin Auguste à Maxim. Nul deuineur, nul prestre (c'est à dire docteur de la magie defendue) & nul de ceux qui ont acoustumé de ministrer & semer telles superstitions, n'aperoche du seuil de la porte d'autrui, ni pour autre aucune chose: ains que l'amitié de tels personnages soit chassée encores qu'elle soit d'ancienneté. Que lon brusle le deuineur lequel sera entré en la maison d'autrui, & que celuy qui l'aura fait venir par prieres ou par presens, soit enuoyé en exil en vne isle, apres que ses biens auront esté confisquez. Le mesme Empereur escrit au peuple: Que personne ne voise au conseil vers le deuin, ou vers le mathematicien, ou vers le necromancien: Que la faulx confession des deuins & prognostiqueurs ne soit entédue. Que les Chaldeens, magiciens & autres, que le vulgaire nomme empoisonneurs, à cause de la grandeur de leurs mesfaits, n'entreprennent aucune chose touchant cecy: bref, que la curiosité de deuiner soit abolie pour tousiours. Le mesme Empereur escriuant à Taurus, grand preuost de l'Empire: Encores que les corps de ceux qui sont constituez en dignité soyent mis aux tourmens, a sauoir outre les crimes monstrez par les loix: & que les magiciens qui sont en quelque partie de la terre, soyent estimez ennemis du genre humain: pour autant toutesfoiſ que ceux qui sont à nostre suite ont quasi la mesme maiesté: s'il se rencontre quelque magiciē, ou quel-

*Chaldeens, magiciens & empoisonneurs.*

que



que autre adonné aux exercices magiques, que le vulgaire par coustume appelle forcier, ou s'il se rencontre quelque deuineur, prognostiqueur, augure, ou mathématicien, ou autre qui cache vn art de deuiner par songes, ou face quelque chose de semblable en nostre suite ou de nostre associé à l'Empire, qu'il soit despouillé de sa dignité & n'euite point la peine & les tourmens. mais s'il est conuaincu & qu'il nie & repugne à ceux qui auront descouuert sa meschâceté, qu'il soit mis sur la gehenne & qu'en luy deschirât les flancs avec griffes de fer il porte la peine deuë à sa meschanceté.

NVL ne doit prendre conseil du deuin, & tout homme doit cesser de deuiner: & quiconque fera le contraire, sera puny *J. d. secundum Sal.*

PERSONNE ne doit demander conseil à vn enchanteur pour sauoir les choses auenir ni aux Chaldeens, ni aux forciers: & quiconque fera autrement, il sera puny capitalement. *V. iniam.*

CEUX qui inuoquent les diables, ou qui font des charmes par de images de cire, soyent punis *J. d. Sal.*

CEUX qui font des enchantemens pour mauuaise fin, doyuent estre punis. Et encores qu'ils les fassent à bonne fin, si est-ce qu'ils seront punis de droit Canon, 26. q. 2. cap. illos. *Et c. ex tuorum. extra. de sortilegis. Et c. fin. c. tit. vbi glosa. Bart. Sali.*

VLP IAN in l. item apud Labeonem. §. si quis. ff. de iniur. dit que ceux sont condamnables par les constitutions des princes qui font profession d'aucune diuination illicite. *iuxta l. nemo habet. C. de mathemat.*

LES deuinations & les consultations des deuins sont condamnées au Synode de Toledé, & es epistres decretales, de Gregoire, *Et hab. 26. q. 5. si quis*: Si quelcun s'arreste aux deuineurs, pronostiqueurs, ou enchanteurs, ou quicôque se sera aidé de phylacteres, qu'il soit excommunié. La glose dit que les phylacteres sont les billets ou breuers dedâs lesquels les enchâtemens sont

*Phylacteres  
res.*

escrits. Le mesme, *Et hab. 26. q. 5. contra*: Nous exhortons soigneusement vostre fraternité qu'elle ait à prendre garde d'vn soin digne de pasteur, contre ceux qui adorent les idoles, contre les deuineurs & sorcieres. Que s'il auient qu'ils ne se vueillent repentir & amender,



nous voulons qu'ils soyent chastiez de verges s'ils sont serfs: mais s'ils sont libres, ils doyuent estre enfermez, & menez en prison.

S. Augustin, 26. q. *ultima admonent*: Que les prestres fideles amonestent leurs peuples de penser que les arts magiques & enchantemens ne peuuent apporter aucun remede aux maladies des hommes &c. Item si quelque ecclesiastique exerce ces choses, qu'il soit degradé: si c'est vn lay, qu'il soit excommunié.

ITEM au Concile d'Ancyre, chap. 34. Ceux qui cherchent les deuinations, qui ensuyuent la façon de faire des Gentils, ou qui introduisent en leurs maisons ces gens pour sauoir ou pour purger quelque chose par art magique, qu'ils soyent soumis à la reigle de cinq ans selon les degrez ordonnez pour penitence. La glose. les gens sont bruslez selon la loy: & ceux en la maison desquels telles choses sont faites, sont bannis apres la confiscation de leurs biens. *C. de malef. nullus.*

EN ce mesme Cōcile furēt condānez par vn decret general les enchantemens & sorceries comme pernicieuses inuentions des diables: & est cōmandé aux Ministres des Eglises d'arracher entierement ce mal du milieu de leurs troupeaux. Item il leur est enioint de refuter & cōdamner l'opinion que les forcieres ont que de nuict elles sont montees sur des bestes de toutes sortes, & font beaucoup de chemin en l'air volās apres Dieu: veu que rien de tout cela ne se fait à la verité, ains elles sont trompees par les illusions du diable.

ITEM en vn Synode du Pape Martin: Si quelqu'un, suyuant la maniere de faire des payens, introduit des deuins ou des forcieres en sa maison, comme pour en chasser le mal dehors, ou pour ietter quelque sorcelerie ou pour faire les purgations payennes, qu'il en face penitence par l'espace de cinq ans.

26. q. 5. c. *no oportet* ITEM au Concile de Laodicee, can. 36. Il ne faut point que les prestres ou clerics soyent magiciens ou enchanteurs, ne qu'ils facent des phylacteres, qui sont autāt de cordeaux pour estrangler leurs ames. Nous ordonnons que ceux qui pratiqueront telles choses, soyent iettez hors de l'Eglise.

ITEM selon le 4. Concile de Tolete cha. 30. Si quel-  
que



que Euesque, ou prestre, ou diacre, ou autre de quelque ordre ecclesiastique, est surpris & descouvert d'auoir pris cōseil des deuineurs, enchâteurs, prognostiqueurs, augures, forciers, ou autres qui facent profession de l'art magique, & qui exercent telles choses semblables : estant suspendu de l'honneur de sa dignité, qu'il prenne le soin d'yn monastere : & que là estant condamné à perpetuelle penitence qu'il paye sa sacrilege meschanceté commise.

GREGOIRE escrit à Adrian notaire : On nous a rapporté que vous auez poursuyui quelques enchâteurs & forciers. assurez vous que vostre sollicitude & bon zele nous a esté agreable. Il faut aussi que vous ayez soin de vous enquerir diligemmēt & de corriger d'vne punition estroicte autant que vous trouuerez de ces ennemis de Christ.

ITEM selon le Concile d'Orleans: Si quelque ecclesiastique, moyne ou seculier a opinion qu'il fale obseruer les deuinations & prognostications, ou qu'il fale appliquer à aucun les sorts qu'ils disent estre des saincts, que celuy soit chassé de la communion de l'Eglise, & ceux aussi qui auront creu avec luy.

ITEM selon le Concile de Carthage, chap. 39. Nous commandons que celuy qui sert aux augures & enchantemens, & qui s'arreste aux superstitions & sabbats des Iuifs, soit separé de la congregation de l'Eglise.

SELON le Concile Acquirence, *part. 2. caus. 26. quast. 5. episcopi.* Que les Euesques & leurs ministres s'estudient de tout leur pouuoir a desraciner de fond en comble hors de l'entendement de leurs parroissiens la forcellerie & art magique pernicieuse, inuentee par le diable : & s'ils rencontrent quelque homme ou femme qui suyue ces meschancetez, qu'ils les iettent hors de leurs parroisses comme estans vilainemēt deshonz. Car l'Apostre dit : euite l'homme heretique apres la premiere & seconde correction, sachant que celuy qui est tel est renuersé, & qu'il a peché estant condamné par soy mesme. Ceux-la sont renuersez & detenus captifs par le diable, qui delaisans leur Createur cherchent l'aide du diable. Et pour ceste raison la sainte Eglise doit estre nettooyee de telle peste.



Il y a le Canon 61. de la condamnation des forciers: Ceux qui se sont adonnez aux deuins, ou à ceux qui se nomment centurions, ou à quelques autres semblables gens pour apprendre d'iceux s'ils leur veulent reueler quelque chose, selon ce qui a esté par cy deuant arresté par nos peres soyent punis selon le Canon qui est des six ans. Il faut punir de mesme tous ceux qui pourment çà & là des Ours, ou des semblables bestes pour le plaisir & damnation des idiots: & ceux aussi qui discourrent sur les folles trôperies de la fortune, du destin, des natiuitez, & de tous tels amas de vaines paroles. Autant en faut-il faire à ceux qui disent chasser les nues, aux maudiseurs, aux faiseurs de fermaillets & aux deuins. Au reste, nous disons selon les saincts Canons, qu'il faut du tout reietter de l'Eglise ceux qui perseuerent en ces choses, & qui ne changent point leur mauuaise opinion, comme aussi ceux qui n'eurent ces pernicieuses & Ethniques institutiōs. Car quelle accointance y a-il de la lumiere avec les tenebres? ou quel accord de Christ avec Belial?

Au troisieme canon du Concile d'Agde. Il se faut enquerir, s'il y a quelque femme qui se vante de pouuoir changer les entendemens & cœurs des hommes par quelques malefices & enchantemens: item, de les pouuoir conuertir de haine en amour & d'amour en haine, ou leur oster, ou leur gaster leurs biens: & s'il s'en trouue quelqu'une qui se disé auoir esté transformee & emportee avec la troupe des diables pour courir de nuict en l'air sur certaines bestes, & estre de la bande: qu'on fouette telles femmes, & qu'elles soyent chassées hors de la parroisse. Ici n'est faite aucune mention des forcieres, selō que nous les auōs descrites, ni des crimes qu'on leur attribue: partant il ne les faut chastier de mesmes supplices que les malefiques dont est ici fait mention. Semblablement la loy Mahumetique condamne tout art diuinatoire, & tient que Dieu seul conoit les choses secretes & auenir: au moyen dequoy tels deuins & leurs adherans sont quelques fois enprisonnez par les inquisiteurs Mahumetiques.

En cest endroit i'adiousteray l'auis d'Isichius, cōtenu au 2. liure de ses commentaires sur le 7. chapitre du  
Leuitis



Leuitique. Tous ceux, dit-il, qui obseruent les augures, deuinations, purgations, iours, & temps, & encores plus les magiciens & empoisonneurs, sont abominables deuant Dieu. Et au 6. liure des mesmes commentaires sur le 20. chapitre. Nous auons declairé ci deuant, dit-il, que ce n'est pas vne legere faute d'auoir recours aux magiciens ou empoisonneurs: car en l'vn & en l'autre on se recule de Dieu, soit qu'on estime les Pythoniques & empoisonneurs sensibles ou intelligibles au nombre desquels sont ceux la, les trompeurs & flatteurs, qui predissent choses fausses au nom de Christ, & qui par meschantes doctrines corrompent l'entendement de plusieurs, tellement qu'ils destournent leurs oreilles de la verité, & s'adonnent aux fables & à mensonges. Item, C'est vne trop grande meschanceté d'estre deuin ou enchanteur: car celuy qui est tel est corrompu & corrompt les autres en son iniquité. S. Cyprian au liure du double martyre dit que les magiciens renoncent Iesus Christ couuertement, veu qu'ils ont alliance avec les diables qui sont ses ennemis.

*Edits des Emperours, touchant la punition des deuins  
& magiciens infames.*

### CHAP. II II.



En cest endroit i'adiousteray les edits publiez contre les deuins & magiciens infames, contenus au liure des Statuts de l'Empire publiez en Aleman: & les expliqueray sommairement.

EN l'article 17. Que personne ne soit emprisonné, ni mis à la question estant accusé par vn magicien infame ou deuin: neantmoins ce magicien & delateur sera chastié. Si le iuge passe outre sur l'accusation du magicien, il sera tenu de payer les despens dommages & interests de l'accusé qu'il aura emprisonné, torture & difamé.

EN l'art. 35. Si quelcū veut aprédre à vn autre l'art magique, ou qu'à cause d'icelle il ait menacé son prochain, & qu'il s'en ensuyue du mal: où si quelqu'un a eu grande accointance avec enchanteurs & enchanteresses: ou s'il s'est aidé de telles choses, & que pour ceste raison il



aitesté estimé & appellé magicien : ces indices semblent suffire pour faire qu'un tel soit mis à la torture.

OR le chemin & la procedure que lon tiét maintenant est toute autre, veu que par l'accusation malicieuse ou par la fausse presumption d'une populace abestie, certaines vieilles mocquées & assaillies par le diable, ou plustost blessées & ensorcelles par iceux, sont iettées par la iustice dedàs des cachots de brigands, & repaires des malins esprits, puis on les liure aux bourreaux qui les deschirent sur la torture, inuentans avec vne horrible cruauté, des tourments indicibles. Car bon gré maugré, tant innocentes puissent elles estre, on ne les oste point de la torture qu'elles n'ayent confessé le forfait dont on les acuse. Par ainsi il auient qu'elles aiment mieux estre bruslées & mourir innocentes en peu d'heures, à l'appetit de ces sanguinaires, que d'estre continuellement tirées sur les gehennes & tortures de ces cruels bourreaux. Mais si à force de tortures elles meurent entre les mains des bourreaux, ou que par les tourmens leur vigueur soit tellement espuisée en ces tenebres ou elles sont, que venans à voir le iour elles expirent incontinét alors chacun crie, qu'elles se sont tuées, ou que le diable leur a rompu le col, combien que cela puisse estre auenu de la rigueur de la torture, & de l'ordure des ca-

*Les inin- chots. Mais quād celuy qui sonde les reins & les cœurs, fles & te- cest enquesteur & iuge de la verité plus cachee, aparois- meraires in stras vos procedures serōt manifestes, ô iuges sanguinai- ges doyuēt res, ô hommes cruels, inhumains, & deuestus de com- jēser à ce- passion. Je vous aiourne deuant le tresiuste throne de ci. Ceux ce iuge souuerain, qui iugera entre vous & moy, a- qui proce- lors la verité enseuelie & foulee aux pieds sera de- dent sage- bout pour demander raison & faire vengeance de tou- mēt & en tes cruantez. Alors aparoistra quelle conoissance vous crainte de auez eu de chrestienté, dont quelques vns d'entre vous Dieu en se glorifient tant : lors vous sentirez quel poids la paro- tels faits ne le de Dieu aura eu parmi vous : lors on vous mesurera de sont tou- la mesme mesure qu'aurez mesuré. Je pourroy prouuer chex aucun- aisement ces choses par exemples manifestes en l'Em- nement en pire Romain, ou cest edit a esté publié : mais ie me toutes ces contenteray d'un seul, estât deliberé de publier les au- mures. tres (outre ceux qui sont ia cōtenus en cest œuvre) avec*



le temps, si lon ne se deporte de ces cruauitez & traitemens barbares.

Vn certain Comte que ie cognoy bien, eut depuis deux ans en çà deux sorcieres en prison, lesquelles il fit brusler, apres les auoir despees en la torture: dont l'vne mourut auât qu'estre menee au feu. L'autre, torturée à toute outrance, confessa que par ses sorceries, & à l'aide d'vne ieune fille, seruante d'vne damoiselle, elle auoit fait deuenir fol vn certain gentilhomme. Alors & tout soudainement ceste fille fut emprisonnee avec vn homme: & tous deux furent tant tirez par le bourreau, que le iuge, estant venu par le cōmandement du Comte vers moy, qui auois demâdé les confessions des deux femmes bruslees, me confessa de sa propre bouche, n'estre estonné d'autre chose que de ce que la fille auoit peu endurer tant de questions ordinaires & extraordinaires. Dauâtage, lon auoit esprouué en ceste fille, si elle nageroit sur l'eau, ce qui auint, & pense-on que c'estoit vn suffisant tesmoignage pour prouuer qu'elle estoit sorciere. Je descriray la fausseté en vn mot, c'est que le gentilhomme n'estoit point enforcelé, mais demoniaque: & pource qu'un prestre & vn moine auoyent perdu leur peine voulans chasser le diable, on me demanda conseil là dessus. Je priay aussi le Comte par son iuge & par lettres que ie luy escriuis, qu'il me baillast en garde ceste fille, pour conoistre la verité du fait. Au bout de quelque mois elle & l'homme furent deliurez de prison. Or quelque temps au parauant, le diable s'estoit pourmené en la maison du Comte, & (si i'ay bonne memoire) auoit tourmenté le frere bastard d'iceluy. Maintēât ce Comte est tout plat au lit il y a quelques mois & ne se peut remuer, combien qu'il soit encores ieune.

CONSIDERONS maintenant le 42. article de ces constitutions imperiales. Si quelqu'un est accusé de sorcellerie, qu'on s'enquiere de la cause & des circonstances, cōme dit a esté, a sauoir par quels instrumens, commēt, quand, avec quelles paroles, & de quelle façon le mal a esté perpetré. S'il confesse auoir caché dans terre ou en sa maison quelque chose propre à executer ses sorceries: il faudra donner ordre de trouuer cela: mais s'il dit auoir marqué cela par paroles ou caracteres, il faudra



aussi considérer si ce sont sorceleries ou choses y appartenantes : item , conuiendra s'enquerir qui luy a aprins ces sorceleries, comment il est paruenu là, s'il a pratiqué ces sorceleries en autres choses, sur qui, & quel mal s'en est ensuyui. Cest article commande notamment qu'on s'enquiere soigneusement de quelle matiere , par quels moyens, en quel lieu & tēps le malefice a esté commis : Item si la sorcelerie est vn art ou vne illusion diabolique, & si cela se peut faire, & est en la nature des choses : si par tels instrumēs & moyens, si cela conuient aux accusations & tesmoignages : & partāt faut demāder conseil à ceux qui conoissent les substances des choses & les vertus d'icelles. Outreplus, il faut sauoir quel dommage celā a peu faire : car il auient souuent que telles choses sont descouuertes n'auoir non plus d'efficace que la paille qui vole en l'air , comme il en sera plus ample-ment parlé es septieme & huitieme chapitres suiuaus.

L'ARTICLE nonante huitieme veut que si quel- qu'un endommage autrui par enchantemens, qu'il soit brulé viif. Mais que celuy qui aura vſé d'enchantemens sans faire tort à autre, soit puni selō la grandeur du forfait : en quoy le iuge se gouuernerā par conseil. Il ne faut douter que par la vertu des enchātemens quelqu'un ne puisse estre endommagé : si cela auiet , faut cōclure que c'est poison, & non autre chose : car le regard, les paroles ou quelque brouillerie cachée sous le lueil de la porte ou ailleurs, ne sauroyent blesser : comme nous l'auons prouué par diuerses raisons en cest œuure.

*L'histoire du Pape Syluestre, deuxieme du nom, est icy proposée aux magiciens qui se repentiront.*

## CHAP. V.

**I**L'AY bien voulu proposer à ceux qui reco- noissent leur faute l'exemple memora- ble du Pape de Rome LXXXI. nommé Syluestre second : selon qu'il a esté escrit par Platine, Naclere, Pierre de Premon- stré, Benno Cardinal, en la chronique de frere Martin de l'ordre des freres prescheurs, & en plusieurs autres.

Ce



Ce Pape estoit nommé parauant Gilbert, François de nation, & estoit, comme on dit, paruenue au pontificat par mauuaises pratiques. Car estant encores ieune garçon, il fut rendu moyne au conuent de Flory diocese d'Orleans: & ayant laisse le monastere il suyuit le diable, auquel il s'estoit du tout adonné, & se transporta à Seville en Espagne, pour aprendre les bonnes sciences, où il s'acointa d'un philosophe Sarrafin grãd magiciẽ. Estant logé chez iceluy il vid vn liure de necromance lequel il desira prendre en cachette: mais pourautant qu'il estoit gardé soigneusement, il fit tant par le moyẽ de la fille de son hoste, de laquelle il estoit fort familier, que l'ayant pris secrettement, il le leut. Et encores qu'il eust promis le rendre, si commença-il à penser cõme il le pourroit desrober & s'en aller: toute fois il craignoit le danger que portoit vn tellarcin. Gilbert donques pouffé par la diabolique cupidité d'ambition, par le moyen de son maistre obtint premierement par presens l'Archeuesché de Rheims, puis celuy de Rauenne, & en fin il eut avec vn peu plus de peine, mais à l'aide du diable, la Papauté, qui fut l'an mil, comme escrit Pierre de Premonstré, ou bien l'an neuf cens nonante & sept, comme escriuent les autres. Mais ce fut à telle condition, qu'apres sa mort il demeureroit du tout à celuy par les fraudes duquel il estoit paruenue à ceste grandeur & dignité. Or encores que durant son Papat il dissimulast les arts magiques, si auoit-il vne teste d'airain, laquelle il gardoit en vn lieu secret, & qui luy rendoit responce si quelque fois il demandoit quelque chose à l'esprit malin. En fin il auint comme Gilbert cupide de regner s'enqueroit du diable combien de temps il demeureroit en son Papat, que cest ennemy du genre humain luy respondit ambiguẽment, comme de coustume: Tu viuras, dit-il, long temps, pourueu que tu n'ailles point en Ierusalem. Ainsi donc il auint l'an quadrieme avec vn mois & dix iours de son pontificat, comme il disoit la Messe en l'Eglise de sainte Croix surnommee de Ierusalem, il tomba soudainement en vne grosse fieure, & conut par le bruit que faisoient les diables, qu'il deuoit bien tost mourir: car eux s'attendoient receuoir bien tost leur loyer. ainsi l'escrit Pierre



de Premonstré. Toutesfois ce Pape se repentant pleura & confessa en presence du peuple l'erreur qu'il auoit suyui en la magie. Et premierement il exhorta chacun à bien & sainctement viure, à laisser toute ambition, & fraudes diaboliques: puis il pria qu'apres sa mort on mit le tronc de son corps deschiré & rompu comme il meritoit, dessus vn chariot, & qu'il fust enseuely au lieu auquel les cheuaux le trainans s'arresteroient d'eux-mesmes. Or ainsi qu'il estoit en ces angoisses de la mort, il suplioit, comme dit Benno, que lon luy coupast les mains & la lague par laquelle il auoit blasphemé Dieu, en sacrifiant aux diables. On dit donques (comme escrit Platine) que par le vouloir & prouidence de Dieu les cheuaux s'arrestèrent d'eux-mesmes pres l'Eglise de S. Iean de Latran, & qu'en cest endroit son corps fut enseuely: afin que les meschans conoissent qu'ils pourront trouuer pardon enuers Dieu, pourueu qu'en leur yuiuant ils se repentent.

*Histoire admirable d'une sorciere Espagnole nommee Magdelaine de la Croix, laquelle se repentit de ses fautes & obtint grace.*

## CHAP. VI.

**N**VIRON l'an mil cinq cens quarâte cinq, auintyn cas non moins estrange qu'admirable en la ville de Cordoue au Royaume d'Andalousie en Espagne. Vne fille de pauvre maison, des l'aage de cinq ans fut mise en vn conuent de nonnains par ses parens ou tuteurs. Lon ne sait si c'estoit par deuotion ou à cause de pauvreté. Estât en ce bas aage qui ne fait encor que c'est de mal, on dit neantmoins (tant les iugemens de Dieu sont profonds) que le diable luy aparut en forme d'un more fort noir & hideux. Combien que de prime face elle en eust grand horreur, toutesfois cest ennemy la flatta tant, & luy promit tant de ces menues besongnes à quoy les petis enfans préneent plaisir, qu'il l'acoustuma à deuiser avec luy, luy enioignant tousiours fort estroitement qu'elle (qui estoit encor fort craintive) ne descoumist rié de ceste association. Or en ce teps, la fille mon-



stra auoir vn esprit merueilleusement prompt, & vn naturel autre que les autres, parquoy elle estoit fort estimée des nonnains aagees & des autres ieunes filles. Car il semble que le diable visast spécialement à ce but, de trouuer vne ieune fille qui luy peust seruir d'instrumēt propre pour se moquer de toute l'Espagne: & que pour y paruenir il luy falloit donner vn tel lustre de saincteté & de religion, que par ce moyen (estimé propre par dessus tous pour abuser le mode) il vint à bout de ce qu'il pretendoit. Magdelaine estant paruenue à l'aage de douze ans ou enuiron fut sollicitée par le diable de se marier avec luy, & pour douaire il luy promettoit de faire, que par l'espace de trente ans ou enuiron elle viuroit en telle opinion de saincteté par toute l'Espagne, qu'il n'y en auroit iamais eu de pareille. Tandis que Magdelaine sous l'opinion de ce contract passoit le temps en sa chambre avec cest esprit immonde, qui l'entretenoit par ses illusions, vn autre diable seruiteur du marié prenoit la forme & semblance de Magdelaine, se trouuoit au temple, au letrain, au cloistre, & en toutes les assemblees des nonnains, avec grande apparence de deuotion. Item il faisoit sauoir à Magdelaine, apres auoir fait son seruice en l'Eglise, tout ce qui se manioit au monde: dont elle donnant aduertissement à ceux qui l'auoyent desia en grāde reputation, fut estimée dauantage estre vne tres-saincte vierge, & comēça-on de l'appeler Prophetesse. A cause de ce, & combiē qu'elle n'eust pas encor attein l'aage, elle fut esleuē abbesse par la cōmune voix de tous les moines & de toutes les nonnains. C'est vne chose toute notoire en Espagne, que quand les nonnains faisoient leurs pasques aux iours accoustumez entre elles, le prestre crioit tousiours qu'on luy auoit prins vne de ses hosties, laquelle estoit secrettement portee, par l'ange sus mentionné, à Magdelaine qui estoit au milieu de ses sœurs, & qu'elle mettoit dans sa bouche, & la leur monstroit comme par grand miracle. On dit dauantage, qu'auenant quelques fois que Magdelaine n'estoit pas presente quād la messe se disoit, combien qu'il y eust vne paroy entre deux, neantmoins quand on leuoit le corpus domini, ceste paroy se fendoit en deux, afin que Magdelaine vist l'hostie, & qu'elle la mangeast



puis apres. C'est aussi vne chose toute notoire, que si en quelque iour de feste solennelle les nonnains la menoyent en procession, pour rendre l'acte plus sainct & admirable, par quelque insigne & prodigieux accident, elle estoit souleuee de terre en presence de tous, de la hauteur de plus de trois coudees. Par fois elle portoit vne petite image de Iesus Christ nouveau né & nud, & en pleurât (car elle iettoit des larmes à foison souuêtes-fois & quâd il luy plaisoit) ses cheueux luy croissoyent iusques aux talons, dont elle couuroit l'image: puis ses cheueux reprenoyent soudainemêt leur premiere longueur. Elle faisoit plusieurs autres telles illusions, principalement les iours solennels, pour rendre les mysteres de sa religion plus venerables.

O combien qu'au commencement du contracte le diable eust promis à Magdelaine que le renô de grande pieté en elle dureroit tant d'annees, toutesfois en tout ce temps elle ne fit miracle qui valust: car iamais on n'ouit dire qu'elle eust gueri vn seul malade. Cependand, les Papes, l'Empereur, les grâds Seigneurs d'Espagne luy escriuoyent, & par leurs lettres la suplioient d'auoir eux & leurs affaires pour recommandez en ses prieres: mesmes luy demâdoient auis en choses de tres grande importance, comme si c'eust esté quelque secon de Olda prophetesse: ce qui est aparû par les lettres des plus grands de la Chrestienté, trouuees au cabinet de Magdelaine, apres la reuelatiô du secret d'iniquité. Outre plus il se trouuoit plusieurs dames & damoiselles, qui n'enuelopoyent leurs enfans nouueaux nez, que premierement Magdelaine de la croix n'eust avec ses mains sacrees touché & benit les bandelettes. Aussi toutes les Nonnains d'Espagne estoient merueilleusement contentes d'un tel ioyau, & atribuoient à leur patrone & deesse Magdelaine tout ce qu'il y auoit de sainteté en leur ordre. Ce pendant, il ne se trouuoit personne, entre tant d'excellens & doctes personnages Espagnols, qui conut ces impostures diaboliques, tant les tenebres estoient espaisies, l'aveuglemêt & la stupidité horribles. Toutesfois à la parfin, Dieu, Pere vnique de verité, par sa bonté indicible voulut que ceste detestable hypocrisie & fraude Satanique fust manifestee. Car Magdelaine  
apres



apres auoir employé trente ans pour le moins en ceste acointance avec le diable, & esté Abbessse douze ans, elle commença à se repentir de sa vie passée. Partant apres auoir detesté les arts diaboliques & la detestable société de Satan, elle descourrit franchement, & contre l'opinion de tous, aux visiteurs de l'ordre qu'on appelle, ceste insigne meschanceré. Or quelques espagnols dignes de foy & fort doctes m'ont recité que Magdelaine auoit conu que ses nonnains apperceuoyent la fraude, & craignant d'estre accusée, les preuint & confessa la premiere son forfait: pour ce que la coustume d'espagne est, que si quelqu'un cōfesse un mesfait volontairement, on luy fait grace.

A ceste confession chacun deuint tout esperdu, tant ces nouuelles estoient estranges, & fut on d'auis de s'en querir fort curieusement de cest affaire. Pour y proceder legitimement & par meilleur ordre, Magdelaine fut emprisonnée au conuent dont elle estoit Abbessse. On l'interrogue, elle confesse tout: ce pendant le more continuoit ses illusions. Car tandis qu'elle estoit en prison, veillée de pres par gens qui estoient d'ordinaire à la porte de son cachot, & qu'on examinait son affaire, les nonnains estans entrees au temple à minuit pour chanter matines, le fantosme de Magdelaine se vint asseoir en la principale chaire du chœur à la maniere acoustumée, & fut veu à genoux cōme priant, & attendant les autres nonnains, tellement que chacune d'elles pesoit que ce fust leur Abbessse, & que les visiteurs luy eussent permis de se trouuer à matines, pour les grands tesmoignages qu'elle donnoit de sa repentance. Ainsi ce fantosme se trouuoit à matines de nuit: au sortir desquelles chaque nonnain retournoit en sa chābrete, sans oser parler à elle, à cause de l'honneur qu'elles luy portoyent encor pour sa reputation precedente. Mais le iour suyuant, les nonnains entendās que Magdelaine estoit encor en prison, rapporterent aux visiteurs qu'elle auoit esté veue la nuit precedente. Eux ayans examiné le fait, trouuerent que Magdelaine n'estoit point sortie de prison. Sō proces fut finalement enuoyé à Rome, & pource qu'elle auoit volontairement cōfessé son malefice, on luy fit grace & luy donna-on pleniere absolution. L'histoire contient d'au-



tres tragedies plus horribles, que ie n'ay voulu ici inserer: car seulement i'ay voulu monstrier par vn tel exemple en vn si grand Royaume, que ceux qui se repentent doyuent estre plus doucement traitez qu'ils n'ont esté autresfois.

*Recit de la malheureuse fin d'une sorciere.*

## CHAP. VII.

*Au miro.  
hist. li. 26.  
chap. 29.*



*V*INCENT escrit apres Guillerinus, vne fin beaucoup plus lamentable d'une sorciere d'Angleterre, encores que ie pense que ce soit vne fable controuuee: toutesfois à ce que les choses fabuleuses & ioyeuses, soyent meslees parmy les vrayes & serieuses, ie descri-ray ceste fable ou ceste histoire semblable à vne fable, *Ce qui est* pour recreer le lecteur. Il y auoit, dit-il, de ce temps *venus* à ne femme à Berhel vilage d'Angleterre, laquelle estoit *une sorcie* sorciere & deuine. Or ainsi qu'elle banquetoit, il y eut *re & deu* vne corneille, qu'elle nourrissoit pour son plaisir, qui *neresse a-* commença à crailler plus que de coustume. Ce que la *uant que* maistresse ayant entendu, laissa choir vn cousteau que *mourir.* elle tenoit en sa main, & incontinct le visage luy pallit: puis s'estant plainte vn long temps, en fin elle dit: Au-iourd'huy ma charrue est paruenue iusques à son dernier sillon: i'entendray aujourd'huy & endureray vn grand dommage. Et comme elle parloit encores, il arriua vn messager, lequel luy raporta que ce mesme iour vn sien fils ensemble toute la famille estoient morts de mort soudaine. Ce qu'ayant entendu incontinent de grande fâcherie elle se coucha malade, & commanda qu'on fit venir deux de ses enfans, dont l'un estoit moyne & l'autre religieuse: ausquels en pleurant & se lamétant elle dit en ceste maniere: Je me suis adonnee iusques à maintenant, par ie ne say quel malheur, à vn art magique qui est la sentine de tous vices & la maistresse de tout allechement, ayant seulement esperance en vostre religion, encores que ie desesperasse de moy-mesme. Parquoy maintenant que ie voy & que ie say que les diables me doyuent venir querir, puis que ie les ay creus & seruis, ie vous prie, par les entrailles maternelles, que

vous



vous essayez de soulager mes tourments : car la sentence de la perdition de mon ame sera irrevocable. Prenez doncques mon corps, & le couchez dedans vne peau de cerf, puis enfermez-le dedans vne biere de pierre: faites enfermer le couuercle avec du fer & du plomb, & enlassez la pierre avec trois grandes chaines. Si ie demeure l'espace de trois iours en ceste maniere, sans que lon attente aucune chose cõtre moy, enseuelissez moy au quatrieme: encores que i'aye crainte que la terre ne vueille receuoir mon corps, à raison de mes sorcelleries. Que lon chante pour moy les Pseumes l'espace de cinquante nuicts, & que lon face dire des Messes par autant de iours. Les enfans executerent la volonté de leur mere, & toutesfois ils ne peurent rien faire. Car ainsi que les deux premieres nuicts les gens d'Eglise chantoient les Pseumes à l'entour du corps, les diables briserent aisement les portes du temple, encores qu'elles fussent fermees avec de grands barreaux, & vindrent rompre les deux chaines qui estoient aux deux bouts de la biere: toutefois celle du milieu demoura entiere. A la troisieme nuict, enuiron le point du iour, tous les fondemens du monastere sembleret estre reuerséz par le bruit que faisoient ceux qui entroyent. Et y en eut vn entre autres plus terrible en visage & de plus grande taille, lequel mit les piéces des portes, qu'il rompit de force, en mille morceaux, & s'aprocha par grande arrogance pres du corps, où ayant nommé le nom de la morte, il commanda qu'elle eust à se leuer, laquelle respondit qu'elle ne le pouuoit pas à raison des liens. Tu les rompras, dit-il, & à ton dam : & incontinent la chaine que les autres n'auoyent peu rompre de leur force, se brisa comme vne cheneuotte. Ainsi ietta-il avec le pied le couuercle de la biere, & prenant la morte par la main il la mena deuant tous deuers la porte de l'Eglise, où il y auoit vn cheual noir epharnaché superbemēt & de grand appareil, lequel hānissoit, & estoit tout enuironné de griffes de fer, sur lequel la miserable estant montée, s'esuapouit des yeux des regardans avecque toute sa suite: toutesfois on l'entendit bien la longueur de deux lieues ainsi qu'elle crioit, & prioit qu'on luy aidast.



*Qu'il ne faut point mettre les forcieres au nombre des heretiques.  
Item de la difference de leur garde & prison.*

## CHAP. VIII.

*Comment  
les forcieres  
trôpees pê-  
sent que les  
œuvres du  
Diable  
soient les  
leurs.*



R pource qu'ordinairement les forcieres, sont femmes ia vieilles, de nature melâcholyque, de petit esprit, qui se descouragent aisémēt & ont bien peu de fiance en Dieu, il n'y a point de doute que le diable ne s'a-  
coste & insinue plus volontiers en tels organes, comme estans idoines & commodés pour leur troubler les esprits de diuerses apparitions & illusions, dont estans charmees elles ont opinion & mesmes elles confessent auoir fait ce qui a esté fort esloigné d'elles. Et qu'il ne soit ainsi, vous trouuerez que toutes ces choses sont excutees par le diable, si par vne promptitude & bonté d'esprit vous raportez & conferez à la vraye reigle toutes les choses qui sont & peuuent estre faites par le diable, & celles que lon pense estre faites par les hommes au moyen d'iceluy & par les instrumens qu'il propose. Ce qui fait que ie n'ose les mettre au nombre des heretiques, attendu mesmes que personne ne merite d'estre ainsi nommé, sinon celuy qui ayant esté par quelquesfois admoneste demeure opiniastre en ses phantastiques & mauuaises opinions. L'erreur en l'esprit ne fait pas l'heretique, mais bien l'opiniastreté de la volonté. Parquoy ces pauvres femmes qui ont la phâtasie toute corrompue par Satan, & qui sont distraites ailleurs par faulx imaginations, n'ayans commis aucun acte contre personne, doiuent estre examinees & mieux instruites es principaux poincts de nostre foy chrestienne: afin que ce qu'elles ont promis au commencement de leur religion encommencee, & que ce qu'elles ont depuis euité, se destournans, sans y prendre garde apres la fallacieuse & clandestine poursuite du diable (ce que nous sauons mesmes estre auenu à Euē nostre premiere mere) maintenant renonçant au diable & se reconnoissant, elles s'efforcent de tout leur pouuoir de faire le contraire par la grace de Dieu. Que pourra faire en cecy moins que le diable (par vne persuasion contraire) le  
fidele



fidele ministre de Iesus Christ, lequel ramenera en la bergerie de Christ la brebis perdue par la poursuite de Satan? Il le fera sans difficulté, s'il l'examine soigneusement des articles de la foy:& s'il luy remonstre doucement ceux esquels estât mal conseillée, elle aura failly. Ainsi verra-il si opiniastrément elle résistera à la sainte doctrine, & si elle méritera le nom d'heretique: ou bié si estant conuertie & retirée de cest endormissement de seduction & vice de l'esprit, elle desire & fait requeste de tout son cœur, qu'on prie pour elle qu'elle soit reunie au corps de l'Eglise. Il ne faut donc pas que les Chrestiens soyent si prompts & faciles, à la suscitation & selon la mauuaise opinion de quelque malvueillant, de ietter au fond des prisons ces pauvres vieilles imbeciles d'esprit, tant à cause de leur aage que de leur sexe: des prisons, di-ie, noires, obscures, puantes, & qui ne doyuent estre ordonnées pour la garde des hommes, comme estans les domiciles des esprits malins, lesquels y tourmentent les enfermez: il ne faut pas aussi qu'ils les liurent (comme nous voyons estre fait en plusieurs endroits, non tant prudemment que rigoureusement) à estre miserablement tourmentées d'un bourreau par les plus cruelles especes de tourmens, comme si on les enfermoit dedans le tureau de Phalaris, ou si elles estoient mises en vne torture la plus horrible de toutes.

O V T R E toutes ces gehennes il faut noter que les Jurisconsultes ont mis grande difference entre garde & prison: car ils ne veulent aucunement que la garde de ceux qui doivent estre punis capitalement soit contee pour peine. Mais comme lon tient conte d'equité & de compassion, ainsi le nom de garde est presque du tout hors d'usage entre plusieurs. Ainsi il auient que ces miserables creatures de Dieu troubles parauant en leur esprit par l'assidue poursuite, charme & illusion du diable, apres auoir esté long temps en solitude, dedans l'ordure des prisons, au milieu des noires tenebres, en perpetuelle horreur des trompeuses aparitions des diables, & sont derechef bourreées par diuers tourmens, lors que lon les met sur la gehenne: il auient, di-ie, qu'elles aiment mieux tout à la fois changer ceste miserable vie avec la mort: si bien qu'elles confessent

*La difference  
ce qu'il y a*

*entre garde  
de & prison.*

*Au code  
li. 9. de la  
garde des  
criminels.*



librement toutes les meschancetez qu'on leur propose plustost que d'estre derechef iettees & reserrées dedās ces cauernes de puantes prisons & tortures perpetuelles. Il est auenu, par ce moyen, qu'à force de tortures & de tourmens vne pauvre vieille desia preste à brusler, confessa qu'elle auoit engendré le long hyuer, & l'extreme froidure, & toute la glace qui dura si long temps l'an mil cinq cens soixante & cinq. Il y eut quelques personnaiges d'autorité qui pensoient que cela estoit plus vray que la verité mesmes, encores qu'il n'y ait rié plus absurde en toute la nature. Ainsi me l'a escrit Monsieur Antoine Houeau, Abbé d'Echternac, craignant Dieu & de grande reputation. Pour paracheuer ceste tragedie, tellement que rien n'y defaille, le plus souuent on fait venir des bourreaux fort cruels, qui par bruuages (faits de mixtions qui enyurent ou ostent le sens) tirent des confessions de crimes estranges & de maléfices, qui souuentesfois ne peuuent estre en la nature des choses. Or quand vne personne a le cerueau blessé de tels bruuages, comment tirerez vous d'elle la verité: qui est ce à quoy il faut s'arrester en matieres criminelles?

*Les fausses & trompeuses experiences pour  
conoistre les sorcieres.*

## CHAP. IX.



EST vne chose trop ridicule, & dont ie m'esmerueille, qu'il se trouue homme ayant raison qui puisse adiouster si peu que rien de foy à ceste sorte persuation que lon a pour conoistre les sorcieres, à sauoir que les sorcieres criminelles ausquelles on a lié les pieds & les mains, ou le poulce de la main droite avecque le gros orteil du pied senestre, & le poulce de la main senestre avec le gros orteil du pied droit, estans iettees en l'eau ne vont iamais au fond, mais demeurent tousiours au dessus. Et disent que ceci est vne certaine experience & indice asseuré, lequel est pratiqué en plusieurs endroits par le magistrat & par les bourreaux. S'il y a quel  
que



que malefice il part de l'esprit en ce que lon estime que les sorcieres, allies avec le diable ayent renoncé Dieu, Pourquoy doyuent elles estre moins au dessus de l'eau que les autres. Car comme ie confesse que les causes naturelles du surnagement sont en ces femmes, comme la legereté, la rareté, le vent enfermé lequel souleue, l'habileté du corps viuât & autres occasions, ainsi soustien ie quelles sont es autres comme en celles qui sont coul-pables. Que si lon aperçoit quelque chose qui surpassé l'ordre de nature, ie dis que cela est fait par le diable, lequel souleue ces femmes desquelles on a conceu vne fausse opinion, & empesche qu'elles n'enfondrent, afin que par ce moyen fallacieux cest imposteur & sangui-naire induise le iuge à donner vne inique sentence: car ainsi Dieu permet ceste fallacieuse experience à cause de l'incredulité du Magistrat. Il faut plustost croire à la raison naturelle qu'à vne folle & fausse experience, in-uentee par le diable, & que tout Chrestien doit detester.

Or Hippocrate tesmoigne que la femme a la chair beaucoup plus rare & tendre que n'apas l'homme. Et Philarque escrit qu'il y a vne maniere de gens en Pont, nommez Thibiens, lesquels ont deux prunelles en l'un des yeux, & la semblance d'un cheual en l'autre & iamais ne se peuuent noyer, encores qu'ils soyent chargez de leurs vestemens. Si cela est vray, il faut que ils ayent ceste particuliere vertu de nature.

*Li. 1. des  
maladies  
des fēmes,  
au commē-  
cement.  
pline liuit  
7. chap. 2.*

Nous lisons au liu. du Maillet des sorcieres vne sem- blable experiēce de temerité & superstitieuse fausseté demoniaque. On fait oindre le dimanche les souliers des ieunes enfans avec du sain de porc, ainsi comme on a acoustumé de faire quand on les a racoustrez. Si pour l'heure les sorcieres entrent en l'Eglise, elles n'en pour- ront sortir iusques à ce que ceux qui les espient en sor- tent, ou bien tant qu'ils leur donnent expresse licence de sortir. Ce que lon observe en plusieurs endroits pour ce mesme effect, & ce qui est plein d'impieté, n'est gue- res dissemblable de ce premier moyen. On prend vne portion de la terre que les prestres iettent premiere- ment par trois fois sur les morts qu'ils enterrent, laquel le estant sanctifiée par le sacrifice de la messe ils espan- dent sur l'entree de l'Eglise, & disent que la sorciere ne

*2. de la se-  
conde par-  
tie, quest. 2.  
au commē-  
cement.*



pourra à cause d'icelle sortir hors l'Eglise. Item ils prennent des copeaux de bois de cheſne auquel quelque vn aura eſté pendu ou ſe fera eſtranglé de ſoy-meſme, il les arrouſent d'eau beniſte & les mettent à l'entree de l'Eglise, & diſent que les ſorcieres n'en peuuent ſortir iuſques à ce qu'on ait oſté ces copeaux.

ON lit au liure des coniurations imprimé à Rome & en Auignon ce qui ſ'enſuit. Pour chaſtier & deſcouvrir vne ſorciere prenez vn pot à traire le laiſt, vne chaſſiere, vn baſſin neuf d'eſtain ſervant à faire fromages: tirez du laiſt de toutes les vaches tant de laiſt que vous en puiſſiez faire vn fromage. Puis le percez d'une eſpingle, & autant de trous qu'y ferez, autant la ſorciere (au nom de laquelle auez fait ce fromage) aura de pertuis au viſage, &c. Item, Regardez vne ſorciere au front & vous trouuerez que le diable le luy a ratiſſé pour oſter le chreſme du baptême, tellement qu'elle porte vne marque, qu'elle taſche de cacher avec ſon couurechef. Voyez le 3. liure, chap. 3. Outreplus, on tient que ſi vne ſorciere mange le roy des mouches, cela la fortifie pour ne confeſſer la verité quand on la met à la torture. Mais la ſuperſtitieufe credulité eſt cauſe d'une telle perſuaſion. Au contraire, Democritus diſoit de ſon temps que il y auoit vne certaine racine iaune ſans fueille en vn quartier des Indes, de laquelle ſi on faiſoit des trochiſques, & qu'on en fiſt vne infuſion dans du vin, & qu'on en baillaſt à boire aux torturez, ils confeſſoyent en dormant leurs meſfaits, par les diuerſes illuſions qui ſe preſentoient en leur cerueau. Voyez l'onzième chapitre du cinquième liure.

*Que c'eſt qu'il faut faire en l'inquiſition d'une ſorcellerie com-  
miſe: & qu'il ne ſe faut arreſter à la ſeule confeſſion.*

## CHAP. X.



L faloit, apres les inquiſitions faites, obſeruer cete reigle infallible, qui eſt de ſ'enquerir avec iugement & diligence d'un chacun des ſorfaits confeſſez: & regarder ſi les pertes & calamitez dont elles ſe diſent eſtre



estre cause, sont telles, & si elles sont en nature. Que si on en trouue quelques vns ainsi endommagez & malades ou affligez, si bien que lon pense ces maux estre auenus par le moyen de cellés qui le confessent, il faudra s'enquerir du tout par quel moyen, matieres & instrumens ces choses sont auenues. alàuoir-mon si ces matieres, moyens, & instrumens, ont la vertu de produire tels effects. En quoy faisant il faut prendre le conseil des celebres medecins entendus en la conoissance des vertus & facultez des choses naturelles: comme les loix veulent que lon face en tous autres cas de mesme matiere. Car tout ainsi qu'il ne se faut arrester à la confession d'une personne melancholique ou troublee d'esprit, *Il ne se faut arrester à la confession* aussi ne faut-il temerairement determiner de la punition selon leur confession, si ce n'est que par certaines circonstances & euidentes demonstrations il aparoisse d'un homme de la sorcellerie ou empoisonnemēt suruenü au moyen trouble. de quelque poison baillé, ou appliqué, ou mis en tel lieu que d'iceluy les vapeurs & fumees ayent peu nuire & empoisonner. Car il faut que les preuues soyent plus claires que le iour, principalement es proces que lon *Il faut en* nôme criminels, qui est vne opinion trellouable des Iu- *proces cri-* risconsultes. Dautant que plusieurs choses se disent & se *minels que* sement confusement en cest affaire de sorcellerie turbu *les preuues* lement ou par vne mauuaise opinion, ou soupçon, ou *soyent clai* par malice & mauuaise affection, ou à cause de la di- *res comme* ficulté, des maladies, ou de la perte des biens, & ce au *le iour.* moyen de l'incredulité, par ce que les hommes ne s'adonnent pas assez, & ne se submettent de tout leur cœur à la iuste volonté de Dieu. Plusieurs choses aussi sont arrestees suyuant la confession de ces vieilles que le diable a trompees ce pendant que le malin esprit conduit diligemment le gouuernail de toute la machination, si bien que quiconque y preste l'oreille legerement, pensant l'accusation & la confession estre vrayes, il se sent en fin tellemēt trompé, qu'estât tombé & enlasse en vn labyrinthe inexplicable, à peine en peut il iamais trouuer le bout, s'il delibere d'executer toutes choses selon la reigle des loix & la rigueur du droict, & suyuant ce qu'il aura entendu. C'est l'artifice de Satan de confondre & entrelasser tellement les choses de subtils filets,



qu'elles ne peuuent estre desliees par aucune bonté d'esprit, ni expliquees par la prudence d'homme quelconque, fust il habile par dessus tous les autres. Ainsi i'ay souuentefois obserué par exemples, qu'il est beaucoup meilleur de s'arrester du tout des le commencement & se contenir dedâs ses bornes, ou bien se retenir de bonne heure, de crainte d'ouurir la fenestre au diable pour entrer en nous & s'insinuer en nos actions, le quel a esté des le commencement homicide, par le moyen des apports mensonges, ou de la verité corrompue & falsifiée. Ainsi ne trouuera on aucune voye qui soit plus courte pour oster les occasions à Satan de passer outre: autrement iamais on ne verra la fin des mensonges & fausses calónies entremeslees quelquesfois d'apparence de verité, afin que la trôperie soit mieux cachée. Et pourtant ie voudrois qu'en cest endroit la belle sentence contenue au droit Canon 30. q. ca 5. *Nec illud*, fust receue comme elle le merite. Ne iugeons nullement des choses incertaines, iusqu'à l'auenement du Seigneur, qui produira en lumiere les choses cachees, & illuminera les cachetes de tenebres, & manifestera les côseils des cœurs. Car encores que les choses vrayes soyent telles, si ne faut il croire sinon ce qui est prouué par suffisans tesmoignages, conuaincu par preuue euidente, & publié par ordre de iustice.

*Lin. 15. de la variété cha. 80.* IL nous seruira d'adiouster ici l'opinion de Cardan. Il apert, dit-il, qu'elles sont quelquesfois punies, pour autant qu'elles sont accusees de sorcellerie ou d'impiété: toutefois le plus souuēt elles ne sont que folles, & ne peut-on tirer d'elles aucune confession, ni iugemēt entier, comme lon fait des voleurs & autres malfaïcteurs, par lequel elles puissent estre condamnées à mort. Mais toutes leurs responcez sont pleines de vanitez, mensonges, repugnâces, & inconstances: car quant à ce que lon dit que les absentes s'assemblent, il est du tout faux, & ne s'accordent aucunement que du iour de leur assemblee pource qu'il est tout notoire qu'elle a esté. Si l'on examine diligemment, & comme il appartient, cest argument, il aparoistra que cest art est du tout faux, & que veritablement elles ne s'assemblent pas en vn: car vne seule en pourroit descouurir cent ou dauantage, puis que selon



lon leur opinion il y en a tant qui s'assemblent. Et toutesfois elles n'acusent sinon celles que lon soupçonne par le commun bruit, ou bien celles qu'on leur monstre lesquelles elles reconoissent non par le ieu (car ainsi n'ont elles leur vision) mais par l'ouye, & par les propos qu'elles ont ensemble. Et est certain que cela leur auient tant en dormant comme en veillant: elles voyent & entendent les choses mesmes à cause de leur contemplation arrestee & de la foy qu'elles y ont, comme Rasis conte de celuy qui par folie pensoit estre vn coq, & se leuoit à certaine heure pour chanter à la maniere des coqs, ce qu'il continua par plusieurs annees. Ceste opinion & vision se confirme dauantage par les propos que elles tiennent ensemble. Et si elles ne vont pas si souuent à tel ieu: car telley a-il qui a peine en vn an y pense aller trois fois. Elles n'y vont aussi que quand bon leur semble, encores que lon pense que cela leur auienne souuentefois, à raison des onguets desquels elles s'aidet.

*Les confessions de trois femmes bruslees pour soupçon de  
sorcelerie, ici proposees & expliquees.*

## CHAP. XI.



R afin que ceste chose, de foy-mesme obscure & couuerte de tenebres, soit mieux esclarcie par exemples, i'ay mis en cest endroit les confessions de deux femmes prises & bruslees depuis quelque temps en vne cité Imperiale, lesquelles deux confessions m'ont esté communiquees des registres iudiciaires, par le consentement du Consul: ausquelles i'ay encores adiousté *Confession* vne tierce. Premièrement, l'vne confesse qu'elle s'est *de la pro-* distraite de Dieu toutpuissant, que par charme elle s'est *miere fem-* adonnee au diable, & que son amoureux se nomme *me comme* Bernard, que par six fois elle a fait auorter vne femme *d'une sor-* de bien N. en luy baillant de la ceruoise à boire. Item *ciere.* qu'elle a enforcé la femme de N. si bien qu'elle est couchee dedans le liét comme griefuement malade. Le Magistrat ordonna, suyuant ceste confession, que ceste



*Refutatio* pauvre miserable seroit bruslee: & certainement à iuste  
*de la pre-* cause, s'il est aparū qu'elle ait commis ces forfaits.

*miere con-*  
*fession.*

M A I S ie vous prie que i'explique ceste confession  
 en trois mots. Ce qu'elle confesse s'estre retiree de Dieu  
 & s'estre adiointe au diable, n'est point criminel ciuile-  
 ment: car qui est celuy de nous qui ne fait le semblable?  
 dautant que qui fait peché est serf de peché, comme  
 dit Iesus Christ, Celuy qui commet peché, est au diable:  
 car le diable peche des le commencement. En cela les  
 fils de Dieu sont manifestez d'avec les fils du diable.  
 Tout homme qui ne fait iustice n'est pas de Dieu, aussi  
 n'est celuy qui n'aime son frere. Celuy qui n'est avec  
 moy, dit Iesus Christ, est contre moy: & celuy espard  
 qui n'amasse avec moy. Mais estans admonnestez nous  
 nous pouuons reconoistre & y a moyen de penitence.  
 Qui est-ce doncques qui a empesché que ceste femme  
 estant reprise & mieux instruite ne s'est reconuë? Nous  
 lisons bien dedans le liure des Conformitez, qu'il y eut  
 vn moine, lequel s'amouracha d'yne femme, & pria le  
 diable qu'il la luy amenast, promettant qu'il seroit sien,  
 & luy bailla pour assurance son seing escrit de sa pro-  
 pre main & de son sang. Toutesfois il s'en repentit &  
 descourrit la maladie de son esprit à ses freres, lesquels  
 retirerent à force de messes la scedule hors de la main  
 du diable.

*L'imagi-*  
*naire em-*  
*brassement*  
*du diable.*

*Liu. 2. ch.*

34.

Q V A N T à ce qu'elle confesse auoir eu affaire avec le  
 diable nommé Bernard, il est tout manifeste, selon ce  
 que nous auons escrit es autres liures, que telle chose  
 n'estoit qu'yne fantasie, où expressémēt nous auons ex-  
 pliqué les phantosmes, tellement que par ces raisons on  
 deuoit moins adiouster de foy à ceste confession, laquel  
 le deuoit estre estimee fausse en ce qu'elle procedoit  
 d'un esprit troublé. Qui a esté celuy, ie vous prie, qui luy  
 a donné ce nom de Bernard que luy mesme, lequel l'a  
 suggeré au sens corrompu de l'ouye, ou bien en la vertu  
 imaginatiue, afin qu'il s'asservist & allechast ceste pau-  
 vre femmelette chancellante de l'esprit, au moyen de  
 ce nom vité entre les Chrestiens, lequel ainsi luy bail-  
 loit plus grande fiance? Et toutesfois pour ceste illusion  
 de Satan & perturbatiō de l'esprit de ceste femme il, ne  
 falloit luy faire endurer la mort. Aussi est-il impossible



que l'enfant soit mort dedans le ventre , par le moyen d'une seule pome: si ce n'est qu'il y eust du venin meslé, ce qu'il falloit rechercher diligemment: comme aussi faisoit-il savoir si ce venin avoit la vertu de faire mourir l'enfant sans que la mere en encourust aucun inconueniét: & non du tout s'arrester dessus la cōfession. Car ce qui est auenu par la volonté de Dieu & par son conseil, lequel nous est caché, ou bien ce qui est diuinement permis au diable, est tellement ingeré quelquesfois en l'esprit troublé de la femme, qu'elle pense l'auoir executé: dont toutesfois celuy la trouuera du tout incoulpable, qui rapportera & iugera le tout selon la reigle de raison, & non pesamment, où comme on dit, par maniere d'acquit. Autant en faut-il dire de la fille de N. empoisonnée & morte à cause de la ceruoise qu'elle auoit beuë. Car aussi falloit il rechercher plus soigneusement, par le conseil des medecins & de ceux qui sont entendus en ces matieres, ce qui auoit esté meslé parmi la ceruoise, & si elle auoit quelque vertu venimeuse. Il se falloit aussi enquerir de mesme diligence par quels moyens la femme de N. estoit tombee en maladie, sans prester si facilement l'oreille à la vulgaire & odieuse parole de charme & de sorcellerie. Car toutesfois & quantes que ces folles & inconstantes vieilles racontent que par leurs faux enchantemens quelque infortune est auenue, ie ne serois difficulté d'asseurer que cela est procedé par le peruers instinct du diable, & qu'elles sont autant coupables d'auoir fait venir ceste maladie, comme sont ceux qui n'y pēserent iamais. Parquoy que ceux là auissent bien de quels crimes ils se rendent attaints, lesquels si inconsiderément donnent quelquefois sentence auant que d'y auoir pensé assez à loisir.

ESCOVTONS maintenant la confession de l'autre *La confession d'une autre iugée à mort.* laquelle fut aussi bruslée en ce mesme endroit, & l'expliquons sommairement. Elle confessa comme depuis six ans en vn matin elle deliberoit de se faire mourir, à cause d'un desespoir auquel elle estoit tombee, il arriua par deuers elle vn grād homme de belle stature & assez beau, lequel portoit vn manteau noir & le reste de son habit tout noir: & qui la consolant en sa fache-



rie luy conseilla entre autres choses de ne se desesperer mais de prendre courage, & qu'il luy promettoit de luy administrer tousiours toutes choses necessaires & de l'argent en abondance, pourueu qu'elle s'adonnast du tout à le croire & faire sa volonté. C'est homme, dit-elle, luy monstra vn grand amas d'or. Elle consentit à son conseil, reniant Dieu tout-puissant, Marie mère de Iesus Christ, & tous les saincts. Cela fait, il luy osta le chresme du front, & luy promit de coucher ordinairement avec elle, luy disant qu'il se nommoit Alexandre. Elle confessa dauantage que ce concubinaire a eu affaire avec elle par quatre fois en sa maison, dedans son liect. Item que par charmes elle a tiré la bonne fortune d'un brasseur N. en mettant vn peu de raifine vulgaire dedans la chaudiere où la ceruoise bouilloit. Item qu'elle a fait malade la femme du chartier N. par le moyen de quelques charmes, pourautant qu'elle luy auoit refusé quelque chose. Item qu'elle auoit rendu malade, & auoit mutilé le fils de N. par le moyen de quelque forcellerie.

*Refutation  
de ceste con-  
fession.*

Ces meffaits sont certainement dignes d'estre punis s'il est ainsi qu'ils soyent vrais. Et toutesfois vous voyez comme ceste femme hors de son sens s'est, par maniere de parler, iettée dedans les filets, faisant vn contract imaginaire, ou pour le moins de nulle efficace & vertu, avec cest amoureux phantastique (comme nous auons amplement montré en nostre troisieme liure) lequel luy aparut vestu de ceste forme imaginaire, encores que ce ne fust qu'un esprit sans vestement & sans couleur, & qui trompeusement luy monstra quelque or en aparence & non de l'or, pour mieux la tromper: tout ainsi comme il eut affaire avec elle en opinion seulement & phantastiquement. Dauantage il fit semblant de luy oster son chresme, la tellequelle vertu duquel, s'il est ainsi qu'elle consiste en la seule exterieure application, & que par tel frottement elle perisse, il y a ia long temps que l'eau de laquelle elle se lauoit le front & la face, l'eust nettooyée & mise hors. Or l'efficace & vertu du Baptisme nous est enseignée tout autrement, & ne consiste point en l'exterieur lauement par lequel les ordures sont lauées, mais en ce que la bone conscience respõde à Dieu

1. Pierre. 3.



à Dieu. Vous trouuerez vne plus ample responce & refutation de ces choses en nostre troisieme liure, chap. troisieme & quatrieme.

LE renoncement de ceste femme fait en contractant n'eust pas esté de si grande importance, qu'estant admonestée & plus fidelement instruite, elle n'eust bien renoncé les pratiques du diable, & se reconnoissant & confessant son erreur, on ne la deult recevoir derechef au giron de l'Eglise. Sainct Pierre estant admonesté & *Matt. 26.* aduertý par Iesus Christ ne laissa pas de le renoncer, *Marc 14.* voire avec iurement contre le propre tesmoignage de *Luc 22.* sa conscience, estant sain de corps & d'esprit: & toutes- *Iean 18.* fois Iesus Christ ne le dedaigna pas tant qu'il ne lereceust & ne le fît Apostre de son Eglise. Quelle chose y a il auourd'huy plus ordinaire & moins punie, nommément entre les Italiens, si quelquefois vne chose leur auient contre ce qu'ils demandent, principalement en iouant aux dez, que de renier Dieu & Iesus Christ par paroles horribles & pleines de blasphemes, en mettant le poulce entre le second & le tiers doigt, & leuant la face vers le ciel en despit de Dieu & de Iesus Christ mesmes?

IL falloit dauantage s'enquerir plus exactement, a-sauoir si vn peu de raifine mise dedans la chaudiere auoit la vertu de gaster toute la ceruoise: car necessairement ceux qui recerchent & entendent par vn vray moyen les fondemens des causes naturelles, confesseront qu'il y faut vne autre chose pour la gaster & corrompre. Ni la femme du chartier n'a peu estre malade, ni le petit garçõ mutilé par vn charme seuls'il n'y a eu quelque poison quant & quant, duquel toutesfois n'est faite aucune mention.

LA troisieme confession est telle. Lon vit, principalement en Hollande es villes maritimes, comme à Rotterdam & Scheidam; des pescheries que lon y fait. Or auint-il vne fois, comme les habitãs de ces deux villes estoient à la pesche pour prendre du harenc, ceux de Rotterdam rapporterent leurs barques chargees de poissons: mais ceux de Scheidam les rapporterent pleines de cailloux, ce qui fut cause qu'incontinent ils attribuerent la raison de leur malheur à quelque charme & sor-



*Troisième  
confession  
ridicule.*

celerie. Parquoy soudainement vne femme fut apprehendee, laquelle à l'heure confessa que ceste chose estoit auenue par son art, en la maniere qui s'ensuit. Premierement lors qu'ils peschoyent elle estoitensee au trauers d'un petit pertuis qui estoit en vne vitre, lequel elle monstra si petit qu'à peine y eust on sceu mettre le doigt, & qu'elle s'estoit mise sur mer dedans l'escaille d'une espece de moule nommee par les Latins *Mytilus* & par les Alemans *Mosselscolp*: & que sur icelle elle estoit arriuee iusques à l'endroit où estoient les harrens, lesquels elle auoit chassez par charmes & auoit mis des cailloux en leur lieu. Sur ceste confession la sentence est donnee, & fut condamnée au feu.

*Refutatio  
de la confession  
susdite.*

Il falloit s'enquerir soigneusement en ceste confession, si naturellement il se peut faire par l'operation du diable, agissant selon son vouloir & vertu, en quelque maniere que ce soit, qu'une personne desia grande & puissante, faite non de vent ou d'une substance distillante & fondante, mais composee d'oz massifs, de tendons tenans, de tendons secs, de liens, de nerfs & de membranes, outre la chair des muscles, puisse sortir par vne petite fêre de voirre, au trauers de laquelle le doigt mesme ne pourroit passer. Car encores que ce corps se peult muer en vent, si est-ce que passant à force par ce voirre il l'eust peu rompre. Il falloit aussi considerer s'il est possible qu'une femme, desia aagée, puisse avec un si grand amas de cailloux passer dessus la mer dangereuse & turbulente, dedans vne escaille de moule. Toutesfois il n'estoit necessaire qu'elle qui auoit passé si legerement par le pertuis du voirre cassé, fust portee avec vne escaille. Certainement toute ceste confession est si sottise, inutile, desaccordante, absurde & mensongere, qu'il estoit aisé de iuger à tout homme de sain iugement, que ceste femme estoit ou folle ou melancholique, ou auoit la phantasie depravee, ou bien estoit possedee du diable, lequel conduisoit si bien sa langue qu'il la faisoit parler en ceste façon. Que ces iuges controuuent tant de gloses qu'ils voudront, si ne pourront-ils iamais prouuer par raison que ceste sanguinaire sentence ait esté par eux legitiment prononcee, principalement d'une chose qui leur estoit inconuë, & qui est du tout hors



hors de raison & de nature. Car pourquoy ne croiray-ie plustost ceste chose estre auenue par la permission de Dieu, à cause de l'incredulité des hommes, & afin qu'ils fussent punis, ou bien esprouuez, s'il y auoit quelques fideles, & que le diable pour les tromper auoit fait cest amas de pierres & cailloux, ce qui luy est particulier: pourquoy di-ie ne le croiray-ie plustost que de confesser que ceste femme ait peu faire ce qu'elle ne pouuoit, encores qu'elle le confesse? Si lon me dit qu'elle l'a fait à l'aide du diable, ie le nieray asseurement. Car encores que le diable le voulust mille fois, & qu'il s'esfayast de le faire, si est-ce qu'il ne pourroit iamais faire passer vne femme par vn petit pertuis: ce que toutes-fois elle confessa estre auenu. Si i'obtien que ceste confession est vn vraye folie, vne fable & vn vray mensonge, messieurs les Conseilliers, qu'elle foy doit-on aiouter aux autres tromperies de mesme farine?

Je pourroy en ceste maniere transcrire vne infinité de telles confessions prises es registres des iugemens, lesquelles estans exactement recerchees, on n'y trouuera autre chose qu'une impossibilité, inconstance, vanité, mensonge, verité cachee & masquee, varieté, & vn labyrinthe: bref, on n'y trouuera qu'une simple fallace & tromperie.

*Explication d'une autre confession. Item que personne ne peut estre blessé par paroles & maudissons, & que les sorcieres ont perdu leur esprit & entendement.*

## CHAP. XII.

**D**EPVIS peu de temps vne autre prisonniere confessa qu'elle auoit tourmenté plusieurs religieuses en vn monastere, par diuers retiremens de nerfs & conuulsions, au moyen d'un meslange & poison qu'elle auoit mis parmy les herbes potageres, lequel estoit composé d'un aspic, d'un crapaut, & de sang menstrual mellez ensemble. Nous en auons mis l'histoire tout au long au chapitre onzieme du quatrieme liure. Il falloit premierement s'enquerir en ce proces, si par le meslan-



ge de ces venins, tels effets ou maladies, ou symptomes peuvent reussir. En fin estant condamnée par iugement dernier d'estre bruslée, elle persista iusques à la mort constamment en cecy, asauoir que telle calamité estoit auenue aux religieuses par son moyen & celuy de sa mere, & que pour ceste cause elle vouloit mourir: toutes-fois elle confessoit publiquement que iamais elle ne leur auoit rien baillé à prendre par la bouche. Estant donques interroguee par quel moyen ce malheur si estrange estoit auenu, elle respondit que ç'auoit esté par maudissons. Puis derechef interroguee par quels moyens ces maux prendroyent fin, elle respondit que ce seroit la faisant mourir elle & sa mere.

OR ce que le diable demande & poursuit le plus, n'est autre chose que faire tant que le sang de plusieurs soit espandu: car des le commencement du monde il a esté homicide. Et encores que l'yne & l'autre eust esté bruslée, si est-ce que ce mal ne desista point: mais outre le premier prestre qui s'estoit mis en peine de chasser le diable: il y vint derechef vn second exorciseur aueugle, lequel on pésoit auoir chassé du corps de chaque malade, les diables, & qui faisoient semblant de fuir, & qui auoyent parauant, avec toute cruauté, tra-uailié de tant d'especes de conuulsions ces pauures nonnains: toutes-fois ce mal ne prit encores fin, ains il s'estendit plus loin iusques aux villages prochains, tellement que les auteurs de telles maladies, asauoir les diables, se manifestèrent apres que ces deux femmes eurent esté bruslées. Nous auons monstré au quatrieme liure, que les diables ne peuuent estre enuoyez au corps d'aucun par maudissons & souhaits.

L'EMPEREUR Frederic premier, surnomme Barberousse, conoissoit parfaitement l'impuissance des enchanteurs: car comme il menoit son camp contre les Milannois, il se rencontra vn marchand Arabe, lequel auoit esté enuoyé par les Milannois, & deuoit empoisonner Frederic & le faire mourir: ce qu'ayant esté decouuert par l'Empereur, il le fit prendre & punir. Et encores que ce magicien Arabe menaçast Frederic de le faire mourir par paroles, s'il ne le laissoit aller: si est-ce que l'Empereur ne s'en esmeut aucunement, sachant bien



bien qu'il n'y auoit pas si grand vertu aux paroles. Et ainsi le magicien fut cruellement puny comme il meritoit. Veritablement donc à bon droit Aristote escrit que les enchantemés ne sont qu'inuentiōs de femmes.

L'HISTOIRE que Cardan a escrite aura lieu en ce passage: il dit doncques, parlant des sorcieres, Elles sont *Li. 3. de l'histoire des* laides, pâles & de couleur plombée, monstrant assez par leur visage qu'elles sont pleines d'un humeur melancholic. Elles sont songeardes, sottés, & peu differentes de celles que lon dit estre possedees du diable. Elles sont arrestees en leurs opinions, & sont tellement opinastres, que si vous auez seulement esgard à leurs paroles, & de quelle assurance & constance elles racontent ce qui iamais ne fut & ne peut estre, vous estimeriez incontinent qu'elles disent vray. Il ne se faut doncques esmerueiller si elles trompent facilement ceux qui n'ont aucune conoissance de la philosophie. Or n'y a-il point de doute qu'elles ne soyēt malades de la maladie que nous nommons Melancholie, ce qui se conoit par leur maniere de viure, par la qualité de l'air, par la figure de leur visage, & par leur port: par leurs paroles pleines de folie & d'impossibilité, par leur regard de trauers en parlant, & principalement par ce qui auint du temps de Philippe Vicomte de Milan. L'histoire est telle, ainsi que mon pere m'a asseuré. Il y auoit vn fermier nommé Bernard, homme au demeurant simple, bon mesnager, & pour ceste cause bien aimé de son maistre, le quel fut condamné à raison de la sorcellerie. Et pourautant que lon ne le pouuoit ni par menaces, ni par persuasion, diuertir tellement de son opinion, qu'il voulust se repentir, les iuges le condamnèrent au feu. Mais son maistre, auquel il faisoit fort mal de voir ceste calamité auenir à son fermier, & le quel estoit fort aimé du Vicomte, obtint à sa caution iuratoire, bienque les iuges y resistassent fort, qu'il auroit d'une meil son fermier chez soy l'espace de vingt iours. L'ayant en sa maison, il commença à le traitter non pas en meniere de vicin, mais comme vn gentil-homme amy a acoustumé de traiter son suiet. Il luy faisoit prendre tous les matin quatre œufs fraiz & autant au soir: au demourant il luy faisoit boire de bon vin & plaissant, & le nourris-



soit de chair & de bouillons bien gras. Peu de temps apres qu'il vid son homme estre comme sorty d'un long sommeil, il luy remonstra qu'il eust à quitter ces faulx, absurdes & dangereuses persuasions, & qu'il retournast au giron de l'Eglise: en quoy il n'eut grand peine. Car il se reconut iacontinent & deuint bon Chrestien, tel que iusques à la mort il perseuera sans que lon en entendist aucune plainte. Ainsi fut sauué ce-luy, lequel en son innocence eust esté cruellement mis à mort par la rigueur des iuges.

*La confession de ceux qui ont pensé estre transformez en loups.*

### CHAP. XIII.



E transcriray icy la confession de ceux qui ont pensé auoir esté autres fois transformez en loups, laquelle plusieurs personages gens de bien, & de grande estime m'ont obiecté souuent estois en parlant de ceste matiere, & l'obseruent religieusement & avec vne singuliere croyance, comme si elle procedoit d'un oracle, ausquels parauenture il semblera que ie n'auray du tout satisfait. Afin donc que les yeux de l'esprit de telles gens & de tous autres soyent esclaircis pour mieux voir ces impostures, & que si temerairement ils ne se laissent tromper, & comme mettre des nuees deuant les yeux, & qu'ils ne demeurent dauantage aueuglez comme tauupes par les ordures du diable, mais au contraire qu'ils permettent que ces nuees leur soyent ostées de la prunelle des yeux, & que le medecin les guerisse des suffusions & taves, lequel presente gratuitement ce collyre à tous ceux qui desirent auoir les yeux nettoyez & esclaircis de cest esprit imposteur: i'ay voulu proposer ceste hystoire rare, conue d'un chacun, & merueilleuse, laquelle a esté apportee de Sauoye en Flandres, Brabant, Gueldres & autres regions, & que i'ay transcrite briefuement & au meilleur ordre que i'ay peu, à ce que lon ne puisse desirer en cecy aucune chose que lon pensast estre d'importance: laquelle aussi  
i'ay



l'ay expliquée & esprouvée contre la touche de verité.

La confession de Pierre Bourgot dit le grand Pierre, & de Michel Verdung prisonniers pour l'heresie de sorcellerie, faite en diuers iours au mois de Decembre, l'an mil cinq cens vingt & vn, & principalement repetee le dernier iour dudit mois es presences de plusieurs tefmoins, pour respondre aux interrogatoires de maistre Iean bon docteur en theologie, prieur des freres prescheurs de Pouligny, & general inquisiteur de la foy, ordonné au diocese de Besançon.

PIERRE a confessé qu'il y a enuiron dixneuf ans, qu'au iour de la foire de Pouligny, il tomba vne si grâde & tempestueuse pluye, que non seulement la foire en fut troublee, mais aussi le troupeau dont il estoit berger en fut tellement esgaré, que lon ne sauoit en quel endroit le retrouver. Ainsi donc qu'il alloit avec les autres villageois chercher s<sup>on</sup> bestail çà & là adiré, & qu'il estoit seul en vn lieu esloigné des autres, il rencontra trois cheuaucheurs tout noirs, & vestus de vestemens noirs, le dernier desquels luy demanda: Mon amy où vas-tu? il semble que tu sois tout fasché & troublé. Il est vray luy respondit Pierre: c'est pource que mon bestail est esgaré & perdu par la tempeste qu'il a fait, si bien que ie suis presque en desespoir, voyant que ie n'ay aucun moyen de le recouurer. Le cheuaucheur luy dit qu'il prist courage, luy promettât que s'il vouloit donner la foy il luy bailleroit vn maistre, lequel l'enseigneroit si bié que do resnauant son troupeau ne seroit assailli ni des Loups, ni d'aucune autre beste, qu'il ne receuroit aucun dommage, & que pas vne de ses brebis ne périroit. Il luy dit encores, pour le rendre plus asseuré, qu'il recouurerait celles qu'il auoit perdues, & qu'il ne s'en faudroit pas vne: mesmes il luy promit de luy bailler argent. Pierre accepta ceste offre & promit de reuenir au mesme lieu dans quatre ou cinq iours apres. De là il s'en alla avec les autres villageois pour acheuer de cêcher ses brebis, & quatre iours apres il reuint trouuer son cheuaucheur, le quel il reconut incontinent. Le cheuaucheur demanda à Pierre s'il auoit deliberé de le seruir. Et Pierre l'interroqua quel il estoit: Je suis, dit-il, seruiteur du grand diable d'enfer: mais ne crain point. Ainsi Pierre promit de



seruir le diable à telle condition que il luy tiendroir promesse de luy garder son bestail, & luy faire du bien. Puis le diable luy cōmanda qu'il renōgast Dieu, la vierge Marie, tous les sainctz de paradis, son baptême & son chresme: cela fait il luy bailla sa main senestre à baiser, qui estoit noire cōme morte, & froide: puis se iettant à genoux il fit honneur à Satan le nommant son maistre: lequel luy defendit sur tout de ne plus dire son Credo, ou Symbole des Apostres. Il demeura donc enuiron deux ans au seruice du diable, sans entrer aucunement dedans l'Eglise, sinon vers la fin de la Messe: ou à tout le moins apres la consecration de l'eau benite: laquelle il luy defendit de receuoir. Voila ce que luy commanda son precepteur, le nom duquel luy estoit encores inconnu: toutesfois en fin il luy fit entendre qu'il se nommoit

- 1 Moyset: Cependant il n'apprenoit point à Pierre le moyen de garder son troupeau: ains seulement le diable sembloit estre seul qui le defendoit lors que quelques loups se presentoyent, qui aussi ne luy faisoient aucun
- 2 dommage. Quelque temps apres s'estant ainsi deschargé du soin qu'il auoit à garder son bestail, il oublia aisēmēt le diable, & commença à frequer l'Eglise & à reciter son Credo. Ce qu'il continua l'espace de huit ou neuf ans, iusques à ce qu'estant inuité derechef par Michel Verdung à rendre l'obeïssance à son maistre au mesme lieu, il y consentit à telle condition que ce precepteur luy bailleroit argent ainsi qu'il auoit promis.

- 3 Il auint apres qu'ils s'assemblerent de soir en vn bois pres Chastel Charlon, là où il vid plusieurs estrangers inconnus lesquels se trouuerent là & y dancerent. Il voyoit en la main d'un chacun vne chandelle verte, laquelle iettoit vne flamme bleüe & perse. Il auint vne autrefois que Michel luy proposa que s'il le vouloit croire, il le feroit aller tout aussi viste comme il voudroit. Pierre y consentit, pourueu qu'on luy tint promesse & qu'on luy baillast argent, autrement qu'il craignoit quel
- 4 que tromperie. Michel luy ayant promis qu'il auroit argent en abondance le fit despouiller tout nud & luy oignit le corps avec vn onguent qu'il portoit: cela fait Pierre pensa estre veritablement changé en vn Loup, tellement qu'il eust horreur en voyant ses quatre pieds de  
Loup



Loup & son poil: il asseura toutesfois qu'il couroit aussi vîte comme le vent, & que cela ne se pouuoit faire sans le moyen de son maistre, lequel le portoit, & luy assistoit à chasque course qu'il faisoit, encores qu'il ne le vîst point que premierement il ne fust retourné en sa figure humaine. Michel estant oinct de ce mesme onguent, estoit porté pareillement d'une telle vitesse, qu'il trompoit mesme la veüe. Apres qu'ils eurent este environ vne heure ou deux en telle metamorphose, ils retournerent à leur premiere forme, ayans esté de rechef oingts par Michel. Leurs maistres leur bailloyent l'onguent à chacun d'eux, asauoir Guillemain à Michel, & Moyset à Pierre.

Or ainsi que Pierre se plaignoit à son maistre de la grande lassitude qu'il auoit, tellement qu'il ne se pouuoit leuer qu'à peine, son maistre luy respondit que ce n'estoit rien, & qu'il en seroit incontinent gueri.

Il auint aussi que Pierre fut oingt selon que Michel ordonna, & incontinent estant conuerti en Loup il voulut faire mourir à belles dents vn ieune garçon aagé de sept ans, lequel toutesfois estant contraint de laisser à raison qu'il crioit trop haut, il se mit en fuite vers l'endroit où estoient ses habillemens, où s'estant frotté de quelques herbes que Michel luy auoit enseignées, il retourna en sa premiere figure. Il confessa aussi que telle chose luy estoit auenue en la compagnie de Michel, & qu'estans conuertis en Loups ils firent mourir vne femme qui cueilloit des pois: & qu'en ces entrefaites suruint monsieur de Chusnee, auquel ils s'estoyent adressez: toutesfois qu'ils ne luy auoyent sceu faire mal.

Le vn & l'autre a dauantage confessé qu'estans ainsi transformez en loups, ils auoyent fait mourir vne ieune fille aagée de quatre ans ou environ, & qu'ils l'auoyent toute mangée excepté son bras: que la chair en auoit semblé merueilleusement bonne au goust de Michel, encores qu'il n'en eust gueres mangé, & toutesfois qu'elle n'auoit pas tant agréé à l'estomach de Pierre. Ils ont encores confessé auoir estranglé vne ieune fille, de laquelle ils succerent le sang, & luy mangerent la gorge. Item qu'ils en ont encores tué vne troisieme, & en ont mangé l'emboucheure de l'estomach, d'autant que pour



l'heure Pierre estoit affamé. Ité qu'une autre fois ils tuèrent en un iardin une fille aagée de huit à neuf ans, de laquelle Pierre rompit le col avecque les dents, pour autant que quelquefois elle ne luy avoit pas voulu bailler l'aumosne, ce qu'ayant fait, il demanda incontinent  
 9 l'aumosne en l'honneur de Dieu. Il a encores confessé avoir tué une chevre pres la ferme de maistre Pierre Bongré, laquelle premierement il mordit, puis luy coupa la gorge avec un cousteau.

10 Michel se transformoit en Loup estant vestu, & Pierre  
 13 estant nud: lequel Pierre a dit qu'il ne savoit que devenoit son poil, lors qu'il desistoit d'estre Loup.

11 Ils ont encores adiousté à leur cōfession qu'ils auoyēt eu affaire à des Louves, avec aussi grand plaisir & volupté comme s'ils eussent embrassé leurs femmes.

6 Que le tēps de leur transformation estoit quelquefois plustost passé qu'ils n'esperoyent & qu'ils ne desiroyent.

14 ILS ont encores dit qu'une poudre de couleur cendrée leur avoit esté baillée, de laquelle ils frottoyent leurs bras & leur main senestre, & faisoient mourir tout animal qu'ils touchoyent.

15 OR est il necessaire de se ressouvenir que ces deux hommes estans diuersemment interroguez sur un mesme fait ont quelquefois respondu des choses contraires.

*La confession susdite expliquée de poinct en poinct, & refutée.*

### CHAP. XIII.



SSAYONS maintenant à refuter, selon la petite portee de nostre esprit, ceste confession tant & tant estimée iusqu'à maintenāt. La difficulté est asavoir si toute ceste confession est vraye. l'espere avec l'aide de Dieu de monstrier manifestement que les principaux points d'icelle contrarient clairement à la verité: & que pour ceste cause elle n'est pas seulement erronée, mais aussi du tout fausse, & qu'en icelle sont seulement deduites les images des choses songées ou proposées par impostures, au lieu de la verité d'icelles. Ainsi ie confesse librement



ment qu'elle ne doit estre aucunement receüe en vn sain conseil, mais plustost iettée hors comme vne fable d'un endormi & cataleptique.

**P**REMIEREMENT ie ne diray rié de la vanité de ce cōpromis fait en touchât dedans la main, & ne cōtesteray trop soigneusement de l'argent tant de fois promis & iamais payé, ni de la maniere de contregarder le bestail, laquelle ne luy fut point monstree, encores que l'alliance eust esté faite sous telles conditions qu'il donneroit argent, & qu'il apprendroit l'art de defendre & contregarder le bestail. Or cōme le diable ne l'auoit qu'imaginaire, aussi ne la pouuoit il & ne la vouloit dōner, ains essayoit seulement de tromper & faire tenir Pierre sur ses gardes, lequel il estonnoit par des semblances de loups qu'il faisoit passer par deuant ses yeux, ainsi que bon luy sembloit: si bié que par ces choses qui n'estoyēt rien, s'esuanouissoient & ne faisoient aucun mal, il se confioit que par l'estude & industrie du diable son troupeau estoit gardé.

**E**N C O R E S que i'aye parlé au 3. liure de cest œuvre cha. 3. (où i'ay discouru plus au long l'histoire des sorcieres) du renoncement de la foy, & de l'alliance du figuier: si ne feray-je doute d'en parler encores vn petit en cest endroit, pour monstrier que les liens de ceste pactation ont esté si foibles & de si petite importance, qu'incontinent que Pierre desista de garder le bestail & ne tenir conte de ce qu'il auoit promis au diable, il vescu huiét ou neuf ans continuels, & demeura en l'ancienne religion: dont ie conclus que le tout n'auoit esté qu'une sottise persuasion d'un homme trompé & phantastique. Car pendant qu'il estoit berger, & demouroit seul par les champs esloigné des autres, il estoit trauaillé de telles aparitions, non tant à raison du renoncement qu'il auoit fait, qu'à cause qu'il estoit seul: pour ce que la solitude est vne ouuerture propre aux impostures du diable.

**P**O U R ceste mesme cause le diable faisoit quelques-fois sortir des loups en aparence extérieure seulement, lesquels ne faisoient aucun mal, car aussi ne pouuoient ils, estans seulement figures simples & nues. Ou bien encor que nous cōfessions qu'ils ayēt esté vrais loups, si est-



ce qu'il est vray semblable que le diable les y auoit amenez, & que quant- & quant il les faisoit retirer. Car ceste farce estoit entreprise afin de se rendre Pierre plus obligé par ses sottes tromperies. Ce que depuis il ne peut pas faire si commodement, lors que Pierre laissant l'estat de berger, s'estoit retiré de ces lieux solitaires.

2 AINSI dit-on que l'an 1543. il aparut à Constanti-  
*Iob fin. 2.* noble vn grand troupeau de loups, lesquels faisoient si  
*cel. liu. des* grand dommage aux habitans, que maugre eux ils les  
*miracles.* contraignoient de sortir des maisons. Le Turc donc ayant mis garde à l'entour des murs de la ville, alla par toutes les ruës les iours suyans, acompagné d'vn bon nombre de gens de cheual & de pied: en fin il rencontra enuiron cent cinquante loups en vn endroit de la muraille, lesquels incontinent se ietterent par dessus, & oncques depuis n'en aparut aucun, ni en la ville ni es enuirs.

3 L'AY monsté en outre tresmanifestement en mon-  
*Gen. 1.* troisieme liure & autres endroits, tant par les autoritez  
*1. Thuss. 5.* de saint Augustin, des Decrets, que par plusieurs rai-  
*1. Cor. 3. 6.* sons, que toutes ces folles aparitions de danses & de  
*Lactance li.* chandelles auicnnent seulement en feinte deuant les  
*yeux, ou bien en songe.* l'ay aussi en ces mesmes passages  
*2. ch. 12. de* prouué que toutes ces fables que lon raconte des loups  
*l'inst. diui.* garoux, ne sont que songes & follies.

& de l'o- A V reste, ie ne me puis assez esmerueiller qu'il se trou-  
*pisi. de* ue gens si peu entendus, que de tomber en telle folie de  
*Dieu. cha.* croire que l'homme qui a esté fait à l'image de Dieu, &  
*2. 8.* formé de corps, d'ame & d'esprit: qui est le temple de  
*Senecque à* Dieu & du saint Esprit: qui est la retraite de raison, l'or-  
*Luci. epist.* gane desirieux des sciences, qui est droit esleué, excité à  
*77. Cicero* regarder vers le ciel, comme à son ancien domicile, qui  
*des loix, et* est mesmes vn petit monde, auquel Dieu a tout assuietti  
*1. des offic.* les ouailles, les bœufs, les animaux des champs, les oy-  
*Aristo. 1.* seaux de l'air, & les poissons de la mer, lesquels il a faits à  
*de la Meta* cause de l'homme seul: de croire que cest homme puisse  
*phy. & li.* estre veritablement transmué en loup, beste irraisonna-  
*2. de Phys.* ble, gouffre & abyssme pestilentieux entre tous les ani-  
*Pseu. 8.* maux: ou bien qu'il puisse estre fait vne autre creature,  
*Chrysos. sup* par quelque faculté, ou vertu manifeste, occulte ou spe-  
*s. Math.* ciale. La prouidence diuine ne le permet point, les let-



tres saintes en appellent, les Decrets y contredisent la nature & la raison ne le peuuent endurer. Si ie gaigne donc ce poinct que ceste metamorphose n'est veritablement faite, ce que personne de sain iugement ne peut nier: i'obtiendray quant & quant que ceste confession est imaginaire, & fausse en partie. le vous demande maintenant, quelle foy doit-on adiouster au demeurant, comme aux homicides & meffaits qu'ils ont confessé? Il est manifeste que ces choses ne sont auenues sinon en ce masque & transformation en loup, & qu'autrement elles n'eussent peu estre faites. Et certainement ce sont toutes sotises & plus que fables, voire vrayes folies. Il se faut douloir que les yeux de quelques prudens personnages ayent esté iusques à maintenant ainsi esblouis, qu'ils ayent aiouste foy à ces tromperies. Mais c'est esté la faute & l'auenglement du siecle passé, lors que ce fin trompeur se iouoit trop à l'aïse des homes, desquels il se moquoit en leur portant dommage. Pleust à Dieu qu'un chacun de ceux qui sont ainsi charmez peussent par la tresgrande misericorde de Dieu entendre ceste parole, Ephphata (qui signifie, ouure toy) afin que comme ceste parole estant prononcee avec efficace, par la bouche de Iesus Christ, ouurit les oreilles du sourd pour estre conuerties à la verité, & desnoua le filet de la langue pour en apres prescher la verité: que par mesme grace il sorte vn rayon de la lumiere diuine, par lequel les impuissantes, mais offusquantes tenebres du diable, estans en fintout à vne fois dissipées, chassées, & surmontées, chascun puisse paruenir à la conoissance de la tresclaire verité, sans qu'il soit aucunement esbloui par les impostures. Mais afin que personne ne pense que ie vueille euitier à respondre aux autres obiections, i'expliqueray en peu de paroles le reste de ceste fable.

*Marc 7.*

IL n'y a point de doute que l'onguēt par lequel ils se frottent tout le corps pour se faire loups, ne fust, en dormant, pareil à celuy que nous auons descrit au cha. 17. du 3. liure, lequel executoit sa force lors qu'il estoit apliqué aux parties nues du corps, asauoir à l'heure que son pouuoir agissoit estant excité par la chaleur naturelle. Ce qu'ayant esté fait, le diable cauteleux ouurier leur proposoit en ce somne profond les aparitions de



leur transformation en loups vagabonds, lesquels se iettoient sur les passans, estrangloyët & deuoroyët les filles, auoyët affaire avec les louues, & faisooyët toutes telles choses qui leur estoient representees en songe. De là s'ensuyuoit ceste soudaineté & vistesse telle que facilement on l'imagine en songeât ou par pensees. Mais vne heure apres que la vertu de cest onguent en dormant se diminueoit & se perdoit, alors comme estans excitez d'un grand sommeil ils se voyoyent estre homes tels qu'ils estooyët auparauant. Vous pourrez lire le semblable en S. Augustin du pere de Prestance, comme nous auons escrit aux chap. 22. & 23. du quatrieme liure de cest œuvre, où par expres-i'ay traitté ceste matiere plus au long, & ay delcrist la maladie nommee Lycanthropie.

5 **Q**UANT est de l'autre onguent, duquel ils se frotent pour redeuenir hommes, certainement ou il leur apparoißoit seulement en la phantasie lors qu'ils estoient encores endormis: ou bien il estoit contraire aux inconueniens qui eussent peu auenir de l'usage de l'onguent en dormant: ou bien il ne seruoit d'autre chose sinon que le diable les trompoit dauantage par le moyen d'iceluy, comme s'il eust peu quelque chose de particulier en ceste transformation.

6 **E**T quant à ce qu'ils ont confessé que quelquefois ils retournoyent en leur premiere figure d'homme plustost qu'ils ne vouloyent, & auant que le temps prefix fust passé, cela procedoit ou à cause qu'il n'auoyent pris assez de cest onguent en dormant: ou bien à raison que ce mesme onguent n'estoit assez entré auant, tellement que sa vertu se perdoit plustost, & le somme n'en estoit si long.

7 **D**AVANTAGE, cōment est-ce que ceci se peut acorder qu'ayans esté loups vne heure ou deux au plus, ils ayent deuoré vne fille avec ses os (comme ils cōfessent) & qu'incontinent ils soyent redeuenus hommes? le vous prie, en quelle capacité ceste chair & ces os de la fille se sont ils retirez lors qu'ils sont redeuenus hommes? Au reste, s'ils ont mágé ceste fille excepté le bras, pourquoy confessent ils au mesme article qu'ils en ont bien peu mangé? Aussi eult-on parauenture trouué, si lon



Ion s'en fust enquesté, diligemment que ces filles qu'ils ont confessé auoir estrâglees, estoient encores viuâtes : ou bien si elles estoient mortes, on eust descouvert que ceste mort leur estoit auenue par quelque autre occasion naturelle.

ITEM comment est-ce que celuy qui estoit esclau<sup>8</sup> du diable son maistre, ennemi iuré de Dieu, auquel par concordat il s'estoit obligé, a demandé l'aumosne en l'honneur de Dieu? Item, si Pierre estoit veritablemēt<sup>9</sup> conuerti en loup, avec quelles mains a-il coupé d'un cousteau la gorge de la cneure?

Et encores que Michel fut vestu, si est-ce qu'il pou-<sup>10</sup> uoit bien oindre les parties de son corps commodēs à porter au cerueau la vertu du medicament en dormant, comme en oignant les arteres des temples & des mains tout ainsi comme faisoit Pierre estant nud. Mais s'il eust esté vrayement loup, comment est-ce qu'estant vestu comme il estoit, il eust peu mordre ceux qu'il rencontroit, & comment est-ce qu'il les eust peu faire mourir?

QUANT est de l'embrassement venerien fait avec la<sup>11</sup> louue, ie diray seulement qu'il a esté executé par quelques imaginaires apparences, suruenues es songes qui suiuent les somnes profonds procedans de cest onguent endormant, comme nous voyons ordinairement auenir aux hommes bien sains, lesquels quelquesfois par telles aparitions & semblances delectables qui leur aparoiſſent en songes, reçoient vne telle volupté que le plus souuent il en ensuit vne grande effusion de la semence naturelle. Ce qui peut auenir beaucoup plus<sup>Est. 29.</sup> tost & plus facilement à ceste maniere de gens, la phantasie desquels prompte & seruite a esté remplie par vn esprit d'assopissement de telles aparitions que bon luy semble.

IE respon maintenant à la lassitude qu'ils disent en-<sup>12</sup> durer apres ceste trāsformation, que de là nous pouuons facilement entendre combien vn somme fascheux & sans repos laisse de lassitude au corps, principalement lors qu'il prouient violement par le moyen d'un medicament acompagné de songes fascheux & espouuantables, dont celuy peut bien tesmoigner lequel en



dormant a enduré l'Incube ou la Cauchemare. Ceux qui en sont tourmentez ont vn mouuement difficile, vn sens engourdy pendant le somne, vne imagination d'estouffement, comme s'ils estoÿt pris par quelqu'un qui les assaillist: leur voix est empeschée: ou bien ils la rendent incertaine & mal à propos, & plusieurs sont tellement tourmentez par horribles aparitions, que mesmes ils pensent entendre ceux qui les opressent & trauaillent. Ce grand trauail de l'animale faculté les rend du tout las.

13 O N conoit encores dauantage la verité des ces aparances qui se font en songeant, par ce qu'ils confessent ne sauoir que deuiennent leurs poils apres qu'ils sont remis en leur premiere forme d'homme.

14 O R est-ce vne doute a sauoir si le diable veritablement leur bailla ceste poudre: ou bien si elle estoit de telle vertu, d'autant que lon ne pourroit prouuer qu'ils en ayent vsé. Car Pierre n'a confessé & ne se souuient auoir esgorgé ou en mordât, ou avec vn cousteau, autre animal que la chevre, cependant qu'il estoit transformé en loup. Dauantage, si ceste poudre estoit si venimeuse qu'en se frottant seulement la main ils faisoient soudainement mourir tout animal, encores qu'il eust esté bien garni de poils longs & amassez, & d'une peau espaisse: comment ces pauures sots ont ils peu euer la malice de ce poison si dâgereux, veu qu'ils en auoyent le bras & la main fenestre toute pleine, en laquelle il y a des arteres qui le peuuent porter soudainement au cœur?

15 S O V VENEZ-VOUS aussi qu'il y a telle incôstance & contrariété en leur confession, ue ce que quelquesfois l'un asseuroit, l'autre le nioit.

S i lon examineroit diligemment par telle methode toutes les confessions tirees le plus souuent à force de cruels tourmens, ou bien, si vous voulez, confessees librement par les prisonniers: certainement ce diable homicide mortels s'aperceuroit de iour en iour de la prochaine ruine de sa tyrânie: & au contraire la gloire de Iesus Christ, qui est la verité & la vie, s'augmenteroit. Le Magistrat feroit mieux, & avec plus grand auis son d'auoir: le bois & les grands monceaux de fagots, dont  
les



les innocens sont bruslez, seroyent employez à meilleurs vsages : & les frais que lon fait pour entretenir la bourrellerie diminueroyent de beaucoup.

*Exemples de plusieurs femmes innocentes que lon a fait mourir pour estre soupçonnees de sorcellerie.*

## CHAP. XV.



**E**N TRE tous ces exemples, nous en auons vn fort remarquable d'vn Preuost, lequel au rapport d'vn deuin fit prendre plusieurs femmes, lesquelles il fit brusler. En la fin ce deuin ou prediseur Pythonique que le Preuost auoit tousiours creu, le vint trouuer & luy dit qu'il y auoit encores vne femme forcierre, laquelle il acuseroit, pourueu qu'il ne le trouuast point mauuais. Incontinent qu'il luy eust acordé, le deuin luy acusa la preuoste sa femme, luy promettant pour l'asseurer, de la luy faire voir à veuë d'œil. Ainsi donc il luy assigna heure en laquelle le Preuost deuoit voir sa femme en la synagogue, & en la dance des autres forcieres. Le Preuost y consentit, & à la mesme heure que cela se deuoit faire, il pria plusieurs siens parens & amis de venir disner en son logis, sans toutesfois leur descouurir la cause de ceste semonce. L'heure estant venue, il se leua de table & pria vn chacun de demeurer avec sa femme sans se bouger, que premierement il ne fust de retour. Estant doncques mené par ce deuin en vn certain lieu, il luy sembla voir apertement vne assemblee de forcieres avec quelques plaisirs & allechemens de voluptez, entre lesquelles sa femme estoit, & se mesloit de faire le mesme que les autres. Puis estant de retour incontinent en son logis, il trouua ses amis & parens en mesme place qu'il les auoit laissez avec sa femme : asauoir à table où ils se resiouissoient. Et s'enquestant d'eux soigneusement si sa femme n'estoit point sortie, chacun luy respondit d'vn comun consentement qu'elle n'auoit desplacé du lieu, auquel il l'auoit laissée. Ainsi le Preuost leur declara tout, & se repentant vn peu bien tard d'auoir fait mourir des innocentes, il fit punir de

*La femme  
du Preuost  
faussement  
accusée.*



mort, si bié il m'en souuiét, cest acufateur Pythonique.

Ainsi fit-on mourir quelques femmes acufées de estre forcieres en vn chasteau du ressort de Minden nommé Raed, ce qui fut fait à la suscitation d'une femme nommee Marguerite de Minden, laquelle autresfois auoit esté empoisonnee au chasteau de Huisberg pres Visurge. Ceste mesme femme peu apres estant en la cite de Verden, en accusa vne, à telle condition que où elle ne confesseroit es prisons qu'elle estoit forcierre, elle mesme se submettoit aux pareilles peines que l'autre deuoit encourir: ce qui auint. Car l'autre estant prisonniere nia constamment le crime qu'on luy mettoit sus, si bien qu'on la fit mourir par les tourments qu'on luy fit endurer, & ainsi prise de corps fut decretée contre l'accusatrice, laquelle toute furieuse & comme pleine de venin & de feu espouuanta si bien le bourreau & tous autres qui en pensoient aprocher qu'elle les chassa: iusques à ce qu'un maistre des Comptes, qui connoissoit ses tromperies & finesses, luy mit la main sur le collet, & la fit prendre par les autres. Et ainsi estant sur la gehenne, elle confessa en fin sa meschanceté, & fut punie de la mesme punition qu'eust souffert l'autre, si elle eust esté conuaincue. Le bruit estoit commun qu'elle auoit faullement accusé non seulement celle qui estoit morte en prison, mais aussi celles qui à son rapport auoyent esté bruslees auparauant.

*La peine  
d'une faul-  
se accusa-  
trice.*

Il est auenu de nostre temps à Duren, qu'une pauvre vieille fut accusée d'estre forcierre, & fut mise en prison, pourautant qu'il estoit auenu que les herbes de son iardin n'auoyent point esté offensées par la tempeste, laquelle auoit ruiné toutes celles des iardins circonuoi-  
sins: comme il auient souuentefois que la nuee des tempestes & orages se conduit diuersement. Or pourautant qu'il ne fut oncques possible de luy faire rien confesser par diuerses cruantez & tortures, soustenant avec grande prudence tousiours au contraire qu'il n'estoit pas en sa puissance de faire les tempestes, ou de troubler l'air, ains que c'estoit à vn seul Dieu que cela apartenoit: le Iuge luy fit bailler l'estrapade, où estant prest de mourir, il la laissa en ces tourmens & emmena le bourreau boire avec soy, disant qu'auant que d'estre de

retour



retour elle confesseroit plusieurs choses. La miserable cependant estant au milieu de ces angoisses, pria ce luge qu'il luy pleust auant que d'aller boire luy faire venir le confesseur, pour luy remonstrer ses fautes & la consoler, dont il se mocqua & s'en alla. Estant reuenu il la trouua morte, & controuua que pendant son absence elle s'estoit tuee. Peu de temps apres ce tyran *La puni-* tomba en vne telle manie, qu'apres s'estre deschiré ses *tion d'un* vestemens & souillé sa face de sa propre fiente, il se tua. *iuge ini-* que.

Il y auoit encôres vne femme assez pres de là en vne autre bourgade, laquelle estant prise pour le mesme fait ne voulut onques rien confesser, encores qu'on la gehennast cruellement, iusques à ce qu'un petit prestre-reau la vint admonester par flateries à ce qu'elle n'endurast dauantage son corps estre ainsi cruellemét tourmenté, ains que doucement elle confessast son meffait, & qu'avec de l'eau benite il la purgeroit de toute sorcellerie, en promettant de la rendre par ce moyen saine & sauue à Dieu. Ceste pauvre femme estant ainsi seduite par ce prestre confessa que de coup d'auenture elle auoit commis tel mal, pensant que par ce moyen elle eschaperoit, comme le prestre luy auoit promis. Toutesfois sur ceste confession, tiree par fallace & dol, *Confession* sentence fut donnee, par laquelle elle fut condamnée *tiree par si* à estre bruslee: ce qui fut executé. Ayant entendu cela *nesse &* outre son esperance, ceste miserable femme admonesta *fallace.* les iuges sourds qu'ils regardassent bien comment ils la faisoient mourir.

Il y a enuiron quarante & deux ans, que pres du village de Elten situé à vn quart de lieue de Embric en la Duché de Cleues, il y auoit vn diable qui habitoit sur le grand chemin, lequel tourmentoit diuersement les passans, battant les vns, iettant les autres en bas de leurs chevaux, & faisant verser les chariots des autres, sans que l'on vist autre chose que la figure d'une main. On le nommoit vulgairement Eckerken. Les voisins incredules ne pouuans assez discerner ceste tromperie & exercice du diable, attribuerent incontinent ce meffait à vne sorciere: parquoy ils prindrent prisonniere vne femme nommee Sibylle Duiscops, sujette & vassale du Comte de Mont, laquelle apres auoir esté bru-



flee, le tourment que faisoit ce diable, cessa: non qu'elle eust esté cause de ceste imposture, encores que le diable l'eust peu induire à la confesser, ou à raison de son incredulité, ou bien pour dresser vne cruelle bourrellerie: mais pour autant que de son propre gré le diable desista tresvolontiers, afin qu'il enfondraist dauantage les hommes dedans le goufre d'incredulité, & qu'il les rendist coupables d'auoir donné vne sentence sanguinaire, qu'il desire fort estre executée contre les innocens, comme ayant esté homicide de tout temps. Car si on eust obserué par industrie, & que lon se fust enquis diligemment de l'heure en laquelle ceste main imaginaire se monstroir, il n'y a point de doute que lon n'eust trouué Sybille paraenture dormant en son liét, ou faisant autre chose. Si vous m'alleguez qu'elle l'a confessé, ie vous respon que ceste confession a esté tirée d'elle par le bourreau, ou bien prononcée par elle qui auoit la phantasie troublée. Nous auons au reste dit si souuent, le moyen par lequel le diable la corrompt, qu'il n'est icy mestier de le repeter.

LES iuges d'une ville sur la Moselle vouloyent en ce temps donner la torture à vne femme accusée d'auoir fait quelque sorcellerie en du laiét, dont m'estant informé d'elle & examiné le tout ie l'auois declairée innocente, & depuis l'Euesque l'auoit fait eslargir: d'un commun auis decretent prinse de corps contre vne autre femme suspecte de sorcellerie des long temps, sans auoir esgard qu'elle estoit hydropique, & tellement tourmentée, qu'elle n'attendoit que l'heure de mourir comme elle s'y estoit preparée ayant desia receu tous ses sacremens, comme on parle en l'Eglise Romaine. Neantmoins elle fut apportée dans vne chaire en la cour du chasteau, où elle rendit incontinent l'esprit. Ce non obstant les iuges cōtinuent en leur rigueur, ne veulent permettre qu'elle soit enterree au cemitier: mais enfin ils le permirent à grande instance, & cuidans auoir fait vne grand grace au corps mort. Il auient de là que Dieu iuste iuge punit quelquesfois les sentences iniques des magistrats, la folle croyance du peuple, & la trop grande rigueur des grāds, comme il auint enuiron ce temps, asauoir le, neuhieme iour de Septembre, de l'an mil cinq



cinq cens septante quatre , assez pres de ceste ville là : car enuiron quarante personnes, qui venoyent de prendre leur passetemps au feu de quelques femmes que lon auoit brullees , estans en vn basteau pours'en retourner chez eux, se noyerent dans le Rhin.

*La singuliere prudence, de laquelle ont vsé quelques princes en l'accusation de forcellerie.*

## CHAP. XVI.



V reste, afin que d'une plus grâde prouidence on puisse d'orenauant euter ces escueils & perpetuels naufrages des ames, j'ay bien voulu proposer à vn chacun comme en vn miroir vne sentence memorable, digne d'estre ensuyuie : laquelle a esté donnee depuis peu de temps enuiron le Carefme de l'annee 1563. & prononcee par nostre tresillustre Prince monsieur Guillaume Duc de Cleues, de Iuliers &c. Vn laboureur du Côté de la marche, riche en bestail, se retira par deuers vn deuin pour sauoir la cause pour laquelle ses vaches rendoyent moins de laiët que de coustume, lequel incontinent luy promit monstrer la sorciere qui estoit cause de ceste perte. Parquoy il fit compagnie à ce laboureur iusques en son logis, où estant venu il luy monstra vne sienne fille non encores mariee, laquelle il auoit eue de sa premiere femme, & luy dit que c'estoit celle qui par ses charmes faisoit diminuer le laiët des vaches. Ceste fille incontinent trompee, mal persuadee, & induite par le diable, dit qu'il estoit vray: toutesfois qu'elle n'estoit assez bien exercitee en forcellerie comme estoÿët seize autres femmes, qu'elle acusa, & chargea d'estre grandes clergesses en cest art. Nostre tresillustre Prince fut incontinent aduertÿ par le Preuost, lequel conseilloit que elles fussent incontinent toutes constituees prisonnieres, toutefois le Prince defendit d'en prendre vne seule, commandant au contraire que lon fît tant que le deuin fust pris par quelque moyen que ce fust, & mis en prison estroite. Son Altesse voulut que la fille fust enuoyee par deuers vn Ministre de l'Eglise, afin d'estre examinee

*La prudence de Guillaume duc de Cleues.*



des principaux poinçts de la foy Chrestienne, remise en son bon sens par vn enseignement plus sain, & ainsi retiree des illusions diaboliques. Il commanda aussi qu'estant ainsi endoctrinee & rendue plus forte contre les folies & deceptions de Satan, elle fust deliuree sous caution si elle en pouuoit recouurer, afin qu'elle fust tousiours retenue en son deuoir, ou bien à si caution iuratoire. Il ne fut fait aucun tort aux autres femmes faussement accusees de ce crime par la fille, l'esprit de laquelle auoit esté troublé. Et ainsi par ce prudent conseil toute la fable cessa, & les vaches rendirent autant de laiçt que de coustume. Pleust à Dieu que les autres Princes, admonnestez par cest ex emple salubre, allassent au deuant de toutes ces semblables tragedies, estans mieux endoctrinez & asseurez par telles & legitimes raisons contraires à l'impieté: certainement les moins rusez, enlassiez dedans vn labyrinthe inexplicable, ne tomberoyent pas si souuent d'un simple erreur en vn millier d'autres, es choses esquelles on ne peut rien arrester de certain, & dont à la parfin lon ne trouue fin ni moyen de sortir. Ce fin & cauteleux tisserant a acoustumé de tixtre ingenieusement telles manieres de toiles.

*La prudence de Frederic electeur Palatin.* Mais cest vne chose fort deplorable que les cōseillers des Princes, les Magistrats, & ceux qui gouernent les republiques, sont quelquefois destituez de meure deliberation, de discretion & d'une parfaite conoissâce des choses: dont il auient que souuentefois les Princes sont induits à espandre le sang, tant en cest afaire, comme en plusieurs autres causes, lesquelles ne sont encores assez conuës & arrestees. Or entre autres choses par lesquelles on peut iuger que tout est bien administré par Monseigneur Frederic electeur Palatin, Prince d'excellente sagesse, de memorable pieté (ce que ie dis sans flatterie) & d'incōparable modestie, & qu'il ne veut point que lon vse de cruauté contre les innocens en matiere des impostures de Satan & outre que la chose est conuë à chacun par les memorables edits, qu'il a faits publier: Nous auons encores cecy dauantage que Christoffe Probus docteur en loix & chancelier tresvigilant, homme de diuerse erudition, de prudence rare, & de grande vertu



vertu a depuis peu de temps propos  en l'assemblee des Princes electeurs du Rhin qui fut faite   Binge, o   st  tomb  d'aventure sur le propos de ce mien  uvre, il declara publiquement & prudemment ce qu'il pensoit de ceste controuerse touchant les tragedies & tromperies du diable

Nous pourr s   bon droit mettre en ce mesme catalogue le genereux & illustre C te de Niuvvenar Monsieur Hermand, Seigneur docte es langues, d'une memoire assuree, & d'un rare esprit, lequel depuis peu de t ps par un singulier avis bannit seulement une pauvre femme accusee d' tre forcieri , laquelle avoit confess  toutes les choses que ceste sott  maniere de femmes a acoustum  de faire, mais seulement en imagination : ce qu'il fit pourautant qu'il voyoit ses voisins  tre encores si stupides & incredules, que pour rien ils ne la vouloyent souffrir. L'ay leu sa confession, laquelle de sa grace il m'a communiquee.

Le genereux Seigneur Guillaume Comte de Mont  st digne de louange en cecy, qu'ayant  st  admonest  par moy, & instruit en la connoissance de ces illusions diaboliques, laissa aller depuis peu de temps une vertueuse femme a gee de quatre vingts ans, laquelle  toit soupconnee d' tre forcieri , & avoit  st  des  une fois prise pour ce faict, & gehenn e, & disoit on que sa mere  toit morte dessus la torture pour le mesme fait de sorcelerie. Je l'allay trouver, & m'enquis fort soigneusement de tout, encor que ie conusse bien quelle  toit accusee   tort. On luy mit au deuant que lors qu'elle  toit dans le chariot pour  tre amenee en prison, son fils luy presenta une boule de terre par la vertu de laquelle elle se pourroit sauver de prison, & qu'il l'avoit admonest e de se souvenir de sa promesse. Ses accusateurs interpretoyent cela sinistrement, comme si la mere eust promis de faire par le moyen de ceste boule que on ne luy pourroit oster la vie. Ainsi donc ils insistoient si vivement sur ces articles, que si ie ne m'y fusse oppos  avec la raison & verit , elle eust  st  brus ee bien tost apres. En parlant   ceste femme il sembloit qu'elle tombast de fois   autre en  tase: au moy  dequoy ie luy ouvris la bouche, luy maniois les mains, tastois le poul,



& regardois sa langue : puis apres ie luy donnois quelque piece d'argent , pource que le commun bruit est que les sorcieres ont quelque puissance de darder leur venin sur ceux qui leur ont fait du bien. Au reste, en respondant pertinemment à la premiere question, elle nu que son fils luy eust baillé vne boule de terre : mais que c'estoyent des drapeaux entortillez de ceste façon pour apliquer sur ses iambes toutes gastees par les tortures qu'elle auoit souffertes autresfois pour mesme soupçon : car alors on luy auoit versé de l'huile bouillante sur les iambes , afin de luy faire confesser ce qui luy estoit mis sus. Quant à l'autre point, asauoir que la mere se souuint de la promesse faite à son fils, elle dit que se voyant ainsi continuellemēt calomniee de sorcelerie, elle auoit dit à ses enfans, au cas qu'on la fist mourir pour tel soupçon, elle aiourneroit l'auteur de sa mort à comparoir en personne deuant le siege iudicial de Iesus Christ, le trentieme iour apres le supplice d'elle, pour rendre raison de sa sentence. Que si l'effect s'en ensuyuoit, ce seroit vn manifeste argument de son innocence , & que les enfans conoistroyēt que leur mere auroit esté executee à tort, veu que Dieu seul iuste vengeur exauce les prieres des innocens, & ferme l'oreille aux cris des hypocrites. Sur ce i'admonnestay tellemēt le Comte, & luy descouuris si bien ces illusions diaboliques, qu'apres auoir fait soigneusement examiner le proces, il relascha ceste miserable femme. Il ne faut oublier Mōseigneur Adolphe Cōte de Nassau, lequel print beaucoup de peine en la guerre de ceux de Dannemarc contre ceux de Suede , l'an 1564. à ce que les grands Seigneurs ne fussent trompez par telles impostures.

C'EST auis est louable & plein de piété, lequel doit estre receu par les Princes & grands Seigneurs , asauoir qu'il vaut beaucoup mieux pardonner à dix coulpables que de faire mourir vn innocent.

*L'auis des peres anciens, par lequel il apert qu'il ne faut  
faire mourir ceux qui sont seduits par  
erreur, ni les heretiques.*



## CHAP. XVII.



R pour-autant que la plus part de telles gens ont l'esprit trouble, & ont esté seduits d'erreur par Satan, comme nous l'auons assez montré, tellemét qu'ils meritêt plus tost la peine deuë aux heretiques, que d'estre ainsi bruslez, j'ay allegué ici en bref quelques aui-

*L'auteur ne plaide point pour les heretiques*

des peres anciens, pour montrer qu'estans mieux instruits, s'ils se conuertissent, ils ne meritent d'estre punis corporellement. S. August. escriuant à Donat Proconsul d'Afrique: Nous desirons, dit-il, que les ennemis soyent punis selon l'occasion des iuges & des loix terribles, de peur qu'ils ne tombent en la peine de l'eternel iugemét: mais nous ne voulons pas qu'ils soyent tuez. Aussi ne voulons nous pas que la discipline soit mesprisee en leur endroit, ne qu'ils soyent punis des suplices qu'ils meritent. Reprenez doncques tellement leurs pechez, qu'apres ils se repentent d'auoir peché. Nous vous pri-

*nes, ni pour leurs docteurs, ains seulement pour ceux qui ont esté seduits par autres, puis se repentent*

ons donc lors que vous entendrez les causes de l'Eglise, d'oublier la puissance que vous auez de tuer, & de n'oublier nostre demâde, quelque affligée & assaillie qu'elle soit d'iniures & de mesfaits malheureux. Gardez vous de ne tenir conte ( fils tresaimé ) de ce dont nous vous prions, que ceux ne soyent occis pour lesquels nous prions Dieu qu'ils se corrigent. Il écrit encores à Marcellin: Nous vous priôs que leurs punitions, encores qu'ils confessent leurs grandes meschancetez, soyent sans mort: ce qui sera pour la recommandation de nostre conscience & de la douceur catholique. Il écrit aussi au mesme en l'epistre 159. Iuge Chrestien, accomplissez le deuoir d'un pere doux & benin, courroucez vous tellement contre l'iniquité, que quant & quant vous ayez souuenance de ne faire tort à l'humanité. Gardez vous d'exercer l'enuie de vengeance contre la grandeur des pechez: mais ayez la volonté de guerir les playes des pechez. Ne perdez pas la diligence paternelle, que vous auez gardée en ceste inquisition, en laquelle vous auez d'escriné la confession de tant & tant de meschancetez, non par vn esguillon poussé, ni par les ongles esgratignans, non point par les flammes bruslantes, mais seulement par la correction des verges.

*gnés à l'Eglise.*

*Epist. 158.*



IL escrit aussi contre l'Epistre du Fondement, chapitre premier: le Seigneur, dit-il, subuertit les regnes d'erreur par ses seruiteurs, & commande que les hommes, entant qu'ils sont hommes, soyent plustost amendez que perdus. Car s'il n'estoit ainsi qu'ils ne peussent estre conuertis par la grace de Dieu, l'admonition de saint Iaques ne seruiroit de rien. Saint Augustin sauoit cela, & pour ceste cause il se dedioit du tout à conuertir les heretiques, & ce suyuant les admonestemens de l'Apstre, avec grande douceur & mansuetude d'esprit, & non sans vn grand fruit d'un labour plein de pieté. Car il escrit ainsi en l'Epistre 48. à Vincent: Nous nous resiouissons de la correction de plusieurs, qui maintenant maintiennent si fermement l'vnité catholique, se resiouissent de ce qu'ils sont deliurez de l'erreur auquel ils estoient au parauant, si bien que maintenant nous nous en esmerueillons avec grande ioye. Sur toute chose aussi il est bien seant à vn magistrat Chrestien, d'estre tellemēt moderé qu'il s'abstienne de toute cruauté & fureur. Et quant à moy ie ne dissimule point que ie ne sois du nombre de ceux ausquels il desplaist beaucoup, que lors qu'il faut faire mourir les erreurs, on face mourir les hommes. Cela ne plait à aucun des gens de l'Eglise catholique, cōme dit le mesme saint Augustin, quand on passe iusques à la punition de mort, encores que l'exemple soit heretique.

IL escrit encores contre les lettres de Petilian, chapitre vingtneuuieme. Aimez les hōmes, tuez les erreurs, cōbatez pour la verité sans aucune cruauté. Item cōtre l'Epistre du Fondement: Que ceux-là, dit-il, exercent leur cruauté cōtre vous, qui ne sauent avec quelle peine la verité est trouuee, & à cōbien grande difficulté on se garde des erreurs. Ceux-là exercent leur cruauté cōtre vous, qui ne sauent avec combien de difficulté l'œil de l'hōme interieur est gueri, à ce qu'il puisse voir son soleil, non pas celuy que vous adorez qui a vn corps celeste, & qui enuoye ses rayons aux yeux charnels des hōmes & des bestes: mais celuy duquel il est escrit par le Prophete: Le soleil de iustice m'est aparū: & dont il est dit en l'Euāgile, C'estoit la vraye lumiere, laquelle illumine tout hōme qui vit en ce mōde. Ceux-là exercent leur



leur cruauté enuers vous, qui ne sauient avec combien de souspirs & gemissemés on fait que Dieu puisse estre entendu de tous costez: bref, ceux-là exercent leur cruauté contre vous, qui ne sont deceus d'aucun pareil erreur dont ils vous voyét estre deceus, & c. Ce n'est donc pas chose appartenante à homme qui fait profession de pieté, que d'exercer cruauté contre les heretiques voire bien detestables, tels qu'estoyent les Manicheens, ausquels sainct Augustin escrit ce que dessus. Car il fait avec combien de labeur & de peine on trouue la verité, par combien de difficultez on se garde des erreurs, & par combien de souspirs & gemissemens on fait tant que Dieu soit ouy & entendu de toutes parts.

A v liure des questions de l'Euangile selon S. Matthieu, chapitre trezieme. De là, dit-il, il auient que les seruiteurs disent, Voulez-vous que nous allions, & *Marc. 4.* que nous ramassions ces choses? ausquels la verité res- *Luc. 13.* pond aussi, que l'homme n'est pas tellement establi en ceste vie qu'il puisse estre certain quel doit estre vn chacun de ceux qu'il void presentement estre en erreur: ni aussi combien l'erreur d'iceluy peut profiter à l'auancement du bien: & que pour ceste raison il ne faut tirer telles gens hors de ceste vie, de peur qu'en pensant tuer les mauuais, lon ne rue les bós: dautant que parauéture ils doyuent estre tels: ou bien de peur que par ce moyé on ne face tort aux bons, ausquels parauenture maugré eux il seront vtiles. Mais que lon le peut faire oportunément, lors qu'en la fin il ne reste aucun temps de conter la vie, ou de profiter à la verité par l'ocasion & cōparaison de l'erreur d'autrui. Il dit encores là mesme, en la question 11. Aussi ne s'ensuit-il pas que tous heretiques ou schismatiques doyuent estre separez corporellemēt de l'Eglise. L'Eglise en porte plusieurs semblables: car ils ne defendent pas tellemēt la fausseté de leur opinion qu'à icelle ils rendent la multitude attentive: que s'ils le font, qu'ils soyent chassés alors. Il dit aussi au liure de la vraye religion, chapitre huietieme. Aidons-nous des heretiques, non que nous aprouuions leurs erreurs, mais afin qu'en defendant la discipline ecclesiastique contre les embusches de leurs erreurs, nous soyons plus vigi-



lans & plus auisez, encores que nous ne les puissions remettre en la voye de salut. Il en dit encores autât 34. q. 3. L'Apostre a dit, Euitez l'homme heretique apres la premiere & secõde admonition: car il est subuerti & peche estant condamné en soy mesme. Mais ceux qui defendēt leur opinion sans aucune opiniastrētē & animosité, ores qu'elle soit fausse & peruerse, & principalement qui l'ont engendré en eux non par audace ou presumption, mais par vn erreur qu'ils ont receu de leurs predecesseurs, lequel les a seduits: & ce pendant cherchent la verité avec grande sollicitude, prests de se corriger l'ayant trouuee, ne doyuent estre mis au rang d'obstinez heretiques. Chrysostome escrit en l'Homelie 47 sur le treizieme chapitre de saint Mathieu: Voulez-vous doncques qu'en nous en allant nous ramassions ces choses? Le Seigneur, dit-il, le defend, de peur qu'ils n'arrachent le bon blé d'avec l'iuoye: ce qu'il disoit pour defendre les guerres & l'effusion de sang. Car si on tuoit les heretiques, il faudroit faire la guerre au monde sans paction de paix, ou de treues. Il l'a doncques defendu pour deux raisons: l'une pour autant qu'il nuiroit au froment: l'autre que s'ils n'estoyent gueris, ils ne pourroyent euitier les extremes punitions. Parquoy si vous les voulez punir sans faire mal au froment, il faut que vous attendiez la commodité & oportunité du temps. Mais qu'est-ce à dire que vous arracherez ensemble & avec iceux le froment? C'est certainement, dit-il, d'autant que si vous prenez les armes, il est necessaire que quand vous tuez les heretiques plusieurs des saincts soyent occis quant & quant: ou bien d'autant qu'entre les yuoyes plusieurs choses changees se conuertiroient en la condition du bon froment. Si doncques en preuenant vous les arrachez, les froments periront, lesquels procederoient de ces yuoyes changees. Il ne defend pas que lon n'empesche les conciliabules des heretiques, que lon ne leur estoupe la bouche & qu'on ne leur oste la liberté de parler: mais il ne veut pas qu'on les tue. Il escrit aussi en la huitieme homelie sur le second chapitre de Genese: Les heretiques ressemblent à ceux qui sont malades de maladie, & qui sont aucugles des yeux corporels. Car ceux-la, à raison de l'infirmité de leurs yeux, se tirent loin

*Les conciliabules des heretiques doyuent estre distroyez.*



Joïn de la lumiere du Soleil, & à cause de la maladie de leurs corps ils haïssent & ne veulent prendre les bonnes viandes: ainsi ceux-ci qui ont l'ame malade, & sont aveugles des yeux de l'esprit, ne peuuent regarder vers la lumiere de verité. Parquoy faisant nostre deuoir, il nous faut leur prester la main & parler doucement à eux. Car S. Paul nous en a ainsi admonnestez, disant: Enseignez avec douceur ceux qui ont autre sentiment, pour essayer si quelquefois Dieu leur donnera repentance pour connoître la verité, & qu'ils s'amendent pour faire la volonté d'iceluy, estans eschappez des pieges du diable, duquel ils sont pris. Voyez vous comment il declare par parole que presque ils sont enyurez? Et derechef quand il dit, Estans pris par le diable comme enlassez dedans son piege. De là doncques nous auons besoin d'une double mansuetude & douceur, afin que nous les puissions retirer & sauuer des pieges du diable. Parquoy disons-leur, Retirez vo<sup>s</sup>, & prenez courage peu à peu: regardez la lumiere de Iustice &c. Il dit aussi en l'Homelie du nom d'Abraham, Il faut reprendre & anathematiser les propositions pleines d'impieté, lesquelles procedent des heretiques: mais il faut pardonner aux hommes & prier pour leur salut.

ATHANASE escrit à ceux d'Antioche Tome douzieme: Retirez tous ceux, dit-il, qui veulent viure paisiblement avec vous, & principalement ceux qui ont esté en la communion de l'ancienne Eglise, & puis ceux qui se sont retirez des Ariens, prenez-les comme peres, receuez-les comme maistres & tuteurs, vous adioignant cependant à nostre trescher & bien-aimé Paulin, & à ses compagnons. Aussi ne leur demandez aucune chose sinon qu'ils detestent l'heresie des Ariens, & qu'ils confessent la foy des saints Peres assemblez à Nicee.

SEVERE Sulpice escrit en la vie de S. Martin, liure troisieme que saint Martin ne vouloit pas que les heretiques fussent punis, disant: Maxime Empereur auoit arresté le iour de deuant selon l'avis des Euesques, que les Tribuns avec grande puissance seroyent enuoyez en Espagne pour faire recherche des heretiques, & pour leur oster les biens & la vie. Et n'y auoit aucune doute que ceste tempeste ne gastaist vne grande partie des



saincts. Mais Martin prenoit grand soin à ce que les Tribuns ne fussent enuoyez en Espagne avec main armee. Car ceste sollicitude estoit pleine de pieté, d'autant que non seulement il vouloit deliurer les Chrestiens qui deuoient estre trauallez sous ombre de ceste occasion, mais aussi les heretiques mesmes.

*Auis d'Erasme, Comment il faut traiter les heretiques.*

## CHAP. XVIII.



ERASME en son Apologie contre quelques articles recueillis de ses liures par certains moines Espagnols, escrit ce qui s'ensuit à Alonse Manrico archeuesque de Seuille, sur le quatrieme article par eux distingué, & qu'ils maintenoient estre contre l'autorité de l'inquisition. Erasme, disent ils, en sa paraphrase sur le 13. chap. de S. Matthieu, escrit que les seruiteurs qui veulent recueillir l'yuroye auant le temps, sont ceux qui estiment que les faux prophetes & heresiarques doyuēt estre mis à mort: combien que le pere de famille ne vueille pas qu'on les extermine, ains qu'ils soyēt supportez, pour voir s'ils se repentirōt, & d'yuroye deuiendrōt bon froment. S'ils ne s'amendent, qu'on les laisse en la main de leur iuge, qui les saura bien chastier. Je pense (replique Erasme) auoir suffisamment respondu à cest article es supputations sur la 32. response de Bedai: en ay aussi respondu à Latomus, lequel, selon l'auis d'aucuns, sembloit me taxer sur ce point, tellement que ce seroit chose superflue de redire ici les mesmes mots. Toutes les fois que ie considere à part moy combien le schisme & l'heresie sont execrables, ie ne peux condamner le cautere de la loy tant aspre puisse-il estre. Derechef, quand il me souuient de quelle douceur Iesus Christ a planté, esleué, nourri & affermi son Eglise l'espace de plusieurs siecles, à peine voy-ie le moyen de prouuer ce que font auiourd'hui plusieurs, qui se fondent sur des mots pour emprisonner & brusser incontinent vne personne: comme on bruslera des prestres qui auront vne femme en leur liēt, pource qu'ils aimeront mieux l'a-

peler



peler leur femme que leur concubine. Certainement ie voudrois estre medecin & non pas aduocat de tels iuges, non pas que ie die que tels prestres demeurent impunis: seulement ie m'estonne comme lon pouroit accorder vne si grâde rigueur avec la douceur Ecclesiastique. Ce n'est pas à moy d'approuuer ou condamner les loix des Princes terriens: ils ont leur droit, leur raison, & leur iuge auquel ils rendront conte. En ma paraphrase i'expose le sens de la parabole de l'Euangile. Si ceste exposition est vraye & Chrestienne: si elle a pleu aux exposeurs orthodoxes, si elle a esté approuuee par la pratique obseruee en l'Eglise l'espace de plusieurs centaines d'ans, pourquoy la trouue on mauuaise? Ou si on la veut reprendre, que ne s'attache-on aux docteurs anciens plustost qu'à moy?

I v s Q V E s au temps de saint Augustin, c'est à dire plus de quatre cens ans apres la natiuité de Iesus Christ, nous ne lisons point que les Orthodoxes ayent imploré l'aide de l'Empereur contre les heretiques, qui de leur part faisoient cela fort souuent. Mais les Orthodoxes ne furent onc d'auis d'ensuyure cest exemple, iusques à ce qu'ils y furent contraints par l'obstinee, incurable & trop supportee folie des Donatistes & Circuncellions. Car outre le schisme qu'ils faisoient, & qui estoit le plus dangereux de tous les autres schismes, s'il n'eust esté esteind, ils bleffoyent les Orthodoxes, leur creuoyent les yeux avec de la chaux destrempee en du vinaigre, en tuoyent les vns & contraignoient les autres à estre meurtriers pour sauuer leur vie. Ils n'estoyent pas plus humains enuers eux mesmes, car où ils se plantoyent vn cousteau dans le corps, ou se precipitoient de leur propre mouuement. Quoy plus? ils estoient si enragez que les Princes Payens ne les deuoyent aucunement supporter, ni les Chrestiens non plus, quand mesmes ces furieux n'eussent esté heretiques ni schismatiques. Pourautant donc qu'ils ne laissoient personne en paix, & qu'il n'y auoit ni fin ni mesure en leur fait, finalement les Euesques delibererent d'implorer le secours de l'Empereur à l'encontre de ceste meschâceté insupportable. Les plus paisibles, du nombre desquels estoit S. Augustin, n'estoyent pas d'auis qu'en fait Ecclesiastique lon



recourust à vne puissance profane , & que ce n'estoit pas chose seante aux Euesques de se seruir d'autres armes que de la parole de Dieu: & si le mal estoit incurable, de l'excommunication, qui estoit lors le dernier supplice de l'Eglise. Et comme les Iurisconsultes disent que le bannissement est vne mort ciuile : ainsi entre les Apostres & leurs successeurs l'excommunication estoit vne peine capitale. Les exemples de Christ, des Apostres & des martyrs, incitoient ces personnages d'estre de tels auis : Item la crainte qu'ils auoyent que procedant par violence contre les Donatistes, au lieu d'heretiques on n'eust des Chrestiens hypocrites, en quoy l'Eglise Chrestienne seroit en plus grand danger.

M A I S l'auis des autres fut suyui, & tout se porta bien car par ceste seuerité plusieurs de ces estourdis furent rangez à raison. Alors saint Augustin aprouua par beaucoup d'argumens ce dont il n'auoit pas esté d'auis autrefois. Pour mon regard il me semble que lon fit vne trop douce loy contre ces furieux brigands & meurtriers plustost qu'heretiques : car la loy ne touchoit au corps ni aux biens d'aucun d'eux, ains seulement donnoit aux Eglises Chrestiennes les reuenus des Eglises de ces schismatiques : & si quelqu'un d'eux se rangeoit aux Eglises Chrestiennes, il pouuoit iouir des biens qu'il auoit au parauant & de ceux qu'il trouuoit lors, avec tel support que lon ne degradoit ni reiettoit du ministre les clerics & Euesques qui se reconcilioient à l'Eglise: & quant aux autres qui estoient en petit nombre, & ne se vouloyent pas ranger, ils furent seulement condamnés à vne legere amende. Tant s'en faut donc que lon pensast à faire tuer ces cruelles bestes, qu'au contraire quand le gouuerneur Macedonius publia vn edit couché en termes ambigus, où il sembloit menacer de mort les heretiques, s'ils ne se repentoient : S. Augustin l'admonnesta fort expressement de ne faire mourir personne, veu qu'il auoit es constitutions Imperiales la reigle qu'il deuoit suyure: puis il le louë de ce que par son deuxieme edit il auoit esclairci l'ambiguité du premier. Le mesme docteur admonnesta le Tribun Dulcitius entre autres de ne faire mourir personne.

I L apert assez de ce que dessus, combien ces Euesques estoient



estoyent esloignez & auoyent en horreur les confiscations, prisons, suplices, bruslemens & autres cruautéz en quoy plusieurs se baignent auourd'huy, specialemēt du nombre de ceux qui font profession de perfection Chrestienne: au lieu que toute leur estude doit estre de medeciner non pas meurtrir, & par leur intercession adoucir la rigueur des loix. Qui pis est maintenant ces dieux de pitié outrepassent les edits des Princes, & sont plus cruels qu'on ne leur commande. L'ordonnance de l'Empereur porte qu'on chastie ceux qui seront legitimemēt conuaincus. Je ne m'enquiers point si cela s'exécute tousiours cōme il faut: toutefois plusieurs sauēt cōme lon s'y gouerne. Car ceste sorte de gens (asauoir les inquisiteurs) n'est suiette & n'obeit presques à aucunes loix Ecclesiast. ou profanes: mais tout ce qui leur plaît, est bon & saint. Iamais heresie ne me plut, ie n'ay point encor fauorisé, ie ne fauorise à present, & ne fauoriseray iamais heretique, sinon en esperance de le guerir: afin que personne n'estime que ie plaide ici pour moy. Je n'ay point retiré d'heretique en ma maison: ie suis demeuré ferme au giron de l'Eglise, & y ay retiré quelques vns qui s'en estoyent separez. Seulement ie parle de la cruauté de quelques vns, qui deuoyent estre les plus paisibles du monde, encor que les princes desgainassent le glauiue, & que quelques Euesques à cause de leur autorité employassent leurs moyens pour reprimer quelques esprits incorrigibles. Au contraire il auient maintenant que les princes & prelatz sont contraints d'employer leur puissance pour brider la violēce de ces inquisiteurs: & pourtant la conduite en est commise aux principaux d'entre les Ecclesiastiques, de crainte que ceux ci n'exécutent tout ce qui leur viendra en pensée, Au reste lon void dequoy ont serui enuers le menu peuple les seditieux sermons & la rage de quelques prescheurs. Peut estre qu'ils escriuent par fois au Prince, qui est en vn lieu fort loin, tout ce qui leur plaît: luy respōd, S'il est ainsi que vous escriuez, qu'on face iustice: ceste responce ne deliure pas leur conscience, ains les charge dauantage. Outre ce, quand vn iuge seculier prononce sentence à leur rapport, sans prendre conoissāce de cause: tout le fardeau de la condamnation tombe sur eux.



MAINTENANT faites moy comparaiſon des Eueſques de l'Egliſe ancienne avec les moines de ce temps: faites comparaiſon des brigands Donatiſtes avec ceux qui ( peut eſtre ) ont dit que les moineries n'eſtoient point neceſſaires en l'Egliſe, ou qu'es ſermons il eſtoit mieux ſeant d'inuoquer le S.Eſprit que la vierge Marie, ou qui doutent ſi la confeſſion auriculaire a eſté inſtituee par Ieſus Chriſt, & ſi le coelibat des preſtres eſt de droit diuin: cõterez auſſi la douceur de la cõſtitutiõ imperiale (qu'à peine on put obtenir de Theodoſe) avec la rigueur des ſuppliques, qu'on fait aujourd'huy endurer à des pauvres ſimples gens, en quelque erreur qu'ils ſoyent gliffez: pour certain vous requerrerez en pluſieurs vne douceur digne de gens d'Egliſe. Mais ils diſent que depuis ce temps de Theodoſe, ce n'eſt pas ſans raiſon que lon a fait vne plus rigoureuse loy. Je ne condamne pas le cautere: ſeulement ie ſuis marri que les pechez des Chreſtiens requierent ſi aſpre remede. Je gemis en voyant executer à mort des meurtriers: toutesfois conſiderons que de là prouient le repos public, ie me conſole. Ainſi ſuis ie affectiõné enuers ceux, qui ne pouuãs eſtre gueris ſont neceſſairement oſtez du monde, afin qu'ils ne corrompent & n'inſectent plus perſonne. Quelque choſe que face la ſeuerité des loix ( qui parauenture eſt neceſſaire ), certainement le deuoir des moines eſt de ſ'eſtudier pluſtoſt à guerir qu'à faire perir. Je n'ay iamais condamné les ordonnances des Princes: combien qu'ils doyent, autant que faire ſe peut, acommoder & ſeſchir la rigueur de leurs loix, à la douceur d'une moderation Chreſtienne. Auſſi doit on remarquer vne grande difference entre vn Prince Payen & vn Prince Chreſtien: de rechef il y a biẽ à dire entre vn prince profane & vn qui eſt Eccleſiaſtique. Item, il y a quelque diſerèce entre vn prelat qui a quelque autorité publique, & vn moine ou theologien, qui ne doit faire autre choſe qu'enſeigner en toute douceur. Quel ordre y a-il qu'anciẽnemẽt lors qu'il n'y auoit nulles eſcoles en theologie, on ait ſi heureuſement deſfait les heretiques par la ſeule parole de Dieu: & maintenãt que le mōde eſt plain de tant d'vniuerſitez floriffãtes, on ne diſpute que par ergos & ſagots?

MAIS que peut on reprendre en ma paraphraſe, ſi-

non



non que ie n'ay point parlé de la constitution imperiale, dressée es derniers siècles: cela eust esté impertinent, car ie say parler l'Euangeliste, qui ne sauoit rien de ceste constitution: s'ils ne disent que ie le deuois introduire parlant ainsi. D'icy à 800. ans, Iesus Christ ne veut point qu'on face mourir les heretiques, mais apres ce temps là suruiendra vne autre loy, qui commandera qu'on les brulle. Or ils se monstrent merueilleusement ineptes, en imaginât que l'accomode ce propos à nostre tēps, veu que l'Euangeliste le met en auant, du temps de l'Eglise primitiue. Et Christ ne parle pas là du glauiue des Princes, veu que l'Eglise a esté sous la domination des Princes Payés beaucoup de centaines d'annees apres la mort de Iesus Christ: mais il parle du deuoir des Apostres d'attirer tout le monde à salut par douceur & amitié, à l'exemple de ce grand pasteur qui n'estoit pas venu pour perdre les ames, ains pour les sauuer. Cela fait que mon interpretation ne porte point de preiudice aux edits des princes: car elle recōmande la douceur Euangelique, & n'oste point aux Princes l'autorité qu'ils ont de desgainer l'espee: elle monstre ce qui conuenoit au temps d'alors, & non pas ce que la meschâceté de quelques hōmes deuoit solliciter en ces derniers temps. Il y a plusieurs loix humaines plustost dressées pour effrayer que pour instruire. Et comme c'est le deuoir d'un iuge seculier de desgainer quelques fois l'espee, pour sauuer plusieurs par la mort d'un seul: ainsi toutes & quantes fois que l'erreur, la mesgarde, l'aage excuse vn crime, & qu'il y a esperance d'amendement au criminel, il ne doit oublier la douceur Chrestienne.

Il faudroit aussi regarder, si les Princes souuerains ont ce droit de faire mourir vn homme, quel que soit son forfait. Item, si les princes veulent que pour quelque erreur, où il pourra sembler qu'on peust descouurir heresie, il falle bruller vne personne. Car si l'erreur est certain, les theologiens n'y ont que voir, veu qu'il n'est plus question que du fait. S'il y a de la doute, ce n'est à faire au premier theologien, mais principalement au siege Romain, de iuger des articles de foy qui sont en controuersie. C'est bien pis faire, ietter des personnes au feu pour quelques opinions, dont on est non seu-



lement en debat, mais aussi qui ne sont pas de grande importance. Mais c'est passer toute mesure d'équité de faire mourir vne personne qui n'aura auoué quelques titres de ces gens, qui en forgent de iour à autre de tous nouueaux, & leur suffit de dire, cela est contre les docteurs Scholastiques, cela est suspect, scandaleux, contre les bonnes coustumes, cela sonne mal selon qu'il est couché, est dit impertinemment, & autres telles allegations : tellement que la calomnie trouue tousiours où se fourrer, si lon a quelque mauuaise affection. Cependant toutesfois ils disputent, asauoir si l'Eglise peut faire vn article de foy: & quand cela leur est commode, ils les forgent eux-mesmes, & par fois apres que la sentence est prononcee. Le proces se fait par des moines rapporteurs, deputez iuges, qui ne procedent sincerement ne legitimement: les trois Prieurs prononcent la sentence en prison, presens deux moines qui seruent de tesmoins, cependant on apreste le feu. Le prince (de la Loy duquel on se couure, & qui sert pour satisfaire à l'appetit de vengeance de quelque particulier, encor qu'elle ait esté mise en auât pour le bien public) ne fait rien de toutes ces procedures. Or puis que lon sait cela estre pratiqué, les Princes en doyuent estre auertis: toutesfois cest aduertissement ne peut soulager les heretiques incurables, ni ne doit offenser les inquisiteurs de bonne conscience.

LA huitieme constitution au premier liure du Code, au titre des heretiques, Manicheens, & Samaritains, commande qu'on brusle les liures & papiers seulement: que les docteurs soyent punis de mort, les disciples condamnez en l'amende de dix liures d'or: & quant ceux qui non seulement leur prestent l'oreille, mais aussi, au mespris des ordonnances des Princes, gardent les liures des heretiques en leurs maisons, & se montrent par là manifestes fauteurs de l'heresie, la Loy commande qu'ils soyent bannis. Dauantage ceste loy ne condamne pas tous heretiques indifferemment, ains nommément les Manicheens, Apolinaristes & Samaritains, qui blasphemoyent tout ouuertement. Ce qui precede ceste loy au mesme tiltre, ou il est commandé que l'inquisition s'estende iusques à supplice de mort,



mort, est presque de mesme argument : mais certaines heresies y sont exprimees. Semblablement au mesme liure, au tiltre de la souueraine Trinite, &c. il est nommemēt parlé des Ariens. Or ces heretiques-la despouilloient le fils de Dieu & le S. Esprit de la verité de la nature diuine. Comme les Apolinaristes nioient que Iesus Christ fust vray homme, en luy ostant la principale partie de l'homme, a sauoir l'ame humaine. Quant aux Donatistes, outre leur schisme, c'estoyent des furieux brigands. En ces heresies susmentionnees il n'estoit point question de sauoir si Iesus Christ a ordonné la confession auriculaire, si vne pure tradition humaine oblige la conscience, si le Symbole a esté publié article apres article par les Apostres, si les Apostres ont entendu la langue Grecque : mais on disputoit de la maiesté de Christ & de la somme du Christianisme.

A v resté, les decrets des Papes, au cinquieme liure des decretales, au titre des Heretiques, & au sixieme, au mesme titre, commandent seulement qu'on liure au bras seculier les heretiques conuaincus & qui perseuerent en erreur, ou qui sont retomez en l'heresie qu'ils auoyent abiuree. Vray est que les Glosateurs y ont adiousté du leur, Qu'ils soyent bruslez, veu que les edits des Empereurs condamnent à l'amende les Pelagiens & Iouinians. Maintenant on enuoye au feu celuy qui doute si le Pape a droit sur le Purgatoire. Anciennement les Euesques remis à comparoir en quelque Synode, y rendoyent raison de leur doctrine: estans conuaincus on leur donnoit le choix, ou de detester leur erreur, ou d'estre anathematizez avec iceluy, c'est à dire, estre retranchez de la cōmunion de l'Eglise: car lors l'excommunication estoit comme le dernier supplice de l'Eglise. Berengaire, qui n'estoit pas interrogé de l'origine de la confession, ni du purgatoire, mais de la verité du corps de Christ, ne fut pas lors tourmenté en corps, veu mesmes que pour la seconde fois il retomba en sa premiere opinion. Au temps present les moines font par fois courir vn faux bruit, puis font incontinent emprisonner celuy qu'ils disent estre suspect: là ils disputent à leur mode, c'est a sauoir, avecques leurs ergots, tandis que lon apreste les sagots.

CHRIST n'a point estaind le lin fumant, & n'a point



rompu le roseau cassé. Des le commencement la brebis a esté poursuiuie du loup, mais elle est tousiours demeurée victorieuse par patience.

*Auis de quel ques insignes Iuriconsultes touchant les forcieres, lesquelles eurent les peines corporelles pourueu qu'elles se repentent. Et, les causes criminelles il ne se faut du tout arrester à la confession.*

## CHAP. XIX.



OVr la defense des pauvres forcieres, i'a-iousteray l'avis de Paul Grilland, excellent Iuriconsulte, des fortileg. 10. volume des Traitez, quest. 7. fol. 44. pag. 235. Notez, dit-il, vne chose fort singuliere, s'auoir est,

*Les forcieres qui se repentent eurent les peines corporelles.* qu'il y a deux especes de ces apostats. L'une est de ceux lesquels seulement se retirent de la foy, & suyuent l'adoration & obeissance du diable: l'autre est de ceux qui apres auoir renoncé Iesus Christ & ietté hors de leur cœur, se baptisent derechef expressément au nom du diable, & se donnent vn autre nom. Or encores que les vns & les autres soyent damnez, les premiers toutesfois sont receus à penitence, pourueu qu'ils confessent leur peché, & ainsi ils eurent les peines corporelles ainsi que font les heretiques. *l. Manicheos. C. de heretic.*

LES theologiens, auteurs du Maillet des forcieres, en disent autant au commencement de la troisieme partie, question 35. Si ces apostats, disent-ils, ne se veulent repentir de bon cœur non plus que les heretiques obstinez, ils doyuent estre liurez au bras seculier: mais s'ils le font, ils seront receus ainsi que les heretiques penitens: selon ce qui est escrit au chap. *ad abolendam. §. penit. de heret. ti. li. 6.* Raymon s'y accorde *tit. de apostolica. C. reuertentes*, où il dit, que ceux qui se retournent de la perfidie apostatique, doyuent estre receus comme les heretiques qui reconoissent leur erreur, d'autât qu'ils ont esté heretiques. Et en cecy on prend l'un pour l'autre. En la seconde partie des Decrets *caus. 26. q. 5. Episcopi.* Il s'ensuit par autoritez precedentes, que les deuins, prognostiqueurs, enchanteurs, forcieres, & autres personnes de pareilles sectes, doiuent estre chassés de l'Eglise & ex-



& excommuniez perpetuellement: si ce n'est qu'ils reconnoissent leur erreur.

MAIS il semble que S. Augustin vueille dire au liure de la cité de Dieu ce qui est escrit au dernier chap. du Concile Aquirence: sauoir que ce qui est fait par les enchanteurs est fait non en corps, mais seulement en esprit: car il escrit, les choses, dit-il, qui sont faites par les impostures des magiciens sont prouuees estre phantastiques & non vrayes. Parquoy il n'y aura aucune action criminelle contr'eux.

Si lon m'allegue derechef leur propre confession, i'oseray bien respondre avec M. Iean François Ponzi-nibe au dixieme volume de ses Traitez, où il parle des sorcieres: Comme ainsi soit, dit-il, que telles personnes soyent trompees, comme nous auons monstré, il faut aussi dire que leur confession est erronnee, & ne doit estre admise en iugement. *l. error, & l. cum post. C. de iuris & fact. ignor. Not. in l. de atate. §. fin. ff. de interroga. action.* Car vne confession doit contenir verité & chose possible: *vt per gloss. Bald. & alios in lege. 1. cap. de confess. per gloss. in C. fin. de confess. in 6. ff. ad leg. Aquil. l. inde Neratius. §. fin.* Mais ces choses qu'elles confessent sont contraires au droit & à la nature, parquoy il ne s'ensuit pas: Ces femmes l'ont ainsi confessé, il est doncques ainsi. Car la confession est beaucoup dissemblable de l'effect, ou de la possibilité de l'effect. Et toute chose qui est contre nature, défaut en ses principes, parquoy elle est impossible naturellement. Dauantage es choses criminelles on ne s'arreste pas du tout à la seule confession, *vt per Bald. Et Angel. in l. 1. capit. de confess. & dicam infra in 2. no.* A quoy n'est repugnant ce que dit *Bald. in d. l. si quis non dicam raptore*: pour autant que son dire s'entend de l'heresie, entant qu'elle est parfaite en l'esprit par la pensee. Et en ce cas on le peut bien, comme il dit: Car la pensee de l'esprit, laquelle est conuë à vn seul Dieu, ne peut estre autrement prouuee que par la confession, & pour ceste cause on s'arreste à la confession. Mais la confession de laquelle nous parlons icy contient vn effect qui est hors l'esprit, lequel est moins possible de droit & de nature, & est aussi moins vray semblable. Et pour ceste cause on peut dire qu'il est licite, entant que tou-

On ne se  
doit arre-  
ster à la seu-  
le confessi-  
on es choses  
criminel-  
les.



che ce qu'elles croient, de s'arrester à leur confession pour en arrester iugement de punition: pour autant que ceste credulité depend de l'esprit & de la volonté: mais non pas pour asseoir iugement, si ce qu'elles disent a esté fait ainsi ou ainsi. Voila ce qu'il escrit. On n'a que faire de m'alleguer ici la loy Cornelia, qui est des meurtriers & empoisonneurs: car nous la rapporterons tantost en son endroit, lors que nous parlerons de la punition des empoisonneurs.

*L'aduis d'Alciat excellent Iurisconsulte, touchant l'innocence des sorcieres. Item vne histoire recueillie des escrits de Griland, touchant l'innocence de celles qu'on estime sorcieres.*

## CHAP. XX.

*Lin. 8. pa-  
reg. iuris  
chap. 22.*



NDRE Alciat escrit que l'inquisiteur de la foy fit vne telle inquisition es valles de Piemont contre des femmes heretiques, que nous apelons sorcieres, qu'il en fit bruster plus de cent, & que de iour en iour il en offroit au feu comme nouuelles hosties, la plus part desquelles deuoyent estre plustost purgees par hellebore que par le feu. Ce qu'il perseuera de faire iusques à ce que les villageois eussent pris les armes pour l'en empescher, & pour faire que toute la cause fut renuoyee par deuers l'Euesque. Il dit encores apres, Et combien que quelques vns de leurs maris, dignes de foy, asseurassent qu'au temps que lon disoit qu'elles auoyent esté au ieu & à la dance sous vn Til, ils sauoient bien qu'elles estoient couchees pres d'eux en leurs lits: toutesfois on leur respôdoit que ce n'estoyét pas elles, mais le diable, lequel les trompoit ainsi, ayant pris la figure de leur femme. Et moy au contraire ie leur repliquois: pourquoy ne presomez vous plustost que le diable ait esté là avec ses mauuais anges, & qu'elles estoient avec leurs maris? Pourquoy aimez vous mieux dire qu'un corps ait esté en un ieu seinct, & que un corps phantastique ait esté couché en un vray lit? Que faut-il icy tant augmenter les miracles, ne se monstrier pas tant theologien que conteur de merueilles, & cependant choisir la plus rigoureuse part es punitions?

Il ap2-



Il aparoiſſoit par les actes de ces proces que tout ceſt a-  
 pareil & toutes ces danſereſſes ſ'eſtoient eſuanouies  
 avec leurs amoureux à cauſe d'une femme, laquelle  
 nomma ſeulement le nom de Jeſus: comment cela fuſt-  
 il auenu, ſi c'euffent eſté des corps veritables & non des  
 phantoſmes, & des iardins de Tantale? Ce que meſme  
 Apollone Tyanee a penſé, ainſi que dit Philoſtrate liu.  
 4. & C. Caſſius, comme eſcrit Plutarque en la vie de  
 Brute. Car auſſi les medecins diſent qu'il ſort de grands  
 effets de l'eſprit trouble & de l'imagination trompee:  
 & que de là procedent les maux qu'endurent ceux  
 qui ont les incubes & cauchemares, les enthuiſtaſtes,  
 ſuperſtitieux, les furieux d'amour, imagineurs, lous-  
 garoux, Cynâthropes qui penſent eſtre chiés, & autres  
 qui toutesfois ſe gueriffent par medecines. Ces choſes  
 ſemblent eſtre ce que Plin & les anciens nomment  
 les tromperies des Faunes, & qu'ils ont dit ſe pouuoir  
 guerir avec de la Piuoyne, tout ainſi qu'il eſt vray-ſem-  
 blable que la plus part pourroit eſtre guerie ſi ce n'e-  
 ſtoit que communément ce ſont pauvres femmes, leſ-  
 quelles n'ont pas la puiſſance de ce faire. Certainement  
 i'adiouſterois pluſtoſt ſoy au droit Canon & à l'expli-  
 cation commune des docteurs de noſtre nation, tou-  
 chant ceſte queſtion, que non pas à tous ces theolo-  
 giens, principalement en ceſte choſe deſia arreſtee &  
 conuë au Concile d'Ancyre, chapitre 2. où il eſt dit que  
 tels phantoſmes ſont representez aux eſprits par le ma-  
 lin eſprit. Il dit encores apres: l'infidele penſe que ces  
 choſes luy auiennent en corps, & non en eſprit: car qui  
 eſt celuy qui n'eſt pouſſé hors de ſoy-meſme pendant  
 les ſonges & aparitions nocturnes? Ce qui ſemble auoir  
 eſté ainſi eſcrit par ſainct Auguſtin, au chapitre 18. du  
 18. liure de la cité de Dieu. Nul corps, dit-il, ne peut e-  
 ſtre conuertý par aucun art du Diable: mais ſeulement  
 c'eſt vn phantoſme lequel ſe diuerſifie par des eſpeces  
 infinies, ou en penſant ou en ſongeant. Et encores qu'il  
 ne ſoit pas corps, ſi prend-il la forme des corps, cepen-  
 dant que les ſens du corps ſont endormis & opreſſez,  
 ſi bien que pendant que les ſens ſont ainſi eſtoupez, les  
 veritables corps ſont couchez ailleurs. Et n'y a nul  
 intereſt au contraire que cependant on ne rende hon-



neur à Herodiade ou à Diane. voila ce qu'escriit Alciat.

P A V I Grilland au 10. volume de ses Traitez de sorcelleries: Il y auoit vn mary, dit-il, en vn village du terroir Sabin, lequel auoit vne femme forcier. Or auoit-on seulement soupçon & non certaine assurance de ce crime. Car lors que son mary l'interroguoit si elle estoit de telle profession, elle le nioit fort & ferme. Mais ainsi que le bruit croissoit de iour en iour, & que plusieurs gens dignes de foy l'eussent accusée de ce meffait à son mary, disans qu'elle habitoit ordinairement avec celles que lon sauoit bien estre coupables de sorcellerie, & qu'avec icelles elle exerçoit des meschancetez & se trouuoit es assemblees nocturnes, le mary delibera de la guetter & la prendre sur le fait: tellement qu'il commença à veiller par plusieurs nuits attentiuement & diligemment. Il demeura enuiron douze nuits sans dormir, obseruant si sa femme se leueroit point pour aller de nuit au ieu des diables, ou pour aller faire quelque autre sorcellerie: ce non obstant il n'en trouua iamais faute, ains il la sentit tousiours dedans le liēt aupres de soy. Toutesfois il aint quelques iours apres qu'elle fut constituée prisonniere avec quelques autres femmes accusées de ce meffait: où estant interroguée & questionnée, elle confessa en fin qu'elle auoit assisté à ce ieu avec les autres femmes prisonnieres, & que c'auoit esté vn tel iour 11. du mois, &c. les autres en confesserent autant. Mais le mary pour la defense de sa femme assureoit par serment, qu'elle estoit couchee pres de luy en vn mesme liēt, en la nuit & à l'heure dont il estoit question, & que non seulement il l'auoit touchée diligemment vne fois ou deux, mais par plusieurs: & que mesmes il auoit deuisé avec elle.

*La punition de laquelle les Boullognois ont acoustumé de punir les forcieres.*

#### C H A P. X X I.



ES Boullognois ont acoustumé de punir les forciers & forcieres, les enchantemens desquels n'ont fait aucune nuisance ni aux hommes ni aux bestes, & qu'ils nomment. en leur langue le strige, en la maniere qui s'ensuit



s'enfuit. Ils les despoillent nuds iusques au nombril, & les font sortir du vieil palais môtez à reuers sur vn asne à la queue duquel ils ont les mains liees, & sont ainsi menez doucement par le seruiteur du bourreau. Ils leur mettent dessus la teste vne mitre de carte, où les diables horribles sont depeints, attisans le feu d'enfer avec des crocs. Cependant qu'ils sont ainsi solennellement pourmenez, le bourreau qui les acompaigne leur baille du fouët sur le dos, & sur la poitrine iusques à ce qu'estans paruenus au cemitiere des Iacopins, à l'endroit où est la sepulture renommee des Alemans, ils les descend de dessus leur asne, & sont menez par le bourreau en vne chambre en laquelle il y a vne gallerie barree de larges treillis de fer par lesquels on regarde dessus le cemitiere. Ceste chambre est destinee, comme on dit, pour les heretiques, par les moynes de ceste Eglise, lesquels sont inquisiteurs de la foy. Ils sont là dedans pourmenez par trois fois le long de la gallerie dessus vn petit chariot à quatre rouës, avec leur teste timbree, & y demeurent par l'espace d'un quart d'heure, cependant que le peuple qui les regarde se moque, crie apres, & leur iette des pierres, lesquelles ne leur peuvent faire mal à cause des treillis. Cela fait on les met hors de prison, & ayans esté ainsi punis selon la qualité du forfait, on les enuoye en exil.

CERTAINEMENT ceste douceur du Magistrat de Boulongne, laquelle retient encores quelque chose de la prudence de l'ancienneté Italique, doit estre preferee infiniment à la tyrannie de quelques vns, qui les precipitent dedans le feu, de la fumee duquel ce diable n'est point moins resiouy que de la vapeur du sang innocent respandu.

*O les auengles cœurs ô les esprits auengles !*

*Que les femmes doiuent estre moins punies que les hommes.*

## CHAP. XXI.



N dit communement que les femmes pechent moins en vne mesme espeece de delict, & qu'elles doiuent estre moins punies que les hommes: toutes choses toutesfois estans egales, à raison de l'imbecillité de



leur esprit, entendement & pensée. *L. sacrilegii parricid. in princ. D. ad legem & Iul. pecul. & L. Si adulterium §. Stuprum & §. Fratres. & §. Incestum D. ad L. Iuliam de adul. & cap. Sicut dignum. in princ. extra de homicid. & c. Indignantur. 32. q. 6.* là où il est dit que d'autant plus faut il punir les hommes que plus il leur apartiét de vaincre par vertu, & de gouverner la femme par bon exemple. Le texte y est. *In L. Quisquis §. ad filias Cod. L. Iul. Maie. ibi.* Car la sentence doit estre plus douce enuers celles, lesquelles à raison de l'infirmité de leur sexe & c. Et c'est ce qu'à voulu *Bald. in L. Quicumque col. 3. vers. Sed pone statuto & versic. & in sum. cod. de ser. fug.* Erricius homme de grande prudence est de ceste opinion, comme escrit Saxon en l'histoire de Dānemark. liure 6. Qu'il faut par plusieurs fois pardonner aux fautes des femmes, & qu'il ne les faut punir si ce n'est que la correction n'ait peu corriger la faute. Virgile escrit aussi au 2. liure de l'Eneide,

*Qu'il n'y a point d'honneur à fraper vne femme.*

P L I N E escrit au huitieme liure de son histoire naturelle, que le lion se met en plus grande fureur contre les hommes qu'il ne fait pas contre les femmes : comme si la nature luy auoit monsté qu'il faut traiter les femmes plus doucement que les hommes. Aristote escrit aux problemes 2. & 9. chapitre II. Pourquoi, dit-il, est-ce vne chose plus inique de faire mourir vne femme que non pas vn homme, veu que naturellement l'homme est plus excellent que la femme? Est-ce pour ce que la femme est plus imbecille, & peut pour ceste cause moins faire de dommage? Car ce n'est pas vne chose honorable à vn homme de s'efforcer contre ce qui est plus infirme, mais c'est vne chose sotte & tresmechanique. Voila ce qu'il escrit & qui peut estre raporté tant à l'esprit qu'au corps, Vopisque escrit que l'Empereur Aurelian donna la vie à Zenobie, lors que les gendarmes la menoyent à la mort, pour autant qu'elle auoit vsuré l'empire. Ce qu'il fit à cause qu'il estimoit estre vne chose indigne de faire mourir vne femme. Ce que mesme Euripide a décrit en sa Tragedie de Hecuba, Combien est-ce chose odieuse que de faire mourir vne femme : pourautant que les femmes sont aucunemēt plus miserables que ne sont les hommes



mes, ainsi que luy mesme escrit en sa Tra gedie de Hercule le furieux,

*Que la femme est bien plus miserable que l'homme.*

A quoy s'acorde ce que Balde escrit *Consi.* 96. Le fait est tel, Charles liure 2. que la femme est plus digne de compassion que l'homme. Maintenant il faut que ie monstre de quel chastiment ie pense telles gens estre dignes.

*Comment les sorcieres ayās l'esprit troublé d'erreur par le diable, & ne faisans aucun mal à autrui, doyuent estre reduites, & quel chastiment elles meritent. Item, que toute volonté ne doit estre punie: ensemble l'explication de la loy de Moysé, & briesue responce à quelques obiections.*

### CHAP. XXIII.



R comme ainsi soit que les sorcieres ont la fantasie trompee par erreur, & sont seduites par vne peruerse institution de Satan, & que nous conoissons que veritablement elles ne font aucun mal à autrui, ains seulement par imagination : il faudra les reduire & enseigner par vne plus saine doctrine, à ce que renonçans aux tromperies du diable, elles facent derechef hommage à Iesus Christ : à ce que venans à repentance, les membres du corps de l'Eglise, qui ont esté desioincts, soyent rassemblez par vne commodé liaison. Parquoy il faudroit en ce cas, que quelque fidele dispensateur des mysteres de Dieu s'efforçast que la brebis perdue fust ramenee à la bergerie de Iesus Christ. Les communes & publiques prieres seruiront aussi de beaucoup en ce cas, pourueu qu'on les face de bon cœur & avec grande affection. S. Iaques donne en cest endroit vn aduertissement fort Chrestien. Mes freres, dit-il, si quelcū d'entre vous s'est destourné de la verité, & que quelcun l'ait conuertiy, qu'il sache que celuy qui aura fait conuertir vn pecheur de la voye d'erreur luy sauuera son ame de la mort, & luy couurira la multitude de ses pechez. Or l'heresie n'est seulement apuyee en l'erreur par lequel quelcū adhère à la doctrine des diables: mais

*Iaques. 5.*



*In Thyeste**Eccles. 17.*

aussi elle consiste en la confiance que lon a en soy-mesme, en la bombance & obstination pertinace, lors que lon ne veut recevoir aucune admonition : car l'heretique, qui confesse son erreur & la seduction de son esprit, merite tousiours remission & pardon, selon le cōsentement des anciens peres & selon la douceur Chrestienne. Car comme dit Seneque, Celuy-la est innocent, lequel se repent d'auoir peché. Nous lisons aussi en l'Eclesiastique : Il a donné la voye de iustice à ceux qui ont fait penitence. Parquoy l'amende pecuniaire peut estre imposee aux femmes ainsi trompees par le diable, lesquelles se reconnoissent : pourueu qu'elles en ayent la puissance, & quelles soyent cōfermees es fondemenstres saints de la foy Chrestienne : pourueu aussi que ceste amende soit appliquee aux pauvres : ou bien telle que de raison, & selon la grandeur & nature du delict, & non pas vne punition de mort. ou bien si vous voulez les condamner à l'amende telle que les Papes l'ont ordonnee selon la taxe de leur penitenciaire, ie ne m'y oposeray pas. Nous lisons en cest endroit que la femme enchanteresse, apres auoir renoncé ses superstitions, est taxee en chacun de ces cas susdicts à six deniers d'or & deux Ducats. Et quant à moy ie n'iray point au contraire, si selon la coustume obseruee en la Republique, pour le repos d'icelle, on les bannit pour quelque temps iusques à ce qu'elles ayēt fait preuue de vraye conuersion, & par innocence de vie, d'estre fideles, & de perseuerer en ceste fidelité. Je n'empesche point aussi qu'apres cela on ne leur donne liberté. Tel le soit la peine de leur temerité de ce qu'elles n'ont assez constamment resisté aux persuasions & tromperies demoniaques : mais qu'au contraire elles y ont consenti.

*Que toute  
volonté ne  
doit estre  
punie.*

QVes'il y a quelqu'un qui contentieusement vueil le soustenir que la volonté doit estre punie plus seuerement, ie le prie qu'il distingue premierement la par-faite volonté de l'homme sain, laquelle a commencé d'agir avec le sens de l'esprit trouble, ou bien, si voulez, d'avec la volonté corrompue d'une personne qui est hors du sens, avec laquelle le diable se iouë par son œuure, comme s'il estoit en la puissance d'autrui. Tel vice de volonté pourroit estre aussi imputé aux melancholiques,



liques, fols, & petis enfans, ausquels facilement on fait accroire qu'ils ont fait cecy ou cela, & mesmes l'imaginent faussement en eux : encores que Dieu qui conoit les reins & le cœur ne permette qu'ils soyent punis également, comme les autres qui ont l'esprit libre : cela donques se doit encores moins faire par les hommes. Mais si on me demande quelle opinion i'ay de ceux que lon dit esmouuoir les elemens, troubler l'air, faire venir vne grande pluye & calamité sur les bleds & sur les vignes, & pour le degast des autres choses: Je respondray ce que i'en ay ia dit au troisieme liure, chapitre seizieme, où i'ay mieux aimé poursuiure ceste matiere d'un droit fil, afin d'en auoir plus certaine assurance & intelligence, que les separant d'ensemble laisser le lecteur en suspens.

*Refutation de quelques obiections mises en auant  
contre le chapitre precedent.*

### CHAP. XXIIII.

**L**ON opose à ce que nous venons de dire la 1. Obiection  
loy de Moyse au vingtdeuxieme chapitre prise de la  
d'Exode, laquelle a esté ainsi traduite par Loy de  
les septate: tu ne lairras point viure les em- *Moyse.*  
poisonneurs, ou empoisonneresses, comme  
aussi les Rabbins prennent ce mot au genre feminin, &  
entendent celles qui tuent par poison: & n'en faut ima-  
giner d'autres que celles que Moyse & ceux de son tēps  
ont connu. Quant aux femmes que lon appelle communé-  
ment sorcieres, on n'en oyoit point parler du temps de  
Iesus Christ, encores moins du temps de Moyse: & pour  
le regard des enchanteurs dont l'Escripture fait men-  
tion, ce sont magiciens infames que nous auōs depaints  
de leurs couleurs par ci deuant. Pource i'ay differé l'ex-  
plication de ceste loy de Moyse au 26. chapitre ci apres,  
où ie parle de la punition que meritent les empoisonne-  
resses. Or dautant que plusieurs ne se contētent de ceste  
exposition que nous donnons au passage de Moyse, ains  
raschent par tous moyens de comprendre en icelle loy  
les sorcieres dont est question: ie respon qu'on ne fa



point de loy cōtre vne chose qui ne se trouue point en la nature des choses. Dauantage, il n'est pas seant que ie me laisse si inconsiderement arracher la translation des septante, qui sans doute ont bien entendu l'Hebreu qui

*S. Ierosme* estoit leur langue maternelle, & la Grecque semblable-  
*en la prefa* ment. Le grand sacrificateur Eleazar en choisit six de  
*ce sur le 2.* chaque lignee, avec vne grande deuotion & par l'adres  
*des Chron.* se du S. Esprit, lesquels il enuoya en Alexand. au Roy Pro  
*Philo en* lemece Philadelphie, pour traduire fidelement en Grec  
*la vie de* les liures de Moyse. Il ne faut pas si hardiment reuoker  
*Moyse.* en doute, & accuser d'erreur vn œuure sainct, paracheué  
 heureusement à l'aide de Dieu, & que les Peres anciens  
*Tertull. en* ont grandement estimé, à cause du grand nombre des  
*l'apol. con* interpretes & de leur mutuel consentement: & qui me-  
*tre les Gē-* ritent qu'on leur aiouste autant de foy qu'à Elie Leuite,  
*nils,* ou à quelques autres Rabbins de nostre temps.

Si la dessus pour maintenir leur opinion, ils s'arrestēt au mot Grec *Pharmakos*: qu'ils se souuiennent que toutesfois & quantes que *Pharmakos* se prend en mauuaise part, tousiours il signifie venin & médicament venimeux, & que ceux qui taschent de nuire par tels medicaments sont appelez *Pharmakos* en Dioscoride. Galien & en tous les auteurs Grecs. S. Ierosme traduit empoisonnemens le mot *Pharmaka*, que lon tourne ordinairement fards, dōt Iesabel se para. 2. Rois. 9. Ce qui me fait suyure ceste opinion est Iosephe Hebreu de nation, qui en l'aage de quatorze ans auoit ia acquis tel renom à cause de son esprit & solide sauoir, que les sacrificateurs & principaux de l'Eglise de Ierusalem luy demandoyent resolution des plus difficiles passages de la loy: & n'estoit pas seulement le premier en la conoissance de sa langue maternelle, mais aussi auoit tellement profité, es autres langues & sciences, spécialement en l'estude de la langue Grecque, qu'on le peut comparer à Philo. Ice-luy donc s'accorde avec les septante interpretes, expliquant au 4. li. des Antiq. Iudaïq. l'intention de Moyse & des septante, touchant les empoisonneurs, purement & simplement comme s'ensuit. Que personne des Israélites n'ait aucun venin mortel, ni préparé pour vsage nuisible: si on trouue qu'il en ait, qu'il soit puni de mort & souffre ce qu'il eust fait à ceux ausquels il auoit prepa-  
 re le



ré le venin. On lit le mesme en la loy Cornelia, de *Sicaris* ff. liu. 46. & *veneficis*: Celuy qui aura brassé, vendu ou gardé de la *lit. 8.* poison pour tuer vn autre, qu'il soit puni. Vous ne trouuerez entre les loix de Moysé autre loy contre les poisons & de la punition des empoisonneurs, qu'en ce passage de Iosephe, qui est conforme aux autres ordonnances de Moysé contenues es vingtvn & vingtdeuxieme chapitres d'Exode. Davantage, il ne falloit pas que ceux qui veulent que lontraite si rudement les sorcieres dont est question confondissent ces mots de magiciens infames, deuins & augures, specifiez en Exode, chap. 7. 8. 9. Leuit. 19. Deuteron. 18. & en d'autres endroits, & que nous auons distinguez au premier chapitre du second liure.

DAVANTAGE, si nous voulons ioindre le nouveau Testamēt au vieil, nous trouuerons au 9. cha. de l'Apoc. que le mot de meurtrier, comme general, est mis en premier lieu, puis les empoisonnemens: ce qui est repeté es 18. 21. & 22. chapitres. Item S. Paul au 5. chap. de l'epistre aux Galates distingue l'empoisonnement d'avec le meurtre. Les Allemans ont traduit le mot Grec *Pharmakia* sorceries: mais les Italiens & les François l'ôt mieux exprimé, car proprement il signifie empoisonnemens: & si l'Apostre eust entendu parler de sorcellerie, il eust mis vn autre, ou repeté le mot allegué par luy au commencement du troisieme chapitre de ceste mesme epistre, ô Galates mal auisez, qui vous a enforcellez que vous n'obeissiez à la verité?

IE n'ignore pas que le mot Hebrieu *Mechassepha* & *Mechassephim*: item les Grecs *Pharmakon* & *Pharmakia* se prennent quelquesfois plus au large, & s'estendent iusques aux arts magiques, comme ie l'ay monstré au second chapitre de nostre 2. liu. mais ce n'est à autres arts magiques qu'à celles d'alors: car les actes des sorcieres dont est question sont tout autres que ceux des magiciens dont Moysé & l'Escripture sainte font mention. Quant aux vrayes histoires esrites en ce temps là, vous n'en sauriez rien tirer de ferme. Ce que les Poëtes en ont escrit depuis sont autant de fables & men songes: comme il a esté tousiours permis à telles gens de discourir à plaisir & dire ce qui n'est ni ne sera: tesmoins Virgi



le en sa pharmacutrie & au 4. liure de l'Eneide. Ouide au 7. de la metamorphose, Horace au 5. liure des Epodes Tibulle en la 2. Elegie du 1. liure, & autres qu'on peut voir au 1. chapitre de nostre troisieme liure: comme aussi au 16. chap. du mesme liure nous auons respondu à la loy des douze tables touchant l'enchantemēt des bleds. Le mot *Mechassaphim* contenu au 7. chap. d'Exode, verset 7. monstre que sont entēdus ces imposteurs qui par enchātemens & autres arts illicites vītees entre les Egip̄tiens, presentoyent en aparēce quelques choses deuant les yeux des incredules, lesquelles n'estoyent rien. Mais les forcieres, dont est question, ne sauroyent faire cela quand elles le voudroyent faire: & ie suis content de m'en rapporter à l'essay. En tous les autres endroits de l'Ecriture, où ce mot se trouue (comme on le lit en treize autres passages de la Bible) asauoir en Exode chapitre 22. verset 17. en Deuteronomie, 18. 10. au second liure des Rois, 16. 22. au second liu. des Chroniques 33. 6. 12. en Isaie 47. 9. 11. en Ierem. 27. 8. en Daniel 2. 2. en Michee 5. 12. en Nahum 3. 4. en Malachie 3. 5. Item les magiciens infames & leurs actes. Quant au passage du 22. d'Exode, nous n'en sommes point en debat. Ce que S. Ierosme attribue des enchantemens à Iesabel, & les autres des forcelleries: on ne lit point qu'elle ait esté magicienne, mais quelle a tué les Prophetes, fait lapider l'innocent Naboth qui n'auoit pas voulu vendre sa vigne, fait idolatrer son mari Achab Roy d'Israël, mangé des viandes sacrifiees aux idoles, & paillardé avec les dieux estranges. On void de la que le mot *Mechassaphim* signifie diuerſes meschancetez en l'Ecriture. Dauantage il aperra par les autres passages sus declarēz qu'il est attribué pour la pluspart aux deuins exposeurs de songes, augures & à telles gens, les arts desquels sont du tout inconnus aux forcieres dont nous parlons. Si donc on ne veut entendre par ce mot les empoisonneurs, ie suis content qu'on le rapporte aux magiciens infames qui meritent d'estre exterminēz selon les loix.

DERECHIEF on replique que les magiciens doyuent estre mis à mort, & que les forcieres sont de ce nombre: par consequent ne doyuent estre espargnees. T'accorde que les magiciens doyuent estre executez à mort, & ie l'ay



l'ay suffisamment prouué en mes liures: mais ie nie que la consequence soit receuable, attendu qu'il y a grande difference entre les magiciens & les forcieres, comme ie l'ay monsté ci deuant. Outreplus les magiciens ont d'eux mesmes le commencement de l'apprentissage de leur art, ayans cerché les precepteurs & les liures, estans poussez à cela par la curieuse inclination de leur propre nature: mais les forcieres ont leur commencement d'ailleurs, car elles ne cherchent pas ceste instruction, elles n'ont ni ne pourchassent d'auoir vn precepteur: & ci dessus il a esté suffisamment monsté comment le diable s'insinue en elles comme instrumens propres à ses impostures.

FINALEMENT, quant à ce que les aduersaires alleguēt qu'au temps present le Magistrat doit faire mourir tous ceux dont les forfaits appartenans aux mœurs sont iugez dignes de mort par Moyse: combien que ceste question ne concerne le point de nostre different, toutesfois on ne me la sauroit persuader par viues raisons. Car Moyse condamne à mort celuy qui aura porté faux témoignage: que la fille fiancée soit lapidée si elle est trouuée corrompue: que celuy meure qui aura tué vn larron entrant de iour en sa maison: & y a plusieurs autres exemples de mesme rigueur, qui sont auourd'hui moderez. Pour ceste cause aussi quand les Scribes & Pharisiens vouloyent, suyuant la loy de Moyse, lapider vne femme surprinse en adultere, quelle sentence entendirent ils de la bouche de Iesus Christ nostre Sauueur? Celuy de vous qui est sans peché, prenne la premiere pierre pour lapider ceste femme. Il la garentit de la rigueur de la loy (aussi n'estoit il pas iuge pour la condamner, & n'abolissoit les loix Mosayques en fermant ainsi la bouche aux Pharisiens, & descourant à eux mesmes leur hypocrisie) & mesmes luy fait misericorde, & laisse vn exemple de compassion à tous particuliers qui n'ont le glaue en main pour chastier le peché.

Deuter. 19.

22.

Exod. 22.

2. obiection

cieres sont

Le second argument sur lequel partie aduersse se fonde le plus, est, que les forcieres sont alliance avec Satan & renoncent le vray Dieu. Combien que i'aye ample-ment respondu à cela ci dessus au troisieme liure, chap. 3. 4. i'adiousteray encor quelque chose: & premieremēt



je demanderay, comment vous saluez qu'elles ayent fait alliance avec le diable. Vous m'accorderez que vous n'y estiez pas present, & que n'avez ouï dire à gens de foy qu'ils l'ayent veu. On le fait donc par la confession de ces pauvres vieilles stupides & troublees. Or ceste confession est faite par contrainte ou volontairement: si c'est par contrainte, la confession est imparfaite & de nul poids, ayant esté arrachee par les insupportables tourmens de la torture. Y a-il chose plus d'agereuse en tels & si enuelopez affaires, ou il n'y a point de tesmoins, depêdre seulement de la cōfession tiree de la bouche d'une vieille radotee. L'estime que vous n'insisteriez pas davantage si vous leur auiez veu verser de l'huile bouillante sur les iâbes, les brasser sous les aisselles avec des châdelles allumees, & tourmenter d'infinies autres sortes de tourmens barbares & cruels ces pauvres vieilles, comme nous l'auons veu en plusieurs, trouuees innocentes, & qui ont esté deliurees aussi, & leur innocence aueree par nostre moyen. Si elles confessent volontairement, ou bien ce sont choses impossibles, comme d'auoir fait tomber la gresle, volé par l'air, esté transformees en bestes, auoir eu la compagnie charnelle des diables, & autres choses semblables: ou bien ce sont choses possibles, comme d'auoir voulu empoisonner quelqu'un, ce que toutesfois elles n'auront pas executé: ou bien elles confessent ce qui a esté fait & qui est auenu à la verité, comme qu'en tel endroit un homme est tombé malade, un enfant est mort, les bleds & vignes ont esté tempestez. On ne les peut punir de ce qu'elles confessent touchant les choses impossibles: car ceste confession est fausse. Une confession legitime doit contenir verité & possibilité. La seconde confession, a sauoir donné de la poison qui n'a point fait de mal, est fausse aussi: car elle n'a point eu d'effect. la troisieme est imparfaite & debile, pource que par l'euenemēt de la chose, il imprime quand & quand en la fantasie de ces miserables qu'elles ont commis ce que luy mesmes a fait ou qui est auenu naturellement.

V O I L A l'escueil auquel s'abheurtent plusieurs iuges trop hastifs & sanguinaires, ne pouuans apercevoir la sophisterie du diable, qui fait croire une chose estre cause d'un effect laquelle toutesfois ne l'est pas. Certainement

ment



ment cela monstre assez. que leur phantasie est abruuee d'une vaine persuasion, que franchement & volontairement elles confessent souuentefois auoir fait ces alliances & merueilles susmentionnees : car si elles auoyent quelque esprit rassis, elles ne confesseroyēt pas quelque fois si promptement, veu qu'il y va de leur vie. Et ce qu'on allegue que les sorcieres couurent tousiours soigneusement leurs fautes, & nient si obstinément ce que elles ont fait, que tant qu'elles peuuent souffrir de tortures elles ne confessent rien : cela ne se trouuera pas. Car moy mesme ay souuent veu le contraire, & que sans leur donner aucune torture elles confessoient de leur bon gré auoir fait des choses non faites, que la nature des choses ne pouuoit porter : brief qui estoient du tout impossibles. Cela me fait penser que ceux qui disputent ainsi parlent de choses inconues, ou dont ils ont bien legere experience : d'autant que si les sens des sorcieres n'auoyent esté enforcellez, telle confession ne sortiroit pas de leur bouche, elles supprimeroyent telles meschancetez & ne s'en glorifieroyent pas. Quant à ce que par fois elles endurent tant de tortures & questions extraordinaires, cela vient de ce qu'on veut qu'elles confessent des choses à quoy elles n'ont iamais pensé.

Mais auant que passer plus outre, ie veux rembarrer par leurs propres armes ceux qui sont d'avis contraire au mien, & faire qu'ils reconnoissent que ceste alliance est imaginaire & illusoire. Les sorcieres confessent que elles volent par l'air, sont transformees en bestes brutes, font venir la gresse, & par imprecations attirent des maladies sur quelques vns. Elles afferment cela d'un esprit si posé, ce semble, qu'à peine en oseroit on douter. Toutesfois i'ay monstté, & vous l'auouez avec moy, que tout cela est vain & fardé d'illusions diaboliques. Si ces choses sont fausses, pourquoy doit estre vray le reste qu'elles confessent, comme d'auoir renoncé Dieu, fait alliance avec le diable, commis des meurtres & autres tels crimes, & tout plain de folies? Car si elles confessent ceci de sens rassis : pourquoy auront elles l'esprit troublé en la confession des autres choses? ou si en la premiere confession la fantasie corrompue s'est abusée : pourquoy en la seconde aura elle mieux rencontré? Elles disent tout



3. *obiection  
de la con-  
fession des  
forcieres.*

cela en vne mesme sorte, conionctement, separément, avec mesme contenâce & façon de faire. Je say bien en quoy se trompēt ici les gens de bon esprit. Ils voyent en ces confessions des choses impossibles, & partant ils les estiment fausses & vaines, cōme ie say: mais quant aux choses possibles, & que les forcieres confessent auoir faites, ils concluent qu'elles ont esté faites. Mais ils ne considerent pas la fallace de Satan, qui d'une chose possible en veut inferer vne impossible. Or il n'est pas besoin se trauailler beaucoup à refuter cela: car on fait que l'argument du pouuoir à l'effect (*a posse ad esse*) n'est pas ferme: & il faut qu'en responses pertinentes les choses subsequentes soyent coniointes aux precedentes.

CONSIDERONS encor quelque chose dauantage sur ce point. Quand on fait mourir les forcieres, ou elles perseuerent en l'alliance du diable, sans implorer la misericorde de Dieu: ce qu'auenant, ie di qu'il ne les faut pas faire mourir si soudain, autrement les iuges seront cause de la perte de l'ame avec le corps. Si elles demandent pardon à Dieu, & qu'elles n'ayent osté la vie à personne, i'estime qu'elles sont dignes de compassion & que le suplice ne doit pas estre si rigoureux. Or la plupart des forcieres, auant qu'estre bruslees, inuoquent le Dieu eternel, luy demandent misericorde, l'appellent souuent à tesmoin de leur innocence, & adiournent leurs iuges à comparoir en personne deuant le siege iudicial d'iceluy. Je demande, puis que selon vostre auis, elles sont rendues esclaves de Satan, d'ou vient ceste repentance? ce n'est pas du diable, car il n'est pas si peu rusé que de repugner à soy mesme. Elle vient donc de Dieu. si Dieu reconoit & reçoit ceste ame, pourquoy, vous iuges, estes vo<sup>9</sup> si impiteux que de ruiner le corps, qui n'a fait mal à personne: veu que ceste creature n'a point delinqué contre vous, & que vous n'avez aucunes affizes au siege iudicial de Dieu. Mais ie vous proposeray ici le sage auis d'un Theologien de nostre tēps lequel ie ne nōmeray point, afin de n'irriter personne. Vn ieune escolier affligé de pourceté estoit tombé en desespoir, & de volenté deliberee auoit donné son ame au diable, pour en prendre possession au iour conuenue entre eux. Ce iour venu le Theologien susmentionné



mena cest escolier au tēple, & pria Dieu pour luy avec quelques autres gens de bien, & guerit l'ame de ce pauvre affligé. Ainsy, quād les forcieres se seroyent reuoltees de la vraye foy, il ne les faut pourtant faire mourir en cest estat, mais les ramener au droit chemin par saintes exhortations: or estās prisonnieres elles reconnoissent & inuoquent le vray Dieu eternal, encores plus lors qu'elles sont en la torture & au supplice. Il n'y a pas long temps qu'une d'entre elles recommandoit son ame à Dieu iuste iuge & misericordieux, d'autant qu'elle pensoit estre noyee au Rhin, lors qu'on l'y iettoit pour essayer si elle reuiendrait au dessus de l'eau, sans aller au fond: qui est l'espreuve à laquelle lon pense conoistre les forcieres. Mais au 20. chapitre de ce liure, iay monstré la vanité de telle experience.

A v surplus, ie ne permettray pas à ceux qui sont d'avis contraire, de sauter par dessus les plus preignantes raisons qu'on leur peult mettre au deuant, pour s'attacher à quelques legeres obiections. Pourtant arrestōs *Matt. 26.* nous ici pour considerer vn peu plus amplement l'exemple de S. Pierre, qui ne renia pas seulement, ains *Marc. 14.* abiura Iesus Christ son maistre, qui l'en auoit aduertī *Luc. 22.* peu au parauant. Car ce n'est pas assez de dire que S. Pierre a fait ce mal par infirmité. Quelle est ceste infirmité? ie n'estime pas que ce soit infirmité de la chair, attendu que c'est la tyrannie & force d'icelle qui fait que nous pechons: c'est donc infirmité d'esprit. Je me aideray de ceste responce pour excuser les femmes dont est question. Mais afin que vous sachiez que le peché de S. Pierre n'a pas esté petit, vous m'acorderez que les pechez ne sont pas egaux, & que l'un est plus grief que l'autre. Cela presposé, ie demande premierement, si le peché que commet vn grād personnage & esclaire de plusieurs dons du S. Esprit n'est pas plus grief que le peché de quelque simple homme & pauvre pecheur? Car tant plus haut quelcun est esleué, plus perilleuse & horrible est sa cheute, qu'il estoit en degre plus bas. Secondement ie demande, si celuy qui est pres d'un prince qui l'a honoré de grans estats, & enrichi de plusieurs biens, ne fait pas plus grand mal en le renonçant, qu'un autre pauvre qui en seroit loin? N'est-ce pas chose plus



abominable que le lieutenant d'un prince se retire arriere de luy que si quelque simple soldat l'abandonnoit? En troisieme lieu ie demande, si vn pasteur qui offenserá Dieu n'est pas plus inexcusable tant pour tant, á cause de la personne qu'il represente, & pour le scandale que quelque particulier du troupeau? Pour le quatrieme, vn peché sera-il pas estimé plus indigne, ou se rencontrent plus d'alechemés, que lá ou il y en a moins En cinquieme lieu, la note de peché est-elle pas plus difforme en celuy qui ayant esté auerti peu auparauant neantmoins ne se donne point garde de mal faire? finalement ie demande, si c'est moindre peché renoncer á uec execration & par trois fois Iesus Christ, á la simple interrogation de quelques valets & seruantes: que si quelqu'un fait le mesme estant auéglé par les diuerses persuasions de Satan? l'estime que vous m'accorderez ces propositions: cõcluez donc vous mesmes. Or ie prie le lecteur d'estimer que ie n'ay mis ces choses en auant pour exagerer le renoncement de l'Apostre S. Pierre, ains pour reprimer ceux qui attribuent tant á leurs propres forces, au lieu de se souuenir que c'est la seule grace de Dieu qui empesche qu'à tous momens nous ne renõsons le nom de Iesus Christ. Item, que comme l'Apostre par sa repentance a obtenu pardon & misericorde de son horrible forfait, ainsi que ceux qui ont esté seduits du diable & tous autres s'asseurent de pouoir obtenir misericorde de Dieu, encores que par plusieurs fois ils se soyent destournez de luy.

4. obiectiõ  
de la mar-  
que des for-  
cieres.

QVANT á la marque, sur laquelle on insiste tant, il feroit malaisé, de prouuer que le diable l'ait emprainte. Si les forcieres le confessent, il faut ioindre ceste confession avec les autres precedentes de l'imagination deceuë. Mais posons que le diable les ait marquees comment prouueriez vous que l'impression d'une telle marque merite le feu? Ce qui a esté marqué sans endommager autrui, peut estre osté de mesme. Vous repliquez que par ceste marque le renoncement de Dieu est confirmé. Ie vous demande d'ou est venue ceste persuasion de renoncement? Est-ce de l'instinct du diable? Il y a bon remede: que par bonne & Chrestienne iustruction la pauvre abusée soit amenee á ce point que de donner le libel-



le libelle de diuorce à Satan, embrasser la vraye religion, retourner humblement au giron de l'Eglise: & s'il y a quelque trace de ceste marque Satanique qu'on l'arrache, & qu'on marque vne croix au lieu, ou qu'on l'imprime mesmes avec vn fer chaud, s'il est besoin, en luy enioignant de faire & monstrier vne penitence publique, & la condamnant à quelque amende arbitraire ou autre satisfaction, selon la qualité du delict. Estant remise sus, qu'on prie Dieu continuellement pour elle, & qu'on ne l'enuoye pas ainsi soudainement au feu, sinon qu'elle eust commis quelque autre insigne forfait, & touché à la santé & vie de quelques vns, à l'occasion de quoy elle eust meritè ce suplice. Car ce contract passé entre Dieu & les hommes, & depuis violé par l'homme, ne doit pas estre estimé si tost crime deuant les iuges du monde, si le prochain n'y a esté endommagé. Car quiconque fait peché, il est du diable, dit saint Iean, & pourtant il se destourne de l'alliance contractée avec la maiesté diuine.

A y demeurant, il a esté monstré tant de fois & par tant d'argumens, & par plusieurs passages de S. Augustin, du Decret, & d'autres auteurs, es 8. 9. 10. 11. 14. 15. 16, 22. 26. 27. 30. 34. du 3. liure, & par ci par là es autres liures l'imagination des sorcieres estre corrompue, que celui qui n'en iuge, semble aimer mieux demeurer auégle en plein midi, que de receuoir la pure & simple verité.

DERECHEF, afin de ne rien laisser qui puisse tirer les sorcieres au suplice, on amasse ça & là ie ne say quels argumens pour conclure qu'elles meritent la punition deüe aux idolatres. Mais il seroit malaisé de me prouuer qu'elles soyent idolatres. Car ie ne reconoi autre idolatre sinon celuy qui en son esprit reçoit assurement & aprouue quelque chose autre que Dieu, de laquelle il espere & s'assure obtenir salut: comme il y a vne infinité d'idoles entre les Payens & faux Chrestiens, auxquelles on se fie en delaisant le vray Dieu, item si quelqu'un attache tellement son cœur à l'argent ou à quelque autre creature, qu'il ne se soucie plus de la protection de Dieu, ou le mesprise, & qu'il mette la creature au lieu du createur. Mais ces miserables femmes ne cherchent ni n'attendent salut du diable: seulement il a cor-

*5. obiectiō:  
que les sor-  
cieres sont  
idolâtres.*



rôpu les organes de leur imagination, & les a tellemēt enforcelees qu'elles estiment faire par son moyen de grands maux ou des folies estranges, qui sont impossibles en l'ordre de nature, ou qu'elles ne sauroyent exécuter pour la foiblesse de leurs corps & esprits: encores qu'elles maintiennent & confessent les auoir faites, rant le diable les a abesties. S'il faut appeler idolatrie telle illusion ie ne say pas à quelles enseignes. Et si vous insistez, que les idolatres doyuēt estre mis à mort, pourrez vous exempter du suplice du feu ceux qui d'en tendemēt sain, en temps de necessité, ont recours à l'or, à l'argent, au bois, à la pierre, & à ie ne say quelles autres idoles & choses abominables & defendues, desquelles ils attendent & demandent secours & salut temporel & eternal.

6. obiectiō  
que les sor-  
cieres sont  
apostates.

AFIN aussi que ceste action criminelle poise dauantage ils adioutent que la sorcellerie est vn apostasie. Mais lon ne peut accuser d'Apostasie sinon celuy qui s'est entieremēt reuolté de la doctrine & religiō Chrestienne, & qui non seulement maintient obstinément l'impieté, ains aussi combat orgueilleusemēt la verité. Mais les pauures sorcieres rassottees, que i'estime deuoir esté traittees plus doucement, au lieu de vouloir maintenir l'impieté, estans admonestees de se repentir & en faire protestation publique, souffrent d'estre instruites & retirees de leur erreur. L'eglise ne leur ferme point la porte, veu qu'à elle appartient de censurer ceux qui se sont retirez pour vn temps arriere d'elle.

7. obiectiō:  
que les sor-  
cieres sont  
homicides.

DAVANTAGE lon accuse les sorcieres d'estre homicides. Je suis d'avis si elles sont conuaincues d'auoir fait mourir quelqu'un, qu'il les faut mettre à mort cōme la loy de Dieu & le droit de Moyse le requierent. Or vous confessez qu'elles presentent des choses qui ne sont point nuisibles: puis donc que ces choses ne nuisent aucunement, encores moins tueront elles: & partant ces femmes dont il est question ne sont point homicides. Par consequent aussi ne peut on les faire mourir en cest esgard. Si vous dites qu'elles ont eu la volonté & résolution de tuer, combien que l'effect ne s'en soit pas ensuyui: encor que i'estime auoir suffisamment respondū à cela sur la fin du chapitre precedent,

toutes-



toutesfois ie vous repliqueray que le peché de la volô-  
té est voirement puni de Dieu, non pas du magistrat,  
qui n'a que voir sur les affections cachees, & qui ne  
se sont manifestees par circonstances sur lesquelles vn  
proces puisse estre fondé: autrement il faudroit tous les  
iours trainer au suplice vn millier de personnes qui en  
leurs cœurs ont voulu & veulent mal de mort à leurs  
prochains.

ON maintient aussi que les diables ont compagnie *8. obiectio,*  
charnelle avec les sorcieres, & que durant ces vilains *que les sor-*  
comportemens elles demandent familièrement aux *cieres ont*  
diables ce que bon leur semble, & en tirent response. *la compa-*  
Combien que cela ait esté si suffisammēt refuté ci dessus *gnie des*  
que ie ne m'estonne pas tant de la vaine confession de *diables.*  
ces enorcelees, que de la folle opinion des aduerfaires:  
toutesfois ie leur respon derechef en trois mots, que le  
diable est vn esprit qui n'a chair ni os, requis en l'œu-  
re venerien, ensemble les instrumens de generation  
& la matiere, engendree des esprits vitaux & du sang  
humain. A ce propos saint Augustin nie que le diable  
puisse quelque chose qui ne se puisse faire par instru-  
mens naturels. I'ay monsté que cest acte estoit vne il-  
lusion, encor que quelques vns maintiennent qu'il ait  
esté vrayement & realement acōpli: comme les danfes  
& banquets avec les diables, & ie ne say quelles autres  
folies & impostures refutees par plusieurs argumēs au  
3. li. pourtant c'est peine perdue, à mon auis, de disputer  
plus long temps & discourir sur des chimeres & cha-  
steaux en l'air. Toutesfois, afin d'exagerer le crime de  
ce qui est auenu en songe & par imagination & pour  
en agrauer la punition, ils font vne conference d'iceluy  
avec vne meschanceté execrable & executée de fait:  
asauoir que si celuy qui aura eu affaire avec vne beste,  
merite d'estre mis a mort, selon la loy de Moysē, com-  
bien plustost doit estre cruellement exterminé celuy  
qui aura eu la compagnie du diable? C'est vn argument  
prins du moindre au plus grand: mais ie le renuerse &  
tourne au contraire, à bon droit, asauoir d'vn crime i-  
maginaire & frauduleusement imprimé en songe par  
l'artifice du diable, à vne vilenie horrible executée de  
fait. Quant à ce que quelques vns disent que souuent-



fois le diable a prins la forme d'un chien d'un bouc, ou d'autre semblable beste brute, ou s'est fourré dans le corps de ces bestes, & qu'il vient aussi trouuer les forcieres & a leur compagnie: i'estime que cela doit estre tenu aussi veritable que les histoires ou vrayes narrations de Lucian. De fonder vn proces criminel & dresser vne sentence de mort sur tels absurdes rapports ce n'est point a faire à gens bien auisez: car il faut auoir des preuues plus claires que le iour.

**9. obiection** *de la transformation des forcieres.* O V T R E ce que dessus, quand ces vieilles edentees confessent franchement que par la vertu d'un onguent, ou (si vous voulez) par l'art du diable, elles ont esté soudainement & veritablement changees en louues, puis ont repris leur premiere forme par le moyen d'un autre onguent: qui sera l'homme si peu honteux de vouloir soustenir qu'il y a de la transformation par effect? si ie monstre qu'un profond sommeil a esté attiré par la force & proprieté de quelque onguent, & que durant iceluy le diable a imprimé en l'imagination telles semblances, qui pourra nier que l'imagination soit demeurée lors en son entier? La refutation de tels argumens se trouue en diuers endroits de cest œuvre mien: & si ce n'est refuer que de maintenir telles opinions, ie confesse que ie ne sçay que c'est de iugemēt & de raison. Pourquoy confesseray-ie estre veritable ce que nature ne peut souffrir, ce qui n'a onc esté, & qui ne peut iamais estre?

**10. obiection** *on que les forcieres en attirent de autres à leur secte.* I L ne faut oublier vne autre obiection, que les forcieres attirent d'autres gens à leur cordelle. Veu que leur imagination est trompée, comment peuuent elles tromper les autres? sinon que vous disiez qu'elles trompent en contant & tenant pour choses vrayes les songes que le diable a imprimez en leur fantasie. Et encores ces songes là n'auient pas souuent, encores qu'elles confessent le contraire: comme aussi elles maintiennent pour veritables plusieurs choses qui leur sont aparues en songes seulement. Or toutes celles qui sont ainsi enforcees ne reconnoissent autre maistre de toute ceste illusion que le diable, qui se iouë ainsi d'elles par ses impostures. Au reste leur leurdise & aage stupide monstre quelle dexterité & verité lon peut estimer que elles



elles ayent pour en seduire d'autres. Si aussi lon regarde de pres les choses que les maistresses & disciples confessent s'estre passees en leurs conferences, on y trouuera tant de folies, repugnâces & pieces descousues, qu'il sera aisé de iuger qu'elles soyent folles, agitees & possedees de l'esprit malin, voire que Satan parle en elles, si sans preiugé, sans passion, sans arrest d'opinion contraire, lon veut simplement peser la verite des choses. Mais vous repliquerez, qu'en faisant l'alliance elles ont promis de procurer que d'autres se mettent de la secte. I'ay dit & redit, prouué & approuué par plusieurs témoignages, que ceste alliance est imaginaire, & que là sont meilees diuerses conditions du voler des vieilles, de la compagnie charnelle du diable avec elles, de leur transformation en bestes brutes, & d'autres choses repetees tant de fois, lesquelles vous mesmes confesserez estre fausses & imaginaires.

C'EST merueille aussi que pour rendre le proces criminel, on adiouste que les sorcieres aprennent des arts *illicites & monstrueux*, ce qui ne se trouuera pas: car ce sont vieilles radottees, ignorantes iusques au bout, folles & abruties, & apres auoir esté pipees de Satan par quelques aparitions, ombres illusions & vaines imaginations, elles s'apuyent là dessus, puis elles estiment veritable tout ce qu'elles ont songé. On presse fort cest argument, afin que ces miserables enorcelees puissent estre plus aisément prinſes au filé & condamnées par la sentence contenue en la loy *Multi. C. de maleficiis & Mathematicis*. Pour responce, i'ay monstré ci deuant, au 34. chapitre du 3. liure & le monſtreray encore ci apres que cela ne les cōterne point. Ceux qui se sont meslez de la magie, & de telles sciences profanes & curieuses ont esté magiciens infames, qui en auoyent des liures condamnés à bon droit d'estre mis au feu, selon ce que S. Paul a pratiqué, Act. 19. Moyse & les loix imperiales cō-

A ce que dessus appartient ce qu'on allegue que les sorcieres peuuent tuer yn homme par imprecations, exorcismes, charmes, inuocations de diables, exorcismes, paroles avec beaucoup de ceremonies. ce que ie nie tout à plat, & que telles femmes s'en aident iamais en chose qui



viennent à effect. Ce sont les magiciens infames: & ie maintien qu'une grande part de ceux qui font telle obiection sont es lieux où ces devins sont en credit & reputation sans aucune reprimende du magistrat, encor qu'ils embabouynent les autres de fausses opinions soyent cause de faire naistre les debats & les meurtres.

*13. obiection que les sorcieres mettent les diables es corps.* CEUX qui procurent les plus cruelles morts qu'il est possible de penser aux sorcieres dont nous parlons, maintenât qu'elles font entrer les diables en tels corps qu'elles veulent. Mais ie pense avoir suffisamment prouvé au dixhuitieme chapit. du quatrieme liure, que cela est du tout impossible. Et quant à ce que lon obiecte des choses enchantees ie diray librement que ces femmes ne font aucun dommage, si les poisons ne sont naturels, & ne peuvent rien faire hors & outre la vertu que Dieu a donnee aux choses des le commencement de leur creation.

*14. obiection que les sorcieres font faire aux diables des meschances dont ils ne se fusent pas avertis.* POVR mettre tant plus la rage sur ces enforcellees, on adiouste que bien souvent les diables ne penseroyent point à des choses qu'ils s'essayent de faire à la sollicitation & prieres des sorcieres, & les font puis apres par la permission de Dieu. Comme si ces malins esprits n'estoyent pas tousiours au guet par leur propre malice indicible, tournoyans autour de nous iour & nuict comme lions rugissans, cerchans à mal faire & à devorer quelque un. Mais au reste, tant s'en faut que ces esprits malins puisent executer le desir de ces vieilles radotees que mesmes ils ne peuvent faire ce qu'ils voudroyent bien, à cause de leur naturelle impuissance & inhabilité: comme creer des choses nouvelles ou changer ces creatures, ou avoir compagnie charnelle avec une personne, & autres telles choses: & quant à ce qu'ils peuvent Dieu ne leur permet pas tousiours de l'executer. Davantage, ce subtil & cauteleux esprit suggere à l'imagination de ces femmes stupides, qu'elles ne l'ont point attiré pour faire cela, mais que c'est du fait d'elles: ce que toutesfois il a fait, ou est venu d'ailleurs: au moyen dequoy il les faudroit plustost appeller enforcellees que sorcieres. Au reste, il n'est pas croyable que Dieu permette que quelque chose aienne selon la folle fantaisie & volonte d'une vieille abrutie, au lieu que cela procede



cede de son iuste iugement, & de son ordonnance arrestee au conseil de la S. Trinité. Pourtant lon n'a point encores prouué que les sorcieres ici mentionnees soyent causes ou instrumens des calamitez & degats que fait le diable. Et sur ceci ne faut point alléguer ce qui est dit que celuy n'est pas innocent, qui tue vn homme par le commandement d'un autre.

En ce chapitre, j'ay briefuement respondu à quelques obiections, selon qu'elles me sont venues au deuant. Si lon en veut sauoir dauantage, il se trouuera resolu en diuers endroits de cest œuvre ci, ensemble ce qui sera requis pour refuter les sophisteries de Paracelse & de Campanus sur ce point.

Lon dit que i'estime que les sorcieres ne meritent autre ni plus grief chastiment que les malades troublez de melancholie, ou qui ont le cerueau blessé de quelque autre tel mal mais on me fait tort, & le commencement de ce chapitre respond pour moy à vne telle calomnie: car ie monstre là comment celles qui ont esté troubles par le diable, & qui n'ont fait dommage à personne, doyuent estre ramenees au bon chemin, & quel chastiment elles meritent. Quant à celles que lon trouuera auoir fait tort aux biens & personnes de qui que ce soit, mon aui a tousiours esté qu'elles doyuent estre punies par sentence du magistrat, & selon la teneur des loix, comme la qualité & enormité du crime le requerra. Si ce pendant quelque esprit sanguinaire applique toute sa dexterité à chercher toutes les raisons qu'il pourra hors des limites de sa vocation, pour insister & maintenir obstinément que les sorcieres enforcellees du diable, corrompues en l'imagination, & qui au reste ne nuisent à personne, sont indignes de compassion, & que non seulement on les doit punir selon les loix Mosayques & Imperiales, mais aussi qu'on les doit torturer & faire mourir des plus cruels supplices du monde, & qu'outreplus il presente des fagotsardans aux iuges assez & trop inhumains quelquestois en tels affaires: ie luy accorde qu'il ait telle opinion que bon luy semblera, qu'il se de saltere du sang: à quel propos debattrois- ie tant avec gens si resolu? Ie me contente d'auoir simplement & rondement proposé mon aui; ou j'ay tasché ( comme



Dieu m'en est tesmoin) de monstrier quelque expediēt pour s'abstenir des suplices acoustumez dont iusqu'à present ont esté exterminiez indifferemment ceux du fait desquels on ne iugeoit point avec vne vraye enqueste & exacte consideration des circonstances. Si i'ay fait chose qui puisse servir, que les bons & doctes le lisent & en iugent: si ie n'ay pas touché au but, qu'ils excusent celui qui a voulu bien faire. Je suis medecin voirement, & non pas iuge ni esplucheur de proces. Pourtant ie ne puis ni ne veux empescher que plusieurs soyent de contraire avis au mien. Mais de mon naturel ie hay les debats & proces, & les laisse tresvolontiers à ceux qui y prennent plaisir. Doncques si quelques cerueaux chatouilleux entreprennēt ci apres d'escrire contre moy, qu'ils ne s'attendent pas que ie leur responde, afin qu'ils ne se persuadent pas d'emporter le dessus, à cause que ie me seray imposé silence à moy mesme.

*Refutation de l'avis de George Pictorius, par lequel il maintient que les sorcieres doyuent estre punies de cruelle mort.*

## CHAP. XXV.

**L**ES raisons que George Pictorius medecin a deduictes en son liure des diables subluinaires, pour prouver que les sorcieres doyuent estre punies de mort cruellement par feu ou par autres tourmēs: ont esté refutees en plusieurs endroits de nostre liure par respōces si pertinentes, que ce me semble estre vne chose superflue de luy respondre derechef ou en bref ou par plusieurs paroles. Car nous auons assez monstřé que la phantasie est corropue par le diable, & qu'elles ne blessent personne si ce n'est par opinion, tout ainsi comme i'ay monstřé manifestement que le diable estant esprit qui n'a ni os ni chair requis en l'acte venerien, ne peut aucunement auoir affaire avec vne femme. Pictorius toutesfoiſ le nie disant qu'il a plus d'esgard au tesmoignage d'un certain Marc, qu'à l'avis de saint Augustin & du Conciliateur. Ce Marc fut un vray seruiteur de Satan, viuant solitairement en la Chersonese & fort familier de  
Michel



Michel Pſelle, lequel enſeigna que les diables auoyent des parties propres à la generation, & qu'eſtâs paillardſ par le deſir qu'ils ont d'engendrer, ils empliffent les amaris de ces vieilles beſtes (car ainſi apelle il les forcieres) & engendrent des enfans, toutesfois fort diſſemblables aux noſtres, comme nains, qui reſſemblent des Singes ou Guenons. Mais ie luy demanderois volontiers par quel moyen Marc a'conu ces choſes, ſi ce n'eſt qu'il fuſt fort familier de ces diables, leſquels luy ſont aparus en la forme qu'il deſcrit, luy trompant les yeux & luy mettant au deuant, par le moyen des charmes, l'ombre au lieu de la choſe meſme: ſi bien que par telle impoſture ils luy troubloyent la phantaſie, tout ainſi qu'ils font celles des forcieres,

IL deuoit dauantage, comme Philoſophe, cōſiderer que toute ſemence conceuoit ſon ſemblable. Par quel moyen doncques ſe fait-il que les nains ſoyent engendrez de la ſemence des diables qui ſont eſprits? quelle ſemblance ont ils entre eux? Enquoy ſ'acordēt-ils? Eſt-ce en qualité ou ſimilitude? Les diables aparoiſſent-ils guenons ou ſinges lors qu'ils engendrent, eux qui ſe ſauent transformer en toute figure, voire en anges de lumiere? Si vous voulez qu'ils ayent la vertu d'engendrer ils engendreront des diables & des eſprits. Car il faut en ceci eſtablir vne analogie ou concordance des choſes. Il faudra encōres confeſſer leur immortalité, tellement qu'il ne ſe faut point eſmerueille ſi nous auons maintenant vne ſi grande abondance de tels eſpouuentails à l'entour de nous, & ſi iamais l'homme ne ſera du tout deliuré des milliers infinis de tels eſprits, puis que des le commencement de la creation iuſques à maintenant ils ſont multipliez en ſi grand nombre. Celuy qui voudra aller au contraire de ce que ie dis, qu'il ameine des raiſons par leſquelles ie ſois contraint de croire à ces folies: mais pluſtoſt à ces menſonges manifeſtes. Ie meſmerueille au reſte comment vn homme ſ'eſt ainſi laiſſé tromper & charmer le ſens.

L'AUTRE raiſon qu'il allegue, pour laquelle elles doyuent eſtre punies, eſt encōres plus friuole, quand il dit que ſi on ne les bruſſoit, le nombre en croiſtroit, tel ſemēt qu'il n'y auroit celui qui ſe peult aſſeurer de leurs



enchantemés. Mais au contraire, il n'y a endroit au monde, auquel on viue plus asseuré de toutes ces choses que là où ces victimes & sacrifices n'ont plus de lieu, là où on ne les brusle plus, là où les ruses, les finesſes & impostures des diables sont descouuertes, par lesquelles ils taschent nuit & iour à attirer les hommes incredules & de peu de foy en leurs nassés, là où en toutes afflictions on reconnoit & implore l'aide de Dieu tout puissant iuste & misericordieux: là où on a recours à Iesus Christ l'vnique suplantateur du diable & puissant renuerſeur de son regne: là où on ne mesprise point les moyens ordonnez de Dieu: bref là où on n'attribue point à Satan ou à vne vieille de mauuaife volonté ce qui appartient à la seule maieſté diuine.

Nous auons tellemét respôdu en tout ce liure à l'auis de Loys Millicheus touchant la punition des ſorcières, & au iugemét qu'en a donné Iaqués ſeigneur de Lichtenburch qu'il n'eſt meſtier de plus longue repetition.

*La punition des empoisonneurs & empoisonneresses.*

## CHAP. XXVI.



Il ne faut alleguer la loy Cornelie, que contre les empoisonneresses. Car toute les femmes qui ont excité des maladies, ou des mortalitez & pertes contre quelqu'un par la puissance des venins, doyuent auoir & meritent la punition qui est deuë aux empoisonneuses, ausquelles, selon la qualité du meſfait, les loix augmentent & diminuent la peine, comme il est tresiuste d'ordonner vne grande ou moindre punition selon la grandeur du dommage, & selon l'estude de la volonté comme à celles qui pensent acquerir l'amour des ieunes hommes ou autres par boissons amoureuses, & ce temps pendant les font deuenir fols, ou leur excitent des maladies, sans toutesfois les faire mourir. Ce que i'entens aussi deuoir estre fait en tous autres cas semblables, lors qu'il en auient quelque perte ou dommage. En ces cas doncques la loy Cornelie, qui est des meurtriers & empoisonneurs doit estre pratiquee.



quee. Celuy doit estre puni qui aura fait ou vendu, ou aura recelé du poison pour faire mourir vn homme. De telle punition doit estre puni celuy qui aura vendu publiquemēt, ou aura chez soy du poison pour faire mourir vn hōme. Celle-la aussi doit estre bannie selon l'arrest du Senat, laquelle aura baillé quelque médicament pour faire concevoir celle qui en sera morte: car encore qu'elle ne l'ait baillé à mauuaise intention, si est-ce que cela sert de mauuais exemple. Il a esté dit aussi par vn autre arrest du Senat que les faiseurs de fards seroyēt punis de la peine imposée par la mesme loy à ceux qui temerairement donneroyent de la ciguë, de la salamendre, de l'aconite, des pityocampes, de la mendragore, des cantharides, ou quelque autre chose propre à farder.

A v resté, il y a plusieurs auteurs dignes de foy, qui tesmoignent que les femmes sont plus addonnees aux poisons que ne sont les hommes. Diodore escrit en son 5. liu. des gestes des anciens qu'une femme nommée Hecaté fut la premiere qui trouua l'aconite, & prit grand peine à composer venins mortels. Mesmes Tite Liue, & Valere en son second liu. des institutions des anciens, tesmoignent que les femmes furent les premieres à Rome qui firent des poisons: saint Augustin le touche aussi au 2. liure de la cité de Dieu, chap. dixseptieme. Et Pline escrit au chapitre second du vingtcinquieme liure, que la science des femmes excelle merueilleusement en poisons: car comme il dit, qu'est-ce que Medee Colchique & autres n'ont rempli de fables? au premier rang desquelles on doit mettre Circé Italienne, laquelle on a depuis enrollee au rang des dieux? Outre ceste cy vous verrez ordinairement en Homere des magiciennes & empoisonneuses, desquelles il fait mention, asauoir Gratidie que lon nomme aussi Canidie, Sagane & Veie toutes Neapolitaines: Folia de Rimini & autres: mais vous n'y lirez aucun homme. Vous en trouuerez plusieurs es autres escriuans, comme Mycalé, Erichtho, Dypsade, Eriphie, Guthrune, Gyges chambriere de Parysatis mere de Cyrus: vne certaine Martine, de laquelle Tacitus a escrit au liure second des Annales, & vne Locuste aussi dont il s'est souuenu

*La loy Corneliae.  
ff. li. 46. ti. 8.*

*Les femmes ont de tout temps esté plus addonnees aux poisons.  
Exod. 7.  
Leuit. 19.  
20.  
Deut. 18.  
Bsa. 8. 29.  
47.  
Psal. 57.  
2. Par. 33.  
Eccle. 12.*



environ la fin du douzieme liure bres, vous en trouuez vne infinité d'autres. C'est vn proverbe ancien dôt Suidas s'est resouvenu, lors que lon parle des sorcelleries des femmes, de dire, c'est vne Thessalienne. Nous vsons de ce proverbe contre les sorcieres, pourautant que les Thessaliens & principalement les femmes sont fort adonnees & notees de ce crime. Quintilian escrit au cinquieme liure de ses institutions oratoires, au titre des argumens: Il est plus aisé de croire que le larcin procede de l'homme, comme aussi la sorcellerie de la femme.

ON dit que les empoisonneurs & sorcieres estoient punis en Perse en ceste façon: sauoir est, qu'on leur mettoit vne grande pierre dessus la teste, laquelle on leur rompoit dessus avec vne autre. Il m'a semblé bon de laisser à l'equité & iugement du Magistrat prudent, la punition qui doit estre imposée à ceux qui font des venins pour faire mourir les hommes, ou le bestail, soyent femmes ou hommes. Ce que ie fais plus volontiers, afin que celuy qui est ordonné de Dieu, selon que nous le trouuons escrit es saintes lettres, ne se plaigne qu'en cecy ie vueille vser d'un preiugé. Toutesfois j'ay bien voulu transcrire vn passage d'Aule Gelle, lequel contiét la sentence prononcee tressagement par les Areopagites Atheniens contre l'empoisonneuse: car elle seruira d'exemple pour vn iugement bien examiné. Voici donc ce qu'il escrit: Il y eut vne femme de Smyrne, laquelle fut menee à Cn. Dolabella Proconsul d'Asie. Ceste femme auoit empoisonné & fait mourir en vn mesme temps son mary & son fils. Mesme elle le confessoit, disant, qu'elle en auoit eu ocaseion, pourautant que son mary & son fils auoyent en trahison fait mourir vn sien ieune fils enfant de bonne nature & innocent, lequel elle auoit eu de son premier mary. Or ne doutoit-on point de ce fait, parquoy Dolabella le raporta au conseil, là où personne n'osoit dōner son auis en vne cause si douteuse: dautant qu'il leur sembloit bien que l'empoisonnement confessé par lequel le mary & le fils auoyent esté tuez, ne deuoit demeurer impuni: & que toutesfois par ceste digne punition elle auoit pris vengeance de deux meschans hommes. Dolabella en-  
uoya



uoya ce proces à Athenes par deuers les Areopagites, comme estans iuges d'autorité & fort exercez. Les Areopagites ayans entendu la cause, ordonnerent par leur sentence que l'acuseur de la femme, & celle qui estoit acusee, eussent à comparoir cent ans apres. Ainsi l'empoisonnement que fit ceste femme ne fut absoul, d'autant qu'il n'estoit licite par les loix, ni ceste femme coupable condamnée & punie, pourautāt qu'elle sembloit digne de pardon. Ceste histoire est prise de Valere le grand, liu. 8. chap. 23.

*Recapitulation touchant les forcieres.*

## CHAP. XXVII.



Qu'il me semble que j'ay assez prouué que les forcieres ne sont cause de toutes les choses qui leur sont imputees, par raison naturelle ni par effect. Car si elles en font quelques vnes d'icelles, il faut conclure quand & quand qu'elles le peuuent, d'autant que l'effect presuppose le pouuoir. Si doncques nous disons qu'elles le peuuent, il faudra arrester premierement comment, & par quel moyen. Or est-il ainsi qu'elles ne le peuuent ni d'elles mesmes, ni par enchantemens, ni par le moyē du diable, ni mesmes le diable par leur moyē. Nous auons monstré par trois raisons que d'elles mesmes elles ne le peuuent. Car elles n'ont pas les trois choses requises en toutes actions simples ou faites pour vne certaine fin: sauoir est le pouuoir de celuy en qui besongne l'habitude du suiet, ou de celuy qui patit, avec la conuenable application. Quant à ce qui touche à elles, premierement elles sont mortelles, leur faculté, & puissance depend de l'analogie ou acordance du corps & de l'esprit: & ne peut sinon entendre & vouloir par le moyen de l'esprit, & par le moyen du corps elle ne peut passer outre les bornes des sens terriens & naturels. Parquoy elles ne peuuent attenter par leur pouuoir aux choses qui sont par dessus elles, & ne peuuent encores rien faire qui ne soit correspondant au sens. Car comme nous auons dit, la vertu & puissance de la cause agissan-



te est nécessaire pour faire quelque chose, ou pour tirer vn effect en quelque chose. Et n'est pas moins nécessaire qu'une chose faite selon quelque regard & à cause d'une autre.

*I. si ad ro-*  
*gator. D.*  
*de adopt. l.*  
*iurisp. §.*  
*in or iudic.*  
*D. de ex-*  
*cus. tut. l.*  
*pe pill. D.*  
*de tut. &*  
*cur.*  
*Alex. cōsi*  
*128. vol. 1.*  
*l. in omni-*  
*bis. 2. D.*  
*de oblig.*  
*& act. l. 1.*  
*C. de here.*  
*institut. l. si*  
*ego. 1. D. si*  
*cert. petat.*  
*c. 1. ff. hoc*  
*autem qui*  
*send. dar-*  
*poss.*  
*L. & si a-*  
*mici. D.*  
*ad l. iul. de*  
*adult.*  
*Doct.*

Quant est de ce en quoy on pense qu'elles agissent il ne se peut faire par aucune raison qu'elles esbranlent la terre, qu'elles fassent dissoudre les nues, amasser les gresles, esuanouir les vents, tomber les pluyes, venir les foudres & les tonnerres. Car nous ne pouuons auoir aucune action sortant de nous, ou procedant d'un autre agissant, si elle n'est rapportee à vn patient apte & bien disposé. Or n'est-ce pas la nature vniuerselle, ni la condition des elemens que les hommes puissent agir en ces choses, ou les puissent faire par le moyen que lon pense que les sorcieres les font, ainsi que nous l'auons monstre plus au long es liures precedés. Encores moins le pourront elles par enchantement. Aussi ne peut-il auoir plus grande vertu en la chose causee ou qui est faite que celle qui procede par le moyen de sa cause. Or les sorcieres sont les causes des enchâtemens & des charmes. Et n'y a celui qui ne sache bien qu'elles sont celles qui en vsent: & qui s'aident des paroles, l'effect desquelles est monstre tres-subtilement par Aristote au second liure de l'ame. Mais nous auons desia monstre que les sorcieres n'ont aucune puissance ou faculté de ce faire. Parquoy les enchâtemens ne sont point cause de tels effects: & ceste reigle ne fait rien pour la puissance des sorcieres, laquelle dit: Que toute chose qui est cause d'une cause, l'est aussi de ce que lon appelle la chose causee. Car encores que les deux premieres choses requises en toute action ne leur defaillissent point, si est-ce que la tierce leur defaudroit: d'autât que nous auons monstre en plusieurs endroits que les enchâtemens ne sont point moins aptes & commodés entre les hommes que les corps celestes. Parquoy pour ceste seule cause tout seroit non seulement empesché, mais aussi ne pourroit estre encommencé. Car le moyë inhabile & mal conuenable empesche la conionction des deux extremes, & fait qu'ils ne peuuent consentir en l'action, si ce n'est que nous establissons avec les Platoniques ce monde estre vn animant, lequel ait sen-



timent des oreilles & des yeux:& que nous difions avec Pythagore qu'il se delecte & s'esmeut par des chansons. Toutesfois nous montrons qu'elles ne peuuent faire ces choses par le moyen du diable. Car encores que ie confesse que par leurs enchantemens elles puissent contraindre le diable, ou que le diable face ces choses de son bon gré, estant inuocé par icelles: toutesfois si ne dirai-je pas qu'elles le puissent contraindre de ce faire, ou que par le moyen d'iceluy elles puissent faire ce qui n'est pas en sa puissance. Car encores qu'il puisse toutes les choses que nous auons dites, & plusieurs autres, lesquelles maintenant sont miraculeuses à nostre regard, & maintenât semblent estre telles: toutesfois si ne peut il faire ce qu'il veut, ou ce que l'homme voudroit, ni en mesme temps qu'il voudroit, ou que ses vassaux le voudroyent bien & luy commanderoient: mais il fait ce que le grand Dieu veut, & lors qu'il luy semble bon. Parquoy s'il auient quelquefois apres les enchantemens qu'il face ce que les sorcieres veulent: cela ne procede point de leur volonté ou commandement, ou de celuy du diable, mais de la volonté de Dieu qui le commande & le permet ainsi:& tant s'en faut qu'elle soit en la puissance d'aucun esprit ou d'aucun homme, que mesmes elle est du tout inconuë, & semble estre chose fortuite aux hommes & aux diables. Parquoy ils ne sont point dauantage cause de ces choses que de toutes autres, lesquelles ne sont point faites par nostre moyen, mais nous auiennent fortuitement, quand nous les desirons: bref, la force de la nature diabolique ne nous subministre point ceste obiection: sauoir que c'est tout vn, ou qu'il face de luy mesme ce qu'on attribue aux sorcieres, ou bien qu'elles le fassent par le moyen d'iceluy: Et qu'il n'y a point de difference s'ils produisent tels effects, ou s'ils en baillét la cause sans aucun moyen.

Ce que lon pourroit en outre nous alleguer, est que le diable fait toutes ces choses que nous auons dites par le moyen de ces vieilles, tellement que ces miserables sorcieres soyent leurs organes & instrumens, comme si ce subtil ouurier auoit afaire de leur aide? Mais qui est-ce qui ne void que ces vieilles edentees sont organes du tout ineptes à esmouuoir le Ciel, l'air, les nuages &



les vents. Ne pensons donques que ces esprits malins soyent si sots & de si petit pouuoir qu'il falle qu'ils se retirent par deuers elles, ou que la nature soit tombee en tel inconuenient qu'il soit necessaire qu'elle soit esmeuë par leur moyen. Car aussi est-il requis en toute action que l'organe soit conuenable & apte. Mais encores que les sorcieres fussent instrumens commodes & necessaires pour executer ce que le Dieu tresgrand permet aux diables de faire, ie vous demande quelle punition en meritent ces pauures miserables? Premièrement, si ainsi estoit elles endureroyent ces choses, & par consequent elles ne les feroient pas: car l'vn & l'autre n'accordent point ensemble. Dauantage il est tout certain que les actions ne sont point rapportees aux causes instrumentales, & que la fin pretendue des choses que lon fait, ne depend point de l'instrument selon l'argument de la *L. Quod mihi donatum D. de donat.* Or en toute sorcellerie la fin est seulement punie. *L. Diuus d. ad L. Cornel. de sic.* Par ces raisons donques expliquees bien au long & appuyees sur des argumens fermes & asseurez, nous auons monstré que par la nature des choses, laquelle est tesmoin certain de la verité, il ne se peut faire que les sorcieres veritablement facent les choses que nous auons dites. Le premier argument desquels est que les diables mesmes ne peuuent rien de ces choses.

*Du fait* LE second estoit pris du fait, qui est vn vray fonde-  
*Glos. in au* ment de la verité: pourautant que la verité est vne co-  
*th. de instr.* noissance d'une chose certaine, tiree principalement  
*catel. in* par le moyen de la veuë. Or l'usage nous montre que  
*prince* tous ces effects sont faussement attribuez aux sorcieres: car non seulement les calamitez, desquelles on les dit estre causes, perseverent & rengregent apres qu'on les a fait mourir & qu'elles sont reduites en cendres: mais elles sôt quelquefois plus ordinaires & beaucoup plus grandes es lieux esquels on n'a aucune conoissance de leur nom. Or ne doit on pas rapporter vn effect à vne cause, laquelle estant hors, ne laisse toutesfois de perseverer. *L. Condit. Pupill. in prin. D. de condict. & demonstr. argumeto. L. antep. D. ex quibus causis maior.* Car la cause cessante necessairement l'effect doit cesser. Côme ainsi  
 soit



soit doncques que par le fait nous ayons ce point, sa- L. *adigere*  
 uoir est que les sorcieres ne sont point les choses ni §. *quibus.*  
 d'elles mesmes, ni par le moyen d'autrui: mais que c'est D. *de iur.*  
 Dieu qui les fait immediatement, le diable lequel sans *patrona.c.*  
 elles les fait par la permission de Dieu tout puissant, cer *cui cessante*  
 tainement il n'est pas raisonnable qu'elles soyent char *ext. de ap-*  
 gees du fait d'autrui: ou qu'il y ait punition là où il n'y pell.  
 a point de mesfait L. *Sancimus.c. de poenit.* Car c'est assez L. *in cau-*  
 que chacun responde de son faiet. Et comme ainsi soit *sa.D. de*  
 que naturellement il est impossible que non seulemēt *procur.*  
 ces sorcieres, mais aussi les autres hommes soyent cau- L. *crimen.*  
 ses agissantes des choses que nous auons dites: certai- *pater.D.*  
 nement il ne nous appartient pas de dire au contraire, *de poen.*  
 au preiudice d'autrui, qu'elles se puissent faire. Aussi  
 n'y a il rien de possible en droit qui naturellement soit L. *multum*  
 impossible. L. *1.glos. L. fil.D. de condit. instit.* Et n'y a rien plus *l. si quis al-*  
 certain que le defect de pouuoir empescher, non seu- *ter vel sibi.*  
 lement empesche la presumption que lon pourroit au-  
 uoir de l'effect, mais aussi il empesche le mesme effect.  
 Pour ceste cause les iuges ne prennent garde à ce que  
 lon dit que quelqu'un a voulu, où à ce que lon prouue  
 qu'il a peu: mais ils regardent à ce que lon prouue que  
 quelcun a commis ou fait, & qui naturellement tombe  
 en la puissance & volonte de l'homme. Ce qui est telle-  
 ment vray, que si quelqu'un de son propre gre ou autre-  
 ment auoit confessé vn mesfait, lequel ou simplement  
 ou pour certaines raisons & causes naturelles il n'auroit  
 peu commettre, il n'en seroit puny. Car vne confession  
 doit estre vraye & possible, comme nous auons monstre  
 cy deuant. L. *Inde Neratius. D. ad L. Aquil.c. fin. de confess.*  
*ibi Bart. & Ang. consi. 160. vol. 4. escrit qu'une femme la-*  
 quelle confessa auoir baillé du poison à son mary, dōt il  
 estoit mort, ne doit estre condamnée suyuant telle con-  
 fession, d'autant que selon le iugemēt des medecins les  
 medicamens qu'elle confessoit luy auoir baillez, n'e-  
 stoyent pas venimeux. L'an 1562. mes enfans virent à  
 Pauie vn petit garçon lequel auoit d'auanture desrobé  
 quelques pommes à vne reuenderesse au marché, la-  
 quelle luy dōna d'une petite vergette sur le dos, dont il  
 tōba mort soudainemēt. Et toutefois il n'estoit pas vray  
 semblable qu'il fust mort de ce coup: car cela semble



tresdificile aux Medecins. Or y a il presque vn pareil iugement endroit des choses impossibles & de celles lesquelles sont tresdificiles. *L. apud Iulianum. §. Constat. D. de Leg. 1.* Ce qui fait beaucoup pour la defence des sorcieres: car encores que nous confessions qu'elles facent ce que lon leur impose, & ce que lon pense qu'elles font toutesfois qu'y a-il plus dificile à l'homme que ces mesmes choses? A peine donc seront elles vray-semblables. Or ne peut on faire fondement sur ce qui n'est pas vray-semblable. *c. Quia verisimile de presump. l. fin. in prin. D. Quod met. causa.*

DAVANTAGE encores qu'il n'aparoisse certainement de la cause des calamitez imposees aux sorcieres: si est-ce qu'icelles mesmes les peuuent biē soulager par ce qu'elles en peuuent auoir de diuerses & dissemblables: d'autāt quel'efet lequel se peut retirer de diuerses causes doit estre tousiours attribue à la plus iuste *c. estote de re. iur. in antiq.* Aussi ne presume lō point en tout & par tout d'vn delict lequel est en doute. *L. 1. c. ad l. Cor. de sic.* Maintēat doncques qu'il apert de la cause prochaine & de celle que lon nōme esloignée: nō seulement les innocēs seroyēt affligez au regard des coupables: ce qui est tres-perilleux (*l. si. in fl. de his qui latr. l. pregnātis. de pæ.* Mais aussi nous feriōs vne grāde iniure à Dieu si nous ne reconoissons sa main, c'est à dire, si nous pēsiōs que les choses lesquelles nous sont enuoyees ou pour punition, ou pour nous esproouuer, ou pour nō<sup>s</sup> seruir d'amonestemēt nous suruinssēt d'ailleurs que de luy. ou par le moyē d'autres causes, ou par autres moyens que par ceux desquels il a vſē des le commencement du monde.

CEs loix suiuentes donc ne nous sont contraires: *L. Eorum Ne cl. multi. de maleficiis & mathematicis.* Aussi ne fait on aucune iniure à ceux qui les ont ordonnees, aſauoir à Constantin & Constance: encores que nous ne nions pas que vouloir corriger les loix ne soit vne chose que il faut euitier. *L. Precipimus infra C. de appel.* Car cessant la raison de la loy, la loy cesse *L. quod dictum D. de pact. L. Adiecre. §. quamuis. D. de iur. p. iro.* Car la raison est l'ame de la loy. *L. cum ration. D. de bon. dom. ac ratio nulla infr. ext. de preben.* Toute la loy reçoit sō interpretatiō de la raisō *L. cum pater. §. dulcissimis D. de Leg. 2.* Les docteurs escriuent sur la

*c. ext. ro. de homicid. gl. 1. & Pau.*

*Bart. consi. 6.*



sur la loy *Multi*, On dit qu'il y en a plusieurs qui par art magique troublent les elemens, interessent la vie des innocens, & font reuenir les esprits. En la loy *Eorum*: on dit que les forcieres peuuent guerir & faire cesser les pluyes, les gresles & les vents: & qu'il ne faut point punir ceux qui vsent d'enchantemens à bonne fin. *Bartol. & Salyc. infam.* Or auons nous desia monstré, tant par raisons & experiences que par autorité, que veritablement les hommes ne font rien de toutes ces choses. Par quoy il me semble que puis que la raison de la loy est corrige'e, par cōséquēt la loy est aussi corrige'e *glos. ordin. in l. 1. in verb. prouident. D. de legi. tut. & in l. qua ratione. §. littere verb. directum D. de acqui. rer. dom.* Nous auons monstré au 3. liure, cha. 16. que les forcieres ne peuuent troubler l'air ni esmouuoir les tempestes.

No v s en auons ci deuant touché l'experience, & n'en pouuons auoir de plus certaine, que celle que nous auons propose'e au quatrieme liure, lequel ne comprend autre chose que des exemples de ceux, qu'on disoit estre enforcelez par les forcieres, encores qu'ils fussent tourmentez par les diables, ou par maladies ou vices naturels. Mais le plus clair exemple de tous est qu'elles ne peuuent euitier ou chasser par aucune force ou puissance ce que lon dit qu'elles peuuent attirer & esmouuoir. les magiciens infames ne le sauroient faire non plus comme nous en auons remarqué es magiciens de Pharaon lesquels ne peurent chasser les mouches, & ne se peurent si bien garder, estans affligez par les vlcères, que la vanité de leur art ne fust decouuerte. Car comme lon pense que celuy fait, lequel n'empesche point quand il le peut: *adigere in princip. D. de iur. patrona. vbi gloss.* Ainsi pense on que celuy ne fait pas, lequel ne peut faire quand bon luy semble. Ils ne le pouuoient pas par l'Esprit de Dieu. Mais s'il n'eust tenu qu'à eux qu'ils ne les eussent chassés: nous cōfesserions qu'ils l'auroient peu. Autrement ce seroit vne mesme chose que qu'elou'vn peust & toutesfois qu'il tint à lui qu'il ne peust.

L'experience

Li. 2. ch. 8.

L. si bone fidei. D. de nox.

Il reste maintenant vn tesmoignage de grād poids que nous auons tiré du Concile d'Ancyre 26. q. 5. cap. *Episcopi*. Nous en auons vn autre tiré des saincts Peres



& de leurs Canons 26. *quest. 2. cap. illos. cap. ex tuarum. cap. fin. extr. de fort.* là où les gloses & les docteurs expressement testifient celuy là estre heretique, qui croit que ces choses peuuent estre faites par les magiciens & forciers. 26. *quest. 4. cap. Igitur & cap. accusatus. P. J. Lanè. de hered. in 6.* Dautant qu'on attribue à la creature ce qui appartient à vn seul Dieu. 26. *quest. 2. cap. qui sine saluatore. Ioannes And. in rub. extr. de fort. & capit. 1. eod. Panor. And. sic in consil. 55. Oldr. in consil. 210.* Ces choses estans telles, il ne faut plus estimer que l'Empereur Chrestien ait pensé autrement. Ce qui apert fort bien par la *L. Nullus. eodem tit.* & par plusieurs autres loix. Car nous deuõs par tous moyens acorder les loix avec les loix *L. 1. C. de inoffi. dot.* Si nous auons esgard aussi à l'autorité, qui est ce qui doute qu'en cest affaire il ne fale attribuer toute foy & reuerence au droit Diuin? Car en l'arrest des causes, principalement de celles qui touchent l'ame, telle qu'est ceste-ci, les auis des Peres & des Canons doyuent estre preferez aux loix, *Panor. in ca. super illa. de sect. nup.* Aussi les loix mesmes ne desdaignent pas d'ensuyure les saincts Canons. *Ant. vt cler. apud proprium Epis. in fin.*

PAR AVANT VRE toutesfois que pour la defense de ces deux loix, Molitor & quelques autres s'opposeront contre ce que nous auons dit, & respondront encores que lon confesse que les forcieres ne font & ne peuuent faire aucune des choses specifiees en ces deux loix, toutesfois elles desirent & veulent les faire: & que la volõte du mesfait doit estre punie par mesme rigueur que l'effect mesme. *L. si quis in princi. D. ad L. Iul. maiest. l. si quis non dicam. C. de Episc. & cler.* Le leur pourrois premiere-ment faire ceste exception tres-manifeste, qu'il faut qu'ils me confessent que ces miserables & innocentes vieilles ne sont prises ou punies pour autre raison que pour autant que lon pense qu'elles ont fait ou procuré telles choses: autrement elles se couperoyent la gorge de leur propre cousteau. Car elles ne pourroyent estre legitimement condamnées, ni pas mesmes tourmentees. En second lieu ie respon que ceste reigle du droit sauoir est qu'es forcelleries il faut auoir esgard seu lement à la volõte & non à l'effect. *L. Diuus. D. ad L. Cor. desic.* Que ceste loy, di-ic, outre les diuerses limitations qu'elle a, ne peut



ne peut estre alleguee en cest endroit. Car la volonte est celle qui est prochaine du pouuoir : & le malefice n'est autre chose qu'un malfaict à un homme. Or celui fait lequel peut faire, & fait ce qu'il peut faire : dont il ensuit que ceste definition ne declare autre chose sinon que mesfaire, & auoir volonte de mesfaire sont choses pareilles par les deux loix susdites & par la loy, *Is qui cum telo, C. de sicariis*. Mais nous auons assez mon- Dl multu  
stré, ce me semble, que nos sorcieres ne peuuent faire C. si quis  
ces choses. Parquoy il faut conclure qu'elles ne les font alt. versi.  
& qu'elles ne les veulent faire : car le defaut de pouuoir empesche l'effect. On ne dit pas aussi que celui vueille cela qu'il ne peut. *L. Lucius. §. Imp. D. ad Municip. l. si tibi. §. vnus. D. de opt. Leg. c. Cum à nobis. de senten. excom.*

PAR QVOY la volonte de mesfaire qui peut tomber La volon-  
en l'esprit des sorcieres, ne peut estre que vaine, s'il est té  
ainsi qu'on la doye iuger volonte, car la volonte est  
vaine & friuole si le pouuoir n'y est quand & quand. *L. Nolle adire. in prin. D. de ac. hare. & ibi notat Alex. l. pater se-*  
*uerinam. in princ. D. de condit. & demonstrat.* Aussi n'est-ce  
autre chose qu'une puerile persuasion de l'esprit, ou  
vne fausse opinion, ou un simple dessein, lequel seul ne  
peut rien faire es actions des viuans. *l. si nondum. C. de furt.*  
Ou bien c'est vne seule pensee, pour laquelle, comme  
estât libre entre toutes autres choses, personne ne doit  
endurer punition. *l. cogitationis D. de pœnis c. cogitationis dist.*  
*l. de pœnit. l. si fugitiuus. l. sape in fine de verb. sig. de dic. leg. infi-*  
*ciando in prin. de furt.* Car ce que lon a propose & qui de-  
meure en l'esprit ne fait aucun domniage ni en public,  
ni en priuè : tellement que les pensees de mesfaits quels  
qu'ils soyent, & qui peuuent estre entrepris & executez  
par quelcun. demeurent impunis, *Bart. m. l. Non id o mi-*  
*nus C. de accusa.* pourueu qu'elles n'outrepassent ces li-  
mites *l. cogitatio non meretur dist. l. de pœnit.* Combien d'oc-  
moins doyuent elles estre punies pour les choses les-  
quelles ne peuuent estre en la puissance d'aucun hom-  
me? Aussi telles pensees & desirs ne peuuent estre d'un  
homme rassis d'entendement, mais d'un qui veritable-  
ment a l'esprit troublé. La volonte d'un esprit sain &  
entier est vne volonte d'une chose possible : si biè qu'en  
Z. i.



icelle ne vouloir & ne pouuoir, sont choses esgales. *l. 3. C. de her. inst. l. 1. §. vsus. D. de procur.* Mais vn homme sol n'a ni raison ni volonté: dont il s'ensuit que lon ne doit presumer auoir aucū dol ou fraude en icelui & ne doit-on ainsi imputer aucune coulpe à celuy, lequel n'est rassis de son entendemēt. *l. sed & si §. 1. D. ad le. Aquil.* Or auons nous monstté que nos sorcieres ont en tout & par tout perdu leur esprit par le moyen de leur aage desia decrepité, du desespoir, de leurs miseres, du vice de leur fantasie, des medicamēts qui les induisent à fureur, & bres par le moyen du diable: tellemēt qu'elles confessēt ce qu'elles n'ot pas fait & n'ot peu faire, si bien que de leur propre volonté elles se precipitent en vne mort manifeste. Ce que iamais vn personnage de sain entendement ne feroit, tant magnanime & constant fut-il: car sa volōté est telle qu'elle doit estre. Or entre toutes les choses terribles & espouuantables, il n'y en y a point de plus que la mort. *l. ultimum D. de penis.* Cest dōc affaire aux furieux, aux fols & aux enfans, d'ainsi se precipiter, & on n'a point acoustumé d'imputer à telles gens aucun delict ou mesfait, *l. infans D. ad l. Cor. de sic. Voire & eussent-ils commis ce que les coupables de lese maiesté cōmettent l. sumosi D. ad l. Iul. maiest.* Pourquoy cela? pourautant qu'ils n'ont aucun iugemēt, c'est à dire qu'ils n'ot aucun telle volōté, à laquelle on a esgard, & laquelle on punit es empoisonnemens *l. qui iniuria l. f. l. veram est D. de furt.* Et pour ceste cause encores que nos sorcieres peussent faire ce que lon pèse qu'elles font, & encores qu'elles fissent ce que lon dit qu'elles peuuent faire, si est-ce qu'elles ne pourroyent pas estre d'auantage punies que sont les furieux, les fols & les enfans, Car elles ne sōt pas moins destituees de ceste volōté de meffaire, laquelle merite punition es empoisonnemens seulemēt, par les loix susdites, & *l. si seruus §. Et si puerum D. ad l. aquil. l. Si quis t. stamentū in fine D. de iur.* Car en cest endroit ceste reigle deuroit auoir lieu.

TOUTESFOIS pour autant qu'il faut auoir tousiours esgard au commencement de chasque chose, cōme il est escrit *l. Pomponius D. de reg. gest. & causa* lon nous pourra obiecter ici, & demander la premiere cause de celle volōté interessée ou de ceste folie. Car encores  
qu'il

Bal d. in l.  
1. col. 5. de  
fac. eccl.



qu'il semble qu'elle auienne par necessité, si est-ce que le commencement est procedé de la volonté, pourau- tant que ayans delaisé Dieu elles ont contracté avec le diable, lequel elles ont suyui, & se sont destournées du chemin de la religion Catholique: ce qui est non seu- lement heretique *l. 2. in fine C. de heret. & Manich.* mais aussi Apostatique. *l. 3. in princ. C. de Apost.* Bref il y a tous- iours es delits vne obligation naturelle par le taifible consentement du deliquant: car en mesfaisant il sem- ble que de fait il consente à la punition qui s'en doit ensuyure, & que mesmes il s'oblige à icelle, *gloss. in l. 1. § fin. D. de postul & in l. si seruus D. qui not. in fin. l. Impp. De iure fisci vers. tu huic pœne te subdidisti.* Et certainement l'on ne fauroit imputer autre coulpe à ces pauvres miserables ni autres plus iustes causes de les punir: aussi n'y en a- il point d'autre assignee par Grilland, ou par Molitor, ou par les autres Iuriconsultes. Or ie pourrois monstrier par vne infinité de raisons que ce contract ou alliance qu'elles font est nul, & qu'ainsi il ne peut rien faire en l'vne des deux parties: tellement que la reigle ne fait rien contre, par laquelle il est dit qu'il faut auoir esgard au commencement & à la cause de chascun contract, *l. Si procurator, in princ. ff. Mandati l. 1. §. Non solum de pos. l. Si ta- men ad Maced.* Ce qui est au regard des personnes: car en- tre celles qui n'ont aucune communication ensemble, il n'y peut auoir aucun droit, ni naturellement aucun contract. Et quant aux choses, la raison y est manifeste: car il n'y peut aucunement auoir obligation es choses, *L. non fait de act. &* lesquelles ne peuuent estre monstrees ne faites natu- rellement ni de droit. Autant en peut on dire au regard *oblig.* de la condition adioustee au compromis ou au concor- dat: car elle n'est pas en la puissance des compromet- tans, ni tellement posée que naturellement elle se puis- se faire. Autât aussi s'en peut-il dire au regard de la for- *L. cum hi. §. si prator* me & essence laquelle donne l'estre à la chose, & l'o- *D. de tr. i.* mission de laquelle empesche l'action. Et quant à la dissension, la raison est en ce que le diable pense tous- iours d'autrui tout autrement que ne fait pas l'homme, bref tout ce contract & tout ce qui s'en ensuit est sim- plement imaginaire & phantastique. Or ne pouuons



nous tirer la verité par tesmoins veritables, certains & oculaires, des choses qui se font seulement en l'esprit.  
*l. i. de he. inst. l. 4. §. fin. de act. empt. l. fin. de col. bon. l. i. §. l. fin. D. pro soc.* Parquoy nous ne pouuons conceuoir par experience & par effet la conoissance de ce compromis & de ceste pactiō. Car il n'y a nulle qualite es choses lesquelles n'aparoissent & ne sont point *l. eius qui in provincia infra. D. si cer-*

A v reste, dautant que ceste chose a esté non seulement assez declaree en nostre troisieme liure, mais aussi pour ce que nous auons monstré que ces pauures vieilles, souuêtesfois nommees sorcieres, sont tombees temerairement en ceste incredulité, estans circonuenues par dol & fraude, contraintes par force, poussees par crainte, induites par erreur, & deceuës par ignorance: certainement on ne pourra obiecter à ces pauures miserables ce qui est contenu en tels contracts, asauoir que les choses qui du commencement sont volontaires

*L. in cōmo dato §. si. & obli. cut. D. cōmodati. l. si quis argē. cum empt. C. de dona.* sont faites par apres ne cessaires en effect, *l. sicut C. de act. & obli.* Aussi ne leur pourra-on obiecter, comme en l'heresie que le delict est seulemēt cōpris en la seule volenté & en l'esprit, *c. ex communicamus §. Credentes. de heret. Balin l. si quis non dicam. C. de episco. & cler.* Et les autres docteurs aussi. Car là où il n'y a point de contract, il n'y a point aussi de commencement de contract. Et là où il y a dol, contrainte, crainte, erreur, & ignorance, là il n'y a point de volenté, comme i'ay dit ci deuant, & n'y peut auoir aucū consentemēt. Par cōsequent il n'y peut auoir aucun soupçon d'heresie, ni d'autre delict dependant du seul esprit, ni mesmes aucune punition: car toutes ces choses sont contraires à la volenté & au consentement asauoir en premier lieu le dol & la contrainte *l. Et eleganter D. de dolo. l. in causa §. i. de minor. l. 4. de reg. iuris. l. i. quod metus causa ibi: Propter necessitatem contrariam voluntati.* Car La-

*Apo. 12. 1. Pet. 5. Chrysost. super Mat. lib. 1.* beo donne vne telle definition de dol, disant que c'est vne finesse, fallace, & machination pour circonuenir, tromper & deceuoir autrui. *1. §. i. D. de dolo.* Mais que peut il auenir aux sorcieres, simples de leur nature, plus grief & de plus grande efficace avec ces trois choses sūdites, que la tentation du diable? Auquel, comme nous auons dit au premier liure, la volenté ne défaut point pour seduire tout le monde, ni aussi la diligence, comme ce-



me celui qui n'a autre chose à faire, ni les ruses & fines-  
 ses pour circonuenir, tromper & deceuoir non seule-  
 ment vne femme, mais aussi le plus constant & plus  
 prudent homme que lon sauroit rencôtrer 3. *sentent. dist* *Genes. 3.*  
 19. q. 3. num. 23. *verba sancti Bonauenture.* Or les canons & *26. q. epis.*  
 nostre troisieme liure, monstrent que le diable par ces *Lib. de di-*  
 moyens seduit les femmes & gaigne leur esprit: & ce en *ui. demo. 3*  
 partie interieurement, lors qu'il leur propose des cho- *et 5. De*  
 ses mauuaises pour des bonnes, & des bonnes pour des *spirit. et*  
 mauuaises: & les leur persuade par des esmerueillables *ani. c. 28.*  
 & inuisibles moyens, comme dit saint Augustin, lors *36. q. 4. c.*  
 qu'ils passent la substance de leurs corps, lesquels ne *sciendum.*  
 sentent point les corps de ces miserables, & lors qu'ils *Ad Sim-*  
 se messent parmi leur pensee: & en partie aussi exterieu *pli. libr. 2.*  
 rement lors qu'il se transforme en ange de lumiere, & *quest. 3. d.*  
 leur fait acroire qu'il est Dieu par le moyen du caute- *c. episcopi.*  
 leux ourage des images & representations qu'il doit *2. Cor. II.*  
 faire paroistre, comme dit le mesme saint Augustin.  
 Parquoy tout ainsi, dit Grilland, qu'il auient souuentes- *Au trai-*  
 fois qu'un homme induit vn autre par fraude à faire ce *té des sorc.*  
 que iamais il ne voudroit penser, aussi n'est-ce point *q. 5. nob. 5.*  
 vne chose esmerueillable si vne femme pudique tom-  
 be quelquesfois, par les tentations des diables, en telle  
 impudicité laquelle autrement elle abhorre? Car ils  
 luy representent en dehors & luy fournissent au dedans  
 tous les amorcemens & allechemens qu'ils peuuent,  
 comme nous auons monsté en nostre premier liure.

VENONS maintenant à la contrainte, qui est vne *La con-*  
 impetuosité d'une plus grâde chose, laquelle ne se peut *trainte*  
 euitier *l. 2. d. quod metus causa.* Mais qui a-il plus violét que  
 l'impetuosité du diable, par laquelle il afflige l'ame d'ex-  
 cez soudains & extraordinaires, comme dit Tertullian:  
 il dompte tellement en premier lieu ces pauvres fem-  
 melettes & les meine captiues comme tesmoigne le  
 Concile d'Ancyre: & saint Augustin aussi, que mes- *d. q. 26. de*  
 mes elles croient à ce qui n'est point & ne peut estre. *la Cité de*  
 Puis il assiege tellement le corps qu'il fait incontinent *Dieu li. 2.*  
 des mouuemens contre la nature du corps: puis il sei- *chap. 10.*  
 gneurie leurs langues si bien, qu'elles ne peuuent parler  
 sinon quand bon luy semble, ni proferer que ce qu'il  
 veut. Et ce qui le fait plus apte & idoine à blesser l'y-



ne & l'autre substance de l'homme, est sa subtilité & teneur, & qu'il a de grandes vertus spirituellement, auxquelles nous devons auoir plus d'esgard en ceste question, d'autant qu'ils sont plustost inuisibles & insensibles en effect, qu'ils n'aparissent pas en l'action, comme dit le mesme Tertullian en son Apologetique contre les gentils, chapitre 22. Parquoy tout ce que commettent ces femmes, soit en esprit, soit par l'aide du corps, ou soit par la langue, ne procede pas de leur

*L. 1. §. filii de iniuriis l. cū donationis. C. de transact.* faute & n'auient pas selon leur vouloir. Car premiere-  
ment, à qui est-ce que lon fait force & iniure de son propre consentement? Puis, qui est-ce qui peut resister à la force? *Lex conducto §. 1. v. Seruius D. Lit.* Dauantage par quel empeschement pourroit tant faire vn homme que dommage ne soit fait à autrui contre tout droit *l. Sed de damno D. tit. l. si ea de act. empti.*

*La crainte* LE troisieme estoit la crainte, laquelle n'est autre chose qu'un tremblement de l'esprit, suruenant à raison d'un peril present ou futur. *l. 1. D. quod metus.* Or nous auons monstté au second liure toutes les choses par lesquelles la crainte suruiet à bon droit, voire à l'homme le plus constant *l. 6. D. tit. sauoir est par les perils, par le tourment du corps, par la mort violente ou naturelle l. interpositam de transact.* Et qu'en partie le diable menace & attente contre ces miserables vieilles: & en partie leur a pris & captiue l'esprit, comme escrit Tertullian: il les eltonne si bien de terreur effroyable, que leur faisant acroire qu'il a la puissance de faire toute chose, il les contraint facilement de penser qu'elles peuuent faire & endurer toutes choses. Car par la presence mauuaise par laquelle il les tourmente & trauaille, il leur fait acroire qu'il esmeut des pauuretez, des haines entre les hommes, des calamitez: ou bien il le fait ainsi par la permission de Dieu: ou il l'imprime tellement en leurs esprits trompez, que encores qu'elles n'endurent rien de ces choses, toutesfois elles se plaignent comme si elles enduroyent: si bien que se vantant de pouuoir oster ces maux, ou bien leur donnant esperance de meilleur succes il tire à force la foy & l'obeissance de ces miserables. Voila la crainte de laquelle il les trauaille. *l. Metum autem d. tit.* Car tous ceux que le diable dompte, il les dompte par fischerie, comme tesmoigne saint Chry-



sofisme, au liure 3. de la prouidence. Et la crainte est vne tristesse, d'autant qu'un chacun esgalement craint le mal, s'il est eminent, de peur qu'il n'auienne, & en prend tristesse, s'il est present, & qu'il face douleur. Car ce qui blesse & fait douleur, est contraire à la nature & à la volonté. Et tout ce qui est fait à l'occasion d'une chose non volontaire est nommé, & est de soy-mesme non volontaire *l. qui leuanda D. ad l. Rhod.* De là vient que nous ne voulons pas imputer à la parfaite volonté des forcieres, la temeraire credulité.

Il reste maintenant à parler de l'erreur & de l'igno<sup>l'Erreur.</sup>rance. Or est-il tout manifeste qu'il n'y a aucune volonté en celuy qui erre, & que celuy qui est ignorant n'a aucun consentement *l. si per errorem de iurisd. omnium ind. l. sed hoc D. de public. & rect.* Mesmes il est semblable à vn qui est contraint *l. qui potest §. 1. de reg. iur.* Et aussi à vn furieux *D. si cert. per.* auquel on doit pardonner en toutes choses, comme nous auons dit ci deuant. Or l'erreur de l'esprit & l'aueuglement de la volonté depend en nos forcieres de leur maladie naturelle, les effects de laquelle doyuent estre suportez patiemment. *l. in summa §. apud De aqua plu. arc.* Car nous auons môstré au troisieme liu. aussi a fait Alciat ci dessus en vn ch. singulier, qu'elles sont toutes tellement trauaillees de maladies melancholiques, qu'elles ne peuuent comprendre ni iuger droitement d'aucune chose, & encores moins en faire election, d'autant que l'election ensuit la volonté, ce qui descouure du tout le franc arbitre. *l. fidei commiss. §. quanquam de leg. 3.* Et ce mal qu'elles endurent est beaucoup plus grâd que n'est pas la fureur d'amour, laquelle toutesfois est plus grande que toute autre, comme il est escrit en *l'authen. quid. mod. off. leg. §. Illud quoque.* Et par consequent il doit estre moins puni. Secondement elles tombent en vn tel trouble de leur esprit par les tromperies du diable, dont nous auons dit leurs esprits estre possédez, qu'elles ne sauent ce qu'elles font. Elles ont aussi les yeux tellement troublez qu'elles voyent & pensent voir ce qui n'est point: & mesmes elles sont ignorantes, non seulement du fait d'autrui, mais aussi du leur propre: ce qui est esmerueillable, comme il est probable & est tres certain.



dont ie suis d'auis que lon doit presumer dauantage & excuser l'ignorance qu'elles ont du droit diuin. Car si elles ont le sens qui est commun à tous animaux, corrompu: si elles ont la fantasie & l'aprehension de prauice: si par les trôperies du diable tant interieures qu'exterieures, il leur auient qu'elles ne sauent ce qu'elles font & ce qu'il semble qu'elles veulent: par quel moyen entendront elles quelle est ceste chose à laquelle elles consentent? ou bien comment pourront-elles discerner si elles le doyuent faire ou non? Et encores qu'une telle maladie de la raison n'y entreuienne, ni autant de fraudes que le diable en fournit: si est-ce qu'il auient quelquesfois par la negligence de l'interpretation du droit & de la parole de Dieu: & par la faute de ceux auxquels la charge en appartient, qu'elles tombent en ceste credulité temeraire, quelquefois par l'infirmité de leur aage, & tousiours par l'imprudence & imbecillité de leur sexe. Or nous auons monstré ci deuant que tousiours on doit pardonner & donner faueur à ce sexe imprudent & imbecile, outre ce que lon doit subuenir en general à ceux qui sont deceus & trompez, *l. c. primo §. verba ad Vell. & impotentib. l. Non enim D. Ex quib. causa maior.*

IE pense donc qu'il apert maintenant assez: que par aucun moyen le delict ne peut tomber en l'esprit de ces femmes, lequel de soy est en la seule pensée & volonté. Et aussi que ce n'est pas vne mesme raison que de leur soy & de celles des heretiques & Apostats: car nous auons monstré par cy deuant que le schisme & la volonté opiniastre fait l'heretique tout ainsi comme la volontaire malice de l'esprit fait l'apostat. Aussi tout ce que nous auons dit sommairement par cy deuant retombe à ce point, à sauoir que ces femmes endurent plustost en leur esprit qu'elles ne font les choses que Grilland & Molitor disent qu'elles commettent en l'esprit & font de volonté, car rien n'agist contre soy-mesme *l. ille a quo §. Tempestiuum. D. ad Trebell.* Or n'y a il rien plus diferent que l'agent & patient *l. Vranus D. de fideiuss. argumento. l. prator de tut. & cur.* Parquoy on doit plustost auoir pitié d'elles que de les punir, & les doit-on plustost soulager de l'aide que de droit & selon que la raison le presume,

au 3. li. c. 5  
 & 6. Gran  
 ce 6. ch. 20



on a acoustumé de donner aide à ceux qui endurent fraude, violence, crainte, & aux furieux, aux trompez & de ceus aux ignoras & impuissans. Dauantage la peine ne doit estre adioustee à la peine: ni l'affliction donnée à l'affligé, *l'Vanis D. ad l. Rhod. de iact.* Et certainement c'est la raison naturelle, par laquelle on ne doit punir ni les furieux, ni frenetiques, pour quelque meffaiet qu'ils facent, pour autant qu'ils sont assez tourmentez & punis par leur fureur & calamité *l. Dinius D. de off. pres. l. pena, §. sanè, D. ad l. Pomp. de part.* Parquoy tout ainsi que l'infelicité les excuse assez, ainsi doit elle excuser celles desquelles nous parlons. Car elles sont destituees d'esprit de force & de raison, & n'ont aucun consentement ni de l'esprit, ni de la volonté, comme nous auons assez monstré ci dessus *l. 2. c. de contrahend. emptis.* Or est-il ainsi que nul delict ne peut estre commis sans consentement & sans deliberation *l. i. ff. si quadrupes pauperi. sec. dic.* Nulle iniure aussi ne peut estre faite sans l'enuie d'iniurier. *Illud §. sanè D. de iniur.* Parquoy ils ne peuuent estre aucunemēt punis pour delict, ni mesmes les canōs ne les punissent d'irregularité *Clem. vn. de homicid.* ni les loix de leurs punitions. *l. infans. ff. ad l. Cornel. de sic.* On ne les enferme aussi dedans le sac à raison de leur parricide *d. leg. pena §. fin.* Ils ne sont aucune iniure, mais ils endurent *d. §. sanè.* Ils ne sont aucunement tenus à la loy Aquilienne, pour auoir fait dōmage *l. Sed etsi quemcumque §. igitur iniuriam ff. ad l. aquil.* Les loix ne proposent à leurs faiets ni recōpense ni punitiō: mais elles les estiment comme chose fortuite, ausquelles on ne doit auoir regard, ni à la deliberation de l'homme, ni à l'action, ni à la conscience *l. in fin. ff. de administ. tut.* Mais nous n'auons que trop monstré que ceux desquels nous parlons, n'ont ni esprit, ni volonté ni raison, ni consentement, ni deliberation, ni conseil, & que mesmes ils en sont du tout destituez, Que font-ils donc de plus grief que les furieux, les phrenetiques, & ceux qui dorment, ausquels on les compare? *c. maiores §. fin. ext. de baptis.* Et certainement les actions ou plus tost les passions de ces pauvres femmes ne sont pas dissemblables à celles de ceux qui dorment, lesquelles sont deduites par *Bartol. in l. ext. vim. ff. de iust. & iure.* & par le



Cardinal Zabari. in .d. Clem. vn. de ceux lesquels se leuans de nuict commettent homicides. Et toutesfois ce grand docteur en loix excuse telles fautes comme procedantes de l'action d'un homme qui n'a ni sens ni volonté. D d. l. pena. ff. ad l. Pom. de parric. comme elles auoyent esté commises par des furieux & par des fols l. fluminum §. vitium ff. de dam. infect. l. qui occidit. ff. ad l. Aquil. Pourquoy est-ce doncques que les nostres, desquelles il y a vne mesme raison, pechent dauantage que ceux ci que lon dit ne pecher point? Gl. in c. testamentum. 6. d. st. Pourquoy est-ce que lon s'arreste plustost à leur confession qu'à celle des furieux, ausquels elles ne sont pas non seulement semblables en calamité, mais aussi superieures? Et toutesfois, comme nous auons monstre, leur confession est nulle. L. in negotiis D. de reg. iur. l. 2. §. fario si. D. de iur. codicil. c. fin. ext. de succ. ab intest.

Si ce n'est que lon me repliche que selon le demerite de leurs volonteiz elles sont liurees par vn iugemēt de Dieu pour estre deceuēs & trompees par les anges preuaricateurs, deceueurs & trompeurs, comme dit S. Aug. li. 2. de pecc. mort. & reuiss. c. 33. *Aug. au li. 2. de la doctrine Chrestienne chap. 23.* Or ie confesse en general, que le demerite des homes presupose la iustice de Dieu, toutesfois pour diuerfes raisons: car les afflictions sont des cōbats & exercices aux saincts apres la remission de leurs pechez, par lesquels ils sont prouuez. Et au contraire, elles sont punition sans remission, & pleines d'impietē aux meschans: parquoy non seulement les meschans sont affligez en corps & en ame. mais aussi les bons, lesquels Dieu aime. Aussi ne doit-on presumer quand quelqu'un est affligē de la verge de Dieu, qe ce soit pour vn meffait, lequel doit estre puni par les hommes. Car s'il estoit ainsi, nous dirions que les demoniaques deuroient estre punis par plus grieve peine des Magistrats. Toutesfois Dieu mōstre bien qu'il veut qu'on luy en laisse la punition, dautant que luy mesme les punit & exerce. Et ce qu'il veut estre puni par le Magistrat, luy mesme le descouure & luy laisse, les œures duquel sont misericorde & iugement. Car cōme ainsi soit que nous puissions pecher par trois moyens, le premier d'iceux comprend tout mouuement & conception interieure en l'intelligence & es



& es affections, encores que la volonté ni consente. Le second auient toutesfois & quantes que la volonté s'accorde avec les mouuemens & affections. Le troisieme, alors que nous taschons d'executer par effect ce que nous pensons & ce que nous voulös. Comme ainsi soit, di-ie, le Magistrat ne passe outre pour punir l'esprit ou la volonté, si ce n'est qu'elle ait sorti effect, ou qu'il luy en aparaisse. Mais Dieu chastie ces choses secrettes, asauoir l'esprit & la pensee. Car vn vn seul Dieu les conoit. *in Clem. cxiui. §. quamuis. de verbo. sign.* D'autant que Dieu est scrutateur des cœurs & des choses, & veut estre aimé de nous de toute nostre intelligence, de toute nostre ame, & de tout nostre cœur. Et nous de nostre part nous prouons quel est nostre esprit par la presumption que lon en peut auoir par nos paroles & par nos faits. Car aussi n'y a-il autres indices de nostre esprit. *L. 15. quis §. diuus. C. de tut. & cur. dat. L. Labeo. C. de sup. leg. L. reprehendenda. C. de instit. & subst.* Ainsi le iuge ne peut punir ni la volonté ni la sorcellerie, si ce n'est qu'il considere auparauant & qu'il ait le fait lequel il mesure en son esprit. *Alber. in l. aut facta. vers. qualitate. de pœni.* Bref, il n'y a seulement que les choses exterieures qui sont punies entre les hommes: par lesquelles les choses interieures aparoissent. *l. si. infra. C. de fidei. & passim. D d.*

M A I S il ne nous faut pas aussi laisser derriere qu'encores qu'elles endurent ceste force & crainte, à raison de leur faute precedente, toutes-fois elles ne peuvent faire ce que nous voyons ces miserables endurer. Et ne doyuent estre punies de ce qu'elles ne le sont point de leur volonté, ou par iugement de leur esprit, mais seulement à raison de leur faute precedente, *l. nec timorem. D. quod metus causa.* Et qu'il soit ainsi, on les deueroit plustost secourir en ce que le diable ne peut les chastier d'aucune de ces choses comme le Magistrat. *L. 3. de tit. vers.* Car les saincts Peres assemblez au Concile 26. q. 5, c. d'Ancyre ont requis l'office des prestres contre les *Episcopi.* tromperies du diable, à ce qu'ils eussent à prouuer que tout ce qu'ils persuadent à ces miserables, est plein de *Coloss. 3.* vanité. Ils ont aussi requis l'aide de tous Chrestiens,



*Ephes. 9.* à ce qu'ils s'entreadmonnestassent des fraudes, puissances & profonditez de tel ennemy, ainsi sont elles nom-  
*1. Timo. 2.* mées en l'Apocalypse chapitre deuxieme. Contre ce-  
*Mat. 18.* ste force & contrainte nous auons premierement l'ar-  
*Iaq. 5.* mure complete, laquelle nous auons descrite ci dessus  
*Eccles. 35.* au cinquieme liu. chapitre 18. puis nous auons les prie-  
 res tât publiques que particulieres, par lesquelles Dieu  
 nous assure qu'il est esmeu à nous bien vouloir. Car  
 l'oraison du iuste est d'efficace, & la priere de l'humble  
 passe outre les cieux. Nous auons l'art des medecins cõ-  
 tre la maladie, lesquels apres auoir oinct les affigez,  
 c'est à dire, apres auoir appliqué les choses qui y sont  
*De Nat.* commodés, les remettent en la garde de Dieu, comme  
*& grat.* nous commande S. Augustin l'oraison de foy sauvera  
*li. 26.* le malade. Tel est le conseil de S. Iaques. Le diligent ad-  
*Iaq. 5.* monestement contre la crainte par la tolerance &  
 constance, est de resister au diable: ainsi que nous auons  
 ordonné au cinquieme liure chapitre 26. Il faudra con-  
 tre, l'erreur prescher la parole, poursuyure en temps &  
 hors temps, corriger avec toute douceur & doctrine. Il  
 faudra tousiours prier Dieu, qu'il luy plaise leur ouurir  
 l'esprit lors qu'elles vont en Emaus, c'est à dire, lors  
 qu'elles tombent en erreur d'esprit & de iugement. Et  
 quant à l'ignorance, ce sera l'office du magistrat de re-  
 ueiller l'endormissement des pasteurs des Eglises: que  
 d'autant que ces ouailles sont debiles & mal aduisees à  
 raison de leur aage radoté & sexe feminin, d'autant  
 ayent ils à se mieux garder des loups & plus diligem-  
 ment, & qu'ils les instruisent à se donner garde des em-  
 busches d'iceux. Voila les moyens par lesquels on les  
 doit remettre en bon estat.

Or encore que l'assiduele tentation des fineses spi-  
 rituelles, la iuste & raisonnable crainte, l'ineuitable im-  
 petuosité d'un tel aduersaire, & le grand vice tant de  
 leur corps que de l'esprit, ne descharge ces pauvres mi-  
 serables de toute faute de la volonté: encores que ie  
 confessasse qu'elles fussent conuaincues du vice d'here-  
 sie ou d'apostasie, si est-ce que la seule infirmité de l'a-  
 ge ou la simplicité de leur sexe le seroit, ou pour le  
 moins leur diminueroit les punitions. Car ainsi iuge  
 lon de tout crime & de la volonté du deliquant en quel  
 que cri-



que crime que ce soit, pour distinguer s'il peche ou par ignorance, ou imprudemment, ou par simplicité: ou bien par fraude ou malice, ou par opiniastrété: à celle fin que ces choses estans bien considerees, le iuge selon le deu de son office, puisse temperer les punitions. *l. Respiciendum m. l. aut facta. D. de pæn. l. quid erg. de his qui not. infam. D D. in l. l. §. Dinus. l. in lege. Corn. D. ad l. Corn. du fucar. l. pæn. D. ad l. Pomp. de parr. Et celles desquelles nous plaidons la cause, sont ordinairement en tel degré de vieillesse, & ont atteint ceste partie, laquelle est apellee decrepite. Et est telle. *l. 3. §. ignoscitur. D. ad Syllon. & c. ult. dist. 80. & c.* Et est de soy-mesme vne maladie, comme dit Menandre, ordinairement conioincte & naturellemēt avec vne folie d'esprit & diminution de iugement. Parquoy on retire ceux qui sont en tel aage, du gouuernement de la chose publique: toutesfois on les honore *tit. C. qui se extat. excu. l. Maiores. l. Semper. in prin. de iur. innum l. Non tamen in princi. de mun. & honor.* Ils meritent es crimes relasche de peine & pardon, d'autant que c'est la raison que ce qui les contraint, les deliure aussi de tout soupçon de coulpe. *d. §. ignoscitur.* Et les sauue des tourmens. *Bart. in d. l. & in l. de minor, in princ. de quest. Angel. in tractatu malefic. gl. fama publ. que ro que. Hippol. in l. edictum, 3. col. de quest.* Or nos vieilles non seulement deuiennent folles, comme les hommes, lors qu'ils sont au second & dernier degré de vieillesse: mais aussi d'autant qu'elles sont femmes, elles retombent dauantage en enfance: ou certainement elles n'y sont pas moins au premier degré que sont les hommes au second & dernier. Premièrement donc à peine se fait-il qu'en l'esprit & en la volonté elles commettent crime d'auantage que les petis enfans, lesquels sont destituez de tout iugement d'esprit En outre, encores que le dechet de l'aage ne leur donne tant de faueur & tant d'excuse comme il fait aux enfans si est-ce qu'elles ne doyuent pas estre punies en la maniere que lon à acoustumé de punir les plus meschans.*

Et quant au sexe, auquel nous auons dict, au tiers liure, y auoir vne grande simplicité & inconstance: il n'y a point de doute que l'homme n'y peche dauantage que la femme. *l. in multis. de stat. hom. 32. quest. 6. c. indignatur, & c. seq. c. forus. de verb. sig.* Parquoy elles ne meritent pas



d'estre punies si griueusement cōme es adulteres, & cōme l'homme sacrilege est puni. *l. quammis adulterij. C. ad l. Iul. de adult.* La femme ayāt esté chaltiee doit estre baillee aux femmes pour estre emprisonnee, ou bien elle est condānee en vn monastere pour deux ans. *Extrauag. de test. c. R. i nurius. & aut. sed hodie que est. C. de off. civil. iud. & non. vt nulli indi §. Adulterum vero §. Necessarium. Aut. sed nouo iure. que est. l. quammis. C. ad l. Iul. de adult.* Mais aussi elle est moins punie en crime de lese maiesté, car on aide tousiours à la simplicité & ignorance. *l. 3. de iur. & iuris ignorantia. C. qui admitit. D d. & Bartol. in l. Si quis id quod. d. iurisdiction. omnium iudic.* Ils monstrent bien au long comment la presumption de dol cesse à raison de l'aage & du sexe féminin encores qu'elles errent en droict ciuil. *Alexan. cons. 103. vol. 1. Cepol. consil. 21. col. 6. & consil. 24. Bald. in l. Error. C. de iur. & fact. ignor.*

Et rien ne sert de dire contre les faueurs de l'aage & du sexe, qu'il est premierement beaucoup plus griet d'offencer la Maiesté eternelle que l'humaine & temporelle. *Lhi qui sanctam. C. d. her. Aut. gaz. tros. cap. ubique de pen.* Secondement que pour ceite cause on ne doit auoir aucun esgard au sexe ou à l'aage, en matiere d'heresie. *D D. in l. quisquis. c. ad leg. Iul. maiest. Canonista. in capit. v. gentis. de her. in antiq. & cap. cum secundum leges. eodem titu. lib. 6.* Tiercemēt que par especial on les exempte aux crimes d'empoisonnemēs & de sorceries. *l. & si excepta. C. de maleficiis & mathematicis.* Car en ces cas ils doyuent estre punis sans exception comme a notté Hippol. *in lege edictum. tertia colum. Digest. de quast.* Et pour respondre à ce dernier poinct, ie ne suis pas l'aduocat des Magiciens & des empoisonneurs: mais des pauvres forcieres trōpees, lesquelles au commencement de mon tiers liure l'ay declaré estre toutes autres que les magiciens infames & empoisonneurs. Je respon premierement à l'autre poinct, que ces textes alleguez limitent seulement vne speciale prerogatiue du sexe, & de l'aage, en ce qui concerne la torture, comme au crime de leze Maiesté. *l. quisquis. C. ad leg. Iul. maiest.* Et non pas en ce qui concerne la cause des crimes. Car ceci demeure tousiours, que celuy ne peut faire mal, lequel n'a point de iugement d'esprit. Secondement ie respons qu'il



qu'il y a vne assez grande difference entre les sorcieres & les heretiques: ce que nous auons mōstré en vn chapitre fait particulierement pour cela. Dauantage, ie dis avec Oldrade que selon la loy *in his que formaliter*, & selon les loix & Canons, elles ne sont point heretiques, & encores qu'elles resistent ie ne say quoy d heresie, si ne faut-il denigrer, pour la cause que nous auons dite, à la simplicité & fragilité des femmes. *L. 1. C. de iur. & fact. ign. l. ult. §. fin. de iure de lib. l. pen. de his que sibi ascrib.* Et ce poinct aussi, encores qu'elles errent en vn article de la foy, comme les idiots & villageois & rustiques: car il suffit qu'elles ayent vne foy, cōme on dit, simplicité ou enuelopee, & qu'elles ne defendēt point leur erreur avec opiniaistreté & contumace, *Bald. in l. error. C. de iur. & fact. ign.* Par ce moyen doncques la premiere obiection est refutée. Et encores que ie ne vueille aller au cōtraire que ce ne soit vne chose plus griefue de pecher contre la maiesté Diuine, si faut-il sauoir que plus facilement & plus aisément les hōmes tombent en cest erreur. Car ceste eternelle, infinie & spirituelle maiesté & volonté est incomprehensible, & est fort esloignee de nos sens. Parquoy nous qui sommes cōme enorcelez es choses terrestres, sommes faits incontinent taulpes es choses spirituelles qui apartiennēt à Dieu, ne plus ne moins que ceux qui voyent en terre les choses qui se peuuent conoistre par le sens de la veuë, pensans auoir les yeux fort bons & aigus: mais s'ils regardent le Soleil ils aperçoient incontinent que toute ceste bonté de la veuë n'est qu'une tenebre extreme au regard de ceste grande splendeur. Pour deux raisons doncques les hommes peuuent plus facilement pecher es choses spirituelles: premierelement à raison de la nature des choses diuines, laquelle est superieure & par dessus toute pensée humaine, puis tant à raison de l'aucuglement de nostre intelligence que par la deprauation de nostre volonté. Parquoy si quelqu'un fait faute & erre en ceste partie, la punition en doit estre plus douce & le pardon plus iuste: encores plus si c'est vne femme, & dauantage si vne vieille radotée fait faute.



*Determination faite à Paris par la faculté de Theologie, l'année mil trois cens nonante huiet, touchant certaines superstitions suruenues de nouveau.*

## CHAP. XXVIII.



TOVS zelateurs de la foy Catholique, le chancelier de l'Eglise de Paris, & la faculté de Theologie en l'vniuersité de Paris nostre mere, esperâce au Seigneur avec entier honneur à son seruice, mespris de vanitez & de resueries mensongeres. Vne vilaine puantise sortie de nouueau hors des cachettes anciennes nous a ramentu que souuentefois la verité Catholique manifeste aux studieux es meschantes escritures est cachee aux autres: dautant que toute science a cela de propre qu'elle est conue de ceux qui l'exercent, tellement que de là s'ensuit ceste maxime. Qu'il faut croire celui qui se mesle d'un mestier quand il est question de resoudre quelque different suruenu sur les affaires de ce mestier. De là est venu ce que dit Horace, & rametu par S. Ierosime escriuant à Paulin, Que les medecins promettent ce qui est de leur art, & les forgerons s'entremettent de forger. Il y a dauantage cela despecial es saintes lettres qu'elles ne dependent point de l'experience ni des sens comme les autres sciences & ne peuvent estre aisément descouuertes par les yeux voilez d'un nuage de vices, car leur propre malice les a auenglez. Et l'Apostre dit que l'auarice en a fait reuolter plusieurs de la foy: à cause de cela elle est à bon droit appelée idolatrie par luy mesme. Il y en a d'autres, qui à cause de leur ingratitude, ayans conu Dieu ne l'ayans point glorifié comme Dieu, sont tombez en toute impieté, ce dit le mesme Apostre. La vilaine conuoitise a rendu Salomon idolatre & Didon magicienne. Finalement les autres ont esté poussez par vne miserable crainte, ne faisant autre chose que dependre du lendemain, en des obseruations superstitieuses & meschantes, comme il apert en Lucain touchant le fils de Pompee le grand, & es histoires, de plusieurs autres. Par ainsi il auient que le pecheur reculant de Dieu se destourne  
apres



apres des vanitez & resueries mensongerres, tellement qu'en fin tout couuertement & effrontément il se reuolte, & prend parti avec le pere de mensonge. Ainsi Saül abandonné du Seigneur, demanda conseil à la deuineresse, laquelle auparauant il auoit en detestation. Ainsi Ocholias au mespris du vray & seul Dieu d'Israel enuoya demander conseil au dieu d'Accaron. Conclusion il faut que le diable degoyue par ces illusions, tous ceux qui n'ont la conoissance du vray Dieu.

Ainsi donc conoissans, que ceste meschâceté, perilleuse & mortelle abomination de resueries mensongerres avec ses heresies s'est glissée plus auant de nostre temps qu'elle n'auoit fait : & craignans que ce monstre d'horrible impieté & contagion pernicieuse n'infecte le Royaume Chrestien qui iadis n'a point nourri de monstres & n'en aura point ci apres, Dieu aidant : à quoy nous desirons aussi obuier de tout nostre pouuoir ayans souuenance de nostre profession, & enflammez du zeile de la loy, auôs delibéré de remarquer sur ce propos quelques articles censurer & condamner, de peur que les ignorans n'y soyent trompez ci apres. Surquoy il nous souuient entre autres choses de ce que le tres sage docteur S. Augustin dit touchant les superstitieuses obseruations: Que ceux qui adioustent foy à telles gens, ou qui vont en leurs maisons, ou qui les apellent & interroguent es leurs doyuent sauoir qu'ils ont preuariqué contre la foy Chrestienne & contre le Baptisme, & sont tombez au crime des Payens, & Apostats, & ont encouru l'ire de Dieu, s'ils ne se reconcilient à Dieu par confession de leur faute deuant toute l'Eglise. Toutesfois nostre intention n'est pas de deroger en rien aux licites & vrayes doctrines, sciences & arts : mais nous voulons procurer, autant qu'il nous est possible, d'extirper les furieux & sacrileges erreurs & les maudites ceremonies des insensez, entant qu'ils blessent, souillent & infectent la foy Catholique & religion Chrestienne. Item nous voulons que la verité soit honoree & demeure en son entier.

I. Or le premier article de ces malheureux porte que d'acquérir des familiaritez & amitez, & l'aide des diables par les arts magiques malefices & maudites in-



uocations, n'est point idolatrie. *Erreur.* Car le diable est tenu pour aduersaire, obstiné & perpetuel ennemi de Dieu & de l'homme, & n'est capable veritablement, ni par participation, ou par aptitude, d'auoir honneur & domination diuine, comme les autres creatures raisonnables qui ne sont point damnees: & Dieu n'est point adoré es signes establis à plaisir, comme sont les images & les temples.

2. Le second article porte, que donner, ou offrir, ou promettre quelque chose aux diables, afin qu'ils accomplissent le desir d'une personne: ou porter ou baiser quelque chose en l'honneur d'eux, n'est point en idolatrie. *Erreur.*

3. Que faire alliance raisible ou expresse avec les diables, n'est point idolatrie, ni espece d'idolatrie ou apostasie. *Erreur.* Nous entendons qu'il y a alliance implicite en toute alliace superstitieuse, dont il ne faut point par raison attendre aucun effect de Dieu ni de nature.

4. Que vouloir par arts magiques enfermer les diables en des pierres, anneaux, miroirs, ou images consacrees en leur nom, n'est point idolatrie. *Erreur.*

5. Qu'il est loisible d'vser d'arts magiques, ou d'autres superstitions defendues de Dieu & de son Eglise, pour quelque bonne fin. *Erreur.* Car, comme dit l'Apostre, il ne faut point faire mal, afin que bien auienne.

6. Qu'il est loisible & doit estre permis de chasser les sorcelleries par autres sorcelleries. *Erreur.*

7. Que quelqu'un puisse dispenser vn autre en quel que cas que ce soit de pouuoir pratiquer tels arts en bonne conscience. *Erreur.*

8. Que les arts magiques & autres telles superstitions & les obseruations d'icelles ont esté sans raison interdites par l'Eglise. *Erreur.*

9. Que par les arts magiques & enchantemens Dieu soit induit de commander aux diables d'obeir aux inuocations des magiciens. *Erreur.*

10. Que les encensemens & parfums, qui se font en l'exercice de tels enchantemens, sont à l'honneur de Dieu & luy plaisent: *Erreur & blaspheme.* autrement Dieu ne les interdiroit & puniroit.

11. Que



11. Que pratiquer telles choses ce n'est point sacrifier aux diables, ni par conséquent idolatrer damnablement. *Erreur.*

12. Que les saintes paroles, deuotes oraisons, iustes, bains, continence corporelle es enfans & autres, la celebration de la messe, & autres œuvres de bonne sorte faites pour exercer telles sciences magiques couurent le mal qui y peut estre. *Erreur.* Car par tels artifices on veut offrir au diable les choses saintes, voire Dieu mesme au sacrifice de la messe: & le diable demande cela, ou pource qu'il veut s'esleuer & esgaler au souverain, ou pour cacher ses impostures, ou pour enlaser plus aisément les simples & les perdre entierement.

13. Que les saints Prophetes & autres saints ont en leurs reuelations, fait miracles, & chassé les diables par telles sciences. *Erreur & blaspheme.*

14. Que Dieu immediatement par soy, ou par les bons anges a reuelé ces sciences aux saints personnages. *Erreur & blaspheme.*

15. Qu'il est possible par telles sciences contraindre le franc arbitre d'une personne à vouloir & desirer d'auoir iouissance d'une autre. *Erreur.* & s'efforcer de faire cela est vne chose detestable & meschante.

16. Que ces arts sont bonnes & de Dieu, & qu'on s'en peut aider: ou pource qu'il auient quelquesfois ou souuent que ceux qui en vident predisent l'auenir: ou pource qu'il en vient quelque bien. *Erreur.*

17. Que par tels arts les diables sont vrayement contrains, & ne faignent pas de l'auoir esté pour seduire les hommes. *Erreur.*

18. Que par telles sciences, execrables ceremonies, sorceries, charmes, inuocations de diables, & autres malefices, il ne s'en ensuit iamais aucun effect par le ministère des diables. *Erreur.* Car Dieu permet quelquesfois que telles choses aduiennent, comme il appert es magiciens de Pharaon & en plusieurs autres: ou pource que s'aidans & se conseillans, à cause de leur mauuaise foy & autres pechez detestables ils sont liurez en sens reprouue, & meritét d'estre ainsi trompez.

19. Que les bons Anges s'entendent en des pierres, qu'ils consacrent des images & vestemens, ou font les autres



recognition des choses contenues en tels arts magiques. *Erreur & blaspheme.*

20. Que le sang d'une huppe, d'un chevreau ou d'un autre animal, du parchemin vierge, du cuir de Lion, & choses semblables ont la vertu d'attirer ou chasser les diables par le moyen de ces arts. *Erreur.*

21. Que les images d'airain, de plomb, d'or de cire blanche ou rouge, ou d'autre matiere, ayans esté baptisées: exorcisées & consacrées, ou plustost exécrées, selonc ces arts magiques, par certains iours, ont des vertus admirables recitées es liures de telles sciences, *Erreur en la foy, & en la philosophie naturelle, & en la vraye astronomie.*

22. Que s'aider de tels liures & y adiouster foy n'est point idolatrie & infidelité. *Erreur.*

23. Que d'entre les diables il y en a quelques uns bons, autres benignes & familiers, autres qui sauvent toutes choses, autres qui ne sont sauevez ni damnez. *Erreur.*

24. Que les parfums qui se font es inuocations diaboliques, sont conuertus en esprit, ou que cela leur appartient. *Erreur.*

25. Qu'il y a un diable roy d'Orient, & ce par son merite: l'autre d'Occident, un autre de Septentrion & un autre de Midi. *Erreur.*

26. Que l'intelligence qui meut le ciel se coule en l'ame raisonnable, comme le corps du ciel, coule dans le corps humain. *Erreur.*

27. Que nos pensées intellectuelles, & nos vouloirs intérieurs, sont immédiatement causez par le ciel: & que par une cabale magique lon peut connoistre les pensées, & que d'icelles il est loisible de iuger certainement par ceste cabale. *Erreur.*

28. Que par les arts magiques nous pouuons paruenir à la vision de la diuine essence ou des esprits bienheureux.

CES choses ont esté faites & conclues apres meure & long examen entre nous & nos deputez, en nostre congregation generale tenue à Paris à saint Mathurin un iour expres & de matin, l'an mil trois cens nonante huit, le dixneuuieme iour de Septembre. En foy dequoy nous auons fait aposer à ces presentes le sceau de ladite



ladite faculté: L'original de ceste determination est sellé du grād seau de la faculté de Theologie à Paris. L'ay trouué ce que dessus adiousté à la fin du liur. du maistre des sentences.

*Conclusion de tout l'œuvre.*

**E**CTEV R debonnaire, ie ne doute point que ie n'acquire la mauuaise grace de plusieurs, qui pour recompense de la peine que i'ay prise, selon mon petit pouuoir, me calomnieront, & reprendront ce qu'ils n'entendront point: car tel est le iugement des iniques. Les autres voudront par quelque moyen que ce soit, de fendre l'opinion enracinee depuis longues annees dedans l'esprit des hommes, & la consermer comme par vn droit de coustume. Il y en aura aussi quelques vns, qui trouueront ocaſion de mordre plus asprement. Les Peripateticiens aspres au combat rapporteront incontinent aux causes naturelles tous les miracles & les prodiges qui suruiennent es choses: ils s'eforceront aussi opiniaſtremment de prescrire des raisons tant de Platō que d'Aristote à la religiō de la tressainte escripture. On aura incontinēt recours pour m'impugner & me vaincre au liure plein de philosophie plus cachee, lequel a esté cōposé par Pierre Pomponat Mantuan, grand & insigne philosophe de son temps, & lequel il a intitulé des causes des effects naturels ou des enchantemens: si n'est-ce qu'estant apuié & fortifié dessus les fondemens inuincibles de la philosophie Chrestienne, ie mesprise la probabilité de leur parole, selon le conseil de saint Paul vaisseau d'election, lequel nous admoneste soigneusement que nous auſions que personne ne nous surprenne par le moyen de la philosophie & ſole deception, suyuant les constitutions des hommes, & les elements du monde, & non suyuant Iesus Christ. Car en icelui, habite corporellement toute plenitude de Deité. Aussi pense-ie que Pomponat auant mourir, & rendre l'esprit, s'est reconu, selon la singuliere misericorde de Dieu: & qu'il n'est pas mort Athee. Car souuentefois on a entendu de M. Helidee de Forli, iadis son disciple qu'il estoit decedé en Chrestien.



I. Pier. 2  
Esaie. 62.

Il y aura quelques theologiens renfrongnez, qui crieront & diront iniure leur estre faite par vn medecin, lequel explique des passages de la sainte Escriture, & passe les limites de sa vocation. Et ne feront faute d'alleguer & de m'obiecter par enuie ce que lon dit communement, que chacun se doit mesler de son estat. Pour toute responce ie ne leur diray autre chose, sinon que saint Luc Euangeliste aeste medecin d'Antioche, & que ie suis du nombre de ceux qui s'estudient par tous moyens, par l'immense misericorde de Dieu & grace ineffable de Iesus Christ, à ce que ie puisse tant faire qu'en fin ie paruienne à ceste royale prestise, de laquelle le saint Pierre & Isaie se sont souuenus.

S'ils ne trouuent pas bon que i'aye marqué quelques ecclesiastiques, hommes adonnez à toute ordure, & que ie les aye accusé d'estre sorciers: ie leur respondray que ie ne deuois moins faire, à cause de la matiere que ie traittois. Ce que i'eusse peu faire plus ouuerement en les nommant, si estant enseigné par la theologie ie n'eusse deliberé d'auertir ces renuerseurs de la foy Chrestienne, & perturbateurs de la republique, à ce qu'ils ayent à desister de telles entreprises. I'ay seulement entrepris le combat contre les magiciens coupables des meschancetez magiciennes, & non contre les gens de bien, lesquels ie reuere & honore vniquement, autant pour le moins que nul autre. S'ils se plaignent d'auoir esté assailliz iniustement, ie ne refuse point qu'ils comparoissent publiquement pour de fendre leur cause contre moy.

Si i'en'ay assez satisfait à quelques gens doctes & delicats de nostre estat (ce que certainement ie confesse librement, conoissant ma portee) pour le moins leur ay- ie baillé occasion selon ma petite capacité, de peser & esplucher ceste chose plus exactement, par vne plus docte methode, par vn ordre mieux lié, par vn fil de propos plus esclairci, par paroles mieux accommodees & par argumens de verité plus forts & puissants: si ie suis admonesté & conuaincu de quelque faute, ie les remercieray grandement, comme aussi ie feray tous ceux, qui me voudront faire ce plaisir: car iamais ie n'auray honte de retracter mes fautes, d'autant que ie



ne suis point tant amy de moy mesme. Et me fust d'auoir attainct iusques à ce poinct, s'il ne m'est permis de passer outre.

Si les Iurifconsultes prennent en mauuaise part que contre l'autorité des loix des douze Tables ie ne m'accorde avec la vulgaire opinion & avec les inuentions controuuees par les poëtes touchant ceux qui enchantent les bleds: certainement ils me sauront mauuais gré pour auoir bien fait d'autât que i'ay voulu bailler quelque occasion aux autres de chercher la verité en ceste matiere traittee, Et de tirer & prononcer par bon ordre vne sentence criminelle nô point selon les Decrets du siecle auéuglé en la religion Chrestienne: ains plustost selô les mesmes mysteres de la verité. Aussi vrayement ne refuse-ie point d'estre estimé homme temeraire, s'il aparoit que i'aye voulu preiudicier à la legitime vocation de quelqu'un. Au reste, si les hommes mordants & enuieux, non contents de ceste mienne excuse, ne laissent point de m'iniurier, de me reprendre de bestise, de m'accuser de mesfaict, & d'escrire petulantiment contre moy: ie m'assure que Dieu tout puissant me confermera de telle constance, que par patience ie dompteray toutes les poinctures & assauts de mes aduersaires.

Si les meschans & sacrileges magiciens voyent que ie ne tien conte de toutes leurs machinations, & que ie ne m'esmeu aucunement de leurs impostures & espouuentails, encores qu'ils prennent peine de me transformer avec leurs maudissions & Diaboliques exorcismes: & encores que ces forcieres & charmeurs faiseurs de monstres me voulussent condamner au gibet, ie mesprise entierement les Oracles Delphiques, par lesquels ces hommes perdus prophetiseront contre moy quelque malheur à l'aduenir, pour auoir ainsi fouillé & honny le temple Pythien, & me diront estre digne d'endurer la peine ordonnee pour ceste cause par le tyran Pisistrate. Le Necromancien tenebreux m'estônnera en vain avec ses aparitiôs nocturnes, avec les esprits des morts, & avec ses larves. Quât à moy ie ne chasse point les esprits des Goëtiës avec l'eau benite, ou en allumât des torches à l'entour des sepulchres.



Ils ne me laisseront jamais par toutes ces vaines apparitions. Je ne me soucie pas aussi, si le meschant exorciste me pèse faire mal par ses paroles barbares, ou par les trôperies de ses barbotemens. Je n'estime pas yn niquet & me moque de toutes ces liaisons, par lesquelles ils disent qu'ils chassent les maladies prodigieuses, qu'ils empêchent la compagnie naturelle des femmes, si qu'on pense qu'ils coupent & font reuenir quand bon leur semble les instruments & organes de la generation. Si les folles sorcieres me peuuent faire quelque chose par leurs maudissions, ou par l'affection de leur volonté corrompue, ie leur pardonne. Bref, comme dit Horace.

*Ie me moque & me ris de ces frayeurs magiques.*

*De ces songes trompeurs & sorcieres iniques,*

*De ces esprits de nuict, des merueilles aussi*

*Qui sont en Thessalie.*

IL y aue seule sciëce des sorcieres, laquelle ie crains asauoir celle qui par venins ou poisons donnez en bruyage, ou appliquez, ou bien tirez avec l'air que nous respirons, ont le pouuoir de faire plusieurs nuisances & dommages, veritablement & non phantastiquement: ie n'ay pas entrepris ici la defense de leur cause ains ie la laisse à estre espluchee & decidee par le iuste iugement du Magistrat.

MAINTENANT donc estant comme forti & retiré du labyrinthe de ces enchantemens & impostures demoniaques, ie feray fin & ne parleray plus de ces monstrueuses tromperies, inuentees certainement pour obscurcir la gloire de Dieu, & la verité de l'vne & l'autre doctrine, asauoir de la sacree & de la naturelle: & pour couurir & reuestir les arts des diables, qui sont abomination au Seigneur Dieu. Retirons-nous donques d'icelles, fuyons-les, & les ayôs en horreur: encores qu'elles nous soyent proposees sous des especes artificielles & deceuantes. Oposons-nous à leurs allechemens qui de prime face se blent flater & fauoriser. Ne fai sôs point noz corps esclaués & domiciles de Satan: mais sermons lui toutes les auenues par lesquelles il nous peut affaillir bien qu'il soit fin & rusé & plein de fraude: & ce par le moyen d'vne vraye foy, & saincteté de vie, demandans assiduellement & implorans par prieres ardantes l'aide  
du fils



du fils de Dieu, & nous munissant tellement de la viue parole de Dieu, & avec telle vigilance nous fortifiant du soulagement du saint Esprit, comme si nous estions en garde, qu'encores que cest ennemy iuré nous vienne assaillir de plus grande audace, en nous assiegeant de tous costez, toutesfois il ne puisse rompre & gagner ces puissans rempars.

PORIONS aussi patiemment & constamment avec Iob toutes afflictions qui nous suruiendront. Ne mururons iamais contre Dieu, ainsi que les Gentils, & ne cerchons vn secours illicite, comme fit Saul. Ne recherchons point trop curieusement avec les Ephesiens, & ne soyons point semillans apres les choses, la connoissance desquelles ne nous importe en rié, ou nous est desdue, ou bien ne nous proufite de rien. Ne demandons point conseil à ceux desquels Dieu nous a tref-expressément defendu de nous enquerir: mais demeurons & nous arrestos en la voye que la verité de l'Euangile nous a enseignee. Destournons-nous de ces furieuses impostures du diable, & de ces carrefours glissās: de peur que cōme Iamnes & Mambres resistoyent à la verité, ainsi nous ne regimbions contre le commandement de Dieu, & que nous n'oyons quelque iour la sentence de IESVS CHRIST, pleine d'horreur avec ceux qui serōt au costé fenestre: Departez vous de moy, maudits, & allez au feu eternal qui est preparé au diable & à ses Anges.

OR ie ne pretens auoir tellement assuré ce que ie propose en ce liure, que ie ne le submette en tout & par tout au plus equitable iugement de l'Eglise catholique de Iesus Christ, estāt prest de le corriger & me desdire si en quelque endroit ie suis conuaincu d'erreur.

*Fin. du sixieme liure.*



# AVTEVRS ALLEGVEZ ES

fix liures de Iean Vvier.

## A

Abdias Euesque.

Aben Esra.

Accurse.

Ælian.

Ætius Spartian.

Ætius.

Æneas Syluius.

Agrippa.

Aias.

Albert de Rosat.

Albert le grand.

Alchinde Arabe.

Alciat.

Alcinus.

Alexandre 1.

Alexandre d'Alexandrie.

Alexandre Benoist.

Alexandre Trallian.

Alois Cadamoste.

Almanfor.

Amat Portugais.

S. Ambroise.

André Mafius.

André Theuet.

André Vesal.

Angelon.

Ange Politian.

Anselme de Parme.

Antiphon.

Antoine Beniuenius.

Apollonius.

Apollonius Molon.

Apollonius Tynæus.

Appion grammairien.

Apulce.

Archelaus.

Aristophane.

Aristote.

Arnould de villeneufue.

Artemon.

Artephie.

Athanasie.

Athenee.

Athenagoras.

Auerroes.

Auger Ferrier.

S. Augustin.

Augustin Steuche.

Auicenne.

Azaraius.

## B

Balde.

Barthole.

Barthelemi l'Anglois.

Barthelemi de Pise.

S. Basile le grand.

Bassian Laude.

Benno Cardinal.

S. Bernard.

Berofe



Berose.	Decretales.
Bocace.	Democrite
Bocce.	Diodore Sicilien.
Bonauenture.	Dion de Nicee.
Boniface dévital.	Dionysius.

C

Cæsar Constantin.	Dioscoride.
Cæsar Scaliger.	Duris.
Cardan.	E
Charles de Bouuelles.	Edouard.
Carpocrates.	Empedocles.
Cassian.	Epiphanes.
Cassiodore.	Erasme.
Caton.	Euchere,
Celsus.	Euricles.
Chrysippus.	Euripide.
S. Chrisostome.	Eusebe.
Ciccho Florentin.	Eustache.

F

Cicéron.	Fallope.
S. Cyprian.	Fernand. Corteze.
S. Cyrille.	Fernel.
Claudian.	François Morand.
Clement.	Fulgentus Placiades.
Cleopatra.	Fulgose.
Cælius Rhodoginus.	Furius Cresinus.

G

Columelle.	Galien.
Constantin Empereur.	Gaudence Merula.
Cornelius Nepos.	Gaufredoy d'Auxerre.
Costa benluc.	Gellius.
D.	

Damascene.	George Agricola.
Damon	George Pictorius.
Dauid Kinchi.	George Sabin.



Gerfon.  
Gefner.  
Giraldus.  
Gifelbert.  
Gordonius.  
Godefroy Reinier.  
Gratian.

S. Gregoire.  
S. Gregoire Nafianzene.  
Grilland.  
Guillaume de brabant.  
Guillaume Mulmes.  
Guillaume Turner.

H.

Harpocraton.  
Haymo.  
Hector Boece.  
Helinand.  
Heliodore.  
Henri Iuftitor.  
Helmold.  
Hermes.  
Hermogene.  
Herodote.  
Hefiode.  
S. Hierofme.  
S. Hilaire.  
Hildebert.  
Hincmarus.  
Hildegarde.  
Hipocrates.  
Hipolite Marcile.

Homere.  
Honorius.  
Horace.  
Hugues de Clugny.  
Hugues de S. Victor.  
Hugues Eterian.

I.

Iaques de Chufe.  
Iaques de Leichtenbourg.  
Iaques Meyer.  
Iaques Roux.  
Iacques Sprenger.  
Iamblique.  
Iafon.  
Idiota.  
Iean Andre.  
Iean anglois.  
Iean Baptifte Porte.  
Iean François Pic.  
Iean François Ponziuibe.  
Iean Gennade.  
Iean Guntier.  
Iean Herold.  
Iean Kentman.  
Iean Langius.  
Iean Leon Africain.  
Iean Nider.  
Iean de Salsbery.  
Iean Sleidan.  
Iean Vaffer.  
Ioffe Damhoudere.  
Iofephe.  
S. Ierence.



Ifidore.  
Ifogone.  
Ifychius.  
Iulian l'Apostat.  
Iulian Philosophe.  
Iules Cesar  
Iules Obsequens.  
Iustin.  
Iuuenal.

L.

Labeo.  
Lactance.  
Latius.  
Laerce.  
Leon.  
Leui Gerson.  
Lilius Gyraldus.  
Liuius  
Louys Millich.  
Lucain.  
Lucian.  
Lucrece.  
Ludouic Vartoman.  
Lyfimachus.

M.

Manilius.  
Marcellus.  
Marc l'hermite.  
Marcus Marius.  
Martian.  
Marcile ficin.  
Martin D'Arles.  
Matthieu le Court.

Matthieu de Affict.  
Matthiol.  
Maximus abbé.  
Maximus Thyrien.  
Melancton.  
Memphodorus.  
Menander.  
Mercure Trismegiste.  
Mesue.  
Methodius.  
Moyse Egiptien.  
Moyse fils de Cepha.

N.

Naoclere.  
Nicolas.  
Nouius.

O.

Octauian.  
Oenomaus.  
Olaus le grand.  
Oldrad.  
Olympiodore.  
Origene.  
Ouide.

P.

Pamphile.  
Paulin.  
Paul Arginete.  
Paul venerien.  
Pausanias.  
Peucer,  
Pherecydes.  
Philarchus.



Philo.  
Philochorus.  
Philostratus.  
Picatrix.  
Pierre argelas.  
Pierre Alfonse.  
Pierre Bellon.  
Pierre Damian.  
Pierre d'Apone.  
Pierre de Blois.  
Pierre de Clugni,  
Pierre de Premonstré.  
Pierre le chantre.  
Pierre Lombard.  
Pierre Pomponat.  
Platine.  
Platon.  
Pline.  
Pline le ieune.  
Plotin.  
Plutarque.  
Pontanus.  
Porphire.  
Possedonius.  
Primase.  
Priscian.  
Proclus.  
Properce.  
Prosper.  
Psellus.  
Pythagoras.

Quintilian.

R.

Rabanus.  
Rabi Ismael.  
Rabi Moise.  
Rabi Simon.  
Radulphe.  
Raimond.  
S. Remy.  
Reuchlin.  
Rhases.  
Robert L'anglois,  
Roger Bachon.  
Rondelet.  
Rufin.  
Ruffus Ephesius.  
Rupert.

S.

Saadias,  
Sabellic.  
Salonius.  
Saxon Grammairien.  
Sedulius.  
Seneque.  
Serapion.  
Serenus.  
Seuerus Sulpitius.  
Sigebert.  
Simon fontaines.  
Sylvius.  
Syluestre Prieras.  
Syuesius.  
Smaragdus.  
Socrates.



Solin.  
Sophronius.  
Speculator.  
Strabon.  
Suetone.  
Suidas.

T.

Tacitus.  
Tatianus Assyrien.  
Tertulian.  
Thebis.  
Themison.  
Theocrite.  
Theodore.  
Theodore Byzant  
Theophraste.  
Theophraste Paracelse.  
Theophilacte.  
Thomas d'Aquin.  
Thibulle.

Tritheme.

V.

Valerius. Maximus.  
Varignana  
Varro.  
Vegece.  
Vincent de Beauuais.  
Virgile.  
Vlpian.  
Vlric molitor.  
Volaterran.  
Vopisque.

X.

Xanthus.  
Xenocrates.  
Xiphilin.

Z

Zonare.  
Zoroastre.  
Zozime.







D E V X

# DIALOGVES

DE THOMAS ERA-  
STVS, DOCTEVR EN MEDE-  
cine à Heidelberg, touchant le pouuoir  
des Sorcieres: & de la punition qu'elles  
meritent.

*TRAITEZ DIGNES D'ESTRE  
leus de toutes personnes, spécialement des Iu-  
ges & Magistrats.*

Nouvellement traduits de Latin  
en François.



---

M. D. LXXIX.



227301A161

ALL INFORMATION CONTAINED

HEREIN IS UNCLASSIFIED

DATE 10/1/01 BY 60322

REASON: 25X

DATE 10/1/01 BY 60322

REASON: 25X

DATE 10/1/01 BY 60322

REASON: 25X

DATE 10/1/01 BY 60322

REASON: 25X

DATE 10/1/01 BY 60322

REASON: 25X

DATE 10/1/01 BY 60322

REASON: 25X

DATE 10/1/01 BY 60322

REASON: 25X

DATE 10/1/01 BY 60322

REASON: 25X

DATE 10/1/01 BY 60322


REASON: 25X

DATE 10/1/01 BY 60322



# L'IMPRIMEUR AV

Lecteur S.

E qui m'a esmeu d'adiouster ces deux Dialogues de Thomas Erastus Professeur en Medecine à Heidelberg, touchant le pouuoir des Sorcieres & la punition qu'elles meritent, aux six livres de Jean Vvier Medecin du Duc de Cleues : a esté deduit en la preface adioustee au commencement, qu'il n'est besoin de repeter. Seulement ce mot servira pour vous aduertir, que l'argument de ce premier Dialogue, ou Furnius & Erastus sont introduits disputans sans aucun avant propos, est déclaré en l'Epistre mise au commencement du second Dialogue, à laquelle vous pourrez auoir recours. Car dautant que ce premier ici a esté tiré des disputes d'Erastus contre la nouuelle medecine de Paracelse : le translateur s'est contenté de prendre ce qui auoit esté escrit contre les sorcieres ne voulant donner autre aduertissement que celuy que l'auteur mesmes a fait. Car au second il repete & reprend son propos en telle sorte, que tout ce qui est requis au proces des Sorcieres, pour leur iustification & condamnation, est allegué par ces deux medecins, & contenu en cest œuure. Pour la fin, ie vous prie de conserer si bien les six livres precedens avec ces deux Dialogues, que vous ne preniez vn preingé des vns pour mesprier les autres, ains pesez soigneusement les raisons de ces deux aduocats plaidans l'un contre l'autre, afin de iuger tant plus dextrement des dis-



cours que nous vous presentons : desirans que rap-  
portiez le tout au vra; but, asauoir à la gloire de  
Dieu, à vostre confirmation en sa connoissance &  
crainte, & à vostre salut.





## PREMIER DIALOGVE

DE THOMAS ERASTVS MEDECIN

A HEIDELBERG, TOVCHANT LE POV-

voir des Sorcieres: & de la punition  
qu'elles meritent.

FVRNIVS ERASTVS.

FVR.

**D** ISONS quelque chose des sorcieres. ER.  
Je les mets au nombre des magiciens qui  
ont alliance toute manifeste avec le diable.

FVR. Si est-ce qu'il y a difference entre les  
vns & les autres. Car les magiciens vsent  
de l'art qu'ils apprennent par les liures: au contraire, il  
semble que les sorcieres facent merueilles sans science  
& sans liures. Davantage, les magiciens ne cuident pas  
tousiours si mal faire, pourautât qu'ils se sont fait à croi-  
re que Satã est cõtaint de leur obeir en vertu de quel-  
ques paroles sacrees, voire de Dieu mesmes, mais les  
sorcieres se donnent à pur & à plain au diable, &  
font tout ce qu'il veut, sous certaines conditions.

Ioint que les magiciens ne font rien sans certaines  
paroles & coniurations: mais les sorcieres n'en vsent  
point du tout, ou si elles en prononcent quelques vnes,  
elles sont fort differentes des autres. ER.

La res- *De la puis-  
sance des  
Sorcieres;  
& insques  
on elle s'e-  
tend.*  
ponce est aisee, a sauoir qu'elles ne peuvent rien faire  
de ce dont elles se vantent. Car toutes les fois que  
Dieu leur laisse faire quelque chose, ce ne sont pas elles  
qui le peuvent ou font, ains le diable à qui elles se sont  
liurees. Tous confessent que la puissance des esprits  
malins est limitee. Leur maistre donc leur commande

de se seruir de quelques choses qui n'ont pas la vertu  
qu'il leur persuade estre enclose en icelles: non qu'il  
ait besoin de ces choses, mais il le fait pour les trom-  
per plus aisement, & pour auoir son excuse plus  
prompte, si l'exécution n'en est à son souhait.

Voici donc ce qu'il m'en semble. Les sorcieres ne  
peuvent nullemét faire ces merueilles qu'on estime, cõ



mûnement qu'elles font. Car il apert qu'elles n'ont ce pouuoir par les forces & facultez de nature. Elles ne le peuuent receuoir de chose corporelle quelle qu'elle soit, veu que les choses corporelles ne peuuent changer les entendemēs des hommes, & abolir les facultez dont nature à doué les choses spirituelles par dessus les corporelles. Partant les forcieres ne peuuent nuire ni par attouchement, ni de la voix, ni de paroles, ni de conrenance ou souhait, ni d'autres instrumens corporels qui n'ont en eux la propriété de nature, si tu consideres les facultez naturelles de tels instrumens. Dautant que l'Instrument n'a d'adresse pour besongner que celle que l'ouurier luy donne: & pourtant les paroles ( ceci soit pour exemple ) n'ont point plus de vertu que l'entendement duquel elles procedent. Reste dōc, que ceste grande puissance des forcieres vienne d'ailleurs. Dieu ne la leur dōne pas, ni les bons anges non plus: car elles ont quitté Dieu pour adherer au diable, & se bandent directement alencōtre de Dieu, de ses enfans & de toute pieté, pour en abolir la memoire. Ioint qu'elles n'attendent aucun secours de Dieu, ni des saints Anges. Parquoy il s'ensuit qu'elles font leurs meschancetez par la puissance de Satan. Mais nous auons dit que le diable mesmes ne peut rien par dessus les forces de nature. Et par consequent ce sont presque toutes fables & contes superstitieux de ce que lon recite de la puissance des forcieres: a sauoir que par la vertu d'un certain onguent elles courent en poste en l'air assizes sur des bastons, qu'elles entrent es lieux les portes closes, qu'elles se transforment en bestes, qu'elles esmeuent les tonnerres, qu'elles baillent des maladies & tuent qui elles veulent, par leurs gestes, paroles, & presens de choses qui ne sont pernicieuses.

F V R. T v me cōtes merueilles, & ne crois pas tout ce que tu me viens de dire. Nous confessons que la puissance du diable est limitee. Mais quand tu maintiens qu'il ne peut esmouuoir des tempestes en l'air, & faire choses semblables, tu t'esloignes par trop de la verité. L'histoire de Iob en parle autrement. S. Paul enseigne le contraire à ton dire, au sixieme chapitre de l'Epistre aux Ephesiens. Le liure de l'Apocalypse de mesme, com  
me aussi



me aussi fait l'experience. I'ay souuent ouï dire aux Theologiens que la puissance de Satan est si grande, qu'il pourroit, par maniere de dire, renuerser tout le monde, si Dieu ne le tenoit en bride. E R. L'Escripture sainte parle diuersement de la puissance & impuissance des esprits: moy aussi semblablement: qui fait qu'il faut distinguer premierement ce qui en est dit, si on ne veut estre deceu. Si tu regardes la nature des esprits, & si nous considerons de combien grandes puissances leur Createur les a douez & enrichis, elles sont plus grandes que nous ne penserions pas aisément. Aussi tous les Theologiens sont d'accord en ce point que les esprits malins sont demeurez esprits nonobstant leur cheute, & n'ont perdu sinon la lumiere de la grace & faueur de Dieu: que par consequent ils sont demeurez pourueus de forces extremement grandes. Quant à ce qu'ils ne les desployent point à leur plaisir pour nous confondre & ruiner du tout, la puissance & bonté de Dieu en est cause, qui ne leur laisse point accomplir ce qu'ils desirerent & peuent. Il leur permet lors qu'il a resolu se seruir d'eux comme d'instrumens pour sa gloire & le salut des siens. Cela se void en toute l'escripture, laquelle declaire en tous endroits que Dieu est auteur de la pluye, roussee, secheresse, & beau temps, & veut qu'on demande à ce Dieu seul la bonne temperature de l'air. Mais que sauroit on alleguer mieux à propos en ce different, que ce que nous lisons au 14. chapitre de Ieremie, Y a-il, dir le Prophete, entre les vanitez ou dieux vains des gentils, quelqu'un qui face plouuoir, & que les cieux rendent grosses gouttes? n'est ce point toy, ô Seigneur nostre Dieu? Or t'auons nous attendu, car tu as fait toutes choses. Nous lisons donc que l'esprit malin peut beaucoup, ayant esgard à la noblesse, excellence & puissance de la nature qu'il a receüe. Mais nous nions ceste puissance, quand on considere qu'elle est limitee & retenue en bride.

F V R. Ceste responce ne resould pas la difficulté, veu que nous aussi ne pouuons rien sans la permission de Dieu, ce neantmoins nous faisons beaucoup de choses outre & contre la volonté de Dieu. E R. La refrenation ou reprimende dont ie parle est double, as-



noir generale & particuliere. Quant à la generale, l'homme a plus de puissance en ces choses externes appartenantes à l'vsage de la vie exterieure, que n'ont les malins esprits. Car l'homme peut desrober & emporter des deniers de tel lieu qu'on voudra, pourueu qu'il ne soit empesché par quelque chose corporelle. Au contraire tât s'en faut que les diables puisét emporter quelque chose, que mesmes ils ne la peuuent pas prendre de ceux qui la leur offrent. En quoy reluit specialement l'incomprehensible sagesse de Dieu. Car si les malins esprits pouuoÿét emporter les thresors des Rois, ils corromproyent presque tout le monde à force de presens, puis qu'ils peuuent arracher les barreaux & treillis, ouurir ce qui est clos, remuer les choses plus pesantes, & mettre en autre place ce qui se peut remuer. Mais ceste puissance ne leur a pas esté ottoyee combien qu'en general elle ait esté donnee à l'homme: lequel aussi d'autre costé est empesché par les barres, murailles, & portes, & lors il ne peut rien, mais il peut prendre de chacun, & tousiours, les choses qu'on luy presentera, si Dieu ne l'en empesche particulierement. Et tout ainsi que le larron aguette les biens d'autrui par vne permission generale, le diable fait le sèblable en matiere de nostre salut. Mais comme le larron est empesché par les choses corporelles, aussi l'esprit malin l'est par la puissance de Dieu, & par le ministère des bons Anges. Et pourtant permet aux vns & aux autres, quelques choses en general, & quelques autres specialement.

Cela estant soigneusement distingué, il sera aisé de se desueloper de ceste question. Car en quelques choses l'homme a plus de pouuoir generally, & Satan en certains autres. Le diable se peut glisser en cachette dans la fantasie, si Dieu par vne vertu speciale ne l'empesche, mais il ne peut emporter l'or ni l'argët. L'homme au contraire ne se peut pas fourrer en l'imaginatiue d'autrui, mais il peut par fraude, artifice, larcin & rapine emporter l'or & l'argent. Toutesfois Dieu tient l'un & l'autre tellement en bride, non seulement en general, mais aussi specialement, qu'ils ne sauroyent outrepasser les bornes generales & particulieres qu'il leur a assignees. Les anciens Theologiens ont esté de bon



bon aduis quād ils ont dit que les diables, avec les forces de leur nature & par la permission de Dieu, peuuent faire les choses qui peuuent estre faites par vn mouuement local & conionction conuenable des choses agettes & patiētes mais qu'ils ne peuuent chāger aucunemēt la nature des choses, contre l'habileté naturelle que le Createur leur a departie. Je pense que personne n'ignore combien les hommes ont de puissāce, quand on les laisse faire.

FVR. L'enten assez ce point, & beaucoup mieux que ci deuant: mais il en reste vn autre de plus grande importāce, comme i'estime. Tu dis que les sorcieres ne peuuent rien effectuer de par elles, ni nuire par les instrumens, dont elles se seruent coustumieremēt, ni blesser aucun par l'aide mesme du malin esprit. Si ainsi est, (ce que ie ne puis nier maintenāt) il faudra cōfesser que ceux là font tresiniquemēt, qui font brusler ces pources miserables comme pestes fort nuisibles, veu qu'elles sont innocentes des crimes dont elles mesmes souuentefois confessent estre coupables. ER. De quels crimes dis-tu innocentes? FVR. De meurtres, de degait de bleds, d'enforcelemēs, de malefices, d'entree par les portes fermees, de maladies donnees, & d'autres semblables forfaitcs lesquels, comme tu disois, ne peuuent estre commis ni par les sorcieres, ni par les diables, sans vne speciale permission de Dieu. ER. Tu ne conclus pas bien. Car il ne s'ensuit pas qu'on les doie absoudre, encor que à la verité elles ne puissent rien effectuer de ces choses: pource qu'il y a d'autres causes pour lesquelles il me semble qu'on les doit punir.

*Sauoir si  
c'est bien  
fait de faire  
mourir les  
sorcieres.*

FVR. Quelles? ER. Ceste dispute ne conuient à nostre propos, où nous nous enquerons seulemēt, a sauoir si ces remedes ont quelque efficace, & si en bonne conscience nous en pouuons vser. FVR. Je le sçay bien. Mais pource qu'on debat de ce point au iourd'huy, & qu'en cest endroit tu maintiens les sorcieres estre innocentes, ie vouldroy bien sauoir pourquoy c'est à bon droit qu'on les fait mourir. ER. La loy de Dieu commandant qu'on mette à mort les sorcieres (Exod. 22.) en est cause principalement. FVR. C'est bien dit: mais les sorcieres ne sont pas du rang des em-

*An interuue  
de sage.*



*Pourquoy Dieu a cõmandé que on fist mourir les sorcieres.* poisonneresses, comme il appert par les discours precedents. Car la Loy de Dieu ne se doit pas entendre de ces pauvres melancholiques qui pensent estre bien sauantes en l'art d'empoisonner, & cependant n'y entendent rien: ains des vrais Magiciens & empoisonneurs. Or il appert que les forcieres de nostre temps sont

vieilles rassotees, qui ne sauẽt rien, n'ont liure quelconque, & ne sauroyent lire, brief sont pures bestes. Il est certain aussi qu'elles n'obseruent forme aucune de conjurations & exorcismes, ni n'en recitẽt pas vn mot, ains blessent seulement par imagination ceux qu'elles ne sauroyent toutesfois blesser realement & de fait. Elles ont l'imagination corrompue, & bigarree de diuerses apprehensions, au moyen de leurs resueries: se trompent & les autres semblablement. Pour preuue de cela, il n'est fait nulle mention de telles gens en l'Escripture sainte, ni que Iesus Christ ou les Apostles ayent gueri quelcun qui eust esté ensorcelé & blessé par telles forcieres. Tels & semblables argumens me font penser qu'on fait grãd tort à ces pources miserables.

ER. De ma part i'estime tes raisons si foibles que personne n'en doit estre fort esbranlé. Ce que nous auons dit qu'elles ne peuuent faire miracle est vray: mais quand pour cela tu estimes qu'on ne les doye chastier, tu t'abuses. car Dieu veut qu'on punisse les deuins, enchanteurs & toutes sortes de Magiciens, non seulement pource qu'ils ont blessé ou ofensé cestuy-ci ou cestuy-la, mais pource qu'ils ont aprins & font profession d'vn art diabolique contre le commandement de Dieu. Y a-il homme si peu versé en ces affaires qui ne sache bien que plusieurs Astrologues, pronostiqueurs & deuins, sont condamnez à mort par le Seigneur, pource qu'ils se sont adonnez à telles impietez, encores que de fait ils

*La Loy de Dieu condamne à grief chastiment ceux qui ont recours aux deuins.* n'ayent jamais fait mal à personne? Certainement tous ceux qui font profession de deuiner simplement comme les Augures, Pronostiqueurs & autres deuins ne font mal à personne: ains predisent seulement ce que les oiseaux & les astres signifient. Or Dieu declare que non seulement tels docteurs mais, aussi ceux qui s'enquierent d'eux sont execrables & dignes de punition: combien qu'ils n'ayent point fait alliance manifeste avec le

diablẽ,



diable, & n'ayent eu en pensee de se reuolter de la verité & obeissance de Dieu. Maintenant ie ne veux pas donner resolution de nostre dispute: ie me contente seulement de mettre en auant ce qui conuient le mieux à ce point.

M A I S ie te veux presser de plus pres. Estimes-tu pas que Dieu a cōdamné à mort tous ceux que Moyse (parlant du propos sur lequel nous sommes) appelle Malefiques. F V R. Ie l'estime ainsi. E R A. Accordes-tu qu'en ce mot soyent comprins les Necromantiens, Sciomantiens & Enchanteurs? Si tu le confesses, nous sommes d'accord: si tu le nies, il me sera aisé de te refuter par le tesmoignage de Moyse. F V R. Ie l'accorde. E R A. Or Dieu n'a pas commandé qu'on mist à mort ces gens là pour mal qu'ils eussent fait ou executé leurs desirs, ains d'autant qu'ils ont aprins des arts illicites & se sont associez avec le diable. Certainemēt la curiosité, plustost que nulle autre chose, leur fait vser de leurs inuocations, afin de sauoir des ombres qui leur aparoissent les choses futures & cachees, ou pour faire voir ceci & cela aux assistans, & en somme se seruir de telles sciences folles, pour donner du passetemps & de l'esbahissement à d'autres. Ils ne les attirent gueres souuēt pour nuire. Il y a plusieurs raisons de cela entr'autres, qu'ils s'assurent de pouoir plus aisēmēt obtenir du diable, ce que nous auons dit, que de faire dōmage à qui & quand ils voudront. Car Dieu ne leur a pas permis ce dernier point, comme il a fait l'autre, a sauoir de faire des illusions. De là auient que lon n'estime pas tant execrables ces ioueurs de passe passe, pōurant que s'ils font du mal c'est rarement: au contraire ils semblent seruir de quelque chose en reuelant les choses cachees & predisant l'auenir. Tels imposteurs cuidēt à present & l'ont estimé autresfois (comme on le peut recueillir de Iosephe & du dernier chapitre des actes des Apostres) d'estre moins meschans que plusieurs autres, en ce que par l'adresse de leur art, c'est à dire par la vertu & efficace de quelques paroles diuines & autres ceremonies, ils peuvent contraindre les diables.

Exod. 7. et  
ailleurs.

A D I O V S T O N S vn autre argument, lequel tu ne saurois refuter, a sauoir que le Seigneur menace de mort



*Ceux qui  
recourent  
aux de-  
vins doy-  
nent es-  
chastieus* celuy qui en choses douteuses demandera conseil aux  
deuins, enchanteurs & magiciens. Leu. 19. & 20. Deut.  
18. Or si quelcun interroque vn autre de ce qui doit au-  
enir de tel ou tel cas ( comme vn malade s'enquerra de  
l'euuenement de sa maladie ) il n'endommage aucune-  
ment son prochain. Neantmoins le Seigneur veut que  
on punisse telles gens: & si le Magistrat n'en fait iustice,  
luy mesmes dit qu'il la fera & les exterminera, comme  
il appert es passages sus alleguez, & es exemples nota-  
bles de Saül, 1. Sam. 28. & d'Ochozias, 2. Rois. 1. Tu vois  
bien maintenant que i'ay suffisamment prouué que ie  
ne contredis point à ce que nous auons traité ci deuant,  
& qu'il ne s'en suit pas que les sorcieres doyuent demeu-  
res impunies, pource qu'elles ne peuuent faire ce que  
le diable leur fait croire qu'elles peuuent. F V R.

*Exposition  
du passage  
de Moysé  
de la puni-  
tion des  
sorcieres.* Mais il semble que Moysé parle des empoisonneurs, ou  
de ceux qui presentent des poisons vrayes & naturelles.  
E R. Nous conoistrons par plusieurs raisons que Moy-  
se ne parle point là des empoisonneurs, car telles gens  
sont compris sous la loy de Talion & des Homicides.  
Pource que sous ce nom d'homicide nous ne compre-  
nons pas seulement celuy qui a tué vn autre avec vne  
pierre, vn baston, vne espee ou coignée: mais aussi qui a  
sufoque quelcun avecques les mains, ou d'vn cordeau,  
ou par le moyen d'vn oreiller: ou qui l'a fait tomber  
d'vn lieu haut en bas, ou qui l'a fait mourir de faim, ou  
l'a contraint de se tuer soy mesme: brief qui luy a osté  
la vie par quelque moyen que ce soit. Personne ne dou-  
te que celuy là ne soit homicide qui a tué vn autre de  
fait d'auis, ou par poison qu'il sauoit estre poison, ou par  
autre moyen, & pourtant il n'estoit pas tant besoin de  
faire vne loy à part des vrais empoisonneurs, qu'il estoit  
nécessaire de specifier les punitions des autres sortes  
d'homicides que i'ay recitees. C'est vn fait à part que  
celuy de ceux qui taschent de tuer quelcun par char-  
mes, imprecations, inuocations de diables, exorcismes,  
enuoy d'esprits immondes es corps, & par representa-  
tion de choses enchantees. Dautant qu'e le moyen de  
tels homicides ne sembloit pas estre compris sous la  
loy, à bon droit a-il esté defendu par vne loy à part.  
Pourtant Moysé ne parle point là des vrais empoison-  
neurs,



neurs, ains des autres, & ne peut faire mention d'autres, que de ceux qui s'efforcent nuire ou faire merueilles par charmes, imprecations horribles, superstitieuses figures, noms barbares, caractères monstrueux, meschantes ceremonies, onguents acoustrez par les diables, ou composez par arts illicites. Le mot dôt a vsé le S. Esprit en ce passage, prouue cela: aussi est-il repeté en d'autres endroits: comme au septieme chapitre d'Exode, au dixhuitieme du Deuteronomie, au second de Daniel, au cinquieme de Michee, & autres lieux, où il se prend pour les enchanteurs qui veulent & s'efforcent faire choses estranges, ou de nuire aux bleds, aux bestes, aux personnes, par paroles, signes, images, caractères, & par le moyé d'autres choses preparees par l'artifice des diables. Ce mot signifie en tous les passages de l'Escripture sainte ceux qui ont acointance avec les esprits malins & damnez, à l'aide desquels ils pensent pouuoir faire miracle ou endommager leur prochain. Certainement ceux qui sont les mieux entendus en la langue Hebraïque s'accordent tous en ce point, combien que les vns estiment que le mot comprend plus, les autres moins.

F V R. Encores que l'ont'accorde que Moysé parle d'autres empoisonneresses que de celles qui sont coutumieres de tuer par poison, ou ofenser quelqu'un par vne chose qui ait vertu nuisible en soy: il ne s'enfuit pas pourtant qu'il parle de toutes celles qui semblent faire ceci ou cela, pour monstrier le malefice caché en leur esprit, par des moyens tant ineptes & hors de raison & fondement, qu'il n'est pas possible d'en trouuer de plus ridicules. E R. Quant à moy, ie ne pense aussi que Moysé parle de toutes personnes qui desirét nuire en quelque sorte que ce soit: mais ie maintien que les forcieres sont comprises en ceste loy. Car de ce que nous auons dit ci dessus, il appert ceux-là estre malefiques, qui en vertu de l'alliance qu'ils ont avec les diables, & par le secours d'iceux se seruét de quelques choses pour executer ce qu'ils ne pourroyent faire d'eux-mesmes & de leur nature. Or les forcieres dependent de l'aide des malins esprits, pour commettre tels & tels cas, en faueur de l'accord passé entr'eux: & pour cest es-



sest se seruent d'instrumēs lesquels ils sauēt n'auoir pas telle propriété de leur naturel. Elles ont ceste opinion, comme leur confession le porte, que Satan leur donne nouuelles forces. Partant elles doyuent estre mises au catalogue de ceux dont parle Moysē.

M A I S, ie te prie, di moy toy mesmes, de qui tu penses que Moysē parle. De ma part ie tien pour certain, que Dieu a compris là en general tous ceux qui ont esté denombrez par le menu au dixhuitieme chapitre du Deuteronomie. F V R. I'estime qu'il parle des Necromantiens, Sciomantiens, iouēurs de passe-passe, magiciens infames, Exorcistes. E R. C'est bie dit. Mais pourquoy Dieu condamne il telles gens à mort? F V R. Pour ce qu'ils se meslent de sciences fausses, illicites, pernicieuses. E R. Dieu n'a pas commande que pour la fausseté lon chastiaist si rudement vne personne. Car presuppose, ce qui est vray, qu'il y a gens qui se vantent de pouuoir preparer vn medicament, seruant de souverain remede à toutes maladies, & qui rend le corps immortel. Diras tu qu'il les faut faire mourir? vn autre promettra de monstrier vn secret pour changer le plomb, l'estain, le cuiure ( du bois, si tu veux ) en or pur & fin, qui surpasse en valeur l'or naturel: seras tu d'auis qu'on l'extermine, pource qu'il songe & pratique vn mestier de fausseté? Ie ne le pense pas. Mais pource que tu doutes si ces arts sont fausses, prenons vn autre exemple. Quelqu'un maintiendra pouuoir faire des nauires telles qu'on les void, lesquelles vogueront en l'air comme elles font sur mer: (& i'ay entendu qu'un quidam s'en est vanté & l'a voulu entreprendre) penses tu qu'il ait meritē le gibet, pource qu'il a tasché de faire des choses fausses & impossibles? Au contraire tu t'esmerueilleras de son esprit & effort, s'il discourt de son inuention avec quelque aparence de raison.

F V R. I'accorde qu'il ne faut condamner à mort vn homme qui fera simplement profession d'une science non science: mais si ce sont arts prohibez & pernicious? E R. Maintenant il faut prouuer que la punition capitale n'est point ordonnée à cause du dommage que feront quelques vns de ces ouuriers: ce qui apert euidemment, en ce que les Augures, Aruspices & autres de-

*Profane à l'ore  
interfuerendi  
ob illius  
artes.*

*reg. 174 de  
solu.*



tres denius ne nuisent d'eux mesmes à personne, ains  
 seulement auouent ce qu'ils pensent auoir esté predict  
 par les oiseaux, entrailles de bestes & autres choses.  
 Quand donc la loy condamne à mort tels deuins, elle  
 monstre que leurs arts sont crimes capitaux pour vne  
 autre raison. Ioint qu'elle menace de mort ceux qui de  
 mandent conseil seulement, encor que quelquesfois il  
 ne leur soit pas mesme venu en la pensee de faire dom-  
 mage. Pourquoy donc ces arts & sciences sont elles ca-  
 pitales? D'autant qu'elles sont illicites, respondras-tu.  
 Ouy voiremêt. Mais tout œuvre illicite n'est pas capi-  
 tal. Certaine action sera illicite, à cause de la sorte de  
 l'œuvre, cōme l'adultere, l'homicide. Vne autre à cause  
 de la fin d'icelle, comme si on fait vne bonne œuvre à  
 mauuaise fin. D'autres, à cause que le moyen de les par-  
 faire n'est pas legitime. Ici toutes choses conuiennent  
 car c'est vne chose damnable d'apprendre & exercer arts  
 illicites. La fin aussi est mauuaise, soit qu'on les aprenne  
 pour deuiner, ou pour nuire à son prochain. La manie-  
 re de les apprendre & pratiquer est meschante, attendu  
 que lon n'en peut venir à bout qu'en ayant alliance  
 occulte ou manifeste avec les esprits malins. Car cela a  
 cōtraint Pierre Pomponat Philosophe Italien, de con-  
 damner la maniere d'apprendre la magie & Necroman-  
 ce, quoy qu'il fust si execrable de maintenir que c'e-  
 stoyent bonnes sciences, & qu'elles rendoyent nostre  
 entendement parfait & accompli. Dieu donc a cōdamné  
 à mort ceux qui se messeroient de telles choses, pource  
 qu'on ne les sauroit apprendre ni exercer sans auoir al-  
 liance avec les diables, qui est vn crime capital & di-  
 gne de mort. Car en vsant d'instruments qui n'ont  
 point de leur nature la force que tels ouïriers desirent,  
 ils en attendent l'eff. et des diables mesmes avec les-  
 quels ils s'allient, combien que cela ne leur viene pas  
 souuent en la pensee. Tu vois clerement, pourquoy  
 les forcieres sont si dignes de mort, lors mesmes qu'elles  
 ne font rien au dommage d'autrui, a sauoir à cause de  
 l'alliance secrette ou expresse traitee avec le malin  
 esprit. Si outre cela elles empoisonnent, les voila dou-  
 blement coupables de mort. Or les plus nuisibles arts  
 sont celles des forcieres.

*led nra ob  
cam.*

*led nra puc  
ou Diabolo*



*Les arts  
des sorciers  
plus naïfs-  
bles que les  
autres.*

F V R. Comment apelles tu nuisibles les arts que maintenant tu apellois vaines? E R. Ie les appelle nuisibles, nō pas qu'elles ayent efficace d'elles mesmes: mais pource qu'à ceste occasion les sorcieres incitent, pouffent & enflamment les diables à mal faire. Et combien que d'eux mesmes ils soyent tousiours au guet pour nuire: toutesfois il est vraysemblable que souuentefois ils n'eussent pas pensé, ce que puis apres ils s'efforcent de faire à la persuasion des sorcieres, & par la permission de Dieu. Ce sont les diables qui sont les maux secrettement: & toutesfois à bon droit les sorciers & sorcieres sont appelez Malefiques, d'autant que ils ont incité les diables, & eux mesmes pensent auoir commis ces maux à l'aide de Satan. F V R. Ils sont donc instrumens des diables: partant on ne deuroit pas les traiter si rudement. E R. Ce sont instrumens, mais qui ont vsage de raison. Celuy la n'est pas innocent qui tue vn homme par le commandement d'un particulier. Dauantage ils ne sont pas seulement instrumens, mais auteurs & instigateurs. F V R. Ie ne voy pas toutesfois que les Sorcieres facent plus de mal. que les enchanteurs, magiciens, deuins & autres tels. E R. Premièrement, nous sommes d'accord que les paroles, exorcismes, charmes, & figures n'ont aucune efficace. Si donc il a semblé que quelque mal s'en soit ensuyui, le diable l'a fait, comme ie l'ay prouué suffisamment. Peneses tu que Satan nuise dauantage estant apelé par quelque charme qui contient vne paction secrette, que quand il est supplié en vertu d'une alliance manifeste? Les necromantiens & autres tels s'associent en termes ambigus auec les malins esprits, & se persuadent d'estre preudhommes & gens de bien, & que par la vertu occulte de quelques paroles sacrees les diables sont contrains de faire ce qu'ils leur commandent. Si quelquesfois ils font quelque hommage ou offrande aux diables, ils estiment faire cela pour les contraindre plustost que pour les apaiser ou auoir fauorables. Brief, comme i'ay dit, ils abusent du secours des diables en choses ridicules pour la pluspart. Mais les sorcieres font alliance manifeste & execrable auec Satan, iurēt de luy estre fideles, se dōnent corps & ame à luy, banquettent, dansent,



danſent ſe couplēt horriblement avec luy, promettent d'eſtre ennemies de Dieu & de toute pieté, reçoüyēt ſa marque: & ſont tout cela afin qu'il leur aprēne de nuire aux biens de la terre, au beſtail & aux perſonnes, à quoy ils raportent & dreſſent preſques toutes leurs ſorcelleries. Elles ne ſont point venir les diables par contrainte comme ſont les magiciens, ains les reçoüyent volontairement & comme amis: elles ne les attirent point par ceremonies magiques, ains par vilenie eſtrange, renoncement de Dieu & donation de leurs corps & ames: elles ne tirent point de reſponce d'eux par force, mais les interroguent familièrement & ayant par trop eſtroite acointāce avec eux. Ce n'eſt point pour des illuſions ni pour faire reuenir les morts qu'elles les apellent, mais elles les pouſſent ſans ceſſe à faire mal en vertu de leur alliance. Peut on dōc apeler ſage celuy qui eſtime les arts des ſorcieres moins nuifibles que les arts magiques?

F V R. Mais les Sorcieres n'ont aucune ſcience, ni ne ſont iamais ſorties de la maiſon pour l'apprendre, elles n'ont point de liures, & pour la pluſpart ne ſauent lire: *Aſauoir ſi l'ignorā ce excuſe les ſorcieres.* auffi ne ſont elles point leurs ſorcelleries avec certaines paroles ni avec formulaire de conſecration, comme ſont les magiciens infames. E R. Voire, comme ſi la loy de Dieu commandoit de punir ſeulement ceux qui ont aprins ceſt art à grand trauail, & apres auoir tracāſſé par beaucoup de pays. Ne te ſouuiens tu point de la punition que Dieu ordonne à ceux qui auront demandé cōſeil aux deuins? A-il ſalu qu'ils ayēt eſtudié long temps en quelques liures ce qu'ils vouloyent demander, auāt que meriter la mort. Au contraire ie di que les ſorcieres ſont encor plus execrables en ce qu'elles apprenent de la bouche de Satan meſme ce que les magiciens apprennent en des liures. Item, de ce qu'elles voyent tous iours leur precepteur, & qui leur fait tous les iours quel que leçon. Ioint qu'elles n'obmettēt rien de ce que les enchanteurs ſont pour paruenir à leur ſcience: qui pis eſt elles commettent des meſchancetez ſi horribles, que les magiciens meſmes ne voudroyent pas les auoir penſées. La Loy de Dieu ne condamne pas ſeulement ceux qui vſent de certaines paroles, mais en general elle punit les maleſhiques. Or nous apellons Maleſhiques,



*Malefi-  
ques qui.*

comme il a esté clairement prouué, tous ceux qui veulent faire des choses qui passent la force de nature, moyennant l'aide & secours du diable, par le moyen d'une paction, ou cachée ou taissible, soit qu'ils suivent une maniere de faire certaine ou incertaine. Personne ne nie que les sorcieres essayent de faire des choses qui ne peuvent estre faites naturellement par cela dont elles s'aident. C'est aussi une chose certaine qu'elles se font accroire, par une tresfausse persuasion que les choses non nuisibles reçoivent une nouvelle vertu, par quelque blasphematoire ou inepte barbotement de paroles ou par l'invocation des diables. Elles mesmes confessent que leur alliance avec le diable est manifeste, & beaucoup plus detestable que celle des magiciens. Comment donc doyvent elles estre rayées du catalogue des malefiques, encores qu'elles n'ayent rien appris de leur art par liures?

*Du pou-  
voir des  
magiciens  
& sorcie-  
res.*

F V R. Nous voyons que les magiciens font des choses que ne peuvent les sorcieres. Car au septieme chapitre d'Exode, les magiciens de Pharaon font des serpens, des grenouilles & du sang. La Pythonisse fait reuenir Samuel. 1. Sam. 28. Il y en auoit d'autres qui enchantoyent les serpens. Psal. 58. Je ne m'arreste point pour le present à ce que lon a veu de nostre temps. E R. Tu ne prouues rien par cela. Car c'est vn point cler de soy mesme, & verifié ci deuant, que les magiciens ne font rien de tout cela en vertu de leur art, mais que ce sont autant de iouets de Satan, qui par ses illusions se ioue ainsi de ses esclaves. Or puis qu'à l'endroit des sorcieres, aussi bien que des magiciens, Satan fait ce qui auient à la verité ou par illusion: il faut que la consideration soit pareille d'une part comme de l'autre. Je di mesme que la puissance de Satan a d'autant plus d'efficace des sorcieres, qu'elles luy obéissent promptement, & sont plus à son commandement. Setrouuera-il homme si hardi d'oser dire que les sorcieres facent choses moindres ou moins que les magiciens? S'il faut croire les histoires, les magiciens n'auront pas l'auantage. F V R. Ce qu'elles exhibent n'est pas nuisible: partant elles ne nuisent point.

E R. Je nie la conséquence. Et quoy? les paroles ont-elles



ont elles plus d'efficace que les choses ? Je ne le pense pas. Car les paroles ne sont que marques & images de nos pensees, & n'ont d'elles mesmes autre vertu que ce qu'elles signifient du consentement & selon l'intention des personnes. Or les magiciens par le moyen de certains mots non entendus & barbares font reuenir les morts, font apparoir choses estranges, endorment les serpens, arrestent tout court les animaux, assemblent les rats, & font telles autres impostures. Pourquoy les forcieres ne pourront elles faire le mesme en se proposant telle ou telle chose ?

FVR. Ce sont illusions & tromperies de Satan, *Quelle con-*  
 tout ce que font les magiciens. ER. Je le confesse. *uenance il*  
 Et ie di aussi que ce que font les forcieres est illusoire, *y a entre*  
 & plain d'imposture. Les magiciens s'aident de paroles, *les magi-*  
 caracteres, figures, &c. Les forcieres s'aident de mes- *ciens & les*  
 mes choses, & d'autres qui ne sont pas mauuaises de *forcieres.*  
 leur nature. Les vns & les autres croyent qu'il y a quel-  
 que vertu es instrumens, combien que cela soit faux.  
 Les vns & les autres font seulement ce que Satan fait  
 par la permission de Dieu. Les vns & les autres s'ai-  
 dent de quelques paroles ou autres choses, dont Sa-  
 tan leur a commandé d'vser afin que par tels signes cha-  
 cun se souuienne de l'alliance iuree. Satan besoigne  
 meschammét de part & d'autre, quand Dieu lui lâche  
 la bride : mais en cachette il fait acroire d ses seruiteurs  
 qu'eux ont fait ce dont il est l'ouurier. De là vient que  
 les magiciens estiment auoir la puissance de contrain-  
 dre les esprits malins : les forcieres cuident les attirer  
 par douceur. Ce pendant, cela demeure vray que les  
 forcieres font plus de mal que les autres enchanteurs,  
 si tu consideres leur volonte & effort. Car elles ne pen-  
 sent ni ne machinent & executent que nuisance. Quât  
 aux magiciens, le plus souuent, ils ne demandent sinon  
 d'estre estimez & louez du môde comme s'ils estoient  
 quelques habiles gens. FVR. Au contraire, les ma-  
 giciens semblent estre plus pernicioeux que les forcie-  
 res, en ce que par leurs illusions ils destournent ai-  
 sement plusieurs personnes de la vraye pieté : ce que  
 les forcieres ne font pas. ER. Cela n'est pas moins  
 faux que le precedent. Car ie vien de dire, que tout ce



que les vns & les autres font, procede de la puissance de Satan, voire que c'est Satan qui le fait. Prouue moy maintenant que le diable fait quelque chose dauantage pour l'amour du magicien que de la sorciere avec laquelle il est presque tousiours, deuisant ensemble, elle l'incitant à nouuelles meschancetez, & lui la retenant par tous moyens en son seruice? A la mienne volonté que les sorcieres ne fissent point pecher d'autres gens, ni reculer plus loin de Dieu, que les autres enchanteurs.

*A sauoir si ce que font les sorcieres procede de frenesie.* F V R. Si les sorcieres faisoient d'esprit rassis ce qu'elles font, ton dire auroit quelque poids. Mais elles ont l'imagination corrompue, & sont folles en tout & par tout. Qui fait qu'on les doit punir ne plus ne moins que lon feroit des demoniaques, melancholiques, & autres telles personnes priuees de leur bon sens. Car elles sont possedees du diable: pourtant font elles par contrainte & insciemment ce qu'elles font. Dauantage, i'estime que lon ne sauoit que c'estoit de telles gens du temps de Moyse. Et mesmes il semble qu'on n'en auoit point encor oui parler du temps de Iesus Christ: car nous lisons que Iesus Christ & ses Apostres ont ietté les diables hors des corps de plusieurs demoniaques: mais il ne se trouue point qu'ils ayent gueri des enforcelez. E R. L'auoue ce que tu dis de l'imagination corrompue: autrement comment renonceroient elles Dieu pour adherer au diable, si elles auoyent l'imagination pure? Personne n'est meschant de volonté & deliberation resoluë, ains ceux qui commettent les plus lourdes fautes errent en leurs discours. Mais ie te nie que les sorcieres ayent le cerueau tellement blessé, & le iugement si foible, qu'elles ne doiuent estre non plus chastiees, que des demoniaques, melancholiques, ou insensez. Car elles font toutes autres choses de sain entendement: & en leurs sorceries elles sauent bien quel est cest ouurage, a sauoir meschant deuant & apres le coup. Elles sauent qu'il ne faut point renoncer & abandonner Dieu: que c'est le diable à qui elles se donnent: que si lon fait leur forfait, la mort s'en ensuit: qu'il ne faut point brasser de mal à autrui, ni inciter le diable à cela: & que si le crime est descouuert, il y va de leur vie. Voila pourquoy elles couureront soigneusement



sement leurs meschâcetez, & les nient si effrontément, que mesmes la torture ne peut tirer aucun mot de verité de leur bouche, tandis qu'elles ont quelque force pour endurer la question. Ioint qu'elles ne s'entremettent pas de nuire à tous ceux qu'elles rencontrent, ains seulement à ceux qui leur ont dit ou fait outrage, ou qui leur ont refusé quelque chose. Elles n'ont donc pas moins d'esprit que les enchanteurs & autres tels meschans, qui souffrent que Satan les induise & persuade de faire ce que Dieu a defendu. Iceux ont l'imagination corrompue iusques là, qu'ils n'obeissent pas au iugement de la raison. Les estime-tu pourtant excusables? Je ne le pense pas. Cest argument donc ne sert de rien pour la iustification des sorcieres: car si elles estoient folles & rassottees, on ne leur verroit pas cacher leurs mesfaits, ains en les interrogât elles s'en vanteroyent. Pourtant sont-elles insensees en vn point principalement, comme aussi tous les magiciens, qu'elles estiment faire ce que fait le diable resueillé par leur sollicitation.

F V R. Entre les demoniaques il s'en trouue qui ont bon iugement & des iours francs. Quand telles gens prononcent des blasphemes & propos estranges contre Dieu, qui dira pourtant qu'on les doye mettre à mort? Car ils sont tellement aveuglez, que ce qu'ils ont dit, leur est du tout inconnu. E R. Je te nie que les sorcieres soyent tousiours ainsi possedees du diable. Au contraire il n'est presque point auenu qu'on ait veu sorciere demoniaque: & semble que le iuste iugement de Dieu empesche que Satan ne les possede cōme demoniaques: afin qu'elles n'eschapent la punition à laquelle Dieu les a condamnées. Les demoniaques ne sont pas totisours mauuais, & quand par interualles ils reuiennent en quelque cōualescence, on les void crier merci à Dieu, & affermer constamment qu'ils n'ont iamais consenti au passé, & que maugré eux le diable a abusé de leur langue. Il y a bien à dire en cela au fait des sorcieres. F V R. Si est-ce que le diable les tient de si pres, & les a tellement'estourdies, qu'elles ne peuvent deplorer leur misere, ni detester leurs pechez, ni desirer salut. E R. Je voudrois que tu prouuasses cela: car ie ne croy pas ainsi de leger. Si elles estoient quel-

*Si les sorcieres sont demoniaques.*



quesfois agitées du diable, comme sont les demoniaques, il y auroit quelque soupçon. Mais puis qu'elles sont tousiours en vn mesme estat, on ne les peut appeler demoniaques. Quel argument desires-tu plus ferme & veritable que cestuy-ci, a sauoir que par certains internes nous voyons les vrais demoniaques estre miserablement affligez & cruellement deschirez, sans se vanter de sauoir faire merueilles, ny s'efforcer d'en faire acte quelconque, au contraire les forcieres se glorifient de choses grandes, entreprennent beaucoup, & se portent bien ce pendant. Elles sont en aussi bonne santé apres auoir traité alliance avec le diable, qu'auparuant.

*A sauoir s'il y a eu des forcieres du tēps de Moysse & de Iesus Christ.* Si tu penses qu'on ne sauoit que c'estoit de forcieres du temps de Moysse: à ton commandement. Il ne s'ensuit pas qu'elles n'ayent esté, encor que l'Escripture sainte n'en face pas mention. Sufit qu'elles sont comprises au roolle des Malefiques contenu au dix huitieme chapitre du Deuteronomie. Combien y a il de crimes dont l'Escripture sainte ne fait point de mention speciale, lesquels neantmoins sont condamnez de chascun? Iesus Christ & les Apostres n'ont point gueri de forcieres, pource que telles miserables ne peuuent faire ce qu'elles s'attribuent, & pensent seulement pouuoir exécuter. Or il apert par les tesmoignages de tous les Poëtes & historiens, & par les loix des douze tables, que des lors il y auoit des forcieres.

*De l'apostasie & reuolte de l'obeissance de Dieu.* Je pense auoir monstré suffisamment, que les forcieres doyuent estre punies, non pas tant pour les choses qu'elles font, ou qu'elles veulent faire: que pour leur apostasie & reuolte de l'obeissance de Dieu. Item pour l'alliance contractée avec le diable. F V R. Cela n'est pas criminel deuant le siege iudicial des hommes: car qui est celuy de nous qui ne se destourne souuent de Dieu? E R. Celuy se destourne de Dieu qui transgresse les commandemens d'iceluy: mais il y a bien grande difference entre ceux qui faillent par imprudence, ou qui mesmes commettent vne faute tout à leur escient, & ceux qui de leur bon gré, sans apprehension d'aucun danger, n'estans en erreur ni en maladie, renoucent & foulent aux pieds le vray Dieu & la religion Chrestien.



Chrestienne, c'est à dire qui deuiennent apostats de malice deliberee, & puis apres font la guerre à Dieu & à toute la religion. S. Pierre a griefuement peché, mais il est tombé par infirmité. Daud a grandement offensé Dieu, en plusieurs sortes, & est demeuré enueloppé en ses forfaits l'espace de quelques mois: mais pour cela il n'a pas renoncé Dieu ni le seruice d'iceluy. Si par le siege iudicial des hommes tu entens celuy de Moyse ie te nie cela. Si tu prens par ce mot la iustice de maintenant, ou lon n'oit ni ne voit que chiquaneries, par le moyen dequoy les vns veulent vaincre les autres, soit à droit, soit à tort, cela ne nous attouche point: car nous ne disputons point du deuoir des hommes, mais de la volonté de Dieu. F V R. Tu veux donc remettre sus la republique de Moyse. E R. Nullement: car ceste police a beaucoup de choses qui ne conuiennent à nostre temps, ni es lieux où nous habitons. Ce pendant, ie maintiē que les crimes, concernās les mœurs, de claires dignes de mort par Moyse, peuuent estre reprimēz par supplice de mort. Item, que le magistrat doit chastier les crimes, que Dieu cōmande que lon reprime, Matth. 5. Ie ne nie pas qu'il nē fāle adoucir les chastimens, si quelque faute peut estre abolie par vne douce reprimende.

F V R. Mais l'alliāce des sorcierēs avec le diable est nulle & vaine: car tout cest afaire est imaginaire, & fait en esprit seulement: à raison dequoy on n'en sauroit ia-  
 mais rien conoistre par deposition de tesmoins. Dauan-  
 tage, ceux qui n'ont aucune communion ne peuuent contracter ensemble. Item, ceux qui sont de contraire auis ne contractent point. Finalement il n'y a point de consentement là ou fraude, violence, cruauté, erreur & ignorance entreuiennent. E R. Il ne faut vser de long propos sur cela: car les inuentions des hommes n'ont aucune autorité quand il est question de la parole de Dieu, ains il faut mettre en auant des tesmoignages de l'Ecriture. Car Dieu iuge selon sa parole, non pas selon la fantasie de l'homme. Ie nie que l'alliāce soit imaginaire. Car il est impossible qu'un homme qui a l'usage de ses sens croye les choses imaginees estre vrayes, si



les sens ne ne s'y accordét. Imagine que quelcū te donne mil escus: tu ne le croiras pas, si tes yeux ne le voyent si tes mains ne le touchent, & si tes autres sens te disent que cela est faux. Et pourtant nous apellons les songes imaginations, pource que les sens sont liez: ou ce que voyent les malades à cause de leur accident. Les forcieres contractent en veillāt, en voyant & oyant le diable. Ce n'est donc point seulement vne chose imaginaire, comme de ce qu'en dormant elles estiment banquetter, danser, enforceller quelques vns, & voir ceux qu'elles ne voyent pas. Cela est imaginaire, non pas ce qu'elles font en veillant & de sain entendement. Car quelquesfois elles s'assemblent de iour, dansent, iouēt avec leurs maistres, & banquettent des viandes qu'elles ont apportees. On fait que ces choses ont esté faites quelquesfois à la verité: & ceux qui de leurs yeux ont veu ces ombres de malins esprits auoyent les sens entiers. On peut donc souuentesfois auoir des tesmoins de la verité de ce fait.

Mais qu'est il besoin de tesmoins, quand celuy qui est coupable confesse son crime, lequel il monstre estre veritable par plusieurs choses auenues auparauant. Il n'est pas besoin de disputer de la diuersité & communion des naturels. Chascun fait que l'alliance entre Dieu & les hommes est vallable, encores qu'il n'y ait telle communion entre eux que les Iuriscultes la desirent. Aussi ceux qui contractent ne sont pas tousiours d'un auis. Car on parle ainsi, Si tu fais ceci, ie feray cela. Le mesme se fait en l'alliance dont nous parlons: Si tu retionces Dieu, ie te donneray de l'or & de l'argēt dit le diable, & t'apprendray merueilles, &c. F V R.

Mais le diable est trompeur & menteur. E R. Pourtant l'Apostre nous commande de nous equipper d'armes spirituelles, afin de pouoir resister à sa puissance & à ses finesses. C'est la mesme raison pourquoy le Seigneur nous a commandé de prier non seulement à toutes heures, mais aussi à tous momens, Ne nous indui point en tentation. Pourtant l'excuse de la tromperie n'est pas valable. Mesmes si quelqu'un tasche par miracles nous destourner de la verité il ne le faut pas croire Deuteron. 13. Ie te prie, excuserois tu ta femme & tes fil-

les,



Ies, quoy qu'autrement elles fussent hōnestes & chastes, si elles commettoient paillardise & adulterē, ayans esté seduities & trompees par quelques vns? A peine serois tu si patient & debonnaire, ce pense-je. Pourquoy donc veux tu que le Magistrat pardonne à celles que le diable a seduities, veu mesmes qu'elles sauent qu'il ne peut leur bailler chose qui soit belle ou bonne? Je diray dauantage, que Dieu n'a pas mesme espargné les pauures payens, ains à cause de tels crimes les a exterminēz, encores qu'ils ne pensassent pas faire mal, comme les forcieres le sauent aujourd'hui. Penses tu donc qu'il les vueille traiter plus doucement qu'il n'a fait ceux là? C'est vne impieté (dit Athalaric Roy des Gots) estre doux enuers ceux que la loy Dieu condamne. Penses tu que Dieu ait ignoré les fraudes & efforts du diable? S'il l'a sceu, & neantmoins il a commandé que les transgresseurs de son commandement fussent punis, en vain voulons nous courir & excuser la tromperie. La force, la crainte, l'erreur n'ont pas plus de poids en ces malfaitteurs qu'es autres criminels, & toutefois vn hōme sage ne voudroit pas qu'ils demeurassēt impunis. Dieu excuse-il celui qui se sera laissé seduire par vn faux Prophete quoy qu'il eust fait miracle? Deuter. 13. A quel propos donc veux tu excuser les forcieres par l'autorité des Iuriconsultes? On ne peut pretendre cause d'ignorance, veu qu'elles font cela de leur mouuement. Dieu mesme veut qu'on face mourir celle avec laquelle l'homme se fera souillé. Comment diras tu que l'ignorance ne veut pas qu'on punisse les pechez?

F V R. Si est ce qu'il faut espargner le sexe plus fragile. E R. Dieu n'a pas commandé cela: au contraire, il a fait expresse métiō des femmes au vingtdeuxieme chapitre de l'Exode, pour nous aprendre qu'en cest affaire il ne veut point auoir esgard au sexe. Car combien que i'estime que les femmes ont esté nommees en la loy plustost que les hommes, pource qu'elles sont plus suiettes à glisser en ce precipice, toutesfois l'autre point est véritable. Ce mesme passage conferme l'autre que nous auons exposé ci dessus, que Moyse n'appelle pas seulement Malefiques ceux qui ont aprins l'art avec grand peine & longs voyages. Car quand il fait expresse

*S'il faut  
pardonner  
au sexe.*



mention des femmes, c'est pour monstrier qu'il parle aussi des autres.

*Les forcieres sont idolatres.* OUTRE cest argumēt il n'en faut pas oublier vn autre, qui monstre que le crime des forcieres est capital, aſauoir que ce ſont les plus meſchantes idolatres qu'on ſauroit trouuer. Car elles n'adorent pas ſeulement des idoles, mais ſe proſternent deuant les diables meſmes; leur ſeruent, les prient, & font les autres ceremonies ſuſmentionnees. Les Idolatres Iuiſ que Dieu condamne à mort Exbd. 22. Deuter. 13. & 17. & que nous liſons auoir eſté tuez, 3. Mach. dernier chap. n'adoroyent pas tellement les idoles qu'ils niaſſent que le vray Dieu leur fiſt du bien: mais ils eſtimoyent eſtre aidez de Dieu & de leurs idoles. Or les forcieres promettent d'eſtre à l'auenir ennemies de Dieu. Le Seigneur Dieu commande qu'en ce fait on n'eſpargne ni pere ni mere, ni femme ni enfans. Je conclu donc que le magiſtrat ne doit pardonner aux forcieres. FVR. Qui eſt l'idolatre, qui ſachant qu'il y a vn vray Dieu, bon & miſericordieux, l'ait voulu quitter, pour recourir à vn faux Dieu, pernicioſ & cruel? ER. Vne perſonne qui aime ſon ſalut ne penſera iamais à cela. Et toutesſois l'Eſcriture ſaincte teſinoigne que pluſieurs Iuiſ ont fait cela. Et quand perſonne ne l'auroit fait, de tant plus grande punition ſeroient coupables les forcieres, pour auoir oſé entreprendre vn ſi horrible forfait.

*Les forcieres homicides.* ON pourroit auſſi les executer à mort comme homicides. Car encores qu'elles preſentent des choſes non nuſibles, elles ne les monſtrent ſinon afin qu'on ne les puiſſe deſcouvrir & accuſer. Elles croient cependant que ces choſes ont receu telle vertu de Satan que elles ſont propres à faire ce à quoy elles les apliquent. Dauantage, elles taſchent ſouuent d'en attirer d'autres à ſeſuiſſe leur ſecte, & eſt auenu maintesſois qu'elles ont marié leurs filles au diable. Or Dieu a fait vne loy expreſſe par laquelle il condamne telles gens à mort. Qui plus eſt, c'eſte vilenie & ſouilleure horrible avec les eſprits impudens, merite la mort. Car la loy de Dieu comāde que celuy qui ſe meſſera avec vne beſte ſoit brulé. Doit on pas, à plus forte raiſon, bruſler celles qui ont eu la cōpagnie de Satan. Je ne diſ rien de ce que ce vilain eſprit aſeſché



aproche d'elles souuent en forme de chien ou de bouc, soit qu'il en ait prins seulement l'aparence, ou qu'il soit entré es corps de ces bestes. Puis donc qu'elles ne pechent point par resuerie, ni par melancholie ou fureur, ni estans demoniaques, ains de leur mouuement & pleine volonté renoncent & detestent le vray Dieu & tout son seruice, & se donnent au diable ennemi du genre humain, & s'obligent de faire mal aux personnes, & commettre des infametez horribles: il me semble que ceux qui les suportent fauorisent à des monstres ennemis de Dieu & de nature.

FVR. Toutes les sorcieres ne commettent pas telles meschancetez: & y en a plusieurs seduites par l'imposture des autres: on en acuse plusieurs d'auoir fait des choses qui ont esté perpetrees par le diable, lequel veut par ce moyen dresser vne boucherie de chair humaine, qui est vn de ses principaux esbats. ER. Je ne doute pas qu'on ne face tort à plusieurs femmes, & pourtant il y faut proceder sagemēt. Lon ne doit pas croire legerement les delateurs. veu que les sorcieres voyent plusieurs choses en dormant, dont puis apres elles font des contes, comme si le tout estoit tresveritable. Aussi ne faut il croire aucunement qu'elles ayent fait ce qu'elles se vantent auoir peu faire, ni les chastier principalement pour cela. Il faut voir comment elles ont esté induites de se ranger là, combien de temps elles en ont esté, de quel courage, & ce qu'elles ont fait. Celles qui n'ont commis vilenie enorme, & donnent bons tesmoignages de repentance doyuent estre traitees plus doucement & avec plus grande moderation. Brief on doit procurer que le royaume de Satan soit destruit, & que la volonté de Dieu s'accomplisse. FVR. Si les magistrats tenoyent ceste mesure, on n'eust pas tant disputé de ces matieres, & ie ne t'en eusse pas tant importuné. ER. T'ay dit librement & vn peu au long ce que il m'en sembloit, afin de monstrer & prouuer que les magiciens, & tous autres qui ont alliance avec les diables meritent d'estre destournez de ceste impieté par suplice de mort.

*Il faut estre bien auisé en la punition des sorcieres.*







## SECOND DIALOGVE

DE THOMAS ERASTVS,  
contenant vne plus ample repetition de la dispute touchant le pouuoir des forcieres:& de la punition qu'elles meritent.

*Au deuant d'iceluy est adioustee vne briefue response aux argumens du premier: afin que les repliques d'Erastus en ce second soyent tant mieux comprinses.*







L y a ia sept ans passez, Magnifiques Seigneurs, qu'un personnage docte & de grand pieté, me demâda quelle punition meritoyēt les sorcieres. Il auint tost apres que quelques autres m'inciterent d'escrire contre les absurdes, profanes, & pernicieux enseignemens de Paracelse: ce que faisant, il me faloit discourir en la premiere partie de mes disputes de la science & du pouoir des sorcieres. Pource aussi que certains Theologiens fort doctes m'exhorterēt que i'y adioustasse ce que i'auois autresfois escrit de la punition des sorcieres, dequoy ils quoyent eu communication, & le trouuoient bon, ie me laissay gouverner par leur auis. Et fis cela dautant plus volontiers, que i'estimois auoir prouué la question par tels argumens, que personne n'oseroit repliquer au contraire. Car tout est puisé de l'Escripture sainte, & n'y a rien du mien. Mais ie me suis mespris: car il s'est trouué vn homme docte, qui touché de compassion enuers ces miserables femmes, a entrepris de defendre leur cause, & maintenir qu'elles sont innocentes: ce que i'estime qu'il a fait plustost d'affection bonne que droite. Or ne s'est-il pas employé à cela sans m'en aduertir, ains m'escriuit son intention il y a quelques annes. le luy fis response, que cela ne me fâscherait point, au contraire que i'y prendrois plaisir. Mesmes ie le priay bien fort de nous respondre & refuter hardiment, s'il nous voyoit en erreur. Car il n'est point ici question de jeux de petis enfans, mais du salut de ceux pour qui Iesus Christ a voulu souffrir la mort cruelle: & pourtant ie serois meschant, voire me deuroit-on estimer enragé, si ie preferois vne fausse & cruelle opinion à vn auis veritable & humain. Certainement, i'aime-rois mieux mourir de la plus cruelle mort qu'on sauroit imaginer, que de m'abuser sciemment & volontairement en chose de si grande importance: veu principalement que l'erreur en tel cas n'est pas vne simple cheute, mais perilleuse, & tirant quelques autres en ruine apres soy. Pourtant ie priay instamment ce personnage, que



que pour le salut commun de tous il me communiquât priuement les argumens qu'il voudroit opposer à mon opinion, ou qu'il les mist en lumiere aux yeux de chacun. Et s'il m'enseignoit mieux, ie l'en remercirois deuant tous. Cela est demeuré en suspens quelques années, & comme ie ne m'y attendois plus, finalement, environ le commencement de ceste année mil cinq cens septante huit, sa refutation entreprinse de si long temps a esté imprimée & publiée. Apres l'auoir leuë attentiuement, & voyant que ce n'estoit pas ce que ie pensois, ie fus merueilleusemēt estonné. Car ie ne trouuay rien la qui fust d'importāce, à quoy ie n'eusse solidemēt respondu par mon premier dialogue. Parquoy ie commençay à discourir ainsi en moy-mesme: si vn personnage si docte, & qui a tant espluché ceste question depuis quelques années, n'a peu rien inuenter pour refuter tes argumens & confermer les siens: il apert assez que la cause que tu maintiens est tresbonne. Et afin que les autres puissent voir ce que ie di, i'ay voulu repeter toute ceste dispute, & respondre plus amplemēt & cathégoriquement à toutes ses obiections: afin que ci apres personne ne dispute à la volee de ceste question, ou condamne nostre auis comme s'il estoit contraire à la parole de Dieu. Si quelqu'un propose plus fermes raisons tirees d'icelle (car auparasfois i'ay dit, & le dis encore, que ie ne veux disputer que par l'Escripture sainte touchant ce point: & ne me soucie de sauoir ce que le droit ciuil en ordonne) il m'obligera pour iamais à soy, fera chose agreable à Dieu, tresvtil & necessaire à la republique.

O u, magnifiques Seigneurs, ie vous ay voulu dedier ce liuret, pour plusieurs raisons. En premier lieu, on ne scauroit offrir mieux l'explication de telles disputes, qu'aux iuges & gouuerneurs des estats publics. Car qui doute que la conoissance de ces matieres appartient principalement aux Magistrats. Secondement, puis que vostre sagesse & experience a fait que le Senat de vostre noble ville vo<sup>z</sup> a estimez dignes & propres de vous faire sursintendans de l'vniuersité, il faut estimer que vous serez iuges equitables de tels differens. Pour le dernier, me souuenāt des biens que i'ay receus de vous il y a plus de trente ans, i'ay pensé vous estre redevable pour le moins de quelque grand merci, &c. De Heidclberg, ce premier iour d'Auril, l'an M.D.LXXVII.



# A D V E R T I S S E M E N T

au Lecteur.

**P**OURCE que M. Thomas Erastus dit en sa presface sur ce deuxieme dialogue, qu'un certain docte personnage, avec qui il auoit cōmuniqué par lettres du fait des sorcieres, a respondu aux argumens du premier dialogue: & que ceste responce ou refutation luy a fait repeter toute la dispute, & en ce dernier dialogue repliquer à son aduersaire: l'ay pensé, auant que venir à ceste replique, qu'il ne seroit pas mauuais d'adiouster ici la responce de ce personnage, qu'Erastus, homme paisible & modeste, n'a voulu nommer. Je l'ay donc extraite du liure des sorcieres, composé par ce personnage, lequel aussi ie ne nōmeray point, & l'ay mise ici cōme en son endroit propre, afin que cōsiderāt ce qui est dit de part & d'autre, la verité soit tant mieux conuē, & qu'en vous destournant de mēsonge & de l'auteur d'icelui, vous puissiez iuger de ce qui vous est ici proposé avec un esprit sās. Au demeurant ie n'ay point voulu traduire ce liure des sorcieres, d'autant qu'il est tiré mot à mot des six liures de M. Iean Vvier. C'eust donc esté vous faire acheter un liure deux fois, & vous charger de double lecture. Partant ie me suis contenté de ioindre entre les deux dialogues la responce aux argumens du premier, qui est telle que s'ensuit.

RESPON-



*mens du premier dialogue de Tho-  
mas Eraſtus contre les  
Sorcières.*

**I**L y a des hommes doctes qui ne ſont pas de l'auis de Iean Vvier touchant la punition des ſorcières, lequel il a amplement propoſé en ſon ſixieme liure. Car ils eſtimēt qu'il faut bruſler les ſorcières, & pour preuue de leur opinion mettent en auant ſix argumens.

1. Que les Sorcières ſont comprinſes ſous la Loy de Dieu expri-  
mee au 22. chapitre d'Exode, où il dit en termes expres, Tu ne lairras point viure la ſorciere.
2. Que les ſorcières renoncent Dieu, ſont alliance avec le diable, & l'adorent.
3. Que les ſorcières ſont homicides.
4. Qu'elles ont la compagnie des eſprits immondes, & banquetent avec eux.
5. Qu'elles attirent d'autres perſonnes à leur ſecte damnable.
6. Qu'elles ſont profeſſion d'arts monſtrueuſes & du tout illicites.

*Reſponſe au premier argument.*

IL a eſté amplement monſtré es liures de I. Vvier tant par l'etymologie de la langue Hebraïque, que par le teſmoignage des ſeprante Interpretes, des Rabins, & de Iosephe, que la loy de Dieu cōtenue au vingtdeuxieme chapitre d'Exode, verſet dixhuitieme, doit eſtre entendue des empoiſonneurs. On obiecte à cela, que les empoiſonnemens ſont comprins ſous la loy de Talion & d'homicide. Que ceſtuy-là n'eſt pas ſeulement homicide qui a tué vn autre à coup de pierre, de baſton, de poing, d'eſpee, de hache, ains auſſi qui a eſtouffé avec vn oreiller, avec vn cordeau, ou avec les mains, ou qui a precipité ou empoiſonné: partant n'eſtoit pas beſoin de faire vne loy à part touchant les empoiſonneurs, & redire vne meſme choſe en diuers endroits.



CELVY qui aura vn peu fueilletté les liures de Moÿse, fait que cest argument est du tout friuole. Car combien de fois les loix de Talion sont elles repetees au liure du Leuit. chap. 24. Au 19. chap. du Deuter. sont mises diuerses sortes d'homicides, & la punitiõ qui en doit estre faite: toutes fois derechef au 27. chap. malediction est prononcee contre celuy qui frapera son prochain en cachette. Aussi est-il dit au 22. chap. d'Exode, Tu ne contristeras ni affligeras l'estranger: car vous auez esté estrangers en la terre d'Egypte. Ceste mesme defense est reiteree au chapitre suyuant. Semblablement au 19. du Leuitique il est dit, Vous ne rongnerez point vos cheueux, ni ne raserez point vos barbes: ce qui est repeté au 21. Il est aussi defendu au 27. chapitre du Deuteronomie, à vn homme d'espouser sa belle mere, ce qui auoit esté declaré au 22. chap. precedent. Et n'y a rien plus ordinaire à Moÿse, que de repeter par fois plusieurs choses. Nous en auons vn ample tesmoignage sur le point dont est maintenant question: car les arts & sciéces magiques sont condamnées par trois fois au liure du Leuitique: & neantmoins il semble qu'vne fois pouuoit suffire. Car au 19. chapitre il est dit, Ne vous adressez point aux magiciens, & ne vous enquerez point des deuins. Et au chap. 20. la personne qui se fera adressede aux magiciens & deuins, & qui aura eu acointâce avec eux: ie mettray ma face contre icelle, & l'extermineray du milieu de son peuple. Puis sur la fin de ce mesme chapitre, L'homme ou la femme, esquels sera l'esprit de deuination mourront de mort. Je ne veux pas me tourmenter beaucoup pour scauoir qui a esmeu Moÿse de faire ces repetitions: ce m'est assez de croire qu'il a pleu ainsi au Saint Esprit. Pourtant cõbien que Moÿse ait parlé de la loy de Talion & d'homicide au 21. chap. d'Exode, cela n'empesche point que par vne loy speciale il condamnast ce moyen de nuire & de tuer par poison: veu mesme que ceste sorte de meurtre differe en plusieurs circonstances & considerations d'avec les autres sortes d'homicides. Car ceste meschanceté est commise secrettemēt, tellement que le plus fort homme du monde ne se sauroit dõner garde des embusches d'vne femme ou d'vn valet: sous pretexte de breuuage



salutaire : souuentes fois contre ceux qu'on estoit tenu d'aimer particulièrement : & par les inferieurs contre les superieurs. Puis donc qu'une telle meschanceté est beaucoup plus indigne & cruelle qu'un simple homicide, pourquoy un article à part sera il superflu ? Aussi tout empoisonneur & malefique pourra estre tel sans estre homicide pourtant : attendu qu'il peut nuire au bestail & biens de la terre sans toucher aux personnes.

QUAND ceux qui sont d'avis cōtraire voyent que leur argumēt prins du 22. chap. d'Exode n'est pas con-  
 cluant, ils recourent à un autre argument : que les ma-  
 giciēns sont dignes de mort, & d'autāt que les efforts des  
 forcieres sont compris sous les arts magiques, qu'aussi  
 elles doyuent estre mises à mort. Je confesse que c'est  
 un crime capital que d'exercer l'art magique, mais ie  
 nie que les forcieres soyēt magiciennes : car il y a grāde  
 difference entre les magiciens & les forcieres, comme  
 il a esté monstré au second & troisieme liure de VVier.  
 Dauantage, les magiciens ont d'eux-mesmes le com-  
 mencement de leur sciēce prohibee, dont ils cherchent  
 les precepteurs & les liures, & sont poussez à cela par la  
 curieuse inclination de leur propre naturel : mais les  
 forcieres non. Car elles ne demādent pas d'estre instrui-  
 tes, elles n'ont ni ne cherchēt point de precepteur : mais  
 le diable s'insinue en celles qu'il soupçonne deuoir estre  
 instrumens propres & disposez à ses illusions, afin qu'il  
 puisse troubler leur fantasie par diuerses visions : com-  
 me celles qui radortent, ou qui sont stupides, melan-  
 choliques, chagrignes, desesperées à cause de leur pau-  
 reté, ou pour auoir perdu quelque chose. Or afin que  
 vous apperceuiez encore mieux ceste differēce, ie vous  
 propose deux exemples de meurtres : l'un procedant de  
 propos & deliberation de malfaire, l'autre, de quelques  
 allechemens presentez par quelque un. Je m'assure que  
 vous iugerez à mort le premier homicide : quant au se-  
 cond, ie n'estime pas que vous disiez qu'il le fale trai-  
 ter si rudement. Pourquoy ? D'autāt que le premier a  
 une cause interieure, & procede du cœur : mais le secōd  
 part d'une induction au dehors. Dieu ne regarde pas  
 tousiours tant le fait que le cœur & la volonté. qui vou-  
 dra donc maintenir que ces pauvres vieilles doyuent

*Asavoir  
 si les for-  
 cieres sont  
 magicien-  
 nes.*



estre plus griefvement punies que les magiciens?

*Si les sor-  
cieres ont  
esté du tēps  
de Moysse.*

DAVANTAGE, puis que du temps de Moysse on n'a sceu que c'estoit des sorcieres dont nous parlōs maintenant: ie ne voy comment on les puisse comprendre en la loy faite contre les magiciens. Ains plustost, veu que Satan ne se lasse iamais de chercher les occasions de mal faire, ayant iadis liuré diuers cōbats au miserable monde, il semble auoir reserué ceste imposture, comme vn réfort d'apast en ce dernier aage du monde radotant. Car il ne lui suffisoit pas d'attirer le monde en erreur par fausse religion, concupiscences deprauees, & autres tromperies: mais il a voulu encore par ceste illusion ci charmer les vieilles resueuses par imagination de merueilles estranges qu'elles cōfessent auoir veuës, souiller les mains des Magistrats de l'effusion du sang innocent, & esblour le iugement des plus doctes & sages Theologiens pour ne point apperceuoir & reietter ces impostures.

*De la pu-  
nition des  
crimes.*

CE qu'ils adioustent aussi, que les crimes concernant les mœurs, & declarez dignes de mort, par Moysse doyuent aussi estre estimez capitaux par les magistrats d'aujourd'hui: combiē que cela ne touche pas le point de nostre different, toutesfois on ne le me sauroit aisément persuader. Car Moysse condamne le faux tesmoin à mort: l'espouse qui ne serapoint trouuee vierge à estre lapidee: celuy qui aura tué vn larron entrant de iour en sa maison à mourir, & plusieurs tels autres exemples de seuerité que lon adoucit maintenant. Il y auoit lors quelque plus grande rigueur: maintenant quelque peu plus de douceur. Pourtant lors que les Scribes & Pharisiens eurent surprins vne femme en adultere, & vouloyent qu'elle fust lapidee, suyuant la loy de Moysse, que leur en dit Iesus Christ nostre Sauueur? Celuy d'entre vous qui est sans peché iette la premiere pierre contre elle. Il la defend non seulement de uant le siege de Moysse: mais aussi luy fait misericorde, laissant exemple de compassion. Item, Vous avez oui dit-il, qu'il a esté commandé, Œil pour œil, dent pour dent. Mais moy ie vous di, ne resistez point au mal. Et pourtant, veu qu'es iugemens criminels nous ne suy-  
uons pas la seuerité de Moysse, comme nous ne le deuōs

pas



pas faire aussi: pourquoy voudriez vous desgainer le glaive en vn fait de conscience, & qui est Ecclesiastique? Voulez vous ramener sous le ioug Israelitique ceux qui vivent sous la liberté de l'Euangile? Je nie donc qu'il fale indifferemment executer à mort ces vieilles que vous exposez à la haine de tous par vos crieries, brullemens, & outrages. Vous refusez les loix & la iustice civile, où vous dites qu'il n'y a que chiquanerie. J'ay monsté que les loix de Moysse ne sont receuables en ceste dispute ci. Le gouvernement Ecclesiastique ne doit auoir autre glaive que le spirituel. Gallion Proconsul d'Achaïe denioit iustice aux Iuifs qui acusoient saint Paul d'auoir enseigné contre la loy de Dieu: & leur respond, S'il auoit delinqué en quelque sorte, ie vous presterois audience: mais puis qu'il est question de doctrine & de vostre loy, auisez-y: car ie n'en veux estre iuge. Et ainsi il les chassa hors du parquet. Je veux donc conclure avec S. Augustin, Que l'excommunication fait auioirdhui en l'Eglise, ce que le suplice de mort faisoit en la republique de Moysse.

*Responce au second argument.*

LE second argument des aduersaires est, que les sorcieres sont alliées avec les diables, & renōcent le vray Dieu. Cōbiē que cela ait esté refuté es liures de Vnier, toutesfois, pour y respondre derechef, ie demāde, comment vous saluez quelles ayent fait alliance avec le diable? Je say que vous m'acorderez que vous ny estiez pas present, & que ne l'auiez entendu de tesmoins dignes de foy. C'est donc de la propre confession de ces vieilles rafflotées & stupides. Or leur confession est volontaire ou contrainte. Si ceste confession est contrainte, c'est vne confession imparfaite & de nul poids, ayant esté tirée de leur bouche par les insupportables tourmens de la torture. Mais y a-il chose plus dangereuse en tels affaires, que de pendre de la cōfession extorquée par force de la bouche d'une femme eslourdie, sans aucuns tesmoins de son malefice? Vous ne diriez pas cela, si vous leur auiez veu verser de l'huile bouillāt sur les iambes, brulser les aisselles avec des chandelles ardētes, & exer-

*Asavoir  
si les sorcieres  
sont alliées avec  
les diables.*



cer infinis barbares & cruels tourmens sur des femmes qui sont sur le bord de la fosse, comme i'ay veu qu'il a esté pratiqué sur des innocentes, aucunes desquelles mesmes ont esté deliurees à ma sollicitation. Si elles confessent volontairement, ou ce sont choses impossibles, comme d'auoir fait tomber la gresle, volé en l'air, esté transformées en bestes bêtes, eu la compagnie charnelle du diable, & fait autres choses semblables: Ou bien ce sont choses possibles, qui toutesfois n'ont pas esté faites: ou bien elles confessent ce qui a esté fait & est vrayement auenu, comme qu'en tel lieu quelqu'un est tombé malade, qu'un enfant est mort, que les bleds ont esté tempestez. La premiere confession ne les peut enuoyer au supplice: car elles parlent de choses impossibles: la seconde encores moins, d'autant qu'elle n'a point eu d'effect: la tierce est imparfaite, pource que par l'euuenemēt il imprime en la fantāsie de ces misérables vieilles qu'elles ont fait ce que lui a fait, ou qui est aduenü naturellemēt. Voila la pierre à laquelle plusieurs iuges sanguinaires s'aheurtēt, tellement qu'ils ne peuvent apperceuoir la sophisterie du malin esprit, qui fait vne chose causē de ce dont elle n'est aucunement cause. Pour certain ceci mōstre assez que leur imagination est abruuee de vaine opinion, en ce que volōtairement & de leur bon grē elles auouēt auoir fait merueilles & ceste alliance dont est maintenant question: car si elles estoient auisees, elles ne seroyent pas quelques fois si promptes à confesser, attendu qu'il y va de leur vie.

*Si les for-  
ciers des-  
guisent  
leur mes-  
chancetē.*

Ce que lon obiecte qu'elles desguisent & cachent leur meschancetē sans vouloir rien confesser, ne se trouuera pas ainsi: ni qu'elles nient si obstinément leurs maléfices, qu'on ne peut rien tirer de leur bouche à la torture, tandis qu'elles ont quelque force pour porter le tourment. I'ay souuentes fois veu le contraire, que sans aucune torture elles confessent de franche volōté auoir fait ce qu'elles n'ont pas fait, & que la nature des choses ne pourroit aucunement porter: pourtant sont-elles impossibles. Ce qui me fait estimer que les aduersaires parlent de choses in conuēs, ou dont ils ont fort petite experience. Car si les sens de ces femmes n'estoyēt enforcellez, certainement elles ne seroyent pas ces con-

fessions



fections: au contraire elles supprimeroyent telles meschancetez, & ne s'en glorifieroyent pas. Et quant à ce qu'elles soustiennent quelquesfois des tortures si violentes, cela vient de ce qu'on leur veut faire confesser des choses qui ne sont iamais venues en leur pensee.

Mais avant que conclure ce point-ci, ie veux battre l'aduersaire de ses propres armes, & luy faire confesser que ceste alliance est imaginaire & illusoire. Les sorcieres confessent qu'elles volent par l'air, sont transformees en bestes brutes, font tomber la foudre, frappent de maladies par imprecations: & semblent affermer cela d'un sens si rassis, qu'à peine en voudroit-on douter. Toutesfois il appert, & vous confesserez franchement avec moy, que tout cela est vain, & rempli d'illusions diaboliques. Si cela est faux, pourquoy le reste qu'elles confessent deura-il estre vray, asauoir qu'elles ont renoncé Dieu, fait alliance avec le diable, des meurtres & autres crimes & impostures? Car si elles confessent ces derniers actes de sens rassis, pourquoy leurs sens serot ils troublez quand ils maintiennēt la cōfessiō des premiers cas estre veritable? Ou bien, si l'imagination corrompue s'est abusee en la cōfession des premiers, d'oū vient que elle ne s'est point abusee en cōfession des derniers? Car elles disent & auouēt tout cela en vne mesme heure, separément, avec mesme visage & contenance. Ie say bien ce qui trompe le philosophe en cest endroit. Il void bien que ces premieres choses sont impossibles, pourtant accorde-il avec moy que tout est faux & vain: mais dautant qu'il y en a d'autres qui sont faisables, & que les sorcieres confessent auoir faites, il estime qu'elles disent vray. Or il ne considere pas la nouuelle fallace de Satan, qui d'une chose possible en veut conclure vne impossible. Mais il n'est pas besoin que i'ys de plus lōgue refutation, car vous sauez que l'argumēt de pouuoir ā estre (*à posse ad esse*) n'est pas valable. & qu'il faut en toutes defēses que les choses suyuaētes soyēt iointes aux precedentes. Considerōs vn autre argumēt. Quand on meine les sorcieres au suplice, ou elles perseuerent en l'alliance du diable, sans implorer la misericorde de Dieu: ce qu'auenāt, ie di qu'il ne les faut pas faire mourir si promptement, autrement vous faites perir l'amē

*De l'al-  
liance des  
sorcieres  
avec le  
Diable*



& le corps:ou bien elles demandent pardon à Dieu,& n'ont tué personne: en ce cas doyuet elles estre traitees moins rigoureuſemét. Or la pluspart des ſorcieres,auât qu'eſtre bruſlees,intuoquent le Dieu eternal,recourent à ſa miſericorde, & ſouuent auſſi l'appellent à teſmoin de leur innocence,adiournans leurs iuges à comparoir deuant le throne celeſte. Je demande maintenant,puis que ſelon voſtre dire elles ſont eſclaues du diable, d'où vient ceſte repentance?elle ne vient pas de Satan,car il n'eſt pas ſi peu ruſé que de contrarier à ſoymeſme: elle vient donc de Dieu. Et ſi Dieu reconoit & reçoit ceſte ame,pourquoy,vous iuges,eſtes vous ſi rigoureux contre les corps de celles qui n'ont pas ainſi tourmentez les autres, & n'ont fait faute dont la conoiſſance vous appartiene, ainſi à la iuſtice de Dieu,en laquelle vous n'auetz rien à cōmander? L'auteur de la reſponſe adiouſte encor à ceſt argument & de mot à mot ce qui eſt contenu au dernier liure de Vvier, chap, 24. page 702. depuis ces mots, Mais ie vous propoſeray ici le ſage auis d'un Theologien, &c.iuſques à ces mots, Quant à la marque,&c.page 704. ou le lecteur pourra auoir recours ſans qu'il ſoit beſoin le repeter ici.

*Reſponce au troiſieme argument.*

*Si les ſorcieres ſont homicides.* ON allegue en troiſieme lieu que les ſorcieres ſont homicides.Si elles en ſont cōuaincues,à moy ne tienne qu'on ne les face mourir iouxte la loy de Moyſe & le droit ciuil. Le reſte de ceſte reſponſe eſt contenu auſſi mot à mot au 24. chap. du dernier liure de Vvier, page 706.707.

*Reſponce au quatrieme argument.*

ON allegue auſſi que les Sorcieres ont la compagnie charnelle des eſprits immondes,quelques ſois ſous forme de chiens, de boucs, & d'autres vilaines beſtes. La reſponſe eſt en la page 707. à quoy i'adiouſteray encor ce que ſ'enſuit.Puis que le contentement de la compagnie de l'homme & de la femme procede d'un deſir naturel qui a vertu, ie di que cela n'eſt point en ces vieilles



vieilles stupides, ridees, & seiches. Dauantage (excusez moy si ie parle si auant de telles matieres) la compagnie du diable aporte vn grand refroidissement, comme le confessent ces miserables enforcellees, & en cela n'y a plaisir quelconque, veu au contraire que celles qui ont leurs maris en peuuent vser. Je conclus donc que ceste pretendue cohabitation est imaginaire, procedante d'une impression illusoire de Satan. Car les diables peuuent par leur subtile essence esmouuoir les humeurs & esprits vitaux, & par iceux exciter diuerses formes es sens, comme si lon voyoit au dehors, non point en dormant, mais en veillant: & surce on estime des choses estre & auoir esté faites exterieurement qui ne sont ni ne se font. Ainsi certaines femmes seduities par l'imposture des diables croyoyent auoir couru en l'air sur des cheuaux avec les malins esprits. *Voyez S. Augustin au traité de l'esprit & de l'ame, chap. 28. Et le decret, 26. q. 5. episcopi ex concilio.* Et pour esclaircir cela par autre fait qui en aproche, ie conoy des gens de sain entendement, & qui auoyent tous leurs sens entiers, sans qu'il y eust aucun soupçon de melancholie en eux, qui toutesfois ne pensoyent auoir la compagnie de leurs femmes ni d'autres, pource qu'ils pensoyent auoir perdu du le membre viril par sorcellerie & enchantement dressé par vne putain de laquelle ils auoyent eu la compagnie. Or vous m'acorderez qu'ils n'auoyét pas perdu cela, puis qu'il se retrouua en eux puis apres. Neantmoins ils faisoient tous les sermens du monde qu'il estoit ainsi, quoy qu'on leur peust dire au contraire. Et pourtant si l'imagination d'un homme vigoureux peut estre abruuee d'une si vaine persuasion, pourquoy n'en auindra il pas dauantage aux miserables forcieres? Si ce qui semble moins est: ce qui est plus doit estre aussi.

Mais, afin que vous voyez tant mieux, combien l'imagination a d'efficace en ce fait, escoutez ce que dit quelqu'un en vne epistre imprimee touchant les enchantemens & adiurations. L'ay souuenance, dit-il, d'auoir oui iurer à vn gentilhomme qu'il estoit lié & enforcelé tellement qu'il ne pourroit plus auoir compagnie de femme: enquoy ie le voulus aider, taschant par diuers argumens de luy arracher ceste imagination



Or voyant que ie ne gaignois rien, ie fis semblant d'estre de son auis & le confermer, en monstrant le liure de Cleopatra de la beauté des femmes, & y lisois vne recepte contenant que l'homme lié seroit guéri s'il faisoit vn onguët d'œuf de corbeau meslé avec de l'hui le de nauette, & qu'ils s'en frotast tout le corps. Luy oyât cela, se confiant es paroles du liure, fit l'experience de l'onguent, & recouura l'enuie d'habiter avec les femmes. Ceste recepte n'auoit pastelle vertu: mais pource que l'imagination estoit preoccupee de faulx opinion, il falloit la guerir par vn remede qu'elle trouuast bon. Et pourtant ie desire que les aduersaires torchent de leurs yeux ceste broncee de superstitieuse credulité qui leur offusque le iugement.

*Auoir  
si les forcie  
res ont la  
compagnie  
des diables.*

A v reille, quant à ce que lon obiecte que Moyse condamne à mort celuy qui aura eu affaire à vne beste: & qu'une personne merite vn supplice encor plus griet qui se couple avec l'esprit immonde: ie vous acorderay vostre dire, pourueu que vous prouuez quil peut y auoir cohabitation requise en tels cas. Or il a esté suffisamment prouué que ceste conionction est vne pure imagination, au contraire nous sauons que celuy qui a affaire à vne beste, commet vn crime tout manifeste. Et pourtant ceste opposition n'a point de lieu.

*Response au cinquieme argument.*

*Si les sor  
cieres en  
seduisent  
d'autres.*

Le cinquieme argumēt est que les sorcieres seduisent & attirent d'autres gens à leur secte. Veu que leur imagination est troublee. Comment en peuvent elles seduire d'autres? sinon que vous appelliez seduire, faire des contes touchant les songes & visions imprimees si viuement par Satan qu'on les estime choses vrayes & executees de fait: encor ces visions sont rares: & ne faut prendre pied à ce qu'elles confessent le contraire; comme elles font beaucoup d'autres choses qui leur sont aparues en dormant, & neantmoins maintiennēt que tout est vray. Toutes celles qui sont ainsi enforcellees, ne reconoissent autre maistre de ceste illusion que le diable, qui les pique ainsi par ses impostures. Dauantage leur vieillesse pesante & stupide monstre combien on leur



on leur doit attribuer d'efficace & d'adresse pour tromper les autres. Si aussi lon considere diligemment ce que les seductrices & seduities cōfessent sur ce propos, vous entendez tant de folies, de propos esgarez, & tellemēt hors de toute raisō, que vous conoistrez du premier coup que les maistresses & les escholieres ont refusé en cest endroit, voire que Satan mesme a parlé en elles, si vous balancez iustement les choses, sans affection ni preiuge. Mais vous repliquerez que les sorcieres, en faisant ceste alliance ont promis au diable qu'elles en attireroient d'autres à leur secte. Or i'ay prouué diligemment que ceste paction est imaginaire, & qu'il est là question de diuerses choses, que vous serez contrainct de confesser estre fausses & imaginaires, comme du voler des sorcieres, de leur transformation en bestes, de leur copulation avec le diable, & autres choses ia dites & redites tant de fois.

*Response au sixieme argument.*

ON allegue finalement que les sorcieres font profession d'arts illicites & prohibees. Je voudrois qu'on me dist que c'est: car elles n'en sauēt point, leur vieillesse & stupidité ne le permet pas: au contraire estans deceuës de Satan par quelques apparitions, ombres, illusions & vaines imaginations, elles tiennent cela pour tout vray. Lon presse viuement cest argumēt, afin que les sorcieres puissent estre condamnées par la loy. *Multi. Cod. de Maleficiis & Mathematicis.* Mais il a esté amplement monstré es liures de V vier, spécialement au troisieme, que les sorcieres, indoctes, insensees, radotees, ne sauroient faire profession d'aucun art, ne troubler les elements, comme aussi nul homme ne le sauroit: item que elles ne peuvent contraindre les diables de nuire à cestuy-ci ou à cestuy-là. Partant ceste loy qui condamne à mort les enchanteurs & empoisonneurs ne les concerne point. S'il y en a qui tuent les gens, cela se fait par poison: partant elles sont empoisonneresses, & meritent d'estre chastiees selon la teneur de la loy. Je ne veux pas soutenir telles meschancetez. Dauantage, comme les sorcieres, dont est question, ne voyagent,



ne trauaillent, n'estudient point pour aprendre vne science detestable comme font les magiciens: aussi n'ont elles point de liures pour estre enseignées par iceux, ni certains formulaires de coniurations: elles n'ont point de diable familier enfermé en vn morceau de chrystal ou enchassé dans vn anneau, comme plusieurs Magiciens. Seulement elles ont leur imagination corrompue d'estranges visions par le diable: & tant plus elles se confient en ceste imagination, plus se trompent elles miserablement. Elles ne peuuent rien d'extraordinaire à cause de leur lourdisse & de la pesanteur de leurs esprits: mais le diable est subtil, agile, prompt, & expérimenté. Il ne faut donc accuser les forcieres d'estre magiciennes. Ceux qui ont fait profession des sciences magiques, ont esté des gens profanes qui auoyent des liures bruslez à bon droit puis apres, suyuant la doctrine de saint Paul. Actes 19. La Loy de Moyse & les loix imperiales, condamnent tels malheureux & leurs adherans.

SECOND





# SECOND DIALOGVE

DE THOMAS ERASTVS, CON-

TENANT VNE PLUS AMPLE REPE-

*tition de la dispute touchant le pouuoir des  
sorcières & de la punition que  
elles meritent.*

FVRNIVS ERASTVS.

FVRNIVS.



E pensoy que ce qui fut traité entre nous il y a quelques années touchant les sorcières, auoit esté confermé par si bons argumens que personne n'y pourroit plus contredire. Car ie scay que tu ne dis pas ton auis à la volée en questions de telle importance, ains tu as acoustumé de considerer & esplucher tout soigneusement, auant que rien arrester. Mais i'ay aprins le contraire par effect: car hier me trouuant d'auanture en la boutique d'un libraire, ie vis vn liure intitulé DES SORCIERES, lequel i'achetay, & le tins depuis entre mes mains, iusques à ce que i'eusse leu ce qu'il cōtenoit de bout à autre: & lors, avec grand estonnement, i'aperceu que l'auteur refutoit tes argumens. Je suis donc venu te trouuer, pour t'en faire entendre les premieres nouuelles.

ER. Ie l'ay veu, leu, & examiné de point en point: Il te souuient, comme ie pense, que l'auteur de ce liure, nous declara ce que tu vois qu'il a maintenant fait, incontinent apres que nostre dispute fut mise en lumiere: & nous pria de sa part, que s'il auoit quelque chose de meilleur & de plus certain que nous, il le peust avec nostre congé mettre en auant librement, pour l'vtilité publique & pour recherche de la verité. FVR.

Tu m'as fait souuenir par mesme moyen de certaines lettres lesquelles i'ay leuës, adressantes à vn personnage craignant Dieu & de grand sçauoir, esquelles il escrit, que tant s'en faut que tu sois diferent d'avec luy quant



au sommaire de ses liures, que au contraire il ny a pres- que personne qui ait plus doctemēt & seuremēt conser- mé son opinion que toy. Car quand tu cōclus que les sor- cieres qui de leur propre volōté (sans estre atteintes d'au- cune folie, rage, ou blessure de leur fantasie, & sans e- stre assaillies du diable) renoncēt Dieu & son seruice, & se donnēt au diable, il dit qu'il cōsent en cela avec toy: car ayant comprins telles gens sous le nom des magici- ens, tant en sa preface, qu'au 2. liure, chap. 2. Je pensoye en cela qu'il ne seroit point de question, de demander asauoir mon si on pouuoit à bon droit faire mourir les sorcieres. Mais que tant seulement on debatroit si nos sorcieres sont comprinses sous les magiciens. & si ayant abandonné Dieu elles font alliance avec le Diable.

E R. Tu as raison. Car maintenant ce tresdocte per- sonnage-là ne fait autre chose, sinon monstrier que tout cela se faict seulement par imagination. F V R. Pour certain il amene plusieurs choses qui sont vray-sembla- bles, & qui semblent auoir grand poids pour prouuer que tes argumens n'ont pas assez declaré ton propos.

E R. Que dis tu? penfes tu qu'il y ait pas vn de nos ar- gumens, qui ait esté ou refuté ou affoibli? Si tu en pen- ses quelque chose tu te trompes grandement. Si tu veux relire nostre liure, & le conserer avec le sien, tu trouue- ras & affermeras que ce que ie di est vray, sans en dou- ter aucunement. Qu'ainsi ne soit, quelqu'vn de mes amis me raconta dernièrement, que certains estudians en Droit l'auoyent conseré & en auoyent iugé de mes- me. Beaucoup moins en douteront les Theologiens. Car nous auons traité la matiere par les sainctes escri- tures, & non point par les decretis des Iurifconsultes lesquels ie n'ay prins onques: & pourtant personne ne doit combattre mon opinion par argumens tirez d'ail- leurs. F V R. Aussi le faict bien à point l'auteur de ce liure, en prouuant que tes argumens sont imparfaits, & non valables, & monstrent que tu n'entens pas bien l'intention de Dieu. E R. Il a bien tasché de le fai- re: mais tu conoistras combien il a auancé, quand tu au- ras rapporté ensemble les raisons de l'vn & de l'autre.

F V R. Je te prie, si ce ne t'est deplaisir, donne moy à entendre plus au long toute ceste dispute. E R. Il

n'est



n'est pas de besoin. Car nous auons dit le tout, ou pour le moins assez, en sorte que tu n'y saurois rien desirer, si tu veux diligemment & avec attention relire ce que nous en auons dit.

F V R. Toutesfois il y a plusieurs choses, que ie des-<sup>Les prin-</sup>  
sire m'estre plus ouuertement exposees, partie desquel-<sup>ci paux</sup>  
les tu n'as point touchees, partie aussi que tu as passees <sup>points de</sup>  
trop legerement. E R. Puis qu'ainsi te plaist, Inter-<sup>ceste dispo</sup>  
roge moy. F V R. En premier lieu, ie voudroye<sup>te.</sup>  
que tu comprins les sorcieres ou par vne definition,  
ou par vne briefue description. En second lieu, que tu  
m'enseignasses cōment, & en quoy elles sont distinguees  
d'avec les magiciens infames. Apres cela ie desire d'en-  
tendre encor vne fois pourquoy à bon droit on les peut  
faire mourir. Et pour la fin i'ay enuie que tu donnes la  
solution des argumens que ie te mettray au deuant. Et  
de peur que ie ne me trōpe en quelque endroit, ie desire  
que les nōs desquels nous voulōs vser soyēt distinguez,  
par ce que les sorcieres desquelles nous traitōs semblēt <sup>Les sorcie-</sup>  
auoir diuers noms tant au langage des Grecs qu'en ce-<sup>res ont pu</sup>  
luy des Latins. Car les Grecs les ont nommees *Pharma-*<sup>sieurs &</sup>  
*kides & Pharmakētria*, qui viennent du mot *Pharmakia* par diuers  
lequel est exprimé leur art: Quant aux Latins, ils les ont <sup>noms.</sup>  
nommees indifferemment & confusément magicien-  
nes, *Lamia*, *Saga*, *Striges*, Empoisonneresses, Enchanteresses,  
Malefiques. Or ie say combien est l'vsage de ces  
mots incertain aux bons auteurs, & comment ils s'en  
seruent confusément. Car en choses diuerses ils vsent  
d'un mesme mot, & en d'autres qui sont semblables ils  
vsent de diuers mots, en sorte que quelquefois à peine  
peut-on apercevoir que c'est qu'il en faut arrester.

E R. Tu dis vray: car il n'y a chose seule qui soit  
nommee par tant de noms & encores si diuers: la distin-  
ction desquels nous en monstrera la cause. Il nous faut  
donc scauoir en premier lieu que *Magia*, *Mangania*, *Goe-*  
*tia*, & *Pharmakia* mots Grecs, quelquesfois signifient cer-  
tains arts, ou manieres d'operer: quelquesfois aussi on  
en vse si cōfusēmēt, qu'un chacun d'iceux signifie tous  
les autres, ou, à tout le moins, plusieurs: & que souuent  
ils sont tous prins pour prestiges, imposture, finesse, trō-  
perie. Car les Anciens (i'entē des doctes) n'ōt iamais esté



si rudes & abestis, qu'ils ne conussent bien toutes les promesses des Magiciens, & de leurs semblables pour la pluspart estre fausses & n'estre que masques, prestiges, & contes de vieilles. La cōdition des latins est quasi pareille, soit qu'ils ayent emprunté les mots des Grecs soit qu'eux mesmes les ayent inuentez. Car ces mots, Magicien Deuin, Enchanteur, Prestigiateur, Empoisonneur, & malefique ne signifiēt pas tousiours distinctement vne mesme chose, mais quelquesfois l'un se met pour l'autre, & tressouuent tous se prennent pour imposteur.

F V R. Pourquoy estimes tu que nos forcieres ayēt esté appelees Pharmaceutriæ? E R. Le mot *Pharmakon* (duquel descēdēt *Pharmakia* & *Pharmaceutria*) se prend par les Grecs à la bonne & à la mauuaise part, tout ainsi cōme les Latins en ont de mesme vsé des mots de médicament & de venin. Mais pource qu'en cest endroit nous ne disputons point des bonnes medecines desquelles les medecins se seruent à l'encontre des maladies, laissant ce mot, il nous faudra considerer l'autre.

Deux sortes de philtres.

Nous trouuons donc es bons auteurs, que ces mots susdicts ont trois significations quand ils sont prins à la mauuaise part. Car quelquesfois ils signifient poison mortel, & quelquesfois Philtre, c'est à dire boisson amoureuse: lequel aussi est de deux sortes. Car d'iceux les vns se prennent dedans le corps, qui sont quasi tous poisons, ou à vray dire empoisonnez: les autres pour la pluspart cōsistent en paroles, caracteres, images, ceremonies, actions, cacher en terre certaines choses, & autres semblables manieres de faire. Celles qui s'occupoyent à ceux ci, ou à ceux là s'apelloyent *Pharmakentria* & *Pharmakedes*: comme on le peut conoistre par le second Eidylle de Theocrite, lequel est intitulé *Pharmakentria*, & par les scholies sur iceluy. La troisieme signification de *Pharmakia* est vn peu plus generale, & se prêt pour toute sorte d'enchantement, par quelque moyen, ou par quelque sorte d'instrumens qu'il se face, & à quelque fin qu'il s'exerce sinon qu'il ne comprēt pas la Necromantie, & autres sortes de deuinemens. Il n'y a quasi que ceste seule diferēce entre ceste significatiō ci & la seconde asauoir qu'en la boisson d'amour, le tout se fait



se fait tant seulement pour faire aimer, soit qu'il se face par charme, ou par quelque autre moyé. En la troisieme on se sert de toutes les mesmes choses quelquesfois, mais les fins en sont diuerses. Combien que souuent les enchantemens d'amours (i'enten de ceux qui ne se beuent pas, & qui ne touchent point les corps) se font afin que l'amoureux meure s'il ne vouloit retourner. Dont il auient qu'il y a bien petite difference entre l'une & l'autre signification: & que ce qui se dit de la seconde, se peut aussi bien dire de la troisieme. FVR.

Me pourrois tu prouuer cela par suffisans tesmoins? ER.

Ouy. Les mots de Plato en l'onzieme des loix sont tels.

Il y a deux sortes de poisons qui nuisent au genre humain. L'un est celuy duquel nous auons maintenant parlé, lequel est nuisible aux corps selon nature, par le moyen des corps. L'autre est celuy qui enlace les esprits des hommes par certains prestiges, enchantemens, & liaisons (qu'on apelle) & persuade à ceux qui en osent faire mal, qu'il a telle efficace: & aux autres qu'ils peuuent facilement estre blesez par iceluy. Et vn peu apres auertissant qu'il faut faire deux loix pour ce fait, dit. La loy des empoisonnemens estant distinguee en deux parties, en quelque maniere qu'aucun tasche d'exercer les empoisonnemens &c. Puis apres ayant mis vne loy pour ceux qui nuisent en baillant du poison, il en met vne autre pour les enchantemens en ces mots. Que s'il semble en vser ou par quelques liaisons, ou allechemens, ou enchantemens, ou par quelque autre empoisonnement estant en volonte de nuire: S'il est deuin, ou Interpretateur des prodiges, qu'il soit mis à mort. Que s'il n'est ou deuin ou interpretateur, & qu'il soit conuaincu d'empoisonnement, Qu'il soit puni de mesme.

PLATO montre tresclairement en cest endroit que les Anciens en ce vieil temps là, apelloient *Pharmakia*, non seulement les empoisonnemens, mais aussi toute sorte d'enchantemens, par laquelle quelque vn taschoit de nuire aux hommes, aux bestes, & aux biens de la terre (car Plato a aussi doute si par ce moyen on pouuoit nuire.) Et mesmes afin qu'il ne semblast parler seulement des liaisons, allechemens, & charmes (aussi auoit il vn peu auparauant fait mention des images de cire



enterrees ou en la voye publique, ou sous le ſueil de la porte ) il a iouſté ceſte clauſe generale , ou autre enchantement quel qu'il ſoit. Il faut auſſi en ceſt endroit noter ceci en paſſant que pour ſignifier vne meſme choſe il vſe de ces verbes Grecs *mageuo*, *goeteuo*, *pharmatto*, & *pharmakeuo*. Semblablement auſſi en ceſt endroit *pharmakia*, *mangania*, *manganuma*, *epagoge*, *Katadeſmos*, *epode* ſignifient vne meſme choſe. F V R. N'as tu point d'autres teſmoins? E R. Ariſt. au 6. liure de l'hiſt. des anim. chap. 18. a vſé en ceſte ſignification du mot *Pharmakia*, quand, parlant de l'hippomaneſ, il dit: Les magiciens ou enchanteurs le recherchent treſſoigneuſement, & au liure 9. chap. 17. parlant d'un oiſeau il dit, Et dit-on que ceſt oiſeau là a vne certaine force de magie occulte. Pourtant auſſi Ariſtot. appelle les ſorcieres *pharmakides*. au 6. liure de l'hiſt. des anim. chap. 22. Quand il dit: Pourtant les ſorcieres viuent, & ont l'vſage de raiſon. Nous liſons en Ariſtophane, qui eſt beaucoup plus ancien que Ariſtote, ce mot *pharmakides thuttale*. Or qu'il y ait eu en Theſſalie des femmes enchantereſſes ou magiciennes, c'eſt choſe toute aſſeuree. Auſſi l'interprete de Pindarus dit que les femmes qu'il appelle *pharmakides*, attachoyent l'oiſeau nommé *Iuga* à vne rouë & chantoient tout autour certains charmes, afin de faire reuenir les amoureux qui eſtoient abſens. c'eſt choſe par trop conue que le verbe *pharmakeuo* eſt ſouuēt prins par les auteurs pour enchanter, faire des preſtiges & impoſtures. L'aiouſteray encor pour la fin que en l'Apocalypſe chap. 18. ce mot de *pharmakia* eſt prins pour ſuperſtition, ou impoſture: quand il eſt dit, parlant de la paillardie de Babylone, pour ce que par tes empoisonnemens toutes gens ont eſté ſeduïtes. Et qui eſt celui qui ne ſait, que les Romains ont oſté l'entendement aux peuples non pas par vraye poiſon, mais par ſuperſtitiōs & impoſtures? L'ay auſſi admonneſté des le commencement, que tous les mots deſquels ils expriment quelque eſpece que ce ſoit d'enchantement, ou de magie, ſont ſouuēt prins par les auteurs, pour preſtiges, idoles, impoſtures, &c. parce qu'ils tenoyent tout ce que telles gens font ou s'entremettēt de faire pour choſes vaines, fauſſes, & de nulle efficace. F V R. L'enten maintenant



nant pourquoy ils les ont appellees pharmakides : main-  
 tenant monstre moy pourquoy ils les ont appellees ma-  
 giciennes. E R. La cause de ce mot n'est pas diffi-  
 cile. Car de ce que nous auons dit il, apert, que ordinai-  
 rement les deuins sont appelez magiciens. Pour le faire  
 court, le mot Magus se prend quasi tousiours pour vn  
 homme infame & detestable. Car il n'y a que les seuls  
 mages qui vindrent adorer Iesus Christ, desquels ie ne  
 veux parler ne sachant s'ils ont esté bons ou mauuais.  
 Car il y en a qui asseurent qu'ils ont esté gens de bien,  
 & d'autres qui afferment qu'ils ont exercé ceste detesta-  
 ble sorte de magie, mais toutesfois qu'ils n'y ont pas  
 perseueré. I'ay monstré assez euidemment, comme ie  
 pense, en la dispute contre Paracelse, qu'il ne se trouue  
 aucune espece de magie qui soit licite. Car celle qu'ils  
 appellent *Theourgia*, laquelle fait venir les anges bons ou  
 mauuais, voire mesme pour le proufit, & nō pour le dô-  
 mage d'aucun, ne se peut exercer sans auoir afaire aux  
 diables. Et ne faut pas dire que les magiciens de Perse  
 lesquels aucuns appellent sages ou philosophes, n'ayent  
 adoré les diables, & n'ayent fait des merueilles ex-  
 cedantes la force de nature. Car pourquoy eussent ils esté  
 plus recommentables que les autres s'ils n'eussent sem-  
 blé estre plus scauans, & faire plus de miracles que les  
 autres? Les autres nations ont eu des prestres aussi bien  
 lesquels s'ils n'eussent esté autre chose n'en fussent ia-  
 mais venus là que d'estre en si grande admiration de  
 tout le monde. Aussi les Saintes escritures nous apren-  
 nent que les magiciens des Egyptiens, des Perses, des  
 Medes, & des Caldeens, n'estoyent pas seulement pre-  
 stres, mais aussi deuins, & faiseurs de faux miracles. Voi-  
 là donc: on a tousiours & en tous lieux tenu pour ma-  
 giciē ceux qui ont semblé sauoir, ou pouuoir faire des  
 choses qui ne se peuuent faire par les causes naturelles:  
 parce qu'elles sont trop grandes & trop esmerueillables  
 pour estre faites par moyens naturels. Or est il ainsi que  
 ce qui ne se peut rapporter ni à la force de nature conue-  
 niante, n'est point fait par causes naturelles. Et  
 pourtāt il est necessaire qu'il soit fait par le moyē d'une  
 cause plus puissante. Or il n'y a que Dieu, & les Anges  
 bons & mauuais qui surpassent le pouuoir de nature. Il

Pourquoy  
 les sorcie-  
 res sont nō  
 mees magi-  
 ciennes.



s'ensuit donc qu'il faut attribuer à leur vertu ce qui est de plus que la nature. Qui plus est, que les magiciens en leurs actions ne se seruent point de Dieu ni de l'aide des bons Anges. Il apert par ce que ce qu'ils s'entremettent de faire est du tout repugnât à l'ordre ordonné de Dieu. Il faut bien donc qu'ils se seruent de l'aide des diables. Mais il y a dauantage, que les diables ne font pas seruice à chacun, mais à ceux seulement auxquels ils se sont obligez par pache manifeste ou occulte. Car ils ne s'apparoissent pas tousiours à tous ceux qui prononcent mesmes paroles ou qui font mesmes choses. Car il y faut vn certain homme, vn certain temps, vne certaine façon de faire, certains caracteres, &c. dont se voit que ceste puissance ne vient pas des paroles ni des actions. Car si elle venoit des paroles & des actions quiconque les prononceroit & feroit en quelque lieu, en quelque maniere, & en quelque temps que ce fust, viendroit à bout de ce qu'il pretend. Et qu'est-il besoin d'en dire dauantage veu qu'il est tout cler que les diables ne s'apparoissent qu'à ceux qui leur sont en quelque maniere obligez?

*A sçauoir  
si les magi-  
ciens font  
quelque  
chose de  
vray.*

IL nous faut maintenant declarer que la pluspart de ce qu'ils font, qui semble aux ignorans estre par dessus l'ordre de nature, n'est autre chose que prestige & tromperie. Car les choses qui surpassent le pouuoir de nature & qui n'ont point Dieu pour auteur, ont seulement aparence d'estre, & ne sont pas à la verité ce qu'on pense qu'elles soyent. F V R. Faut-il donc dire que ce ne soyent pas vrais esprits ceux que telles gens font quelquesfois venir? Pour certain la Pito nisse fit veoir a Saul en Endor vn esprit qui representoit Samuel. Lequel combien qu'il n'ait pas esté Samuel luy mesme, toutesfois si ne peut-on dire que ce n'ait rien esté du tout. Car comment pourroit parler ce qui n'est rien du tout? E R. Je ne di pas qu'ils ne facent rien du tout, mais ie di que ce qu'ils font n'est pas ce qu'il semble. Cest esprit là n'estoit pas rien du tout, mais toutesfois ce n'estoit pas Samuel, mais sous ceste figure estoit caché le diable. Je ne nie pas cependant que le diable ne puisse quelquesfois monstrier quelque chose de vray toutesfois & quantes qu'il besongne par le commandement de Dieu: ou par les causes naturelles. Il suf-



fit d'auoir monsté en cest endroit, que celuy s'apelle magicien qui se vante de pouuoir ou sauoir faire par le moyen des diables, tant ouuertement qu'à cachette, des choses qui ne se peuuent faire par le pouuoir de nature. Outreplus il est tout certain que les Sorcieres croient qu'elles font par le moyen du diable des merueilles, & n'y a point de doute qu'en leurs paches elles ne luy demandent telle puissance. Partant ceci est aussi tout certain qu'à bon droit elles sont apellees magiciennes.

F V R. Dis tu qu'il y ait plusieurs especes de la magie infame? E R. Cesté question ne conuient point en cest endroit. Et pourtant ie m'en depeschera y *Especes de la magie detestable.* mot. Les vns la diuisent en plus de parties, les autres en moins. Quant à moy ie l'ay autrèpart, comme tu fais, diuisee en deux, à sauoir, celle qui deuine, & celle qui fait des operations. Et combien que la pluspart des magiciens, se vantent d'auoir la conoissance de l'yne & de l'autre partie, toutesfois les vns s'adonnent plus à l'yne, les autres plus à l'autre. Et comme ainsi soit que les sorcieres s'adonnent plustost à faire, qu'à deuiner, nous les mettrôs plustost au nombre des magiciens operateurs: non toutesfois que nous les voulions du tout priuer de la conoissance de l'autre partie. Or la difference qui est entre la magie operatrice & l'autre, se trouue aux instrumens & manieres de faire. Mais en cest endroit il y a si grande confusion, qu'il est impossible d'en rien ar-  
rester de certain. Et aussi à dire vray, la necessité ne nous contraint pas à present de nous enquerter ainsi superstitieusement de ceste chose. F V R. Ie ne requier plus rien en cest endroit: Mais plustost ie desire sauoir, pour quoy tu les apelles *Lamie*.

E R A. On les apelle *Lamie* à cause qu'elles ont quelque semblance avec les *Lamie* des Anciens. Car leurs *Lamie* estoient des esprits & phantosmes, qui s'aparoissoient en forme de belles femmes & bien acoutrees qui faisoient à croire qu'elles estoient amoureuses des ieunes hommes, & hantoyent avec eux, afin de les tuer & deuorer. Cœlius Rodiginus & Philostratus disent que les Anciens les apelloient *Empuse* & *Marmosine*. Vn semblable fantosme à ceux ci fut veu du temps



de l'Empereur Maximiliã premier, au pres d'Augsbourg enuiron l'an 1503. en la forme de Marguerite de Roth Abbessè d'Ertestetten, lequel non seulement on voyoit & touchoit, mais aussi parloit bien intelligiblement. Pourtant doncques nos sorcieres ne sont pas fantasmes ou esprits, mais banquetter, iouent, pratiquent, & pail-lardent avec iceux, & quelques fois desirent de manger les petis enfans, elles ont esté apellees *Lamia*.

F V R. Et d'où leur vient ce mot de *Striges*? E R. On les appelle ainsi pour semblable cause, a auoir a raison d'un oiseau ainsi nommé: lequel les anciens croyoyent venir la nuit trouuer les enfans & leur succher les mamelles. Ouide estime que les *Striges* emportoient les enfans qu'ils trouuoient tous seuls sans garde & suc-çoient tout leur sang. Les sorcieres donc sont apellees *striges*, pource qu'elles recherchent le sang des enfans, & leur graisse pour faire leurs enchanteries.

F V R. Pourquoi les appelle on empoisonneresses veu qu'elles ne nuisent pas souuent, ni possible iamais, par le moyen de la poison ni des choses empoisonnees?

E R. Elles ont esté nommees empoisonneresses tout de mesme enuers les Latins qu'enuers les Grecs *Pharmakentria*, ou *Pharmakides*. Car le mot *venenum* se prent aussi bien en la bonne & mauuaise part, comme *pharmakon*. Il y a dauantage, que ce qu'elles donnent, encor que de soy mesme il ne soit point poison, toutesfois elles pensent qu'il le soit: & le baillent a boire tout ainsi comme s'il l'estoit. Et pourtant c'est a bon droit qu'elles sont apellees & tenues pour malefiques, dautant que peu souuent il auient qu'elles facent aucune chose pour aider & faire plaisir a aucun. Car tout leur estude, tous leurs efforts, & pensees tendent là, qu'elles puissent nuire, & non pas aider: & aussi celui lequel les pousse a tout faire a esté menteur & homicide des le commencement, & pourtant ce n'est pas de merueille s'il instruit & endoctrine ces escoliers selon sa meschante volonté.

F V R. Il reste maintenant que tu me dies, pourquoy on les appelle communement enchanteresses.

E R. A. Ce que les Latins appellent *Incantare* vaut autant a dire que ce que les Grecs dient *epadein* c'est a auoir chanter, ou barboter aupres de quelque chose. car



Ceux qui se seruent de ceste sorte de malefice, ont acoustumé de barboter certaines paroles qu'ils ont en l'entendement, lesquelles les auteurs ont appellees charmes: Par la force & moyen desquelles ils disent & pensent pouuoir faire de grandes choses & esmerueillables. Ceste maniere d'empoisonnement qui en Grec s'appelle *epode*, & en latin *incantatio*, est la plus ancienne de toutes: veu notâment que les plus anciés auteurs Grecs en font mention, L'auteur du liure *De morbo sacro*, lequel on tient estre d'Hippocrates, monstre ouuertement que desia de son temps il en y auoit, lesquels il nomme magiciens, enchâteurs ou ioueurs de tours de passe passe, & gens se vantans à fausses enseignes. Platon leur fait le mesme honneur, quand au second liure de la republique il les appelle semblablement enchanteurs ou ioueurs de passe passe, & deuins. Il en y a bié peu d'entr'eux qui ayét esté si bestes & si hors du sens, que de croire que ce qu'ils se yantoyent de faire, fust fait par vne certaine vertu qui fust en leurs mots, ou en leurs charmes: mais asseuroyent que ceste puissâce leur auoit esté otroyee par les dieux: laquelle chose est manifestement prouuee par les paroles de Platon qui dit, parlant d'iceux, Ils sont à croire aux hômes qu'ils ont vne puissâce, prouenante neantmoins des dieux, par laquelle ils peuuent au moyen de quelques charmes & sacrifices effacer le mal qui a esté commis par eux ou par leurs ancestres avec vn grand plaisir: & en outre de nuire sans grande coustange à vn ennemi, s'il leur vient en fantasie des'en venger autant à tort qu'à droit. Parce disent ils qu'ils peuuent avec certains alechemens & liaisons, persuader aux dieux, qu'ils les ayent pour agreables. L'auteur du liure *De morbo sacro* dit choses acordantes à celles ci. Xenophon aussi au 2. liure des faits & dits memorables de Socrates, en disputant des moyès par lesquels il faut aquerir des amis, dit: L'enten qu'il y a certains charmes par lesquels ceux qui les sauét peuuent enchanter, & faire deuenir leurs amis ceux qu'ils veulent. Et c'est, comme luy mesme le tesmoigne, le chant des Serenes, par lequel les poètes feignent qu'elles attirent & retiennent ceux qui voguent en mer. Et cest pourquoy Suidas appelle vne certaine femme *epodos* laquelle guerissoit les enfans, qui auoyent



esté enchantez ou enforcellez en chantant & prononçant auprès d'eux vn charme.

*quelles sont les sortes d'enchantemens desquelz on se sert.* A ceci se doyuent rapporter tous ceux qui se messent d'estancher le sang, guerir les playes, & chasser toutes sortes de maladies par le moyen des charmes, ou du foud'enchantement de quelque autre semblable chose y apliquee. Ceux la aussi ne sont pas à excuser, qui barbotent certains mots en cueillant les herbes, ou preparant les medecines, afin de les rendre plus salutaires. Car il y a deux

sortes d'enchantemens, l'une, de laquelle ils vsoyent pour nuire, & l'autre de laquelle ils se seruoient pour aider: de laquelle chose aussi est fait mention au Code de Malefic. & Mathem. Toutesfois ceste premiere espee, auoir de nuire a esté plus v'sitee. Les Poëtes font mention par tout en leurs escrits de Circe, de Medee, des empoisonneresses de Thessalie, des Serenes, & autres semblables: chascun fait ce que dit Horace de Canidia.

En ceste mesme bande nous faut renuoyer les exorcistes qui en prononçant certaines paroles ou adiurations, & faisans certaines figures, ont opinion qu'ils enferment le diable dans vn rondeau, dans vn anneau, ou autres choses, bref qui par tels moyens les cudent contraindre, & faire aller où bon leur semble. Il apert de ce que dessus, qu'il y a deux sortes d'enchanteurs: car les vns sont leurs enchantemens apres auoir fait accord manifeste avec le diable. Les autres, ignorans que la valeur de leurs paroles & charmes procede de la paction qu'ils ont avec le diable, les disent, comme si la force procedoit des mots ou figures mesmes. Ceux ci (encor que ce soit vne grand lourdisse & bestise à eux) semblent toutes fois aucunement estre excusables, s'il se trouue qu'il n'y ait point de malice: bien est vray que les vns & les autres sont en volonté, & mesmes s'estudient de faire mal, mais beaucoup plus ceux qui font alliance avec ces esprits maudits. Que si par fois il auient qu'ils soyent en volonté de bien faire, toutesfois le plus souuent leur desir est de gaster, ou les hommes, ou les bestes, ou les champs, & autres choses semblables. Quant aux derniers, combien que bien souuét ils se mettent en deuoir de mal faire, pour la pluspart, toutesfois, ils ne demandent autre chose sinon d'aider, ou d'ôner du passer temps à ceux



à ceux qui les regardent, ou bien de se faire auoir en estime d'eux. Or il se void assez de ce que nous auons dit que c'est à bon droit que les sorcieres sont apellees enchanteresses. Car elles vsent de leurs ceremonies, imprecations, & autres choses (qu'elles se font à croire auoir vertu par le moyen du diable) à ces fins a auoir d'es mouoir des tempestes, de faire que ceux qui leur sont ennemis leur soyent amis, de iouir de leurs sales amours, gaster les hômes, les bestes, & les biens de la terre, enuoyer des maladies, faire desplaisir à ceux qu'elles haïssent. Et ne font pas seulement ces choses par le moyen de leurs charmes & damnaibles imprecations, mais qui plus est, à ceste fin font elles alliance ouuertemēt, banquettent, & hantent plus familièrement qu'elles ne deuoyent avec le diable. Voila pourquoy c'est à bon droit qu'elles sont mises au rang des enchanteurs malefiques.

F V R. Je n'ay rien plus que ie puisse te demander quand à cest afaire. Parquoy di-moy d'où vient qu'elles *D'où viennent* sont nommees *Sage*. E R. Elles sont dites *Sage*, non *qu'elles sont* seulement pource qu'elles font assez, & qu'elles sont *apellees* par trop diligentes en leur meschant deuoir, comme *Sage*. à estimé Acron, mais semblent auoir prins leur nom du mot *Sagire*, comme l'a dit Ciceron : a auoir pource que elles veulent *sa uoir* beaucoup de choses. Car elles se font acroire, qu'elles sauent & peuuent faire des choses que nul ne peut ni ne fait faire naturellement.

F V R. Ce mot leur conuient fort bien, & est bien à propos, car elles s'atribuent plus, qu'elles ne sauent, & qu'elles n'ont aprins, & mesmes qu'elles ne peuuent faire. E R A. Apres que nous aurons exposé les mots, le reste de l'œuvre nous sera plus aisé : eu esgard principalement à ce qu'il y a grande confusion aux mots. Or la cause de ceci entr'autres est qu'à grand peine se trouuera-il aucune partie de la magie operatrice, laquelle se tienne dedans ses propres & particulieres fins & limites, & laquelle n'emprunte quelque chose des autres. Et pour certain il ne se peut pas faire autrement là où il n'y a rien de veritable, mais que tout est imaginaire, feinct, & controuué, ou au moins pour la pluspart, tant les preceptes, que les œuvres. F V R.



Di moy donc à ce coup, que c'est proprement que *Sage* ou sorciere? E R. Sorciere est vne femme magicienne, ou enchanteresse (ou comment on la voudra appeler) qui ayant prealablement renoncé Dieu, & la vraye religion, s'est dōnée au diable par le moyen d'une apparente & manifeste alliāce: à celle fin que (sans les autres promesses & attentes) elle soit par luy enseignee & aprise à troubler les elemens, esmouuoir des peites, nuire aux hommes, aux bestes, aux champs, & aux fructs de la terre, & faire plusieurs autres merueilles, qui sont impossibles à nature, le tout par le moyen de charmes, d'herbes, & autres choses lesquelles d'elles-mesmes ne sont aucunement nuisibles. F V R. Si tu ne prouues toutes les parties de ta description, & chacune en particulier, ie m'assure que chacun ne sera pas de ton opinion.

E R. J'ay suffisamment monstré ci dessus que les forcieres sont magiciennes, & enchanteresses: car j'ay déclaré comment celuy s'appelle magicien qui se fait à croire, qu'il fait & fait des choses qui ne peuuent estre faites par aucune force naturelle. Et pourtant il est necessaire qu'il les face par la vertu du diable. Et aussi les magiciens s'entremettent de faire des choses qui sont defendues de Dieu, ou qui luy desplaisent. Qui est celuy qui pensera que telles choses procedent de Dieu ou des bons Anges? Je laisse à dire qu'ils sauent bien que telles choses sont par eux faites au moyen du diable, lequel pour cest effect ils font venir avec des figures, rondeaux, herbes, charmes ou coniurations, & plusieurs autres choses: & se trompent en croyāt qu'il leur aparoist y estant contraint par la vertu de telles choses. Ils'ensuit donc que puis que nos sorcieres font profession de mesmes choses, & pensent que ce dont elles se seruent à mal-faire leur a esté donné par le diable avec telle vertu, il n'est possible qu'on les puisse esloigner du rang des magiciens. Et encores que quelquesfois elles ayēt soupçon que telle force est de la chose mesme qu'elles donnent, & non pas que le diable l'y ait mise de nouveau, si est-ce que toutes confessent, que le diable leur en a appris la force & vertu. Pareillemēt aussi ne faut-il point douter qu'elles n'ayent d'enchantemens ou imprecations



tiens par lesquelles elles facent deuenir amoureux les vns, ſement haines, & diſſentions entre les autres: & facent nuifance aux hommes & aux beſtes. F V R. Et toutesfois il ne ſemble pas qu'elles ſe ſeruent d'aucuns charmes, ou d'aucun genre de coniuration, ni qu'elles uſent d'aucunes paroles. E R. Encores qu'on eſtime qu'elles mettent leurs volontez à execution en uſant ſeulement de certaines choſes ſans prononcer aucuns mots, toutesfois ſi ne font-elles rien de tout cecy ſans uſer de maudite imprecation & inuocation du diable.

*A ſauoir  
ſi les ſorci-  
eres ſe ſeruent  
des char-  
mes.*

Or quant au charme, les Anciens ont dit (& nous le le deuons dire avec eux) que ce n'eſtoit pas ſeulement vn long chant, mais auſſi vne imprecation contenuë en deux ou trois paroles. Ils ont dauantage appellé charmes les images de cire, les figures, & choſes faites par ſemblables curioſitez: d'autant que le plus ſouuent elles ſe font ou par barbotement de certaines paroles, ou quelque autre ſuperſtitieuſe obſeruation, par le moyen de laquelle ils pretendent pouuoir recouurer nouuelles forces. Le ſcay que de tout temps les ſorcières & enchantereffes ont eſté dites, certaines femmes lesquelles faiſoyent quelque choſe ſuperſtitieuſe, meſme ſans charme, par laquelle elles rapelloyent leurs amoureux, & faiſoyent quelques autres ſemblables badineries. Il n'y a donc point de raiſon pour laquelle on puiſſe nier qu'à bon droit elles ſont apellées magiciennes, empoisonnereffes, & enchantereffes. Auſſi ce qu'elles ne font point vrayement ce qu'elles penſent faire, nous monſtre aſſez que ce n'eſt pas ſans cauſe qu'elles ſont nommées preſtigiatrices. Car tout ce qu'elles font n'eſt autre choſe ſinon fantoſmes & purs preſtiges du diable. Mais en diſant cecy ie n'enten pas dire que tousiours elles ne facent rien du tout: veu que quelquesfois elles font quelque choſe: mais elles ne font pas ce qu'elles auoyent enuie de faire. On ne ſauroit dire, que celui qui peint vn homme ne face rien du tout (car il fait vn homme en peinture) mais d'un vray homme, il n'en fait rien.

F V R. Tu ne ſais que tu veux dire, de comprendre les ſorcières ſous les diuers noms & eſpeces de la magie. E R. I'ay deſſà par ci deuant reſpôdu à cela, que



toutes les especes de ceste vanité-ci n'ont point de vrayes differences: attendu que ce ne sont autres choses que prestiges & tromperies, & rien du tout de vray & de solide. Car tout ce qu'elles semblēt faire, Satan le fait, y estant contraint (comme il veut qu'on le croye) par force de l'accord qu'il a fait avec elles. Et pourtant en cest endroit on ne peut determiner aucune difference. Il y a (cōme i'ay dit) quelque difference, tant aux instrumens desquels elles se seruent, qu'es manieres de faire. mais elles ne se tiennent iamais en leurs limites (car voila comment se comporte l'humaine curiosité depuis qu'elle a outrepasē les bornes qui luy sont ordonnees) mais sautent de l'une des especes à l'autre. Et pourtant chacun des gens de ce mestier faisant professiō de plusieurs de tels degrez, il est impossible d'en bailler & prescrire certains termes & limites. Voyla pourquoy ce n'est pas de merueilles qu'un seul d'eux soit nommé de plusieurs noms, veu qu'un seul s'entremet de faire les choses qui sont comme propres & particulieres à plusieurs des sortes de ces arts. Que si le sujet & les commencemens estoient autres les uns que les autres, il y auroit moins de confusion. & depuis que le premier auteur & facteur de tout cecy est un seul, il est aisē de passer de l'un des degrez à l'autre. Ce qui a esté cause aussi que tous les noms d'enchantemens, tant Grecs que Latins, n'ont pas seulement esté confondus & meslez, mais aussi tous un par un sont prins par dol, fraude, imposture, & prestiges, qui monstre assez qu'en tous il n'y a point de verité. FVR. Je suis aussi bien satisfait quant à ce point: parquoy tu peux bien pourfuyre au reste. ER. Quant à ce que les sorcieres renient Dieu & tout son service avec toute pieté, & que elles promettent d'estre serues & assuietties au diable, c'est chose qui n'a point tant de besoin de preuue, que ie desirerois. Helas! c'est vne chose trop clere & manifeste, & plus qu'elle ne deuroit. Je n'ay iamais conu homme sage qui l'osast nier. FVR. Ce n'est qu'un songe, & cela se fait seulement par imagination: & pourtant ne se doit point mettre en la description.

ER. Je say bien qu'il y en a qui tiennent ceste chose en tel estime comme si c'estoit seulement quelque  
songe,



songe, & qu'elle ne se fist reellement. Mais quant à moy  
 ie suis contraint d'estre d'opinion contraire, & de par-  
 ler à l'entontre. Car de leur bon gré, pure & franche vo-  
 lonté ayant le tout premierelement en elles mesmes de-  
 liberé, acordent avec le diable, lequel elles sauvent fort  
 bien qui il est, que s'il veut faire ceci ou cela, leur ap-  
 prendre, ou leur donner, qu'elles seront ennemies de  
 Dieu & de toute pieté & que de la en auant elles serui-  
 ront à luy tout seul. Dauantage, afin que tu en sois tant  
 plus certain ie te di qu'apres leur auoir touché en la  
 main, les auoir baisees, & embrassees, il leur fait vne  
 marque tantost d'un costé, tantost de l'autre (en laquel-  
 le on pourroit fourrer toute vne grâde aiguille, ou quel-  
 que autre fer pointu, sans qu'elles en sentét rien) afin  
 qu'il les oblige à soy par ce moyen comme par vn sacre-  
 ment. Encor qui ie ne veux pas dire qu'il n'y ait qu'une  
 seule marque de leur acord ou paction en tous lieux &  
 enuers toutes. Car volontiers il change, afin de tromper  
 le monde plus aisément. Neantmoins, toutes les forcie-  
 res en quelque endroit & en quelque temps que ce  
 puisse estre estans interroguees confessent ceci d'un  
 commun consentement: encores qu'elles sachent bien  
 que c'est assez pour les faire mourir. F V R. Mais ce  
 sont des vieilles melancholiques & radotees, qui voyét  
 ces choses en songes, & en effect n'en font rien du tout.  
 E R. Cene sont pas seulement des vieilles, ou des  
 simples femmelettes qui sont enlancees en ces maux:  
 mais aussi s'en trouue des ieunes & d'autres qui sont en  
 bon aage, & mesme il se trouue des hommes qui sont  
 saisis de ceste peste: ce que nul ne peut nier. Et tout ainsi  
 que ie ne nie point que celles la sont folles & rassotees,  
 qui se laissent oster l'entendement au diable, qui est le  
 pere de mensonge: aussi i'affirme asseurement que le  
 plus souuét les plus fines (& toutesfois qui sont les plus  
 bouillâtes, en leurs appetits, en leur colere, enuie, & qui  
 sechent de la haine qu'elles portét à autrui, & qui mes-  
 prisent toute pieté) sont tentees & combatues par luy.  
 Or ceci monstre assez qu'elles ne sont pas melancholi-  
 ques asauoir, qu'elles sont bien auisees en toutes autres  
 choses, & conoissent fort bien qu'elles pechent & font  
 mal (& pourtant avec grand soing elles cachent leur



*Elles ne  
font pas  
leurs sor-  
celeries en  
dormant.*

meschanceté)& que toutes font quasi les mesmes meschancetez, & en les faisant se seruent de mesmes arts & façons de faire : & mesmement qu'elles apprennent les autres en mesme façon, & se seruent de diuerses ruses pour les persuader. A quoy faire dōc nous met-on au deuāt leurs songes, comme si tousiours elles dormoyent, ou que en dormant elles ne faisoient rien? F V R. Veux tu nier qu'elles n'imaginent en songeant plusieurs choses qui de fait ne sont point? E R. Non vraiment, mais ie ne parle point de cela : nous disputons maintenant de ce qu'elles font estans en leur bon sens & en veillant. Comment se pourroit-il faire, qu'y vne mesme chose apparust par songe à tant de personnes avec les mesmes circōstances? Choses semblables n'ont point accoustumé d'apparoir à plusieurs en songeant, mais bien diuerses. C'est chose certaine que plusieurs, estans prises en diuers lieux, ont raporté les mesmes choses, & qui s'accordoyent fort bien, touchant le recit de leur presenee, du nôbre de ceux qui y estoient, du iour, du lieu, de l'heure, du faict, du poison, de leur allee, venue, de la rencontre des gens en chemin, & autres choses semblables. Que si on interrogue ceux qu'el les disent auoir rencontrez, ils tesmoigneront que la chose est ainsi passée : voudras-tu dire que ce soit par songe qu'elles auoyēt rencontré ces personnages? pour certain celuy n'est pas trop sage qui pense que telles choses puissent estre faites par des personnes qui songent & qui radotent : n'est il pas vray aussi que toutes celles qui demeurent en vn mesme lieu racontent les mesmes choses de leurs forces, ceremonies, festes, coustumes, & commencemens? Quant aux autres lieux il n'y a personne qui contredise qu'elles n'y ayent d'autres coustumes & façons de faire : & si cela ne derogue en rien à ce que i'ay dit ci dessus. F V R. Si cela est resolu que l'accord se fait en veillant, ie n'y contredi plus: mais ie say qu'autrement elles songent plusieurs choses, lesquelles toutefois ne furent iamais.

E R. C'est chose asseurée, que au commencement en veillant elles font alliance & sont receuës en la compagnie? F V R. Poursui donc. E R. Ce qui s'en suit en la description n'a besoin d'aucune preuue ou de-  
clara-



elation. Car qui est celuy qui ne fait que les sorcieres estans seduities par les promesses du diable esperent d'auoir de luy de l'or, de l'argent, & autres choses semblables lesquelles chacune d'icelles desire biē songneusement d'auoir? Pareillement aussi c'est chose notoire, que toutes s'attribuent la science, & le pouuoir d'atirer à soy l'amour de qui qu'elles voudront, de semer des haines entre les maris & femmes, d'esmouoir des tēpestes, de causer des maladies, bref de faire beaucoup de choses & bien esmerueillables. Et aussi estans interroguees sur ce qu'elles ont quitté & abandonné Dieu, elles n'en disent autres causes que celles que i'ay touchees, & autres semblables à icelles. Dauātage il n'est pas vray semblable que toutes eussent dissimulé & laisse escouler les excuses iusqu'à present, si elles en eussent conu de propres. Parquoy il ne reste non plus aucun scrupule en cest endroit qu'aux autres. Nous tiendrons donc à bon droit pour vraye ceste description, tant qu'on nous ait monstté qu'elle soit fausse, ou qu'on en ait mis en auant vne meilleure. F V R. Pourquoi ne les as tu plustost exprimees par quelque brieue definition, que par ceste longue description là? E R. Je n'ay point mis en auant de definition pource quelle appartient aux choses veritables, constantes, & immuables, desquelles choses on ne peut rien trouuer en cest endroit. Car excepté ce qu'elles ont quitté Dieu & son seruice, & se sont rédues du costé du diable, il n'y a quasi rien en tout le reste qui ne soit faux & feint, ou à tout le moins incertain, instable, coulant & muable. Ce maudit esprit promet de donner & d'enseigner plusieurs choses lesquelles il ne fait iamais veritablement: & quant à ce qu'il semble quelquefois faire, ce n'est autre chose qu'illusion & apparence.

F V R. Apren moy donc maintenant comment c'est qu'elles sont distinguees d'avec les autres magiciens operateurs: car i'ay entendu autresfois en quoy c'est que elles sont diferentes d'avec les autres magiciens deuineurs. E R. S'il n'y auoit que les Sorcieres qui quittassent Dieu pour se donner au diable, i'aurois bien que respondre, mais les autres magiciens sont aussi bien le mesme, car nul ne peut faire aucune merueille surpassan



te le pouuoir de nature (& principalement s'il s'en met en deuoir pour vne mauuaise fin, pource qu'il y prend son plaisir, ou pour estre veu) sans l'aide des diables. Laquelle chose estant conue par aucuns magiciens, Satan les contraint de croire meschammét que par le moyen des coniurations, exorcismes, & autres manieres de faire, ils font ce qu'ils ont en volôté de faire. Or cest esprit maudit ne sert pas volontiers (& de fait il ne sauroit ser-  
 uir à vn chacun en ceste maniere) à autres, qu'à ceux qui ont renoncé Dieu, ou qui se sont obligez à luy par quelque paction ou societé. Il est donc necessaire qu'il se face vn acord secret ou manifeste: encores que tousiours, la paction ne soit pas egaleement aperte ou occulte, mais qu'il y ait certains degrez d'une part & d'autre.  
 F V R. Il faut bien que les magiciens infames ayent quelque chose qu'on ne peut dire estre aux forcieres car autrement quelques vns ne soustiendroyent pas si obstinément que c'est à tort qu'on les fait mourir.

E R. En cest affaire il y a premierement ceci de diuersité que les forcieres font accord tout ouuertement en toutes les sortes avec le diable, & se mettent du tout en sa protection & sauuegarde, ayans prealablement renoncé Dieu: mais quât aux magiciens d'entre les Chrestiens (car nous ne disons pas que les Payens qui ne conurent iamais Dieu, l'ayent renoncé) pour la pluspart font enuelopez en son alliance, & sans quasi en rien sauoir, ou bien ne se donnent pas si ouuertement du tout à luy. Je di expressémét qu'ainsi se fait pour la pluspart, car nous lisons qu'il s'en est trouué qui n'ont point fait de difficulté de faire tel accord avec luy, que si pour vn certain temps il vouloit faire ce qu'ils luy commanderoyent, ils luy promettoyent d'estre puis apres du tout en sa puissance, mais d'autant plus que ceci aduient peu souuent aux magiciens, d'autant plus aussi auient-il frequemment, & presque ordinairement aux forcieres.

P v 1 s apres ceste distinction-ci y peut encores estre adioustee, asauoir que les magiciens estiment que les diables malgré qu'ils en ayent sont cōtrains par la puissance de certaines paroles, figures, manieres de faire, & prononciation de mots du nom de Dieu, inuocation comprinse sous des ceremonies, de faire ce qu'ils leur



commandent. Quant à ceux ci s'ils estoient enseignez & apprins par quelle ruse le diable fait semblant d'estre contraint, & avec combien grand peril ils se mettent en train de faire telles choses, ils pourroyent sans grande difficulté estre reduits au bon chemin : veu qu'ils ne sont pas encore si fort engagez que les sorcieres. Telles gens pensent qu'ils surpassent les autres, principalemēt en ce qu'ils ont la conoissance d'une art si admirable, & si ne pensent point combattre cōtre la pieté, veu principalement qu'ils ont cela arresté en leur cerueau que Salomon & quelques autres personnages craignās Dieu ont apprins de Dieu ces choses là. Mais quant aux sorcieres, elles sauent fort bien à qui elles ont iuré la foy, & à qui elles seruent : & toutes confessent ouvertement que ce n'est point par la vertu de Dieu, mais par la puissance de celuy, sous la conduicte duquel elles se sont mises, qu'elles font toutes leurs merueilles. Elles se trompent bien souuent en ce qu'elles estiment, que si grandes vertus soyent cōrenues es choses qu'elles presentent & non point qu'elles y soyēt mises par le diable : n'en reconnoissans rien au diable autre chose, sinon que par son auertissement, & instruction elles en ont aprins l'vsage.

ON peut encores y adiouster, que les magiciēs puissent leurs badineries pour la pluspart, des liures & maistres, car en diligence ils font amas de liures, & prennent des maistres à loage lesquels leur puissent apprendre les mysteres qu'ils desirent sauoir. Les sorcieres au contraire ne se seruent ni d'aucun liure, ni d'aucun maistre, mais sont instruites de tout, en bien peu de temps par le diable mesme.

NOUS voyons aussi qu'il y a quelque difference en la fin de leurs actions : veu que la fin de l'œuvre des sorcieres est pour la pluspart mauuaise, au lieu que le plus souuent les magiciens ne demandent sinon de donner du plaisir, ou de sembler estre faiseurs de miracles : mais de nuire ils ne le font point, sinon par ieu. Les moyens sont quasi semblables par lesquels les vns & les autres pésent pouuoir mettre à executiō leurs entreprises. Les vns & les autres font les commandemens du diable, tant par charmes, caracteres, & figures, que par autres cho-



ses du tout diuerſes & ridicules le plus ſouuent. Auſſi les vns ni les autres ne ſe contiennent dedans certaines bornes, mais les vns ſe ſourent dedans les limites des autres: laquelle choſe eſt propre principalement à tous les magiciens operateurs.

F V R. Qu'eſtmes-tu qui ſoit cauſe de ceſte con-  
fuſion? E R. Il ſemble que ce ſoit parce que ceſt  
eſprit fin & ruſé conoit bien qu'on ne tiendra point de  
conte de luy, ſi à tout le moins il n'eſt eſtimé tenir ſa  
promeſſe. Or pource qu'il ſait bien qu'il ne peut pas  
touſiours donner ce qu'on luy demande, il s'eſſorce de  
recôpenſer par vn moyen ce qu'il n'a peu faire par l'au-  
tre, & par ainſi il faut malgré qu'il en ait qu'il confonde  
ſes arts d'une façon vilaine. Car que ſauroit il faire au-  
tre choſe, lors qu'il promet quelque choſe de veritable,  
laquelle il ne peut tenir? voici qu'il fait, il ſe donne gar-  
de tant qu'il peut, qu'il ne ſemble point à ſes diſciples  
eſtre du tout menteur & ſans pouuoir. F V R. Quel-  
les choſes donc penſes-tu que les magiciens puiſſent  
faire au moyen du diable? Car ſi ie peux auoir l'intelli-  
gence de ce point, i'entendray quant & quant quelle  
eſt la puiſſance des ſorcières, & à l'aide de qui elles ſe  
promettent de faire telles choſes. E R. D'autant que  
i'eſtime qu'il appert aſſez par ce qui a eſté ci deuant dit,  
qu'elles ſauent, & confeſſent que tout ce qu'elles font  
eſt fait par l'apuy & puiſſance du diable, celui qui mon-  
ſtreroit quelle eſt la puiſſance du diable en ceſt endroit  
en feroit aſſez ample declaration. Elles confeſſent bien  
que d'elles meſmes rien ne leur vient à notice des cho-  
ſes hautes & cachees, & meſme ne nient pas qu'elles ne  
ſoyent inſtruites & aprinſes par le diable. Et pourtant  
jaçoit qu'elles penſent que les choſes qu'elles font, ont  
de grandes & eſmerueillables vertus, leſquelles ſont in-  
conues à vn chacun: ſi eſt ce toutesfois que toutes d'un  
conſentemēt rendēt teſmoignage qu'elles leur ont eſté  
moſtrées par Satan, combien que l'experience de tant  
de ſiecles a moſtré treſclairement que pluſieurs d'entre  
elles ont ſceu que ces meſmes choſes eſtoient accom-  
pagnées de nouuelles forces, toutesfois & quantes qu'il  
leur venoit en fantaſie d'en uſer, & que pour l'obtenir  
elles ont prié le diable. Et de ceci les a peu faire ſouue-  
nir ce



nir ce que toutesfois & quantes quelles eussent bien voulu, elles n'ôt peu mettre en effect telles forces, mais quand le diable leur a commandé d'en vser. Toutes choses peuvent mettre en effect, tousiours & en tous lieux, la puissance qu'elles ont de leur propre nature, encor que l'effect ne s'ensuyue pas tousiours de mesme, ou à cause que le patient ne conuient pas bien, ou pour quelques autres empeschemens.

*Les forces qui sont naturelles es choses y demeurent*

F V R. A quoy tient-il que tu n'exposes iusques où s'estend la puissance du diable? E R. l'estime l'auoir assez suffisamment déclaré escriuant contre Paracelse, & pourtant il me suffira de repeter briuelement le sommaire de mes propos. Quant aux choses admirables qui semblét estre faictes outre, ou contre le cours de nature, ou bien elles sont reellement, ce qu'elles semblent estre, ou bien ont tant seulement l'aparéce d'estre quelque chose, comme ainsi soit qu'elles soyent autres que ce qu'elles semblent estre. Sous la premiere espece sont contenus les miracles, vrais, artificiels, & quelques vns naturels. C'est chose toute aparente que c'est Dieu qui est le vray faiseur de miracles, car ils appartiennent à la creation, & qui plus est il y a en iceux quelque creation. Parquoy en cest endroit rien ne peut estre attribué au diable. De ceux qui sont tant seulement artificiels, ils n'appartiennent point à nostre intention; veu que nous ne doutons point, que le diable n'en puisse faire de tels, ou aider ceux qui les font. Les Theologiens sont d'opinion que les diables s'ils n'estoyent retenus de Dieu, pourroyent faire tout ce qui se peut faire par le mouuement local: estimans que le diable n'a point perdu sa nature en decheant de la grace de Dieu. Et pourtant il est bien en sa puissance d'aporter viandes, à boire & autres choses semblables de pays lointains en bien peu de temps. En ces miracles ci, tout ainsi comme aux artificiels, l'essence n'est point changée & n'y a aucune substance qui se face de nouueau, laquelle n'ait esté desia auparauant, mais il se fait vne autre composition de ce qui estoit auparauant, tandis que les choses sont autrement coniointes, & n'y a que la quantité, la figure externe, l'affiète, le lieu, &c. qui soyent changez. Quant aux naturels, qui sont vrayement & simplement tels, ils

*Quelle est la puissance des diables quant à faire des miracles.*



n'ont autre auteur que nature, laquelle est la puissance ordinaire de Dieu, qui a esté donnée aux choses de la creation. Que si les diables les pouuoient produire sans que les semences naturelles y fussent meslees, nous serions contrains de cōfesser qu'ils soyent createurs. Toutesfois de ceux ci s'en sont d'autres qui surpassent l'ordinaire coustume de nature, mais ceux qui se font en ceste sorte ne sont pas simplement naturels, mais consistent en partie par l'aide de nature, & en partie aussi par l'aide de l'art. Qui est celuy qui ignore que les fruits se peuuent, non sans merueille, changer quant à la saueur, couleur, figure, & quantité, en les transportant de lieu en autre? Il est tout certain qu'on peut accorder les qualitez astringentes avec les purgatives, les mal saines, avec les saines, & au contraire la quantité non nuisible à la nuisible. Nous sauons aussi qu'on a tant faict par art que les choses qui ne pouuoient croistre en vn lieu pour l'intemperie de l'air, y soyent puis apres creues: finalement c'est chose toute aparète que quelques fruidts sont sortis & venus à maturité beaucoup plustost qu'ils n'eussent peu de leur nature. Que si on me veut soustenir que le diable puisse faire de mesme & enseigner les autres à le faire, ie n'y contrediray pas: mais pour cela il ne sera pas plus excellent qu'un bon & diligent laboureur, ou qu'un autre ouurier, si le semblable se faisoit en d'autres choses. Le propre donc du diable est de mettre des prestiges au deuant des sens des hommes, les tromper par choses contrefaites, & proposer au lieu des choses mesmes, des semblances & illusions vaines.

Si vsant de mouuemens naturels des membres, des esprits, il frappe de maladie (ce que toute fois il ne peut faire sans vn particulier congé & permission de Dieu) & s'absentât, & cessant d'esmouuoir semble guerir, il ne fait rien que nature n'eust bien peu faire. Il est tout cler par ce que dessus que les diables ne font aucuns vrais miracles, ni ne peuuent mettre en auant des choses naturelles sans que les causes naturelles y soyent, mais que il fait seulement des representations, lesquelles semblent bien estre les choses qu'elles representēt aux sens, mais à la verité elles ne le sont pas. Parquoy il s'ensuit necessairement que les sorcieres ne peuuent faire aucune chose



chose qui surmonte les forces de nature. Et qu'ainsi ne soit elles sont en cest endroit moindres que Satan, d'autant que les choses corporelles sont plus empeschées que celles qui n'ont point de corps. Et pourtant elles ne peuuent se fourrer dedans nos corps, pour y troubler les humeurs & les esprits: ce que Dieu ottroye bien quelquesfois à Satan. C'est aussi chose asseurée que les choses par le moyen desquelles elles estiment, par trop grossièrement, qu'elles sont ces belles merueilles, ne reçoivent aucune force plus grande que celle qu'elles ont d'elles mesmes. Que si quelquefois il se rencontre quel que chose estre faite de ce qu'elles auoyent en pensée à l'instigation du diable: il ne faut pas penser que ces choses là l'ayent fait, mais c'est le diable mesme. Il donne facilement à entendre à ces pources miserables auxquelles il a desia osté l'entendement, qu'elles ont fait ce que luy mesme a fait par la permission de Dieu. F V R. L'enten assez qui sont celles que tu apelles sorcieres, & combien (selon ton aduis) est grand leur pouuoir. Et pource que ci apres il faudra parler de ceci ie m'en tien pour maintenant à ce que tu en as dit. L'ay grand enuie d'entendre maintenant si à bon droit on les peut faire mourir.

E R. Je say fort bien qu'il y a plusieurs personnes qui le tient tout à plat: & qui amassent vn grand tas d'argumens qu'ils estiment estre bien solides pour confirmer leur opinion. Et de fait puis que nous tenons, qu'elles ne blessent personne par le moyen des choses desquelles elles se seruent le plus communement, & qu'elles ne peuuent rien faire de tout ce qu'elles s'attribuent par leur bestise & ignorance, il semble que ce soit chose iniuste que de les trainer au suplice. Aussi (chose qui agraue le fait) il ne s'en est point trouué, ou au moins bien peu, qui ayent donné des poisons vrayement mauuais & mortels. F V R. A ceste tienne raison i'en adiouteray d'autres. Et premierement, que elles n'ont point de certaines formes de coniurations ainsi que les autres enchanteurs, mais à cause de leur phantasie qui est corrompue par les humeurs melancholiques, lesquelles abondent en leur vieil aage, elles songent, qu'elles font desplaisir à tels, à qui de fait elles



n'en ont point fait, & mesmes ne leur en ont point sceu faire. Pour ceste mesme cause elles se font à croire quelles sauvent ie ne say quel art malefique, en cor qu'elles ne le sachent, ni ne l'ayent apriſe. Que si tu penses qu'elles soyent punissables pour leur reuolte, ie m'y opposeray, & te soustièdray que cela ne se peut faire à bon droit. En premier lieu parce que ce renoncement là est imaginaire. Puis apres il ne faut pas condamner à la mort pour toutes sortes de de fautes, sinon que tu vueilles condamner à la mesme peine S. Pierre, & plusieurs autres qui ont renié Iesus Christ. Outreplus, il faut considerer si elles se repentent, ou bien si elles perseuerent obstinément en leur erreur. Que si elles retournent au bon chemin, pourquoy refuserois tu de prendre à mercy le corps, veu que Dieu reçoit l'ame? Que si elles sont obstinees, il faut bien se donner garde de perdre l'ame avec le corps. As tu enuie de nous ramener sous le ioug de la loy Moſayque, ne considerant point que nous vivons sous la loy de grace? Selon Moyſe le faux tesmoin est mis à mort, Deuter. 19. L'espouse qui ne se trouue vierge est lapidee, Deut. 22. Le larron desrobant de iour est tué sur le champ, Exod. 22. Le temps de maintenant a vn petit plus de douceur. Et c'est pour quoy Iesus Christ ne commande point qu'on face mourir l'adultere, Iean. 9. ni qu'on rende œil pour œil, Luc 6. Ces choses ne sont pas obseruees si estroitement, mais sont adoucies pour la pluspart. E R. Je suis d'opinion cōtraire, & di qu'à bō droit & suyuant la volōté de Dieu on les peut faire mourir. laquelle chose ie cuide auoir prouuee par raisons plus pertinentes en mon liure contre Paracelse. En premier lieu, c'est chose toute arrestee, comme le sauvent tous ceux qui ont mis le nez tant soit peu es S. Escritures, Que Dieu commande expressement qu'on face mourir les magiciens: & pourtant ie conclus que nos sorcieres, lesquelles, comme i'ay monstré suffisamment, sont comprises sous les magiciens, doyuēt estre traitees de mesme. Que si quelqu'un doute si c'est à bon droit que nous auons mis les sorcieres au roole des magiciens, qu'il relise ce que nous auons desia dit touchant ceste chose, ci deuant, & examine diligemment ce qu'il nous en conuendra dire ci apres. Et ie m'affeure que cela fait il se-  
ra de



ra de mesme auis que nous. F VR. Tu diras cela tout à loisir, apres que i'auray entendu les autres raisons. ER. La seconde raison est, que Dieu a commandé par Moysé en termes expres au 23. d'Exode, que les malefiques, ou magiciennes (du nombre desquels nos sorcieres ne sauroyent estre exemptes) soyēt punies à mort. Car soit que nous regardiōs le mot Hebrieu, ou le Grec, ou le Latin, ceci demeurera tousiours vray, que Dieu commande en ce passage que nous auons allegué qu'on face mourir tous ceux qui se messent de faire quelque chose, soit bien soit mal, par le moyen du diable, c'est à dire par les arts illicites & moyens inuentez par Satan. Or c'est chose asseuree, que toutes les merueilles & choses extraordinaires que font nos sorcieres ou qu'elles pensent faire, sont faites par la vertu du diable. Car tout ce qu'elles font profession de sauoir quant à ceste matiere, elles confessent toutes & de tout temps de le tenir du diable.

O R que Moysé en ce passage ne parle point des enpoisonneresses qui font mourir les personnes en leur baillant à boire du poison, il apert, premierement par ce qu'en cest endroit il vse du mesme mot duquel il a vse au septieme d'Exode, en parlant des magiciens de Pharaon: lesquels ne debatoyēt pas avec Moysé par le moyen des poisons, mais par illusions. Ce mesme mot aussi (ou ceux qui en sont deriués) se trouue quelques-fois en d'autres endroits, ausquels il ne se prend iamais pour vne personne qui donne du vray poison: mais bien pour vn enchâteur, & deuineur abominable, c'est à dire, qui a familiarité & fréquentation avec le diable. Sinon qu'il vueille excepter vn passage du quatrieme des Rois chap. 9. Car en cest endroit-là Iehu respond à Ioram, qui luy demandoit s'il y auoit paix, Quelle paix? dit-il, les fornications de ta mere Iesabel, & ses enchantemens sont en grand nombre. Nous lisons bien que ceste femme a esté fort adonnée au seruice des diables, & qu'elle a tasché de toutes ses forces de renuerser le vray seruice de Dieu: mais nous ne trouuons point que elle ait fait mourir les gens par bruuages empoisonnez. Iehu donc parle de la fornication & empoisonnement spirituel, ou plustost, de l'adoration ou seruice des dia-



bles. FVR. Mais les septante Interpretes semblent  
 auoir entendu & traduit le mot tout autrement. ER.  
 Si tu veux prèdre la peine de regarder la tràslation des  
 septante Interpretes, mon opinion en sera d'autant plus  
 rafermie. Car quasi par tout ils ont traduit le mot du-  
 quel a vſé Moyſe, par le mot *Pharmakos* & ceux qui sont  
 deriuez de luy: tout de meſme que les Latins l'ont tour-  
 né malefices & maleſiques. Et Moyſe ayant vſé de ce  
 meſme mot en ce paſſage, & au ſeptieme d'Exode (ſinó  
 qu'en ceſtui-ci il auoit mis le genre maſculin, & au 22.  
 d'Exode il a mis le feminin) ils l'ont neantmoins touſ-  
 iours traduit par le mot *Pharmakos* par ce qu'ils ont eſti-  
 mé qu'en l'un & en l'autre paſſage, Moyſe entendoit v-  
 ne meſme choſe. Combien qu'au ſeptieme chapitre  
 d'Exode, ils ne les appellent pas ſeulement *Pharmakoi*  
 mais auſſi *Epaoïdoi*, comme auſſi ils nomment les manie-  
 res de faire deſquelles vſoyent les magiciens d'Egypte,  
 & *Pharmakia* & *Epaoïdia*. Ce qui monſtre euidentement,  
 que ces perſonnages ont eſtimé que le mot Hebrieu,  
 qu'ils ont interpreté en l'un & en l'autre paſſage, ſigni-  
 fioit ce qui de ce temps là eſtoit entendu par les mots  
 Grecs *Pharmakos* & *Epaoïdos*. Dauātage celuy ſera eſtimé  
 preſque du tout beſte, qui penſera que par le mot *Phar-  
 makos* & *pharmakia*, ils ayent voulu donner à entendre,  
 ceux qui proprement s'appellent empoïſonneurs, & les  
 poiſons qui proprement s'appellent poiſons. Car qui eſt  
 celuy qui ignore, que les magiciens d'Egypte ne debat-  
 toient pas avec Moyſe à force de poiſons ou bruūages  
 empoïſonnez, mais que par le moyen de leurs enchan-  
 temens ils vouloyent faire tenir pour friuole ce qu'il di-  
 ſoit? Il me ſemble d'autre part que ces grands perſonna-  
 ges, ont par bon auis interpreté le mot Hebrieu par ce-  
 ſte diſtion *Pharmakos* de peur qu'on ne peuſt l'interpre-  
 ter ou entendre autrement que ne ſignifioit le mot He-  
 brieu. C'eſt choſe aſſeuree, que le verbe *Epado* en Grec,  
 ne ſignifie autre choſe qu'enchanter, ou faire des illu-  
 ſions. au lieu que le verbe *Pharmakeno* ſe peut prendre à  
 la bonne & à la mauuaiſe part. Et quand il eſt prins à la  
 mauuaiſe part, il ſignifie tant faire nuifance par poiſon,  
 que mettre deuāt les yeux des illuſions. Et pourtant, ils  
 ont incontinent adiouſté cecy à leur interpretation, a-  
 fin que



fin que par apres on peust conoistre en quel sens ils vouloyent vser du mot de *Pharmakia*. FVR. Veux-tu encores amener quelque chose à ce propos? ERA. Quiconque craint Dieu, & le tient pour aussi veritable qu'il croit aussi biẽ ce qu'il a dit vne fois, que s'il l'auoit repeté dix ou vingt fois, n'en demandera pas dauantage.

C E C I est prouué assez euidentement, que Dieu veut que tous ceux soyent mis à mort qui estudient aux arts diaboliques & defendues, soit pour nuire soit pour aider, & qu'ils le facent de fait, ou bien que seulement ils le cudent faire. Et comme ainsi soit qu'il n'y ait gens au monde qui puissent nier que les sorcieres ne soyent du nombre, ie pense auoir prouué assez ouuertemẽt ce que i'auoye deliberé de prouuer. I'aiousteray encores quelques autres raisons, afin de contenter les plus grossiers. C'est chose seure que les idolatres peuent estre mis à mort suyuant le cõmandement de Dieu cõtenu au dixseptieme chapitre du Deuteronomie, où il est dit, Quand il se trouuera au milieu de toy, en l'vne de tes portes que le Seigneur ton Dieu te donne, homme ou femme qui face mal deuant les yeux du Seigneur ton Dieu & transgressant son alliance, & qu'il aille, & serue autres dieux, & s'encline deuant eux, lors tu t'enquetteras bien, & si c'est chose vraye & certaine, tu feras sortir hors de tes portes cest homme ou ceste femme là qui auront fait ce meschant acte, & les lapideras de pierres, & mourront. Y a-il' homme si impudent qui ose nier que les sorcieres ne soyent idolatres! car lequel peche le plus, ou lequel est plus grand idolatre, celuy qui adore l'image du diable, ou celuy qui se prosterne & fait requeste au diable mesme? Les sorcieres n'adorent pas les images des diables, mais elles se donnent entierement au diable, en personne, se mettent en sa sauuegarde, luy promettent de luy estre serues, & qu'elles obeiront à ses commandemens, & de ce font par ensemble vn accord iuré. S'inuenta-il iamais ou se pourroit-il en tout le monde inuenter vne idolatrie plus detestable, sacrilege, & abominable? Ie ne le pense pas. Pourquoi donques est-on d'avis de pardonner plustost à celles-ci qu'aux autres? FVR. Il n'y a personne qui peust nier qu'elles ne soyent idolatres, si elles font ce



que tu dis. Et mesmes ie ne doute point qu'il ne falle punir mesme les idolatres qui ont tant seulement abandonné Dieu. Mais voici ou est la dispute, a sauoir si elles sont ces choses reellement, ou si c'est seulement par imagination. Mais poursuy maintenât: possible que tantost nous parlerons de ceste dispute.

ER. A ce que dessus faut adiouster, que souuentefois elles exhortēt & taschent d'en attirer d'autres à ce mesme forfait par tous les moyens qu'elles peuuent: car des le commencement, elles promettent aux diables qu'elles mettront tout soin & diligence d'y en attirer. La loy de Dieu parle, touchant tels seducteurs, en ceste maniere au treizieme chap. du Deuteronomie, *Quand ton frere fils de ta mere, ou ton fils, ou ta fille, ou la femme qui est en ton sein, ou ton prochain, lequel t'est comme ton ame, te voudra inciter, disant en cachette, Allons, & seruons aux autres dieux: ne luy consen point, & ne l'escoute pas: aussi que ton œil ne luy pardône point: & ne luy fay miséricorde, & ne le cache point: mais tu l'occiras, ta main sera sur luy la premiere pour le mettre à mort: & apres la main de tout le peuple. Et le lapideriez de pierres, & ainsi mourra. Combien de fois a-il ordonné qu'on brustast les maisons, les bestes, le ménage, avec les villes toutes entieres, ausquelles se sont trouuez de tels hommes meschans & maudits qui incitoyēt leurs concitoyens à adorer des dieux estranges? La volonté donc de Dieu est, que non seulement ceux là meurent, qui conseillent tout apertement aux hommes de se reuolter de Dieu: mais aussi ceux qui le leur conseillent, & mettent en teste à cachette. Que s'il y a quelque ville qui ne punisse point tels mal-heureux, il commande qu'elle soit entierement rasee, & defend qu'elle ne soit plus par apres rebastie. Quelle excuse pourrōs-nous icy trouuer? c'est chose asseurée que nos sorcieres adorent & seruēt le diable, & ont renoncé & abiuré le vray Dieu. C'est aussi vne chose toute aperte & manifeste, qu'elles s'efforcent d'en attirer d'autres à vne mesme meschanceté. Parquoy elles meritent la mort, pour auoir meschamment renoncé Dieu. quant est de la seduction, si elle appert & on ne la punit, le reste de la ville est en danger de prochaine ruine.*



**F V R.** Ceste parole est de grand poids, voire est telle qu'il ne la faut point mespriser. Mais ie diray en apres que c'est que ie pense qu'on pourroit respondre à cela. **Quant à toy, poursuy tousiours.** **E R.** Elles meritent encor d'un autre costé la mort, asauoir pource qu'elles sont homicides: entant qu'elles s'efforcent de tourmenter de maladies les hommes & les bestes: qu'elles taschent de faire desplaisir de tout leur pouuoir, à ceux à qui elles veulent mal: qu'elles sement des dissentions entre les maris & femmes: & qu'elles font tout leur pouuoir pour contraindre non seulement les filles, mais aussi les femmes mariees de condescendre à des amours sales & impudiques. Et combien que chacun de tous ces crimes à part soy merite la mort, toutesfois encores la meritent-ils dauantage, pource qu'ils se font par le moyen & aide du diable, qui en cela sert comme de seruiteur. Et si cela ne les peut excuser que les moyens par lesquels elles taschent d'executer leurs mauuaises volontez, n'ont pas tant de vertu que de mettre à effect ce qu'elles desirent. Neantmoins c'est chose toute assuree, que leurs efforts sortissent quelquefois leur effect: & qu'elles se resiouyssent grandement en elles mesmes, de ce qu'elles en sont venues à bout, & n'en pensent pas autrement, sinon que ce sont elles qui ont fait si beau chef d'œuvre. Car elles croient fort obstinément, que les herbes, les images, les caracteres, & les paroles, desquelles elles se seruent comme d'instrumens, ont bien la puissance, soit qu'elle y soit de soy-mesme, ou qu'elle y soit mise par le diable, de pouuoir faire & causer telles choses. Et en outre, à tous propos elles incitent par prieres & inuocations les diables de leur estre en ayde pour venir à bout de telles choses. Desquels crimes, j'estime qu'il n'y a homme de bien, & ed sauoir, qui vueille soutenir que le moindre ne merite la mort.

**C A R** combien que les malins esprits desia d'eux mesmes veillent bien à cela, afin de nuire: & qu'ils soyent, comme dit S. Pierre, autour de nous ainsi que des lions rugissans qui ne cherchent qu'à deuorer quelqu'un: toutesfois si est-il croyable que bien souuent ils n'eussent pas pensé à plusieurs choses lesquelles ils s'entremettent de faire y estans induits par les sorcieres, & dont de faire



ils viennēt à bout par la permission de Dieu. Il est bien vray que malefices se font à cachette par les diables, & neantmoins ceux qui les ont induits à les faire, ne laissent pas pourtāt d'estre à bon droit appellez malefiques. On ne nie pas mesmement que les magiciens renommez, & les necromātiēs, qui ne font sinon, par le moyen de quelques charmes, attirer les ombres, ou plustost les diables, encor qu'ils n'ayent pas deliberé de faire mal à personne, ne soyent coupables de mort. Comment donc est ce que ne le seroyent celles, qui ne les appellent point par vn charme qui contienne vne alliance tacite, mais par prieres, en faneur de l'aperte & manifeste alliance qu'il y a entr'eux, & par mesme moyen l'induisent & sollicitent à mal faire? F V R. Pourquoy faut il estimer que Moysē ait mis vne loy particuliere pour la peine des sorcieres, si ainsi est qu'elles doyuent estre renues pour homicides? Car il monstre ouuertement au 35. chap. des Nombres. Que celuy est homicide qui de sa propre volonté fait mourir quelcun, ou bien en le frapant avec vn glaiue, avec vne pierre, avec vn baston, ou avec le poing: Ou bien en l'estouffant avec vn cordeau, vn oreiller, ou dedans l'eau, ou qui l'a fait tomber de quelque haut lieu en bas: ou l'aura fait mourir de faim, ou par poison: ou qui l'aura cōtraint de se tuer soy mesme: bref qui luy aura causé sa mort par quelque autre maniere. Si donc ainsi est que quiconques aura fait mourir vn homme de sa propre volonté doit estre appelé à bon droit meurtrier de quelque façon qu'il luy ait procuré sa mort, quel besoin estoit il de faire vne loy à part pour les sorcieres? E R. Il y a grand raison pourquoy il a fallu faire vne loy à part pour les enchanteurs & malefiques. Car il y a grande difference entre ceux qui font mourir vn hōme avec du poison qu'ils sauēt bien estre poison, & les autres qui par charmes, inuocation des diables, exorcismes, images, & caracteres consacrez aux diables, & par se seruir des choses enchâtees & acoustrees par le diable, brassent reellement & de fait plusieurs maux aux hommes. S'ils venoyent tousiours à bout de tout ce qu'ils pretendēt, ie confesse que ceste loy pourroit sembler inutile Mais pource que l'experience nous a monstré, que pour nuire elles se ser-

uent de



nent de choses qui ne sont aucunement nuisibles, & d'autre costé qu'on fait assez quelles ne viennent pas tousiours, & mesmes peu souuent, au bout de leurs atteintes, ce n'est pas sans cause que les anciens en ont fait vne loy à part, par laquelle ils declarent ces enchanteurs & enforceleurs coupables, du crime d'homicide. Car Platon en l'onzieme des loix, en a ainsi determiné, Quât à ceste sorte de poisons mortels, par lesquels on se fait desplaisir l'un à l'autre, les loix qui ont esté donnees ci dessus en ont ordonné, mais nous n'auons point encores parlé des autres sortes, lesquelles on reserve pour en faire nuisance à son prochain, par bruuage, viandes, & onguens: car il ya deux sortes de poisons qui nuisent au genre humain, l'un, duquel nous auons maintenant parlé, lequel est nuisible aux corps selon nature par le moyen des corps, & l'autre qui leur fait nuisance par certains prestiges, & enchantemens, &c. Platon demostre & affirme ouuertement en cest endroit, qu'il y a bien grande difference entre les poisons mortels, & les bruuages enchantez: & pourtant qu'il est besoin de distinguer les loix touchant iceux, puis qu'ainsi est que la maniere de nuire & mal faire n'est point telle en l'un comme en l'autre. car la premiere espece d'iceux est naturelle, mais l'autre a semblé aux anciens surpasser la nature. F V R. Ie me tiens à ceste raison, pource que ie ne scay qu'y opposer, Et pourtant si tu as encores quelque chose, tu le pourras adiouster. E R. C'est bien dauantage de dire que l'exercice de ceste art, ou plustost vanité, merite la mort, encor qu'il se face seulement par ieu ou par plaisir: & toutesfois ce que ie di apert ouuertement: par ce que Dieu commande expressement, que ceux qui vont seulement demâder conseil aux enchanteurs, magiciens ou deuins, soyent mis à mort. Que si la volonté de Dieu est, que celuy qui se sert du conseil de quelcun exerçant vne art defendue soit puni à mort, encores qu'il n'ait fait aucun mal, & mesmes qu'il n'ait point pensé à en faire: comment, ie vous prie, pourroit on penser qu'il ait voulu qu'on pardonnast à celuy qui baille le conseil? Aurant en est-il des magiciens qui ne font point de mal, mais qui seulement font estat de plaisanterie, ou bien s'enquierent des choses secretes &



cachees. Car Dieu veut que toutes telles sortes de gens soyent ostez du milieu des hommes, & si n'en peut-on rendre autre raison, sinon qu'ils ont aprins les arts & sciences defendues: la cause est pource qu'elles ne se peuvent apprendre ni exercer sans qu'on conuerse avec le diable. Car quiconque s'essaye de faire par instrumens naturels des choses qui passét la force de nature, & pour cest effect ne se sert point de l'aide de Dieu ni des bons Anges: cestuy là necessairemēt se sert de l'aide du diable par le moyen d'une alliance occulte ou manifeste. Car que sauroit-on inuenter autre chose? Or chacun scait bien que les forcieres se mettent en deuoir de faire des choses, lesquelles pour leur grandeur & difficulté ne peuvent estre faites par la force des choses dont elles se seruent. C'est aussi vne chose du tout asseuree, qu'elles croient que par le moyen du barbotement de certaines paroles de blaspheme, & par l'inuocatiō du diable, les choses dont elles se seruent, recourent vne nouvelle force. Il se voit aussi tout clairement, qu'elles ne font point de difficulté de confesser qu'elles font alliance avec le diable, voire beaucoup plus meschamment que ne font pas tous les autres enchanteurs. Parquoy on ne sauroit rien asfermer de plus certain, que ce qu'elles sont instruites par le moyen des fausses arts. Qui voudra dōc dire qu'elles ne meritent la mort, quand il n'y auroit autre raison que ceste ci? F V R. Mais elles ne sauent aucū art, & ne firēt iamais vn pas hors de leurs maisons pour l'apprendre, elles n'ont aucuns liures: & la pluspart ne sauēt point lire. E R. Je respon, que la Loy de Dieu ne condamne pas seulement ceux qui ont appris avec grand peine vne longue art, contenue en plusieurs regles & preceptes, mais aussi tous les autres qui à cause de l'alliance qu'ils ont faite avec luy, ont puisé quelque chose du sien. L'appelle art en cest endroit la conoissance d'une seule chose, ou bien vne experience qu'on a, laquelle s'appelle communément recepte & art: comme quand nous disons, Je scay bien l'art, ou la maniere, de faire ceci ou cela. Mais quoy? celuy qui s'enquiert d'un deuin du succes de quelque affaire qu'il a en pensee de faire, a il aprins vne longue art? Et toutesfois par la Loy de Moysē celuy estoit coupable de mort qui auoit fait



**F**ait telles choses, par ce que Dieu auoit defendu expref-  
sement qu'aucun n'eust à aprendre aucunes arts blasphematoires qui ont le diable pour auteur & inuenteur, ni à les exercer ni à s'en seruir à bonne ou mauuaise fin. Aussi nous ne trouuons en pas vn endroit, qu'on doyue punir à mort ceux qui ne nuisent que de certaines paroles & long charme, mais en general la loy cōmande que on face mourir les malefiques, soit qu'ils vsent de peu ou de prou de paroles. Et aussi sous ceste mesme loy sont comprins tous les malefiques qui sont profession, en quelque maniere que ce soit, d'arts defendues, encores qu'au lieu des paroles ils facent ou quelques ceremonies, ou quelques autres menus fatras qui d'eux mesmes ne sont point nuisibles: pourueu qu'ils reconoissent le diable pour leur maistre. Dieu donc à voulu que tels arts fussent crimes dignes de mort, non point pource qu'elles soyent longues ou brieues, faciles ou difficiles à aprendre, mais d'autant qu'elles ne peuuent estre aprinses sans faire vne alliance digne de mort, a sauoir pource que, & en aprenant leur art, & en la pratiquant, & en attendant le fruit d'icelle, elles font alliance avec le diable ou ouuertement ou tacitement. F V R. Veux tu adiouster quelque chose à ce que tu as dit?

E R. Voicy pour la septieme raison, ie dy qu'elles paillardent horriblement avec le diable. Et pour vray, chacune d'icelles a son amoureux, distingué de nom, de figure, & d'acoustrement. Et de fait, tout aussi tost qu'elles sont d'accord de leurs pactions, ils ont accoustumé de se mesler avec elles: selon ce que toutes les sorcieres, d'un commun accord, ont raporté en quelque lieu que elles ayent esté prinſes. F V R. Comment dis-tu cela, yeu que le diable n'a point de vraye chair? & pourrant il n'est point amoureux de la sorciere comme seroit vn homme. E R. Cecy ne derogue en rien à mon opinion ni à mon dire: pource que ce qu'il a afaire à elles n'est point que quant à luy il en reçoie du plaisir, mais afin de donner du passe-temps aux sorcieres, & n'y a point de doute qu'il ne puisse faire vn chatouillement, par l'emotion des humeurs, des esprits, & de la semence: ne plus ne moins qu'en les cōfondant, il a bien le pouuoir de faire venir des maladies qui gehennent les hom-

*Les sorcieres paillardent avec les diables.*



mes. Et ceci luy est d'autant plus facile, que en l'endroit des sorcieres qui ont l'apetit & mouuement naturel qui les aide: mais en ce cas de donner la maladie ils la trouvent du tout contraire & repugnante.

Mais il prend diuers corps, à ce qu'on dit, desquels il n'est pas besoin de parler plus amplement, veu qu'il est certain qu'il se vest d'un corps qui se peut voir & toucher, encores que ce ne soit pas vraye chair. De ceci font foy les *Lamie* ou *Empuse* des anciens: aussi fait le fantosme d'Ausbourg, duquel i'ay fait mention ci dessus: ce que font aussi infinies autres aparitions. Il est bien souuent auenu qu'il s'est présenté à ceux qui alloient sur les champs, en vraye forme d'homme, a parlé avec eux, s'est pourmené, & en toutes choses s'est tellement comporté, qu'on le tenoit pour estre veritablement homme. I'ay dauantage entendu qu'en quelques lieux estoient arriuez des diables aux hostelleries en la forme de nobles cheuaucheurs, & qu'ils s'estoyent mis à table, auoyent mangé, & tantost apres s'estoyent disparus. Or c'est chose si claire qu'elle n'a point besoin de preuve, que les sorcieres qui osent faire vne si grande & si horrible meschanceté meritent d'estre punies, voire bien grieuement. Dieu a commandé que ceux qui auroient à faire avec la beste fussent bruslez avec icelle.

Celuy ne peche-il pas plus grieuement, qui reçoit la compagnie des esprits immondes, & ne la reçoit pas seulement, mais aussi la recherche & desire? I'adiousteray encores c'est argument cōme par dessus: que les blasphemateurs doyuent estre punis à mort. Iuxte la loy contenue au 24. chap. du Leuitique. Quiconque aura maudit son Dieu, portera la peine de son peché. Le blasphemateur du nō du Seigneur mourra, & toute la congregation le lapidera. Or on ne fait que trop, que les sorcieres, pour faire plaisir à Satan, despitent Dieu, & disent infinies outrages contre sa maiesté, afin de monstrier à Satan la haine qu'elles portēt à Dieu par ces blasphemes si insupportables: & pourtant il est tout aparent quelle punition elles meritent. Et combien que cestuy la soit proprement blasphemateur, qui prononce des outrages à l'encontre de Dieu y estant poussé par sa propre meschanceté: toutefois si trouue-ie que ceux aussi  
sont ap-



appelez blasphemateurs tant au vieil qu'au nouveau Testament, qui renoncent Dieu, & mesdisent de tout son seruice. Ainsi qu'il est escrit aux Actes 18.6. Iaq. 2.7. 1. Pierre 4. 14. FVR. Ce que tu dis est du tout friuole, comme il aperra ci apres, mais acheue ton propos. ER. Tu apeles ce que ie di choses friuoles, & t'en moques : mais tu ne saurois par aucun argument monstre qu'il soit faux. Or de ma part ie suis assure que i'ay monstre assez euidement par mes raisons comment les sorcieres meritent la mort suyuant l'ordonnance de Dieu : & que les Magistrats qui les font mourir n'offensent aucunement, mais au contraire font la volonte de Dieu, & chose qui luy est agreable, pourueu que ce ne soit point à tort. Au surplus on ne fait point endurer ni à ceux ci, ni à ceux-là pour autre fin, sinon à ce que les autres soyent destournez de leurs crimes : & c'est pourquoy Moysè repete tant de fois, quand il est question d'ordonner que quelcun soit mis à mort pour ses meschâcetez & crimes, qu'il est afin que les autres le voyent & craignent de faire le mesme. C'est aussi la raison qu'en réd Plato en l'onzieme des loix, quand il dit, parlant des malfaiçteurs, Non pas qu'il soit puni seulement pour son forfait ( car ce qui est fait ne se peut desfaire) mais afin que ceux qui ont fait le mesme mal, & ceux qui auront veu vn tel supplice, aprennent à l'exemple de celuy là d'auoir le mal en horreur.

*Pourquoy  
on fait en-  
durer les  
malfai-  
teurs.*

IE respondray maintenant aux argumens que tu m'amenois tantost à l'encôtre, sinõ que le trouuasses meilleur autrement. FVR. Je t'escouteray, & puis apres ie m'efforceray de rabatre les tiens par d'autres qui soyent suffisans. ER. Je di encores vne fois que les sorcieres ne sont pas punissables pour auoir fait quelque vn de ces miracles qu'elles pensent auoit faits, mais parce qu'elles se sont mises en deuoir de les faire par le moyen & aide des diables. I'ay desia ramentu que les deuins & magiciens auxquels il ne vint iamais en la pensee de faire mal à personne, mais seulement s'estudient à preuoir les choses à venir, ou par leurs prestiges donner du plaisir aux autres, sont condamnez à mort par la Loy de Dieu, lequel mesme commande que celuy qui va demander conseil à vn deuin soit mis à mort, encores qu'il



n'ait pensé à faire aucun mal. Et pourquoy? On n'en feroit rendre autre raison, sinon qu'ils sont accord ouuert ou couuert avec le diable. C'est donc en vain qu'on obiecte qu'elles n'ont point fait de mal à personne, veu que Dieu cōmande qu'on les face mourir non point pour mal qu'elles ayent fait à autrui, mais seulement pour auoir fait alliance avec Satan. Aussi ne les peut aucunement garentir ce qu'elles n'vsent point de certains formulaires cōme sont les autres en chanteurs: car vn tel accord se peut faire en beaucoup de sortes. Il suffit que tout ce qu'elles font, est par le moyen & aide du diable. Je di dauantage, que ceste alliance n'est point imaginaire, veu qu'elles la font, & demandent de la faire en veillant, y auans desia auparauant bien pensé.

*Quel re-* F V R. Toute sorte de renoncement de Dieu ne  
*noncement* merite pas la mort. E R. Je le confesse, mais ie sou-  
*de Dieu* stien que tout renoncement semblable à celuy des for-  
*merite* la cieres le merite. Celuy de S. Pierre a bien esté autre, cō-  
*mort.* me il sera dit en son lieu. Mais si elles se repentent, me  
*On ne doit* dira on, il en faut auoir pitié. que si elles ne se repen-  
*pas pardon* tent, il ne faut pas tuer l'ame avec le corps. Mais ie res-  
*ner aux* pondray à ces deux obiections en vn mot. A sauoir que  
*mal fai-* Dieu n'entend pas que les malfaiçteurs qui ont merité  
*teurs tou-* la mort ne soyent pas punis, ou pource qu'ils commen-  
*tes les fois* cent à se repentir, ou qu'ils ne se repentent point du  
*qu'ils se re* tout. Car la iustice l'aira elle aller vn brigand qui se re-  
*pentët de* pentira? Ou bien ne le fera elle point mourir s'il ne se  
*leurs mof-* veut repentir? Les peines, comme i'ay desia dit, ne sont  
*faits.* point ordonnees, ou pource que le malfaiçteur se re-  
 pent, ou qu'il ne se repent point, mais afin de faire peur  
 aux autres par le moyen du suplice. Mais il ne faut pas  
 que l'ame soit tuee avec le corps. Se peut il faire aussi  
 qu'il n'y ait aucuns de sauuez de ceux qu'on fait mou-  
 rir ou à tort ou à droit? Ia n'auienne. Pour certain il en  
 ya beaucoup de sauuez & beaucoup de damnez d'vn  
 costé & d'autre. Et à dire vray, ceste mort corporelle  
 ne sauue ni ne damne. Il les faut donc instruire premier  
 que de les faire mourir. Et si pour cela ie ne te veux  
 point ramener sous le ioug de la loy Mosayque. Com-  
 bien que ie n'aperçoy point que la loy morale ait esté  
 abolie, veu que Iesus Christ au 15. de S. Matth. semble  
 pluſtoſt



pluſtoſt l'autorizer que de l'abolir, mais i'affeure tant ſeulement, que tous les crimes que Dieu a declairez eſtre capitaux peuuent eſtre punis à mort par le Magiſtrat, ſans que Dieu y ſoit offenſé. Je ne di pas qu'il le falle toujours faire, mais ie di que celuy qui le fait ne fait pas mal. Si les forfaits peuuent eſtre chaſtiez auſſi bien par quelque peine plus douce, ie ne veux pas opiniaſtrer qu'on en uſe d'une plus grieue: veu que i'ay monſtré que les punitiōs ont eſté ordonnees à ceſte fin, que pour crainte d'icelles les hōmes ſoyent deſtournez de mal faire. Et celuy ſe trompe qui penſe que le temps de grace ſ'eſtende iuſqu'à là de permettre plus grande liberté aux malſaiſteurs qu'ils n'auoyēt auparanāt. Il eſt bien vray que nous ſommes ſous la liberté de l'Euaḡile: mais ceſte liberté ne fait pas que le magiſtrat ne doyue tenir conte de punir les vices, ni qu'en ſe doyue donner plus grande liberté de mal faire. Car Dieu n'entend pas moins maintenant qu'on puniſſe les malſaiſteurs qu'il faiſoit du temps de Moÿſe, pour la raiſon que i'ay ci deſſus dite, ce qui eſt aſſez declaré par le paſſage de ſainct Matḡieu que i'ay n'agueres allegué. La liberté de l'Euaḡile apartient à la conſcience, & n'ordonne pas qu'on laiſſe paſſer les forfaits ſans les punir: & ſi nous deliure du ioug des ceremonies, mais elle n'abolit point la loy iudiciale, ni les punitions cōtenues en icelle. Parquoy le magiſtrat ne pourroit eſtre repris d'auoir puni vn faux teſmoin, vne fiancée qui ſe trouue corrompue, & vn larron qui deſrobe de plein iour, à la maniere que Dieu le commande par Moÿſe. Et ce que tu diſois touchant l'adultere ni empêche en rien: car il n'a pas defendu qu'on ne la puniſt ſuyuāt la loy, mais les reprēt pource qu'ils l'auoyēt amenee pour le tēter: & puis Jeſus Chriſt n'eſtoit point venu pour ſe mettre en la place des Iuges. Quant à ce qu'en S. Luc au 6. chap. il dit qu'il ne faut point rendre œil pour œil, cela ne touche en rien du tout au magiſtrat, & à l'ordre politique, mais cela apartient aux particuliers. Car il veut monſtrer cōbien grande doit eſtre la perfection & patience d'un chacun Chreſtien à l'endroit de ſon prochain.

F V R. Je t'ay aſſez eſcouté, il eſt temps que tu m'eſcoutes combattre tes raiſons, & expoſer en plus de paro-



*Obiection  
contre le  
premier ar  
gument.*

les ce que i'ay ia ci detant dit. ER. Mets moy en auit tout ce que tu pourras forger de nouveau, ou que tu as aprins des autres, ie l'endureray volontiers. Et t'assure que ie tiendray pour vn singulier bien fait le grand effort que tu feras à reprendre mon opinion, & rendre la tienne meilleure. FVR. Tout premierement ie te nie fort & jferme que les sorcieres soyent comprises sous les magiciens: Car il y a grand difference entre elles & les magiciens infames: veu que les magiciens, de leur bon gré, estans assez esmeus par vne certaine fierté & curiosité ilicite, s'adonnent à ces arts: mais tout ce que les sorcieres font en cest endroit elles le font à la persuasion du diable. Or c'est bien chose plus à condamner de faire vn mesfait de sa propre volonté & deliberation, que non pas d'estre induit à le faire par le moyen de certains allechemens: & pourtant ne doyuent endurer vne mesme peine. Comme pour exemple, voila deux meurtriers, desquels l'vn aura tué vn homme, apres y auoir bien pensé en soy mesme, & de grand enuie qu'il a de mal faire, l'autre aura fait le mesme y estant induit à force de persuasions. Quant au premier il est tout certain qu'il a merité la mort: mais quant à l'autre ie di, ou qu'il est excusable, ou qu'on le doit punir beaucoup plus doucement: pource que le forfait du premier a sa cause au dedans, mais celuy du dernier l'a au dehors. Qui plus est, Moysen'a point conu les sorcieres qui sont de nostre temps: & pourtant il s'ensuit qu'il ne les pouuoit donc pas comprendre sous le mot de magiciens.

*Il y a plu-  
sieurs sortes  
de magi-  
ciens.*

ER. Si sous le nom des magiciens ne sont compris que ceux là tant seulement qui ont toutes choses semblables en leur art, ie t'accorderay volontiers que nos sorcieres ne pourrôt estre du conte, parce que i'ay desia monsté que les magiciens & les sorcieres font beaucoup de choses qui ne se ressemblent pas. Mais par mesme moyé aussi nous auons monsté comment les sorcieres surpassent de beaucoup en meschanceté plusieurs des autres magiciens. En ceste sorte il n'y aura qu'une seule espee de magiciens. Or nous auons monsté qu'il en y a de deux sortes, car il y a la magie par laquelle on deuine, & aussi celle par laquelle on met en effect ce qu'on veut: de laquelle nous auons dit ci deuant qu'il

se pou-



se trouuoit plusieurs sortes, ou especes, ou degrez, ou differences. Et si ne sauroyent estre distinguez en vrayes especes à cause de la confusion de la maniere d'apprendre & d'exercer l'art, à cause des instrumens, desquels plusieurs se seruent: & mesme à cause de la fin laquelle n'est par tousiours vne mesme en tous. De ceci toutes-foiſ ne se pourra ensuyure que tous ne soyent comprins sous vn mesme sens. car ce que l'homme a beaucoup de choses que les autres animaux n'ont pas, fait il que l'homme ne soit point animal? Les sorcieres ont quelque chose de particulier si on les compare avec quelques autres magiciens, mais pour ceste dissemblance elles ne sauroyent estre ostees du nôbre des magiciens. Pour vray ce sont choses communes entre les magiciens, (ie parle de ceux qui besongnêt) de faire alliance ouuerte ou cachee avec le diable, & aussi de faire des choses admirables surpassans les forces de nature, & ce par l'aide & support des diables. Celuy est magicien en qui ces choses se trouueront. Or elles se trouuent toutes es sorcieres car vrayement & ouuertement elles font alliance avec le diable, & taschent à faire des choses qui ne peuvent estre faites naturellemēt par aucun homme, brief elles s'eforcent de faire tout ceci non pas à l'aide & par la puissance de Dieu, mais par le pouuoir des diables. Pour quoy est-ce donc que tu dis qu'il ne les faut pas mettre au nombre des magiciens? F V R. Pource que la definition ou description des vns & des autres n'est pas pareille. Car celuy est magicien, qui a esté enseigné ou par les liures, ou par le diable, ou par quelque autre maître, de faire venir à soy les diables, ou par charmes, ou par certaines ceremonies, ou par caractères, images, figures, & autres choses, afin de respondre à ce qu'ils leur demandent ou de voix ou par signes, ou par quelque autre maniere: & aussi qu'ils facent quelque œuvre surpassant l'ordre de nature. Mais la sorciere, pour l'amour d'un accord illusoire qu'elle a fait avec le diable, tasche ou de sa propre volonté, ou y estant incitée par Satan, ou mesme aidée de luy, s'efforce de nuire à quelcun, ou par charme, ou par quelque autre chose qui de soy mesme ne peut faire aucun mal. E R.

Quelle si grande difference y a il qui nous engarde de



*Les forcieres  
surpasse-  
nt les ma-  
giciens en  
meschan-  
ceté.*

tenir les forcieres au nombre des magiciens? Les vns & les autres font alliance avec les diables, & toutesfois les magiciens la font plus à cachette, & plus obscurément. Les vns & les autres se seruent de charmes, de figures, & autres choses apropiées par le diable pour faire ce que ils desirent. Pour certain ie ne voy point de diferent entre eux, sinon que nos forcieres sont beaucoup plus meschantes que les magiciens: pource que tout ce qu'ils font tend à preuoir les choses à auenir, ou à delectation, ou à ieu, ou à se faire veoir: mais quand aux forcieres tout ce qu'elles font tend à destruire & gaster vn chacun. Les magiciens estiment qu'ils contraignent les diables & que pour cest acte ils sont plus habiles que les autres: mais les forcieres leur demandent ce qu'elles ont enuie de faire, en les reconnoissant pour leurs dieux, & leur promettant qu'elles leur seront obeissantes en tout & par tout. Les enchanteurs aprennent leurs sciences par les liures, mais les forcieres sont le plus souvent apprises & enseignees par le diable mesme. Les magiciens ne renoncent pas expressement toute pieté, mais les forcieres se donnent entierement à luy, luy ayant touché en la main pour cest effect. Ceci avec autres choses semblables ne prouue pas, qu'elles soyent cōprinſes sous les magiciens, mais prouue tant seulement qu'il n'y a point de magiciens semblables à elles. De mesme, celuy qui prouue que l'homme n'est pas vne beste à quatre pieds, ne prouue pas qu'il ne soit contenu sous ce mot general animal, mais monstre tant seulement que il n'y a point de tel animal. F V R. Le plus grand different que i'y sache c'est quel accord que les forcieres font est illusoire, & par consequent de nulle valeur. E R. Comment cela? Est-ce par ce que le diable est trompeur, & ne fait rien que par mensonge & tromperie? Qui est-ce qui dira qu'il n'y ait point eu d'accord entre les allies, pource que l'vne des parties n'a iamais eu en son cœur de tenir l'accord, mais a tousiours fait bonne mine pour en fin ruiner l'autre. Cest autre chose de faire vne alliance & autre chose de la tenir. F V R. Mais le diable fait semblant d'estre homme, & esblouit la veüe & la fantasie de ces pauvres vieilles. E R. Le diable est-ce quelque chose d'illusoire & imaginai-  
re, qui



re, qui à la verité ne soit rié? Le ne le pèse pas. Qu'est-ce donc? Il a (me diras tu) autour de soy vn corps illusoire. Mais les sorcieres sauent fort bien ceci : & sont bien auerties que c'est le diable qui se represente à elles sous ceste figure. D'autrepart, ce n'est pas chose veritable que le corps auquel il se presente à elles ne soit du tout rien, ou bien soit imaginaire. Car si on le peut voir & toucher c'est vn vray corps & nō pas vne illusiō. FVR. Ne vois tu pas combien tu es contraire à toy mesme? Si nous te voulons croire il sera illusoire & si ne le sera pas tout à la fois. ER. Il est illusoire si tu penses que ce soit vn vray corps humain, lequel seulement il contrefait, mais il n'est pas illusoire si tu le tiens pour tel qu'il est, asauoir de l'air espais. Mais cest en vain que ie traite ceci, veu que toy mesmes me fournis les armes par lesquelles ie suis vainqueur. Tu sais qu'en vn autre lieu tu m'as confesse que les diables aparoissent quelquefois avec les vrais corps des morts, quelquefois avec des corps nuageux enuironnez d'ombre. En la premiere forme il s'aparoit aux Necromantiés, en l'autre aux Skiomantiés. Parquoy le tout n'est pas illusoire. mais soit, posons le cas que ce corps là ne soit autre chose qu'illusiō, s'ensuit il pourtāt que l'accord ne puisse estre vray? Il parle bien & fait beaucoup de choses sans auoir vestu vn corps qui se puisse veoir & toucher : qui plus est, elles ne font pas alliance avec ce corps là, ou bien entant qu'il aparoist en corps pour ceste heure là, mais entant qu'il est le diable, esprit, inuisible & sans corps. FVR. Toutesfois la difference des natures ne le permet pas ER. Je tenie qu'il y ait en cest endroit aucun empeschement. Car l'alliance que Dieu a faite avec Abraham, Moyse & autres, a elle esté trouuee nulle & illusoire pource que parlant à eux ils ne le voyoyent point? Puis apres si ceste dissemblance de natures fait que l'accord n'ait point de valeur, les autres magiciens ne pourront nō plus faire alliance avec le diable: mais tout ce qu'ils s'entremettrōt de faire se trouuera faux & imaginaire. Je m'assure qu'il n'y a pas vne sorciere qui soit si radotee, quelle pense que le corps auquel le diable luy aparoit soit vn vray corps humain. Elles sauent fort bien que pour vn temps ils prennent de tels corps, & que



puis apres ils s'en desfont quand ils veulent, neantmoins elles font alliance avec luy, sachans assurement qu'il est le diable en quelque forme qu'il se presente. Que pourra on donc inuenter, ou comment pourra on prouuer qu'il ne se fait aucune alliance? Certes ie ne voy pas qu'on y puisse rien inuenter. Car c'est vne chose du tout fausse que le diable face ceste alliance avec elles en dormant, ou bien qu'il represente ces choses en leur esprit & entendement, & qu'il soit lors aucunement dedans elles. Car il ne fait pas tousiours ainsi aux sorcieres, mais il leur aparoit reellemēt & de fait, en vne forme feinte & empruntée, & reellement parle à elles, sans estre dedans elles aucunement. Or qu'il ait fait cela & l'ait souuent peu faire, il est monstré tant en vne infinité d'autres exemples, qu'en l'histoire de Saul, au 1. de Sam. chap. 28.

F V R. Encores ne me puis ie faire acroire qu'il y ait vne alliance expresse. E R. Or sus, posons derechef le cas qu'elles ne facēt point d'alliāce expresse avec le diable, seront elles pourtant ostees du nôbre des magiciennes? nullement. Il y a beaucoup de magiciens qui non seulement ne font point d'alliance manifeste avec le diable, mais qui plus est ils le pensent attirer & faire venir malgré qu'il en ait: lesquelstoutefois nous iugerōs tous dignes de mort à cause de l'alliance occulte qu'ils ont avec Satan. Et puis qu'ainsi est qu'il vient trouuer les sorcieres sans qu'elles l'appellent, il faut bien qu'il ait beaucoup plus de familiarité avec elles que non pas avec les magiciens. Il apert d'autre costé par les saintes Escritures, que Dieu veut qu'on mette les magiciens à mort pour ceste communication qu'ils ont avec le diable, voire quelle qu'elle soit, encor qu'ils n'ayent ni fait ni tasché de faire mal à personne par le moyen de leur magie. Il ne sera point besoin de faire de preuue, si nous no<sup>9</sup> resouuenōs que Dieu veut qu'on face mesme mourir ceux qui vont au cōseil vers les magiciens pour quelque chose dont ils sont en doute. Comment donc pourrons nous penser qu'il ait voulu qu'on pardonnast aux sorcieres, lesquelles communiquent beaucoup plus familierement avec le diable? De quelque costé. donc que nous puissions nous tourner, & quoy que nous sachions



chions forger aucôtraire, cecy demeure tousiours vray, a sauoir que les sorcieres sont à bon droit tenues au rang des magiciens, & par consequent punissables tout de mesme qu'eux. F V R. Encore que ie ne sache maintenant que te dire, si est-ce que i'y penseray. E R. Ce que tu disois que les magiciens font de leur bon gré & franche volonté ce qu'ils font, & que les sorcieres le font à l'instigation du diable, ne prouue pas qu'elles soyent hors du rang des magiciens : car le diable est cause bien souuent que plusieurs aprennēt les arts magiques : & aussi les sorcieres sans estre importunees par le diable se donnēt du tout à luy. Bien souuent les filles sont seduites par leurs meres, tout ainsi que les magiciens s'adonnent à ceste maudite inuention en estans sollicitéz par d'autres. F V R. Mais le diable les incite à ce faire par le moyen des autres. E R. Si cecy leur sert d'ex cuse il ne faudra punir aucūs malfaiçteurs. Car ils sont tous incitez par le diable à faire leurs mesfaits ou apertemēt ou à cachette, soit qu'il le leur mette en l'entendemēt luy mesme, ou qu'il le leur persuade par le moyen d'autres. Il faut donques ou que les sorcieres soyent tenues pour magiciennes, ou que nous descriuions les magiciens en autre façon : ce qui ne se peut faire par raison : car soit que de leur propre mouuement elles renoncent Dieu & se remettent en la garde du diable, soit qu'elles le facent estans à ce poussées par luy mesme, elles sont tousiours coupables d'auoir fait alliance avec le diable. L'estime que chacun scait que d'un costé & d'autre ils ne s'efforcent bien de faire merueilles. F V R. Ie t'accorde tout ceci, mais ie tien que ceux-la pechent plus grieuement qui de leur propre volonté se donnent au diable, que ne font pas ceux qui sont attirez par luy à ce faire. E R. Ie ne dispute point en cest endroit si les vns sont plus mal que les autres, mais ie di que les vns & les autres doyēt estre tenues au nombre des magiciēs, veu qu'elles com mettent vne mesme meschanceté. Et si l'exemple des deux homicides que tu as mis en auant ne m'est aucunement cōtraire, mais plustost conserme mon opinion, Car celuy qui tue vn homme estant persuadé par vn autre de ce faire, n'est pas moins homicide que celuy



qui auroit fait le coup sans y auoir esté incité par aucun. Ceci toutefois se doit entendre d'un homme qui n'a point esté contraint, mais seulement conseillé: & qui au lieu qu'il pouuoit ne le faire pas, s'est neantmoins laissé persuader de le vouloir. Or si tous deux sont coupables d'homicide, pourquoy n'auront-il pas mérité aussi tous deux la peine due à l'homicide? F V R. Pource que le forfait de l'un a son commencement au dehors, & l'autre au dedans. E R. Mais ie soustien que le prochain commencement, ou la cause prochaine de l'homicide, n'a point esté l'interieure deliberatiõ du cœur: car celuy qui a la suscitation d'un autre fait mourir un homme, ou il le fait malgré soy & par contrainte (de quoy nous ne touchõs point en cest endroit) ou bien il le fait volontairement. Que si il tue un homme volontairement, comment se peut il faire qu'un tel homicide n'ait point eu de cause interieure? Dauantage, ceci est faux de dire que les homicides n'ayent point le diable pour leur auteur & instigateur: car ceux-là seulement ne font pas le mal à la persuasion du diable, qui comme les forcieres, le voyent, l'oyent, le touchent, & iouent avec luy, mais bien tous ceux qui font mal à sa poursuyte. Somme toute, tu ne saurois jamais prouuer, que celuy soit coupable de la peine due à l'homicide qui aura mis à mort un homme (excepté le Magistrat) sans que ce soit malgré soy, y estant contraint par un autre, & pourtant ceste distinction de la cause interieure & exterieure, ne peut auoir lieu en cest endroit. F V R. L'exemple d'Adam & d'Eue nous peut monstrier que ceux-là pechent plus grieuement, & pourtāt doyuent estre punis avec plus grande seuerité, que ceux qui pechent estans esmeus par la persuasion d'autrui. E R. Ce tien exemple de nos premiers peres & du serpent est inutile en cest endroit: pource que, en premier lieu, il n'est pas à propos: car tout crime qui merite la mort n'est pas homicide, comme il se void en l'adultere lequel est crime capital & toutesfois est bien different de l'homicide. Puis apres nos premiers peres ne commirent pas un homicide tel comme est celui duquel nous parlons maintenant. Au lieu que tu deuois mettre en auāt un exemple de deux homicides, desquels l'un eust



tué vn homme de sa propre volonté, & l'autre l'eust mis à mort à la suscitation de quelque autre: tu mets en auât vn exemple de deux, l'vn desquels conseille & l'autre execute le meffaiât. Eue conseilla à Adam qu'il mangeast du fruiât qui estoit defendu, duquel elle auoit gousté auparauant à la suasion du serpent, mais elle le conseilla tellement que ce fut apres l'auoir fait elle mesme. Qui plus est Adâ & Eue ont esté transgresseurs de la loy à l'incitation d'vn autre. Car Eue a eu le serpent qui l'a incitee, & Adam a eu Eue. Il n'y a donc point icy d'homicide qui ait tué sans estre poussé de quelcun. Somme toute, ton exemple ne peut rien prouuer. Car Adam a il esté exempt de la peine que Dieu auoit establie à celuy qui mangeroit du fruiât defendu? chacun de nous sent bien s'il en a esté puni. Il est aussi bien mort qu'Eue, encor q pour ceste occasiõ Eue a enduré quelques trauaux dauantage: mais ie ne dispute point icy, si les sorcieres doyuent estre traitees plus doucement ou plus rigoureusement, car il y a des especes de mort qui sont beaucoup plus douces que les autres: mais ie di tât seulement qu'elles sont comprises sous les magiciens, & pourtant qu'elles sont suiettes aux mesmes peines qu'eux. F V R. Ie conoy bien maintenant que mon exemple non seulement ne peut rien prouuer au contraire de ce que tu dis, mais qui plus est qu'il ne cõuient pas mesmes à nostre propos.

E R. Quant à ce que tu soustiës qu'il n'y auoit point de sorcieres du temps de Moyse, il n'est aucunement preiudiciable à mon opinion. Il se peut bien faire voirement, que depuis ce temps là se soyent esleuez quelques sortes de magiciens, qui pour lors n'estoyent point encores, lesquels pour cela ne laissent point d'estre compris au nombre des autres magiciens: car ils font les mesmes vertus & miracles que font les magiciés par l'aide & assistance du diable, au moyen de l'accord, ouuert, ou couuert qu'ils ont fait avec luy. Les façons de faire, les instrumens de quoy se seruent les magiciens, ni la fin pour laquelle ils font leurs œuures, ne les font pas magiciens, mais font qu'ils soyent d'vne telle sorte de magiciens. Ie say bien que deuant que Iesus Christ fust né, il n'y auoit point de magiciens qui se seruissent du



nom de IESVS CHRIST pour ietter hors les diables, ou pour les contraindre en quelque maniere, comme il s'en est esleué depuis beaucoup, ainsi que chacun fait & qu'il est tesmoigné par S. Luc au 19. chap. vers. 13. des Actes des Apôstres. Diras-tu que telles gens ne fussent point magiciëns, ou qu'ils n'exercassent point la magie? Je ne le peux croire. Que s'il se trouue qu'ils soyent & ayent esté magiciens, ils sont doncques condamnez par Moyse, iacoit que de ce temps là ils ne fussent pas encores au monde. A quoy tiëdra-il que le mesme n'ait lieu en l'endroit des forcieres? Or çà: posons le cas que de ce tēps-là elles n'ayent point fait precisément les mesmes choses que font celles de ce temps (c'est pour vn item qu'elles n'ont point renôcé Iesus Christ) s'ensuit-il que celles qui sont auourd'huy ne leur attouchent en rien? Le diable peut adiouster, tailler, rongner, & chāger en ces arts qu'il a inuētees, selon qu'il void estre expediët, mais cependāt il n'abolit point la chose mesme du tout en tout. Moyse a defendu qu'on ne fist point d'images ou statues pour les honorer, & s'il ne sauoit possible pas que long temps apres on en deust faire à S. Pierre, à S. Paul & autres. Faut-il dire pourtant qu'il n'ait point defendu celles qui sont auourd'huy? Brief, c'est vne chose de laquelle il ne faut point douter que Dieu a fait ses loix en telle sorte, qu'elles ne conuiennent point seulement au temps present, mais aussi bien à celuy qui est à venir: & aussi qu'elles ne comprenne point seulement les vices qui pour lors regnoyent au milieu de son peuple, mais aussi tous les mesfaits de tous autres peuples, en quel tēps qu'ils fussent faits, & mesmes en autres lieux, & qu'ils vinssēt à naistre depuis. Et partāt tō obiection est de nul effect & le seroit, ores que tu peusses prouuer qu'il n'estoit point du tout de forcieres semblables aux nostres du temps de Moyse. F V R. Si pourroit-on prouuer toutesfois, qu'il n'y auoit point lors de telles vieilles. E R. Mais au contraire, on prouueroit beaucoup mieux, que pour lors regnoit ceste peste, ou pour le moins sa mere, ou sa sœur: car Orpheus, qui a esté environ 1270. ans deuant la venue de Iesus Christ, quasi au mesme tēps qu'Abimelech estoit Iuge sur Israel décrit de telles illusions. Aristophane fait mention en beaucoup d'en-



d'endroits des empoisonneresses de Thessalie, auxquelles tous les historiens attribuent toutes les mesmes choses dont nos sorcieres d'aujourd'huy se vantent. Et Homere n'escriit-il point que desia, du temps de la guerre de Troye, estoient Circe & les Sirenes, qui ostoient l'entendement aux fols par charmes & enchantemens? Ne dit-il pas aussi que les fils d'Antilochus estancherent le sang à Vlysses par charmes? Or la guerre de Troye a esté commencee environ mille & deux cens ans deuant la natiuité de nostre Seigneur Iesus Christ. Hippocrates au liure *De morbo sancto*, & Plato en plusieurs endroits, & Aristote aussi, escriuent les mesmes choses, comme il apert de ce que nous auons dit ci dessus. Environ l'an trois cens de la fondation de Rome, c'est à dire, en l'an troisieme de la huitante & vnieme Olympiade deuant la naissance de Iesus Christ environ quatre cens cinquante & deux ans: des ambassadeurs furent enuoyez de Rome pour aller querir les Loix des douze tables, esquelles ceste infection est manifestement condannee. Mais il n'importe pas beaucoup si nous disons qu'elles ayent esté du temps de Moysse, ou bien qu'elles soyent venuës depuis, veu que nous monstons que la chose qu'elles font est defendue. Contente-toy, que bien peu de temps apres Moysse, il s'en est trouué qui exerçoient ceste art, puis que tu ne peux par aucun argument prouuer que de son temps il n'en y eust point. Pour quelle cause donc, ne se tiendra-on plustost à nostre auis qu'à ton opinion?

F V R. Iesus Christ ni ses Apostres n'ont gueri personne qui fut fait malade par elles, & pourtant il est vray-semblable que de ce temps-là il n'y auoit personne qui fust endommagé. E R. Nous ne lisons non plus qu'ils ayent gueri aucun melancholique, ni maniaque, ni frenetique, ni epileptique (sinon qu'on prenne pour epileptiques ceux qui au quatrieme de S. Matthieu sont appelez *Seleniazomenoi*, ni aucuns autres fols, ni insensez, ni goutteux, ni malades de la cholique: Faut-il dire pourtant, qu'il n'ait point esté lors de ces maladies? Au contraire, ie croy que plusieurs ont esté detenus de ces maladies qui ont esté gueris par Iesus Christ & ses Apostres, veu qu'il est dit qu'ils ont gueri



toutes sortes de maladies: encor que les noms n'en soyét point exprimez vn par vn. Qui plus est les sorcieres ne frappent point de maladies elles-mesmes, mais le diable est auteur de tout: quand en leur obeissant il fait ce qu'elles luy demandent. Qui empesche donc que ceux-ci n'ayent esté gueris entre ceux qui estoient tourmètez du diable? encor qu'il n'est point dit à quelle occasion le diable se soit mis à les tourmenter. Or pour le dire en vn mot, tout ce que tu m'as obiecté est de nulle valeur.

F V R. Je vien maintenāt à ton autre raison, laquelle est refutée tout ouuertement: en premier lieu, par l'etymologie du mot Hebrieu duquel vse Moyse au 22. d'Exode. Puis apres, l'opinion des septante Interpretes: & pour la fin, l'exposition qu'en dōne Iosephe. Par tout ceci est prouué que ceste dictiō là signifie celle qui promet s'appelle empoisonneresse, a sauoir qui fait mourir les personnes en leur baillant à boire du vray poison, ou des bruuages empoisonnez. E R. I'en pense tout autrement: & di, qu'il signifie vn hōme, ou vne femme laquelle par le moyen & art du diable, s'efforce ou de bien faire ou de mal faire. Laquelle chose ie prouue en ceste sorte. Ceste dictiō, avec celles qui en descēdēt, ne se prent en pas vn de tous les liures du vieil Testament pour celuy ou celle qui baille du vray poison: car elle est mise derechef en Exode chap. 7. vers. 11. Item au 4. des Rois chap. 9. vers. 22. Item au 2. des chroniques chap. 33. vers. 6. Item en Isaie chap. 47. vers. 9. & 12. Item en Ieremie chap. 27. vers. 8. Item en Daniel chap. 2. vers. 2. Item en Michee chap. 5. vers. 12. Item en Nahum chap. 3. vers. 4. Item en Malachie chap. 3. vers. 5. Ils'en suit donc qu'aussi n'est elle pas prise en ceste signification au 22. chap. d'Exode, veu que en tous les autres passages elle signifie ou vn deuin, ou vn enchanteur, ou vn homme qui vse en quelqu'autre maniere que ce soit de l'aide des diables. Aussi chacun est contraint par la verité mesme de confesser qu'il est mis en ce sens au 7. d'Exode. F V R. Mais ce mot est prins en cest endroit là en vne signification vn peu libre. E R. Comment dis-tu qu'il se prenne en vne signification libre, & non pas plustost en la sienne propre, veu que tu ne me sau-

rois



rois prouuer qu'elle ait esté prise autrement en pas vn autre lieu? Ameine-moy vn passage auquel sans controuerſe il ſignifie vn vray empoisonnemēt, comme ie t'en ramene vn du ſeptieme d'Exode, où ſuyuāt ta propre confeſſion, il ſignifie autre choſe. Si tu ne le peux faire, confeſſe que tu erres en ceſt endroit, ou bien conſerme ton opinion par quelque raiſon plus ferme. Le meſme mot eſt auſſi mis au 18. du Deuteronomie, là où il n'y a homme de ſain entendement qui iuge qu'il ſoit pris en autre ſignification que celle que nous auons dite. Car Moÿſe parle en ceſt endroit-là non pas des empoisonnemens, ou autres moyens de faire mourir les hommes, mais de ceux, qui ont communication avec le diable & qui vſent des arts qu'il a inuentees. Qui voudra prendre garde à tous les autres passages, confeſſera franchement que mon opinion eſt vraye. FVR.

Tout beau, tout beau, tu ne conclus pas bien en diſant, ce mot eſt mis en telle ſignification, en pluſieurs lieux: il ſ'enſuit donc, qu'il ſignifie auſſi le meſme au 22. d'Exode. ER. Ie reſpon qu'en ce il ſ'enſuit tout reſoluement. Car nous ne pouuons iuger de la langue Hebraïque, ſinon par les ſainctes lettres. Et partant ſ'il ſe trouue vn mot qui ſoit repeté en pluſieurs endroits & qu'il ſignifie touſiours le meſme ou quelque choſe de ſemblable, nous concluons, que ſans faute il ſignifie ceſte choſe-là. Parquoy toutesfois & quantes que ce meſme mot ſe trouuera, nous dirōs, qu'il ſignifie le meſmes, ou quelque choſe de ſemblable: ſinon que les circonſtances nous contraignent de le prendre en autre ſignification. Et auſſi c'eſt choſe toute notoire que telle eſt ſa propre ſignification, ſinon que nous voulions croire que l'eſprit de Dieu n'a point voulu vſer des noms en leur propre ſignification ſinon bien rarement, ou pour mieux dire iamais. ce mot donc ſignifie non pas par vne eſlognee mais en ſa propre ſignificatiō, vn deuineur, vn magicien renommé, vn enchanteur, & vn homme qui vſe des arts diaboliques. Or puis que nous auons monſtré quelle eſt l'etymologie du mot, voyons maintenāt qu'il ſignifie au 22. d'Exode, ſ'il y eſt mis en ſa propre & naiſue ſignification, nous auons gagné. Car celuy qui fait mourir les hommes par poiſon, ne ſe met à faire au-



cune chose qui soit contre la loy, la coustume, & la force de nature: & pour cest effect n'a pas plus de besoin de l'aide du diable que les autre homicides. Que si on veut soustenir qu'il y soit mis improprement, il le faudra prouuer. mais cōment se prouuera il, quād il n'y a aucune chose, non pas mesme aucune des circonstances, qui nous contraigne de nous esloigner de sa propre signification? Attendu mesme que tous les Theologiens, anciens & nouveaux, ont iugé qu'il se deuoit prendre en sa propre signification.

I'ay monsté par suffisantes raisons, qu'il y doit estre pris: & entre autres i'ay aussi dit que sous le nom d'homicide, est aussi compris le poison qui proprement est dit poison. Car à vray dire, quiconque de son bon gré & franche volunté tue vn homme, de quelque sorte qu'il le face, & de quelque instrument qu'il se serue pour cest effect, il est tousiours coupable du crime d'homicide. Mais toy tu soustiens au contraire que le poison auoit besoin d'un article particulier, pource qu'en plusieurs choses il est diferēt d'avec les autres sortes d'homicide: pource qu'il se fait à cachette, en sorte que le plus vaillant homme du monde ne se scauroit garder des embusches d'une femmelette, d'un valet, ou d'une simple seruante: & aussi qu'il se fait sous pretexte de biē faire à ceux qu'on deuoit aimer, & aussi par les inférieurs à l'edroit de leurs superieurs. Voire cōme si toutes ces choses ne se pouuoient trouuer en tous les autres gēre d'homicide, ne tue-on persōne à cachette: ne s'en trouue il point qui ont esté estoufez par des simples femmelettes, par des valets, par leurs propres freres, par leurs enfans, par leurs femmes & par leurs suiets? Commet donc pour ces causes eust-il falu une nouuelle loy? Il est parlé de l'homicide fait à cachettes au 27. du Deuteronomie: & aux Nombres 35. est parlé de la peine qui leur est deuë, & des diuerses especes. Parquoy il eust peu sembler que ceste loy estoit inutile. F V R. Mais les septante interpretes ont tourné le mot Hebrieu par la diētion, *Pharmakon*, laquelle toutesfois & quātes qu'elle est prise à la mauuaise part, se met & en Galien, & en Dioscoride, & en tous les anciens auteurs Grecs, pour poison, ou medicament empoisonné. E R. Penses-tu qu'on



tu qu'on te vueille accorder cela? sinon que tu vueilles dire que Platon, Aristote, Aristophane, & les autres auteurs aprouuez n'ont point esté anciens auteurs Grecs. Dioscoride au chapitre où il traite du Nerprun, dit: On tient que si on met ses branches deuant la porte, ou aux fenestres, qu'il chasse tous les malefices des enforceleurs, ou enchanteurs. En ce passage il ne parle point des choses qui de leur propre nature sont nuisibles, mais de celles qui se font par enchantement: car comment est-ce que les brâches mises à vne porte ou à vne fenestre, pourroyét empescher qu'on n'aportast du poison naturel à la maison? Je confesse que Galen en a vſé bien rarement en ceste signification: la cause est euidente, ascauoir qu'il a pretédu d'enseigner l'art de medecine, & non pas des enchantemens & malefices, ce qu'il tesmoigne au commencement du 6. liure de la vertu des simples medic. quand il escrit en ceste maniere parlant de Pamphile, Et de vray ils s'en sert aux choses qui se pendent au col, & autres enchâteries, non seulement curieuses, & esloignées de l'art de medecine, mais aussi fausses, en tout & par tout. Mais quant à moy ie ne veux faire mention d'aucune telle chose, & si ne reciteray point les transformations mensongeres de telles gens. Il dit qu'il ne parlera point de ces sorceries (car il monstre euidemment qu'on les appelloit ainsi en ce temps là) pource que non seulement elles n'appartiennent en rien à l'art de medecine, mais aussi sont de nulle valeur, sont contes de vieilles, illusoires, & faites par enchanteries. Pareillement quand au 2. liure de la comp. des medic. selon les lieux, il parle des choses qui se pendét au col desquelles vſoit Archigenes, il dit qu'il n'en veut point parler, d'autant qu'elles n'ont aucune raison medicinale, & qu'elles sont iugees par la seule experience. En somme il apert par ce que dessus que il appelle *Pharmak* toutes les choses de telle essence, encore qu'il estimatt qu'elles fussent de nulle valeur: mais il escrit encores au 10. de la vertu des simples medic. Mais quant à moy ie ne feray point mention, ni du Basilic, ni de l'Elephant, ni du cheual du nil, ni d'aucune autre chose de laquelle ie n'ay point fait moy mesme d'experience.



QVANT à ce qu'on appelle philtres, agogimes. Oniropombes, & Misethres, encore que i'en eusse fait suffisante experience, si n'en feray ie point de mention, non plus que des medicamens mortels, ou de ceux qu'ils appellent *Kathopii*. car ce qu'ils disent sont choses ridicules, qu'on puisse lier sa partie auerse, de sorte qu'elle ne puisse parler en iugement, & c. Diras-tu maintenāt, que Galien n'ait pas appellé les malefiques pratiques des sorcieres *Pharmaka*? le ne le peux croire. Il a condamné la chose, sachant bien qu'elle estoit ainsi nommee d'un chacun, & n'a point fait de difficulté de l'appeller du mesme nom.

QVoy? Les remedes qu'on appelle *peripta* & *physika* que les medecins aprouuent, ne sont ils pas tousiours appelez d'un chacun *pharmaka*, encores qu'on s'en serue pour mal faire, & qu'ils n'ayent en eux aucune vertu d'empoisonner? Hippocrates aussi au liure, de morbo sacro semble appeller ceux qui sont enchâtez *pephargmenoi* parlant en cest endroit ll des guerisons qui se font par la magie. Il s'ensuit donc que c'est chose fausse de dire que tous les anciens auteurs Grecs, Galien, Dioscoride & tous les autres, n'ayent compris sous le mot de *pharmakon* les instrumens des magiciens & enchanteurs. Il apert donc maintenant que les septante interpretes, quand ils ont tourné le mot Hebrieu par les mots *pharmakos* & *pharmakeia*, ont bien & proprement appellé tant les malefices que les malefiques, qui par le moyen du diable ont enuie de sauoir & de faire choses estranges & admirables. Car i'ay prouué par trescertains & infailibles tesmoinages, que tous les Grecs auoyent accoustumé de nommer par ces noms telles gens, long temps auparauant le temps des septante interpretes. Car ils ont esté pres de 130. ans apres Platon. Parquoy ils n'ont peu ignorer le vray vsage de ceste langue. Tu n'as donc non plus en cest endroit de quoy tu me puisses cō battre. Ce seroit pour neant si ie faisois ici mention des Rabins, car qui est ce qui ne croit que quand l'escriture dit que Manassé reſtablit les malefiques avec les Pytonisses il le falle entēdre des vrayes sorcieres? Qui pēsera que le Roy Nebuchadnesar n'ait appellé les sorciers pour interpreter & iuger de son songe? Il n'est pas be-  
soin



foin que ie m'en donne trop de peine; veu que la signification du mot apert assez par le propre texte. Encor que ie say bien que les Rabins sont de mon costé & non pas de celuy de mon aduersaire. F V R. Et que respondras tu à Iosephe? E R. Le mesme: car il ne merite pas qu'on luy adioust plus de foy qu'a l'Escripture, cest à dire, qu'au S.Esprit. Combien que quãd il dit, Ni des autres choses qui sont faites pour nuire en quelque autre sorte, on peut estimer qu'il parle des medicamens des sorcieres. Mais il n'est pas besoin d'examiner ces choses de plus pres, veu que nous auons des argumens tous aparens des sainctes Escriptures. Si tu penses que Iosephe n'ait peu faillir, il faudra aussi trouuer bon ce qu'il a escrit, que Solomon auoit inuété vne art pour se seruir à lencontre des diables, & qu'il auoit enseigné vne maniere de coniurations & enchantemens contre les maladies. Il escrit aussi qu'il a veu en la presence de l'empereur Vespasian vn certain Eleazar Hebrieu qui par la vertu d'vne racine qu'il auoit dans vn anneau, & qu'il disoit auoir esté môstre par Solomon, tira vndiable par dedans le nez d'vn homme qui en estoit assailly. Qui trouuera estrange que Iosephe aprouant telles niaïseries interprete ceste loy en autre sens? S'il le faisoit autrement il se condèneroit soy mesme. Jean François Pic, dit qu'il y auoit en l'histoire Hebraïque de Iosephe, que Absalon auoit tant de cheueux qu'à grand peine vn barbier les eust peu couper en huit iours. Or soit qu'il l'ait ainsi escrit (ce qui seroit vn mésonge tout euident, car en moins de iours on tondroit vn pré, qui ne seroit pas trop grand, avec des forces) ou non, on fait assez qu'il a escrit ce que nous venons tâtoist de dire, & pourtant son tesmoignage est en cest endroit de nulle valeur. Pourtãt ma seconde raison n'a point esté aneantie par les obiections de mon aduersaire, mais au contraire elle a esté beaucoup mieux confermee.

Q v'a s tu à dire sur mon troisieme argument, qu'on les peut faire mourir comme estans idolatres? F V R. Ie ne nie rien, sinon qu'elles ne sont point idolatres, & qu'elles ne renoncent point Dieu. E R. Tu fais bien. Car on ne sauroit nier que les idolatres ne doyuent estre mis à mort suyuant le commandement de Dieu.



FVR. A tout le moins semblent elles estre excusées par l'exemple de saint Pierre Apôtre, qui renia Iesus Christ: duquel le fait semble estre beaucoup plus grief & detestable que celuy des sorcieres. ER. I'ay esté merueilleusement esbahi en lisant ce que tu dis. Mais à cela ie respons en vn mot, qu'il n'y a aucune ressemblance entre le renoncement de saint Pierre & celuy des sorcieres. Car S. Pierre pour crainte de la mort a tellement renoncé Iesus Christ, que iamais ne luy est venu en pensée de se rendre du coste du diable: & n'a non plus fait d'accord avec luy, ni apertement, ni à cachette, qu'en font tous les autres pécheurs. Mais les sorcieres, sans estre cōtraintes par la crainte d'aucun mal, ni d'aucun danger, de leur propre volôte & sans aucune cause legitime (le plus souuent estans incitées par leur concupiscence, ou estans enflammées de courroux, ou de haine, ou bien estans transportées par semblables affections) renoncent en telle sorte Dieu leur createur & sauueur, qu'elles se trāsportent au parti de son ennemi, luy promettent toute obeissance, se donnent entiere-ment à luy, & promettent qu'elles seront ennemies de Dieu, & de toute pieté, s'adonnerôt à faire mal: & viennent à faire alliance & embrassent les diables. La comparaison qu'on fait de saint Pierre avec les sorcieres me fait dire, maugré moy, que celuy n'est pas de sain entendement, qui veut chercher vne egalité entre le pe: hé de S. Pierre, & celuy des sorcieres. Et quant à toy, tu sembles par tes amplifications vouloir faire celuy de saint Pierre plus grief: ce qui n'est pas bié fait ni à bon droit.

FVR. Ie ne nie point qu'à bon droit on ne puisse faire mourir les idolatres: mais ie ne t'accorde point encore que les sorcieres le soyent. ER. Et moy ie t'assure que ie n'ay point iusques ici peu apercevoir, sous quel pretexte on puisse nier qu'elles ne soyent idolatres, voire les pires qui ayent iamais esté au monde. Plusieurs ont adoré les idoles, pensans que ce fust Dieu ou les effigies de Dieu: mais elles adorent le diable en propre personne, lequel elles sauent estre l'ennemi de Dieu & de nature. Quant aux autres idolatres, plusieurs d'entr'eux ont pensé bien faire, c'est à dire que par ignorance ils ont serui à leurs faux dieux: mais quant à celles ci, elles sauent



ſauent bien qu'elles font tref-mefchamment. Et pour ceſte cauſe nient leur forfait avec ſi grande opiniaſtrife, de peur qu'on ne les puniſſe comme elles ſauent bien l'auoir merit  . Quant aux autres idolatres ils n'ont iamais rien ſceu de Dieu, mais quant    celles ci elles l'abandonnent apres l'auoir conu. Les autres n'ont pas touſiours fait des particulieres alliances contre leur propre conſcience    lencontre du vray Dieu: mais celles ci renoncent Dieu & toute piet  , en telle ſorte, qu'elles promettent de luy   ſtre ennemies. F V R. Ces choſes ſont imaginaires, & ne ſe ſont point ainſi reellem  t.

E R. Je ne veux pas nier que la pluſpart de ce que elles ſont apres leur alliance, ne ſoit imaginaire & illuſoire. Car lors le diable ayant aucunement en ſa puiffance ces pauvres miſerables, il leur perſuade ce qu'il veut. Mais deuant leur accord, telles choſes ne ſe ſont point par imagination, mais de fait elles contractent alliance avec luy. F V R. Comm  t ſais tu quelles ſont alliance avec le diable? Puis qu'ainſi eſt que tu n'y as point eſt   preſent, & que tu ne le peux ſauoir d'aucuns teſmoins dignes de foy, il eſt neceſſaire que tu le ti  nes de leur propre c  ſeſſion. Si de leur propre mouuement & de leur bon gr   elles conſeſſent ces choſes elles ſont, ou poſſibles ou impoſſibles: & ſont auenues veritablement ou du tout n'ont point eſt  . Si en diſant ces choſes elles ſont contraintes, leur conſeſſion n'eſt pas de grand valeur pour auoir eſt   tire d'elles par force & queſtions intolerables. Quant    la conſeſſion du premier article encores qu'elle fuſt faite de leur bon gr  , elle ne merite point la mort, ni du ſecond non plus; pourc   que ce qu'elles diſent n'a point eſt   fait. ni du troiſieme, parce que le diable leur met en f  taſie qu'elles ont fait ce qui auient naturellement, ou bien qu'il a fait luy meſme. Dauantage, qui voudroit adiouſter foy    vne conſeſſion contrainte, pour par icelle les iuger    la mort? E R A. Si la conſeſſion titee de la bouche des criminels par le moyen des queſtions & tortures n'eſt d'aucune valeur, il n'y a point, ou au moins bi   peu, de brigands, ou de traiſtres qui ſoyent punis iuſtement. Car il ſ'en trouue bien peu qui de leur bon gr   conſeſſent les meſchancetez qu'ils ont faites.



FVR. Ceci est tout certain qu'il en y a qui à force de gehennes, confessent des choses qui ne furēt iamais. E R. Mais pour cela il n'y a homme sage qui vueille dire que on ne doive tirer la verité par les gehennes. Les criminels ne sont point mis à la question pour toute sorte de soupçon, ou par quelque legere coniecture, mais quand le fait se peut prouuer pleinement par indices & argumens, ou bien il n'y a gueres à dire qu'ils ne valent des preuues toutes entieres & parfaites. Et à cela n'est contraire que le Iuge n'a point veu telles choses, veu que c'est assez que d'autres les ayent veues. Et aussi les meschancetez cachees sont toutes reuelees à la parfin, en sorte que en cest endroit le diable mesme ne peut pas tout preuoir & se prendre garde de tout. Parquoy c'est en vain que tu ne tiens conte de la cōfession tiree par le moyen des questiōs & tortures. Je voudrois bien sauoir pourquoy celle qu'elles font de leur bon gré ne doit estre tenue pour vallable. FVR. Pource que, ou elles confessent choses impossibles à faire, ou qui ont bien peu estre faites, mais elles ne l'ont pas esté, ou bien ce n'a pas esté par elles. E R. Je croy que tu as oublié ce que tu auois entrepris de prouuer, à sauoir qu'elles n'ont point fait alliāce avec le diable. La question n'est pas maintenant si elles peuēt arracher les estoilles du ciel, voler par l'air, & passer à trauers des portes fermees: mais si elles ont fait accord & juré amitié avec le diable. Est-ce chose impossible? Je ne pense pas que tu le croyes. A quel propos donc repetes tu ces choses, & t'es forces par icelles de monstrier qu'on ne peut faire alliance avec le diable? Cest chose faisable & qui s'est faite plus souuēt que ie ne voudrois. Aussi ne disent elles pas que ce soit chose impossible quand elles confessent que elles l'ont fait. Ceste alliance n'est pas conuenable selon nature, mais il faut que le cōsentement de volōté y

*Tout ce soit d'une part & d'autre. Car le diable tout seul ne sauroit dresser vn tel accord.* FVR. Mais c'est vne imagination & illusion, & n'y a rien de vray. E R. C'est chose estrange que depuis que quelcun s'est mis à soutenir vn parti, il nie toutes choses tant vrayes & certaines & de ne puisent elles estre, afin qu'il semble auoir esté de nul effect. sain auis. La sainte Escriture nous enseigne assez clere-  
ment



ment que nous ne deuons pas estimer nul ce qui se fait par les hommes à l'aide des diables : l'experience de tout temps le prouue, toutes les sorcieres le cōfessent, & la chose le monstre d'elle mesme. La Pythonisse ne fit elle pas venir en Endor le diable sous la figure de Samuël? Les magiciens d'Egypte ne firēt-ils pas leuer des serpens? Le Pseaume 58. nous met-il en auant vne illusion, quand il dit que les aspics bouchent leurs oreilles de peur d'ouyr la voix de l'enchanteur? Ne s'est-il iamais trouué personne qui par charmes ait fait assembler les serpens & les rats tous en vn mesme lieu? L'Es-écriture nous apprend que le diable fait de tels miracles par le moyen des siens, afin de seduire les esleus mesmes s'il estoit possible. Dont tout ce qu'elles font n'est pas imaginairé comme tu dis. Dauantage c'est chose asseu-ree que lors nul n'a peu, & encores de present ne pour-roit faire les choses susdites, sans faire alliance avec le diable. Car pourquoy ne le pourroit faire vn chacū s'il n'estoit besoin de la susdite alliance? F V R. Chacun ne fait pas l'art. E R. Comme si c'estoit chose as-seuree, que la Pythonisse eust aprins quelque longue art. Le diable peut il estre cōttaint par aucune art? Rien moins. Il faut donc qu'il aparaisse par le moyen de l'ac- cord. F V R. Si ce qu'elles confessent avec si gran- de cōstance, asauoir qu'elles volent parmi l'air, que elles transportent les fruits de la terre, & font plu- sieurs telles choses, n'est autre chose que pure mente-rie, pourquoy oppose-on à ces autres choses la certi- tude de leur cōfession? veu qu'elles disent auoir fait ces choses, & auoir fait alliāce avec le diable à vne mesme heure, pourquoy croirons-nous plustost estre vray l'vn que l'autre? Ou bien, pourquoy ne tenons-nous pour i- imaginairé aussi bien l'vn que l'autre? E R. En voicy les raisons, asauoir que ces choses-là ne se peuent faire, mais bien celles-ci: que les ressemblances de ces choses là leur aparoiſsent comme en dormant, mais elles font celles-ci en veillāt: que le diable leur persuade ces cho- ses là, apres qu'il les a desia en sa puissance, & qu'il les pourmeine desia priuement, il les emporte, posse- de, & manie. C'est chose toute asseuree, que les hom- mes peuent bien faire alliance avec le diable. Qu'el-



les la facent en veillant, de leur propre volonté, on n'en doute non plus. Et qu'elles ne soyent pas regies, maniees, ni gouuérnees, deuant l'alliance, qu'il ne leur oste l'entendement apres l'alliance: il est aussi tout notoire. Pourquoy donc t'esbahis-tu de ce que nous tenons plustost pour vray l'un que l'autre? Que si tu veux debatre qu'un soit aussi bien illusoire que l'autre, ie te demande pourquoy Dieu a donc comandé qu'on les fist mourir. Pource, diras-tu, qu'elles font mourir les hommes par breuages empoisonnez: car tu ne saurois rien dire d'autre. Et cependant i'ay monstré suffisamment que le mot Hebricu, qui est mis au vingtdeuxieme d'Exode, ne se prend iamais en la Bible pour vray poison naturel. D'autre costé il est tout clair que c'estoit crime capital, que se seruir de l'aide des diables, encores qu'on ne fist aucun mal par poison. La Pythonisse en Endor dit tout ouuertement à Saul qu'il ne luy estoit point permis de se seruir d'enchantemens, d'autant que le Roy l'auoit defendu à peine de la vie. Et cependant, elle ne fait aucune mention d'empoisonnement. Or d'autant qu'il a esté desia souuét fait mention de ceste femme, il fera possible bon, d'examiner & considerer de pres l'histoire toute entiere entât qu'elle cōuiet à ceste matiere.

En premier lieu donc, il faut remarquer qu'elle sauoit bien que l'exercice de son art estoit crime capital: c'est aussi pourquoy elle dit quelle n'entend rien en cest art: ou pour le moins qu'elle fait difficulté de l'exercer. En second lieu qu'elle a fait venir vne ombre, & sous ceste ombre le diable, & non pas Samuel: encores qu'elle pensast bien que ce le fust. Tiercement, que cōbien qu'elle n'ait pas fait ce dont elle estoit requise, toutesfois l'Escripture dit qu'elle l'a fait. En quatrieme lieu, qu'il ne se trouue point, que ceste femme ait porté aucun domage à personne par le moyen de son art. En cinquieme lieu, qu'il n'est fait aucune mention qu'elle ait appris quelque longue art. En sixieme lieu, qu'il ne se lit point qu'elle ait esté hors du sens, ni qu'elle ait esté tourmentee du diable: & encores moins qu'elle ait fait ces choses par imagination tât seulement. Et pour la fin qu'elle n'eust peu faire ce qu'elle a fait sans vne particuliere conuention & alliance avec le diable. Car d'autres,

& sur



& sur tous Saül qui l'eust bien voulu, ne l'ont peu faire, il faut donc bien qu'il y eust quelque chose d'auantage en ceste femme. Parquoy puis qu'ainsi est que le diable ne peut estre contraint par aucune art, il faut bien qu'il se soit venu presenter à la voix de ceste femme par la force de l'acord & alliance fait entr'eux. Car on ne sauroit *La compa raison des* imaginer autre chose en cest endroit. FVR. *forcieres* Que pretens tu conclure de ceci? ER. Voici quoy, *Que avec la Py* les sorcieres ne sont pas meilleures que ceste Pythonisse. *thonisse.*

P R E M I E R E M E N T, elles sauuent bien que l'exercice de leur art merite la mort, & c'est pourquoy elles le cachent de tout leur pouuoir. Secondement, qu'elles ne sont pas tousiours ce qu'elles veulent, mais que leur volunté est reputée enuers Dieu pour le fait mesme: car elles font souuēt venir le diable en quelque forme humaine aussi biē qu'elle. Et tout ainsi que la Pythonisse a pēsé auoir fait venir Samuel encores qu'il n'en fut rien, aussi les sorcieres se trompent elles mesmes & les autres aussi. En quatrieme lieu qu'elles sont plus nuisibles que l'autre, d'autant qu'elles ne s'adonnent à autre chose qu'à nuire. En cinquieme lieu, que cōme il n'est point escrit qu'elle ait seu de longue art, aussi nous ne deuons point excuser nos sorcieres à ceste occasion, veu qu'elles n'ont pas moins de familiarité avec le diable que l'autre. En sixieme lieu, qu'il apert que ce ne sont point resueries & songes, mais que c'est estās en leur bon sens que ces meschātes femmes font alliance avec le diable. Car à quel propos diroit-on que nos sorcieres fissent toutes leurs œuures par illusions, veu que l'autre les a faites à bō esciēt? Et si celle là a peu faire accord avec le diable, à quoy tiēt il que les nostres ne le puissent faire? Pour la fin, tout ainsi que celle là, auoit merité la mort, non pas pource qu'elle eust baillé à boire du poison à quelqu'un, mais d'autant qu'elle estoit enchanteresse: aussi nos sorcieres peuuent estre mises à mort, encores qu'elles n'ayent fait tort à personne: car c'est chose asseuree qu'elles font leur alliance, non pas en dormant, mais en veillant. Or tu vois bien maintenant que ce n'est pas moy qui suis coupé de mon propre cousteau, mais que c'est toy.



F V R. J'ay opinion que si elles estoient bien auisees, & que ce qu'on leur met à sus fust vray, elles ne confesseroyent iamais le fait. E R. Les autres criminels ne le cōfessent-ils pas aussi bien, quand ils voyent qu'ils ne le peuuent nier, où qu'ils se repentent de leur meffait? & à dire vray c'est le signe d'un courage moins meschant : car tant plus on nie ce qu'on a fait, tant moins se repēt-on du meffait, comme la chose le monstre. Et aussi il s'en trouue qui respondent de bonne volonté à ce qu'on leur demāde, seulement pour la crainte qu'elles ont de la questiō. Et celles ne sont point mal auisees, qui en font ainsi, mais au cōtraire, sont plus auisees que les autres: car elles aiment mieux confesser sans tourment, ce qu'elles sauent bien qu'on leur peut faire dire à force de gehēne, mais elles ne sont ni melancholiques, ni sans entendement & raison, non plus que les autres malfaiteurs (ce que toutesfois mon aduersaire redit & repēte à tous propos) comme il a esté souuent monstre. Sēblablement aussi il est tout certain qu'elles ne vont pas dire leurs vaillances à tout le monde, mais seulement à celles qu'elles esperent pouuoir estre attirées à leur compagnie. Si elles estoient atteintes de la rage melancholique, elles diroyent à tout le monde, avec grand ioye, leur science & pouuoir de faire merueilles. Parquoy tout ce qui a esté amené pour excuser l'alliance qu'elles contractent avec le diable, & pour couürir leur horrible reuolte de Dieu, n'a aucune vray semblance & n'est aucunement digne de foy.

Contre le  
quatrieme  
argument.

F V R. J'ay pitié de ces pauvres miserables, & pour ceste cause ie voudrois volōtiers, s'il m'estoit possible, les deliurer de la mort. mais toy tout au contraire, tu amasses tout ce qu'il t'est possible de trouuer, pour esbranler les Iuges contre elles. Quand tu ne sās plus que dire, tu leur mets au deuant qu'elles seduisent les autres. Penses-tu que ces pauvres vieilles puissent seduire quelcun, veu qu'elles sont desia trompees? sinon que tu vueilles maintenir les fausses imaginations comme si c'estoyent de vrayes actions? car elles confessent toutes que le diable est leur maistre. Et puis leur sexe ignorant, & leur aage stupide, monstrent assez que rien de toutes ces choses ne se fait. Et si ce que les maistresses

& les



& les escolieres en recitent, ne s'accorde si bien qu'on ne puisse iuger qu'elles sont insensées & tourmêtees du diable. E R. Quelle pitié est ceci? Il semble que tu ne ferois point de difficulté de nier que le Soleil luit en plein midi afin de soustenir vne opinion que tu t'es mise en la teste. Il me vient en pensée de mettre au deuâr, ce que dit Aristote au 10. des Ethiques. Ce que vn chacun estime estre, ie di qu'il est, & qui dit au contraire, il ne dit pas chose qui soit guere plus vraye. De quel courage oses tu, sans suffisante preuue du contraire, nier toutes choses, qui non seulement sont conues d'un chacun, mais aussi sont trescertaines & tresvrayes? S'est il iamais trouué aucune sorciere qui se soit vantée d'en auoir seduite vne autre, que celle dont elle faisoit mention n'ait dit le mesme? Tu tiens qu'elles disent mensonge quand elles racontent le iour, l'heure, la maniere, l'occasion, le succès, & s'y accordent tresbien. Plusieurs ieunes filles ont fait ceste alliance, y estans contraintes par leurs ineres, lesquelles puis apres se sont repenties & l'ont confessé, sans y estre contraintes par aucune peine. S'il n'est point question de croire aucun homme, ie ne te croiray donc non plus. Que s'il faut croire quelqu'un, pourquoy veux-tu qu'on te croye plustost en ce que tu dis sans aucune raison, que non pas les autres, qui disent des choses qui s'accordent à la verité. F V R.

Pourtant qu'elles songent & ont leur imagination corrompue. E R. Comment le prouueras-tu? Elles sauent ce qu'elles ont fait, avec qui & comment, elles sauent les choses presentes, & celles qui sont passees, & celles qui sont à venir: elles ne resuent aucunement en leurs autres affaires plus que les autres: elles respondent bien à propos à tout ce qu'on leur demande: brief il n'y a point d'occasion pourquoy tu les puisses accuser. Je parle des choses qu'elles font en veillant, & non pas de celles qui leur aparoiſſent en dormant.

F V R. Mais elles ne reconnoissent personne pour *Comment* maistre sinon le diable. E R A. Je le say bien: car les sorcielles ne les seduisent pas en telle sorte, que ce soit pour res *sedui-* instruire sans les faire parler au diable: mais el- *sent les au-* les leur ostent l'entendement par promesses & per- *trés.* suasions, en sorte que par le desir qu'elles ont de venir



à bout de ce qu'elles pretendent, & d'apprendre des choses estranges & esmerueillables, elles se laissent mener au diable & enrouller en l'alliâce. C'est ce que j'appelle seduire & non pas (ce qu'on diroit toute fois que tu pen ses) qu'elles mesmes leur apprennent l'art: car elles sauvent trop bien que nul ne peut estre fait participât de si grâs miracles, sans l'aide du diable, lesquels s'acquierêt par le moyen de l'alliâce iuree: & si d'autre costé elles ne sont pas si stupides comme tu les fais, & si elles ne sont pas toutes fêmes, & ne sont pas toutes vieilles, & si en autre chose, comme j'ay desia dit, elles ne sont ni plus stupides, ni plus folles que les autres. Aussi les recits qu'elles font, quâd elles parlêt des choses qu'elles ont faites en veillant, s'accordêt si bien, & y a vn tel accord en leurs faits & dits, que malaisémêt en trouuera-on de semblables en autres choses. Et pourtant, ce que tu dis en cest endroit n'est d'aucune valeur, sinon que tu penses que ie soye priué de sens commû, ou que tu me puisses persuader qu'il n'y a rien de vray sinon ce que tu dis, & qui te semble l'estre.

*Quelle dou* T v me mets au deuant la cruauté, de laquelle ie suis  
*leur con-* autât esloigné, que le feu de l'eau, & que le blâc du noir.  
*nient aux* Ie say bien que la douceur est conuenable aux Chre-  
*Chrestiens.* stiens: mais c'est entant qu'elle est definie par la parole  
 de Dieu, & non pas qu'elle est changee en vne indul-  
 gence vitieuse: autrement elle ne seroit pas louable, mais  
 grandement à condamner, d'autant qu'elle repugne à  
 la volonté de Dieu, & meine plusieurs à perdition. Car  
 quoy? s'il est permis impunement de commettre telles  
 meschancetez, il faudra necessairement que plusieurs  
 par ce moyen se polluent de telles meschancetez, des-  
 quelles ils sont retirez par la crainte du supplice. Quelle  
 sera donc ceste misericorde, laquelle ni ne guerit point  
 le membre pourri, ni ne guarentit ceux qui sont sains  
 de son infection? Souuenons-nous plustost de la senten-

*Dit d'* A ce doree d'Athalaric roy des Gots, qui dit: c'est chose  
*l'rie Roy* meschâte d'estre pitoyable à l'endroit de ceux lesquels  
*des Gots.* Dieu luy-mesme veut estre punis. F V R. Tu ne dois  
 pas prendre ce que j'ay dit pour toy, mais pour les iuges  
 cruels & barbares. E R. Toute cruauté & tyrannie  
 doit estre esloignée des Chrestiens. Ceux qui sont tels  
 que tu



que tu as dit, montrent assez de quel pere ils sont enfans. Mais or sus, si tu as apresté quelque chose contre mon cinquieme argument, mets-le en avant.

F V R. Non pas grande chose: sinon qu'il semble iniuste que les magistrats punissent si rigoureusement vne simple volonté qui ne vient point à effect. Il faut aussi distinguer entre la volonté d'un qui est de sens rassis, & d'un autre qui ne l'est pas. E R. Je say bien que le magistrat ne doit pas punir la volonté qu'on a de pecher si elle n'est point venue à effect. Aussi n'ignore ie pas que les sorcieres font tout ce qu'elles sauent & peuent pour nuire aux autres. Quand la chose ne succede pas, elles en sont aussi marries, qu'elles sont ioyeuses quand elle vient à effect. L'estime que tu n'oserois nier que le diable ne leur face ce qu'elles ont enuie de faire, toutes fois & quantes que par un iuste iugement de Dieu il leur est permis. Le diable pour certain estant prié, ou appelle par charmes, & autres moyens, fait beaucoup de choses, qu'il n'eut iamais faites s'il n'y eust point esté poussé. Pour vray, il n'assemble pas à tous propos les rats & les serpens, si quelque exorciste ne le luy fait faire, luy ramentuant l'accord passé entr'eux deux. Il ne fust point apparu en la forme de Samuel s'il n'eust, est appellé par la Pythonisse. Aussi il ne causeroit aucunes maladies ni aux hommes ni aux bestes, si les sorcieres cessoyent de l'en prier. Les sorcieres doncques ne sont point exemptes de crime: ains pechent d'autant plus grieuement que la maniere de laquelle elles faillent est orde & vilaine: & que celuy est meschant à l'aide duquel elles font le mal.

*Obiection  
contre le  
cinquieme  
argument.*

F V R. A tout le moins tu te desdiras quant à ce que tu as dit de la paillardise qu'elles commettent avec le diable, veu que c'est chose par trop ridicule, faulx, & sotté côme ie te l'ay desia dit ci deuant. E R. Refute si tu peux quelque chose de ce qui a esté disputé ci dessus touchant ceci mesme. Ceste cōiunction horrible se fait volontiers incontinent apres leur accord, afin que puis apres le diable se les rende plus obeissantes & que plus aisément il les retire du seruice & crainte de Dieu, pour les faire entrer en son obeissance. F V R. Mais ces esrenées, & sans sang, ne sont pas enuieuses de la pail-

*Obiection  
contre le  
septieme  
argument.*



lardise:veu principalement qu'elles n'ont aucun plaisir de ceste conionction à cause de la froideur du membre. Car elles disent toutes qu'elles sentent le membre viril du diable fort froid. Mais le diable ne peut estre incité à paillardise non plus, & si ne peut à bon escient exercer l'acte venerien, ni engendrer. Et pourtant, ceste action est imaginaire, parce que ces vieilles estans en dormies d'un profond sommeil pensent auoir assouui leur cupidité. E R. Je n'ay iamais dit que le diable fust tenté de desir charnel à la façon des hommes: mais il fait à croire en mentant, qu'il est amoureux, afin de retenir ceux qui luy seruent en leur maudit deuoir. Cependant ie n'ignore pas ce que quelques vns ont escrit touchant les Incubes & Succubes: & ce que tant Palladius disciple d'Anagrius, que Alexander ab Alexandro au liure des Iours geniaux, ont dit traitans de ceste matiere. Il me fust d'auoir la confession d'elles toutes, veu que ce qu'elles disent est faisable & du tout vray-semblable. Quant au diable il peut prendre un corps espais & qui se peut toucher. Il peut aussi esmouuoir les esprits vitaux, & la semence en sorte que le chatouillemēt s'en ensuyue. Il s'ensuit donc qu'il peut donner du plaisir à ses amoureuses. Quant aux Sorcieres, elles sont merueilleusement suiettes à l'apetit charnel, d'autant que pour ceste cause elles s'abandonnent au diable:celles qui ne le sont pas, ne sont pas si aisees à gagner quand il est question de faire ceste alliance. Et certes il faut bien que celles qui prennent la hardiesse de faire un forfait si horrible & si detestable, soyent sans crainte de Dieu, du tout hardies, impudentes, & enclines à paillardise. Aussi tu ne nies point qu'il n'y a que celles qui sont sans crainte de Dieu qui soyent enlacees en ces laqs du diable. Or chacun sait assez combien telles femmes sont adōnees au plaisir de la chair. Le diable n'oublie pas d'y adiouster tousiours quelque aiguillon, afin de les faire precipiter de plus grande force en cest abyisme. Aussi ne les peut excuser ce que tu les appelles vieilles, stupides, & charnelles: car cela est faux qu'il n'y ait que les vieilles qui soyent prises en tels laqs. Pen ay beaucoup veu, mais ie n'en vi iamais de si vicieuse. Qui voudroit nier qu'il ne s'en reçoynie en telle alliance

*Les forcieres  
sont adonnées à  
paillardise*



fiance de toutes sortes d'ages, pourroit bien nier que  
 deux fois deux vallussent quatre. Et en outre ne fait-on  
 pas qu'il y a des vieilles qui sont plus adônées à paillar-  
 dise que beaucoup de ieunes. Cōbien voyōs nous pour  
 ceste occasion de vieilles, vefues qui autrement sont  
 fort honnestes, se marier a de forts & puissants ieunes  
 hommes: voire en sorte qu'elles achètent bien chers tels  
 mariages? & à ceste occasion est venu le proverbe en A-  
 lemagne, que les vieilles cheures leschent plus volon-  
 ziers le sel que les ieunes. Si nous voyons tous les iours  
 telles choses estre faites par celles ci, qui sont bien esloi-  
 gnees de l'audace, de la meschâceté, & rage des autres,  
 & qui ne sont ni meschâtes, ni sans crainte de Dieu, qui  
 doute qu'elles ne soyent transportées à vne telle ordu-  
 re & abomination, beaucoup plus immodestement, &  
 avec plus grande ardeur, sans aucunemēt estre bridees  
 par la raison, où à la maniere des bestes, sans aucune  
 crainte de difame? Or dōc, puis que le diable peut bien  
 faire ceste chose, & que ces vieilles (car ie les appelle  
 ainsi) non seulement y consentent, mais aussi le desirēt,  
 & le mettent à execution, comme il est tout notoire  
 par la confession de toutes, qui gardera que pour ceste  
 seule raison on ne les face bruiler? Tu m'accorderas que  
 celuy qui a affaire avec la beste doit mourir. Tu m'ac-  
 corderas aussi que ceux qui ont la compagnie du dia-  
 ble sont dignes d'estre beaucoup plus rudement trait-  
 tez. Or le fait est tout notoire. Pourquoi donc leur doit  
 on pardonner? Si tu veux donner lieu aux coniectures,  
 tu prendras garde à ce que Moÿse, ou plustost Dieu, au  
 22. d'Exode a mis incontinent apres la loy des forcieres  
 celle de ceux qui ont affaire avec la beste, pour nous  
 monstrier tacitement quelque chose de ceci dequoy  
 nous parlons. Car voici cōme il y a, Tu ne lairras point  
 viure la malefique ou forcierre. Qui aura affaire avec la  
 beste soit mis à mort. F V R. Mais ce n'est autre  
 chose qu'un songe, qui consiste en la seule imagina-  
 tion, ce qui se peut monstrier par ceste raison. C'est cho-  
 se qui semble beaucoup moins faisable, qu'un homme  
 robuste, en bonne disposition quant à son esprit, ayant  
 tous ses sens entiers, en sorte qu'il n'y a en luy aucune  
 aparēce de melancholie, tombe en ceste vaine persua-



sion, & d'affirmer, voire tresasseurement, qu'il n'a point de mēbre viril, que nō pas qu'une vieille songe qu'elle a eu affaire avec le diable. Or puis que cela se fait, il faut bien croire que ceci est bien faisable. ER. A ceci se pourroyent amener une infinité de responses. En premier lieu, un exemple auquel se fait quelque comparaison, n'est pas convenable: car l'argumēt doit estre ainsi disposé, si un hōme robuste & vaillant, ayant tous ses sens entiers, sans estre atteint de melācholie, & sans estre autrement hors de soy, peut imaginer qu'il ait eu à faire avec le diable, encor qu'il ne l'ait iamais fait, il pourra beaucoup plus aisément auenir à une femme, mais tu le bastis de termes diuers & separez, mettant en avant, en un homme l'opinion d'auoir perdu son membre, & en une femme l'imaginatiō d'auoir couché avec le diable, qui sont choses diuerses. Puis apres tu veux que ie croye ce qui ne fut onc creu, fait, ni escrit, de nostre temps ni de celui de nos ancestres. Car qui oit iamais parler de telle chose, qu'un homme auquel n'y a aucun signe ni apparence de folie ou de resuerie, se plaigne d'auoir perdu les parties naturelles sans que de fait il les eust perdues? Il y en a beaucoup qui de vray n'en ont point, mais ce n'est point par force d'enchantemens, aussi ce n'est pas par imagination seulement, sans y auoir aucune indice qu'ils fussent fols. Car ya il chose que les melancholiques ne puissent imaginer? Un homme qui aura ses sens entiers, & l'usage de raison & tastera leurs parties, honteuses n'y trouuera il rien du tout? Le ne di pas qu'elles ne se retirent aucunement: mais ie nie fort & ferme, qu'elles se retirent en telle sorte, que l'une ni l'autre partie n'en aparaisse. Quant à ce que tu allegues du 10. chap. du 2. liure des pronostiq. d'Hippocr. pour confirmation de ton dire il monstre autant ce que tu dis qu'Hippocrates a voulu dire qu'un more fust blanc. Quant à ce que ton auteur susdit allegue du 5. liure des recon. de Clem. il ne se trouue aucunement en ces liures là. De cela tu peux conclure combien il faut adiouster de foy aux autres témoigns qu'il allegue. S. Pierre (comme cest auteur là l'escrit) voulāt respondre aux payens lesquels disoyent leurs festes & sacrifices auoir esté inuentez, afin que l'esprit



prit, fust vn peu deschargé de peines, labeurs & soucis, il dit ainsi: Si pour ceste occasion ils ont esté inuentez, pourquoy inuoquent-ils des diables, es bois & forests d'ou viennent ces tours enragez? ces coupures de membres? ces chastrures? ceste fureur pire qu'enragee? pourquoy les fêmes sont elles agitees de fureurs, ayans leurs cheveux espars? d'ou vient le branslemét de dents? d'ou vient le mugissement du cœur, & des entrailles? & toutes les choses qui sont mises en auant, ou estâs feintes, ou inuentees par le moyen des diables pour faire peur aux fols & aux simples? Est-il dit en ces mots de Clement, que quelques vns ayent imaginé que les parties honteuses leur fussent oïstes, sans qu'elles le fussent de fait? Certes quant à moy ie n'y voy rien de semblable. Il fait mention de coupures de membres & de chastreure: mais quant à ceste imagination il n'en dit rien.

*Refutation de ce qui est allégué de Clement à fausses enseignes.*

F V R. Il dit que ce ont esté des choses feintes. E R. En premier lieu on ne sauroit monstrer qu'il ait voulu dire que ces tours, ces coupures de membres, & de parties honteuses, & autres qui sont recitees consecutiuement, ayent esté feintes. Outre tout cela il dit qu'il y a eu quelques autres choses feintes, pour faire peur aux fols: que si tout cela eust esté feint & fait par semblant, S. Pierre n'eust rien prouué, veu qu'il vouloit monstrer que l'esprit n'estoit point deschargé de souci par telles choses, mais qu'il estoit tant plus occupé. Dauantage il n'y a celuy ayant fueilleté les histoires, qui ne sache que à la feste de Cybele & de Bacchus telles choses se faisoient. Ceci doit estre adiousté que Clemét n'a pas mesme songé que ces gens ci pensassent auoir perdu leurs parties honteuses, sans qu'ils les eussent eux mesmes coupées, ou qu'ils sceussent & eussent senti qu'elles eussent esté coupées par d'autres. Aussi ne se trouue-il point par escrit qu'elles leur ayent esté rendues puis apres. Comment eusses-tu peu defendre ta cause, si telles gens n'estoyent atteints d'aucune espece de folie? mais qu'est-il besoin de tant de paroles? Si tu entens de prouuer ton antecédent & ton consequent par Hipp. & Clement, soy au ce n'est autre chose que songe. Et pourtant ni l'antecedent, ni le consequent, ni la consequence de l'argument n'a aucune valeur. Mais posés, que l'auteur de ces liures

*Combien il faut aduoyer de S. Pierre*



ait escrit ce que tu as dit, (lesquels personne de fin entendement ne iugera estre de ce Clement-là que les Apostres ont conu) penses-tu pourtant qu'il le faille croire? Epiphanius & Ruf. en l'apologie d'Origene, disent que ce liure, qui est intitulé le voyage de S. Pierre, pource qu'il contient ses voyages, est tout farci de menfonges. Je te prie, ce qu'il dit des parens, & des freres, n'a-il pas plus de semblance de fable que de verité: Il a ainsi semblé à toutes gēs de scauoir. Je laisse à dire que d'entre les epistres celles qui ont esté transcrites d'un voyage de S. Pierre, ont esté, pour ceste mesme cause, suspectes à nos ancestres. Il a aussi escrit vn dialogue d'entre S. Pierre & Appion, lesquels Eusebe reiette du tout. Quant aux institutions des Apostres, il n'y a aujourd'huy si petit Theologien qui ne sache ce qu'il en faut determiner. Qui voudra donc adiouster foy à cest auteur quand il recite des choses impossibles, veu que on ne le croit pas de leger, mesmes quand il dit des choses vray-semblables? nous disons coustumieremēt que quelqu'un a perdu les parties honteuses, toutesfois & quantes qu'il en a perdu l'vsage. Et en disant ainsi nous ne parlons pas mal. Car l'œil s'apelle à bon droit œil tant qu'il est instrument de la veue: mais quand il est priué de cest vsage, il n'est non plus apele œil qu'un œil de pierre, ou en peinture: car les instrumens du corps sont definis selon l'œuvre & puissance à raison de laquelle ils ont esté faits, comme le disent Galien & Aristote.

S O I T donc que, quelcun qui ne soit point fol pense vrayement qu'il est priué des membres susdits, encores qu'il ne soit pas vray & que yne sorciere n'ait eu affaire au diable sinon en songeant: s'ensuit-il pourtant que le forfait soit egal en tous deux, ou qu'il n'y ait aucune sorciere qui ait eu affaire avec le diable? Tu ne peux prouuer ni l'un ni l'autre: car celuy qui par enchantement magique est priué de ses membres, ou de leurs forces, il en est mari & n'a pas demandé telle chose au diable. Mais les sorcieres se resiouissent de cest acte, le desirēt, & pensent qu'en vertu de leur alliance le diable le leur dit. C'est donc crime capital & non pas l'autre, en qui il n'y a aucune alliance qui se face avec le diable.

D'autre



D'autre costé de quel terme du milieu se seruiroit-on pour conclurre en ceste sorte, puis qu'une s'est meslee avec le diable par imagination tant seulement, il s'est fait que pas une ne s'est efforcee de mettre cest acte d'effect. Or tu confesses toymesme, que toutes les sorcieres confessent ce meffait, & une chacune d'elles nomme son propre & particulier amoureux, & le décrit. Dirôs nous que toutes soyent trompees par telle fausse imagination en dormant? les sorcieres refuteroyent elles mesme ceste nostre opiniôn, en ce que elles afferment auoir fait cest acte en veillant, aux champs: & les autres sorcieres s'y accordent. Car bien souuent elles ont accoustumé de se leuer du banquet & s'absenter pour vn peu de la danse, & puis apres auoir fait elles retournent à leurs compagnes. Ta raison donc, encores que nous t'accordions l'antecedent, ne pourra rien monstrer, sinon qu'il se peut faire, que ces malheureuses-là soyent plus souuent priuees de leur bon sens que les hommes, afin qu'elles croient ce qui n'est pas: & aussi ie ne te l'ay iamais nié. Voici ce que ie nie, que toutes se trompent tellement en cest endroit, que iamais elles ne se sont mises en deuoir de faire ceste meschanceté avec le diable en veillant. Or si l'antecedent n'est pas vray, que dira on de tout son argument?

F V R. Ie diray que c'est vne refuerie malancholique. E R. Et moy, ie repeteray aussi ce que i'ay tantost dit, qu'il n'en y a aucun indice. Si encores qu'il n'y ait aucune aparéce de melâcholie, tu veux nonobstant soustenir qu'il y en a, ou qu'il en y a eu, & que par ce moyen tu les tiennes pour excusees, par quel droit ou par quelle loy ie te prie pourra on faire mourir les autres malfaiçteurs. F V R. Pource que de leur volonte ils ont commis ce dequoy il sont accusez. E R. Et s'ils assurent que c'estoit estans attains de melancholie? F V R. Ils ne pourront pas monstrer par aucun signe qu'ils soyent deuenus fols. E R. A quoy tient il que le mesme n'a lieu en l'endroit des sorcieres? Certes le plus souuent tu ne saurois trouuer en elles ni deuant le fait, ni apres, ni lors qu'elles le font, le moindre soupçon du monde d'un esprit troublé. En sorte qu'elles se puissent excuser pour ceste occasion, ou que elles ne soyent



point punies pour auoir exercé vn tel & si abominable forfait. Puis apres, si elles sont malades de melancholie, comment se peut faire, que depuis tant d'annees elles ayent tousiours dit de mesme les vnes que les autres, encores qu'elles ayent esté prises en diuers lieux? Tu ne saurois en cest endroit rien inuêter & controuuer pour respondre (si ainsi est qu'en cest afaire il n'y ait autre chose qu'une image, vn fantosme, ou vn songe) les melancholiques se persuadent des choses du tout impossibles. Mais à grand peine en tout le monde s'en est-il iamais trouue deux qui ayent imaginé les mesmes choses. De ceci il est manifeste, que ce qu'on dit est tresfaux asauoir que les forcieres, gaignees & toutes remplies d'humeur melancholie, ne cōtent que des fables & des imaginations. Car il n'y pourroit auoir entre elles vn si grand acord, elles ne penseroient, di ie, ni diroyent, ni feroient les mesmes choses, que des personnes qui songent. Certainement le diable ne pourroit imprimer dans la phantasie d'elles toutes des mesmes choses, ni forger en elles toutes les mesmes images & representations. Car tous esprits ne sont pas propres à receuoir toutes sortes de phantosmes. Parquoy puis que ceste sorte de cōiunction charnelle, par ton propre tesmoignage merite la mort, & que tu estimes, comme moy, que celles ci doyuent estre punies plus grieuement que les autres, qui se messent avec les bestes, tu es contraint de confesser qu'on ne leur fait aucun tort, quand à bonne occasion on les fait mourir: & que le magistrat ne peche point, d'autant qu'en cest endroit il execute la sentence & volunté de Dieu.

F V R. Il reste encor vne chose. Car tu n'as encor rien respōdu à ceste obiection, qui assure qu'elles sont demoniaques, & pourtant qu'elles ne peuuent estre à bon droit mises à mort. E R. I'ay, il y a desia long temps, respondu à ceste ci & à plusieurs autres en ce que i'ay escrit contre Paracelse. Mais qu'est-il de besoin de respondre à des questions du tout fausses, & lesquelles ne sauroient estre aprouuees d'aucun homme prudent. & qui sont refutees par la consideration des choses, & par l'euidence. Les demoniaques sont agitez fort cruellement, sont miserablement affligez, deschierez, precipitez:

*Deux melancholiques n'imaginent iamais choses semblables.*



cipitez, & tourmêtez: & de toutes ces choses les forcieres ne  
 n'endurent rien, pour la pluspart. Les exemples que tu as  
 peu lire, lesquels sont alleguez des liures de la Bible, le  
 monstrent assez, en sorte que d'en dire ici dauantage ce  
 seroit perdre ses peines. Puis apres les demoniaques  
 sont hors de leurs sens, ou pour le moins ne peuuent  
 s'en seruir tandis que le tourment les presse. Car ils sont  
 atteints de maladies si grieues & si fascheuses que du-  
 rant leur tourment ils semblent estre hors du sens. Le  
 contraire aduient aux forcieres, car elles se portent  
 bien quant à leur corps, & ne monstrent aucun signe  
 que leur entendement soit en rien offensé. Mais qui  
 plus est elles ne parlent point d'estrange langage com-  
 me font quelquesfois les demoniaques. Dautrepart les  
 demoniaques quand ils ont des heures de relasche ils  
 protestent en pleurant à chaudes larmes, que s'ils ont  
 dit ou fait aucune chose qui ne soit pas bien faite, qu'ils  
 n'ont presté aucun consentement au diable lequel se  
 seruoit de leur bouche & de leurs membres malgré que  
 ils en eussent: mais les forcieres, tant s'en faut qu'elles  
 monstrent aucun signe de repentance de leurs forfaits,  
 qu'au contraire elles sont bien marries si elles ne peu-  
 uent faire ce qu'elles eussent bien voulu. En cinquieme  
 lieu, les forcieres ont acoustumé de se vanter de sauoir  
 faire des miracles: de quoy les demoniaques ne s'attri-  
 buent rien. Aussi les demoniaques ne font iamais men-  
 tion de leur alliance avec le diable: & aussi ne pren-  
 nent point de plaisir à voir le diable en face: mais de-  
 mandent & de la bouche & du cœur qu'il soit pour  
 tout iamais esloigné d'eux. Au contraire les forcieres  
 sont bien aises que leurs amoureux soyent aupres d'el-  
 les, quand ils sont absents elles les appellent, quand ils  
 tardent trop elles les font hastier, quand ils arriuent elles  
 leur font feste & demeinent ioye: & si confessent toutes  
 d'un commun consentement qu'elles ont fait alliance  
 avec luy. Et pour la fin il ne se trouue point de forcieres  
 qui confessent qu'elles soyent demoniaques, au lieu que  
 tous ceux qui le sont vrayement, au temps de leur repos  
 en sont martir, en pleurent & lamentent. FVR.

Les forcieres ne sont point demoniaques:

Comment vne si grande meschanceté & vne telle im-  
 pieté pourroit elle venir en leur entendement, si le dia-



ble ne les possedoit entierement? E R. Je parlois des demoniaques en la maniere que chacun a accoustumé d'en parler avec la sainte Escriture : a sauoir quand Satan s'est saisi du corps & le gouuerne, meine, & conduit à son plaisir. Mais quand il ne tient que la seule pensee, pour la pousser à mal faire, celuy qui est ainsi detenu n'est point excusable, sinon qu'on vueille ordonner qu'il faut absoudre tous les malfaieteurs.

F V R. Je vay dire au vray ce que ie pense, Au commencement que ie leu ce liure, duquel nous auons parlé, ie pensoye qu'il continst quelque chose de ferme & solide: & deux choses m'ont esmeu à en penser ainsi. La premiere est, que le personnage qui la cōpose, est homme fort craignant Dieu & fort sauant. L'autre est que ie sauois q tu l'auois prié s'il auoit deliberé d'escrire quelque chose à l'encontre de toy, il le fist avec argumens plus fermes: ie pensois donc, qu'ayant bien tout considéré, il eust osé combattre nostre opinion, estant fondé sur des argumens plus fermes. Mais il est tout aparent qu'il n'a rien amené de nouueau: ains qu'il a seulement repeté ce qu'il auoit dit auparauant. E R. Il est ainsi. Si cela estoit vray qu'il dit si souuent en traitant de ceste matiere, que les sorcieres, à cause qu'elles ont la fantasie occupee par fausses imaginatiōs, ne peuvent receuoir les vrayes, (c'est ainsi qu'un miroir teint de quel que couleur ne reçoit pas dedans soy toutes les autres & toutesfois il y a grande difference entre un miroir & la phantasie) nous pourrions dire qu'il en prend ainsi à ce tres excellent personnage. Car pource qu'estant esmeu de compassion en l'endroit de ces pauues femmes, il a du tout mis en sa fantasie qu'on leur faisoit tort (aussi ne s'est il pas du tout trompé, car il s'en trouue beaucoup d'innocentes qu'on fait mourir à l'accusation des criminelles: & qui sont bien plus cruellement traitees que les coupables) il n'a pas peu aisément en apres donner lieu aux vrayes raisons. Or comme ceci se peut asseurer quant aux malades & melancholiques, aussi est il vray absolument en ceux qui sont en bonne santé.

Q V OY qu'il en soit, tu as dit avec fort bonne raison, quil n'a à ceste fois mis en auant, rien de meilleur, ni de plus



plus certain. Je serois bien marri s'il se pouuoit trouuer quelque chose de plus certain que ce que i'en ay dit. Car i'aimerois mieux mourir, que de faillir à mon es-  
ciant en vne chose de si grande consequence : pource  
qu'une telle faute n'est pas sans grande impieté.

O R le seul fils Eternel de Dieu Eternel, nostre Sei-  
gneur Iesus Christ, nous face la grace que nous soyons  
tous d'un mesme aduis en luy, & qu'ayans mis bas tou-  
tes affections nous ayons les yeux de nos entendemens  
fixez en la seule verité Amen.

FIN.

I i. iiii.





# INDICE DES MATIERES PRINCIPALES

contenues es six liures de Iean Vvici.

Le nombre signifie la page.

## A

Aaron n'a point esté magicien	127	bles	601
Abaddon que signifie	87	A donis idole.	13
Abbe docte & de bon iugemēt	593	Adolphe comte de Nassau Scigneur prudent	672
Abbez tuez par vne vieille & comment	351	Adramelech, idole de Sepharuaim	13
Abel n'a point esté magicien	127	Adultere alemāde difficilemēt gardee par le diable	94
Abraham n'a point esté magicien	127	Aëromance	171
Abus execrable de l'Ecriture sainte en la guerison des maladies	475	Affliction doit estre portee patiemment	579
Abus abominable des exorcistes & exorcismes	553. 554	Affligez du diable sont estimez enforcellez	36. 37
Accident estrange en vn ieune Italien	60	Affligez comment doiuent estre gouuernez	589
Accidens estrāges au corps humain	362. 363	Afriquains adorent mopfus	14
Accius Nauius insigne magicien	150	Aglaophotis herbe de merueil leuse propriete	551
Acord des forcieres avec le diable quel	209	Agnan, diable redouté en l'Amerique.	98
Accusatrice fausse comment chastiee	666	Agnus Dei consacrez par le Pa pe, & leurs vertus	498
Achor idole des Cirenien	15	Agonax precepteur de Zoroastre en l'art magique	124
Achilles representé à l'Empereur Maximilian	61	Agrippa, & liures à luy attribuez 135. sa mort	138
Action des forcieres quelle	718	Aigle adoree en Egypte	14
Adam n'a point esté magicien	127	Air ne peut estre troublé par les forcieres	261. 262
Adolphe Clarbach martyr de Iesus Christ chasse les dia-		Albaniens deuient blancs en ieunesse, & voyent plus cler de nuit que de iour	336
		Albert Teutonique magicié	128
		Alchinde arabe magicien	124
		Alchinde	



Alchinde magicien refuté	495	Amour cause des fortes imagi-	nations	227	
496		Amphiaraus idole des Beo-	tiens	14	
Alciat excellent iurifconsulte	688	Amphiaraus deuin englouti de	la terre	129	
& son auis touchant les sor-	5	Anatheme horrible	486.487		
cieres		Anatomie de l'homme en ex-	communication	486	
Alcimus poëte chrestien, de la		Anciens ont péfê que l'incube	fust la charge d'un diable	285	
cheute des diables	81.82	Anciens par quelles matieres	chaffoyent les diables & sor-	celleries	539
Alcimus des œuures du diable	157	Anges bon & mauuais		16	
Alcimus des œuures des magi-	64.65	Angelomus de l'artifice du dia-	ble	84	
ciens	77	Anges en quel temps ont esté	creez, & quels	2	
Alcoran des Cordeliers, & des	533	Anges en quel temps, & quels	ont esté creez.	8	
fables y contenues	172	Anges mauuais		91	
Alcoran de Mahumet par quel	171	Animaux adorez en Egypte		14	
moyē rendu si authétique	2	Animaux font des choses arti-	ficiellement qui semblent	quelquesfois estre diaboliques	75
Alexandre le grand declairé in-		Anneaux quelle efficace ont se-	lon le dire des charmeurs	499.500	
uincible & comment	725	Anneaux des deuins doyuent	estre rôpus publicemēt	620	
Alexandre Trallian doctē me-	726.727,&c.	Anne de Virmont empoison-	nee par sa fille de chambre,	& cōment garantie	341 342
decin attribue trop aux char-		Anselme, de la cheute des dia-	bles	6.7	
mes	124	Anselme de Parme magicien	infame	128	
Alectriomance	171	Antechrist & ses illusions		15	
Aleuromance		Anthropomance par qui prati-			
Allegorie sur la cheute des dia-	82				
bles	158				
Alliance des sorcieres commēt	50.51				
doit estre confideree					
726.727,&c.	159				
Almadal arabe magicien	353				
Alphitomance					
Ambroise de la cheute des an-	13				
ges					
des artifices des diables					
de l'impuissance des diab.					
Ames sortans des corps & y re-					
tournans					
Ames des biē-heureux n'obeiſ-					
sent point aux magiciēs					
Amitiez comment s'acquierēt					
& conferment					
Amorrheens auoyent sept ido-					
les d'or					



quee	23	armure de Dieu	457
Antipathie de plusieurs choses		arnaut de Villeneuve magi-	
537		cien infame	128
Anubis idole d'Egypte, sous la		arsatius chasse le diable	600
figure d'un chien	14	arsenic mis en un tonneau de	
Apollon idole de Delphes	15	vin pour empoisonner toute	
Apollone Tyanee insigne ma-		vne famille	340
gicien	124. 151	artephie insigne magicien	125
Apostasie des forcieres comme		artifices du diable	40. 41. &c.
doit estre consideree	732	aruspice	182
Apparitions des esprits à quoy		ascikpassa patron d'amour en-	
ont serui	40	tre les Turcs	18
Apparitions de diables à Rome		asima idole de ceux d'emiath	12
56		asmodeus que signifie	86
Apparitions de diables en for-		Asne enterré viif avec estran-	
me de moines	66	ges ceremonies & pourquoy	
Apparitions à qui auient		270	
227. 228		asnesplaisans	75
Apulee des nōs des faux dieux	12	astaroth dieu des Philistins	13
fables d'Apulee touchant les		astarté deesse des Sidoniens	13
forcieres	206	astragalomance	173
Arabes adorent Venus	14	Astrologie iudiciaire	182
arbre de roses nom vsurpé par		Astrologue italien perit sans y	
le diable	98	penfer & comment	185
ardans que c'est	71	Astuces du diable	40. 41. 42. 43.
Arfaxat magicien fouldroyé du		44	
ciel	129	até deesse que signifie	2
argument contre les astrolo-		athanase, de la cheute des dia-	
gues	184	bles	5
aristee du corps duquel on vid		des oracles	24
sortir l'ame	50	pourquoy Christ empeschoit	
Aristodeme & son histoire tra-		la parole du diable	34
gique	29	des artif. des dia.	82
Aristomenes Messenien auoit		du signe de la croix	389
le cœur velu	417	de la vertu de la parole de	
Aristote n'a point pensé qu'il y		Dieu	498
eust d'esprits 1. son opi-		de la louange du rusne	587
nion touchant les fantos-		de la punition des hereti-	
mes, visions & songes	228	ques	677
armes des Espagnols cōsacrees		athenien melancholique	223
478		Athenodore philosophe & sa	
		vision	



vision	53	ches	26
Athribites peuples adorent la		Auis des peres anciens touchât	
musareigne	14	les machinations des diables	
Auger ferrier attribue trop aux			77
charmes	534	Auis des anciens docteurs tou-	
Auguste césar auoit les yeux lu		chant le signe de la croix	368
mineux	316	Auis de Melancthon touchant	
S. Augustin de l'origine &		les demoniaques	604
cheute des diables 3. de la		Auis des peres anciens sur le	
nature des malins esprits	9	fait des heretiques	672
de l'adoration des idoles	15	Aumosnes & leur efficace	588
des efforts de Satan	29	Axinomance	170
touchant les machinations			
du diable	79	B	
des artifices des diables	82	Baal idole des Sidoniens	12
de l'aparition de Samuel	162	Baalberith idole	13
des pactions des magiciens		Baalim idole	13
216		Baalzephon idole d'Egypte &	
deprauation de la fantasie,		sa vertu	428
& comment le diable pro-		Baaras racine de merueilleuse	
gnostique	239. 240. &c.	propriété au rapport de Iose	
passages pour môstrer qu'un		phe	550
corps ne peut estre en diuers		Babylon ruinee à cause de la	
lieux à la fois	246. 247	magie	199
prouue que le diable ne fait		Bacchus idole des Naxiens &	
pas les pensees des hommes		Ethiopiens	14. 15
407		Bailli de Mascon par qui em-	
de la transformation des hô-		porté	133
mes en bestes	431	Baptême des cloches	25
conseil aux chrestiens ten-		Baptême de l'estendart des Es-	
tez du diable	463	pagnols	478
contre les sorcieres	474	Barthelemi l'anglois de la cheu-	
contre les remedes des ma-		te des Anges	7
giciens	525	de l'artif. des diables	84
contre les superstitions	531	Barthelemie contrefaisant la de-	
conseil contre les sorcelle-		moniaque cômét guerrie	594
ries & enchantemens	556	Basile de la cheute des diabl.	6
de la punition des hereti-		del'artif. des dia.	83
ques	673. 674 &c.	de l'efficace du iusne	588
Auis de l'empereur Maximilia		Basteleurs & leur adresse	72
touchât le baptême des clo		Batscumbassa patron de beau	
		temps en turquie	18



Baufme des prestres comment exorcisé	549	Bleds ne peuuent estre enchan- tez	263
Beelphegor dieu des Moabites	12	Boëtius tué par vn roy des Gots & ce qui en auint	56
Beelzebub idole des Accaro- nites	10	Bœuf adoré en Egypte	14
Behemoth	85	Boiffons amoureuses rendent les personnes furieuses plas- tost que fauorables	348
Bel dieu des Babyloniens	12	Boulongnois comment punif- sent les sorcieres	690
Belle-donc herbe endormante	280	Bourreau empoisonneur tenail lé	354
Benedictiō ordinaire en la gue- rison des enforcelez	370	Bourreau estrangement mes- chant & opiniaïstre	508
Benoist berna trôpé par le dia- ble desguisé en femme	326	Botanomance	171
Benoist huitieme & neuueme, papes, en quel estat apres leur mort	62.63	Bothniens peuples Septentrio- naux grands magiciens	147
Bernard de la cheute des dia- bles	6	Brebis adoree par les Scythes & Thebains	14
son auis pour euitier les filez de Satan	464	Breuet pendu au col	530
Bernard forcier commēt se re- conoit	653	Brutus & sa vision	55
Bernicles oyees d'Escoffe com- ment engendrees	304	Bruuage iuferral	209
Berno de l'artifice des diables	84.85	C	
Bestail mis hors de danger & comment	428	Cabale des Iuifs	128
Bestail comment endommagé par les sorcieres	354	Cacodæmon que signifie	86
Bestail meurt de poison & de peste	454	Caillou de plastre au bout des glandes qui contiennent la saluue	411
Bestail enforcellé cōment gue- ri	606	Cain tue son frere	10
Bestail enforcellé par finesse	611	Calchas deuin fait sacrifier la fille d'Agamemnon	20
Billet ridicule pēdu au col	529	Caligula deuenu furieux par le moyen d'vn bruuage	350
Billets de pieces des Euangiles pendus au col, & ce qu'il en faut estimer	497	Canons des conciles contre les magiciē, forciers & enchan- teurs	624.625.626
Billets contre les fieures	500	Cantharides empoisonnēt	340
		Capitaine Espagnol chastie de dieu	421
		Capnomance	171
		Caraïbes prestres Ameriq.	98
		Carpo-	



Carpocrates enseigne publiquement la magie execrable	217	Chandelles de la chadeleur & leur vertu	472
Cas estrange auenu à Karenti ville des Rugiens	28	Caracteres quelle vertu ont	510
Cassian, de la cheute des diables	6	Charlatans	178
Cassiodore de l'artifice des diables	83	Charmes pour auoir belles moissons	263.264
Cassius de Parme, & sa vision	54	Charmes estranges	491.
Catherine femme Alemande comment coniuroit son mari pour n'estre batue	561	Charmes de diuerſes sortes & tresexecrables	478.479.&c.
Catoptromance	169	Charmes contre charmes	508
Cauchemare demoniaque & naturelle	284.285	Charmeurs execrables	501
illusion des Cauchemares	319	Charmez qui	356.357
Causes naturellesde la cauchemare	285	Chat adore en Egypte	14
Cephalæonomanace	171	Chemises de necessité, & de nostre dame de Chartres	532
Cerdonians heretiques	128	Chenilles cōment chassées par certains charmeurs	495
Ceremonies au baptesme des cloches	26	Cheual du gouuerneur pour le roy d'Espagne en Flandres a son estable en la chapelle de son maistre	478
Ceremonies à obseruer es coniurations	46	Cheuaux commēt medecinez par les superstitieux	478.
Ceremonies des sorcieres pour estre au rang des autres sont ineptes & ne s'accordēt aucunement	207	479	
Ceremonies vaines figures des choses	554	Cheute des diables par qui decrite	2.4
Ceromance	171	Chien ayant teste d'homme adore en Egypte	14
Ceruelle d'ours & ses estranges effects	437	Chiridelles patrō des voyageurs entre les Turcs	18
Cham & les siens maudits par Noé	10	Chirurgien Gueldrois imposteur infame	519.520
Cham fils de Noé inuenteur de la magie infame	123	Chirurgien du duc de Cleues & son imposture	572
Chameau danseur	79	Chirurgiens indoctes dequoy couurent leur bestise	189
Chamos dieu des Moabites	13	Chose figuree de caracteres n'a aucune vertu à raison de la figure	509.510



Choses dures ne peuuent estre fourrees par les pores dedans le corps humain sans mani- feste blessure d'iceluy 405	gicien infame 128
Choses impossibles au diable 109	Cierge de Pasque & sa vertu 472
Choses luisantes de nuit 71	Cinquieme liure traitant de la guerison de ceux que lon pē se estre ensorcellez ou demo- niaques 458
Choses monstrueuses reiettees par la bouche sans auoir esté dedans le corps 360. 361	Circé magicienne 157
Choses naturelles estimees dia- boliques quelquesfois, & pourquoy 79	Citoyens d'Hammone demo- niaques 392
Choses naturelles qui s'engen- drent dedans les corps, les- quelles toutesfois on pense estre sorcelleries 410	Cleromance 171
Choses que lon pēse auoir ver- tu d'olter la sorcellerie 540	Cloches exorcisees & bap- tees 25
Chrestiens accusez d'estre ma- giciens 127	Cloches sonnees pour arrester les tempestes 542
Chrisostome, de la cheute des diables 6	Cœur velu 417
de l'artific. des diab. 83	Colliers naturels 537
contre les predicions 183	Combat de S. antoine avec les diables 581
contre les enchantemens & ceux qui y ont recours 477	Compagnie charnelle com- menr'empeschee 425
contre les charmes 496	Conception cōment se fait 315
cōtre ceux qui pēdent au col vne piece des euāgiles 497.	Conciliabules des heretiques doyuent estre dissipez 676
del'impuissāce des diab. 578	Conclusion de l'œuure 745
de l'efficace du iusne 588	Confession d'un homme trou- blé n'est de valeur 643
de la punitiō des heretiques 676	Confession de trois femmes bruslees pour soupçon de sor- cellerie, proposees & expli- quees 649
Chromatius de l'artific. des diab. 82	Confession examinee de ceux qui ont pensē estre transfor- mez en loups 654. 655. & c.
Chrystal des deuins doit estre rompu publiquement 620	Cōfession tiree par fallace 667
Chrystallomance 169	Confession seule ne doit estre le fondement d'une senten- ce en proces criminels 687
Chymie que c'est 191	Coniurations ridicules 558
Ciccho d'Ascule florentin ma-	Coniurations superstitieuses apliquees aux bestes & aux choses



# I N D I C E.

choses sans ame	606	Crachemens au sein contre les charmes	542
Coniurations comment se font par les prestres	45	Crainte cause des fortes imaginations	227
Conseil contre les machinations du diable	466	Crainte au fait des sorcieres cōmēt doit estre cōsideree	730
Consentes grands dieux des ro mains	16	Craque insigne magiciene	257
Conte plaisant de deux crucefix qui se recommandoyent l'un à l'autre	38	Criminels dormans en la torture	506.507
Contes plaisans	245	Curé medecin estrange & ses actes	187.188
Contrainte au fait des sorcieres comment doit estre cōsideree	729	Curé exorciste descouuert & chastié	561
Copulation vilaine des sorcieres	312	Curiosité de choses illicites porte du diable	219
Coquemare. Voyez Cauchemare		Curtius rufus & sa vision	52
Cousteau tiré du costé d'une ieune fille	405	Cygne tirant vne navire avec vne chaine d'argent	324
Coustume d'Espagne au mariage des filles	291	Cynanthropie	436
Cordeliers d'Orleans & leur tragedie	564.568	Cynops prince des magiciens englouti dās la mer	129.600
Corps humains peuuent estre diuersemēt tourmentez par le diable	45	Cyprian touchant les machinations du diable	78
Corps sous lesquels aparoit le diable, pourquoy tant agiles	49	contre les ruses du diable	525
s'ils peuuent estre portez en l'air, par qui, quand & comment	240	de la louange du iusne	587
ne peuuent estre portez sinon par iustes espaces, & en yn mesme temps ne peuuent estre en diuers lieux	245. 246	contre les magiciens	627
Corps humains à combien de miseres suiets	412.413.414.	Cyrille, de la cheute des diables 6. & de leur artifice	83
Coscinomance	170	D	
		Dactylomance	169
		Dæmon que signifie	86
		Dagon idole des Philistins	13
		Damascene de la cheute des anges	6
		Dames romaines empoisonne- resses executees à mort	338
		Dance de l'asne & du chameau	75.76
		Dance des feges	97
		Daniel n'a point esté magicien	
			127



Daphnimance	171	trois sortes de deuins à Fez en	
Dauid incité par Satan à nom-		afrique	180
brer son peuple	11	ne se faut adreffer aux deuins	
Dauid representé à l'empereur		181.182	
Maximilian	16	Deuins en quel rang doyuent	
Decret qu'ordonne touchant		estre mis, & comment cha-	
lesmagiciens deuins & leurs		stiez	618
disciples	621.622.623, &c.	Determination faite à Paris	
Deicele que c'est	90	touchant certaines supersti-	
Demi dieux	302	tions	740
Demoniaque deuenue tel en		Deume diable adoré en Cale-	
mangeant vne pomme	408	cut	97
Demoniaques qu'on pensoit e-		Diabie se fait offrir le sang hu-	
stre tourmentez par les for-		main	20
cieres	275.376, &c.	Diabie comment s'est fait ser-	
Demoniaques estimez melan-		uir par tout le monde	25
choliques	441	vilaine risée du diable	28
Demoniaques faux	442.	Diabie à qui en veut	29
446.448		pourquoy Iesus Christ empe-	
Demoniaques sont estimez en		choit la parole du diable	34
forcelez	355.357	Diuerses pratiques du diable,	
demoniaques cōment doyuent		descrites briefuement	37.
estre gueris	461	39.40, &c.	
Demoniaques cōment doyuent		artifices du diable	40.41
estre maniez	577.578, &c.	le diable fait semblant de crain-	
Demoniaques comment trai-		dre l'eau benite des prestres	43
tez en l'eglise ancienne	584	le diable se mocque des pre-	
Demoniaques en nombre com-		stres & comment	45
me doyuent estre traitez	590	le diable en forme de mene-	
Demoniaques contrefaits com-		strier tue six vingts & dix en-	
ment doyuent estre medeci-		fans	62
nez	594	Diabie pourquoy baillé aduer-	
Denombrement des noms des		faire à l'homme	84.85
diabes	11	Diabie adoré en Calecut	97
Dents malades comment gue-		Diabie quelle puissance a & iuf	
ries par les superstitieux	475	qu'ou elle s'estend	104.105
Defiance porte du diable	219	Diabie ne conoit point les pen-	
Deuinations magiques	168	sees des hommes	112
Deuineresse pythienne	117	si le diable peut porter les	
Deuineresses de delphes	175	corps en l'air, quand & com-	
Deuins qui	168	ment.	240.241
		Diabie	



Diabie cōment corrompe l'imagination & semble prognostiquer	240.241.242	estoit enuoyé	34.35
le diable ne craint point le signe de la croix, mais la croix mesme	368	Diabes en forme de moines	66
d'où le Diabie a puissance de tromper	372	Diabes pourquoy aiment à entrer dedās les corps des hommes	77
le diable ne conoit point les pensées des hommes	407	Diabes apparoiſſans es deserts & montagnes	91.92.93
Diabie fait semblant de craindre l'image de S. Michel	410	Diabes en quelle sorte guerissent	127
le diable ne peut entrer es corps per imprecation de quelqu'un	420	Diabes commēt trompent l'imagination	229
le diable emporte ceux qui font des imprecations	422	ce qu'on dit que les Diabes ont la compagnie des femmes est imaginaire	287.288
le diable peut par moyē naturels empeschier l'execution venerienne	433	rien ne se fait de bien au nom des diabes	372
Diabie ne peut estre tiré par aucune herbe	549.550	Diabes craignent ceux qui croient fermement	464
Diabie respond en latin à un exorciste	559	Diabes comment guerissent les maladies	523
pourquoy le Diabie ne peut pas tousiours empeschier la langue & les sens	506	Diabes ne peuuent estre attirés par aucunes plātes ou matieres terrestres	538
Diabes & leur origine	2	Diabes chassés par prieres & iusne	584.585.586
cheute des Diabes, par qui descrite	2	Diabes cōmēt chassés par ceux de l'eglise Romaine	539.540
Diabes ennemis irreconciliables de Dieu	7	Diabes par qui & comment chassés	598.599
malice des Diabes	8.9.10	Diabes comment chassés par l'eglise ancienne	603
les diabes ennemis des enfans de Dieu	11	D I E U seul est en tous lieux	246
Diabes ont voulu estre estimez dieux & presider sur les pays	31	Dieu ne veut point que sa gloire soit anoncée par le meschant	373
efforts du diable	29	Dieu se sert des diabes & pour quoy	579
Diabes ont conu Iesus Christ & la cause pour laquelle il		Dieux de chasque province entre les Payens	14
		Dieux de diuers peuples	14.15



Dieux des Romains	14.16	Eau marine & sa propriété	539
Dieux généraux, particuliers & conus, geniaux, & tutelaires	16	Edits des empereurs touchant la punition des devins & magiciens infames	627.628.&c.
Dieux des Gétiles fôr diables	18	Efficace de sorcellerie d'où vient	275
Differéce des bons & mauuais esprits	99.100.101	Efficace des paroles, figures, & charactères	510.511.512
Difference entre garde & pri- son	639	Efficace des prières, & iusnes contre la sorcellerie	583.586
Diodore Sicilien, des noms des faux dieux.	12	Efforts du diable	29
Diomedé adoré en Grece	15	Eglise ancienne commét chaf- soit les diables	603
Dion de Syracuse & sa visio	54	Egyptiens quelles idoles ont eu	14
Diophanes devin admirable	181	Egyptiens grands magiciens	126
Discours plaisans des exorcif- mes & coniurations	45	Egyptiennes devineresses à Constantinople	180
Discours fabuleux touchant la naissance de Luther	306	Elemēs magiques de Pierre de Abe, liure digne du feu	137
Disputes Pyrroniennes		Embrassemēt des diables avec les fēmes est imaginaire	287
Distinction des diables selō les Theologiēs & Philosophes	99	Embrassement imaginaire du diable	646
Docteurs Grecs qui ont escrit de la cheute des diables	5	Empedocles a conu quelque chose de la cheute des ma- lins esprits	3
Dodanim petit fils de Noe	10	Empeduses	91
Dodone & son oracle d'où est procedé	10	Empoisonnemēt du bestail	454
Douleur de dents cōment gue- rie par charmes	493	Empoisonneresses exēcutées à mort	342.343
Druydes sacrificateurs des Gau- lois	21	Empoisonneurs commēt nom- mez au vieil testament	114
Duffus roy d'Escoffe & son e- strange maladie	248	Empoisonneurs en grand nom- bre bruslez à Casal & à Ge- neue	339
E		Empoisonneurs cōmēt doyuēt estre punis	622.623
Eau benite commēt redoutée du diable	43	Empoisonneurs cōmēt doyuēt estre punis	714
Eau benite quelle vertu a es de monjaques	472	Empoisonneurs comment cha- stiez	
Eau benite cōment exorcisée	548		
Eau changée en sang	153		



# I N D I C E.

stiez en Perse	716	Ephesiés grāds enchâteurs	149
Empoisonnez comment se co-		Ephialtes quelle maladie	28
noissent	452	Ephimere oiseau	304
Empuse que c'est	90	Epiphanius docteur grec, de la	
Empyrique imposteur	522	cheute des diables	5
Enchandares mouilloient l'i-		Epiphanius des artifices des dia-	
dole de Iupiter de sang hu-		bles	82
main	21	Epire anciennement nommee	
Enchantemens de diuerses sor-		Dodone	10
res	142	Epistre de Beelzebub aux ar-	
Enchantement que c'est	121	cheuesques, & c.	471
Enchanteur à Saltzbourg tiré		Erasme & son auis de la puni-	
par le diable en forme de ser		tion des heretiques	678
pent	134	Erreur au fait des forcieres cō-	
Enee necromancien	166	me doit estre consideré	731
Enfans passez par le feu à Mo-		Erythone forcierre Thessalien-	
loch	19	ne	166
Enfans offerts à Saturne en A-		Esclaues fugitifs comment ra-	
frique	21	menez en Turquie	428
Enfans au nombre de six vingts		Escriture sainte par qui & cō-	
& dix tuez par le diable	62	ment profanee	475
Enfans ne peuuent estre tuez		Espagne estrangemēt mocquee	
par ceremonies	213	par l'imposture de Satā l'espa-	
Enfans demoniaques	381	ce de plusieurs ans	532.633
Enfant demoniaque predisant		Espagnols en Flandres cōmēt se	
plusieurs choses de l'estat du		garātissoyēt de tous maux	478
pays bas	33	Esperuier adoré en Egypte	14
Enfantement estrange d'une		Espingles aualees & comment	
femme demoniaque	529	tirees	364.365
Engastrimythes	175	Esprit demandant absolution à	
Ennemi comment blessé par		vn prestre	40
charmes	485	Esprit d'Orleans	563.564
Enoch n'a point esté magicien		Esprits familiers	19
127		Esprits malins à quoy prennent	
Enforcelez qui	356.357	plaisir	22
Enforcelez comment doyuent		Esprits malins comment con-	
estre desēforcellez	577.578	iurez par les prestres	45
Entrailles de bestes sacrifiees		Esprits malins. voyez diables	
comment maniees par le dia-		Estendarts des Espagnols con-	
ble	42	sacrez es guerres du pays bas	
Enthusiastes	23	478	



# I N D I C E.

Estat de l'homme auât le peché	9	ther	306
Ethavil vers arabiques	179	Fable des compagnõs d'Vlyffe	
Ethiopiens quels dieux adorèt		& Diomedé expliquee	433
14		Fables d'Apulee touchant les	
Euangile en quoy a son efftace		forcieres	206
515		Fables des trāsformations d'hõ	
Eucherius de la cheute des dia		mes en bestes	234.235
bles 6. de l'artifi. des dia.	23	Fables de certaines personnes	
Euchetes heretiques execra-		transportees soudainement	
bles	216	de lieu en autre	242.243.&c.
Eue pourquoy & cõment trom		Fables diuerſes de la generatiõ	
pee du diable	7	d'auçuns animaux	304.305
Europe commèt agitee des illu		Faiseurs de natiuitez refusez	
sions du diable	25	184	
Eurycles grand magicien	117	Fait des forcieres commèt doit	
Eusebe de la cheute des anges	6	estre consideré	720
Excommunication estrange		Familles qui ont des proprietéz	
486.487		& particularitez notables	335
Excuses de Vvier	746	Fantafie comment est interes-	
Execution venerienne cõment		ſee	226
peut estre empeschee	423	Fantofmes diuers	52
Exemple d'vn vray renonce-		Fātofmes apparus à Rome	150
ment de ſoy-meſme	592	Fantofmes en forme de femmes	
Exemples memorables de di-		324.325	
uerſes ſortes de fantofmes	52	Fantofmes à qui apparoiffent	
Exorcifme des cloches	25	227.228	
Exorcifme qui cõdamne & en-		Faunes	316
uoye en enfer	561	Faunes quand creéz ſelon l'o-	
Exorcifmes diuers	555	pinion des Rabins	17
plaiſant diſcours des Exorcif-		Fauſſeté de l'embraceſſement dia-	
mes	45	bolique manifeſtee	297
Exorcifte quel doit estre	598	Fauſtin des artifi. des dia.	82
Exorciftes enchanteurs & ſor-		Faux prophetes du diable	23
ciers	553.554.555	Fees que c'eſt	97
Experience au fait des ſorcier-		Femelles deuenues maſſes	438
es	723	439	
Experiences deteſtables	347	Fême emportee par le dia.	422
Experiences fauſſes pour co-		Femmes deuinerſſes & de la	
noiſtre les ſorcieres	640	punition qu'elles meritèt	23
F		Femmes fragiles & legeres à	
Fable de la naiſſance de Lu-		croire	220

Femme



Femme Saxonne demoniaque	Folies des caracteres, effigies
parle Grec & Latin	anneaux & signets
604	499
Femmes innocentes bruslees	Folle fantasie des forcieres
pour estre soupçonnées de sor	Folle guerison d'une demonia-
cellerie	que
665.666	518
Femmes doyuent estre moins	Follets
punies que les hommes	91
691	Fols pres de Groningue & leur
Femmes de tout temps plus a-	refuerie estrange
donnees aux poisons que les	223
hommes	Formulaire des prestres pour
715	interroguer les malins esprits
Fermaillets naturels	45
537	Formulaire execrable d'excō-
Fernel excellent philosophe &	munication
medecin	489.487
408	Foy viue requise pour euitier
Feu lechant, que c'est	les aguets de Satan
71	462
Fieure commēt chassée par les	Frederic Electeur palatin prin-
superstitieux	ce prudent
475.476	670
Fieure quotidienne & toute au-	Freres de Naples
tre charmee	217
493.494	Friga troisieme Dieu des Gots
Figures d'ou aparoiſſâtes es son-	17
ges	228
Figures n'ont aucune vertu	10
510	fromage fait le iour de l'ascen-
Fille demoniaque & ce qui	sion & sa vertu
luy auint	543
367	Fuite des dæmons
Fille demoniaque comment	538
guerir	Fulgence de la cheute des an-
517	ges
4	4
Fille demoniaque estrange au	Fumee d'herbes pour apaiser
marquisat de Brandebourg	les tempestes
comment guerir	542
605	Furius Cresinus comment en-
Filles au nombre de septante	chantoit les bleds
deuenues demoniaques en	263.264
vne nuit	G
382	Gabire idole des Macedo-
Filles d'un Neapolitain deue-	niens
nues hommes	15
438	Gal grand medecin de Man-
Fils de Dieu quels & comment	touë guerit vne demoniaque
eurent afaire aux filles des	575
hommes	296
296	Guarſon tué d'un coup de ver-
Fin malheureuse d'une forcie-	gette
re	712
636	Gastromante
17	169
Flins idole des Lusatiens	Gastrimance
174.175	174.175
Florine femme quelle	Gaulois anciens fort supersti-
327	tieux & leurs sacrifices
Folie Louuier	22
436	



Gendarmerie du ciel adoree	14	Gontran roy d'Orleans & ce	
Generation d'animant parfait,		qui luy auint	51
ne peut estre sans cōionction		Gots cōment apaisoyent leur	
de masse & femelle	301.302	plus grand dieu	21
Geneue trauaillee par empoi-		Goutte comment guerie par	
sonneurs & engraisseurs	339	vn imposteur	493
Genie ou ange bon & mauuais		Grecs estrangement idolatres	
	16		15
Gens suiets aux illusions des		Grecs magiciens	125
diables	218	Gregoire le grand de la cheute	
Gentil-homme gascon traité		des anges	6
d'vne façon estrange en tur-		touchant les efforts du diab.	29
quie	281	de l'artif. des diables	83
George agricola docte recer		de la volonté du diable, & de	
cheur des metaux	92	Dieu	104
George buchanan excellent		de l'impuissance des diables	
Poëte & son discours des im			578
postures de quelques exorci		Gregoire Nazianzene. Voyez	
stes	567	Nazianzene	
George pictorius medecin re		Gregoire Nyssene, de la cheute	
futé	712	des diables	6
George Sabin docte poëte	66	de l'artifice des diables	83
Gerard vicaire de blate forcier		Gregoire 7. pape, insigne ma-	
& deuin	189	gicien	469
Gertrude nonnain demonia-		Grenouilles d'Egypte	155
que	394	Gresse estrange	273
Girard strailgen docte & sage		Grigri diable en Canada & en	
abbé	593	la Guinee	98
Giselbert, de la cheute des dia-		Guerison des maladies ne doit	
bles	6	estre atribuee aux saincts	195
Glaue de l'esprit	459	Guerison de demoniaques par	
Gnostiques heretiques execra		des forcieres	370
bles	128.216	Guerison preseruatiue contre	
Gobelins	91	les efforts du diable	458
Godart de hagen exorciste à		Guerison execrable de la for-	
Cologne	560	cellerie demoniaque	490
Goëtie que c'est	120	Guerison superstitieuse d'vne	
Goyuelmirschin patrō du bon		filie demoniaque	516
temps en turquie	18	Guerison de diables chose sain	
Gomorre occupee de malins		te, & quelquesfois permise	
esprits	11	de Dieu avec efficace	527

Gue .



Guerison homerique	533	ciennes	146
Guerison superstitieuse des en forcellez	554	Herbes endormantes & qui troublent merueilleusemēt	
Guerison notable d'un que le diable tourmentoit	592	l'esprit	279.280
Guillaume duc de Cleues	669	Herbes de la S.Iean & leur ver tu	472
Guillaume Euesque de Ros- child magicien	469	Herbes ouurans les portes fer- mees	502
Gymnosophistes	25	Herbes preseruatiues contre les sorcelleries selon l'auis des superstitieux	540
Gyromance	178		
H			
Haine irreconciliable de Sa- tan vers Dieu	2	Hercules pourquoy adoré des canopiens	15
Hammelle ville de Brūsuic où le diable tua six vingts & dix enfans	62	Heretiques en grand nombre descendus des magiciens	127
Hattscipettesch patron des pe- lerins Turcs	18	Heretiques comme doyuent estre traitez	673.674.&c.
Hauioulsira nom de diable es terres neuues	98	Herman comte de Nivvenar seigneur prudent	671
Haut mal cōment gueri par les indoctes medecins	195	Hermeline femme quelle	326
Haymo de la cheute des dia- bles	6	Hermotimus Clazomenien & ce qui luy auint en sa mort	50
Haymo de l'artif. des diables	83	Heros	302
Hector representé à l'Empereur Maximilian	61	Herotin idole	18
Hedekin diable familier en la cuisine d'un Euesque d'Ale- magne	95	Hesius idole des anciens Gau- lois	22
Heiran-luc poudre estrange	282	Hierosme. Voyez Ierosme	
Heliogabale Empereur Ro- main vsā de l'anthropoman- ce	23	Hildebert, de la cheute des An- ges	7
Hériette fille, des oreilles de la- quelle sortoyent des vers & insectes	42	Hildegard de la cheute des Ange	7
Heptameron de pierre d'Abe- liure pernicieux	137	Hildegard de l'artif. des diab. 84	
Herbes pythagoriques & magi-		Hincmar de la cheute des dia- bles	6
		Hincmar, de l'empeschement du diable en la compagnie charnelle	596
		Hipoque arabe magicien	124
		Hippocrates du pouuoir des forcieres	250



Histoire d'un ieune enfant de- moniaque	33	d'Orleans	563
Histoire d'une bestiole, laquel- le sortit de la bouche d'un gendarme qui dormoit, puis y rentra	49.50	Histoire du pape Sylvestre deu- xieme proposee aux magi- ciens qui se repentiront	630
Histoire notable d'un astrolo- gue Italien	185	Histoire admirable d'une for- ciere Espagnole nommee Mag- delaine de la croix	632.633
Histoire horrible	217	Histoires estranges d'apparitions d'esprits	57.58.59
Histoire estrange de la maladie & guerison de Duffus roy d'Escoce	248	Histoires de la mort estrange de plusieurs magiciens	129. 130.131.132.133.134
Histoire des forciers d'Arras	255	Histoires, par lesquelles on pen- se prouver la copulatio char- nelle des diables, fausses	320
Histoire d'un miserable vsurier	264	Histoires des illusions diaboli- ques en l'acte venerien	326
Histoire de la resuerie des for- cieres	277.278	Histoires de diuers empoison- nemens	337.338
Histoire estrange de ce qui auint à un gascon en Turquie	281	Histoires de quelques demo- niaq. qu'on pèsoit estre tour- mentez par les sorcieres	375
Histoire de l'illusion d'un in- cube	286	Histoires de quelques ieunes enfants demoniaques	381
Histoire memorable de la per- petuelle virginité de la vier- ge Marie	292	Histoires memorables de cer- tains qui contrefaisoyent les demoniaques	442.446.448
Histoire de Mundus & Pauline	309	Histoires plaisantes, monstrés cō- biè peut la temeraire croyāce es guerisons magiques	529
Histoire admirable de l'enfan- tement d'une femme demo- niaque	329	Histoires memorables de quel- ques exorcistes	558
Histoire d'une fême qui voulut faire office de bourreau	344	Histoires memorables des reli- gieuses demonia. gueries	591
Histoire memorable d'une fille demoniaque	367	Hollere magicien tué	130
Histoire admirable d'une ieune fille du costé de laquelle on tira un cousteau	406	Homere semble auoir obscure- ment exprimé la cheute des esprits malins	2
Histoire prodigieuse d'un capi- taine Espagnol	421	Homerique guerison	533
Histoire de quelques gens em- portez par le diable	422	Homme fait ennemi de Dieu par desobeissance	8
Histoire memorable de l'esprit			



Homme quel estoit auât le pe- ché	9	les diables	45
Homme à qui on tira vn clou en son viuât, & du corps du- quel apres sa mort on tira cho- ses estranges	383-384	Iaques de Lichtemberg & son liure des magiciens	495
Hommes de peché entre les amorrheens	13	Iaques Millich refuté	405
comment il se fait que les hom- mes ne peuuent auoir afaire aux femmes	425	Ibis adoré en Egypte	14
Hommes ne peuuent estre, par quelque moyen que ce soit, transformez en bestes	429	Ichtyomance	171
Honorius, de la cheute des dia- bles	7	Idolatrie des Grecs	14-15
Hornuar nom de diable	98	Idolatrie parmi le peuple de Dieu	18
Hoste aleman emporté par le diable	422	Idoles de diuers peuples	14-15
Hostâ apporta la magie de Per- se en Grece	124	Idoles de temixtitan arroufées du sang humain	21
Hugues de S. Victor, de la cheu- te des diables	7	Iean Damascene. voyez Da- mascene	•
Hugues Eterian, de la cheute des anges	7	Iean fauste aleman magicien e- stranglé par le diable	131-132
Humeur melancholique fort propre aux piperies du dia- ble	399	Iean francois Pic dispute doctē mēt cōtre les magiciens	183
Hutgin diable familier	95	Iean francois Ponziuibie do- ctē legiste	239
Hydromance	170	Iean Legeriet president de Sa- uoye	251
Hymen que c'est	287-288	Iean le pere contrefait le demo- niaque, & comment descou- uert	444
I		Iean Teutonique curé de Hal- berstad insigne magicien	151
Iacopins de Berne & leur tra- gedie	283-568	Iean Tritheme & ses liures	139
Iamblique a controuué plu- sieurs choses touchant les esprits	1	Ieā 20. & 21. papes magiciēs	468
Iamblique magicien	125	Ierosime de la cheute des anges 6. des œures du diable	81.
Iamnes magicien quel	156	du signe de la croix	368. de l'impuissance des diables
Iaques de chuse chartreux mō- stre comme il faut coniurer		Iesus Christ pourquoy fut ten- té du diable	34-36
		Iesus Christ fut porté reellemēt en l'air par le diable	240
		Ieune hōme demoniaque	409
		Ieufne a grand' efficace contre les œures du diable	586



Illusion de Satan en vn faux adultere	319	rir & oster la sorcellerie	523
Illusions du diable en quel tēps sont plus dangereuses	48	Inuention plaisante d'un cure pour prouuer le purgatoire	63
Illusions diuerses des diables	61.62.63.&c.	Ioseph fils de Iacob n'a point esté magicien	127
Illusions diaboliques	326	Iosephe s'abuse en plusieurs endroits	549.550
Image de Iuno moneta qui parla du tēps de Camillus	38	Ioueurs de passe passe & leur adresse	72
Images instrumens propres aux illusions des diables	40	Isis idole d'Egypte	14
Images somnorines	224	Ifychius de la cheute des anges	83.
Images de cire pour endommager autrui & faire autres meschancetez	503.504	6. de l'artifi. des diab.	83.
Images consacrees, adiurees & baptisees n'ont aucune vertu	510	contre les magiciens	526.
Imagination deprauée des melancholiques	222	du peché des deuins, magiciens, &c.	627
Imaginatio quelle force & vertu a	227	Italien melancholique monarque du monde	223
Imbecillité des forcieres	732	Italienne idiote demoniaque	
Imposteur paracelsiste	192	respond fort doctement à vn qui l'interroguoit	609
Imposteurs descouverts	565.568	Italiens en Flandres cōment se garantissoient de tous maux	478
Impostures du diable ont esté conues par quelques payés	37	Iuba adoré par les Mores	15
Impostures du diable	63	Iudith nonnain estrangement tourmentee du diable	395
Impostures infames d'un chirurgien	519	Iuge inique puni	667
Imprecations faites au nom du diable reprimees par le iugement de Dieu	421	Iugement de Dieu sur les magiciens	129.130
Incube que c'est	284.285	Iugemens de Dieu sur ceux qui font des imprecations au nom du diable	421
Indigetes quels dieux	16	Iules prestre de Rome contre-faisant le demoniaque, comment guerir	595
Innocentes mises à mort pour soupçon de sorcellerie	665	Iulia l'apostat magi. infame	128
Inquisitiō d'une sorcellerie cōmise comment doit estre maniee	642.643	Iuments empraignees du vent	305
Inuention magique pour guerir & oster la sorcellerie		Iunon idole des Samiens	15
		Iupiter Hammon & son oracle d'où est procedé	10



Jupiter idole des Ethiopiens	14	& reconus par les charmeurs	
Jupiter maistre du ciel entre les Grecs	15	481.482.484. bleſſez	comment 485
Jupiter nommé de diuers noms entre les Romains	16	Larues que c'eſt	91
Iuriſconſultes & leur auis touchant les forcieres	686	Latopolitains peuples d'Egypte adorent vn poiſſon nommé Latus	14
Iuſte contrefaiſant le demoniaque, & ce qui en auint	442	Lecanomanſce	168
K		Lemures que c'eſt	91
Karenti ville des Rugiens, & l'aſte eſtrange y auenu	28	Leon pape, de la cheute des Anges 6. des efforts du dia.	29
Kétorp monaſtere agité du diable	389	de l'artifice des diables	83
Kobales que c'eſt	90	Lepidot poiſſon adoré en Egypte	14
L		Leuiathan	86
Lactance Firmian de la cheute des Anges 6. touchant les noms des diables 12. touchant l'impoſture des diables 27. touchant les machinations du diable 79. 80.81. pourquoy le diable a eſté baillé pour aduerſaire à l'homme 84. de la uiſſance des magiciens 121		Liaisons diuerſes	426
erreur de Lactance	298	Liaisons naturelles	537
paſſage de Lactance contre les tentations	461	Libanomanſce	171
Lactâce monſtre comment les diables ſont chaffez	602	Lion adoré en Egypte	14
Laiſarts trouuez dans les corps de quelques hommes	415	Lifette putain ruſée en Dauphiné	448
Langius moine exorcifte en Eſcoſſe & ſon impoſture deſcouuerte	569	Liures de magie fauſſement attribuez aux Peres anciens 123 & aux ſeruiteurs de Dieu 127. doyuent eſtre brullez 621	
Lares que c'eſt	91	Liures de magie	134.135
Larron Italien ſe preſentant volontairement à la queſtion & pourquoy	506	Loix Romaines qu'ordonnent touchant les magiciens, deuius & leurs diſciples. 621.622	
Larrons comment deſcouuerts		Loix touchant la fragilité des femmes	221
		Lôbard, Voyez Pierre Lôb.	84
		Loriot oiſeau & ſa propriété	336
		Louanges des prieres, iuſnes & aumôſnes	585.586.588
		Loup adoré en Egypte	14
		Loups de l'air	235
		Loups garoux	435.436
		Loutres trouuez dans les corps de quelques hommes	415



- Lucrece poete furieux se tue punis 6:1  
 de sa main 349  
 Luitons 91  
 Lunaire herbe & sa propriété 71  
 Lune comment estimee pou-  
 uoir estre tiree du ciel 205  
 Luther dispute contre le dia-  
 ble & le confond 70  
 Luther par qui engendré, au di-  
 re de ses ennemis 306  
 Lycanthropie maladie quelle  
 435-436  
 Lylius gyraldus des noms des  
 faux dieux 12  

M

 Magdelaine de Constâce trom-  
 pee par les impostures du dia-  
 ble 325  
 Magdelaine de la croix forcie-  
 re Espagnole & son histoire  
 admirable 632  
 Magicien infame que c'est 120  
 Magicien que c'est 182  
 Magicien aleman bruslé vif 132  
 vn autre emporté du dia. 133  
 Magiciens infames comment  
 nômez au vieil testamēt 114  
 Magiciens premiers 123  
 Magiciens fameux entre diuers  
 peuples 124  
 Magiciens infames 128  
 Magiciens de Pharaon quels  
 ouuriers 152  
 Magiciens ecclesiastiques 467  
 Magiciens ecclesiastiques com-  
 ment se portent en la gueri-  
 son des demoniaques 471  
 Magiciens ne doyuent pas estre  
 tous punis de mesme suppli-  
 ce 613-614  
 Magiciens en Perse comment  
 6:1  
 Magiciens commēt doyuent  
 estre punis 622-623  
 Magiciens doyuent estre ex-  
 cutez à mort 628-629  
 Magie infame de qui a pris son  
 origine, & en quel temps 12  
 Magie d'ou a prins son origine  
 122-123  
 Magie naturelle que c'est 127  
 Magnanimes voyent peu de  
 fantosmes 227  
 Mahumet insigne imposteur 77  
 Maistre d'escole voulât coniu-  
 rer le diable cômēt traité 132  
 Maladies ne sont enuoyees par  
 les forcieres, quoy qu'elles  
 disent en estre cause 248  
 Maladies comment gueries par  
 les diables 523  
 Maladies extraordinaires du be-  
 stail comment doyuent estre  
 pensees 610  
 Malefices attribuez au diable  
 110-111  
 Malice du diable 9-10  
 Malins esprits. voyez diables &  
 Satan  
 Mambres magicien qui s'opo-  
 sa à Moysē 116  
 Mammona que signifie 86  
 Manasses roy magicien 122  
 Mandragore des imposteurs 552  
 Manes que c'est 92  
 Maniere par laquelle le peuple  
 est quelquesfois seduit en la  
 guérison de la sorcellerie 467  
 Maniere de chasser les diables  
 pratiquée en l'Eglise ancien-  
 ne 602  
 Maniere folle & inepte pour  
 guerir



# I N D I C E

guerir le bestail enforcé	606	Medioxumes	302
Marc magicien precepteur de		Melancholie louuere	436
Pfelle	49	Melancholie bain de diable	
Marc l'hermite de l'artifice des	441		
diabes	83	Melancholie des forcieres	732
Mareschal de France pendu à		Melancholiques ont les sens su	
cause qu'il estoit magicié	621	iets à illusions	154
Marguerite ieune fille du costé		Melancholiques suiets aux im-	
de laquelle on tira vn cou-		postures des diabes	218
steau	398	Melancholiques ont l'imagina	
Marie pacheco transmuee en		tion de prauce	222
hóme nommé Manuel	439	Melancholiques estimez demo	
Marque des forcieres	704	niaques	441
Moines guerissét naturellemét		Melancthon trompe le diable	
les personnes empoisonées	335		407
Marteaux de Iupiter	542	Melancthon quel auis a eu des	
Martionistes heretiques	128	demoniaques	604
Matiere diuerse & rude qui sort		Meleager & son tison fatal	254
du corps des enforcélez, &		Menader heretique magicien	
ce qu'il en faut estimer	373		128
Matières diuerses trouuees es		Mendesiens adorent vne che-	
corps humains	413-414	ure & vn bouc	14
Maudissons ne peuuent blesser		Menippe lycie comment trom	
	652	pé par sa nouuelle espouse	150
Maxence empereur execrable		Mercure Trismegiste magicien	
magicien	129	de quel temps	124
Maximus monstre comment il		Merlin & la fable qu'on en ra-	
faut repousser les dia.	83-466	conte	323
Medecine fausse de quelques		Merueilles faites par les diabes	
prestres & moines	189	& comment	30-31
Medecins excellens quelques		Messe qui condamne & enuoye	
fois trompez par le diable	43	en enfer	561
Medecins indoctes de quoy cou		Methode certaine pour guerir	
urent leur bestise	189	la sorcellerie	574
Medecins les plus doctes sont		Methotin magicien tué	130
souuent trompez par les de-		Millepertuis	538
moniaques	406	Ministres de l'Eglise & leur de-	
Medecins renommez attribuant		uoir enuers les enforcélez &	
trop de foy aux liaisons	533	demoniaques	576
Medecins magiciens commét		Miracle de saint Iean contre	
doyuent estre traitez	617	vn magicien	600



# I N D I C E.

Misraim fils de Cham inuen-	10	humain	403
teur de la magie infame	10	Moyen de creuer vn œil au lar-	483
Misraim fils de Cham apprend	123	ron	483
la magie de son pere	15	Moyen certain pour guerir la	573-574
Mithra idole des Perſes	22	ſorcellerie	573-574
Mithridates ſacrifia vne fille	22	Moyens par leſquels les ſorcie-	354
aux furies	22	res nuident au beſtail	354
Moine diſputant contre Luther	127	Moyſe n'a point eſté magicien	127
auoit les mains comme griſ-	70	Moyſe a condamné la magie,	199
ſes d'oïſeaux	70	les magiciens, & leurs diſci-	199
Moine empoïſonneur à Pauie	339	ples	199
Moine qui ſe fit couper les par-	424	paſſage de Moyſe touchant la	291
ties honteuſes	424	taye virginale expliqué	291
Moine qui trainoit vne demo-	446	paſſage de Moyſe, 6. de Genèſe,	297
niaq. & ce qui en auint	446	expliqué	297
Moine coniure le diable & par	560	Moyſe comment veut que les	618
quel moyen	560	magiciens ſoyent punis	618
Moine eſcoſſois inſigne impo-	569-570	Moyſe au 22. d'Exode touchant	696
ſteur deſcouuert	569-570	les ſorcieres expliqué	696
Moines magiciens comment	616-617	Muhazzimin enchanteurs en	178
doyuent eſtre traitez	616-617	afrique	178
Moloch idole des Ammonites	19	Mundus cheualier romain &	309
& ſes ſacrifices	19	ſon hiſtoire	309
Moly & ſa vertu	538	Muſique à qui ſert	539
Monaftere de Kentorp agité du	389	N	
diable	389	Nains terreſtres môtagniers	91
Monde premier deſtruit par le	10	Naturel extraordinaire de cer-	
deluge	10	taines perſonnes d'ou depèd	
Monſtre horrible de la femme	421	334	
d'vn capitaine Eſpagnol	421	Naucratices adorent Serapis	14
Mopſus idole des afriquains	14	Nazianzene de la nature des	
Morelle furieuſe & ſes effets	283	anges	3
283		Nazianzene de la cheute des	
Morſure du chien enragé com-	195	diabſes 5. monſtre le moyen	602
ment guerie par les indoctes	195	de les chaſſer	602
medecins	195	Necyomance que c'eſt	159
Morſure de chié enragé cômét	493	ſont ceux qui en ont vſé	166
guerie par vn charmeur	493	Negres grands charmeurs	479
Moyen ridicule de fourrer des		Neptune dieu de la mer entre	
choſes dures dedans le corps		les Grecs	15



# I N D I C E.

Neree compagnon de Neptune	15	Oliuier & sa propriété	339.540
Nergal idole des Cuttheens	12	Olympiodore de l'artifice des diables	83
Neron trouua que les arts magiques estoient vaines	198	Olympiodore quel auis donne cõtre les têtatiõs du dia.	460
Nibbas idole des Heuiens	12.13	Onguent des forcieres	209
Nisroc idole des Assyriens	13	Onguens des forcieres	277.278
Nombre esräge des faux dieux	17	Onomance	172
Noms de Dieu profanez par qui & comment	475	Ophites heretiques monstrueux	128
Noms des faux dieux changez en ceux des saincts de nostre temps	197	Opiniaistreté d'un bourreau	508
Noms des diables	11	Opion fort recommandé entre les Turcs	281
Noms du diable qui descouurent son occupation	85.86.	oracle de Iupiter Hammõ d'où est procedé	10
Noms diuers des forcieres	201	Oracle de Iupiter hammon	39
Noms diuers de Iupiter	16	Oracles pourquoy ont cessé de puis la venue de Christ	24
Noms de diuers magiciens	124	Origene, des noms des diables	12
Nonnains de Brigitte demoniaques & leur tragedie	388	Origene contre ceux qui ont recours aux predicions	183
Nymphes saintes idoles des amorrheens	13	Origene touchant les enchantemens	219
O		Origene de la louãge des prieres & iusnes	588
Obiections cõtre les forcieres, monstrant qu'elles sont dignes de mort, avec les respõses de Vvier	695	Orimasda idole des Perses	14
Oddo magicien noyé	131	Osiris idole d'Egypte	14
Odhen second dieu des Gots	17	Ouranopetes nom donné aux malins esprits par Empedocles	3
Oeuf du iour de l'ascension	543	Oxirinche poisson adoré en Egypte	14
Oeuures faites par les magiciens de Pharaon n'estoyent qu'impostures	152	P	
Office des exorcistes & coniuérateurs imprimé à Rome	558	Pageis prestres des indes occidentales	98
Ofrades des Turcs à leurs idoles ou patrons	18	Paletheobores peuples naturellement contagieux	335
Oignons adorez en Egypte	14	Paniques frayeurs	57
		Papes de Rome en grãd nõbre	



# I N D I C E.

Paphnutius chasse le diable 600	Penates que c'est Penſees des hommes conues de Dieu ſeul	71 III. 112
Paracelſe. Voyez Theophraſte	Peripateticiens n'ont point pẽ- ſẽ qu'il y euſt d'eſprits	1
Paracelſites enchanteurs 518	Perſums preſeruatifs	541
Paredre que c'eſt 90	Permiſſion de Dieu	103
Parole de Dieu malheureuſe- ment diffamee par les magi- ciens 146	Perſes adorent le feu	14
Parole de la croix puiſſance de Dieu 368	Peſtes des animaux	454
Parole de Dieu comment pro- fanee & ſanctifiee 489	Phauorin philoſophe contre les aſtrologues	185
Parole de Dieu n'eſt pas vne lettre morte 497	Phegor nom d'idole	12
Paroles des enchantemens ne peuent rien 363	Pherecydes deſcrit la cheute des diables	3
Paroles eſtranges pour guerir les maladies 491. 492	Philatrius de l'artif. des dia. 83	
Paroles ne peuent bleſſer 652	Philophes & leur opinion touchant les diables	100
Parties honteuſes ne peuent eſtre arrachees par charmes 423	Phylacteres que c'eſt	345
Paſetes enchanteur renommẽ 150	Picatrix eſpagnol magicien in- fame	128
Patience inuincible doit eſtre ſoigneuſement preſchee aux diables 579	Pieplat nom de malin eſprit 28	
opinion de Paul Grilland touchant la diuerſe & rude matiere qui ſort du corps des enſorcellez 373	Pierre Alſonſe de la cheute des diables	7
Paulin de la cheute des diables 6	Pierre damian de la cheute des diables	67
Pauline dame Romaine vilai- nement abuſee ſous pretexte de religion 309	Pierre d'Apone magicien infa- me	128
Payens aucuns ont conu quel- que choſe des illuſions du diable 37	Pierre de Blois, de la cheute des diables 7. & de l'arti- fice d'iceux	84
Pelottes pleines de poil engen- drees es corps des bouuilõs 419	Pierre de Clugni de l'artif. des diables	84
	Pierre le Brabanſon engaſtri- mythe	176
	Pierre le chantre, de la cheute des anges	7
	Pierre Lombard de la cheute & artifice des diab.	7. 84
	Pierre de la grandeur & forme d'vne meure dans le cerueau d'vn homme	411
	Pierres	



<b>Pierres</b> de diuerses sortes & couleurs en diuers endroits du corps humain	412.413	<b>Portes</b> fermées comment ouuertes par les magiciens	502
<b>Pierres</b> preseruatiues	540.541	<b>Potage</b> de merueilleuse vertu	257
<b>Pigeon</b> de Mahumet, & ce qui en auint	76	<b>Pouuoir</b> du diable iusques où s'estend	103
<b>Pijnet</b> trompé par le diable en guise de femme	327	<b>Pouuoir</b> des sorcières descrit par les poëtes	203
<b>Plaisant</b> trait de la recomman- dation de deux crucefix	38	<b>Pratiques</b> du diable descrites briefuement	37.39.40.&c.
<b>Plaintes</b> preseruatiues	540.541	<b>Præstites</b> que signifie	16
<b>Platon</b> a controuué plusieurs choses touchant les esprits	1	<b>Preseruatif</b> contre la sorcelle- rie & assaut du diable	458
son opinion touchant les dæ- mons	30	<b>Preseruatifs</b> superstitieux con- tre les charmes	540
<b>Platoniciens</b> ont controuué plusieurs choses touchant les esprits	1	<b>Prestres</b> comment coniurent les diables	45
<b>Plotin</b> a controuué plusieurs choses touchant les esprits	1	<b>Prestre</b> de Nuremberg tué par le diable	133
<b>Plumet</b> nom de diable	98	<b>Prestre</b> Espagnol furieux d'a- mour, & ce qu'il en auint	223.224
<b>Pluton</b> monarque des diables	12	<b>Prestre</b> qui conduisoit vn faux demoniaque & leur tragedie	447
<b>Pluton</b> dieu des enfers entre les Grecs	5	<b>Prestre</b> sous la chasuble duquel y auoit vn diable	94
<b>Pluye</b> ne peut estre excitee par les sorcières	275	<b>Prestre</b> tombant en extase cõ- ment gueri	559
<b>Podaga</b> idole des Obotrites	17	<b>Prestre</b> vend vne messe au cen- tuple	563
<b>Poisons</b> comme doyuent estre chassiez	612	<b>Prestres</b> d'Isis maquereaux	309
<b>Poissons</b> adorez en Egypte	14	<b>Prestres</b> exorcistes abomina- bles	553
<b>Poëtes</b> combien attribuent aux sorcières	203	<b>Prestres</b> forciers & leurs cere- monies pour auoir pluye	270
<b>Pomeraniens</b> quelle idole ado- royent iadis	14	<b>Prestres</b> magiciens	467
<b>Porcuth</b> & <b>Porenace</b> idoles des Rugiens	17	<b>Preuues</b> d'vn proces criminel	
<b>Porphire</b> a controuué plusieurs choses touchant les esprits	1	doyuet estre claires comme le iour	643
<b>Porphire</b> Apostat, magicien	125		
<b>Portes</b> du diable	216		



Priapus estime estre beelzebub	12	Puissance de tromper par qui donnee au diable	370
Prieres communes ont grande efficace en la guerison de la sorcellerie	583	Punition des magiciens qui ne font pas beaucoup de mal	615
Primasius, de la cheute des dia- bles	6	Punition de ceux qui portēt le diable enfermé en vn an- neau ou enchassé dedans vn voirre	619
Prince du monde qui	87	Punition d'un iuge inique	667
Prison & garde enquoy diffé- rent	639	Purgatoire comment prouvé par vn certain curé	63
Procle a controuué plusieurs choses touchant les esprits	1	Pyrron philosophe disputāt de tout & ne resoluāt de riē	127
Proclus magicien refuté	125	Pythagore magicien	151
Profession des sorcieres descou- uerte & refutée	209	Pythienne en Endor, sauoir si elle fit reuenir Samuel	158
Prognostications prises des en- trailles des hommes sacri- fiez	19	Pythiennes	23
Prognostications des deuins font à reietter	181	Pythoniques	174
Prognostiqueurs en quel rang doyuent estre mis, & com- ment chastiez	618	Quarante empoisonneurs bru- llés à Casal	339
Promesses des sorcieres au dia- ble	207.208	Quatriesme liure traitant de ceux que l'on pèse auoir esté enforcelez	356
Proserpine estimee estre beel- zebub	12	Quintefueille & sa propriété.	539
Prosper de la cheute des dia.	6	R	
Proue idole des Rugiens	17	Rabanus de la cheute des dia- bles. 6. & de leur artifice	83
Prudence singuliere de quelques Princes au fait des forc.	669	Radulphe de la cheute des dia- bles. 6. & de leur artifice	84
Pseaumes de Dauid vilainemēt profanez par les magiciens ecclesiastiques	488	Raison pourquoy on a cōtrou- uē que les esprits engēdroyēt	308
Pfelle a cōtrouué plusieurs cho- ses touchant les esprits	1	Reatio subtil basteleur	73
Pfelle disciple d'un magiciē	49	Recapitulation touchant les sorcieres	717
Pfilles guerissent de venin	335	Refutations de quelques obie- ctions	695
Puissance des diables cōment doit estre considérée	106.107	Religieuse bruslée en Hollan- de, & pourquoy	288
Puissance du diab. limitée	242	Religieuses	



Religieuses de Nieumeghe demoniaques	388	fame	128
Religieuses de Vvertet demoniaques	385	Rodigast idol. des Obotrites	17
Religieuses du conuent de Nazareth à Cologne affligées par le diable	394	Roger Bachon mag. infame	128
Remedes pour les demoniaques	461	Roine du ciel adree	14
Remedes superstitieux contre diuerſes maladies	475.476	Romains quels dieux auoyét	14
Remedes magiques, superstitieux & meſchant	491	Romains ſuperſtitieux entre tous autres peuples	17
Remedes des charmeurs pour ne ſentir douleur au corps	505	Romains magiciens	125
Remede ſuperſtitieux pour guerir la forcellerie	516	Rugiens grands idolatres	17
Remedes ſuperſtitieux contre la tempeſte	543.544	Rugieuithe idole des Rugiès	17
Remedes certains & approuuez pour guerir ceux qui contrefont les demoniaques	594	Rupert, de la cheute des diables. 7. & de leur artiſce	84
Remedes eſtranges contre la liaiſon des mariez	597	Ruſes du diable	40, &c.
Remi de l'artiſce du diable	84	S	
Remmon idole	13		
Remphan idole	13	Sacrifice execrable	217
Renoncement de Chreſtienté es forcieres	210	Sacrifices entre les anciens Grecs & Romains	14.15.16
Renoncement notable de ſoy meſme	592	Sacrifices de ſix cés ſoixâte ſortes entre les Egyptiens	17
Reſueries des forcieres	277.278	Sacrifices du ſang humain inuentez par le diable	19
Reuchlin docte entre tous les Alemans	129	Sacrificateurs de Bel comment deſcouverts	312
Reuolte des forcieres commét doit eſtre conſideree	732	Sahacat ſêmes africaines extremement vilaines	313
Rheubarbe ne chaſſe point le diable	517	Sages qui ont adoré Ieſus Chriſt quels	127
Riſee vilaine & deſhóneste du diable	28	Saincts ne gueriffent les maladies	195
Robert l'Anglois magicien infame		Suites peuple adorent la brebis	14
		Salomō n'a point eſté mag.	127
		Salonius de l'artiſ. des dia.	83
		Samuel n'eſt point apparu à Saul apres ſa mort	158.159.
		Sang humain offert aux idoles	20.21
		Sang comment eſtanché par les ſuperſtitieux	476
		Sang comment arreſté par les charmeurs	492



# I N D I C E.

Satan ennemi des enfans de Dieu	11	Serape estimé estre Beelzebul	12
Efforts de Satan	29	Serapis idole des Naucrantes	
Satan que signifie 86. ne peut	14		
sinon ce que Dieu veut	104.	Serpens cōment conjurez	479
pourquoy se transfigure en		Servante qui auoit l'esprit Py-	
ange de lumiere	239.	thonique	34
comment peut estre chassé	557.	Sexe humain peut estre trans-	
se moque de tout vn peuple,		formé naturellement & com-	
& en quelstermes	560	ment	438
Satyres quand creez selon l'o-		Signe de la croix & discours sur	
pinion des Rabins	17	iceluy	368
Satyres luxurieux	317	Silence rompu par paroles	508
Saul n'a point parlé à Samuel		Simōn le magicien	121.
mort, ains au diable	161. 162	malheureusement	127
Saxōs par quel moyen desfaits		Simon le mesnier exorciste tué	
par les Sclauons	55	par sa femme	560 561
Schleychpassa consolateur des		Sinna idole des Obotrites	17
affligez entre les Turcs	18	Sixieme liure traitant de la pu-	
Sciomançe que c'est	159	nition des magiciens forcie-	
Sclauons comment sacrifoyēt		res & empoisonneurs	613
à leur principale idole	22	Smaragdus de l'artifice du dia-	
Scythes adorent Minerue	14	ble	84
Second liure traitant des magi-		Socrates auoit vn diable fami-	
ciens infames	113	lier	94
Secret ridicule contre les sor-		Sodome occupee de malins e-	
celleries	500	sprits	11
Sedulius poëte Chrestien, de la		Sorcellerie estrange pour auoir	
chente des diables	6	de la pluye	269. 270.
Seinckmesse	563	comment guerie par quelques	
Sel exorcisé & sa vertu	548	prestres	467.
Semence ietee par les cauche-		magicien-	
mares, & ce qu'il en faut esti-		ne pour recouurer les choses	
mer	316	desrobes	485.
Sentence d'Hippocrates tou-		comment	
chāt les maladies que le vul-		peut estre certainemēt gue-	
gaire nomme du nom des		rie	574.
saincts	196	empeschant la	
Senons	302	compagnie des mariez com-	
Sentence Chrestienne d'Hip-		ment ostee	596. 597
pocrates	198	Sorcelleries que c'est	171.
			172
		Sorcelleries de bleds	263
			264



Sorcelleries comment gueries par les charmeurs	500	Sorcieres ont leur fantasie pour docteur & enseigneur	331	
Sorcelleries diuerſes & execra- bles	503	comment nuisent au beſtail	354.	
Sorcelleries contre ſorcelleries	508	ne peuuent guerir les maladies	371. pensent auoir executé ce que le diable a fait	63
Sorcelleries comment chassées par ceux de l'Eglise Romaine	539.540	asauoir si les ſotcleres ſont he- retiques	638. ont perdu l'entendement	638
Sorcelleries eſtranges & ridi- cules	607	Sorcieres qui ſe repentent eui- tent les punitions corporel- les ſelon l'auis de quelques iuriſconſultes	686,&c.com- ment punies àBoulogne	670
Sorcier que c'eſt	201.202	Sorcieres comment doyuent eſtre reduites quel chaſtimét elles meritent	693.694,&c	
Sorcier comment bleſſée par charmes	485	Si les ſorcieres ſont magicien- nes ſont alliance avec Satan renoncent Dieu,	699.700.de leur confeſſion. 702. de leur marque. 704. ſi elles ſont idolâtres, apoſtates, homici- des. 705. 706. ſi elles ont la compagnie des diables. 707 de leurs transformations, di- ſciples, ſi elles tuét par cere- monies magiques, ſi elles mettent les diables es corps, & leur ſont faire des meſ- chancetez dont eux ne ſ'au- royent	708.709.710.711
Sorcier ne diſant mot en la torture	507			
Sorcier Heſpagnole & ſon hi- ſtoire admirable	632			
Sorcier Angloiſe perit mal- heureusement	636			
Sorcieres quel pouuoir ont ſe- lon les poetes	203			
ceremonies des Sorcieres quel- les	207. leur ſynagogue			
leur onguent	209			
asauoir ſi les ſorcieres renon- cent à la foy chreſtienne	210			
pourquoy croient auoir fait choſes impoſſibles	236.n'e- uoyét point les maladies dôt elles ſe confeſſent eſtre cau- ſe			
folle fantasie des ſorcieres	256			
ne peuuent troubler l'air	261	Sosiſgene docteur phyſicien	71	
262. ne peuuent tempeſter les bleds	266.267	Soulfre & de ſa propriété	339	
Sorcieres en l'armee du roy de Suede & pourquoy	268	Stanitie idole des Rugiens	17	
refueries des ſorcieres	277.278	Statues d'or entre les Amor- rheens	13	
vilaine copulation des ſorcie- res	313	Steganographie liure de Tri- theme quel	139	
		ſterilité de la terre & peſte d'ou		



# INDICE.

procede	455	Teletes consecrations magi-	
Sternomance	175	ques	122
Stichiomance	173	Tépeste sur les biens de la terre	
Strige oiseau malencôtreux	201	ne peut estre attirée par les	
Stupidité es membres cōment		forcieres	265. 266
& par qui causée	509	Tempeste & sa description	274
Snātenith idole des Rugiēs	17	Tempeste de l'air comment a-	
Succoth Benoth idole des Ba-		païsee	542. 543. 544
byloniens	12	Tempeste excitée par les for-	
Succube & de la vanité d'ice-		cieres comment apaisée par	
luy	314. 315	les superstitieux	608
Suma idole des Polabes	17	Tephramance	171
Superstitiō cōbiē a d'efficace	528	Teraphin	181
Supplices divers doyuent estre		Ternistrateurs	91
imposez selō la diuersité des		Tertulian des noms des diables	
magiciens infames	613	12. touchant les pratiques	
Sybilles, leurs vers, & autorité		du diable 28. de la prom-	
quelle	23	ptitude & des merueilles que	
Sybilles blanches	97	font les diables 30. des	
Sycomance	171	ruses & efforts du diable 44.	
Sylvius	316	du signe de la croix	368
Syluestre second, pape, magi-		conseil de Tertulian contre les	
cien 468. sa repentance &		tentations 459. de la scien-	
mort	631. 632	ce des diables	523
Symmachus tué par vn roy des		Tesmoignage du diable pour-	
Gots, & ce qui en auint	56	quoy reietté par Iesus Christ	
Synagogue des forcieres	207	34. des docteurs anciens	
Synchus de l'artifi. des dia.	83	touchant les artifices & ma-	
T		chinations des diables 82.	
Tages deuin sorti de terre	56	que le diable ne conoit les	
Tartac idole des Heueens	13	penſées	112
Tatian syrien, touchant la crea-		Teutates idole des gaulois	12
tion & cheute des anges 8. 9.		Thamus idole	13
de la guerison faite par les		Theangelide & ses effects	283
diables	524	Thebains adorent la brebis &	
Taureau de Mahumēt, & com-		l'aigle	14
me ils s'en seruit	77	Theodoret de la cheute des dia-	
Taye de virginité en toutes fil-		bles 6. & de leur artifi.	84
les	288	Theodoric roy des Gots meurt	
Telchines peuples empoison-		de frayeur	57
neurs	336	Theologiens qui ont escrit de	
		la cheute	



la cheute des diables	4	Triacleurs	178
Theologiēns anciens se sont a-		Tridates magicien precepteur	
busez en l'exposition du pas-		de Neron	199
sage du 6. de Genese	298	Triglasidole des Stetiniens	17
Theophraste Paracelse depaint		Trismegiste descrit la cheute	
190		des diables	3
Theophylacte de l'artifice des		Tuccie nonnain vestale puise	
diables	82	de l'eau avec vn crible	150
Theourgie que c'est	120	Tuf dedans les iointures du	
Thresors commēt cerchez par		corps humain	411
les magiciens	502	Tullus hostilius roy foudroyé	
Thomas Eraſtus excellent me-		du ciel	129
decin	536	Turc subtil ioueur de passe pas-	
Thomas moine italien cōment		se	73
traité par le diable	59	Tybere cæsar voyoit clair de	
Thor grand dieu des Gots	17	nuict comme vn chat	336
Tibilæne idole des Noriciēs	15	Tiberius Atinius cōment trai-	
Tiers liure traittant des forcie-		té par le diable	526
res	201	Tyran prestre de Saturne, & ses	
Tiresias deuin fait sacrifier le		vileniēs	311
ſils de Creon	20		
Tiromance	171	V	
Tourmens diuers que le diable		Vache exorcisee & coniueree	
fait aux corps humains	43	par vn moine	560
Tourmens diaboliques au mo-		Vaches portees d'Espagne par	
nastere de Kentorp	389	dessus les mōts pyrenees	244
Tragedie des Iacopins de Ber-		Vairpassa patron de ceux qui	
ne	283	plaident entre les Turcs	18
Tragedies diaboliques en di-		Valent empereur s'enquiert du	
uers monasteres. 385. 86. & c.		diable & ce qui en auint	32
Tragedies de diuers faux demo-		Valentinians heretiques	128
niaques	442. 446. 448	Varro a trouué plus de 30000.	
Trāsformation fantastique des		dieux entre les payens	17
hommes en bestes	234	Veaux d'or adorez en Israel	14
Transformation d'hommes en		Velstaue euesque de Vigorne	
bestes est impossible	429. 430	magicien	469
Transformation naturelle du		Vents à vendre	148
ſexe humain	438	Vein contre venin sert	341
Transformation des forcieres		Venin du bestail cōment doit	
707. 708		estre gueri	610
Transgression d'Eue	8	Venus idole des Arabes & Pa-	
		phiciens	14. 15



Verge de Moyse veritablemēt transformee	152	Voirre où les deuins tiennent le diable enfermé doit estre cassé publiquement	620
Ver long de huit pieds & monstreux vomi par vn payfan	415	Voix ne conuient avec les images du ciel	495
Vers luisans de nuit	72	Volleurs sur corde	74
Versets des Pseaumes à qui le diable attribuoit grande vertu	64	Volonté de Dieu bride du diable	103
Vertu des paroles ne s'accorde avec l'harmonie du ciel	495	Volonté ne doit pas estre tousiours punie	699
Vespasian fait miracle	536	Volonté des forcieres commēt doit estre consideree	725
Vieillards sacrifiez à Mercure entre les Tauriciens	21	Vomissēmēs estranges	369.380
Vieille fantastique comment traitée	260.261	Vrane idole des Carthaginiēs	15
Villageois sentant le son des heures en son cœur	380	Vsage de la parole de Dieu quel	489
Villageois de Houel demoniaques	393	Vsurier miserable	264.265
Vin comment charmé par les magiciens	479	Vualdath idole	13
Virginité de la vierge Marie	292	Vulcain idole des Lemniens	15
Visions, voyez fantosmes		Z	
Vite idole des Rugiens	17	Zabulon ancien magicien	124
Vlpian ordonne que les liures de magie soyent abolis	141	Zairagia reigle cabalistique	178
Viric Neufesser au corps duquel apres sa mort on trouua choses estranges	382.383	Zamolxis inuenteur de la magie	124
		Zaroes magicien fouldroyé du ciel	129
		Zoroastre premier auteur de la magie infame fouldroyé du ciel	123

FIN DE L'INDICE SVR LES  
six liures de Jean Vrier.



# INDICE DES PRINCIPALES MATIERES

contenues es deux dialogues de Thomas Erastus:  
& en la sommaire rēponse adioustee  
entre deux.

*Le nombre signifie la page.*

## A

<b>A</b> ccord du diable avec les sor-	
cieres	820
<b>A</b> ccord des diables avec les sor-	
cieres quel	843
<b>A</b> duertissement aux iuges en la	
punition des sorcieres	783
<b>A</b> dultere pourquoy n'a point	
esté condamné par Christ	839
<b>A</b> gogimes	854
<b>A</b> lliance des sorcieres avec le	
diable examinee.	779
<b>A</b> lliance des sorcieres avec les	
diabes quelle	793.795
<b>A</b> lliez avec le diable condam-	
nez à mort	834
<b>A</b> postasie des sorcieres consi-	
derée	778
<b>A</b> pophthegme d'Athalaric cō-	
tre les malefiques	781
<b>A</b> pparitions des diables	843
<b>A</b> rchigenes medecin sorc.	853
<b>A</b> rgumens contre les sorcieres	
	789
<b>A</b> ristote touchant les sorcelle-	
ries	806
<b>A</b> rts des sorcieres plus nuisi-	
bles que les autres.	772
<b>A</b> rts illicites, & si les sorcieres	
en font profession	799
<b>A</b> thalaric, & son apophthegme	
	864

## B

<b>B</b> laspheateurs du nō de Dieu	
condamnez à mort, & com-	
me cela concerne les sorcie-	
res	836
<b>C</b>	
<b>C</b> harmes diuers	811
<b>C</b> harmes pratiquez par les sor-	
cieres	815
<b>C</b> lement allegué à fausses en-	
seignes	869
<b>C</b> ircé sorciere en quel temps	
	849
<b>C</b> hoses semblables ne sont ia-	
mais imaginees par deux me-	
lancholiques	872
<b>C</b> ompagnie des diables avec	
les sorcieres examinee	769
<b>C</b> ompagnie des esprits immon-	
des	782
<b>C</b> ōparaison des sorcieres avec	
la pythouisse de Saul	861
<b>C</b> onfession des sorcieres com-	
mēt doit estre examinee	857
<b>C</b> oniuratiōs des sorcieres	825
<b>C</b> ontract des sorcieres avec le	
diable ne se fait point en dor-	
mant ni par imaginatiō	720
<b>C</b> onuenance entre les magi-	
ciens & sorcieres	775
<b>C</b> opulation des malins esprits,	
& des sorcieres consideree	869.870,&c.



Corps que prend le diable que	843	864	Dit d'un roy des Gots	864
Crimes comment doyuent estre punis	392		Douceur quelle & comment couient aux Chrestiens	864
D			E	
Demoniaques & sorcieres disent	777		Eleazar Hebrieu tire le diable par le nez d'un demoniaque s'il en faut croire Iosephe	855
Demoniaques & sorcieres sont choses contraires, & comment	872.873		Empoisonneresses qui	810
Desnaturez condānez à mort, & comment cela couient aux sorcieres	836		Empuses	809
Deuins pourquoy condamnez à mort	771		Enchantemens diuers	812
recourir aux deuins comment chastiable	768		Enchanteresses qui	810
Diabie quelle puissance a & comme doit estre considerée	763.764		Enchanteurs condamnez à mort par la loy de Dieu	767
Diabie est aparū à Saul au lieu de Samuel	808		Enchanteurs de deux sortes	812
Diabie trompe lourdement les sorcieres	819		Enormité des pechez comment doit estre considerée	845.846
comment les 'diabies ont la compagnie des sorcieres	796		Erastus de quelle affection poulsé a escrire des sorcieres	786
Diabies paillardent avec les sorcieres	835		Especies de la magie detestable	809
Diablerie quelle au fait des sorcieres	872		Esprits bons & mauuais quelle puissance ont	763
Dieu a commandé qu'on fist mourir les sorcieres & pourquoy	766		Esprits immondes ont la compagnie des sorcieres	782
Dieu commande qu'on face mourir les magiciens	826		Euangile n'abolit point la punition des crimes en ce monde, encor que les malfaieteurs se repētent deuant Dieu	839
Difference entre les magiciens & sorcieres	820.821		Exemple de S. Pierre ne fauorise point au renoncement des sorcieres	856
Disciples des sorcieres	799		Exorcistes	812
Dispute des sorcieres en combien de points peut estre comprise	803		F	
			Fait des sorcieres comment consideré	819
			Familiarité plus grande de l'atā avec les sorcieres qu'avec les autres magiciens	844
			Fantosme du temps de l'Empereur Maximilian	810
			Fantosmes ne se reçoient pas d'une	



d'une mēme forte	872	Imposture des forcieres quelle	
Filles des forcieres mariees au diable	862.863		
Forces qui sont naturelles es choses y demeurent	782	Iosephe de quelle autorité	853
Frenesie des forcieres	823	Iugement des forcieres n'est pas tousiours corrompu de melancholie	862
	776		
<b>G</b>		Iuges comment doyuent proceder en la punition des forcieres	862
Galien condamne les sorcelles	853		783
Gentilhomme malade par imagination cōment gueri	798	Iuges ne pechent point en condannāt les forcieres à mort	872
<b>H</b>		Iunga oiseau des anciennes forcieres	806
Habitation charnelle des diables & forcieres consideree	866.870.&c.	Lamies nom de forcieres	809
Homicides condānez à mort, & si les forcieres le sont	831	Langue Hebraique comment doit estre entendue	851
		Liberté de l'Euangile n'abolit point l'autorité des magistrats	839
<b>I</b>		Limitation de la puissance des diables	764
Idolâtres condamnez à mort, & comment cela appartient aux forcieres	829	Liure de Cleopatra	798
Idolâtres execrables qui	856	Liure appelle l'Itineraire ou voyages de saint Pierre comment doit estre estimé	869
Idolatrie des forcieres	782		
Iesus Christ n'a point aboli la loy morale	838	Liures de magie doyuent estre bruslez	800
Ignorance n'excuse point les forcieres	773	Loy de Dieu condamne à grief chastiment ceux qui ont recours aux deuins, & ce qu'on doit recueillir de cela contre les forcieres	766
Illusions du diable cōmēt considerees au fait des forcieres	851	Loy de Dieu au 22. d'Exode comprend la forcierre	789
Illusions du diable comment doyuet estre considerees	843	Loy morale n'a point esté abolie par Iesus Christ	838
Imagination & son efficace	797	Loix impetiales condamnent les magiciens & leurs liures au feu	800
Imagination des forcieres n'est pas tousiours corrompue	863		
Imaginations de deux melancholiques ne se ressemblent point	872		
Impieté d'estre doux enuers ceux que Dieu cōdamne	781		



Loix des douze tables condam-	tes forcieres	867
nent les forcelleries 849	deux Melancholiques n'imagi-	
M	nent iamais choses sembla-	871
Magiciens pourquoy condam-	bles	
nez à mort 770.771	Meschanceté des forcieres plus	
Magiciens en quoy conuiennent	grande que celle des magi-	
avec les forcieres 775	ciens 842	
Magiciens & leurs liures con-	Meurtre des forcieres 782	
damnez par les loix diuines	Meurtriers. voyez Homicides	
& humaines 800	Miracles des diab. quels 822	
Magiciens qui 803	Mormolycies 809	
Magiciens & forcieres en quoy	Mot dót vñe Moyse parlant des	
different 820.821	forcieres au 22. d'Exode ex-	
Magiciens de diuerfes sortes	pliqué 850.851	
840	Moyse touchât la punition des	
Magie diuifée en deux efpeces	forcieres expose 768. con-	
809	dâne les forcieres à mort 827	
Malefiques condamnez à mort	N	
par la loy de Dieu 767	Necromantiens condamnez à	
Malefiques qui 774	mort par la loy de Dieu 767	
Malefiques condamnez à mort	Noms des forcieres 803	
par la Loy de Dieu 774	O	
Malefiques condamnez à mort,	OEuures des magiciens quelles	
& que les forcieres font de	808. ne font pas tousiours	
ce nombre 827	vaines & de nul effect 858	
Malfaiçeurs pourquoy tour-	Opinion d'Eraftus touchât son	
meritez & mis à mort 837	aduerfaire 860	
on ne doit pas pardonner aux	P	
Mal-fauteurs encor qu'ils se	Paillardise des forcieres avec le	
repentēt de leurs meschan-	diable 835. quelle 863.	
cetez 838	866	
Magistrats quelle autorité ont	Parties naturelles 868	
fur les forcieres 865	Peché des forcieres quel 783	
Magistrats exécuteurs de la sen-	Pechez comme doyuent estre	
tence de Dieu contre les for-	confiderez 845.846	
cieres 872	Periaptēs 854	
Magistrats quelle mefure doy-	Pharmakides nō Grec des for-	
uent tenir en la punition des	cieres que signifie 803.804	
forcieres 783	Philtres de deux sortes 804	
Marque des forcieres 817	Pierre pomponat philosophe	
Melācholie n'est pas en toutes	execrable 771	
	Plato	



Platon touchant les poisons & enforcellemens	805	S	Saga, nom, pourquoy attribué aux forcieres	813
Points principaux de la dispute	803		Salomon calomnie par Iosephe	855
Poison comment exprimé par les auteurs Grecs	852		Samuel n'est point aparue. Saul ains le diable	808
Pouuoir des magiciens & forcieres	774		Sang d'Vlysses estaché par charmes	849
Propriété du diable	824		Satan auteur de la puissance des forcieres	762
Puissance des forcieres iusques où s'estend	761		Satan maistre des forcieres	816
Puissance des bons & malins esprits	763		Sciomanziens condamnez à mort par la loy de Dieu	767
Puissance des diables à faire des miracles	823		Second dialogue d'Erasme que contient	801
Punition des forcieres comment doit estre reiglee	783		Secte des forcieres quelle	798
Punition des crimes quelle doit estre	792		Seduction des forcieres	782
Punition des forcieres surquoy fondee	837		Seduire & autres choses pres aux forcieres	863
Pythonisse en Endor	808		Sentence notable d'Athalaric	894
Pythonisse de Saul comparee avec les forcieres	861		Sexe comment doit estre espartné	781
R			Sirenes	849
Realité es apparitions du diable	844		Six argumens monstrans qu'il faut brusler les forcieres	789
Rendre bien pour mal comment doit estre entendu	839		Sorcellerie crime capital & comment	860
Renoncement des forcieres examiné	778		Sorciere que c'est	814
Renoncement de Dieu par les forcieres	816		Sorcieres quelle puissance ont, & iusques où elles s'estend	761
quel renoncement de Dieu merite la mort	838		sauoir si c'est bien fait de mettre à mort les forcieres	795
Renoncement de saint Pierre ne conuient aucunement à celui des forcieres	856		Sorcieres en quoy conuiennent avec les magiciens	775
Reuolte des forcieres ne peut estre excusée par aucune raison	862		sauoir si ce que font les forcieres procede de frenesie	776



# I N D I C E.

Si les sorcieres sont demonia- ques	777	Sorcieres & magiciens en quoy different	820-821
Sorcieres dès quel temps au mô de	778	Sorcieres sont idolatres	829
Si les sorcieres sont magicien- nes	781	Seducteurs cõdamnez de Dieu, & comment cela appartient aux sorcieres	830
Sorcieres sont idolatres, homi- cides, seduiset les autres, ont la compagnie des mauuais esprits	782	Sorcieres paillardent avec les diabes	835
Sorcieres comment doyuent estre punies	783	Sorcieres comparees avec la Pythonisse de Saul	861
commet ont la compagnie des diabes	796.797	Sortes diuerfes de magiciens	840
Si les Sorcieres font profession d'arts illicites	799	Striges que signifie, pourquoy ce nom a esté donne aux sor- cieres	820
Sorcieres ont diuers noms	803	<b>T</b>	
pourquoy appellees magiciènes	806	Theologiens & leur opinion de la puissance & impuissan- ce des esprits	763
Sortes d'enchantemés desquels on se sert	812	Theourgic	807
Sorcieres de toutes sortes & de tous aages	817	Theffaliennes sorcieres	806
Sorcelleries ne se font pas en dormant	818	<b>V</b>	
		Vanterie des sorcieres	819
		Vilenie des sorcieres	866.867

F I N.




































1500.-

2.5.83



